


SC-15-Pl. 6



ARA 237

(P)







BIBLIA SACRA

VULGATAE EDITIONIS
SIXTI V. PONTIFICIS MAXIMI

iussu recognita,

& CLEMENTIS VII.

auctoritate edita

cum selectissimis Litteralibus Commentariis

IOANNIS GAGNABE,
IOANNIS MALDONATI,
EMMANUELIS SA,
GUILIELMI ESTII,
IOANNIS MARIANAE,
PETRI LANSSELI.

THOMAE MALVENDAE,
IO. STEPHANI MENOCHII,
IACOBI TIRINI,
IACOBI GORDONI,
& IACOBI BENIGNI BOSSUET.

A C C E D U N T

Romanæ Correctiones, ac Lectionum Varietates a FRANCISCO LUCA BRUGENSI
observatæ, & Notationes in loca variantia ab eodem concinnatæ, in sua singulæ ca-
pita tributæ: nec non selecta variorum Prolegomena, nunc primum in unum collecta:
indices denique plures accuratissimi.

TOMUS TERTIUS


complectens NUMEROS, & DEUTERONOMIUM.



VENETIIS

M D C C X L V I I

Excuderunt { MODESTUS FENTIUS, &
IOANNES TYBERNINUS sub signo Providentiæ:
SUPERIORUM PERMISSU AC PRIVILEGIO.





LIBER NUMERORUM, HEBRAICE VAIEDABBER.

Noc in Libro, populi Hebraei variae enumerationes recensentur, & eorum maxime qui ferendis armis erant idonei: unde apud Græcos, & Latinos Liber Numeri, aut Numerorum inscribitur. Res gestas Mosi per 39. fere annos, nempe a secundo mense anni secundi post exitum ex AEgypto, ad initium usque mensis undecimi quadragesimi anni complectitur. Quod hic Liber Mosem habeat auctorem, ex iis quæ dicta sunt in Pentateuchi præfatione plenum est. Et quidem cum Moses in Lege sua Israelitas admoneat, ut eorum quæ Core, Dathan & Abiron acciderunt, meminerint, id omnino abhorret a verisimili huius eventus historiam ab eo scriptam non fuisse. Deinde cum Tribuum distinctione & Levitarum institutione omnis Reipublicæ status niteretur, eorum Genealogias, ut in libro Numerorum sunt descriptæ, ommittere non potuit Moses: nam cæ Tribuum distinctio & Levitarum constitutio stare non poterant; ubi Genealogie confunderentur.



C A P U T P R I M U M.

Numeratis duodecim tribuum bellicis viris, filii Levi ad deferendum tabernaculum instituuntur.

1. **L**ocutusque est Dominus ad Moysen in deserto Sinai in tabernaculo foederis, prima die mensis secundi, anno altero egressionis eorum ex Aegypto, dicens: 2. (a) Tollite summam universae congregationis filiorum Israel per cognationes & domos suas, & nomina singulorum, quidquid sexus est masculini 3. a vigesimo anno & supra, omnium virorum sortium ex Israel, & numerabitis eos per turmas suas, tu & Aaron. 4. Eruntque vobiscum principes tribuum ac domorum in cognationibus suis, 5. quorum ista sunt nomina: De Ruben, Elisur filius Sedeur: 6. de Simeon, Salamiel filius Surisaddai: 7. de Iuda, Nahasson filius Amiadab: 8. de Issachar, Nathanael filius Suar: 9. de Zabulon, Eliab filius Helon. 10. Filiorum autem Ioseph, de Ephraim, Elisama filius Ammiud: de Manasse, Gamaliel filius Phadasur. 11. De Benjamin, Abidan filius Gedeonis: 12. de Dan, Ahiezer filius Amisaddai: 13. de Aser, Phogiel filius Ocheran: 14. de Gad, Eliasaph filius Ducl: 15. de Nephthali, Ahira filius Enan. 16. Hi nobilissimi principes multitudinis per tribus & cognationes suas, & capita exercitus Israel: 17. quos tulerunt Moyses & Aaron cum omni vulgi multitudine: 18. & congregaverunt primo die mensis secundi, recensentes eos per cognationes, & domos, ac familias & capita, & nomina singulorum, a vigesimo anno & supra, 19. sicut praeceperat Dominus Moysi. Numeratique sunt in deserto Sinai. 20. De Ruben primogenito Israelis per generationes & familias ac domos suas, & nomina capitum singulorum, omne quod sexus est masculini a vigesimo anno & supra, procedentium ad bellum, 21. quadraginta sex millia quingenti. 22. De filiis Simeon per generationes & familias ac domos cognationum suarum recensiti sunt per nomina & capita singulorum, omne quod sexus est masculini a vigesimo anno & supra, procedentium ad bellum; 23. quinquaginta novem millia trecenti. 24. De filiis Gad per generationes & familias ac domos cognationum suarum recensiti sunt per nomina singulorum a viginti annis & supra, omnes qui ad bella procederent, 25. quadragintaquinque millia sexcenti quinquaginta. 26. De filiis Iuda per generationes & familias ac domos cognationum suarum, per nomina singulorum a vigesimo anno & supra, omnes qui poterant ad bella procedere, 27. recensiti sunt septuaginta quatuor millia sexcenti. 28. De filiis Issachar per generationes & familias ac domos cognationum suarum, per nomina singulorum a vigesimo anno & supra, omnes qui ad bella procederent, 29. recensiti sunt quinquaginta quatuor millia quadringenti. 30. De filiis Zabulon per generationes & familias ac domos cognationum suarum recensiti sunt per nomina singulorum a vigesimo anno & supra, omnes qui poterant ad bella procedere, 31. quinquaginta septem millia quadringenti. 32. De filiis Ioseph, filiorum Ephraim per generationes & familias ac domos cognationum suarum recensiti sunt per nomina singulorum a vigesimo anno & supra, omnes qui poterant

ad bella procedere, 33. quadraginta millia quingenti. 34. Porro filiorum Manasse per generationes & familias ac domos cognationum suarum recensiti sunt per nomina singulorum a viginti annis & supra, omnes qui poterant ad bella procedere, 35. triginta duo millia ducenti. 36. De filiis Benjamin per generationes & familias ac domos cognationum suarum recensiti sunt nominibus singulorum a vigesimo anno & supra, omnes qui poterant ad bella procedere, 37. triginta quinque millia quadringenti. 38. De filiis Dan per generationes & familias ac domos cognationum suarum recensiti sunt nominibus singulorum a vigesimo anno & supra, omnes qui poterant ad bella procedere, 39. sexaginta duo millia septingenti. 40. De filiis Aser per generationes & familias ac domos cognationum suarum recensiti sunt per nomina singulorum a vigesimo anno & supra, omnes qui poterant ad bella procedere, 41. quadraginta millia & mille quingenti. 42. De filiis Nephthali per generationes & familias ac domos cognationum suarum recensiti sunt nominibus singulorum a vigesimo anno & supra, omnes qui poterant ad bella procedere, 43. quinquaginta tria millia quadringenti. 44. Hi sunt quos numeraverunt Moyses & Aaron, & duodecim principes Israel, singulos per domos cognationum suarum. 45. Fueruntque omnis numerus filiorum Israel per domos & familias suas a vigesimo anno & supra, qui poterant ad bella procedere, 46. sexcenta tria millia virorum quingenti quinquaginta. 47. Levitæ autem in tribu familiarum suarum non sunt numerati cum eis. 48. Locutusque est Dominus ad Moysen, dicens: 49. Tribum Levi noli numerare, neque pones summam eorum cum filiis Israel; 50. sed constitue eos super tabernaculum testimonii & cuncta vasa eius, & quidquid ad caeremonias pertinet. Ipsi portabunt tabernaculum & omnia utensilia eius: & erunt in ministerio, ac per gyrum tabernaculi metabuntur. 51. Cum proficiscendum fuerit, deponent Levitæ tabernaculum; * cum castrametandum, erigent: quisquis externorum acceperit, occidetur. 52. Metabuntur autem castra filii Israel unusquisque per turmas & cuneos atque exercitum suum. 53. Porro Levitæ per gyrum tabernaculi figent tentoria, ne fiat indignatio super multitudinem filiorum Israel, & excubabunt in custodiis tabernaculi testimonii. 54. Fecerunt ergo filii Israel iuxta omnia quæ præceperat Dominus Moysi.

(4) Exod. xxx. 12.

B R U G E N S I S

ROMANA CORRECTIO.

V. 51. *Cum castrametandum.* Alii *cum castra metanda*, duabus vocibus, numeroque plurali, minus recte.

NOTATIO.

V. 51. *Cum proficiscendum fuerit, deponent Levitæ tabernaculum; cum castra metanda, erigent.* Quædam exemplaria legunt, *Cum castrametandum, erigent.* In Hebræo, Chaldæo, & Græco *proficisci* & *castrametari* tabernaculo tribuitur: In *proficiscendo* tabernaculum, deponent illud Levitæ; & in *castrametando* tabernaculum, er. Verum id cum eo quod in nostra est edi-

tionem, in idem redit: simul enim proficiscebantur, & castrametabantur tabernaculum, atque exercitus, Num. ix. nube, aut deferente tabernaculum, aut operiente: Exod. xl. vers. 34. Est autem loci istius sensus: Cum tabernaculum alio transferendum erit, Levitæ illud in partes, ex quibus componitur, resolvent; cum autem constitit uno in loco, iidem illud constituent, atque erigent. Quisquis autem qui de tribu Levi non sit, aut ad dissolvendum, aut ad construendum acceperit, iudicium sententia interficietur. Quod nos habemus, *Quisquis externorum acceperit*, multa scripta legunt *externorum*, Rabanus *extraneorum*. Annotavit autem & Rabanus intelligi hoc loco etiam Israelitas, qui de tribu Levi non sunt.

COM-

S A.

Verf. 1. **S**INATID EST, quod est prope montem Sinai. SECUNDO, scilicet Aprilis.

Verf. 2. DOMOS SUAS. Hebr. & Chald. LXX. domos patrum suorum, ut sit explicatio præcedentis. LXX. per domos familiarum suarum.

V. 3. FORTIUM. Hebr. Chald. & LXX. egredientium ad bellum: scilicet qui essent ad militiam apti. PER TURMAS SUAS. Hebr. & Chald. per vexilla sua, seu cum vexillis suis.

V. 5. FILIUS SEDEUR. Hebræi loco cognominis addunt filii nomini, nomen patris.

V. 16. EXERCITUS, id est multitudo.

V. 13. EOS, id est multitudinem, seu populum. DOMOS. Hebr. domos patrum suorum.

V. 20. GENERATIONES, id est cognationes. PROCEDENTIUM; id est, qui procedere poterant. Vide infra.

V. 32. FILIORUM, id est posterorum.

V. 50. VASA, id est instrumenta, scilicet suppellectilem. AD CAEREMONIAS PERTINET: scilicet, Hebr. in eo est. Chald. ad illud pertinet.

V. 51. EXTERNORUM, scilicet qui non sit de tribu Levi. OCCIDETUR, scilicet iudicium sententia.

V. 52. CUNEOS. Hebr. vexilla.

E S T I I.

V. 47. **L**EVITAE AUTEM IN TRIBU FAMILIARUM SUARUM NON SUNT NUMERATI CUM EIS. Rationem cur Levitæ non fuerint numerati cum ceteris tribubus filiorum Israel, adfert Scriptura: quia constituti erant ad serviendum tabernaculo, & faciendum ea quæ ad cultum divinum pertinebant; & propterea non erant numerandi cum iis quorum officium erat, ingruente bello, ad pugnam procedere. Hinc argumentum sumi potest, tanto magis clerum Ecclesiasti-

cum esse debere immunem ab officiis & oneribus belli, quanto sacratiora mysteria ab illis tractantur. Sciendum tamen Levitas non ita fuisse a negotiis belli immunes, quin prælio interesse possent, non tam ad pugnandum, quam ad exhortandum alios, ut habemus Deut. xx. ubi iubetur sacerdos, appropinquante prælio, stare ante aciem, & præscriptis verbis populum exhortari, quod & factum legitur II. Par. xlii. Filii quoque Heli cum arca Domini præsentem erant in prælio. Item tempore Machabæorum legimus sacerdotes pugnasse in prælio; & ipse Iudas Machabæus, Ionathas & Simon fratres eius, & summi sacerdotes erant, & belli duces. Itaque licitum illis erat prælio interesse, & contra hostem pugnare, quia tales erant sacerdotes qui cruenta tractarent sacrificia: non tamen ex lege tenebantur. Sacerdotibus autem novæ legis illicitum est, eo quod incremto sacrificio offerendo deputati sunt; ideoque eos a cruore fundendo. convenit esse maxime alienos.

V. 51. QUISQUIS EXTERNORUM ACCESSERIT, OCCIDETUR. Externos vocat non alienigenas tantum, sed & omnes eos qui non erant de tribu Levi. Reliquis igitur Israelitis: quidem licitum erat accedere ad ostium tabernaculi, causa orandi; aut offerendi sacrificia, sed non ad faciendum ea quæ peculiariter Levitis mandata erant, id est ad erigendum, vel deponendum tabernaculum, & omnino ad contrahenda ea ex quibus tabernaculum compositum erat. Notandum, quod in Hebr. pro deponere, & erigere, est dissolvere, & construere. seu componere. Quando enim proficiendum erat, & tabernaculum transferendum, Levitæ resolvebant illud in partes, ex quibus compositum erat; cum autem quiescendum erat aliquo in loco, rursum construiebant illud, partibus compositis inter se.

M A R I A N A E.

Verf. 3. **T**OLLITE SUMMAM... VI-
RORUM FORTIUM. Hebr. egredientium ad exercitum in Israel: nimirum qui possunt arma capere.

V. 16. HI NOBILISSIMI PRINCIPES MULTITUDINIS. Hebr. *Hi vocati* & congregatione, id est & populo, principes tribuum patrum suorum.

V. 18. RECENSENTES EOS PER COGNATIONES. Hebr. *Et adgenerati sunt per familias*: nimirum singuli adscripti sunt familiis suis.

V. 30. SED CONSTITUTE EOS. Sic Sept. & Chaldaeus; sed vox Hebraica *חָפְקָהּ* *haphked* reddi potest, numerare fac *Levitas super tabernaculo*; ut quos a populi numero excludit quasi ab oneribus populi immunes, mandet tamen sigillatim numerari ad opera tabernaculi perficienda.

MALVENDAE. *

Vers. 3. OMNIUM VIRO-
RUM FOR-
TUM. Heb. *Omnes egredientem exercitus*. Quidam, *Omnes aptos ad egrediendum in militiam*. Qua ratione notant excludi, non minores aetate solum, sed causarios quoque omnes, quos aut senium, aut valetudinis gravitas impedit. Sic in sequentibus passim. ET NUMERABITIS EOS PER TURMAS SUAS. Hebr. *Vistabit is eos per militias, exercitus, eorum*. Quidam reddunt: *Agetis, habebitis, facietis delectus*.

V. 4. ERUNTQUE VOBISCUM, &c. Nos hunc versum in nostra Translatione ex verbo, nostro more reddidimus (*Et ad vos erunt vir vir baculo : vir caput domui patrum suorum ipse.*) Alii ita transferunt: *Sintque vobiscum viri de singulis tribubus, quorum quilibet caput domus sit patrum suorum*. Alii: *Sunto autem vobiscum vir unus ex unaquaque tribu : vir primarius in domo maiorum suorum esto*; id est, Adfint vobis in faciendo delectu vir unus ex unaquaque tribu: & quisque ex istis viris sit primarius, princeps familiæ suæ.

V. 16. NOBILISSIMI. קִרְיָיִם *keriim* proprie vocati, convocati: nimirum convocari soliti ad consilia capiendi de rebus Regni & rei publicæ. Exponunt, maiores, magnates, famati, celebres, incliti, magni nominis: qui ab omnibus vocari & appellari solent. Hispanica translatio, *llamados de la compana*. Hi ergo suam quisque tribum representabat.

V. 17. QUOS TULERUNT, &c. Hunc versum ex Hebræo quidam ita reddunt: *Et accepit Moses & Aharon viros illos, qui*

cavati sunt cum nominibus; id est, quorum nomina punctis sunt notata. Alii: *Viros istos, qui nuncupati sunt in nominibus*. Verbum נִקְּבָה *nikkebu* convenit cum *nuncupati*. Nonnulli: *Assumpsit itaque Moses, & Aharon viros istos, qui expresse nominati fuerant*; vel qui diserte expressi sunt nominibus suis. Observant, verbum נָקַב *nakab* hic peculiarem modum significandi habere, nempe excavare in dica, seu notare, aut signare foraminibus seu puncturis: sic etiam sumi I. Paralip. xii. vers. 31. Vide Genes. xxx. vers. 28.

V. 18. RECENSENTES. יִתְּרוֹ *ithpael* verbum ex *Hithpael* varie convertunt. I. *Aggeneraverunt se*. II. *Secundum genealogiam recensiti sunt*. III. *Genealogati, seu genealogizati sunt*. IV. *Offenderunt a quo genti essent, sive offenderunt, & ediderunt suum genus*. V. *Natales suos professi sunt*.

V. 20. PER GENERATIONES ET FAMILIAS AC DOMOS SUAS. Notant progrehi hic Moſen a genere ad speciem: primum generationes ponere, quia initium ab uniuscuiusque tribu fieri oportuit, nimirum a primo generis proauctore; deinde ad familias (quas & domos patrum appellat, tamquam synonyma) descendere; in familiis deinde cenſari capita.

V. 31. QUISQUIS EXTERNORUM ACCESSERIT, OCCIDETUR; id est, quicumque non fuerit e tribu Levi, si propius accesserit ad admovendas manus, deponendo, aut erigendo tabernaculo, interficietur iudicum sententia. Sic vox *alieni*, & *extranei* sæpius sumitur in lege pro eo qui non esset de genere Sacerdotali, aut Levitico.

* Die 22. Aprilis 1622.

MENOCHII.

Vers. 1. IN DESERTO SINAI. Omnia enim hæc a cap. i. usque ad cap. x. num. ii. facta sunt in duodecima mansione, quæ fuit in Sina. IN TABERNACULO, in Sancto sanctorum, & propitiatorio.

V. 2. TOLLITE SUMMAM. Alius etiam census populi initus fuerat in deserto ante fabricam tabernaculi pro contributione ad eandem excitandam Exod. xxxviii. 25. Nunc secundo numeratur populus ad castra melius & ordinatius instruenda, & ut exactius populi numerus constaret, aptiusque castra circa tabernaculum disponerentur.

tur. FILIORUM ISRAEL: nulli enim profelyti, aut Aegyptii, aut ex aliis gentibus oriundi numerati sunt, licet non exigua horum esset multitudo inter Hebræos, ut patet Exod. xii. 38. QUID QUID SEXUS EST MASCULINI: nam feminae, & pueri ad bella inepti; hic autem ineunda erat summa virorum fortium, quorum usus in bello esse poterat.

V. 3. A VIGESIMO ANNO ET SUPRA: quia hæc ætas militiæ apta. OMNIUM VIRORUM FORTIUM. Omnes plane numerati, & omnes fortes erant divino beneficio: nam, ut est in Psal. non erat in tribus eorum infirmus.

V. 4. PRINCIPES TRIBUUM. Princeps tribus erat primogenitus qui ab ipso capite tribus, sive a Patriarcha, verbigratia Iuda, directe per lineam primogenitorum descendebat. Simili modo principes familiarum erant primogeniti familiæ illius.

V. 5. DE RUBEN. Tribus, & Patriarchæ ordine tori numerantur: primo filii uxoris Liæ, tum filii Rachelis, tandem filii ancillarum.

V. 16. NOBILISSIMI. Vox Hebræa invitatis, vel vocatis significat; sæpe tamen pro magnatibus, nominatis, illustribus, aut fama inleytis accipitur.

V. 17. QUOS TULERUNT: quorum nomina tulerunt, & in tabulas census retulerunt.

V. 20. PER GENERATIONES. Generatio hic latius patet quam familia, aut domus; & una generatio, sive, ut Latini loquuntur, *Gens*, plures familias, domosque amplectitur.

V. 47. LEVITAE. NON SUNT NUMERATI: quia in castrorum meatione non collocabantur cum aliis tribubus, eo quod circa ipsum tabernaculum eius ministeriis deputati versabantur, ut patet num. 50. ideoque a duodecim tribubus secreti fuerunt tamquam pars, & tribus Domini, eius obsequiis dicata.

V. 50. ET QUIDQUID AD CAEREMONIAS PERTINET, omnia vasa, omnemque suppellectilem tabernaculi. PER GYRUM TABERNACULI, & etiam atrii. Quo ordine circa tabernaculum confederint, habes infra cap. 11.

V. 51. CUM CASTRAMETANDUM, cum castra locanda, & figenda erunt. EXTERNORUM: qui non sunt de tribu Levi.

V. 52. PER TURMAS ET CUNEOS: Hebr. *per vexilla sua*.

V. 53. EXCUBABUNT IN CUSTODIIS, diligenter custodient excubantes.

T I R I N I.

Vers. 3. N UMERABITIS EOS PER TURMAS SUAS. Et in hoc distinguitur istud lustrum ab altero priore quod factum est Exod. xxxviii. paulo ante erectum tabernaculum, ultimo mense anni prioris ab egressu ex Aegypto: quod illud prius lustrum institueretur ad censum per capita pendendum pro sumptibus fabricæ tabernaculi; istud vero secundo mense post erectum iam tabernaculum, proprie ad militarem delectum spectabat, & causa belli, atque exercitus ordinandi. Hinc numerando, in turmas, chiliarchias & centurias distribuebantur; & singulis harum sua capita, duces seu principes præficebantur, non tam iure primogenituræ (quamquam ceteris paribus ratio illius haberetur) quam tribuum electione secundum merita, & res fortiter gestas singulorum.

Nota. Ab hac enumeratione bellatorum, a qua hic Liber initium sumit, & ab aliis pluribus enumeratibus, partim itinerum, & mansionum in deserto, quæ sequentibus capitibus recensentur, idem Liber accipit nomen Græce ἀριθμῶς, latine *Numeri*; licet plura alia tum historica, tum cæremonialia, tum iudicialia illo contineantur.

V. 49. TRIBUM LEVI NON NUMERARE. Quia Levitæ a militia erant exempti, teste Iosepho: non quod arcerentur, si vel necessitas id postularet, vel sponte militare vellent; sed quod cogi non possent. Patet: nam & Machabæi sacerdotes, & qui deinceps fuerunt pontifices simul ac populi duces, plurima bella gesserunt: & ipse Flavius Iosephus, quem iam testem citavi, sacerdos idem, & militum præfectus fuit, ut ipsemet passim scribit.

EX GORDONI AUCTARIO.

Quæ hic, & deinceps narrantur usque ad cap. decim. vers. 11. gesta sunt in Sina, ubi numeratur mansio ab aliquibus octava, ab aliis duodecima.

V. 2. TOLLITE. Hic secundus populi census habetur, ut possint recte ordinari ca-

castra. Prior habitus Exod. xxxvi. 25. fuit pro contributione ad fabricam tabernaculi. In hoc censu non sunt numerati profelyti, aut Aegyptii, quamvis horum satis manus esset numerus.

V. 4. Principes familiarum erant primo-

geniti: Principes tribuum erant primogeniti recta descendunt a capite tribus.

V. 47. Vides ex versu 50. Levitas non debere numerari; utpote qui sepositi a castris astabant tabernaculo. Vide cap. 111. de horum ordine.

C A P U T II.

*Qua tribus ad quamvis mundi plagam ordinentur;
recensitis familiarum principibus.*

1.  Ocutusque est Dominus ad Moysen & Aaron, dicens: 2. Singuli per turmas, signa, atque vexilla, & domos cognationum suarum, * castrametabuntur filii Israel, per gyrum tabernaculi scderis. 3. Ad Orientem Iudas figet tentoria per turmas exercitus sui: eritque princeps filiorum eius Nahasson filius Aminadab: 4. & omnis de stirpe eius summa pugnantium, * septuaginta quatuor millia sexcenti. 5. Iuxta eum castrametati sunt de tribu Issachar, quorum princeps fuit Nathanael filius Suar: 6. & omnis numerus pugnantium eius, quinquaginta quatuor millia quadringenti. 7. In tribu Zabulon princeps fuit Eliab filius Helon. 8. Omnis de stirpe eius exercitus pugnantium, quinquaginta septem millia quadringenti. 9. Universi qui in castris Iudae annumerati sunt, fuerunt centum octoginta sex millia quadringenti: & per turmas suas primi egredientur. 10. In castris filiorum Ruben ad meridianam plagam erit princeps Elisur filius Sedeur: 11. & cunctus exercitus pugnantium eius qui numerati sunt, quadraginta sex millia quingenti. 12. Iuxta eum castrametati sunt de tribu Simcon: quorum princeps fuit Salamiel filius Surisaddai: 13. & cunctus exercitus pugnantium eius qui numerati sunt, quinquaginta novem millia trecenti. 14. In tribu Gad princeps fuit Eliasaph filius Ducl: 15. & cunctus exercitus pugnantium eius qui numerati sunt, quadraginta quinque millia sexcenti quinquaginta. 16. Omnes qui recensiti sunt in castris Ruben, centum quinquaginta millia & mille quadringenti quinquaginta per turmas suas: in secundum loco proficiscuntur. 17. Levabitur autem tabernaculum testimonii per officia Levitarum & turmas eorum: quomodo erigetur, ita & deponetur. Singuli per loca & ordines suos proficiscuntur. 18. Ad occidentalem plagam erunt castra filiorum Ephraim, quorum princeps fuit Elisama filius Ammiud: 19. cunctus exercitus pugnantium eius, qui numerati sunt, quadraginta millia quingenti. 20. Et cum eis tribus filiorum Manasse, quorum princeps fuit Gamaliel filius Phadasur: 21. cunctusque exercitus pugnantium eius qui numerati sunt, trigintaduo millia ducenti. 22. In tribu filiorum Benjamin princeps fuit Abidan filius Gedeonis: 23. & cunctus exercitus pugnantium eius qui recensiti sunt, triginta quinque millia quadringenti. 24. Omnes qui numerati sunt in castris Ephraim, * centum octo millia centum per turmas suas: tertii proficiscuntur. 25. Ad Aquilonis partem castrametati sunt filii Dan: quorum princeps fuit Ahiezer filius Ammisaddai: 26. cunctus exercitus pugnantium eius qui numerati sunt, sexaginta duo millia

septingenti. 27. Iuxta cum fixere tentoria de tribu Aser: quorum princeps fuit Phegiel filius Ochran: 28. cunctus exercitus pugnatorum eius qui numerati sunt, quadraginta millia & mille quingenti. 29. De tribu filiorum: Nephthali princeps fuit Ahira filius Enan: 30. cunctus exercitus pugnatorum eius, quinquaginta tria millia quadringenti. 31. Omnes qui numerati sunt in castris Dan, fuerunt centum quinquaginta septem millia sexcenti: & novissimi proficiscuntur. 32. Hic numerus filiorum Israel, per domos cognationum suarum & turmas divisi exercitus, sexcenta tria millia quingenti quinquaginta. 33. Levitæ autem non sunt numerati inter filios Israel: sic enim præceperat Dominus Moyfi. 34. Ecce runtque filii Israel iuxta omnia quæ mandaverat Dominus. Castrametati sunt per turmas suas, & profecti per familias ac domos patrum suorum.

B R U G E N S I S

ROMANÆ CORRECTIONES:

V. 2. *Castrametabuntur filii Israel. Alii scribunt genitivo casu filiorum: minus apte.*

V. 4. *Septuaginta quatuor millia sexcenti. Non scribas secundo casu sexcentorum.*

V. 24. *Centum octo millia centum. Non est omittendum posterius centum.*

C O M M E N T A R I A.

S A.

Vers. 2. **P**ER CYRUM, scilicet distantia unius milliarii a tabernaculo, secundum Hebræos.

V. 3. **IUDAS.** Dicunt Hebræi in vexillo Iudæ fuisse leonem; Ruben, hominem; Ephraim, bovem; Dan, aquilam.

V. 5. **CASTRAMETATI SUNT;** pro, castrametabuntur. Hebr. *castrametantes*: sic & infra.

V. 9. **CASTRIS IUDÆ,** scilicet & duorum qui prope: sic infra.

V. 14. **DUEL.** Hebr. *Rehuel*. Chald. *Rehuel*. LXX. *Raguel*.

V. 17. **LEVABITUR,** scilicet post castra Ruben. Nota, quod tabernaculum ferebatur in medio quatuor vexillorum primariorum: nam minora plurima. Vide infra cap. x. **PER OFFICIA LEVITARUM,** &c. Hebr. Chald. & LXX. significant debere Levitas proficisci in mediocastorum, & quemque proficisci debere ut est castrametatus, scilicet sub vexillis suis in ordine suo. Nostra Editio indicat, quo ordine portantur res tabernaculi, eodem reponendas a Levitis.

E S T I I.

Vers. 2. **S**INGULI PER TURMAS, SIGNA, ATQUE VEXILLA. In Hebræo unum vexillum attribuitur simul tribus familiis seu tribubus; atque ita in universum saltem quatuor fuisse vexilla: sed hæc præcipua erant & maiora: nam minora fuisse putantur singularum domorum. Porro tradunt Hebræi in maioribus illis vexillis, in primo vexillo pictam fuisse imaginem hominis, in secundo leonis, in tertio bovis, in quarto aquilæ. Quod si verum est, præter mysterium vel quatuor Evangeliorum, vel quatuor monarchiarum mundi, ostenditur ex eo non simpliciter prohibitum fuisse Iudæis habere aliquam animantis imaginem, sed tantum ne adoraretur. Rationes autem huiusmodi imaginum singulis vexillis attributarum, qui discere cupit, videat apud Lyrarum.

M A R I A N A E.

Vers. 5. **I**UXTA EUM. *יְהִי בְּעִמּוֹ* *halau, super eum.* Sed præpositio illa Hebræis pro iuxta ponitur, ut vertit Pagn. & pro cum, ut vertunt alii: scilicet *castra-*
me-

metati sunt cum eo. Noster aliquando hoc vertit pro *habet*, iuxta, aliquando cum, certe vers. 20.

V. 17. PER LOCA ET ORDINES SUOS. Hebr. *super manum suam*; sed *super* sumitur pro *in*, & *manus* pro *loco*, quia manu cuncta ut loco recipimus. Sic *mare magnum* & *spatiosum manibus* dicitur Psalm. cxlii. vers. 27. id est locis. Ergo sensus est quem Noster expressit: *וְיָמָא, vir*, id est quisque: singuli in loco suo, aut per loca sua proficiuntur.

V. 18. AD OCCIDENTALEM PLAGAM. Hebr. *ad mare*: sic Sept. sed ea voce Occidens significatur, quoniam mare nostrum ad Occasum est Palæstinæ.

M A L V E N D A E.

Vers. 2. SIGNA ATQUE VEXILLA. Duo hic vocabula ponuntur

Hebraica: דגל *degel*, vexillum, signum militare maius, qualia & Romanis aquilæ: unde quidam conferunt cum transposito גדל *gadal*, magnum esse: & מומ *omot*, signa militaria minora. In Hebraico exercitu erant quatuor magna & insignia vexilla, nempe Iudæ, Ruben, Ephraim, & Dan; & multa alia minora. De his vexillis multa tradunt Hebræi: fides penes ipsos, quibus mirum commotos fuisse plurimos ex nostris Explanatoribus. Vide Drusium hic. PER GYRUM TABERNACULI. Hebr. *E regione, circum tabernaculum*. Quidam, *prope, iuxta, circum tabernaculum*. Alii, *ex adverso, procul circum tentorium*. Nam intercessisse volunt, ut verisimile est, spatium bis mille cubitorum inter castra Israelitarum, & arcam fœderis; quemadmodum in transitu Iordanis mandatum fuisse a Deo, & ab Israelitis factum legimus Iosue iii. vers. 4.

V. 9. IN CASTRIS IUDÆ, id est, quibus præerat Iudas, etsi non ex tribubus tantum suis; sed ex Issachare quoque, & Zebulone constabant. Sic deinceps vers. 16. 24. & 31.

V. 14. DUEL. Hebr. *Regbuel*. Hic supra cap. i. vers. 13. *Degbuel* vocatur, quod *Refeb* & *Dalerb* sint valde similes litteræ.

V. 17. LEVABITUR AUTEM TABERNACULUM TESTIMONII PER OFFICIA LEVITARUM ET TURMAS EORUM. Quidam Hebr. reddunt: *Tum*

proficiscetur tabernaculum ecclesiæ, nempe castra Levitarum in medio castrorum. Illud castra Levitarum, vice expositionis positum volunt; quasi dicat: Mox ut locum mutabit tabernaculum ecclesiæ, id est turma deferens tabernaculum: castra scilicet Levitarum, quæ in medio quatuor vexillorum filiorum Israel proficiuntur. Alii: *Tentorium vero constitutionis proficiscetur cum turba Levitarum in medio castrorum*. Alii: *Tum proficiscetur tentorium conventus cum castris Levitarum in medio reliquorum castrorum*. QUOMODO ERIGETUR, ITA ET DEONETUR. Quidam reddunt: *Quemadmodum castrametabuntur, sic proficiscuntur*. Alii: *Et sicut castrametantur, sic etiam proficiscuntur*. Nonnulli: *Sicut solent castrametari, sic proficiscuntur*. Nimirum eum ordinem, & locum, quem exercitus filiorum Israel, & Levitarum turma, ac tabernaculum, cum castrametabuntur, obtinebunt; eundem servabunt cum proficiscuntur, scilicet in ipsa professione, seu itinere. Quidam, de Levitis tantum hanc clausulam intelligunt. SINGULI PER LOCA ET ORDINES SUOS. Hebr. *Quisque super manum suam, ad vexilla sua*. Quidam: *Quisque in loco suo, iuxta vexilla sua, vel pro vexilla sua*. Intelligunt vexilla minora & particularia: erant enim quatuor tantum vexilla primaria; minora vero pene innumera, quæ vers. 2. appellavit signa. Unde dicit, *per vexilla sua*, sequendo scilicet quisque suum particulare signum. Alii: *Unusquisque in loco suo, sub vexillo suo*. Nonnulli: *Quisque ad latus illius ad vexilla sua*. Exponuntque, ad latus illius, nempe tentorii conventus; quasi dicat: Sunt castra quadrata, quorum medium obtineat tabernaculum: sic ut nemo anteat Levitis, sed omnes ad latus illorum procedant, faciantque castra. Alii aliter intelligunt: volunt enim, duas acies unam post aliam cum sex tribubus antecessisse; deinde subsecutos Levitas cum tabernaculo in medio; postremo duas alias acies cum aliis sex tribubus processisse, ita ut Levitæ a lateribus nudati essent, atque alium fuisse situm, & ordinem in proficiscendo, & in castrametando. Vide Caietanum.

M E N O C H I I.

Verf. 2. **S**INGULI PER TURMAS, SIGNA; ATQUE VEXILLA, ET DOMOS COGNATIONUM SUARUM, &c. Hebr. *Singuli iuxta vexillum suum in signis domus patrum suorum castrametabuntur*. Tradunt Hebræi, Israelitas ita castrametatos fuisse circa tabernaculum ut ab illo per unum milliæ abessent ex omni latere, quod non est intelligendum de Levitis, qui proximi erant tabernaculo, & atrio, quippe illius excubitores. *Vexilla*. Dicunt Hebræi, in vexillo Iudæ fuisse leonem; Ruben, hominem; Ephraim, bovem; Dan, aquilam. De hoc nihil certo constat, & crediderim esse Hebræorum Rabbiorum figmenta.

V. 9. PER TURMAS SUAS PRIME EGREDIENTUR. Cum movenda erunt castra, hi primi, relicta statione, procedere debebant: nec mirum, siquidem ut plurimum Orientem versus ibant, & hæc castrorum, ac tabernaculi fœderis pars erat anterior.

V. 17. LEVABITUR AUTEM TABERNACULUM PER OFFICIA LEVITARUM; quasi dicat: Tabernaculum dissolutum portabitur a Levitis, secundum distincta eorum ministeria, quæ capite sequenti singulis Deus distribuit. QUOMODO ERIGETUR, ITA ET DEPONETUR; hoc est, iidem qui officium erigendi habuerint, iidem habebunt & deponendi.

T I R I N I.

Verf. 3. **A**D ORIENTEM IUDAS FIGATTENTORIA. Hebraice, *Ad Orientem, ad anteriorem tabernaculi partem vexillum sit castrorum Iudæ.*

Ubi Nota primo, quod sub uno eodemque vexillo seu labaro latebant trestribus diversæ, ita ut duæ quæ ad singulas plagas latera tenebant, ei quæ media erat aliquo modo subiectæ essent, vel saltem ad eam tamquam ad præcellentiorē reduci solerent *a*. Sic in parte orientali, quæ erat anterior tabernaculi pars, eaque dignissima, in medio expansum erat vexillum Iudæ: cui tributum hic, tum alibi semper primus locus desertur tamquam nobilissimæ, utpote cui ius primogenituræ quo ad regnum & imperium a patriarcha *b* Iacob collatum erat, & Messias ex ea nasci debebat. Ad latus dextrum Iudæ

sub eodem ipsius vexillo castrametabatur Issachar; ad sinistrum Zabulon. Ad meridianum tabernaculi latus in medio erat Ruben cum suo vexillo, sub quo ad utrumque illius latus erant Simeon & Gad. Ad plagam occidentalem vexillum Ephraim cum sua tribu; & utrimque Manasse & Benjamin. Ad Septentrionem in medio erat vexillum Dan cum eadem tribu, & ad eius utrumque latera Aser & Nephthali.

Nota secundo, has duodecim tribus paulo remotius a tabernaculo castrametari solitas: nam intra illas omnes tribus in totius tabernaculi circuitu stationem suam habebant Levitæ, vicini plane atrio sancto. Et quidem ad Orientem, qua ingressus erat in atrium, Moyses & Aaron cum filiis suis; ad Occidentem Gersonitæ; ad meridiem Caathitæ; ad Aquilonem Meraritæ, ut dicitur capite sequenti.

Nota tertio, ex traditione Hebræorum, teste Andrea Masio, & Villalpando *c*, quatuor illa primaria vexilla & coloribus distincta fuisse, nempe iidem quos habebant lapidem illarum quatuor tribuum in rationali; & insuper etiam certis notis ac signis: videlicet vexillum Iudæ signo leonis; Rubeni, hominis cum mandragoris, quas ad matrem attulerat Ruben Gen. xxx. verf. 14. vexillum Ephraim signo bovis; Dan, aquilæ. Quibus allegorice significabatur, tabernaculum, id est Ecclesiam Christi, inter hæc quatuor vexilla sitam, per quatuor Evangelistas ad omnes mundi plagas devehendam ac diffundendam.

(a) Faret hic verf. 9. 16. 24. & 31.

(b) Gen. xli. x. & I. Paralip. v.

(c) Masius in Iosue vi. verf. 9. Villalpand. in Ezechiel. T. II. p. 11. Lib. V. disp. 11. cap. xxxix.

G O R D O N I.


Verf. 2. **I**UXTAEUM. Heb. *יָבֵיבְהָאֵלֶּיךָ*, id est super; tamen poni solet pro iuxta.

V. 18. OCCIDENTALEM: ad mare ergo nostrum.

E X E I U S D E M A U C T A R I O.

Hebræi tradunt, castra versus quatuor plagas distasse a tabernaculo per milliæ.

V. 17. LEVABITUR TABERNACULUM: dissolutum portabitur.



CAPUT III.

*Levita in tabernaculi ministerium assumpti numerantur, cum suis principibus
ac ministeriis, & loco primogenitorum Israel suscipiuntur,
reliqua primogenita numerum Levitarum
excedentia pretio redimuntur.*

1. **H**Æ sunt generationes Aarón & Moyse, in die qua locutus est Dominus ad Moysem in monte Sinai. 2. (a) Et hæc nomina filiorum Aaron: primogenitus eius Nadab, deinde Abiu, & Eleazar, & Ithamar. 3. Hæc nomina filiorum Aaron sacerdotum qui uncti sunt, & quorum replete & consecrate manus ut sacerdotio fungerentur. 4. (b) Mortui sunt enim Nadab & Abiu, cum offerrent ignem alienum in conspectu Domini in deserto Sinai, absque liberis: functique sunt sacerdotio Eleazar & Ithamar coram Aaron patre suo. 5. Locutusque est Dominus ad Moysem, dicens: 6. Applica tribum Levi, & fac stare in conspectu Aaron sacerdotis ut ministrent ei, & excubent, 7. & observent quidquid ad cultum pertinet multitudinis coram tabernaculo testimonii, 8. & custodiant vasa tabernaculi, & servient in ministerio eius. 9. Dabisque dono Levitas 10. Aaron & filiis eius, quibus traditi sunt a filiis Israel. Aaron autem & filios eius constitues super cultum sacerdotii. Externus, qui ad ministrandum accesserit, morietur. 11. Locutusque est Dominus ad Moysem, dicens: 12. Ego tuli Levitas a filiis Israel pro omni primogenito, qui aperit vulvam in filiis Israel, eruntque Levitæ mei. 13. (c) Meum est enim omne primogenitum: ex quo percussi primogenitos in Terra Ægypti: sanctificavi mihi quidquid primum nascitur in Israel ab homine usque ad pecus, mei sunt: ego Dominus. 14. Locutusque est Dominus ad Moysem in deserto Sinai, dicens: 15. Numera filios Levi per domos patrum suorum & familias, omnem masculum ab uno mense & supra. 16. Numeravit Moyses, ut præceperat Dominus, 17. (d) & inventi sunt filii Levi per nomina sua, Gerson & Caath & Merari. 18. Filii Gerson: Lebni & Semei. 19. Filii Caath: Amram & Iesaa, Hebron & Oziel. 20. Filii Merari: Moholi & Musi. 21. De Gerson suere familiæ duæ, Lebnitica, & Semeitica: 22. quarum numeratus est populus sexus masculini ab uno mense & supra, * septem millia quingenti. 23. Hi post tabernaculum metabuntur ad Occidentem, 24. sub principe Eliasaph filio Lael. 25. Et habebunt excubias in tabernaculo fœderis, 26. ipsum tabernaculum & operimentum eius, tentorium quod trahitur ante fores testi fœderis, & cortinas atrii: tentorium quoque quod appenditur in introitu atrii tabernaculi, & quidquid ad ritum altaris pertinet, fustes tabernaculi & omnia utensilia eius. 27. Cognatio Caath habebit populos Amramitas & Iesaaaras & Hebronitas & Ozielitas. Hæ sunt familiæ Caathitarum recensitæ per nomina sua: 28. omnes generis masculini ab uno mense & supra, octo millia sexcenti habebunt excubias Sanctuarii, 29. & castrametabuntur ad meridianam plagam. 30. Princepsque eorum erit Elisaphan filius Oziel:

31. & custodient arcam, mensamque & candelabrum, altaria & vasa Sanctuarii, in quibus ministratur, & velum, cunctamque huiusmodi suppellectilem. 32. Princeps autem principum Levitarum Eleazar filius Aaron sacerdotis, erit super excubitores custodiæ Sanctuarii. 33. At vero de Merari erunt populi Mo-holthæ & Musithæ recensiti per nomina sua: 34. omnes generis masculini ab uno mense & supra, sex millia ducenti. 35. Princeps eorum Suriel filius Abihail: in plaga septemtrionali castrametabuntur. 36. Erunt sub custodia eorum tabulæ tabernaculi & vestes, & columnæ ac bases earum, & omnia quæ ad cultum huiusmodi pertinent: 37. columnæque atrii per circuitum cum basibus suis, & paxilli cum funibus. 38. Castrametabuntur ante tabernaculum fœderis, id est ad orientalem plagam, Moyses & Aaron cum filiis suis, habentes custodiam Sanctuarii in medio filiorum Israel: quisquis alienus accesserit, morietur. 39. Omnes Levitæ, quos numeraverunt Moyses & Aaron iuxta præceptum Domini per familias suas in genere masculino a mense uno & supra, fuerunt viginti duo millia. 40. Et ait Dominus ad Moysen: Numera primogenitos sexus masculini de filiis Israel ab uno mense & supra, & habebis summam eorum. 41. Tolle, quæ Levitas mihi pro omni primogenito filiorum Israel, ego sum Dominus: & pecora eorum pro universis primogenitis pecorum filiorum Israel. 42. Recensuit Moyses, sicut præceperat Dominus, primogenitos filiorum Israel: 43. & fuerunt masculi per nomina sua, a mense uno & supra, viginti duo millia ducenti septuaginta tres. 44. Locutusque est Dominus ad Moysen, dicens: 45. Tolle Levitas pro primogenitis filiorum Israel, & pecora Levitarum pro pecoribus eorum, eruntque Levitæ mei: ego sum Dominus. 46. In pretio autem ducentorum septuaginta trium, qui excedunt numerum Levitarum de primogenitis filiorum Israel, 47. accipies quinque siclos per singula capita ad menuram Sanctuarii. (e) Siclus habet viginti obolos. 48. Dabisque pecuniam Aaron & filiis eius, pretium eorum qui supra sunt. 49. Tulit igitur Moyses pecuniam eorum qui fuerant amplius, & quos redemerant a Levitis 50. pro primogenitis filiorum Israel, mille trecentorum sexagintaquinque siclorum iuxta pondus sanctuarii, 51. & dedit eam Aaron & filiis eius iuxta verbum quod præceperat sibi Dominus.

(a) Exod. vi. 23. (b) Levit. x. 1. 2. l. Par. xxiv. 7. (c) Exod. xlii. 2. Inf. vii. 16. (d) Exod. vi. 16. (e) Exod. xxx. 13. Levit. xxvii. 25. Ezech. xlv. 12.

B R U G E N S I S

ROMANÆ CORRECTIONES.

V. 22. *Septem millia quingenti*. Non scribas quingentorum gignendi casu.

S A.

Perf. 3. **R**EPLETAE, scilicet munerebus, quæ offerrent.

V. 7. **MULTITUDINIS**; quasi dicat, ut pro populo ministrant.

V. 10. **EXTERNUS**, scilicet non sa-

V. 49. *Et quod redemerant a Levitis*. Cave ne pluralem numerum redemerant corrigas per singularem redemerat.

cerdos. **MORIETUR**. Chald. *occidetur*, scilicet iudicium sententia. Sic infra.

V. 13. **SANCTIFICAVI**; id est, retinui mihi tamquam rem sanctam.

V. 26. **TECTI**, pro tabernaculi.

V. 28. **EXCUBIAS**; quasi dicat, vigila-bunt in custodia.

V. 31.

V. 31. ALTARIA, scilicet incensi, & holocausti.

V. 32. PRINCIPUM, scilicet de quibus supra; vel quasi dicat, summus Principes.

V. 38. ACCESSERIT, scilicet ad ministrandum in iis quæ ad Levitas pertinent.

V. 40. HABEBIS. Hebr. *Tolle*, seu *accipe*, ut vertit Chald. & LXX.

V. 46. IN PRETIO, pro in pretium, scilicet redemptionis. Hebr. *pro redemptione*.

V. 49. A LEVITIS; id est, ne essent inter Levitas, vel in ea commutatione Levitarum pro primogenitis.

E S T I I.

Vers. 12. **E**GO TULI LEVITAS A FILIIS ISRAEL PRO OMNI PRIMOGENITO. Quæritur quare Deus sibi vendicit Levitas pro primogenitis filiorum Israel. Respondet ipse Dominus: *Ex quo percussis primogenita in terra Aegypti, sanctificavi mihi quidquid primum nascitur in Israel.* Quia igitur omnia primogenita Deo obligata erant, loco eorum deputavit quidquid masculini sexus erat in tribu Levi. Tum etiam quia noluit Deus ministerium sacrum per omnes tribus diffundi, ad vitandum occasionem idololatriæ, ideo unam tribum illi ministerio deputavit, & peculiariter tribum Leviticam potius quam aliam, quia Levitæ præ ceteris vindictam exercuerant, iussu Moysis, in adoratores vituli aurei, de quo sic Exod. xxxii. *Feceruntque filii Levi iuxta sermonem Moysi, occideruntque in die illa quasi viginti tria milia hominum.* Et ait Moyses: *Consecrasti manus vestras hodie Domino, unusquisque in filio & in fratre suo, ut detur vobis benedictio.*

V. 15. NUMERA FILIOS LEVI OMNEM MASCULUM, AB UNO MENSE ET SUPRA. Quæritur quare numerabantur ab uno mense & supra, cum in ea ætate constituti, apti esse non possent ad levitica ministeria? Sed ratio est, quia primogeniti filiorum Israel offerri debebant in illa ætate; Levitæ autem commutabantur pro primogenitis, ut dictum est, & proinde ab eadem ætate computandi erant.

V. 46. & 47. IN PRETIO AUTEM

DUCENTORUM SEPTUAGINTATRIUM, QUI EXCEDUNT NUMERUM LEVITARUM ... ACCIPIES QUINQUE SICLOS. Nascitur quæstio, quomodo Levitæ tantum dicantur inventi viginti duo millia, & ob eam causam primogeniti filiorum Israel, qui hunc numerum exceperant, nempe ducenti septuaginta tres redimi debebant pretio, nempe quinque siclis in singula capita computatis, cum summæ familiarum Leviticarum simul collectæ, revera efficiant viginti duo millia & trecentos, ita ut proinde numerus Levitarum etiam excedat numerum primogenitorum ceterarum tribuum. Sed respondetur, trecentos illos Levitas quos Scriptura præterit, fuisse in sua tribu primogenitos, & proinde computari non debuisse pro primogenitis aliarum tribuum. Nam Domino debebantur primogeniti, non tantum aliarum tribuum, verum etiam ipsius tribus Leviticæ, quia percusserat omnem primogenitum Aegyptiorum sine exceptione. Detrahit ergo his trecentis Levitarum primogenitis, reliqui Levitæ commutabantur pro primogenitis aliarum tribuum, & sic scilicet remanebant ducenti septuaginta tres pretio redimendi.

M A R I A N A E.

Vers. 10. **T**RADITI SUNT A FILIIS ISRAEL: Levitæ filii Aaron. Hebr. *dati dati*. Geminatio Hebræis æquipollet universitati; ac si diceret, dati omnes, nullo dempto; aut dati penitus.

V. 22. AB UNO MENSE ET SUPRA. Aliæ tribus numerantur a viginti annis, Levitica ab uno mense: quod Deo dicati a prima ætate sunt instituendi, separandique ab aliis.

V. 26. ET OPERIMENTUM EIUS, TENTORIUM &c. *Obel* & *Miscan* quæ hic sunt, differunt. *Miscan* proprie significat *cortinas interiores*, quæ plane tendebantur; *Obel*, *cortinas ex pellibus*, quæ turgorii forma putamus fastigium & dorsum facere, ut diffunderet aqua.

V. 27. COGNATIO CAATH, id est familia. Caath. HABEBIT POPULOS, id est familias.

V. 39. VIGINTI DUO MILLIA. Ex summis superioribus, viginti duo millia tre-

trecenti efficiuntur. Comestor ait, trecen-
tos omitti, quod essent primogeniti, ne-
que pro aliis primogenitis dari poterant qui
pro se debebantur. Commentum probabi-
le, si credi potest, in tanto Levitarum
numero solos trecentos primogenitos fuisse.
Fortasse ob aliquam maculam ii mini-
sterio tabernaculi ineptierant. Aut, quod
verius puto, minor numerus in tota sum-
ma supprimitur.

M A L V E N D A E.

Verf. 1. **H**AEC SUNT GENERATIONES. Quidam hic genera-
tionem pro familia, cognatione, & affini-
tate accipiunt. Et quamquam contextus
cognationem tam Moysi quam Aaronis pro-
ponat, tamen Aaronis solum familiam de-
scribit, eo quod ii tantum in sacrum mi-
nisterium assumpti sunt: ad quod describen-
dum praesens narratio potissimum suscepta
est: & cum fratres germani essent, cogna-
tio utriusque eadem est, & ad utrumque
pertinet. Moysi vero propago ubique fere
siletur, quod plane mirum est. Alii expo-
nunt: *Iste sunt generationes*, id est acta,
eventa, res gestae, historia, seu narratio
rerum Aaronis & Moysi. Vide Genes. vi.
vers. 9. Aliqui reddunt: *Hec autem sunt ge-
nerationum Aaronis & Moysi*; id est, quae
hoc & sequenti capite dicentur, pertinent
ad Levitas, ex quorum genere fuerunt
Moses & Aaron. Hic tantum Aaronismo-
nen nomini Moysi praepositur, quod tra-
ctatus hic proprie sit de Sacerdotibus &
Levitis, qui ex Aaron sunt propagati.

V. 3. **QUORUM REPLETAE ET
CONSECRATAE MANUS.** Aliqui red-
dunt: *Quorum consecraverat ministerium*,
Moses.

V. 4. **CORAM AARON PATRE SUO,**
id est vivo adhuc, & superstiti Aaron patre
eorum. Sic Genes. 11. vers. 28. Alii, tam-
quam ministri, vicarii, aut subrogati pa-
tris sui.

V. 6. **ET EXCUBENT.** Hunc ver-
sum alii sic reddunt: *Et custodiant custo-
diam eius*, & custodiam universi catus co-
ram tabernaculo ecclesiae, ut exequantur cul-
tum tabernaculi; id est, & observent cul-
tum, quem Aaron & filii eius observare
tenebantur, atque etiam ipse populus. Vult
eos esse quasi nomophylacas tanq. iuris sa-

cerdotalis, quam publici: nam etsi Sacerdo-
tes erant in superiori gradu, Levitae ta-
men erant secundarii adiutores. Custodiam
Aaronis intelligit, custodiam tabernacu-
li, & templi cultum, & quidquid Deus
Sacerdotibus mandaverat: deinde sequitur
pars altera, ut populum in officio conti-
neant. Quidam ita convertunt: *Et ipsi cu-
stodiant observationem eius*, & observationem
universi catus ante tentorium constitutionis,
ut obeant, vel peragant ministerium taberna-
culi. Nonnulli: *Observabuntque observatio-
nem eius*, & observationem totius catus co-
ram tentorio conventus, exercendo ministerium
tabernaculi. Exponuntque: Cum observantia
sacerdoti ministrant, vices totius catus
ministerio illo subeunt: nam totius erat
ministrare Domino: cuius vices primum
gerabant primogeniti, ut Hebraei volunt,
sicuti annotavimus Exod. xix. vers. 22.
& cap. xxiv. vers. 5. iamvero in horum
locum Levitae assumuntur. Vide vers. 8.

V. 8. **VASA TABERNACULI.** Hebr.
addunt: *Et custodiam sistorum Israel*, id est
ea quae aliqui deberent custodire filii Is-
rael; sive custodiam quam aliqui filii Is-
rael praestare tenerentur: nempe loco fi-
liorum Israel ministrarent in tabernaculo.

V. 10. **QUIBUS TRADITI SUNT.**
Hebr. *dati ei*; id est, qui dono dati
sunt illi. Repetitio sententiae auget; quasi
dicat, qui omnino, ac certissime dati sunt
ei. Quidam, *dedidit*: alii, *donati*, *donati*,
seu omnino *donati sunt*, ei. **CONSTITU-
TUS SUPER CULTUM SACERDOTII.** Hebr. *Visitabis*, & observabunt sacer-
dotum suam. Quidam reddunt: *Praepices*;
& subaudiunt, tribui Levitarum. Alii:
Praeficio, ut observent sacerdotum suum.
Id est, ut cum ad se ipsos attendant, mi-
nisteriumque suum, ut monet Paulus
Act. xx. tum ad Levitas sibi datos, qui
ministerii parte sacerdotum, quibus donati
sunt, sublevent, observantes ne quid alie-
num fiat a sacerdotali munere; tum deni-
que ad populum Dei, cuius loco dati sunt
administri. Nonnulli putant, distingui hic
munus Sacerdotum a munere Levitarum:
nam Sacerdotum erat curare respicienti-
tes ad Sacerdotum & sacrificia, nempe
maiores res divini cultus; ad Levitarum
erat cura servitii, id est rerum inferiorum,
ut dicitur vers. 7. & 8.

V. 15. **AB UNO MENSE.** Tunc enim,
DO.

notant, primum purgabantur infantes ab impuritate partus, offerrebanturque Deo primogenitorum nomine, Levit. xii. vers. 4. sic infra vers. 22. 27. 34. 40.

V. 25. ET HABEBUNT EXCUBIAS IN TABERNACULO FOEDERIS. Hebr. *Et custodia filiorum Gherfon in tentorio conventus*, Horum & reliquorum Levitarum munus fufius explicatur cap. iv. quod hic per proplefion dicitur.

V. 26. ET QUIDQUID AD RITUM ALTARIS PERTINET. Drufius fecutus Lyranum, Vulgatum carpit, quod altare, & ea quæ ad ritum altaris pertinebant, non sub custodia Gherfonitarum, fed Kebathitarum erant, e vers. 31. & cap. iv. vers. 15. fed quidam intelligunt quidquid velorum & aulæorum altare ambebat, & ad ritum & cultum altaris pertinebat: circumfcriptum erat & tectum aulæ altare, ut commodius in eo facra peragerentur. Et cortine atrii, & velum ianue atrii, quod super tabernaculum, & super altare circum. Quidam: Cortine item atrii, & auleum ofii atrii, quod erat iuxta tabernaculum, & iuxta altare per circuitum. Alii: Et taptum ocellorum atrii, cum tegumento porte ipsius atrii, qui funt, nempe tapetes, ante ipsum tabernaculum, & ante altare circumque. FUNES TABERNACULI, ET OMNIA UTENSILIA EIUS. Hic rursus post Lyranum Drufius Nostrum fugillat, quod inter utensilia tabernaculi erant candelabrum, & menfa, & vafa eorum, quorum custodia & cura non ad Gersonitas, fed ad Kebathitas pertineret, e vers. 31. & cap. iv. vers. 14. fed facile conciliant, omnia utensilia eius, ad ufum funium pertinentia, uti clavos, seu paxillos, Exod. xxvii. vers. 19. cap. xxxix. vers. 40. & cap. xxxviii. vers. 20. Hebr. *Omni fervitio eius*, vel *ad omne fervitium*, seu *ministerium eius*, aut *pro toto ministerio eius*, id est funes qui erant necessarii ad ufum & opus, seu ministerium tabernaculi.

V. 32. PRINCEPS AUTEM PRINCIPUM LEVITARUM ELEAZAR, &c. Varie alii hunc verum ex Hebr. convertunt. I. Porro princeps principum Levitarum erit Eleazar filius Aharon sacerdotis: prefectura custodientium custodiam sanctitatis erit ei. II. Summus autem princeps Levitarum fuit Eleazar filius Aharonis sacer-

dotis, episcopus eorum qui excubant in custodiis sanctuarii. III. At princeps principum ordinis Levitici, Elgazar filius Aharon sacerdotis: hæc prefectura custodientium custodiam sanctuarii. Exponunt: Ipsi Levitarum principibus prædictus, qui fecundus erat a sacerdote summo: quoniam hæc dignitas secundarii sacerdotis appellatur II. Reg. xxv. 21. & alibi. פקדון *pkuddah* quidam hic vertunt *functio*, numeratio, recensio, census, recensio: fed proprie est, visitatio, inspectio, requisitio; officium inspectio- nis, inquisitionis, requisitionis; munus episcopi, episcopatus, ut Noster vertit Psalm. cviii. vers. 8. ordinatio, administratio alicui commissa, officium demandatum, prefectura, delegatio. Notant, Paulum I. Timoth. i. vers. 1. *ἐπισκοπή* dixisse, id est ordinationem: & I. Timoth. iii. vers. 1. *ἐπισκοπὴν*, episcopatum. Et recte huic loco ea omnia significata quadrant; quasi dicat: Erit Eleazar archiepiscopus Levitarum.

V. 46. IN PRETIO AUTEM DUCENTORUM SEPTUAGINTA TRIUM. Hebr. *Et redemptiones trium & septuaginta*, &c. Alii: Et pro redemptione, vel in redemptionem illorum trium & septuaginta, &c. Nonnulli: Pro redimendis vero tribus & septuaginta, &c. Aliqui: Quod autem attinet ad redemptos, seu redimendos illos tres & septuaginta, &c. sic vers. 48. & 49. Vim huius mandati ita concipiunt. Quoniam primogeniti omnium Hebræorum erant cum Levitis æquandi, & consecrati erant Levitis loco illorum, & Domino sanctificati: nunc quia summa primogenitorum excedebat summam Levitarum, præcipitur, ut qui supersessent ex illis, pretio quasi redimerentur, & pro eorum unoquoque solverentur quinque sicli, ut ea merces cederet in rem sacram, loco eorum qui fuerant consecrandi, vel pro quibus consecrati non fuerant Levitis: ne quinquam eorum a divina caritate esset disiunctus.

V. 49. QUOS REDEMANT A LEVITIS. Hebr. *Super redemptiones Levitarum*. Quidam, *ultra redemptos Levitarum*; id est, ultra illos qui redempti fuerant a Levitis. Alii: *Qui redempti erant Levitis*, id est commutatione Levitarum: nam pro uno primogenito dabatur unus Levita. Nonnulli, præter redemptos per Levitas.

MENOCHII.

Verf. 1. **G**ENERATIONES AARON ET MOYSI, filii Aaron & Moſis. Licet autem videantur tantum numerari filii Aaron, tamen utriusque generatio recenſetur num. 27. & 28. huius capitis, ubi fermo eſt de Levitis Amramitis: hi enim ſunt filii Aaron & Moſis, qui patrem Amram habuerunt. Et quidem initio capitis huius peculiari mentione fit filiorum Aaron, quia hi ſacerdotium ſunt adepti; poſteri vero Moſis, qui in inferiori Levitarum gradu hæſerunt, cum reliquis Levitis Caathitis numerati ſunt.

V. 3. REPLETÆ SUNT MANUS. Replere manus eſt illas ad ſacerdotium conſecrare: nam ſacerdotium novorum manus tum donis, & ſacriſiciis, tum unctione olei implebantur.

V. 6. & 7. APPLICA, accedere fac. EXCUBENT, ET CUSTODIANT VASA TABERNACULI, in Hebr. eſt, *Cuſtodient cuſtodiam eius, & cuſtodiam omnis ſynagoge.* Particula *Eius*, Aaronem reſert, cuius cuſtodiz omnia erant quæ in tabernaculo, quippe ſacrorum princeps. Eædem etiam erant cuſtodiz totius ſynagoge, & totius populi, quia omnes erant partes Reipublicæ; & quilibet pro ſuo virili ſacra tueri etiam ſuorum laterum obiectu debebat, ſiquis illa temerare auſus fuiſſet.

V. 9. DABIS QUÆ DONO LEVITAS, &c. quaſi dicat: Levitas offeres Aaroni, & ſacerdotibus, ut eis ſerviant, idque gratis, & ſine pretio.

V. 10. A FILIIS ISRAEL: ut hac donatione Aaroni facta, a Deo primogenitos ſuos redimerent, ut patet num. 45. EXTERNUS, non ſacerdos. MORIETUR, iudicium ſententia occidetur: ſic Chaldæus.

V. 13. MEUM EST ENIM OMNE PRIMOGENITUM, non tantum iure creationis, ſed peculiari liberatione, & redemptione, cum eos ab Angelo percutiente eripui: Exodi XII. 23. Rurſus mea ſunt primogenita, quia iuſto hoc meo præcepto ita fieri iubeo. SANCTIFICAVI MIHI: mihi ſanctificari, offerri, & conſecrari volo.

V. 14. AB UNO MENSE ET SUPRA. Ratio cur ab hac ætate ſumpta ſit Levita-

rum dinumeratio, erat quod etiam primogeniti poſt unum menſem redimerentur, ut habetur infra cap. XVII. 16.

V. 17. INVENTI SUNT, non invita, nam pridem obierant; ſed in cenſu hoc & numero.

V. 25. HABEBUNT EXCUBIAS IN TABERNACULO; hoc eſt, habebunt cuſtodiendæ quæ ſequuntur, hoc eſt ipſum tabernaculum, & operimentum, &c.

V. 26. IPSUM TABERNACULUM: non tabulas, columnas, aut baſes; nam hæc ferebant Meraritz; ſed velum interius, ſive inſimum, quod ex decem cortinis conſtabat, cui alia vela iniiciebantur. OPERIMENTUM EIUS, ſagum cilicinum, & ſagum ex pellibus arietum rubricatis, & ſagum ex pellibus ianthinis, de quibus Exod. XXVI. QUOD TRAHITUR ANTE FORES TABERNACULI, & eſt quaſi illius ianua. IN INTROITU ATRIUM, aliud velum quod erat veluti ianua totius atrii. QUIDQUID AD RITUM ALTARIS PERTINET: quidquid ſcilicet velorum huc facit, nam de hiſeſt ſermo.

V. 28. HABEBUNT EXCUBIAS, id eſt cuſtodiam ſanctuarii, quoad vaſa, quæ ſequuntur.

V. 31. ET VELUM, quod oppanditur Sancto ſanctorum: huic enim involvenda erat arca portanda a Caathitis. Alia vela omnia a Gerſonitis portabantur.

V. 37. PAXILLI, qui figebantur ad funes intendendos, & firmandas columnas, & vela atrii, ne vento nimium agitentur.

V. 41. TOLLES PECORA EORUM, &c. Separabis, ut mihi cum ipſis Levitis quaſi dedicentur, ſintque mea, ſicut ipſi Levitz mei ſunt; non eſt tamen facta illa pecorum ſeparatio, ut Domino cederent per ſacriſicia.

V. 46. IN PRETIO AUTEM. Omnes Levitz fuerunt viginti duo millia, primogeniti Iſrael viginti duo millia ducenti ſeptuaginta tres. Cum ergo Levitz dati eſſent Deo pro primogenitis, ſupererat ut pro illis ducentis ſeptuaginta tribus ſatiſfieret, qui Levitarum numerum excedebant. lubet ergo Deus ut hi primogeniti redimantur, quinque ſiclis in ſingula capita perſolutis. Horum pretium Aaroni dari iubetur num. 48.

V. 48. DABISQUE PRETIUM. Pecunia primogenitorum 273. se redimentium ascendit ad 1365. siclos.

TIRINI.

Verf. 25. HABEBUNT EXCUBIAS IN TABERNACULO FOEDERIS. Non quod vel illi, vel ulli alii Levitæ excubarent actu in ipso tabernaculo: nam ne ingredi quidem illud licebat Levitis, sed solis sacerdotibus qui per vias ministrabant. Ergo in tabernaculo hic idem est quod super tabernaculum & res tabernaculi, quæ singulis Levitarum familiis diversæ diversis commissæ erant. Neque enim hic per excubias, & custodias intelligitur actus solus excubandi, & custodiendi, sed insuper officium & onus curandi ut omnia bene custodirentur: neque id solum cum erectum flaret tabernaculum, sed etiam cum in itinere deportandum esset, itemque cum dissolvendum, rursusque cum figendum esset. Ita ut singulis Levitarum familiis incumberet rationem reddere earum rerum, instrumentorum, ac partium tabernaculi, quæ iussu Dei cuique hoccapite custodiendæ committuntur.

V. 28. OMNES HABEBUNT EXCUBIAS SANCTUARIUM, id est curam eorum quorum usus est in sanctuario. Ergo Caathitis ut dignitate inter Levitas primis, committebantur quæ maxime divina erant & sacrosancta. Ratio autem cur illi ceteris præferrentur, erat quod Moyses & Aaron, & consequenter sacerdotes omnes ex una illa Caathitarum familia prognati essent.

V. 39. OMNES LEVITAE... FUERUNT VIGINTI DUO MILLIA, præciso & rotundo numero, ut patet ex sequentibus.

Petes quomodo id constet, cum ex tribus ante subductis trium familiarum particularibus calculis colligatur summa maior alio trecentenario. Respondeo, trecentos illos non debuisse, sed nec potuisse, reliquo Levitarum numero accenseri, quod totidem essent inter ipsos Levitas primogeniti (puta post egressum ex Aegypto procreati) qui ratione fuissent iam erant proprii Dei: quocirca non poterant venire in numerum aliorum Levitarum, qui pro primogenitis aliarum tribuum commutandi essent, & illorum loco substituen-

di, ac Deo appropriandi. Ita Petrus Comestor a, Abulenſis, Lyranus, Dionysius Carthusianus, & Caietanus.

(a) Comestor in historia Scholastica:

GORDONII.

V. 1. 3. & 4. Quomodo hic dicuntur recenseri generationes Moſis, cum tantum sit sermo de generatione Aaron? Certe quia agitur de maioribus Moſis, & de ſucceſſione Aaron fratris, in cuius poſteris deſcribuntur poſteri Moſis. De unctione quæ hic habetur verf. 3. vide Exod. cap. xxix. Quod ait eodem verf. REPLETAE MANUS, id est muneribus. De morte item filiorum Aaron, Levit. cap. x. En interim Levitas loco primogenitorum Exod. cap. xiii.

V. 6. APPLICA. Heb. Fac appropinquare. Radix קרב, appropinquavit: קרבתו, appropinquare fac.

V. 10. MORIETUR, ſcilicet iudicium ſententia.

V. 13. SANCTIFICAVI: retinui ut rem mihi dicatam.

V. 25. HABEBUNT EXCUBIAS IN TABERNACULO FOEDERIS. Non excubabant intra tabernaculum; ſed ſenſus eſt, Levitas hos habuiſſe cuſtodiam tabernaculi, ſeu excubias ſuper tabernaculum; ſeu vigilabant in cuſtodia. Sane habebant ſtationem in circuitu tabernaculi.

V. 27. & 28. Per populos intellige familias, ut docet textus Hebraicus. Excubiae ſunt cura. Caathitæ hic præſeruntur ceteris, quod Moſes & Aaron eſſent ex Caathitarum familia.

V. 31. ALTARIA, incenſi, & holocauſti.

V. 39. Numerantur Levitæ ab ætate unius menſis, ex verf. 15. Iosephus III. Antiq. cap. xi. hunc numerum corrumpit. Verum cum tantum ſint hic vigintiduo millia, tamen maior numerus reſultat ex tribus illis familiis ſuperius recenſitis: ſunt enim 22300. millia: nam redundant 300. Sed dicendum eſt hos trecentos non fuiſſe hoc verf. 39. numeratos: quia totidem erant inter Levitas primogeniti, qui iam erant Dei; ac proinde non poterant pro aliarum tribuum primogenitis commutari. Ita Lyran. & Carthul.

V. 41. Fit quidem nunc in deserto commutatio, & substitutio Levitarum pro primogenitis filiorum Israel, perfoluto pro residuis pretio, de quo hic vers. 46. & 47. Cur vero in terra promissionis, primogeniti non sint sic redempti Levitarum filiis, sed pretia quinque scilorum, varii variant rationes. Puto, ut maneret plenior memoria occisorum primogenitorum in Aegypto.

V. 46. IN PRETIUM, pro pretio redemptionis.

V. 50. EX PRIMOGENITIS. 273: per 5. multiplicatis, resultat numerus scilorum hic positus, nempe 1365.


EX EIUSDEM AUCTARIO.

V. 3. Repleri manus denotat promotionem ad munus sacerdotii, ubi manus ungebatur, nec deerant munera, & oblationes novis sacerdotibus.

V. 17. ET INVENTI SUNT, recensiti sunt: nam plerique obierant.

C A P U T IV.

Ritus & officia Levitarum iuxta cuiusque familiam distribuuntur.

1.  Oculisque est Dominus ad Moysen & Aaron, dicens: 2. (a) Tolle summam filiorum Caath de medio Levitarum per domos & familias suas, 3. a trigesimo anno & supra, usque ad quinquagesimum annum, omnium qui ingrediuntur ut stent & ministrent in tabernaculo fœderis. 4. Hic est cultus filiorum Caath: Tabernaculum fœderis, & Sanctum sanctorum 5. ingredientur Aaron & filii eius, quando movenda sunt castra, & deponent velum quod pendet ante fores, involventque eo arcam testimonii, 6. & operient rursus velamine ianthinarum pellium, extendentque desuper pallium totum hyacinthinum, & inducent vestes. 7. Mensam quoque propositionis involvent hyacinthino-pellio, & ponent cum ea thuribula & mortariola, cyathos & crateras ad liba fundenda: panes semper in ea erunt: 8. extendentque desuper pallium coecineum, quod rursus operient velamento ianthinarum pellium, & inducent vestes. 9. Sument & pallium hyacinthinum quo operient candelabrum cum lucernis & forcipibus suis & emunctoriis & cunctis vasis olei, quæ ad concinnandas lucernas necessaria sunt: 10. & super omnia ponent operimentum ianthinarum pellium, & inducent vestes. 11. Nec non & altare aureum involvent hyacinthino vestimento, & extendent desuper operimentum ianthinarum pellium, inducentque vestes. 12. Omnia vasa, quibus ministratur in Sanctuario, involvent hyacinthino pallio, & extendent super operimentum ianthinarum pellium, inducentque vestes. 13. Sed & altare mundabunt cinere, & involvent illud purpureo vestimento, 14. ponentque cum eo omnia vasa, quibus in ministerio eius utuntur, id est ignium receptacula, fuscinas ac tridentes, uncinos & batilla. Cuncta vasa altaris operient simul velamine ianthinarum pellium, & inducent vestes. 15. Cumque involverint Aaron & filii eius Sanctuarium & omnia vasa eius in commotione castrorum, tunc intrabunt filii Caath ut portent involuta: & non tangent vasa Sanctuarii.

ne moriantur. Ista sunt onera filiorum Caath in tabernaculo fœderis : 16. super quos erit Eleazar filius Aaron sacerdotis , ad cuius curam pertinet oleum ad concinnandas lucernas , & compositionis incensum , & sacrificium , quod semper offertur , & oleum unctionis , & quidquid ad cultum tabernaculi pertinet , omniumque vasorum , quæ in Sanctuario sunt . 17. Locutusque est Dominus ad Moysen & Aaron , dicens : 18. Nolite perdere populum Caath de medio Levitarum : 19. sed hoc facite eis , ut vivant , & non moriantur , si tetigerint Sancta sanctorum . Aaron & filii eius intrabunt , * ipsique disponent opera singulorum , & dividunt quid portare quis debeat . 20. Alii nulla curiositate videant quæ sunt in Sanctuario priusquam involvantur , alioquin moriuntur . 21. Locutusque est Dominus ad Moysen , dicens : 22. Tolle summam etiam filiorum Gerson per domos ac familias & cognationes suas , 23. a triginta annis & supra , usque ad annos quinquaginta . Numera omnes qui ingrediuntur & ministrant in tabernaculo fœderis . 24. Hoc est officium familiæ Gersonitarum , 25. ut portent cortinas tabernaculi & tectum fœderis operimentum aliud , & super omnia velamen ianthinum tentoriumque quod pendet in introitu tabernaculi fœderis , 26. cortinas atrii , & velum in introitu quod est ante tabernaculum . Omnia quæ ad altare pertinent , funiculos , & vasa ministerii , 27. iubente Aaron & filiis eius , portabunt filii Gerson : & scient singuli cui debeant oneri mancipari . 28. Hic est cultus familiæ Gersonitarum in tabernaculo fœderis , eruntque sub manu Ithamar filii Aaron sacerdotis . 29. Filios quoque Merari per familias & domos patrum suorum recensetis , 30. a triginta annis & supra , usque ad annos quinquaginta , omnes qui ingrediuntur ad officium ministerii sui & cultum fœderis testimonii . 31. Hæc sunt onera eorum : Portabunt tabulas tabernaculi & vestes eius , columnas ac bases earum , 32. columnas quoque atrii per circuitum cum basibus & paxillis & funibus suis . Omnia vasa & suppellectilem ad numerum accipient , sicque portabunt . 33. Hoc est officium familiæ Meraritarum & ministerium in tabernaculo fœderis : eruntque sub manu Ithamar filii Aaron sacerdotis . 34. Recensuerunt igitur Moyses & Aaron & principes synagoga filios Caath per cognationes & domos patrum suorum , 35. a triginta annis & supra , usque ad annum quinquagesimum , omnes qui ingrediuntur ad ministerium tabernaculi fœderis : 36. & inventi sunt duo millia septingenti quinquaginta . 37. Hic est numerus populi Caath qui intrant tabernaculum fœderis : hos numeravit Moyses & Aaron iuxta sermonem Domini per manum Moysi . 38. Numerati sunt & filii Gerson per cognationes & domos patrum suorum , 39. a triginta annis & supra , usque ad quinquagesimum annum , omnes qui ingrediuntur ut ministrent in tabernaculo fœderis : 40. & inventi sunt duo millia sexcenti triginta . 41. Hic est populus Gersonitarum , quos numeraverunt Moyses & Aaron iuxta verbum Domini . 42. Numerati sunt & filii Merari per cognationes & domos patrum suorum , 43. a triginta annis & supra , usque ad annum quinquagesimum , omnes qui ingrediuntur ad explendos ritus tabernaculi fœderis : 44. & inventi sunt tria millia ducenti . 45. Hic est numerus filiorum Merari , quos recensuerunt Moyses & Aaron iuxta imperium Domini per manum Moysi . 46. Omnes qui recensiti sunt de Levitis , * & quos recenseri fecit ad nomen Moyses & Aaron , & principes Israel , per cognationes & domos patrum suorum , 47. a triginta annis & supra , usque ad annum quinquagesimum , ingredientes ad ministerium tabernaculi , & onera portanda , 48. fuerunt simul octo mil-

millia quingenti octoginta . 49. Iuxta verbum Domini recensuit eos Moyses, unumquemque iuxta officium & onera sua, sicut praeceperat ei Dominus.

(4) L. Paralip. xv. 25.

B R U G E N S I S

ROMANAE CORRECTIONES.

V. 6. *Et operient rursus velamine ianthinarum pellium.* Sextum casum *velamine* quidam commutant cum *quarto velamen*; male. Porro pro *ianthinarum* quidam dant *hyacinthinarum*, tum hoc versu, tum pluribus sequentibus, eo iudicio quo supra Exod. xxv. 5.

V. 19. *Ipsique disponent opera singulorum.* Quia de portando hic agitur, putarunt quidam *onera* potius legendum esse quam *opera*; falli.

V. 46. *Et quos recenseri fecit ad nomen Moyses.* Non est omittenda vox *recenseri*.

N O T A T I O.

Vers. 6. 8. 10. 11. 12. 14. 25. Frequens est hoc capite inter codices ista diversitas, quod pelles rerum sacrarum velamina alii *ianthinas* dicant, alii *hyacinthinas*. Eademque varietas aliis multis occurrit locis. Exodi xxv. vers. 5. xxvi. vers. 14. xxxv. vers. 7. ac 23. xxxvi. vers. 19. xxxix. vers. 33. Utrum autem Interpres verterit, facile dici non potest; tum quod variant codices, tum quod Hebraea vox *תחת* (quae locis his omnibus legitur) admittat non minus unum quam alterum (1). Attamen videri potest *ianthinum* ab Interprete scriptum: & vel ex eo quod minus trita vox minus intelligeretur, vulgari mutata; vel ex eo quod LXX. *hyacinthinum* transtulerunt, hoc modo etiam nostris scribendum codicibus iudicatum; vel utraque ex causa *ianthinum* reiectum. Certe cum Hebraice *תחת* legitur, nostri codices (2) *hyacinthinum* aut *hyacinthinum* constanter habent: cum *תחת* quidam *ianthinum*

scribunt. Hoc cum plurimis locis conspiciatur, conici potest illud *hyacinthinum*, hoc *ianthinum* ab Interprete translatum. Quod si obiciat quis, non mirum quod utraque vox ab Interprete *hyacinthinum* translata sit.

cum a LXXII. utraque eo modo sit versa: dicat, unde in ordinaria Glossa, & aliis quibusdam vetustis exemplaribus *ianthinum* legatur? Sed quid opus est longiorem hac de re disputationem texere, cum *ianthinæ* & *hyacinthinæ* pelles eadem fortassis intelligi possint, utpote ab eiusdem coloris floribus nuncupata? Testatur enim Plinius (3) *ianthinas* vestes dictas a violis, Græco nomine *ἰα* vocatis, quæ apricis, & macris locis sponte proveniunt purpureæ. *Hyacinthinas* autem vestes ab *hyacinthis* dici, & purpureos esse *hyacinthos* (quamquam & alterius coloris inveniantur) nemo est qui nesciat. Vestes igitur pellesque coloris purpurei, & *ianthinæ*, & *hyacinthinæ* dici possunt. Vel caruleæ vestes, ac pelles utroque hoc modo recte appellantur. Scribit enim Hieronymus in xvi. Ezechielis cap. vers. 10. utrumque & *ianthinum*, & *hyacinthinum* aërii & *roxiæ* coloris esse. Tractat illa Ezechielis verba: *Calceavi te hyacintho*, sive, ut apud eum legitur, *ianthino*: docetque vocem *תחת* quæ etiam ibi legitur, ab Aquila, & Symmacho *ianthina*, a LXX. & Theodotione, *hyacinthina* translata. Porro recentiores Interpretes Hebræam vocem relinquunt, *thassum*, sive *taxum* scribentes; docentque nonnulli, animal esse varii coloris, Chaldeo *תחת* nominatum, quia colorum suorum varietate delectetur. Nonnulli bovem esse existimant, alii aliud opinantur. Dubium autem non est, quin pelles, quæ super cetera velamina ponendæ fuerunt, eiusmodi fuerint, quæ imbribus, & quibuscumque aeris iniuriis obsistere possent. Nec ambigendum est, quin sacrarum rerum tegmina pretiosa fuerint atque ornata, ac talia, quæ eos qui portabant, omnis reverentiz admonerent.

(1) Id indicant Clarus & Henzenius: idipsum in xxv. Exodi caput tenet Engubinus.

(2) Exod. xxvi. vers. 1. ac 31. xxxv. vers. 6. ac 23. xxxvi. vers. 8. & c. Num. iv. vers. 6. 7. 9. 11. & c.

(3) Lib. XI. cap. vi. & viii.

C O M M E N T A R I A.

S A.

Verf. 4. **C**ULTUS, id est officium, seu ministerium. Hebr. *opus*, seu *servitium*: sic & infra. TABERNACULUM FOEDERIS, ET SANCTUM SANCTORUM, pro in tabernaculo foederis, & Sancto sanctorum, ut indicant Hebr. Chald. & LXX.

V. 5. ANTE FORES, pro ante Sancta sanctorum: nullæ enim aliæ fores præter velum: & quidem Hebr. Chald. & apud LXX. non est *ante fores*.

V. 7. MORTARIOLA. Exod. xxv. vertit *acetabula*: alii *cochlearia*. Vide infra cap. vii. SEMPER. Figura id Eucharistiæ, quæ semper in Ecclesia est.

V. 13. ALTARE, scilicet holocausti.

V. 16. SUPER QUOS ERIT. Hebr. *preseflura*, seu *fundio*, scilicet erit, quæ sequitur. LXX. *Episcopus*.

V. 18. PERDERE, scilicet relinquo prædicta recta, vel permittendo ut nuda tangerent, aut videant.

V. 19. SI TETIGERINT SANCTA SANCTORUM. Hebr. *Cum accesserint ad Sancta sanctorum*, id est res sanctas, scilicet portandas.

V. 20. ALII NULLA CURIOSITATE VIDEANT &c. Hebr. *Ipsi autem non intrent, ut videant sancta, cum involvuntur*, &c.

V. 26. TABERNACULUM, id est atrium.

V. 28. MANU, id est imperio, seu potestate.

V. 37. INTRANT TABERNACULUM. Hebr. Chald. & LXX. *Ministrant in tabernaculo*. PER MANUM MOYSI, id est per Moysen.

V. 46. AD NOMEN, id est nominationem.

E S T I I.

Verf. 3. **A** TRIGESIMO ANNO ET SUPRA USQUE AD QUINQUAGESIMUM ANNUM. Huic videtur adversari quod postea legimus cap. viii. ubi dicitur Moysi: *Hæc est lex Le-*

uitarum: A viginti quinque annis & supra, ingredientur ut ministrent in tabernaculo foederis. Respondeo, quod ab anno vigesimo quinto incipiebant addicere ministerium Levitarum, idque per certos quosdam magistros ex Levitis ad hoc deputatos; anno autem ipso trigessimam veterum canonum Ecclesiasticorum, ad presbyterii gradum admittebatur nemo, nisi qui trigessimum ætatis annum attigisset, & Christus ipse baptizatus est quasi annorum triginta.

V. 13. ALTARE MUNDABUNT CINERE, ET INVOLVENT ILLUD PURPUREO VESTIMENTO. Queritur, quare istud purpureo operimento involvitur, cum alia operirentur tegumentis hyacinthinis. Respondeo, id fieri ad designandum, quod sub eo ignis lateret: oportebat enim ignem semel definitum datum Levit. ix. semper in altari asservari, sicut & semper asservatus fuit usque ad captivitatem Babylonicam. Addunt Hebræi, cum moverentur castra, ignem hunc altari inclusum miraculo fuisse conservatum. Sed de ea re potest non immerito dubitari; tum quia hic dicitur, *Mundabunt cinere*, sive, ut in Hebræo est, *Excinerabunt*; tum quia huius miraculi nusquam fit mentio, nec in Scriptura, nec apud Patres. Adde quod miracula fieri non soleant sine necessitate; at ignis facile servari poterat naturali modo in vase aliquo convenienti. Obiici quidem e contra potest quod mox his subiicitur: *PONENTQUE CUM EO*, id est altari, *OMNIA VASA, QUIBUS IN MINISTERIO EIUS UTUNTUR, ID EST IGNIUM RECEPTACULA, FUSCINULAS, &c.* ignis autem purpureo vestimento non possit includi. Sed respondeo, in Hebræo non addi *ignium*. Deinde nihilominus etiam modi quidam concipi possunt naturali via ignem conservandi.

V. 20. ALII NULLA CURIOSITATE VI-

VIDEANT QUAE SUNT IN SANCTUARIO, ALIOQUIN MORIENTUR. Non est quod hic urgeat aliquis quod dicitur, *nulla curiositate*; quasi, si vel casu, vel ex devotione quis ea videret, nihil pateretur: nam nec in Hebraeo, nec apud Septuaginta ulla mentio est curiositatis. Nec verisimile est Bethsamitis illos omnes, de quibus I. Reg. vi. curiositate sola ductos vidisse arcam Domini, sed ut populus solet, nonnullos etiam aliqua devotione, ut nunc concurritur a plebe ad spectandam pompam aliquam sacram, & tamen a Deo percussus sunt. Sed Dominus populum illum veterem voluit timore contineri, & strictissime suis praeceptis inhaerere, ne ad idolatriam dilaberetur.

M A R I A N A E.

Vers. 3. **O** MNIMUM QUI INGREDIENTUR UT STENT. Hebr. *Omnis veniens ad exercitum ad faciendum opus*. Qui Deo mancipantur, quasi militiam suscipiunt. Et fortiores esse debent, nempe numerati a trigésimo anno, cum ad aliam militiam a vigésimo numerantur.

V. 4. TABERNACULUM FOEDERIS, ET SANCTUM SANCTORUM. Hebr. *In tabernaculo foederis Sanctitas sanctitatum*; hoc est, quæ sanctissima sunt in tabernaculo, eorum, scilicet filiorum Caath, fidei permittuntur.

V. 6. VELAMINE IANTHINARUM PELLUM. Sic Sept. at Hebr. *pelles tauri* habet. *Vers. 8. & 12.* idem repetitur.

V. 7. CRATERAS AD LIBA FUNDENDA. קֶסֶת הַנֶּסֶךְ *Keseth hanesech*. Hebraei putant his verbis significari calamos medios operimenti: nimirum quod inter panes ii calami essent, ne se panes contingerent; eoque vocat calamos operimenti, quod operirent panes. LIBA. Hieronymus pro libatione aut infusione vini sumit.

V. 9. UNCINOS. Vocem Hebraeani *labim* putant Hebraei *scopas* significare. BATILLA. An id est *Basilis*?

V. 20. PRIUSQUAM INVOLVANTUR. Non videant alii quæ sunt in Sanctuario. Hebr. *Cum involvantur*, seu *coopariuntur*; nam בָּלַב *balab* non tantum *decurare*, sed *operire* significat. Et quod di-

citur, NULLA CURIOSITATE, additum est ab Hieronymo. Hebr. hoc tantum: *Et non venient ad videndum*.

V. 23. OMNES QUI INGREDIUNTUR. Hebr. *omnem venientem ad militandum militiam*. Geminatur verbum ob maiorem perspicuitatem. Sept. pro *a triginta annis*, a quinque & viginti dixerunt, quod fecerunt etiam *vers. 3. & vers. 30.* fortassis librarii est error. Vide infra cap. viii. *vers. 24.*

V. 32. AD NUMERUM ACCIPIENT. Hebr. *In nominibus numerabitis*. Vasa omnia numerari, & nomina singulorum exprimi vult in rationario.

V. 47. INGREDIENTES AD MINISTERIUM TABERNACULI, ET ONERA PORTANDA. Hebr. *ad serviendum servitium operis*, & *servitium oneris*. Hebraeus Schol. pro *servitio operis* explicat canendi ministerium, quod Levitis incumbat. Explicat quo numero ii ministri essent, nempe 8580. Gotth. 8630. sed vitiose.

M A L V E N D A E.

Vers. 2. **T**OLLE SUMMAM FILIORUM CAATH DE MEDIO LEVITARUM PER DOMOS ET FAMILIAS SUAS. Sensem huius versus Noster optime exposuit. Alii sic: *Collige summam filiorum Kahath de medio filiorum Levi, iuxta familias suas, iuxtaque domos patrum suorum*. Nonnulli: *Reverseto capita filiorum Kahathi inter filios Levi, secundum familias eorum, per domum maiorum ipsorum*.

V. 3. QUI INGREDIUNTUR UT STENT. Hebr. *Omnem ingredientem, seu venientem ad militiam, seu exercitum*; alii, *venientem ad pugnam*: nonnulli, *aptum bello*; quasi dicat: In ea ætate qua aptus bello censetur, poterit in tabernaculo ministrare: sic in seqq. accipiunt. Quidam exponunt: *Omnem aptum ad obeundum banc militiam*, id est serviendi sacerdotibus in tabernaculo erecto, aut cum proficiscendum est, ipsum deportandi: nam hæc duo erant ministerii genera apud ambulatorium tabernaculum. Simplicius tamen, inquit, fore videtur istud, si militiæ nomine ordinem intelligamus quasi militarem quem sacerdotes æque ac alii tenebantur cum Levitis observare, mandato Dei ad com-

mo-

moditatem cultus, honestatemque publicam; quomodo etiam forensis militia in iure, & militia urbana Ciceroni pro Muræna dicitur. Fuit etiam apud auctores inclinantis imperii militia Palatina. Notant nomen מִצְבָּא, id est militia, seu exercitus, dici hic de cultu & ministerio Ecclesiastico, seu Sacerdotali, seu Levitico, quasi statio militaris in Ecclesia, ubi omnia certo tempore, & ordine decenter administrantur. Vide infra vers. 23. 30. 35. 39. 43. & cap. VIII. vers. 24.

V. 4. ET SANCTUM SANCTORUM. Hebr. *Sanctitas sanctitatum*; id est, sunt res sacratissimæ, quas administrare, seu in quibus servire debent: ministerium eorum est rerum sacratissimarum.

V. 15. ISTA SUNT ONERA FILIORUM CAATH. Hebr. *Ista onus filiorum Kehath*: nempe ista prædicta erunt onus &c. id est, hæc ex rebus tentorii conventus ferent Kehathitæ. Quidam annotant, Kehathitas etiam portasse arcam, donec sacerdotes numero aucti eam deportare possent, Deut. xxxi. vers. 9. Nam sacerdotum postea fuisse portare arcam, omnia historiarum exempla docent in libris Iosue, Iudicum, Samuelis, & Regum. מַשָּׂא *massa*, proprie est *onus*, *pondus*, *gravamen*, quod levatur, & imponitur alicui; quasi dicas, *levatio*, *elevatio*. Hic quidam pro officio, seu ministerio, sumunt quod levatur, & imponitur super aliquo, ut etiam I. Paralip. xv. 22, ac si dicat: Ista deportare erit munus & officium Kehathitarum. Aliqui reddunt: *Ista elevatio filiorum Kehath*; id est, ista sunt quæ levare, seu portare debent Kehathitæ. Vide infra vers. 19.

V. 18. NOLITE PERDERE POPULUM CAATH, &c. Recte quidam interpretantur: Id est, cavete ne incuria & negligentia vestra excendantur, & pereant Kehathitæ; quasi dicat: Ipse Aaron & filii eius prius omnia diligenter involvant, ne nuda a Kehathitis traçantur, & propterea moriantur. Versu sequenti se ipsum exponit.

V. 19. SANCTA SANCTORUM. Hebr. *Sanctitates sanctitatum*, id est res illas tabernaculi sanctissimas, & sacratissimas.

V. 20. ALII NULLA CURIOSITAS, &c. Hunc versum diversimode ex Hebræo convertunt. I. Ne ingrediantur ad

videndum, quando operient sanctitatem, & moriantur. II. Et non ingredientur ad videndum iuxta absorbere sanctitatem. III. Ipsi vero non introeunt, ut contemplantur quando involvuntur sancta, ne moriantur; vel quando velabatur sanctitatem, & moriantur. IV. Et non venient ad videndum sicut tegere sanluarium; id est, quo modo involvuntur & teguntur sancta, &c. V. Et non venient inspectum, sive inspicere, vel veniant inspiciendo: hypallage; id est, ne prius veniant quam tecta sint a sacerdotibus omnia, ut non moriantur si illa inspexerint: unde reddunt: Ut non inspiciant veniendo, cum tegunt sacerdotes rem sanctam, & moriantur. VI. Et non ingrediantur ad videndum secundum præcipitare sanctum, ut moriantur; id est, non ingrediantur ad videndum sanctum ex præcipitancia & temeritate, seu temere: metaphora ab hisqui præcipitant & temere deglutunt. Verbum מִשָּׁלַח *shalagh* proprie est absorbere, deglutire, præcipitare, ingurgitare; quasi in guttur præcipitare, & demergere, seu præcipitantes deglutire, devorare, absorbere. Forsan hic sit metaphora, quod res illæ sacræ tabernaculi, vasa & instrumenta absorberentur, & deglutirentur a thecis, seu saccis, aut operatoriis, quibus involvebantur, ut ibi absconderentur & tegerentur, atque operirentur.

V. 23. OMNES QUI INGREDIUNTUR ET MINISTRANT IN TABERNACULO FOEDERIS. Hebræa plurariam exprimunt. I. Quotquot ingrediuntur in congregationem, seu in turmam, ut faciant opus in tabernaculo Ecclesie. II. Quotquot admittuntur in cætum, sive in consortium illud eorum, qui administraturi sunt in tabernaculo foederis. III. Quicumque aptus est militia, ut illi in tentorio constitutionis ministrant. IV. Omnem aptum ad obeundum militiam, ad exercendum ministerium in tentorio conventus. Certum est hic, verbum militare, & nomen militia dici de cultu & ministerio ecclesiastico, quasi stationem militarem habere in tabernaculo foederis. Ex verbo: Omnem venientem ad militandum militiam, ad serviendum servitum in tentorio constitutionis. Neque dubium quin huc respexerit, hincque phrasim desumpserit Paulus I. Timoth. i. vers. 18. *Ut miles in eis bonam militiam, habens fidem, & bonam conscientiam, &c.* Vide supra vers. 3.

& Exodi xxxviii. vers. 8.

V. 26. OMNIA QUAE AD ALTARE PERTINENT. Hebr. verbatim expressimus (*Et omnia vasa servitii eorum, & omne quod fiet eis, & servient.*) Quidam sic: Et quaecumque facta sunt, seu quae fieri solent, pro illis: & ita ministrabunt. Alii: Omnia denique, quae illis obveniunt, exequuntur, vel facient. Nonnulli: Et quaecumque sunt ad illa, ut subserviant illis.

V. 27. IUBENTE AARON. Hebr. *Super os Aarōn*. Quod reddunt, iuxta sermonem, vel secundum verbum, aut expressit Aarōnis. Sic versu 37. 41. 45. 49. ET SCIANT SINGULI CUI DEBEANT ONERA MANCIPARI. Optime sensum expressit; nos verba, quae varie exponunt. I. Et deponetis apud eos in custodiam universa onera ipsorum. II. Et commendabitis super eos in custodia omne onus eorum. III. Et committetis illis in custodiam universa onera ipsorum; id est, quaecumque illi ferre debent. IV. Et recensetis eis omnia onera eorum, quae observent. V. Et numerabitis super eos in custodia omne onus eorum; id est, numero tradetis eis, ut custodiant omnia quae ipsi portant. VI. Et censetis super eos pro custodia omnia onera eorum. VII. Et requireris, inspicietis super eos in custodia omne onus eorum; id est, brevitarum conficietis omnium eorum quae illis custodienda, & deferenda tradetis, ne aliquid amittatur, aut intervertatur: vel, & exacte distribuetis super eos onera, quae ferre, & custodire debent. Verbum *קָבַץ* *pakad*, *visitare*, omnes praedictos sensus complectitur.

V. 28. ERUNTQUE SUB MANU ITHAMAR. Hebr. *Et custodia eorum in manu Ithamar*; id est, omnia haec facient mandante Ithamar. Alii: *Quorum observatio esto in manu Ithamar*; id est, per Ithamarem habetor inspectio illorum; isque curato ut exequantur ministeria sua. Sic infra vers. 33.

V. 31. HAEC SUNT ONERA EORUM: PORTABUNT TABULAS, &c. Hunc versum nos verbatim, ut solemus, ex Hebraico reddidimus (*Et ista observantia oneris eorum, omni servitio eorum in tentorio stationis, asseres scene, & transfugitoria eius, & statu.e eius, & sustentacula eius.*) Alii sic offerunt. I. Haec autem erit custodia oneris eorum, pro omni ministerio eorum in taber-

naculo Ecclesiae, tabule tabernaculi, & velles eius & columnae eius, & bases eius. II. Et haec custodia oneris eorum ad omne servitium eorum, vel ad omne ministerium eorum, seu in omni cultu eorum, in tentorio conventus: asseres tabernaculi, & velles eius, & columnae eius, & bases eius. III. Haec autem esto observatio oneris eorum, praeter omne ministerium eorum in tentorio conventus, ut portent asseres tabernaculi, & transsilla eius, columnasque eius, & stylobatas eius. Subaudiunt illud, *Ut portent*, e versu 25. analogice.

V. 32. ET SUPPLECTILEM AD NUMERUM ACCIPIENT, SICQUE PORTABUNT. Hebr. *Et in nominibus visitabitis vasa observantiae oneris eorum*. Alii reddunt. I. Et per nomina numerabitis, recensetis vasa custodiae oneris eorum, id est quae committitis illis deferenda. II. Et numerabitis nominatim instrumenta, quae custodient & ferent. III. Nominatim autem recensetote omnia instrumenta observationis oneris eorum; id est, quaecumque illis deportanda, servandaque tradetis, ea sigillatim relata in indicem & breviarum descriptaque habetote, eisque ex antigrafo committite.

V. 37. IUXTA SERMONEM DOMINI PER MANUM MOYSI. Hebr. *Super os Domini in manu Moysi*, id est opera Moysi, numerante Mose; vel mandato Domini facto per Moysen. Quidam: *Ex praestituto Iehovae per Moysen*; id est, quod praestitutum renuntiavit Moyses, ut in mandatis acceperat. Sic vers. 45. & 49. Alii: *In manu Moysi*, id est ministerio Moysi.

V. 47. AD MINISTERIUM TABERNACULI, ET ONERA PORTANDA. Sensum expressit: verba sunt: *Ad servire servitutem servitutis, & servitutem oneris in tentorio constitutionis*. Alii sic exprimunt. I. *Ad peragendum ministerium cultus, & ad peragendum opus oneris in tabernaculo Ecclesiae*. II. *Ut ministraret in ministerio, & inserviret oneri gestando in tentorio constitutionis*. III. *Ad exercendum ministerium cultus, & ministerium oneris in tentorio conventus*. Duo haec erant Levitarum ministerii genera apud ambulatorium tabernaculum, nempe serviendi sacerdotibus in tabernaculo erecto; & cum proficiscendum esset, ipsum deportandi, ut vers. 3. observavius.

V. 49. IUXTA VERBUM DOMINI RECENSUIT EOS MOYSES. Hebr. *Super os Domini recensuit eos in manu Moyse*. Quidam exponunt: Recensuit eos, nimirum cæsus, ex Mose cum Aarone & principibus Israelis constans, ut expositum est vers. 46. UNUMQUEQUE IUXTA OFFICIUM ET ONERA SUA. Hebr. *Virum virum super servitutem eius, & super onus eius*. Alii: 1. Singulos secundum ministerium suum, & secundum onus suum. II. Unumquemque iuxta ad ministerium suum, & iuxta ad onus suum.

MENOCHII.

Vers. 3. **A** TRIGESIMO ANNO ET SUPRA, USQUE AD QUINQUAGESIMUM. Hic enim numerantur tantum viri qui graviora onera, & partes tabernaculi ferre possent, cum movenda erant castra. UT STENT. Statio hic vocatur ipsa ministratio Levitarum in tabernaculo: sic num. 30. dicitur de Meraritis: Omnes qui ingrediuntur ad officium ministerii sui. Utrobique in Hebræo sunt eadem voces.

V. 4. HIC EST CULTUS FILIORUM CAATH: hoc est ministerium, hæc functio Caathicarum.

V. 5. AARON ET FILII EIUS. Etiam minores sacerdotes ingredi poterant Sanctum sanctorum ad illud deponendum, cum movenda erant castra. DEPONENT VELUM, quod dividit Sanctum sanctorum a Sancto.

V. 6. VELAMINE IANTHINARUM PELLIVM, non illo quo tabernaculum tegebatur, sed alio proprio. Nam & mensa, & candelabrum, & cetera suum habebant etiam velamentum ex ianthinis pellibus. PALLIVM TOTUM HYACINTHINUM. Aliud velamen proprium, non ex pellibus, sed e filis hyacinthini coloris compositum, ut patet ex Hebræo, in quo est *תחתית תכלית*, quod huiusmodi fila significat; non *תחתית תכלית*, quod pelles eo colore tinctas significat. INDUCENT VECTES, non in arcam, quia iam induti erant, & nunquam extrahebantur, ut patet Exod. xxv. 15. Ipducere ergo est componere intra eadem velamina quibus arca contegitur, præter eas tamen vestes partes quæ humeros baiulantium preme-

bant, & ab arca hinc inde longius excurrebant.

V. 7. MORTARIOLA erant scutellæ quibus similia in sacrificiis excipiebatur. CYATHOS, ad vina, & libamina: idem usus eorum vasorum quæ appellantur *Cra-teres*. PANES SEMPER IN EA ERUNT: panes propositionis in mensa, etiam cum deportatur, & de loco ad locum transfertur.

V. 10. INDUCENT VECTES. Etiam si candelabrum non haberet annulos quibus immitterentur vestes, ut patet ex eius constructione, quæ describitur Exod. xxv. & xxxvii. vestes tamen adhibebantur cum erat transferendum, & ad illos alligabatur candelabri sarcina, vel super eos imponebatur: quod indicant LXX. *καὶ ἐπιθήσουσιν αὐτῶν ἐν ἀναπόσει*, & imponent illud super vestes.

V. 11. ALTARE AUREUM, thymiamatis, quod aureis laminis erat obductum.

V. 13. SED ET ALTARE, holocaustorum. MUNDABUNT CINERE, ex vitimis, & lignis combustis.

V. 14. FUSCINULAS AC TRIDENTES, UNCINOS ET BATILLA. In Hebræo est unica tantum vox *מזלגות* *miz-legot*, quæ fuscinulam significat, sive unum tantum dentem habeat, ut uncini, sive plures.

V. 15. NON TANGENT VASA, nuda scilicet, & non operata.

V. 16. SUPER QUOS, Caathitas, ERIT ELEAZAR, utpote ex Caath oriundus. Gersonitis vero & Meraritis præerat Ithamar iunior Aaronis filius; sed ita ut omnibus Eleazar præesset, generalem quamdam in omnes providentiam exercens. A D CUIUS, Eleazari. INCENSUM, ET SACRIFICIUM, &c. Non quod solus Eleazar sacrificaret, aut adoleret incensum; sed quod eius esset prospicere, ne similia, oleum, & incensum sacrificiorum materia deesset. SACRIFICIUM, QUOD SEMPER OFFERTUR: in Hebr. est *Mincha*: intellige ergo similam illam, quæ observabatur ad offerendum cum iugi holocausto.

V. 18. NOLITE PERDERE POPULUM CAATH. Ne permittatis Caathitas perdi, & occidi a me: quod fiet si tangant Sancta sanctorum, id est vasa tabernaculi sanctissima.

V. 28. HIC EST CULTUS, ministrum. Hebr. כבוד *haboda*.

V. 37. SERMONEM DOMINI PER MANUM MOYSI, sermonem, & imperium Domini, qui per Moysen, ut ita fieret, significavit.

V. 49. UNUMQUEQUE IUXTA OFFICIUM ET ONERA SUA, unicuique imperando, & munus, in quo ministrare debebant, iniungendo.

T I R I N I.

Vers. 3. **A** TRIGESIMO ANNO USQUE AD QUINQUAGESIMUM. Hæc ætas hic præscribitur filiis Caath non qua possent ministrare in tabernaculo (nam hoc citius licuit illis, puta ab anno 25. ut dicitur infra cap. viii. 24. Et tempore Davidis, saltem in levioribus servitiis, & quasi in novitiatu, servire poterant ab anno 20. ut constat ex I. Paralip. xxiii. vers. 24. 25. 26. 27. 28.) sed de ætate qua, dum iter agendum esset, res tabernaculi deferre, ac manibus tractare possent. Hæc enim sacrarum sarcinarum baiulatio ut maiorem reverentiam, ita & ætatem firmiorem ac robustiorem deprecabatur.

V. 4. SANCTUM SANCTORUM INGREDIENTUR AARON ET FILII EUS. Etsi enim soli Aaroni, & summo Pontifici licitum esset semel per annum in Sancta sanctorum ingredi, fixo & stabilito tabernaculo; licuit tamen etiam inferioribus sacerdotibus, quamdiu per desertum vagabantur, urgente necessitate, cum refugendum alioque transferendum esset tabernaculum, illuc ingredi ad involvendam, cisterndamque arcam.

Allegorice Innocentius III. a ex officiis Sacerdotum & Levitarum veteris legis, docet distincta quoque fuisse ministeria Acolythorum, Diaconorum, Presbyterorum, & Episcoporum novæ legis. Tropologiam vide apud Rabanum.

(*) Innoc. Lib. I. de S. Altaris mysterio, a cap. 11. usque ad vii.

G O R D O N I.

Vers. 3. **A** TRIGESIMO ANNO; sed Septuaginta habent, *Ab anno vigesimo quinto*: & hic cap. viii. vers. 24.

sunt etiam anni viginti quinque. Sed nulla est in his contradictionis species: nam hoc vers. 3. agitur de Levitarum ætate, qui debebant deportare res tabernaculi, ubi firmior ætas requirebatur; at vero cap. viii. præscribitur ætas ministrantium, quibus sufficiens 25. anni usque ad 50. Quod vero habetur I. Paral. cap. xxiii. vers. 24. & 27. ætatem ministrantium Levitarum esse 20. annorum, hoc intelligendum est de administratione leviorum rerum: quod permittendum David iudicavit ad maiorem frequentiam, & splendorem novi templi, non abrogata lege de viginti quinque annis ad res omnes. Sed cur Septuaginta hic cap. iv. vers. 3. ubi de baiulis agitur, tantum ponunt viginti quinque annos; aliter sane Notter, & Hebræus: Eugubinus putat errore librarium irrepisse mendum. Alii rectius, qui commodo modo mentem Septuaginta interpretantur. Recte Vulgatus.

V. 4. CULTUS, ministerium & officium.

V. 7. & 16. Ergo etiam in deserto pænes propositionis apponebantur: nisi quis velit hæc omnia præscribi pro terra promissionis. MORTARIOLA, cucularia, vel acetabula. LIBA, pro libatione, & infusione. De oleo hic vers. 16. vide Exod. xxx. Sacrificium etiam cuius hic fit mentio, videtur Mincha, de qua supra Levit. cap. ii.

V. 18. NOLITE PERDERE, scilicet permittendo ut nuda videant, & tangant.

V. 37. INTRANT TABERNACULUM. Hebr. & Septuag. *Ministrant in tabernaculo*.


EX EIUSDEM AUCTARIO.

V. 5. ET FILII EUS. Quando munda erant castra, minores etiam sacerdotes ingrediebantur Sanctum sanctorum ad illud deponendum. Quæ vero hic recensita deponerentur, nota sunt ex structura tabernaculi, de qua supra.

V. 7. MORTARIOLA, scutellæ pro simila, vel acetabula.

V. 15. NON TANGENT VASA; intellige nuda.

V. 37. PER MANUM MOYSI, per Moysen declaratum.



C A P U T V.

*Qui immundi extra castra arcendi: satisfactio transgressionis per negligentiam:
de primitiis ac oblationibus, & lege zelotypiæ.*

1. **L**ocutusque est Dominus ad Moysen, dicens: 2. Præcipe filiis Israel, ut eiiciant de castris omnem leprosum, & qui semine fluit, pollutusque est super mortuo: 3. tam masculum quam feminam eiците de castris, ne contaminent ea * cum habitaverim vobiscum. 4. Feceruntque ita filii Israel, & eiecerunt eos extra castra, sicut locutus erat Dominus Moysi. 5. Locutusque est Dominus ad Moysen, dicens: 6. Loquere ad filios Israel: Vir, sive mulier, cum fecerint ex omnibus peccatis, quæ solent hominibus accidere, & per negligentiam transgressi fuerint mandatum Domini, atque deliquerint, 7. consitebuntur peccatum suum, & reddent ipsum caput, quintamque partem desuper, ei in quem peccaverint. 8. Sin autem non fuerit qui recipiat, dabunt Domino, & erit sacerdos, excepto arietem, qui offertur pro expiatione, ut sit placabilis hostia. 9. Omnes quoque primitiæ, quas offerunt filii Israel, ad sacerdotem pertinent: 10. & quidquid in sanctuarium offertur a singulis, & traditur manibus sacerdotis, ipsius erit. 11. Locutusque est Dominus ad Moysen, dicens: 12. Loquere ad filios Israel, & dices ad eos: Vir, cuius uxor erraverit, maritumque contemnens 13. dormierit cum altero viro, & hoc maritus deprehendere non quiverit, sed lateat adulterium, & testibus argui non potest, quia non est inventa in stupro: 14. si spiritus zelotypiæ concitaverit virum contra uxorem suam, quæ vel polluta est, vel falsa suspitione appetitur, 15. adducet eam ad sacerdotem, & offeret oblationem pro illa, decimam partem sati farinæ hordeaceæ: non fundet super eam oleum, nec imponet thus: quia sacrificium zelotypiæ est, & oblatio investigans adulterium. 16. Offeret igitur eam sacerdos, & statuet coram Domino: 17. asumatque aquam sanctam in vase fictili, & pauxillum terræ de pavimento tabernaculi mittet in eam. 18. Cumque steterit mulier in conspectu Domini, discooperiet caput eius, & ponet super manus illius sacrificium recordationis, & oblationem zelotypiæ: ipse autem tenebit aquas amarissimas, in quibus cum execratione maledicta congestæ: 19. adiurabitque eam, & dicet: Si non dormivit vir alienus tecum, & si non polluta es deserto mariti toro, non te nocebunt aquæ istæ amarissimæ, in quas maledicta congesti. 20. Sin autem declinasti a viro tuo, atque polluta es, & concubisti cum altero viro; 21. his maledictionibus subiacebis: Det te Dominus in maledictionem, exemplumque cunctorum in populo suo: putrescere faciat semur tuum, & tumens uterus tuus disrumpatur. 22. Ingrediantur aquæ maledictæ in ventrem tuum, & utero tumescente putrescat semur. Et respondebit mulier, Amen, amen. 23. Scribetque sacerdos in libello ista maledicta, & delebit ea aquis amarissimis, in quas maledicta congestæ: 24. & dabit ei bibere. Quas cum exhausserit, 25. toller facerdos de manu eius sacrificium zelotypiæ, & elevabit illud coram Domino, im-

imponetque illud super altare: ita dumtaxat, ut prius 26. pugillum sacrificii tollat de eo quod offertur, & incendat super altare & sic potum det mulieri aquas amarissimas. 27. Quas cum biberit, si polluta est, & contempto viro adulterii rea, pertransibunt eam aquæ maledictionis, & inflato ventre computrescet femur: eritque mulier in maledictionem, & in exemplum omni populo. 28. Quod si polluta non fuerit, erit innoxia, & faciet liberos. 29. Ista est lex zelotypiæ. * Si declinaverit mulier a viro suo, & si polluta fuerit, 30. maritusque zelotypiæ spiritu concitatus adduxerit eam in conspectu Domini, & fecerit ei sacerdos iuxta omnia quæ scripta sunt; 31. maritus absque culpa erit, & illa recipiet iniquitatem suam.

B R U G E N S I S

ROMANÆ CORRECTIONES.

V. 3. Cum habitaverim vobiscum. Cave ne primam personam singularem habitave-

rim commutes cum tertia plurali habitaverint.

V. 29. Si declinaverit mulier a viro suo. Quidam libri confodiunt vocem mulier, sed immerito.

C O M M E N T A R I A.

S A.

Verf. 3. CUM HABITAVERIM VOBISCUM. Hebr. & LXX. In quorum medio ego habito. Chald. Quia maiestas mea habitat inter eos.

V. 6. PER NEGLIGENTIAM. LXX. per contemptum. Hebr. & Chald. neutrum est.

V. 7. IPSUM CAPUT, id est sortem principalem, ut aiunt, scilicet totum damnum. Vide Levit. vii.

V. 8. DABUNT DOMINO. Nota hic, incerta, esse Domini, adeoque pauperum, vel Ecclesiæ. EXCEPTO ARIETE, id est præter arietem. UT SIT PLACABILIS HOSTIA. Hebr. Chald. & LXX. Quo ipse expiatur.

V. 9. AD SACERDOTEM, scilicet cui dant offerendas Domino.

V. 10. IPSIUS ERIT. Nota, quod offertur Ecclesiæ, esse sacerdotis.

V. 12. MARITUMQUE CONTEMNENS. Hebr. & Chald. In maritum prævaricata.

V. 15. SATI. Hebr. & LXX. ephi. Chald. trium saterum, quod idem est: ephi enim lata tria. HORDEACEAE. Chryf. Orat. iv. in Iudæos: Non triticeæ, ut forma sacrificii calamitatem exprimeret. INVESTITIGANS ADULTERIUM. Hebr. Chald.

& LXX. commemorans iniquitatem; quasi dicat, Reducens in memoriam adulterium.

V. 17. SANCTAM, scilicet acceptam ex labro sancto, quod erat ante altare holocausti. TERRÆ: sic etiam LXX. at Hebr. & Chald. pulveris.

V. 18. RECORDATIONIS; id est, reducere in memoriam iniquitatem adulterii. AMARISSIMAS: scilicet postea tales fiebant. IN QUIBUS CUM EXECRATIONE, &c. Hebr. Chald. & LXX. maledictas: scilicet facientes adulteram maledictam, id est infelicem: sic etiam infra.

V. 21. IN MALEDICTIONEM; id est, faciat te infelicem, vel talem, ut imprecantes malum, dicant: Ita tibi contingat, ut illi mulieri. FEMUR, id est pudenda. Nota, quod Chald. verit ut Noster: At LXX. de ventre quidem dicunt hic & infra rumpi; de femore autem, cadere. Hebr. de utero, intumescere: de femore, cadere.

V. 22. AMEN; id est, ita mihi contingat.

V. 23. DELEBIT. Alii: Deletas, seu raras mittet in aquas, &c.

V. 25. IMPONETQUE. Hebr. Chald. & LXX. Offeretque.

V. 31. RECIPIET INIQUITATEM; id est, dabit pœnas.

E S T I I.

Vers. 14. **S**I SPIRITUS ZELOTY-
PIAE CONCITAVÉRIT VI-
RUM. Zelotypia apud Græcos nomen habet ab æmulatione formæ, semperque tam zelotypa quam zelotypus in vitio accipitur. Est enim zelotypia animi ægritudo, ex eo quod alter quoque potitur, vel potiri existimatur, quo ipse delectatur, ut Cicero definit in Tusculan. quarta. Sed Deus dicitur zelotes, quia summo iure, serenissimoque iudicio nec gloriam suam dari alteri patitur, nec electum populum suum ab aliis amatoribus occupari; quomodo & Elias propheta dicit: *Zelatus sum pro Domino*. Sed quaeritur quare lex zelotypiæ permissa sit viris, & non feminis. Prioris partis duæ redduntur causæ: una & præcipua, ne mariti sævirent in uxores, quas habebant de adulterio suspectas; altera, ut uxores continerentur in officio, & ab adulterii cogitatione cohiberentur, metu tam gravis pœnæ. Cur autem non similis lex posita sit in favorem mulieris zelotypæ, causæ redduntur, primum ne per eam legem auctoritas viri imminuta videretur; tum quia mulieres ad suspiciones vehementer pronæ (& quæ ratione affectus suos moderare multo minus novērunt quam viri) nimis temere ea lege uti potuissent; denique quia magis lædatur coniugium per adulterium mulieris quam viri: per illud enim incerta redditur proles, & viro substituitur fetus alienus cum magna eius iniuria, quod non contingit ex adulterio viri. Unde nec vir uxoratus, si fornicaretur cum muliere soluta, obnoxius erat legi de lapidandis adulteris; sed tamen mulier, quæ virum habens cum alio sive uxorato, sive soluto fornicata esset, una cum adultero lapidabatur, Levit. xx. & Deut. xxii.

V. 31. **M**ARITUS ABSQUE CULPA ERIT, ET ILLA RECIPET INIQUITATEM SUAM. Sensus est: Si illa deprehenditur polluta fuisse adulterio, maritus non immerito eam accusavit, & caret culpa falsæ accusationis: an vero careat omni culpa hoc non dicitur. Etenim utrum viri licite uti poterint hac lege, an vero tantum ad duritiam cordis eorum permessa sit, eo modo quo lex repudiij per-

missa fuit, quaeri potest. Et magis videtur quod tantum sit permessa viris ob causam dictam. Unde in nova lege nihil tale permittitur. Sed neque hinc patrocinium assumere debent qui iudicio ferri candentis, aut aquæ ferventis innocentiam alicuius probari licite contenderent: quod aliquando in usu fuit, & de quo multa in canonicis habentur. Ista enim lex zelotypiæ fuit a Deo instituta, seu saltem permessa; illa vero probatio innocentiae per ferrum candens, aut aquam ferventem, neque naturali vi, neque divina institutione ad eam rem valet; ideoque ad superstitiones & tentationes Dei est releganda.

M A R I A N A E.

Vers. 2. **S**UPER MORTUO. Hebr. & Sept. *super anima*. Sed Hieron. ad sententiam respexit: hic enim *anima* pro cadavere sumitur, ut sæpe alias.

V. 6. **P**ER NEGLIGENTIAM TRANSGRESSI FUERINT MANDATUM DOMINI. Hebr. *Ad prævaricandum prævaricationem in Domino, aut coram Domino*. Et verbum *hys mahal* non prævaricationem quamcumque, sed furtum & similia significat, quibus lædatur frater. De quo peccato agit.

V. 7. **E**T REDDENT IPSUM CAPUT. Hebr. *Et reddet peccatum suum in caput eius*, scilicet restituet Domino id in quo ipse peccavit.

V. 8. **S**IN AUTEM NON FUERIT QUI RECIPAT. Hebr. *redemptor*: nempe neque qui læsus est, neque heres aut propinquus eius qui læsus est, datur Domino id quod restitui debebat ei qui erat læsus.

V. 9. **O**MNES QUOQUE PRIMITIÆ. Hebr. *Et omnis oblatio ad omnes sanctitates*; hoc est, omne donum quod offerunt ad sanctificandum se.

V. 15. **D**ECIMAM PARTEM SATI. Hebr. *ephi*: & sic vertunt Sept. Satum autem est tertia pas ephi, decima ephi vocatur Gomor. Exod. xvi. vers. 36.

V. 16. **O**FFERET IGITUR EAM SACERDOS. Hebr. *Appropinquare faciet eam*. Septuaginta *ἡ προσάγει αὐτήν*, *et adducet eam*, scilicet mulierem de adulterio suspectam.

V. 18. **D**ISCOOPERIET CAPUT EIUS, sci-

scilicet mulieris suspectæ. Hebræus, *Revelabit cefurium*, quæ reticulo tegitur, aut forte etiam radet caput.

V. 21. PUTRESCERE FACIAT FEMUR. Hebr. *femur cadens*, nempe præ sanie diffuens, quod Hieronymus dixit *putrescere*.

V. 26. PUGILLUM SACRIFICII TOLLAT DE EO QUOD OFFERTUR, ET INCENDAT SUPER ALTARE. Hebr. *Et sumet pugillum sacerdos de munere memoriam eius, & adolebit altare*.

V. 30. MARITUSQUE. Hebr. *aut maritus*, scilicet immerito uxorem accusarit: nam fieri potest ut uxore innoxia vir suspicionibus agatur. Ita lex utrique malo occurrat, & uxoris noxiæ, & mariti suspiciosi. Sed examine facto, si noxia mulier apparuerit, ipsa dabit poenas, maritus innocens erit. Id ultimo vers. dicitur.

M A L V E N D A E.

Vers. 2. **P**OLLUTUSQUE EST SUPER MORTUO. Hebr. *Et contaminatum in anima, vel super animam, vel propter animam*. Vide hanc phrasim explicatam Levitici xxi. vers. 1.

V. 6. ET PER NEGLIGENTIAM TRANSGRESSI FUERINT MANDATA DOMINI. Nos ex verbo Hebr. transtulimus (*Loquere ad filios Israel: Vir, aut vira quia facient de omnibus erratis hominis, ad transcendere transgressionem in IHVH, & piacularis erit anima ipsa*.) alii varie reddunt. I. *Ad mentium mentionem in Iehovah*. II. *Fallendo falsitate contra Iehovah*. Procul dubio hic agitur de peccato usurpationis alieni, ut ex sequenti versu apparet. Vide Levitici vi. a versu 2. usque ad 7. Aliqui notant agi hic de eo qui fraude, vel vi aliquid surripuit, & falso iuravit se id non fecisse, & convictus fuit quod rem abstulit, e Levitici vi. vers. 5.

V. 7. CONFITEBUNTUR PECCATUM SUUM. Coniunctio Hitphael magnam hic vim ostendit: *Confiteri se facient peccatum suum*; id est, serio, ex animo, cum vera poenitentia confitebuntur peccatum suum. Vide Levitici v. vers. 5. ET REDDENT IPSUM CAPUT. Hebr. *Et restituet reatum suum in capite eius*, id est, in summa capitali. Quidam, *in solidum*:

alii, *in integrum*: nonnulli, *in sorte sua*: alii, *quantum est*. Vide Levit. vi. vers. 5.

V. 8. SIN AUTEM NON FUERIT QUI RECIPIAT. & Hebr. *Et si non viro redimens, seu redemptor, vindex, assertor, ad restituendum reatum eum, seu cui restituatur reatus*. Explicant: Id est, si ille cui intulit damnum, mortuus fuerit, nec habuerit propinquum redemptorem, cui restituat damnum quod intulit mortuo; damnum illud restituetur Deo, & cedit sacerdoti. Quam interpretationem Chaldaus habet.

V. 10. ET QUIDQUID IN SANCTUARIUM &c. Hunc versum nostra Translatio ad verbum expreßit (*Et vir ad sanctitates eius, ei erunt: vir, quod dabit sacerdoti, ei erit*.) Alii aliter. I. *Et cuiuscumque sanctificata, ipse erit*; quasi dicat: Licet unicuique dare sanctitates, seu sanctificata, nempe oblationes suas sacris cuiuscumque sacerdoti voluerit: at quando quis dederit illa sacerdoti, ad eum sacerdotem pertinebunt sanctificata. III. *Similiter omnis oblatio omnium rerum sanctificatarum a filiis Israelis, quas attulerint ad aliquem sacerdotem, illius est*. IV. *Et vir sanctitates eius ipsi erunt: vir, quod dabit sacerdoti, ipsi erit*. Primam clausulam ita exponunt, quod cuiusque viri sanctitates eius, hoc est sacrificia eius, & quælibet eis annexa, non erunt sacerdotis, sed ipsius offerentis: portio enim sacerdotis comprehenditur sub elevatione, vers. 9. & reliquæ partes comprehenduntur sub cuiuscumque viri sanctitatibus eius. Alii utriusque clausulæ dativum ei, ad sacerdotem referunt, *ei sacerdoti erunt*.

V. 16. OFFERET Igitur eam SACERDOS. Plerique eam, oblationem, seu mincha intelligunt: quod Noster indicasse videtur. Alii, eam, mulierem interpretantur, quam sacerdos antertabernaculum, ubi erat Dei præsentia, sisset. Unde reddunt: *Eamque iubens accedere sacerdos, sisset eam coram Iehovah*. Sed id iam dicitur vers. 18.

V. 17. AQUAM SANCTAM, id est benedictam. Alii, *aquam illam qua aspergebantur immundi*. Nonnulli, *aquam sacram*, id est sumptam, seu haustam ex

sacro labro , in quod ad sacros usus importabatur ; quodque erat iuxta altare holocaustorum .

V. 18. **AQUAS AMARISSIMAS, IN QUIBUS CUM EXECRATIONE MALEDICTA CONGESSIT.** Pulchra paraphrasis. Hebr. *Aque amare, execrantes*. Quidam : *Aque amaritudinum, quæ maledictionem important*. *Aque amaritudinum*, sic vocantur ab effectu, quia gravi acerbosque supplicio afficiebant mulierem fontem, ut proxime sequentibus versibus explicatur. Maledicentes vero & execrantes dicuntur, quod mulieres impudicas redderent infelices & miseræ. Aliqui reddunt, *aquas amarorum*, id est eorum qui amari sunt, hoc est exacerbati zelotypia, qui has aquas quasi propinandas curabant suis uxoris.

V. 19. **ET SI NON POLLUTA ES DESERTO MARITI TORO.** Hebr. varie reddunt . I. *Et si non declinaveris ad immunditiam sub viro tuo*, id est contempto marito tuo. II. *Et si non declinasti ad eum*, scilicet adulterum, immunditiam, loco mariti tui.

V. 20. **ET CONCUBUISTI CUM ALTERO VIRO.** Hebr. *Et dedit vir in te concubitum suum*: alii, *descensionem suam*: quidam synecdochice, *semen suum*. Nonnulli reddunt: *Si indiderit in te aliquis semen concubitus sui*. Integram locutionem habes Levit. xv. vers. 17.

V. 21. **HIS MALEDICTIONIBUS SUBIACEBIS, &c.** Nos in nostra translatione verbis Hebraicis inhæsimus (*Et iurare faciet sacerdos viram in iuramento execrationis: & dicit sacerdos viræ: Dabit IHHV te execrationi, & iuramento, in medio populi tui, ad dare IHHV femur tuum cadens, & uterum tuum tumidum.*) Alii clarius ita reddunt . I. *Adiurabit, inquam, mulierem illam sacerdos, adiuratione maledictionis, & dicit mulieri: Det te leborab in maledictionem, & adiurationem in medio populi tui, cum dederit leborab femur tuum cadens, & uterum tuum tumescens*. II. *Obtesteturque sacerdos mulierem talem, direque devoteat, & dicat sacerdos mulieri: Det te Dominus in execrationem, & in iuramentum in medio populi tui; cum scilicet effeceris Dominus ut femur tuum decedat, & uterus tuus intumescat*. III. *Adiurans, inquam, sacerdos mulierem illam adiuratione dirarum, dicit sacerdos mulieri illi: Ponat*

Bib. Sac. Tom III:

te leborab in formulam dirarum & iuramenti in medio populi tui; cum reddiderit leborab femur tuum cadivum, & venirem tuum tumidum. DET TE DOMINUS IN MALEDICTIONEM, vel in execrationem; id est, faciat te Dominus miseram & infelicem: faciat ut execrentur te omnes, & diris devoteant. Sic vers. 27. **EXEMPLUM QUE.** Hebr. in iuramentum imprecatorium; quasi dicat: Sis tam misera & infelix, ut publica & vulgata imprecatio sit: contingat tibi quod mulieri illi ter infelici contigit. Sis formula dirarum. **PUTRESCERE FACIAT FEMUR TUUM.** Quidam pudenda exponunt: *Pudenda tua putrescant*.

V. 22. **AMEN, AMEN.** **אמן amen** proprie est veritas, fides, constantia, stabilitas, firmitas, ratitudo. Notant esse assentientis, fidentis, affirmantis, asseverantis, approbantis, confirmantis particulam, (qua Hebræi communiter untur) vota, preces, preces, vel imprecationes, devotiones; quasi dicas: Sit ratum, seu firmum; vel fiat quod dictum, aut auditum est. Geminatum, ut hic, superlativè significat; id est, firmissimum, ratissimum elto; verissime, & certissime fiat. Vide de Amen Angelum Caninum de locis novi Testamenti cap. v. & Forsteri Dictionarium pag. 40.

V. 23. **ET DELEBIT EA AQUIS AMARISSIMIS.** Hebr. *Et absterget, eradet ad aquas, vel aquis amaritudinum*. Disquirunt aliqui, num sacerdos schedam ipsam discerpam in aquas illas proiceret; vel potius litteras illas maledictionum inscriptas in scheda, abderet, & abstergeret, & rasuram ipsam, seu absterisionem in aquis mitteret, ut mulier. maledicta illa & imprecationes in aqua hauriret. Hoc posterius verisimilius putant.

V. 27. **QUAS CUM BIBERIT, SI POLLUTA EST, &c.** Consimilem ritum explorandæ pudicitie uxoris in Syrgis fonte, late describit Achilles Tatiui lib. VIII. de Amoris Clitophonis, & Leucippes. Dæmon enim semper simiam se Dei exhibet.

V. 28. **FACIET LIBEROS.** Hebr. *Et feminabitur semine*. Sed Nolter optime sensum exprefsit: nam semen pro plebunumque in Scriptura capi & pueri sciunt, ut Genes. xv. vers. 3. Quidam tamen in-

E

telli-

telligunt dici hic , quod non deferatur a marito quo ad torum , sed in eam utatur legitimo concubitu.

V. 31. **MARITUS ABSQUE CULPA ERIT.** Hebr. *Et vacuabitur vir a pravitate.* Quidam : *Et infons* , immunis , liber , impunis , innocens *ab iniquitate.* Cuius plane reus esset , si contra legem Dei tantum vitium in uxore dissimularet ; aut suspicionem in animo aleret , quæ coniunctioni coniugali adversatur. Alii exponunt : Vir ille zelotypus impune illud faciet ; mulier vero , quod impudica fuerit , dabit pœnas. **ET ILLA RECIPIET INIQUITATEM SUAM.** Hebr. *Et uxor ipsa levabit pravitatem suam.* Geminum sensum hæc verba hic ferre possunt. I. Si pudica fuit , levabit , tollet , auferet a se noxam suam , id est infamiam culpæ , & pœnam. II. Si impudica deprehensa fuit , & culpæ , & pœnæ erit obnoxia ; iuste pendet pœnas iniquitatis suæ.

M E N O C H I I.

Verf. 2. **U T E I C I A N T D E C A -**
STRIS. Duplex erat immunditia legalis : levior una , quæ tantum arcebat a templo , non autem ab hominum convictu , neque in alios derivabatur per contagionem ; alia gravior , & quæ alios inficiebat : tales erant qui hic numerantur , quique propterea extra castra agere iubebantur.

V. 3. **CUM HABITAVERIM VOBISCUM** , erecto tabernaculo. Eiectionis ergo ratio , ne inficiantur alii legali immunditia , & a sacris arceantur.

V. 6. **EX OMNIBUS PECCATIS QUAE SOLENT HOMINIBUS ACCIDERE** , scilicet cum fecerint aliquam iniuriam proximo , quale peccatum solent homines contrahere . **PER NEGLIGENTIAM** : scientes vitium esse , sed illud servare negligentes , quamquam non contentes.

V. 7. **REDDENT IPSUM CAPUT** , ipsam rem quam acceperunt . Vide Levitic. VI. 3.

V. 8. **S I... NON FUERIT QUI RECIPIAT** : si non sit consanguineus , aut propinquus , qui in defuncti locum recipiat quod restituitur. **ERIT SACERDOTIS** : sacerdos enim est vicarius , & quasi heres

Dei. **EXCEPTO ARIETE.** Si res furto ablata sit aries , & nemo sit cui restituatur , Domino sacrificabitur.

V. 9. **AD SACERDOTE M** , ad sacerdotes : primitiæ enim inter omnes sacerdotes dividebantur . Secus erat de sacrificiis : hæc enim sacrificanti cedebant.

V. 10. **QUIDQUID IN SANCTUARIUM** , &c. Quidquid ab offerentibus datur sacerdoti , sacerdotis erat , nisi offerens expresse dixisset se dare ad usum tabernaculi , vel templi : tunc enim cedebat tabernaculo , vel templo.

V. 13. **IN STUPRO** , in adulterio.

V. 14. **SPIRITUS ZELOTYPIAE** , zelotypia.

V. 15. **DECIMAM PARTEM SATI.** Satum inter aridorum mensuras numeratur , & continet modios tres. Hebr. dicitur *Epha* . LXX. habent *Ephi* . **NON FUNDIT SUPER EAM** , oblationem scilicet zelotypiæ , **OLEUM** : quia oleum typus est misericordiæ , a qua zelotypus hic alienus est. **NEC IMPONET THUS** : quia thus symbolum est bonæ famæ ; hic autem agitur de infamia adulteræ inurenda.

V. 17. **ASSUMETQUE AQUAM SANCTAM** , aquam deputatam ad usus sanctos in tabernaculo . Eadem vocatur amarissima num. 18. & 19. **ET PAUXILLUM TERRAE DE PAVIMENTO** : ut significaretur adulteram esse vilem instar pulveris qui pedibus calcatur . Eccl. IX. dicitur : *Mulier fornicaria quasi lutum concalcabitur* . Sumebatur terra hæc ex atrio tabernaculi , quia in eo hæc cæremonia exercebatur.

V. 18. **DISCOOPERIET CAPUT EIUS** : ut hac cæremonia intelligat mulier se coram Deo esse , cui nihil occultum , aut opertum ; & si crimen contraxerit , illud confiteatur . **SUPER MANUS ILLIUS** , mulieris scilicet de adulterio suspectæ. **SACRIFICIUM RECORDATIONIS** : quia est sacrificium commemorans peccatum , quod num. 15. dicitur *Oblatio investigans adulterium* . Vel dicitur *Sacrificium recordationis* , quia hoc sacrificio oratur Deus ut velit puniendo ostendere se recordari adulterii ; vel felici partu (de quo postea) eius innocentiam testari , si falso venit in suspitionem apud virum suum. **IPSE** , sacerdos . **AQUAS AMARISSIMAS** . Quæ numero decimo septimo

mo dicta est aqua sancta, nunc appellatur amarissima; tum quia maledictionibus sacerdotis erat quasi onusta & gravis; tum quia epota ab adultera amaritudine magnam afficiebat.

V. 19. NON TE NOCEBUNT: tibi non nocebunt. LXX. habent, *Innoxia esto.*

V. 21. DET TE DOMINUS IN MALEDICTIONEM. Sis adeo misera & infelix, ut publica & communis hominum imprecatio & maledictio sit hæc: Contingat tibi quod illi adulteræ contigit. PUTRESCERE FACIAT FEMUR TUUM. Per femur intellige pudenda, & partes pudendis vicinas. Hebr. & Septuag. *Inflata, intumescencia*: quod in carnibus putrescentibus accidit.

V. 22. AMEN, ita fiat.

V. 23. IN LIBELLO. Non opus fuit libello, cum sufficeret chartula: quare Philo *ῥαπιδιον* dixit; sed Hebræi quiddam inscribunt, *ספר* *sepher*, *librum*, appellant.

V. 24. TOLLET DE MANU EUS SACRIFICIUM ZELOTYPÆ: nam numero 18, dictum fuerat super manus mulieris possum fuisse.

V. 27. PERTRANSIBUNT EAM. Hebr. *Ingradiuntur in eam*, vel vim suam exercent.

V. 28. INNOXIA: nullam patietur noxam, aut detrimentum. ET FACIET LIBEROS, in solamen afflictionis, & ut a viro impofterum ut secunda diligatur. Idque illi contingit eo anno prole mascula suscepta.

V. 31. RECIPIET INIQUITATEM, dabit penas.

T I R I N I.

Vers. 7. **R**EDDENT IPSUM CAPUT, id est capitale seu principale: nempe quod primo & ante omnia debet reddi rationem damni proximo illati, & iniuriæ factæ, quodque etiam, seposito iure positivo, ex sola iuris naturalis obligatione restitui debet. Agitur enim hic manifeste de delictis quæ in proximum, rem eius scienter & fraudulenter usurpando, committuntur. Itaque per *negligentiam* hic intellige neglectum præcepti divini: non quod contemnat formaliter; sed sciat tamen, & non curet implere. Rursus intellige, hæc de

peccatis occultis: quæ qua ratione sacerdoti aperienda & confitenda essent, dixi Levit. v. 5.

V. 15. NON FUNDET SUPER EAM, *oblationem, oleum, nec imponet thus*. His enim carere debebant oblationes omnes ubi de peccatis agebatur, Levit. v. vers. 11. nempe quia symbola sunt lætitiæ, & virtutis, quæ in peccatis locum non habent; hic præsertim ubi de crudeli zelytypiæ pena & infami ultione agebatur.

Totius rei ordinem explicant Iosephus, Philo, & alii Rabbinæ. Primo maritus zelytypus uxorem Ierololymæ, vel ubicunque tabernaculum erat, sibi curabat ad ostium atrii sacri. Secundo dicebat sacerdoti iudici ad id deputato, se suspectam habere uxorem de adulterio. Tertio, negante uxore, sacerdos e labro, seu mari æneo hauriebat pauxillum aquæ, quæ ideo sancta hic vocatur, quia divino cultui, ac templi usibus deserviebat. Ita Chaldæus, Rabbi Salomon, Vatablus, Sa, Abulenſis, Lyranus. His aquis inaspergebat aliquid pulvisculi de pavimento atrii sancti, & maledictiones in easdem aquas congeriebat: unde & amarissimæ hic vocantur, non a sapore, sed ab effectu quem virtute morali, sed inefallibili, ex Dei promissione, & potentia assistente producturæ erant. Quarto proferebat maledictiones in ipsam quoque mulierem, quæ hic recensentur vers. 19. & sequentibus: ut & ipsa mulier totidem verbis, si rea esset, eadem maledicta sibi imprecaretur: cogeatur enim singula comprobare, dicendo *Amen, amen*; id est, fiat, ita mihi fiat. Stabatque mulier nudo capite, more omnium reorum, & quasi spoliata insignibus pudoris ac pudicitie: & ut ait Theodoretus, ad designandum omnia nuda & aperta esse in oculis Dei, cui stitebatur. Quinto has posteriores maledictiones scribebat sacerdos in libello seu charta, sive membrana: mox inscriptas eleuebat aquis illis maledictis. Excipiebat sexto de manu mulieris oblationem zelytypiæ, puta farinam hordeaceam, quam paulo ante vers. 18. in vasculo collectam manibus illius imposuerat, & pugillum ex ea cremabat super altari holocaustorum, reliqua portione sibi in cibum retenta. Vocabaturque hoc *Sacrificium recordationis*, nempe respectu Dei, quem hoc sacrificio

rogabant ut vellent exhibito certo signo ostendere se recordari vel adulterii, vel innocentiae mulieris. Denique septimo ex aqua maledicta potum dabat mulieri, quæ, si rea erat, intumescere mox ventre, & computrescentibus verendis, post paulo extinguebatur, ait Iosephus, qui addit, inflari solitam aqua intercute, qua tam horrificè venter intumesceret ut tandem disrumperetur. Sin innocens esset mulier, nihil illi aqua nocebat, sed erat innocentiae illius testis & custos, addit Iosephus, & colligitur ex vers. 28. huius capitis, illam tum certo atque infallibiliter e primo cum marito congressu procreaturam decimo mense proximo prolem, & quidem masculam, quantumcumque antea fuisset sterilis & infecunda, Deo singulari cura sic comprobante mulieris innocentiam. Et hac quidem occulti adulterii certa exploratione, cuiuscumque ad manum esset, sapientissimo consilio consultum volebat Deus incolumitari mulierum Iudaicarum, quas aliqui zelotypi facile de medio violenta manu tollebant: simul etiam infami hac prænâ deterrebat uxores ab omni adulterio quantumvis occulto. Ita Philo, & Iosephus.

(*) Ioseph. Lib. III. Antiq. cap. x. Philo lib. de sponsalibus legibus. Rabbinæ apud Olearum hoc loco: & Sixtum Senens. Lib. II. Bibliothecæ. §. zelotypia dicitur.

GORDONI.

Vers. 2. **F** ICIANT DE CASTRIS, extra castra omnium, & non tantum Levitarum. Aliqua quidem ceremonialia servabantur in deserto. De his & similibus immunditiis vide Levit. cap. XII. XIII. & XVI.

V. 6. **PER NEGLIGENTIAM.** Per contemptum, iuxta LXX. sed Heb. ad prævaricandum.

V. 7. **CONFITEBUNTUR.** De hac confessione Levit. VI. vers. 4. **IPSUM CAPUT,** fortem principalem. Vocat hic ca-

put, quod est capitale, seu principale, præter accessorium hic additum a Deo.

V. 8. **DABUNT DOMINO.** Sincerata Deo dantur in pauperibus, & Ecclesia.

V. 9. Scilicet quod offertur ad sanctificandum se.

V. 12. & 13. De lege zelotypiae hinc usque ad finem capitis. Ab Hebræis vocatur תּוֹרַת קִנְיָה *thorath kennoth*.

V. 14. Hoc velut continuato apud Iudeos miraculo, probabatur uxor: ne aliqui mariti suspicaces prorumperent sæpe in uxoricidium. Hinc etiam illis permissus libellus repudii. Tales probationes quæ non sunt a Deo, non licent. Vide opus Theolog. Lib. VI. quæst. VIII. cap. III. ubi de tentatione Dei.

V. 15. **SATI.** Hebr. & Sept. *Ephi*. Satum est pars ephi tertia: sic decima pars ephi est gomor.

V. 17. **AQUAM SANCTAM.** Sept. ὕδωρ καθαρὸν ζῶν, *aqua mundus, vivens.* Heb. מֵי קִדְשִׁים *maim kedowim, aque sanctæ:* & hic vers. 18. vocatur aqua amarissima ab effectu, ob. insequentes dolores: non ergo a sapore. Sanctæ etiam dicebantur, utpote sumptæ e labro, seu mari æneo, vase sacro, ubi aqua destinata ad sacrum usum.

V. 18. **RECORDATIONIS,** reducendo in memoriam crimen adulterii.

V. 31. **RECIPIET INIQUITATEM,** dabit pœnas ex lege.

EX EIVSDEM AUCTARIO.

V. 13. **IN STUPRO,** in adulterio.

V. 18. Amarissimam vocat aquam ab effectu: & quia erat onusta maledictione sacerdotis, vocata est sancta vers. 17.

V. 23. **IN LIBELLO,** in chartula. Hebræi: quidquid scribitur vocant librum, סֵפֶר *sepher*.

V. 27. **PERTRANSIBUNT,** ingredientur, & vim ostendent suam.

C A P U T VI.

*Nazaræorum consecratio & oblatio; quibusque verbis
sacerdotes populo benedicerent.*

1.  Ocutusque est Dominus ad Moysen, dicens: 2. Loquere ad filios Israel, & diccs ad eos: Vir, sive mulier, cum fecerint votum ut sanctificentur, & se voluerint Domino consecrare: 3. a vino, & omni quod inebriare potest, abstincent. Acetum ex vino, & ex qualibet alia potione, & quidquid de uva exprimitur, non bibent: uvas recentes siccasque non comedent 4. cunctis diebus quibus ex voto Domino consecrantur: quidquid ex vinea esse potest, ab uva passa usque ad acinum non comedent. 5. Omni tempore separationis suæ (a) * novacula non transibit per caput eius, usque ad completum diem quo Domino consecratur. Sanctus erit, crescente casarie capitis eius. 6. Omni tempore consecrationis suæ super mortuum non ingredietur, 7. nec super patris quidem & matris & fratris sororisque funere contaminabitur, quia consecratio Dei sui super caput eius est. 8. Omnibus diebus separationis suæ sanctus erit Domino. 9. Sin autem mortuus fuerit subito quispiam coram eo, polluetur caput consecrationis eius: quod raderet illico in eadem die purgationis suæ, & rursus septima: 10. in octava autem die offeret duos turtures, vel duos pullos columbæ, sacerdoti in introitu fœderis testimonii: 11. facietque sacerdos unum pro peccato, & alterum in holocaustum, & deprecabitur pro eo, quia peccavit super mortuo: sanctificabitque caput eius in die illo: 12. & consecrabit Domino dies separationis illius, offerens agnum anniculum pro peccato: ita tamen ut dies priores irriti fiant, quoniam polluta est sanctificatio eius. 13. Ista est lex consecrationis. Cum dies quos ex voto decreverat, complebuntur; adducet eum ad ostium tabernaculi fœderis, 14. & offeret oblationem eius Domino, agnum anniculum immaculatum in holocaustum, * & ovem anniculam immaculatam pro peccato, & arietem immaculatum, hostiam pacificam, 15. canistrum quoque panum azymorum qui conspersi sint oleo, & lagana absque fermento uncta oleo, ac libamina singulorum: 16. quæ offeret sacerdos coram Domino, & faciet tam pro peccato quam in holocaustum. 17. Arietem vero immolabit hostiam pacificam Domino, offerens simul canistrum azymorum, & libamenta quæ ex more debentur. 18. (b) Tunc raderetur nazaræus ante ostium tabernaculi fœderis casarie consecrationis suæ: tolletque capillos eius, & ponet super ignem, qui est suppositus sacrificio pacificorum. 19. Et armum coctum arietis, tortamque absque fermento unam de canistro, & lagnum azymum unum, & tradet in manus nazaræi, postquam rasum fuerit caput eius. 20. Susceptaque rursus ab eo, elevabit in conspectu Domini: & sanctificata sacerdotis erunt, sicut pectusculum, quod separari iussum est, & femur. Post hæc potest bibere nazaræus vinum. 21. Ista est lex nazaræi, cum voverit oblationem suam Domino tempore consecrationis suæ: exceptis his quæ invenerit manus eius: iuxta quod mente devoverat, ita faciet

ad perfectionem sanctificationis suæ. 22. Locutusque est Dominus ad Moysen ; dicens: 23. Loquere Aaron & filiis eius: Sic benedicetis filiis Israel , & dicetis eis: 24. (c) Benedicat tibi Dominus , & custodiat te. 25. Ostendat Dominus faciem suam tibi , & miseretur tui. 26. Convertat Dominus vultum suum ad te , & det tibi pacem. 27. Invocabuntque nomen meum super filios Israel , & ego benedicam eis.

(a) Iudic. XIII. 5. (b) Act. XXIV. 24. (c) Eccli. XXXVI. XII.

B R U G E N S I S

ROMANÆ CORRECTIONES.

V. 5. *Novacula non transibit per caput eius.*
Alii scribunt *non ascendet super caput eius* ;

minus recte.

V. 14. *Et ovem anniculam immaculatam pro peccato.* Nequaquam omittendum pro peccato.

C O M M E N T A R I A.

S A.

Verf. 2. **V**OTUM, scilicet nazareatus, id est separationis, scilicet a communi vivendi ratione, ut nunc faciunt Religiosi.

V. 3. **P**OTIONE, scilicet simili, seu quæ possit inebriare. Hebr. *sincera*.

V. 4. **A**B UVA PASSA USQUE AD ACINUM. Hebr. Chald. & LXX. *ab acinouse usque ad corticem*, id est a granis usque ad folliculos.

V. 5. **T**RANSIBIT, scilicet radendo. **D**IEM, id est tempus.

V. 6. **S**UPER, pro ad ; quasi dicat : Non intererit funeri alicui.

V. 7. **Q**UIA CONSECRATIO, &c. quasi dicat, quia nazareus est.

V. 9. **C**ORAM EO. Hebr. *iuxta eum*.

V. 10. **F**OEDERIS, pro tabernaculi, id est atrii: sic infra.

V. 11. **D**EPRECABITUR PRO EO. Hebr. *Expiabit eum*. Chald. & LXX. *Propitiabit pro eo*. **P**ECCAVIT, &c. id est contaminatus est mortui hominis præsentia.

V. 12. **D**IES SEPARATIONIS, scilicet inde illos computando. **I**RRITI FIANT ; id est, non computentur.

V. 13. **C**ONSECRATIONIS. Hebr. & Chald. *nazarei*.

V. 15. **P**ANUM. Hebr. *placentalium*.

V. 18. **C**ONSECRATIONIS SUÆ,

id est quam gestavit tempore nazareatus, quo fuit Deo consecratus.

V. 20. **P**ECTUSCULUM, &c. Hebr. *Pectus elevationis, & armus elevationis*.

V. 21. **T**EMPORE CONSECRATIONIS SUÆ. Hebr. *pro nazareatu suo*. LXX. *pro voto suo*. Chald. *pro consecratione sua*.

V. 24. **B**ENEDICAT ; id est, cumulet bonis.

V. 25. **O**STENDAT **T**IBI. Hebr. & LXX. *Illuminet super te*, seu faciat lucere ; quasi dicat: Reipiciat te vultu hilarum. Chald. *Majestatem suam ostendat tibi Dominus*: quem sensum reddidit Interpres noster, & videtur verior: hoc enim facit beatum.

V. 26. **C**ONVERTAT. Hebr. & LXX. *Elevet*. Chald. *Auferet iram suam a te*. **P**ACEM, id est tranquillitatem, seu prosperitatem.

V. 27. **I**NVOCABUNTQUE, scilicet modo dicto. Hebr. & LXX. *Ponentque*. **N**OMEN MEUM. Chald. *benedictionem nominis mei*.

E S T I I.

Verf. 18. **T**UNCRADATUR NAZAREUS ANTE OSTIUM TABERNACULI. Quod ad Nazareos attinet, Nazarei dicti sunt ab Hebræa voce *Nasr*, quæ *separatum* significat. Nazarei, velut sancti, & Domino consecrati, a

reliqua multitudine separabantur tempore consecrationis suæ. Sciendum autem fuisse Nazaræos in duplici genere. Quidam enim obstricti erant voto perpetuo, quemadmodum legimus in Samuele & Samfone, qui manserunt consecrati Domino per totum tempus vitæ suæ: & hi quidem typum gesserunt Christi, de quo prophetatum est: *quia Nazaræus vocabitur*: deinde etiam eorum qui tempore novæ legis voto perpetuo obligant se cultui divino, id est omnium Religiosorum, qui cœnobiticam, seu monasticam vitam præsententur. Alii autem erant Nazaræi ad tempus dumtaxat, qui tempore consecrationis peracto, & oblato sacrificio, redibant ad priorem vitam: modum & de talibus agit hoc capite. Hic figuram gerunt eorum qui votum faciunt ad certum tempus vel abstinentiæ a carnibus, aut vino, vel professionis ad loca sancta, vel alius rei similis.

V. 23. LOQUERE AARON ET FILIIS EIUS: SIC BENEDICETIS FILIIS ISRAEL: BENEDICAT TIBI DOMINUS. Nota. Iubetur sacerdos benedicere populo, & tamen non iubetur dicere: Ego tibi benedico, sed *Benedicat tibi Dominus*. Ex quo patet aliter benedicere sacerdotem, aliter Deum. Sacerdos benedicit ministerio, Deus potestate; sacerdos bene precando, Deus benefaciendo: nam Dei benedicere est benefacere. Sed quæret aliquis: Igitur quid interest inter benedictionem Episcopi aut sacerdotis, & cuiuscumque alterius hominis: nam quilibet etiam laicus potest alteri bene precari? Respondeo. Quantum ad affectum seu pronam voluntatem bene precandi aliquando potest nihil interesse, sed quantum ad bonæ precationis effectum seu fructum plurimum interest. Deus enim benedictioni sacerdotum, tamquam ministrorum suorum, promisit suæ benedictionis suffragium. Ita enim mox subiungitur in fine eiusdem huius capituli: *Invocabuntque nomen meum super filios Israel, & ego benedicam eis*. Hoc si promittitur sacerdotibus veteris Testamenti, multo magis novi.

M A R I A N A E.

Verf. 2. CUM FECERINT VOTUM UT SANCTIFICENTUR.

Hebr. Cum separaveris ad vivendum votum

nazaræi ad separandum se Domino. Verbum נָזַר *Pala* hoc loco *separare* significat; aliis locis *mirabilia facere*: quam significationem Septuaginta secuti videntur, cum dixerunt, *Qui magne*, seu *vehementer venerit*. Hieronymus sententiam magis quam verba secutus est. Et vere hoc loco de Nazaræi voto, & obliantiis agit.

V. 3. ACETUM EX VINO. Hoc Hebraice non est, sed tantum quod præcedit, A VINO ET OMNI QUOD INEBRIARE POTEST. Hebr. *a vino & sicera*. Sed ex sententia Hieronymi, potus omnis qui inebriat præter vinum sicera est: sic pro *sicera* posuit, *omne quod inebriare potest*. Hieronymi sententiam sequitur Kimhi.

V. 5. NOVACULA NON TRANSIBIT. Capilli Deo sacri erant, cui ut pro frugibus collatis partem offerebat, sic pro totius corporis incolumitate capillos. Ritus inter gentes etiam usitatus. Censorinus de Die natali, num. 2. illis verbis: *Quidam etiam pro cetera bona corporis valetudine crinem Deo sacrum pascabant*, id est alebant.

V. 6. SUPER MORTUUM NON INGREDIETUR: non ibit ad funus.

V. 7. QUIA CONSECratio DEI SUI SUPER CAPUT EIUS EST. Heb. *Quia nazaræatus Dei sui super caput eius est*: nempe id promissa cœlarie indicabatur. Ideo ad funus ire vetat.

V. 9. RADET ILICO IN EADEM DIE PURGATIONIS SUAE, ET RURSUM SEPTIMA. Hebr. *Radet caput suum in die purificationis suæ, in die septima radet illud*. Ita semel radere iubetur, idque die septimo. Vox *Illico* Hebr. non est.

V. 11. QUIA PECCAVIT SUPER MORTUO. Ecce immunditia vocatur peccatum.

V. 13. ADDUCET EUM. Pagn. *Se ipsum*: sicque Hebræi explicant: quoniam quod sequitur, *Et offeret munus suum*, nolunt ad sacerdotem referri, sed ad ipsum Nazaræum: adduntque, hunc esse unum e tribus locis quibus relativum tertiæ personæ pro reciproco sumitur. Eodem Sept. respexere cum dixerunt: *Quicumque die compleverit dies voti sui, offeret ipse*.

V. 18. TUNC RADETUR NAZARÆUS.... CAESARIE CONSECRATIONIS SUAE. Hebr. *Radet Nazaræus*

caput nazareatus sui: sed bene Hieronymus pro capiti posuit *caesarie*.

V. 20. SICUT PECTUSCULUM, QUOD SEPARARI IUSSUM EST; ET FEMUR. Significat, canistrum in quo sunt lagana, fore sacerdotis, præter pectus & armum, quæ ex hostia debebantur illi etiam.

V. 21. QUAE INVENERIT MANUS EIVS. Hoc est, si quid præterea voluerit ex voto, & potuerit offerre, id faciat iuxta votum quod vovit; sic faciet super legem nazareatus sui: supple, id adiiciat. Ad hanc sententiam Vulgatæ verba dirigenda sunt, non satis cum Hebraicis convenientia.

V. 27. INVOCABUNTQUE NOMEN MEUM: nimirum ineffabile, quod in benedicendo populo exprimi mandat.

M A L V E N D A E.

Vers. 2. CUM FECERINT VOTUM UT SACTIFICENTUR.

Hebr. *Vovendo votum nazirei*. Nazareus dicebatur, id est *separatus, segregatus, abstinentius*, exemptus ab aliis, qui ex pio voto, devotione, religione, sanctimonia ab aliis in ratione vivendi se separabat, & a certis rebus abstinebat, ac Deo consecratus erat; quasi dicas, *diadematus, coronatus, serto redimitus, eximius*. Erant enim quidam homines inter Hebræos; qui ut liberius vacarent legi discendæ, & divino cultui, aliorum commercio se se abdicabant ad tempus, & Deo se totos dedebant, a certis rebus abstinentes in honorem Dei, & pietatis operibus vacantes. ET SE VOLUERINT DOMINO CONSECRARE. Hebr. *Ad separare, segregare se Domino*. Quidam: *Se nazireum jore lehoue*.

V. 3. ET QUIDQUID DE UVA EXPRIMITUR. Vocem *מִשְׁכֶּרֶת* *mischerab* varie exponunt. I. *Nec ullum succum, vel liquorem, uvarum*: aiunt enim significare quemlibet succum seu liquorem expressum ex uvis, non tantum musteum. II. *Et omnem maledictionem*, vel *omne maledictum uvarum*, vel *uvis*. III. *Et omnem expressionem uvarum*. IV. *Et omnem dissolutionem ex uvis*. V. *Et omnem macerationem, dissolutionem uvarum*, id est omnem potum e maceratis uvis. VI. *Et omne residuum, seu omnem reliquiam uvarum*. VII. *Et*

omnem infusionem uvarum; quando scilicet uvæ pressæ prælo macerantur aqua: ut est vinum secundarium. VIII. *Et omnem maledictionem uvarum*. Massaris uvæ Africanæ species, Plinio lib. XII. cap. xxviii. & in præmio lib. XXIII. sed ridiculum est massarum, cuius usus tantum in medicamentis, & odoramentis, auctore Plinio, huc accire. Isti sunt qui vocum assonantias aucupantur, *Mischerab*, massaris: frigide plerumque, & ineptie. Quidam putant interdici hic Nazareis poscam, & quas Hispani vocant *aguapie, raspada, arrope*, vinum coctum, & id genus.

V. 4. AB UVA PASSA USQUE AD ACINUM. Duæ voces Hebraicæ hic ponuntur, quæ hic tantum, nec alibi occurrunt: *חֲרִצָּנִים* *charzannim*, quam exponunt *grana*, *acinus*, *nucleos acinorum*, interiora acinorum, seu uvarum; & *זָג* *zag*, quam interpretantur *corticem, cutem, folliculum, seu pelliculam uvarum exterioriorem*. Thalmudici, teste Aben Ezra, e contrario tradiderunt, *charzannim* esse exterius, & *zag* interius uvarum.

V. 5. CRESCENTE CAESARIE CAPITIS EIVS. Variæ Hebr. convertunt. I. *Crescere finet crinem capitis sui*. II. *Nutrienao libertatem, capitulum capitis sui*. Vocat autem Moses caesariem seu comam libertatem, quia libera est a novacula, seu forcipe, sicut ipse se exponit, cum vox addit, *Capillitium capitis sui*. III. *Nutriendo scilicet comam capillum capitis sui*. IV. *Crescere faciendo nudationem, seu nuditatem, capilli capitis sui*. Ex verbo, *Gradescere facere, magnificare seriationem capilli, pili, capitis sui*. *פרע* *perag* omnia ista complectitur, *seriationem, libertatem, vacuitatem, otiositatem, comam, caesariem, capillitium, nuditatem*: quod coma fit libera, striata, nuda, vel a pileo & tegumento, quo opus non habet; vel a forcipe, seu novacula. Vide Exodi xxxi. vers. 25. & Levitici x. vers. 6.

V. 6. SUPER MORTUUM NON INGREDIETUR. Hebr. *Super animam mortui non veniet*. Quidam hic *animam* intelligunt cadaver, corpus exanime: alii funus, & officium quod pro mortuo peragebatur, quasi dicat: Non intrent funeri, nec curabit cadaver mortui. Vide cap. v. vers. 1: Sic vers. 11.

V. 7. QUIA CONSECRATIO DEI SUI

SUI SUPER CAPUT EIUS EST. Heb. *quæ nezër Dei sui super caput eius*. Quidam, *quia coma, cesaries, Dei sui &c.* id est, in capite suo gestat crinem, quem non curat tendendum in honorem Dei. Alii, *quia diadema, corona, sertum Dei sui, &c.* Nonnulli, *quia naziræatus Dei sui gerit in capite suo*. Coma enim seu cesaries, erat symbolum, & quasi corona ac diadema suæ Deo consecrationis. Vide infra vers. 9.

V. 9. MORTUUS FUERIT SUBITO. *בפתע פתום* *bepetagh pitom*. Quidam vertunt, *repente, subito*; alii, *in eventu repentino*: nonnulli, *in momento subito*: aliqui, *subito & repentino casu*; alii, *statim, mox*. Nec defunt qui, *fataliter & subito*. Concurfus duorum vocum fere synonymarum, rem maxime repentinam & improvissam denotat. **CAPUT CONSECRATIONIS EIUS.** Heb. *caput nezër eius*, id est *caput comæ, cesariei, coronæ, diadematis, vel naziræatus eius*, nimirum caput illud intonsum & comatum, quod indicium erat eius consecrationis, & quasi quedam sacra cæremonia suæ dedicationis. Sic vers. 1. **ET RURSUM SEPTIMA.** Noster videtur intellexisse, nazaræum pollutum mortui fortuiti præsentia præcipiis caput radere; primum ipso die, cum primum contactu mortui pollutus se mundavit; secundo, die septimo sequenti. Alii vero die tantum septima a pollutione purificandum ipsum, & caput eius abradendum intellexerunt: quibus assipulantur Hebræa: *Et rader caput suum in die purificationis suæ, in die septima rader illud*. Notant, illud *In die septima*, esse exegesis superiorum: nam erant impuri ex cadavere ad diem usque septimum, & septimus decimus appellatur purgationis dies, ut Levitici xv. vers. 13. & infra cap. xii. vers. 14.

V. 11. QUIA PECCAVIT SUPER MORTUO. Heb. *De eo quod peccavit super anima, vel circa illud cadaver*; id est, ab eo quod deliquit, in delictum incidit, & a sanctionibus legitima imprudens aberravit.

V. 12. ET CONSECRABIT DOMINO DIES SEPARATIONIS ILLIUS. Heb. *Et separare faciet Domino dies naziræatus sui*; id est, de integro incipient se separare a superioribus rebus, totidem

Bibl. Sac. Tom. III.

dies quot separatam se fore voverat; redintegrabitque complementum voti, ac si nunc primum votum numcupasset; quasi dicat: Ab octavo illo die incipiet rursus numerare tempus nazaræatus sui, id est tempus quo voverat se nazaræum fore. Tunc incipiet nazaræum agere ac si antea non egisset: ut statim hoc eodem versu se exponit. **UT DIES PRIORES IRRITI FIAN.** Heb. *Et dies priores cadent*; id est, dies præcedentes contaminationem non reputabuntur, aut numerabuntur; tempus anteaquum quo fuerat nazaræus, reputabitur pro nihilo.

V. 13. ADDUCET EUM, nempe sacerdotes: id enim Noster palam intellexit. Heb. quidam reddunt: *Venire faciet, adducet se ipsum, vel applicet se se*. Alii: *Adducet illud*, nimirum quod duobus sequentibus versibus exprimitur.

V. 15. PANUM AZYMORUM, QUI CONSPERSI SUNT OLEO. Omisit hic nonnulla. Heb. *Azymorum simile, placentas permixtas oleo*. Quidam sic: *Azymorum, similam placentarum permixtarum*. Hypallage, id est *placentas, seu collyras, simile, vel e simila, conspersas oleo*.

**V. 21. EXCEPTIS HIS QUAE INVENI-
NERIT MANUS EIUS,** &c. quasi dicat: Id faciet quod præscriptum est, nisi plura possit, aut velit facere. Heb. *Præter id quod attinget, vel assequetur manus eius, prout fuerit votum eius quod vovit, sic faciet præter legem naziræatus sui*; id est, præter id quod sponte voverit, prout sunt facultates ipsius. Lex enim continet res tam a paupere quam a divite necessario offerendas: & ita interpretantur sequentia. Alii reddunt: *Exceptis his quæ apprehenderit manus eius: iuxta rationem voti sui quod vovit, sic faciet in iuxta præscriptum separationis suæ*.

V. 24. BENEDICAT TIBI; id est, augeat te omnifaria copia bonorum spiritualium, & temporalium.

V. 25. OSTENDAT DOMINUS FACIEM SUAM TIBI. Heb. *Illuminet, illustret, lucere faciat Dominus faciem suam ad te, vel tibi*; id est, respiciat te vultu hilari, nitido, lucenti, splendido, benevolò. **ET MISEREATUR TUI.** Heb. *Et gratificavit te*: gratia, favore, beneficio te prolecutus est, & ornavit. Quidam: *Et gratiam faciat tibi*. Non sine mysterio

F

ulus

usus est præterito, ad indicandam certitudinem gratiæ divini, cum primum Deus aliquem respicit; quasi dicat: Ut primum Deus illuminabit super te vultum suum, puta te gratificatum a Deo, & eius gratia donatum. Sic vers. 26.

V. 26. ET DET TIBI PACEM. Hebr. *Et posuit tibi pacem*; id est, cum primum Deus vultum suum ad te attollet, existima te iam felicem & beatum factum. Sic vers. 25. Pax Hebræis pro incolumitate, felicitate, prospero rerum statu.

V. 27. INVOCABUNTQUE NOMEN MEUM SUPER FILIOS ISRAEL. Hebr. *Et ponent nomen meum super filios Israel*; vel & *imponent nomen meum filiis Israel*. Quidam exponunt: Id est, cum sacerdotes populo benedicerent, in formula ipsa benedictionis adiungent nomen meum quadrilitterum, & ineffabile IHUH; id est, in hoc sacro nomine meo benedicerent filiis Israel; vel facient, curabunt, dabunt operam ut Israelitæ vocentur nomine meo, populus sanctus selectus IHUH. Alii reddunt: Et imponent manus filiis Israelis, invocabunt nomen meum, & ego benedicam eis; id est, duobus signis testatam facient populo gratiam meam, quam ego pro fide mea facturus sum nominis mei invocatione, & manuum suarum impositione publica & solemnī: quæ duo elegantissime consecutione quadam elliptica hoc loco innuuntur. Benedictiones fieri solitas cum impositione manuum, & invocatione nominis Dei, exemplum exstat Genesis xlviii. vers. 14. & seqq. Aliqui exponunt: *Et ponent nomen meum super filios Israel*; id est, curabunt, ut re ipsa, nedum voce, & invocatione, nomen meum inferatur mentibus populi, ut illud revera ament, venerentur, & in eo fiant. ET EGO BENEDICAM EIS; id est, efficiam in populo qui in iis benedictionibus continentur: omnibus bonis cumulabo eos, cum spiritualibus, tum temporalibus.

M E N O C H I I.

Vers. 2. **F**ECERINT VOTUM UT SANCTIFICENTUR. Hebr. *Cum separaverint*, vel *mirificaverint se ad vovendum*; id est, cum voverint votum Nazaræi ut separent se a communi homi-

num consuetudine; & vivendi ratione (quod quid novum, & mirum est) & consecrent se Domino.

V. 3. OMNI QUOD INEBRIARE POTEST: quod generali nomine *Sicra* dicitur. Hebr. שֵׁכָר *seechar*, Græce μέθυρα; quasi dicat, inebriativum. ET EX QUALIBET ALIA POTIONE, quæ scilicet inebriandi vim habeat. QUIDQUID DE UVA EXPRIMITUR. Hebr. *Madefactiōnem uvæ non bibet*: quidquid scilicet de uvis madefactis, & aqua dilutis post primam vini expressionem, exprimitur. Græci vocant δεύτεραν οἶνον, *vinum secundarium*: Latini *Loram* dicunt. Vide Columell. Lib. XII. cap. xl.

V. 4. USQUE AD ACINUM. Sept. ἕως γίγανθου: est autem γίγανθον granum quod intra uvæ folliculum latet.

V. 5. NOVACULA NON TRANSIBIT PER CAPUT EIUS, USQUE AD COMPLETUM DIEM. Nec novacula radet caput, nec forcipe capillum tondebit tempore nazaræatus. QUO DOMINO CONSECRATUR, non coma, sed Nazaræus.

V. 6. SUPER MORTUUM NON INGREDIETUR. In hoc Nazaræus æquabatur summo Sacerdoti, de quo Levit. xxi. num. 11. & utrique id conveniebat propter consecrationem, licet diversi generis in utroque, utramque tamen in suo genere summam.

V. 17. QUIA CONSECRATIO DEI SUPER CAPUT EIUS EST. Quia coma intonsa super caput eius est, quæ ostendat illum esse Domino separatam, coronatum, & consecratum; & in hac cæsarie videtur præcipua fuisse Nazaræorum cæremonia.

V. 9. CAPUT CONSECRATIONIS EIUS, pro consecratio capitis. RADET ILlico. Cæsaries quasi polluta radebatur ut nova succresceret, & dies præteriti nazaræatus irriti censebantur, cogebarique de novo tempus voti inchoare: quod intellige de eo qui Nazaræus ad tempus fiebat, nam perpetuus numquam radebatur, quomocumque pollueretur.

V. 10. IN INTROITU FOEDERIS TESTIMONIUM, id est in introitu tabernaculi.

V. 11. FACIET, sacrificabit. UNUM, turturem. PECCAVIT SUPER MORTUO: contaminatus est, noxam legalem con-

contraxit. SANCTIFICABITQUE CAPUT EIVS IN DIE ILLO; &c. id est, ex eo tempore incipiet rursus numerare tempus nazaræus, quo se fore Nazaræum voverat.

V. 13. ADDUCET, sacerdos, EUM, Nazaræum. AD OSTIUM TABERNACULI, ut pro eo offerat præscripta sacrificia.

V. 15. CONSPERSI, subacti oleo, cum farina pinsetur, & subigeretur. LIBAMINA SINGULORUM, quæ præscribuntur cap. xv. vers. 4. huius libri. Hæ nimirum erant oblationes accessoriæ, & secundariæ, sine quibus hostia pacifica non offerebatur. Vide supra Exod. xxix. 2. & Levit. vii. 12.

V. 18. TOLLETQUE, sacerdos. PONENT SUPER IGNEM. Comburentur capilli Nazaræi in honorem Dei, tamquam illi ante consecrati. SUPER IGNEM, QUI EST SUPPOSITUS SACRIFICIO PACIFICORUM. Abulensis putat fuisse ignem altaris, ne profano igne hi capilli sanctificati exurentur. Lyranus putat fuisse ignem culinæ, in qua pacificorum carnes in caldario coquebantur: quam sententiam sequitur Bonfrerius hic, de hoc fuisse disputans. Nec obstat ratio Abulensis: quia ille etiam inis quo carnes pacificorum coquebantur, aliquo modo sacer erat, licet posset dici profanus comparatione ignis altaris.

V. 19. ARMUM COCTUM aqua servida, sive elixatum: hoc enim significat vox Hebræa בַּשָּׂל *basal*, & Græca apud LXX. τῆς δὲ. TORTAM ABSQUE FERMENTO. Tortas appellat quas vocavit panes num. 15. Hanc tortam noster Interpres alibi vocat *crustulam*, vel *collyridem*.

V. 20. SANCTIFICATA; hoc est, quidquid elevarit, & elevando Deo obtulerit, & consecraverit. SICUT PETUSCULUM, &c. hoc est, sicut petusculum, ita & femur; sive tam unum, quam aliud. ET FEMUR. Hic femur armum significat, ut patet ex Hebræo, & LXX. qui βραχίονα habent, id est brachium.

V. 21. EXCEPTIS HIS QUAE INVENERIT MANUS EIVS: ad quæ scilicet sponte se obstringere voluerit. IUXTA QUOD MENTE DEVOVERAT, &c. Votum enim privata lex est, quæ iux-

ta voventis mentem interpretationem accipit. AD PERFECTIONEM SANCTIFICATIONIS SUAE. Hebr. iuxta legem nazaræatus sui, quæ videlicet spectat perfectionem eius in sanctitate status illius temporis, veteris scilicet Testamenti.

V. 24. BENEDICAT TIBI DOMINUS: det tibi copiam omnium bonorum.

V. 25. OSTENDAT DOMINUS FACIEM SUAM TIBI, hilarem, propitiam, benignam. Hebr. habet: *Illuminet Dominus faciem suam super te*; id est, Dominus sit tibi inlustr lucis, & lucernæ, quæ dirigat omnes actus tuos.

V. 26. CONVERTAT DOMINUS VULTUM SUUM AD TE, conioletur, adiuvet, protegat te: hæc enim facit Dominus ad nos conversus; contraria his, averfus.

V. 27. INVOCABUNTQUE NOMEN MEUM SUPER FILIOS ISRAEL. Quasi dicat: Cum benedicent sacerdotem filios Israel, adiungent benedictioni tuæ nomen meum tetragrammaton. ET EGO BENEDICAM EIS: beneficiam cumulo eos bonis.

T I R I N I.

Vers. 2. VIR, SIVE MULIER, CUM FECERINT VOTUM UT SANCTIFICENTUR. Hebraice est, *Vir, vel mulier, cum admirabilem se præstiterit vovendo votum Nazaræi ad separandum se Domino*. Hinc patet primo, etiam e sexu femineo Nazaræas fuisse; secundo, votum nazaræatus admirabile, & valde excellens apud Iudæos fuisse, unde a Septuaginta *Egregium*, a Philone *a*, & aliis passim *Magnum Votum* vocatur; tertio, *Nazaræum* nomen, seu *Nazir*, ut est in Hebræo (נָזִיר *a radice* נָזַר) significare separatum ab aliis, non qualicumque modo, sed peculiari professione sanctimonie & religionis, ac dignitate status. Quaraione Nazaræi erant a communi aliorum hominum statu ac genere vitæ separati.

Sed nota primo, duplicis generis fuisse Nazaræos. Quidam perpetui erant, qui per totam vitam hoc institutum vel Dei iussu, vel voto seu proprio, seu parentum suorum tenebant; verbi gratia Samson, Samuel, Ioannes Baptista, Iacobus Minor.

Alii solum erant temporales, & de his agitur hoc capite.

Nota secundo, caeremonias nazaraeatus fuisse, primam, nec vinum, nec siceram, nec quidquam quod inebriare posset, bibere, quin nec de uva, seu recente, seu sicca, seu passa, comedere: ut sic palam faceret se sobrietati studere, omnemque crapulam averfari, ex qua tot pullulant vitia, & religionis pietatisque omnis neglectus. Secundam, non poterant illi crines praescindi usque ad completum diem quo Domino consecratur, id est toto tempore quo ipse ex voto debet manere consecratus. Tertiam, super mortuum non ingreditur, morticinum humanum contingendo, vel morienti astando, ne patri quidem, vel matri. Et in hoc Nazaraeus aequabatur summo Pontifici. Et par ratio quoad utrumque redditur, cur id illi specialiter inhibitu sit, quia consecratio Dei sui super caput eius est; hoc est, quia speciali valde consecratione est Deo consecratus, ut supra diximus: & Nazaraeus nominatim etiam caput, adeoque & capillos capitis habet consecratos Deo, utpote in Dei honorem nutritos; & completo nazaraeatu, in eiusdem honorem detondendos, & cremandos. Nam quarto, finito iam voti tempore, post oblatum Deo agnum, ovem, & arietem, sacra Nazaraeo caesaries ante ostium atrii detondebatur, & a sacerdote mittebatur in ignem non altaris, ut vult Abulensis, sed culinæ, in qua carnes pacificorum coquebantur, ut habet Chaldaeus, & docet Lyranus. Atque ita expleto voto poterat bibere vinum; hoc est, desinebat esse Nazaraeus.

Allegorice Rupertus hæc omnia aptat Christo Nazaraeo. Tropologice Religiosis novi Testamenti Cyrillus, Gregorius, Innocentius III. S. Thomas, & eleganter Hieronymus, Platus c. Plura vide de his Levit. ult. vers. 2.

(a) Philo Lib. de Temulentia & de Vitiis.

(b) Levit. xxi. vers. 11.

(c) Cyrill. Lib. XVI. de Ador. in Spiritu. Greg. Lib. XXXII. Moral. cap. xxxvii. Innoc. III. sup. cap. iv. citatus S. Thom. II. II. q. clxxvi. a. 6. Platus Lib. II. de Bono statu Religiosi cap. xix.

GORDONI.

vers. 2. **N** Azaraei isti erant, ut temporaria illa ferebant, Religiosi, qui ut libere vacarent meditationi rerum divinarum, segregabant se a commercio aliorum. Eorum aliqui habebant votum perpetuum, ut Samson Iudic. xii. vers. 7. & Samuel; alii ad tempus certum, ut Paulus Act. xxi. vers. 23. De his non perpetuis iam agitur. Sane ut hic dicitur vers. 6. non poterat funeri interesse. Nazaraeus, id est separatus. נָזִיר *nazar*, *separare*. נָזִיר *nazir*, *nazaraeus*, in Niphal significat separatum religionem. Et hoc loco in Hiphil לְהַזִּיר *lehazir*, ad separandum. Demum Math. xi. vers. ult. de Christo, *Nazaraeus vocabitur*, hoc est Sanctus, ex Hieronymo, & non tantum quia a Nazareth urbe. Vide Serar. Iudic. cap. 111. vers. 6. & 7. Votum hoc Nazaraei vocabitur נֶזֶר נָזִיר *Nazar magnum*.

V. 3. Nazaraeus abstinebat proinde a siccera, de qua Levit. cap. x. vers. 9. & quavis alia portione vers. 3. scilicet quæ inebriare potest: item ab uva passa; quæ hic non significat uvam siccam (ut vulgo solet) sed ipsos uvarum cortices, & folliculos, qui post compremionem uvarum remanent. Recte ergo Latinus vertit etiam hoc sensu, *Uvam passam*.

V. 6. SUPER MORTUUM NON INGREDIETUR. Non ibit ad iunus, quia scilicet Nazaraeus est, ex Hebr.

V. 9. RADET. Semel tantum hic radet caput, ut clare docet textus Hebr.

V. 12. Hic immunditia vocatur peccatum, ut observat Mariana. Dies priores dicuntur irriti; hoc est, non computabuntur.

V. 15. De his oblationibus vide supra Exod. xxix. vers. 2. & Levit. vii. vers. 12. Per libamen intellige tam libamen vini, quam mincham: nam hostia pacifica non offerebatur sine his accessoriis, & secundariis oblationibus; sicut nec sine his offerebatur holocaustum: tantum erat hostia pro peccato, quæ non habebat has accessorias oblationes.

V. 19. TORTAMQUE. Sane suadet vox Hebræa חֶלְאָה *challa*, hic per *tortam* intelligi panes de quibus vers. 15. nam utrobique est eadem vox Hebræa. Dr
Laga-

Lagano vide citatis locis Exod. *xxix.* & Levit. *vii.*

EX EIUSDEM AUCTARIO.

- V. 5.* NOVACULA, sed nec forfice.
V. 20. Quidquid elevaverit, & elevan-

do obtulerit Deo.

V. 21. Exceptis aliis rebus ad quas sponte se vult obligare, voti interpretatio optima est mens votentis.

V. 26. CONVERTAT VULTUM : adiuvet, & consoletur.

C A P U T VII.

Oblationes principum duodecim tribuum in dedicationem tabernaculi & altaris: loquitur Dominus Moysi de propitiatorio.

- I.**  Actum (a) est autem in die qua complevit Moyses tabernaculum, & erexit illud: unxitque & sanctificavit cum omnibus vasis suis, altare similiter & omnia vasa eius. 2. Obtulerunt principes Israel & capita familiarum, qui erant per singulas tribus, * praefectique eorum qui numerati fuerant, 3. munera coram Domino, sex plaustra tecta cum duodecim bobus. Unum plaustrum obtulere duo duces, & unum bovem singuli, obtuleruntque ea in conspectu tabernaculi. 4. Ait autem Dominus ad Moysen: 5. Suscipe ab eis ut servant in ministerio tabernaculi, & trades ea Levitis iuxta ordinem ministerii sui. 6. Itaque cum suscepisset Moyses plaustra & boves, tradidit eos Levitis. 7. Duo plaustra & quatuor boves dedit filiis Gerson, iuxta id quod habebant necessarium. 8. Quatuor alia plaustra & octo boves dedit filiis Merari, secundum officia & cultum suum, sub manu Ithamar filii Aaron sacerdotis. 9. Filiis autem Caath non dedit plaustra & boves: quia in sanctuario serviunt, & onera propriis portant humeris. 10. Igitur obtulerunt duces in dedicationem altaris, die qua unctum est, oblationem suam ante altare. 11. Dixitque Dominus ad Moysen: Singuli duces per singulos dies offerant munera in dedicationem altaris. 12. Primo die obtulit oblationem suam Nahasson filius Aminadab de tribu Iuda: 13. fueruntque in ea, acetabulum argenteum pondo centum triginta siclorum, phiala argentea habens septuaginta siclos, iuxta pondus sanctuarii, utrumque plenum simila conspersa oleo in sacrificium: 14. mortariolum ex decem siclis aureis plenum incenso: 15. bovem de armento, & arietem, & agnum anniculum in holocaustum: 16. hircumque pro peccato: 17. & in sacrificio pacificorum boves duos, arietes quinque, hircos quinque, agnos anniculos quinque. Hac est oblatio Nahasson filii Aminadab. 18. Secundo die obtulit Nathanael filius Suar, dux de tribu Issachar, 19. acetabulum argenteum appendens centum triginta siclos, phialam argenteam habentem septuaginta siclos, iuxta pondus sanctuarii, utrumque plenum simila conspersa oleo in sacrificium: 20. mortariolum aureum habens decem siclos, plenum incenso: 21. bovem de armento, & arietem, & agnum anniculum in holocaustum: 22. hircumque pro peccato: 23. & in sacrificio pacificorum boves duos, arietes quinque, hircos quinque, agnos anniculos

culos quinque. Hæc fuit oblatio Nathanael filii Suar. 24. Tercio die princeps filiorum Zabulon, Eliab filius Helon, 25. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrumque plenum simila conspersa oleo in sacrificium: 26. mortariolum aureum appendens decem siclos, plenum incenso: 27. bovem de armento, & arietem, & agnum anniculum in holocaustum: 28. hircumque pro peccato: 29. & in sacrificio pacificorum boves duos, arietes quinque, hircos quinque, agnos anniculos quinque. Hæc est oblatio Eliab filii Helon. 30. Die quarto princeps filiorum Ruben, Elifur filius Sedeur, 31. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrumque plenum simila conspersa oleo in sacrificium: 32. mortariolum aureum appendens decem siclos, plenum incenso: 33. bovem de armento, & arietem, & agnum anniculum in holocaustum: 34. hircumque pro peccato: 35. & in hostias pacificorum boves duos, arietes quinque, hircos quinque, agnos anniculos quinque. Hæc fuit oblatio Elifur filii Sedeur. 36. Die quinto princeps filiorum Simcon, Salamiel filius Sarisaddai, 37. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrumque plenum simila conspersa oleo in sacrificium: 38. mortariolum aureum appendens decem siclos, plenum incenso: 39. bovem de armento, & arietem, & agnum anniculum in holocaustum: 40. hircumque pro peccato: 41. & in hostias pacificorum boves duos, arietes quinque, hircos quinque, agnos anniculos quinque. Hæc fuit oblatio Salamiel filii Sarisaddai. 42. Die sexto princeps filiorum Gad, Eliafaph filius Ducl, 43. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrumque plenum simila conspersa oleo in sacrificium: 44. mortariolum aureum appendens decem siclos, plenum incenso: 45. bovem de armento, & arietem, & agnum anniculum in holocaustum: 46. hircumque pro peccato: 47. & in hostias pacificorum boves duos, arietes quinque, hircos quinque, agnos anniculos quinque. Hæc fuit oblatio Eliafaph filii Ducl. 48. Die septimo princeps filiorum Ephraim, Elisama filius Ammiud, 49. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrumque plenum simila conspersa oleo in sacrificium: 50. mortariolum aureum appendens decem siclos, plenum incenso: 51. bovem de armento, & arietem, & agnum anniculum in holocaustum: 52. hircumque pro peccato: 53. & in hostias pacificorum, boves duos, arietes quinque, hircos quinque, agnos anniculos quinque. Hæc fuit oblatio Elisama filii Ammiud. 54. Die octavo princeps filiorum Manasse, Gamaliel filius Phadasur, 55. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrumque plenum simila conspersa oleo in sacrificium: 56. mortariolum aureum appendens decem siclos, plenum incenso: 57. bovem de armento, & arietem, & agnum anniculum in holocaustum: 58. hircumque pro peccato: 59. & in hostias pacificorum boves duos, arietes quinque, hircos quinque, agnos anniculos quinque. Hæc fuit oblatio Gamaliel filii Phadasur. 60. Die nono princeps filiorum Benjamin, Abidan filius Gedeonis, 61. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrum-

utrumque plenum simila conspersa oleo in sacrificium: 62. & mortariolum aureum appendens decem siclos, plenum incenso: 63. bovem de armento, & arietem, & agnum anniculum in holocaustum: 64. hircumque pro peccato: 65. & in hostias pacificorum boves duos, arietes quinque, hircos quinque, agnos anniculos quinque. Hæc fuit oblatio Abidan filii Gedeonis. 66. Die decimo princeps filiorum Dan, Ahiezer filius Ammisaddai, 67. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrumque plenum simila conspersa oleo in sacrificium: 68. mortariolum aureum appendens decem siclos, plenum incenso: 69. bovem de armento, & arietem, & agnum anniculum in holocaustum: 70. hircumque pro peccato: 71. & in hostias pacificorum boves duos, arietes quinque, hircos quinque, agnos anniculos quinque. Hæc fuit oblatio Ahiezer filii Ammisaddai. 72. Die undecimo princeps filiorum Aser, Phegiel filius Ochran, 73. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus Sanctuarii, utrumque plenum simila conspersa oleo in sacrificium: 74. mortariolum aureum appendens decem siclos, plenum incenso: 75. bovem de armento, & arietem, & agnum anniculum in holocaustum: 76. hircumque pro peccato: 77. & in hostias pacificorum boves duos, arietes quinque, hircos quinque, agnos anniculos quinque. Hæc fuit oblatio Phegiel filii Ochran. 78. Die duodecimo princeps filiorum Nephthali, Ahira filius Enan, 79. obtulit acetabulum argenteum appendens centum triginta siclos, phialam argenteam habentem septuaginta siclos, ad pondus sanctuarii, utrumque plenum simila oleo conspersa in sacrificium: 80. mortariolum aureum appendens decem siclos, plenum incenso: 81. bovem de armento, & arietem, & agnum anniculum in holocaustum: 82. hircumque pro peccato: 83. & in hostias pacificorum boves duos, arietes quinque, hircos quinque, agnos anniculos quinque. Hæc fuit oblatio Ahira filii Enan. 84. * Hæc in dedicatione altaris oblata sunt a principibus Israel, in die qua consecratum est: acetabula argentea duodecim; phiale argenteæ duodecim; mortariola aurea duodecim: 85. ita ut centum triginta siclos argenti haberet unum acetabulum, & septuaginta siclos haberet una phiala; id est, in commune vasorum omnium ex argento scli duo millia quadringenti, pondere sanctuarii. 86. mortariola aurea duodecim plena incenso, denos siclos appendentia pondere sanctuarii; id est, simul auri scli centum viginti: 87. boves de armento in holocaustum duodecim, arietes duodecim, agni anniculi duodecim, & libamenta eorum: hirci duodecim pro peccato: 88. In hostias pacificorum, boves viginti quatuor, arietes sexaginta, hirci sexaginta, agni anniculi sexaginta. Hæc oblata sunt in dedicatione altaris, quando unctum est. 89. Cumque ingrederetur Moyses tabernaculum fœderis, ut consuleret oraculum, audiebat vocem loquentis ad se de propitiatorio quod erat super arcam testimonii inter duos Cherubim, unde & loquebatur ei.

(*) Exod. xl. 16.

ROMANAE CORRECTIONES.

V. 2. *Præfelli que eorum qui numerati fuerant.* Non omittatur enclitica particula *que*.

V. 84. *Hec in dedicatione altaris oblata sunt.* Non est surrogandus quartus casus *dedicationem* in locum sexti. Idem cavendum infra vers. 88.

C O M M E N T A R I A.

S A.

Vers. 3. **T**ECTA, scilicet in modum lecticarum, seu rhedarum, quæ vulgo *Carrozze*.

V. 7. **NECESSARIUM**, scilicet ad suum ministerium.

V. 11. **DIXITQÛE**; pro, dixerat enim.

V. 13. **ACETABULUM**. Verbum *Hebræum* significat *scutellam magnam*, & *latam*. LXX. *discum*. **PHIALA** vas erat libatorium. **SACRIFICIUM**, scilicet cibarium. Hebr. *Minchab*.

V. 20. **MORTARIOLUM**. Alii, *cochlear*, scilicet vas parvum in modum cochlearis, ad thus, vel eiusmodi aliud continendum: id enim significat vox *Hebræa*.

V. 27. **BOVEM**. Hebr. *Chald.* & LXX. *vitulum*, seu *iuvencum*: sic etiam infra.

V. 89. **UT CONSULERET ORACULUM**. Hebr. *Chald.* & LXX. *ad loquendum cum eo*, scilicet Domino.

E S T I I.

Vers. 2. **O**BTULERUNTQUE PRINCIPES ISRAEL ET CAPITA FAMILIARUM. Recensentur oblationes duodecim tribuum Ephraim & Manasse filiis Ioseph pro singulis tribubus computatis, ut iusserat Jacob moriens. Neque quidquam obtulisse refertur tribus Leviticæ: nimirum quia ista tribus cum esset destinata & consecrata ministerio tabernaculi, & sacrificiis offerendis, non debebat dare quæ offerrentur, sed magis ab aliis accipere offerenda. *Quis enim*, ut Apostolus ait, *suis stipendiis militat unquam?*

V. 9. **FILIIS AUTEM CAATH NON DEDIT PLAUSTRA ET BOVES**, QUIA IN SANCTUARIO SERVIUNT, ET ONERA PROPRIIS PORTANT HUMERIS. Hinc intelligi potest quare fue-

rit Oza percussus I. Paralip. xiii. quia nimirum, cum debuisset arcam suis, & fratrum Caathitarum humeris portare, contra legem imposuit eam plautro: cuius peccatum Deus prodidit, quando boibus calcitrantibus arca casura videbatur, nisi ipse, quod ei non licebat, manu eam sustentasset.

M A R I A N A E.

Vers. 3. **S**EX PLAUSTRA TECTA, scilicet obtulerunt principes, Hebr. *plaustra operimenti*, pro operata. Septuaginta, & *ἀμαζας λαμπρινας*, id est *sex curvus regios*, *λαμπρινον currum regium*, seu *lecticam* significat. Aquila *teglas* vertit; Eusebius *Emissenus veloces*; alius *paratas*, *instruendas*.

V. 9. **QUIA IN SANCTUARIO SERVIUNT**. Hebr. *quia servitus sanctitatis*, id est sanctuarii, *super eos*, *humero portant*. Ideo filiis Caath plaustra non dantur.

V. 13. **ACETABULUM ARGENTEUM PONDO CENTUM TRIGINTA SICLORUM**. Hebr. *scutella argenti pondocentum triginta*: sic Sept. sed Hieronymus addidit *siclorum*, quoniam in phiala quæ proxime ponitur, explicatur fuisse pondo septuaginta siclorum iuxta pondus sanctuarii: nempe erant minores sicii populares & didrachmi.

V. 14. **MORTARIOLUM EX DECEM SICLIS AUREIS**. Hic etiam additur *siclis*: nam in Hebræo est *cochlear unum decem auri*, pro aureorum: sicque vertere Septuag. Et est verisimile, aureos Hebræos unius drachmæ fuisse, non quatuor, ut sicii.

V. 17. **ET IN SACRIFICIO**; pro, *in sacrificium*, ut Septuaginta, *obtulit boves duos*.

MALVENDAE.

Vers. 1. **F**ACTUM EST AUTEM IN DIE QUAE COMPLEVIT MOYSES TABERNACULUM, &c. Hunc versum quidam ex Hebræo ita reddunt: *Fuit autem, quo die absolverat Moyses erigere tabernaculum, & ungens illud, sanctificaverat illud cum omnibus instrumentis eius: & altare cum omnibus instrumentis eius: cum, inquam, unxisset ista, & sanctificasset ista: ut offerrent principes Israelis, &c.* Exponuntque: *Quo die*, id est die secundo, secundo mense, anni secundi ab exitu ex Aegypto, supra cap. 1. vers. 1. nam primo die mensis primi erectum fuit tabernaculum, Exodi iv. vers. 11. postea vero mense eodem reliquo consecratum, ut docetur in libro Levitici: hoc autem altare, nimirum holocausti, postremo loco & suo ordine restabat consecrandum cum toto ministerio suo: cuius ministerii bona pars cum Levitæ fuerint, optime Levitarum deditio & assumptio antecessit huius altaris consecrationem. Alii volunt interverum hic esse ordinem historię, & hoc caput de oblatione principum immediate annexendum capiti xl. Exodi. Vide Interpretes de his copiose differentes. **ALTARE SIMILITER ET OMNIA VASA EIUS.** Hebr. addunt: *Et unxit ea, & sanctificavit ea.* Explicant, quæ postremo restabant consecranda. Nam hætenus tabernaculum, & quæ intus erant, Moses sanctificaverat Levitici viii. vers. 10. cum ministris ipsius; nunc vero de sanctificatione agitur altaris holocausti, & ministrorum, ac instrumentorum eius.

V. 2. **PRINCIPES ISRAEL ET CAPITA FAMILIARUM.** De his late actum cap. 1.

V. 3. **PLAUSTRA TECTA.** עגלות *gheglot tzab*, varie reddunt. I. *Plaustra tumoris*, id est tumida, tecta superne, quasi inflatus uterus, seu in modum uteri tumentia, vel speciem tumentis uteri præse ferentia. II. *Plaustra operimenti*, seu tegumenti, id est in modum lecticarum facta, lecticas. III. *Plaustra concamerata*. IV. *Quidam tzab* volunt esse decurtatum ex צב *tzaba*, vertuntque *plaustra militaria*. V. *Plaustra tumbæ*, id est in modum

Bib. Sac. Tom. III.

tumbæ concamerata. Ego non dubito instar eorum fuisse quæ vulgo dicimus *cotches*, vel *carroças*. Quidam annotant, eiusmodi currus, seu plaustra tecta, parata in eum usum ut in iis vasa, utensilia, instrumenta, & sacræ vestes tabernaculi mundius, & decentius veherentur, atque a cæli iniuriis defenderentur. Non recte alii *vitulas*.

V. 5. **ET TRADES EA LEVITIS, IUXTA ORDINEM MINISTERII SUI.** Hebr. *Et dabis ea Levitis unicuique, scilicet genti Levitarum*, ut in sequentibus explicatur; *prout est ministerium eius*: quod ministerium supra cap. iv. fusius exponitur. Illud, *iuxta ordinem ministerii sui*, Hebr. ex verbo, *secundum os servitii, cultus, ministerii, operis eorum*, id est iuxta rationem, præscriptum, modum, pro ratione ministerii eorum, in portandis oneribus sacri tabernaculi. Sic in seqq.

V. 7. **IUXTA ID QUOD HABEBANT NECESSARIUM.** Hebr. *Prout erat ministerium eorum*. Supra cap. iv. vers. 24. 25. 26.

V. 8. **SECUNDUM OFFICIA ET CULTUM SUUM.** Supra cap. iv. vers. 31. 32. 33. **SUB MANU ITHAMAR.** Hebr. *In manu Ithamar*. Alii, *Penes Ithamar*.

V. 9. **QUIA IN SANCTUARIO SERVIUNT, ET ONERA PROPRIIS PORTANT HUMERIS.** Supra cap. iv. vers. 15.

V. 10. **IN DEDICATIONEM ALTARIS.** Hebr. *dedicationem*, vel *initiationem altaris*. Quidam, *cum dedicatione altaris*, id est, die secundo quo sanctificabatur altare, ut sequentia verba docent, exegitice. Plerique, *pro dedicatione altaris*.

V. 11. **IN DEDICATIONEM ALTARIS.** Hebr. *initiationi altaris*. Quidam, *in dedicatione altaris*; id est, ea die qua dedicatum est.

V. 12. **PRIMO DIE OBSTULIT, &c.** Quod hic a principe tribus Iuda, publico suæ tribus nomine oblatum dicitur, desequentibus quoque principibus aliarum tribuum est intelligendum: nam idem tantumdem quod Nahasson, alii etiam singuli obtulerunt, uti Moyses sigillatim describit.

V. 14. **MORTARIOLUM.** כף *capb*, proprie *curvitas*, *cavitas*, *concavitas*: inde dictum est eo nomine instrumentum cavum, seu concavum, a volæ similitudine:

ne: cochlear, acerram, lancem, mortariolum reddere solent.

V. 86. DENOS SICLOS APPENDENTIA. Hebr. *Decem*, *decem cochleare*; id est, singula cochlearia pendebant decem siclos; vel, denum siclorum unaqueque acerra erat.

V. 89. CUMQUE INGREDERETUR MOYSES TABERNACULUM, &c. Consecrato tabernaculo, quando intrabat Moses, colloquebatur cum Deo, ut Deus illi promiserat Exodi xxv. 22. nam ante consecrationem eius aliter cum ipso loquebatur Deus. Nonnulli putant Mose peculiari concessum ut ipsum Sanctum sanctorum, ut Dei internuntius, quoties opus esset, introiret. Hebræi volunt, Mosen foris extra velum positum inde audire solum vocem Dei e propitiatorio manantem. Quidam hanc vocem, & collocutionem spirituales, sive intellectualem putant, in interna contemplatione: alii rectius corpoream, & sensibilem.

M E N O C H I I.

Verf. 1. C O M P L E V I T M O S E S T A B E R N A C U L U M, ministerio Beeseel, & sociorum.

V. 3. PLAUSTRA TECTA: ne vasa, instrumentumque sacrum, quod illis erat convehendum, conspici posset a populo, neve læderentur ab imbre, aut grandine, &c. LXX. habent ἀμᾶξας λαμπρινὰς. Hesychius λαμπρὴν illustrum virorum, aut seminarum vehicula fuisse desuper operata.

V. 8. QUATUOR ALIA PLAUSTRA, &c. Filiis Merari plures boves, & plura plaustra data sunt, quia graviora habebant onera, scilicet columnarum omnium, præter alia onera tabularum, basium, &c. adeo ut Abulensis putet omnia eorum onera non potuisse quatuor hisce plaustris imponi, sed quædam ab eis debuisse humeris portari. C U L T U M, ministerium: hoc enim vox Hebraica significat. S U B M A N U, cura, potestate, præfectura, I T H A M A R; quasi dicat: Ithamar præerat Gersonitis, & Meraritis, eorumque vasibus, & suppellectilibus.

V. 9. QUA IN SANCTUARIO SERVIVUNT; ea autem quæ ad sanctuarium pertinent, non plaustris vehenda, sed hu-

meris gestanda erant, ob ipsorum sanctitatem, & reverentiam.

V. 11. SINGULI DUCES, principes tribuum. I N D E D I C A T I O N E M A L T A R I S, holocaustorum, quod præter unctionem cum aliis tabernaculi vasibus communem, habebat aliam specialem dedicationem, per septem dies, quotidianam scilicet unctionem, & sacrificia, Exod. xxix. 36. & 37. præscripta: unde & quotidie in tabernaculi totius, sed maxime altaris huius dedicationem offerebant principes vicissim, & viritim sua munera.

V. 13. ACETABULUM. Vide de acetabulis dicta Exod. xxv. 26. Hæc tamen acetabula cum argentea fuerint, non fuisse videntur in usus sanctuarii, cum omnia sanctuarii vasa aurea fuisse sciamus: idem dicendum de phialis. Fuerunt ergo in usum atrii, & altaris holocausti. P O N D O, pondere. P H I A L A. Vide supra Exod. xxv. 29. I N S A C R I F I C I U M. Hæc similæ oblatio addenda erat partim holocaustis, si incocta erat; partim pacificis, si cocta.

V. 14. MORTARIOLUM. Vide sup. cap. iv. num. 7. Hic in Hebr. est vox *cap*, quam noster Interpres alibi phialam vertit: sed quia alia vox, quæ phialam vertit, hic præcessit, vertit mortariolum; quasi dicat, parvum phialam ad capiendum incensum.

V. 84. I N D I E, id est in tempore: nam oblatio hæc duravit per duodecim dies.

V. 89. C O N S U L E R E T O R A C U L U M, Dei sedentis in Sancto sanctorum super propitiatorium.

T I R I N I.

Verf. 1. I N D I E QUA C O M P L E V I T M O Y S E S T A B E R N A C U L U M. Dies Hebræis idem sæpe est quod tempus. Et certum est ex verf. 84. tempus ut minimum duodecim dierum comprehendere nomine diei. Ceterum videntur hæc principum donaria facta prius tempore quam reliqua quæ primis huius libri capitibus, totoque Levitico recensentur.

V. 23. De acetabulo aliisque vasibus hoc capite recensitis, vide notas nostras de mensuris in Prolegomenis Commentarii.

Petes ad quos usus servierint hæc vasa argentea, cum omnia sanctuarii vasa debuerint esse aurea. Respondet: Non servie-

vierunt usibus ſanctuarii, ſed altaris holocauſtorum in atrio ante ſanctuarium; verbi gratia, acetabula, ut in iis armis coctus, & libamina e farina & oleo offerrentur; phialæ, ut ex iis vinum in altari libaretur, &c.

G O R D O N I.

Verſ. 1. **M**Ale hinc aliqui duplicem exponunt, aut etiam quotidianam tabernaculi erectionem. Notandum proinde eſt, hic eſſe hiſterologiam: nam hæc oblatio principum, quæ hic narratur, facta eſt ipſo primo die menſis primi, anni ſecundi: nempe quo die facta fuit erectio, & conſecratio tabernaculi, de quo Exod. xl. verſ. 18. Perinde ergo eſt, ac ſi hoc caput ſeptimum fuiſſet caput quadageſimum primum Exodi. Nec multum abſunt a ſimili tranſpoſitione rerum geſtarum duo inſequentia capita. Oblatio hæc

principum duravit per dies duodecim;

V. 13. Phialæ erant pro vino libaminis. Vas libatorium. Acetabula ſunt de quibus Exod. cap. xxv. verſ. 29. Voce Hebraica acetabulum ſignificat ſcutellam magnam. Septuaginta diſcum intelligunt.

V. 14. MORTARIOLUM ex vi vocis Hebrææ ſignificat vas inſtar cochlearis ad continendum, vel quid ſimile.


V. 85. De ſiclo, & ſiclorum valore ſæpe ſuperius, Gen. cap. xxii. & alibi. De pondere ſanctuarii, ſeu iuſto, ſupra.

EX EIUSDEM AUCTARIO.

V. 13. Hæ argentea vaſa videntur fuiſſe ad uſum atrii, & altaris holocauſti: nam vaſa ſanctuarii fuerunt aurea,


V. 14. MORTARIOLUM, ut dixi cap. iv. verſ. 7.

V. 84. IN DIE, in tempore: nam oblatio per duodecim dies fuit.



C A P U T VIII.

*Candelabri & lucernarum ſitus, ac forma; atque,
& conſecratio Levitarum.*

1.  **L**ocutusque eſt Dominus ad Moysen, dicens: 2. Loquere Aaron, & dices ad eum: † Cum poſueris ſeptem lucernas, candelabrum in australi parte erigatur. Hoc igitur præcipe ut lucernæ contra boream e regione reſpiciant ad menſam panum propoſitionis, contra eam partem quam candelabrum reſpicit, lucere debebunt. 3. Fecitque Aaron, & impoſuit lucernas ſuper candelabrum, ut præceperat Dominus Moysi. 4. Hæc autem erat ſectura candelabri, ex auro ductili, tam medius ſtipes, quam cuncta quæ ex utroque calamorum latere naſcebantur: iuxta exemplum quod oſtendit Dominus Moyſi, ita operatus eſt candelabrum. 5. Et locutus eſt Dominus ad Moysen, dicens: 6. Tolle Levitas de medio filiorum Iſrael, & purificabis eos. 7. iuxta hunc ritum: Aſpergantur aqua luſtrationis, & radant omnes pilos carnis ſuæ. Cumque laverint veſtimenta ſua, & mundati fuerint, 8. tollent bovem de armentis, & libamentum eius ſimilam oleo conſperſam: bovem autem alterum de armento tu accipies pro peccato: 9. & applicabis Levitas coram tabernaculo ſederis, convocata omni multitudine filiorum Iſrael. 10. Cumque Levitæ fuerint coram Domino, ponent filii Iſrael manus ſuas ſuper eos: 11. & offeret Aaron Levitas, munus in conſpectu Domini a filiis Iſrael, ut ſerviant in miniſterio eius. 12. Levitæ quoque ponent manus ſuas ſuper

per capita boum, e quibus unum facies pro peccato, & alterum in holocaustum Domini, ut depreceris pro eis. 13. Statuſque Levitas in conspectu Aaron & filiorum eius, & consecrabis oblatos Domino, 14. ac separabis de medio filiorum Israel, ut sint mei: 15. & postea ingredientur tabernaculum fœderis, ut serviant mihi. Sicque purificabis & consecrabis eos in oblationem Domini: quoniam dono donati sunt mihi a filiis Israel. 16. (a) Pro primogenitis quæ aperiant omnem vulvam in Israel, accepi eos. 17. Mea sunt enim omnia primogenita filiorum Israel, tam ex hominibus quam ex iumentis. Ex die quo percussi omne primogenitum in terra Aegypti, sanctificavi eos mihi: 18. & tuli Levitas pro cunctis primogenitis filiorum Israel: 19. tradidique eos dono Aaron & filiis eius de medio populi, ut serviant mihi pro Israel in tabernaculo fœderis, & orent pro eis, ne sit in populo plaga, si ausi fuerint accedere ad sanctuarium. 20. Feceruntque Moyſes & Aaron & omnis multitudo filiorum Israel super Levitis quæ præceperat Dominus Moyſi: 21. purificatique sunt, & laverunt vestimenta sua. Elevavitque eos Aaron in conspectu Domini, & oravit pro eis: 22. ut purificati ingrederentur ad officia sua in tabernaculum fœderis coram Aaron & filiis eius. Sicut præceperat Dominus Moyſi de Levitis, ita factum est. 23. Locutusque est Dominus ad Moyſen, dicens: 24. Hæc est lex Levitarum. A viginti quique annis & supra, ingredientur ut ministrent in tabernaculo fœderis. 25. Cumque quinquagesimum annum ætatis impleverint, servire cessabunt: 26. eruntque ministri fratrum suorum in tabernaculo fœderis, ut custodiant quæ sibi fuerint commendata, opera autem ipsa non faciant. Sic dispones Levitis in custodiis suis.

(a) Exod. XIII. 2. Sup. XII. 13. Luc. II. 23.

B R U G E N S I S

LECTIONUM VARIETAS.

V. 2. Cum posueris septem lucernas, candelabrum in australi parte erigatur. Hoc igitur præcipe, ut lucerne contra boream, e regione respiciant ad mensam panum propositionis: contra eam partem quam candelabrum respicit, incensare debebunt. Magna pars horum verbo-

rum, hæc inquam, candelabrum in australi parte erigatur. Hoc igitur præcipe, ut lucerne contra boream e regione respiciant ad mensam panum propositionis, omittitur ab Hebræis, & Græcis codicibus, quinetiam a quibusdam Latinis manuscriptis. Videri possit addita fuisse explicationis causa ex Exodi xl. 41.

C O M M E N T A R I A.

S A.

Verſ. 2. **C**ONTRA BOREAM, pro ad boream. RESPICIT: scilicet secundum latitudinem respiciebat mensam, atque in eam partem lumen projiciebat: secundum longitudinem vero respiciebat Sancta sanctorum.

V. 7. LUSTRATIONIS, id est expiationis: de qua infra cap. XIX.

V. 8. BOVEM. Hebr. Chald. & LXX. vitulum: & sic infra.

V. 10. MANUS SUAS, scilicet velut suo testimonio approbantes.

V. 11. MUNUS, id est oblationem.

V. 12. DEPRECERIS. Hebr. ad expiandum. Chald. & LXX. ad propitiandum.

V. 13. TABERNACULUM, id est atrium: sic infra.

V. 17.

V. 17. SANCTIFICAVI, id est consecravi.

V. 19. ET ORENT. Hebr. *ad explendum*. Chald. & LXX. *ad propitiandum*, scilicet ad reddendum illis placatum Deum. SANCTUARIUM, id est tabernaculum, scilicet ut ministrant.

V. 21. ELEVAVITQUE, id est obtulit: solebant enim elevari oblata Domino.

V. 26. ERUNTQUE; pro, sed erunt. FRATRUM SUORUM. Hebr. Chald. & LXX. *cum fratribus suis*. CUSTODIANT, scilicet vasa; mystice vero animas, quæa sensibus præcipue custodiendæ. OPERA, scilicet quæ antea solebant. CUSTODIIS, id est functione, seu iis quæ observare debent.

EST II.

Vers. 7. **A**SPERGANTUR AQUA LUSTRATIONIS (Levitæ) ET RADANT OMNES PILOS CARNIS SUÆ. Aqua ista erat, cui commixti erant cineres vaccæ combustæ, ut est infra cap. xix. servabatur autem ad purgationem eorum qui ex tactu mortui, vel aliunde immunditiam contraxerant. Fuit hæc aqua typus quidam & figura aquæ benedictæ, cuius est antiquissimus usus in Ecclesia: sicut enim aqua illa legalem immunditiam tollebat; ita aqua precibus Ecclesiæ consecrata, spiritali immunditiam auferit, puta venialia, ac quotidiana delicta.

Secundo radebantur omnes pili carnis. Cuius duplex ratio assignatur: una, ut Levitæ Domino consecrandi hoc pacto mundiores essent corpore; alia, quatenus declarabatur quia Levitæ offerrentur propitiogenitis aliarum tribuum, quæ potissimum pollute fuerant in adoratione vituli. Atqui idololatria lepra quædam est spiritualis; præceperat autem lex leprosis, quando mundandi erant, radi debere omnes pilos corporis: Levitæ ergo nomine eorum pro quibus offerebantur, tamquam a lepra mundandi, ad hunc modum radi debebant.

V. 9. & 10. ET APPLICABIS LEVITAS CORAM TABERNACULO, CONVOCATA OMNI MULTITUDINE FILIORUM ISRAEL. CUMQUE LEVITAE PUERINT CORAM DOMINO, PONENT FILII ISRAEL MANUS SUPER EOS. Hac cæremonia significatur Le-

vitæ offerri ac donari Domino a populo Israel. Simul etiam significari potest populi consensus in designandis verbis Dei, ac sacramentorum ministris, non quidem necessariis, sed convenienter requirendus, nisi quid obset: quemadmodum etiam antiquis Ecclesiæ temporibus plerumque factum legimus, quando populus sedatus erat, & non in partes diversas sectus. De quare vide nostra in IV. Sent. dist. xxiv.

V. 24. HÆC EST LEX LEVITARUM: A VIGINTI QUINQUE ANNIS ET SUPRA; INGREDIENTUR UT MINISTRENT IN TABERNACULO. Quomodo hoc non repugnet ei quod cap. iv. videtur requiri ætas triginta annorum, vide ibi explicatum vers. 3.

MARIANÆ.

Vers. 2. **C**UM POSUERIS SEPTEM LUCERNAS. Hebr. *Cum ascendere facies*. Pagn. & Vatabl. *Accendere facies*. Quod in Vulgata sequitur, *Candelabrum in australi parte erigatur*. Hoc igitur præcipe, ut lucernæ contra boream erectione respiciant ad mensam panum propositionis, hoc totum in Gothicis non est, neque in Complutensibus; in Lovan. iugulatur obelo: neque Hebraice, neque Græce est, quod in Romanis non est consideratum. Nam cum proxima verba obicura essent, CONTRA EAM PARTEM QUAM CANDELABRUM RESPICIT (Hebr. *e regione facierum candelabri*) aliquis adiecit illam explicationem: nam revera lucernæ non respiciebant candelabrum in quo erant, sed mensam, quæ ex adverso erat, & ad Septemtrionem. Et fortassis hoc loco vox Hebraica *El-mul* non significat *contra*, sed *iuxta*, aut *in*; ac si diceret: Lucernæ lucebunt ad facies candelabri, id est in candelabro. Sic proximo versu Hieronymus; ubi sunt eadem verba, posuit: *Et imposuit lucernas super candelabrum*.

V. 4. EX AURO DUCTILI, id est malleis subacto. Sept. *ex auro solido*: & vocem Hebraicam *miksab* id significare plerique contendunt.

V. 7. ASPERGANTUR, Levitæ, AQUA LUSTRATIONIS. Hebr. *aqua peccati*; sed omnes intelligunt per ea verba aquam lustralem.

V. 21. ET ORAVIT PRO RIS. Hebr. *Et expiavit eos*, scilicet Levitas Aaron: sic etiam Septuaginta, *Aaron purificans eos*.

V. 24. A VICINTI QUINQUE ANNIS ET SUPRA. Ecce unde fortassis Sept. in numeratione Levitarum pro triginta annis, quod est in Hebr. posuerunt viginti quinque annos cap. iv. vers. 23. ne viderentur divini libri sibi repugnare. Sed nimirum illis quinque annis instituebantur, ut deinde perfecti ministri essent, ideo ibi non numerantur.

V. 26. UT CUSTODIANT. Maiores quinquaginta annis otio redduntur, cura tantum custodiendi relicta. Romani maiores sexaginta annis militia solvebant. QUAE SIBI FUERINT COMMENDATA. Hebr. *Ut custodiant custodiam*, nempe ætate illa maiores.

M A L V E N D A E.

Vers. 2. CUM POSUERIS SEPTEM LUCERNAS. Hebr. *Cum ascendere feceris in lucernas*. Quidam: *Quando accendes tu lucernas*. Alii: *Cum aptabis, disposes, ordinabis, concinnabis, tu lucernas*. Nonnulli: *Cum collocas tu in sublimi lampades*. Vide Exodi. xxv. vers. 37. Plerique lucernas exemptiles putant. CONTRA EAM PARTEM QUAM CANDELABRUM RESPICIT. Hebr. *E regione facierum candelabri*. Quidam, *contra faciem candelabri*. Candelabrum hic aliqui intelligunt medium candelabri stipitem, quem Scriptura vocat medium calamum. Aliqui, *versus candelabrum*. Alii, *e regione faciei hychnuchi*, id est ultra, citra, & ex omni parte qua hychnuchus videri potest, ut Exodi xxv. vers. 37. exprimitur, & nos ibi observavimus.

V. 7. AQUA LUSTRATIONIS. Hebr. *Aquas peccati*, id est quæ adhiberentur ad expiandum peccatum. Vide de ista aqua infra cap. xix. Unde hic reddunt, *aquas expiationis, purificationis; aquas expiatorias, seu lustrales*.

V. 10. PONENT FILII ISRAEL MANUS SUAS SUPER EOS. De hoc ritu impositionis manuum cum ad functionem publicam in Ecclesia quis designaretur, quæ cæremonia quis ad officium aliquod vel munus ecclesiasticum conse-

crabatur, egimus plenius Exodi xxix. 10. Vide Numer. xxvii. vers. 18.

V. 11. ET OFFERET AARON LEVITAS, MUNUS IN CONSPECTU DOMINI. Hebr. *Et elevabit, venerabit, agitat Abaron Levitas, elevationem, venerationem, agitationem coram Domino*. Ritus Tenuphab descriptum habes Exodi xxix. vers. 24. Proculdubio sacra ea cæremonia, quæ Aaron unum aut alterum Levitam aliorum omnium nomine ante Dominum elevavit, seu agitavit: synecdochice plena & integra Levitarum oblatio Deo designatur. Sic vers. 13. 15. 21.

V. 19. UT SERVANT MIHI PRO ISRAEL IN TABERNACULO FOEDERIS. Hebr. *Ad servare servitium Israel*. Quidam: *Ut exerceant ministerium filiorum Israelis in tentorio conventus*, id est ministerium quo ministraturi fuissent primogeniti Israel, ut faciebant ante assumptam tribum Leviticam: ad ministerium. Vide quæ notavimus supra cap. 111. vers. 7. & 8. & Exodi xix. vers. 22. & cap. xxiv. vers. 5. Quod vero dicitur, *In tabernaculo fœderis*. Levitæ nec Sanctum sanctorum, nec Sanctum ingrediebantur; sed in atrio tabernaculi ministrabant: Sacerdotes minores in Sanctum; summus Sacerdos solum ac semel in anno in sacratissimum Sanctum introibat. Sic capientes supra versus 15. ET ORENT PRO RIS. Hebr. *Ad expiandum super filios Israel*. Quidam exponunt: *Ad deprecandum Deum pro filiis Israel*; vel *ad placandum Deum erga filios Israel*; seu *ad propitiandum*, aut *reddendum propitium Deum filiis Israel*. Id quod secutus est Noster. Aut quia pro expiatione populi a Domino accipiebantur; aut quia ministrabant in sacrificiis Domini, per quæ fiebat populi expiatio. Alii reddunt: *Ut sint pretium redemptionis pro filiis Israelis*; id est, ut suis personis & ministeriis Israelitas liberent, ac redimant, exsolventes pro illis quod illorum erat præstare. Nec hæc interpretatio abludit a ratione verbi כפר *cipper*, quod interdum pretio redimere, & expiare significat: & כפר *copher* est λύτρον, seu pretium redemptionis. Vide Exodi xxi. vers. 30. NE SINT IN POPULO PLAGA: quæ proculdubio esset, si per se ipsi accedentes, non per Levitas: mihi postmodum ministrarent, ut contigit Ozæ.

Oziæ regi II. Paralip. xxvi. vers. 16. qui rapuit sibi munus sacerdotum.

V. 24. HÆC EST LEX LEVITARUM. Hebr. *Hæc, ista, quæ Levitis*; vel *Hoc, istud, quod Levitis*. Quod ita resolvunt: Hoc est quod ad Levitas pertinet. A VIGINTI QUINQUE ANNIS ET SUPRA. Observant ministerii Levitici diversum hic initium statui, & supra cap. iv. vers. 3. & I. Paralip. xxiii. vers. 3. iis enim in locis trigésimo anno Levitæ ponitur; hic vigésimo quinto: ita ut quinque annorum discrimen intercedat. Quidam ita conciliant, trigésimum annum ibi deputari ad deportandum, curamque habendum vehendorum in tabernaculo instabili, & ambulatorio; hic autem sermonem esse de aliis ministeriis Levitarum, quibus a vigésimo quinto possunt admo- veri. Alii volunt spatium quinque anno- rum datum Levitis ad tyrocinium primum venientibus: quia vigintiquinque an- nos nati, reliquis accensi ministrare tene- rentur; sed anno demum trigésimo mu- nus suum plene exequi inciperent. Quam- obrem supra cap. iv. vers. 3. dicere Moïsen, *Omnem aptum ad obsequium mili- tiam*, &c. hic vero, *Venient ad militare*, &c. Sed & tempore David regis cum plu- ribus opus esset Levitis ad officia ianito- rum, cantorum, &c. non sine Dei iussu delecti sunt a vigésimo anno, I. Paralip. xxiii. vers. 27. *INGREDIENTUR UT MINISTRENT IN TABERNACULO FOEDERIS*. Hebr. *Venient ad militare militiam in servitio, vel ministerio, tentorii constitutionis*; id est, venient ad standum in statione muneris sui sacri cum reliquis, & observandam rationem ministerii. Vide cap. iv. vers. 3.

V. 25. SERVIRE CESSABUNT. Hebr. *Revertetur a militia servitii, seu ministerii eius*; id est, licebit, si volet, missionem petere, & accipere.

V. 26. ERUNTQUE MINISTRI FRA- TRUM SUORUM, &c. Nos in transla- tione nostra hunc versum ex Hebr. ad verbum expressimus (*Et ministrabit ad fratres suos in tentorio stationis, ad observare obser- vantiam; & servitium non serviet. Sic facies Levitis in observantiis eorum.*) Alii clarius sic reddunt. I. *Sed ministrabit cum fratribus suis in tabernaculo Ecclesiæ, ut munere suo illi fungantur; at ministerium*

non ministrabit; id est, non faciet quæ facere solebat ante quinquagésimum an- num: sic facies de Levitis in custodiis co- rum; id est, iuxta ea quæ facere solent. II. *Sed cum fratribus suis serviat in tento- rio constitutionis, ut observent custodiam: nihil autem gravi servitii faciet*; vel *Et cul- tum non peraget: sic ages cum Levitis in observatione eorum*. Exponuntque: *Sed cum fratribus suis serviat*; id est, fratres suos iuvet consilio: *ut observent custodiam*; id est, ut fungantur illi recte suo officio. III. *At vero serviat fratribus suis obeuntibus militiam in tentorio conventus, observando observationem*; id est, inspectionem habendo in alios, ut quique fungantur ministe- rio suo, & aliis sint nomophylaces: *quam- vis ministerium ipsi non exercent*. Sic fa- cito Levitis in observationibus eorum, id est in singulorum ministeriis: quo sensu ac- cipitur hæc vox sæpius supra cap. iv.

MENOCHII.

Vers. 2. **L**UCERNAE...RESPICIENT AD MENSAMPANUM PROPOSITIONIS. Hæc mensa erat in qua quasi convivabatur Deus: nemo au- tem convivatur in tenebris, sed in lumine; in tabernaculo autem nulla erat fenestra, itaque lucernæ accenduntur.

V. 4. HÆC AUTEM ERAT FAC- TURA CANDELABRI. Paucis repe- tit de structura candelabri, quæ fusi- us habetur Exod. xxv. 31. & deinceps, & xxvii. 17. & deinceps.

V. 7. AQUA LUSTRATIONIS, quæ mixta est cineribus vitulæ rufæ, de qui- bus cap. xix. RADANT OMNES PI- LOS CARNIS SUÆ. Cuius rei tropo- logiam vide apud S. Greg. Lib. V. Mor. cap. xxiii. nam hæc cæremoniæ procul- dubio mysterio non vacant.

V. 8. LIBAMENTUM EIUS; hoc est, tali hostiæ addi consuetum, de quo vide infra cap. xvi. num. 9.

V. 10. PONENT FILII ISRAEL MA- NUS SUPER EOS: ut hac manuum im- positione. significant, & testentur se Le- vitas contribules suos a se abdicare, & Domino quasi. munus, aut sacrificium of- ferre, in eiusque dominium, & ministe- rium transferre.

V. 12. LEVITAE QUOQUE PONENT
MA-

MANUS SUAS SUPER CAPITA BOVUM. Bos erat Levitarum sacrificium, sicut Levitæ ipsi quoddam populi sacrificium fuerunt: itaque utrobique manuum impositio super capita. **UNUM FACIES PRO PECCATO**, non tu, sed Aaron: facies ergo non per temetipsum, sed per Aaronem Pontificem: nam num. 11. dictum fuerat, *Offeret Aaron Levitas*. Nec tamen improbabile ipsum Moysen sacrificasse, quod & textus noster, & versio LXX. videntur indicare. Vide Bonfrerium hic.

V. 15. INGREDIENTUR TABERNACULUM FOEDERIS. Hebr. *Ingredientur ad ministerium suum in tabernaculo foederis*, videlicet ut illud portent: nec enim erat aliud officium Levitarum. **CONSECRABIS EOS IN OBLATIONEM.** Hebr. *Elevabis eos, vel agitabis eos*, ea cæremonia adhibita quam Hebræi vocant *Tenupha*, de qua Exod. xxix. 24. dixi. Elevati ergo sunt Levitæ eo ritu quo elevabantur victimæ. Probabile non multos Levitas nunc consecratos, sed quot erant ad præsentem necessitatem ministerii tabernaculi necessarii.

V. 19. NE SIT IN POPULO PLAGA, si laicus, & profanus sacro officio se immiscuerit, contra præceptum meum.

V. 21. ELEVABITQUE EOS AARON, ritu *tenupha*, de quo num. 15.

V. 24. INGREDIENTUR, Levitæ.

V. 26. SIC DISPONES LEVITIS, &c. ut scilicet custodiant vasa tabernaculi, ea ætate, & modo, quem iam præscripsi. **OPERA AUTEM IPSA NON FACIENT**, quæ scilicet prius facere solebant cum vires erant integræ. **IN CUSTODIIS SUI.** Vocat custodias in plurali, quia variis familiis varia custodienda dabantur. Unde plures erant custodiæ.

T I R I N I.

Vers. 7. ASPERGANTUR AQUA LUSTRATIONIS, cuius descriptio habetur cap. xix. commixtis scilicet illi cineribus vaccæ ruscæ combustæ pro peccato. Unde in Hebræo, & Chaldaeo vocantur aquæ 'peccati'. His iisdem aquis purificantur illi qui contactu cadaveris, vel simili, super mortuo pollutione contaminati erant. Et allegorice adaptat illas S. Paulus sanguini Christi, ad Hebr.

ix. vers. 13. Et hæc infusio aquæ lustrationis, erat prima cæremonia qua consecrabantur Levitæ. Secunda erat abratio pilorum omnium totius corporis: ut designaretur, ressecandas iis esse omnes rerum secularium superfluitates, omniaque mortua e male olentia opera, inquit Theodoretus. Tertia lotio vestimentorum, quæ puritatis affectuum morumque index erat. Quarta oblatio bovis pro ipsis, unius in holocaustum, & alterius pro peccato: quibus designabatur ipso Deo totos immolari tum in laudem & honorem Dei, tum in expiationem peccatorum totius populi. Unde quinto ponebant principes, totius populi nomine, manus suas super Levitas, hoc ritu donantes illos & consecrantes Deo, & vice sui transferentes illos in perpetuum obsequium illius. Denique sexto elevabat, hoc est offerebat, illos Aaron Deo, tamquam hostiam sacram, & perpetuos ministros. Tum demum licebat illis ingredi tabernaculum foederis, non illud expresse sumptum, quod Sanctum vel Sanctuarium vocabatur, nam in illud non nisi sacerdotibus ingredi fas erat: sed atrium, quod sub dio erat ante Sanctuarium: nam in hoc solo atrio Levitæ sui ministeria sacerdotibus præstabant.

G O R D O N I.

Vers. 2. Singulæ voces quæ sunt in Latino codice, non sunt in Hebræo; sensus tamen est idem quem Latinus interpres expressit paraphrastice. Aliqua etiam hic de rebus dicuntur per historioliam, & hic ponuntur, quamvis ad historiam Leviticam pertineant.

V. 3. & 4. De candelabro, lucernis, & eo pertinentibus, lege Exod. cap. xxv. & cap. xxvii. **AURO DUCTILI**, malleis subacto.

V. 7. Describitur ritus consecrandi Levitas. De hac aqua lustrationis infra cap. xix. & de qua mentionem facit Paulus Heb. cap. ix. vers. 13. Observant hic interpretes, abratio pilis denotari mortali sensu abradenda esse superflua: morale est.

V. 17. De primogenitis permutandis, vide cap. iii. vers. 41.

V. 21. ELEVABITQUE, obtulit. Oblata Deo, solebant elevari.

V. 24. Quod est hic de ætate, explicatum

tum est cap. iv. vers. 3. Disparitas annorum suppleri etiam potest, quia quinque sunt anni pro institutione ministrorum: his adde 25. exibunt anni 30.

V. 25. Maiores 50. annis liberantur a custodia, ut apud Romanos sexagenarii militia solvebantur.


EX EIUSDEM AUCTARIO.

V. 8. LIBAMENTUM EIUS. Erant aliqua libamenta quæ certis quibusdam

hostiis addi debebant, de quibus cap. xv. vers. 9.

V. 12. UNUM FACIES, scilicet per Aaronem ex Numer. cap. ix. Nectamen negandum est, Moïsem aliquando sacrificasse. Vide apparatus ad Exodum de Pontifice.

V. 21. ELEVABITQUE, ea cæremonia qua solebant elevari victimæ. Hebræis תנפפה *Tenppha*, de qua Exod. xxix. 24. תנפפה, *agitare*.



C A P U T IX.

Quo tempore debeant mundi phasē celebrare, & quo immundi: nubes tabernaculum operiens ducit exercitum.

Locutus est Dominus ad Moysen in deserto Sinai, anno secundo postquam egressi sunt de terra Aegypti, mense primo, dicens: 2. (a) Faciant filii Israel phasē in tempore suo, 3. quartadecima die mensis huius ad vesperam, iuxta omnes cæremonas & iustificationes eius. 4. Præcepitque Moyses filiis Israel ut facerent phasē. 5. Qui fecerunt tempore suo: quartadecima die mensis ad vesperam, in monte Sinai. Iuxta omnia quæ mandaverat Dominus Moysi, fecerunt filii Israel. 6. Ecce autem quidam immundi super anima hominis, qui non poterant facere phasē in die illo, accedentes ad Moysen & Aaron, 7. dixerunt eis: Immundi sumus super anima hominis: quare fraudamur ut non valeamus oblationem offerre Domino in tempore suo inter filios Israel? 8. Quibus respondit Moyses: State ut consulam quid præcipiat Dominus de vobis. 9. Locutusque est Dominus ad Moysen, dicens: 10. Loquere filiis Israel: Homo qui fuerit immundus super anima, sive in via procul in gente vestra, faciat phasē Domino 11. in mense secundo, quartadecima die mensis ad vesperam: cum azymis & lactucis agrestibus comedent illud: 12. non relinquent ex eo quidpiam usque mane, (b) & os eius non confringent, omnem ritum phasē observabunt. 13. Si quis autem & mundus est, & in itinere non fuit, & tamen non fecit phasē, exterminabitur anima illa de populis suis, quia sacrificium Domino non obtulit tempore suo: peccatum suum ipse portabit. 14. Peregrinus quoque & advena si fuerint apud vos, facient phasē Domino * iuxta cæremonas & iustificationes eius. Præceptum idem erit apud vos tam advenæ quam indigenæ. 15. (c) Igitur die qua erectum est tabernaculum, operuit illud nubes. A vespere autem super tentorium erat quasi species ignis usque mane: 16. sic fiebat iugiter: per diem operiebat illud nubes, & per noctem quasi species ignis. 17. Cumque ablata fuisset nubes, quæ tabernaculum protegebat, tunc proficiscebantur filii Israel: & in loco ubi stetit nubes, ibi castrametabantur. 18. Ad imperium Domini

proficiscerentur, & ad imperium illius figebant tabernaculum. (d) Cunctis diebus quibus stabat nubes super tabernaculum, manebant in eodem loco: 19. & si evenisset ut multo tempore maneret super illud, erant filii Israel in excubiis Domini, & non proficiscerentur, 20. * quot diebus fuisset nubes super tabernaculum. Ad imperium Domini erigebant tentoria, & ad imperium illius deponebant. 21. Si fuisset nubes a vespere usque mane, & statim diluculo tabernaculum reliquisset, proficiscerentur: & si post diem & noctem recessisset, dissipabant tentoria. 22. Si vero biduo aut uro mense vel longiori tempore fuisset super tabernaculum, manebant filii Israel in eodem loco, & non proficiscerentur: statim autem ut recessisset, movebant castra. 23. Per verbum Domini figebant tentoria, & per verbum illius proficiscerentur: erantque in excubiis Domini iuxta imperium eius per manum Moysi.

(a) Exod. xii. 3. (b) Exod. xii. 46. Ipan. xii. 36. (c) Exod. xl. 16. (d) I. Corinth. x. 1.

B R U G E N S I S

ROMANAE CORRECTIONES,

V. 14. Iuxta ceremonias, & iustificationes eius. Omnino retinendum est eius, non

mutandum cum reciproco suas.

V. 20. Quot diebus. Alii habent quotque diebus.

C O M M E N T A R I A.

S A.

Vers. 3. **A**D VESPERAM. Hebr. *inter duas vespertas*. Vide Exod. xii. sic & infra. IUSTIFICATIONES, id est ritus. Hebr. *iudicia*, id est mores, seu normas: sic & infra.

V. 5. TEMPORE SUO. Hebr. *in primo*, scilicet mense, Chald. *in mense Nisan*. IN MONTE, Hebr. Chald. & LXX. *in deserto*.

V. 6. ANIMA, id est cadavere: scilicet quia funeri interfuerat.

V. 7. FRAUDAMUR. Chald. *Prohibemur*.

V. 8. CONSULAM. Hebr. Chald. & LXX. *Audiam*.

V. 11. LACTUCIS AGRESTIBUS. Hebr. *amaritudinibus*, id est herbis amaribus, ut vertit Chald. & LXX.

V. 13. EXTERMINABITUR ANIMA; id est, digna est morte. PECCATUM SUUM IPSE PORTABIT, id est, dabit poenas peccati.

V. 14. IDEM, scilicet observandum; quasi dicat, idem ritus. Hebr. *statutum unum*. Chald. *praeceptum unum*. LXX. *lex una*.

V. 15. TENTORIUM, scilicet partem ubi erat tabernaculum.

V. 19. ERANT...IN EXCUBIIS DOMINI. Hebr. Chald. & LXX. *Custodiabant custodiam Domini*, id est mandata.

V. 21. DIEM ET NOCTEM, id est integrum diem: dixerat enim, *Per noctem*. Hebr. indicatur, si die vel nocte se tollebat nubes, eos eadem hora proficisci: idque etiam videntur LXX. significare. At Chald. ut Noster.

V. 23. MANUM MOYSI, id est Moysen.

E S T I I.

Vers. 6. **E**CCE AUTEM QUIDAM IMMUNDI SUPER ANIMA HOMINIS, QUI NON POTERANT FACERE PHASE IN DIE ILLO. Quod dicitur, *Super anima hominis*, duobus accipi potest: vel hoc sensu; quasi dicat: Ita immundi erant, ut ad esum agni paschalis admitti non possent: vel hoc sensu: *Super anima hominis*, id est super mortuo, eo quod mortuum corpus contigissent, vel funeri interfuiscent. Atque hic sensus.

ſenſus verior eſt : nam phraſi Hebraica anima ponitur pro homine , & non tantum pro homine vivo , ſed etiam mortuo , propter animam quæ corporis fuerat , atque iterum futura per reſurrectionem certo credebatur . Ex hoc loco autem manifeſtum eſt , non ſemper immundiciam legalem cum aliqua culpa fuiſſe coniunctam , immo etiam contrahebant illam qui ex officio humanitatis mortuum ſepeliebant : unde & hic dicunt : *Quare fraudamur ?* De quibus diſponens Moyses ex ore Domini , diſcreti huiusmodi immundos non in annum proximum , ſed in menſem proximum . Sic & Eccleſia eos qui in feſto Paſchali parati non ſunt , ut communicent menſe Dominicæ , non vult diſſeri in proximum annum , ſed in proximum diem dominicum .

V. 20. AD IMPERIUM DOMINI ERIGEBANT TENTORIA , ET AD IMPERIUM ILLIUS DEponebant . Quid ſit erigere & deponere , vide ſupra cap. I. verſ. 51.

MARIANÆ.

Verſ. I. **M**ENSE PRIMO . Conſer hoc cum primo capite , videbis Moysen non ſequi in narratione ordinem temporis . Ibi Deus menſe ſecundo , hic primo locutus eſt eodem anno .

V. 6. QUIDAM IMMUNDI SUPER ANIMA HOMINIS . Cadavere polluti erant .

V. 10. IN VIA PROCUL IN GENTE VESTRA . Hebr. *in via procul ad vos* , vel *ad generationes veſtras* ; hoc eſt , qui fuerit in via longinqua , ſive in hac regione inter vos , ſive inter alienigenas .

V. 17. CUMQUE ABLEATA FUISSET NUBES . Hebr. *et ad os aſcenſionis nubis* . Sed Hieronymus ſententiam expreſſit .

V. 19. IN EXCUBIIS DOMINI . Hebr. *Cuſtodiam Domini ſervabant* ; id eſt , non movebatur populus , quod ipſe præceperat , ne ſtante nube moverent caſtra .

V. 20. QUOT DIEBUS FUISSET NUBES . Hebr. *Et erat cum eſſet nubes diebus numeri* , hoc eſt paucis diebus , non proficiſcebantur : ſic Chald. melius Noſter pro *dies numeri* intellexit *dies quocunque numero* , *Quot diebus* .

V. 21. SI FUISSET NUBES . Locuſ in Sept. corruptuſ ut intelligi non poſſit , ex Cyril. de Adoratione reſtituatur Lib.

V. Si aſcenderit nubes , proficiſcuntur die aut nocte . Modo in Græcis codicibus deſt illud , *Si aſcenderit nubes* : ea vero obicitur cauſa .

V. 22. VEL LONGIORI TEMPORE . Hebr. *vel diebus* ; ſed per *dies* Hebræi intelligunt annum , quoniam diebus annuſ completur : ſicque vertit Pagninuſ . Chald. *vel tempore in tempore* , quod Hieronymuſ dixit *longiori tempore* . Sed quoniam menſis præceſſit , putant Hebræi per vocem *dies* , quæ ſequitur , ſignificari annum . Ego in Hebræo ſupplerem *pluribus* , vel *diebus pluribus* , quod Noſter dixit *longiori tempore* .

MALVENDÆ.

Verſ. I. **L**OCUTUS EST DOMINUS AD MOYSEN . Quidam reſte per præteritum pluſquam perfectum reddunt : *Allocutus autem fuerat lebova Moſen* , &c. nimirum ante Iſraelitarum cenſum , qui menſe ſecundo illiſ anni ſecundi conſtituitur , ſupra capite I . Unde patet Moſen haud ſervare ordinem hiſtoriarum : nam ea quæ hoc capite referuntur , contigerunt anni ſecundi egreſſionis ex Aegypto menſe primo , ut hic verſ. I. dicitur ; cenſuſ autem ſeniorum Iſrael , eiſdem anni menſe ſecundo , ut cap. I. verſ. I. quocirca iſtud caput primo præmittendum videbatur ; ſed translata paſcha immundorum , & iter faciendum , dilatatum in menſem ſecundum .

V. 3. IUXTA OMNES CAEREMONIAS . Heb. *ſecundum omnia ſtatuta eiſ* , ſeu ritus , cultuſ præſcriptoſ , Exodi XII. & Levit. XXIII. ET IUSTIFICATIONES EIUS . Heb. *Et ſecundum omnia iudicia eiſ* , moreſ , conſuetudineſ , rationeſ , modoſ , normaſ , conditioneſ , qualitateſ ſtatuſ eiſ . Omnia iſta complectitur vox מִשְׁפָּטִים *miſchpatim* . Sic verſ. 14.

V. 6. QUI NON POTERANT FACERE PHASE . Prohibituſ enim fuerat ne immunduſ ſacrificio pacificorum veſceretur , Levitici VII. verſ. 20. 21. quale cenſebatur phase .

V. 7. ORATIONEM OFFERRE DOMINO . Heb. *Korban* , munuſ , donuſ , ni-

mirum pascha, velut imperatum præstitæ a Deo liberationis monumentum. Sic infra vers. 13.

V. 10. IN GENTE VESTRA. Hebr. *per generationes vestras*. Quidam, & *genero vestro*: voluntque per verba hæc notari eos qui ob fluxum, vel ob menstrua, aut puerperium sunt immundi. Alii, & *posteris vestris*.

V. 11. COMEDENT ILLUD. Ut factum fuit temporibus Ezechizæ Regis II. Paralip. xxx. vers. 2. & 15.

V. 12. OPERUIT ILLUD NUBES, &c. Hebr. *Operuit nubes tabernaculum, ad tentorium testimonii*. Quidam reddunt, *supra tectum testimonii*: quasi dicat: Nubes illa erat super tabernaculum, sed præcipue super eam partem in qua erat arca. Alii: *Operuit nubes ipsa tabernaculum interdum versus tentorium testimonii*.

V. 17. CUMQUE ABLATA FUISSET NUBES, &c. Nos hunc versum ex Hebr. totidem verbis reddidimus (*Et ori ascendere fieri nubem de supra tentorium: & post sic movebunt filii Israel: & in loco quo scinitabit ibi nubes, ibi desidebunt filii Israel.*) Alii clarius ita convertunt. I. *Et ad os sustolli nubem desuper, seu cumque nubes sustolleretur ab ipso tentorio, vel cum autem discedebat nubes a tabernaculo, postea proficiscebantur filii Israel: atque in loco in quo manebat nubes, ibi castrametabantur filii Israel.* II. *Prout autem efferens se nubes illa supra tentorium illud, proficiscebatur: ita postmodum proficiscebantur filii Israelis: & in loco ubi respicebat eadem nubes, ibi castrametabantur filii Israelis.* Atque ita exponunt: *Efferens se*; id est, e tentorio cui insidebat, in altum assurgens, ut in oculis omnium Israelitarum esset, eoque signo protectionem omnibus imperaret: *& in loco ubi respicebat*; id est, quasi subsidens conquiscebat de integro in tabernaculo. Quibus significationibus optime respondent formularum verba, quibus Moses in stationibus, protectionibusque instituendis orabat Deum, infra cap. x. vers. 35. 36. Vide etiam Exodi xl. vers. 35. & 36. Jam Gen. xvii. vers. 22. notavimus, verbum *וַיָּבֹא* *ghalah* cum de nube, aliisve similibus rebus dicitur, quæ sunt veluti cælestes, tum significare recedere, subduci e conspectu & oculis hominum, disparere, evanescere: quod eiusmodi res ceu cælestes

cum e conspectu nostro subducuntur, sursum ascendere videantur. Equidem hic nubes illa non penitus evanescibat, sed in altum sublata, castra filiorum Israel antecedeat cum proficiscerentur; & cum starent, tabernaculo insidebat. Signum autem proficiscendi erat, cum e tabernaculo sursum se efferens, ipsa castra præcedere incipiebat, viam monstrans. Vide Exodi xiii. vers. 21. 22.

V. 18. AD IMPERIUM DOMINI. Hebr. *super os Domini*. Quidam, ex præstito *Ichovæ*, vel secundum *os Domini*: etsi hæc non ore, sed signo nubis testata faciebat Dominus. Catarchesis. Sic in sequentibus.

V. 19. ERANT FILII ISRAEL IN EXCUBIIS DOMINI. Hebr. *Et observabant filii Israel observationem Ichovæ*. Id est, non movebant nec mutabant castra nisi ex imperio Domini; observabant ad unguem quod observandum illis Dominus præceperat in motione vel mutatione castrorum, signo illo nubis: ut hoc idem sit cum illo *super os Domini*: ut illud bis dictum indicet quanto in his studio & diligentia, curaque uterentur præstitæ. Qui sensus firmari videtur e versu 23. Alii: Id est, tunc vacabant cultui Domini in erecto tabernaculo.

V. 20. QUOT DIEBUS. Hebr. *Diebus numerus*, vel *diebus numeri*: subaudiuntur *exigui*. *Dies numeri*, phrasi Hebraica, id est, dies pauci, qui facile numerari possunt. Sic *homines numeri*, id est, pauci. Genes. xxxiv. vers. 30. & Deut. xxxiii. vers. 6.

V. 21. SI FUISSET NUBES A VESPERE, &c. Hunc versum paulo obscurius a nobis ex Hebræo conversum (*Existencia, quod erit nubes de vespere usque ad mane, & ascensa erit nubes in mane; & movebunt: aut die & nocte, & ascensa erit nubes; & movebunt,*) alii lucidius ita reddunt. I. *Fiebat & hoc, cum nubes maneret a vespere ad mane usque, nubescque mane ascenderet, solvebant: aut si nubes per diem & noctem mansisset, & deinde ascenderet, solvebant.* II. *Sive accideret ut esset illa nubes a vespere usque mane, postea efferens se proficisceretur nubes illa mane, tum proficisceretur: sive per diem & noctem, cum efferens se proficisceretur nubes illa, tum proficisceretur.*

V. 22. SI VERO BIDUO, AUT UNO MENSE, VEL LONGIORI TEMPORE. *Probiduo* Hebr. *עֶדְיִימַיִם*, *iduale*, id est duobus diebus: *pro longiori tempore*, Heb. *diebus*, plerique vertunt *anno*; sed universae plures dies proprie significantur.

V. 23. ERANTQUE IN EXCUBIIS DOMINI. Hebr. *Observationem Domini observabant*; id est, quaecumque Deus observare iusserat, observabant.

MENOCH II.

Vers. 3. **A**D VESPERAM. Hebr. *inter duas vesperas*, quod explicavi cap. XII. Exod. num. 6. IUXTA OMNES CAEREMONIAS ET IUSTIFICATIONES EIUS, id est iuxta ritus, & circumstantias omnes praescriptas Exod. XII. Mandata Dei dicuntur iustificationes, quod sine illis recte, iuste, ac legitime quidpiam non fiat.

V. 5. QUI FECERUNT TEMPORE SUO. Hoc tamen phase non manducarunt qui nati sunt post egressum ex Aegypto, quia incircumcisi; quamquam nec poterant per aetatem, quia tenelli infantes erant.

V. 7. IMMUNDI SUMUS SUPER ANIMA, quia scilicet cadaver hominis tetigimus: tales enim Levit. XXII. 4. arcebantur ab omni sacrificio. FRAUDAMUR, prohibemur, arcemur.

V. 10. HOMO QUI FUERIT IMMUNDUS SUPER ANIMA, SIVE IN VIA PROCL IN GENTE VESTRA, FACIAT PHASE DOMINO. Illud in gente vestra, iungendum cum voce *Homo*, hoc pacto: *Homo de gente vestra*, Hebraeus scilicet, *qui immundus fuerit*, aut peregre, cessante immunditia, vel ad suos reversus, faciet phase mense secundo, si primo facere non potuit, dictis impedimentis exclusus: si secundo non poterat, phase in tertium, aut ulteriorem mensem transferre fas non erat. Idemque iudicium de immundis ob tactum cadaveris.

V. 13. PECCATUM, poenam peccati.

V. 14. PEREGRINUS QUOQUE ET ADVENA, &c. si religione Hebraeus sit.

V. 15. NUBES, columna nubis. A VESPERE AUTEM. Columna per diem nubis speciem habebat, per noctem vero ignis.

V. 18. AD IMPERIUM DOMINI

moventis per Angelum columnam nubis.

V. 19. MULTO TEMPORE MANERET, nubes scilicet. SUPER ILLUD, tabernaculo. ERANT IN EXCUBIIS DOMINI. Sistebant quasi excubantes, & advigilantes, & nubem an moveretur observantes. Vel sensus est: Erant in stationibus, & mansionibus in eodem loco, quas Dei iniussa relinquere non poterant.

V. 21. DISSIPABANT TENTORIA, deponebant, suaeque omnia dissolvebant.

V. 23. ERANTQUE IN EXCUBIIS DOMINI. Vide hoc cap. num. 19.

TIRINI.

Vers. 2. **F**ACIANT PHASE, seu celebrent pascha, primum scilicet post egressum ex Aegypto.

V. 3. IUXTA OMNES CAEREMONIAS ET IUSTIFICATIONES EIUS, id est iuxta omnes ritus a Deo praescriptos Exod. XII. qui dicuntur hic *iustificationes*, quia sine his nihil iuste seu recte, ac legitime fiebat. Igitur pueri ab egressu Aegyptiaco nati, quia necdum circumcisi erant, festi huius epuli participes esse non poterant. Et quia deinceps annis frequentibus quotquot nascebantur in deserto, non circumcidebantur, & seniores paulatim moriebantur, hinc toto illo tempore omissum fuit pascha usque ad ingressum in terram promissam.

Petes unde habuerint Israelitae farinam hoc paschate, ex qua panes azymos coquerent, cum visitarent manna caelesti. Respondeo: Sicut ad panes propositionis, & ad varia sacrificia farinam tum hordeacam, tum triticeam (ut patet ex praecedentibus capitibus) habuerunt ex vicina Madianitide; ita ex eadem facile tantum farinae comparari potuit, quantum sufficeret exiguo pani azymos singulis familiis conscindo: nam satis erat si singuli exiguum panis istius fructulum esui agni adhiberent, caeteraque ex manna supplerent.

V. 10. HOMO QUI FUERIT IMMUNDUS SUPER ANIMA, SIVE IN VIA PROCL IN GENTE VESTRA, FACIAT PHASE DOMINO. In gente vestra coniunge cum *Homo*; quasi dicat: *Homo de gente vestra*, si primo mense fuerit immundus super anima, id est pollutus ex contactu cadaveris, vel curatione fune-

funeris; vel si fuerit in via procul, seu in remota peregrinatione, celebret is pascha suum mense secundo.

Petes primo, an idem faciendum fuerit etiam omnibus aliis alia immunditia, aut alio legitimo impedimento, primo mense detentis, verbi gratia morbo, peste, bello; vel puerperis, menstruatibus, seminiis, vel contactu morticini bestiae immundae pollutis. Negat Serarius. Sed Respondeo, verosimilius esse, omnibus illis, & quotquot alio rationabili impedimento involuntario prohibiti fuissent primo mense, id secundo mense praestandum fuisse. Ita Philo, & eadem erat omnium ratio. Ex exemplum Ezechiae regis ita docet II. Paralip. xxx. celebrantis cum toto populo pascha mense secundo, sed longe aliis impedimentis quam quae hic recensentur praepedito, quominus celebraret primo mense.

Petes secundo: Quod si quis etiam secundo mense legitime praepediretur, an poterat tertio vel quarto mense pascha celebrare? Respondeo, non potuisse, neque eius rei vel exemplum exstat, vel mentio sit usquam in Scripturis, vel historiis.

Petes tertio: Quid, si quis nullo legitimo praepeditus impedimento neglexisset mense primo pascha celebrare? Respondeo: Publica iudicis sententia, occidendus erat; ut hic dicitur vers. 13.

V. 15. De columna nubis: vide Exodi xlii.

(*) Serar. in V. Iosue q. xxviii.

GORDONI.

Vers. 1. Hic primum dat mensem; cap. 1. dixit de secundo.

V. 2. Pascha in Sina celebratum fuit ordine secundum: nam primum fuit celebratum in Aegypto, Exod. cap. xii. nec amplius in deserto celebratum pascha. In hoc phase non servarunt legem de azymis; sed pro azymo, manna usi sunt. Observandum est mansisse Hebraeos in Sina annum integrum, exceptis diebus tredecim; & omnia quae narrantur a capite xix. Exodi, & toto Levitico, & usque ad x. cap. Numer. vers. 11. gesta esse in Sina. Sed (quod hinc etiam col-

ligi potest) nec hoc capite, ut dicebam, servatur ordo temporis: nam capite primo Numerorum narratur census populi, qui habitus est mense secundo; hoc autem phase, de quo in praesentia, peractum est mense primo: utrumque quidem anno secundo. De Sina monte vido Exodi iii.

V. 6. Arcebat ab usu agni omnis immundus, Exod. xii. vers. 4. Hinc iam nascitur lex nova, ut qui ex immunditia, vel occasione itineris impeditus, non poterat cum aliis pascha celebrare, celebret illud tempore de quo hic statuitur. ANIMA HOMINIS hic cadaver designat.

V. 11. Permittitur his impeditis ut mense secundo celebrent pascha (servatis solitis caeremoniis) non tamen mense tertio, vel quarto: quia nec lex, nec consuetudo hoc permittit. LACTUCIS AGRESTIBUS, herbis amariss.

V. 14. & 15. De hoc peregrino & avena vide Exod. cap. xii. Quae sequuntur vers. 17. & deinceps, describunt nubem, de qua dixi Exod. cap. xlii. vers. 21. Ea viam monstrabat in Chanaan: quae consistente figebant stationem; ea vero recedente a tabernaculo, parabant se ad iter. Et hinc erat (prout monebat eos: nubes) ut modo minus, modo diutius haerent in aliqua statione. Erat nubes creata res, & cui praesidebat Angelus: hinc Psalm. xcvi. vers. 7. In columna nubis loquebatur ad eos. Habebat interdum speciem nubis; noctu speciem ignis, hoc est lucis, sed rubeae.

V. 19. Non sunt istae excubiae Levitarum, de quibus cap. xii. vers. 25. sed hoc loco excubiae Domini, sunt ipsae stationes, seu mansiones, & quas deserere non licebat Israelitis, donec Dominus per nubem iuberet. IN EXCUBIIS DOMINI. Hebr. Custodias Domini servabant.

EX EIUSDEM AUCTARIO.

V. 6. Nec etiam phase hoc gustabant: nati post exitum de Aegypto, praetate, & nondum circumcisi.

V. 21. DISSIPABANT TENTORIA, deponebant.

CAPUT X.

Usus tubarum: quo ordine mota sint castra de deserto Sinai: orat Moyses cognatum Hobab ut cum ipsis proficiscatur: Et verba quae loquebatur Moyses cum elevaretur, vel deponeretur arca.

1.  Ocutusque est Dominus ad Moysen, dicens: 2. Fac tibi duas tubas argenteas ductiles, quibus convocare possis multitudinem quando movenda sunt castra. 3. Cumque increpueris tubis, congregabitur ad te omnis turba ad ostium tabernaculi foederis. 4. Si semel clangueris, venient ad te principes, & capita multitudinis Israel. 5. Si autem prolixior atque concisus clangor increpuerit, movebunt castra primi qui sunt ad orientalem plagam. 6. In secundo autem sonitu & pari ululatu tubæ, levabunt tentoria qui habitant ad meridiem: & iuxta hunc modum reliqui facient, ululantibus tubis in processionem. 7. Quando autem congregandus est populus, simplex tubarum clangor erit, & non concise ululabunt. 8. * Filii autem Aaron sacerdotes clangent tubis: eritque hoc legitimum sempiternum in generationibus vestris. 9. Si exieritis ad bellum de terra vestra contra hostes qui dimicant adversum vos, clangentis ululantibus tubis, & erit recordatio vestri coram Domino Deo vestro, ut eruamini de manibus inimicorum vestrorum. 10. Si quando habebitis epulum, & dies festos, & calendas, canetis tubis super holocaustis, & pacificis victimis, ut sint vobis in recordationem Dei vestri: ego Dominus Deus vester. 11. Anno secundo, mense secundo, vigesima die mensis, elevata est nubes de tabernaculo foederis: 12. profectique sunt filii Israel per turmas suas de deserto Sinai, & recubuit nubes in solitudine Pharan. 13. Moveruntque castra primi * iuxta imperium Domini in manu Moyfi. 14. (a) Filii Iuda per turmas suas: quorum princeps erat Nahasson filius Aminadab. 15. In tribu filiorum Issachar fuit princeps Nathanael filius Suar. 16. In tribu Zabulon erat princeps Eliab filius Helon. 17. Depositumque est tabernaculum, quod portantes egressi sunt filii Gerson & Merari. 18. Profectique sunt & filii Ruben, per turmas & ordinem suum: quorum princeps erat Helisur filius Seduc. 19. In tribu autem filiorum Simcon, princeps fuit Salamiel filius Surisaddai. 20. Porro in tribu Gad erat princeps Eliasaph filius Duel. 21. Profectique sunt & Caathitæ portantes sanctuarium. Tandiu tabernaculum portabatur, donec venirent ad erectionis locum. 22. Moverunt castra & filii Ephraim per turmas suas, in quorum exercitu princeps erat Elisama filius Ammiud. 23. In tribu autem filiorum Manasse princeps fuit Gamaliel filius Phadasur. 24. & in tribu Benjamin erat dux Abidan filius Gedeonis. 25. Novissimi castrorum omnium profecti sunt filii Dan per turmas suas, in quorum exercitu princeps fuit Ahiezer filius Ammisaddai. 26. In tribu autem filiorum Aser erat princeps Phegiel filius Ochran. 27. Et in tribu filiorum Nephthali princeps fuit Ahira filius Enan. 28. Hæc sunt castra, & processionem filiorum Israel per turmas suas quando egrediebantur. 29. Dixitque Moyses Hobab filio Raguel Madianitæ, cognato suo: Proficiscimur ad locum, quem

quem Dominus daturus est nobis : veni nobiscum , ut beneficiamus tibi : quia Dominus bona promisit Israeli. 30. Cui ille respondit : Non vadam tecum , sed revertar in terram meam , in qua natus sum . 31. Et ille : Noli , inquit , nos relinquere : tu enim nosti in quibus locis per desertum castra ponere debeamus , & eris ductor noster . 32. Cumque nobiscum veneris , quicquid optimum fuerit ex opibus , quas nobis traditurus est Dominus , dabimus tibi . 33. Profecti sunt ergo de monte Domini viam trium dierum , arcae foederis Domini praecedebat eos , per dies tres providens castrorum locum . 34. Nubes quoque Domini super eos erat per diem cum incederent . 35. Cumque elevaretur arca , dicebat Moyses : (b) Surge , Domine , & dissipentur inimici tui , & fugiant qui oderunt te , a facie tua . 36. Cum autem deponeretur , aiebat : Revertere Domine ad multitudinem exercitus Israel .

(a) Sup. 1. 7. (b) Psal. lxxvii. 2.

B R U G E N S I S

ROMANAE CORRECTIONES.

V. 8. *Filii autem Aaron sacerdotes clangent tubis* . Nominativus pluralis *sacerdotes* , non cedat genitivo singulari *sacerdotis* .

V. 13. *Iuxta imperium Domini in manu Moysi* . Quidam scribunt *in manum* , quidam *per manum* ; sed primum , *in manu* , Hebræo consonat .

C O M M E N T A R I A .

S A .

Vers. 3. **T**UBIS , scilicet utraque . T A B E R N A C U L I , scilicet atrii .

V. 4. **SEMEL** , idest *cum una sola* , ut est Hebr. Chald. & apud LXX .

V. 5. **PROLIXIOR ATQUE CONCISUS** . Alii , *iubilatione* . Chald. *ululatione* .

V. 9. **ERIT RECORDATIO** , &c. id est , recordabitur Deus vestri , &c .

V. 10. **EPULUM** . Hebr. *letitiam* . C A L E N D A S . Hebr. *in initiis mensium* . LXX. *in neomeniis* , id est noviluniis , scilicet principii mensium . R E C O R D A T I O N E M , scilicet qua Deus recordetur vestri .

V. 11. **SECUNDO** , scilicet ab exitu ex AEGYPTO .

V. 17. **DEPOSITUMQUE EST** ; pro , iam depositum fuerat : scilicet antequam inciperent proficisci .

V. 21. **SANCTUARIUM** , id est res sanctuarii .

V. 29. **HOBAB** , id est Iethro : forte redierat ad Moysen . Vel est recapitulatio . Vide Exod. xviii . Vel iste est filius Iethro . Vide Exod. 11. ubi Iethro voca-

tur Raguel . COGNATO . Chald. & LXX. *socero* .

V. 30. **IN QUA NATUS SUM** . Hebr. Chald. & LXX. *ad cognationem meam* .

V. 31. **PONERE DEBEAMUS** . Hebr. potest intelligi *posuerimus* : quod etiam Chald. & LXX. magis indicant . E R I S D U C T O R . Hebr. *Fuisti pro oculis* : sed praeteritum pro futuro . Chald. *Vidisti magnalia facta nobis oculis tuis* .

V. 33. **PER DIES TRES** ; quasi dicat , toto illo itinere trium dierum . P R O V I D E N S : scilicet ubi arca subsistebat , ibi castrametabantur .

V. 35. **ELEVARETUR** . Hebr. *Proscisceretur* . Chald. & LXX. *Elevaretur* .

V. 36. **DEPONERETUR** . Hebr. Chald. & LXX. *Quiesceret* .

E S T I I .

Vers. 29. **D**IXITQUE MOYSES HOBAB FILIO RAGUEL M A D I A N I T A E , COGNATO SVO . Hunc Hobab quidam putant eundem esse cum Iethro , de quo habemus Exod. xvi . quod

quod ad Moysen adduxerit uxorem eius & liberos. Sed huic sententiæ repugnare videtur, primum, quod Iethro non fuerit filius Raguel, sed ipse Raguel; qui enim Exodi 11. vocatur Raguel sacerdos Madian, & socer Moysi, idem Exodi XVIII. vocatur Iethro, quando suam filiam, quæ erat uxor Moysi, ad eum adducebat. Deinde de Iethro legimus Exodi XVIII. quod postquam aliquandiu fuisset cum Moysæ, reversus aberit in terram suam. Denique quoniam idem homo trinominis sine evidenti aliqua causa? Proinde probabilior est aliorum sententia dicentium, quod Hobab iste non fuerit ipse Iethro, sed filius eius, quem Iethro discedens videtur reliquisse apud Moysen cum Sephora sorore eius, quamquam illud Scriptura eo loco non expresse; nunc autem volentem abire ad patrem suum, Moyses conatur retinere adhuc apud se.

Neque obstat, quod Septuaginta hic verterunt *Socero suo*: nam vox Hebræa *cho-tem*, & *socrum*, & *cognatum*, id est affinem, significat. Et forte etiam quod Septuaginta in genitivo verterunt *soceri*, postea vitio temporis mutatum est in dativo *socero*.

V. 31. NOLI, INQUIT, NOS RELINQUERE: TU ENIM NOSTI IN QUIBUS LOCIS PER DESERTUM CASTRA PONERE DEBEAMUS, ET ERIS DUCTOR NOSTER. Sed quoniam hæc, cum castra moverentur non ductu alicuius hominis, sed ductu & mandato Domini, per indicium nubis erigentis se, & præcedentis tabernaculum, ac proinde hac in parte non egebant homine ductore? Respondendum videtur, quod licet ductu nubis castra moverentur, aut quiescerent, tamen in ipsa castrorum dispositione non superfluum fuisse consilium humanum: castra enim Israelitarum perimensum spatium extendebantur, nubes autem soli tabernaculo certum locum designabat. Poterat ergo Hobab, aut quicumque alius peritus locorum, consilium dare, quæ pars regionis castris accommodata esset, vel ob propinquitatem fontium, vel pascuorum, vel quæ securior esset ab hostibus.

V. 35. CUMQUE ELEVARETUR ARCA, DICEBAT MOYSES: SURGE, DOMINE, &c. Arca præsentiam Domini.

Bibl. Sac. Tom. III.

ni significabat, eo quod inde Dominus responda daret, & ibi invocari vellet. Dominus ergo surgebat, accepturus requiem, quando arca transerebatur in eum locum, ubi erat mansura. Philistæi quoque, arca Domini in exercitum Hebræorum illata, dicebant: *Deus venit in castra*. Dicebatur ergo Dominus surgere, quando arca levabatur; & rursum reverti ad multitudinem exercitus Israel, quando post profectionem reponeretur in medio castrorum.

M A R I A N A E.

Verf. 2. **D**UCTILES. *Solidas*, quidam: sed tubæ solidæ esse qui possunt? QUANDO MOVENDA SUNT CASTRA. Hebr. *ad vocandum populum*, & *ad movendum castra*: sic Septuaginta. Itaque tubæ in utrumque usum erant.

V. 5. SI AUTEM PROLIXIOR ATQUE CONCISUS CLANGOR INCREPUERIT. Hebr. *Et clangetis clangorem*. Ea geminatio significat clangoris vehementiam & geminationem. Quod aliis verbis significavit Hieronymus. Et sane vox תרועה *Therubah* non clangorem quemvis, sed vehementiorem significat. Quod melius ex verf. 7. intelligitur, ubi ad vocandum populum, priorem clangorem adhiberi mandat, *Tithkebu* dicens; neque posteriorem, *Therubah* scilicet, adiungi. Proximis quoque versibus explicat, quando, & quibus in rebus priori clangore, quando posteriori uti deberent, uti ex vocibus Hebraicis melius percipitur.

V. 10. SI QUANDO HABERITIS EPULUM. Hebr. *In die lætitiæ vestræ canetis tubis*: sic Sept.

V. 12. PROFECTIQUE SUNT. PER TURMAS SUAS. Hebr. *per stationes, aut projectiones suas*.

V. 21. AD ERECTIONIS LOCUM. Addita verba ad explicationem, quæ neque Hebraice sunt, neque Græce.

V. 29. DIXITQUE MOYSES HOBAB FILIO RAGUEL MADIANTAE, COGNATO SUO. Hebraice est חתן *bothen*, quam vocem Hieronymus fere ubique vertit in *cognatum*; Hebræi autem, qui in *soceri* significatione sumunt, ponunt eam in genitivo, ut refratur non ad Hobab, qui fuit levir Moysi, sed ad Raguel: *Dixit Hobab filio Raguelis soceri sui*. Vide Exod. XII. & Iudic. II. cap.

I

V. 31.

V. 31. ET ERIS DUCTOR NOSTER. Hebr. *Et fuisti, aut eris nobis ad oculos, vicem oculorum fingeris; ut solent exploratores, ductoresque.*

V. 35. SURGE DOMINE. Hinc desumptum Deus in adiutorium meum intende, Psal. LXXIX. vers. 1.

V. 36. CUM AUTEM DEPONERETUR. Hebr. *Quiesceret.* AIEBAT: REVERTERE DOMINE. שׁוּבָה *subab* significat *revertere*, ut posuit Hieron. & *quiescere*, quod Hebræi sequuntur: neque est absolum, ut qui in elevatione arcæ dicebat, *Exurge Domine*; in requie diceret, *Quiesce Domine*. AD MULTITUDINEM EXERCITUS ISRAEL. Heb. *decem millia millium Israel*; pro, *quiesce*, aut *revertere* in decem millibus millium Israel, nempe in multitudinem, ut Hieronymus posuit.

M A L V E N D A E.

Vers. 2. TUBAS. חֲצֹצְרוֹת *chetzotzeroth*, tubas, buccinas, interpretantur. Quidam אֶצֶר *chatzatz*, vel אֶצֶר *katzatz*, a sono acuto, & conciso deducunt: ut Latini *taratantara* etiam a sono dixerunt. Alii אֶצֶר *chatzar*, atrio, geminata secunda littera, derivant: quod buccinæ non intra ædes, sed in atriis, & sub dio personent. Iosephus III. Antiquit. cap. 11. *Invenit autem Moses & buccinæ speciem ex argento facile talem. Canna erat tibia paulo crassior, longitudine paulo minus cubitali, cuius os tantum patebat, quantum ad insuandum sufficeret, desinebatque in extremitatem campanule similem, quemadmodum tuba. Alosra vocatur hoc genus apud Hebræos.* Est ipsissima tuba Romana, qua in bellis, & sacris utebantur: nempe ex ære vel argento directo ducta, canali ad exitum latiore, in modum campanulæ desinens: cuius nunc usus apud Europæos.

V. 3. INCREPUERIS TUBIS. Verbum תָּקַע *takagh* aiunt proprie esse *figere*, *insigere*, *imprimere*; & quando cum voce tubæ coniungitur, tum significare *increpare*, *concrepare*, *imprimere* spiritum in angulum tubæ, ut perstrepat. Aliis est *clangere* sonu æquabili ac fixo. Quibusdam *innere*. *Tubis*, ambabus nimirum simul, ut ex collatione sequentis versus apparet.

V. 5. SI AUTEM PROLIXIOR ATQUE CONCISUS CLANGOR INCREPUERIT. Hebr. *Et clangetis taratantara.* Alii, *vociferationem, ululatum, sonum fractum, & incisum classicum.* Quidam, *ovationem, iubilationem.* Aliqui: *Et imprimetis triumphum.* De voce תְּרָוָה *teruagh* vide Exodi XXXII. 17. Levit. XXIII. vers. 24. Ego: *Et concrepabitis taratantara*; subaudi primum, ut ex comparatione sequentis versus intelligitur.

V. 7. SIMPLEX TUBARUM CLANGOR ERIT, ET NON CONCISE ULULABUNT. Heb. diversimode exprimitur. I. *Sonabitis*, & non facietis sonum prolixum & concisum. II. *Imprimetis*, sed non triumphabitis. III. *Increpabitis*, concrepabitis, & non classicum canetis. IV. *Clangetis solum*, sed non edetis fractum sonum. V. *Personabitis*, & non iubilabitis. VI. *Clangetis*, & non fragore sonabitis: vel & non frangetis, scilicet vocem tubæ. VII. *Clangetis*, & non vociferabimini, seu ululabitis. Discrimen horum duorum sonorum, quod illis notum erat, nobis non plene compertum. Quidam notant, forsitan תָּקַע *takagh* fuisse clangere tantum tubæ, vel buccina concrepare; at בְּרִיחַ *beriaqh*, *classicum canere*, *taratantarizare*. Vide Iosue VI. vers. 6.

V. 10. SI QUANDO HABEBITIS EPULUM. Hebr. *Et in die lætitiæ vestræ.* Quidam exponunt: Id est, si quando vos Deus lætitiæ publica extra ordinem affecerit, cuius lætitiæ nomine par sit Ecclesiam publicas ei gratias agere, ut Psalm. XLVII. & CXVII. & I. Machab. IV. vers. 39. aut ordinariam vobis legem agitantæ lætitiæ tulerit, ut fecit exemplis sequentibus. DIES FESTOS. מוֹעֲדִים *moghadim* varie reddunt; 1. *in statuis*, *statis temporibus vestris*; 2. *in statis feriis vestris*; 3. *in solemnitatibus vestris*. Vide Levitici XXIII. vers. 2. in his feriis & solemnitatibus, in quibus nominatim lætitiæ publica imperabatur, ut apparet & Deuteron. XVI. vers. 11. & 24. ET CALENDAE. Hebr. *Et in principiis mensium vestrorum.* Vide exemplum de his Nehemiæ VIII. vers. 9. erant enim sacræ neomeniæ, infra cap. XXVIII. 11. & Isaïæ LXVI. vers. 23. Vide Psalm. LXXX. vers. 4.

V. 11. ANNO SECUNDO, &c. Hunc versum sic aliqui paraphrasticè ex Hebr. con-

convertunt: *Fuit autem anno secundo, mense secundo, vigesimo die mensis, ut efferens se nubes illa a tabernaculo testimonii, proficisceretur: monstrans scilicet viam Israelitis, & castra antecedens.*

V. 12. IN SOLITUDINE PHARAN. De Pharan vide Genes. xiv. vers. 6. Hic locus postea dictus est *Cibiroth Taavab*, occasione sequentis historię, infra cap. xi. vers. 34.

V. 13. IUXTA IMPERIUM DOMINI IN MANU MOYSI. Hebr. *Super os Domini*, in manu Moysi: vel secundum os Domini, per manum Moysi, id est eo ordine quem pręscripserat Dominus supra cap. 11.

V. 21. TAMDIU TABERNACULUM PORTABATUR, DONEC VENIRENT AD ERECTIONIS LOCUM. Hebr. *Et facient erigere tabernaculum usque ad venire eorum, vel eos.* Quidam: *Et exerunt tabernaculum donec venirent ipsi.* Alii: *Et illi exerunt tabernaculum donec isti venirent:* vel ut erigerent illi tabernaculum, dum ii veniebant. Exponentque: Erigebant autem tabernaculum Gherisonitę & Meraritę, qui pręcedebant, in loco ubi nubes residere, donec venirent Kahathitę, vel interim dum veniebant Kahathitę, sancta portantes, ut scilicet ii appellentes, invenirent paratum iam tabernaculum, in quod sancta involuta inferrent.

V. 25. PER TURMAS SUAS. Hebr. addunt: *Colligens omnia castra per exercitus suos.* Nonnulli exponunt: Id est, erat postremum agmen secum trahens reliquam partem castrorum; vel erat ultima acies, quę omnes qui vel defatigatione, vel morbo, vel alia causa castra sequi non poterant, aut impedimenta ob quę priora agmina asequi non poterant, ad se colligebat, & recipiebat. Sic Iosue vi. vers. 9. Unde quidam hic vertunt: *Extrema acies omnium illorum castrorum, per exercitus suos.*

V. 28. HÆC SUNT CASTRA, ET PROFECTIONES FILIORUM ISRAEL. Hebr. tantum est, *Istę profectio- nes filiorum Israel*, id est proficiscendi rationes, & proficiscendum ordines.

V. 29. DIXITQUE MOYSES CHOBAB, &c. Quidam per plures perfectum vertunt: *Dixerat autem Moyses Chobabo, &c.* videlicet cum primum ad i-

psum venisset Exodi xviii. nam ibi paucis hæc historia Iethronis (qui idem Chobab) attingitur, quia hic fusius fuerat describenda. FILIO RAGUEL MADIANITÆ COGNATO SUO. Disquirunt Interpretes quisnam fuerit iste Chobab. Quidam volunt esse ipsum Iethro socerum Moysi: unde hic Hebr. re- dunt: *Et dixit Moyses ad Chobab filium Raguel Madianitam socerum Moyses.* Alii magis existimant fuisse filium Iethro, fratrem Sephorę uxoris Moysi, quasi fratrum, seu sororum Moysi: atque Hebr. vertunt: *Et dixit Moyses ad Chobab filium Raguelis Madianitę socii Moyses.* Utrumque sensum patiuntur Hebrę: nos posteriorem hunc sequimur: quod Iethro iam discesserat a Moise in regionem suam, Exodi xviii. vers. 27. QUIA DOMINUS BONA PROMISIT ISRAELI. Hebr. *Quia Dominus dixit bonum de Israele.* Sic Genes. xviii. vers. 19.

V. 30. NON VADAM TECUM, SED REVERTAR IN TERRAM MEAM, IN QUA NATUS SUM. Aliqui hanc partem ex Hebręo ita convertunt: *Non iam ibo, sed cum ad terram meam, & ad cognitionem meam ivero.* Hebr. *כי אני בחי ימי*, id est quinimmo, capiunt pro *sed cum*, ut Genes. xxxii. vers. 26. *Non dimittam te, sed quam cum benedixeris mihi.* Addunt autem illud *Iam*, quia certum, inquit, est ex Iud. i. vers. 16. cap. iv. vers. 11. I. Samuel. xv. vers. 6. II. Reg. x. vers. 15. I. Paralip. ii. vers. 55. & Ieremię xxxv. genus Iethronis fuisse Israelitis coniunctum, & inter eos habitasse. Sed nihil opus est eiusmodi in sacrum contextum infarctionibus, quibus isti plerumque sibi licenter indulgent: cum quamvis Chobab primum postulationem Moysi aspernatus fuerit; tamen ex aliis Scripturę locis eruitur, ipsum postea secutum Hebręica castra, eiusque progeniem inter Israelitas propagatam.

V. 31. NOLI, INQUIT, NOS RELINQUERE. Quidam: *Ne, queso, deseras nos;* & intelligentes de Iethro socero Moysi, exponunt: Id est, ne ab eas emanendi consilio, sed antequam hinc proficiscamur, revertere. Sic cum dimisit Moyses a se Exodi xviii. vers. 27. T V ENIM NOSTI IN QUIBUS LOCIS PER DESERTUM CASTRA PONERE

DEBEAMUS, ET ERIS DUCTOR NOSTER. Hebr. *Quia super sic*, vel *quia, propterea; cognovisti desilire nostrum*; alii, *mansiones, metationes, castrametationes nostras in deserto*; & *eris nobis in oculos*, vel *pro oculis*. Quidam exponunt: *Et fuisti nobis pro oculis*. Id est: Tu nostri quomodo hactenus vixerimus in deserto isto squalido, ubi nullus est ager qui coli possit, sed tantum montes, & valles sunt in eo; profuitque nobis auxilium & consilium tuum: quanto magis nunc egemus prudentia tua, cum terram promissam ingresuri sumus. Nec putes quod frustra nos comitatus sis: quandoquidem te participem facturi sumus omnium bonorum quæ Dominus tandem nobis exhibebit in terra quam nunc ingrediemur. Sed Hebræa potius postulat futurum: *Et eris nobis pro oculis*, vel *in oculos*, id est oculorum loco. Quidam exponunt: *Eris nobis carissimus*, tam carus ut sunt oculi. Sic Plautus: *Euge oculus meus*, id est unice carus. Idem: *Salve oculissime homo*, id est carissime. Alii: *Fungeris nobis: oculorum officio*: eris nobis explorator locorum, ac dux itineris; quasi dicat: Versatus es in locis huius deserti, & nosti locorum opportunitatem: dux nobis eris, & tu consilio in metationibus, & protectionibus utemur. Quamvis in capiendis locis castris opportunis abunde instrueretur Moses externo nubis signo, ut cap. ix. vidimus, & a Deo ipso sive interius, sive exterius moneatur; at non propterea vult Deus humana subsidia respui: & quia Chobab locorum peritus facile monstrare poterat pacem, fontes, arbores, & id genus alia aut necessaria, aut opportuna.

V. 33. ARCAQUE FOEDERIS DOMINI PRÆCEDEBAT EOS, PER D'ES TRES PROVIDENS CASTRORUM LOCUM. Hebræi existimant toto tridui itinere arcam antevertisse castra; duplicemque aiunt fuisse arcam: unam Moysi, dictam foederis Domini, quæ tridui itinere præcederet castra; alteram Beelseel, quam Levitæ portabant in medio vexillorum. Vide hic Drumium. Sed sunt ista futilia. Plerique intelligunt illo tridui itinere quod Israelitæ consecrerunt, arcam antecessisse, sed proxime castra proficiscentia; non quod triduo; antequam castra, arca ad locum metatorium appulserit. Unde colligunt vel hac

vice tantum antecessisse arcam; vel, exceptam a generali illo mandato, Leviticam tribum cum toto tabernaculo in metationibus, & protectionibus in medio castrorum esse debere, supra cap. 11. vers. 17. Quidam tamen longe aliter Hebræa accipiunt, voluntque arcam non ante, sed in medio castrorum, nimirum loco a Deo præscripto, processisse: unde reddunt: *Et arca foederis Iehovæ profecta est in conspectu illorum itinere tridui*. Quod ita interpretantur: Id est, tantum iter sine intermissione emensi sunt Israelitæ, quia atpeccabili Dei præsentia regebantur, & confirmabantur virtute; qui in nube prævit semper toto itinere tridui velut dux itineris, nec ante triduum restitit: cuius signum arca in mediis castris a sacerdotibus gestata versabatur in oculis omnium: supra cap. 11. vers. 17. & cap. xix. vers. 17. Quapropter Moyses vers. 36. his verbis utitur *Dum arca confileret*, &c. nam stante nube, stabant sacerdotes ferentes arcam; his stantibus, castra in circuitum ponebantur. Equidem Hebræa recte reddi possunt utroque modo: *Et arca foederis Domini proficiebatur ante eos*; vel *in conspectu eorum*, *viam trium dierum*.

Providens castrorum locum. Hebr. *ad indagare illis quietem*. Quidam, *explorando eis locum quietis*; id est, hic illic recognoscendo iterationem, quæ foret comoda. Humanitatis dictum.

V. 35. CUMQUE ELEVARETUR ARCA. Hebr. *In proficisci arcam*. נסע בבי נסעאב. Nun est invertum, in omnibus cum manu scriptis, tum impreiis exemplaribus. Hebræi notant, id non carere mysterio; sed mysterium non expediunt. Hariolantur Num invertum significare amicam & salutarem conversionem ad populum suum, ad preces Moysi; vel vim & efficacitatem potentie divinæ, quæ tum se in hostes verteret.

V. 36. REVERTERE DOMINE AD MULTITUDINEM EXERCITUS ISRAEL. Varie Hebr. reddunt. I. *Revertere Iehovab ad myriades millium Israelis*. II. *Requiesce Iehovab in myriadibus millium Israelis*. III. *Da quietem Iehovab myriadibus millibus Israelis*; id est, da requiem, aut sedes quieras multitudini Israelis, quæ prope infinita est.

MENOCHII.

Verf. 2. **D**UAS TUBAS ARGENTEAS, ad convocandum populum, primo ad movendum castra; secundo ad festa; tertio ad sacrificia; quarto ad bella. Tuber nunc fieri duas; non tamen vetat fieri plures. Faste sunt ex argento ob reverentiam cultus divini, & ut essent magis sonoræ. DUCTILES, laminis scilicet malleorum contusione didactis.

V. 4. SI SEMEL CLANGUERIS. Hebræus habet, *Si una tuba clangueris*: sic etiam Chaldaus. & LXX. & sensus potest esse idem: nam qui una tuba canit, quodam sensu semel canit; qui duplici, quodammodo bis canit, etiam si simul sonum edant.

V. 5. CONGISUS, intercifus, interruptus brevī aliqua morula.

V. 9. ET ERIT RECORDATIO VESTRI CORAM DOMINO, &c. quasi dicat: Deus recordabitur vestri in prælio cum clangetis iuxta hoc eius præceptum, ut eruat vos ab hostibus, & victores faciat.

V. 10. EPULUM solemne, & sacrum ex hostiis pacificis; sive epulum quod fit prævio sacrificio, illudque claudit, quale erat in consecratione regum: pariter in calendis, id est in neomenia, sive novilunio, primo scilicet die mensis lunaris: hic enim dies iudæiserat festus. IN RECORDATIONEM DEI, &c. ut Deus vestri recorderetur, ut dixi num. 9.

V. 11. ANNO SECUNDO ab egressu ex AEGYPTO. NUBES, columna nubes.

V. 12. IN SOLITUDINE PHARAN: in loco qui postea dictus est *Sepulera concupiscentiæ*, in quo fuit decimatercia Hebræorum manio.

V. 13. IUXTA IMPERIUM DOMINI IN MANU MOYSI: quod scilicet Deus dedit per Moysen ministrum suum.

V. 21. PORTANTES SANCTUARIUM, vasa sancta Sanctuarii, id est Sancti, & Sancti sanctorum.

V. 29. HOBAB FILIO RAGUEL. LXX. & alii censent hunc esse Iethro cognatum Moysi; verius tamen est, quod alii auctores existimant, esse illius filium.

V. 30. IN TERRAM MEAM, Madian.

V. 31. TU ENIM NOSTI, &c. Non eguit Moyses ductore in deserto, qui sequeretur columnam nubis, quique in locis iis versatus fuerat annis quadraginta cum pasceret greges Iethro soceri sui; sed optavit Hobab sororum suum hac arte Iudæorum veræ religioni adiungere. Ita censent aliqui. Vel etiam dici potest, quod verum puto, optasse Moysen apud se habere Hobab, ut pecuniaria quædam disceretur eo, quæ vel decursu temporis mutata fuerant, vel quorum Moyses oblitus erat tanta temporis, & locorum longinquitate, varietateque negotiorum. Nec ex motu columnæ aliud Hebræi discabant quam quo iter esset dirigendum: reliqua ex speculatoribus, & locorum peritis, qualis erat Hobab, cognoscenda erant.

V. 33. PROPECTI SUNT ERGO, &c. Tacet Hobab; itaque verisimile est eum acquievisse, & mansisse cum Moysen. PROVIDENS CASTRORUM LOCUM. Faciebat hoc columna nubis, & consequenter arca, cui nubes incumbebat. In Hebr. est *Ad explorandum*, vel *investigandum illis requiem*, locum scilicet in quo commode quiescerent.

V. 35. CUMQUE ELEVARETUR ARCA, ut moverentur castra. SURGE DOMINE, &c. quasi hæc arce insidens quievisset.

T I R I N I.

Verf. 2. **D**UAS TUBAS ARGENTEAS, scilicet ut sint magis sonoræ. Hæc I. Mach. xvi. vers. 8. & a Iosepho passim vocantur *suæ tubæ*, quod usibus sacris essent deputatæ, nec nisi a sacerdotibus inflarentur, primo ad convocandum populum ad concionem circa tabernaculum; secundo ad castra movenda; tertio, ad pugnandum cum hoste tempore belli; quarto in epulo sacro, & publica populi lætitia, verb. grat. ob victoriam obtentam, aliæ insignia beneficia: item in festis maioribus, quibus totus populus Ierosolymam, vel ubi tabernaculum erat, confluebat: denique & in calendis seu noviluniis, quæ & festa erant Iudæis cessatione ab operibus servilibus, & peculiarem in templo habebant solemnitatem & victimas speciales. Harum sacrarum tubarum numerum auxit postea Salomon, teste

teite Iosepho *a*, ad viginti myriades, seu ad ducenta milia.

V. 21. CAATHITAE PORTANTES SANCTUARIUM, hoc est res sanctuarii, mensam, candelabrum, altare nensis, &c. Hæc humeris suis debebant semper Caathitæ in medio duodecim tribuum, quarum sex præcedebant illos, sex aliæ sequebantur. Porro reliqua tabernaculi suppellex, & eiusdem structura, a Gersonitis, & Meraritis debebatur plaustris post tres primas tribus, novem reliquis subsequen- tibus. Debebatur, inquam, DONEC VENIRETUR AD ERECTIONIS LOCUM, nubi scilicet columna iam quiescente. In Hebræo, Chalæo, & LXX. est *Erigebant tabernaculum*, scilicet Gersonitæ, quoadusque venirent ipsi Caathitæ, qui res sanctuarii in illud iam erectum inferrent. Et hæc videtur ratio fuisse cur Gersonitæ, & Meraritæ non cum Caathitis in medio castrorum incederent, sed præirent, ut interea dum hi adventarent cum sacriore suppellectili, tempus illis suppetere erigendi tabernaculum in quod illa inferretur. Ceterum ipsa arca sub columna nubis semper tota castra præcedebat, quæ dum quiesceret, referri debebat a primis initiis castrorum, post priores tribus ad locum tabernaculi a Levitis interea erecti.

V. 29. DIXIT MOYSES HOBAB FILIO RAGUEL, seu filio Iethro foceri sui sacerdotis Madian, qui & Raguel vocabatur Exodi 11. & 111. Non ergo erat ipsemet Iethro, ut vult Abulen- sis, Lyranus, & Scaliger ex traditione Rabbi- norum; sed filius Iethro cognatus Moysis, cuius socorem Moyses in coniugem acceperat. Ita Theoporetus, Paulus Burgensis, Caietanus, Oleaster, & alii.

Petes primo: Quomodo Moyses audeat hunc petere ductorem in desertis locis, cum nubes a Deo dux ipsis viam assignata esset? Respondeo: Non petit illum habere ducem viæ, sed ducem consiliorum in variis, & anxiiis dubiis quæ per viam occurrere solent; verbi gratia, ubinam essent fontes, qua parte firmanda adversus vicini- nos hostes castra, &c.

Petes secundo, an manserit Hobab cum Moysæ. Respondeo, ita prorsus videri. Quin & triginta octo post annis, cum excindendissent Madianitæ, evocavit inde Moyses etiam reliquos filios Iethro affines suos, qui cum He-

bræis deinde ingressi sunt terram promissam, ut patet Iudic. IV. vers. 11. vocabanturque Cinæi, Iudic. 1. vers. 16. a cognomine Iethro qui Cinæus vocabatur. Et hi inter Iudæos sedem stabilem fixerunt, non tam in domibus, quam in tabernaculis, ac se- re in solitariis locis piam religiosamque vi- tam ducentes, a vino & aliis deliciis ab- stemii, continua legis divinæ meditatione ac contemplatione occupati: ut colligitur ex Iudicum 1. & 4. clarius ex I. Paralip. 11. vers. ult. clarissime ex Ieremiæ xxxv. ubi Rechabites vocantur a Rechab, qui erat vel hic Hobab, vel parens eius Iethro, ut fusc docet Serarius: vel, ut me- lius a Lapide *b* & quidam alii, erat pa- rens Ionadabi focii Regis Iehu, IV. Reg. x. vers. 23. huius enim Ionadabi parens di- ferte vocatur Rechab Ieremiæ xxxv. vers. 6. Recte vero probat idem Serarius *c* ex S. Nilo, & Suida, Rechabites eosdem fuisse cum Essenis: & ab his vitam anacho- reticam ac monasticam ad Christianos de- rivatam esse; ut non iam ab Elia, sed ab hoc Hobab viro pio ac sancto, initium vitæ Religiosæ peti possit. Iidem hi Ci- næi cum Iudæis, inter quos morabantur, & reliqui quoque Cinæi Iethronis posterii, qui in Madianitide remanserunt, post multa sæcula vastandi, & ab Assyriis in ca- ptivitatem abducendi prædicuntur Numer. xxiv. vers. 22. Ex iisdem ortus erat Ha- ber Cinæus Iudic. IV. cuius uxor Lahel Sifaram occidit.

(*a*) Ioseph. Lib. VIII. Antiq. cap. 11.

(*b*) Corn. a Lapide in Ierem. xxxv. vers. 2.

(*c*) Serarius in Trithemio Lib. III. cap. 15. 2. &c.

GORDONI.

Vers. 2. DE forma tubæ huius, Ioseph. III. Antiq. cap. xi. Tuba etiam convocabat nunc Principes, nunc populum ad concionem. DUCTILES, hoc est non fusiles, sed quæ sunt lami- nis, confusione malleorum deductas. Vo- cantur hæc *Tubæ sacræ* I. Machab. cap. xvi. vers. 8. Duplex usus hic tubarum designatur vers. 3. & 4. &c. ad vocan- dum populum, & ad movendum castra.

V. 9. ULULANTIBUS TUBIS. Sonum hunc designat vox Hebræa esse for- tem, & concitum. Has etiam tubas in bello inflabant sacerdotes, ex Ioseph. An- tiq.

tiq. Lib. VIII. cap. v. Vide Iosue vi. ubi sacerdotes corneas saltem tubas inflabant: tubæ sacræ hic erant argentæ.

V. 10. QUANDO HABEBITIS EPULUM CANETIS TUBIS: in die lætitiæ canetis tuba.

V. 11. Mansio Hebræorum fuit in Sina per annum, ut dixi, detractis fere tredecim diebus: nam ex cap. xix. Exod. vers. 1. ventum est ad Sina, anno primo, mense tertio, die tertio. Discedunt iam inde anno secundo, mense secundo, die vigesima, ut hic dicitur. Dixi fere, quia non constat an primus mensis fuerit vacuus, vel plenus.

V. 12. Itur in solitudinem Pharan, ubi mansio est nona. Postea locus dictus est *Sepulchra concupiscentie*. Recensentur omnes mansiones cap. xxxiii.

V. 29. Hobab iste iuxta Septuaginta fuit Iethro socer Moysi. Probabilius est Hobab esse filium Iethronis, seu fratrem Sephoræ: nam Iethro antea reversus est in

Madian, Exod. xviii. vers. ult. Mansit alter cum Moise. Putatur esse Rechab, unde Rechabitæ. Serar. Lib. III. Trihæreseon, cap. ix.

V. 31. ERIS DUCTOR. Hebr. *Eufisti pro oculis*: præteritum pro futuro.

V. 35. ELEVARETUR. Elevare, & deponere significat hic proficisci, & quiescere.

EX EIUDEM AUCTARIO.


V. 5. CONCISVS, interruptus, brevi mora intercisus.

V. 11. & 12. ANNO SECUNDO ab egressu. IN SOLITUDINE, ubi ponitura quibusdam mansioni nona, vel, ut aliqui volunt, decima tertia.

V. 31. TU ENIM NOSTI. Volebat sororium suum secum retinere, utpote cui nota erant vicina loca, & regionum mores; hoc indicabat. Cum taceat Hobab, probabile est mansisse cum Hebræis.

C A P U T XI.

Murmuris pœna plexi Iudæi coturnicum carnes impetrant; turbatoque Moysi spiritu, Deus illius onus in septuaginta seniores partitur, qui omnes propbetant, puniturque populus propter carnum concupiscentiam.

1.  Nterea ortum est (a) murmur populi, quasi dolentium pro labore, contra Dominum. Quod cum audisset Dominus, iratus est. Et (b) accensus in eos ignis Domini devoravit extremam castrorum partem. 2. Cumque clamasset populus ad Moysen, oravit Moyses ad Dominum, & absorptus est ignis. 3. Vocavitque nomen loci illius, Incensio: * eo quod incensus fuisset contra eos ignis Domini. 4. Vulgus quippe promiscuum, quod ascenderat cum eis, * flagravat desiderio, sedens & flets, iunctis sibi pariter filiis Israel, & ait: (c) Quis dabit nobis ad vescendum carnes? 5. Recordamur piscium quos comedebamus in Aegypto gratis: in mentem nobis veniunt cucumeres, & pepones, porrique & cepe, & allia. 6. Anima nostra arida est, nihil aliud respiciunt oculi nostri nisi Man. 7. (d) Erat autem Man quasi semen coriandri, coloris bdellii. 8. Circuibatque populus, & colligens illud, frangebatur mola, sive terebat in mortario, coquens in olla, & faciens ex eo tortulas saporis quasi panis oleati. 9. Cumque descendere nocte super castra ros, descendebat pariter & man. 10. Audivit ergo Moyses sententiam po-

populum per familias, singulos per cœlia tentorii sui. Iratusque est furor Domini valde: sed & Moyſi intoleranda res viſa eſt: 11. & ait ad Dominum: Cur affliſti ſervum tuum? quare non invenio gratiam coram te? & cur impoſuiſti pondus univerſi populi huius ſuper me? 12. Numquid ego concepi omnem hanc multitudinem, vel genui eam, ut dicas mihi: Porta eos in ſinu tuo ſicut portare ſolet nutrix infantulum, & deſer in terram, pro qua iuraſti patribus eorum? 13. Unde mihi carnes ut dem tantæ multitudini? ſilent contra me, dicentes: Da nobis carnes ut comedamus. 14. Non poſſum ſolus ſuſtinere omnem hunc populum, quia gravis eſt mihi. 15. Sin aliter tibi videtur, obſecro ut interſicias me, & inveniam gratiam in oculis tuis, ne tantis afficiar malis. 16. Et dixit Dominus ad Moyſen: Congrega mihi ſeptuaginta viros de ſenibus Iſrael, quos tu noſti quod ſenes populi ſint ac magiſtri: & duces eos ad oſtium tabernaculi ſœderis, facieſque ibi ſtare tecum, 17. ut deſcendam, & loquar tibi: & auferam * de ſpiritu tuo, tradamque eis, ut ſuſtentent tecum onus populi, & non tu ſolus graveris. 18. Populo quoque dices: Sanctificamini: cras comedetis carnes: ego enim audivi vos dicere: Quis dabit nobis eſcas carniſ? bene nobis erat in AEgypto. Ut det vobis Dominus carnes, & comedatis: 19. non uno die, nec duobus, vel quinque, aut decem, nec viginti quidem, 20. ſed uſque ad menſem dierum, donec exeat per nares veſtras, & vertatur in nauſeam, eo quod repuleritis Dominum, qui in medio veſtri eſt, & ſleveritis coram eo, dicentes: Quare egreſſi ſumus ex AEgypto? 21. * Et ait Moyſes: Sexcenta milia peditum huius populi ſunt: & tu dicis: Dabo eis eſum carniſ menſe integro? 22. (e) Numquid ovium & boum multitudo cæderet, ut poſſit ſufficere ad cibum? vel omnes piſces maris in unum congregabuntur, ut eos ſatient? 23. Cui reſpondit Dominus: (f) Numquid manus Domini invalida eſt? Iam nunc videbis utrum meus fermo opere compleatur. 24. Venit igitur Moyſes, & narravit populo verba Domini, congregans ſeptuaginta viros de ſenibus Iſrael, quos ſtaret fecit circa tabernaculum. 25. Deſcenditque Dominus per nubem, & locutus eſt ad eum, auſerens de ſpiritu qui erat in Moyſe, & dans ſeptuaginta viris. Cumque requieviſſet in eis ſpiritus, prophetaverunt, nec ultra ceſſaverunt. 26. Remanſerant autem in caſtris duo viri, quorum unus vocabatur Eldad, & alter Medad, ſuper quos requievit ſpiritus: nam & ipſi deſcripti fuerant, & non exierant ad tabernaculum. 27. Cumque prophetarent in caſtris, cucurrit puer, & nuntiavit Moyſi, dicens: Eldad & Medad prophetant in caſtris. 28. Statim Iofue filius Nun, miniſter Moyſi, & electus e pluribus, ait: Domine mi Moyſes prohibe eos. 29. At ille: Quid, inquit, æmularis pro me? quis tribuat ut omnis populus prophetet, & det eis Dominus ſpiritum ſuum? 30. Reverſuſque eſt Moyſes, & maiores natu Iſrael in caſtra. 31. (g) Ventus autem egrediens a Domino, * arreptans trans mare coturnices detulit, * & demſit in caſtra itinere quantum uno die conſici poteſt, ex omni parte caſtrorum per circuitum, volabantque in acre duobus cubitis altitudine ſuper terram. 32. Surgens ergo populus toto die illo, & nocte, ac die altero, * congregavit coturnicum, qui parum, decem coros: & ſiccaverunt eas per gyrum caſtrorum. 33. (h) Adhuc carnes erant in dentibus eorum, nec deſcenderat huiusmodi cibus: & ecce furor Domini concitatus in populum, percuffit eum plaga magna nimis. 34. Vocatusque eſt ille locus, Sepulcra concupiſcentiæ: ibi enim ſepelierunt * populum qui

qui desideraverat. Egressi autem de Sepulcris concupiscentiæ, venerunt in Hierosolymam, & manserunt ibi.

(a) Psal. lxxvii. 19. I. Corinth. x. 10. (b) Psal. lxxvii. 27. (c) I. Corinth. x. 3. (d) Exod. xvi. 14. Sap. xvi. 20. Psal. lxxvii. 24. Ieron. vi. 31. (e) Ieron. vi. 30. (f) Ista lxx. 1. (g) Psal. lxxvii. 26. 27. (h) Psal. lxxvii. 30.

B R U G E N S I S

ROMANÆ CORRECTIONES.

V. 3. *Eo quod incensus fuisset.* Non mutes incensus cum successus.

V. 4. *Flagravit desiderio.* Non addas carnium, aut carnis.

V. 17. *De spiritu tuo.* Nec hic addas sancto.

V. 21. *Et ait Moyses.* Denique nec hic addas ad Dominum.

V. 31. *Arreptans trans mare coturnices.* In loco participii passivi arreptas, quod est in

aliis libris, substitutum est activum arreptans.

Ibidem. *Et demisit in castra.* Non mutes demisit, quod est deiecit, cum dimisit.

V. 32. *Congregavit coturnicum, qui parum, decem coros.* Merito hic omissa est vox multitudinem, quam quidam adiecerant, non animadvertentes genetivum coturnicum regi a coros.

V. 34. *Populum qui desideraverat.* Non addas carnem, multoque minus scribas Populum quem percussit Dominus quia desideraverat carnes.

C O M M E N T A R I A.

S A.

Perf. I. PRO LABORE. Id additum ab Interprete, CONTRA DOMINUM. Hebr. in auribus Domini. Chald. & LXX. coram Domino. DOMINI, id est a Domino missus.

V. 2. *ABSORPTUS,* id est extinctus.

V. 3. *VOCATIVQUE,* scilicet qui nomen indidit.

V. 4. *VULGUS QUIPPE,* pro vulgus vero: aliud enim videtur id a superiori. Hebr. *et vulgus.* QUOD ASCENDERAT. Hebr. qui inter illos. ET ALII; pro, & dixerunt, scilicet utrique.

V. 6. *ARIDA,* id est non contenta.

V. 7. *BDELLI.* Bdellium gemma est alba. Perlam quidam esse volunt.

V. 8. *FRANGEBAT;* poterat tamen comedi infractum, & crustum. TORTULAS, id est placentas. OLEATI, scilicet cum melle. Vide Exod. xvi.

V. 10. *INTOLERANDA RES VISA EST.* Hebr. Chald. & LXX. *Displicuit.*

V. 14. *GRAVIS EST MIHI.* Hebr. *gravis pro me,* id est supra vires meas.

V. 15. *SIN ALITER TIBI VIDERATUR.* Hebr. Chald. & LXX. *Si sic tui summi mihi.*

V. 16. *MAGISTRI.* Hebr. *Principes,* Bib. Sac. Tom. III.

seu primates. Chald. *præfelli.* LXX. *scribe.*

V. 17. *AUFERAM,* pro accipiam: neque enim a Moysè ablaturus erat, aut ab aliquo. SPIRITU, id est Spiritu sancto, quem dedi tibi: August. V. de Trin. TUO. Hebr. *Qui est super te,* id est in te.

V. 18. *SANCTIFICAMINI;* id est, attendite puritati; seu præparamini, ut vertit Chald. CRAS. Hebr. Chald. & LXX. *in crastinum:* con-ungitur enim cum sanctificamini. *UT DET VOBIS,* &c. Hebr. Chald. & LXX. *Et dabit vobis Dominus carnes, & comeditis.*

V. 20. *MENSEM DIERUM,* id est integrum. NAUSEAM, id est fastidium: alii, *abominationem;* LXX. *cholera.*

V. 22. *NUMQUID,* &c. Non dubitat de Dei potentia, sed modum querit. August. in Num. quæst. xix.

V. 23. *MANUS,* id est potentia.

V. 25. *CESSAVERUNT,* scilicet tota illa die, vel quoties opus fuit prophetare, id est loqui mysteria.

V. 26. *REMANSERANT,* scilicet ex humilitate, dum se honore indignos arbitrantur. Hieronymus epist. cxxvii.

V. 28. *ELECTUS E PLURIBUS,* scilicet ad ministrandum ei. Hebr. *ex electis eius.* LXX. *electus eius.*

V. 29. *AEMULARIS,* id est zelaris, seu zelo commoveris.

K

V. 31.

V. 31. A DOMINO, id est iussu Domini. EX OMNI PARTE: scilicet in omnem partem erat spatium unius diei, ut indicant Hebr. quæ habent *Iter diei huc, & iter diei illuc*: itemque Chald. & LXX. VOLABANTQUE IN AERE. Id non est Hebr. aut Chald. aut in LXX. aperte, sed ita ut possit intelligi vel de volatu, vel de altitudine cumuli iacentium.

V. 32. SICCAVERUNT. Hebr. & Chald. *Extenderunt*, LXX. *Siccaverunt*.

V. 33. DEFECERAT; id est, in dentibus defecerat esse. Repetitio præcedentis. Vel quasi dicat: Nondum mansus erat, seu confectus dentibus. Hebr. *nequum confectus*, seu *contritus*, scilicet dentibus.

E S T I I.

Vers. 4. VULGUS QUIPPE PROMISCUUM, &c. Non est recapitulatio eius quod præcessit, ut sensibile videtur Hieronymus, qui vertit *quippe*, cum in Hebræo tantum sit coniunctio &; sed est novæ rei gestæ narratio. Quod liquet, quia ibi in principio capitis murmur, hic autem concupiscentia punitur; & præna diversa est, & diversa nomina locis sunt indita, ibi incendii, hic sepulcrorum concupiscentiæ.

V. 17. & 25. AUFERENS DE SPIRITU QUI ERAT IN MOYSE, ET DANS SEPTUAGINTA VIRIS. Absulisse dicitur Deus de spiritu qui erat in Moyse, non de spiritu humano loquens, sed divino, id est non de anima hominis, sed de Spiritu sancto: deinde nec ita ut Moyse postea desineret habere Spiritum sanctum, sed ut eum quem Moyse habebat, etiam alii haberent. Non enim dicitur: Auferens spiritum a Moyse, & dans septuaginta viris; sed *Auferens de spiritu*, &c. Postremo non significatur per hoc spiritus dispersus fuisse, ut partem haberet Moyse, partem septuaginta viri, aut minus Moyse haberet de spiritu quam antea; sed significatur, quod ex eodem spiritu gratiæ quo repletus Moyse populum illum regebat, etiam alii adiutorium essent habituri ad eundem populum regendum. Etenim auferre hic non accipitur, ut quando dicitur in Evangelio, *Auferte ab eo mnas*, & date ei qui habet decem mnas; sed positum est auferre pro accipere, vel

sumere, hoc sensu: Accipiam de spiritu Moyse, & dabo septuaginta viris: quomodo Dominus in Evangelio dicit: *Ille de meo accipiet*.

V. 21. & 22. ET TU DICIS: DABO EIS EUM CARNIUM MENSE INTEGRO? NUMQUID OVIMUM ET BOVM MULTITUDO CAEDETUR? &c. Cur Moyse in his verbis non accusatur infidelitatis & dissidentiae, sicut infra cap. xx. idem ipse cum fratre suo ob verba similia graviter a Domino reprehenditur etiam cum denuntiatione pœnæ? An dicendum, Moysem hoc loco non dubitare de potentia ac veritate Dei, sed querere de modo rei implendæ? Etenim etsi verba utrobique similia essent, Deus tamen, qui cordium inspector est, videre potuisset eadiverso sensu hic, & illo alio loco fuisse prolata, sicut accidit in interrogatione beatæ Virginis ad Angelum, *Quomodo fiet istud*? Luc. 1. & Zachariæ ad eundem, *Unde hoc sciam*? Quibus exemplis productis, Augustinus quæstionem præsentem solvit in quæstione super Numeros. An satendum, etiam hoc loco Moysem peccasse quadam fidei vacillatione verbis temere prolatis significata? Deum tamen hoc eius peccatum dissimulasse, quia non fiebat coram populo, sed in secreto colloquio cum Deo? Nam peccatum intra cap. xx. commissum ex eo maxime aggravatur quia: Deum non sanctificaverant Moyse & Aaron, nec ei honorem potentæ dederant coram filiis Israel, sed contra per verba quadam dissidentiae ad populum prolata, honorem Dei læserant. Sic enim ibi eis dicitur: *Quia non credidistis mihi, ut sanctificaretis me coram filiis Israel, non introducetur vos populus in terram quam dabo eis*. Et idem repetitur adhuc inferius cap. xxvii. Deut. 11.

V. 29. QUIS TRIBUAT UT OMNIS: POPULUS PROPHETET? Querens quomodo hoc recte optet Moyse, cum Paulus I. Corinth. xii. illud, *Numquid omnes Prophetæ?* velut absurdum proferat; nam sic frustra esset donum prophetiæ, quia non essent quibus prophetarent. Sed dicendum est, Moysem non hoc absolute optare, ut omnes in populo sint prophetæ; sed tantum voluit significare nihil obesse suæ personæ dignitati, pro qua zelo quodam immoderate movebatur Ioseph, etsi.

et si omnes prophetarent, si ita Deo visum esset; quasi dicat: Non volo quemquam a prophetia prohiberi mei causa. Hoc enim præcedit, QUID AEMULARIS PRO ME?

M A R I A N A E.

Vers. 1. IGNIS DOMINI. A Domino explicant Septuag. Alii: *Ignis magnus devoravit castorum partem.*

V. 4. VULGUS QUIPPE PROMISCUUM. In Hebraico non est redditio causæ, sed absolute, *Collectio quæ in medio eius desideravit*, scilicet carnes. Hi erant Aegyptii, & ex aliis gentibus: quia addit mox, *iunctis sibi pariter filiis Israel.*

V. 7. COLORIS BDELLII. Hebræi *bdehlium* explicant aut vitrum, aut unionem. Vide Genes. 11. vers. 12. Septuag. *crystallum.*

V. 8. TORTULAS SAPORIS QUASI PANIS OLEATI. Hebr. *subcinericios panes*, saporis quasi olei viridis.

V. 14. GRAVIS EST MIHI. Sic Sept. at Hebr. *Gravis est præ me hic populus*, ferre non possum.

V. 16. QUOD SENES POPULI SINT AC MAGISTRI. Hebr. *præfetti* seu *rectores*: id etiam vox *magistri* significat. Vide ætatem requiri, & usum in iis qui præficiendi sunt.

V. 17. AUFERAM DE SPIRITU TUO. Vox Hebraica *azal* significat *auferre*, quod Hieronymus posuit, & Sept. quomodo *spiritus* fumi debet pro respiratione & labore. Significat etiam *appropinquare*, *communicare*, ut ex una lucerna accenduntur aliæ: & hoc secutus Chald. dixit: *Multiplicabo spiritum tuum*, dona tua; prophetæ spiritum cum illis participabo.

V. 20. MENSEM DIERUM vocat mensem plenum, qui diebus triginta completur.

V. 23. UTRUM MEUS SERMO OPERE COMPLEATUR. Hebr. *Num pretiosum tibi sit verbum meum*, id est non otiosum, sed opere impletum. Dei verba.

V. 25. NEC ULTRA CESSAVÉRUNT. Vox Hebraica *infaphu* & hanc significationem recipit, & contrariam, *Nec ultra addiderunt*: quod sequitur Chald. & ex eo Pagn. nempe prophetarunt eo die, neque prophetarunt amplius.

V. 31. ARREPTANS TRANS MARE COTURNICES. Hebr. *a mari*. Et vox *volabant* non est in Hebræo, ut intelligi possit, ea multitudine fuisse, ut aliæ super alias accumularentur, duorum cubitorum altitudine.

V. 32. QUI PARUM, DECEM COROS. Corus triginta modios continebat. Insolitum carnes mensurari, & non potius ponderari. Chald. *decem acervos* dixit. Et *siccaverunt*. Hebr. *Et extenderunt*, scilicet ad solem; intellige, sale adhibito, ne putrescerent.

M A L V E N D A E.

Vers. 1. INTEREA ORTUM EST MURMUR POPULI, QUASI DOLENTIUM PRO LABORE, CONTRA DOMINUM. Paraphrasi exposuit fontem. Pro illo *Quasi dolentium pro labore*, est participium plurale masculinum *Hithpahel*, כחמוצנים *cemitoNehim*, præfixo *Caph* nota similitudinis: quod mirum quam diversimode reddant. I. *Et fuit populus sicut iniuste de aliquo conquærentes*. II. *quasi dolentes*. III. *quasi mentientes*, aut *seducen-tes*. IV. *quasi mæsti* *müstantes*, seu *murmurantes*. Ut illud Virgilii XI. *Aeneidos*:

Fleat mæsti, mussantque patres...

Sic verbum Hebraicum *Noster reddidit Threnor.* 111. vers. 39. V. *quasi occasio- nantes*, seu *causantes malum*, seu *mole- stiam*, a verbo *anah*, ut Exodi *xxi.* 3. VI. *sicut lamentantes*, *lugentes*, *lacri- mantes*, *plangentes*, *queritantes*. VII. *Quidam vertunt: Contigit autem cum populus molestiam, & dolorem quemdam causaretur.* VIII. Alii: *Cum autem populus plane queribundi essent*. IX. *Nonnulli: Et factum est, cum populus concupiscerent: ab omni avaritia, concupiscentia mala.* Hunc sensum firmant sequentia a vers. 4. ubi exegerit declaratur quodnam fuerit peccatum populi, nempe concupiscentia carnum. In *mita- Nehim*, primum *Nun* est inversum, ut cap. x. vers. 35. *Causam ignorant, & mirantur* Hebræi: divinant tamen denotare ingentem perversitatem, & impietatem, atque aversionem populi a Deo, qui penitus oblitus divinæ erga se caritatis & benignitatis, ac tot tantorumque benefi- ciorum immemor, tam turpem, tam sub- bito defectionem meditatus fuerit. Sed ob

hanc causam quot inverselitteræ esse debeant in Scriptura? Devoravit extremam castrorum partem. Quidam intelligunt ignem deflagrasse, & quassatum fuisse in eos qui erant in finibus castrorum, hoc est in vulgus illud collectum ac promiscuum, quod cum Israele egressum fuerat ex Aegypto, ut habetur Exodi xxii. vers. 39. qui primum videlicet murmurare cœperunt contra Dominum, atque etiam eo Israelcem incitarunt. Vide vers. 4.

V. 2. ET ABSORPTUS EST IGNIS. Verbo שָׁקַע *schakagh*, omnia ista subsunt, depressus, oppressus, profundatus, demersus, in profundum submersus fuit, ignis. Quidam: Et compressus est ignis ille. Alii: Et resedit ignis; id est, extinctus est. Non dubitarem a terra absorptum, ut Noster exposuit. Confinile exemplum de igne erumpente e terra, & compresso, narrat Cornelius Tacitus Annal. XIII. extremo.

V. 3. VOCAVIT, scilicet Moïses, vel is qui nomen loco insidit. Sed notum est, Hebræis tertiam personam adivampassive plerumque, seu impersonaliter sumi. *Vocavit* pro *vocatum* est, qui modus loquendi utitur est Hebræis.

V. 4. VULGUS QUIPPE PROMISCUUM. אֶפְסָפָה *a'pissaph*, nomen geminatum ab אָפָה *asaph*: aiunt esse collectionem magnam & numerosam, vulgus collectum, turbam collectam. Nam gemitio auget significationem. Unde & Interpretes Chaldæi voce quoque geminata & plurali reddiderunt; עֲרֵבְרֵיב *gharabribim*, id est *mixture*, quod Exodi xii. vers. 38. dicitur עֲרֹב *gharob*, id est *mixtio*. Quidam hic vertunt, *Et aggregatio*; alii, & colluvies: nonnulli, *convexarum quoque turbæ*. Intelligunt fuisse vulgus promiscuum, seu colluviem exterorum & advenarum, qui sese adiunxerant populo Israelitico: a quibus cœpta est defectio, quique Israelitas in eandem traxerunt. Alii peculiariter volunt fuisse turbam illam miscellaneam, qui ex Aegypto Israelitis mixti ascenderant, Exod. xii. vers. 38. Si idololatriæ innutriti, Israelitas sæpe ad quæque pessima inducebant. FLAGRAVIT DESIDERIO. Hebr. *Concupiscere se fecerunt concupiscentiam*; vel *avere se fecerunt avitio-nem*: si Latinitas pateretur, vel *aviditatem*; id est, graviter, ardentem concupiscerunt, flagrarunt desiderio, ut Noster di-

xit. SEDENS, ET FLENS, IUNCTIS SIBI PARITER FILIIS ISRAEL. Hebr. *Et reversi sunt, & fleverunt etiam filii Israel*. Quidam: *Et reversi sunt*; subaudi, a Deo in corde suo, defecerunt ab eo. Alii: *Quare rursus fleverunt filii Israel*. Verbum revertendi constructum cum verbo *fendi*, sumunt adverbialiter pro rursus, denuo, iterum. Vide de hac phrasi Genes. xxvi. vers. 28. ut respiciat quod vers. 1. dixerat, *Et fuit populus sicut lugentes*. Quod Noster dixit *señens*, deduxit a יָשַׁב *isshab*, & non a שָׁוָה *schuh*. Apparet hic Israelitas a convenis exemplo & sermone provocatos ad murmurandum fuisse.

V. 5. RECORDAMUR PISCUM QUOS COMEDEMUS IN AEGYPTO GRATIS. Quidam exponunt, *vili & exiguo pretio*. Sed lucem huic loco dat Herodotus Lib. II. numer. 37. cum de Aegypitiis refert: *De piscibus gustare nefas est illis*. Unde nihil mirum gratis Israelitas comedisce pisces, quos Aegyp-tii non attingebant. ΠΕΠΟΝΕΣ *abattichum*, a fiducia quidam didos volunt, quod secure & firmier terræ incumbant, ac innitantur. Alii componunt ex אֵבִיב *avib*, *procreſcentia*, *pube*, *matureſcentia*, & בָּתָּח *batach*, *fidere*, quod pepo-nes ſidenter procreant, publicant, & matureſcunt, plerique ſint ſucco pubertatis ſuæ. Aliqui vocem eſſe Aegyptiam conieſtantur; plerique Arabicam: Arabes enim melones *bathecas* vocant, a quibus Hiſpani tuas *baſeas*, & *albudecas* acceperunt. PORRI חֲצִיר *chatzir*, eſt *ſennum*, ſeu *gramen oblongius ac craſſius*: ego *vir-rorem*, ſeu *viriditatem* potius expoſuerm: ſem-laudem, nimirum hoc loco, aiunt eſſe ſpeciem porri, *ſeſiliis*, quod ſpeciem ſeni habet, & ſectum cito renaſcitur: quem Plinius Lib. XIX. cap. vi. *ſeſivum* appella-t, & cito ſuccreſcit: *Laudatiſſimus*, inquit, *in Aegypto*. Alii *porrum capitum* vertunt, de quo Plinius Lib. XX. cap. vi. ET CEPE. Huic voci, & toti illuſtrando verſui mirifice facit Diodorus Siculus Lib. I. num. 56. ubi de Aegypitiis memorat: *Non pauca eſculentorum nonnulli ex ipsis non comedunt: dum alii lentes, alii ſabas, nonnulli caſeos, aut cepas, & id ge-nus veſca (quorum copia tamen Aegyptius abundat) omnino ne quidem deguſtent*. Cepas

Cepas non edere Aegyptios, Plutarchus de Iside, & Ofiride, Gellius Lib. XX. Noctium Atticarum cap. vii. affirmant. Sed & Iuvenalis Satyra xv. de eisdem Aegyptiis.

Porrum & cepe nefas violare, ac frangere moris;

O sanctas gentes, quibus hæc nascuntur in hortis

Numina!

Plinius Lib. XIX. cap. vi. *Allium, cepasque inter Deos iureiurando habet Aegyptus.* Ut nihil mirum, si præ copia, & quod ab iis ut a numinibus abstinerent Aegyptii, Hebræi illis libenter velerentur. Herodotus Lib. XI. num. 125. de Pyramide a Cheope Aegypti rege constructa: *In ipsa pyramide litere Aegyptiæ conscriptæ indicant quantum sit erogatum in operarios, pro apio (raphano) cepis, & alliis: quod interpretes earum litterarum, ut probe reminiscor, acibat in summa mille & sexcenta talenta pecunie esse.* ALLIA. שום *schum* quidam arbitrantur vel vocem esse Aegyptiacam, vel ab אום *afum* *afscham*, aut שחמא *schamaam*, *afschare*, appellationem habere, quod homines assident gravi cum odore, & sapore.

V. 6. ANIMA NOSTRA ARIDA EST; id est, exareticimus, & contabescimus penuria rerum omnium. Cum man diversos sapores indueret pro voluntate, & gustu comedendum, Sapientia xvi. vers. 21. quid etiam tentatur Hebræi, quid est quod isti piscis, & cucumeres, pepones, porros, cepas, & allia nunc tantopere concupiscant, cum ea omnia in man gustare potuissent? Hebræi tradunt, man omnes gustus exhibuisse, præter harum sex specierum: nimirum quod istæ species sint duræ ac difficilis concoctionis, nec satis salubres. Sed certe gula nullum habet finem, & depravata quæcumque potius quam salubria quærit: forsitan isti illis assueti, eas in propria specie mandere cupiebant.

V. 7. COLORIS BDPELLII, id est coloris gummi arboris bdellii, quod est translucidum simile ceræ, teste Plinio Lib. XII. cap. x. Alii, *coloris unionis*, seu *margariti*. Album, seu candidum fuisse, dicitur Exodi xvi. vers. 31. De bdellio vide quæ notavimus Genes. 11. vers. 12. & in Paradiso nostro, cap. XLIII. & XLIV. ubi

hunc locum accurate expendimus, & בדולח *bedolach*, *piper*, aut *garyophillum* fuisse, haud spernendis coniecturis ostendimus.

V. 8. CIRCUIBATQUE שבו *sebatu* varie exponunt: *Inveſtigaverunt, exploraverunt, circuierunt, diſcuſſaverunt, diſſuſerunt ſe, declinaverunt, itaverunt, circumeundo dimiſerunt ſe, peragraverunt, percurrerunt, curſitaverunt.* PANIS OLEATI. לשד השמן *leſcad haſſchemen* varie convertunt, *recentis, viridis olei*; alii, *ubertatis, seu partis eximie olei*; quidam, *laticis olei*; aliqui, *humidi radicalis olei*. Nonnulli vertunt *humoris præſantiſſimi ex oleo*, nimirum eius qui est in summo, & supernat in oleo: nam illud optimum & præstantissimum esse, docet Plutarchus Lib. VII. Quæſtione convivialium quæſt. 111. Nec pugnat quod hic scribitur, cum Exodi xvi. vers. 32. man ita sapore suo reſerebat cruſtulum mellitum, ut simul etiam haberet ſuavitatem olei præſantiſſimi: ſcilicet erat ſapor eius ſicut placenta oleo, & melle conſperſæ, ſeu maceratae. Quidam ſecuti Chaldaeos Interpretes reddunt, *paſſæ olei, seu oleate*; alii, *placenta oleo delibuta*.

V. 10. SINGULOS PER OSTIA TENTORII SUI. Hebr. *Virum unumquemque ianuæ, seu ad ostium tentorii sui, vel eius*: quidam istud *eius* ad Moſen reſerunt, id est *eius Moſi*; ut in ſeditionibus militariſus fieri concuſſus ſolet ad tabernaculum ſeu prætorium Imperatoris. Tacitus Annal. I. de Germanicarum legionum ſeditione adverſus Germanicum: *Concuſſusque ad ianuam ſaſſo*. Quem ſenſum firmari aiunt e vers. 13. Sed præſtat ſenſus Noſtri & aliorum, cuneos ſeditioſorum ante oſtia tabernaculorum privatorum, paſſim per caſtra factos.

V. 12. NUTRIX. אמן *omen*, participium maſculeum verbi אמן *aman*, *credidit, ſiſus eſt*. Aiunt idem eſſe quod ſidus, fidelis, curator, procurator, diſpenſator, œconomus, nutritius, cuius fidei, & curæ infans ſeu puer alterius commiſſus eſt, eum ut fideliter curet; cuius fideli adminiſtrationi officium aliquod conceſſum, & commendatum eſt: a fide ſcilicet, quæ in diſpenſatore poſitiſſimum ſpectari ſolet, atque requiritur. Quod & S. Paulus Apoſtolus ſignificare, & data quaſi opera hanc vocem

vocem Hebræam explicare voluit I. Corinth. iv. vers. 1. *Sic nos existimet homo ut ministros Christi, & dispensatores mysteriorum Dei: quod superest autem, illud requiritur in dispensatoribus, ut misericordia, id est fidei, fidelis aliquis reperiat, &c.* Hic omnes nutritum vertunt. Noster ut magis affectum, curamque nutritionis exprimeret, fecit enallagen generum, quod mulieres maiorem caritatem, & curam erga infantes gerant, quam viri.

V. 14. SUSTINERE OMNEM HUNC POPULUM. Hebr. *Levare, portare, omnem populum istum*. Quidam hic esse putant ellipsim nominis coniugati, redduntque: *Ferre onus totius populi huius: nam grave hoc est supra me: idque colligit e vers. 11. & 17. ubi vox onus exprimitur*. Sed maior auxefis loquendi est *ferre omnem populum*, quasi necdum onus, & curam eos regendi; sed totum ipsum populum veluti humeris meis, aut sinu impositum ferre debeam, tanquam nutritus, aut baiulus, ut vers. 12.

V. 15. NE TANTIS AFFICIAR MALIS. Hebr. *Et non video malum meum*. Hebræi aiunt Moysen scripsisse, *Et non video malum tuum*; sed scribas correxisset. *Non video malum meum*. Sed sunt ista mera nugamenta Iudæorum: quibus si delectaris, adito Galatinum Lib. I. de Arcanis Catholicæ veritatis cap. viii.

V. 16. SEPTUAGINTA VIROS. Longe ii diversi & numero, & munere ab illis de quibus Exod. xviii. vers. 21. ut ibi observavimus. QUOS TU NOSTI QUOD SENES POPULI SINT; id est, quos revera scis esse senes, & dignos qui præsent aliis; vel scis esse tales re & opere, quales nomine & vocatione sunt. A C MAGISTRI. שוטרים *schoterim*. De hac voce fuse differimus Exod. v. vers. 6. Variè hic reddunt, *Principes, præfetti, primates, moderatores*; sed proprie diximus esse *flatores, apparitores*.

V. 17. ET AUFERAM DE SPIRITU TUO. וצטלתי *veatzalti* variè interpretantur. I. *Et asservabo, præservabo, de spiritu qui super te*. II. *Et segregabo, seponam, &c.* III. *Et capiam, tollam, de spiritu, &c.* nempe de spiritu gratiæ ad administrandam rempublicam: non ut ideo minus haberet Moses; sed ut illi tantum haberent de spiritu Dei, quantum admensurus ipsis

erat Deus vocationis auctor, ut Mosi adiumento essent. IV. Quidam ex voce אצטלתי *atztil, cubitus, angulus, vel magnus, grandis, reddunt: Et angulabo, seu cubitabo, de spiritu, qui super te*; id est, quasi extendam, & producam in angulos, seu cubitos, de spiritu qui est in te, & ponam super ipsos septuaginta, ut quasi anguli, seu cubiti fulciant, & sustineant, & afferrent communem tuam curam. V. *Et grandibo, vel magnificabo de spiritu tuo, &c.* eodem fere sensu, extendam in maius, seu in plures, ut indicetur nulla imminutio aut detractio spiritus Moysi, sed extensio & diffusio in plures. Utuntur Hebræi factis apto exemplo, ut si ex lumine unius candelæ plures aliæ accendantur, priore nulla ex parte imminuta. De his septuaginta senioribus multa tradunt Hebræi, quibus nihil commovemur. Vide hic Explanatores, & scorsim Notas Druſii.

V. 20. IN NAUSEAM. לזרז *lezara* variè reddunt. I. *In dispersionem*; id est, ex naribus spargetis, & stabitis carnes devoratas; evometis eas per os, & per nares. Solent enim vomentes non solum per os, sed etiam per nares cibum indigestum emittere. II. *In abalienationem, fastidium, nauseam*. III. *In reiectamentum*, quod tamquam alienum fastidimus, aut cum fastidio eiicimus. IV. *Septuaginta, in choleram*. V. Nonnulli Hebræorum, *in gladium, in excidium*. VI. Chalæi Interpretes, *in offendiculum*: utrumque nimis alienum. זרז *zara* potest esse a *zarab, spargere, dispergere*; & a זור *zur, alienare*, quod est rectius.

V. 21. ET AIT MOYSES: SEXCENTA MILLIA PEDITUM, &c. Non hoc dixit Moyses ex diffidentia (cuius tamen nomine, altero in facto postea fuit reprehensus, & multatus a Deo, infra cap. xx. vers. 12. ut etiam Zacharias Lucæ i.) sed amplius cognoscendi studio: quamobrem huic studio succurrit sententia Domini, non quæ vindicaret, inquit S. Augustinus, sed quæ doceret consulentem; qua Deus non de verbis, ut homo, sed de cordibus, ut cordium cognitor, iudicat. Hebræorum quidam Moysen hic diffidentia peccasse autumant: alii, quos & nostri sequuntur, non de divina potentia dubitasse, sed hæsisse in modo, ac perquisisse, ut Virgo Deipara, *Quomodo*

modo fiet illud? Adito Explanatores.

Vers. 22. NUMQUID OVIVM ET BOVM, &c. Hebr. *Num gres & armentum iugulabitur eis, Et inveniet eis?* Quidam passive exponunt: *& invenietur eis?* id est, poteruntne certe tot greges & armenta inveniri, quæ eis satis esse possint? Alii notant *מַצָּה matza*, præsertim cum dativo constructum, significare interdum sufficientiam, copiam, facultatem, potentiam. Unde hic exponunt: *Et inveniet eis?* id est, & sufficiet, saturabit eis? Similem constructionem observant Iosue xvii. vers. 16. Iudic. xxi. vers. 14. Psalm. xx. vers. 9. Nonnulli reddunt: *Numquid oves & boves mactabuntur pro eis, ut conveniet pro eis?* id est, ut sufficiat eis, ut sit sufficientia illis?

V. 23. NUMQUID MANUS DOMINI INVALIDA EST? Hebr. *Num manus Domini abbreviabitur, decurtabitur?* Quidam: *An manus Iehovæ curta esset?* id est finita, minuitæ facultas, adeo ut non possit eoque perungere? His enim verbis Deus non redarguit Moïsem dissidentiam; sed ita visum est ei respondere, quia malebat Deus opere ipso potentiam suam demonstrare, & Moïsem humanæ infirmitatis conscium detinere in incerto, quam modum futuri facti (de quo citra necessitatem rogabat Moïses, & quod citra periculum nescire poterat) exponere.

V. 24. CONGREGANS SEPTUAGINTA VIROS, &c. Nonnulli reddunt: *Et congregavit septuaginta viros e senioribus populi, quos sedit circa tentorium conventus;* id est, iussit convenire, & se sedit; etiam si duo ex illis id non fecerint, vers. 26.

V. 25. PROPHETAVÉRUNT. Quidam exponunt, voluisse Deum præsentem hoc signo prophetandi, seu ventura prædicendi, vocationem istorum toti populo obsignare, atque testatam facere. Hebræi prophetare hic accipiunt pro, divino spiritu incitare, cantica & laudes Dei celebrare: ut I. Samuelis x. vers. 5. *Obvium habebis cætum prophetarum descendentium de Bamah, & ante eos erunt lira, tympanum, & tibia, & cithara, & ipsi prophetantes.* Ubi Chaldaei Interpretes: *Et ipsi laudes dicunt.* Et vers. 10. *Et requievit super eum spiritus Dei, & prophetavit in media eorum.* Ubi etiam Chaldaei: *Et laudes*

dicebat inter eos. Sic sumitur verbum prophetiæ I. Paralip. xv. vers. 22. Forsan haud inepte exposuerimus prophetabant; id est, divina quædam & exteriora signa ostendebant accepti divini spiritus, quasi Numine inflati, gestu, sermone, aliisque manifestis indicis divinum impulsu proderent. *NEC ULTRA CESSAVÉRUNT.* Verbum *יָסַפּוּ iasaphu*, proculdubio Chaldaus Interpres, & Nolter a *סוף suph*, *desinere, finire, cessare*, deduxerunt, quasi esset scriptum *יָסַפּוּ iasuphu*. Immo notant aliqui, quando verbum *iasaph* in fine sententiæ absolute ponitur, ut hic, tum significationem habere contrariam, sicut verbum *suph*, quemadmodum etiam Chaldaus reddidit verbo *פָּסְקִין paskin*, id est *cessaverunt, descenderunt*: vide Deuteronom. v. vers. 22. id est, numquam desit, aut cessavit divinus spiritus eis infusus; numquam eos deseruit, quamdiu populo præfuerunt. Alii ab *iasaph* derivant, redduntque: *Et non addiderunt, vel adiecerunt, scilicet prophetare.* Ita LXX. & Hebræi omnes, ac recentiores nostri; quasi dicat: *Tantum hoc die prophetarunt, & non amplius.* Unde quidam reddunt: *Fuitque cum resideret super eos spiritus ille, ut tum prophetarent, & non amplius:* ut indicet signum illud præfens prophetandi datum illis ad obsignandum tantum vocationem eorum in populo, ideo temporarium fuisse in eis prophetiæ donum, ut Sauli contigit I. Samuel. x. vers. 13. Et fortasse in verbo prophetandi posita est propterea formula Hithpahel, *יִתְנַבֵּהוּ iitnabehu*, & prophetare se fecerunt, ut indicaretur, impulsu magis quodam divino, & præter ordinem tunc tantum prophetasse.

V. 26. NAM ET IPSI DESCRIPTI FUÉRANT. Hebr. *Et ipsi in conscriptis, vel inter conscriptos erant;* id est, erant ex septuaginta illis senioribus electis, nominatis, descriptis, designatis a Moïse ad regendum populum. Romane diceremus: *Erant ex Patribus Conscriptis.* Mira hic comminiscuntur Hebræi de istorum LXX. seniorum per schedulas conscriptas electione: de quibus vide Lyanum, & Drusium.

V. 28. ELECTUS E PLURIBUS. Hebræa hæc omnia ferunt, *ex electis, vel iuvenibus eius;* aut *a iuventutibus suis.* Quidam exponunt: *Quem elegerat a iuventuti-*

tutibus eius; vel qui minister erat Moſis a iuvenute eius, vel ſua. כַּחֲרִי bachur ſignificat *electum ex aliis* ad munia publica gerenda, ſive domi, ſive militiæ. כַּחֲרִים bachurim, *electi*, ſeu iuvenes; כַּחֲרִים bechurim, *iuvenutus*: quod hic magis congruit.

V. 29. QUID, INQUIT, AEMULARIS PRO ME? Hunc verſum paulo obſcuriorem in Hebræo, apertius alii ita exprimunt: Cui dixit Moſes: *An invidet tu mea cauſa? atqui utinam totus populus Iſrahel eſſent prophetae, indente Iehovab ſpiritus ſuum illis.*

V. 31. VENTUS AUTEM EGREDIENS A DOMINO, id eſt miraculoſe excitatus a Deo. Fuit autem Euro-Auſter, ut dicitur Plalm. cxxvii. verſ. 26. & plane miraculoſus, cum coturnices aquilone potius, quam aſtro volent. Ariſtoteles Lib. VIII. de Hiſtoria Animalium, cap. xv. Coturnices aſtrum ſtantem moleſte ferunt, propterea quod minus habiles ſunt ad volandum: eſt quippe ventus & humidus, & gravis. Itaque aucupes captant ex aſtro venandi occaſionem. Nequeunt autem volare ob gravitatem: corpulente enim valde ſunt: idcirco cum clamore volant, quia laborant. Plinius Lib. X. cap. xxxiii. Coturnices aſtro non volant, humido ſcilicet, & graviore vento; aura tamen vehi volunt propter pondus corporum, viresque parvas: hinc volantium illa conqueſſio labore expreſſa. Aquilone ergo maxime volant, ortygetra duce. Vide in Sapient. xvi. verſ. 2. TRANS MARE. Hebr. De mari, proculdubio Rubro, ſeu a ſinu Arabico: nam inde ventus perſſabat. Iosephus Lib. III. cap. 1. Magna vis coturnicum, quod genus avium præ ceteris Arabicis ſinus alii, ſuperato interiacente mari longo vaſtatu feſſarum, qui aliquin etiam non eſt ſublimis, in Hebræos deſertur. Sed putò falſum tranſvolaviſſe eas totam latitudinem ſinus Arabici, cum ſint parvo volatu. Plinius Lib. X. cap. xxxiii. Coturnices (parva avis, & cum ad nos venit, terreſtris potius quam ſublimis) ad volant, & hæc ſimili modo non ſine periculo navigantium, cum appropinquare terris: quippe velis ſepe inſident, & hoc ſemper noſtu, merguntque navigia. Non ergo altum mare involant. VOLABANTQUE IN AERE DUOBUS CUBITIS ALTITUDINE SUPER TERRAM. Hebr. di-

hil de volatu dicitur, ſed tantum miſſas coturnices hinc & inde in circuitu caſtrorum tanto ſpatio terræ utrimque, quantum diurno itinere conſici poteſt, idque ad duos cubitos in ſuperficie terræ. Quod intelligi poteſt, coturnices mortuas, aut viyas ſine volatu iacuiſſe continuis acervis altitudine duorum cubitorum, quod eſt plane immenſum miraculum: & congruit hic ſenſus menſuræ, quam quiſque collegit: nam qui minimum collegit, contraxit decem coros, id eſt trecentos modios. ut verſ. ſeq. dicitur: erant autem pluſquam ſexcenta millia colligentium: ſic collegiſſe tantum per ſingulas domos. Noſter vero intellexit volatu demiſſas binis cubitis e terra; quarum volaturn terreſtrem potius quam ſublimem deſcribit Plinius. Et ſere intelligi ab utraque parte caſtrorum, longitudine, & latitudine occupaviſſe terram unius diei itinere.

V. 32. COTURNICUM multitudinem. Mirum, quod iis Deus Iſraelitas paverit tanta copia, de quibus Plinius Lib. X. cap. xxxiii. extremo: Coturnicibus veterari ſemengratiffimus cibus. quam ob cauſam eas damnare meſſe ſimulque comitalem propter mortuum deſpui ſueſe, quem ſole animalium ſentiunt præter hominem. His obſiſtunt recentiores medici: nunc plane in Europa eas menſarum eſſe delicias cernimus. Et siccauerunt eas per CYRUM caſtrorum. Hebr. Et expanderunt ſibi expandendo per circuitus caſtrorum. Quidam exponunt: Captas aviculas viyas expanderunt in ſcirpeis caveis per circuitum tabernaculorum, nutrientes eas in menſem donec maiorem partem devorarent. Alii: Et expanderunt eas expandendo; id eſt, compoſite expanderunt eas ſibi circa caſtra: nimirum ad ſiccandum, ut facilius a putredine conſervarentur.

V. 33. ADHUC CARNES ERANT IN DENTIBUS EORUM. Videlicet completo menſe integro, de quo verſ. 20.

V. 34. VOCATUSQUE EST ILLE LOCUS. Hebr. Et vocavit nomen loci illius. Vide ſupra verſ. 3. SEPULCRA CONCUPISCENTIÆ. הַמְּקוֹרֹת הַבְּחִיבִים battaavab. Hæc eſt tertiadecima ſtatio ſeu manſio filiorum Iſrahel proficiſcentium de AEGYPTO in terram promiſſam, Num. xxxiii. 16. erat in deſerto Pharan, ſupra cap. x. verſ. 12. VENERUNT IN

HA.

HASEROth. Hæc est quartadecima statio. Eusebius, & S. Hieronymus in locis Hebraicis: *Haseroth pars eremi, ubi Maria & Aaron contra Moysen locuti sunt. Habitaverunt autem quondam Hevæi in Haseroth usque ad urbem Gazam. Verum hæc loca non Haseroth, sed Haserim appellari Hebræi putant.* Ita quidem appellantur Deut. 11. vers. 23. Sed inter *Chatzeroth* & *Chatzirim* Hebræis in significato nullum est discrimen, sed in genere, quod illud sit femineum, hoc vero masculinum; fuisse autem in deserto Pharan, aut in confinio, certum est & Deuter. 1. vers. 1. & S. Hieronymus discrete affirmat epistolæ cxxvii in decima quarta mansione; significat autem חצרות *chatzeroth, atria, villas, prædia, cortes, aulas, caulas, curias, loca subsidia in quibus fenum, aut gramen crevit alendis pecoribus.* Unde sortasse nomen loci inditum; quod Scenitz, seu Nomades Arabes iis locis habitarent. Vide Genes. xxv. vers. 16. Quidam existimant esse Gazorum Palestinz urbem non procul a Livade, cuius meminit Ptolemæus Lib. V. cap. xvi. Vide in Deuter. 1. vers. 1. **ET MANSERUNT IBI.** Hebr. *Et fuerunt.* Plerique: *Et subsisterunt ibi.* Ex verbo: *Et fuerunt in Chatzeroth:* nimirum occasione historiz, quæ sequenti capite narratur.

MENOCHII.

Verf. 1. **Q**UASI DOLENTIUM PRO LABORE, fatigatione scilicet itineris, quia tres continuos dies cum parvulis, iumentis, & sarcinis ambulaverant. **IGNIS DOMINI,** a Domino profectus, vel ignis ingens, & vehemens, & terribilis: sic enim vocatur *Cedri Dei, Montes Dei,* id est cedri magnæ, montes excelsi. **DEVORAVIT EXTREMAM CASTRORUM PARTEM,** in qua verisimiliter erant Aegyptii, qui Israelitas ad hanc murmurationem incitaverant. Fortasse etiam aliqui, qui lassitudinem simulabant, in extrema hac acie igne absumpti fuerunt.

V. 2. ABSORPTUS EST IGNIS: vel simpliciter extinctus est; vel, quod vox *absorptus* indicare videtur, terra, unde præderat, absorptus est: & vocem Hebræam *ppw* Hebræorum aliqui docent si-

Bib. Sac. Tom. III.

gnificare in profundum deprimi, submergi.

V. 3. VOCAVITQUE NOMEN LOCI ILLIUS INCENSO, locus hic ab igne vocatus est *Incenso;* sed a præna gulæ vocatus est *Sepulchra concupiscentiæ,* ut patet num. 34. est enim hic unus & idem locus, uti & murmur. Fieri potest ut totus locus dictus sit *Sepulchra concupiscentiæ;* pars vero eiusdem loci, quæ igne conflagravit, *Incenso* appellata sit.

V. 4. VITICUS PROMISCUUM, Aegyptiorum, qui Hebræorum castra sequebantur. **FLAGRAVIT DESIDERIO,** carnum, & ceparum Aegypti: quamvis enim Hebræi suos greges secum ducerent, tamen promiscuum illud vulgus carnes in potestate non habebat; & alii etiam ovibus parcebant, ut eas in terram promissam adducerent, interim manna victitantes, ne earum numerum imminuerent. Cepas comedere Aegyptiorum aliquibus erat religio: nam ut ait Iuven. Sat. penult.

Torrum & cepe nefas violare, ac frangere morsu.

Sed non omnes hac superstitione tenebantur.

V. 5. GRATIS, vili pretio, & quasi nullo.

V. 6. ANIMA NOSTRA ARIDA EST: appetitus noster languet, nauseat, & quasi exarescit. Nam licet manna eos sapes exhiberet, optabant varietatem non tam in sapore quam in colore, exteriorique forma ciborum, ut simul cum ventre, oculos etiam, & manus explerent.

V. 7. COLORIS BDELI. Bdelium ex Plin. Lib. XII. ix. unguis colorem refert, estque candidum, & lucidum. De colore, & sapore manna vide dicta Exod. xvi. 31.

V. 10. MOYSI INTOLERANDA RES VISA EST: quod scilicet omnis populus ulularet, & carnes posceret.

V. 12. PORTA EOS IN SINU TUO: magna enim charitate suos fovere Principes debent.

V. 15. INTERFICIAS ME: peto ut mori liceat. Levis aut nulla pusillanimitatis culpa: itaque non reprehendit illum Dominus, sed consolatur.

V. 16. CONGREGA MIHI SEPTUAGINTA VIROS. Constituitur prius, Iethro suggerente Exod. xviii. decanos, & tribunos, qui lites deciderent; sed adhuc erat provocatio ad Moysen, qui etiam quæ

L

ad

ad Dei cultum spectabant, procurabat, & maiores etiam causæ ad ipsum deferrebantur. Constituit ergo Deus hos septuaginta, qui hæc tria æque ut Moyses præstarent, ideoque eos æque ac Moyses spiritu prophetico insignivit, ut familiariter Deum confulerent in dubiis, & ab eo edocerentur. QVOS TU NOSTI QUOD SENES POPULI SINT, non tam ætate, quam prudentia, & moribus.

V. 17. DESCENDAM, inclinando columnam nubis, in qua ago quasi dux vester. AUFERAM DE SPIRITU TUO, recipiam. Chaldaus: *Augebo de spiritu, qui est super te, & ponam super eos.* DE SPIRITU, prophetico, ut colligitur ex num. 25. quo & populum regere scias, & dubia explicare, & occulta cognoscere, & futura prævidere, & Dei laudes eodem spiritu distante exequi.

V. 18. SANCTIFICAMINI, parate vos: nam *Sanctificari* in sacris Litteris nonnumquam simpliciter significat *comparare se*. Ita explicant Lyran. & Abulen. Chal. etiam vertit: *Preparate vos.*

V. 20. MENSEM DIERUM, mensem integrum, seu omnibus diebus mensis. EXEAT PER NARES. Statim explicat cum ait: ET VERTATUR IN NAVSEAM.

V. 21. SEXCENTA MILLIA PEDITUM, scilicet armatorum Hebræorum: nam feminarum, puerorum, servorum, & Aegyptiorum numerus facile exercebat ad trigentes centena millia.

V. 23. MANUS, potestas.

V. 25. PROPHETAVERUNT. Divino instinctu in divinas laudes eruperunt: sic Saul dicitur prophetaſſe, cum quasi enthufiasmo actus, Dei laudes cecinit. I. Reg. x. NEC ULTRA CESSAVERUNT: nec eos alius spiritus ille propheticus, quem ad populi regimen acceperant, destituit.

V. 26. REMANSERANT, ex humilitate, dum se honore indignos arbitrantur. Ita Hieronymus epistola cxxvii.

V. 27. ELDADE ET MADAD PROPHETANT IN CASTRIS. Alii sexaginta octo prophetabant præſente Moſe in tabernaculo, & Moſi quaſi coniuncti, & ſubiecti; duo vero illi, abſente, & inſcio Moſe. Itaque veritus Iſue ne hoc Moſis

auctoritatem imminueret, per Moſen prohibere conatur.

V. 28. ELECTUS E PLURIBUS, intimus, maxime familiaris. In Hebræo est, *ex electis eius*, iuvenibus, ac miniſtris, ac inter eos lectiſſimus, & cariſſimus.

V. 30. REVERSUS IN CASTRA, ex tabernaculo ad circumiacentia caſtra.

V. 31. EGREDIENS A DOMINO, præter naturæ ordinem a Deo miſſus. TRANS MARE, Rubrum. COTURNICES. Dantur ſecundo coturnices, nam primo datæ fuerant Exod. xvi. 13. LXX. habent *ortygometræ*. Illud pareton *μάρπα* adiungitur quibuſdam animalibus, quæ in ſuo genere grandiora ſunt; ſic Echinometra eſt Echinus grandior, & ſpinofior: de quo Plin. Lib. IX. cap. xxi. Itaque *ortygometra* eſt grandior coturnix, quæ dux coturnicum dicitur. DEMISIT IN CASTRA: decidere fecit in caſtra circumcirca per tantum ſpatii quantum uno die confici ſolet.

V. 32. QUIPARUM, DECEM COROS. Corus continebat triginta modios. Demus in quolibet modio fuiſſe tantum viginti coturnices, perinde ac modius continet viginti libras frumenti: hinc ſequitur quod quilibet colligans triginta modios, collegerit ſex millia coturnicum, & conſequenter quod unus hominum millio collegerit ſex millia milliones; ac proinde totus populus, qui tres capitum milliones explebat, collegerit duodeviginti millia millionum coturnicum. SICCAVERUNT EAS, ne putreſcerent, ſed in ſequentes dies ſervari poſſent.

V. 33. ADHUC ESCAE ERANT IN DENTIBUS EORUM, expleto tamen menſe quo carnis coturnicum ſaturati ſunt, ut promiſerat Dominus num. 20. PLAGA MAGNA, ignis, qui deinde precibus Moſis repreſſus, & abſorptus eſt, ut dictum eſt num. 3.

V. 34. IN HASEROTH. Hæc eſt quartadecima manſio.

T I R I N I.

Verſ. 4. **V**ULGUS PROMISCUUM, ſcilicet Aegyptii, & ſi qui forte aliarum nationum alii, qui Iſraelitis ex AEGYPTO recedentibus ſe coniunxerant, Exod. xii. verſ. 38. Hi, inquam, huius

huius murmurationis auctores, & incendiosos fuisse. Et erant hi in extrema castrorum parte, ut fere vulgus solet; unde mirum non est, *ignem Domini*, id est ignem maximum, a Deo de repente excitatum, extremam potius castrorum partem, utpote in qua murmuratores isti resistebant, quam aliam quamvis partem corripuisse.

V. 14. NON POSSUM SOLUS SUSTINERE. Quomodo queri poterat Moyses se solum sustinere totum pondus, cum iam ante a consilio Iethro Exod. XVIII. iunctos sibi haberet tot millenarios, centenarios, quinquagenarios, decanos, iudeos, qui eum sublevabant, & minores causas iudicabant? Respondeo: Omnes illi solum in civili administratione, ac forensibus negotiis Moysen iuvabant; sed curam spiritualium solus ipse sustinebat, ut erat Deum consulere, legis difficultates explanare, populum docere & instruere, &c. Et defectui instructionis populi videtur hic Moyses adscribere hanc populi murmurationem, & carnium expostulationem. Cui proinde, uti iussit, Moyses querelæ obsecutus Deus dispersit onus illius in septuaginta seniores, quos eodem spiritu prophetico instruxit, quo Moyses instructus erat, ut exemplo Moysis populum ipsi quoque instruerent, & occurrentes difficultates parim sua prudentia, parim recursum ad Deum componere studeant. Unde non alia ratione dicit hic Deus, *Auferam de spiritu tuo, tradamque eis*, quam sicut ab una candela lumen auferitur quo plures alie candelæ accenduntur, nihil tamen luminis priori candelæ detrahendo. Ita Origenes, Augustinus, Theodoretus &c. Addit Lyranus, Moysen etiam morali influxu, licet imperfecto, nempe per desiderium ac preces suas, ad huius spiritus in alios effusionem concurrere.

Petes primo, qualis fuerit hæc prophetia horum septuaginta. Respondeo, mixtam fuisse ex proprie, & stricte sumpta prophetia, qua futura, & occulta panduntur; & latius, atque improprie sumpta, qua qui divinas laudes canunt, vel Scripturas interpretantur, vel divina mysteria exponunt, prophetare dicuntur. Et quidem de Eldad, & Medad, qui ex humilitate se subduxerant, neque ad taber-

na culum cum reliquis a Moysse designatis accurrerant, nonnulli Hebræi tradunt, prophetasse de Moysis morte, & Iosue in principatum successione. Similia habes in Thargo Ierosolymitano c. Et hanc dicunt rationem fuisse cur Iosue a Moysse petierit duos istos præ ceteris prohiberi. Quamvis alii velint, id Iosue ex metu petiisse, ne Moysis auctoritati ex horum duorum prophetatione aliquid decideret, eo quod illi non ad Moysis præsentiam & præsentationem, ac sorte etiam deprecationem, ut ceteri, apud tabernaculum accepissent spiritum propheticum, sed quasi independentem a Moysse, cui illum acceptum ferre non deberent.

Petes secundo, an hic spiritus in omnibus illis continuo permanferit. Respondeo: Ita noster Interpres affirmat vers. 25. & Oleaster, & Furstlerus, & Tigurini, & Chald. sed LXX. Interpretes cum Caietano, & Vatablo, ibidem versione plane contraria dicunt, illos quidem eo die prophetasse, at postea desisse prophetare. Sed utramque versionem (quam utramque fert verbum Hebræum *qô' iasaph*) commode conciliabis, si dicas non cessasse umquam in eis spiritum prophetiæ in actu primo, & etiam quoad ordinarios actus secundos, quibus ad iudicandum, & instruendum populum divinis illustrationibus sæpe indigebant; cessasset tamen quoad actus illos extraordinarios, & insolentem prophetandi modum, quo prima illa die correpti fuerunt, ut quasi entheati, & alieno potius quam proprio spiritu acti, mira stupendaque proderent; ut Sauli post (I. Reg. x. & XIX.) & aliis pluribus accidit.

Nota, hos septuaginta seniores non solum separatim, necessitate lic exigente, ut iam dixi, populum docuisse, ac iudicasse; sed etiam communi subinde consilio res maioris momenti definiisse, & vice Moysis difficultates dissolvisse, tamquam supremum quoddam Iudaicæ monarchiæ concilium ac senatum, a quo nulla deinceps esset appellatio. Unde Sanedrim Iudæorum exordium sumplit.

V. 31. COTURNICES. Septuaginta, & Liber Sapientiæ, XVI. 19. habent *Ortygometram* (*ορτυγομετράν*) quam Hesychius vocat *coturnicem maximam*: Galli, & Itali, *regem*, vel *matrem coturnicum*: hæc enim reliquis

liquis coturnicibus dux esse solet cum ad calidiores agminatin: devolant regiones, teste Aristotele, Solino, Plinio, & aliis d. Verum, quia dux & imperator numquam est sine exercitu, hinc septuaginta, & alii cum dicunt delatam in castra ortygometram, innuunt etiam aliarum coturnicum ingentes copias eodem delatas fuisse. Certe ducentes hominum myriadibus, quot erant tunc temporis in castris, toto mense alendis, opus fuit innumeris coturnicum myriadibus. Unde merito David, ad hanc ipsam co: iam indicandam ait (Psalm. LXXVII. 27.) *Pluit super eos sicut pulverem carnes, & sicut arenam maris volatilia pennata*. Sed immensæ copię miraculum augebat etiam ipsa qualitas & præstantia horum volatiliū: nam coturnices ludæis in deliciis fuisse, testis est Philo; & Athenæus inier lautiora mensæ fercula recenset; Aristoteles e perdicibus eas comparat; & nostri sæculi mores idem probant.

(a) Orig. hom. vi. in Num. Aug. quæst. xviii. in Numer. Theod. etiam quæst. xviii.

(b) Ita Hieron. epist. cxxvii. Strabo, Caietanus, Abulenſis, Lyranus, Sa, Bonſter.

(c) Apud Serazium in Libr. I. Iosue cap. vii. quæst. iv.

(d) Arist. Lib. VIII. Hist. anim. cap. xxi. Solin. cap. xxi. Plin. Lib. X. cap. xxi.

(e) Philo Lib. I. de Vita Moyſi. Athen. Lib. IX. Dipsoph. Arist. sup.

GORDONI.

Verſ. 1. **C**ONTRA DOMINUM. Hebr. *in auribus Domini*.

V. 4. & 5. Locus ab igne, & prena murmurantium, vocatur *Incenso*; & ideū locus ex gula, dictus est *Sepulcra concupiscentiæ*. Habebant quidem Hebræi pecora aliqua, sed pauca, & quæ nullo modo sufficerent tot hominum millibus, ut hic vers. 22. Item illæ abiectionum hominum, & murmurantium colluvies, nulla habebant pecora.

V. 7. Bdellium est in Arabia, gummi translucidigenum ex arbore exundans. Vide Genes. cap. 11. vers. 12. de Manna, Exod. cap. xvi.

V. 16. Constituti quidem sunt iudices, seu decani Exod. xvii. sed ab his patebat recursus, & appellatio ad Moſen, ut minus adhuc operis incumbat Moſi, eliguntur septuaginta iudices: quod

servatum est etiam in terra promissionis; ubi septuaginta aderant Pontifici, suo consilio: & Græce *oviseim* est. Qui hic constituti sunt, æque ac Moſes de negotiis statuebant: unde etiam propheticum accipiunt hic spiritum. Non cessarunt autem prophetare; hoc est, statis temporibus prophetabant deinceps. At in terra Chanaan carebant hoc spiritu, & consilio tantum aderant summo Pontifici, qui suprema potestate præsidebat, Deutor. xlii. vers. 9.

V. 17. & 25. AUFERAM DE SPIRITU TUO. Non est hic quasi materialis partitio spiritus, aut virtutis personalis divisiō; sed quia hi septuaginta habebant spiritum similem, & qualem habet Moſes: fere, inquit aliqui, ut cum una candela accenditur ab alia. Sed Deus donorum, & spiritus auctor est; & qualem habet unus, talem dat quibus vult.

V. 20. USQUE AD MENSEM DIERUM; hoc est, ad menſem integrum dabitur vobis copia, & tanta ut evmatis. *Mensis dierum*, idiotismus Hebraicus: seu qui est xxx. dierum: alius est cavus.

V. 21. SEXCENTA MILLIA. Non dubitat Moſes, sed admiratur Dei potentiam, & magnitudinem: cui Deus: Ne sis sollicitus, videbis quem ostendis te ignorare.

V. 24. CONGREGANS SEPTUAGINTA. Deerant quidem duo ex toto hoc numero, ut patet hic ex vers. 26. sed, ut sæpe notatum est, Scriptura solet non raro uti numero magno, omiſſa fractione modica.

V. 25. NEC ULTRA CESSAVERUNT: prophetaverunt, & non cessaverunt eo die loqui mysteria. Vox *עד* iaphu. Pag. Et non addiderunt, scilicet post diem illam.

V. 31. Quo vento, ex quo mari, & ex qua parte transmarina sint arreptæ coturnices, parum refert. Coturnicem Græci *ορνις* vocant. Septuag. Hebræam vocem *שׁוֹשַׁלִּים* solent vertere *ορνιθων*. Ingens vero copia declaratur, quando undique circa castra erant hæ aves ad iter unius diei, ut explicat textus Hebr.

V. 33. NEC DEFECERAT: non defecerat esse sub dentibus. Hebr. *Nondum concisus*, vel *antequam esset concisus*.

EX EIUDEM AUCTARIO.

V. 6. ANIMA NOSTRA ARIDA EST. Quamvis manna daret saporem cibi quem quisque optabat; adhuc carnalis populus res ipsas quibus carebat, externamque earum speciem optabat.

V. 7. De manna, eiusque colore vide Exod. xvi. 31.

V. 18. SANCTIFICAMINI: estote parati.

V. 21. SEXCENTA MILLIA. Hic numerus armatorum; reliqua multitudo longe maior erat. Et quid si ad trigices centena millia?

V. 32. QUI PARUM. Ingens ergo collectus est coturnicum numerus, si numerus populi attingebat tres milliones.

V. 33. Hæc plaga accidit exacto mense post immisos coturnices, ut vides ex vers. 19. & 20. Est vero plaga ignis, quam descripsit initio cap. vers. 3.



C A P U T XII.

Aaron & Maria in mitissimum Moysen murmurant, apud quos Deus Moysen laudat a familiaritate erga Dominum: Maria lepra percussa, & septem diebus a populo separata, sanitati restituitur.



Locutaque est Maria & Aaron contra Moysen propter uxorem eius Aethiopissam, 2. & dixerunt: Num per solum Moysen locutus est Dominus? nonne & nobis similiter est locutus? * Quod cum audisset Dominus (3. erat enim Moyses vir mitissimus super omnes homines qui morabantur in terra) 4. statim locutus est ad eum, & ad Aaron & Mariam: Egredimini vos tantum tres ad tabernaculum fœderis. Cumque fuissent egressi, 5. descendit Dominus in columna nubis, & stetit in introitu tabernaculi vocans Aaron & Mariam. Qui cum iissent, 6. dixit ad eos: Audite sermones meos: Si quis fuerit inter vos propheta Domini, in visione apparebo ei, vel per somnium loquar ad illum. 7. At non talis servus meus Moyses, (a) qui in omni domo mea fidelissimus est: 8. (b) ore enim ad os loquor ei: & palam, & non per ænigmata & figuras Dominum videt. Quare ergo non timuistis detrahere servo meo Moyli? 9. Iratusque contra eos, abiit: 10. nubes quoque recessit quæ erat super tabernaculum: & ecce Maria apparuit (c) candens lepra quasi nix. Cumque respexisset eam Aaron, & vidisset perfusam lepra, 11. ait ad Moysen: Obsecro, Domine mi, ne imponas nobis hoc peccatum quod stulte commisimus, 12. ne fiat hæc quasi mortua, & ut abortivum quod projicitur de vulva matris suæ: ecce iam medium carnis eius devoratum est a lepra. 13. Clamavitque Moyses ad Dominum, dicens: Deus, obsecro, sana eam. 14. Cui respondit Dominus: Si pater eius spuisset in faciem illius, nonne debuerat saltem septem diebus rubore suffundi? Separetur septem diebus extra castra, & postea revocabitur. 15. Exclusa est itaque Maria extra castra septem diebus: & populus non est motus de loco illo, donec revocata est Maria.

(a) Hebr. 111. 2. (b) Exod. xxxiii. 11. (c) Deuter. xxiv. 9.

ROMANA CORRECTIO.

V. 2. *Quod cum audisset Dominus. Sequitur in plerisque libris iratus est, quod redundare necito. censuerunt Correctores, perficiendamque sententiam. esse illis verbis quarti*

versus statim locutus est ad eum, inclusis parenthesi verbis intermediis, Erat enim Moyser, &c. Certe. etiam libri nostri antiqui omittunt Dominus, quod. alii addunt verbo. locutus est.

C O M M E N T A R I A.

S A.

Vers. 1. **A**ETHIOPISSAM. Madian. vicina erat Aethiopia orientali. Vel: quasi dicat, nigram. August. in Num. quæst. xx. ait Madianitas dictos etiam Aethiopes, ut patet II. Par. xiv. Nota, quod. indigne ferebant duxisse alienigenam.

V. 2. **P**ER SOLOMOYSEN, &c. quasi dicat: Num solus Moyses propheta?

V. 3. **E**RAT ENIM. Hebr. *Erat autem*; quasi dicat: Moyses etsi resciat, tamen tacebat, ut qui esset mansuetissimus.

V. 4. **T**ABERNACULUM, scilicet ostium atrii: sic etiam infra.

V. 6. **V**ISIONE, scilicet ecstasi.

V. 7. **D**OMO, scilicet populo.

V. 8. **O**RE ENIM AD OS, id est familiariter. **P**ALAM, id est clare. Hebr. *in visione*. LXX. *in specie*; quasi dicat: Multo clarius quam ceteri. **A**ENIGMATA; quasi dicat, obscure.

V. 9. **A**BIIIT, scilicet Angelus per quem Deus loquebatur.

V. 10. **T**ABERNACULUM, id est ostium tabernaculi.

V. 11. **I**MPOSAS, &c: id est, imputes in peccatum; quasi dicat, Ignosce.

V. 14. **S**PUISSET, quasi dicat: Quanto magis, cum ego lepra velut sputo perfuderim. **R**UBORE SUFFUNDI; quasi dicat: Præ rubore non comparere.

E T S I I.

Vers. 1. **P**ROPTER UXOREM EIU AETHIOPISSAM. Nonnulli voluerunt Moysem duas habuisse

uxores, unam Sephoram filiam Raguelis, & hanc Aethiopiissam, quam Tharbam filiam regis Aethiopum cognominant. Sed verisimilius est, eandem Sephoram hic Aethiopiissam vocari, secundum ea quæ diximus de duplici Aethiopia, quando egi-mus de Paradiso Genes. 11.

V. 8. **O**RE ENIM AD OS LOQUOR: EI: ET PALAM, ET NON PER AENIGMATA ET FIGURAS DOMINUM VIDET. Significat Dominus se loqui cum Moyse audibili voce; sicut loquitur homo cum proximo suo; immo & se ab eo videri in corporali specie, scilicet per angelicum ministerium: quæ species, ut admodum verisimile est, erat humana Christi: venturi imago. Itaque non per ænigmata, id est non per obscura signa, ut Vatablus interpretatur, sed ore, ut diximus, ad os. Neque tamen negat hic locus, Deum etiam aliis quibuscumque aliquando sic visum fuisse, & collocutum, ut Abraham sub quercu Mambre, Jacob luctanti cum Angelo, Manue Patri Samsonis videnti Angelum Dei, & aliis; sed ab aliis tantum remouet id quod Moyse tribuit, scilicet ordinarie sic Deum videre, & cum eo colloqui.

M A R I A N A E.

Vers. 1. **L**OCUTAQUE EST MARIA ET AARON. In Hebraico verbum etiam est feminini generis, nam in ea lingua verbum sequitur genus dictionis, quæ illi proxime iungitur; sed & indicatur Mariæ noxam maiorem fuisse, quando illa sola percutitur lepra: & forte a muliebri iurgio inter Mariam & Moysem.

tis uxorem cepit murmur. PROPTER UXOREM EIVS AETHIOPISSAM. In Hebr. additur, *Quia duxerat eam*. Hæc fuit Sephora Madianitis; sed vocatur *Aethiopissa* ab Aethiopia, quam in Asia tum divinæ Litteræ ponunt, tum Auctores profani. Chald. pro *Aethiopissa* ponit *pulchram*.

V. 4. STATIM LOCUTUS EST AD EUM. *סנה* *pitbom* est subito, quod non cogitamus: deducitur a *נס* *perhi*, hoc est simplex, aut parvulus, quoniam tales solent festinare.

V. 9. ABIIIT: Scilicet Deus discessit a columna unde erat locutus.

V. 12. ECCE IAM MEDIUM CARNIS EIVS DEVORATUM EST A LEPRO. In Hebraico neque est *ecce*, neque a *lepra*, & potest referri ad abortivum, quod de ventre mortuum & semicorruptum prodit: sic enim habet: *Ne obsecro sit sicut mortuus, qui in egressu de vulva matris suæ, & devoratum est dimidium carnis suæ*.

M A L V E N D A E.

Vers. 1. LOCUTAQUE EST MARIA ET AARON. Cohæret hæc narratio cum præcedenti capite; ac si dicat: Cum essent in Haseeroth, locuta est Maria. Notant præponi hic Mariam Aaroni, quia peccati auctor fuit, ideo in illam animadversum est, infra vers. 10. PROPTER UXOREM EIVS. Hebr. *Super causis*, vel *occasionibus uxoris Aethiopissæ*. Multa hic differunt interpretes de causis & occasionibus oblocutionis Mariæ, & Aaron adversus Moſen: sed nonnulli ita simpliciter exponunt, id est hoc argumentum potissimum utebantur, ut Moſen prophetam non esse tantum confirmarent quanti habebatur, eo quod uxorem duxisset alienigenam. Atque hanc interpretationem verba ipsa sacri contextus satis confirmant: Et oblocuta est Miriam & Aaron in Moſen propter uxorem Aethiopissam quam accepit. Et dixerunt: Num solummodo equidem per Moſen locutus est Iehovah? nonne etiam per nos locutus est? ac si dicat: Nihil est quod præ nobis æstimandum sit Moſen in munere prophetiæ, nam & alienigenam uxorem duxit, quod maxime dedecet prophetam Dei: nec nos

minus prophetæ sumus quam ille, cum per nos etiam locutus sit Deus, ut per illum. AETHIOPISSAM. Plerique Tzipporam Madianitidem intelligunt: vocari autem Madianitas Chufitas, seu Aethiopes, non quod ex Chus progeniti essent, sed quia obtinebant partem regionis Chus, Genes. x. vers. 7. & Genes. xxv. vers. 2. Equidem plerique existimant Arabiam, & regiones illas quæ inter utrumque sinum Arabicum & Persicum interiacent, ac præsertim terram Madian, appellari interdum in Scriptura Chus, seu Aethiopiam: de quare fusc egimus in Paradiso cap. xxxvii. & xxxviii. & in Antichristo Lib. VI. cap. xvi. Nec satis id approbavimus in postremo nostro iudicio. Atqui hic uxorem Moſis Aethiopissam, non Sephoram, aut Tzipporam Madianitidem, sed Tharhim filiam regis Aethiopum sub Aegypto, quam Moſem uxorem duxisse, auctores sunt Iosephus, Cedrenus, Zonaras, & plures alii, intelligendam esse, non multum a verisimilitudine alienum existimavimus in Paradiso, cap. xxxvii. & Lib. VI. de Antichristo cap. xviii. posterioris editionis. Vide quæ illis locis abunde de hac controversia disseruimus.

V. 3. VIR MITISSIMUS. *נך* *ghanau* communiter exponunt *mansuetus*, *mitis*, *modestus*, *submissus*, *demissus*, *humilis*; quasi dicat: Oblocutio Mariæ, & Aaron non latebat Moſen; verum ipse tacebat, quod esset vir mitissimus qui nulla re offenderetur. Hanc iniuriam ab illis modeste ferebat, ut erat iniuriarum patientissimus, & humilitate summa; neque de sua auctoritate cum ullo concertabat, vel Deum vindicem appellabat. Quidam reddunt: *Et vir Moſes humanus valde*. Alii vocem *ghanau* non diltrahunt a genuina & primaria significatione verbi *נך* *ghanau*: convertuntque: *Et vir ille Moſes afflicus, oppressus, humiliatus vehebementer*; id est, solus ille portavit onus totius populi.

V. 7. FIDELISSIMUS EST. *ידין* *ne-eman* omnia ista complectitur *fidus*, *fidelis*, *curator*, *procurator*, *dispensator*, *æconomus*. Sic dictus a fidelitate. quæ in æconomio & dispensatore potissimum spectari solet. Vide supra cap. 11. vers. 12. Sic hunc locum accepisse videtur Paulus Hebræorum 111. sub initium.

V. 8. ET PALAM. Hebr. *Et visio*, vel *visione*, vel *in visione*, seu *in visionem*. Nominativus magis accedit Hebraicis, & maiorem emphasim habet; quasi dicat: Visio hic intercedit, quanta fieri potest evidenter adest. Quidam paraphrastice reddunt: *Adeo ut speciem*, &c. PER AENIGMATA. חִידוֹת *chidot* proprie *acumina*, acute & argute dicta, *enigmata*, *problemata*, obscure dicta, quæ requirunt acumen ingenii cum ad eorum compositionem, tum ad intelligentiam & declarationem. Aliqui חִידוֹת *chidot* conferunt cum חִידָה *ichid*, unicus, singularis, quod *chidab* sit oratio, quæ singularem sententiam continet. Partem illam huius versus, quam Noster ita reddidit, *Et palam*, & non per *enigmata*, & figurarum Dominum videt, diversimode ex Hebræo reddunt quidam sensui Nostri contentaneæ, in hunc modum: *Atque in visione*, & non per *enigmata*, neque per similitudinem *Leborab* aspiciet. II. *Et visione*, sed non in *enigmatibus*, & simulacro intuetur Dominum. III. *Et visionem*, & non in *enigmatibus*, & similitudine Domini aspiciet. Iuxta quas interpretationes duo posteriora membra, *enigmata*, & similitudo, opponuntur priori membro *visioni*; & in tertio membro negationem secundi subaudiunt, neque in similitudine, aut neque similitudinem. Alii vero ultimum membrum similitudinem seu figuram, non cum medio *enigmatibus*, sed cum primo *visione*, coniungunt sensu affirmante, faciuntque illi synonymum, vertuntque: *Et visionem*, & non in *enigmatibus*; & ideam Domini contemplantur. Et quidem aliqui existimant verba Hebraice traiecta, & inversa, quæ ita ordinant: *Adeo ut speciem similitudinemque Leboræ intueatur, ac non per enigmata*. Speciem & similitudinem, seu imaginem Domini, intelligi volunt aliquam puta singularem, & aliquatenus, ut describit Moyses Exod. xxxiii. & xxxiv. quæ videlicet communicaverit Moyses cum Deo quam familiarissime, Deuter. xxxiv. vers. 10. Vide quæ de hac visibili & aspectabili Dei forma, imagine, specie annotavimus Exod. xxxii. vers. 18. 20. 23. & Exod. xxxiv. vers. 5. Illud vero, *Et non per enigmata*, ita exponunt: Id est, non itidem umbraculis obductis cum Deo communicat quæ aliis Israelitis sunt opus, prout se illis dicitur retexisse Deus, sed quam maxima fieri potest evi-

dentia. Videbant illi nubem, splendorem, ignem, tonitrua, vocem Domini audiebant; at speciem & imaginem aspectabilem Dei non videbant, uti Moyses. DETRAHERE SERVO MEO MOYSI? Hebr. *Obloqui in servo meo*, in *Mosch*? Emphasis cum gradatione; quasi dicat, in servo meo: & quod maius est, in tali servo qualis Moyses, quo non præstantior alter.

V. 11. NE IMPONAS NOBIS HOC PECCATUM, &c. Heb. quidam reddunt: *Ne obrudas nobis peccatum hoc*, quod imprudenter ausi sumus, & quod commisimus; id est, ne imputes nobis hoc in peccatum, quia stulte egimus, & peccavimus. Ac si dicat: Fateor nos peccasse, ideo ignore nobis. Alii: *Ne, queso, imponas nobis peccati penam*, quo stulte egimus, & quo peccavimus; id est, ne imponi sinas, sed deprecare illam. QUOD STULTE COMMISIMUS. Hebr. sunt duo verba, quod stulti facti sumus, & quod peccavimus. Prius verbum חָמַל *chal*, varie potest reddi. I. quod ausi fuimus, aggressi fuimus, attentavimus. II. quod volumus. III. quod incipimus. IV. quod paravimus. V. quod resolvimus. VI. quod dissolvi sumus. Vide Genes. xxxviii. vers. 27.

V. 12. QUASI MORTUA. Hebr. *Sicut mortuus*; id est, sicut fetus putrescens in utero; sicut abortivum, quod cum eicitur ex utero, iam fere eius caro corrupta, & consumpta magna ex parte est.

V. 14. CUI RESPONDIT DOMINUS: nempe cum iam annueret petitioni Moysi. SALTEM SEPTEM DIEBUS; id est, si pater terrenus aliquid gravis in eam iræ signum edidisset, puderet eam saltem septem dies redire in conspectum eius; quanto igitur magis eam pudere debet in his calstris versari hac plaga affectam, in quibus ego gravissime ab ea offensus habito? Secluditur igitur, &c. Vide Levit. xiv. vers. 8. SEPARATUR SEPTEM DIEBUS: quod iustum est, legitimumque purificationis tempus. Vide quæ annotavimus supra cap. vi. vers. 9. Sic infra cap. xxxi. vers. 19. ET POSTEA REVOCABITUR. Hebr. *Colligetur*, aggregabitur; id est, liberata a lepra, postea in cæcum recipitur.

M E N O C H I I.

Verf. 1. **P**ROPTER UXOREM EIUS AETHIOPISSAM: Sephoram Madianitidem, quæ fortasse, quod uxor esset Moyfis, præferebat se Mariæ, quod hæc animo æquo ferre non poterat. In hoc tamen murmure præcipue peccasse videtur Maria, quæ Aaron contra Moysen concitavit, quæ etiam lepra percussa est.

V. 2. NUN PER SOLUM MOYSEN LOCUTUS EST DOMINUS? quasi dicat: Num solus Moyses propheta? ERAT ENIM MOYSES VIR MITISSIMUS. Mirissimum Moyses iniuriam non ulciscitur, ideo illius patrocinium suscipit Deus. Scripsit hanc de se laudem Moyses, quia calamus Spiritus sancti ad hoc scribendum impellens.

V. 6. IN VISIONE, id est in imaginaria, vel intellectuall repæsentatione, & raptu.

V. 7. IN OMNI DOMO MEA, in toto cætu Israël.

V. 8. ORE ENIM AD OS, &c. eomodo qui habetur Exod. xxxiv. 6. Vide dicta Exod. cap. xxxiii.

V. 10. NUBES RECESSIT, non procedendo, & præeundo, sed ascendendo supra tabernaculum.

V. 11. IMPONAS NOBIS, imputes.

V. 12. QUASI MORTUA, lepra carnes illius excedente; vel mortua morte civili ob separationem leproforum a cætu aliorum,

V. 14. SPUISSET; quasi dicat: Quanto magis cum ego eam lepra quasi sputo perfuderim. SEPTEM DIEBUS. Iis elapsis a Deo curata est, & revocata. In eius autem revocatione observatæ non sunt cæremonie, & expiationes leprosis præscriptæ Levit. xiv. nam ipsa Dei sanatio per miraculum, & revocatio erat sufficiens lustratio, & expiatio.

T I R I N I.

Verf. 1. **P**ROPTER UXOREM EIUS AETHIOPISSAM, quæ erat Sephora Madianitis filia Iethro. Pro quo nota, duplicem esse Aethiopiam: *Bib. Sac. Tom. III.*

Occidentalem unam in Africa remotius ultra Aegyptum porrectam, zonæque torridæ subiectam: cui nunc imperat Presto Ioannes. Alteram Orientalem, quæ alias Arabia dicitur: certe Arabiæ pars est, complectiturque Madianitas, aliosque populos qui ad Arabicum sinum vergunt versus Austrum. Ita Herodotus, Plinius, S. Augustinus, Theodoretus, & alii. Et ex hoc capite vocatur Sephora Aethiopissa, quia Madianitis. AEmula hæcerat, & exola Mariæ forori Moyfis: quam vero ob rem incertum. An forte quia uxor erat Moyfis principis omnium supremi, voluit præferri Mariæ, quæ non nisi foror erat? Ita censet Abulensis. An, ut Theodoretus, quod deformis esset? An denique, ut alii, quod alienigena esset? ac proinde convenire indicarent tam Aaron quam Maria, ut a toro principis abesset quæ vel forma, vel natalibus suis tam sublimi officio ac dignitati mariti non parum detraheret? Moyse vero hæc, & similia illis urgentibus, forsân & exprobrantibus, mansuete respondente, se salva conscientia non posse sine iustiore causa illam dimittere, certoque sibi ex Dei revelatione constare, id nequaquam licere: verosimile est, illos reieçisse, se æque Prophetas esse, & cum Deo collocutos, ut scire possent quidliceret. Quin & inter notos ac familiares hac de re sæpius quæstos esse colligitur ex *vers. 2.* Moyse incredibili mansuetudine omnia dissimulante: donec Deus iniuriæ amico suo illatæ iudex ac vindex palam docuit, donum prophetiæ concessum Moyfi multum præcellere dono quod Aaroni, Mariæ, aliisque Prophetis communicatum esset: scilicet quod his tantum revelatio fieret per imagines seu formas rerum sensibilibus in phantasia repæsentatas, sive ea dormientibus fieret, sive vigilantibus, & sensu utentibus; sic currum Cherubinorum vidit Ezechiel (cap. 1.) ollam succensam, & virgam vigilantem Ieremias (cap. 1.) Daniel (cap. vii.) tot bestias, &c. at Moyfi revelatio fieret per intellectualem visionem absque interventu phantasmatum & formarum sensibilibus, & quidem de rebus maxime arcanis, prorsusque divinis: quod est nobilissimum prophetiæ donum quod in hac vita Deus communicat, nec nisi intimis amicis suis. Et Aaron quidem his audi-

auditis videtur respuisse, ac proinde penam evasisse; Maria vero pertinacior in scelere, lepra subito perfusa fuit, & castris expulsa.

V. 14. SI PATER EIUS, graviter iratus filiae, SPUISET IN FACIEM ILLIUS, nonne deberet illa præ rubore aliquot diebus vitare conspectum patris, quem tam graviter offendisset? Subaudi, multo magis debet pudescere, & confundi Maria ob indignationem meam, & a conspectu meo refugere, qui non sputo, sed lepra faciem eius perfudit. Unde & mox subdit: SEPARATUR ISEPTEM DIEBUS EXTRA CASTRA, & a conspectu meo arceatur, ac pudore tantisper fufundatur.

G O R D O N I.

Verf. 1. **L**OCUTA, וְדָבָר vatedabber, verbum femininum, Hæc AEthiopissa, est Sephora Madianitis uxor Moysi: Madian enim est in AEthiopia

orientali, quæ est Arabia, de qua Habacuc III. tamen hodie sola occidentalis AEthiopia, quæ est ultra AEgyptum, retinet hoc nomen AEthiopie. Causa forte cur insurrexerit Maria, fuit, dum Sephora se Mariæ præferebat.

V. 8. ORE ENIM AD OS. Hinc aliqui eliciunt cum Augustino, Moïsem vidisse essentiam; sed multi dissentiunt.

V. 9. ABIIIT, scilicet a loco in quò locutus est: verf. 5. a columna.

EX EIUSDEM AUCTARIO.

V. 3. MITISSIMUS. Expediebat, & Deus ita inspiravit, ut extaret posteris exemplum hoc de virtute Moysi.

V. 14. SI PATER EIUS SPUISET, &c. quasi diceret: Quanto magis cum sit percussa lepra, idque a Deo. At cur in lepra Mariæ curanda non sunt servatæ legis cæremoniæ? Quia Deus, qui & percussit, & sanavit, non subiiciebatur his legibus.



C A P U T XIII.

Missi exploratores ad considerandam terram promissionis, palmitem cum botro aliisque fructibus in fertilitatis signum referunt; qui tamen universi, præter Caleb & Iosue, murmur in populo concitant.

Rosectusque est populus de Haseroth, fixis tentoriis in deserto Pharan. 2. Ibi locutus est Dominus ad Moysen, dicens: 3. Mitte viros, qui considerent terram Chanaan, quam daturus sum filiis Israel, singulos de singulis tribubus, ex principibus. 4. Fecit Moyses quod Dominus imperaverat, de deserto Pharan mittens principes viros, quorum ista sunt nomina. 5. De tribu Ruben, Samma filium Zechur. 6. De tribu Simeon, Saphat filium Huri. 7. De tribu Iuda, Caleb filium Iephone. 8. De tribu Issachar, Igal filium Ioseph. 9. De tribu Ephraim, Osce filium Nun. 10. De tribu Benjamin, Phalti filium Raphu. 11. De tribu Zabulon, Geddiel filium Sodi. 12. De tribu Ioseph, sceptri Manasse, Gaddi filium Sufi. 13. De tribu Dan, Ammiel filium Gemalli. 14. De tribu Aser, Sthur filium Michael. 15. De tribu Nephthali, Nahabi filium Vapfi. 16. De tribu Gad, Guel filium Machi. 17. Hæc sunt nomina virorum quos misit Moyses ad considerandam Terram: vocavitque Osce filium Nun, Iosue. 18. Misit ergo eos Moyses ad considerandam terram Chanaan, & dixit ad eos: Ascendite per meridianam plagam.

gam. Cumque veneritis ad montes, 19. considerate terram, qualis sit: & populum qui habitator est eius, utrum fortis sit an infirmus: si pauci numero an plures: 20. ipsa terra, bona an mala: urbes quales, muratæ an absque muris: 21. humus, pinguis an sterilis, nemorosa an absque arboribus. Confortamini, & asferite nobis de fructibus terræ. Erat autem tempus quando præcoquæ uvæ vesci possunt. 22. Cumque ascenderent, exploraverunt Terram a deserto Sin, usque Rohob intransitibus Emath. 23. Ascenderuntque ad meridiem, & venerunt in Hebron, ubi erant Achiman & Sisai & Tholmai filii Enac: nam Hebron septem annis ante Tanim urbem Aegypti condita est. 24. a Pergentesque usque ad Torrentem botri, absceiderunt palmitem cum uva sua, quem portaverunt in vecte duo viri. De malis quoque granatis & de ficis loci illius tulerunt: 25. qui appellatus est Nehel escol, id est Torrens botri, eo quod botrum portassent inde filii Israel. 26. Reverisque exploratores terræ post quadraginta dies, omni regione circumta, 27. venerunt ad Moysen & Aaron & ad omnem cœtum filiorum Israel in desertum Pharan, quod est in Cades. Locutique eis & omni multitudi ostenderunt fructus terræ: 28. & narraverunt, dicentes: Venimus in terram, ad quam misisti nos, quæ revera fluit lacte & melle, ut ex his fructibus cognosci potest: 29. sed cultores fortissimos habet, & urbes grandes atque muratas. Stirpem Enac vidimus ibi, 30. Amalec habitat in meridie, Hethæus & Iebuseus & Amorrhæus in montanis: Chananæus vero moratur iuxta mare & circa fluenta Iordanis. 31. Inter hæc Caleb compescens murmur populi, qui oriebatur contra Moysen, ait: Ascendamus, & possideamus terram, quoniam poterimus obtinere eam. 32. Alii vero, qui fuerant cum eo, dicebant: Nequaquam ad hunc populum valemus ascendere, quia fortior nobis est. 33. Detraxe runtque terræ, quam inspexerant, apud filios Israel, dicentes: Terra, quam lustravimus, devorat habitatores suos: populus, quem aspeximus, procere statura est. 34. Ibi vidimus monstrâ quendam filiorum Enac de genere giganteo: quibus comparati, quasi locustæ videbamur.

(4) Deut. 1. 24.

C O M M E N T A R I A.

S A.

Vers. 9. **N**UN. LXX. Nave.
Vers. 12. **S**CEPTRI. Heb. & Chald. ex tribu.

V. 20. BONA. LXX. pulchra.

V. 21. PRÆCOQUÆ, id est præcoces.

V. 22. INTRANSITIBUS; quasi dicat, prope Emath, vel ubi est via in Emath. LXX. ad introitum Emath. Vide Iosue xlii. & infra cap. xxxiv.

V. 23. ENAC, id est gigantum. TANIM: sic Chald. & LXX. at Hebr. *יָצָן* Sohan, seu Zoan: scilicet binominis est.

V. 24. UVA SUA. Hebr. Chald. & LXX. botro uno.

V. 27. CADES, Iosue xiv. dicitur *Cadesbarne*. LOCUTIQUE. Hebr. Chald. & LXX. referentesque rem, scilicet quod viderant.

V. 33. DEVORAT; quasi dicat, Est insalubris, seu occidit.

E S T I I.

Vers. 23. **N**AM HEBRON SEPTEM ANNIS ANTE TANIM URBEM AEGYPTI CONDITA EST. Non temere istud de Hebron dicitur hoc loco: indicatur enim ratio eius quod præcedit,

cedit, filios Enac, qui gigantes erant, morari in Hebron. Nam ut ante diluvium, ita etiam statim post extitere gigantes, qui potentia populos opprimerent, qualis fuit Nemrod. Significat ergo Moyses non mirum esse, quod in Hebron residui fuerint gigantes ex antiqua stirpe gigantum, quandoquidem civitas illa fuerit antiquissima, ac vicina temporibus diluvii, utpote ante Tanim antiquissimam Aegypti urbem condita; sed nihil timendum esse a gigantibus: Deum facile eos posse disperdere, sicut disperdidit edificatores turris Babel.

V. 28. & 29. QUAE REVERA FLUIT LACTE ET MELLE, UT EX HIS FRUCTIBUS COGNOSCI POTEST; SED CULTORES FORTISSIMOS HABET, ET URBS GRANDES ATQUE MURATAS. Nempe consuetudo detractorum, & hominum mendacium est ut sermonem suum incipiant a narratione quorundam verorum, quo sic facilius etiam falsa persuadeant. Et quidem hos exploratores etiam miscuisse falsa quidam suis sermonibus, liquet ex verbis Caleb, Iosue xiv. Nuntiavi quod mihi verum videbatur, utique significans alios in quibusdam fuisse mentitos, scilicet in eo quod dixerunt, *Quibus comparati quasi locustae videbamur*; item in eo quod nimium exaggerarunt hominum fortitudinem, & urbium munitiones, ac denique dixerant: Nequaquam ad hunc populum valemus ascendere, quia fortior nobis est. Sed recte respondit Caleb, qui & ipse cum ceteris exploraverat: *Ascendamus & possideamus terram, quoniam poterimus obtinere eam*, & cap. seq. ipse simul, & Iosue socius in explorando: *Nolite rebelles esse contra Dominum, neque timeatis populum terrae huius, quia sicut panem, ita eos possumus devorare, recessit ab eis omne praesidium*.

V. 33. TERRA QUAM LUSTRAVIMUS, DEVORAT HABITATORES SUOS. Alluditur ad hunc locum cap. xxxvi. apud Ezechielem. Et varie haec verba explicantur. Primo ut sit sensus: Id est, habitatores terrae illius cito moriuntur, & consumuntur praenimia caeli intemperie. Alii referunt non ad aeris malam affectionem, sed ad tyrannidem gigantum, qui reliquos eius terrae homines opprimendo velut devorarent. Vide ibi Ezech. xxxvi.

M A R I A N A E.

Vers. 17. VOCAVITQUE OSSE FILIUM NUN, IOSUE. Iam superius ad se Moyses vocaverat Iosue, ut cap. xi. vers. 28. sed hoc loco ea nominis mutatio refertur.

V. 18. ASCENDITE PER MERIDIAM NAM PLAGAM. Hebr. *Ascendite hanc, nempe terram, in meridiem, per meridiem*. Vel deest praepositio in: *Ascendite hanc, pro in hanc*: sic Hebraeus.

V. 23. FILII ENAC. Hic erat de genere gigantum ex superioribus. Chald. *filii gigantis* posuit, pro filii Enac.

V. 24. TORRENTEM BOTRI. Vox *בנז* *nahal* & *torrentem*, & *vallem* significat: prius sequitur Hieronymus, posterius Sept. neque multum interest; sed *botri* appellationem ab eo accepisse videtur quem exploratores sumperunt: sic vers. proximo dicitur.

V. 29. SED CULTORES FORTISSIMOS HABET. Hebr. *DEM ephes*, pro qua voce Hieron. vertit *sed*, proprie significat *finem*, fortassis hac sententia: Summa; aut denique, cultores fortes sunt: quasi his verbis addant ad priores laudes, & terrae dotes.

V. 31. CALEB COMPESCENS MURMUR. Ex verbis exploratorum populus concitatur in Moysen. Hebraica sic habent: *Et silere fecit Caleb populum ad Moysen*; id est, ne obloqueretur contra Moysen.

V. 33. DETRAXERUNTQUE TERRAE. Hebr. *Et produxerunt infamiam terrae*. *דבב* *dibbab*, *infamiam* significat, tam veram quam falsam. Hoc loco dicunt Hebraei significare *falsam*, quoniam iungitur verbum *נשא* *iata*, *produxit*. DEVORAT HABITATORES SUOS; vel propter insalubritatem caeli, quod mendacio fingunt; vel propter civilia bella quibus se continebant.

V. 34. MONSTRA ... DE GENERE GIGANTEO. Hebr. *gigantes de genere giganteum*. Hebraice *gigantes* dicuntur *נפלים* *nephelim*, *cadentes*: sive quia iis visis praeterrae cadebant homines; sive quia de caelo lapsi tempore Enos: sic Hebraeus; nempe quo filii Dei accesserunt ad filias hominum.

MALVENDAE.

Verf. 1. **F**IXIS TENTORIIS IN DESERTO PHARAN. Hebr.

Et castrametati sunt in deserto Pharan. Intelligunt nimirum per eas stationes five mansiones, quæ describuntur infra cap. xxxiii. a versu 18. usque ad versum 36. nam eo versu ponitur statio in deserto Tzin, unde mittuntur Exploratores hic infra vers. 22.

V. 2. IBIQUE LOCUTUS EST, &c. Exponunt: Id est, postquam pervenerunt in Kadesbarne, quæ est in deserto Tzin: inter quod desertum Pharan multæ fuerunt stationes, quæ nominantur infra cap. xxxiii. a versu 18. ad 36. Vide infra vers. 22. & cap. xxxii. vers. 8.

V. 3. MITTE VIROS. Missionem exploratorum primum populum postulasse a Mose, dicitur Deuter. 1. vers. 22. Mosen autem ea de re consuluisse Dominum, qui ei responderit ut eos mitteret, plane hic affirmatur. *QUI CONSIDERENT TERRAM.* Verbum *חָתַר* tur, aiunt proprie significare *indagare per grym, seu circumlucum, intelligere circumquaque, explorare, circumcundo perlustrare, inquirere, intueri, contemplari per ordinem, & grym.* Quod his exploratoribus recte convenit.

V. 17. VOCAVITQUE OSEE FILIUM NUN, IOSUE. Hebr. *Et vocavit Moseb ipsi Hoseagh filio Nun, Iehosuah.* Utrumque nomen eiusdem rationis & significatus. *Hoseagh* est infinitivus, vel imperativus coniugationis Hiphil verbi *יָשַׁע* *iaschagh, salvavit; Iehosuah* vero retinet formam tertie personæ futuri Hiphil vel Hophal, eiusdem verbi, *salvabit.* Quidam *Hoseagh* volunt esse decurtatum ex *Iehosuah;* & Mosen dignitatis, & amplitudinis ergo, præfixisse ei hic *Id.* Hebræorum nonnulli, non hic primum Mosen ipsi Iosue nomen commutasse existimant; sed tunc antea quando delectus imperator adversus Amalecitas, eos concidit, & salutem populo attulit Exodi xvii. vers. 9. Sic Antiochus Assiræ rex, *Soter*, id est Servator, est dictus a victoria de Galatis. Unde per plura perfectum hic exponunt: *Et vocaverat Moseb, &c.* scilicet iam antea. Constat a Salute nomen dictum, & recte ei ab eventu nomen im-

positum, quod dux & imperator populi, ipsum in terram promissam introduxit: typus verus æterni Filii Dei Iesu Christi generis humani assertoris, & monarchæ, qui nos servavit, ac in cælum introduxit: atque utrique idem omnino nomen *Iehosuah,* vel *Iesuagh.*

V. 18. CUMQUE VENERITIS AD MONTE S. Montanam regionem intelligunt.

V. 20. MURATÆ AN ABSQUE MURIS. Hebr. *Num in castrametationibus, an in munitionibus.* Quod bisariam capi potest. I. Num populus habitet in castris, id est in apertis locis, ut sunt castra, & minime muro cinctis; an in locis munitis, & muro cinctis. II. collective: Num urbes sint castris, & munitionibus firmatæ.

V. 22. A DESERTO SIN. Scribitur Hebr. *in Tzin*, idem quod Kades, infra cap. xxxiii. vers. 36. de quo ibi dicemus. *USQUE ROHOB, INTRANTIBUS EMATH.* Notant, Rechob, & Chamath civitates conterminas fuisse promissæ terræ, ad radices Libani: priorem Occidentem versus ad Sidonem, posteriorem ab Oriente; quasi dicat: Ingressi a parte meridiana, pervenerunt usque ad terminos aquilonares. Eulebius, & S. Hieronymus in Locis: *Roob, quam transierunt exploratores qui cum Iesu filio Nave missi sunt; & usque hodie vicus Rooba in quarto lapide Scythopoleos sic vocatur, qui & Levitis separatus fuit. De Emath, seu Chamath, vide quæ notavimus Genes. x. vers. 18. & in Antichristo Lib. IV. cap. xvii.* Quod hic dicitur *intransibus Emath*, Hebr. est *לבואהמת* *Lebo Chamath:* putant esse unum nomen proprium: quasi dicas, *Introitus, vel Aditus Emath, seu Epiphaniæ Cæsaresyriæ.*

V. 23. ET VENERUNT IN HEBRON. Hebr. est singulare: *Et venit in Hebron;* vel est enallage numeri, *pro venerunt;* vel *et venit,* scilicet Caleb solus, ut Hebræi volunt, quo nomine Hebronem sibi deposit locue xiv. vers. 12. nam volunt, exploratores non omnes simul explorasse terram, sed vel binos singula loca. Vide infra vers. 26. *NAM HEBRON SEPTEM ANNIS &c.* Famose urbis vetustatem Moses celebrat: de qua vide quæ notavimus Genes. xii. vers. 18. Genes. xxxiii. vers. 2. & 12. & Iosue xiv. vers. 15. ANTE TANIM URBEM AEGYPTI. Non dubium quin nomen

Tanis

Tanis ex Hebraico Tzoan defluerit: clarissimam Aegypti metropolim constat. Strabo Lib. XVII. Taniticum ostium, & Tanitica praefectura, & Tanis maxima in eo urbs. Inter Taniticum Pelusiacumque ostium sunt lacus, &c. Tanitana plaga apud Herodotum Lib. II. numer. 166. Tanitis praefectura, & Tanitici ostii meminit Plinius Lib. V. cap. ix. & x. De eisdem, & de Tanai Aegypti metropoli ad ostium Taniticum, Ptolemæus Lib. IV. cap. v. Sed & Antoninus Itinerario Benjamin Tudelensis scribit, Tzoan suo tempore fuisse regiam Arabum Mahumetanorum; urbemque fuisse muris cinctam, munitamque. Eius mentio exstat Psal. LXXV. 11. vers. 12. 23. Isaïæ XIX. vers. 11. Ezech. xxx. vers. 14. Regiam quoque fuisse regum Aegypti tempore Moysi, ubi Moyses tot mirabilia patravit, quidam ex locis Psalmi, & Isaïæ coniectantur: ut ea de causa hic eius mentionem Moyses intulisse videatur, quod Aegyptii ventose nimis ventustatem regis suae metropolis iactarent.

V. 24. QUEM PORTAVERUNT IN VECTE DUO VIRI. Mira fertilitas, & magnitudo uvarum: maior etiam illa de qua Plinius Lib. XIV. cap. 1. Magnitudinem infantium puerorum in interiori Africae parte exuperant. Strabo Lib. II. In Margiana inuus vitis truncum inveniri aiunt sepe, qui duabus viri ulnis contineatur: uvam bicubitalem. Et Lib. XI. eadem Margiana: Ferunt inveniri vites ibi frequenter, quarum caudex tantus sit, quantum duo viri quant amplecti: uvam bicubitalem. Forsterus in radice כפר, hæc scribit: Atque huc referre volui quæ mihi quidam honestus vir narravit. In terra, ut vocant, sancta, in qua octennium monachus commoratus fuerat, circa Hebron botros, seu racemos tantæ magnitudinis nasci, ut unum viri duo viri portare queant; & in una arbore tantum unam uvam talem nasci. Is autem cum sit multum premeretur egrotus, nec esset quidquam quo eam reslinguere posset, memor erga me eius racemi, tantum unum ex eo granum seu acinum exoptavi: posse enim certo affirmavi integrum diem eo sitim reslinguere. Nunc autem fructum illum a Saracenis eius loci incolis ipsorum lingua Musi dici. Hallenus ille. Hæc Forsterus: quibus quoque video Mercerum fuisse commotum. Vide eundem Forster. in שכלל nomine אשכול efebcol.

V. 25. NEHELESCHOL, ID EST TORRENS BOTRI. Brocardus: Ad Hebron tres numerantur leuæ contra Aquilonem, declinando paululum ad Occidentem, ad Nebel efebcol, id est Torrentem botri, unde exploratores portaverunt palmitem uvæ. A Nebel efebcol octo numerantur leuæ versus Ierusalem, ad domum Zacharie quam intravit prægnans virgo Maria salutatura Elisabeth. Vide sacros Topographos.

V. 26. REVERSIQUE EXPLORATORES, &c. Quidam putant non omnes simul explorasse terram, sed vel singulos, vel binos singula loca. Quod colligunt e Iosue XIV. 12. ubi Caleb Hebronem sibi deposcit eo nomine: & de Iosue ibidem dicitur non quod vidit, sed quod audivit in ea esse enakim, id est gigantes. Vide supra vers. 23.

V. 27. CADES, de qua diximus Genes. XIV. 7. & Genes. XVI. 7. Quidam notant hic, esse civitatem Idumæis finitimam, infra cap. xx. vers. 16. decimam octavam stationem ab ingressu Pharanis, infra cap. XXXIII. quæ tractui nomen dedita. Hic autem de tractu intelligendum esse: nam in urbem non venerunt Israelitæ, nisi post annos triginta octo, ut habetur infra cap. xx. vers. 1. & 16. LOCUTIQUE IS. Hebr. Et redire fecerunt eis verbum. Plerique exponunt: Et retulerunt eis rem, negotium, nummum. Quidam: Et converterunt eis verbum. Fortassis indicat exploratores relationem, & rem totam suæ explorationis invertisse; multo aliter de terra, quam erat, referentes; vel longe secus quam de ea Israelitæ speraverant. ET OMNI MULTITUDINI. גִּדְדָה gedah, cætus, conventus; אִיגְדָה iaghad: & gedah eisdem litteris, & punctis, testis, testimonium, אִיגְדָה ghad: unde hic quidam reddunt: Et retulerunt eis negotium, & omne testimonium; id est, exposuerunt suam relationem, & testimonium perhibuerunt de terra; quid nimirum ipsi de ea sentirent, testati sunt abunde.

V. 29. SED. כִּי שָׂדֵן ephes ci. Aiunt ephes esse proprie desertum, cessationem, finem, terminum, ultraquem nihil aliud superfit: quamquam singulariter in lingua Latina commodius verti non possit nisi per particulam exclusivam seu determinativam, quæ tamen ex circumstantiis & constructione varie reddi solet: nisi, so-

lum, tantum, solummodo, tantummodo; nonnihil; nemo, nullus. Quando subsequitur ci ut hic, communiter reddunt: *Nisi quod fortis populus*. Quidam: *Ceterum fortis populus*. Alii: *Certe fortis*. Nonnulli: *Exceptio, quia populus*. Possit reddi: *Defectus, quia robustus populus*. Et est phrasis Hebraica elegantissima, quam Hispanice scite repræsentamus: *La tierra muy buena es, la falta, o el defecto que tiene es, que la gente es valiente*. Aliter: *Finis, quia populus prævalidus*. Hispanice: *En fin, en conclusion, en remate, el pueblo es bravo*.

V. 31. INTER HAEC CALEB COMPESCENS MURMUR POPULI. *חִיִּי וַיִּנְחָשׁ* est defectivum, cum secundum normam debuisset esse *חִיִּי וַיִּנְחָשׁ* futurum Hiphil; id est, *silere fecit, tacere fecit, quiescere fecit, sedavit Caleb populum*. Ut indicet Caleb non penitus potuisse sedare vim acerrimæ seditionis, quæ exarserat. Est hic *Samech* magnum præter morem, & est octava magna littera, quæ in Hebraicis Bibliis occurrit: mysterium ego non assequor: fortasse ad indicandam atrocitatem tumultus, & præclaros conatus, atque invictum animum Calebi ad eum compescendum. Vide Levitic. xiii. vers. 33. Nec tantum fuit Caleb, qui seditioni obviam iit; sed etiam Iosue, ut apparet e cap. xiv. vers. 6. Sed est synecdoche in laudem Caleb. MURMUR POPULI, QUI ORIBATUR CONTRA MOYSEN. Hebr. *Populum ad Mosese*. Quidam subaudiunt, *populum venientem ad Mosese*, id est iam concitatum & convenientem ad Mosese, ut solet fieri in seditionibus. Vide supra cap. ii. vers. 10. Unde suspensa sententia, & interiecta parenthesi usque ad vers. sequentem, ita nonnulli hunc versum reddunt: *Et quamvis compesceret Caleb populum venientem ad Mosese, animadvertens scilicet populum iam seditionem moliri: (dicebat enim, Immo ascendamus, ut hereditario iure possideamus eam, nam omnino prævalebimus adversus eam;) tamen alii viri qui ascenderant cum eo, dicebant, &c.* Alii vero illud *ad Mosese* accipiunt pro contra Mosese, quod secutus est Noster, & plerique alii.

V. 32. NEQUAQUAM AD HUNC POPULUM VALEMUS ASCENDERE. Quidam reddunt: *Non poterimus ascende-*

re contra populum illum. Alii: *Non prævalebimus ascendendo ad istum populum*.

V. 33. DEVORAT HABITATORES SUOS. Hebr. *Comedens, consumens habitatores suos*. Quidam exponunt: *Est aere noxio & pestilenti, ac gravi cælo: parum in ea vivunt homines*. Alii: *Durissima est, ac difficillima cultura, ita ut in ea colenda hominum vires consumantur*. Nonnulli: *Ardet intestinis & civilibus bellis, ita ut se mutuis cædibus consumant*. PROCERÆ STATURÆ EST. Hebr. *Homines dimensionum, mensurarum magnarum*. Vide Levitic. xix. vers. 35, id est monstruosæ magnitudinis, seu proceritatis. Sic I. Paralip. xx. vers. 6.

V. 34. FILIORUM ENAC. *פְּנֵי גְבַח־נַחֲכִי* hic, ut supra vers. 23. & 29. plerique pro nomine proprio cuiusdam celeberrimi gigantis accipiunt, a quo vastæ magnitudinis stirps propagata sit, fueritque gigantum generis pro ductor, unde postea ceteri gigantes dicti sint in Scriptura *Ænakim*. Alii pro appellativo sumunt, ab *gbanak*, torque, qua insigniti viri illi incedebant; quasi dicas, torquatum. Erat enim torques, insigne quo viri celebres ornabantur; ut apud Romanos *Torquati*, illustri familia. Nonnulli, quasi *tortores*, dictos putant humani generis massyges, & oppressores. Diximus de his plenius in Paradiso, cap. LVII. Nec defunt qui *ghanak*, ducem, regem, interpretentur, quod Græcis *ἄναξ* sit rex. Hinc putant nomen *Anachis* gigantis apud gentiles fluxisse, de quo Pausanias in Atticis, pag. 34. *Apud Milesios vero ante ipsam urbem est Lade insula: ea rursus in duas parvas scinditur insulas: earum alteram Asterii dicunt, quod fuerit in ea sepulchrum Asterii Anachis filius (Anachem terre filium fuisse tradunt;) cadaver eius nubiis est decem cubitis brevis. Benjamin Tudelensis in Itinerario: In Damasco urbe Israelitarum vidi intra palatium pendentem hominis costam, unius ex Ænakim novem Hispanicorum palmorum latitudine. Dicitur autem ille fuisse ex antiquissimis regibus Ænak, nomine Abchamaz, ut ex sepulcri illius lapide inscripto est indicatum: in quo scriptum etiam est, illum in toto orbe regnasse. Foran Achiman ille vers. 23. quem Hebræi fabulantur sic dictum, quasi, Frater meus quis? quod ei robo-*

robre, & magnitudine non esset frater, id est similis, in toto orbe. Hispanice, *No tenia par*: ut Iob xxx. vers. 29. dicitur: *Frater sui draconum*, id est similis. DE GENERE GIGANTEO. Hebr. *De gigantibus*, id est gigantes de gigantibus ortos. Alii, *gigantes præ gigantibus aliis*; id est, qui superant reliquos gigantes, & robore, & magnitudine.

M E N O C H I I.

Verf. 1. **D**E HASEROTH, ubi fuit decima quarta mansio. *FIXIS TENTORIS IN DESERTO PHARAN*: pergendo figere tentoria in deserto Pharan. Hæc porro decima quinta mansio, in quam proxime ex Haseroth venerunt, fuit Kethma, ut patet Num. xxxiii. 48.

V. 3. **MITTE VIROS, QUI CONSVLENT TERRAM CHANAN**. Petierat hoc populus, ut patet Deuteron. 1. 22. consultus per Moysen Dominus annuit. *EX PRINCIPIBUS*: non summis, nam aliis nominibus vocabantur, ut patet cap. x. 14. sed ex aliis primariis viris.

V. 12. **DE TRIBU IOSEPH, SCEPTRI MANASSE**. Ex Hebr. verti potest, *De tribu Ioseph*, de tribu Manasse; sed noster Interpres, ut vitaret eiudem vocis repetitionem, secundo loco sceptrum posuit מַטֵּה *matte*, quod sua primaria significatione virgam, baculum, sceptrumve significat: hinc accipitur pro regno, dominatione, ac tribu.

V. 17. **VOCAVITQUE OSEE FILIUM NUN, IOSUE**. Moyses Osee nomen in Iosue mutavit, addita initio nominis littera *Iod*, primo ut certiorum victoriam de Chananeis polliceretur: nam Osee significat *Salva*; Iosue vero *Qui salvabit*. Secundo ut doceret a Deo expectandum bonum bellorum exitum: addita enim nomini Iosue prima littera nominis Dei tetragrammati sumpta cum reliquo nomine, videtur exhibere hunc sensum: *Dei salus*, Salvator a Deo datus. Tertio quia prævidebat spiritu prophetico Iosue, sive Iesum hunc, ut eum vocant LXX. fore typum Iesu Christi Salvatoris: idem enim in Hebr. utriusque nomen est, iisdemque litteris, & punctis scribitur יֵשׁוּעַ *Iesuba*.

V. 21. **QUANDO IAM PRÆCOQUAE UVÆ VESCI POSSUNT**, mense Iunii.

V. 22. **INTRANTIBUS EMATH**, qua itur, & intratur in Emath regionem, quæ ab Aquilone terram sanctam terminabat.

V. 23. **FILII, nepotes, & posterii Enac** gigantis. **TANIM URBEM AEGYPTI**, celebrem scilicet, & ut aliqui volunt, regiam. Psalm. lxxvii. 12. dicitur, *Fecit mirabilia in terra Aegypti in campo Tanos*. Crebra apud Ieremiam Tanis, seu Taphnis mentio est cap. 11. xliii. xiv. & xlvi.

V. 24. **PALMITEM CUM UVA SUA**, Hebr. & Chald. habent: *Palmitem, & botrum uvarum unum*. Alibi etiam apud profanos auctores leguntur nasci botri immani magnitudine. Vide Cornelium a Lapide hic. **DVO VIRI**. S. Ambr. serm. lxxii. de S. Cypriano, ait fuisse Iosue, & Caleb.

V. 28. **LACTE ET MELLE**: est fertilissima.

V. 30. **AMALEC HABITAT IN MERIDIE**. Dicunt hoc Exploratores, non quasi terra Amalecitarum pertineret ad terram Hebræis promissam, sed quia vicina erat, ita ut Amalecitarum ingressum in Chananeam facile prohibere possent.

V. 34. **DEVORAT HABITATORES SUI**: insalubris est, noxia, & pestilens. Falsum hoc erat. **QUASI LOCUSTÆ**. Hyperbole nimia, & mendax ad populum terrendum.

T I R I N I.

Verf. 17. **VOCAVITQUE OSEE; IOSUE**, nimirum additione *Iod*, quæ prima est littera in nomine Dei tetragrammato, quæ subinde pro toto nomine proprio poni solet, ut sit in aliis etiam nominibus; verbi gratia apud Romanos, C. pro Caio; P. pro Publio; M. T. C. pro Marco Tullio Cicerone. Addidit vero Moyses hanc nominis illius litterulam, ut quod antea significabat *salvatore*, iam significaret *Dominum salvatorem*, nempe destinatum a Deo salvatorem, & per quem Deus populum salvare decrevisset. Ut sic typus per omnia congrueret veritati; & Iosue non tantum rebus gestis, sed & ipso suo nomine referret verum Iesum nostrum Salvatorem. Unde & Septuaginta pro *Iosue* ubique vertunt Ἰησοῦν, *Iesum*. Videtur vero hoc nomen illi a Moysæ mutatum fuisse

fuisse non modo (cum nulla iam adesset occasio id honoris illi præ ceteris principibus exhibendi) sed paucis ante mensibus, cum debellando Amalecitas Exodi xvii. salvatoris officio iussu Dei primum fungi crepit: nam ex tunc, & semper deinceps vocatur non Osee, sed Iosue. Ita Origenes, Augustinus, Theodoretus, Caietanus, Olcaster, Serarius, contra Iustinum a, Lyranum, & Abulenlem.

V. 23. FILII ENAC, id est posterilius famosi gigantis Enac, qui urbem Hebron incolebant. Quod nomen licet uni proprium fuerit, subinde tamen appellative in Scripturis ponitur pro quovis gigante: & sic fere usurpant Septuaginta, & Chaldaeus. Huius Enac patris Arbe dictus fuit, Iosue xv. vers. 13. & ipse gigas, unusque maximus, a quo Hebron prius dicta fuit *Caria: b-ar-be*, id est *civitas Arbe*, Iosue xiv. 15.

V. 24. PALMITEM CUM UVA SUA (Hebraice, *cum botro uvarum*) QUEM PORTAVERUNT IN VECTE DUO VIRI, forte Iosue, & Caleb: nam reliqui iam tunc videntur parum propensi fuisse ad regionis fertilitatem vel verbis deprædicandam, quanto minus ad tanto labore comprobendam. Vide Serarium b. Porro ingentis magnitudinis botrum hunc fuisse Scriptura innuit, cui deportando & vectis, & duo robustissimi viri necessarii fuerint. De similibus quibuscum ingentis ponderis botris, etiam qui curru iustum essent pondus, vide Vlinum & Serarium.

V. 33. TERRA DEVORAT HABITATORES SUOS. Quo ritu? quo dente? an terræmotu? an latrocinis, aut civilibus atque intestinis bellis? Non ita intellexerunt exploratores; sed ære noxio ac pestilente plurimos confici sorgebant, ut hoc terrore populum magis ab ea regione averterent. Quid enim magis horrent mortales quam aerem infestum & insalubrem? Et hoc erat splendidum istorum exploratorum mendacium. In ceteris, licet vera dicerent maiori ex parte, peccabant tamen etiam gravissime, quod quæ laudanda essent, oculis, gestu, modo referendi minuerent, ac deprimerent; contra vero, pericula omnia, oculorum, vultus, gestus acrimonia in maius extollerent. Addit Iosephus, acerbè inculcasse, magnos & profundos amnes esse superandos, arduos montes transcendendos, &c. Et licet

lib. Sac. Tom. III.

salutæ horum depositioni fortissime sese opponeret Caleb non solus, licet hic solius ipsius fiat mentio, sed una cum Iosue, ut ex sequentibus d patet, & Ecclesiasticus expresse affirmat; non tamen creditum fuit paucis contra multos testantibus.

(*) Orig. hom. 11. in Exod. Aug. ser. xcv. de Temp. Theod. quæst. liv. in Exod. Caiet. hic & Olcaster. Serar. Lib. I. Iosue cap. 11. quæst. vii. Iustin. cont. Tryphon.

(*) Serar. sup. cap. viii. quæst. vii.
(*) Pisan. Lib. XIV. cap. 1. Serar. sup.
(*) Num. xiv. vers. 6. & 30. & cap. xxxii. vers. 12. & Deut. 1. vers. 36. Eccl. xlv. vers. 9.

GORDONI.

Vers. 1. OMnes deinceps mansiones usque ad trigessimam tertiam, fuerunt in paucissimo deserto Pharan, per annos fere 38. Itur ab Hazereth, ubi fuit mansio 14. venit ad Rethma, ubi est mansio decima quinta, ut patet Num. cap. xxxiii. vers. 18.

V. 9. NUN. Apud Septuag. est Nare.
V. 12. Missi sunt exploratores ex Cadesthame, anno secundo exitus sub initio Iunii: missi ex decima quinta mansione, quæ est Rethma. Lege Adrichomium, & Deut. cap. 1. & hic vers. 27.

V. 17. OSEE FILIUM NUN, IOSUE. Cur Osee filium Nun vocavit, mutato nomine, Iosue? Non est contemnendum quod a quibusdam assertur, hanc mutationem nominis fieri per additam initio prioris nominis litteram Iod, quæ est prima in nomine tetragrammato; ut significaretur hunc filium Nun, fore non tantum salvatorem, quod significat Osee, sed salvatorem Dei, seu a Deo missum. Rem explicat Hieronymus Osee cap. 1. ubi dicit יהושע *Iehosuahb* significare salvatorem Domini, cum tamen vox יהושע, *hoyeahb*, Osee, tantum significet salvatorem. Vide radicem יושע, quæ in coniugatione Hiphil יהושע *hoyeahb*, significat *salvare*.

V. 22. רוהוב urbs Levitica postea, & in Tribu Aser, Iosue xxi. vers. 31. עמאת in Tribu Nephtali, Iosue cap. xix. vers. 35. Et hæc est via, quæ vocatur exploratorum.

V. 23. FILII ENAC nepotes sunt gigantis Enac: hinc gigantes communiter in Scripturis vocantur filii Enakin. De his dixi Iosue x. vers. 3. & ibid. cap. xiv.

N

& xv.

& xv. Consentiunt facile Geographi, TANNIM (Hebr. תַּנִּים *tsobhan*) esse inter primas Aegypti urbes, non procul a Memphi sitam, & in qua Moyses coram Pharaone edidit signa; serunt a filiis Noe Titanibus conditam. De campo Taneos, Psalm. LXXVII. vers. 12.

V. 24. & 25. Postea appellata est *Val-
lis botri*. De botri magnitudine in quibus-
dam regionibus, lege Plin. Libr. XIV.
cap. 1. & Serar. Libr. I. Iosue cap. VIII.
quæst. 11. In Hebr. est, *Torrents*, vel *Val-
lis botri*. Habetur in textu NEHELE-
SCOL, hoc est quod iam dixi: nam נַחַל
nachal est *vallis*, vel *torrentis*; וַיִּשְׁכַּח
es. ol. botrus.

V. 27. QUOD EST IN CADES. Redeunt exploratores in Cades, seu Cadesbarne in deserto Pharan. Rethma locus decimar quintæ mansionis erat iuxta urbem Cades.

V. 33. TERRA DEVORAT HABI-

TATORES SUOS. Inter alia mendacia exploratorum, hoc etiam erat, quod dicebant terram intemperie pestilentem esse, & mortem asserere.

V. 33. DETRAXERUNT TERRÆ. Hebr. *Produxerunt infamiam terræ*; vel *fecerunt exire דִּבָּהּ* *dirba*, infamiam. Porro DEVORAT; id est, in alvibus est, occidit.

V. 34. GIGANTES נַפְלִים *Nephalim*: de qua se alibi dixi.

EX EIUSDEM AUCTARIO.

V. 12. SCEPTRI MANASSE, hoc est pro utraque tribu, si duas faciebant. Hebr. *De tribu Manasse: מַטֵּה מַטֵּה* *matte*, *virga*, *sceptrum*.

V. 28. LACTE ET MELLE, fertilissima.

V. 34. LOCUSTAE. Mendax exaggeratio, ut populum avertat.

C A P U T XIV.

Murmur populi frustra sedare conantur Iosue & Caleb: iratum Dominum placat Moyses: omnes morti in deserto addicuntur præter Caleb ac Iosue; & pugnantes Israelitæ contra Domini voluntatem caduntur ab hostibus.

Igitur vociferans omnis turba flevit nocte illa, 2. & murmurati sunt contra Moysen & Aaron cuncti filii Israel, dicentes: 3. Utinam mortui essemus in AEGYPTO: * & in hac vasta solitudine utinam pereamus, & non inducat nos Dominus in terram istam, ne cadamus gladio, & uxores ac liberi nostri ducantur captivi. Nonne melius est reverti in AEGYPTUM? 4. Dixeruntque alter ad alterum: Constituamus nobis ducem, & revertamur in AEGYPTUM. 5. Quo audito Moyses & Aaron ceciderunt proni in terram coram omni multitudine filiorum Israel. 6. (a) At vero Iosue filius Nun, & Caleb filius Iephone, qui & ipsi lustraverant terram, sciderunt vestimenta sua, 7. & ad omnem multitudinem filiorum Israel locuti sunt: Terra, quam circuvimus, valde bona est. 8. Si propitius fuerit Dominus, inducet nos in eam, & tradet humum lacte & melle manantem. 9. Nolite rebelles esse contra Dominum: neque timeatis populum terræ huius, quia sicut panem ita eos possumus devorare: recessit ab eis omne præsidium: Dominus nobiscum est, nolite metueret. 10. Cumque clamaret omnis multitudo, & lapidibus eos vellet opprimere, apparuit gloria Domini super tectum foederis * cunctis filiis Is-

lis Israël. 11. Et dixit Dominus ad Moysen: Usquequo detrahet mihi populus iste? Quousque non credent mihi, in omnibus signis quæ feci coram eis? 12. Feriam igitur eos pestilentia, atque consumam: te autem faciam principem super gentem magnam, & fortio rem quam hæc est. 13. Et ait Moyses ad Dominum: Ut audiant Aegyptii, de quorum medio eduxisti populum istum, 14. & habitatores terræ huius, qui audierunt quod tu Domine in populo isto sis, & facie videaris ad faciem, (b) & nubes tua protegat illos, & in columna nubis præcedas eos per diem, & in columna ignis per noctem: 15. quod occideris tantam multitudinem quasi unum hominem, & dicant: 16. Non poterat introducere populum in terram, pro quaiuraverat: (c) ideoque occidit eos in solitudine. 17. Magnificetur ergo fortitudo Domini sicut iurasti, dicens: 18. (d) Dominus patiens & multæ misericordiæ, auferens iniquitatem & scelera, nullumque innoxium derelinquens, qui visitas peccata patrum in filios in tertiam & quartam generationem. 19. * Dimitte, obsecro, peccatum populi huius secundum magnitudinem misericordiæ tuæ, sicut propitius fuisti egredientibus de Aegypto usque ad locum istum. 20. Dixitque Dominus: Dimisi iuxta verbum tuum. 21. Vivo ego: & implebitur gloria Domini universa terra. 22. Attamen omnes homines qui viderunt maiestatem meam, & signa quæ feci in Aegypto & in solitudine, & tentaverunt me iam per decem vices, nec obedierunt voci meæ, 23. (e) non viderunt terram pro qua iuravi patribus eorum, nec quisquam ex illis qui detraxit mihi, intuebitur eam. 24. (f) Servum meum Caleb, qui plenus alio spiritu secutus est me, inducam in terram hanc, quam circumvit: & semen eius possidebit eam. 25. Quoniam Amalecites & Chanaanæus habitant in vallibus. Cras movete castra, & revertimini in solitudinem per viam Maris rubri. 26. Locutusque est Dominus ad Moysen & Aaron, dicens. 27. Usquequo multitudo hæc pessima murmurat contra me? querelas filiorum Israël audiui. 28. Dic ergo eis: Vivo ego, ait Dominus: sicut locuti estis audiente me, sic faciam vobis. 29. (g) In solitudine hac iacebunt cadavera vestra. Omnes qui numerati estis a viginti annis & supra, & murmurastis contra me, 30. (h) non intrabitis terram, super quam levavi manum meam ut habitare vos facerem, præter Caleb filium Iephone, & Iosue filium Nun. 31. Parvulos autem vestros, de quibus dixistis quod prædæ hostibus forent, introducam: ut videant terram, quæ vobis displicuit. 32. Vestra cadavera iacebunt in solitudine. 33. Filii vestri erunt vagi in deserto annis quadraginta, & portabunt fornicationem vestram, donec consumantur cadavera patrum in deserto, 34. iuxta numerum quadraginta dierum, quibus considerastis terram: (i) annus pro die imputabitur. (k) Et quadraginta annis recipietis iniquitates vestras, & scietis ultionem meam: 35. quoniam sicut locutus sum, ita faciam omni multitudini huic pessimæ, quæ consurrexit adversum me: in solitudine hac deficiet, & morietur. 36. (l) Igitur omnes viri, quos miserat Moyses ad contemplantam terram, & qui reversi murmurare fecerant contra cum omnem multitudinem, detrahentes terræ quod esset mala, 37. mortui sunt atque percussii in conspectu Domini. 38. Iosue autem filius Nun, & Caleb filius Iephone, vixerunt ex omnibus qui perrexerant ad considerandam terram. 39. Locutusque est Moyses universa verba hæc ad omnes filios Israël, & luxit populus nimis. 40. Et ecce mane primo surgentes ascenderunt verticem montis, atque dixerunt: Parati sumus ascendere ad locum, de quo Dominus locutus est: quia peccavimus. 41. Quibus Moyses: Cur, inquit, transgredimini verbum Domini, quod vobis

non cedit in prosperum? 42. *m* Nolite ascendere: non enim est Dominus vobiscum: ne corruatis coram inimicis vestris. 43. Amalecites & Chanaanæus ante vos sunt, quorum gladio corruetis, eo quod nolueritis acquiescere Domino, nec erit Dominus vobiscum. 44. At illi contenebrati ascenderunt in verticem montis. Arca autem testamenti Domini & Moyses non receperunt de castris. 45. Descenditque Amalecites & Chanaanæus, qui habitabat in monte: & percussiones eos atque concidens, persecutus est eos usque Horma.

(a) Ecclesiæ. 9. l. Mach. 11. 55. 56. (b) Exod. 1111. 21. (c) Exod. 2211. 28. (d) Psal. 117. 8. Exod. 2211. 6. (e) Deut. 1. 35. (f) Iosue xiv. 6. (g) Psal. cv. 26. (h) Deut. 1. 35. (i) Ezech. 14. 6. (k) Psal. xiv. 10. (l) Iudith. 1111. 34. l. Corinth. x. 10. Hebr. 111. 17. Iudæ 5. (m) Deut. 1. 42.

B R U G E N S I S

ROMANÆ CORRECTIONES.

V. 2. *Et in hac vasta solitudine unam peramus.* Locus insigniter relictus, ablata negatione quæ est in plerisque codicibus (*Et non in hac vasta solitudine*) & verbis sublequentibus, *Unam peramus*, iunctis iis quæ

præcedunt, non, ut multi faciunt, iis quæ consequuntur.

V. 10. *Cunctis filiis Israel.* Superfluit participium *videntibus*, quod addunt alii.

V. 19. *Dimitte, obsecro, peccatum populi huius.* Merito expunctum pronomen *tui*, quod multi legunt, *Populi tui huius*.

C O M M E N T A R I A.

S A.

Vers. 1. **N**OCTE, scilicet sequenti.

Vers. 3. **E**T IN HAC, &c. Hebr. Chald. & LXX. *Aut in hac solitudine, & ad quid non Dominus facit venire in terram hanc, ut cadamus gladio, &c.*

V. 9. **P**RAESIDIUM. Hebr. *umbra*.

V. 10. **G**LORIA, scilicet nubes, vel splendor. **T**ECTUM. Hebr. Chald. & LXX. *tabernaculum*.

V. 11. **D**ETRAHET MIHI. Alii, *Blasphemabit, vel spernet me*. Hebr. Chald. & LXX. *Irritabit me*: sic & infra. **I**N OMNIBUS SIGNIS; quasi dicat: Cum tot signa fecerim.

V. 13. **U**T AUDIANT. Hebr. Chald. & LXX. *Et audient*.

V. 14. **F**ACIE VIDEARIS AD FACIEM, id est clare, seu familiariter.

V. 15. **Q**UASI UNUM, id est ad unum, scilicet nullo relicto. **D**ICANT. Hebr. Chald. & LXX. *Dicent*.

V. 17. **M**AGNIFICETUR; id est, appareat magna esse.

V. 18. **I**NNOXIUM, id est impunitum, scilicet cum pœnam meretur. **V**ISITAS, id est punis. **T**ERTIAM, id est nepotes,

qui tertii a patre, vel potius pronepotes, qui tertii in posteris. Vide IV. Reg. xv.

V. 20. **D**IMISI; quasi dicat, Non puniam, ut dixeram. **I**UXTA VERBUM Tuum; id est, ut petisti.

V. 21. **G**LORIA, scilicet impetis iis quæ sequuntur.

V. 22. **A**TTAMEN. Hebr. Chald. & LXX. *quia*, ut sit explicatio proxime dicti. **M**AJESTATEM. Hebr. Chald. & LXX. *gloriam*. **D**ECEM, id est multis; quasi dicat, sæpe.

V. 24. **A**LIO, scilicet meliori.

V. 25. **V**ALLIBUS, scilicet ubi delitescunt vobis infidelitatis, qua a Deo detestitis.

V. 33. **P**ORTABUNT FORNICATIONEM VESTRAM; id est, dabunt pœnas vestræ infidelitatis, qua a Deo detestitis.

V. 37. **M**ORTUI SUNT, scilicet vel tunc, vel postea.

V. 43. **A**CQUIESCERE DOMINO. Hebr. *Sequi Dominum*. LXX. *Obedire Domino*. Chald. *Colere Dominum*.

V. 44. **C**ONTENEBRATI ASCENDERUNT. Hebr. *Coacti sunt ascendere*. LXX. *Vim facientes ascenderunt*. Chald. *Impie egerunt ut ascenderent*.

EST II.

Vers. 9. **Q**UIA SICUT PANEM ITA EOS POSSUMUS DEVORARE. Hoc opponunt illis verbis quibus dixerat alii exploratores cap. præced. *vers. 33.* Terra quam iustitiamus, devorat habitatores suos.

V. 19. AUFERENS INIQUITATEM ET SCELERA, NULLUMQUE INNOXIIUM DERELINQUENS. Vide Annotationes Exod. cap. xxxiv. *vers. 7.*

V. 20. DIXITQUE DOMINUS: DIMICI IUXTA VERBUM Tuum. Dimisit, quoad pœnam comminatum, scilicet ne populum per silentia percuteret, totumque consumeret, non autem quoad pœnam minorem: de ea enim mox sequitur *vers. 22.* Attamen omnes homines, &c.

V. 22. ET TENTAUERUNT ME IAM PER DECEM VICES, id est valde sæpe; tamen si Liranus numerum certum designari putat, & decem tentationes receniet. Sed revera possent etiam plures eiusmodi, quales ipse recenset, reperiri. Quare verisimilius est, numerum certum pro incerto poni, vel decem, utpote numerum perfectum, pro valde sæpe.

V. 24. SERVUM MEUM CALEB INDUCAM IN TERRAM, & substituitur *versu proximo*, QUONIAM AMALECITES ET CHANANÆUS HABITANT IN VALLIBUS. Quidam ita intelligunt & connectunt quasi dicat: Caleb & semen eius possidebunt terram hanc, quam circumvit; quin etiam terram Amalec, & Chananzorum, qui in vallibus habitant. Verum multo aptius *versu vigesimo quinto*, Quoniam Amalecites & Chananeus habitant in vallibus, connectunt alii cum *versu sequenti*, CRAS MOVE TE CASTRA; quasi dicat Dominus: Ecce, quoniam Amalecites & Chananzii deleicunt in locis humilioribus, ut insidientur vobis; idcirco moneo vos, & præcipio ut pedem referatis, ac revertamini in solitudinem. Quod em sensum confirmat, quod postea Israelitæ, cum negligentes & contentes Domini imperium, vellent Amalecitas invadere, magnam cladem ab eis acceperint.

V. 29. OMNES QUI NUMERATI ESTIS A VICINTI ANNIS ET SU-

PRA, ET MURMURASTIS CONTRA ME, NON INTRABITIS TERRAM PRAETER CALEB ET IOSUE. De hac numeratione sic legitur cap. 1. huius Libri *vers. 45. & 46.* Fueruntque omnis numerus filiorum Israel a vigesimo anno & supra, qui poterant ad bella procedere, sexcenta tria millia virorum, quinquaginta. Sed nota, quod ibidem mox subiicitur *vers. 47.* Levitæ autem in tribu familiarum suarum non sunt numerati cum eis. Sic & hic Omnes qui numerati estis; ut intelligamus non repugnare huic loco, si præter Iosue & Caleb, ex iis qui ex Aegypto egressi sunt, dicamus etiam levitas aliquos vel feminas terram promissionis fuisse ingressos. Certe Eleazar filius Aaron, iam tunc cap. 111. huius Libridicitur sanctus sacerdotio; & nihilominus, idem cum Iosue terram promissionis distribuit filiis Israel, Iosue *xiv.* sic enim ibi legitur: Hoc est quod possederunt filii Israel in terra Chanaan, quam dederunt eis Eleazar sacerdos, & Iosue filius Nun, & principes familiarum per tribus Israel, sorte omnia dividentes, novem tribubus & dimidiæ tribui. Duabus enim tribubus & dimidiæ dederat Moyses trans Iordanem possessionem. Hæc ibi.

MARIANAE.

Vers. 3. **E**T IN HAC VASTA SOLITUDINE UTINAM PEREAMUS. Hebr. Aut in deserto hoc, utinam mortui essemus: sic Septuaginta. Quidam legunt: Utinam mortui essemus in Aegypto, & non in hac vasta solitudine: sed falso.

V. 9. RECESSIT AB EIS OMNE PRAESIDIUM. Hebr. Recessit umbra eorum ab eis, scilicet a Chananeis.

V. 10. APPARUIT GLORIA DOMINI SUPER TECTUM FOEDERIS. Hebr. In tabernaculo catus apparuit Dei gloria.

V. 11. USQUEQUO DETRAHET MIHI. Irritabit me: sic Sept. Chald. & fere Hebræi explicant vocem *יָנַח* naaz. Sunt verba Dei.

V. 15. QUASI UNUM HOMINEM: nempe, usque ad unum occidisti.

V. 18. INNOXIIUM DERELINQUENS: nempe impunitum nullum reliquens.

V. 24. SERVUM MEUM CALEB, QUI

PLE-

PLENUM ALIO SPIRITU. Hebr. *Et seruo meo Caleb merces*; id est, pro eo quod fuit spiritus (voluntas) alius cum eo, & implevit post me; id est, me fecatus est. Et nota, mercedem Hebraice dici calcaneum, quod sit ultimum in opere. Unde fortassis illud Psalm. XLVIII. vers. 6. *Iniquitas calcanci mei*, merces mihi debita, circumdabit me, sequetur me. **ET SEMEN EIUS POSSIDEBIT EAM.** Hebr. *Post fidere facit*. Ipse Caleb de manu sua posteris tradet eam terram.

V. 32. VESTRA CADAVERA IACBUNT IN SOLITUDINE. Hebr. *Et cadavera vestra, vos, cadent*. Ne putarent per cadavera vestra intelligi filiorum cadavera, ad maiorem expressionem addit *vos*.

V. 35. QUAE CONSURREXIT ADVERSUM ME. Hebr. *Convenere contra me*. Conventus populi, rebellionis initium est.

V. 44. AT ILLI CONTENEBRATI. Hebr. *Roborati ascenderunt in montem*, scilicet contra hostes.

M A L V E N D A E.

Vers. 4. CONSTITUAMUS NOBIS DUCEM. Hebr. *Dabimus caput*. Forte an est phrasis illa Hispanica, *Daromos las cabeças si no nos bolvemos a Aegypto*: *aunque nos cuefle la vida*. Disperamus, si illico non revertimur in Aegyptum: ut sit formula iuramenti imprelatorii. Aliter, etiam cum capitis & vitae periculo statutum nobis est redire in Aegyptum: malum enim illic in solo natali mori, quam hic in deserto, aut gladiis Chanaanorum. Sed omnes sere intelligunt, Abiectione Mose, quæramus aut constituamus nobis caput: seu ducem aut imperatorem, qui nos reducat in Aegyptum.

V. 6. SCIDERUNT VESTIMENTA SUA, ex luctu videlicet & maestitia, atque animi dolore: sic Ruben Gen. xxxvii. vers. 34.

V. 8. SI PROPITIUS FUERIT DOMINUS. Hebr. *Si complacuit, si beneplacitum habuit in nobis* יְהוָה. Hanc enim esse vim verbi פָּנִים chaphetz, quando constituitur cum præpositione in, ut hic, annotavimus Genes. xxxiv. vers. 9. Quidam reddunt: *Si volens in nobis Dominus*; si

Dominus voluerit nos; si proclivis in nos fuerit; si voluntas eius erga nos propensa est. Alii: *Si Dominus voluerit nobis esse propitius, vel si complacitum fuerit Domino in nobis*; id est, si favore suo prosequitur, & amat nos. Nonnulli: *Si delectatur nobis* יְהוָה.

V. 9. NOLITE REBELLES ESSERE CONTRA DOMINUM. Verbum מַרְדָּא, notant proprie esse descendere, discedere, recedere, deficere, sese subducere, excutere, seu abiicere dominationem & imperium legitimum superioris, deficere, desciscere, a suo auctore, domino, principe rebellare. Volunt, Paulum I. Timoth. iv. vers. 1. per apostatare reddidisse (Apostatabunt) *Desciscunt quidam a fide*. Hic aliqui convertunt: *Modo contra Dominum ne sis perfidi*. Alii: *Tantummodo contra leviathan ne rebellate*, nimirum constituendo vobis alium ducem, & in Aegyptum redeundo contra voluntatem eius, Deuter. xvii. vers. 16. **QUIA SICUT PANEM ITA POSSUMUS EOS DEVORARE.** Hebr. *Quia panis noster ipsi*. Quidam: *Nam cibus noster sunt*; id est, tam facile eos absumemus, quam facile consumitur cibus; nullo negotio eos conficiemus. **RECESSIT AB EIS OMNE PRÆSIDIUM.** Hebr. *Recessit umbra, uterbraculum de super eos*. Metaphora, & metonymia, effectus pro causa; id est, omni protectione ac præsidio nudati sunt, & externæ iniuriæ expositi. Sic Virgilius XI. Aeneidos:

... & magnam reginæ nomen obumbrat;
id est, tueri, defendit, ut Servius exponit, translatione ab arboribus facta.

V. 10. CUMQUE CLAMARET, &c. Hebr. *Et dixerunt omnis cætus ad obruere eos in lapidibus*; id est, statuerunt, decreverunt obruere eos lapidibus. Ita capitur verbum אָמַר amar Genes. iv. vers. 8. & Exodi. ii. vers. 14. Alii: *Tunc colloquebantur totus cætus, ut obruerent eos lapidibus*. Nonnulli: *Tunc pronuntiaverunt totus cætus, &c.* id est, sententiam in eos tulerunt, ut lapidarentur.

V. 11. DETRAHET MIHI. Verbum נָטַח natz aiunt proprie esse; contamelis, conviciis, probris, verbis maledicis incescere, seu infestari, invadere, involare, lacessere. Observantque in Pihel, ut hic ponitur, augere significationem. Alii volumine signi-

significare spernere, contemnere, contemptum irritare, provocare. Alii, exasperare, exacerbare, irritare, execrari, respuere, spernere cum execratione, blasphemare, subannare. Alii denique, obicere, reprobare, focci facere, indignari, averfari, aspernari. Quatuordecim locis id verbum in Pihel in Scriptura legitur: & Noster varie exposuit: Numeror. xvi. vers. 30. I. Samuel. xii. vers. 14. Isaïæ i. vers. 4. Isaïæ v. vers. 24. Ieremiæ xxiii. vers. 17. blasphemare: I. Samuel. ii. vers. 17. retrahere: Psalm. lxxiii. vers. 18. incitare: Psalm. ix. vers. 34. & Psalm. lxxiii. vers. 10. irritare: Psalm. ix. vers. 25. exacerbare: hic vero, & vers. 23. Deuteron. xxxi. vers. 20. Isaïæ lx. vers. 14. detrahere. Omnia ista tam varia, sed eiusdem ferre sensus significata apte huic loco conveniunt. Quidam hic reddunt: *Quoniam contemptum provocant in populum hunc?*

V. 13. ET AIT MOYSES AD DOMINUM, &c. Hunc versum, & duos sequentes, quod in fonte paulo obscurius effertur, quidam luculentius aggressi sunt exponere.

Primum. Vers. 13. Et dixit Moyses ad Iehovam: Et audient Aegyptii (nam eduxisti fortitudine tua populum istum & medio eius:)

V. 14. Ac dicent super habitatore terre huius: qui audierunt quod tu, o Iehovah, eras in medio populi istius, quodque oculo ad oculum apparebas tu, o Iehovah, & nubes tua flaret super eos, & in columna nubis ambulabas ante eos interdiu: & in columna ignis noctu:

V. 15. Et tamen mori feceris populum istum tamquam virum unum: ac dicent gentes, quæ audierunt famam tuam in hunc modum:

Secundo. V. 13. Et dixit Moyses ad Dominum: At audient hoc Aegyptii (nam in robore tuo eduxisti populum istum & medio eorum.)

V. 14. Diciturque hoc habitatoribus huius terre (audierunt enim quod tu Dominus sis in medio huius populi, & quod tu, o Domine, oculo ad oculum appareas, & quod nubes tua steterit supra eos: & quod in columna nubis præcesseris eos interdiu: in columna autem ignis noctu:)

V. 15. Quod sistum populum velut hominem alique unum interfeceris, dicent gentes, quæ famam tuam audierunt, sic.

Tertio: 13. Dixit vero Moyses Iehovæ:

Atqui audient Aegyptii, e quorum media scissili virtute tua ut ascenderet hic populus:

V. 14. Ac dicent cum habitatore istius terre (audierunt enim te Iehovam esse in medio populi huius, quia tu Iehova oculo ad oculum appareas, vel oculo conspicendus appareas: quod nubes tua residet super eos, ac columna nubis antecedit eos interdiu, & in columna ignis noctu:)

V. 15. Si, inquam, mori afficeret populum hunc tamquam virum unum, seu omnes ad unum; loquerentur gentes istæ, quæ audierunt famam tuam, dicendo:

V. 14. ET HABITATORES TERRÆ HUIUS. Hebr. Et dicent ad habitatorem terre istius. Quidam, super habitatorem, vel de incolis terre huius; id est, male loquentur de his ipsis quos introdukturus eras in terram istam; quasi dicat: Si percusseris incolas tuos terræ istius, hoc est Israelitas, dicent alienigenæ sinistra de illis, ac male loquentur: nempe propter nequitiam & improbitatem suam eos a te perui & interfici, & alia eiusmodi multa. Alii: Et dicent una cum habitatoribus terre istius; id est, Aegyptii cum Chananæis obloquantur. Nonnulli: Et dicent habitatori terre istius: nempe Aegyptii dicent Chananæis, & e contra mutuos inter se sermones habebunt Aegyptii, a quibus Israelitæ exierunt, & Chananæi, ad quorum terram ibant, de actionibus Dei erga populum Israel: utraque enim gens audierat divina hæc & miranda beneficia, quæ hic referuntur, fecisse Deum in populo suo.

V. 15. QUASI UNUM HOMINEM. Hebr. Sicut virum unum. Videtur simile illud C. Cæsaribus apud Svetonium cap. xxx. Utinam populus Romanus unam cervicem haberet. Alii Hebraismum esse volunt; pro omnes pariter usque ad unum: ut ne unus superfluit.

V. 16. NON POTERAT. Hebr. De non posse. Alii: Ex non posse. Quidam: Pre non posse; id est, propterea quod non poterat. Aliqui: Absque posse. OCCIDIT EOS. Hebr. Maḥavit, iugulavit eos. Emphasim, & indignationem habet hic verbum נָחַם schachar; quasi dicat: Violenta morte e medio sustulit velut pecudes.

V. 17. MAGNIFICETUR. Hebr. Grandescet, Grandescet. In גדל גדל, lod est ma-

magnum præter morem: & est nona littera magna in Hebraicis litteris occurrentis. Vide supra cap. XIII. vers. 31. Fortassis ad emphasim infinitæ & incomprehensibilis virtutis & omnipotentiae Dei.

V. 18. DOMINUS PATIENS, &c. Totum hunc versum accurate expositum habes Exodi XXXIV. vers. 6. & 7. nani sunt eadem omnino verba, & sensus.

V. 21. VIVO EGO. Hebr. *Vivens ego*. Notant esse formulam iurantis apud Hebræos, ut apud Latinos, *Ita vivam, Per vitam meam*. Quidam hunc versum ita reddunt: *Vivuntanea ne vitam ego, aut impleatur gloria Iehova tota terra*. Notant Hebræi, & Nostri, quando hæc formula iuramenti de Deo dicitur, ut cum ipse sic iurat, vel per eum iuratur, tunc participium *in chai, vivens*, scribitur cum Patach: si vero per alium iuratur quam Deum verum, tunc scribi cum Tzere *in che*. Quod discrimen aperte videre licet I. Samuelis XX. vers. 3. & cap. XXV. vers. 26. & II. Samuel. XV. vers. 21. Quidam formulam iuramenti, & hunc versum ita concipiunt, ac si dicat: *Quemadmodum ego vivo, & gloria mea implet terram, sic quoque omnes homines, &c. vel quam certum est me vivere, & gloriam meam implere terram; tam etiam certum est quod omnes isti qui viderunt gloriam meam, & signa mea, &c. non sunt visuri terram, &c.* Alii: *Ita vivam, & ita gloria mea terram impleat, si homines isti, &c.* Alii: *Per vitam meam, & per gloriam meam implem totam terram, quod omnes homines isti, &c.* Nonnulli: *Ita vivam, quod tota terra implebitur gloria mea; id est, per vitam meam, ut efficiam quod tota terra impleatur gloria mea, gloriosa & magnifica ostensione iudiciorum meorum, & videant omnes quam iuste puniverim delectores istos: quia non intrabunt in promissam terram.*

V. 22. PER DECEM VICES. Numerus finitus pro infinito, id est pluries; Hebræi tamen distincte ad præfixe numerant eas decem vices, nec plures, nec pauciores. Vide Explanatores late de his dissertentes.

V. 24. QUI *אֲפֵי gbekeb* proprie est *calx, calcaneus, planta, vestigium*: & quia calcaneus est extremum in animalibus, sæpe sumitur pro extremo, fine: & adver-

bialiter, ad extremum, postremo, tandem, finaliter. Item pro *iudicio, emolumento, mercede, premio*, quia id est finis, & extremum operis. Plurimum accipiunt pro præpositione, quia, propterea quod, propter, &c. ut hic. Nec desunt qui reddant: *Et servum meum Caleb merces, premium, emolumentum*, subaudi manet: vel in ablativo, mercede fuit spiritus alius, &c. id est ad mercedem. SECUTUS EST ME. Hebr. *Et implevit post me*. Quidam exponunt, quoniam fuit alio animo erga me; atque alii, & implevit voluntatem meam sequendo me. Alii: *Et implevit me post me*. Sed notant, quando verbum *אחרי male* in Pihel constituitur cum præpositione *אחרי achare, post*, tum singulari phrasi plenitudinem simul atque sequelam, seu obsequentiam importare; id est, significare plene & perfecte obsequi voluntati seu mandatis alterius. Unde exponunt: *Servus meus Caleb, quia est alius spiritus in eo, & implevit post me*; id est, plene & perfecte est me secutus, seu mihi obsecutus. Aliqui volunt verbum hoc *Implendi*, apud Hebræos eandem vim habere quam apud Latinos verbum *Satisfaciendi*; quasi dicat: Plene satisfecit mihi. Sic Cicero dixit: *Deo percasse satisfaciendi*. Nonnulli notant, *Implere post Iehova* idem esse quod omnino munere eo cui quemque Deus præterit, attente, graviter, constanter deungi: quod Theologi dicunt, *Facere quod in se est*. Hispanice *Cumplir con Dios*. IN TERRAM HANC QUAM CIRCVIVIT. Hebr. *Ad terram quam ingressus fuit illic*, id est in Gh-bronis agrum: supra cap. XIII. vers. 23. & Iosue XIV. vers. 9.

V. 25. HABITANT IN VALLIBUS. Hebr. *Sedens in valle*. Quidam, in profundo; hoc est, in locis profundioribus & depressioribus delitescunt in insidiis, ut vos incautos opprimant. Nonnulli: *Consistit in ista valle*, id est ab altera parte montis: præmonet iorem ut monte occupato Israelitas invadant, ideoque iubet eos retrocedere. Vide Dei benignitatem, quamvis iratus curat ne incident in manus hostium: quod destituit divino præsidio illis proculdubio impares essent futuri. Sedere verbum interdum militare. Valerius Maximus Lib. VII. cap. IV. *Apud menia Contrebie armato sedendum foret*. Alii putant

tant dixisse Dominum: iam prope terram promissam habetis, hostes & habitatores terræ quos eieciuri eratis, in proximo sunt, nam trans montes istos in locis planis habitant: nolo vos terram ingredi, aut iam iam eam occupare, qua indigni estis; retrocedite cras per viam deserti versus Mare rubrum: volo enim vos his oris longius avertere, propter scelera vestra. Chanaanus hic synecdochice pro cunctis habitatoribus terræ Chanaan. Vide Genes. x. vers. 8. & 19. & forte hic Amorrhæus intelligitur, e cap. xiii. vers. 30. **MOVETE CASTRA.** Hebr. *Movete, vel proficiscimini vobis.* Quidam illud *vobis* exponunt: Ad utilitatem vestram, vestro bono proficiscimini: nimirum ut eventus docuit infra vers. 45. Notant canonem esse Hebræis, quando verbum aliquod præter suam constructionem articulum *Lamed* dativi casus extra regimen recipit, tum notare operationem utilitatis causa institutam, aut instituendam, ut Genes. xii. 1. *Abi tibi de terratua.* Exodi xvi. 1. vers. 27. *Et abiit sicut in terram suam:* & alibi sæpius. Quidam irrident hanc observationem, & phrasim esse linguæ simpliciter putant, ut Hispanice, *Vete.* Ego ut suum locum alicubi habere non negaverim, ita magis crediderim eiusmodi dativum potius curam, celeritatem, & diligentiam indicare: ut Exodi xxxiv. vers. 1. *Dola tibi duas tabulas.* Numer. iii. vers. 13. *Mitte tibi viros.* Ita forsitan hic *proficiscimini vobis*; id est, quamprimum castra movete. **ET REVERTIMINI.** Hebr. *Crasino aspiciate, proprie faciate, seu faciem obvertite:* elegantissimus Hebraismus. Hispanice *Encarad*; id est, dirigite iter, & castrametationes versus desertum, & Mare rubrum.

V. 27. USQUEQUO MULTITUDO HÆC PESSIMA. Hebr. per dativum, suppresso verbo: *Usquequo cætui malo isti?* aposiopesis irati; subaudi, parcam, aut condonabo, vel propitius & benevolus ero? Quidam: *Usquequo tandem seram congregationem istam malam?* Alii verbum *audivi* ab extremo versus subaudiunt, vel potius sententiam continuant, & construunt cum ipso verbo: *Quousque cætum istum malum eorum qui sunt murmuratores adversum me, obmurmurationes filiorum Israelis, quibus murmurant contra me, au-*

Bibl. Sac. Tom. III.

dicere? Trina hæc iteratio murmuratorum augebatur sensum; quasi dicat: Qui continuo querulantur & obmurmurant impudentissime contra me, & quasi nihil aliud faciunt, & nihil sunt nisi murmurantes. Vide similem phrasim Genes. iv. vers. 17.

V. 29. OMNES QUI NUMERATI ESTIS. De quibus supra cap. i. & ii.

V. 30. SUPER QUAM LEVAVI MANUM MEAM. Quidam: *In qua iuravi tollens manum meam.* *Levare manum* Hebræis pro iurare: vide Gen. xiv. vers. 22.

V. 31. UT VIDEANT TERRAM. Hebr. *Et cognoscent, scient terram*, id est *approbabit.* Sic verbum *ידע* iadagb dicitur in Scriptura de notitia approbationis: & congruit cum sequenti membro, *QUAE VOBIS DISPLICUIT.* Alii: *Et sentient, experientur terram.* Quidam: *Ut fruantur terra.*

V. 32. VESTRA CADAVERA IACBUNT. Hebr. *Et cadavera vestra, vos*, id est, *cadavera vestra*, quæ vobis sunt: ne per cadavera vestra intelligerentur etiam filiorum. Alii: *Cadavera vestra ad vos*, pertinentia. Quidam: *Cadavera vestra, vestra, inquam.* Nonnulli: *Cadavera vestrum ipsorum.* Forsitan istud *Cadavera vestra ad vos cadent*, vel *iaccunt*, inquit magnam stragem cadaverum futuram, ut totis campis strues & acervi cadaverum iaceant, & corpora super corpora cadant.

V. 33. ERUNT VAGI IN DESERTO. Hebr. *Erunt pascentes, vel pastores in deserto.* Quidam exponunt: Incertis sedibus vagabuntur, ut grex pascui causa vagatur per desertum. Alii, *Errabunt more eorum qui pecudes in deserto pascunt*, nova semper quærentes loca; quasi dicat: Erunt veluti Nomades, incertis & vagis locis errantes in deserto. **ET PORTABUNT FORNICATIONEM VESTRAM.** Quidam reddunt: *Et ferent penam scortationum vestrarum.* Dum ista quadraginta annorum mora exhibitio terræ promissæ differetur. *Scortationes* vocat, more Scripturæ, defectiones a Deo.

V. 34. ET SCIETIS ULTIONEM MEAM. תנאב *tenuab*, non alibi nisi hic, & Iob xxxiii. 10. reperitur, ubi Noster *querelas* dixit. Varie interpretatur. I. *Et cognoscetis fracturam, confractionem, rupturam, abruptionem, avulsionem, distractionem meam, vel contritionem meam*, nimirum qua vos fregi, rupi, evulsi, distraxi, con-

trivi, quod Noster dixit ultionem meam. Alii exponunt, *abruptionem meam*, vel a me; id est, ut ex facto cognoscatis & experiamini me quasi fractum esse peccatis vestris, & abruptum a fœdere vobiscum, & communicatione vestra; vel ex consequente me frangere agnoscatis & evellere a vobis fœdus illud meum, quo hæcenus devincti fuistis mihi. Humanitus dictum. II. *irritationem meam*; id est, quomodo irritos faciam conatus vestros. III. *intentionem meam*; id est, an verba mea inania & irrita futura sint, frustra que a me pronuntiata, & cassa. IV. *frustrationem meam*, nimirum qua vos frustravi ipe potius terræ promissæ. V. *mendacium meum*; id est, num ego sim mendax, & num compleretur sim quæ prædixi devobis interficiendis. VI. *prohibitionem meam*, qua scilicet prohibebo vos ne ad terram meam perveniat. VII. *occasionem meam*, ex transposito *toanab*, occasio; id est, quam legitimam etiam & occasionem habuerim perdendi vos. VIII. *confutationem, refutationem, venenum, anihilationem meam*; id est, qualiter vos confutaverim, refutaverim, reuenerim, abiecerim, anihilaverim. IX. *discessionem, desertionem meam*; hoc est, ut a vobis discesserim, ac vos deseruerim. X. *dissuasionem meam*; id est, cognoscetis quantum vobis intererat non me de sententia dimovisse. XI. *amotionem, recessum meum*; id est, quod me a vobis amoverim, & vos a me reiecerim, & penitus a vobis recesserim. Ego, *cassationem meam*, id est cassationem fœderis mei vobiscum initi, & promissionum mearum de tradenda vobis terra Chanaan.

V. 35. QUAE CONSURREXIT ADVERSUM ME. *neghadim* omnia ista complectitur, convenientibus, coeuntibus, conspirantibus, confederantibus, consentientibus, congregantibus adversum me.

V. 37. ATQUE PERCVSSI. Hebr. in *plaga*. Quidam, *subita internecone*. Alii, in *plaga* illa, præsentissima, ut probabile est, peste, quam interminatus fuerat supra vers. 22.

V. 39. ET LUXIT POPULUS NIMIS. *vaitabelu*, & coniunctio Hithpael, & adverbium valde, ingentem plane luctum designant.

V. 40. QUIA PECCAVIMUS; id est, agnoscimus nos peccavisse, ut II. Samuel.

xxiv. vers. 10. cum videlicet nolimus ascendere, sed reditum in Aegyptum cogitavimus, supra vers. 3. & 4.

V. 41. QUOD VOBIS NON CEDET IN PROSPERUM. Hebr. *Et ipsa*. Hispanice, *la becha non pervader*. Quidam: *Et hoc non proficiet*, id est prospere cedit. Alii: *Et hoc non bene cedit*. Nonnulli: *Atqui hoc non succedet*. Aliquis: *Et ipsa* (ascensio) non prosperabitur.

V. 44. CONTENEBRATI ASCENDERUNT. Mira varietate reddunt hic verbum *beghebil*, formulæ Hiphil. I. Et invaluerunt ad ascendere. II. Et conati sunt ascendere. III. Et corroborarunt se ad ascendere. IV. Et angariati sunt ad ascendendum. V. Muniti fortificatione sunt ad ascendendum. VI. Concederunt in altum ut ascenderent. VII. Vin fecerunt ad ascendendum. VIII. Quidam *ghophel*, arx: Quasi arx munierunt se ad ascendendum. IX. Impetuosius fuerunt ad ascendendum. X. Et compilati sunt, in pilam coagulati sunt ad ascendendum. Aiunt verbum *beghebil* proprie esse, per clausas, seu fauces, aut pilas montium temerario ausu conatu contendere. Unde exponunt: *Et contenderunt ascendere*; ut sit sensus: Contenderunt inter se ut quisque ascendendo primus eisset, atque ita condendarunt se. Aptius: *Et conissi, enixi per fauces*, & angusta, seu arcta fuerunt ad ascendere in verticem montis. Noster contulit *ghaphal* cum *Ghaim* cum *ophel* cum *Aleph*, quod tenebras, & caliginem denotat; ac dixit: *Contenebrati ascenderunt*. Hispanicus Interpres, *esforçaronse*, vel *obstinaronse*, seu *porfioron a subir*. Vide Deuter. 1. vers. 41.

V. 45. QUI HABITABAT IN MONTE. Hebr. *sedens in monte*; id est, qui prius ante Israelitas montem illum intraderat, & occupaverat, evers. 43. HORMA. Quidam hunc locum eundem putant cum illo Num. xxi. vers. 3. ubi e contra Israelitas conciderunt Chanaanæos, ut forsitan locus nactus nomen a mutuis istis exercituum concisionibus. Alii diversum, quod est verisimilius. Necdesunt qui hic Chormah non pro nomine proprio, sed appellativo capiunt, propter præfixum articulum *He*, qui propriis nominibus præponi non solet; exponuntque: *Usque ad excisionem, deletionem, interneconem, anathe-*

ma; quasi dicat: Ingenti clade concidit eos.

M E N O C H I I.

Verf. 3. **I**N HAC VASTA SOLITUDINE UTINAM PEREAMUS. Voti compotes facti sunt, eandem quam postulaverant pœnam Domino illis irrogante num. 28. omnes enim consecit, & sepelivit in deserto.

V. 4. REVERTAMUR IN AEGYPTUM. Quis revertentibus præbuisset annonam? an rebellibus Dominus pluisset manna? quomodo Mare rubrum transmississent?

V. 5. CEDIDERUNT PRONI INTERRAM, deprecantes Dominum ne immitterat vindictam in murmurantes, ut fecerat in Sepulcris concupiscentiæ cap. xi. 37.

V. 8. SI PROPITIUS. Particula *si*, non est dubitantis, sed modum victoriæ indicantis; quasi dicat: Propitio Domino ingrediemur, &c. Vel sensus est: Nisi pergas illum vestris oblocutionibus irritare.

V. 9. RECESSIT AB EIS OMNE PRAESIDIUM. Hebr. *Recessit ab eis umbra eorum*. Septuaginta habent: *Recessit ab eis tempus*. Divino præsidio destitutiunt. Hebræi hoc intelligunt de morte S. Iob, quem iuxta Iordanem habitasse, ex variis auctoribus ait Pineda in Iob cap. i. verf. i. num. 27. & hoc anno mortuum fuisse aliqui volunt. Vide Cornelium a Lapide cap. x. Numer. v. v. rf. ii.

V. 10. ET LAPIDIBUS EOS, &c. Caleb scilicet & Iosue qui murmurantibus resistebant. GLORIA DOMINI, nubes lucida præsentiam Domini indicans. SUPER TECTUM FOEDERIS, super tabernaculum.

V. 11. DETRAHET MIHI. Hebr. *Irribat me*.

V. 12. PRINCIPEM SUPER GENTEM MAGNAM, quæ ex te nascatur, vel cui tu imperes.

V. 13. UT AUDIANT AEGYPTII. Trunca oratio per aposiopesein ad exprimendum pathos; quasi dicat: Si hoc facis, audient Aegyptii, & blasphemabunt nomen tuum.

V. 17. MAGNIFICETUR ERGO FORTITUDO DOMINI: magna appareat, iram vincendo, & difficultates ex

hostibus, ex itinere, ex ingenio duro Hebræorum superando. SICUT IURASTI. Non iuraverat Dominus; sed illius asseverationi par fides adhibenda ac iuramento.

V. 18. INNOXIUM, impunitum, cum pœnam meretur. QUI VISITAS PECCATA PATRUM IN FILIOS. Non quod Moses hoc optet, cum contrarium postulet; sed quia Deus Exod. xxxiv. 6. hæc sibi epitheta tribuerat, iisque cum invocaretur, nominari voluit.

V. 20. DIMISI, non puniam, ut dixeram. IUXTA VERBUM TUUM, ut petisti.

V. 21. VIVO EGO: iuro ego per vitam meam. IMPLEBITUR GLORIA DOMINI UNIVERSA TERRA; adeo mira facturus sum inducens populum in Chanaanam. QUI VIDERUNT MAIESTATEM MEAM, signa nimirum, & portenta, quæ maiestatis meæ argumenta sunt. PER DECEM VICES, multis vicibus.

V. 24. QUI PLENUS ALIO SPIRITU, bono scilicet obedientiæ, magnanimitatis, fidei, ac fiduciæ. SECUTUS EST ME, iussa mea faciendo, non obloquendo, bonum exitum sperando, & alios etiam ad spem erigendo.

V. 25. REVERTIMINI IN SOLITUDINEM. Iam pervenerant in Rethma, & Cades, proximeque aberant a terra promissa, tantum enim intererant montes Idumææ; in pœnam ergo revocat illos in solitudinem.

V. 30. SUPER QUAM LEVAVI MANUM. Pro qua quasi elata in altum manu, iuravi quod eam vobis darem, Gen. xv. verf. 18.

V. 33. QUADRAGINTA ANNIS. Hebræi egressi sunt ex Aegypto decimo quinto die mensis primi, ut patet Numeror. xxxiii. 3. transierunt autem Iordanem, & ingressi sunt Chanaan decima die mensis primi anni 41. ab egressu, ut patet Iosue. iv. 19. Itaque defuncti quinque dies ad explendum quadraginta annos. PORTABUNT FORNICATIONEM VESTRAM, pœnam fornicationis vestræ, id est prævaricationis, ac declinationis a Deo, & eius legibus.

V. 34. INIQUITATES, pœnam iniquitatum.

V. 37. MORTUI SUNT ATQUE PERCUSSI IN CONSPECTU DOMINI: subita morte puniti sunt præter Iosue, & Caleb.

V. 39. OMNIA VERBA HÆC, sententiam mortis continentia.

V. 40. ASCENDERUNT VERTICEM MONTIS, Idumææ, ut sic statim penetrarent in Chanaan. Prius averfi, & fugientes, nunc præcipientes in eam ruunt, sine consilio, nutu. opeque Dei: in utroque inobedientes Domino, utrobique multati ut meriti fuerant. PARATI SUMUS ASCENDERE, quasi priore contumaciam emendaturi.

V. 44. AT ILLI CONTENEBRATI, excæcati inobedientia, & cupiditate, penetrandi in Chanaan, non acquiescunt. INVERTICEM MONTIS, in quo habitabant Chananæi, & Amalecitæ, qui facile per dorsum montis in sublime nitentes deturbarunt, ac cæciderunt.

V. 45. USQUE HORMA. Qui locus postea ita dictus est Numer. xxi. vers. 3. a strage ibi edita ab Hebræis; vel etiam ab hac clade nomen invenit. *Horma* anathema significat.

T I R I N I.

Vers. 18. **N**ULLUMQUE INNOXIU
DERELINQUENS, QUI
VISITAS PECCATA PATRUM IN FI-
LIOS IN TERTIAM ET QUARTAM
GENERATIONEM. Vide hæc explicata
Exod. xx. Sed hinc patet, non intendisse
Moysen, neque petiisse a Deo, ut hoc
tam enorme scelus maneret impunitum;
sed solum, ne Deus totum populum si-
mul & semel deleteret, uti visus fuerat com-
minari. Itaque hoc erat Moysis argumen-
tum: Tu Deus, qui nosti neminem per te
innocentem esse, sed omnes in peccata
pronos; qui etiam dum punis soles mi-
sericordiam admiscere, tarde & quasi in-
vite puniendo, nec nisi post tertiam sere vel
quartam generationem poenam intelligendo,
neque etiam ulterius protrahendo: non
enim soles ob quantumcumque enorme
scelus integrum populum ad interecionem
perdere. Id experti sumus toto tempore
quo ex Aegypto egressi sumus, & in de-
serto sæpius ad iracundiam te provocavi-
mus, nunc vitulum adorando, nunc ce-
pas & allia expetendo. Quare precor,

eadem misericordia utaris etiam nunc in
hoc rebellionis novo scelere puniendo.

V. 22. TENTAVERUNT ME IAM
PER DECEM VICES; id est, sæpius; li-
cet & hic denarius numerus tentationum
facile ab illis completus fuerit, ut enu-
merat Bonfrerius, & alii, & ostendi in
Chronico.

V. 25. QUONIAM AMALECITES
ET CHANANÆUS HABITANT IN
VALLIIS; id est, castrametantur in
vallibus his vobis vicinis, vobisque inde
insidiantur: ne quid forte periculi ex ea
parte obveniat, festinate hinc recedere,
cras move te castra, & in desertum redi-
te: si enim ulterius progrediamini, vel
hic hæreatis, eorum gladio corruetis, pro-
pterea quod ego vobis non adero, nec de-
fendam: ut res ipia post docuit versu ul-
timo. Hinc patet, non agi hoc vers. 25.
de habitatione firma ac stabili Amaleci-
tarum, nam talem habebant in montibus,
ut dicitur in fine capituli; sed solum de
habitatione castrensi, pro tanto tempore
quanto opus esset ad præpediendum Israe-
litis ingressum in terram sanctam.

V. 37. MORTUI SUNT ATQUE PER-
CUSSI IN CONSPECTU DOMINI;
hoc est, subita morte prostrati sunt, glo-
ria Domini sese adhuc ipsendam exhiben-
te insolito horrificoque splendore supra ta-
bernaculum. Quidam volunt, peste illos
extinctos; alii igne cælitus misso; Rab-
bini quidam, lingue tumore quo respira-
tio prædideretur. Sed nil opus erat Deo
cuiusmodi telis, ut repentina morte illos
extingueret, cum vel sola concursus sui
ad vitam unionemque animarum necessari
subtractione id efficere potuerit. Et hoc
fuit publicum ac subitaneum mendacium
exploratorum supplicium. Ceterorum ve-
ro nummuratorum ac rebellium Israelita-
rum ut lentum, ita magis occultum fuit;
omnes tamen illud subierunt: puta sex-
centa tria armatorum millia, quingenti &
quinquaginta, quot nempe a vigesimo vi-
tæ anno usque ad quinquagesimum nume-
rati fuerant ab egressu ex Aegypto. Nam
omnes paulatim in deserto, spatio qua-
draginta annorum extincti sunt, solis Io-
sue & Caleb exceptis. Neque hoc nume-
ro comprehensæ fuerunt fenēs ultra quin-
quagesimum tunc annum; neque Levitæ
ulli, neque mulieres, neque pueri vel
ad.

adoleſcentes infra vigefimum annum ; licet multi etiam horum ꝑ ut rebellionis focii , ita rebellantium poenæ participes fuerint : verifimile tamen eſt , multos quoque horum fuiſſe innoxios , & terram ſancſtam ingreſſos .

G O R D O N I .

Verſ. 5. **I**N TERRAM CORAM OMNI MULTITUDINE ; hoc eſt , non ut populum exoraturi , ſed Deum orantes , ipſiſtante multitudo .

V. 14. **FACIE VIDEARIS AD FACIEM .** Non eſt hoc aliud quam Deum ſe manifeſtare populo , ſcilicet in monte , in nube & columna , atque aliter .

V. 17. & 18. Iuravit Deus de hac poſſeſſione Abrahamo , & aliis Patriarchis . De viſitatione peccatorum in quartam generationem , vide Exod. xx. verſ. 5. & 6. **NULLUMQUE INNOXIUM DERELINQUENS** , impunitum ſcilicet , cum poenam mereatur .

V. 23. & 24. Quæri poteſt quinam ſint in quos cadit hæc ſententia non ingredienti terram promiſſam : nam erant indefectoſes , pueri , mulieres , Levitæ . Exiſtimum ſententiam hanc tantum eſſe in bellatores , & eos bellatores qui inter annum vigefimum & quinquageſimum exiſtentes murmuraverunt . Mors præveniens impedit Aaronem .

V. 24. **SERVUM MEUM CALEB .** In Hebr. eſt *merces* : ubi eſt pro voce mercedis , *calcanem* , quod merces ſit ultimum in opere , *אֲפֵי בִּקְעָב* : rad. *אֲפֵי* , ſupplantavit .

V. 25. **REVERTIMINI .** Hebræi in Cades vicini erant terræ promiſſæ : tantum diſtabant per interiectos montes Idumææ . Iubetur in poenam redire verſus Mare rubrum (hoc iter per tabulas ſat Adrichomius) immo etiam ut ſecuri ſint ab hoſtibus Chanaanæis .

V. 33. Ab exitu ex AEgypto , uſque ad ingreſſum in terram Chanaan , tranſito

Iordane , ſunt anni quadraginta , minus quinque diebus : hoc eſt a decimo quinto die menſis primi , quando cepit exodus , ad decimum diem menſis primi anni quadageſimi , ut habetur Iſue verſ. 19. Et ita habent editiones Latina , Hebraica & Chaldaica ; quamvis Septuaginta habeant quadragintaduos annos , quos ſecutus eſt Auguſtinus .

V. 34. Hinc exiſtitant aliqui manſiſſe populum quadragintaduobus annis in deſerto ; ſed non ita eſt . Numerantur hic anni quadraginta non a peccato in Cadesbarnæ , ſed ab exodo .

V. 40. **ASCENDERUNT VERTICEM MONTIS .** De hoc monte Idumææ dixi verſ. 25. Aſcenderunt ergo ut pervenirent in Chanaan , nolente Moſe , & cæſi ſunt .

V. 44. **CONTENEBRATI ASCENDERUNT .** Hebr. *vim facientes* , ſeu impetu . Septuag. *ὑποδραμαῖνοι* , non autem *διαβλαψαῖνοι* , tranſeuntes .

V. 45. De **HORMA** vide Iudic. i. verſ. 17. & infra cap. xxi. verſ. 3.

EX EIUSDEM AUCTARIO .

V. 10. **ET LAPIDIBUS EOS VELLET OPPRIMERE** , nempe Caleb , & Iſue .

V. 18. **DOMINUS PATIENS . . . QUI VISITAS PECCATA PATRUM .** Moſes quidem nunc deprecatur hanc viſitationem ; ſed ſunt epitheta ſub quibus Deus invocari vult , ex Exod. xxxiv. 6.

V. 20. **DIMISI** , peperi .

V. 21. **PER DECEM VICES** , ſæpe , multoties .

V. 30. **LEVAVI** , promiſi , iuravi , Gen. xv.

V. 37. **MORTUI** , repente percuſſi a Deo .

V. 44. In vertice montis habitabant Chanaanæi & Amalecitæ .

V. 45. **HORMA** , *Anathema* : ab hac clade forte nomen accepit .

C A P U T XV.

*Quæ libamenta ingressis terram offerenda sūt ac primitiis separanda :
pena peccati per ignorantiam aut superbiam commissi: lapidatur
qui Sabbato ligna collegit: sinitia ac vite per quatuor
angulos palliorum ponenda.*

1. ocutus est Dominus ad Moysen, dicens: 2. Loquere ad filios Israel, & dices ad eos: Cum ingressi fueritis terram habitationis vestræ, quam ego dabo vobis, 3. & feceritis oblationem Domino * in holocaustum, aut victimam, vota solventes, vel sponte offerentes munera, aut in solemnitatibus vestris adolentes odorem suavitatis Domino, de bobus, sive de ovibus: 4. offeret quicumque immolaverit victimam, sacrificium similæ, decimam partem ephi, * consperse oleo, quod mensuram habebit quartam hin: 5. & vinum ad liba fundenda eiusdem mensuræ dabit in holocaustum sive in victimam. Per agnos singulos 6. & arietes erit sacrificium similæ duarum decimarum, quæ conspersa sit oleo tertiæ partis hin: 7. & vinum ad libamentum tertiæ partis eiusdem mensuræ offeret in odorem suavitatis Domino. 8. Quando vero de bobus feceris holocaustum, aut hostiam, ut impleas votum, vel pacificas victimas, 9. dabis per singulos boves similæ tres decimas consperse oleo, quod habeat medium mensuræ hin: 10. & vinum ad liba fundenda eiusdem mensuræ in oblationem suavissimi odoris Domino. 11. Sic facies 12. per singulos boves & arietes & agnos & hædos. 13. Tam indigenæ quam peregrini 14. eodem ritu offerent sacrificia. 15. Unum præceptum erit atque iudicium tam vobis quam advenis terræ. 16. Locutus est Dominus ad Moysen, dicens: 17. Loquere filiis Israel, & dices ad eos: 18. Cum veneritis in terram, quam dabo vobis, 19. & comederitis de panibus regionis illius, separabitis primitias Domino 20. de cibis vestris. * Sicut de areis primitias separatis, 21. ita & de pulmentis dabitis primitiva Domino. 22. Quod si per ignorantiam præterieritis quidquam horum, quæ locutus est Dominus ad Moysen, 23. & mandavit per eum ad vos, a die qua cæpit iubere & ultra, 24. oblitaque fuerit facere multitudo: offeret vitulum de armento, holocaustum in odorem suavissimum Domino, & sacrificium eius ac liba, ut cæremoniæ postulante, hircumque pro peccato: 25. & rogabit sacerdos pro omni multitudine filiorum Israel: & dimittetur eis, quoniam non sponte peccaverunt, nihilominus offerentes incensum Domino pro se & pro peccato atque errore suo: 26. & dimittetur universæ plebi filiorum Israel, & advenis * qui peregrinantur inter eos: quoniam culpa est omnis populi per ignorantiam. 27. Quod si anima una nesciens peccaverit, offeret capram anniculam pro peccato suo: 28. & deprecabitur pro ea sacerdos, quod inscia peccaverit coram Domino: impetrabitque ei veniam, & dimittetur illi. 29. Tam indigenis quam advenis una lex erit omnium, qui peccaverint ignorantes. 30. Anima vero, quæ per superbiam aliquid comi-

miserit, sive civis sit ille, sive peregrinus, (quoniam adversus Dominum rebellis fuit) peribit de populo suo: 31. verbum enim Domini contempsit, & præceptum illius fecit irritum: idcirco delebitur, & portabit iniquitatem suam. 32. Factum est autem, cum essent filii Israel in solitudine, & invenissent hominem colligentem ligna in die sabbati, 33. obtulerunt eum Moyfi & Aaron & universæ multitudini. 34. Qui recluserunt eum in carcerem, nescientes quid super eo facere deberent. 35. Dixitque Dominus ad Moysen: Morte moriatur homo iste, obruat eum lapidibus omnis turba extra castra. 36. Cumque eduxissent eum foras, obruerunt lapidibus, & mortuus est sicut præceperat Dominus. 37. Dixit quoque Dominus ad Moysen: 38. Loquere filiis Israel, & dices ad eos (a) ut faciant sibi fimbrias per angulos palliorum, ponentes in eis vittas hyacinthinas: 39. quas cum viderint, recordentur omnium mandatorum Domini, nec sequantur cogitationes suas & oculos per res varias fornicantes, 40. sed magis memores præceptorum Domini faciant ea, sintque sancti Deo suo. 41. Ego Dominus Deus vester, qui eduxi vos de terra Aegypti, ut essem Deus vester.

(a) Deuter. xxxii. 32. Matth. xxiii. 5.

B R U G E N S I S

ROMANÆ CORRECTIONES.

V. 3. In holocaustum, aut victimam, vota solventes. Nominis substantivo victimam, non addendum est adiectivum pacificam, quod faciunt libri plerique.

V. 4. Conspersæ oleo. Alii habent quantum casum conspersam, relatum ad illud quod præcedit decimam partem. Correctores

ellexerunt secundum casum conspersæ, relatum ad nomen simile.

V. 20. Sicut de areis primitias separatis. Præfens separatis non est mutandum cum futuro separabitis.

V. 26. Qui peregrinantur inter eos. Non mutet tertiæ personæ pronomen eos cum secundæ vos.

C O M M E N T A R I A.

S A.

Vers. 3. **O**VIBUS. Hebr. pecudibus. Chald. & LXX. ovibus.

V. 6. ET ARIETES, id est singulos arietes.

V. 15. IUDICIUM, id est ritus, seu consuetudo.

V. 20. DE CIBIS, scilicet partem. Heb. de conspersionibus, id est partibus, scilicet placetas. Sicut de areis, scilicet soletis.

V. 21. DE PULMENTIS: repetitio eius quod supra de cibis; quasi dicat, placentam unam. Hebr. & LXX. de conspersionibus.

V. 22. PER IGNORANTIAM. Vide Levit. iv.

V. 24. LIBA, id est libamina.

V. 25. ROGABIT. Hebr. Expiabit. Chald. & LXX. Propitiabit: sic & infra.

NON SPONTE. Hebr. per errorem, seu ignorantiam. LXX. involuntarie. Nihilominus offerentes; pro, & tamen offerent. INCENSUM, pro sacrificium quod incenditur: supra in principio capitis vertit oblationem; itemque paulo post.

V. 30. PERIBIT; id est, digna est morte vel interficietur, scilicet iudicis sententia.

V. 31. PORTABIT INIQUITATEM; id est, dabit penas iniquitatis.

V. 38. VITTAS. Nota, quod ipsæ vittæ, scilicet fila serica intorta, erant fimbriæ: quod si fimbria intelligatur extremitas vestis, ex fimbriis pendebant vittæ.

V. 39. FORNICANTES, scilicet deserti Deo; quasi dicat, peccantes.

ES.

E S T I I.

Vers. 30. **A**NIMA VERO QUAE PER SUPERBIAM ALIQUID COMMISERIT, SIVE CIVIS SIT ILLE, SIVE PEREGRINUS (QUONIAM ADVERSUS DOMINUM REBELLIS FUIT) PERIBIT DE POPULO SUO. LEVI. VI. haec verba habentur: *Animam quae peccaverit, & contempro Domino, negaverit proximo suo depositum, reddet omnia. Pro peccato autem suo offeret arietem immaculatum.* Quaeritur ergo quomodo ibi tantum iubeatur sacrificium pro peccato contemptus offerri, hic autem mors sit poena? Respondetur, hoc loco sermonem esse de eo qui per testes convictus esset, & non solum quod sciens & volens contra mandatum Dei f. cisset, sed etiam quod sufficiens admonitus, a peccato illo abstinere, & corrigere se noluisse: & talis per sententiam iudicis erat morte plectendus. In Levitico autem de eo agitur qui sponte peccatum suum, quod aliqui per contemptum commiserat, confiteretur sacerdoti, cupiens pro eius venia consequenda offerri sacrificium. Quod enim ibi additur, *Convicta delicti*, adiectitium est, neque in Hebraeo habetur, neque in omnibus exemplaribus Latinis.

V. 34. QUI RECLUSERUNT EUM IN CARCEREM, NESCIENTES QUID SUPER EO FACERE DERERENT. Atqui Exodi xxxi. dictum erat: *Omni qui fecerit opus in hac die, morietur.* Sed respondeo: Sciebant eum morte plectendum, sed ignorabant quo mortis genere. Alii respondent, eos nescisse utrum sciens ac prudens fecisset.

V. 35. OBRUAT EUM LAPIDIBUS OMIS TURBA. Cum scelus blasphemiae divini nominis longe sit gravius hac sabbati violatione per collectionem lignorum, quare tamen blasphemus non maiori poena punitus sit, vide Levitici caput vigesimum quartum.

M A R I A N A E.

Vers. 4. **D**ECIMAM PARTEM EPHI. In Hebraeo non est *ephi*, sed tantum *simile decimam*, nimirum gomor, quae decima absolute vocatur, cum sit de-

cima ephi, ut Sept. & Hieron. explicationis causa addiderunt. **QUARTAM PARTEM HIN.** *Hin* capit duodecim loghin, seu sextarios Hebraicos, quorum singuli quantum sex ova capiunt; utinos explicavimus de Pond. & mens. cap. xiv.

V. 5. PER AGNOS SINGULOS. Vox **עֶבֶר** *ebebes* significat agnum anniculum. *V. 6.* ET ARIETES. Hebr. *vel arietem*. Sed inter Hebraeos Rabbi Iona eam conjunctionem copulative accipit, ut & Sept. & Hieronymus; Chald. & alii disiunctive. Verum sententia non discrepat.

Versus deest in Vulgata, qui Hebraeis est duodecimus: *Iuxta numerum quem facietis, sic facietis unus*, id est singulis, *iuxta numerum eorum*. Quod Hieronymus omisit, quod sit repetitio versus undecimi in sententia. Idem fecit proximis versibus, sententiam secutus multa verba reseculit; sed & versu 15. ubi ait, **UNUM PRAECEPTUM**, deest, *O congregatio, הִנְּבִיחָהְכָּהָל*, ubi Hebraei notant, *Ha* articulum vim vocandi habere, quod in Hispanica lingua frequens etiam est; quasi dicat: *O congregatio*, audi unum praecceptum, &c.

Quod ait vers. 20. **DE CIBIS VESTRIS**, & vers. 21. **DE PULMENTIS**, utrobique Hebraice *De conspersionibus*, seu *consperisonum placentiam*; hoc est, cum subigetis farinam, placentiam quasi primitias offeretis.

V. 25. NIHILOMINUS OFFERENTES INCENSUM DOMINO PRO SE, ET PRO PECCATO ATQUE ERRORE SUO. Hebr. *Et ipsi afferent oblationem suam sacrificium incensum Domino, & peccatum suum coram Domino pro errore suo.* Ita peccatum non sumitur pro peccato ipso, sed significat *hostiam pro peccato*. *Incensum* non sumitur pro thure, sed pro combustum.

V. 28. ET DEPRECABITUR PRO EA SACERDOS. Hebr. *Tropitiabit pro anima sacerdos*. **QUOD INSCIA PECCAVIT.** Hebr. *in peccato eius in ignorantia*. **בִּבְהֶתָב** *bebetab* ubi *n* in fine est affixum, & deberet esse cum *mapik*, sed est irregulare.

V. 30. ADVERSUS DOMINUM REBELLIS FUIT. Hebr. *Dominum ipse irritavit*, ut Chald. Alii, *Convitiatus est Dominum*.

V. 38. COLLIGENTEM LIGNA. Hebr. *colligentem stipulas*.

V. 39. NEC SEQUANTUR COGITATIONES SUAS, ET OCULOS PER RES VARIAS FORNICANTES. Hebraice *Nec sequimini post cor vestrum, & post oculos vestros: in quibus vos fornicatis post eos: scilicet idola colentes.*

MALVENDAE.

Vers. 3. **A**UT VICTIMAM. Hebr. *aut sacrificium*. Quidam universe intelligunt quodvis sacrificium quod ex mactatis animalibus fiebat, ut vers. 5. & 8. Nam aliqui minchah, oblatio, munus erat ex simila; libamen vero ex oleo, & vino. Hinc intelligunt, nullum sacrificium animalium fieri sine minchah, & libamine.

V. 4. QUARTAM PARTEM HIN. Notant, quartam, seu quartale hin cepisse 18. ovorum integra putamina, id est idium congl. Vide Exod. xxxix. vers. 40.

V. 5. PER AGNOS SINGULOS. Hebr. *agno uni*, seu *pro unoquoque agno*.

Hebr. vers. 12. prætermisit Noster, quod satis in undecimo intelligeretur. Nos ex verbo reddidimus (*Secundum numerum quem facietis, sic facietis uni secundum numerum eorum.*) Alii ita referunt. I. Pro numero quem parabit, sic facite in unumquemque pro numero eorum. II. Pro numero quem sacrificabit, ista observabuntur a vobis per singula eorum: id est, pro ratione eorum ex quibus sunt minchæ, & libamina; quasi dicat, erit proportio sacrificiorum & libaminum. III. Iuxta numerum quem sacrificabit, iuxta eundem in his facere debetis. Sive eum numerum in his feceritis, talem quoque numerum facietis in illis; quasi dicat: Tot minchas, id est oblationes farinaceas, totque libamina ex oleo, & vino offeretis Domino, quot pecora sacrificabit. Unicusque sacrificio quotquot ea fuerint, adhibeatur suum minchah & suum libamen: nullum sacrificium pecorum fiat sine suo minchah, & libamine, iuxta formulam & quantitatem in superioribus versibus præscriptam.

V. 15. Qui Hebr. 16. ATQUE IUDICIUM. Hebr. *Et iudicium unum*. Varie exponunt: 1. & ritus idem; 2. & norma una; 3. & consuetudo, mos unus; 4. & ratio eadem; Bib. Sac. Tqm. III.

ADVENIS TERRÆ: qui verum Dei cultum & fidem amplexi sunt; quales multi debebant inter Hebræos.

V. 20. DE CIBIS VESTRIS. *עֲרִיסָה gharisot*, quater tantum in Scriptura legitur, & Noster *cibos* semper interpretatus est. Quidam conferunt cum *עֲרִיסָה gheres* cum Scin, *strato*, lectio: voluntque esse *stratas farinæ*, quas nos *pastas* aut *massas* vocamus; seu *conspersiones farinæ*. Quidam alii consonantiæ vocum nimium aucupatores *עֲרִיסָה gharisot*, *oryzam*, genus leguminis esse volunt, quod vulgo *risum* vocant, & Hispanice *arroz*; hic vero *עֲרִיסָה pulmenta* intelligunt, & cibos ex *oryza* facta instar pastarum. Unde exponunt: *Primitias oryarum vestrarum in libum levabitis*. Sed vehementer dubito *oryzam* in terra sancta aut illis desertis gigni, quæ locis palustribus & aquarum abundantibus alitur. SICUT DE AREIS. *אֵרֶץ goren*, a *גור* gur quicquam deducunt, & sic dictam *aream*, vel *borreum* volunt, quod in eam contrahantur fruges. & quia Orientales habuerunt horrea in areis, usurpari sæpius unum pro alio. Sensum huius loci esse aiunt: Offeres pro quantitate massæ tue, ut sit in segetibus, & eodem ritu, ut præcipitur Levit. 11. vers. 14. Vide ibi.

V. 22. PRÆTERIERITIS QUIDQUAM HORUM. Hebr. *Et non feceritis omnia precepta ista*. Exponunt, omnia mandata ista ad externum Dei cultum pertinentia, de quibus hoc capite loquitur: nam hac ratione lex hæc distinguitur ab ea quæ habetur Leviticis iv. de errore totius coetus Israelitarum, quem extra res divinas & sacras commiserunt.

V. 23. A DIE QUÆ COEPIT IUBERE. Explicant: Id est, inde ab hoc tempore quo legem hanc fero, auctore Deo.

V. 24. UT CAEREMONIAE POSTULANT. Hebr. *Secundum iudicium*, id est iuxta normam, morem, ritum. Quidam, pro ratione eius. Vide supra vers. 16. *Hircumque*. Hebr. *Et hircum caprarum*: de qua phrasi vide Levit. iv. 23.

V. 30. ANIMA VERO, QUÆ PER SUPERBIAM ALIQUID COMMISERIT. Hebr. *Et anima, quæ fecerit in manu excessa*. Quidam exponunt: *In manu excessa*, hoc est per superbiam, temeritatem, aut per impudentiam. Est enim antithesis eorum qui per incogitantiam, aut

P igno-

ignorantiam delinquant; quasi dicat: Qui scienter & contumaciter Dei præceptum transgreditur, hic Dei contemptor & blasphemus iudicandus est. Alii, *Peccare in manu excessa*, idem esse volunt atque totis conatibus peccare, & omnibus viribus adhibitis, & cum auidacia & arrogantia, & quasi per contemptum, arroganter & superbe, atque cum fiducia, & fronte perfrecta. Nonnulli: *Anima vero illa quæ commiserit elata manu*, id est proterve, neque Deum, neque homines metuens, aut recondita manu; sed aperte, exertaque manu contravererit, tamquam vexillare impietatis & blasphemix signum Deo infestum efferens, ut omnes in eandem audaciam pertrahat, & palam illudat Deo.

V. 31. ET PORTABIT INIQUITATEM SUAM. Hebr. *Iniquitas eius in ea*; id est, dabit penas iniquitatis suæ.

V. 32. COLLIGENTEM LIGNA. Egi-mus de significatione verbi *וַיִּקְשַׁח* Exodi v. vers. 7. hic quidam vertunt: *In fascies complicantem ligna*, vel laqueis constringentem ligna. Nos ex propria verbi notione, *quisquiliantem ligna*: quod nimirum parva ligna, & ex maioribus diffisa, veluti stipulas, & quisquillas colligere.

V. 35. MORTE MORIATUR HOMO ISTE, &c. Prudens est hic Caietani observatio: severius semper Deum animadvertisse in primos legum suarum transgressores; in peccatum gulæ primum parentum; in primum homicidium Kain; in primam libidinem sub diluvio; in primam sodomiam, in Sodomis; in blasphemiam filii Israelitidis; in primam idololatriam Israelitarum, in vitulo; in primum sacrilegium Nadab, & Abihu filiorum Aaron; hic in primam violationem sabbati; deinde in primam transgressionem anathematis apud Iericho, in Achan; in primam inobedientiam regum in Saulis deiectione; & in novo Testamento in primum mendacium Ananiz & Saphiræ.

V. 38. UT FACIANT SIBI FIMBRIAS. *וְיַצִּיזוּ*, Hebræi aiunt esse *fimbriam*, seu *extremitatem vestimenti quæ caesuratum rescissa difficatur*; nempe alam, seu ramum, aut extremitatem vestis, seu panni, illud scilicet quod remanet de textura, quod est suspensum ex ea, seu fila illa quæ reliquantur in ultimo telæ non

textæ. A *וְיַצִּיזוּ*, *fore*, quod rami, seu floris speciem habeant eiusmodi fila in extremitate vestium, seu pannorum, e textura seu nodo egredientia. Tremellius, Iunius, Buxtorfius vertunt *peniculamentum*; atque hæc annotant: *Sic vocant Ennius & Lucilius genus segmenti carminati, quasi in penicillos scissis filis abiens, quod vulgo Frangiam nominant, Germani, Franzen*; & ita ab Onkelo, & ab Hebræorum doctissimis quibusque accipitur. Hoc autem significationi videtur longe melius convenire, quam si *fasciam*, *insitam*, *tēniam*, aut aliud quidvis expresseris, quia varius ille, & peniculatus filamentorum textus respondet toti illi contextui mandatorum Dei, quem exprimit Moyses sequenti versu dicens: *Ut videntes illud, recordemini omnium mandatorum Iehovæ*, &c. De peniculamento Nonius Marcellus cap. xi. num. 624. *Peniculamentum a veteribus pars vestis dicitur*. Ennius Lib. XI. *Annalium: Tendunt peniculamenta unum ad quemque pedum*. Lucilius Lib. XIX. *Peniculamentum vere reprehendere noli*. Cæcilius in Feneratore: *Volat sanguis, simul avolat peniculamentum, & pallio datur*. Locum Arnobii Lib. V. *Peniculantem, decuramenta, cantherios innescentem laqueos mobiles*. Iosephus Scaliger emendat: *Peniculamenta decurantem cantheriorum; innescentem laqueos mobiles*. Vide Scaligerum in Notis ad Moretum, & Paulum Merulam in Commentariis ad II. Annalem Ennii: qui aiunt, peniculamenta esse lacinias tractas vestium. Festus: *Penem antiqui codam vocabant; & peniculi, quibus calcementa tergantur, quod e codis extremis faciebant antiqui, qui tergerent ea*. Distum est forsitan a pendendo. Ergo peniculamenta proprie sunt quæ Hispanice dicimus *frangias*, *deshilados*, *borlas*, *flucos*. Quidam hic vertunt: *Et facient sibi staturam deshilado*. Hispanicus Interpres, *pequeños*. Iudei nunc fila octo ex lana contexta assunt ad quatuor extremitates vestis cuiusdam, quam similem scapulari, seu patientiæ monachorum, super subuculam induunt; ita quod in quatuor angulis inferioribus, duobus anterioris partis, & duobus posterioris partis, appendunt eiusmodi filamenta. Hanc vestem vocant *טלית* Tallith. Elias in Thibsi: *Nos Iudei vestem quæ constat quatuor oris, & in qua pendent וְיַצִּיזוּ* tzizit, quamque

mane induimus in hora orationis, Taleth vocamus.

V. 39. NEC SEQUANTUR COGITATIONES SUAS, ET OCULOS PER RES VARIAS FORNICANTES. Hebr. Non exploretis post cor vestrum, & post oculos vestros, post quæ scortamini. Quidam clarius reddunt: Non attenta observatione sequamini animum vestrum, & oculos vestros, quæ vos sequentes scortamini; quasi dicat: Ne abducamini concupiscentia cordis, & pravis animi cogitationibus, & affectibus, nec concupiscentia oculorum; ut impulsus carnalibus desiderijs, a vero Deo deficiatis.

V. 41. EGO DOMINUS DEUS VESTER. Quidam exponunt quasi dicat: Etiam si patres vestros a promissa terra excluderim, non tamen ideo sum vobis infensus; sed Deus vester maneo.

M E N O C H I I.

Perf. 3. ADOLENTES ODOREM SUAVITATIS, holocaustum scilicet, vel victimam pacificam.

V. 4. SACRIFICIUM SIMILAE: quod holocaustis tantum, & victimæ pacificæ, non autem victimæ pro peccato, addi solebat. DECIMAM PARTEM EPHI, quæ gomor dicitur. QUARTAM PARTEM MIN. Quarta pars hinc erant tres sextarii Hebræi, id est uncie aquæ, vel vini 40. id est libræ tres, & uncie quatuor.

V. 5. ET VINUM AD LIBA, ad libamina. Simila sale, & oleo commixta victimæ cremandæ imponebatur, & super hæc vinum libabant, illud superfundendo. Ex his quæ hic dicuntur in textu, facile notabis, quo maior est hostia, maius etiam libamen præscribi.

V. 13. PEREGRINI: qui, proselyti sunt.

V. 19. DE CIBIS, de panibus.

V. 20. SICUT DE AREIS. Idem iudicium & de torcularibus.

V. 21. DE PULMENTIS, de massa farinæ subacta ad panes conficiendos.

V. 24. VITULUM DE ARMENTO IN HOLOCAUSTUM... HIRCUMQUE PRO PECCATO. Levit. IV. 13. præcipitur, ut si tota multitudo filiorum Israel peccaverit, offerat vitulum pro peccato comburendum extra castra; hic vero ad-

ditur ut præter vitulum Levit. IV. præscriptum, alius insuper vitulus in holocaustum offeratur, & hircus pro peccato. SACRIFICIUM EIUS, farreum. LIBA, libamina olei, & vini.

V. 25. OFFERENTES INCENSUM, victimam quæ incendatur, & adoleatur Deo.

V. 31. PRÆCEPTUM FECIT IRRITUM: violavit præceptum, fecit illud irritum non quo ad obligationem, sed quo ad eius finem, & usum, qui est obedire Deo.

V. 32. COLLIGENTEM LIGNA IN SABBATO. In deserto servabant sabbatum quo ad vacationem ab operibus, non quo ad sacrificia.

V. 35. MORTE MORIATUR. Leges pena claudendæ, præsertim cum recensitæ sunt.

V. 38. FIMBRIAS, ad eum modum quo videmus in extremitate telarum fila quædam extare. Has fimbrias etiam Christus gestavit, nam Luc. VIII. 44. dicitur mulier tetigisse fimbriam vestimenti eius. VITTA HYACINTHINAS, coloris violacei.

V. 39. NEC SEQUANTUR COGITATIONES SUAS, ET OCULOS PER RES VARIAS FORNICANTES; quasi dicat: Gestate has fimbrias, ut iis admoniti legis Domini, non sequamini cogitationes, & curiositatem cordis vestri, & oculorum concupiscentiam, quas sequentes aberretis a præceptis Dei, & tamquam fornicarii, alieno rerum concupitarum amore, & peccatis vos polluaris.

T I R I N I.

Perf. 3. OFFERENTES ODOREM SUAVITATIS DOMINO; hoc, est offerentes holocaustum, vel victimam pacificam. Nam neutrum horum offerri Deo poterat absque libamine, quod erat quasi condimentum sacrificij & convivij Dei. At in sacrificijs pro peccato vel delicto nulla adhibebantur libamina, propter rationem supra allatam cap. IV. Levit. nisi forte in casu particulari ex causa peculiari Deus aliqua subinde adhiberi iussisset.

Nota, quinque fuisse generalia libamina, puta similam, oleum, vinum, sal, & thus:

& solent hæc omnia in Dei honorem integra vel cremari, vel libari, etiam Iosepho teste *a*. Secus erat cum aliquid horum non per modum libaminis, aut accessorii, sed per se solitarium, & in modum principalis hostiæ seu oblationis Deo offerretur ut sæpe similia offerrebat: tunc enim parte dumtaxat modica in altari cremata, reliquum sacerdoti cedebat.

V. 19. PRIMITIÆ DE CIBIS VESTRIS. Hebræus, Chaldæus & LXX. *primitiæ conspersio*, seu *massæ farinæ conspersio* & *subacta*, quam vers. 21. *pulmentum* vocat. Iubet enim hic Deus, quod quemadmodum de area seu messeu minimum sexagesimam partem, teste S. Hieronymo *b*, seponebant, primitiarum nomine sacerdotibus offerendam, quibus iussu Dei cedebat in cibum; sic etiam, quoties panem in cibano coquerent, de massa farinacea subacta panem unum, vel tortulam ante omnia pro iisdem separarent. Non ergo debebant hi panes mitti lerosolymam, uti nec primitiæ messis; sed tantum dari sacerdotibus qui per singulas urbes mixtim dispersi erant.

V. 38. FIMBRIAS PER ANGULOS PALLIORUM. Deuter. xxii. dicite *Per quatuor angulos pallii tui*. Unde colligitur, pallium Iudæorum non absimilis formæ fuisse a pallio Græcorum, & Philosphorum, de quo Tertullianus *c*, nempe forma quadrata, quatuor oris seu extremitatibus constans: quali fere Apolloli depingi solent. Et in hoc differebat a toga Romana, quæ, teste Isidoro *d*, Quinctiliano, & Dionysio Halicarnasæo, forma erat rotunda seu semicirculari, ut sunt chlamydes nostrorum Europæorum. His quatuor pallii extremitatibus iubet Deus affigi fimbrias, quales solent textores in extremitatibus telæ suæ relinquere; & constabant filis, seu funiculis hyacinthini coloris, non simplicibus, sed crassioribus, & intortis: quas proinde noster Interpres hic *Vittas* per catachresin vocat: non quod fasciarum haberent speciem, vel planæ essent; sed quod funicularis istis non secus quam vittis res aliqua colligari posset. Hoc fimbriarum signo omnibus conspicuo voluit Deus Iudæos a Gentibus palam distingui. Tropologicè, ut meminissent se in peculiarem Dei populum electos fuisse; & vitam cælestem

(quam hyacinthus repræsentat) integræ mandatorum Dei observatione agere debere. Ita S. Hieronymus *e*, Theodoretus, Lyranus, & Burgenfis. Christum quoque more totius gentis suæ fimbrias tales gestasse constat Matthæi ix. & xiv. Sed Phariseus, ad ostentationem accuratioris studii legis solitos fimbrias suas magnificare, hoc est maiores facere quam vulgo moris esset, patet ex Matthæi xxiii. Et insuper, addit Hieronymus, intrebant Pharisei fimbriis acutas spinas, a quibus inter ambulandum pungerentur, atque ita ad memoriam officii sui, ac divinorum mandatorum, crebrius, acriusque excitarentur.

- (*a*) Ioseph. Lib. III. Antiquit. cap. x.
- (*b*) Hieron. in Ezechiel. xlv.
- (*c*) Tertull. de Pallio.
- (*d*) Isidor. Lib. XIX. Orig. cap. xlv.
- (*e*) Hieron. in Matth. xxiii.

GORDONI.

Vers. 1. **N**ON constat, quo tempore, vel anno in deserto factæ sunt lex ista cæremonialis & infrequentes cap. xvi. & xvii. nam contingit hic aliquoties rerum gestarum ordinem mutari.

V. 3. Probabile quidem est, hæc peracta fuisse excurrente adhuc anno secundo; sed in qua mansioni incertum est: nam Moses hoc loco omisit septemdecim mansiones, nempe a decima quinta mansioni, de qua cap. xiii. vers. 7. usque ad trigessimam tertiam, de qua cap. xx. vers. 1. Has in suis tabulis descripsit Adrichomius.

V. 4. Erat ex similia quoddam sacrificium per se, sine olei conspersione quidem, sed cum infusione, Levit. ii. & 6. aliud ex similia accessorium, & cum sola aspersione olei. De accessoriis hic supra cap. vi. vers. 15. offerre debet similia decimam partem ephi, hoc est gomor; & vers. 6. duæ ponuntur decimæ similæ. Sed de ephi, & gomor, vide c. xxviii. & Exod. c. xvi.

V. 11. Post hunc versum, est in Hebræo versus qui ibi vocatur duodecimus; omisus forte a S. Hieronymo, quod sit repetitio prioris sententiæ.

V. 20. DE PULMENTIS, hoc est de panibus: nam Hebræi tunc utebantur pulvis pro pane, quod etiam præcis erat in usu. Hinc pulmentarium est quodvis etiam obsonium. Manna in deserto dabat panes.

V. 24. **LIBA**, id est libamina,
 V. 25. **INCENSUM**, sacrificium quod
 necnditur: & vers. 3. vocavit *oblationem*.
 V. 38. Fimbriæ sunt ad extremitatem ve-
 stium, præsertim palliorum. De his Matt.
 xii. vers. 5. Violacei, seu cælestis coloris erant
 Anguli palliorum sunt apud Septuaginta
 περὶ ἡνιᾶς ἰσῶν, alæ: vittæ, fila serica in-
 torta: & forte ex fimbriis pendeant vit-
 tæ.

EX EIUDEM AUCTARIO.

V. 13. Profelyti sunt hi peregrini.
 V. 25. **OFFERENTES INCENSUM**; hoc
 est, victimam offerentes quæ incendi so-
 leat.
 V. 31. **PRÆCEPTUM ILLIUS FE-
 CIT IRRITUM**, non in se, sed non obe-
 diendo, hoc est sine effectu.

C A P U T XVI.

*Core, Dathan & Abiron seditionem movent, eosque vivos terra absorbet,
 & ignis interficit 250. viros offerentes incensum; & alios
 14700. murmurantes consumpsit incendium.*

1. **E**cce autem Core filius Isaar, filii Caath, filii Levi, & Da-
 than atque Abiron filii Eliab, Non quoque filius Pheleth
 de filiis Ruben, 2. surrexerunt contra Moysen, alique filio-
 rum Israel ducenti quinquaginta viri proceres synagogæ, &
 qui tempore concilii per nomina vocabantur. 3. (a) Cum-
 que stetissent adversum Moysen & Aaron, dixerunt: Suffi-
 ciunt vobis, quia omnis multitudo sanctorum est, & in ipsis
 est Dominus: Cur elevamini super populum Domini? 4. Quod cum audisset
 Moyses, cecidit pronus in faciem: 5. locutusque ad Core & ad omnem multi-
 tudinem: Mane, inquit, notum faciet Dominus qui ad se pertineant, & sanctos
 applicabit sibi: & quos elegerit, appropinquabunt ei. 6. Hoc igitur facite: Tol-
 lat unusquisque thuribula sua, tu Core, & omne concilium tuum: 7. & hausto
 cras igne, ponite desuper thymiama coram Domino: & quemcumque elegerit,
 ipse erit sanctus: multum erigimini filii Levi. 8. Dixitque rursus ad Core: Au-
 dite filii Levi: 9. Num parum vobis est, quod separavit vos Deus Israel ab omni
 populo, & iunxit sibi, ut serviretis ei in cultu tabernaculi, & staretis coram
 frequentia populi, & ministraretis ei? 10. idcirco ad se fecit accedere te & omnes
 fratres tuos filios Levi, ut vobis etiam sacerdotium vendicaretis, 11. & omnis
 globus tuus stet contra Dominum? * quid est enim Aaron ut murmuretis con-
 tra eum? 12. Misit ergo Moyses ut vocaret Dathan & Abiron filios Eliab. Qui
 responderunt: Non venimus: 13. numquid parum est tibi quod eduxisti nos de
 terra quæ lacte & melle manabat, ut occideres in deserto, nisi & dominaturus
 fueris nostri? 14. Revera induxisti nos in terram quæ fluit rivis lactis & mel-
 lis, & dedisti nobis possessiones agrorum & vinearum: an & oculos nostros vis
 eruere? non venimus. 15. Iratusque Moyses valde, ait ad Dominum: Ne respi-
 cias sacrificia eorum: tu scis quod ne asellum quidem umquam acceperim ab
 eis, nec afflixerim quempiam eorum. 16. Dixitque ad Core: Tu, & omnis
 congregatio tua state scorsum coram Domino, & Aaron die crastino separatim.

17. Tol-

17. Tollite singuli thuribula vestra, & ponite super ea incensum, offerentes Domino ducenta quinquaginta thuribula: Aaron quoque teneat thuribulum suum. 18. Quod cum fecissent, stantibus Moyse & Aaron, 19. & coacervasset adversum eos omnem multitudinem ad ostium tabernaculi, apparuit cunctis gloria Domini. 20. Locutusque Dominus ad Moysen & Aaron, ait: 21. Separamini in medio congregationis huius, ut eos repente disperdam. 22. Qui ceciderunt proni in faciem, atque dixerunt: Fortissime Deus spirituum universæ carnis, num uno peccante, contra omnes ira tua deserviet? 23. Et ait Dominus ad Moysen: 24. Præcipe universo populo ut separetur a tabernaculis Core, & Dathan & Abiron. 25. Surrexitque Moyses, & abiit ad Dathan & Abiron: & sequentibus eum senioribus Israel, 26. dixit ad turbam: Recedite a tabernaculis hominum impiorum, & nolite tangere quæ ad eos pertinent, ne involvamini in peccatis eorum. 27. Cumque recessissent a tentoriis eorum per circuitum, Dathan & Abiron egressi stabant in introitu papilionum suorum, cum uxoribus & liberis, omni- que frequentia. 28. Et ait Moyses: In hoc sciatis, quod Dominus miserit me ut facerem universa quæ cernitis, & non ex proprio ea corde protulerim: 29. Si consueti hominum morte interierint, & visitaverit eos plaga, qua & ceteri visitari solent, non misit me Dominus: 30. sin autem novam rem fecerit Dominus, ut aperiens terra os suum deglutiat eos & omnia quæ ad illos pertinent, descenderintque viventes in infernum, sciatis quod blasphemaverint Dominum. 31. (b) Consultum igitur ut cessavit loqui, disrupta est terra sub pedibus eorum: 32. & aperiens os suum, devoravit illos cum tabernaculis suis & universa substantia eorum: 33. descenderuntque vivi in infernum aperti humo, & perierunt de medio multitudinis. 34. At vero omnis Israel, qui stabat per gyrum, * fugit ad clamorem pereuntium, dicens: Ne forte & nos terra deglutiat. 35. Sed & ignis egressus a Domino, interfecit ducentos quinquaginta viros, qui offerebant incensum. 36. Locutusque est Dominus ad Moysen, dicens: 37. Præcipe Eleazaro filio Aaron sacerdoti ut tollat thuribula quæ iacent in incendio, & ignem huc illucque dispergat: quoniam sanctificata sunt 38. in mortibus peccatorum: producaturque ea in laminas, & affigat. altari, eo quod oblatum sit in eis incensum Domino, & sanctificata sint, ut cernant ea pro signo & monumento filii Israel. 39. Tulit ergo Eleazar sacerdos thuribula aenea, in quibus obtulerant hi quos incendium devoravit, & produxit ea in laminas, affigens altari: 40. ut haberent postea filii Israel, quibus commonerentur, ne quis accedat alienigena, & qui non est de semine Aaron, ad offerendum incensum Domino, ne patiatur sicut passus est Core, * & omnis congregatio eius, loquente Domino ad Moysen. 41. Murmuravit autem omnis multitudo filiorum Israel sequenti die contra Moysen & Aaron, dicens: Vos interfecistis populum Domini. 42. Cumque oriretur seditio, & tumultus cresceret, 43. Moyses & Aaron sugerunt ad tabernaculum fœderis. Quod, postquam ingressi sunt, * operuit nubes, & apparuit gloria Domini. 44. Dixitque Dominus ad Moysen: 45. Recedite de medio huius multitudinis, etiam nunc delebo eos. Cumque iacerent in terra, 46. dixit Moyses ad Aaron: Tolle thuribulum, & hausto igne de altari, mitte incensum desuper, pergens cito ad populum ut roges pro eis: (c) iam enim egressa est ira a Domino, & plaga deservit. 47. Quod cum fecisset Aaron, & cucurrisset ad mediam multitudinem, quam iam vastabat incendium, obtulit thymiama: 48. & stans inter mortuos ac viventes, pro populo deprecatus est, & plaga cessavit.

49. Fuerunt autem qui percussi sunt, quatuordecim millia hominum & septingenti, absque his qui perierant in seditione Core. 50. Reverfusque est Aaron ad Moysen ad osium tabernaculi fœderis postquam quievit interitus.

(a) Eccli. xiv. 22. Iud. x. 31. 1. Corinth. x. 10. (b) Deut. xi. 6. Psal. cv. 17. 18. (c) Sapient. xviii. 21.

B R U G E N S I S

ROMANÆ CORRECTIONES.

V. 11. *Quid est enim Aaron.* Retinendum est neutrum *quid*, non substituendum masculinum *quis*.

V. 34. *Fugit ad clamorem pereuntium.* Legendum est *ad clamorem*, non *a clamore*, mul-

toque minus *a simore*.

V. 40. *Et omnis congregatio eius.* Male quidam scribunt *cognatio* pro *congregatio*, live cœtus.

V. 43. *Operuit nubes;* non addas *tabernaculum*, sed *subandias*.

C O M M E N T A R I A.

S A.

Verf. 2. QUI TEMPORE CONCILII, &c. *Senatores consilii*, & *vi-ri nominati*. Chald. ut Noster. Hebr. utrumque sensum admittunt.

V. 3. SUFFICIAT VOBIS, scilicet fors vestra. Hebr. *multum vobis*; quasi dicat: Deberet vobis sufficere. MULTITUDO SANCTORUM, pro sancta.

V. 5. NOTUM FACIET DOMINUS QUI AD SE PERTINEANT, &c. LXX. *cognovit Dominus, qui sunt eius, & sanctos adduxit ad se; & quos non elegit sibi, non adduxit ad se*: quem locum citat Paulus II. Timoth. ii. SANCTOS; quasi dicat, Quos velit esse sacerdotes.

V. 7. SANCTUS, id est addictus sanctis ministeriis, scilicet sacerdotalibus. MULTUM ERIGIMINI. Hebr. *multum vobis*, scilicet famitis.

V. 11. GLOBUS, id est cœtus.

V. 14. REVERA INDUXISTINOS IN TERRAM, QUÆ FLUIT RIVIS LACTIS ET MELLIS, &c. Si sine interrogatione legatur, ironia est.

V. 19. MULTITUDINEM, scilicet suorum, ut interpretantur LXX. nempe Core ipse coacervaverat, ut dicunt Hebr. Chald. & LXX.

V. 26. INVOLVAMINI. Hebr. & LXX. *Pereatis*. Chald. *Percutiamini*.

V. 27. FREQUENTIA. Hebr. & Chald. *familia*. LXX. *supellectili*.

V. 29. VISITAVÉRIT, id est punierit.

V. 30. NOVAM, id est inusitatum & mirabilem. VIVENTES. Intellige tamen fuisse mortuos antequam pervenirent. Vide Apocal. xix. INFERNUM, scilicet damnatorum. Epiph. in Ancor. Hieron. Eph. iv. BLASPHEMAVERINT. Hebr. Chald. & LXX. *Iritaverint*.

V. 35. A DOMINO. Forte, ab altari.

V. 37. SANCTIFICATA, scilicet ob incensum oblatum Domino.

V. 38. IN MORTIBUS; id est, licet eis usi sint peccatores qui interfecisti. Vide paulo post. Vel quasi dicat: Sancta sunt, quippe in Dei ultione quodammodo cooperata. Hebr. Chald. & LXX. aliter, scilicet *thuribula*, inquam, *horum peccatorum qui ob peccata sua mortui sunt*. PRODUCATQUE; pro, produci curet per aliquem artificem. ALTARI, scilicet holocausti.

V. 43. FUGERUNT. Hebr. & Chald. *Respexerunt*.

V. 45. NUNC. Hebr. *in momento*, seu subito. LXX. *semel*. IACERENT IN TERRA. Hebr. Chald. & LXX. *Cecidissent in facies suas*.

V. 46. ROGES. Hebr. *Expies*. LXX. *Propities*.

E S T I I.

Verf. 22. **N**UM UNO PECCANTE, CONTRA OMNES IRA TUA DISAEVIET? Dicit uno peccante: nempe quia Core in primis ceteris auctor fuerat seditionis. Unde & passim seditio Core vocatur.

V. 33. DESCENDERUNTQUE VIVI IN INFERNUM OPERTI HUMO. *In infernum*, id est in inferiores partes terræ: quod significatur per illud, *Operti humo*. Non enim significatur quod sine morte media ad infernum damnatorum, una cum corporibus descenderint (alioquin enim non essent resurrecturi) sed ad distinctionem communis sepulturæ (qua non solent sepeliri, & humo operiri, nisi homines mortui) ad singularem vindictam dicitur quod vivi in terram descenderint, & terra operiti sint, quasi vivi sepulti. Vide Psalm. LIV.

V. 35. SED ET IGNIS EGRESSUS A DOMINO INTERFECIT DUCENTOS QUINQUAGINTA VIROS. Magna obsecutus est, an Core simul cum Dathan & Abiron terra absorptus sit, an vero cum his ducentis quinquaginta incendio perierit. Ex capite vigesimo sexto omnino videri posset illum simul terra absorptum: nam sic ibi legitur, *vers. 10.* *Et aperiens terra os suum devoravit Core*; in Hebræo tamen paulo aliter legitur. Contra vero, illum non hiatu terræ, sed incendio consumptum fuisse, docere videntur ista verba huius præsentis capitis *vers. 39.* *Tulit ergo Eleazar sacerdos thuribula aenea, in quibus obtulerant hi quos incendium devoravit*; & versu seq. *Ne quis accedat alienigena, & qui non est de semine Aaron, ad offerendum incensum Domino, ne patiatut sicut passus est Core, & omnis congregatio eius.*

Sane res ex Hebræo ambigua videtur. Ac forte Scriptura diligenter excussa significat, Dathan & Abiron periisse hiatu terræ, simul cum tabernaculis suis, & tota substantia, uxoribus, & liberis: tabernaculum quoque Core cum omnibus qui, & quæ in eo erant simul periisse; ipsum vero Core cum contribulibus suis levitis ducentis quinquaginta, tenentibus thuribula (inter quos & ipse Core erat suum

manu tenens thuribulum) periisse incendio; filios vero Core, quod neque in tabernaculo essent, neque inter hos ducentos quinquaginta seditiosos, marisite superstites. Nam quod dicitur capite vigesimo sexto, *Et factum est grande miraculum*, aliter sonat in Hebræo. Vide versiones Pagnini, & Vatabli. Vide & Iansenium super Eccl. xlv. Adde, quod Deuter. xi. de folis Dathan & Abiron dicitur, quod eos terra aperto ore absorbit cum domibus, & tabernaculis, & universa eorum substantia, & Psalm. cv. idem significatur; de Core autem & congregatione eius subditur: *Et exarlit ignis in synagoga eorum: flamma combussit peccatores.*

M A R I A N A E.

Verf. 1. **E**CCE AUTEM CORE. Hebr. *Et accepit Core*, nimirum se ipsum, ut Hebræi explicant: nam ut socios accepit Dathan, & alios, coniunctio & Dathan non ratitur, qua ostenditur, Dathan non esse in accusativo, sed in nominativo; sed Hieronymus sententiam expressit, nam Core & Dathan, & alii simul rebellaverunt. Ergo *accepit Core*, id est *divisit se*, ut Chald. nempe rebellavit.

V. 2. QUI TEMPORE CONCILII PER NOMINA VOCABANTUR. Hebr. *vocati conventus, viri nominis*; hoc est, senatores, & nobiles, ii etiam rebellaverunt.

V. 5. ET AD OMNEM MULTITUDINEM. In Hebræo additur *eius*, scilicet Core: qui cum sedebantur, locutus est Moyses.

V. 7. MULTUM ERIGIMINI FILII LEVI. Hebr. *multum vobis filii Levi*; & d. Hebræi pro *multum* explicant, *Sufficit vobis filii Levi*: sic Septuaginta & Chaldæus: scilicet prærogativa, & dignitas vestra sufficiat vobis.

V. 14. REVERA INDUXISTI NOS. Ironice. Hebr. *Sane non induxisti nos in terram lacte & melle fluentem, & dedisti nobis hereditatem*; pro, nec dedisti nobis: ut negatio unica pro duabus ponatur.

V. 17. AARON QUOQUE TENEAT. Hebr. *Et tu & Aaron quisque thuribulum suum, scilicet teneat.*

V. 26. A TABERNACULIS HOMINUM.

NUM IMPIORUM. Hebr. *impiorum istorum*.

V. 27. CUM UXORIBUS, ET LIBERIS, OMNIO FREQUENTIA. Hebr. *Parvulus, pro parvuli, sive familia eorum*. *qph toph* utrumque significare potest. Vide in Gen. cap. xlviii. vers. 12.

V. 30. SIN AUTEM NOVAM REM FECERIT DOMINUS. Hebr. *Si creaturam creabit*. Hieronymus sententiam expressit. SCIETIS QUOD BLASPHEMAVERINT DOMINUM. Hebr. *Irritaverint*.

V. 47. VASTABAT INCENDIUM. Hebr. *Ecce cæperat plaga in populo*.

V. 50. POSQUAM QUIEVI INTERITUS. Hebr. *Et plaga prohibita est*: cum scilicet Moyses staret ad ostium tabernaculi.

M A L V E N D A E.

Vers. 1. ECCE AUTEM CORE. Hebr. *Et accepit Korach*. Quidam exponunt: Accepit Korach Dathanem & Abironem. Nec iis negotium facessit conjunctio & præfixa nomini Dathan: quam putant sæpe otiose poni in Hebraismo. Sed pravus sensus: & alioqui repugnat acceptus Athnach, & tam auctores seditionis fuisse Dathan & Abiron, quam Core. Alii: *Et tulit Korach seipsum seorsum*, vel ad partem; idest, descendit a Mose. Nonnulli: *Et assumpsit homines Korach*, e vers. 2. id est, traxit ad suas partes turbidos & seditiosos. Forasan sit Hispanica phrasis, *Tomose*; id est, se cum Mose commisit, concertare, manum conferere voluit cum Mose. Aut, *sumpsit sibi multum audaciæ*, ut in Mosen insurgere non dubitaverit. DE FILIIS RUBEN. Heb. *Filii Reuben*, id est posterii, nempe Dathan, & Abiram, & Hon. Vide intra cap. xxvi. vers. 9.

V. 2. SURREXERUNT CONTRA MOYSEN. Hebr. *Et insurrexerunt faciebis Moyses*. Hispanice: *Levantaron se le a la cara*; *saltaronle a la cara*; id est, seditionem moverunt; se illi opposuerunt. Verbo surgendi utuntur Hispani in seditionibus, & rebellionibus. Quidam reddunt: *Et insurgentes stiterant se coram Moyses*. ET QUI TEMPORE CONCILII PER NOMINA VOCABANTUR. Hebr. distinctæ

Bib. Sac. Tom. III.

duæ sententiæ: *vocati stationis, homines nominis*. *Vocati stationis* hic dicuntur qui supra cap. i. vers. 16. *vocati convenerunt*, id est viri nobilissimi, nominatissimi, qui ad consilia capienda de republica vocari solebant. Quidam hic reddunt: *Convocati cætus*, vel *cætus*. Alii: *Qui statis temporibus in concione vocabantur*. Nos: *Vocati stationis*. Forasan erant præficti castrorum, seu duces agminum, aut promptissimi quique exercitus: nam *מגבד moghed*, pro *castris* seu *agminibus* accipiunt Ieremias xlvi. vers. 17. quod ea certo numero, & ordine constituentur. Nonnulli hic *moghed* pro *tentorio stationis*, seu *conventus* accipiunt: ut essent ii e primoribus Israelitis, quos Moyses de rebus magnis vel consulturus, vel sententiam dicturus, ante tentorium conventus advocaret. Hispanica Translatio, *De los del consejo*; vel *llamados del ayuntamiento*. Homines nominis sunt, famosi, celebres, inclityi. Sic Genes. vi. vers. 4.

V. 3. SUFFICIAT VOBIS. Hebr. *Multum vobis arrogatis*: debueratis forte vestra esse contenti. Alii: *Sat superque vobis*; vel *satis esto vobis*: nimirum quod haecenus occupavistis & obtinulistis auctoritatem in populum, hereditatemque Iehovæ, religionis specie; quasi dicant: Desistite tandem ab ista præsumptione vestra; aut in communem cum aliis fratribus vestris conditionem abiicite vos, aut nos ex æquo finite administrationem eandem capeilere.

V. 5. ET SANCTOS. Hebr. *Et sanctus*. Exponunt: Id est, qui sanctificatus est, seu consecratus a Deo, ut sacerdotio fungatur ei. Quod declarant proxime sequentia verba.

V. 7. MULTUM ERIGIMINI FILII LEVI. Hebr. *Multum vobis, filii Levi*. Reddit eis verba sua, e vers. 3. quasi dicat: Vos me accusatis quasi ego mihi nimum tribuam, & non sim mea contentus: vos potius estis qui istud facitis, & vestra forte non estis contenti, qui ultra minitulum leviticum quod vobis Deus præ aliis demandavit, sacerdotium, & imperium populi ambitis. Quidam reddunt: *Nimum vobis sumitis, filii Levi*. Alii: *Satis esto vobis, sufficiat vobis, filii Levi*. Forasan vult dicere: Hucusque iam satis, filii Levi: nimum est quod hucusque processit effrenis ambitio & audacia vestra: iam

Q

con-

continere vos, & comprime seditionem. Hispanice, *Basle ia, no mas.*

V. 9. NUM PARUM VOBIS EST? Quidam exponunt: *An minoris facitis, quam ut conveniat vobis?* Num adeo parum est, ut non eo possitis esse contenti, ut non satis superque sit vobis levitico ministerio fungi? *ET MINISTRARETIS EI.* Hebr. *ad ministrandum eos.* Quidam reddunt, *pro ministerio eorum; ad ministrandum pro eis,* sive eorum loco: nam alioqui ipsi hoc ministerium exhibere debuerant. Vide supra cap. III. vers. 7.

V. 10. UT VOBIS ETIAM SACERDOTIUM VENDICETIS? Hebr. *Et queretis etiam sacerdoturam?* verbum *קִבְּלֶהֶם*, aiunt significare querere aliquam rem ipsa magno studio & conatu, ut illud quis consequatur. & obtineat. Quod hic Korach ambitiosissime præstabant.

V. 13. NISI ET DOMINATUS FUERIS NOSTRI? Hebr. *Facies te principem super nos, et ante principem faciendo.* Quidam: *Et indecenter imperium tibi assumis in nos?* Alii: *Nisi & imperium & tyrannidem tibi in nos iungeres?* Geminatio illa hoc ipsum indicat, quod temere nimium & arroganter, & imperium sibi sumeret Moyses, & exerceret.

V. 14. REVERA INDUXISTI NOS IN TERRAM QUÆ FLUIT RIVIS LACTIS ET MELLIS, ET DEDISTI NOBIS POSSESSIONES AGRORUM ET VINEARUM. Hæc verba Noster sine negatione, vel interrogative accepit, vel ironice; quasi dicat, scilicet induxisti nos; nihil minus fecisti. Alii subadiungunt negationem e præcedenti sententia, in secunda parte: nam Hebr. habent: *Etiam non introduxisti nos in terram, &c.* Et dedisti nobis, pro & nos dedisti nobis, possessionem. Senfum esse aiunt: cum ad fines terræ pervenissemus, fecisti ut retro cederemus, supra cap. IV. nec dedisti nobis agros aut vineas, cuius causa nos tibi devinctos videas. *ET OCULOS NOSTROS VIDERUERA?* Exponunt: *An existimas totam hanc multitudinem cæcam esse?* an nobiscum tanquam cum cæcis te acturum arbitraris ut tuas fraudes non videamus? Alii: *Nonne existimas totam hanc multitudinem cæcam esse?* Nonne revera nobis

tanquam cæcis abuteris, ut ducas quo vis, & regas pro libidine?

V. 15. NE RESPICIAS SACRIFICIA EORUM; idest, ne sint tibi grata & accepta. Quidam reddunt: *Ne veritas te ad munus eorum.* Ex verbo: *Non facias, non appones, aut veritas faciem ad sacrificium farinaceum eorum.* Aliter: *Non advertas ad oblationem eorum.* Aliud verbum, & alia phrasim, tamen nonnihil similis huic, est Genes. IV. vers. 4.

V. 26. NE INVOLVAMINI IN PECCATIS EORUM. Eleganter expressit Hebraismus: *Ne contrahamini in omni peccato eorum;* idest, ne vos innectatis culpæ & poenæ eorum. Aliter: *Ne contrahamini ad perditionem cum illis, propter peccatum eorum;* vel *ne abstrahamini, &c.* idest, ne vos pariter abripiat scelus, & supplicium eorum. Hic peccatum pro reatu culpæ & poenæ libenter accepimus.

V. 30. SIN AUTEM NOVAM REM FECERIT DOMINUS. Hebr. *Et si creationem creaverit* לְחַיֵּה בְּרִיָּא *beriah, creationem, creaturam, rem novam, insolitam, conspicuam, exquisitam, selectam, insignem.* Hebræorum quidam reddunt: *Si decisio- nem deciderit, vel decretum decreverit Dominus;* id est, sententiam tulerit. Atque hanc significationem affingunt verbo *bara* bara, Ezechielis XXXIII. vers. 47.

V. 32. CUM TABERNACULIS SUIS. Hebr. addunt: *Et omnes homines, qui ipsi Koracho erant.* Quidam ab istis excipiunt filios ipsius Korachi, e disertis verbis Scripturæ infra cap. XXVI. vers. 11. nam intercesserant pro ipsis Moyses & Aaron, supra vers. 22.

V. 33. DESCENDERUNTQUE VI- VIN IN INFERNUM. שְׁוֹל *sheol*, quidam hic fossam, alii ineptissime sepulcrum interpretantur; prudentiores, locum damnatorum, vel statum mortuorum; & cum hic He finale habeat, שְׁוֹלָה *sheolah*, quod motum ad locum indicat, nonnulli adverbialcere putant: *Descenderunt deorsum, inferius, ad inferiores partes terræ.* Vide quæ notavimus Genes. XXXVII. 34.

V. 35. DUCENTOS QUINQUAGINTA VIROS, illos videlicet de quibus supra vers. 2. Apparet istos accepisse ignem ex altari holocaustorum, & imposuisse suis

thu-

thuribus, & cum ad altare thymiamatis progredi vellent ut adolerent suffitum, repente ex ipso holocaustorum altari erupisset divinitus ignem, qui eos momento exanimavit. Ipsi eos adolevisse putant, e-
vers. 37.

V. 37. ELEAZARO FILIO AARON SAGERDOTI, minori, sed in quo Deus hac ratione commendare voluit successionem summi sacerdotii, ut infra cap. xix. vers. 3. ET IGNEM HUC ILLUCQUE DISPERGAT. Hebr. *Et ignem sparge ultra*, subaudiunt altare: huc illuc, non in ignem altaris. Alii, procul a sanctuario, quo res immundæ abiciiebantur extra castra. QUONIAM SANCTIFICATA SUNT, id est consecrata sacro illo igne sumpto ex altari holocaustorum; vel quod in eis adoleverint sacrum suffitum Domino, vers. 35. & 36.

V. 38. IN MORTIBUS PECCATORUM. Hebr. *Thuribula peccatorum horum in animabus eorum*, id est, istorum qui peccaverunt adversus animas, id est vitas suas; qui seipsos perdiderunt, qui sibi ipsis causa mortis extiterunt, qui propter peccata sua perierunt. Quidam reddunt: *Ex thuribus istorum, qui peccatores fuerunt in animas suas*; id est, qui sibi ipsis causa exitii peccatis suis fuerunt. Alii: *Accersit ista peccatorum sunt pro animabus eorum*: cuius translationis ego sensum non eruo: nisi velit, sint in monumentum mortis eorum, metonymice; vel sint in suffragium expiandis eorum animabus. Et mirum, Leonem Iudam protestantem voluisse hic favere Purgatorio. PRODUCATQUE EA IN LAMINAS. Hebr. *Et facient ea expansiones, extensiones, eductiones, diductiones, laminarum, bractearum*, id est extensas, ductiles laminas. Alii: *Et facient ea extensiones laqueorum*, id est foramina, seu retia, ob diductionem pro altari, ut hoc nimirum laqueato, seu foraminato, aut reticulato opere obduceretur altare. Vide Exodus xxxix. vers. 3. ET AFFIGAT ALTARI. *אֵסָא יִצְיִפְּי*, sere omnes vertunt obductionem altaris, seu pro altari. Ego nolui vocem a primaria verbi significatione dimovere; *speculationem*, seu *speculabilitatem* reddidi, nempe ut laquei illi reticulati, seu laminæ illæ æreæ, tersæ, politæ, splendentes, fulgentes, essent instar speculi; altareque velut speculum, aut spe-

culabile redderent. UT CERNANTEA PRO SIGNO ET MONIMENTO FILII ISRAEL. Hebr. *Et erunt in signum filiis Israel*; id est, vel pro monumento insignis divinæ in simplos sacrilegos vindictæ, vel in memoriam ingentis tunc patratu miraculi & prodigii erumpentis ignis ab altari in eos, qui ad illud indigne & illegitime accesserant.

V. 40. LOQUENTE DOMINO AD MOYSEN. Hebr. *Iuxta quod locutus fuerat Iehovab in manu Moyses, ei*, scilicet Eleazaro, vers. 36. & 37.

V. 43. FUGERUNT AD TABERNACULUM FOEDERIS. Hebr. *Et aspexerunt ad tentorium conventus*. Verbum *אִיִּבְנָה* ambiguum est, & ad Moysen & Aaron, & ad seditiosos referri potest: de Mose & Aaron erit sensus: Coorta seditione, *verterunt facies ad tentorium conventus*, ut illuc properarent in tutum, receperunt se in tabernaculum, quod Noster intellexit. Si ad seditiosos reuertur, geminus est sensus. I. *Et adverterunt facies ad tentorium*, & ecce videntur nubem & gloriam Domini insidentem tabernaculo. II. *Et respexerunt, venterunt ad tentorium*, &c. tamquam itari illuc, & Moysen & Aaronem ibidem aggressuri: ut consisterent ipsi cap. sequenti vers. 13. ut ibidem ostendimus. Hunc sensum iuvat nativa significatio verbi *פָּנָה panah*, & *faciaverunt*, Hispanice, *encararon se*; id est, illo ruebant ad tentorium conventus.

V. 45. RECEDITE. Hebr. *Elevate vos vel tollite vos, efferte vos*. CUMQUE IACERENT IN TERRA. Hebr. *Et prociderunt in faciem suam*: nimirum orantes, & deprecantes supplicium a populo.

V. 46. PERGENS CITO AD POPULUM, UT ROGES PRO EIS. Quidam reddunt: *Fac ut cito percurras cætum*, & expiationem fac pro eis; id est, totum cætum perlustra quam velocissimè cum suffitu, ut sit odor gratus coram Domino expiatione tua: ut versus sequens explicat. Hinc forsitan gentiles æmulati sunt suas exercituum lustrationes, ut apud Q. Curtium lib. X. Rerum Alexandri, cap. ix. ET PLAGA DESAEVIT. Verbum *בְּחֵל bechel* in ista formula plerumque incipere significat, unde vertunt, *incepit plaga*; sed ex primaria significatione pollis vertere: *Profanavit, communiisuit, violavit*,
Q 2 vit,

vii. fissulavit, vulgata fuit plaga: נָשַׁבּ נֶגֶפֶה, id est *consernatio, strages, clades, percussio, cedes, lesio*. Quidam hic reddunt *mortificationem, mortalitatem*. Quod genus mortis id fuerit, Hebræa non plane explicat. Noster vers. 47. incendium vocat: forsan quod vers. 46. dicatur fervorem exivisse a conspectu Domini. Sed ibi fervor iræ intelligitur. Auctor Lib. Iudith viii. vers. 25. Auctor Sapient. xviii. vers. 25. Paul. I. ad Corinth. x. vers. 10. ab exterminatore istos perisse, aiunt. Exterminatorem seu disperseorem hunc, Angelum bonum, vel malum plerique intelligunt.

V. 48. ET STANS INTER MORTUOS AC VIVENTES. Nimirum tamquam Dei sacerdos, & typus veri ac magis Mediatoris Christi, ut plagæ longè lateque grassantis obviiceret. ET PLAGA CESSAVIT. Singularem significationem verbi נָשַׁבּ *ghazar*, Genes. xvi. vers. 2. edisseruimus. Hic plane in Niphal significat: *Et valde conclusa, cohibita, constructa, compressa est plaga*. Nos explicandi gratia, ut vim verbi retineremus, *Prævaluit est*: ut vers. 50.

M E N O C H I I.

Vers. 1. **C**ORE FILIUS ISAAR. Core fuit consobrinus Moysis, & Aaronis: erant enim duorum fratrum filii, Amram, & Isaar. Caath enim genuit Amram, & Isaar, ut patet partim hic, partim Exod. vi. 18.

V. 2. SURREXERUNT CONTRA MOYSEN, non tam eius principatum ambientes, quam Aaronis sacerdotio invidentes; quali illud a se ut pote primogenitis, inique ablatum esset, maxime vero Core, qui erat primogenitus, ut patet Exodi vi. 21. PERNOMINA. Hebr. *Viri nominis*, celebres, primores, & senatores qui ad concilium evocari solebant.

V. 3. SUFFICIAT VOBIS ut privati vivatis, & vestra forte singuli contenti sitis. QUIA OMNIS MULTITUDO SANCTORUM EST: quod omnis hic Hebræorum populus sanctus est, Deoque per veram fidem, religionem, cultum, & pactum in Sina initum, devinctus, & quasi consecratus æque ac vos, o Moses & Aaron. ET IN IPSIS EST DOMINUS, qui illis adest, beneficiisque prosequitur.

V. 4. CECIDIT PRONUS IN FACIEM, humiliter orans Dominum, ut seditionem hanc Core discerneret.

V. 5. QUI AD SE PERTINEANT. Ad hæc verba alludit Apostolus I. Tim. ii. 19. cum ait: *Cognovit Dominus qui sunt eius*. ET SANCTOS APPLICABIT SIBI; hoc est, exteriori signo ostendet quem velit sibi in sacerdotem sanctificare, sacroque hoc ministerio fungi. ET QUOS ELEGERIT, APPROPINQUABUNT EI; hoc est, sacerdotio fungentur ii quos Deus ipse ad hoc delegerit, non alii.

V. 7. PONITE DESUPER THYMIAMAM CORAM DOMINO: coram Sancto sanctorum, in altari thymiamatis. IPSA ERIT SANCTUS, segregatus, & electus a Deo ad sacerdotium. MULTUM ERIGIMINI FILII LEVI. Hebr. *Multum vobis*, scilicet sumitis, & arrogatis: valde superbitis.

V. 11. OMNIS GLOBUS TUUS, congregatio tua, gregales tui. QUID EST ENIM AARON? quasi dicat: quid fecit Aaron? nec enim ipse seingessit sacerdotio, sed a Deo vocatus fuit.

V. 12. MISIT ERGO MOYSES nuntium ad abentes Dathan & Abiron, & etiam ad Hon, nam Core solus erat præsens Moysi. NON VENIMUS: nolumus venire.

V. 14. REVERA INDUXISTI NOS IN TERRAM QUAE FLUIT RIVIS LACTIS ET MELLIS. Est carissimus; quasi dicat: Hæcne in deserto est terra illa fertilissima, in quam te nos induciturum iactabas? OCULOS NOSTROS VIS ERUERE? ut non videamus tuas imposturas.

V. 15. SACRIFICIA, thurificationes: nec enim victimas, sed tantum thymiamata obtulerunt.

V. 17. DUCENTA QUINQUAGINTA THURIBULA, non sumpta de Sanctuario, sed quæ seditiosi sibi fecerant.

V. 18. QUOD CUM FECISSENT, illi 250. Dathan & Abiron, Core & Hon venire noluerunt ex contumacia, vel sibi a Deo timentes malum aliquod.

V. 19. GLORIA DOMINI, maior solito lux & fulgor in columna nubis, divinum indicans præsentiam.

V. 21. SEPARAMINI DE MEDIO CONGREGATIONIS HUIUS, & sacerdotium ambientium, & populi qui illis ad-

aderat, illisque favebat: hinc Moſes pro populo preces fundit, ut ſequitur.

V. 22. *DEUS SPIRITUM UNIVERSE CARNIS:* qui omnem animam humanam, quæ carnem animat, condidiſti; vel qui intima carnis ſcrutariſ, mentem, propenſiones, vota cognoviſci. *UNO PECCANTE CONTRA OMNES IRA TUA DESABVIET?* Pauci peccarunt, ad illos pœna pertinet. Populus non rebellis fuit, aut contumax ut illi; ſed levius peccavit, novitate rerum ductus, & curioſitate: dignus ergo eſt cui parcas.

V. 24. *CORE ET DATHAN ET ABIRON:* intellige & Hon, quia hi quatuor erant capita ſeditionis.

V. 26. *IN PECCATIS:* ne pœnæ peccatorum participes ſitis.

V. 27. *OMNIQUE FREQUENTIA,* famulorum, ancillarum, parvulorum.

V. 28. *UT FACEREM UNIVERSA:* quæ ſcilicet in veſtri ex Aegypto educatione, totoque meo ducatu, ac præſertim circa Aaronis, & filiorum eius in ſacerdotes electionem feci.

V. 29. *PLAGA QUAE ET CETERI VISITARI SOLENT.* Quæ extraordinaria non eſt, & non infrequenter mittitur a Deo, cuiuſmodi eſt fames, peſtis, bellum.

V. 30. *APERIENS TERRA OS SUUM,* facta voragine. *BLASPHEMAVERINT DOMINUM.* Opus enim Dei, ſcilicet ſacerdotium Aaronis calumniati ſunt; illudque non Deo, ſed Moſi, cuiuſque favori iniquo, & iniuſto tribuerunt: hoc autem eſt blaſphemare: hoc enim erat ingens Dei iniuria, & contumelia. Blaſphemia enim eſt cum opus Dei tribuitur Dæmoni, vel homini: ut patet Matth. xii. 31.

V. 32. *ET UNIVERSA SUBSTANTIA EORUM.* Uxores, filii, reliquique familiares peccati participes fuerant rebellibus conſentientes, & illorum conatus probantes; ideoque Dominus eadem pœna eos involvit. Parvuli, qui per ætatem peccare non poterant, etiam ipſi abſorpti ſunt, ut in iis parentes punirentur a Deo, qui vitæ & moris eſt Dominus. Si diutius vixiſſent fortaſſe parentes fuiſſent imitati; & alioqui qui corporibus non pepercit, animis videtur peperciffe: nam per remedium legis naturæ ab originali expiatis fuiſſe credibile eſt. Circumci-

ſio enim in deſerto non fuit uſurpata.

V. 33. *IN INFERNUM:* proprie dictum, quo illos viventes adhuc perveniſſe probabile eſt; licet oppoſitum ſit probabilius. Itaque illud, *DESCENDERUNT VIVI*, de actu inchoato accipiendum eſt, non de perfectio. *OPERTI HUMO,* terra quæ diſceſſerat, hiatus ſuum concludente.

V. 35. *EGRESSUS A DOMINO,* ex altari holocauſtorum, ex quo ignem petebant ad adolendum thymiama. *QUI OFFEREBANT INCENSUM:* qui ſe comparabant ad offerendum.

V. 37. *SANCTIFICATA SUNT,* per contactum ignis ſacri, & thymiamaſ; *Vel ſanctificata ſunt,* dum Deus in impios vindictam exercuit, hoc enim videtur ſignificare quod additur, *In moribus peccatorum.* Vel tandem *ſanctificata ſunt,* quia iuſſa offerri tabernaculo, & in eo aſſervari ad perpetuam rei memoriam.

V. 38. *IN MORTIBUS PECCATORUM,* per mortem, ut dixi, vel tempore quo peccatores extincti ſunt.

V. 39. *AFFIGENS ALTARI,* holocauſtorum.

V. 45. *CUMQUE IACERENT IN TERRA,* Moſes & Aaron ſupplicantes pro populo.

V. 47. *OBTULIT THYMIAMA.* Licet tantum offerre in tabernaculo altari thymiamaſ; ſed extra illud obtulit, Moſe ita ex divina inſpiratione illi mandante.

T I R I N I.

Verſ. 2. *SURREXERUNT CONTRA MOYSEN.* Cauſa torius ſeditionis fuit Core Levita patruelis Moyſis & Aaronis: nam ægre ferens ſeſe Aaronis eiſque filiorum miniſtrum eſſe, contendeat ſibi non minus quam ipſis ſacerdotium deberi, ſive ortum & ſtirpem, ſive opulentiam ſpectes. Exaſperabat eundem quod in designandis Levitarum principibus, ipſe ne quidem conſtitutus eſſet Caathitarum princeps, ſed ei in hac dignitate prælatus eſſet Eliſaphan a filius Oziel, non niſi e quarto filio Caath oriundus, cum Core eſſet e ſecundo. Et ſimili prætextu videtur Core etiam Rubenitarum

rum principes Dathan, Abiron, & Hon-
adversum Moysen concitasse, quod ipsis
potiori iure, utpote oriundis ex Ruben
primogenito Jacobi, deberetur supremus
principatus quam Moysi. Unde mox Moysi
& Aaroni exprobrant, quod qui vix aliis
æquari merebantur, iam principatum, &
sacerdotium supra ceteros affectarent. **SUF-
FICIAT, inquit, VOBIS, QUIA O-
MNIS MULTITUDO SANCTORUM
EST, ET IN IPSIS EST DOMINUS.** Sensus est: Sufficiat vobis, quod pares sitis
aliis, & pars illius multitudinis quam
sibi Deus sanctificavit, & in populum suum
secrevit, inter ipsos habitans: neque est
quod maiora affectetis, & omnibus domi-
nari velitis.

**V. 14. REVERA INDUXISTI NOS
IN TERRAM QUÆ FLUIT RIVIS
LACTIS ET MELLIS.** Per ironiam &
sarcasum exprobrant Moysi quod impos-
uerit populo; quasi dicant: **Revera** egre-
gie præstitisti quod promiseras, & iactare
solebas. **AN ET OCULOS NOSTROS
VIS ERVERE?** idque vel morali effos-
sione, ut sit sensus: An existimas te tuis
artificiis posse etiam nobis imponere, sicut
ceteris imposuisti, ut cæcutiamus etiam
in meride? Vel physica evulsione, hoc
sensu: An usque eo ascendet tua tyran-
nis ut etiam oculos nobis effodias, si mi-
nus prompte tibi in omnibus obsequamur?

**V. 33. DESCENDERUNTQUE VIVI
IN INFERNUM;** id est, in locum subter-
ræ, quo scelerati illi hiatu facto, &
occlusa rursus terra, vivi excepti & ab-
sorpti sunt, exindeque mortui, tum de-
mum secundum animam ad inferos dam-
natorum delapsi. Ita Abulenſis, Lyranus,
Hugo, Dionysius Carthusianus. Simili modo
plebendus creditur Antichristus, cuius
hi rebelles typus fuerunt: Apoc. xix. v. 20.

Nota ex Num. xxvi. vers. 10. factum
esse grande miraculum, nempe quod Co-
re cum tabernaculo totaque familia hiatu
abſorptis, filii illius non perierint, sed in
aere penduli tam diu divinitus sustentati
fuerint, donec hiatus iterum sese occlude-
ret. Hi postea tabernaculo & templo constanter
cum reliquis levitis servierunt; & multos
ex nostris Psalmis composuerunt, decantantque:
& ex illis oriundus Samuel b rexit universum Israël. Cur vero
filii Core ab hoc exitio immunes man-

serint præ filiis Dathan & Abironis, in-
ter quos etiam fuerunt aliqui infantes in-
noxii, & alii non conscii, aut talem non
consentientes sceleris parentum; verosimi-
le est causam fuisse, quod filii Core non
solum innoxii essent, sed quod parenti res
novas molienti etiam positive se opposue-
rint, & quantum in se fuit, dissuadere
atque impedire conati fuerint.

(a) Numer. 311.

(b) I. Paral. vi. vers. 33. & cap. ix. vers. 19.
& cap. xxvi. vers. 1. & II. Paralip. xx. vers. 19. &c.

(c) Psalm. xii. 43. 84. 86. &c.

(d) I. Paralip. vi. vers. 33.

G O R D O N I.

Vers. 1. CORE (qui Aaronis sacerdotio invidetur) confobrinus
putatur Moſis & Aaronis. Accidit hoc
excidium populi anno exodi secundo.

**V. 2. QUI TEMPORE CONCILII PER
NOMINA VOCABANTUR.** Senatores
nobiles, qui etiam rebellarant.

**V. 4. QUOD CUM AUDISSET MOY-
SES, CECIDIT PRONUS IN FACIEM:**
scilicet ut oraret Dominum, & sciret quid
Deo placeret in tam impio & periculoso
conatu Core: tandem vers. 5. monet eum
quid sit agendum; obiterque taxat arrogan-
tiam, vers. 7. his verbis: **Multum erigimini
filii Levi.** Constat hinc fuisse plures e levitis
in hac factione. Quod est, **HAUSTO ...
IGNE.** In Heb. *Date, vel ponite ignem.*

V. 7. MULTUM ERIGIMINI: suffi-
ciat vobis sors vestra.

V. 14. Verba hæc Core ironiam habent:
& per erutos oculos, proverbiali dictio-
ne tyrannidem obicit Moſi.

**V. 17. Hebr. Tu & Aaron quisque teneat
thuribulum.**

V. 24. Multum valet deprecatio iusti.
Efecit oratio ista Moſis, ut Deus parceret
populo, nec staret comminatoria sententia.
Iubet ergo Deus separari populum
a seditionis.

V. 30. REM NOVAM, inusitatam,
mirabilem.

V. 33. & 35. En triplex exitium, scilicet
Core vers. 33. item offerentium incen-
sum vers. 35. & murmurantium vers. 41.
Et quidem Core ac Abiron excepti hia-
tus terræ, extinctique sunt in viceribus
terræ etiam pueri multi & innocentes,
ob peccatum parentis; quamvis non ideo
negata

negata sit salus æterna his qui peccato carebant : eorum vero animæ quos tenebatur peccatum , ad infernum post mortem corporis detrusæ sunt . Scio dubitatum esse , an Core perierit hiatu illo terræ , an vero combustus fuerit igne cum offerentibus thus . Sed verius est hiatu periisse , ut clarissime habetur infra cap. xxvi. vers. 10. Sed notandum est , quod ibidem est , filios Core miraculo fuisse liberatos .

V. 47. Sic cæperat plaga in populo .

EX EIUSDEM AUCTARIO .

V. 3. SUFFICIAT VOBIS . Satis sit vobis ut privati vivatis : totus populus est dicatus Deo ac vos .

V. 12. MISIT . Misit Moyses nuntium ad Dathan & Abiron absentes .

V. 17. DUCENTA QUINQUAGINTA THURIBULA . Non sunt hæc sumpta de Sanctuario , sed quæ conspiratores sibi effecerunt .

V. 18. QUOD CUM FECISSENT , illi ducenti quinquaginta .

V. 19. GLORIA , splendor insolitus in nube indicans Dei præsentiam .

V. 26. IN PECCATIS , peccatorum pœnis .

V. 29. Ac si diceret : Scietis Deum me misisse , si videritis eos plaga extraordinaria interire .

V. 37. SANCTIFICATA SUNT , separata a profano usu : & sint in exemplum posteris , & rei gestæ memoriam .

V. 39. ALTARI , holocaustorum .

V. 45. CUMQUE IACERENT IN TERRA , Moyses & Aaron .

CAPUT XVII.

Sumptis virgis a duodecim tribuum principibus , sola Aaronis virga floruit ac fructum produxit , servataque est in tabernaculo testimonii .

1. **D**ELOCUTUS EST Dominus ad Moysen , dicens : 2. Loquere ad filios Israel , & accipe ab eis virgas singulas per cognationes suas , a cunctis principibus tribuum , virgas duodecim , & uniuscuiusque nomen superscribes virgæ suæ : 3. nomen autem Aaron erit in tribu Levi , * & una virga cunctas seorsum familias continebit : 4. ponesque eas in tabernaculo fœderis coram testimonio , ubi loquar ad te . 5. Quem ex his elegero , germinabit virga eius : & cohibebo a me querimonias filiorum Israel , quibus contra vos murmurant . 6. Locutusque est Moyses ad filios Israel : & dederunt ei omnes principes virgas per singulas tribus : fueruntque virgæ duodecim absque virga Aaron . 7. Quas cum posuisset Moyses coram Domino in tabernaculo testimonii ; 8. sequenti die regressus invenit germinasse virgam Aaron in domo Levi : & turgentibus gemmis eruperant flores , qui , foliis dilatatis , in amygdalas deformati sunt . 9. Protulit ergo Moyses omnes virgas de conspectu Domini ad cunctos filios Israel : videruntque & receperunt singuli virgas suas . 10. Dixitque Dominus ad Moysen : Refer virgam Aaron in tabernaculum testimonii , (4) ut servetur ibi in signum rebellium filiorum Israel , & quiescant querelæ eorum a me , ne moriantur . 11. Fecitque Moyses sicut præceperat Dominus . 12. Dixerunt autem filii Israel ad Moysen : * Ecce consumpti sumus , omnes perivimus . 13. Quicumque accedit ad tabernaculum Domini , moritur : num usque ad interuersionem cuncti delendi sumus .

(4) Hebr. ix. 4.

B R U G E N S I S

ROMANAE CORRECTIONES.

V. 3. *Et una virga cunctas seorsum familias continebis*. Sic legunt antiqui codices adver-

bium *seorsum* loco pronominis *eorum*.

V. 12. *Ecce consumpti sumus*, omnes perivimus. Præteritum *perivimus*, non est commutandum cum futuro *peribimus*.

C O M M E N T A R I A.

S A.

Verf. 2. **C**OGNATIONES SUAS. Hebr. & Chald. *domos patrum*. LXX. *domos familiarum*: scilicet per tribus erant accipiendæ.

V. 3. **SEORSUM FAMILIAS**, scilicet cuiusque principis tribum.

V. 4. **TESTIMONIO**, id est arca testimonii. **LOQUAR**; id est, loqui soleo.

V. 6. **ABSQUE VIRGA AARON**. Hebr. Chald. & LXX. *Et virga Aaron in medio virgarum eorum*. Putant autem Hebræi, fuisse unam ex 12. scilicet tunc numeratam unam tribum Ioseph solum; at secundum lectionem nostram erant 13.

V. 13. **ACCEDIT AD**. Sept. *Tangit*. Videtur autem esse quædam istorum exaggeratio: vel significant, eos qui sibi usurpant ministerium in tabernaculo, cum non sint de tribu Levi, perire: quod in hæreticos quadrat sane quam verissime.

E S T I I.

Verf. 2. **U**NNIUSCUIUSQUE NOMEN SUPERSCRIBES VIRGÆ SUÆ, NOMEN AUTEM AARON ERIT IN TRIBU LEVI. Queritur, cum in ceteris duodecim virgis essent scripta nomina tribuum, velut in virga Ruben scriptum erat Ruben, & ita de aliis; quare in virga quæ tribum Levi repræsentabat, non fuerit scriptum Levi, sed Aaron; præsertim cum de sacerdote contenderent diversæ familiæ Levi: Respondeo: Contentio de sacerdotio, quæ erat inter Leviticæ familias, iam finita erat per interitum Core, & ducentorum quinquaginta virosum; ac proinde de sacerdotio Aaron remanebat quæstio cum reliquis tribubus: & ea determinata

est hoc miraculo, quod eius virga germinaverit, floruerit, & fructum protulerit.

Mystice, per hoc quod virga eius germinaverit, &c. significatur, solos eos sacerdotio & prælatura ecclesiastica dignos esse, quorum virga, id est doctrina, vel docendi potestas coniuncta est cum germine bonæ conscientiæ, flore bonæ famæ, & fructu boni operis.

Quod autem miraculum tale exhibitum non sit pro principatu Moysis, ad quem contendere visi sunt capite superiori Dathan & Abiron (utpote, ut ibidem dicitur, de filiis Ruben, qui fuit primogenitus Jacob) causa similis esse videtur: nempe quod Dathan & Abiron satis castigati essent cum omnibus suis affectis pro hac culpa; & aliæ tribus satis viderent, relictio primogenito, frustra se aliquid in principatum populi posse prætendere.

V. 10. **DIXITQUE DOMINUS AD MOYSEN: REFER VIRGAM AARON IN TABERNACULUM TESTIMONII** &c. Meminit huius virgæ Apostolus ad Heb. ix. Scilicet virga hæc pro confirmatione sacerdotii ipsi Aaroni, ad sedandas aliarum tribuum querelas, sola inter tredecim virgas germinaverat, floresque emisserat. Fuit autem hæc virga eadem cum virga Moysi, quemadmodum constat ex historia Num. xx. & aliunde: communiter enim ad edenda signa & prodigia Moyses & Aaron hac virga pro instrumento utebantur; Deo videlicet per eam operante: propter quod & virga Dei dicta est Exodi iv. & xvi. Ceterum ex eo quod Scriptura hic refert flores huius virgæ, dilatatis foliis, in amygdalas fuisse deformatos, non male colligunt Interpretes baculum amygdalinum fuisse. Vide plura de eo in nostris Comment. ad Hebr. ix.

MA-

M A R I A N A E.

vers. 2. **V**NIUSCUIUSQUE NOMEN SUPERSCRIBES VIRGAE SUAE. Hebr. *Viri nomen suum scribes super virga sua; aut potius, virum, id est quemque, cum nomine suo scribes.*

V. 6. ABSQUE VIRGA AARON. Tredecim ergo fuere virgæ. Quod ex Hebraicis tamen non tam aperte colligitur, quæ sic habent: *Et virga Aaron in medio virgarum ipsorum: sic & Septuag. vertunt: sic Eugub. duodecim virgas tantum fuisse contendit Annot. ad hunc locum: tum Sixtus Senens. Bibliothecæ sacræ Lib. V. annot. cxix.*

V. 8. ET TURGENTIBUS GEMMIS ERUPERANT FLORES, QUI, FOLIIS DILATATIS, IN AMYGDALAS DEFORMATI SUNT. Hebr. *Et producens germen, & florens florem, & nutrit amygdalas.* Vocem *פרב* *perab*, quod germen est, Hieronymus ad *gemmam* retulit, quæ prima existit, deinde flores, & fructus; sed quia foliorum mentio sic Hebraice nulla esset, Hebraei *germen* ad folia referunt. Si obiciamus, in amygdalo ante folia flores produci: dicunt, eam commutationem miraculi vim magis ostendere.

M A L V E N D A E.

vers. 3. **N**OMEN AUTEM AARON ERIT IN TRIBU LEVI. Quia enim in unaquaque virga inscribendum erat nomen principis, seu primarii viri, primariæ & principalis familiæ, seu domus uniuscuiusque tribus, ut mox subditur; volo ut in virga tribus Levi inscribatur nomen Aaronis tamquam totius generis principis.

V. 4. CORAM TESTIMONIO, idest coram arca, ante arcam, in qua erat testimonium, idest liber fœderis, seu tabulæ lapideæ continentes decalogum, qui testatur Dei voluntatem, quid a nobis fieri velit. Vide Exodi xvi. vers. 34. & Exodi xxv. vers. 16. sic vers. 7. Is erat sacratissimus tabernaculi locus.

V. 5. ET COHIBEBO A ME. Variè ex Heb. convertitur: *Et quiescere faciam, remittere faciam, sedabo, sedando avertam.*

Bibl. Sac. Tom. III.

V. 6. ABSQUE VIRGA AARON. Noster satis indicat tredecim fuisse virgas: nec ab his abludunt Heb. *Et virga Aaron in medio virgarum eorum*, ut lex a dextris, & alias sex a sinistris haberet ipsa stans in medio. Sed Hebræi constanter volunt non nisi duodecim omnes fuisse.

V. 8. ET TURGENTIBUS GEMMIS. Heb. *Et protulit germen.* Quidam Hebræorum hoc de productione foliorum initio accipiunt, postea vero floris, seu germenis, quod Gallice, & Valentine vocamus *boton*: id quod contra naturam est in amygdalo, quæ prius florem quam folia protulit. Hoc autem factum est ad augendum miraculum. IN AMYGDALAS DEFORMATI SUNT. Diversimodè Heb. reddunt. I. *Et sesinavit amygdala*, idest cito protulit. II. *Et ad maturitatem perduxit amygdala.* III. *Et ablatavit amygdala.* IV. *Et educavit amygdala.* V. *Et tribuit amygdala.* De significatione verbi *בבא* *gamal* diximus Genes. xxi. vers. 8.

V. 10. IN SIGNUM REBELLIIUM FILIORUM ISRAEL. Heb. *In signum filii mutabilitatis, rebellionis, inobedientie, contumacie, contradictionis.* Vide Genes. xxxvi. vers. 35. Quidam hic reddunt: *In signum contra deditis rebellionis.* ET QUIESCANT QUERELÆ EORUM. Verbum *נחל* *tecal* potest esse tercia persona feminina singularis futuri: *Et finiet, complebit; vel finire, cessare faciet*, scilicet *virga*, vel *signum*, quæ Heb. possunt esse seminea hoc sensu: Quotiescumque Israelitæ oculos converterent ad tam clarum & perspicuum divinæ voluntatis indicium, cessabunt querulæ & obmurmurare prælatum sibi fuisse Aaron in dignitate summi sacerdotii. Potest quoque esse secunda persona masculina singularis futuri: *Et consummare, absumere facies querimonias, ultulatus eorum*, eodem sensu.

V. 12. ECCE CONSUMPTI SUMUS, OMNES PERIVIMUS. Heb. *En exspiravimus, sublati sumus, universi nos sublati sumus.* Oratio maxima pathetica, plena formidinis, & præterita augent significatum; quasi dicat: Omnino actum est de nobis, & de rebus nostris. Quidam sensum esse volunt: Nunc demum actum est de nobis, qui peccavimus contra Iehovam indignissime; nec tamen ante sensimus maleficium nostrum quam ut virga seu pla-

R

ga

ga eius domaremur, & evinceremur hoc miraculoso signo in conspectu eius.

V. 13. QUICUMQUE ACCEDIT AD TABERNACULUM DOMINI, MORITUR. Occasionem horum verborum quidam existimant fuisse mortem illorum quatuordecim millium hominum qui aggressi sunt impetum facere, & irrumpere in tabernaculum Domini, de quibus supra cap. xvi. vers. 42. Notant enthymematicum hic esse Israelitarum sermonem, culpam deprecantium: sic autem se habere eorum argumentationem: Quicumque temere sese ingerunt, & quasi involant in tabernaculum Iehovæ, ii morituri sunt, prout sermone, & opere his diebus ostendit Deus: nimirum & in facto illorum ducentorum quinquaginta virorum cap. xvi. vers. 35. & in altero facto quatuordecim millium, cod. cap. vers. 42. nos autem ita fecimus, fatemur & agnoscimus factum; ex iure itaque essemus morituri, ut præcedenti versu. Sed an non est locus misericordiæ apud Deum; an vero omnes ad unum expirabimus? Huic deprecationi, & quaestioni responderi volunt a Domino sequentibus capitibus. *NUM USQUE AD INTERNECIONEM CUNCTI DELENDI SUMUS?* Multifariam Heb. interpretantur. I. *An non sumus consumpti expirando?* II. *Itane expirando absumemur?* III. *Numquid consumendi sumus moriendo?* IV. *Anne consumpti sumus deficiendo?* V. *Numquid consumimur expirando?* VI. *Num finem facimus expirandi?* quasi dicat: Numquam mori cessamus. VII. *Utinam mortui essemus omnes.* VIII. *An absolvemus expirando?* IX. *An vero omnes ad unum expirabimus?* X. *Numquid consumendi sumus, ut deficiamus?* id est, numquid consumendi sumus ad interneccionem? XI. *Numquid consumpti sumus ad expirationem usque?*

M E N O C H I I.

Vers. 2. PER COGNATIONES, TRIBUS. UNUSCUIUSQUE, principis scilicet in quaque tribu.

V. 3. IN TRIBU LEVI, in virga Levi, ut est in Hebr.

V. 4. CORAM TESTIMONIO, id est coram arca.

V. 5. COHIBEBO A ME: quiescere faciam.

V. 6. FUERUNTQUE VIRGAE DUODECIM ABSQUE VIRGA AARON. Tribus, si numeres Levi, erant tredecim: nam tribus Ioseph erat duplex, sive bipartita, Ephraim scilicet, & Manasse. Pro tribu Levi posita est virga Aaron, quæ fuit decima tertia.

V. 8. VIRGA AARON, qui erat primogenitus in domo, detribu Levi. ET TURGENTIBUS GEMMIS, ERUPERANT FLORES, QUI, FOLIIS DILATATIS IN AMYGDALAS DEFORMATI SUNT. Hebræa habent: *Et ecce virga protulit germen, & floruit flos, & reddidit amygdalas.* Triplex fuit miraculum: quod scilicet arida virga gemmas protulerit, quod hæc conversæ statim sint in flores, & hi in fructus.

V. 12. OMNES CONSUMPTI SUMUS: multi absumpti sunt superioribus cladibus.

V. 13. QUICUMQUE, non initiatus, & Deo non vocante. NUM USQUE AD INTERNECIONEM CUNCTI DELENDI SUMUS? Novi istius signi occasione timuerunt, ne rursus in eos Dominus alia aliqua plaga desæviret. Optant ergo malum, si quod impendeat precibus Mosis averti,

T I R I N I.

*Vers. 4. PONESQUE EAS...CORAM TESTIMONIO, id est coram arca testimonii, UBI LOQUAR AD TE, non tam ore. quam signo, certoque testimonio quo palam faciam voluntatem meam. Nempe, curabo ut ex tredecim virgis plane nudis & effondibus, subito frondeat, floreat, fructificetque illa una cuius cortici inscriptum est nomen eius cui sacerdotium designavi. Tradunt Hebræi, & Cyrillus, omnes has tredecim virgas ex una eademque arbore amygdalo fuisse. Septuaginta, & Hieronymus alibi, & Philo a, *καρυα*, id est *nucem*, fuisse dicunt, quæ genus est respectu amygdali.*

Allegorice amygdalus, quia prima inter arbores floreat, ac fructum profert, significabat ius primogenituræ, puta sacerdotium, dono & electione Dei deferri illi cuius virgæ id primum obtigisset. Rupertus

pertus virgam florentem facit B. Virginem Mariam; florem & fructum eius, Christum nascentem: Rabanus, & Bernardus b Christum resurgentem. S. Augustinus c per virgam florentem anagogice intelligit resurrectionem corporum nostrorum.

Nota, virgam hanc Aaronis aliam prorsus fuisse a prodigiosa virga Moysis, iussamque asservari iuxta arcam foederis d, perpetuoque virentem mansisse, ut inquit Tostatus, appendentibus etiam floribus & fructibus. Neque enim ob alium finem adseruari iubebatur, quam ut perpetuo isto miraculo fides posteris fieret sacerdotii Aaroni divinitus collati ac confirmati.

(a) LXX. hic, & Genes. xlii. vers. 11. Hieron. Exod. xxv. vers. 33. Philo Lib. III. Vita Moysis.

(b) Bernar. scrm. 11. super Misus.

(c) Aug. Tom. X. ser. xcix. de Temp.

(d) Ad Heb. ix. vers. 4. & III. Reg. viii. vers. 9.

GORDONI.

Vers. 2. **C**onstat ex vers. 6. fuisse duodecim virgas, præter virgam Aaron; sicut etiam constat ex cap. 1. fuisse duodecim tribus, præter tribum Levi. Habebant vero inscripta nomina principum cuiusque tribus, ut plane declarat textus Hebraicus: *Cuiusque*, inquit, *viri nomen scribes*. Non ergo tri-

buum nomina, sed nomina principum in quavis tribu: sic in virga Aaronis erat nomen Aaronis. Fuerunt vero ex vers. 6. duodecim virgæ, præter illam Aaronis: nec repugnat textus Hebraicus bene intellectus.

V. 3. Hæc Aaronis virga non fuit illa qua Moses perfecit miracula, sed quædam tunc communis virga, similis aliis: vide tamen Exod. cap. vii. vers. 9.

V. 8. Hæc Aaronis virga flores protulit, immo & fructus, nempe amygdalas; forte quia virga erat ex tali arbore. Heb. *שקדים* *wekedim*: Noster, item Aquila, Theodotion, & Symmachus, *amygdalas*; at Septuag. *καρύα νύκας*, ponentes genus pro specie. An semper manserit frondescens hæc virga, incertum.

EX EIUSDEM AUCTARIO.

V. 4. CORAM TESTIMONIO, coram arca.

V. 6. Tribus Ioseph duas dabat tribus. Ergo tredecim omnino virgæ.

V. 12. OMNES, multi.

V. 13. QUICUMQUE, post tot plagas timens sibi. In hac nunc proposita interrogatione tacite rogatur Moses, ut intercedat ad Deum.

CAPUT XVIII.

De onere sacerdotum & excubiis levitarum: primitiæ & oblationes ac sacrificia sacerdotibus, decimæ autem levitis assignantur, quarum decimam rursum dabant Aaron.

1. **D**ixitque Dominus ad Aaron: Tu, & filii tui, & domus patris tui tecum, portabitis iniquitatem Sanctuarii: & tu & filii tui simul sustinebitis peccata sacerdotii vestri. 2. Sed & fratres tuos de tribu Levi, & sceptrum patris tui sume tecum, præstoque sint, & ministrent tibi: tu autem & filii tui ministrabitis in tabernaculo testimonii. 3. Excubabuntque levitæ ad præcepta tua, & ad cuncta opera tabernaculi; ita dumtaxat, ut ad vasa Sanctuarii & ad altare non accedant, ne & illi moriantur, & vos pereatis simul: 4. sint autem tecum, & excubent in custodiis tabernaculi, & in omnibus cæremoniis eius. Alienigena non miscebitur vobis.

5. Excubate in custodia Sanctuarii, & in ministerio altaris; ne oriatur indignatio super filios Israel. 6. Ego dedi vobis fratres vestros Levitas de medio filiorum Israel, & tradidi donum Domino, ut serviant in ministeriis tabernaculi eius. 7. Tu autem & filii tui custodite sacerdotium vestrum: & omnia quæ ad cultum altaris pertinent, & intra velum sunt, per sacerdotes administrabuntur: si quis externus accesserit, occidetur. 8. Locutusque est Dominus ad Aaron: Ecce dedi tibi custodiam primitiarum mearum. Omnia quæ sanctificantur a filiis Israel, tradidi tibi & filiis tuis pro officio sacerdotali legitima sempiterna. 9. Hæc ergo accipies de his quæ sanctificantur & oblata sunt Domino. Omnis oblatio, & sacrificium, & quidquid pro peccato atque delicto redditur mihi, * & cedit in Sancta sanctorum, tuum erit, & filiorum tuorum. 10. In Sanctuario comedes illud: mares tantum edent ex eo, * quia consecratum est tibi. 11. Primitias autem quas voverint & obtulerint filii Israel, tibi dedi, & filiis tuis, ac filiabus tuis, iure perpetuo: qui mundus est in domo tua, vescetur eis. 12. Omnem medullam olei, & vini, ac frumenti, quidquid offerunt primitiarum Domino, tibi dedi. 13. * Universa frugum initia, quas gignit humus, & Domino deportantur, cedent in usum tuos: qui mundus est in domo tua, vescetur eis. 14. Omne quod ex voto reddiderint filii Israel, tuum erit. 15. * Quidquid primum erumpit e vulva cunctæ carnis, quam offerunt Domino, sive ex hominibus, sive de pecoribus fuerit, tui iuris erit: ita dumtaxat, ut pro hominis primogeniti pretium accipias, & omne animal quod immundum est, redimi facias, 16. cuius redemptio erit post unum mensem, siclis argenti quinque, pondere Sanctuarii. (a) Siclus viginti obolos habet. 17. Primogenitum autem bovis & ovis & capræ non facies redimi, quia sanctificata sunt Domino: sanguinem tantum eorum fundes super altare, & adipes adolebis in suavissimum odorem Domino. 18. Carnes vero in usum tuum cedent, sicut pectusculum consecratum, & armus dexter, tua erunt. 19. Omnes primitias Sanctuarii, quas offerunt filii Israel Domino, tibi dedi, & filiis ac filiabus tuis, iure perpetuo. * Pactum salis est sempiternum coram Domino, tibi ac filiis tuis. 20. Dixitque Dominus ad Aaron: In terra eorum nihil possidebitis, nec habebitis partem inter eos: ego pars & hereditas tua in medio filiorum Israel. 21. Filiis autem Levi dedi omnes decimas Israelis in possessionem, pro ministerio quo serviunt mihi in tabernaculo: fœderis. 22. ut non accedant ultra filii Israel ad tabernaculum, nec committant peccatum mortiferum. 23. solis filiis Levi in tabernaculo servientibus, & portantibus peccata populi: legitimum sempiternum erit in generationibus vestris. (b) Nihil aliud possidebunt, 24. decimarum oblatione contenti, quas in usum eorum & necessaria separavi. 25. Locutusque est Dominus ad Moysen, dicens: 26. Præcipe levitis, atque denuntia: Cum acceperitis a filiis Israel decimas, quas dedi vobis, primitias earum offerte Domino, id est decimam partem decimæ, 27. ut reputetur vobis in oblationem primitivorum, tam de arcis quam de torcularibus: 28. † & universis quorum accipitis primitias, offerte Domino, & date Aaron sacerdoti. 29. Omnia quæ offeretis ex decimis, & in donaria Domini separabitis, optima & electa erunt. 30. Dicesque ad eos: Si præclara & meliora quæque obtuleritis ex decimis, reputabitur vobis quasi de arca & torculari dederitis primitias: 31. & comeditis eas in omnibus locis vestris, tam vos quam familiæ vestræ: quia pretium est pro ministerio quo servitis in tabernacu-
lo

lo testimonii. 32. Et non peccabitis super hoc, egregia vobis & pingua reservantes, ne polluat is oblationes filiorum Israel, & moriamini.

(a) Sup. 111. 48. Exod. xxx. 13. Levit. xxvii. 25. Ezech. xlv. 12. (b) Deuter. xviii. 1.

B R U G E N S I S

ROMANÆ CORRECTIONES.

V. 9. *Et cedit in Sancta sanctorum.* Nec hic præfens *cedis* mutandum est in futurum *cedes*.

V. 10. *Quia consecratum est tibi.* Retinendum est pronomen *tibi*, non substituenda vox *Domino*.

V. 13. *Universa frugum initia, quas gignit humus.* Antiqui libri habent femininum *quas*, repudiato neutro *quæ*.

V. 15. *Quidquid primum erumpit.* Non scribas futurum *erumpet* pro præfenti.

V. 19. *Factum salis est.* Cave scribas *pacis* pro *salis*. Sal servit durationi.

LECTIONUM VARIETAS.

V. 28. *Et universis quorum accipitis, primitias offerte Domino.* Sic monet quidam interpungendum, ut *primitias* referatur ad *offerte*, & *quorum* subaudias decimas.

C O M M E N T A R I A.

S A.

Vers. 1. **A**D AARON, scilicet per Moysen, vel forte illum per se allocutus. **PORTABITIS INIQUITATEM**, &c. id est, dabit is pœnas, si quid peccabitur in caeremoniis. **LXX. Accipitis peccata sanctorum, & peccata sacerdotii vestri.** Peccata autem interpretatur Aug. sacrificia pro peccatis. Chald. *Propitiabitur super delicta Sanctorum, & super peccata sacerdotii vestri.* Vide infra. **ET TU**, &c. explicatio præcedentis.

V. 2. **SCEPTRUM**, id est virga, scilicet tribu.

V. 3. **AD VASA**, scilicet utenda: alioqui enim portabant, sed testa. **ET AD ALTARE NON ACCEDANT**, scilicet sacrificaturi.

V. 4. **ALIENIGENA**, id est qui de alia tribu.

V. 5. **INDIGNATIO**, scilicet Dei, si illi velint ministrare.

V. 6. **DONUM**, id est donatos.

V. 7. **VELUM**, scilicet tabernaculi. **EXTERNUS**, id est non sacerdos.

V. 8. **CUSTODIAM**; quasi dicat, in tuam potestatem. **SANCTIFICANTUR**, id est offeruntur. **LEGITIMA SEMPERITERNA**, id est iure perpetuo.

V. 9. **IN SANCTA SANCTORUM**; id

est, cedit in tabernaculi sancti usum; quasi dicat, Deo offertur.

V. 10. **SANCTUARIO**, id est atrio: **QUIA CONSECRATUM EST TIBI**, id est in tuum usum. Hebr. Chald. & **LXX. Sanctum erit tibi**; id est, vesceris ut re sanctificata.

V. 11. **PRIMITIAS**. Hæ erant non minus 60. parte fructuum, non plus 40. dabat vero populus inter utrumque quod vellet. Vide Hieron. Ezech. xlv.

V. 12. **MEDULLAM**, id est quod optimum.

V. 13. **INITIA**, id est primitiæ.

V. 14. **OMNE**: excepto cane qui interficiebatur, & asino qui ove redimebatur, ut dicitur Exod. xiiii. Ita quidam. Ego putarim, excepto cane, cetera animalia immunda admodum asini fuisse ove redimenda, vel ovis pretio. Vide Exod. xxxiv. Dent. xxxiiii.

V. 16. **UNUM MENSEM**, scilicet ætatis primogeniti hominis.

V. 17. **SUPER ALTARE**, scilicet ad basim altaris.

V. 18. **PECTUSCULUM**, scilicet hostiæ pacificæ.

V. 19. **SALIS**, id est incorruptum, firmum, & immutabile.

V. 22. **MORTIFERUM**. Hebraice, *Et moriantur*. Chaldaice, *ad mortem*.

V. 23. **PORTANTIBUS PECCATA**

POPULI; quasi dicat, ministrantibus in rebus per quas expiantur peccata populi; vel puniendis, si populum eo admittant: quamquam Hebr. Chald. & LXX. non habent *populi*, sed *eorum*, quod potest de suis intelligi; quasi dicat, sua: scilicet si quid erretur in ministerio. Vide supra.

V. 26. PRIMITIIS EARUM OFFERTE DOMINO. Dabantur sacerdotibus. Vi. de Ioseph. IV. Antiq. IV.

V. 27. TAM DE AREIS QUAM DE TORCULARIBUS; quasi dicat, perinde ac si offerretis ex propriis areis, &c. ut Hebr. Chald. & LXX. indicant. Vide etiam paulo inferius.

V. 28. UNIVERSIS; pro, de universis. ACCIPITIS, scilicet *decimas*, ut habent Hebr. Chald. & LXX. nam *primitias* cum offerte coniungendum. AARON, scilicet dividenda inter sacerdotes. Vide Hieron. Ezech. XLV.

V. 30. QUASI DE AREA ET TORCULARI. Vide supra.

V. 31. EAS, scilicet decimas vobis datus.

V. 32. ORATIONES: scilicet non faciendo de eis quod dictum est.

E S T I I.

Verf. 1. **TU** ET FILII TUI PORTABITIS INIQUITATEM SANCTUARIJ, ET SUSTINEBITIS PECCATA SACERDOTI VESTRI. Quidam, inter quos divus Augustinus, sic exponunt: Vestra erunt ea quæ offeruntur pro peccatis populi, ut per peccata figurate intelligantur sacrificia pro peccatis. Sed repugnat vocabulum (*portare*, & *sustinere*) quod onus potius quam emolumentum significat. Sensus igitur est: Si aliqui in sancta, vel tabernaculum se indecenter ingerant per vestram negligentiam; & illi pro temeritate sua punientur, & vos nihilominus poenas luetis vestrae negligentiae.

V. 2. SED ET FRATRES TUOS DE TRIBU LEVI, ET SCEPTRUM PATRIS TUI SUME TECUM. Quidam codices, inter quos & Lyrani textus, habent in ablativo, *Sceptro*. In Hebræo sic est ad verbum: *Atque etiam fratres tuos tribum Levi, virgam patris tui, fac appropinquare tecum*. Septuaginta sic: *Et fratres tuos tribum Levi, populum patris tui*

adduc ad teipsum. Certe nullo modo hic virga Aaron, quæ fronduerat, intelligenda est: nam hic vocabulum diversum est ab illo quo virga Aaron aliquoties fuit designata; tam virga illa Aaronica iam reponi iussa erat in tabernaculo; ac denique cum ad Aaronem sit sermo, non dicit, *Sceptrum* aut *virgam tuam*, sed *serptrum patris tui*: quam utique non aliam intelligi posse arbitror, quam aut tribum Levi, aut familiam Caath vel Amram potius, proxime illi sanguine iunctam.

V. 19. PACTUM SALIS EST SEMPTERNUM. Male quidam codices habuerunt, *Pactum pacis*: nam vox Hebræa & Græca salem significat, & optimi quique codices Latini habent *salis*, non *pacis*. Quid autem sibi velit pactum salis, vide Annot. Levit. 11. vers. 13.

V. 20. IN TERRA EORUM NIHIL POSSIDEBITIS, EGO PARSE HEREDITAS TUA. Non prohibet quin liceat sacerdotibus, atque levitis habere possessiones etiam agrorum; sed sensus est, levitas non habituros portionem separatam a reliquis tribubus, sed assignari eis a Domino primitias & decimas, & alia quæcumque offeruntur Domino, inter quæ erant etiam pecora non immolantia. Itaque opus illis erat pascuis ad pecora alenda; in quem usum data sunt eis suburbana, ut habemus in Iosue diversis locis. Debebant etiam habere domos ad inhabitandum. Quin etiam ex peculo collecto, vel ex donato seu legato creduntur potuisse habere agros, & alia loca immobilia. Atque hinc existimo, Ieremiam Sacerdotem, & in Actis Barnabam Levitam habuisse agros, quos leguntur vendidisse.

V. 21. OMNES DECIMAS IN POSSESSIONEM PRO MINISTERIO QUO SERVIVUNT MIHI. Non significatur hic, sacerdotes, & levitas vendere aut pretio subicere suas operas, quas exercent in tabernaculo, sed ordinatione divina illis talia deberi ratione ministerii sacri. Et nota Scripturæ phrasim, ne quis offendatur, si audiat sacerdotem Christianum similiter loquentem. Quod autem in fine cap. dicitur, *Quia pretium est*; observavi improprie pretium dici: & vox Hebræa non pretium, sed mercedem significat.

MARIANAE.

Vers. 1. **P**ORTABITIS INIQUITATEM SANCTUARIUM, in poenam iniquitatis commissæ in cultu Sanctuarii: sic etiam PECCATA SACERDOTII intelligito, id est poenas ob ea peccata.

V. 6. EGO DEDI VOBIS FRATRES VESTROS LEVITAS, &c. Et ego ecce accepi fratres vestros Levitas de medio filiorum Israel, vobis donum datus Domino, ut serviant servitutem tabernaculi testimonii: sic Sept. In Vulgata, ut melius cohereant sequentia, post Tradidi pone comina, & deme comma quod præcedit: sic tradidi iungatur cum dedi vobis, & donum Domino appositivè accipiatur.

V. 8. PRIMITIARUM MEARUM. Hebr. *oblationum mearum*. Non tantum primitiarum custodiam dat illis, sed omnium quæ offerebantur. PRO OFFICIO SACERDOTALI. Hebr. *ad ungendum*; sed intellige pro unctione quam accepistis, sane pro officio sacerdotali: sicque explicant Hebræi. Et Chaldaei pro unctione ponit, dedi scilicet vobis oblationes:

V. 12. OMNEM MEDULLAM OLEI. Hebr. *Adipem olei tibi dedi*. Adeps in omni re vocatur quod optimum est, a carnibus sumpta metaphora. Septuag. *primitiarum pro adipe posuerunt*. Porro oleum יצהר *izbar* vocatur a luce, quod splendeat cum est novum.

V. 14. OMNE QUOD EX VOTO REDDIDERINT FILII ISRAEL. *הקריבם* *berem* proprie est *anathema*: sicque Chald. & Sept. Si vivum, occidebatur; si inanime, consecrabatur Deo, sed cedebat in usum sacerdotum.

V. 19. OMNES PRIMITIAS SANCTUARIUM. Hebr. *Elevationes*, nempe oblationes. PACTUM SALIS EST SEMPERITERNUM. Sal est symbolum perpetuitatis, quod sale serventur carnes.

V. 21. PRO MINISTERIO. *הקריבם* *beleph* est *permutatio*; quasi dicat, compensatio ministerii. Sed recte pro ea voce Hieronymus posuit pro: nam & Chald. pro *הקריבם*, quod pro significat quibusdam locis, eam vocem *הקריבם* *beleph* ponit.

V. 22. NEC COMMITTANT PECCATUM MORTIFERUM, Hebr. *Nesumant*

peccatum, & moriantur, scilicet ut Core, & socii.

V. 32. EGREGIA VOBIS ET PINGUIA RESERVANTES. Hebr. *In elevando vos pinguedinem eius ab eo*, ut scilicet vobis retineatis; hoc est, innoxii eritis, si dederitis summo sacerdoti meliora, nec vobis retinueritis, quod esset peccatum.

MALVENDAE.

Vers. 1. **D**IXITQUE DOMINUS AD AARON: TU ET FILII TUI. Exponunt: Quia Deus Israelitas metu quo premebantur supra cap. xvii. vers. 12. & 13. voluit liberare, ideo sui adeundi rationem docet, & per quos, quibusque ministris reconciliatio facienda. ET DOMUS PATRIS TUI, seu familia, id est tribus Levi, ex sacerdotibus & levitis constans. PORTABITIS INIQUITATEM SANCTUARIUM; id est, rei eritis & culpæ, & poenæ, si quid in Sanctuario fiat contra præscriptum & mandatum Dei: vel dabitur poenas si quid in cæramoniis Sanctuarii peccatum fuerit, aut si quid in res sacras, aut in ministerium sacrum committetis. Alii exponunt: Vos custodes eritis Sanctuarii, & neminem qui non sit de tribu vestra, permittetis ministrare in Sanctuario, aut accedere ad sacra: alioqui vos luctis, si quid in his secius perpetratum fuerit. SUSTINEBITIS PECCATA SACERDOTII VESTRI. Hebr. *Portabitis iniquitatem sacerdotii vestri*. Quidam reddunt: *Portabitis poenam iniquitatis in sacerdotio vestro commissæ*. Alii explicant: Similiter, tu Aaron, & filii tui, quos peculiariter delegi mihi in sacerdotes, cavebitis diligenter ne alii Levitæ usurpent sibi sacerdotale officium; sed illi suum leviticum, vos vestrum sacerdotale exequemini, ne in peccatum corruatis.

V. 2. PRAESTOQUE SINT. *והיו* *veillau*, & adiuncti, additi, copulati, associati, accommodati, mutuati, mutuo dati fuerunt. Enucleat genuinam rationem nominis Levi, qui adiunctum, adherentem, obligatum, additum, copulatum, associatum, accommodatum, mutuo datum significat ex verbo *והיו* *lavah*, insigni prælagio nominis; quando eum Lia peperit Genes xxi. vers. 34. quod nimirum Levitæ

Aa-

Aaroni, & posteris eius sacerdotibus adiuncti, & associati esse debebant in ministerio templi. Vide Comm. nostros in eum Genesis locum, & infra vers. 4. *TU AUTEM ET FILII TUI MINISTRABIS IN TABERNACULO TESTIMONII.* Hebr. *Et tu & filii tui tecum in conspectu tentorii testimonii*; subaudi, eritis, vel stabit, vel ministrabitis. Quidam reddunt, *ante tentorium testimonii*; quasi dicat: Procurabitis quicquid ad ministerium sacrum pertinet, ab altari usque ad intimam partem Sanctuarii, ubi est arca.

V. 3. *EXCUBABUNTQUE LEVITAE AD PRÆCEPTA TUA.* Quidam reddunt: *Et observabunt observationem tui*; id est, observabunt, & facient quæ illis præceperis; præsto erunt ad omnia mandata tua. ET AD CUNCTA OPERA TABERNACULI. Hebr. *Et observationem, custodiam totius tentorii*; id est, ut servant & custodiant diligenter omnia vasa, & instrumenta tabernaculi: ut cum deponendum, deferendum, figendum sit tabernaculum, curent ut omnia fiant decenter, apte, & compositæ: & in ministeriis tabernaculi sedulo inserviant. Notant, eiusmodi phras: s Hebraicas, *observare observationem, servare servitutem*, curam, studium, ac diligentiam denotare. ET VOS PEREATIS: si vel illis permiseritis accedere, vel si vestra incuria & negligentia illi accesserint.

V. 4. *ALIENIGENA NON MISCEBITUR NOBIS.* Hebr. *Et alienus, extraneus*, id est qui non fuerit de tribu Levitica, etiam si Israelita fuerit, sic vers. 7. *non miscebitur, non appropinquabit ad vos*: nimirum ut ministret in cultu divino, vel obeat aliquod munus vel leviticum, vel sacerdotale.

V. 5. *NE ORIATUR INDIGNATIO SUPER FILIOS ISRAEL*; quasi dicat: Si omnia in cultu divino persanctè, rite, & ex ordine a levitis, & sacerdotibus fiant, erit Deus placabilis & benevolus Israelitis, nec ira effervescent in eos. Alii: Ne Deus severe animadvertat in populum, si res divinæ male procurentur a sacerdotibus: ut sit illud simile:

Quidquid delirant reges, plebsiuntur Achivi.

Quidam longius exponunt: Ne lapsu ad fœcordia sacerdotum populus incitatus ad

divina ipse accedat, & exardescat in eum ira divina. Proprius: Curent soli Aaron & filii eius munus sacerdotum, nec ullus id temere usurpare audeat alius, ne ultra oriatur indignatio Domini in populum, ut in factò Korach.

V. 6. *ET TRADIDI DONUM DOMINO.* Hebr. *Vobis Donum, datos ipsi Iehovah.* Quidam exponunt: Eos qui prius donati fuere Deo, dono vobis sacerdotibus in donum. Alii reddunt: *Qui sunt pro vobis donum dati Domino.* Nonnulli: *Qui vobis donum sunt dediti Domino.* Alii: *Vobis dono donantur pro Iehovah.* Vide supra cap. 111. vers. 9. & cap. VIII. vers. 16. Nec desunt qui: *Ut eos vobis darem oblatores Iehove.*

V. 7. *PER SACERDOTES ADMINISTRABUNTUR.* Hebr. *Servitium, opus, cultum, doni dabo sacerdotum vestrum.* Alii qui explicant: *Functionum gratitiam dedi sacerdotum vestrum*; id est, dedi vobis dignitatem sacerdotalem, idque gratis. Alii exponunt *servitium doni*, dictum ad differentiam servitutis levitarum: nam levitæ ad serviendum servitutem tabernaculi, sacerdotes autem ad serviendum servitutem doni adsciti sunt: sacrificia siquidem, munera, & oblationes quascunque hic dona intelligi volunt; & perspicuum est, omnem sacerdotum servitutem circa dona huiusmodi versari. Nonnulli reddunt: *Dedi enim vobis officium sacerdotale tamquam munus.* Alii: *Ministerio doni, vel dativo ministerio dono sacerdotum vestrum.* Sic Dativos tutores & curatores vocant Iurisconsulti. SI QUIS EXTERNUS, id est qui non fuerit de stirpe Aaron, etiam si Israelita, aut Levita fuerit.

V. 8. *ECCE DEDI TIBI CUSTODIAM PRIMITIARUM MEARUM.* Hebr. *Et ego ecce dedi tibi observationem, terumarum, id est elevationum, exaltationum mearum.* Quidam reddunt: *Ecce insuper ego do tibi ad observationem oblationes meas.* Id est committo tuæ curæ & administrationi omnes oblationes filiorum Israel. Primitias hic, primogenita, & decimas intelligunt: alii universe omnia oblata Deo; sed melius, omnia illa quæ peculiari & certo ritu *terumæ* offeruntur Deo, nempe in altum sublata. Vide Exodi XXIX. vers. 24. OMNIA QUÆ SANCTIFICANTUR A FILIIS ISRAEL. Hebr. qui-

quidam reddunt, omnes quoque sanctificationes filiorum Israel: alii: in omnibus sanctificationibus filiorum Israel: nonnulli. de cunctis sanctificationibus filiorum Israel: vel ex omnibus rebus sanctis filiorum Israel: id est, de cunctis quæ Deo offerunt, & sanctificant, consecrantque. PRO OFFICIO SACERDOTALI. לַכֹּהֲנִים לֵמַנְשֶׁכֶּחָל potest esse infinitivus: ad ungere, ad unguendum; vel nomen, unctionis, ad unctionem, pro unctione, seu propter unctionem; id est, propter sacerdotium, quod unctione in te, & in filiis tuis consecratur est. Alii in unctione, id est iure unctionis sacerdotatilis.

V. 9. DE HIS QUAE SANCTIFICANTUR ET OBLATA SUNT DOMINO. Hebr. de sanctitate sanctitatum; vel de sancto sanctorum; id est de sanctissimis, & sacratissimis oblationibus. Noster emisit vocem ignis, quæ est Hebr. de sanctitate sanctitatum de igne. Exponunt: Istud habebis de oblationibus sacrorum, quæ remanserint, aut super fuerint ex igne, id est quæ igne consumpta non fuerint, quidquid supererit ex igne. Quidam converunt: E rebus sanctis sanctorum servatis ab igne; id est, quæ neque holocausta sunt, neque destinata ut igne cremantur Deo. OMNIS OBLATIO, ET SACRIFICIUM, &c. Hebr. Omnis Korban eorum, cum omni minchah eorum, &c. Persenser genera sacrificiorum quæ Levitici 11.4. & seqq. fuisse describuntur.

V. 10. IN SANCTUARIO COMEDES ILLUD. Hebr. In Sanctitate sanctitatum comedes illud, id est in sanctissimo & sacratissimo loco: non quidem in Sancto sanctorum, seu adito, neque in Sancto, sed in atrio tabernaculi, e Levitici 21. vers. 16. & 26. quod hic etiam Sanctum sanctorum appellatur, quod in eum usum comedendi nullus eo sacrator esset locus.

V. 12. PRIMITIARUM. Hebr. principium, initium eorum. Quidam intelligunt primos fructus, quos primum ager protulerit, ut Levitici 19. vers. 24. sed alii potius primitias, id est eas, quas Græci ἀπαρχὰς vocant, de quibus extat lex Deuteronomio. xviii. vers. 4. sic vers. 13.

V. 13. UNIVERSA FRUGUM INITIA. Hebr. primitie omnium quæ in terra eorum. S. Hieronymus in xlv. Ezechielib. Sac. Tom. III.

lis: At vero primitivæ quæ de frugibus offerebant, non erant speciali numero designata, sed offerrentur arbitrio derelicta. Traditionemque accepimus Hebræorum, non lege præceptam, sed magistrorum arbitrio inolitum, qui plurimum, quadragesimam partem dabat sacerdotibus; qui minimum sexagesimam: inter quadragesimam & sexagesimam licebat offerre quodcumque voluissent. Qualiter vero numerus primitiarum hic in Pentateucho dubius derelictus, in Ezechiele præfixe definitur, ibidem ex S. Hieronymo videbimus.

V. 16. CUIUS REDEMPTIO ERIT POST UNUM MENSEM. Et redemptiones eius de filio mensis. Quidam: Redemptos, vel redimendos autem illorum a nato unius mensis, redimes, seu redimere iubebis. Similis phrasis supra cap. 111. vers. 46.

V. 18. SICUT PECTUSCULUM CONSECRATUM, ET ARMUS DEXTERE. Vide de his Levitici vii. vers. 31. 32. 33. 34.

V. 19. PACTUM SALIS EST SEMPERITERNUM. Quidam innovari hic putant legem illam Levitici 11. 13. Et non cessare facies sal fœderis Dei tui de super minchis tuam: super omnem Korban tuum offeres sal; quasi dicat: Pactum illud, seu statutum de apponendo sale in omnibus oblationibus quæ Deo offeruntur, quod supra sanxi, iterum hic instauro, voloque perpetuum fore. Vide Comm. ad eum locum. Aliqui vero exponunt, quasi dicat: Has leges quas hic de his quæ ex sacrificiis & oblationibus Domini cessura sunt sacerdoti, præscribo, volo, iubeo esse statuta perpetua, & fœdus salis, seu fœdus salitum, quod Deus externo quoque symbolo sancivit ne umquam evanescat, sed semper vigeat; quasi dicat: Fœdus, seu pactum incorruptum, firmum, stabile, ac perpetuum; vel, decretum ab omni corruptione tutum, sempiternumque, ut vox sequens deserte explicat. Hebræorum aliqui explicant: Ut sal omnia conservat, & durabilia facit; sic sacerdotium vestrum firmum & stabile durabit in perpetuum. Eadem phrasis est II. Paralip. xii. vers. 5.

V. 27. UT REPUTETUR VOBIS IN OBLATIONEM, &c. Quidam exponunt: Id est, ut accepta feratur vobis oblatio illa, non illis a quibus decimas accepistis. Alii: Tam grata erit oblatio vestra,

S quam

quam est grata oblatio eorum qui offerunt aliquid ex propria area, aut ex proprio torculari, sive ex propriis prædiis, quæ vos non possidetis. *TAM DE AREIS QUAM DE TORCULARIBUS.* Hebr. *Sicut frumentum de area, & sicut plenitudo de torculari.* Quidam explicant: Id est, antequam illis utamini, sicut alii tenentur offerre decimas frumenti, & aliorum proventuum antequam illis utantur; ita vos datote decimarum decimas, quæ tam imputabuntur vobis a Domino, quam si de vestris agellis & operibus perceptæ essent. Vide infra vers. 30. *Quam de torcularibus.* Hebr. *Et sicut impletio de torculari.* Aliqui reddunt: *Et sicut maturus liquor ex torcularis lacu.* Vide Exodi xxii. vers. 29. *אֵין יֵיכֶבֶד* quidam conferant cum verbo *אֵין נֶאֱכָב*, & a cavitare habere appellationem putant, id est *vas, lacus, dolium*, in quo uvæ calcantur, & exprimuntur; & Græcis *ἀνὸς* dici *vas in quod vinum recens expressum recipitur*: sed quia vox *dolii*, aut *lacus* Latinis amphibola est, seu polysēma, oportuit *torcular* vertere.

V. 32. *NE POLLUATIS OBLATIONES FILIORUM ISRAEL.* Hebr. *Et sanctitates filiorum Israel non profanabitis, vel communes facietis, aut publicabitis.* Quidam *sanctitates* exponunt sacras oblationes Deo consecratas: alii res sacras filiorum Israel; quasi dicat: Et vos ipsos servabitis, & eos pro quibus ministratis: ut I. Timoth. iv. vers. 16. *Sancta persancte tractate.*

M E N O C H I I.

Vers. 1. **P**ORTABITIS INIQUITATEM SANCTUARI: dabitur pœnas, si quid peccabitur in caeremoniis; aut si quis externus vestra remissione, & negligentia sese sacris immiscuerit: nam vos confirmavi in sacerdotio, & miraculis vestram auctoritatem apud populum sancivi. Vestrum ergo est sacerdotii iura fortiter tueri.

V. 2. *SCÉPTRUM*, tribum. Vide supra cap. xiii. 12.

V. 3. *EXCUBABUNT LEVITAE*, prompti, alacresque ut famuli, qui heri iussa expectant, parati effecta dare. *AD CUNCTA OPERA TABERNACULI:*

ut custodiant, portent cum moventur castra, &c. *NE ET ILLI MORIANTUR*, et vos: illi propter temerarium tactum sacrorum; vos quia non prohibuistis.

V. 4. *CAEREMONIIS*, ministracionibus religiosis. *ALIENIGENA*, qui de alia tribu est.

V. 5. *INDIGNATIO SUPER FILIOS ISRAEL*, puniente Domino populum propter peccata sacerdotum: corpus pro capitibus.

V. 7. *INTRA VELUM*, intra Sanctum, & intra Sanctum sanctorum.

V. 8. *PRIMITIARUM*, oblationum. *QUAE SANCTIFICANTUR*: quæ mihi segregantur, & offeruntur. *LEGITIMA SEMPITERNA*, lex perpetua, dum Hebræorum hæc durabit Republica.

V. 9. *OMNIS OBLATIO*, victimæ quælibet, & sacrificia ex legis præscripto oblata. *IN SANCTA SANCTORUM*: quod mihi offertur, & ideo est sanctissimum.

V. 10. *IN SANCTUARIO*, in atrio tabernaculi, iuxta altare holocaustorum. *MARES TANTUM EDENT EX EO*, scilicet sacrificio pro peccato, & delicto: nam ex hostia pacifica etiam femina comedebant, ut patet Levit. x. 14. Deuter. xii. 18. & cap. xvi. 11. *QUIA CONSECRATUM EST TIBI*: tibi segregata erit, & ad te pertinebit.

V. 11. *PRIMITIAS*, oblationes.

V. 12. *MEDULLAM OLEI*: quod pinguisimum, & optimum est in frumento, vino, oleo. *PRIMITIARUM DOMINO*. Primitiæ distinguuntur a decimis: primitiæ enim sunt primi fructus; decimæ sunt decima pars fructuum: primitiæ immediate offeruntur Deo in gratiarum actionem pro frugibus terræ; decimæ proxime sacerdotibus dantur in stipendium ministerii eorum, ut illis sustententur. Porro quadruplices primitias pendebant Hebræi. Primo spicarum die secunda azymorum, Levit. xxiii. 10. II. panum in pentecoste, Levit. xxiii. 17. III. panum, quos hebdomadatim pinsebant, Num. xv. 21. IV. in mense septimo in festo tabernaculorum, collectis omnibus frugibus tam ex messe quam ex uvis, eorum omnium primitias dabant: & hæc quarti huius generis intelliguntur in Scriptura cum sit mentio primitiarum. Pri-

mi-

mitiarum vero quantitas quæ dabatur, erat pars fructuum media inter 40. & 60. intra quam latitudinem quisque dabat quod volebat: qui minimum, dabat sexagesimam partem; qui plurimum, quadragesimam.

V. 13. FRUGUM INITIA, primitias. QUI MUNDUS EST, vescetur illis, si videlicet aliquid ex hisce primitiis fuerit Deo immolatum, & sacrificatum: nam alias si soli sacerdoti fuissent oblatae, poterant a quibusvis etiam immundis absumi.

V. 14. OMNE QUOD EX VOTO REDDIDERINT: si scilicet voverint illud non ad immolationem, sed tantum ad oblationem.

V. 15. QUIDQUID PRIMUM ERUPIT, primogenita animalium. IMMUNDUM EST, non secundum speciem, ut equus, aut mulus, sed per accidens ut ovis clauda, aut cæca.

V. 16. CUIUS REDEMPTIO, hominis scilicet, non reliquorum animantium. POST UNUM MENSEM: poterat ergo infans primogenitus redimante matris purificationem, quæ 40. die fiebat, communiter tamen matres expectabant suam purificationem: quod B. Virgo fecit consuetudinem secuta.

V. 17. SANCTIFICATA SUNT, apta ad sacrificium, ac proinde immolanda.

V. 18. SICUT PECTUSCULUM CONSECRATUM. Sicut pectusculum, & armus dexter ex hostia pacifica: ita tuus est, ut quisvis mundus ex tua familia ex iis edere possit; ita erunt tuæ hæc carnes primogenitorum mihi immolatorum, ut a quovis mundo tuæ familiæ comedi possint.

V. 19. PACTUM SALIS, pactum sempernum, & incorruptum, sumpta metaphorâ ab incorruptibilitate, quam sal rebus communicat quibus aspergitur.

V. 20. IN TERRA EORUM, Hebræorum fratrum vestrorum. PARTEM hereditatis, scilicet agros, vineas, prata, &c. EGO PARS ET HEREDITAS TUA, &c. id est, ut explicat Iosue xiii. 14. sacrificia, victiçæ, & oblationes, quæ mihi offeruntur, sunt tuæ hereditas: hæc tibi abunde sufficiat.

V. 21. FILIUS AUTEM LEVI, &c. Levitis tantum, non sacerdotibus decima

solvebantur; levitæ vero rursus ex iis dabant decimas sacerdotibus. Vide Nehem. cap. x. vers. 37. & 38.

V. 22. NEC COMMITTANT PECCATUM MORTIFERUM, quod sit illis causa mortis tam præsentis quam æternæ.

V. 23. PORTANTIBUS PECCATA POPULI. Est idem loci huius sensus, quem supra num. 1. in simili habuimus: ut si quid ab aliquo de populo committatur temere sese in levitarum munia ingerente, vel vasa sacra tangente, vel in atrium sanctum ingrediente; id non toti populo, sed levitis a Deo ad pœnam impetur, quibus ex officio incumbit ad hæc advigilare, & ceteros arcere.

V. 26. PRIMITIAS EARUM, decimasearum. Hæ cedebant sacerdotibus, ut dixi num. 21.

V. 27. UT REPUTETUR VOBIS. Hoc pacto solveitis etiam vos decimas eo modo quo poteritis, erique perinde ac si de arcis &c. offerretis, si eas haberetis.

V. 28. QUORUM ACCIPITIS PRIMITIAS, decimas. DATE EA AARON SACERDOTI, ut ille ea inter sacerdotibus distribuat.

V. 31. COMEDETIS EAS IN OMNIBUS LOCIS VESTRIS, ubicumque locorum habitabitis. Hoc dicitur, quia quædam quæ sacerdotibus proveniebant, in atrio sancto erant ab illis absumenda, ut dictum est hoc cap. num. 10. PRETIUM PRO MINISTERIO, stipendium sustentationis.

V. 32. NE POLLUTATIS OBLATIONES FILIORUM ISRAEL: quod faceretis, si dantibus illis optima, vos daretis deterrima. ET MORIAMINI, iram meam provocantes.

T I R I N I.

Vers. 1. TU ET FILII TUI PORTABITIS INIQUITATEM SANCTUARIUM. Hoc est, si quid contra reverentiam Sanctuarii a laicis, accedendo, vel tangendo illud, commissum fuerit, vobis sacerdotibus, ac scepro seu ramo, id est tribui vel domui patris tui, id est ceteris quoque levitis, imputabitur, utpote quibus ex officio incumit arcere laicos. Sic etiam SUSTINEBITIS PECCATA SACERDOTIUM.

STR. Hoc est, si quid delictum fuerit in functionibus sacerdotalibus, quæ vobis propriæ sunt, pœna commissi per incuriam vestram delicti repetetur, non a populo, neque etiam a levitis, quorum non est id officii, sed a te Pontifice, & a filiis tuis sacerdotibus, quibus ex officio incumbit eiusmodi invigilare.

V.8. DEDIT TIBI CUSTODIAM PRIMITIARUM MEARUM; id est, omnium quæ mihi instar primitiarum debentur & offeruntur, sive sint propriæ dictæ primitiæ, sive sacrificia, sive alia, quæ lege ac decreto meo mihi sponenda sunt: horum, inquam, *custodiam* non nudam, sed cum iure utendi & consumendi, dono tibi, tuisque filiis sacerdotibus: & dono pacto salis, id est firmo, inviolabili ac sempiterno: est enim sal symbolum incorruptionis, ac consequenter perpetuitatis.

V.20. EGO ERGO PARS ET HEREDITAS TUA, quia quæcumque mihi offeruntur, vobis sacerdotibus in ius & alimentum cedent: neque volo vos habere aliam partem inter filios Israel, seu agros frugileos aut vineta in urbibus Israelitarum. Nam proprias etiam habebant urbes & suburbana sacerdotes; & in his agros suos & pascua & vineta: sed in urbibus aliorum Israelitarum propriis, in quibus etiam sacerdotes permixti aliis habitabant, ventantur hic, uti & levitæ ceteri, ullam habere agrorum aut vinearum possessionem; tum quod ipsi necessaria non esset, dono Dei iam sat opulenti; tum quod consecratos Deo, & totos legi. eius ac Scripturæ, servitioque tabernaculi deditos, dedecet cultura agrorum vinearumque implicari.

Ex didis collige quam ampli, quam divites fuerint levitarum, & cum primis sacerdotum, proventus annui. Erat Levitica tribus inter tredecim omnium minimæ: neque enim erat illa tribus quæ non in triplum, vel quadruplum a eam superaret. Et tamen hic (vers. 21.) iubetur accipere decimas ab omnibus filiis Israel; id est, ex decem partibus proventuum annuorum totius terræ sanctæ una pars illi debebatur; reliquæ novem partes in duodecim tribus dispartiri erant. Itaque plus ipsa sola, etsi longe minor numero, recipiebat, quam illa alia tribus licet numerosior. Iam vero sacerdotum quantæ faciunt opes, vel

hinc coniciere licet, quod cum hoc tempore non essent nisi tres numero, saltem adultæ ætatis, puta Aaron & duo eius filii, levitæ vero a triginta annis & supra essent 8480. tamen decimam partem omnium decimarum quas accipiebant levitæ ab omnibus filiis Israel, debebant dare his sacerdotibus. (v. 26.) Ergo tribus personis dabatur centesima pars omnium fructuum quos colligebant sexcenta & plura millia aratorum: & successive crescente numero sacerdotum, crescebat etiam numerus reliquorum Israelitarum, ac proinde etiam copia proventuum annuorum, qui levitis ac sacerdotibus pendebantur. Sed neque in solis decimis consistebant opes sacerdotum: nam illorum insuper erant omnes primitiæ proventuum annuorum, quæ, si S. Hieronymo b credimus, minimum consistebant lxxagessimam partem omnium quæ annue proveniebant per totam Palæstinam: qui proventus maior erat proventu decimæ decimarum iam prædictæ. Insuper sacerdotibus cedebant omnes oblationes votivæ & spontaneæ: item pecuniæ quæ ex personarum, ac rerum Deo per votum consecratarum redemptione confabantur. Omnia item ovium, boum, caprarum primogenita, quæ in specie reddebantur: itemque iumentorum ac hominum primogenita (vers. 15. 16. &c.) quæ vel permutabantur, vel pretio redimebantur. Omnes item victimæ pro peccato & delicto; pectus & armus omnium pacificorum; holocaustorum: saltem pelles; primitiæ omnis cocturæ panum, etiam domesticorum: quæ omnia ex tam numeroso populo innumeros confabant sacerdotibus thesauros. Habebant hi præterea proprias sibi civitates aliquot ac suburbana, atque in his armenta & greges suos. Adde, quæcumque vel primitiarum, vel decimarum, vel oblationum nomine sacerdotibus offerebantur, ex optimis pinguisimisque esse debuisse, ita Deo iubente (ver. 12.) atque ideo per Ieremiam d' gloriantem. *Inebriabo animam sacerdotum pinguedine*; ut tanto fervirent alacrius Deo, & ab omni cura rerum terrenarum remotiores essent.

(a) Num. 33. & 4.

(b) Hieron. in Ezech. x. & xlv.

(c) Levit. ult.

(d) Ierem. 23. vers. 14.

GORDONI.

Vers. 1. **P**ORTABITIS INIQUITATEM SANCTUARI, hoc est Levitæ. Pater hic est Levi proavus. *Portabitis* vero; hoc est, si quid male hic commissum fuerit, vobis imputabitur. Septuaginta Interpretes: *Accipietis peccata sanctorum*, *ἀρτιστα τὰς ἀμαρτίας τῶν ἁγίων*. Nota, hoc *ἀγίον* esse rerum sanctarum, seu circa res sanctas: non ergo masculini generis, quasi dixisset, Peccata sanctorum virorum, sed *Sanctuarii*, ut bene vulgatus Interpres.

V. 2. Dæ hic voces, שבת *webet*, quæ est hic in textu Hebræo, & מטה *matte*, significant *virgam*, *septrum*, & *tribum*. Certe priscis virga pro sceatro est: & tribus erat quasi multæ virgæ ex eadem radice. In præsentia per septrum intelligitur *tribum*. In textu vero Hebr. est utraque vox illa Hebraica, & eandem rem explicant; forte ut duo fixa per modum appositionis grammaticæ.

V. 6. & 7. Levitas vocat donum datum Domino: Septuaginta *δῶμα δίδωται*. Mox versu 7. & deinceps, subiungit quæ sacerdotum sunt mania, obventiones, & similia, de iure & proventus; & versu 9. speciatim incipit explicare has sacerdotum oblationes: talia sunt hostia pro delicto, hostia pro peccato, & mincha, de quibus dixi Levit. cap. 11. cap. vi. & cap. vii. quædam etiam alia, ut subiiciam. Per donum vers. 6. donati intelliguntur.

V. 8. PRIMITIARUM, oblationum, seu rerum oblatarum.

V. 11. PRIMITIAS AUTEM. Hebraice תרומה *teruma*: vox est quæ varie in Scripturis accipitur: Pagninus *eleuationem* vertit hoc loco; Noster *primitias*. Non male Caietanus interpretatur, esse portiones illas quæ ex pacificis pertinebat ad sacerdotes. His adde ex vers. 12. & 13. primitias quæ separabantur ex proventu annuo, & oblationes spontaneas ex primitivis fructibus.

V. 13. FRUGUM INITIA, id est primitiæ.

V. 14. & 15. Hæc etiam omnia sacerdotum erant: vota, inquam, & anathemata. De anathemate dixi Levit. ultim. vers. 28. vocatur *Cherem*. De primogeni-

tis hic quidem vers. 15. sed vide Exod. cap. xiii.

V. 19. In hac conclusione generali, & confirmatione promissarum oblationum, meminit pacti talis, ut ostendat decretum hoc esse immobile. Sal incorruptionis symbolum est: hinc modus hic loquendi Hebræorum. Vide II. Paralipomen. cap. xiii.

V. 21. Quam amplus fuerit sacerdotum proventus, hætenus hoc caput ostendit, nec deerant civitates: nunc ostendit proventus levitarum, quorum scilicet erant decimæ, amplus sane proventus. Decimarum quidem harum decimæ proveniebant sacerdotibus; sed præter hanc partem probabilis est, quod ait Abulensis, nihil aliud ex decimis obvenisse sacerdotibus.

V. 22. PECCATUM MORTIFERUM. Hebr. *Et moriantur*.

V. 23. PORTANTIBUS PECCATA POPULI, hoc est ministrantibus in rebus per quas expiantur peccata populi.

V. 26. & 27. Dabantur ergo decimæ, partim summo Pontifici, partim levitis, & sacerdotibus: Nunc inter Christianos deberentur hæc etiam decimæ Pontifici; sed eas ille non exigit, contentus annatis, seu fructibus primi anni, idque solum in maioribus beneficiis. Labet hic versu 19. optima dari in decimas.

V. 28. UNIVERSIS, de universis.

V. 31. COMEDETIS EAS, scilicet decimas.

V. 32. ET NON PECCABITIS, si dederitis summo sacerdoti meliora: nam ea vobis retinendo, peccaretis.

EX EIUDEM AUCTARIO.

V. 4. ALIENIGENA, qui est de alia tribu.

V. 7. INTRA VELUM, Sanctum.

V. 8. SANCTIFICANTUR, offeruntur.

V. 10. IN SANCTUARIO, in atrio tabernaculi, iuxta holocaustorum altare.


MARES TANTUM, nempe ex sacrificio pro peccato, & delicto: etenim etiam femine comedunt ex hostia pacifica, Levit. x. 14. De decimis dixi Deuter. xiv. de primitiis Exod. xxiii.

V. 14. Vota hic accipe quæ non sunt ad immolationem, sed oblationem.

C A-

C A P U T XIX.

*Ex cinere vaccæ ruse fiebat aqua expiationis, qua variæ immunditiæ abluebantur :
de moriente in tabernaculo, & vase non habente operculum,
ac tangente cadaver hominis..*

1.  Ocutusque est Dominus ad Moysen & Aaron, dicens: 2. Ista est religio victimæ quam constituit Dominus. Præcipe filiis Israel, ut adducant ad te vaccam rusam ætatis integræ, in qua nulla sit macula, nec portaverit iugum: 3. * tradetisque eam Eleazaro sacerdoti: (a) qui eductam extra castra, immolabit in conspectu omnium: 4. & tingens digitum in sanguine eius, asperget contra fores tabernaculi septem vicibus, 5. comburetque eam cunctis videntibus, tam pelle & carnibus eius, quam sanguine & fimo flammæ traditis. 6. Lignum quoque cedrinum, & hyssopum, coccumque bis tinctum sacerdos mittet in flammam, quæ vaccam vorat. 7. Et tunc demum, lotis vestibus & corpore tuo, ingreditur in castra, commaculatusque erit usque ad vesperum. 8. Sed & ille qui combusserit eam, lavabit vestimenta sua & corpus, & immundus erit usque ad vesperum. 9. Colliget autem vir mundus cineres vaccæ, & effundet eos extra castra in loco purissimo, ut sint multitudini filiorum Israel in custodiam, & in aquam asperisionis: quia pro peccato vaccæ combusta est. 10. Cumque laverit, qui vaccæ portaverat cineres, vestimenta sua, immundus erit usque ad vesperum. Habebunt hoc filii Israel, & advenæ qui habitant inter eos, sanctum iure perpetuo. 11. Qui tetigerit cadaver hominis, & propter hoc septem diebus fuerit immundus: 12. aspergetur ex hac aqua die tertio & septimo, & sic mundabitur. Si die tertio aspersus non fuerit, septimo non poterit emundari. 13. Omnis qui tetigerit humanæ animæ morticinum, & aspersus hac commixtione non fuerit, polluet tabernaculum Domini, & peribit ex Israel: quia aqua expiationis non est aspersus, immundus erit, & manebit spurcitia eius super eum. 14. Ista est lex hominis qui moritur in tabernaculo: Omnes qui ingrediuntur tentorium illius, & universa vasa quæ ibi sunt, polluta erunt septem diebus. 15. Vas, quod non habuerit operculum, nec ligaturam desuper, immundum erit. 16. Si quis in agro tetigerit cadaver occisi hominis, aut per se mortui, sive os illius, vel sepulcrum, immundus erit septem diebus. 17. Tollentque de cineribus combustionis atque peccati, & mittent aquas vivas super eos in vas: 18. in quibus cum homo mundus tinxerit hyssopum, asperget ex eo omne tentorium, & cunctam suppellectilem, & homines huiusmodi contagione pollutos: 19. atque hoc modo mundus lustrabit immundum tertio & septimo die: expiatusque die septimo, lavabit & se & vestimenta sua, & immundus erit usque ad vesperum. 20. Si quis hoc ritu non fuerit expiatus, peribit anima illius de medio Ecclesiæ: quia sanctuarium Domini polluit, & non est aqua lustrationis aspersus. 21. Erit hoc præceptum legitimum sempiternum. Ipse quoque qui aspergit aquas, lavabit vestimen-

stimenta sua. Omnis qui tetigerit aquas expiationis, immundus erit usque ad vesperum. 22. Quidquid tetigerit immundus, immundum faciet: & anima quæ horum quidpiam tetigerit, immunda erit usque ad vesperum.

(4) Hebr. XIII. 21.

B R U G E N S I S

ROMANA CORRECTIO.

V. 3. Tradetisque eam Eleazaro. Quidam

pro plurali tradetisque scribunt singulare tradetque, minus recte.

C O M M E N T A R I A.

S. A.

Vers. 2. **R**ELIGIO VICTIMÆ, scilicet cæremonia, seu ritus. Hebræus, Chaldæus, & LXX. *statutum legis*. INTEGRÆ, id est perfectæ.

V. 3. IMMOLABIT; id est, mactandam curabit.

V. 4. TABERNACULI, id est atrii.

V. 5. COMBURETQUE, scilicet ascerdos cui id fuerit commissum.

V. 9. EFFUNDET. Hebræus, Chald. & LXX. *Ponet, seu reponet*. IN CUSTODIAM; quasi dicat, ut serventur diligenter. ASPERSIONIS: sic etiam Chald. & LXX. Alii, *separationis*, vel *expiationis*. QUIA PRO PECCATO COMBUSTA EST; subaudi, adeoque ea aqua expiat a peccatis. Hebr. *Quia peccatum est*; quasi dicat: Quia aqua est ad peccatum expiandum. LXX. *Quia purificatio est*. Chald. *Quia pro peccato est*.

Nota, nullam Legis veteris cæremoniam, nullum sacramentum, aut sacrificium peccata expiandi virtutem habuisse: solum enim erant signa & protestationes Christi mysteriorum, per cuius fidem & devotionem tunc peccata remittebantur, propter quas Scriptura illis cæremoniæ expiationem tribuit: scilicet, ut dixi, non propter se, sed propter Christum, quem figurabant, cuius meritis & virtute constat omnis peccati remissio. De nostris vero sacramentis longe alia ratio est: habent enim suam quandam virtutem, a Christo tamen, peccata remittendi, ut infra suis locis indicabitur.

V. 10. SANCTUM IURE PERPE-

TUO. Hebr. *statutum perpetuum*. Chald. *ritum perpetuum*. LXX. *legitimum sempiternum*.

V. 13. PERIBIT; quasi dicat: Dignus est morte; vel eiicietur, more excommunicatorum. Vide Genes. XVII. ubi idem verbum vertit *delebitur*; significat vero *exscindi*, seu *præscindi*.

V. 14. IN TABERNACULO; quasi dicat, *domi*, ut verterunt LXX.

V. 17. COMBUSTIONIS ATQUE PECCATI, id est ad expiationem peccati. Hebr. *combustionis peccati*, id est victimæ pro peccato, scilicet vaccæ. Chald. *combustionis hostiæ pro peccato*. LXX. *de cinere combusti purificationis*.

V. 18. HOMO, scilicet qui sit sacerdos.

V. 22. QUIPIAM, scilicet tactum ab immundo.

E S T I I.

Vers. 2. **U**T ADDUCANT AD TE VACCAM RUFAM AETATIS INTEGRÆ, &c. Vaccam rufam continere manifestum mysterium Christi, Apostolus ad Hebræos IX. insinuat, dicens: *Sicinis vitule aspersus, inquinatus sanctificat ad emundationem carnis, quantum magis sanguis Christi emundabit conscientiam nostram ab operibus mortuis ad serviendum Deo viventi*? Hinc August. *Iuvenca rufa*, inquit, *carnem Christi significat; sexus feminæ est propter infirmitatem carnis quam Christus assumpsit; rufa est propter cruentam passionem; sine vitio, quia Christus peccatum non fecit; sine iugo, quia iugo diaboli Christus nullo modo fuit subiectus*.

V. 21.

V. 21. IPSE QUOQUE QUI ASPERGIT AQUAS, LAVABIT VESTIMENTA SUA. OMNIS QUI TETIGERIT AQUAS EXPIATIONIS, IMMUNDUS ERIT USQUE AD VESPERAM. Significatur quod qui aspergendo alios, immunditiam contraxisset, non debebat hac ipsa aqua mundari, nam sic eius mundator similiter esset mundandus, & huius mundatoris irem alius mundator, & sic in infinitum; sed quod alio genere mundationis debebat mundari, nempe lavando se, & vestimenta sua.

Augustinus significari per hoc dicit, quod omnis homo post remissionem peccatorum, quamdiu permanet in hac vita, adhuc aliquid contrahat unde sit immundus, usque ad vesperum, id est usque ad finem vitæ huius.

M A R I A N A E.

Vers. 2. I STA EST RELIGIO VICTIMAE. Vox *victimæ* est addita: tantum Hebr. dicit: *Ista est lex quam constituit Dominus*. AETATIS INTEGRÆ Hebr. *Perfectam*, seu *immaculatam vaccam asserant*.

V. 3. IN CONSPECTU OMNIUM. Hebr. *coram eo*, ut vertunt Sept. quasi dicat: Non ipse Eleazarus iugulabit, sed id fiat coram eo. Idem in vers. 5. pro *CUNCTIS VIDENTIBUS*, Hebr. est *coram eo*.

V. 9. ET EFFUNDET EOS. Ponet cineres extracastra. IN AQUAM ASPERSIONIS: sic Sept. & Chald. at Hebr. *separationis*. Vocatur sic, quoniam separatis a castris ad expiandum adhibebantur vers. 13. Hieronymus vertit *aquam expiationis*, cum Hebr. eadem sint verba quæ superius. QUIA PRO PECCATO VACCA COMBUSTA EST. Hebr. *peccatum ipsa*; id est, oblatio pro peccato ipsa vacca est. Hieronymus sententiam est secutus, non verba.

V. 13. ET MANEBIT SPURCITIA EIUS SUPER EUM. Hebr. *adhuc immunditia eius in eo*: sic Septuag. Et fortassis vox *ty bod*, id est *adhuc*, significat immunditiam perpetuam fore, quando *ty bad* id manifeste significat multis locis, scilicet *perpetuitatem*.

V. 21. AQUAS EXPIATIONIS. Ri-

tus aquæ lustralis in Ecclesia ex veteri Testamento sumptus est. Hunc ritum Gentēs etiam observarunt. Ovidius:

Ab nimium faciles, qui tristitia crimina cædis

Exigua tolli posse putatis aqua.

M A L V E N D A E.

Vers. 2. U T ADDUCANT AD TE. Hebr. *Ut accipiant ad te*.

Notant, Hebræi, quando verba quæ alioqui motum ad locum, vel a loco per se non significant, cum præpositionibus motus construuntur; tunc aliud verbum subaudiendum, & duas inesse significationes: ut Isaia xxxviii. vers. 21. *Tollant maffam ficutum, & contendant super ulcus*; id est, & contusam ponant super ulcus: ibid. vers. 17. *Desiderasti animam meam ex fovea putrefactionis*; id est, cum voluptate, libenter eruisi animam meam, &c. Sic hic, *Ut accipiant ad te*; id est, ut accipientes adducant ad te. VACCAM. פרה *parab* aiunt esse *inveniam* quæ desit esse vitula, & cepit esse secunda; quasi fructificam, *buculam, iunicem*, interpretantur. Valentine dicimus *longa*, ex *iunice*, voce deflexa. AETATIS INTEGRÆ. פסח *temimab, consumatam, integram, perfectam*, ut lex animalia requirit ad sacrificia. Vide Exodi xxix. vers. 1. Alii ad ætatem referunt, ut Noster, & Hebræi, qui *buculam hanc trimam*, aut *quadriram* statuunt. Nonnulli ad colorem, *rusam integre*, id est omnino *rusam*; quæ nullos pilos alterius coloris habeat, seu nigros, seu albos. NEC PORTAVERIT IUGUM. Has Romani *Hostias iniuges* appellarunt. Macrobius Lib. II. Saturnaliorum cap. v. *Hostie iniuges vocantur, quæ nunquam domite, aut iugo subditæ sunt*. Virgilius IV. Georgicorum:

.... & intacta totidem cervice iuvenças.
Festus: *Iniuges boves, qui sub iugo non fuerint*.

V. 3. TRADETISQUE EAM ELEAZARO. Ita præparans iam eum Deus ad summum sacerdotium. Vide sup. cap. xvi. vers. 37. QUI EDUCTAM EXTRA CASTRA. Hebr. *Et educet eam extra castra*. Sic Christus, qui hoc typo fuit proprie adumbratus, extra civitatem passus est: Hebræor. xiiii. vers. 12. *IMMOLABIT*

IN CONSPECTU OMNIUM. Hebr. varie reddunt. I. *Et mactabit eam ante eum*; id est, sacerdos cui hoc negotium fuerit commissum, mactabit ipsam ante ipsum Eleazarum. II. *Ut iugulet eam quis coram ipso*. III. *Curaque ut mactetur coram se*. Ex verbo: *Et mactabit eam faciebus suis*, vel *ad facies suas*, aut *eius*. Forſan peculiaris ritus mactationis innuitur, ut adversam sibi, & facie utriusque in alterum opposita, vel resupinam & expansam se recipientem adversus ipse iugularet: ut ea figura magis hic typus exprimat Christum expansum in cruce; & fortasse iunx resupinata, & in modum crucis expansis brachiis iugulabatur: id enim innuit significatio verbi *וַיַּחַבְדָּהּ* *schachat*. Vide Genes. xxii. vers. 10. Nisi illud, *Ad facies suas*, curam, inspectionem, ut sacrificium iuvenae rite, circumspicere, attente, & oculatissime fieret, significet; ut illud vers. 5. *In oculis suis*.

¶ 5. COMBURETQUE EAM, nimirum per alium, ut perspicue ostenditur infra vers. 8. Unde hic vertunt: *Et iubet comburi, vel comburendam citabit*, nempe per alium sacerdotem ex filiis aut nepotibus Aaron, cui id negotium commissum fuerit; vel per quemvis alium.

¶ 9. ET IN AQUAM ASPERSTIONIS. Hebr. *In aquam separationis, elongationis, remotionis, reiectuienti*, id est adhibendam iis qui propter immunditiam fuerant remoti, separati, reiecti a commercio reliquorum, ut ea purgati, rursus in cœtum reciperentur: qua ratione, statim *Aqua peccati* nominatur. Sic deinceps. Quidam vertunt, *In aquas sparsivas*. Nonnulli *aquam remotionis* dictam putant, quia erat de cineribus vaccae ruse, qui extra castra debebant in locum peculiarem removeri. QUIA PRO PECCATO VACCA COMBUSTA EST. Hebr. *Peccatum ipsa*. Quidam, *Aqua peccati ipsa*, vel *aqua peccati est*: nempe aqua expiationis peccati, aqua lustratoria, qua expiabantur contaminati, scilicet ii qui propter impuritatem separabuntur a commercio aliorum. *Aquam lustralem*, seu expiatoriam transferunt. Alii non ad aquam referunt, sed ad vaccam, seu sacrificium eius, *Peccatum ipsa*: ut ratio reddatur sanctitatis & efficacitatis purgatoriae talis aquae: nimirum ex eo quod sa-

Bib. Sac. Tom. III.

cificium vaccae est species sacrificii pro peccato, instar iuvenici qui in sacrificio pro peccato mactabatur Levit. iv. Vide infra vers. 17. De hac vacca rusa mira scribunt Hebraei, quae leges apud Liram, Burgeniensem, & Drusium in hoc cap.

¶ 13. ET MANEBIT SPURCITIA EIUS SUPER EUM. Hebr. *Adhuc contaminatio, immunditia eius in eo est*. Quidam: *Deinceps immunditia eius in eo est*; id est, inde ab eo tempore, quamdiu videtur, erit semper immundus: sicut enim accipi notant particulam *וְיִגְבֹּד* *gobd*, *ad hoc*, Genes. viii. vers. 12. & 22. & alibi saepe.

¶ 15. VAS, QUOD NON HABUERIT OPERCULUM, NEC LIGATURAM DESUPER. Hebr. varie reddunt. I. *Et omne vas, quod apertum, cui non coniugatio alligaturae super eum*; id est, cui non fuerit operculum quod vasi alligatum sit. II. *Et omne vas apertum, super quo non est coniunctum frustum panni parvi*, scilicet ad obturandum illum. III. *Etiam omne vas apertum, super quo non fuerit pannus circumtorus*; id est, quod aut indito panno contorto, aut circumvoluto ori eius non fuerit obturatum: sive, *Super cuius os non fuerit coniunctus panniculus circumtorus*, id est frustum laneum, sive fragmentum panni superpositum. Sunt hic duo nomina coniuncta *וְכִסְיוֹ וְכִסְיוֹ* *tzamid patil*. De *tzamid* diximus Genes. xxiv. vers. 22. *Coniugationem, coniugaturam, colligaturam, alligaturam, copulationem* exponunt. Alii *Toar* faciunt coniunctum, copulatum, alligatum, &c. De *phatil* egimus Genes. xxxviii. vers. 18. *proprie intortum*. Hic pro multiplicibus filis simul intortis & complicatis, sive pro frustis pannorum, quibus circumtoris & circumvolutis ora vasorum obturare solemus, accipiunt.

MENOCHII.

Vers. 2. ISTA EST RELIGIO, lex caeremonialis. VICTIMAE, expiatoricis, ex cuius cineribus fiat aqua lustrationis. AETATIS INTEGRÆ, perfectæ. NULLA SIT MACULA, non coloris, sed deformitatis: non sit clauda, non cæca, non scabiosa, &c. Vide Levit. xxii. 22. NEC PORTAVERIT IUGUM:

T

ne-

neque enim decet servisse homini victimam hanc, quæ serviet Deo ad hominum expiationem.

V. 3. TRADETISQUE EAM ELEAZARO. Quia hæc victima non erat solemnitas & festiva, ut illam Aaron immolaret, sed lugubris, & lustralis, eam immolare iubetur Eleazarus sacerdos. *EXTRACASTRA IMMO LABIT:* quia erat immolanda pro peccatis totius populi, quare ipsa (ut quæ totius populi in se susceperet peccata) valde immunda censebatur; & sacerdos qui illam immolabat, & is qui eam cremabat, pariter immundi erant usque ad vesperam.

V. 4. CONTRA FORES TABERNACULI, obversus ad eas, quamvis e longinquo, quippe qui erat extra castra.

V. 5. COMBURETQUE EAM, non per se, sed per alium, ut patet num. 8.

V. 6. LIGNUM QUOQUE CEDRINUM, ET HYSSOPUM, &c. Vide dicta Levitici cap. xiv. 7.

V. 7. COMMUNICATUS, immundus legaliter.

V. 9. INCUSTODIAM: diligenter custodiantur cineres a filiis Israel. *IN AQUAM ASPERSIONIS:* qua scilicet aspersi, a legali immunditia expiuntur. *PRO PECCATO COMBUSTA EST:* ut sit victima expiatrix peccati.

V. 10. SANCTUM IURE PERPETUO, firmum, & inviolabile.

V. 11. QUI TETIGERIT CADAVER HOMINIS. Aliqui putant, aquam hanc lultralem institutam fuisse tantum ad expiandam immunditiam contractam ex contactu mortui: alii censent, fuisse communem omnium legalium immunditiarum expiationem.

V. 13. MORTICINUM, cadaver. *HAC COMMIXTIONE,* hac aqua, quæ commixta est cineribus vitulæ. *POLLUET TABERNACULUM:* violabit locum sanctum.

V. 14. IN TABERNACULO, domi, ut vertunt LXX. *ET UNIVERSA VASA QUAE IBI SUNT,* tota suppellex domestica.

V. 15. VAS QUOD NON HABUERIT OPERCULUM. Non est hæc lex generalis, sed tantum sermo est de funeribus. Vasa ergo quæ sunt in tabernaculo defuncti, si operculo, aut ligatura munita

non sint, præsentia cadaveris contaminantur.

V. 16. SI QUIS IN AGRO, &c. ubi Hebræi sua habebant sepulcra.

V. 17. AQUAS VIVAS, fluviales, vel fontanas.

V. 20. PERIBIT ANIMA ILLIUS: a iudiciis punietur si res confiter, alioqui a Deo peccatorum vindice.

V. 21. QUI TETIGERIT AQUAS EXPIATIONIS, mundabitur ab immunditia priori, verbi gratia cadaveris; sed ex aquæ huius contactu aliam contrahet, quæ durabit tantum usque ad vesperam.

V. 22. QUIDQUID TETIGERIT IMMUNDUS, immunditia illa maiori septem dierum ex contactu cadaveris, sepulcri, &c. is contactu suo alios contaminabit. *ET ANIMA QUAE HORUM QUIDPIAM TETIGERIT.* Non solum immundus est qui tangitur ab immundo; sed etiam is qui aut immundum tangit, aut rem pollutam, immunditiam contrahit usque ad vesperam duraturam.

T I R I N I.

Vers. 12. SI DIE TERTIO ASPERSUS NON FUERIT, SEPTIMO NON POTERIT EMUNDARI. Poterit tamen vel quarto, vel quinto, vel alio die aspergi pro prima vice, & sic dies ille numerabitur ipsi pro tertio die: atque ab hoc deinde ad septimum usque expectandum erat prius quam emundari posset.

Nota. Vaccæ huius seu vitulæ rufæ extra castra seu urbem exustæ cineres, per singulas Palæstinæ urbes quotannis distribuebantur, & in loco ad id designato adservabantur: cumque contingeret aliquem ex contactu cadaveris, vel mortuini, vel alterius rei immundæ contaminari, pauxillo huius cineris in aquam vivam immisso, statim diebus aspergebatur, & sic mundabatur. Nec persona sola, sed & omnia vasa, saltem aperta, quæ in tabernaculo vel domo alicuius defuncti reperiiebantur, eadem aqua lustrari & expiari debebant. Secus erat de vasibus operatis & clausis: cum enim in eiusmodi vasibus sæpe pretiosi liquores contineantur, neque physica aliqua corruptio possit illis a mortuo afflari, nullam ex præsentia illius

lius immunditiam contraxisse censebantur. Eugubinus vult hanc aquam typum fuisse aquæ nostræ lustralis; sed melius S. Augustinus, Theodoretus, & alii SS. Patres dicunt præfigurasse Baptismum, vel lavacrum Pœnitentiæ.

Vacca rufa allegorice est caro Christi, secundum Apostolum ad Hebræos ix. vers. 13. tropologice est lascivia carnis. Ita S. Gregorius a.

(a) Greg. Lib. VI. Moral. cap. xxv.

G O R D O N I.

Verf. 1. **A**gitur hic de aqua lustrali, qua tollitur immunditia contrada tangendo cadavera, ut explicatur Levit. cap. xxi. vers. 1.

V. 2. RELIGIO, ritus, cæremonia.

V. 3. IMMOLABIT; id est, se præsentem curabit immolandum.

V. 9. IN CUSTODIAM: ut serventur ibi.

V. 12. At quid de eo qui non curavit, se tertio die mundari? Certe septimo non poterat, ut hic dicitur; tamen post diem

septimum potuisse aliquo sacrificio, scribit Iosephus Lib. III. Antiquit. cap. x.

V. 20. AQUA LUSTRATIONIS, aqua expiationis. Vetera sacramenta non habebant virtutem expiandi peccata: nuda signa erant mysteriorum Christi, per cuius fidem, & internam devotionem remittebantur peccata: quæ ipsa etiam devotio erat per Christum.

EX EIVSDEM AVCTARIO.

V. 2. VICTIMÆ, ex cuius cineribus fiet aqua lustralis.

V. 3. ELEAZARO. Hæc enim non erat victima solemnis quæ debebat tradi Aaroni.

V. 7. COMMACULATUS, immundus more legali.

V. 13. POLLUET TABERNACULUM: locum Domino sacrum violabit.

V. 14. IN TABERNACULO, hoc est domi, ut habent Septuaginta.

V. 15. VAS. Sermo est de vase in tabernaculo morientis.

V. 17. AQUAS VIVAS, scilicet fluvio, vel fonte.

C A P U T XX.

*Maria moritur: murmuranti populo aqua contradictionis et petra fluit:
neque atque transitum Edom, discedunt ad montem Hor;
ubi consecrato in summum sacerdotem Eleazaro,
moritur Aaron pater ipsius.*

1. **V**eneruntque filii Israel, & omnis multitudo in desertum Sin, mense primo: & mansit populus in Cades. Mortuaque est ibi Maria, & sepulta in eodem loco. 2. Cumque indigeret aqua populus, convenerunt adversum Moysen & Aaron: 3. & versi in seditionem, dixerunt: Utinam periissemus inter fratres nostros coram Domino. 4. (a) Cur eduxistis ecclesiam Domini in solitudinem, ut & nos & nostra iumentum moriamur? 5. Quare nos fecistis ascendere de Aegypto, & adduxistis in locum istum pessimum, qui feri non potest, qui nec ficum gignit, nec vineas, nec malogranata, insuper & aquam non habet ad bibendum? 6. Ingressusque Moyses & Aaron, dimissa multitudine, tabernaculum sederis, corruerunt proni in terram, & clamaveruntque ad Dominum, atque dixerunt: Domine Deus audi clamorem huius populi, & aperi eis thesaurum tuum fontem aquæ vivæ, ut fa-

tiati, cesset murmuratio eorum. Et apparuit gloria Domini super eos. 7. Locutusque est Dominus ad Moysen, dicens: 8. Tolle virgam, & congrega populum, tu & Aaron frater tuus, & loquimini ad petram coram eis, & illa dabit aquas. Cumque eduxeris aquam de petra, bibet omnis multitudo & iumenta eius. 9. (b) Tulit igitur Moyses virgam, quæ erat in conspectu Domini, sicut præceperat ei, 10. congregata multitudo ante petram, dixitque eis: Audite rebelles & increduli: (c) Num de petra hac vobis aquam poterimus elicere? 11. Cumque eleuasset Moyses manum, percussit virga bis filicem, egressæ sunt aquæ largissimæ, ita ut populus biberet & iumenta. 12. Dixitque Dominus ad Moysen & Aaron: (d) Quia non credidistis mihi, ut sanctificaretis me coram filiis Israel, non introducetis hos populos in terram quam dabo eis. 13. Hæc est aqua contradictionis, ubi iurgati sunt filii Israel contra Dominum, & sanctificatus est in eis. 14. Misit iterea nuntios Moyses de Cades ad regem Edom, qui dicerent: Hæc mandat frater tuus Israel: Nosti omnem laborem qui apprehendit nos, 15. quo modo descenderint patres nostri in Aegyptum, & habitaverimus ibi multo tempore, afflixerintque nos Aegyptii, & patres nostros: 16. & quo modo clamaverimus ad Dominum, & exaudierit nos, miseritque Angelum, qui eduxerit nos de Aegypto. Ecce in urbe Cades, quæ est in extremis finibus tuis, positi, 17. obsecramus ut nobis transire liceat per terram tuam. Non ibimus per agros, nec per vineas, non bibemus aquas de puteis tuis; sed gradiemur via publica, nec ad dexteram, nec ad sinistram declinantes, donec transcamus terminos tuos. 18. Cui respondit Edom: Non transibis per me, alioquin armatus occurram tibi. 19. Dixeruntque filii Israel: Per tritam gradiemur viam: & si biberimus aquas tuas nos & peccora nostra, dabimus quod iustum est: nulla erit in pretio difficultas, tantum velociter transcamus. 20. At ille respondit: * Non transibis. Statimque egressus est obvius, cum infinita multitudine, & manu forti; 21. nec voluit acquiescere deprecanti, ut concederet transitum per fines suos: quam ob rem divertit ab eo Israel. 22. Cumque castra movissent de Cades, venerunt in montem Hor, qui est in finibus terræ Edom: 23. ubi locutus est Dominus ad Moysen: 24. Pergat, inquit, Aaron ad populos suos: non enim intrabit terram quam dedi filiis Israel, eo quod incredulus fuerit ori meo ad aquas contradictionis. 25. (e) Tolle Aaron & filium eius cum eo, & duces eos in montem Hor. 26. Cumque nudaveris patrem veste sua, indues ea Eleazarum filium eius: Aaron colligetur, & morietur ibi. 27. Fecit Moyses ut præceperat Dominus: & ascenderunt in montem Hor coram omni multitudine. 28. Cumque Aaron spoliasset vestibus suis, induit eis Eleazarum filium eius. 29. Illo mortuo in montis supercilio, descendit cum Eleazaro. 30. Omnis autem multitudo videns occubuisse Aaron, flevit super eo triginta diebus per cunctas familias suas.

(a) Exod. xvii. 3. (b) Exod. xvii. 5. 6. Sop. xi. 4. (c) Psal. lxxvii. 24. I. Corin. x. 4. (d) Deut. 1. 37. (e) Isai. xxxiii. 38. Deut. xxxii. 50.

BRUGENSIS

ROMANA CORRECTIO.

V. 20. *Non transibis*. Servandus est numerus singularis *transibis*.

LECTIONUM VARIETAS.

V. 6. *Clamaveruntque ad Dominum, atque dixerunt: Domine Deus audi clamorem huius populi, & aperi eis thesaurum tuum fontem*

aquæ vivæ, ut faciant, cesset murmuratione eorum. Versiculum hunc, cum Hebræis, Græcis, & Chaldaicis libris, omittunt textus Latinus Regii operis, & textus Rabani commentario adiunctus. Quidam putant acceptum fuisse ex Epistola seræ sextæ post dominicam tertiam Quadragesimæ: ut Collector Epistolarum aliquando omittit, aliquando addit aliunde quædam.

COMMENTARIA.

S A.

Vers. 1. **V**ENERUNTQUE, scilicet e deserto Pharan. SIN per π Ts, non per DS. PRIMO, scilicet anno 40. ab exitu ex AEgypto.

V. 4. **ECCLESIAM**. Hebr. *congregationem*. LXX. *synagogam*.

V. 6. **CLAMAUERUNTQUE**. &c. Hæc verba, usque ad **MURMURATIO EORUM**, non habentur Hebr. aut Chald. aut apud LXX.

V. 10. **NUM**, &c. Hic Moyse dubitavit de Dei potentia. Augustinus in Num. qu. xix.

V. 12. **SANCTIFICARETIS**, id est glorificaretis.

V. 13. **CONTRADICTIONIS**: sic etiam LXX. at Hebr. & Chald. *iurgii*. **SANCTIFICATUS**, id est glorificatus: scilicet eis suam gloriam seu potentiam ostendit.

V. 17. **NON BIBEMUS**, scilicet gratis. Augustinus.

V. 20. **INFINITA MULTITUDINE**. Hebr. *populo gravi*, id est multo. Chald. *exercitu multo*.

V. 24. **PERGAT**. Hebr. & Chald. *Coligatur*. LXX. *Apponatur*. **INCREDULUS FUERIT**. Hebr. & Chald. *Rebelles fueritis*. LXX. *Irritastis me*.

V. 26. **COLLIGETUR**, scilicet ad populum suum. **ET MORIETUR**; pro, id est morietur.

V. 30. **FLEVIT**. Non lacrymæ significatur, sed exequiarum celebritas. Hieronymus epist. xxv.

EST II.

Vers. 1. **V**ENERUNTQUE FILII ISRAEL... IN DESERTUM SIN... ET MANSIT POPULUS IN CADES. Exod. xvi. narratur quomodo filii Israel venerunt in desertum Sin: & capite sequenti, quod profecti sunt de deserto Sin, & castrametati sunt in Raphidim. Ubi licet Moyse quoque percussit petram ut fluxerint aquæ; tamen diversum esse illud Sin, & illud de quo hic agitur, & proinde etiam diversam percussionem petrae, tum aliæ multæ circumstantiæ docent; tum etiam quod illud factum sit in Raphidim, hoc autem in Cades. De quo vide, si placet, nostrum Commentarium I. Corinth. x. ubi etiam disputatur, an Cades idem sit quod Cades barne.

V. 10. **AUDITE REBELLES ET INCREDULI**; **NUM DE PETRA HAC VOBIS AQUAM POTERIMUS ELICERE?** Moysem hic peccasse dubium non est: id enim Dominus de ipso & Aarone clare testatur his verbis: *Quia non credidistis mihi, ut sanctificaretis me coram filiis Israel, non introducetis hos populos in terram quam dabo eis*. Peccatum ergo illorum constituendum videtur incredulitatis: nempe in verbis illis cum dubitatione, & velut ambigue prolatis. *Num de petra hac vobis aquam poterimus elicere?* ut si non fluxisset aqua, hoc imputasset malitiæ & incredulitati populi; si fluxisset, attribuisset potentæ divinæ. Sed non debebat dubitanter loqui: nam Dominus

di.

dixerat absolute : *Tolle virgam , & congrega populum , tu & Aaron frater tuus , & loquimini ad petram coram eis , & illa dabit aquas*. Fuit igitur tentatus , & vacillavit , considerans populum toties rebellem , & non simul mox ob oculos ponens Dei omnipotentiam ; non autem quod fidem omnipotentiae Dei in universali perdidit . Sic & Christus aliquando discipulos suos increpavit dicens : *Ubi est fides vestra ?* Et hoc est quod dicitur Psalm. cv. *Et vexatus est Moyses propter eos , quia exacerbarunt spiritum eius*.

M A R I A N A E .

Vers. 2. **I**N DESERTUM SIN. cum Tzade , aliud est desertum Sin per Samech , Exod. xvi. vers. 1. De utroque Num. xxxiii. vers. 12. & 36. **MENSE PRIMO**. Non exprimit annum ; videtur tamen quadragesimo egressionis ex Aegypto , quoniam proxima mansionem Aaron obiit , quod accidit eo anno : Num. xxxiii. vers. 38.

V. 6. **PRONI IN TERRAM**. Quod sequitur : *Clamaveruntque ad Dominum , atque dixerunt : Domine Deus audi clamorem huius populi , & aperi eis thesaurum tuum fontem aquae vivae , ut satiati , cesset murmuratio eorum* : totum hoc neque in Hebraeo est , neque in Sept. neque in Regiis in Vulgata , & in Lovan. iugulatum est obelo ; sed si additum , antiqua est additio , quando in Gotthicis extat . **GLORIA DOMINI SUPER EOS**. Hebr. *ad eos* : sic Sept. vel *eis est revelata* , ut Chald.

V. 12. **QUIA NON CREDIDISTIS MIHI**. Hebr. *in me*. **UT SANCTIFICARETIS ME**. Non constat ex hoc loco , ac ne ex Psalmis lxxvii. & cv. ubi de re hac agitur , in qua re descenderunt Moyses & Aaron : neque enim omnia quae gesta sunt , referuntur . Sed sane dixere aliquid , aut fecere contra Deum , eo supplicio dignum . **NON INTRODUCEtis gentem in terram promissam**.

V. 13. **HAEC EST AQUA CONTRADITIONIS** : sic Sept. at Hebr. *Aqua contentationis* , idest iurgii.

V. 16. **MISERITQUE ANGELUM**. Vox Hebraica *Malach* , ut & Graeca ἄγγελος , nuntium significat . Sed Angelus hic ,

ipse Moyses fuit , qui eduxit populum de Aegypto.

V. 17. **GRADIEMUR VIA PUBLICA**. Hebr. *via Regis*. Sed cur Regia dicitur quae est publica ? Nempe ad ius Regis inter alia viae spectant.

V. 19. **DABIMUS QUOD IUSTUM EST**. Hebr. *Dabo pretium earum* , scilicet aquarum . Aquae penuria erat in Idumaea , ideo emitur pretio . **NULLA ERIT IN PRETIO DIFFICULTAS**. Hebr. *tantum non verbum* ; hoc est , non litigabimus nempe de ulla re . **TANTUM VELOCITER TRANSEAMUS**. Hebr. *In pedibus meis transibo* ; quasi dicat : Non accipiemus a quoquam iumentum , non carpentum.

V. 22. **QUI EST IN FINIBUS TERRAE EDM** , scilicet mons Hor . Non est in Hebraeo tamen , sed ex Sept. sumptum , vel potius ex proximo versu huc translatum .

V. 24. **PERGAT , INQUIT , AARON AD POPULOS SUOS**. Hebr. *Colligat Aaron* , id est moriatur . **Eo QUOD INCREDULUS FUERIT**. Hebr. *Eo quod rebellastis ori meo* ; id est , mihi non obedistis . Nota , mortuos populum nostrum vocari . Hic velut in hospitio sumus , nosse incolatus , nostra civitas in caelis est , ibi perpetuo erimus .

V. 30. **TRIGINTA DIEBUS**. Historia Schol. in Gen. cap. l. morem Hebraeis fuisse in suorum funere lugere triginta diebus . **PER CUNCTAS FAMILIAS SUAS**. Hebr. *omnis domus Israe*l .

M A L V E N D A E .

Vers. 1. **I**N DESERTUM SIN. Vide cap. xiii. vers. 22. & cap. xxxiii. vers. 36. ubi de deserto Tzin agemus . **MENSE PRIMO** , anni quadragesimi ab egressu ex Aegypto , ut colligitur e cap. xxxiii. vers. 37. 38. **IN CADES**. Altercantur Interpretes , an haec Kades sit illa quae alibi dicitur Kades-Barne , ut Deuteronom. l. & 11. & Iosue x. & xv. Melior sententia unam & eandem facit : cui stipulantur Eusebius & S. Hieronymus in Locis Hebraicis . Vide Genes. xiv. vers. 7. & supra cap. xiii. vers. 22. Notant , hanc Kades de qua hic , fuisse in

in deserto Tzinis ad fines Edomæorum, ut infra vers. 16. dicitur.

V. 8. TOLLE VIRGAM: illam nimirum Aaron quæ floruerat, & fructificaverat amygdalas, quam cap. xvii. vers. 25. ante arcam testimonii iussit Deus aservari in testimonium contra rebelles; id eo Moses eam a conspectu Iehovæ accepisse dicitur, infra vers. 9. Alii potius virgam illam Moysi intelligunt, in qua fecerat tot miracula in Aegypto, cum qua etiam alias eduxerat aquas de petra in mansione apud Riphidim, Exod. xvii. vers. 5. 6. LOQUIMINI AD PETRAM. Quidam exponunt: Loquimini solum, ac non percutiatis; nam florida illa virga non erat ad percutiendum imperata, aut ad eam rem commoda. Nihil hic Dominus de percussione præcipit, sed allocutionem tantum imperat: quoniam solo imperio statuerat Deus educere aquas spectante populo. Alii non in hoc deliquisse fratres existimant: nam si sola voce, & non percussione eliciendæ erant aquæ, quorum virga sumi iubetur, quæ hic otiosa erat futura, nec ullæ eius partes in hoc opere? *Petram*. *בב סיגו* . *rupem* . *saxum* . *petram* interpretantur: forsitan consentiente voce *silicem* possumus exponere: quod magis augeat in raculum, quod ex petra ignea, quæ ignem in viscibus continet, tam largæ aquas elicerit. *Silicem* Noster dixit vers. 11. CUMQUE EDUXERIS AQUAM DE PETRA. Hebr. *Et exire facies eis aquas de rupe*. Quidam exponunt: *Et proferes eis aquam*, &c. symbolice verbo: nam Dei virtus produxit aquas realiter; Moysi verbum produxisse eas dicitur symbolice, & sacramentaliter. Melius Theologi: Produxit eas Deus principaliter, Moysi instrumentaliter: utraque causa efficiens & realis.

V. 10. CONGREGATA MULTITUDINE ANTE PETRAM. Hebr. *Et congregaverunt Moyses & Aaron congregationem ad facies rupis*: quidam, *versus petram illam*. DIXITQUE. Intelligunt uterque, scilicet Moyses & Aaron, quod ex poena utrique inflicta colligitur. Eis. Alii observant, in hoc etiam deliquisse Moysen & Aaron, quod eundo versus petram locuti sunt ad Israelitas contra quam iussi fuerant alloqui petram ante oculos illorum. Deus iusserat ut alloquerentur

rupem; ipsi non alloquuntur petram, sed arguunt populum. AUDITE REBELLES. Aiunt fuisse impatientiæ voces. NUM DE PETRA HAC VOBIS AQUAM POTERIMUS ELICERE? Notant fuisse verba incredulitatis & diffidentiae; non quidem de virtute & potentia divina, sed de voluntate & effectu: in eo graviter delinquentes, quod enim certo fore promiserat Deus vers. 8. id isti in dubium vocant.

V. 11. PERCUTIES VIRGA BIS SILICEM. Observant fuisse inobsequens factum: nam a mandato discedunt, cum petram alloqui iussi supra vers. 8. eam non alloquuntur, sed percutiunt, quod eis mandatum non fuerat: & quidem iterato percutiunt, idque impatiente, & irato, perturbatoque animo. Atqui Deus satis factus ostendit, sibi animum Moysi & Aaron displicuisse, cum non ad primum ictum aquæ eruperint; & sane eorum perturbatam mentem peius aliquid misuisse quam tantulam miraculi dilationem.

V. 12. UT SANCTIFICARETIS ME; id est, demonstraretis meam potentiam & sanctitatem populo, certo confirmando Israelitas de eventu, & secure imperando petra: vel ut celebraretis gloriam omnipotentis meæ.

V. 13. ET SANCTIFICATUS EST IN EIS. Quidam exponunt: Confirmatus est sanctus, & gloriosus apparuit in filiis Israel; & omnipotens superavit incredulitatem illorum; magnifice ostentavit apud Israelitas suam sanctitatem & virtutem: sive, sanctificatus est inter filios Israelis, a quorum blasphemis & contumeliosis vocibus præsentis facti memorabili vindicavit sese, & sanctificavit nomen suum. Hebræi explicant, *In eis*, in Moysen scilicet & Aaron, nimirum puniendo eos. Similem phrasim vide Levitic. x. vers. 3. *In propinquis meis sanctificabor*: quam ibi accurate elucidavimus.

V. 17. NON BIBEMUS AQUAS DE puteis tuis. Quidam hoc dicere volunt Moysen quod magna aquarum penuria esset in ea regione, & aliqui bibentibus tot Israelitis exhaurirentur putei, & aqua incolis deficeret. Alii rectius intelligunt, Vel vobis invitis, vel gratis, & sine pretio: ut ostendatur infra vers. 19.

V. 19. NULLA ERIT IN PRETIO

DIF-

DIFFICULTAS, TANTUM VELOCITER TRANSEAMUS. Hebr. *Et dabo pretium venditionis earum, tantum non verbum, in pedibus meis transibo*. Alii dilucidius sic reddunt. I. *Et dabo pretium earum, tantum ne quid sit impedimento; vel tantum non quidquam detrimenti erit, pedibus meis transibo*. II. *Et dabo venditionem earum; tantum si nihil in pedibus meis, transibo*; id est, dabo tibi iustum pretium: modo nihil sit impedimento, transibo, & non immorabor. III. *Et dabo pretium pro eis, modo ne negotium facessas nobis, pedes transibo*. IV. *Simul dabo pretium venditionis eius; tantum modo istud, nihil aliud, pedibus meis transcam*. Illud, *Tantum non verbum*, varie possit intelligi: *Tantum non sit verbum contrarium nostræ petitioni; vel tantum non verbum cum tuis ullum misceribus, vel litigando, vel contendendo; silentes & quieti transibimus*. Aut *tantum non verbo, pedibus transibo*; id est, dicto citius transibimus, nullas moras in terra tua necsemus.

V. 22. IN MONTEM HOR. Eusebius, & S. Hieronymus in Locis Hebraicis: *Hoc mons in quo mortuus est Aaron, iuxta civitatem Petram, ubi usque ad presentem diem ostenditur rupes, qua percussa Moyses aquas populo dedit*. Iosephus: *Moses per desertum cum exercitu pergens Arabiam petiit. Cumque venisset in agrum urbis Arabum primarie, quæ olim Arce, nunc Petra nominatur, hoc loco montem excelsum quo ager clauditur, Aaron conscendit, præmonitus a Moysæ quod esset moriturus*. Vide infra cap. xxxiii. vers. 37.

V. 24. PERGAT, INQUIT, AARON AD POPULOS SUOS. Hebr. *Colligetur, congregabitur, aggregabitur Aaron ad populos suos*; id est, reliquis popularibus suis defunctis adiungetur: nam is qui moritur, quasi ad suos maiores proficiscitur, ad eos coadunatur, cum eis commoratur, & inter defunctos censetur. Vide similem phrasim Genes. xv. 15. & Genes. xxv. 8. & 17. Sic infra vers. 26. De morte Aaron videt etiam infra cap. xxxiii. vers. 38. 39.

MEN OCHII.

Vers. 1. IN DESERTUM SIN. Hoc desertum aliud est ab illo Sin

in quo plueri cepit manna, Exodi xvi. 1. & 15. nam in illo octava fuit Hebræorum mansio, in hoc trigesima tertia: illud scribitur per Samæch, hoc vero per Tsade. MENSE PRIMO, anni 40. ab egressu Hebræorum ex Aegypto: nam Moyses tantum commemorat gesta anni primi, secundi, & quadagesimi: quare ab hoc capite usque ad finem Pentateuchi describuntur gesta anni quadagesimi, qui fuit ultimus peregrinationis Hebræorum in deserto. IN CADES. Diverfa est hæc Cades ab illa quæ dicitur Cadesbarne, iuxta quam fuit decima quinta mansio: nam Cadesbarne fuit in confinio australi terræ Chanaan; at Cades hæc longe ab illa ab erat: erat enim posita in extremis finibus Idumææ ad austrum vergentibus, ut patet Num. xx. 16. non valde procul a Maro rubro. Vide Cornelium hic, & Bonfretium Num. xiii. 27. MORTUÆQUE EST IBI MARIA, quatuor mensibus ante fratrem suum Aaron, cum esset annorum 130.

V. 6. APERI THESAURUM. Quæ latent, & necdum aperta sunt, dicuntur esse in thesauris Dei: sic Psal. cxxxiv. 7. *Producent ventos de thesauris suis*. GLORIA DOMINI, in nube novos & inolitatos radios vibrantis.

V. 8. LOQUIMINI AD PETRAM: imperate petræ ut det aquas, adhibita etiam virgæ percussione.

V. 9. IN CONSPECTU DOMINI, in tabernaculo. Virga hæc est Moysis operatrix miraculorum, non Aaronis, quæ floruerat.

V. 12. NON CREDIDISTIS MIHI: Dubitasse videntur num vere Deus aquam promississet, an solum per ironiam, aut sub ea conditione si cessassent Hebræi a murmure. Itaque cum viderent populum incredulum, etiam ipsos subit dubitatio. Vel fortasse Deus ad primam percussionem aquas non dedit, ad eorum tentandam fidem: inde illi turbati, & humani aliquid passi, gestu, ac vultu, coram populo perturbationem aliquam ostenderunt, quæ populo ansam præbuit de divina potentia, vel promissorum fidelitate dubitandi. Quidquid fuit peccati, certe a gravi crimine liberandi sunt cum August. Lib. XVI. contra Faustum, c. xvi. UT SANCTIFICARETIS ME, &c. ut sanctum, scilicet,

lem, potentem ostenderetis. IN TERRAM QUAM DABO EIS, in Chanaanem trans Iordanem: nam aliqui Moses intravit in terram promissam, quæ cessit tribui Ruben, & Gad, & dimidiæ tribui Manasse.

V. 13. AQUA CONTRADICTIONIS: ubi contradixit, & murmuravit populus.

V. 14. DE CADES AD REGEM EDOM. Cades enim vicina erat Idumææ, per quam transeundum erat Hebræis ituris in Chanaan. HÆC MANDAT: dedit nobis in mandatis ut hæc tibi diceremus. FRATER TUUS ISRAEL: Israelitæ enim a Jacob, Idumæi ab Esau Iacobi fratre descendebant.

V. 16. MISERITQUE ANGELUM, ducem nostrum, nos præeuntem in columna nubis. IN URBE CADES POSITI, iuxta Cades: nam urbem non videntur inire.

V. 17. NON BIBEAMUS AQUAS DE FUTEIS TUIS, gratis scilicet: nam in desertis illis locis magna est aquæ penuria.

V. 18. PER ME, per meam ditionem.

V. 20. CUM INFINITA MULTITUDINE: hyperbole etiam in vulgari sermone frequenter usitata. ET MANU FORTI, magno robore nollum.

V. 21. DIVERTIT AB EO ISRAEL. Reflexo cursu circumivit Idumæam ad latus orientale.

V. 24. PERCAT AARON AD POPULOS SUOS: moriatur, congregetur ad populum suum in limbum.

V. 26. COLLIGETUR ad patres suos, ad populum suum.

V. 29. ILLO MORTUO, ætatis 123. mense quinto, ut dicitur Num. xxxiii. 38.

V. 30. FLEVIT SUPER EO: iura funeris perolvit.

T I R I N I.

Verf. 1. MENSE PRIMO, scilicet anni peregrinationis per desertum quadragiesimi, seu ultimi. Ita Iosephus, Abulenſis, & alii passim.

V. 12. QUIA NON CREDIDISTIS MIHI, UT SANCTIFICARETIS ME; id est, gloriam meam celebrem & palam faceretis, CORAM FILIIS ISRAEL.

Bib. Sac. Tom. III.

Hinc, & ex aliis locis a patet, Moysen & Aaronem non solum incredulitate, vel hæsitazione interna peccasse, dubitando de effectu promisso; sed insuper etiam exterius aliquo signo prodidisse hanc suam dubitationem, atque ita gloriam Dei coram populo minuisse: verbi gratia, ob continuum populi murmur & strepitum turbati percusserunt petram, sed eo gestu ac modo quo proderent se dubitare de successu, maxime si prima percussione dicimus, Deum, ut fidem illorum, constantiamque magis probaret, non dedisse aquas. Tunc enim probabile est aliquid humani passus, gestu vel etiam verbis indicasse nonnullam animi titubationem. atque ita populo adstanti occasionem dedisse etiam ridendi, vel explodendi promissa Dei; cum tamen ipsi, utpote principes & capita populi, debuissent etiam mortem potius subire quam tale offensiculum dare, & gloriæ Dei detrahere. Vide S. Cyrillum, Augustinum b, Theodoretum, Rupertum, Rabanum, Caietanum, & alios.

Nota tamen, verosimilius esse, illo ex nimia perturbatione non nisi venialiter peccasse; ut diserte sanctus Augustinus, & plerique DD. morte nihilominus luisse hanc culpam: quod diffidentia de Deo, & scandalum proximorum, in Prælatiſ, quantumcumque per accidens sint exilia, & levia ob varias circumstantias, per se tamen & ex se sint valde noxia & iniuriosa Deo.

Allegorice, secundum Apostolum I. Corinth. x. 4. *petra erat Christus*, crux virga: dat aquam gratiæ & sanctitatis fide libus, incredulis contradictionis. Ita S. Augustinus.

V. 25. IN MONTEM HOR. Dices: Deuter. x. vers. 6. dicitur *Aaron mortuus ac sepultus in Mosera*. Respondeo: Mons Hor, & Mosera idem locus fuit; sed mons ipse vocabatur Hor, locus vero adiacens in quo castra Iudæi metabantur, dicebatur Mosera. Et bis ad hunc eundem locum venerunt Israelitæ, ut patet Numer. xxxiii. 30. & 37. Cum enim totis 40. annis eandem solitudinem per vagati sint, & quadragiesies stationem mutarint; quid mirum si ad eadem loca subinde reversi sint?

Nota, nec Mariam, id est Prophetas; nec Aaronem, id est Sacerdotes; nec Moysen,

sen, id est Legem scriptam; sed solum Iosue, id est Iesum Christum, nos interram promissam, id est cælum, inducere potuisse. Ita S. Hieronymus, Theodoretus, Rabanus.

Verf. 28. ELEAZARUM FILIUM EIUS. Non mansit tamen pontificatus semper in Eleazari familia: nam constat, tempore Iudicum translatus fuisse (qua de causa, incertum) ad Ithamari, & alterius Aaronis filii, posteros. Rursum tamen sub Davide, & Salomone rediit ad Eleazari familiam. Posterioribus temporibus, cum pretio vel favore regum, aut præsidium Iudææ venalis esset pontificatus, verosimile est, mixtum ex utraque familia fuisse assumptos. Sed numquam, ne quidem iniquissimo tempore, pontificatum fuisse extra Aaronis familiam, affirmat Iosephus *d*, cui potius in hac re crediderim, quam Sigonio *e* contrarium sustinenti. Sed in Pontificum numerum non veniunt Menelaus *f*, Lysimachus, & Alcimus *h* pseudopontifices tempore Machabæorum, de quibus ibidem *i*, & in Chronico cap. LXII.

(a) Num. XXVII. vers. 14. & Deut. 1. vers. 37. & cap. XII. vers. 26. & cap. IV. vers. 22. & cap. XXXII. vers. 51.

(b) Cyril. in Car. Græc. PP. Aug. quæst. XXXII. Num. & Lib. XVI. contra Faustum cap. XVI.

(c) Ioseph. Lib. V. Antiq. cap. ult. & Lib. VIII. cap. 1. & colligitur ex I. Par. XXIV. vers. 3.

(d) Iosephus Lib. XX. Antiq. cap. VIIII.

(e) Sigon. Lib. V. de Rep. Hebræor. cap. 11.

(f) II. Mach. IV. vers. 23.

(g) Ibid. vers. 29.

(h) Ibid. cap. XIV. vers. 3.

(i) I. Mach. III. vers. 1.

GORDONI.

Verf. 1. **V**enitur in desertum Sin. Hæc est statio trigesima tertia, de qua cap. XII. vers. 1. est in Sin per Thade: nam illa statio in Sin per Samech, fuit octava, Exod. XVI. vers. 1. & 15. Notatur hic mensis primus, scilicet anni quadragesimi ab exitu. Sane Moses, ut ait Abulenſis, tantum describit gesta trium annorum in deserto, scilicet duorum primorum, & huius ultimi, qui hic deinceps describitur. Mansionum feriem quidem noto intermissam cap. XV. vers. 3. Hæc Cades ubi moritur Maria, est diversa a Cadesbarne, quæ erat decima quinta mansio Hebræorum. Obiit an-

no ætatis 130. & Moses eodem anno quadragesimo, sed ætatis 120. Conſignavi hunc Moses obitum ad annum mundi 2524.

V. 9. Hæc, ut videtur, est illa Moses virga miraculorum patratrice, de qua dixi Exod. IV. vers. 2. non vero Aaronis virga, quæ fronduerat, de qua hic cap. XVII. Alii etiam probabiliter volunt esse Aaronis virgam. Accidit hoc miraculum in Cades, Deuteronomio. XXIIII. vers. 51. Alia fuit aquarum educio in Raphidim, Exod. cap. XVII.

V. 10. NUM DE PETRA. Augustin. in Numer. quæst. XIX. putat Moſen hic dubitaſſe de potentia Dei. Vide Pſalm. LXXVII. & cv.

V. 12. At quæ viſit hæc incredulitas Moſis, & culpa? Suſpicari licet, fuiſſe, quod dubitando petram percuiſſerit, non dubius, ut quidam putant, de potentia Dei, sed de voluntate, an Deus hoc eſſet factururus in gratiam tam rebellis populi. Aliquid tamen ſuit ob quod dictum eſt: Non introducetis hos populos in terram quam dabo eis.

V. 13. AQUA CONTRADICTIONIS, contentionis, & iurgii, ex Heb. & Septuag.

V. 14. REGEM EDMOM, Idumææ principem. Erant Idumæi polteri Eſau, ac proinde ſic loquitur nuntius: HÆC MANDAT FRATER TUUS ISRAEL, ſeu Iacob. Negatur tranſitus; & proinde de Cades venit in Hor, ubi moritur Aaron, menſe quinto anni quadrageſimi, & ætatis 130. ſenior Moſe toto decennio.

V. 16. MISIT ANGELUM. Sic Hebr. & Septuag. Hic Angelus, ſeu nuntius, eſt ipſe Moſes.

V. 21. NEC VOLUIT ACQUIESCERE. Sed quid ergo eſt Deuter. cap. II. vers. 4. & 27. ubi narratur conſeſſus hic tranſitus? Hæc difficultas ſatis explicatur verſu hic inſequenti, ubi dicitur eoſ tranſiſſe, non quidem per interiora Idumææ, ut petebant, ſed per Idumææ fines, ut eſt in Deuteronomio. Quod vero hic dicitur de morte Aaron ad montem Hor, non repugnat verbis Deuter. x. vers. 6. Nam Moſera, de qua agitur in Deuter. non eſt alius locus a monte Hordiverſus.

EX EIUDEM AUCTARIO.

V. 1. Hinc uſque ad finem libri deſcribit Moſes geſta anni quadrageſimi.

C A

C A P U T XXI.

*Vincitur ab Israel rex Chanaanus: serpentes in populum ob itineris tedium
murmurantem immittuntur, quorum moribus erectus serpens
aeneus medetur: Seon & Og reges vincuntur.*



Uod cum audisset Chanaanus rex Arad, qui habitabat ad meridiem, venisse scilicet Israel per exploratorum viam, pugnavit contra illum, & victor existens, duxit ex eo prædam. 2. At Israel voto se Domino obligans ait: Si tradideris populum istum in manu mea, delebo urbes eius. 3. Exaudivitque Dominus preces Israel, & tradidit Chanaanum, quem ille interfecit subversis urbibus eius: & vocavit nomen loci illius. Horma, id est anathema. 4. Profecti sunt autem & de monte Hor, per viam quæ ducit ad Mare rubrum, ut circumirent terram Edom. Et tædere cepit populum itineris ac laboris: 5. locutusque contra Deum & Moysen, ait: Cur eduxisti nos de Aegypto, ut moremur in solitudine? Deest panis, non sunt aquæ: anima nostra iam nauseat super cibo isto levissimi. 6. (a) Quamobrem misit Dominus in populum ignitos serpentes, ad quorum plagas & mortes plurimorum, 7. venerunt ad Moysen, atque dixerunt: Peccavimus, quia locuti sumus contra Dominum & te: ora ut tollat a nobis serpentes. Oravitque Moyses pro populo, 8. & locutus est Dominus ad eum: Fac serpentem æneum, & pone eum pro signo: qui percussus aspexerit eum, vivet. 9. (b) Fecit ergo Moyses SERPENTEM ÆNEUM, & posuit eum pro signo: quem cum percussi aspicerent, sanabantur. 10. Profectique filii Israel castrametati sunt in Oboth. 11. Unde egressi fixere tentoria in Icabarim, in solitudine, quæ respicit Moab contra orientalem plagam. 12. Et inde moventes, venerunt ad torrentem Zared. 13. Quem relinquentes castrametati sunt contra Arnon, quæ est in deserto, & prominet in finibus Amorrhæi: (c) siquidem Arnon terminus est Moab, dividens Moabitas & Amorrhæos. 14. Unde dicitur in libro bellorum Domini: Sicut fecit in Mari rubro, sic faciet in torrentibus Arnon. 15. Scopuli torrentium inclinati sunt, * ut requiescerent in Ar, & recumberent in finibus Moabitarum. 16. Ex eo loco apparuit puteus, super quo locutus est Dominus ad Moysen: Congrega populum, & dabo ei aquam. 17. Tunc cecinit Israel carmen istud: Ascendat puteus. Concinebant: 18. Puteus, quem foderunt principes, & paraverunt duces multitudinis in datore legis, * & in baculis suis. De solitudine, Matthana. 19. De Matthana in Nahaliel: de Nahaliel in Bamoth. 20. * De Bamoth, vallis est in regione Moab, in vertice Phasga, quod respicit contra desertum. 21. (d) Misit autem Israel nuntios ad Sehon regem Amorrhæorum, dicens: 22. Obsecro ut transire mihi liceat per terram tuam: non declinabimus in agros & vineas, non bibemus aquas ex puteis, via regia gradiemur, donec transeamus terminos tuos. 23. Qui concedere noluit ut transiret Israel per fines suos: quin potius exercitu congregato, egressus est obviam.

in desertum, & venit in Iasa, pugnauitque contra eum. 24. (e) A quo percussus est in ore gladii, & possessa est terra eius ab Arnon usque Ieboc, & filios Ammon: quia forti praesidio tenebantur termini Ammonitarum. 25. Tulit ergo Israel omnes civitates eius, & habitavit in urbibus Amorrhæi, in Hesebon scilicet, & viculis eius. 26. Urbs Hesebon fuit Schon regis Amorrhæi, qui pugnavit contra regem Moab: & tulit omnia terram, quæ ditionis illius fuerat, usque Arnon. 27. Idcirco dicitur in Proverbio: Venite in Hesebon, ædificetur, & construat civitas Schon: 28. Ignis egressus est de Hesebon, flamma de oppido Schon, & devoravit Ar Moabitum, & habitatores excelsorum Arnon. 29. (f) Væ tibi Moab, peristi popule Chamos. Dedit filios eius in fugam, & filias in captivitatem, regi Amorrhæorum Schon. 30. Iugum ipsorum disperiit ab Hesebon usque Dibon, lassii pervenerunt in Nophe, & usque Medaba. 31. Habitavit itaque Israel in Terra Amorrhæi. 32. Misitque Moyses qui explorarent Iazer: cuius ceperunt viculos, & possederunt habitatores. 33. (g) Verteruntque se, & ascenderunt per viam Basan, & occurrit eis Og rex Basan cum omni populo suo, pugnaturus in Edrai. 34. Dixitque Dominus ad Moysen: Ne timeas eum, quia in manu tua tradidi illum. 35. Dixitque Dominus ad Moysen: Ne timeas eum, quia in manu tua tradidi illum, ac terram eius: faciesque illi sicut fecisti Schon regi Amorrhæorum habitatori Hesebon. 35. Percusserunt igitur & hunc cum filiis suis, universumque populum eius usque ad internecionem, & possederunt terram illius.

(a) Iudith viii. 21. Sap. xvi. 5. I. Corinth. x. 9. (b) Ioan. xii. 14. (c) Iudic. xi. 18. (d) Deut. ii. 26. Iudic. xi. 19. (e) Amos xvi. 9. Psal. cxxxiv. 16. (f) Iudic. xi. 13. Illi. Reg. xi. 7. (g) Deuter. xii. 3. xxix. 7.

B R U G E N S I S

ROMANÆ CORRECTIONES.

V. 15. *Ut requiescerent in Ar.* Non est scribendum *Arnon* dissyllabum, pro monosyllabo *Ar*, ut certe locorum prorsus diversorum sunt nomina.

V. 18. *Et in baculis suis. De solitudine, Matthana.* Non addas *profectique sunt ante de solitudine*, nec *in ante Matthana*: subaudienda enim hæc sunt, non exprimenda.

V. 20. *De Bamoth, vallis est.* Non omitenda præpositio *de*, quod & alias docuimus in Notationibus nostris.

NOTATIONES.

V. 18. *Profectique sunt de solitudine, Matthana.* Superfluit *profectique sunt*: in compluribus enim nostræ editionis libris, Parisiensium sex, Hentenii sex, nostris undecim, Hebræo textu & Græco, & enarratore Rupertio suffragantibus non legitur. Hebraice est: *Et esolitudine, in Matthana*; Græce: *Et a puteo in Manthanaen*. Superfluit autem textui, non sensui, id quod etiam Epanorthot-

tes annotavit: describitur enim progressus itineris Israel, nimirum a puteo solitudinis in Matthana. Chaldaus ista ad puteum retulit, & propria nomina interpretatus hoc modo reddidit: *Ex deserto datus est eis. Sequitur: Et ex quo datus est eis, descendit cum eis ad vallis: & ex vallibus ascendit cum eis ad collem; & de colle ad valem, quæ in agri Moab usque ad summam collis, quæ respicit versus Bethesimoth.* Videtur autem ad id respexisse, quod Hebræi dicunt, aquas ex petra manantes, castra quocumque proficiscerentur, subssecutas fuisse per canales sive ductus, quos fecerunt principes, baculis quos in terra post se trahebant. Manuscriptorum nostrorum quinque addunt *in*: *In Matthana* cum Græcis codicibus; id quod non parum illustrat locum, tollitque erroris occasionem eorum qui scripserunt, *Profectique sunt in solitudine Matthana*, & qui *Profectique sunt de solitudine Matthana in Nabaliel* &c. Huiusmodi enim corruptelas in nonnullis scriptis exemplaribus deprehendimus.

V. 20. *Bamoth, vallis est in regione Moab, in vertice Phasga, quod respicit contra desertum.*

tum. Epanorthotes ex antiquis codicibus suis addendam docet, quæ Hebraice & Græce additur, præpositionem de: *De Bamoth, vallis est in regione Ere.* Eadem legitur in manuscriptis Hentenii septem, nostris novem; Parisiensium sex, & sensus est: Vel de Bamoth, quæ est vallis in regione Moab, venerunt in verticem Phasga, quem Oleaster probat; vel de Bamoth, vallis est in regione Moab, ad quem venerunt, vel quo pervenerunt. In quem sensum Hieronymus explicans 39. *mansionem vertit: Et de excessis ad valem quæ est in regione Moab.* Sed quomodo sit vallis in montis vertice? id enim sequitur: *In vertice Phasga.* Hieronymus mysticam quorundam expositionem refert: fortassis autem literæ sensus est: *In vertice Phasga*, circa ra-

dicem Phasga, qui montis Abarim vertex est; ut intelligantur in humilioribus locis montis Abarim castrametati, ante seu contra Phasga, quod fuit nomen verticis eiusdem montis. Infra versu 47. capitis xxxiii. eadem mansio aliis nominibus describi videtur: *Egressique de Helmon Deblathaim, venerunt ad montes Abarim contra Nabo.*

Id quod deinceps sequitur: *Quod respicit contra desertum*, multi scriptorum codicum, & quidem emendationum plerique legunt: *Et quod respicit contra desertum.* Sed alterum forte redundat, aut &, aut quod. Hebraice & tantum legitur, ut in duobus Latinis scriptis; Græce, quod, τὸ ὄπισθεν, ut in pluribus scriptis, quorum duo quod habent.

COMMENTARIA.

S. A.

Vers. 3. **HORMA.** Hebr. *Chormah*, id est *versio*, seu *destructio*: atque in hanc significationem accipiendum hic anathema.

V. 5. **NAUSEAT.** Chald. *Fuigata est.* LXX. *Gravata est.* LEVISSIMO: scilicet facile concoquebatur. LXX. *vacuo.*

V. 6. **IGNITOS.** Hebr. *seraphim*, id est *ignitos*, seu *urentes*: scilicet qui morderantur, uri videbantur.

V. 8. **ÆNEUM.** Hebr. & Chald. *ignitum*, scilicet qui ignitum serpentem repræsentet, quod facit æneus. PRO SIGNO, id est edito loco, velut vexillum. Hebr. *super vexillum*, seu *pericam*, scilicet super hasta vexillari. Cham. & LXX. *pro signo.*

V. 11. **IEABARIM**, id est *acervus transcuntium*. Chald. *vado transcuntium*. CONTRA, id est versus, seu ad.

V. 13. **PROMINET IN FINIBUS**; id est, extenditur in fines, seu egreditur a finibus, ut indicant Hebr. Chald. & LXX.

V. 14. **DICITUR.** Hebr. *Dicitur*, pro *dicuntur*: caret enim præfati. LXX. *Dicitur.* LIBRO. Quis hic liber, incertum. FECIT, scilicet victoriam. FACIET. Alii, *Fecit*, quod indicant Hebr. Chald. & LXX.

V. 15. **SCOPULI**, &c. quasi dicat: Ex scopulis fluens torrens, transit per Amon usque in fines Moab: nempe *scopuli tor-*

rentium, pro *torrentes scopulorum*. Chald. *effuso torreatum*.

V. 16. **APPARUIT PUTEUS**; quasi dicat: Inde venerunt in locum putei, vel eo loco datus puteus. Chald. *inde datur eis puteus*.

V. 18. **INDATORE**, id est cum datore, scilicet MOYSE, BACULIS, scilicet terram aperientes.

V. 20. **VERTICE**, id est capite, seu principio, aut extremitate.

V. 27. **IN PROVERBIO.** Hebr. *a parabolizantibus*, id est iis qui parabolis utuntur. LXX. *ab ænigmatistis*. Chald. *in proverbiiis*.

V. 29. **CHAMOS** idolum erat Moabitarum. Vide III. Reg. xi.

V. 30. **IUGUM**, id est imperium. Chald. *regnum*. LASSIPERVENERUNT. H. b. *Desolare fecimus*, seu *vastavimus*, Chald. *Vastaverunt*.

V. 32. **POSSEDERUNT.** Hebr. Chald. & LXX. *Expulerunt*.

EST II.

Vers. 2. & 3. **VOTO SE DOMINO OBLIGANS** ait: SI TRADIDERIS POPULUM ISTUM IN MANU MEA, DELEBO URBS EIUS ET VOCAVIT NOMEM LOCILLIUS HORMA, ID EST ANATHEMA. Nempe sic deletæ sunt hæ urbes, sicut postea deleta fuit Iericho. Et qui-

quidem factus est locus *anathema*, hoc est *execratio*. Sed tamen verisimile est, sicut in Iericho abstulerunt omne aurum & argentum, & consecrarunt in ærarium Domini, ita & hic etiam fecerint. Notandum etiam, quod Israel has urbes delendo, quodammodo sic primitias Deo obtulit terræ promissæ in possessionem accipiendæ.

V. 8. FAC SERPENTEM AENEUM, ET PONE EUM PRO SIGNO: QUI PERCUSSUS ASPEXERIT EUM, VI-
VET. Quod hæc fuerit Christi Salvatoris exaltati in cruce figura, Christum ipsum habemus interpretem Ioan. 111. Christus ergo serpens, quia natus in similitudinem carnis peccati, quod suavis serpentis per unum hominem intravit in mundum. Aeneus autem serpens, quia revera sine peccato, ut æneus serpens sine veneno. Positus pro signo, ut percussus aspiciant, & vivant, quia exaltatus in Cruce, ut credentes in Crucifixum, faveantur a moribus peccatorum, quos ferpens antiquus diabolus inlinit.

V. 14. UÑDE DICITUR IN LIBRO BELLORUM DOMINI. Liber ille non extat. Videtur autem fuisse liber quicontineret carmina quædam, seu epinicia pro victoriis populi Dei contra hostes suos: eiusmodi enim sunt versus qui hic citantur. Nec illud improbabile, Elisham cum libris divinis resisteret, eadem, ut credere par est, Dei auctoritate, qua suæ historiæ libris scripsit, huiusmodi quasdam citationes libris illis inseruisse. Neque propterea necesse est agnoscere divinam auctoritatem in illo bellorum Domini libro, non magis quam in poetis & libris gentiliis, quos Apostolus Paulus aliquoties citat; sed sic tantum partes citatæ auctoritatem habent, quatenus citatione approbantur.

M A R I A N A E.

Vers. 2. D E L E B O U R B E S E I U S .
Septuaginta: *Anathematizabo*, quod magis exprimit vim verbi *Hararam*.

V. 5. C U R E D U X I S T I N O S ? Hebr. *Eduxistis*: sic Chald. sed sublati punctis, nostra lectio cum litteris & ratione grammatica coheret. Sic cap. xx. vers. 5. pro

eadem dictione in Vulgata ponitur, *Quare nos fecistis ascendere*:

V. 5. S U P E R C I B O I S T O L E V I S S I M O , scilicet qui famem non eximit.

V. 8. F A C S E R P E N T E M A E N E U M . Hebr. *Fac tibi ignitum*, supple *serpentem*. Sept. *æneum serpentem*. Vocatur *ignitus*, quod exprimeret serpentes quos ignitos vocat. P O N E E U M P R O S I G N O . Hebr. *super pertica, aut vexillo*: utrumque *signum* significat. Hieronymus *signum* pro vexillo iumpsit, & bene *super* vertit in *pro*.

V. 12. A D T O R R E N T E M Z A R E D . S. pt. & Pag. *vallem* dixere: זרעד *nahal* utrumque significat.

V. 13. C O N T R A A R N O N . Sept. & Pagn. *trans Arnor*: & id videtur Hebraica vox significare *Mebeber*. Chald. *trans torrentem*.

V. 15. S C O P U L I T O R R E N T I U M . Hebr. *effusio torrentium*, locus declivis: quiducit in Har (quam Hieronymus putavit esse Arnor) & nititur, seu pertingit ad terminum Moab. Ergo ille locus inclinatus est; id est, se pervium præbuit.

V. 30. I U G U M I P S O R U M D I S P E R I T A B H E S E B O N . *Iugum*, id est imperium in alios. Hebraica sic explicant: Hebræi: *Proiecimus eos*; perit *Hesebon usque Dibon*; *desolare fecimus usque ad Nophab*, quæ (supple, extenditur) usque ad *Mediba*.

V. 31. E T P O S S E D E R U N T H A B I T A T O R E S . Hebr. *Et hereditare fecit*, scilicet Moyses filios Israel; *Amorrhæos qui ibi*, scilicet erant.

M A L V E N D A E.

Vers. 1. C H A N A N A E U S R E X A R A D . Eusebius, & S. Hieronymus in Locis: *Arad civitas Amorrhæorum, vicina deserto Kades*; & usque nunc ostenditur villa ab oppido Malatis: in quarto lapide a Chebron, vicesimo in tribu Iuda. Et inferius: *Arad terminus* & ipse Iudæ, distans a Chebron militibus viginti ad meridiem, de quo supra positum est. Et postea: *Arad est civitas, in qua habitaverunt filii Hobab socri Moysi in medio Israelis*. Vide Iudicum. 1. vers. 16. & Iosue xii. & xiv. Ab onagris, quibus terra abundabat, nomen nata videtur. A D M E R I D I E M . Chanana: scilicet, seu terræ promissæ. P. R. R.

EXPLORATORUM VIAM : qua missi fuerant exploratores, supra cap. xiiii. vers. 17. Aliqui substantive, *Viam indagatorem, explorationem*; per auxesim, pro exploratorum. *Viam exploratorum*, exponunt, quod per modum exploratorum, id est ac si exploratores fuissent, ingressi sint terram Kamalek, qui hic Chananæus dicitur, quod habitaret in montanis ad meridiem. Vide cap. xiv. vers. 25. 43. 45. LXX. pro nomine proprio loci acceperunt, *Viam Atharim*. Eusebius, & S. Hieronymus in Locis: *Atharim*, pro quo *Aquila*, & *Symmachus*, *exploratorum viam interpretati sunt*; ubi adversus Chananæum, qui ab austro contra Israellem eruperat, in solitudine dimicatur.

V. 2. DELEBO URBS EIUS. החרים *hecherim* in Hiphil, proprie est *anathematizare, excommunicare, devovere* ab usu communi, seu e medio sine ulla commiseratione tollere: ut sit contrarium verbo *רַחַם* *racham* transposito. *misereri*, tamquam rem sacram, id est execrandam & devotam, proscribere, publicare, omnium detestationi, execrationi, iniuriis devotare, atque exponere: & plane quantum fieri potest, occisione occidere, excindere, desolare, disperdere, conficere, prorsusque abolere. Vide Exodi xxii. vers. 20. Quidam hic reddunt: *Tunc devotas efficiam civitates eorum*; id est, non reservabo ad usus nostros, sed tibi consecratas perdam. Has ergo urbes devotas, tamquam sacras seu consecratas Deo penitus excindebant, & abolebant: extat exemplum Iosue vi. vers. 17. & 18. in Iericho. Vide Deut. xiiii. vers. 15. 16. 17. & quæ notavimus Levitici xxvii. vers. 29.

V. 3. HORMA, id est devotionis, seu anathematis, seu excisionis & abolitionis locum. Vide Iosue xii. vers. 14. & cap. xv. vers. 30.

V. 4. ET TADDERE COEPIT POPULUM ITINERIS AC LABORIS. Hebr. *Et strida, angustia, abbreviata, arctata, decurtata, demessa, abscissa fuit anima populi in via*; id est, coepit populus destitui animo, vel despondere animum. Solet anima brevis fieri laborantibus, & iis qui spirare vix possunt; quasi dicat: Vix tenuem ducebant spiritum. Quidam reddunt: *Sed imminutus est animus populi propter viam illam*. Aliqui intelligunt de-

curtatam & abbreviatam animam, id est vitam populi, itinere illo triginta octo annorum, Deo ita operante ad consumendum populum illum rebellem, ut indicatur Deuteronom. ii. vers. 14. & 15. Nos de fessis, & fatiscentibus dicimus, *Cortatione*. Sic vers. 5.

V. 5. LEVISSIMO. קלוקל *kelokel*, *levissimo, vilissimo, deperditissimo, obiectissimo*: nam gemitivo litteræ Koph, significatum intendit. *Levissimum* cibum manna appellat, uti interpretantur Hebræi, quod levissimæ & facillimæ concoctionis esset, & a membris facile absorberetur & digere-retur: unde isti putabant famem non eximere, satietatem non asserre, sed inanem & vacuum animam relinquere. Sic enim cælestem cibum ingrati calumniabantur.

V. 6. IGNITOS SERPENTES. שרף *saraph*, singulare est infra vers. 8. hic plurale שרפים *seraphim*: aiunt esse serpentem, seu draconem alatum, & volantem, qui necdum igniti coloris est; verum etiam homines quos mordet, lethali ardore inflammant, frugesque, & viridia alia astutu suo adurit: & Græcis *Plester* dicitur, ab urendo vel inflammando, de quo Lucanus:

Oraque dissendens avidus spumantia prester. Eius meminere etiam Dioscorides lib. VII. cap. xiv. & Plinius lib. XXIV. cap. xii. & lib. XXXII. cap. v. qui sceleratissimum serpentium appellat. Aelianus lib. XVII. cap. vi. Herodotus Lib. III. numero 209. *Alati vero serpentes nusquam alibi nisi in Arabia, aut certe non adco frequenter.*

V. 8. PRO SIGNO. נס *nes*, אכנס *achnus*, *fugere*, exponunt, *signum, vexillum*, quod elevatum in altum a vento fugatur, & agitur: item *trophæum, exemplum* aliis præfixum, ut aut imitentur, aut quo admoneantur sibi ut caveant. Varie hic reddunt: *Super signum, super vexillum, super baculum, perticam, furcam, super varrum, aut varronem*. Sunt varri stipites non dolati, præduri, ac enodes. Vide Hadrianum Turnebum Lib. IX. Adversariorum cap. 11. & Iosephum Scaligerum in castigationibus ad Festum, in voce *Squarrosos*. Nec aliene vertes *super trophæum*. Quidam exponunt *super vexillum*, id est in extremitate hastæ vexillaris. Vexillum hic capiunt pro hasta vexillari. Alii, *super polum in sublime sublatum*.

V.10. PROPECTIQUE FILII ISRAEL, uimurum de monte Her, venterunt in Salmona, inde in Phanon, inde in Oboth, ut dicitur inira cap. xxxiii. vers. 41. 42. 43. Duæ hic mansiones intermediæ omituntur. IN O B O T H. Nomen istud, *Pythones*, *Ventriquoas* sonat; vel *Utres*, aut *Lagenas* grandes, quibus mustum continebatur, uti diximus Levit. xix. vers. 31. fortasse facta appellatio loco, quod ibi pythones, & ventriquoas plures essent; vel quod ibidem plures utres, seu lagenæ continendo vino conficerentur.

V.11. IN IEABARIM. Hebr. duæ sunt dictiones, *גִּיִּים* *ghiiim*, seu constructum *גִּיִּי* *ghiiie*, & *עֲבָרִים* *ghabarim*. *Ghiim* aiunt esse *acervos*, *cumulos*, *tumulos*. Quidam hic pro appellativo accipiunt, redduntque: *Ad cumulos montium Habarimorum*; intelliguntque primos colliculos montium Habarimorum. Alii volunt esse proprium *Ghiie*, vel *le*, sic dictum ab acervis lapidum, quod ibi plures, & magni essent. De montibus Habarim S. Hieronymus ex Eusebio in Locis Hebraicis: *Abarim mons, in quo mortuus est Moyses; dicitur autem mons esse Nebo in terra Moab contra Iericho supra Iordanem in supercilio Phasga. Ostenditurque ascendentibus de Libiade in Esbum antiquo, hodieque vocabulo inxta montem Phagor, nomen pristinum retinentem, a quo circa eum regio usque nunc appellatur Phasga.* Fortasse dicti Abarim, quod essent veluti transitus regionum, quos Hispanice appellamus *Puertos secos*. Hebræorum quidam inde appellatos volunt, eo quod essent ad vada Iordanis, unde traiecit in terram Chanaan. Alii ob duos quos habebant transitus, unum ad Kades, alterum ad montem, in quo erant sepulchra fratrum, Moïsi & Aaron. Foristerus a transitibus, quos montana illa habent, aut quod in transversum protenduntur; & quod Moïses in illistransierit, seu sublatus sit. Sed Ichabarim locum longe distitum a monte seu montibus Abarim constituunt Topographi sacri, non longe a Petra Arabie. LXX. hunc locum appellant Ahie, vel Achalgai, de quo Eusebius, & S. Hieronymus in locis: *Ahie, quæ & Achalgai, pro hac Symmachus interpretatur, in collibus: est autem e regione quondam Moab, nunc Arcopoleos, ad orientalem plagam.* Quæ sunt verba huius

versus. QUAE RESPICIT MOAB. Hic Moab quidam pro regione Moabitarum, alii pro urbe primaria eius regionis, regioni cognomine sumunt, quod est rectius. Eusebius, & S. Hieronymus in Locis: *Moab ab uno filiorum Lot, qui vocabatur Moab, urbs Arabie, quæ nunc Arcopolis dicitur, sic vocata est; cuius & supra meminimus. Appellatur autem Moab ex nomine urbis, & regio: porro ipsa civitas quasi proprium vocabulum possidet, Rabbath Moab, id est Grandis Moab. Et superius: Moab vero Arabie civitas est, quæ nunc Arcopolis nominatur.* Hanc quidam esse putant, quam corrupto vocabulo Ptolemæus lib. V. cap. xvii. *Rhabnathmoma*, & Stephanus Byzantius, *Robathmoma*, pro *Rabbath Moab* appellat. Vide infra vers. 15. & cap. xxii. vers. 36.

V. 12. INDE MOVENTES, &c. Notant, his novem sequentibus versibus non stationes Israelitarum, sed loca compendio enumerari per quæ transiverunt, antiquam Moïses legatos ad Emorrhæum mitteret. AD TORRENTEM ZARED. *Vallem Zared* alii interpretantur. Torrentem hunc in lacum Alphalthiem influere non procul ab urbe Petra, sacri Topographi admonent. Eusebius & S. Hieronymus esse vallem in parte deserti autumant. Vide Deuteron. 11. vers. 13.

V. 13. CONTRA ARNON. Quidam reddunt *citra Arnon*, quia nondum transierant Amonem. Alii *ultra Arnon*, respectu terræ sanctæ. Nonnulli de transitu Arnon. Alii *ad vadum Arnonis*. Arnon nomen & rupis, & urbis, & fluvii, vel torrentis in sacris litteris celebris. S. Hieronymus, & Eusebius in locis Hebraicis: *Arnon, rupes quædam in sublimi porrecta in sinibus Amorrhæorum inter Moab & Amorrhæos. Moab vero Arabie civitas est, quæ nunc Arcopolis nominatur. Ostendunt regionis illius accolæ locum vallis in prærupta demersæ, satis horribilem & periculosum, qui a plerisque nunc Arnonas appellatur; extenditurque usque ad septentrionem Arcopoleos: in quo & militum ex omni parte præsidia distributa, plenum sanguinis & formidinis testantur ingressum.* Hic quondam Moabitarum fuit, & postea Seon rex Amorrhæorum iure belli eum obtinuit. Sed & terra filiorum Israel trans Iordanem incipiens ab Arnone usque ad montes Hermon, &

Libanum extenditur. Iosephus Lib. IV. Antiquit. cap. 1v. *Fluvius, qui nominatur Arnon ex Arabia montibus oritur, desertum medium penetrans, in Asphaltitem lacum insuit, Moabitas ab Amorrhæis discernens: estque hæc regio frugifera, & fructus, quantum satis est incolis, suppeditat.* Unde falsus est Benjamin Tulelenis, pag. 52. Itinerarii, cum scribit: *Jordanis Arnonis aquas excipit, ex Moab finibus defluentis.* Non enim Jordanis, sed Asphaltites Arnonem excipit, teste Iosepho. In Notitia Imperii hæc habentur: *Cohors tertia Felix Arabum in ripa vadi Appharis fluvii in castris Arnonensibus. Cohors tertia Alpiorum apud Arnonas; scilicet excubabant: quæ mirifice congruunt cum illis quæ nuper ex Eusebio, & S. Hieronymo recitabamus.* SIQUIDEM ARNON TERMINUS EST MOAB. Exponunt: Fuerat quidem ante ditionis Moabitarum, sed Seon Amorrhæus bello ipsum cum ulteriore agro subegerat, ut narratur infra vers. 26. & 28. & S. Hieronymus, ut paulo superius vidimus, annotavit. Itaque Israelitæ nihil quod tum Moabitarum esset, occuparunt.

V. 14. IN LIBRO BELZORUM DOMINI. De hoc libro plaustra opinionum hic convehunt Explanatores: nec vacat, nec opus transcribere. Quidam ספר sepber pro enumeratione, recensione, narratione, relatione, commemoratione capiunt, ut Genes. v. vers. 1. & alibi. Unde reddunt: *Idcirco dici solet in recensione, seu commemoratione bellorum, aut præliorum Domini; id est, cum bella Domini recensentur, narrantur, commemorantur.* SICUT FECIT IN MARI RUBRO, SIC FACIET IN TORRENTIBUS ARNON. אֵת יַהּוֹה בְּכַסְפּוֹ אֵלֶּי וַיֵּבֶב בְּשִׁפְחָב, וַיֵּבֶחַ בְּהַנְחֵחִיל אֶרְנוֹן. Vetustæ & ignotæ poëtes carmen esse, quidam volunt. Noster *vabeb*, pro futuro יֵבֶב *iaheb*, id est *abit*, accepisse videtur, ut sit *Vau* pro *Iod*: nam solent inter se hæc litteræ permixtari; sed articulus *Eth* verbis non præfigitur. Forsan pro nomine accepit: nam יֵבֶב *iabab* aiunt significare *quidquid alicui obvenit, seu accidit*; ac si dicas *eventum*. Aliqui *vabeb*, *onus*, *molem*, *lapidem* interpretantur, ex notione Arabica. Plerique nomen proprium urbis esse volunt, *Vabebam*. Eusebius, & S. Hieron.

Bib. Sac. Tom. III.

nymus in *Lecis*, legentes id nomen per *Zain* in prima, *Zohab*, quod *Vau* & *Zain* sint similes, uti legerunt LXX. hæc annotant: *Zoab civitas Amorrhæorum, de qua scriptum est: Propterea dicitur in libro Belorum Domini: Zoab inflammavit torrentes Arnon.* Sic enim LXX. hic habent. Nec defunt qui *Vabeb* nomen proprium regis Moabitarum esse intelligant, quem Seon rex Amorrhæorum devicerit, infra vers. 26. ubi nomen eius reticetur, quod hic exprimitur, *Vabebus*. סִפְחָב *suphab*, cum *He* locali, plerique cum Nostro ipsum mare *supb*, id est *iuncosum*, *algosum*, *careosum* accipiunt, id est *rubrum*. Alii, *turbinem*, *procellam*, *tempestatem*, *ventum vehementem*, & *prevallidum* interpretantur. Nonnulli existimant esse proprium regionis *algosæ*, & *caricibus*, seu *iuncetis* abundantis, quæ ad lacum Asphaltitem est, quasi dicas *iuncariam*, de qua Deuter. 1. vers. 1. iam varie locum vertunt, ac elucidunt. I. *Et dedit in vento forti*; id est, quod Deus dederit in vento forti iter Israelitis in Mari rubro, Exodi xiv. vers. 21. & *torrentes Arnon*, id est gesta in torrentibus Arnonis, quæ sane fuere mirabilia. II. *Ipsam Vabeb in turbine*; id est, ipsam urbem Vabebam magno cum impetu; subaudi, *delevit*, seu expugnavit Deus: *torrentes* etiam, seu *vales*, quæ adjacent ipsi Arnoni; id est, *delevit*, quoque seu expugnavit habitantes in vallibus adjacentibus ipsi Arnoni. III. *Scilicet moles in tempestatibus*, & *torrentes Arnonis*: vel a rupe inturbine exposita, & a torrentibus Arnonis. In poeticis istis, & concisis difficile eruitur sensus. Forsterus, qui ita convertit, nihil de sensu expedit: forsitan velit a rupe torrentium Arnonis tractum adagium, Deum esse rupem & molem tutissimam in turbinibus & procellis suorum. De rupe Arnonis diximus in vers. 13. quasi dicat: Propterea dicitur in commemoratione bellorum Iehovæ; id est, factum est tritum sermone proverbium ex Arnonis rupe celeberrima, eiusque torrentibus, Deum esse molem, rupem, firmum præsidium suis in turbinibus calamitatum: vel, celebrabuntur plurimum rupes & torrentes Arnonis, quod in eis præclara facinora operatus sit Iehova.

V. 15. SCOPULI TORRENTIUM. מַדְבַּר עִשְׂבֵּד, effusio, profusio, decursus, mea.

meatus, fluxus, alveus aquarum. Quidam, scatebram, scaturiginem reddunt; quo etiam nomine declivitates, & dexitates, & radices montium, id est loca declivia & vergentia, contineri notant. Quidam, impetum scaturiens. Ut REQUIESCERENT. לשבת *leschebet* vel est infinitivus, vel nomen infinitivi; vel אשבת *aschabat*, ad cessare, quiescere, seu ad cessationem, quietem; vel אשבת *iaschab*, ad habitare, seu ad habitationem, seu mansionem. Quidam, ad situm. AR. Heb. גר *Ghar*, vel Har. S. Hieronymus in Isaia xv. vers. 1. Moab metropolis civitas Ar, quæ hodie ex Hebræo & Greco sermone composita Arcopolis nuncupatur, non, ut plerique existimant, quod Arcos, id est Martis civitas sit. Interpretatur autem Ar & antedicos, id est adversarius. Et de Locis Hebraicis: Moab vero civitas est quæ nunc Arcopolis nominatur. Et postea: Moab ab uno filiorum Lot, qui vocabatur Moab, urbs Arabie quæ nunc Arcopolis dicitur: appellatur autem Moab ex nomine urbis & regio. Porro ipsa civitas quasi proprium vocabulum possidet, *Rebath Moab*, id est Grandis Moab: seu frequentissima urbium Moabitarum. Recte præcædubio plerique sentiunt hanc a Stephano de urbibus vocari mendose *Rabathmoab*, pro *Rabathmoab*, aut *Rabathmoab*: solent enim Græcis M & B inter se commutari. Nec dubito eam esse quam Ptolemæus corrupte quocumque *Rabmathmoab* appellat, & in Arabia Petræ collocat Lib. V. cap. xvii. Non pauci existimant esse eam quæ dicta est *Aroer*, quasi geminata Ar, quod dimidium eius esset ad ripam Arnonis, alterum vero dimidium ad alveum eiusdem torrentis extenderetur: ut indicatur Deuter. 11. vers. 36. Iosue xii. vers. 2. & cap. xiii. vers. 16. Ceterum Eusebius & S. Hieronymus in Locis Hebraicis satis diserte distinguunt *Aroer* ab Ar seu Arcopoli: vide infra cap. xxxii. vers. 34. Ar metropolim fuisse Moabitarum satis constat, vel ex Isaia xv. vers. 2. vide supra vers. 11. Aliqui notant, Ar fuisse nomen agri Moabitarum, aut potius montis & totius montani tractus, ex quo & Metropolis eiusdem nominis appellatur Deuter. 11. vers. 9. Quidam hunc versum ita reddunt: Et decursus torrentium qui pergit ut quiescat in Ar, innititurque termino Moab; id est, & expugnavit regionem per quam perfluunt

amnes seu flumina ab Arnone usque Ar, defluuntque in regionem Moabitarum. Alii hunc versum iungunt cum versu 13. hoc sensu: Arnon est terminus Moab, & effusio seu decursus torrentium Arnonis flebitur ad quiescendum in urbe Ar, nititurque vel incumbit termino Moab; nimirum ipsa effusio seu decursus torrentium Arnonis adiacet termino Moabitarum. Dicit autem pluraliter torrentes, seu flumina Arnonis, ad insinuandum quod in plures alveos distinctus erat Arnon.

Tremellius & Iunius duos hos versus in hunc modum explanant: V. 14. Idcirco dicitur in recensionem bellorum Iehovæ contra Vabebum in regione Suph, & contra flumina flumina Arnonis. V. 15. Decursus enim istorum fluminum, qui diverit ad situm Haræ, is nititur termino Moabitarum. Bellorum Iehovæ; id est, quæ Iehovæ providentia & ductu contra Moabitas ab Emoræo gesta sunt, ut Moabitas castigaretur, Sichon elatus Israelitis audacius in bellum provocaret, & Israelitis hereditas pararetur: vide Iudicum xi. vers. 18. & seqq. Contra Vabebum, regem Moabitarum a Sichone devictum, infra vers. 26. Vide quæ superius ad hunc ipsum versum 14. annotavimus. In regione Suph. Vide in Deuteronomii 1. vers. 1. & quæ paulo superius de Suph; quasi dicat, Iuncaria, regione algosa ad Asphalitem lacum. Contra flumina, flumina Arnonis, id est Arnonem, qui in diversos rivus ac flumina dividitur, ut sequenti versu exponitur. Adiciunt secundo vocem flumina, quod נחלים *nehelim* non sit in regimine, & regimen subaudiri volunt, more Hebræo. Decursus enim istorum fluminum, &c. id est, hoc bello Sichonis contra Vabebum factum est ut Moabitarum ditio eo rivo terminaretur qui vergit ad Haram, nam Sichon sibi ultiores rivus vendicavit. Vide infra vers. 26. & 28.

V. 16. EX EO LOCO APPARUIT PUTEUS. Heb. Et inde in Beer, seu Puteum; subaudi, venerunt, aut profecti sunt; id est, relicto Arnone, venerunt ad Beer, id est Puteum: nam penuria aquarum laborantibus Deus puteo dato succurrerat, unde loco nomen factum est, nam ab eventu nomen loco inditum, ut mox declarat.

V. 17. ASCENDAT IUTEUS. Heb. Ascende putee, responde ei; id est, erumpere in scaturiginem, ascendat aqua tua

Hilf-

Hispanicus Bibliorum ex Hebræo Interpretatur esse Hebraicum; id est, *venenosa memoria, celeberrima memoria*, nimirum ascendere in ora hominum, te omnes celebrent. More enim celestium se ad opus exhortabantur, & cantionem alternis canebant: id enim indicat verbum *respondendi*; vide Exodi xv. vers. 21. unde hic quidam reddunt: *Alternis canite ei*: alii: *Acclamate ei*, vel *de eo*.

V. 18. DUCES. נְדִיבִים *nedibim*, spontanei, voluntarii, liberales, munifici, magnifici, ingenui, heroico animo praediti ad benefaciendum, magistratus, principes, qui tales esse procul dubio debent. Rationem nominis, eiusque interpretationem discrete Christus expressit, seu Lucas xxii. vers. 25. *Reges gentium dominantur eorum*, & qui potestatem habent super eos, evergete vocantur, id est *benefici*. Nos tantum interpretemur secuti *Benefici* hic reddidimus. Aliqui sic dictos volunt quod suo vivant arbitrio, facileque sic evadant tyranni. IN DATORE LEGIS, vel Deo, vel Mose; id est, vel auctore Deo, vel adhortante Mose. Plerique, in *legislatore*. Aliqui, in *sculptore* Deo, qui legem lapidibus inculpsit. IN BACULIS SUIIS, בַּמִּשְׁעָנֹתָם *bemischghanotam*, in *scipionibus*, *pedis*, *baculis suis*, solum sunt putem. Hic quidam baculo intelligunt tribunos populi, quibus gestabant quicque baculum in tribu sua. Curiosius id alii censent. DE SOLITUDINE MATTHANAH; id est, de deserto venerunt, vel profecti sunt in Matthana. Eusebius, & S. Hieronymus in locis: *Matbaneh*, que nunc dicitur *Matbana*; sita est autem in *Arnone*, duodecimo milliaro procul contra orientalem plagam Medebat.

V. 19. NAHALIEL, id est *Torrentes Dei*, vel *Palles Dei*. Fortasse quod ibi essent maximi torrentes, vel profundissimæ valles: Dei enim nomen augeat significatum. Vide Genes. i. vers. 1. BAMOTH. Forfan quod ibi essent excelsa, sive facellæ, aut aræ idolorum, in excelsis locis posita, ut moris gentium erat. Quidam loca munita, destinataque idololatriæ intelligunt. Aliqui nomen proprium loco factum existimant ab altitudine montium, unde *Alpes* interpretantur. Vide infra vers. 28. & cap. xxi. vers. 41.

V. 20. IN VERTICE PHASGA. Qui-

dam hic *Thasgabab* pro appellativo accipiunt: *In vertice collis*, vel *ad cacumen collis*. Alii ad initium collum. Noster, & plerique alii, nomen proprium loci seu montis esse volunt. S. Hieronymus ex Eusebio in locis: *Phasga civitas Amorrhæorum*. Est autem & mons contra orientalem plagam *Phasga*, pro quo *Aquila* interpretatur *Excisum*. Sed & septuaginta Interpretes *Phasga* in quadam loco *Excisum* transulerunt: nempe Deuteron. iiii. vers. 27. Aliqui annotant, *Phasga*, sive loci proprium nomen sit, sive verticem, sive collem, sive præruptum, aut cavum saxum significet, plane montis Abarim eam partem esse quæ respicit Iericho, & sub qua Aroer urbs sita erat, ut Iosue xii. vers. 3. indicatur. Forsterus, & alii conferunt cum פסח *pasach*, voluntque hunc montem sic dictum a iugorum gradatione, seu saltibus. Sed unde tandem hoc sciverunt? inquit Mercerus. CONTRA DESERTUM יַרְדֵּן *Yerdon* Noster *desertum*, *solitudinem* reddere solet. Alii aiunt esse horribilem, horrendam solitudinem, seu vastitatem, quæ ex abominatione afflatur. Nonnulli hic, & I. Samuel. xxi. vers. 19. nomen proprium cuiusdam horridi deserti esse putant in finibus Moabitum, & Amorrhæorum, atque idem esse cum *Bethiesimoth*, Iosue xiii. vers. 20. Quidam exponunt: *Versus solitudinem*: & intelligunt solitudinem Cademoth, unde nuntios misit Moses ad Amorrhæum, uti dicitur Deuteron. ii. vers. 26. Nos secuti Eusebius, & S. Hieronymus in Locis Hebraicis, ut nomen proprium retinimus.

V. 22. OBSECO UT TRANSIRE, &c. Alium versum consimilem huic habes cap. xx. vers. 17.

V. 23. IN IASA. Heb. *In Iabetz*. S. Hieronymus ex Eusebio in Locis Hebraicis: *Iasa ubi adversus Sebon Amorrhæorum regem dimicatur*. Mominis huius *Isaias xv. vers. 4. in visione contra Moab*; sed & *Ieremias xlvi. vers. 21. & usque hodie ostenditur inter Medabam, & Deblatai*: & in xv. *Isaiæ*: *Urbs Iasa mortuo mari imminet, ubi est terminus provincie Moabitum*. Hanc Rubenitis attribuitur, scribitur Iosue xiii. vers. 18.

V. 24. USQUE IEBOC. De hoc fluvio, vel torrente diximus Genes. xxxii. vers. 22. QUIA FORTI PRAESIDIO

TENEBAUTUR TERMINI AMMONITARUM. Hebr. Quia obfirmatus terminus Hammon. Quidam vertunt: Nam munitus erat terminus Hammonitarum; quasi dicat: Proinde non potuit sicut Moabitarum terminus a Sichone occupari.

V. 25. IN HESEBON. Eusebius, & S. Hieronymus in Locis: Eſebon civitas Seon regis Amorrhæorum in terra Galaad: quæ cum fuisset ante Moabitarum, ab Amorrhæis belli iure possessa est. Meminit huius Ieremias XLVIII. 34. Isaias quoque XV. 4. in visione contra Moab. Porro nunc vocatur Eſbus, urbs insignis Arabiæ in montibus, qui sunt contra Iericho, viginti a Iordane millibus distans. Fuit autem in tribu Ruben separata Levitis. Eſbus urbs Palestinæ apud Ptolemæum Lib. V. cap. xxxvi. & Sebunta, Arabiæ Petrææ, eodem lib. V. cap. xvii. חֶשְׁבוֹן Chesbon fortasse Hebræis dicta, quod in ea essent celebres excogitatores, ingeniosi; industrii, opifices, polymitarii, plumarii, phrygiones. Alii interpretantur *Æstimabiles*, *venerabilem*. Hispanice, *Ea venerabile*. Nonnulli, quod singulari, & ingenioso artificio esset extructa, quasi *Excogitationem*. Eius non semel meminere sacræ litteræ. VINCULIS EIVS. Heb. *sistabus eius*. Observeant, quando nomen *silia*, sive in plurali, sive in singulari. Hebræis postponitur urbi alicui, seu urbibus, & quidem cum affixo pronomine quod urbem referat; tunc accipi figurate pro oppidis minoribus seu suburbis, quæ a maioribus & antiquioribus urbibus, tamquam a matribus seu matricibus, id est metropolibus, sunt ædificatæ, & quasi prognatæ, ac derivatæ; ab eisdem nutriuntur, foventur, reguntur. Exempla in Scripturis passim obvia.

V. 26. CONTRA REGEM MOAB. Heb. addunt *primum*, vel *priorem*. *Primum* quidam exponunt eum qui primus rex Moabitarum fuit, qui primum regnum in Moabitis fundavit. Alii *primum* ratione situs accipiunt, id est eum, qui ex variis Moabitarum regibus hic illi magis proximus erat. Sed rectius est *priorem*, id est illum qui ante Balak, qui tum regnabat, cap. xii. rerum apud Moabitas potitus fuerat. Hunc appellatum fuisse *Vabebum*, supra vers. 14. nonnulli existimant.

V. 27. IDCIRCO DICITUR IN PRO-

VERBIO. Hebr. *Super sic dicent proverbiantes*. מִשְׁכְּלִים *maschelim* aiunt esse sententiariorum, adagiatores, proverbatores, proverbiosos: eos qui axiomata, dignitates, authenticas sententias, gnomas, adagia, proverbialia, similia, dissimilia, apophthegmata, metaphoras, scite dicta, parabolas, enigmata, dicunt; qui sententias præcellentes, prædominantes, eminentes proferunt; qui figuratas locutiones, quæ in sermonibus & orationibus dominantur & illustres sunt, & quasi principatum tenent, pronuntiant. Quidam reddunt: Idcirco dicere solent qui proverbii utuntur, id est populares poetæ, quos Græci ænigmatistas vocant, qui fuerunt in populo Dei: nam hoc Israelitarum fuisse epinicion, demonstrat vers. 30.

V. 28. IGNIS EGRESSUS EST DE HESEBON, &c. Sensum huius versus volunt, Sichonem post armis occupatam Chesbonem, copiis inde ductis in vicinos Moabitas, tamquam igne consumpsisse eos. Hebræorum nonnulli, ignem hic seditionem intestinam intelligunt, quæ scilicet causa fuerit ut Helebon caperetur a Sehon. Sed verius quod ferro flammaque grafsatus fuerit Sehon in ea Moabitarum regione. ET HABITATORES EXCELSORUM ARNON. עֲבְרֵי בְּמֹת אֲרֹנִי *ebhale bamoth arnon*. Quidam exponunt: *Baalim*, deos *Bamoth Arnonis*, ut *Bamoth* fuerit civitas, ubi erant excella, seu sana Baal, id est Saturni, vel Iovis non procul ab Arnon, unde nomen accepit: vel *deos alpium Arnonis*. Vide supra vers. 19. & infra cap. xxii. vers. 41. & Iosue xiii. vers. 17.

V. 29. POPULE CHAMOS. כְּמוֹס *cemosh* aiunt Deum esse Moabitarum & Hammonitarum Iudicum xi. vers. 24. I. Regum xi. vers. 7. & alibi: & putant eundem fuisse cum eo quem Græci *Comos* appellant, immo Græcos ex Hebræo, seu Moabitico *Cemos*, accepisse suum *Comos*, & nomen & Deum. Κάμος quidem Græcis hæc omnia comprehendit, *comestationem*, *comotationem*, *convivalem*, ex qua aliquis tandem incidit in somnum profundum: item *omne amatorie, lascivie, ac proterviæ genus*; *lasciviam* & *proterviam* *comessabundorum*, vel *amatorum invenum*, *comessabundorum*. Paulus Rom. xiii. vers. 13. *comestationes* dixit. Ad hæc *saltationum in comestationibus* usitatum.

Hinc

Hinc deus præses huiusmodi comestationum, seu lasciviarum, proterviarumque comestabundorum, & amatorum hominum, Græcis dictus *Kômo*; , quem Bacchum, aut Dionysium vocant. Erat deus comestationum, computationum, conviviorum, temulentiarum, ebrietatum, insolentiarum, procacitatum, lasciviarum, proterviarum, nequitiarum amatoriarum, & iuvenilium. Vide late de ea voce Suidam. Sed & dei Comi elegantissimam descriptionem exhibet Philostratus Libr. I. Iconum, imagine 111. quam quia egregie facit ad exprimendum deum Chamos famosum in sacris Litteris, hic inserendam duximus: *Demon est Comus, a quo mortalius comessari est: astat in thalami foribus aureis, ut puto, tarda autem ac difficilis ipsarum comprehensio, aut cognitio, quod in tenebris sint: nox enim non a corpore, sed a tempore picta est. Vestibula autem sponsoz admodum felices in lecto iacere indicant: & Comus iuvenis ad iuvenes accedit, mollis, nec adhuc ephebus, præ vino rubicundus, & quod ebrius sit, dormit reclusus. Dormit autem faciem quidem in pectus deiiciens, & gutturis nihil ostendens, sinistram venabulo sustinens; sed manus sustineri arbitrata solvitur, & profecto in eximitur affectus qui in dormiendi exordio accidit, cum nobis somno blandiente, cogitatio in eorum transit oblivionem quæ continet. Unde &, quæ in dextera est facula, manum præ somno languentem fugere videtur; sed Comus metuens cruri adberentem ignem, sinistram quidem tibiam in partem dexteram, faculam vero ad sinistram transfert, ut ignis vaporem declinet, ab exposito genu manum arcens. Facies autem debentur quidem a pictoribus, his qui vigore sunt ætatis constituti, & absque his cæcutiant picturæ. Como vero paululum facie opus est nutanti, & a capite umbram trahenti. Perçu ceteræ corporis partes ex ædæ effluæ sunt, eas illustrante atque in lucem educente facula. Rosarum autem corona laudetur quidem, sed nequaquam a specio: flavis enim ac cernleis, si contigerit, coloribus, florum imagines referre haud magnus est labor. Ceterum coronæ laxitatem ac molliorem laudare oportet. Commendo & rosarum rosidum, ipsasque cum odore pictas assero. Quid reliquum est Comi? Quidnam aliud præterquam lascivientes? Nonne crotala, strepitusque intonans, ac vox enormis te*

petit? Lampades quoque subiacent, unde & lascivientibus, quæ ante pedes habent, videre, & a nobis videri licet. Multus autem populus simul extollitur, & muliercula cum viris incedunt, & calcamentum commune habent, & præter peculiarem cinguntur consuetudinem: nam Comus & mulieri virum agere, & viro stolam induere muliebrem, muliebriterque incedere permittit: & coronæ non amplius floridæ; Sed ipsarum, quod capitibus concinnatæ sint, ablata est hilaritas, cum per luxum & lasciviam currant. Florum enim libertas manum aversatur, utpote quæ eos ante tempus flaccidos reddat. Plausum etiam quemdam imitatur pictura, cuius maxime indiget Comus: nam dextera contractis digitis, subiectam sinistram ad cavum plectit, ut manus cymbalorum more percussæ consonæ fiant. Hactenus Philostratus. Talem fortasse Moabitæ suum deum Chamos pingeant effingebantque. Quidam Chamos Priapum esse existimant. S. Hieronymus in xv. Isaïæ: In Naboenim erat Chamos idolum consecratum, quod alio nomine appellatur Beelphegor. Nam Beelphegor esse Priapum, dicemus infra cap. xxv. vers. 3. Aliqui a מוש musch deducunt, exponuntque, quasi averruncatorem, seu quasi depulsorem malorum, Alexicacon, ridicule & inepte. Alii מושח מסח maschafsch, quasi palpatorem, per ironiam, quod nihil palpare posset. Psalm. cxviii. 16. Manus habent, & non palpabunt. Sed istud alienius est. IN FUGAM. Hebr. evasores, id est fugitivos, qui evadunt ex patria. Quidam exponunt: Sivit abduci, nec potuit defendere idolum Chamos cultores suos: Chamos non potuit præstare, neque prohibere quin cultores ipsius verterentur in fugam: ut ipse eorum deus sua imbecillitate videatur eos perdidisse ac tradidisse hostibus.

V. 30. *יטגום ונירם* ipsorum disperit. *מירם* vaniram abnd. Mirum quam varie reddat. I. Et lucerna eorum ablata fuit, id est gloria, sine regnum: sic capitur vox lucernæ III. Regum xi. vers. 36. cap. xv. vers. 4. & IV. Regum vii. vers. 19. Forte intelligit Chesbon, quæ gloria & splendor erat Moabitarum. II. Et aratum, aratio, novale, arvum, ager eorum desperit. Sic vox ניר nir sumitur Proverbior. xiii. vers. 23. Ierem'æ iv. vers. 3. *אֲרָאָה* x. vers. 12. Huc forsitan re-

spexit

spexit Noster cum metonymice, aut synecdochice dixit *Iugum*, quod iugo constet aratrum, & iugis arva & novalia profcindantur. Senfus est: Late vastati agri, & omnis cultus agrorum perit. III. *Et dominum perdidit Chesbon*. IV. Non pauci וִירָם *vanniram* deducunt a יָרָם *iarab*, & יָרָם *vanniram*, seu יָרָם *vannirab* אֶת־וִירָם *otam*: Et iaculati fuimus in eos; vel iaculis confectis eos: perit Chesbon, &c. V. Et proiecimus eos, perit, &c. VI. Et obruimus eos, &c. VII. Et aravimus eos, sublatus est de medio Chesbon, &c. Sic verbum *Nir* accipitur Ierem. iv. vers. 3. & Osee x. vers. 12. quasi dicat: Induximus in eorum urbes aratrum. Excisis urbibus ac solo æquatis aratrum imprimebatur. Horatius Lib. I.

Ire altis urbibus ultimæ:

Stetere causæ, cur perirent

Funditus, imprimeretque muris

Hostile aratrum.

Ierosolymis a Tito deletis impressum aratrum a Turanno Rufo, notum est. Ut enim urbes aratro designabantur, AEncidos V.

.... urbem designat aratro;

ita & aratro excidebantur. Quidam annotant hæc esse verba Israelitarum, ut totum carmen istud, ut supra vers. 27. annotavimus. Alii aiunt istud esse initium carminis epinicialis, quod foliæ cania victoribus parta victoria: Superavimus, vicimus, &c. *DIBON*. Eusebius, & S. Hieronymus in Locis: *Dibon* in solitudine, castra filiorum Israel. Est & alia *Dibon* villa prægrandis iuxta Arnonem; que cum prius fuisset filiorum Moab, & post, eam Sebon rex Amorrhæorum belli iure tenuisset, a filiis Israel capta atque possessa, in partem venit tribus Gad. Meminit huius Ieremias xlviii. vers. 22. & Isaias xv. vers. 2. in visione contra Moab. Alii tamen exultant *Dibon* eam omnino urbem esse, quæ post est a Gaditis exadificata illis locis, ubi quarta ante Moisis excessum castra posuerant Israelitæ: infra cap. xxxiiii. vers. 45. quæ loca in Numeris per proleptin urbis huius *Dibonis* nomine sunt appellata, ut apud Maronem I. AEncidos *Lavina littora*, ante *Lavinia* nuptias. Sacri Topographi diversas statuunt. *Dibon* de qua hic, & eam, de qua infra capit. xxxiiii. vers. 45. dicitur *Dibon Gad*: quam ego

potius inflauratam quam ædificatam a Gaditis facile intellexerim, atque per proleptin ibi dictam *Dibon Gad*. Nomen *Dibon* inde factum augurari possumus, vel quod in ea colerentur studia eloquentiæ, vel quod male audiret, aut quod stercore & luto esset lutulentia, quasi *Lutetia*; aut quod regio urfis abundaret, quasi *Urfonam*, vel *Urfon*. Hispanice *Ossunam*. Vide infra cap. xxxiii. vers. 45. *MEDABA*. Eusebius, & S. Hieronymus in Locis Hebraicis: *Medaba* usque hodie urbs *Arabie*, antiquum nomen retinens iuxta *Hesbon*. Medavan' Arabiæ Petrææ urbem Ptolæmus constituit Lib. V. cap. xvii. quam maximam diem 14. horarum habere asserit Lib. VIII. tabula 1v. Asiæ. Iosephus XIII. Antiquit. cap. xvii. Syriæ attribuit: Stephanus, Nabathæis. Fortem, & Robustam Hebræis sonat. Vide Deuteronom. i. vers. 1. Iosue xiii. vers. 16. *Isaie* xv. vers. 2.

V. 31. HABITAVIT ITAQUE ISRAEL IN TERRA AMORRHÆÆ. Iosephus lib. IV. Antiquit. cap. v. *Hebræi* vero terram eam occupaverunt, inter tres annos in/sule modo sitam. Nam Arnonis ripæ meridionale eius latus terminant; Iobacbus vero septentrionale, qui in Iordanem influens nomen amittit; occidentalis transitus Iordane amne alluitur.

Vers. 32. LAZER. Eusebius, & Sanctus Hieronymus in Locis: *Lazer* civitas *Amorrhæorum* in decimo lapide Philadelphie a solis occasum, trans Iordanem: que fuit terminus tribus Gad, extenditurque usque ad Aroer, que & ipsa respicit usque Rabbam. Meminit urbis *Lazer* & Isaias xvi. vers. 8. 9. in visione contra Moab; sed & Ieremias xlviii. vers. 32. Fuit autem separata Levitis, & distat ab *Esebon* quiddecim millibus; e qua magnum flumen erumpens, a Iordane suscipitur: & in littera A: *Azer*, sive *Lazer* terminus urbis *Ammon*, que nunc *Philadelphia* dicitur, dividens eam, *Amorrhæorum* que regionem: & est in ostio circiter lapide eius, ad solis occasum: vicus *Lazer*, usque in presentem diem: permanent. Extat quoque mentio huius urbis I. Machabæorum v. vers. 8. Fortasse id nomen nacta, quod ibi præidia essent militum; vel auxiliares copiæ; quasi dicas, *Præsidariam*, *Auxiliarem*.

Verf. 33. OGREX BASAN. Hanc historiam late quoque descripsit Moses Deuter. 111. *vers.* 1. & seqq. Basan regio celeberrima in sacris litteris. Iosephus Lib. IV. cap. v. *Oges Galadine & Gaulanitidis regionum rex.* Addunt nonnulli Basan continuisse etiam Trachonitidem. S. Hieronymus in xxxiii. *Isaie: Basan regio trans Iordanem est, quam duc, & dimidia tribus possederunt: & quæ interpretatur uberima & pinguis.* Alii, *Ignominiosam, & Propudiosam* interpretantur: forte a turpibus & propudiosis gentis moribus. Nec desunt, qui ab aromatibus & odoribus, quorum regio ferax, præsertim Galaaditis Genes. xxxvii. *vers.* 25. & alibi, *Basan pro Basam dictam velint.* Fertilissimam & uberrimam describunt ubique sacræ litteræ. Eam esse, quam Ptolemæus Lib. V. cap. xv. & Iosephus Lib. II. Belli, cap. iv. & in vita sua Batanem appellant in provincia Cæles-Syriæ Trachonitidi & Aranitidi proximam, nonnulli existimant. Sexaginta urbes munitas habuisse dicet Moses Deuter. 111. *vers.* 4. & 5. *IN EDRAI.* Eusebius & Sanctus Hieronymus in locis: *Edrai, ubi interfecit Og rex Basan gigas, id est potens, omnisque illius cæsus exercitus.* Nunc autem est Adara insignis civitas Arabiæ, in vigesimo quarto lapide ab Ostra (in ultima editione, ab *Osdra*.) Superius dixerant, eam distare ab Astaroth Carnaim sex milibus, ab Ostra vero viginti quinque milibus passuum, ubi quidam emendant quindecim millibus: putantque *Edrai* esse Adron Ptolemæi Lib. V. cap. xvii. urbem Arabiæ Petrææ. Sed rectius Adran urbem Cæles-Syriæ eidem Ptolemæo Lib. V. cap. xv. Eius mentio Deuter. 1. *vers.* 4. Iosephus xiii. *vers.* 12. Sic dicta videtur, quod in modum forte brachii constructa esset; vel a vi & potentia.

MENOCHII.

Verf. 1. **A**D MERIDIEM, terræ Chanaan. PER EXPLORATORUM VIAM. Per aquam anno secundo ab egressu ex Aegypto exploratores in terram Chanaan penetraverant. VIATOR EXISTENS, Chananæus de Israel, quæ clades occasionem præbuit Israelitis voti concipiendi.

V. 2. DELEBO URBS EIUS. Heb. *Succidam, & anathematizabo eos.* Erat enim hoc votum *Cherem*, de quo vide dicta Levit. ult. num. 28.

V. 4. ET TAEDERE COEPIT, &c. cœperunt animis cadere.

V. 5. CIBO ISTO LEVISSIMO, scilicet manna. Vocant levisimum, hoc est exiguæ virtutis, & substantiæ. LXX. dixerunt *ἀπὸν δάκρυον, panem vacuum*, quasi qui hominem vacuum, & minime saturum relinquit. Bono sensu hæc congrue Eucharistiæ conveniunt, quæ est panis vacuum, ipsa substantia scilicet panis, solis remanentibus accidentibus; vere autem plenus, quia in eo latet Christus.

V. 6. IGNITOS SERPENTES. Quod ab eis morsuri viderentur. Fortasse hi serpentes fuerint presteres, qui ab urendo sic dicti sunt. De prestere vide Plin. Lib. XXIV. cap. xiii.

V. 8. PONE EUM PRO SIGNO, in sublime erectum, omnibus conspicuum, trabe, vel columna subiecta.

V. 9. QUEM CUM PERCUSSI ASPICERENT, SANABANTUR. Fuit hic serpens Christi figura, ut ipsemet Christus asserit Ioan. 111. 14. Sanabantur autem divino miraculo, non naturali virtute serpentis.

V. 14. IN LIBRO BELLORUM DOMINI. Fuit hic liber vetus ante Penta-teuchum conscriptus, sed intercidit, sicut & libri Henoch, Gad, Nathan, Addo, & aliorum, quorum meminit Scriptura. SICUT FECIT IN MARI RUBRO, &c. Sicut debellavit, & male perdidit Aegyptios in Mari rubro, ita perdet Sehon regem Amorrhæorum cum suis in torrentibus Arnon.

V. 15. SCOPULI TORRENTIUM INCLINATISUNT: in caput hostium Hebræorum devoluti eos oppresserunt, ut fluctus maris Aegyptios. UT REQUIESCERENT IN AR, a sublimi loco delati super Ar urbe Moabitarum.

V. 16. EX EO LOCO, digressis. APPARUIT PUTEUS: venerunt ad puteum; vel eo loco datus est ei puteus, ut populo siti laboranti succurreretur.

V. 17. ASCENDAT PUTEUS. Aqua putei ebulliat, & ascendat aqua ex imo puteo, ut omnes bibere possimus. CONCINEBANT, Hoc per parenthesis dicitur.

V. 18.

V. 18. IN DATORE LEGIS: Deolegis datore opem populo ferente. ET IN BACULIS SUIs, viatoris: ipsi baculis terram modice fodientes, cetera Deo liberaliter prestante.

V. 24. IN ORE GLADII. Vide dicta Exod. xvii. 13. POSSESSA EST AB ISRAELE, TERRA EIUS, Sehon. QUIA FORTI PRAESIDIO TENEbantur TERMINI AMMONITARUM; ideo Israelitae ab illis abstinerunt.

V. 25. TULIT ERGO: abstulit a Sehon. ET VICULIS EIUS. Hebr. *Et filiabus eius*. Hebraei enim vicos, & urbes metropoli subiectas vocant filias per metaphoram, quod a metropoli sua dependent, ut filiae a matre.

V. 26. URBS HESEBON, &c. Vediti fuerant Hebraei Deuter. cap. 11. oppugnare Moabit, de quorum ditione fuerat Hesebon, hanc primum invaserant Amorrhæi; itaque eam occupando, contra praeceptum non fecerunt Hebraei, cum Amorrhæis tantum bellum intulerint, non Moabit.

V. 27. IN PROVERBIO, carmine proverbiali, rhythmo, cantico. VENITE IN HESEBON. Verba Amorrhæorum adhortantium se ad restaurandum, & firmandam civitatem, quæ regia futura erat.

V. 28. IGNIS EGRESSUS EST, &c. Sehonis victoria quasi ignis late populata est, & pervagata regionem. Arcivitatem Moabitarum corripuit, & pervenit etiam ad eos qui in rupibus Arnon habitabant, & ibi deorum suorum excelsa habebant.

V. 29. VAE TIBI MOAB: quia scilicet clade magna affectus es ab Amorrhæo. PERISTI POPULE CHAMOS: popule qui Chamos pro Deocolis. Aiunt quidam, Chamos esse Bacchum, quem Græci *κῆρ* dicunt. DEDIT, scilicet Chamos; id est, dari, capi, & occidi permisit filios Moab sibi devotos, a Sehon rege Amorrhæorum.

V. 30. IUGUM IPSORUM, Moabitarum, quod ipsi imposuerant incolis Hesebon. DISPERIIT AB HESEBON USQUE DIBON: ablatum est, cessavit: populi iugo illo Moabitarum levati sunt. LASSI PERVENERUNT IN NOPHE. Lassi & fuga Moabitæ pervenerunt in Nophe.

V. 32. POSSEDERUNT MABITA-

TORES: subegerunt occidendo, auxa quod voverant hoc cap. num. 2. LXX. habent *Expulerunt*: multi enim fuga incolumitatem quæriverunt.

T I R I N I.

Vers. 6. I G N I T O S S E R P E N T E S. Deuteron. viii. 15. dicitur fuisse *serpens fatu adrens*, & *scorpio ac dipsas*: sic dictus a siti, quam morfu suo intolerabilem creat. Hunc *causon*, & *presterem* vocat Dioscorides, & Aelianus a. Septuaginta hic vertunt, *Serpentes mortiferos*: liber Sapientiae cap. xvi. vocat *venenatos dracones*. Non erant ergo proprie igniti, quasi igneæ naturæ vel ignem spirantes, ut quidam opinati sunt; sed solum metonymicè ab effectu quod morfu, vel asilatu suo tantum ætium inducerent, ut adurere viderentur. Porro venenatis horum moribus remedium non naturale, sed supernaturale præscribit Deus aspectum serpentis ænei pro signo in pertica, vel alta furca expositi; quo viso læsi miraculoſe curabantur a Deo. R. David Kimhi refert, medicos asserere, eum qui serpentis morſu iſtus æs aspiciat, illico mori. Hoc si verum eſt, iam maius & evidentiſ ſ illud miraculum fuit, contrario remedio læſos Iſraelitas ſanare.

Allegorice per serpentem hunc designari Chriſtum, Chriſtus ipſemet affirmat Ioan. 111. verſ. 14. & fuſe exponunt S. Auguſtinus & Theodoretus.

Nota, hunc ænem Moysiſ serpentem Hebræos ſecum in Chanaanitidem deſeſſiſſe, & fuiſſe apud eos uſque ad tempora Ezechiaſ, qui eum, quod pro Deo a plebe coli inciperet, confringi iuſſit, IV. Regum xviii. verſ. 4.

V. 14. IN LIBRO BELLORUM DOMINI. Hic liber, ut plures alii, cum tempore intercidi. Videtur autem metrico verſu conſcriptus fuiſſe, ut patet ex pauculis verſibus qui hic ex eo citantur; & continuiſſe prophetias de præliis admittendis, aliſque divinaſ virtutiſ operibus, quæ in poſterum apud Hebræos patranda eſſent. Verſuum vero ex illo hic citatorum iſte eſt ſenſus: Qualia prodigia Deus fecit in Mari rubro AEGYPTIOS ſubvertendo, talia faciet etiam in torrentibus Arnon. Nam ſicut Mare rubrum Hebræiſ ſe tranſ-

mea-

meabile exhibuit, Aegyptios vero suis undis oppressit; ita rupes Arnon, in quibus, & sub quibus Amorrhæi latriabant, inclinatae sunt, & in planitiem devolutae oppresserunt Amorrhæos, & viam apertam ac facilem Hebræis exhibuerunt. Ita Rabbinus, & ex his Lyranus, Hugo, Tostatus, Adrichomius.

V. 17. & 18. ASCENDAT PUTEUS. Videtur fuisse intercalaris versiculus cantici Israelitarum, quo designare volebant, quam facile, & quam prodigiose summam aquae copiam in deserto reperissent, scilicet principibus tantummodo terram leviter excavantibus suis scipionibus, seu baculis victoris. DATORE LEGIS; id est, Deo cetera perficiente; vel Moysæ precibus suis id beneficium cælestis impetrante. Procul ergo fabellam quam hinc falso procudit Chaldaeus Paraphrastes: *Putcus*, inquit, *iste ex eo tempore, descendit cum Israelitis ad torrentes, & de torrentibus ascendit cum eis ad collem, & de colle ad vallem*, &c. Quæ sunt mera commenta Rabbinorum.

V. 27. IN PROVERBIO, hoc est in poemate, seu cantico sequente, quod Amorrhæi devictis Moabitibus, in gratulationem sibi, & memoriam victoriæ obtentæ composuisse videntur, quo ridet, & insultant iam victis. Porro Moabitæ vocantur hic *Populus Chamos*, ab idolo Chamo, quod Moabitæ colebant, de quo vide III. Regum xi. vers. 7.

(a) Diestor. in fine Lib. ult. Aelianus Lib. VI. Anim. cap. 1.

GORDONI.

Vers. 1. A RAD urbs est huius Chananæ Regis, non procul a Mari mortuo, sita ad meridiem Chananæ, qua venerant exploratores. Hæc Chananæi victoriæ causam dedit voto cherem, de impiis, & Dei hostibus delendis: quod votum, ut hic significatur, mox expletum fuit, vel certe ludic. 1.

V. 2. Vovet Israel votum cherem, de quo dixi Levit. cap. xxvii. חֶרֶם *cherem*, *anathema*: hinc impositum est loco nomen *Chorma*, חֹרְמָה.

V. 8. Igniti serpentes vocantur, quod homines morsu, & afflatu adurerent. See Bib. Sac. Tom. III.

ptuag. vocant *morfifrai* חַמְסֵי בָרָא; quidquid sit, plaga, nisi adhiberetur remedium, lethalis erat: sic vides vers. 8. adhibitum antidotum. En interim vers. 9. serpentem æneum, Christi in cruce exaltati signum.

V. 13. ARNON videtur torrens, vel rupes discriminans Moabitas ab Amorrhæis: de qua re, & de mansionibus Hebræorum in deserto dixi cap. xx. vers. 1.

V. 14. Hic liber bellorum Domini, erat vetus liber, ut quidam putant, ante Pentateuchum conscriptus. Certe non extat, sicut nec libri Enoch, Nathan, & Gad. Putatur fuisse propheticus de hac victoria Moysi. Ex his saltem qui extant libris, Pentateuchus, & Iob antiquissimi sunt. Recte quidem Augustinus hic, & de Civitate ait ignotum esse hunc librum bellorum.

V. 15. Hunc locum obscurum, nullus textus clarius expressit quam vulgatus. Sensus est: Qualia fecit Deus in Mari rubro, talia efficiet in montibus Arnon. Quænam vero ea sint, explicant hæc verba, SCOPULI TORRENTIUM INCLINATI SUNT, &c. Habet ergo hæc prophetia sub obscura allegoria victoriam hanc, qua cedunt omnia Hebræis.

V. 16. Progressi Hebræi ex eo loco invenerunt aquas, quarum laborabant penuria. Novum ergo beneficium est.

V. 17. TUNC CECINIT ISRAEL CARMEN ISTUD. Carmen gratulatorium est populi lætantis de beneficio hoc aquarum miraculo. Sed varie explicatur carmen hoc: nec constat, an puteus miraculose sit insecutus populum per loca hic recensita; an novi subinde putei ibi effossi sint a principibus; an denique canentium vota sint, optantium aquas similes per omnia illa loca. Fateor hic OEdipo opus esse, necdidici quid sit dicendum.

V. 18. & 20. DE SOLITUDINE MATRHANA, &c. Certatur, an hæc verba sint finis cantici, an narratio novæ professionis. Hoc secundum indicare videntur subsequenter verba. Illud in versu 20. DE BAMOTH, VALLIS EST, obscuritatem habet; sed sensus est, venisse eos de Bamoth in vallem illam.

V. 21. MISIT AUTEM ISRAEL, &c. Hic ac deinceps narrantur victoriæ Hebræorum contra Amorrhæum, & Regem Basan; sicut vers. 1. contra Arad. Atque

Y hæ

hæ partæ sunt victoriæ, nondum transito Iordane, & vivente adhuc Mose.

V. 26. & 27. Tulit ergo Israel Hesebon, defuncto Amorrhæo: quam civitatem antea abstulerat Amorrhæus Regi Moab. Refertur hic triumphale carmen, quod circumferebatur olim in laudem victoris Amorrhæi, quando Moabitas ille vicit. IN PROVERBIO Sept. *ab enigmatistis*,

V. 29. CHAMOS, idolum Moab.

V. 30. IUGUM, imperium in alios,

V. 32. POSSEDERUNT. Hebr. & Sept. *Expulerunt*.

EX EIUSDEM AUCTARIO.


V. 27. VENITE. Sic loquitur Amorrhæus adhortans seipsum ad instaurandam urbem quæ ipsi futura erat regia.

V. 28. Schonis victoria quasi ignis vastavit regionem Moabitarum.

V. 30. LASSI. Moabitæ lassî, & fugientes venerunt in Nophe.

C A P U T XXII.

Bis vocatur Balaam a rege Balac, ut Israelitis malediceret; quem Angelus asina loquente corripit.

1.  ROSECTIQUE castrametati sunt in campestribus Moab, ubi trans Iordanem Iericho sita est. 2. Videns autem Balac filius Sephor omnia quæ fecerat Israel Amorrhæo, 3. & quod perstimulasset eum Moabitis, & impetum eius ferre non possent, 4. dixit ad maiores natu Madian: Ita delebit hic populus omnes qui in nostris finibus commorantur, quomodo solet bos herbas usque ad radices carpere. Ipse erat eo tempore rex in Moab. 5. (a) Misit ergo nuntios ad Balaam filium Beor ariolum, qui habitabat super flumen terræ filiorum Ammon, ut vocarent eum, & dicerent: Ecce egressus est populus ex AEGYPTO, qui operuit superficiem terræ, sedens contra me. 6. Veni igitur, & maledic populo huic, quia fortior me est: si quo modo possim percutere & eicere eum de terra mea: novi enim quod benedictus sit cui benedixeris, & maledictus in quem maledicta congesteris. 7. Perrexeruntque seniores Moab, & maiores natu Madian, habentes divinationis pretium in manibus. Cumque venissent ad Balaam, & narraissent ei omnia verba Balac; 8. ille respondit: Manete hic nocte, & respondebo quidquid mihi dixerit Dominus. Manentibus illis apud Balaam, venit Deus, & ait ad eum: 9. Quid tibi volunt homines isti apud te? 10. Respondit: Balac filius Sephor rex Moabitarum misit ad me, 11. dicens: Ecce populus qui egressus est de AEGYPTO, operuit superficiem terræ: veni, & maledic ei, si quo modo possim pugnans abigere eum. 12. Dixitque Deus ad Balaam: Noli ire cum eis, neque maledicas populo: quia benedictus est. 13. Qui mane confurgens dixit ad principes: Ite in terram vestram, quia prohibuit me Dominus venire vobiscum. 14. Reversi principes dixerunt ad Balac: Noluit Balaam venire nobiscum, 15. Rursum ille multo plures & nobiliores quam ante miserat, misit. 16. Qui cum venissent ad Balaam, dixerunt: Sic dicit Balac filius Sephor: Ne cuncteris venire ad me: 17. paratus sum honorare te, & quidquid volueris dabo tibi: veni, & maledic populo isti. 18. Respondit Balaam: (b) Si dederit mihi Balac plenam domum suam

suam argenti & auri, non potero immutare verbum Domini Dei mei, ut vel plus, vel minus loquar. 19. Obsecro ut hic maneatis etiam hac nocte, & scire queam quid mihi rursus respondeat Dominus. 20. Venit ergo Deus ad Balaam nocte, & ait ei: * Si vocare te venerunt homines isti, surge, & vade cum eis: ita dumtaxat, ut quod tibi præcepero, facias. 21. Surrexit Balaam mane, & strata asina sua profectus est cum eis. 22. (c) Et iratus est Deus. Stetitque Angelus Domini in via contra Balaam, qui infidebat asinae, & duos pueros habebat secum. 23. Cernens asina Angelum stantem in via, evaginato gladio, avertit se de itinere, & ibat per agrum. Quam cum verberaret Balaam, & vellet ad semitam reducere, 24. stetit Angelus in angustiis duarum maceriarum, quibus vineæ cingebantur. 25. Quem videns asina, iunxit se parieti, & attrivit sedentis pedem. At ille iterum verberabat eam: 26. & nihilominus Angelus ad locum angustum transiens, ubi nec ad dexteram, nec ad sinistram poterat deviare, obvius stetit. 27. Cumque vidisset asina stantem Angelum, concidit sub pedibus sedentis: qui iratus, vehementius cadebat fuste latera eius. 28. Aperuitque Dominus os asinae, & locuta est: Quid feci tibi? cur percussit me? ecce iam tertio? 29. Respondit Balaam: Quia commeruisti, & illustisti mihi: utinam haberem gladium, ut te percuterem. 30. Dixit asina: Nonne animal tuum sum, cui semper sedere consuevisti usque in præsentem diem? dic quid simile umquam fecerim tibi. At ille ait: Numquam. 31. Protinus aperuit Dominus oculos Balaam, & vidit Angelum stantem in via evaginato gladio, adoravitque eum pronus in terram. 32. Cui Angelus: Cur, inquit, terro verberas asinam tuam? Ego veni ut adversarer tibi, quia perversa est via tua, mihi quæ contraria: 33. & nisi asina declinasset de via, dans locum resistenti, te occidissem, & illa viveret. 34. Dixit Balaam: Peccavi, nesciens quod tu stares contra me: & nunc si displicet tibi ut vadam, revertar. 35. Ait Angelus: Vade cum istis, & cave ne aliud quam præcepero tibi loquaris. Ivit igitur cum principibus. 36. Quod cum audisset Balac, egressus est in occursum eius, in oppido Moabitatum, quod situm est in extremis finibus Arnon. 37. Dixitque ad Balaam: * Misi nuntios ut vocarem te, cur non statim venisti ad me? an quia mercedem adventui tuo reddere nequeo? 38. Cui ille respondit: Ecce adsum: numquid loqui potero aliud, nisi quod Deus posuerit in ore meo? 39. Perrexerunt ergo simul, & venerunt in urbem quæ in extremis regni eius finibus erat. 40. Cumque occidisset Balac boves & oves, misit ad Balaam, & principes qui cum eo erant, munera. 41. Mane autem facto duxit eum ad excelsa Baal, & intuitus est extremam partem populi.

(a) Ios. xxiv. 9. (b) Ios. xxiv. 13. (c) II. Petr. ii. 15.

B R U G E N S I S

ROMANÆ CORRECTIONES.

V. 20: Si vocare te venerunt homines isti.
Præteritum indicativi venerunt præstat coniun-

ctivo venerunt.

V. 37. Misi nuntios ut vocarem te. In aliis libris pro prima persona singulari est tertia pluralis vocarent.

C O M M E N T A R I A.

S A.

Vers. 3. **E**T IMPETUM; pro, ut qui impetum.

V. 5. ARIOLUM. Hebr. in *Pethorab*. Chald. in *Pethor Syria*: scilicet urbis est nomen. LXX. *Phatya*. FLUMEN. Chald. *Euphratem*. AMMON. Hebr. Chald. & LXX. *populi sui*.

V. 7. PRETIUM, scilicet quod daret pro divinatione.

V. 8. DEUS, id est Dei Angelus.

V. 17. ET QUIDQUID VOLUERIS, DABO TIBI. Hebr. Chald. & LXX. *Et quaecumque dixeris mihi, faciam*.

V. 18. IMMUTARE. Hebr. Chald. & LXX. *transgredi*. PLUS, VEL MINUS LOQUAR. Hebr. *Parvum, vel magnum faciam*.

V. 22. IRATUS: scilicet quia malo animo ibat.

V. 25. ATTRIVIT. Hebr. Chald. & LXX. *Compressit, seu affinxit*.

V. 29. PERCUTEREM. Hebr. & Chald. *Ociderem*.

V. 30. ANIMAL. Hebr. Chald. & LXX. *asina*.

V. 31. PRONUS IN TERRAM. Hebr. Chald. & LXX. *incurvatus super faciem*.

V. 32. PERVERSA: scilicet animo perverso ibat.

V. 33. VIVERET: scilicet mortua erat.

V. 35. PRAECEPERO. Hebr. Chald. & LXX. *Locus suero*.

V. 36. OPPIDO. Hebr. Chald. & LXX. *civitate*.

Vers. 37. MERCEDEM ADVENTUI TUI. Hebr. Chald. & LXX. *honorem tibi*.

V. 39. IN URBEEM, &c. Hebr. solum est, *In urbem Chusoth*, id est platearum. Chald. *In urbem provincie sue*. LXX. *In urbes diversorium, seu stabulorum*.

E S T I I.

Vers. 5. **M**ISIT, Balac, NUNTIOS AD BALAA FILIUM BEOR ARIOLUM. Quaestio est, utrum

Balaam fuerit Dei propheta, an daemonum? Quod demonum propheta fuerit, fortissimum argumentum videtur, quia vocatur hic ariolus, id est magus: tales autem sunt qui suggestionem diabolicam futura quædam prædicunt. Sed non est in Hebræo. Item apparet, eum fuisse vatem daemonum, quia vaticinaturus, iubet extrui aras, & offerri victimas, non uni Deo, ut videtur, sed idolis: dicitur enim Balac rex eum duxisse ad excelsa Baal. E contra vero quod Dei propheta fuit, ex eo constare videtur quia Deus verba benedictionis posuit in ore eius. Deinde prophetiae eius, quæ sequenti capite habentur, auctoritatem habent tamquam a Deo profectæ. Unde est illa memorabilis prophetia: *Orietur stella ex Jacob*, &c. Respondet: Verisimilium videtur eum fuisse prophetam Dei, sed malum, qui pro mercede loqueretur pudentia, quales passim insectantur Isaias, Ieremias, & Ezechiel. Nam II. Petri II. vocatur Propheta, & nihil in eo reprehenditur, nisi quod mercedem iniquitatis amavit. Deinde, ut dictum est, verba eius vim veræ prophetiae habent. Vide nostrum commentarium citato loco II. Petri II.

V. 28. APERUITQUE DOMINUS OS ASINAE, ET LOCUTA EST. Factum est hoc ministerio boni Angeli, non mali, ut nonnulli male arbitrantur. Fuisse enim bonum Angelum quem statim post vidit Balaam, planum est, quia increpavit eum de suo peccato, dicens: *Ego veni ut adversarer tibi, quia perversa est via tua, mihi que contraria: immo in eo quod dicit, Mihi que contraria, loquitur in persona Dei*. De hoc Petrus II. Epist. II. 16. *Subiungite mutum animal, hominis voce loquens, probavit Prophetæ insipientiam*. Recte igitur S. Thomas II. II. quæst. CLXVI. art. II. ad 4. Sic, inquit, *locutus est serpens homini, sicut asina locuta est homini: nisi quod illud fuit opus Diaboli, hoc Angelicum*. Vide etiam Annotat. Genes. III.

V. 29. UTINAM HABEREM GLADIUM UT TE PERCUTEREM. Quæritur: Quare Balaam non est territus loquen-

quente asina, quin potius in ira perseverans, graviter cum ea expostulat? Respondet D. August. vel quia talibus monstis assuetus erat, utpote homo ariolus, cum quo dæmones in animalium specie apparentes sæpe loquebantur; vel quod fuerit tanta cupiditate incensus, ut nec tanti monstri miraculo seu prodigio terretur.

V. 32. EGO VENI UT ADVERSARER TIBI, QUIA PERVERSA EST VIA TUA, MIHIQUE CONTRARIA. Queritur quomodo hoc recte Angelis dicat, cum Balaam secundo consulens Dominum permixtus esset ire cum nuntiis? Respondet August. quod Balaam secundo consulens Dominum utrum ire deberet, graviter peccaverit: debuisset enim constanter acquiescere Deo, audita semel eius voluntate. Sed ibi se victum cupiditate monstravit, ubi loqui sibi Dominum de hac re iterum voluit. Proinde videns Dominus eius cupiditatem captam victamque muneribus, permixsit eum ire, ut per incrementum quo vehebatur, eius avaritiam coerceret. Reprehensus est igitur, non tam de itinere, quam de prava cupiditate. Hinc Petrus II. Epist. II. 15. *Derelinquentes rectam viam erraverunt, secuti viam Balaam ex Bosor, qui mercedem iniquitatis amavit.*

M A R I A N A E.

Vers. 1. VBI TRANS IORDANEM IERICO SITA EST. Hebr. *trans Iordanem Iericho*. Respectu Ierusalem Iericho est citra Iordanem. Porro Iordanis Iericho dicitur hic in Hebr. quod prope eam urbem esset. MOAB, ubi castrametati sunt, trans Iordanem est: eius comparatione Iericho trans Iordanem.

V. 3. ET IMPETUM EIUS FERRE NON POSSET. Hebr. *Et excitatus, sive commotus est Moab*; sive angustatus est Moab a facie filiorum Israel.

V. 4. ITA DELEBIT. Hebr. *Lambent nos, sicut bos lambit herbas*: sed lambere sumitur pro consumere, quod Hieronymus vocibus *delendi*, & *carpendi* expressit.

V. 5. BALAA FILIUM BEOR ARIOLUM. Pro ariolo Hebr. est *Pethora*, nomen loci, ut explicant Septuag. & Chaldeus addit, esse *Pethor Syria*. Et verifi-

cum est, Balaam non ariolum fuisse, sed de numero prophetarum qui erant inter gentes, ut Sibyllæ, quando illi Deus apparet. Id Iosephus indicat Lib. IV. Antiq. cap. VI. At Basil. epist. LXXX. Balaam, ait, scientia dæmonum divinasse. Iustin. quest. II. vocat eum ariolum. Chrysost. hom. XXI. in Gen. August. serm. CIII. uti solitum arte dæmonis. HABITABAT SUPER FLUMEN TERRAE FILIORUM AMMON. Hebr. *super flumen terre filiorum populi sui*: sic Sept. Addit Chald. flumen illud esse Euphratem, quod verum puto.

V. 7. HABENTES DIVINATIONIS PRETIUM IN MANIBUS. Hebr. *Et divinationes in manu eorum*: sic Sept. sed Hebræi per divinationes intelligunt divinationis pretium, quod posuit Hieron. & Chald. Aut formas divinationum, ut intelligerent an eos deciperet, iverunt instructi divinand; arte. Aut tulerunt necessaria ad divinationem, libros, hostias, &c.

V. 14. NOLUIT BALAA VENIRE NOBISCUM. Ille dixerat Deum nolle, id aliter nuntii dicunt. Quid Balac? *Nec unde venire*.

V. 17. ET QUIDQUID VOLUERIS DABO TIBI. Hebr. *Et quæcumque dixeris mihi, faciam*.

V. 22. ET IRATUS EST DEUS: nempe aut professionem tantum permiserat, non concesserat; aut Balaam mentem mutarat, ut Hebræi sentiunt, & populo maledicere decreverat.

V. 29. UT TE PERCUTEREM. Hebr. *Occidissim te*. Id Balaam asina dicit.

V. 30. NONNE ANIMAL TUM SUM. Hebr. *Nonne ego asinatus sum? Cui semper sedere consuevisti usque in præsentem diem*. Hebr. *Sedisti super me ab adhuc te usque ad diem hanc*. Sept. & Chald. *Ex quo esse capisti usque ad diem hanc*. Hebræus explicat: *Ex quo esse capisti equitans, & ego ad id apta, ad diem hanc*.

V. 32. MIHIQUE CONTRARIA. Hebr. *in conspectu meo perversa*, scilicet est via qua pergis.

V. 35. ET CAVE NE ALIUD QUAM PRÆCEPERO TIBI LOQUARIS. Hebr. *Deum reprobos, & in summa, ut verbo absolvas, quod dixeris, id loqueris*.

V. 37. AN QUIA MERCEDEM ADVENTUI TUO REDDERE NEQUEO? Hebr. Num vere non potero honorare te? sic Sept. & Chald. sed Hieronymus honorem pro mercede sumpsit: sic, *Honora viduas, quæ vere viduæ sunt*, 1. Tim. v. vers. 3. hoc est, subsidia illis dato. Tum Latine *Honorarium*, donum dicitur, seu stipendium.

V. 39. IN URBEM QUAE IN EXTREMIS REGNI EIUS FINIBUS ERAT. Hebr. *In urbem Hazoth*. Quidam nomen proprium putant. Sept. *diversorium* dixere; alii *platearum*: sed magis placet Hieronymus, cum quo consentit Chald. *in urbem diversorum ipsius*, id est finium.

V. 41. ET INTUITUS EST. Sept. *Ostendit*: & verbum est in coniugatione Hiphil, quod significat, *Videre fecit partem populi Balac Rex Balaamum*.

M A L V E N D A E.

Vers. 1. **I**N CAMPESTRIBUS MOAB. Hebr. *in ערבה gharboth Moab*. Singulare ערבה *gharabah*, cuius hic plurale *gharboth* ponitur, aiunt *talem locum seu terræ partem significare, quæ neque montosa est, neque declivis, sed plana, ubi sine silvis, & montibus late patent campi*: ideo Chaldaeos ubique transulisse במשרא *be-mischaria*, id est *planities*; sive ut etiam translitteri solet, *Locus sive terra campestris*: & quamquam alii pro loco sterili & deserto, alii pro Arabia accipiant, & a sterilitate nomen habere existiment; ipsotamen arbitrari a mixtura dici, quod verbum ערב *gharab*, *miscere* significet: nimirum dici a mixto sapore pabuli, quod in eo crescit, & iumentis conveniens est & gratum, quæ acidis delectantur: sunt enim eiusmodi campestria, non melliflua, sicut sunt valles, vel colles; nec planestilia, qualia sunt loca alpina & deserta: sed ubi migma crescit, id quod Hais בליל *be-lil chometz*, *migma acetosum, sarrigenum, mixturam subacidam* vocat cap. 1v. vers. 24. ubi sic legitur: *Boves, & pulli asinorum colentes tellurem, pabulum insensum, acetosum, subacidum comedant*: quasi data opera propheta describere voluerit pabulum eiusmodi iumentis conveniens & gratum. Nonnulli a nomine ערב *ghareb*, *suaavis, iucundus, dulcis, congruens*, deducunt: nempe significare *planitiem* proprie, sed non alioqui feracem; sed tamen ubi

sint pascua pecori pascendo apta & grata; aut potius ab amœnitate. Alii *gharaba* volunt esse *campestre, solitudinem, desertum, locum vastum*, ubi omnia promiscue sunt confusa, consentiente voce, *arvum* esse ducit. Quidam hic reddunt: *In locis vastis Moab*. Eusebius, & S. Hieronymus in Locis Hebraicis, *gharboth*, seu *arboth* Moab, uti nomen proprium loci acceperunt, ac de eo ita tradunt: *Arboth Moab, ubi secundo numeratus est populus, quod Aquila interpretatur Humilia, sive equalia* Moab: hanc habens consuetudinem, ut ere num propter planitiem, *quæ æqualis est*, interpretetur *planum*. Denique Symmachus pro *Arboth* Moab, *campestris* Moab transtulit: & est usque hodie locus montem Pogor, euntibus a Libiade in Esbun Arabiæ contra Iericho, qui ita appellatur Araba. Hanc ut supra Aquila transtulit Planam, Symmachus: *interdum Campestem, interdum Inhabitabilem*; Theodotus Occidentalem. Sacri Topographi hunc locum ita describunt: aiunt esse campos illos, seu planitiem, qui ab Arnone sursum porrecti iacent, adversus sinistram Iordanem, & dextros montes Arabicos, nimirum inter deo maria, Tiberiadis, & Mortuum. Extenditur enim illa planities a Iordanis & Arnonis ostiis, quibus isti fluvii in Aphaltitem intrant, longe per Schonis Amorrhæi regnum porrecta, inter Iordanem ab Occidente & montes Arabicos; Abarim; Nebo; Phasga, ceterosque ab Oriente. Quam planitiem olim Moabitæ occupaverant, priusquam ab Amorrhæis pulsî, trans Arnorem cessissent, uti superiore capite vidimus. UBI TRANS IORDANEM. IERICO SITA EST. Varie Hebræa reddunt. I. *Citra Iordanem Iericho*; id est, qui Iarden labitur, seu fluit iuxta, circa Iericho, vel non procul a Iericho, quam a Iordane sexaginta stadia; id est, duas fere lucas abesse prodit Iosephus. II. *A transitu in Iarden Iericho*; id est, in planitie territorii Moabitarum in illa parte qua transitur per Iordanem ad Iericho. III. *Cis vadum Ierichuntinum Iardenis*. Vide Iosue 11. vers. 7. IV. *Cis Iordanem*, ex opposito, ex adverso, e regione, Iericho. De Iericho dicemus multa Iosue 11. vers. 1. Vide intra cap. xxvi. vers. 3. & 63.

V. 3. ET QUOD PERTINUISSENT EUM MOABITAE. עיר מואב *vaiigdor Moab*.

Moab: proprie, & traxit, abstraxit, retraxit, subtraxit, contraxit se, peregrinatus fuit; expavit, formidavit Moab a faciebus, a conspectu populi valde. Hispanice, Encogiose. Hanc enim esse vim verbigur quando cum propositione Mem, id est de, a, construitur, observant; quasi dicat: Metu & formidine retrahebat se, & fugiebat fortunam belli experiri cum Israelitis: ad rem insolitam & peregrinam expavit. Mirum quod quidam reddunt: Et peragravit, migravit, loco cessit, secessit. Subduxit sese: non ausus est manum conferere. Et IMPETUM EIVS FERRE NON POSSENT. Hebr. diversimode convertunt. I. Et angustia affectus est Moab propter filios Israel. II. Et reduit Moabitam ob presentiam filiorum Israel. III. Et fastidius est Moab a facie filiorum Israel; id est fastidio affectus est. IIII. Et abhorruit, horruit, Moab a facie &c. IV. Et pervigil fuit Moab propter filios Israel; id est invigilavit, attendit rebus suis. V. Et spinavit se Moab propter filios Israel: si ita Latine dici posset. Elegantissima Hebraica phras. is, quam Hispanice quoque esferimus, spinose; id est, quasi spinis compunctus acriter commotus fuit. VI. Et effluavit Moab metu filiorum Israel. Vide vim verbi קץ Kutz Genes. xxvii. vers. 46.

V. 4. AD MAIORES NATU 'MADIAN. Hebr. Ad senes Midian. Intelligunt senatores, quos socios in hoc consilio adhibuit Moabita: ideo legati utrimque dicuntur missi infra vers. 7. Aliqui intelligunt, senes istos utriusque gentis fuisse sapientes, magos, ariolos, qui artem divinandi callerent: nam vers. 7. dicitur Et divinationes in manu eorum: vide ibi. De Madian vide quæ notavimus Genes. xxv. vers. 2. Et quamvis fines Moabitæ cum Madianitis conungerent, at difficile videtur Balak ex urbe ipsa Madian primaria, quæ procul in littore ipso Rubri maris sita erat, auctore Iosepho, senatores & legatos accersivisse; nisi illud sit probabilius, non ex illa Madian ad Rubrum mare, sed ex alia urbe Madian illi homonyma, iuxta Arnonem & Areopolim Moabitæ proxima, cuius ruinæ tempore Eusebii, & S. Hieronymi adhuc demonstrabantur, senatores consuluisse Balakum, ac cum suis legatos ad Balaam misisse: quod magis crediderim.

V. 5. ARIOLUM. פֶּתוֹרֶב petorab, No-

ster pro appellativo accepit: Interpretem, expositorem summorum, divinum, bariolum: sed habet formam semineam. Alii pethor cum He locali, nomen proprium urbis Mesopotamiæ putant, in qua habitaret Balaam: quam quidam Pacoriam Ptolemæi Lib. V. cap. xviii. iuxta Euphratem, esse suspicantur. Chaldaei Interpretes: In Petbor Syriæ, quæ est ad Euphratem. Parthuram LXX. appellant, de qua Eusebius & S. Hieronymus in Locis: Phathura civitas trans Mesopotamiam, unde fuit Balaam bariolum: sed & iuxta Eleutheropolim quædam villa nomine Phatura nuncupatur euntibus Gazam. Benjamin Tudelensis in Itinerario: Baalits veni, quondam Petboram iuxta Euphratem fluvium, ubi in hodiernum usque diem manet turris Balaam f'ii Beghor ad diei horarum rationes edificata. SUPER FLUMEN. Iosephus, Chaldaei Interpretes, & plerique alii Euphratem intelligunt, quod est absolute & antonomastice Fluvius, seu Flumen in Scriptura appellatur, ut I. Regum iv. vers. 21. Psalm. lxxi. vers. 9. de qua re egimus in Paradiso nostro, cap. xxv. At si hic נָהַר nahar, neglectis punctis, sit in regimine, non dicitur absolute flumen, sed flumen terræ filiorum populi sui; sed puncta hic excludunt regimen. Unde quidam vertunt: In Petbor, quæ erat iuxta flumen, in terra filiorum populi sui. Alii: In Petboram, quæ est inposita ipsi flumini, in regionem popularium eius. FILIORUM AMMON. Hebr. בְּנֵי גַחַמּוֹ ghammo: videtur Noster ut nomen proprium decurtatum ex Ghammon accepisse. Et quidem ea parte Ammonitæ ad Mesopotamiam & Euphratem spectabant: nisi forte peculiare aliquod flumen regionis Ammonitæ indicet. Alii exponunt: Filiorum populi sui, vel eius; vel popularium suorum, aut eius. Quidam ad Balak referunt illud eius: quod Ammonitæ fratres & populares essent Moabitarum. Alii ad Balaam, id est ad terram propriam, & patriam Mesopotamienfium popularium suorum. Balaamum enim Mesopotamienfem fuisse, plerique ex hoc loco, & cap. xxiii. vers. 7. astruunt. Alii Madianitam volunt. De qua re ibidem dicemus. Ego tamen secutus, ut par est, Nostrium, Ammonitam potius existimaverim: nam satis Noster indicat in terra filiorum Ammon Balaamum habitasse.

V. 6. MALEDIC POPULO HUIUS. Hebr. *Maledic mihi populum hunc. Mihi*, id est in gratiam mei, mea causa: tuis artibus falcina eum, ut male pereat. Sic pugnas dicitur Balak contra Israel, Iosue xxiv. 9. Possis reddere: *Diris devove, defige, transfige mihi populum istum.*

V. 7. HABENTES DIVINATIONIS PRETIUM IN MANIBUS. Hebr. *Et divinationes in manu eorum.* Fere omnes exponunt, & pretium, merces, honorarium divinationum in manibus eorum. Sic Evangelium pro læto nuntio, & pro præmio læti nuntii. Cicero Lib. II. ad Atticum: *O suaves duas epistolas, quibus evangelia debui fateri.* Nonnulli Hebræorum intelligunt libros, & instrumenta divinationum: nam istos divinos quoque fuisse, & eiusdem artis nefariæ cum Balaamo, plerique existimant, ut ad vers. 4. notabamus. Habebat libros suos & instrumenta Balaamus; suos quoque ac sua instrumenta isti deferabant artis divinatoriæ, ut collato studio in commune consulenter. Fortasse innuit dactylomantiam, quod ii in annulis digitorum rationes exantationum ferrent: quales septem annulos divinatorios, stellarum septem nominibus cognominatos, quorum singulos singulis diebus gestaret, dedisse Apollonio Iarcham, auctor est Philostratus Lib. III. cap. xxiii. Sic magi in annulis, aut in bullis deferre solent dæmones familiares, quos consulant. Lucianus in Philopseude: *Ex quo mihi annulum dedit e ferro, quod fuit in crucibus, & exantationem docuit e multis nominibus.* Et rursus inquit Impostor: *Ego annulum quemdam sacrum habeo, cuius scilicet imaginem Pythii Apollinis exprimit, & hic Apollo me alloquitur.* Annulus Gygis notus est ex Platone, Cicerone, aliisque. Duos annulos incantatos Excesti Phocensium tyranni describit Aristoteles in Republica Phocensium, & Clemens Alexandrinus Lib. I. Stromatum. Aliqui Hebræorum sic dictum volunt, *Et divinationes in manibus eorum*, quod aliquæ divinationes manibus fierent: quod innui videtur Ezechiel. xxi. vers. 19. *Et manu capiet coniecturam, in capite viæ civitatis coniciet:* & vers. 22. *In dextera eius fuit divinatio:* ut ibidem expendemus. Forsan legati isti sortes quasdam divinatorias in manibus gestabant, insignia & instrumenta artis. Ceterum, ut hic Di-

vinationes pretium & mercedem divinationum potius accipiamus, facit Petrus Apostolus Epistol. II. cap. 11. vers. 15. qui hunc locum proculdubio intelligens, de Balaamo inquit: *Qui mercedem iniquitatis amavit.*

V. MALEDIC EI. קָבַב *kabab*, mite congruit cum נָקַב *nakab*, & cum Latino cavo: reddunt hic *excavare, excava, persora; defige, persora, transfige, confode*; quasi dicat: Tuis artibus mihi illum confode. Sic vers. 17. Vide Levitic. xxiv. vers. 11.

V. 15. ET NOBILIORES. נִכְבָּדִים *nicbadim*, gravatos, graves, honoratos, gloriosos, splendidos, excellentes, prestantes; & proprie gravitates, id est regni moles, & glorias. Id est amplissimos & splendidissimos quosque. Proculdubio Petrus hanc vocem δόξας, glorias vertit II. Epist. 11. vers. 10. *Glorias, dignitates, non horrent concivis incescere;* id est, viros gloria & maiestate præditos, qui magis stratus gloriam habent, & dii vocantur, unde lætæ maiestatis reus accersiri solet qui maiestatem violat.

V. 16. NE CUNCTERIS VENIRE AD ME. Alii: *Ne, queso, recuses venire ad me.* Quidam: *Ne, obsecro, amovearis a veniendo ad me.* Aliqui: *Noli, queso, prohibere te ipsum ne venias ad me;* id est, ne causeris quippiam quo minus venias ad me. Nonnulli: *Ne, obsecro, veraberis ab ire ad me.* Pauci: *Ne, queso, excuses te interdixto quo minus venias ad me.*

V. 19. OBSEURO UT HIC MANEATIS ETIAM HAC NOCTE, &c. Ut recte hic annotant quidam, erat quidem Baltham de constantissimo Dei responso certior; sed avaritia permotus, & plectus promissis regalibus, spem aliam legatis facit, tanquam si Dominus muneribus eorum flecti, aut intercessionem sui exorari posset, atque a priori sententia abisteret: quam tentationem ex mala mente profectam sequente responso ludificatur Deus: deinde vero cum Angeli sui opera, tum imperato & prodigioso asinæ sermone redarguit sequentibus.

V. 20. SI VOCARE TE VENERUNT, &c. Videntur hæc verba indignantis esse; quasi dicat: Cum illi te, & tu me importune sollicitas, age, postquam ita vis, abi cum illis. UT QUOD TIBI PRÆCE-

PERO, FACIAS, quamvis invitus, & aliud cupiens, & moliens.

V. 22. ET IRATUS EST DEUS. Hebr. addunt, quod ipse abiret: animo scilicet exequendi voluntatem Balak, ut e cap. xxiii. vers. 5. colligitur.

V. 23. QUAM CUM VERBERARET BALAAM, ET VELLE AD SEMITAM REDUCERE. Hebr. ex verbo: Et percussit Bilham asinam ad divertere facere eam, viam. Ambiguus sensus: 1. quod Bilham percussit asinam, eo quod ea Bilhamum ipsum a via divertere fecerat: 2. vel ut eam in viam reduceret. Quidam: Sed percussit eam Bilham, ut cogeret eam refectere ad viam illam. Et hic sensus est usitator.

V. 24. IN ANGUSTIIS DUARUM MACERiarum, quibus vineae cingebantur. Hebr. in ardo vinearum, fepes de isto, & fepes de isto. מִשְׁחָבֹל mischghol, aiunt significare tramitem, semitam angustam, viam ardam, quasi pugnum, seu pugillum, seu foveam manus contractam, & compressam. Alii vulpine-tum interpretantur, a חַיִּיטָא scoughal, vulper, nempe locum inter vineas, ubi communiter vulpes suas foveas habent: Matthaei viii. vers. 20. Canticor. ii. vers. 15.

V. 30. CUI SEMPER SEDERE CONSVISTI. Hebr. quam equitavisti super me. מִעֲבֹדֶיךָ meghodecha varie exponunt: 1. quamdiu tu. 2. ab inde tu. 3. tempore precedenti tuo. 4. ex quo esse coepisti. 5. ab existere te. 6. ex quo tu, scilicet equitare coepisti me. 7. ex quo tibi sum: pronomen affixum pro separato: ex quo tua fui. 8. a perpetuo tuo; tam diu tu. תָּיִי ghoi, sustentationem temporis, continuationem, & applicationem, id est durationem & perpetuitatem denotare aiunt, nempe adhuc, amplius, ultra, post, deinceps, porro, perpetuo. DIC QUID SIMILE UMQUAM FECERIM TIBI? Hebr. Num solendo solita fui facere tibi sic? id est, an solita fui umquam tibi ita facere? Quidam: Num censendo consui ad faciendum tibi ita? id est, num umquam existimavi tale quidpiam mihi erga te faciendum?

V. 32. QUIA PERVERSA EST VIA TUA, NIHILQUE CONTRARIA. Diversimode reddunt. 1. Quia declinavit, divertit via coram me; id est, via tua declinat a recto in conspectu meo; quasi dicat:

Bib. Sac. Tom. III.

Alium tuae huius professionis finem tibi proposuisti a meo: viam enim pro intuitu accipit, ut Iudicum iv. vers. 9. Psal. i. vers. 1. & alibi saepe. Vel via haec, seu iter quod arripuisti, declinat, alienum est a mea voluntate & mandato. 2. Quia decurrit, dilapsa fuit via adversum me; id est, curris viam contra me. 3. Quia frustra properat via tua coram me. 4. Quia aberravit via tua coram me. 5. Quia vane laboravit, frustra contendit; vel irritavit, irrita fuit via ante me, erga me. Quidam exponunt: Declinavit cor tuum a via recte me spectante: nam adductus avaritia & promissis regalibus, egressus es cum illis.

V. 33. ET NISI ASINA DECLINAVISSET DE VIA, &c. Versum hunc nos ex verbo reddidimus (Et vidit me asina, & declinavit faciebus meis isto tribus repedationibus: si forsitan declinavit de faciebus meis, quia nunc etiam te interfeci, & eam vivificavi.) Et verba illa, Forte declinavit de faciebus meis, &c. hunc habent sensum: Plane nisi asina divertisset de via, sed tu perseverasses eam versus me adigere, te interfecissem, illa servata. Quidam reddunt: Fortasse divertit a conspectu meo, quia iam etiam te occidissem, & illam vivam conservassem. Alii: Quae si non declinasset coram me, te interfecto, illam incolorem servassem. Inepte hinc quidam colligunt, asinam mortuam fuisse postquam locuta est. Recte notant, Fortasse vocem esse non dubitantis quidem, sed dubitationem eximentis per rei dubiae confirmationem & asservationem: vide Iosue xiv. vers. 12. Et aliqui satis constat בְּיָמַי ulai, forte, non esse dubitantis particulam, sed assermantis, & certo aliquid constituentis, ut etiam Actor. viiii. vers. 22.

V. 34. NESCIENS QUOD TU STARES. Notant quidam mentiri hic pseudo-prophetam ad exculpationem sui: nam interdictum Dei primo acceperat supra vers. 12. sed prae avaritia obstitit ulterius interdicto Dei, quia hoc ex animi sui sententia mutari cupiebat. Sed simplicius fuerit intelligere, Bilhamum vere asserere se ignorasse praesentiam Angeli, qui in via ei obstitit, quia ipsum nondum viderat.

V. 36. IN OPPIDO MOABITARUM. Hebr. ad urbem Moab. Quidam hic Moab provinciae nomen, non singularis alicuius

Z urbis

urbis accipiunt; unde exponunt *ad urbem* quamdam regionis *Moab*. Aliqui eam esse volunt quæ supra cap. *xxi*. vers. 15. dicta est *Ar*, eratque in finibus Moabitarum, ut ibidem dicitur, & hoc versu confirmatur. Hanc eandem putant quæ infra vers. 39. vocatur *Civitas Chutsoth*, ut ibidem videbimus. Alii potius hic intelligunt peculiarem urbem regni Moabitarum, quæ proprio nomine dicta sit *Moab*, seu *Rabath Moab*, metropolis regni Moabiticæ, a Græcis *Areopolis* dicta, non procul ab *Arnon*, de qua diximus cap. *xxi*. vers. 11. & hoc rectius existimamus, *Balakum* excepisse *Bilhamum* in primaria & regia urbe regionis, quæ & ipsa tunc terminus regni erat post bella *Schonis Amorrhæi*, uti videre est cap. *xxi*. vers. 26. & seqq.

QUOD SITUM EST IN EXTREMIS FINIBUS ARNON. Hebr. *Quæ* urbs est *super*, iuxta, ad, terminum *Arnon*. *Quæ*, scilicet *Arnon* est, vel quæ: urbs. *Moab* est, in extremitate termini *Moabitarum*: ut ad extremos usque regni terminos processerit *Balak* excepturus *Bilhamum*. Sed verius puto *Balakum* tunc in regia urbe *Areopoli* habitasse, & ibi excepisse *Bilhamum*, ut dudum dicebam.

V. 38. NUMQUID LOQUI POTERO ALIUD? Hebr. *Num posse, vel possedo*, si Latinitas permetteret, *potero loqui quidquam?* quasi dicat: Numquid, etiam si coner totis viribus meis, potero ullo pacto aliquid pro voto tuo, aut meo?

V. 39. PERREXERUNT ERGO SIMUL, ET VENERUNT IN URBEM, QUÆ IN EXTREMIS REGNI EIVS FINIBUS ERAT. Hebr. in civitatem *Chutsoth*. Quidam hanc urbem eandem esse illam putant quæ supra vers. 36. dicitur *urbs Moab*, & *Ar* esse volunt, cuius cap. *xxi*. vers. 15. & 28. facta est mentio: quæ hic dicta sit *urbs Chutsoth*; non *platearum*, ut quidam existimant, sed *divisionum* & *separationum*, seu *dimidiationum*, a *חצה* *ebatzah*, quia fines *Moabitarum* ab exterorum finibus dispelcuit, & quasi dimidiavit. Hispanice, *Partia terminos*, prout optime vetus noster *Interpres* observavit, qui vertit: *Quæ in extremis regni eius finibus erat*: quomobrem proxime Hebræum sermonem, *urbem finibus adiacentem*, id est *limitaneam*, se apte exposuisse arbitrantur. At si *Balak*, ut illi volunt, *Bala-*

amum excepit in urbe *Ar*, regnieius *limitanea*, supra vers. 36. quo modo hic post exceptum *Balaamum* dicuntur ii duo ambulasse, & venisse in urbem *Ar*: nisi forte illud vers. 36. *Ad urbem Moab*, ita capiamus, ut extra urbem progressus *Balak* excepturus *Balaamum*, deinde uterque in urbem redierint. Sed illa maior difficultas, si *Ar* tunc iam non erat in ditione *Moabitæ*, sed prius capta a *Schone Amorrhæo*, cesserat iam ante adventum *Balaami* ipsis *Israelitis*, uti late vidimus cap. *xxi*. vers. 25. 28. quomodo potuit *Balak* recipere *Balaamum* in *Ar*, aut eum cum *Balaamo* pergere, & ibi macrare? Alii *חוצות* *chutsoth* hic pro appellativo capiunt, redduntque, *Civitatem platearum*, vel vicorum, seu *villarum*: intelliguntque urbem populosissimam, cuius vici scilicet, & plateæ viris, mulieribus, ac pueris essent repletæ, ut ostensione tantæ multitudinis *Balak* *Balaamum* ad commiserationem inflecteret, quæ aliqui tota peritura esset *Israelitarum* gladio, nisi *Balaamum* *Israeliticum* exercitum diris desigeret. Nonnulli reddunt: *civitate foranearum, externarum*, quod multas foras & extra ipsam villas circumpositas haberet.

V. 41. BAAL. *באל* *baghal* Hebræis est: dominus, verus, patronus, potens, possessor, vir, maritus, & universe omnis qui in rem aliquam seu personam dominum, ius, & potestatem habet. Quidam notant: Gentiles hoc nomine generaliter deos suos honoris causa nuncupasse. Alii observant, verbum *באל* *baghal* generali significatione notare ardore & conatu summo vehi super re aliqua, ea ut potiare: unde frequenter dici de viro erga mulierem, tuncque esse ambire, adamare, amore flagrare, deperire, maritare, concumbere, potiri: interdum etiam usurpari de potestate qua quis alium sibi plene subiicit. Inde gentes deos suos *Baalim* appellasse, quod eos ardentius colerent ac deperirent; & dii ipsi in cultores suos omnem potestatem exercerent, sibi que omnino subiectos haberent: siue quod existimarentur potestatem & dominium in omnia exercere. Phœnices quidem deum suum *Baal* vocasse constat, unde & Pœni sæpe eo nomina sua terminavere, ut *Hannibaal*, *Hadrubaal*, &c. voluntque eundem esse quem *Ba-bylonii* *Bel* vocarunt, & Græci, Latini-

inique Belum . Virgilius AENEIDOS I. de Didone:

Implevitque mero pateram , quam Belus, & omnes

A Belo soliti.....

ubi Servius: Belus primus rex Assyriorum, quos constat Saturnum, quem eundem & solem dicunt, lunonemque coluisse: quæ numina apud Afros etiam postea culta sunt: unde & lingua Punica Belus dicitur. Apud Assyrios autem Bel dicitur quadam sacrorum ratione, & Saturnus, & Sol. Claudianus, I. Panegyrico in Stiliconem:

..... Secretaque Belis,

Et vaga testatur volentem sidera Mithram.

S. Hieronymus in xxiii. Iezechiel. Idolum autem Baal, sive Bel, & ut apertius dicam, Belis, Assyriorum religio est, consecrata a Nino Belis filio in honorem patris: & in Olee 1. Primum omni Asia regnasse Ninum Belis filium, omnes Græci, & Barbares narrant historia: qui in tantam pervenit gloriam, ut patrem suum Belum referret in deum; qui Hebraice dicitur Bel, & in multis prophetis, maximeque in Daniele, & iuxta Theodotionem fuit idolo Babylonis hoc appellatur nomine. Hunc Sidonii & Phœnicæ appellant Baal: eadem enim inter Beth, & Lamed litteras consonantes, Ghain vocalis littera ponitur, quæ iuxta linguæ illius proprietatem nunc Beel, nunc Baal legitur. Unde & Dido Sidonia regii generis, cum Aeneam suscepisset hospitio, hac patera Iovi vina delibabat, quæ Belus, & omnes a Belo soliti. Scaliger Lib. III. Isagogicorum Canonum pag. 313. Belum Assyriorum a Belo Phœnicum distinguit; sed passim alii eundem faciunt. Vide Isaia XLVI. vers. 1. & eundem Scaligerum VI. de Emendationibus temporum pag. 342. Aliqui בל baghal in Scriptura generale falorum deorum nomen accipiunt, quasi dominum, herum, patronum dicas. Alii singularis cuiusdam dei, qui vel Saturnus, vel Iupiter fuerit.

M E N O C H I I.

Vers. 2. **I**N CAMPESTRIBUS MOAB: quæ olim fuerant Moab, iam autem erant Sehon, & eo occiso, filiorum Israel: vel quæ coniuncta erant Moab, quod innunt LXX. qui vertunt: Ad Occidentem Moab.

V. 3. BALAC, Rex Moab, ut habetur num. 4.

V. 3. QUOD PERTIMUISSENT EUM, Israellem scilicet.

V. 4. MAIORES NATU MADIAN, ad Madianitas conterminos, & confederatos.

V. 5. ARIOLUM, non Dei prophetam, sed dæmonis auxilio se pro propheta venditantem. Patet ex voce Ariolus, quæ magum significat, & quia auguria vana captavit cap. xxiv. 1. & maledicere conatus est Israeli, & Baal aras extruxit hoc cap. nu. 41. & xxiii. 1. SUPER FLUMEN, iuxta flumen, Euphratem scilicet. FILIORUM AMMON: nam Euphrates Ammonitis præterlabitur. SEDENS CONTRA ME; quasi dicat: Castra contra me posuit Israel, mihi, & regno meo imminens.

V. 6. ET MALEDICTUS IN QUEM MALEDICTA CONCESSERIS. Nocent enim magi, & sagæ suis incantationibus per dæmonem, per quem etiam remotis rebus nocentibus quas applicarant, sanitati restitunt.

V. 7. PRETIUM, quod darent prodinatione.

V. 8. MANETE HIC NOCTE. Volebat enim hoc tempore de more suo dæmonem consulere. VENIT DEUS, Angelus Dei personam gerens.

V. 12. POPOLO, Hebræis. BENEDICTUS EST: illi benedixi, & deinceps benedicam & beneficiam.

V. 18. NON POTERO IMMUTARE VERBUM DOMINI. Timebat enim Dei iram, & vindictam.

V. 22. IRATUS EST DEUS: quia contra factum illi præceptum, ea mente ibat ut Israeli malediceret, quod num. 32. ex verbis Angeli constat, qui ei dixit: Ego veni ut adversarer tibi, quia perversa est via tua, mihiq; contraria.

V. 27. CONCIDIT, conslernata metu, & quia non videbat transitum, aut effugium, & Angelus gladium intentabat.

V. 28. APERUIT DOMINUS OS ASTINAE. Movit Angelus linguam asinae ut loqueretur, sicut dæmon moverat os serpentis colloquentis cum Eva in paradiso. Usus est Deus voce asinae; tum quia congrua bruta mens per brutum docetur; tum, ut ait Nyssenus Lib. de Vita

Mosis sub finem, ut erudiretur, & castigaretur vanitas auguris Balaam, qui rudium asinæ, & garritum avium, quasi omnia quæ futura præ significarent, observare solebat.

V. 29. *UTINAM HABEREM GLADIUM*, &c. In hoc colloquio Balaam cum asina furor eius, & cæcitas eminet, qui nec bruto loquente expavit, nec causam miraculi, & significationem investigavit.

V. 32. *PERVERSA EST VIA TUA*, ob perverfam intentionem qua ad Balac proficisceris.

V. 33. *ET ILLA VIVERET*: non quod mortua esset, sed quod ita male esset habita ut vivere non posset.

V. 40. *CUMQUE OCCIDISSET BALAC BOVES ET OVES*, &c. Instituit Balac ob lætum adventum Balaam, festa, sacrificia, & convivia, indeque munera, & partes misit Balaam, suisque principibus, qui illum comitati fuerant.

V. 41. *AD EXCELSA BAAL*, ad loca edita, in quibus sacellum, aut templum erat Baal dicatum. Fuit hic mons Abirim, qui dividebat Moabitis a regno Sehon, & Og: iuxta hunc montem in campis erant castra Israelitarum.

T I R I N I.

Vers. 5. **A**RIOLUM. In Hebræo *Pethora* intelligunt LXX. Pagninus, Oleaster, Caietanus, Vatablus, Sa, Mariana, & Tigurina nomen proprium loci, nempe *Mesopotamiam Syriæ*, ut Deut. xxiii. vers. 4. expresse etiam Noster dicit, cum de hoc eodem Balaam agit. Quia tamen idem nomen appellative significat *ariolum*, *coniectorem*, vel *sonnitorum interpretem*; & constabat ex historia progressu hunc Balaam talem esse: maluit Noster appellative potius, quam proprie nomen illud usurpare.

Petes qualis ariolus, seu divinator fuerit hic Balaam. Basilus, Chrysostomus, Origenes & Augustinus a; item Procopius, Lyranus, Abulenſis, Paulus Burgenſis dicunt magum fuisse, & cum dæmone consortium habuisse. Malim tamen cum Iosepho b, Eugubino, Caietano, Oleastro, & aliis dicere, fuisse verum prophetam, uti fuerunt Sybillæ: nam veri Dei nomen

ubique inculcat, & cap. xxiv. vers. 13. vocat eum *Deum suum*. Concedo tamen hominem impium fuisse, qui pecuniæ cupiditate nihil non faceret, nihil non suaderet, etiam contra Deum, & conscientiam; quique in consulendo Deo impiis quoque & superstitionis ritibus subinde uteretur, ut patet ex initio cap. xxiv.

V. 22. *IRATUS EST DEUS*. Quomodo irascitur eunti, cum veniam eundi concefferit? Respondeo: Non concefferat alia lege quam ut nihil faceret nisi quod præcepturus esset Deus, ut expresse addiderat; sed Balaam inter eundem avaritiæ victus statuebat animo, si quo modo posset, maledicere Hebræis, quod erat contra voluntatem & præceptum Dei: unde vers. 32. ait Angelus: *Perversa est via tua, mihiq; contraria*.

V. 28. *LOCUTA EST ASINA*, Angelo linguam eius movente, & per eam voces articulatas efformante, sicut dæmon movit os serpentis ut loqueretur Eva, aerem vicinum quo ad opus collidendo, & sic supplendo quod organis bestię deerat. Ita Abulenſis & alii. Non ergo loquebatur asina, nisi admodum improprie; maxime cum nec vitalis esset illa actio (nam non fiebat vi animæ, sed a movente extrinseco) neque ullo prævio conceptu, aut intellectu verba proferrentur. Procopius, & quidam alii apud Theodoretum dicunt, Angelum hunc fuisse Michaellem Hebræorum tutelarem, atque unum eundemque fuisse qui domi Balaam vice Dei concefferat ut iret ad Balac; eundem qui armatus restitit eidem in via; eundem qui eodem tempore per asinæ locutus est; eundem denique qui in Moabitis per os Balaam prophetavit.

Tropologice S. Gregorius c, Asina, id est caro flagellata, sæpe Balaamo, id est menti, D. um ostendit. Et apte brutamens, per brutum edocetur: II. Petri ii. 16.

(a) Basil. epist. lxxx. Chrysost. homil. xxv. in Gen. Orig. hom. xiii. in Num. August. ser. ciii. de Temp.

(b) Iosephus Lib. IV. Antiq. cap. vi.

(c) Greg. III. P. Pastoralis admonit. xiii.

GORDONI.

Vers. 1. I Am vicini erant Hebræi Iordani, & Ierichonti: ubi post occisum Sehon regem Amorrhæorum, ea sunt facta in dominio Hebræorum, quæ Sehon habebat. Pugnandum proxime contra Balac, & Madianitas.

V. 2. Iam in his campestribus non multum aberant a Iordane Hebræi. Hæc campestris Amorrhæus olim abstulit a Moabit, & proinde adhuc vocantur campestris Moabitarum, licet essent in ditioe Amorrhæi Regis.

V. 4. DIXIT AD MAIORES NATU MADIAN, &c. Loquitur Balac rex Moabitarum. Ceterum Madian hic non est illa remotior versus Mare rubrum, & montem Sinai, ubi Moses pascebat greges lethro fuceri; quæ vero hic denotatur, est remotior a Mari rubro, vicina Moabit. Hos ergo viciniore Madianitas adhibet in consilium Balac Moabitarum rex, ut statuat de bello.

V. 5. Balaam iste Mesopotamius est, & propheta, non Dei, sed diaboli: quod satis docet nomen *Ariolus*. פתור *pethora* etiam loci nomen designat in Syria. Heb.

פתור *pehor*, utrumque significat. Vulgatus *Ariolus* vertit. Fuit impius porro, quia volebat maledicere Israeli, ac demum captabat auguria, cap. xxiv. *vers. 1.* Timebat tamen Deum, ex *vers. 18.* a quo etiam aliqua ei revelata videntur, in hoc præsertim negotio. Flumen, de quo hic, Euphrates videtur.

V. 7. PRETIUM, scilicet quod pro divinatione darent.

V. 9. VENIT DEUS. Angelus est.

V. 27. & 28. Angelus sane movebat linguam asinæ, & reliqua quæ erant necessaria ad vocem formandam: ut de hippocentauro, ex S. Hieronymo in vita S. Pauli Eremitæ; item in loquente serpente, Gen. iii. *vers. 1.* Sciunt vero Theologi, qualis sit hæc locutio: nam veralocutio est exprellio conceptus mentalis; mente, & vero conceptu caret asina.

V. 32. PERVERSA EST VIA TUA: quia animo maledicendi progredieris: atque ita cogitur intentionem mutare.

V. 39. IN URBEM. Hebr. *Huzoth*: nomen proprium est urbis, in finibus regni.

V. 41. AD EXCELSA. Hebr. *In bamoth Bahal*: *ad exaltare*, וי *vidit*; ראה *rad*: Vulgatus, *Intuitus est*.

CAPUT XXIII.

Balaam loco maledictionis benedixit semel ac iterum populo Israel, multa de illo vaticinatus.

1. **D**ixitque Balaam ad Balac: Aedifica mihi hic septem aras, & para totidem vitulos, eiusdemque numeri arietes. 2. Cumque fecisset iuxta sermonem Balaam, imposuerunt simul vitulum & arietem super aram. 3. Dixitque Balaam ad Balac: Sta paulisper iuxta holocaustum tuum, donec vadam, si forte occurrat mihi Dominus, & quodcumque imperaverit, loquar tibi. 4. Cumque abiisset velociter, occurrit illi Deus. Locutusque ad eum Balaam: Septem, inquit, aras exeri, & imposui vitulum & arietem desuper. 5. Dominus autem posuit verbum in ore eius, & ait: Revertere ad Balac, & hæc loqueris. 6. Reversus invenit stantem Balac iuxta holocaustum suum, & omnes principes Moabitarum: 7. assumptaque parabola sua, dixit: De Aram adduxit me Balac rex Moabitarum, de montibus Orientis: Veni, inquit, & maledixi Iacob: propterea, & destitit Israel. 8. Quo modo maledicam,

dicam, cui non maledixit Deus? Quare ratione detester, quem Dominus non detestatur? 9. De summis filiciis videbo eum, & de collibus considerabo illum. Populus solus habitabit, & inter gentes non reputabitur. 10. Quis dinumerare possit pulverem Iacob, & nosse numerum stirpis Israel? Moriatnr anima mea morte iustorum, & fiant novissima mea horum similia. 11. Dixitque Balac ad Balaam: Quid est hoc quod agis? Ut malediceres inimicis meis vocavi te: & tu e contrario benedicis eis. 12. Cui ille respondit: Num aliud possum loqui, nisi quod iusserit Dominus? 13. Dixit ergo Balac: Veni mecum in alterum locum unde partem Israel videas, & totum videre non possis, inde maledicito ei. 14. Cumque duxisset eum in locum sublimem, super verticem montis Phasga, edificavit Balaam septem aras, & * impositis supra vitulo atque ariete, 15. dixit ad Balac: Sta hic iuxta holocaustum tuum, donec ego obviu pergam. 16. Cui cum Dominus occurrisset, posuissetque verbum in ore eius, ait: Revertere ad Balac, & hæc loqueris ei. 17. Reversus invenit eum stantem iuxta holocaustum suum, & principes Moabitarum cum eo. Ad quem Balac: Quid, inquit, locutus est Dominus? 18. At ille assumpta parabola sua, ait: Sta Balac & ausculta, audi fili Sefhor: 19. Non est Deus quasi homo, ut mentiatnr: nec ut filius hominis, ut mutetur. Dixit ergo, & non faciet? locutus est, & non implebit? 20. Ad benedicendum adductus sum, benedictionem prohibere non valeo. 21. Non est idolum in Iacob, nec videtur simulacrum in Israel. Dominus Deus eius cum eo est, & clangor victoriae regis in illo. 22. (a) Deus eduxit illum de Aegypto, cuius fortitudo similis est rhinocerotis. 23. Non est augurium in Iacob, nec divinatio in Israel. Temporibus suis dicitur Iacob & Israel quid operatus sit Deus. 24. Ecce populus ut leona confurget, & quasi leo erigetur: non accubabit donec devoret prædam, & occisorum sanguinem bibat. 25. Dixitque Balac ad Balaam: Nec maledicas ei, nec benedicas. 26. Et ille ait: Nonne dixi tibi, quod quidquid mihi Deus imperaret, hoc facerem? 27. Et ait Balac ad eum: Veni, & ducam te ad alium locum: si forte placeat Deo ut inde maledicas eis. 28. Cumque duxisset eum super verticem montis Phogor, qui respicit solitudinem, 29. dixit ei Balaam: Aedifica mihi hic septem aras, & para totidem vitulos, eiusdemque numeri arietes. 30. Fecit Balac ut Balaam dixerat: imposuitque vitulos & arietes per singulas aras.

(a) Infra xxiv. 8.

B R U G E N S I S

ROMANA CORRECTIO.

V. 14. *Impositis supra vitulo atque ariete.*

Alii legunt numero plurali *vitulis atque arietibus*, eodem sensu.

C O M M E N T A R I A.

S A,

Vers. 2: **S**IMUL, id est Balac & Balaam, ut patet ex Hebr. & Chald.

V. 3. IMPERAVERIT. Hebr. Chald. & LXX. *ostenderit*, seu *indicaverit*.

V. 4. VELOCITER. Heb. & Chald. *solum*, LXX. *recta*: alii, *in locum editorem*: alii, *sublatu*, scilicet se inde velociter submovens.

V. 7.

V. 7. PARABOLA, id est prophetia: sunt enim in Prophetiis parabola: sic inf. ARAM, id est Syria. LXX. *Mesopotamia*.

V. 8. QUO MODO. Hebr. Chald. & LXX. quid, id est cur.

V. 9. SOLUS, scilicet a gentibus segregatus ob religionem. REPUTABITUR, id est connumerabitur, seu miscbitur.

V. 10. PULVEREM. Chald. *Parvulus domus Jacob, de quibus dictum est, quod multiplicabuntur sicut pulvis terre*. ANIMA, id est vita; vel quasi dicat, Moriar ego.

V. 12. IUSSERIT. Hebr. Chald. & LXX. *Posuerit in ore meo*.

V. 13. LOCUM SUBLIMEM. Hebr. *agrum speculatorum*: LXX. *speculam agri*: Chal. *agrum specule*.

V. 15. EGO OBVIUS PERGAM, scilicet Deo. LXX. *Ego autem ibo interrogare Deum*.

V. 19. MUTETUR. Hebr. *Poeniteat*.

V. 21. IDOLUM, &c. Hebr. pro idolo, & simulacro, habent iniquitatem, & laborem, seu praevaricationem: LXX. *laborem, & dolorem*: Chald. *idolum, & falsitatem*. CLANGOR VICTORIAE. Chal. *maiestas*: LXX. *gloria*: alii, *triumphus*, vel *amicitia*.

V. 23. IACOB ET ISRAEL: pro, de Iacob & Israel.

V. 24. LEAENA: sic Chaldaice; at Hebr. *leo grandis natu*; LXX. *catulus leonis*.

E S T I I.

Vers. 1. **D**IXITQUE BALAAC AD BALAC: AEDIFICA MIHI HIC SEPTEM ARAS, ET PAR TOTIDEM VITULOS, &c. Non hoc iussit Balaam ex praecepto divino: nondum enim consuluerat Dominum: nam arisestructis, demum vadit ad consulendum, uti liquet ex verbis sequentibus. Sed praecipit hoc superstitione, ut rex a diis suis per sacrificia impetrare videatur oraculum, sibi quoque regno faustum, maledictione in hostes conversa. Nec enim verisimile est regem aras, & sacrificia parasse vero Deo, quem non colebat, sed deo Beel-phegor, ad cuius sacrificia legitimus infra cap. xxv. adductos fuisse filios Israel a filiabus Moab.

V. 7. DE ARAM ADDUXIT ME BALAC REX MOABITARUM, DE MON-

TIBUS ORIENTIS. Pro *Aram* Septuaginta vertunt *Mesopotamia*; ut & nos habemus Deut. xxiii. 4. his verbis: *Conduxerunt contra te Balaam filium Beor de Mesopotamia Syria: ubi & Hebraice est, De Petber Aram duorum fluviorum: nempe Mesopotamia duobus fluminibus est inclusa*. Vide etiam Genes. viii.

V. 20. AD BENEDICENDUM ADDUCTUS SUM, BENEDICTIONEM PROHIBERE NON VALEO. Si quaeras, utrum populo Israelitico profuerit huius Prophetae malis, ac malevoli benedictio: Respondeo, sine dubio profuisse. Deus enim per illum populo benedixit, ut habetur Iosue ult. ubi & effectus benedictionis subiungitur: *Et liberavi vos de manu eius, &c.* Ex quo ostenditur, benedictiones malorum sacerdotum, sive in sacramentis Ecclesiae, sive quascumque alias vice Dei prolatas super fideles, haudquaquam inanes esse, Deo scilicet, etiam per malos, suae divinae benedictionis effectum exhibente.

V. 21. NON EST IDOLUM IN IACOB, NEC VIDETUR SIMULACRUM IN ISRAEL. Simile est illud Deuter. xxxii. 12. in Cantico Moysi: *Dominus solus dux eius fuit. &c. non erat cum eo Deus alienus*. Sed quomodo his non sit contrarium quod dicitur Iosue xxiv. *Auferite Deos alienos*, itemque quod exprobat Iudaeis Stephanus Actor. cap. vii. vide eorum locorum Annotationes.

M A R I A N A E.

Vers. 2. **V**ITULUM ET ARIETEM SUPER ARAM, id est super singulas aras: alioqui quorsum septem arae, & totidem victimae? Sic Hieronymus vers. 14. pro iisdem verbis Hebraicis dixit: *Impositis supra vitulo atque ariete*. Apertius etiam vers. 30.

V. 4. CUMQUE ABISSET VELOCITER. Hebr. *והפסי*; Chald. *abiit solus*; alii *excessus*, hoc est confidenter, sive in locum excelsum: alii *confractus*, scilicet mente. Radix *והפסי* varias habet significationes: ea occasio variae interpretationis.

V. 7. ASSUMPTAQUE PARABOLA SUA. Hebr. *Assumpsit parabola*, scilicet hoc canticum: id hoc loco vocat *Parabola*.

Iam. DE ARAM ADDUXIT ME BALAC. Sept. de Mesopotamia. Et Aram Syria est; sed cum multiplex sit Syria, videtur intelligere de ea quam alluit Euphrates, & Aram nabarim, id est fluviorum, vocatur. Consentit Ioseph. Antiq. Lib. IV. cap. vi. ex Mesopotamia venisse Balaam, sed cap. XIII. vers. 8. inter Madianitas occiditur.

V. 10. ET NOSSE NUMERUM STRIPIS ISRAEL quis possit? Hebr. Et numerare quartam partem Israel quis possit? Hieronymus sententiam reddidit. Sed adverte in Hebræo esse numerum pro numerare, ut notat Hebræus: idque ex ratione grammaticæ colligi, quia scilicet sequitur particula *nm* quæ non ponitur post nomen. Pagn. vertit: *Quis numerabit pulverem Iacob, & numerabit quartam partem Israel?*

V. 14. IN LOCUM SUBLIMEM, SUPER VERTICEM MONTIS PHASGA. Chald. in agrum specula, sive speculatorum, in verticem collis: ita Phasga non sumit ut nomen proprium, sed in significatione collis.

V. 18. AUDI FILI SEPHOR. Hebr. Audi verba mea, vel ad me, fili Sephor, scilicet Balac: *וְיָ בַדַּאי* enim non uno modo Hebræi interpretantur.

V. 20. AD BENEDICENDUM ADDUCTUS SUM. Hebr. Ecce benedicere accepi (scilicet Deus id iussit) & benedixi, & non mutabo illud.

V. 21. NON EST IDOLUM IN IACOB. Pro idolo & simulacro, in Hebræo iniquitas & labor; sed utraque vox pro idolo sumitur aliis etiam locis. CLANGOR VICTORIÆ REGIS. Vox victoriæ Hebr. non est. Et quidem pro *therubab*, id est clangore, vertunt habitatio Regis in ea; id est, in ea gente Reges erunt.

V. 23. TEMPORIBUS SUIS. Hebr. secundum tempus; quasi dicat: Non est quod Israel de futuro eventu divinet: Deus illi suo tempore indicabit omnia.

V. 24. UT LEAENA CONSURGET. Dux voces sunt hic in Hebræo, *lavi* & *& ari*: pro priori Hieronymus vertit *leoneam*. Hebræi volunt priori significari *leonem* maiorem, posteriori *catulum leonis*.

V. 28. QUI RESPICIT SOLITUDINEM. Qui respicit ad *tesmon*: sic Chalæus accepit; sed *tesmon*, solitudinem etiam significat. Et adverte, in Hebr. pro *respicit*, legi passivè *respicitur*, quia locus

excelsus a cunctis videtur: fortassis melius verteretur, *Qui Phogor imminet solitudini*; sed sententia non variat.

M A L V E N D A E.

Vers. 2. SUPER ARAM. Hebr. in ara, seu altari, id est in unoquoque altari: nimirum per singulas aras immolaverunt singulos iuvenco, & singulos arietes. Sic vers. 4. & 14. & 30.

V. 3. DONEC VADAM, scilicet capturus, seu ad captandum incantationes, ut cap. XXIV. vers. 1. explicatur.

V. 4. VELOCITER. *וְשִׁיעָפִי* varie interpretantur. I. *fractus*, id est tracto animo, hoc est anceps, attonitus, extra se positus, & desperans de successu. II. *celsus*, id est elato in cælum vultu, quasi sperans inde oraculum. III. *solus*, solitarius. IV. *leniter*, leviter incedens, quasi aliquid perquisiturus, & magice susurrans. V. *in altitudinem*, in altum, in excelsum, in eminentiam, in excelsum locum, in clivum. VI. *in precipitantia*, seu precipitanter. VII. *in precipitium*, id est in locum eminentiorem, & sublimiorem, ideoque aptiorem contemplationi. VIII. *mœrens*, tristis, contritus. IX. *sublatus*, elatus.

V. 7. PARABOLA SUA. *וְשִׁיעָפִי* *masebat* aiunt esse *gnomen*, sententiam, dictum, dixerium, adagium, proverbium, apophthegma, axioma, dignitatem, metaphoram, simile, comparisonem, figuratam orationem, scite dictum, aliquam egregiam & prepolentem sententiam seu doctrinam continens, quæ in sermone dominatur, & præcellit, & veluti sol in cælo, sic illa in oratione dominatur, & potestatem suam habet, eamque illustrat, sententiam scite graviterque dictam, & paucis concinnatam, quocumque nomine appellaveris: licebit enim vertere utcumque res postulaverit, de qua dicitur. Atqui ex Scripturæ locis, ubi hæc vox ponitur, perspicuum fieri, eam non proprie significare comparisonem, seu similitudinem, sed sententiam sive parabolam, seu figuratam sermonis, quæ dominium, potestatem, & auctoritatem obtinet, & vulgus seu attonitum & captivum detinet, ut quæ energiam, emphasis, vel metaphoram admixtam habet, & eget interpretatione. Hincque intelligi, vocem *Parabolæ* hinc inde passim in Evangelio

gelio, quod non semper de comparationibus, seu similitudinibus sit intelligenda, sed de figurato sermonis genere, a rebus sæpe publicis, & publice notis ac vulgaris transumpto, quod expositione opus habet, & homines vulgares latet: ut de parabolis quas Christus proposuit Matth. xiii. Marci iv. Ioan. x. & xvi. & Matthæi v. vi. & vii. de quibus, ut Matthæus testatur, turbæ obstupuerunt, dixeruntque quod docuerit velut habens auctoritatem, non sicut scribæ, &c. Vide supra cap. xxi. vers. 27. Solebant Orientales eiusmodi figuratis locutionibus sermones suos condire. Hic quidam, *Sermonem sententiosum, ænigmaticum, & propheticum* interpretantur, atque carmine hoc propheticum Balaam proverbium concepsum fuisse autumant. DE ARAM, id est de Syria, seu Mesopotamia Syriæ parte, Deuteronomii xxiii. vers. 4. Vide Genes. x. vers. 22. Quidam Balaamum non Syrum aut Mesopotamensem, sed Madianitam fuisse, quibusdam coniecturis augurati sunt; ea præsertim, quod digressus a Balak in locum suum, cap. xxiv. vers. 25. inter Madianitas interiectus fuerit, infra cap. xxxi. vers. 8. Nec eos mover, quod hic Balaamus se Aramæum ipse vocet, atque a montibus Orientis accitum; nam, ut solet hoc hominum genus, quo imperitiæ multitudini imponat facilius, iactare se magnificentissime, credi potest, eum se Chaldaum prædicasse, quia huius gentis divinitio semper apud omnes fuit celeberrima: aut voci Aram subici loca omnia usque ad Mare rubrum. Frequentior opinio est, Balaamum fuisse Syrum Mesopotamensem, quæ firmatur hoc loco & Deuter. xxiii. 4. Nos secuti vulgatum Interpretem, Ammonitam potius existimavimus, supra cap. xxi. vers. 5. ADDUXIT ME. H. br. *Sensum, placide, & cum pompa deducet me*: utitur futuro ad insinuandum, ut quidam notant, iteratam & perseverantem Balaki vocationem, qua Balaamum exciverat, nam & geminaverat nuntios, & eum cum pompa & concitatu procerum deduxerat. DE MONTIBUS ORIENTIS. Nonnulli hic capiunt montana Chaldaæ, quæ Euphratem excipiunt, & ab Arabia deserta Chaldaeam dirimunt: hos enim hic dici *montes Orientis*, ut Genes. x. vers. 30. Alii *montes Orientis*,

Bib. Sac. Tom. III.

tis intelligunt *filios Orientis*, qui Madianitis & Amalekitis, ut vicini & contermini annumerantur, Iudicum vi. vers. 33. de quibus vide Genes. xxv. 6. satis enim constat ex variis Scripturæ locis, posteros Abraham, Hagarenos, Ismaelitas, & Madianitas, &c. dictos *filios Orientis*. Alii: *De montibus anterioritatis*, seu *antiquitatis*, aut *prioritatis*, id est primis & vetustissimis. Non quod illi montes antiquiores aliis essent, sed quia eorum habitatio antiquior erat; fortasse illorum montium iugum erat, in quo primum habitavit Noe. Nec dubium esse volunt, Balaamum his verbis antiquitatem loci, & generis sui commendasse. ET DETESTARE ISRAEL. Verbum *וַיִּזְגַּח* in Kal, Noster reddere solet per *detestari, irasci, indignari*: alii, *spernere, contemnere, avversari cum indignatione & furore* exponunt: nonnulli, *minis, & diris, includere*. Quidam notant, proprie significare *turbationem, commotionem, æstum, & furem*: unde reddunt *furem trahere*.

V. 9. DE SUMMIS SILICIBUS VIDEBO EUM. Quidam hic futura in præterita convertunt: *Vidi eum, consideravi eum*; supra cap. xxi. vers. 41. CONSIDERABO ILLUM. *וַיִּשְׁחַר* quando refertur ad oculos, aiunt significare *extendere, intendere*, scilicet *aciem oculorum, dirigere aciem, procurrare ad observandum rem aliquam, aspicere, prospicere, observare*; recta intueri, recta contemplari, speculari cum observatione diligenti, & cum inquisitione quadam. SOLUS HABITABIT. *וַיִּבְרַח* *lebadad* proprie *solitudo*, ad, *insolitudinem, solitarie, seorsum*, id est tuto; ut qui securus est, & non timet solitudinem, nec multos necesse habet accerere quo in tuto sit: unde quidam vertunt *confidenter, secure*: sic Michæ vi. vers. 14. & Psalm. iv. vers. 10. Alii *solus, solitarius, singularis, seorsum*: nempe religione, legibus, moribus, institutis vitæ ab omnibus aliis populis separatos Deo. NON REPUTABITUR. Hebr. diverse exprimunt: *Non supputabitur, non aestimabitur, non recensabitur, non excogitabitur, non reputabitur sese*; id est, non mutabit religionem; vel fide, ritibus, legibus, & institutis, aliis gentibus non miscbitur, aut communicabit. Quidam reddunt: *Et aliis gentibus seipsum non annumerat.*

Aa

V. 10.

V. 10. ET NOSSE NUMERUM STIRPIS ISRAEL? Hebr. *Et numerum, quartarium, quartam partem, quartum Israelis*. Quidam reddunt: *Et numerum quartarii Israelis*, id est quartæ partis Israelis. Alii: *Et quis numerum? quis quartam partem Israelis?* Nonnulli exponunt: Quis unam ex quatuor legionibus quas video, numerare possit? Erat enim exercitus Israel in quatuor plagas distributus circum tabernaculum. MORTE IUSTORUM. Hebr. *morte rectorum*. *ישׁר* iaschar notant esse rectum, æquum, planum, qui neque ad dexteram declinat, neque ad sinistram; qui integri ac sinceri cum iudicii tum affectus est, & esse perseverat, quamcumque in partem oblata causa vel occasione; qui non flectitur aut corrumpitur ullis muneribus, sed citra personæ aut proprii commodi respectum recta via incedit, & recte iudicat; cuius cor non curvatur aut flectitur a recto, quique nullius aut timore aut favore aliquid facit contra æquum & rectum: nec favore, nec premiis, aut metu, seu minis poenarum flectitur; denique qui cum bene operatur, non suum inde honorem & commodum, ut hypocritæ, sed Dei gloriam, & proximi utilitatem querit. Sensum huius loci esse aiunt: Moriar ego ut isti morituri sunt, & finis meus sit sicut istius populi; quasi dicat ita mihi eveniat vitæ exitus, sicut & illis. Utinam post vitæ huius exitum felicitatem consequar his rectis repositam. Hispanice, *Mi alma con la suya*.

V. 11. ET TU E CONTRARIO BENEDICIS EIS. Hebr. *Et ecce benedixisti benedicendo*. Quidam: *Ecce autem indefinenter benedicis*. Alii: *Tu vero strenue fausta imprecaris*.

V. 12. NUM ALIUD POSSUM LOQUI, NISI QUOD IUSSERIT DOMINUS? Hebr. varie reddunt. I. *An non quidquid posuerit Iehova in os meum, ipsum conservabo ad loquendum?* II. *Nonne quod posuerit Iehova in ore meo, id studebo dicere?* III. *Nonne quod posuerit Dominus in ore meo, illud custodiam ad loquendum, sive ut loquar?* IV. *Nonne quod ponet Dominus in ore meo, id studiose conabor dicere?* quasi dicat, id solum possum dicere. V. *An non observare debeo, ut loquar istud quod Dominus ori meo indidit?* VI. *An non quod indidit Iehova ori meo, ipsum cum observantia eloquerer?*

V. 13. IN ALTERUM LOCUM UNDE PARTEM ISRAEL VIDEAS, ET TOTUM VIDERE NON POSSIS. Translatio nostra Hebraica verbatim expreßit. Alii: *Ad locum alium, quo videas cum inde: sed extremum eius videas, & totum ipsum non videas*. Nonnulli: *Ad alium quempiam locum, unde populum istum videre possis, vel partem dumtaxat, totum vero non videas*. Quidam vero contrario sensu futura mutant in præterita, vel præsentia, & sic locum interpretantur: *Veni, obsecro, mecum ad locum alium, unde videas illum, subaudi totum, vel universum: nam tantummodo extremum eius vidisti, & totum ipsum non vidisti*; quasi dicat, unde videas illum totum: nam antea vidisti tantum extremitatem eius, & totum illum non vidisti: supra cap. xxii. vers. 41. Aliter: *Veni, quæso, mecum ad locum alterum, ex quo videas eum, tantum extremitatem eius vides: eum vero totum non vides*. Abique hac interpretatione putant locum esse obscurissimum: & alioqui pugnare cum vers. 41. cap. xxii. ubi dicitur: *Et intuitus est extremam partem*. Sed facilis est conciliatio, mutato hic loco, aliam populi extremitatem visurum, ab illa quam supra viderat: nam in quadratis caltris quatuor agmina, & quatuor agminum seu legionum extremitates erant.

V. 14. IN LOCUM SUBLIMEM. Hebr. *על צופים* sedeb tzophim. Quidam nomen proprium loci esse volunt in vertice montis Phalga; alii agrum, campum, terram, regionem speculatorum interpretantur, quod ibi ut in loco sublimi ac præcelso positi essent speculatores: sicut in Hispanica Dianium promontorium dictum est, Straboni Lib. III. *Hæmeroscopion*, id est diurna specula. Eusebius, & S. Hieronymus in Locis Hebraicis pro loci nomine proprio capiunt, atque ita scribunt: *Agri specula mons est Moabitarius, in quem adduxit Balach filius Sephor, Balaam divinum ad maledicendum Israel super verticem, qui propter vehemens præruptum vocatur excisus*: & imminet Mari mortuo, baud procul ab Amone.

V. 18. STA BALAC. Hebr. *Surge Balak*. Quidam exponunt, honorem verbo Dei exhibiturus: surgentes enim & stantes honorem verbo Dei exhibebant. Vide quæ de eo ritu observavimus Gen. xlix. vers. 33.

V. 21. NON EST IDOLUM IN IACOB, NEC VIDETUR SIMULACRUM IN ISRAEL. Pro idolo & simulacro ponuntur duæ voces Hebraicæ, *אִדֹל* *aven*, & *בִּמְלֵךְ* *ghamal*. De *aven* differuimus Genes. xlix. vers. 3. est proprie concupiscentia, cupiditas, iniquitas, dolor, ærumna, afflictio, vis, iniuria, iniustitia, quæ ex fomite peccati nascitur. *Ghamal* est labor molestus propter peccatum originis, & maledictionem divinam: & utrumque passim usurpatur in Scriptura active & passive pro dolore & labore quo quis afficitur, seu alios afficit. Quando hæc duo nomina coniunguntur, ut hic, *Non apexit concupiscentiam, dolorem, in Jacob, neque vidit laborem in Israel*, notant peculiarem esse phrasim, quam ex hoc loco deinde omnes Prophætæ sumentes ad impietatem, id est impiam doctrinam & religionem, & cultus idololatriæ, propria cupiditate ac devotione, instinctu diaboli contra Dei voluntatem, & verbum Dei institutos transrulerunt; sicut Moses equidem fons est & origo omnium prophetarum. Ergo idola & falsos deorum cultus vocat hic *dolorem, & laborem*, eo quod qui idolis serviunt, multos habeant labores, multasque molestias, dolores, ærumnas; quodque misere tandem fallant, decipiant, & in summas afflictiones cultores suos conciant. Alii hic *aven* exponunt iniquitatem, pravitatem, scelus, peccatum: & Matthæi vii. vers. 23. dicitur *ἀνομία*, & Lucæ xiii. vers. 27. *ἀνομία*: *ghamal* vero interpretantur *prævaricationem, transgressionem, peruersitatem, improbitatem, miseriam*; ut sit fere idem cum *aven*, cum quo sæpissime iungitur: velutque Balaamus hic dicere, Deum gratis condonare iniquitates, pravitates, scelera, transgressiones Israelis, eiusque peccata dimittere. Hispanicus Interpres pro *ghamal* hic *rebellionem* vertit. Aliqui *opus*, seu *opificium*, id est idololatricum, seu simulacrum: quod Noster secutus est. ET CLANGOR VICTORIÆ REGIS IN ILLO. De voce *תְּרוּעָה* *terugbat* diximus Exodi xxxii. 17. Levitici xxxii. 34. Numer. x. 5. Hic varie exponunt. I. Et iubilatio regis in illo, id est iubilatio similis clangori regis victoris; quasi dicat: Experietur hic populus divinum præsidium in bellis, & vincet inimicos suos. II. Et iubilus regis in eo; id est,

præclara, principalis, & regia exultatio; magnifica læticia est in eo. III. Et triumphus regis est cum eo: ut complectatur nomine triumphi omnem apparatus regium. IV. Et clangor regis est in eo; id est, illis faret sua præsentia sanctificans eos, & verbo suo, quod in eis veluti buccina perfonat, regit eos. V. Et amicitia, societas regis, Dei, est in eo: est Deo carissimus, amicissimus, coniunctissimus: deducunt a *רָחֵב* *raghab*. VI. Et pastura regis in eo; id est nutre eum Deus pascit, alit, fovet, regit, ornat. VII. Quidam: *וְיָ* habitatio, sedes regis in illo: habitat, sedemque suam in eo Deus constituit. Sed est interpretatio aliena, & longe petita. VIII. *וְיָ* fragor, taratantara regis in eo: ut alludat ad clangorem & sonitum tubarum, quo in festis & in bellis Hebræi perfonabant, de quibus late supra cap. x. IX. Et vociferatio, ululatus regis in eo, id est lætus & hilaris populi clamor, quo illi animi sui lætitiæ subblata voce tumultuaria testantur; quasi dicat: Regius, splendidus, ac magnificus ululatus est in eo populo; fausta & hilaris acclamatio. Hic Regis nomen magnificentiam denotat.

V. 22. CUIUS FORTITUDO. Heb. plurale feminine *וְיָ* *yoghaphot*, exponunt fortitudines, robora, vires, elevationes, erectiones, altitudines; contraria significatione verbi *וְיָ* *yaghabh*, quod est lassari, defatigari; vel quod fortia & alta lassent, & defatigent. Quidam reddunt, inde fatigationes. RHINOCEROTIS. *דִּמְרָעֵם*, aiunt esse animal ferum, sævum, ac prævalidum; sic dictum: quod cornu in altum elevet & attollat. Noster hanc vocem interdum *monocerotem*, id est *unicornem*; interdum *rhinocerotem*, id est *naricornem*, reddere solet. Quidam putant, forsitan Hebræam vocem tam unicornem quam rhinocerotem complecti, etsi diversas species, ut vel ipsa nomina satis ostendunt. Tertullianus adversus Iudæos cap. x. S. Gregorius Lib. XXXI. in lob cap. x. S. Isidorus Lib. XII. Originum, cap. 11. & alii existimare videntur, rhinocerotem & monocerotem unum & idem animans esse: sed esse diversa, tam notum est, pervagatum, ut pigeat in eo ostendendo diutius immorari. Rhinoceros est qui cornu in nare habet, & alterum minus supra frontem: Monoceros qui unicum tantum

cornu in fronte gerit, ut & nomina ipsa utriusque animantis clare demonstrant. Rhinoceros sæpe visus in Hispaniis ex orientali India advectus, vulgo *Bada*. Et quia non est huius loci formam, naturam, & ingenium utriusque bestię latius describere, lectores ad auctores amandasse satis fuerit. De Rhinocero agunt Agatarchides Gnidius Lib. V. de Mari rubro, cap. xxxvi. Diodorus Siculus Lib. III. numero 117. Strabo Lib. XVI. pagin. 774. Plinius Lib. VIII. cap. xx. Aelianus Lib. XVIII. cap. xlv. Solinus cap. xxxiii. Martialis in Spectaculis, epigrammate 19. Pausanias in Bœoticiis numer. 297. Oppianus Lib. II. de Venatione, Dionysius Cassius Lib. LI. & innumeri recentiores. De Monocero vero, seu unicorni, Plinius Lib. VIII. cap. xxi. Solinus cap. lv. Aelianus Lib. XVI. cap. xx. Philostratus Lib. III. de Vita Apollonii, cap. 1. ex recentioribus Marcus Paulus Lib. III. regionum orientalium, cap. xv. Ludovicus Varthomannus Lib. I. suarum Navigationum, cap. xix. Iulius Scaliger exercitatione 205. adversus Cardanum, & in Commentariis ad Lib. II. cap. xviii. Aristotelis de Historia animalium, pag. 258. Paulus Iovius Lib. XVIII. Historiarum, Ioannes Grialus in Notis ad Lib. XII. cap. 11. Originum S. Isidori. Monocerotem esse asinum Indicum, plerique suspicati sunt: de qua re vide Scaligerum, & Grialum; de asino vero Indico, Ctesias in Indicis Excerptis, apud Photium, Aristoteles Lib. II. Historię Animalium, cap. 11. alias vii. Plinius Lib. XI. c. xxxvii. & xlv. Aelianus Lib. IV. cap. lxi. Philostratus Lib. III. de Vita Apollonii, cap. 1. Hoc loco recte, monocerotem, seu unicornem, potius quam rhinocerotem interpretantur LXX. Hebræorum plerique, Reuchlinus, Sanctes, Forsterus, Vatablus, Munsterus, Pomarius, Marinus, Oleastrinus, Mercerus, Tremellius, & Iunius, Avenarius, Buxtorfius, Schindlerus, Hispanica Translatio. Rhinocerotem cum Nostro retinent Caietanus, Leo Iudas, Ferrerius. Unicornem esse animal ferum, sævum, ac prævalidum, Plinius, Solinus, Aelianus, & alii testantur. Quidam hic exponunt: *Et sicut vires unicornis ei*; id est, tantis pollet viribus; quantis unicornis. Alii, quasi dicat: Qui eosa se virtute invictis Aegyptiis vindicavit,

idem robore munit eos contra inimicos, ut est cornu munitus monoceros; nec plus adversus eum incantationes, fascino, & reliquæ artes diabolicæ, quam venena contra monocerotem. Nonnulli: *Et sicut elevationes, erectiones, altitudines unicornis ei*; id est, habet excelsum & fortissimum cornu, nempe potentiam & dignitatem, ut monoceros. Quidam: *Et sicut fortitudines, indefatigationes, celsitatis, elevationis*; id est, fortitudines magnæ, excellæ, sublimes.

V. 23. NON EST AUGURIUM IN IACOB, NEC DIVINATIO IN ISRAEL. Quidam reddunt: *Nam non est incantatio contra Iacobum, neque divinatio contra Israellem*: confirmatio a re præsentē, eo quod suis fascino & incantationibus nihil illis nocere possit; ac si dicat: Fascinis & incantationibus non potest noceri ipsi Israeli: nihil contra eum valent magicæ artes. Alii exponunt: Israelitæ non sunt dediti auguriis, incantationibus, aut divinationibus: tuncque bifariam locum interpretantur. I. Digni sunt Israelitæ benedictione, & quibus faveat Deus, eo quod non habent inter se augures & divinatores, II. Israelitæ non indigent magis & ariolis: quidquid enim illis scire necessarium est, hoc illis a Deo divinitus revelatur per sacerdotes, prophetas, & Urim ac Thummim. Quidam hic per divinationem intelligunt omnem imaginationem idolatricam, & doctrinam contra verbum Dei. TEMPORIBUS SUIS DICTUR IACOB ET ISRAELI QUID OPERATUS SIT DEUS. Hebr. *Sicut tempore vel secundum tempus, dicitur ipsi Iacob, & ipsi Israel, quid operatus fuit Deus*. Quidam: *Sicut hoc tempore dicitur de Iacob, & de Israel, vel iuxta hoc tempus dicitur, &c.* id est, simili tempore, sive post hac narrabitur quanta fecit Dominus pro Israele. Vel sicut hoc tempore dicitur de Israele quanta illi Deus fecerit, ita & imposteriorum erit tempus, quo dicitur de magnificis operibus quæ Deus faciet populo suo; quasi dicat: Non hæc tantum, sed adhuc multo plura faciet Deus Israeli. Alii: *Cum fuerit opportunitum, dicitur ipsi Iacob & Israeli quid Deus operetur*. Nonnulli: *Iam hoc tempore dicendum est de Iacob & de Israele quid operetur Deus fortis*; id est, his omnibus fascino omisso, opus Dei er-

ga Israellem mihi est prædicandum, *quid operatus sit Deus*. Hispanica translatio, *Quem fecit Deus*: quasi Israel sit opus Dei. Aliene: nam מה *mab*, proprie est *quid*; id est, quanta operatus sit Deus in gratiam Israelis.

V. 24. UT LEAENA CONSURGET. Hebr. *Sicut leo immans surget*; id est, insurget contra hostes, & prævalebit ut leo. NON ACCUSABIT DONEC, &c. id est, non quiescet donec detraxerit hosti spolia, & hostes deleverit, atque fruatur omnibus eorum opibus; quasi dicat: Non desinet prosperari, & inimicos suos pectum dare.

V. 27. SI FORTE PLECEAT DEO. Quidam reddunt: *Fortasse rectum videbitur in oculis Dei illius*. Sic exponendum videtur, ut profani regis impietas sit evidenter, qui se alienum a vero Deo Israelitarum profectur.

V. 28. MONTIS PHOGOR. Hebr. non est *montis*. Eusebius, & S. Hieronymus in Locis Hebraicis: *Phogor*, & Bethphogor mons Moabitum, ad quem Balak rex adduxit Balaam hariolum in supercilio Lybia. Lybias, seu Livias urbs Iudææ ultra Jordanem, non longe a Callirhoe, Iosepho Lib. XIV. Antiquitatum cap. 11. Plinio, Lib. XIII. cap. iv. Ptolemæo Lib. V. cap. xvi. Phogor, seu Bethphogor fortasse: sic dictus quod in eo esset templum, seu ædes, aut cultus Pheghor, id est Priapi, de quo dicemus infra cap. xxv. vers. 3. Vide Deuteronomii III. vers. 29. In hunc locum videtur Balak adduxisse Balaamum, ut ibi sacrificia offerret Baali, sive idolo Phegoris, prout idolum istud nominatur cap. xxv. vers. 3. 5.

M E N O C H I I.

Vers. 1. A EDIFICA MIHI SEPTEM ARAS, ut Baal sacrificem.

V. 3. OCCURRAT MIHI DOMINUS, scilicet Baal, aut dæmon, per quem instructo sacrificio divinationem quærebat.

V. 4. OCCURRIT ILLI DEUS, Angelus bonus Deum referens, & forma visibili apparens.

V. 5. POSUIT VERBUM IN ORE EIUS: suggessit, & docuit quid esset dicturus.

V. 7. ASSUMPTAQUE PARABOLA

SUA, DIXIT: orsus prophetare dixit, &c. Prophetiam gravem, pulchram, & acutam vocat *parabolam*: hoc enim significat vox Hebraica מַשָּׁל *masfal*. DE ARAM, de Mesopotamia.

V. 8. QUOMODO MALEDICAM? &c. Non tantum lingua, sed etiam mens Balaam ad tempus immutata a Deo.

V. 9. DE SUMMIS SILICIBUS VIDEBO EUM: ex edito hoc monte speculabor castra Israel. POPULUS SOLUS HABITABIT; quasi dicat: Israel remotus erit & ditone, & consortio ab omnibus aliis populis. INTER GENTES NON REPUTABITUR: inter gentiles non annumerabitur, nec inter illos censetur.

V. 10. PULVEREM IACOB, filios Israel, de quibus dictum est Genes. xlii. 16. quod *multiplicabuntur sicut pulvis terre*. NUMERUM STIRPIS ISRAEL. Hebr. *Numerum quartæ partis Israel*. MORIATUR ANIMA MEA: moriar ego. MORTE IUSTORUM, &c. Familiare est impiis vitæ exitum iustis parem sibi optare, quorum tamen mores non sequuntur.

V. 13. TOTUM VIDERE NON POSSIS, &c. Superstitiosus Balak putat Balaam Israelii benedixisse, quod totum ambitum castrorum habuisset in conspectu. Similis stultitia Syrorum, qui victi ab Israel, eam cladis causam esse putabant, quod Israelitarum Deus montium Deus esset, ac propterea in explicata planitie configere student, III. Reg. xx. 23.

V. 19. DIXIT ERGO, ET NON FACIET? quasi dicat: Deus iussit ut non maledicerem Israeli, meque hactenus prohibuit: omnino ergo faciet quod dixit, porro prohibebit ne maledicam.

V. 20. AD BENEDICENDUM ADDUCTUS SUM. Recte dicit *adductus*: ipse enim alio consilio venerat; sed pravam eius mentem Deus convertit in bonum. PROHIBERE NON VALEO. Adeo mens illustrabatur, & voluntas incitabatur ad laudem, & benedictionem Israelis, ut vix posset non benedicere.

V. 21. NON EST IDOLUM IN IACOB, NEC VIDETUR SIMULACRUM IN ISRAEL, &c. Chaldaeus: *Intueor quoniam non sunt servientes idolis in domo Iacob, neque operantes falsitatem, falsos Deos, & fal-*

& falforum Deorum simulacra, in *Israel*: *verbum Domini Dei sui est in aliorum eorum, & maiestas regis sui est inter eos*. Et CLANGOR VICTORIAE REGIS IN ILLO. Alludit ad duas tubas argenteas iussu Domini factas, quibus personantibus Deus iusserat Hebræos bellum inire, sequetunc iis adfore, & victoriam daturum promiserat cap. x. 9.

V. 22. CUIUS FORTITUDO SIMILIS EST RHINOCEROTIS. Est commendatio divinæ fortitudinis expressa similitudine rhinocerotis, sive monocerotis, cuius animalis fortitudinem videtur Scriptura ubique prædicare.

V. 23. NON EST AUGURIUM IN IACOB, NEC DIVINATIO IN ISRAEL. Sub his omnem incantationem, & maleficium intelligit, velut genus sub specie vulgatissima. TEMPORIBUS SUI, sequentibus sæculis. DICETUR IACOB ET ISRAELI, id est posteris Israelitarum.

V. 24. UT LEAENA, quæ cum catulos laciat, & foveat, præ leone ferocit, & sævit. NON ACCURABIT DONEC DEVORET PRÆDAM; quasi dicat: Non quiescet Israel donec Chanaanæos hostes suos proterat.

V. 27. DUCAM TE AD ALIUM LOCUM. Vide dicta num. 13.

T I R I N I.

Verf. 1. SEPTEM ARAS. Qui cap. præcedenti censebant Balaam verum magum fuisse, iidem dicunt, eum septem has aras dæmonibus septem planetarum præsidibus, augurum patronis construxisse. Sed malim cum aliis, qui prophetam, licet impium, fuisse dicunt, consequenter dicere, has aras, & hæc sacrificia in veri Dei honorem ab eo apparatus fuisse, & his viis illum sibi demereri studuisse.

V. 7. DE ARAM, id est ex Syria, & nominatim ex *Mesopotamia*, ut habent LXX. & insinuat in eoque sequitur: DE MONTIBUS ORIENTIS: nam *Mesopotamia* est orientalis Moabitidi & Palæstinæ.

V. 9. & 10. PUPULUS ISRAELITICUS SOLUS HABITABIT; id est, religione & cultu veri Dei segregabitur ab aliis omnibus populis idololatriis. Hinc MORIATUR ANIMA TUA; id est, utinam vita mea finia-

tur sine simili iustis, hoc est Iudæis, qui meliorem vitam post hanc sibi repositam habent. Nimirum solent mali iustorum mortem sibi exoptare, vitam non sectari.

V. 20. AD BENEDICENDUM ADDUCTUS SUM, a Deo scilicet, vel Angelo. Neque enim alio sine permissu sum huc ad te excurrere, licet & tu, o Rex, & ego aliud intendimus. Quare & PROHIBERE NON VALEO BENEDICTIONEM, quam mihi Deus imperat. Licet enim non eriperetur impio prophetæ libertas physica; tamen intellectus eius tam claro lumine collustrabatur, & voluntas tam efficaciter impelleretur, ut moraliter impossibile sibi putaret aliter sacre. Sed hæc collustratio, & impulsus non diu durabat: unde & subtractis illis, ad priorem cordis duritiem impietatemque redibat; uri & Sauli, & pluribus aliis contigit.

V. 22. CUIUS FORTITUDO SIMILIS EST RHINOCEROTIS, hoc est maxima. Porro quanta sit rhinocerotis fortitudo, colligere licet ex *Iob xxxix.* ex Martiali, Plinio, Solino, Diodoro Siculo, Pausania, Aeliano, Pierio, Radeo a qui addit, toto corpore squamis durissimis esse lorica tum, cuiusque pellem tantam esse spissitudine ut ægre iaculo penetrari queat. Est autem ei innata discordia, & pugna perpetua cum elephanto: cum quo pugnaturus, cornu suum (quod unicum in nare habet, unde & nomen sumpsit) ad saxa limat & exacuit; quo deinde molliorem elephanti partem, puta alvum, infestat: habet & alterum, sed longe brevius, cornu, paulo supra nares, ut ex iam dictis Auctoribus patet. Et licet iidem auctores distinguant *rhinoceros a monocerote seu unicorni*, quod ille in nare, iste in fronte cornu habeat; tamen usu Scripturæ videntur hæc nomina confundi; nam pro eodem nomine Hebræo *רֶמֶס* *reem* nunc vertit tam Noster *b* quam Septuaginta *c*, *rhinoceros*, nunc *monoceros* *d* seu *unicornem*. Neque hoc mirum, cum monoceros genus sit respectu rhinocerotis. Porro de uno genere seu specie monocerotis narrat Plinius, animal esse corpore equino, capite cervino, prenitente incredibili, feritate tanta, ut nulla venantium vi, aut arte vivum capi possit, nisi adhibita puella virgine sinum pendente, in quem quasi iam victum ac mansue-

tum

tum caput immittit, & mox soporatur, & quasi inermis capitur. Sic Deus vere unicornis, id est singularis parentiæ & comprehendi nescius, Hebrææ virginis trahens odore uteri, sese illi inclusit, & ex eo comprehendi potuit, & occidi: inquit Rupertus, Gregorius, Tertullianus, Iustinus, Isidorus, & Pierius f.

V. 23. TEMPORIBUS SUI DICE-
TUR IACOB, id est Israelitis, QUID
OPERATUS SIT DEUS; pro, quid ope-
rari decreverit. Laudat hic Israelcem, non
solum quod nulla colat idola, sed insuper
quod nulla quoque capter auguria vel di-
vinationes, quibus mire dediti erant Gen-
tiles; sed, cum res exigeret, & negotii
magnitudo postularer, a Prophetis, &
Pontificibus responsa peteret, acciperetque
certissima de rebus quas Deus facturus
esset.

(a) Martial. Lib. Spectacul. & in Apophoretiis.
Plin. Lib. VIII. cap. xx. Solin. cap. xlii. Diod. Lib.

IV. Pausan. Lib. IX. Aelian. Lib. XVII. cap. xi.
Pier. Lib. II. Hieroglyphicorum. Raderio in Martial.

(b) Hic, & c. seq. vers. 8. Deuter. xxxiii. vers. 17.
Psal. xxviii. vers. 6. Job lxx.

(c) Iisdem omnibus locis.

(d) Psalm. xxi. vers. 22. Psalm. lxxii. vers. 69.
Psal. xci. vers. 11. Isaia xxxiv. vers. 7.

(e) Plin. supra cap. xxi. Gregor. XXXIII. Moral.
cap. xlii.

(f) Tertullian. cont. Iudæos cap. x. Iust. cont. Try-
phonem. Pierius in Hieroglyph. rhinocerotis.

GORDONI.

Vers. 1. VITULUM, sane, ut appa-
ret, super singulas aras :
alioqui frustra septem aras.

V. 2. Quo spiritu agatur Balaam, dixi
cap. xxii. vers. 5. Nunc aras erigit Baal.
Et quis ergo ille qui versu 3. vocatur
Dominus? Sane ariolos iste dominum in-
telligit Baal, seu dæmonem. Apud Septua-
ginta est ὁ θεός. Est quidem in Hebræo
יהוה. Balaam itaque ad denotan-
dum Deum suum, seu Baal, putatur usus
nomine aliquo Moabitico, pro quo Moyses
Hebraico more substituit Iehova. De hoc
Balaam vide Augustinum serm. ciii. de
tempore. Postea Deus illi mentem mutat.
Existimat Eugubinus, hunc Balaam fuisse
prophetam veri Dei, perinde ac Sibyllas,

& Trismegistum apud Aegyptios: qui li-
cet pleraque vera dixerint, fuisse tamen
idololatæ. Sane hic vers. 4. occurrit illi
Deus, seu Angelus a Deo missus: & ex
vers. 5. constat Deum verum immutasse
mentem Balaam.

V. 7. & 8. Hebr. שְׁנֵי מַיִמַּיִל, *parabo-
lam* habent Septuag. & Vulgatus: quid
sit, dicam cap. xxxiv. ARAM hic est
Mesopotamia, ex Septuag. Aliqui Syriæ
partem intelligunt t. Dominum nominat
vers. 8. immo & Deum h. c. forte agnoscit
& se a vero Deo doceri quid agere de-
beat.

V. 9. Laudat Israelitarum possessionem,
dum dicit eam spectabilem fore e monti-
bus, & videntibus desiderabilem. Alia sub-
iungit ad laudem spectantia, & quidem
eximiam (vers. 10.) de morte iustorum
Israelitarum, quam felicem esse prædicat,
& optabilem. Optat quidem Balaam hanc
mortem, sed vitam præeuntem non am-
plectitur.

V. 14. PHASGA. Hebr. *Locus specu-
lorum*: non abund Septuag. Non ergo est
proprium nomen.

V. 19. Vere non mutatur Deus, nec mutat
sententiam in his quæ absoluta voluntate
decernit; ea vero quæ discernit dependen-
ter a creaturis, habent suam mutationem
in ipsa creaturarum mutatione, non au-
tem in Deo. Sic etiam comminationes
non designant absolutum decretum; sed
vim habent, si res in eodem statu per-
maneant. Est etiam in Deo veritas illa
quæ vocatur virtus moralis in voluntate
residens, prout gubernat liberam locutio-
nem.


EX EIUDEM AUCTARIO.

V. 7. DE ARAM, de Mesopotamia.

V. 10. PULVEREM, filios.

V. 20. AD BENEDICENDUM AD-
DUCTUS. Venit sane prima voluntate
mutata, Deo iubente; ideo ait se adduc-
tum.

V. 22. CUIUS FORTITUDO SIMI-
LIS EST RHINOCEROTIS. Solet ali-
quoties Scriptura extollere huius anima-
lis fortitudinem.



C A P U T XXIV.

Balaam tertio benedicit, & prospera vaticinatur de Israel, & de Christo: item de Amalecitis, Cinais, & Romanis.

1.  Umque vidisset Balaam quod placeret Domino ut benediceret Israeli, nequaquam abiit ut ante perrexerat, ut augurium quæreretur: sed dirigens contra desertum vultum suum, 2. & elevans oculos, vidit Israel in tentoriis commorantem per tribus suas: & irruente in se spiritu Dei, 3. assumpta parabola ait: Dixit Balaam filius Beor: dixit homo, cuius obturatus est oculus: 4. dixit auditor sermonum Dei, qui visionem Omnipotentis intuitus est, qui cadit, & sic aperiuntur oculi eius: 5. Quam pulchra tabernacula tua Jacob, & tentoria tua Israel! 6. ut valles nemorosa, ut horti iuxta fluvios irrigui, ut tabernacula quæ fixit Dominus, quasi cedri prope aquas. 7. Fluet aqua de situla eius, * & semen illius erit in aquas multas. Tolleitur propter Agag, rex eius, & auferetur regnum illius. 8. Deus educit illum de Aegypto, (a) cuius fortitudo similis est rhinocerotis. Devorabunt gentes hostes illius, ossaque eorum confringent, & perforabunt sagittis. 9. Accubans dormivit ut leo, & quasi leona, quam suscitare nullus audebit. Qui benedixerit tibi, erit & ipse benedictus: qui maledixerit, in maledictione reputabitur. 10. Iratusque Balac contra Balaam, complois manibus ait: Ad maledicendum inimicis meis vocavi te, quibus e contrario tertio benedixisti: 11. revertere ad locum tuum. Deceveram quidem magnifice honorare te, sed Dominus privavit te honore disposito. 12. Respondit Balaam ad Balac: Nonne nuntiis tuis, quos misisti ad me, dixi: 13. (b) Si dederit mihi Balac plenam domum suam argenti & auri, non potero præterire sermonem Domini Dei mei, ut vel boni quid, vel mali proferam ex corde meo: sed quicquid Dominus dixerit, hoc loquar? 14. Verumtamen pergens ad populum meum, dabo consilium, quid populus tuus populo huic faciat extremo tempore. 15. Sumpta igitur parabola, rursus ait: Dixit Balaam filius Beor: dixit homo, cuius obturatus est oculus: 16. dixit auditor sermonum Dei, qui novit doctrinam Altissimi, & visiones Omnipotentis videt, qui cadens apertos habet oculos. 17. Videbo eum, sed non modo: intuebor illum, sed non prope. (c) ORIETUR STELLA ex Jacob, & consurget virga de Israel: & percutiet duces Moab, vastabitque omnes filios Seth. 18. Et erit Idumæa possessio eius: hereditas Seir cedet inimicis suis: Israel vero fortiter aget. 19. De Jacob erit qui dominetur, & perdat reliquias civitatis. 20. Cumque vidisset Amalec, assumens parabolam, ait: Principium Gentium Amalec, cuius extrema perdentur. 21. Vidit quoque Cinæum: & assumpta parabola, ait: Robustum quidem est habitaculum tuum: sed si in petra posueris nidum tuum, 22. * & fueris electus de stirpe Cin, quamdiu poteris permanere? Assur enim capiet te. 23. Assumptaque parabola iterum locutus est: Heu, quis victurus est, quando ista faciet Deus? 24. (e) Venient in trieribus de Italia, supe-

rabunt Afsyrios, vastabuntque Hebræos, & ad extremum etiam ipsi peribunt. 25. Surrexitque Balaam, & reversus est in locum suum. Balac quoque via, qua venerat, rediit.

(a) Sup. xxiii. 22. (b) Sup. xxiv. 28. (c) Matth. xi. 2. (d) Dan. xi. 30.

B R U G E N S I S

ROMANÆ CORRECTIONES.

V. 7. *Et semen illius erit in aquas multas.* Quidam pro *aquas* scripserunt *gentes*, commentarium vertentes in textum.

V. 22. *Et fueris electus de stirpe Cin.* Cave ne pro *Cin* scribas *Cham* nomen filii Noe, quod quidam.

N O T A T I O.

V. 7. *Fluit aqua de situla eius, & semen illius erit in aquas multas.* Vera huius loci lectio hæc esse videtur: *Et semen illius erit in aquas multas.* Hoc enim modo plerique librorum, tum calamis, tum typis exara-

torum legunt, Rabano, Beda, & Ruperto suffragantibus, textuque Hebræo consentiente. Quod autem habent codices quidam, *Et semen illius erit in gentes multas*, veræ lectionis expositio est. Frequenter enim per *aquas gentes* & *populi* significantur: unde & in Apocalypsi (xvii. 15.) Ioannem Angelus instruens: *Aque*, inquit, *quas vidisti, ubi meretrix sedet, populi sunt, & gentes, & lingue.* Itaque Interpretes LXXII. &, qui eos forte secutus est, Chaldaus huius loci non verba, sed sensum transferentes, dixerunt: *Exibit homo ex semine eius; seu (quæ Chaldaei sunt verba) crescet Rex qui ungetur de filiis eius, & dominabitur populis multis.*

C O M M E N T A R I A.

S A.

Verf. I. **U**T ANTE. Apparet, illum etiam ante quæsisse auguria, sed Deum antevertisse.

V. 2. **IRRUENTE**, id est veniente. Hebr. *Fuit super eum spiritus Dei.* Chald. *Quiervis super eum spiritus prophetiæ.*

V. 3. **CUJUS OBTURATUS EST OCULUS**, scilicet non videt visiones. Alii pro *obturato* vertunt *aperitum*. Chald. *Qui pulchre videt.* LXX. *Verax & videns.*

V. 4. **CADIT**, scilicet corpore per somnium, vel ecstasim. **OCULI**, scilicet mentis.

V. 6. **VALLES NEMOROSAE**. Alii, *torrentes extenfi*; Chal. *torrentes defluentes*; LXX. *valles umbrosæ*. **FLUVIOS**. Hebr. *fluvium*; Chald. *Euphratem*.

V. 7. **DE SITULA**; quasi dicat: Non ei posteritas deerit. LXX. *Exibit homo de semine eius.* Chald. *Crescet homo, qui ungetur de filiis suis. ERIT IN AQUAS*, id est populos. LXX. *Dominabitur gentibus multis*; Chald. *Dominabitur populis multis.* **TOLLETUR**, id est *elevabitur*, ut est *Bib. Sac. Tom. III.*

Hebr. & apud LXX. At Chald. *Roborabitur.* **PROPTER AGAG**. Hebr. & Chald. *Plusquam Agag*: est autem sermo de Saul, qui vicit Agag; vel de David. **REX**, scilicet Saul. **AUFERETUR**. Hebr. & Chald. *Elevabitur*: LXX. *Augebitur*.

V. 8. **DEVORABUNT**. Hebr. *Comedent*, id est consumunt: scilicet solent consumi quæ comeduntur. **ILLIUS**, pro suos.

V. 9. **IN MALEDICTIONE** id est, tamquam maledictus.

V. 10. **COMPLOSIS**, scilicet ut solent irati.

V. 14. **POPULUS TUUS** **POPULO HUIUS**. Hebr. Chald. & LXX. *Populus hic populo tuo.* **EXTREMO TEMPORE**; quasi dicat, tandem.

V. 15. **OBTURATUS**. Vide sup. verf. 3.

V. 16. **OCULOS**, scilicet mentis.

V. 17. **EUM**, scilicet Christum. **ORIENTUR STELLA**, &c. Chald. *Consurget de domo Iacob, & ungetur Christus de domo Israel.* **STELLA**, scilicet de qua Matth. II. secundum Hieronymum in Matth. II. Dicerem potius, Christum nomine & stel-

æ, & virgæ intelligi: nec enim illa stella ex Iacob orta est. VIRGA. LXX. *homo*. VASTABITQUE OMNES FILIOS SETH. Chald. *Dominabitur omnium filiorum hominum. Filios Seth*, scilicet mundum.

V. 19. CIVITATIS, id est mundi.

V. 20. PRINCIPIUM GENTIUM, id est primi inter gentes, scilicet praeliati contra Israel, ut Chald. interpretatur. CUIUS EXTREMA, &c. id est, quitan-dem aliquando peribit.

V. 21. SI, pro etiam si. NIDUM, id est habitationem.

V. 24. IN TRIERIBUS, id est triremibus. Hebr. & Chald. *Nāvis*. ITALIA. Chald. *Romani*. IPSI, scilicet Romani.

E S T I I.

Vers. 3. & 4. **D**IXIT BALAA: DIXIT HOMO, CUIUS OBTURATUS EST OCULUS..... QUI VISIONEM OMNIPOTENTIS INTUITUS EST. Hic duo dicuntur in speciem pugnantia: *Homo, cuius obturatus est oculus*; & idem, *qui visionem intuitus est*. Priorem illam partem ex Hebræo varie vertunt, & fere contrario modo; Alii vertunt, *Cuius obcuratus est oculus*; alii, *Cui aperti sunt oculi*. Et huic versioni favere videtur versio Septuaginta, quæ habet, *Homo verax videns*. Si legamus, ut noster Interpretes habet, duplex reddi poterit sensus: aut enim de oculis corporeis, aut de incorporeis accipi potest. Si de corporeis, significat se somniatorem, qui videlicet visionem accipere solitus sit per somnium, quod fit obturatis, id est clausis oculis. Eodem pertinet quod sequitur: QUI CADIT, ET SIC APERIUNTUR OCULI EIVS; id est, qui postquam in somnum incidit, accipit revelationem. Si de oculis mentis accipitur, sensus est: Qui oculos mentis habet cupiditate & malitia excæcatos. Item: Qui cadit per iniquitatem; & tamen aperiuntur oculi eius ad prævidendum, & prædicendum futura de regno Christi.

V. 7. TOLLETUR PROPTER AGAC, REX EIVS, ET AUFERETUR REGNUM ILLIUS. Hoc de Saule dictum interpretatur Hieronymus scribens in Ezech. xxxviii. quia nimirum Saul regno

privatus est, & in prælio occisus perit; propterea quod præter alia peccata quibus Deum offenderat, contra Dei præceptum pepercisset Agag regi Amalecitarum.

V. 17. VIDEO EUM, SED NON MODO; INTUEBOR ILLUM, SED NON PROPE. ORIETUR STELLA EX IACOB, &c. Iudæi hæc Iudaice interpretantur, & referunt ad temporalem prosperitatem: & per stellam, ipsum David intelligunt. Sed nos, reiecta hac Iudaica expositione, sequimur eam quam sequuntur omnes Christiani Doctores, qui non alio quam ad Christum hæc verba referunt. Et licet quidam intelligant de secundo adventu Christi, *Video eum, sed non modo*, quia videlicet dies iudicii longe aberat; rectius tamen ad primum adventum refertur, hoc sensu: *Video*, seu video, *eum*, Messiam in carne; *sed non modo*, supple veniet. Et similiter illud, *Intuebor*, id est intueor, illum scilicet mente prophetica, *sed non prope*, supple ad est, ut illud, *Non modo, & non prope*, non ad prophetantem, sed ad rem prophetatam pertineat. Illud autem, *Orietur stella ex Iacob*, & *consurget virga de Israel*; vel ad stellam pertinet quæ in nativitate Christi Magis apparuit, utpote qui dicunt stellam fuisse signum nati Regis, vel ad ipsum Christum, qui in Scriptura sæpe Stella vocatur. Et ita eodem pertinebunt, *Stella ex Iacob*, & *virga de Israel*: nempe stella, propter sanctitatis splendorem; & virga, propter regni potestatem.

M A R I A N A E.

Vers. 1. **U**T ANTE PERREXERAT, UT AUGURIUM QUÆRERET. Hebr. *Sicut semel & iterum in occursum auguriorum*. Solebat ante ritus quosdam observare, ut volatus avium, quod tangunt Sept. atque illæ fortassis erant divinationes quas Legati tulerunt, cap. xxi. vers. 27. aut sortes mittebat, aut aliquid aliud, quod modo prætermisit.

V. 3. OBTURATUS EST OCULUS. Heb. *וְנִשְׁכַּח עֵינָיו* *satham*, claudere significat. Et Hebræi tamen hoc loco explicant *apertus*, quos sequuntur Pagn. & Vatabl. Eo Sept. respexere cum vertunt: *Dixit homo verax videns*. Sed vere clausis oculis accipiebat oracula.

V. 4. QUI CADIT, ET SIC APERIUNTUR OCULI EIVS. Ecce quare Hebræi superius oculum apertum exponunt: sed præstat dicere, prius esse clausum, deinde prostrato in terram aperiri oculos. Vel prius intelligatur de oculis corporis, posterius de oculis mentis.

V. 6. UT VALLES NEMOROSÆ, sunt pulchra tabernacula Israel: sic Sept. Hebr. *Ut torrentes*, seu *valles extense sunt*. *וְנָהָל & וַלְלֵם, & תּוֹרֵנֶת* significat, & utraque significatio quadrat.

V. 7. FLUET AQUA DE SITULA EIVS, ET SEMEN ILLIUS ERIT IN AQUAS MULTAS. Cæpit hortis & arboribus iuxta fluvios plantatis comparare populum eum; nunc in metaphora pergens, ait: *Fluit aqua*, hoc est irrigatur, & *semen illius*, sicut quod cadit in multas aquas, id est terram irriguam, multiplicatur. TOLLETUR PROPTER AGAG, REX EIVS, ET AUFERETUR REGNUM ILLIUS. Hebr. *Exaltabitur præ Agag, rex eius, & exaltabitur regnum eius*. Omnes Reges Amalec Agag vocabantur, quibus fortiores prædicit fore Reges Israël. Aut alludit ad Agag, quem Saul vicit, & Samuel occidit. *Tolletur*, pro extolletur.

V. 8. ET PERFORABUNT SAGITTIS. Hebr. *Et sagittis suis conteret*, certe hostes: non, *Sagittas eius conteret*, ut vertit Pagninus.

V. 9. UT LEO, ET QUASI LEAENA. Rursum ponuntur duæ voces Hebraicæ, de quibus superiori cap. vers. 24.

V. 14. DABO CONSILIUM. Hebr. *Dabo tibi consilium*: & sic est in Regiis in Vulgata.

V. 17. ORIETUR STELLA: aut veniet, scilicet Messias. CONSURGET VIRGA, id est sceptrum. De Christi regno loquitur. Sic Chald. hæc de Messia explicat. VASTABITQUE FILIOS SETH. Aut omnes homines intelligit, quibus Christus imperavit, nam foli filii Seth post diluvium mansere; aut aliquam regionem eo nomine Moabitibus & Idumæis vicinam.

V. 18. CEDET INIMICIS SUI: Israelitis ceder Idumæa: illis subicietur.

V. 29. RELIQUIAS CIVITATIS, nempe Idumææ, perdet Israel.

V. 20. PRINCIPUM GENTIUM AMALEC: nimirum gentium quæ bella-

runt contra Israel cum iret per desertum: Exod. xvii. vers. 8. I. Reg. xv. vers. 2. Porro quæ ibi narrantur, hic EXTREMA vocantur, eius excidium scilicet.

V. 22. ET FUERIS ELECTUS DE STIRPE CIN, QUAMDIU POTERIS PERMANERE: ASSUR ENIM CAPIET TE. Hebr. *Pere erit ad consummandum Cain, usquequo Assur capiet te*. Cinæi erant in medio Amalec, quibus Saul pepercit, quod essent de stirpe Chobab cognati Moyfi: quem Chobab hic videtur vocare *Cin*: nam Hebraica puncta, ex quibus legitur *Cain*, vitiose sunt posita. His Cinæis, dicit non defuturos qui eos affligant donec ab Assyriis capiantur.

V. 23. QUIS VICTURUS EST QUANDO ISTA FACIET DEUS? Hebr. *Quis vivet, postquam posuerit hoc Deus? ex Amalecitis scilicet*.

V. 24. VENIENT IN TRIERIBUS DE ITALIA. Hebr. *Et naves de manu*, id est de littore, *Cittim*. Per *Cittim* Sept. Chald. & Hieronymus Romanos seu Italos intelligunt; ego Græcos: nam de Alexandro dicitur I. Mach. 1. *Exiit de terra Cethim*, & ab eo oppressi sunt Assyrii cum vicit Darium, & Hebræi ab eo & successoribus afflicti sunt: sed & Romanis hæc omnia tribui possunt. Pagn. *Naves de littore Chittim*, id est Cypro. ET AD EXTREMUM ETIAM IPSI PERIBUNT. Hebr. *Et etiam ipse usque ad perditionem*. Quod Hieronymus videtur referre ad ipsos Græcos seu Italos, qui & ipsi perituri sunt. Pagninus pro *usque*, *seculum* posuit: quoniam *וְיָ בָהֶם* id aliquando, & *eternitatem* significat. Ergo pro *usque ad perditionem*, ipse Pagninus dixit, *In seculum perit*.

MALVENDAE.

Vers. 1. UT ANTE PERREXERAT. Hebr. *Sicut impetu in impetu, vel secundum vicem in vice*, aut *sicut vice in vice*; id est, sicut semel & iterum, vel sicut vice priore hac vice; id est, non ivit hac vice ut antea priore vice, ut sit inversus ordo verborum. Similis locutio est Iudicum xvi. vers. 20. I. Samuel. xx. vers. 25. UT AUGURIUM QUÆRERET. Hebr. *In occursum auguriorum*, seu *incantationum*; id est, ad captandas incan-

tationes, seu ut capteret auguria. SED DIRIGENS CONTRA DESERTUM VULTUM SUUM. Notant, ut si posset, inconfulto Iehova, populo malediceret.

V. 2. COMMORANTEM PER TRIBUS SUAS; id est, in stationes suas distinctum, ex lege Dei, supra cap. II. IRRUENTE IN SE SPIRITU DEI. Hebr. *Et adfuit ei spiritus Dei*; id est, corripuit & incescit eum quamvis obnitentem.

V. 3. CUIUS OBTURATUS EST OCULUS. Hebr. *obturatus oculum*, vel *oculo*. *Obturatum* cum Scin dextro, quidam idem esse volunt cum *Obturatum* cum Samech, sive Scin sinistro: redduntque obstructus, *occlusus*, *obturatus*, *constipatus oculo*. Nec desunt qui hic *Satum* cum Scin sinistro scribant: sed reclamant passim, & constanter exemplaria. Hanc interpretationem sequuntur Vulgatus, Forsterus, Mercerus, Leo Iudas, Marinus, Avenarius, Schindlerus, Oleastrius, Pomarius, Montanus. Alii *Sebatum* cum Scin dextro oppositum faciunt *Satum* cum Samech, seu cum Scin sinistro: exponuntque *occlusus*, *apertus*, *oculo*; id est, cuius oculi nunc illustrati sunt, seu donati luce spiritus divina, non ad sanctificationem perpetua, sed temporaria ad res futuras praevidendas, ut ait ipse Balaamus infra vers. 17. & se caput seq. vers. 4. Hanc expositionem amplectuntur Aben-Ezra, Kimchius, Reuchlinus, Caietanus, Sanctes, Steuchus, Vatablus; Tremellius, & Iunius, Munsterus, Clarius, Drusus, Buxtorfius. Hispanica Translatio: *El varon de oios abierros*, vel *el Veyente*, id est *Videns*, *Propheta*. Conciliant utramque explanationem: *Vir occlusus oculo*, & *apertus oculos*; id est, cuius scilicet oculus antea occlusus fuerat, nunc vero apertus; qui prius cæcutiones quærebant auguria, & salorum deorum oracula captabat, nunc autem recte iudicantis oculis veri Dei oracula fundit: id quod congruit cum vers. 5. *Revelatus oculorum*. Nonnulli Hebræorum exponunt: *Promittens*, *porrigens*, *foras emittens oculum*: somniant enim ei oculum effossum fuisse, & foras exeuntem, ita ut eius foramen apertum conficeretur: unde tradunt Balaamum fuisse unoculum, luscum. Quidam explicant: *Apertus oculo*; hoc est, qui fortis, & potens est in omnibus ad quæ posuerit oculum suum. Hebr. est constru-

ctio, *occlusus*, vel *apertus oculi*, seu *oculo*, aut *oculum*.

V. 4. QUI CADIT, ET SIC APERIUNTUR OCULI EIUS. Quidam exponunt: Qui iacet, & apertus habet oculos; id est, qui dormitat, & tamen habet oculos mentis revelatos. Significat hæc sibi dormienti, & in somnis esse revelata. Hunc sensum expresserunt LXX. *Qui visionem Dei vidit in somnis, revelati oculi eius*. Alii: *Qui cadit in ecstasim*, extra se raptus, excedentibus sensuum facultatibus: quæ ratio est videndi visiones Dei, I. Samuelis XIX. vers. 24. Nonnulli: Incircumcisus, & impius homo non valens ferre spiritum Dei, cecidit in terram. Hispanica Translatio: *Caydo mas de sus peccados los oios*; id est, *auque peccador toda via* *Propheta: que en esto dice verdad*. *Attende a la historia Atrida*, cap. XXII. vers. 31.

V. 6. UT VALLES MEMORSAH, UT HORTI IUXTA FLUVIOS IRRIGUI. Notant his metaphoris prædici a Balaamo felicitatem populi; quasi dicat: Amplitudine cum vallibus, felicitatis incremento cum hortis perenni fluvio irriguis, suavitate cum cantalis odoratissimis, robore, & altitudine cum irriguis cedris comparanda. UT TABERNACULA QUAE FIXIT DOMINUS. *חלהים abalim*, idem esse volunt quod *חלהים chalim*, tentoria, tabernacula. Alii vero putant *abalim* plurale, esse arbores *alors*, consentiente voce, ut Noster etiam transtulit Proverb. VII. vers. 17. Quidam notant *חלהים abalim*, & *חלהים abalor* esse *aloen* arborem aromaticam, sic Hebraice dictam, quod eius lignum, seu fructus extendat odorem valde gratum. Sed *aloen* herbam esse, Plinius, & omnes affirmant. Nonnulli tamen Hebræorum, ac recentiorum *abalim*, *santalos*, quos vulgo *sandalos* vocant, esse arbitrantur arbores præstantissimas, quarum ligna siccata, aut fructus, odoris grati sunt, ut liquet ex Proverb. VII. 17. Hispanica quoque Translatio hic *Sandalos* vertit; aliqui, *aromata*, seu *virgulta aromatica*, aut *arbores aromaticæ*.

Quæ fixit Dominus. Hebr. *plantavit lehorah*. Quidam exponunt: Quarum arborum tanta est præstantia, ut non humana manu facit, sed divinitus datæ dicendæ sint.

V. 7. FLUET AQUA DE SITULA EIUS.

EIUS. Intransitive quidam exponunt, *Effluet, effundetur, defluet, decurret aqua*: alii transitive, *Fundet, effundet, distillabit aquas de stula eius*. Heb. *de hauffris, stulidis eius*, vel *suis*. *ידי דלי*, cuius plurale seu duale hic ponitur, aiunt proprie esse *hauffrum, stulam, urnam*, qua hauritur aqua ex puteo. Græcis *αρχυα*. Dualem formam vero indicare binas stulas, quibus ad hauriendam aquam uti soleamus. Alii volunt esse machinæ genus rotam habens, qua aquam ex puteis, vel fluminibus hauriunt, quod & *trapanum* vocatur. Aliqui reddunt: *Fundet aquas e stulis suis*: elucidant: Ita benedicit Deus, ut copiosam sobolem habeat atque fructiferam: erit fecundus, ac prolificus. Metaphora sub aquæ nomine secundi feminis, ut sequenti hemistichio seipsum declarat. Alii: *Defluet, distillabit aqua de ramis eius*, e significato vocis *ידי דליות, rami, fructifera, palmites*, Jerem. xi. 16. qualidicat: Erit sicut arbor quæ irrigatur, vel quam maritimus ros operuit, cuius rami exoriente sole distillant: alienior interpretatio. IN AQVAS MULTAS: metaphora, in populos multos: Isaïæ xlviii. 1. Jeremiæ xlvii. 2. Apocalyp. xvii. 15. Vel erit secundus, & semen eius capiet magnum incrementum, ut solent germina in locis irriguis. **TOLLETUR PROPTER AGAG, REX EIUS.** Heb. *Et elevatus, exaltatus fuit de Agag, rex eius*. Præteritis hic pro futuris utitur, propter vaticinii certitudinem. Varie exponunt. I. *Et altus erit, exaltabitur præ, magis quam Agag, rex eius*. II. *Sic assurgit supra Agagum rex eius*; id est, erit regnum eius multo opulentius regno Amalekitarum, quod eo tempore erat florentissimum: per synecdochē: nam eorum reges Agagi dicebantur, ut Aegyptiorum Pharaones, & Romanorum Cæsares. Sic I. Samuel. xv. vers. 8. III. *Et elevavit se ex Agag, præ Agag, supra Agag, rex eius*: nempe Saul vicit, & debellavit Agagum regem Amalekitarum I. Samuel. xv. IV. *Et tollet, levabit, auferet ab Agag regnum eius*; id est, Saul auferet regnum ipsi Agago. Sed Hebraice non habetur *regnum eius*, sed *rex eius*. Nonnulli putant, prædici hic magnitudinem regni Davidis, & Christi, quod David typus Christi, futurus erat rex potentissimus supra omnes alios reges,

qui hic synecdochice Agagi dicuntur. Non isti vulgati sensum esse volunt, Saulem tollendum de medio, eique regnum auferendum propter Agag regem Amalekitarum, eo quod ei pepercerit contra Dei mandatum, ut scribitur I. Samuel. xv. Vide S. Hieronymum in xxxviii. Ezechiel. ad vers. 17. Hunc locum late explanavimus Lib. VI. de Antichristo, cap. xxx. in secunda opinione. **ET AUFERETUR REGNUM ILLIUS.** Heb. *Et levavit se se regnum eius, seu attollet se, levabitur, elevabitur regnum eius*; id est, erit potentissimum, & inclytum. Nec aliene Nolter *levabitur pro tolletur, auferetur* reddidit: nam id verbum *נשא* *nasa* etiam significare non est dubium.

V. 8. ET PERFORABUNT SAGITTIS. Heb. varie exprimitur. 1. *Et sagittas eorum frangat, conteret*; 2. *Et sagittas eorum sagittabit*; 3. *Et tela eius transfordiet*; 4. *Et sagittis suis transfiget*; 5. *Et sagittis suis vulnerabit, sauciabit*; 6. *Aut sagittis suis frangat*; 7. *Et sagittas suas inficiet sanguine, cruentabit*; 8. *Et sagittas suas iminget, imbuet, immerget*, scilicet in sanguine inimicorum suorum.

V. 9. QUI BENEDIXIT TIBI, ERIT ET IPSE BENEDICTUS. Emphasis habent Hebræa, *benedicentes te, benedictus*; id est, quisque, singulus benedicientium erit benedictus; ut singulus maledicentium, maledictus, & execratus: nimirum ex promissione Dei facta Abraham Genes. xii. vers. 3.

V. 10. COMPLOSIIS MANIBUS, MORE SCILICET HOMINUM INDIGNANTIMUM. TERTIO BENEDIXISTI. Heb. *Et ecce benedixisti benedicendo isto, vel cum ista, tribus vicibus*. Hispanice, *con estas vezes*: alii, *istum*, videlicet populum: nonnulli, *iam*.

V. 14. DABO CONSILIUM, QUID POPULUS TUUS POPULO HUIC FACIAT. Heb. e contra: *Vade (veni, abi, ito, age) consulam tibi, quid faciet populus iste populo tuo*. Exponunt: Consulendo prædicam. Quidam reddunt: *Veni, respondebo, exponam, prædicam tibi quid faciurus sit populus iste, &c.* Ad verbum: *Ambula, sternam te*, id est disponam, præparabo, instruam, edocebo te, *quid faciurus sit populus iste, &c.* Aliqui subauditionibus locum infarciunt: *Age, consulam tibi quid faci-*

facturus sis, siquidem hæc facturus est populus iste populo tuo. Nonnulli: *Age*, i, *consulam tibi*, & hic figatur punctum, deinde subiungatur, *Quod faciet populus iste populo tuo*; ut illud quod non sit relativum, sed causale: hoc sensu: Ego consulam tibi, ob id, quod in fine dierum faciet populus iste populo tuo: ita quod non materia, sed occasio consilii: hic describatur; quasi dicat: Consulam tibi ea quibus prædictiones de felicitate huius populi Israelitici impediri, & averti possint. Alii, *Age, consulam tibi*, notant preteropem, seu præparationem hic esse, qua necessarium & exitialē consilium allaturus Bilham, Balaki animum comparat, ut res, quamvis animo suo ingratas, patienter audiat. Consilium autem hoc quale fuerit, indicat historia cap. xxv. nam ex consilio Bilhami eam evenisse, infra cap. xxxi. 16. & Apocalyp. 11. vers. 14. dicitur, & Iosephus disertè affirmat Lib. IV. Antiq. cap. vi.

Quid populus tuus populo huic faciat. Heb. e converso habent: *Quid faciet populus iste populo tuo*; uteriam legunt LXX. Interpretes, Chaldæi Paraphrastæ, & omnes recentiores: ac mirum plane, quam aperte ab Hebræo videtur hic discedere Noster. Frigidissime quidam Hebræa ad sensum Nostri conantur torquere, ut *Lamed in לך leghammecca* sit nota nominativi, *Populus tuus*. Aliqui reddunt: *Age, consulam tibi res, quales facturus est hic populus populo tuo extremis temporibus*; id est, quæ perinde Israelitis exitio futuræ sunt, ut ipsi tandem tuis popularibus exitialis sunt futuri. Atque hæc quidem brevitatis causa hoc loco reticentur; sed ab eventu qui narratur sequente capite, intelligendæ sunt. Hæc interpretatio mire Nostrem cum Hebræo conciliat, & alioqui Noster rem ipsam & sensum expressit, quod Moabitides inducturæ erant Hebræos in idololatriam. EXTREMO TEMPORE. Plerique, futuris diebus postquam a te recessero, nimirum in historia quæ sequenti capite describitur. Heb. *In posteroritate, postremitate, extremitate dierum, in novissimis diebus*. Et plures Hebræorum, & nonnulli nostrorum notant, hac phrasi tempora Messiæ intelligi, de quibus hic vaticinari Bilhamum non est dubium.

V. 17. VIDEBO EUM, SED NON MODO; INTUEBOR ILLUM, SED NON PROPE. Futura pro præsentibus: *Video, intutor illum*: spiritu prophetico video illum, Christum scilicet, qui post multa sæcula venturus est. Quidam neutro genere reddunt: *Video illum, non tamen nunc; contemplor illum, sed non propinquum*: nimirum illud quod mox dicturus sum. Sic relativa apud Hebræos interdum antecedentibus præeunt. ORIETUR STELLA EX IACOB. Hebræa hæc omnia continent: *Calcarvit, incessit, processit, ingressa fuit, perrexit, ivit, viavit*. Hispanice, *Aviose*. Hispanica Translatio: *Saldua, anduvo, o vino, stella, sidus, de, ex Iacob*. Quidam: *Extendit, tetendit, expandit, subaudi se*, vel radios suos, aut fulgorem. Alii: *Direxit stellam de Iacob*. Fere omnes hic *Stellam*, Christum ipsum, vel stellam illam quæ Magos ad eum adorandum adduxit, intelligunt. ET CONSURGET VIRGA DE ISRAEL. Hebr. *Et surget, stabit, stabilietur virga, baculus, sceptrum*, id est regnum de Israel, ut Gen. xlix. vers. 10. Quidam stellæ, & sceptri nomine regnum populi Dei accipiunt, ceptum in Davide, completum in Christo: inter quos tempus interiectum, fuit progressus quidam stellæ, aut incrementum sceptri; sive temporale regnum spectes, quod in primis spectabat Bilham; sive spirituale, quod continenter adimpletur in Christo. Alii *Virgam* exponunt Evangelium, & divinam Christi potestatem: Psal. cx. vers. 2. ET PERCUTIET. Verbo *מך machatz*, ut supra vers. 8. observavimus, hæc omnia subsumunt: *Et inficiet, intinget, imbuet, immerget*, scilicet sanguine; *cruentabit, sauciabit, vulnerabit, percutiet, cædet, franget, conteret, confringet, transfiget, transfodiet, perforabit, conquassabit*. DUCES MOAB. *מנהיגים paate*, constructum, angulos: metaphoricè intelligunt principes, duces, proceres, magnates, qui populum iungunt, continent, ac sustinent. Sic apud Helvetios *anguli*, seu *cantoni*. Quidam exponunt: *Et percutiet extremitates, terminos Moab*; id est, usque ad extremitates regni Moabitarum. Alii: *Quod, sceptrum, franget latera Moabitum*; id est, Moabitas sibi subiciet quasi perfodiens eorum latera. Vide II. Samuel. viii. vers. 2. Forſan, *Et feriet angulos Moab*. Meta-

phora.

phora est oppugnationis urbium, quarum latera, seu anguli murorum tormentis verberantur, & quatuntur, & transfodiuntur. **VASTABITQUE** קרקר *karkar*, notant esse verbum effectum a nomine *kir*, *paries*, contraria significatione, id est *exparietavit*; quasi, perdidit, suffodit, diruit parietem. Multa sunt apud Hebræos verba ex nominibus contrario significato efformata, ut a שורש *schoreseh*, radice שרש *scherefeh*, *eradicavit*; a עקר *gheker*, aut עקר *gbikkar*, *stirpe*, עקר *ghakar*, *extirpavit*; a עורף *ghoreph*, *service*, עורף *gharaph*, *decervicavit*; a דשן *desen*, cinere, דשן *disen*, *decineravit*; a זנב *zanab*, cauda, זנב *zinneb*, *decaudavit*; a גרם *gerem*, *osse*, גרם *garām*, *exfessare*. Frigide quidam hic: *Et imparietabit*; id est, parietibus, aggeribus, munitioibus, & operibus cinget, claudet, obfidebit: ut alludat ad supplicium quo etiamnum Turcæ utuntur, quo noxios fornaceis parietibus indunt & constipant. **OMNES FILIOS SETH**. Hebræorum aliqui putant *Seth* hic nomen esse urbis, aut regionis, seu populi, vel gentis in terra Moab tunc notæ, nunc vero incognitæ. Plerique universe filios *Seth*, interpretantur omnes homines, sive universum genus humanum: quia nimirum ex *Seth* filio Adam, per Noe omnes homines totius mundi propagati sunt, extincta & deleta per diluvium universa posteritate *Kain*. Alii Hebræorum reddunt: *Omnes filios fundamenti*, id est *provincias*, seu *regiones* mundi, quæ legibus fundantur, iuxta illud Maronis:

.... *Fundabit legibus urbem:*

vel quod sint quasi filiae terræ, quæ mundi fundamentum dicitur. Aliter: *Exparietabit*, *diruit omnes filios fundamenti*; hoc est, omnes extruções, & ædificia a fundamentis evertet, quæ filii fundamenti dicuntur, quod a fundamentis quasi a matre nascantur. Nec defunt ex Hebræis qui reddant: *Omnes filios podicis*, seu *sedis*: שרש *sebet*, *podicem*, *anum*, *nates*, *clunes*, *sedem*; quasi dicas *positivum*: quod homo sessurus se in eam partem ponat, significare non est dubium, ut *Isaię* xx. 4. Fortassis innuit *Philisthæos*, quos infami podicis ac natium ignominia cruciavit Dominus I. Samuel v. vers. 6. 9. *Psal.* lxxvii. vers. 66. Aut universa nationes gentilicas infames, & pudendas, ac

propudiosas, idololatria, & aliis vitiis & abominationibus sceleras. Quid si noter eandem illud naturæ ludibrium posticæ libidinis, qua gentes turpissime desagrabant. Quidam Hebræorum, *Filios podicis*, accipiunt hic *Moabitas*, & *Hammonitas* ex incestu filiarum *Lot* cum patre procreatos. Tremellius & *Iunius* hic ista asserunt: *Omnes filios sedis*; vel omnes eos qui pone sunt; id est, *Hammonitas*, *Madianitas*, & *Orientales ceteros ad Euphratem usque pertingentes*. Hos autem filios *sedis*, vel posticæ partis videtur appellare *Bilham* ratione situs sui. Nam castra habebant *Israelitæ* ad *Moabitum* campes *beria* *Ierichuntē* & *Iardēnem* versus, supra cap. xxii. vers. 1. Sic *Moabitis* respectu *Israelitarum* versus Orientem erant, ut narrat *Ipsithac* *Iudicum* xi. vers. 20. Cum autem hæc omnia *Bilham* enuntiaverit vultu ad *Israelitis* converso; tum certe fuerunt pone ipsum orientales populi, quos *Iudei* suo tempore subegerunt: itaque eos posteriorum partium filios appellavit: quæ partes honeste appellantur sedes hic, ut *Isaię* xx. 4. Quod si quis *Filios obfisionis* interpretari malit, id est *infectos hostes*, per quos *Israelitæ* quasi perpetua obfisione pressi sunt, ducto nomine a verbo, quod significat opponere castra, ut *Psal.* lxxvii. vers. 7. per me licet. Omnino, quod ante vertimus *Filios Schethi*, iam improbat mihi. Utram ex superioribus volet, pius lector deliget. Hæc illi. Ceterum totum hunc locum de stella processura ex *Iacob*, fuisse expositum dedimus in *Antichristo* Lib. III. c. v.

V. 18. **ET ERIT IDUMÆA POSSESSIO EIVS**. Istud impletum volunt in his quæ referunt II. Samuel. viii. vers. 14. **INIMICIS SUI**, id est *Israelitis*. **ISRAEL VERO FORTITER AGET**. Vocem חיל *chail* varie exponunt. I. Et *Israel* faciens strenuitatem, virtutem, robur; id est, fortiter, viriliter, strenue aget. II. Et *Israel* faciens opes, copias, facultates, substantiam, divitias; id est, rem ager: sic sumitur *Genes.* xxxiv. vers. 29. III. Et *Israel* faciens successum; id est, succedent illi omnia prospere. IV. Et *Israel* faciens exercitum; id est, valde multiplicabitur, utingentes exercitus conflare possit. Hispanica Translatio: Y. *Israel se aura varonilmente*, vel *bara esfuero*.

V. 19. **DE IACOB ERIT QUI DOMINETUR**, &c. Hunc versum quidam ex Hc-

Hebraico clarius ita reddunt: *Dominiumque obtinebit ex Iahakobo natus, qui perdit superfluum ex civitate quaque, id est hostem quemvis superfluum, quamvis munitissimum.*

V. 20. **PRINCIPIUM GENTIUM AMALEG, CUIUS EXTREMA PERDENTUR.** Quidam Hebræa reddunt: *Ut principium gentium Hamalek, ita finis eius ad perditionem esset: exponuntque: Ut copiis eius infelicititer suffecit, cum primum Israelitas primi omnium illarum gentium, puta quæ infestaverunt Israellem proficiscentem ex Aegypto, aggressæ sunt, Exodi xvii. ita succedet semper, donec deleantur. Nam irrevocabili Dei decreto Hamalekitæ traditi sunt Israelitis delendi, & contra eos perpetuum imperatum bellum, eodem cap. xvii. Exod. tribus ultimis versibus. Aliqui, Principium gentium, accipiunt præcipuum, & præstantissimum; quasi dicat: Hamalekitæ erant tunc præcipui & præstantissimi circumiacentium gentium, pace, & bello. CUIUS EXTREMA PERDENTUR.* Diversimode Hebræa convertunt: I. *Et finis eius sempiterna perditio: Exodi xvii. 14. & 16. II. Postremum eius perpetuo ablatum. III. Et novissimum eius in seculum periens. IV. Et postremum eius profusus peribit. Ex verbo: Et postremitas eius usque ad periens, vel usque ad perditionem. Nam כִּדְמָה obed potest esse participium, & nomen.*

V. 21. **VIDIT QUOQUE CINAËUM.** De Cenæ diximus Genes. xv. vers. 19. Iosephus Scaliger in Elencho Trihæresii, cap. xxiii. *Cenæ sunt vetustissimi populi. Cenæ est familia in tribu Iudæ, progenita quodam Keni de posteritate socii Moysi Madianitæ, qui Hobab, & Iethro dictus est. Populus semper numero singulari cum articulo, Hakeni, Kaneus, Genes. xv. vers. 19. Numer. xxiv. 21. I. Samuel. xv. vers. 6. Cum significat familiam pluraliter enuntiari debet, Hakenim: unus vero ex ea familia in singulari Hakeni, quemadmodum & cum populum denotat. Sed sine articulo Keni significat auctorem generis, quod habet formam nominis Gentilitii potius quam proprii. Et certe non Keni, sed kaini proprie, Numer. xxiv. vers. 22. & Iudicum 10. vers. 11. scribitur. Et dicitur esse de posteritate socii Moysi, ut Iudi. 1. vers. 16. ita intelligendum Filii Keni, de filiis socii Moysi. Moysi enim socii non dicebatur Keni, sed Iethro, & Ho-*

bab. Proprium igitur nomen eius erat Keni, vel Kaini; Scriptura vero etiam, ut diximus, Keni vocat. Hæc Scaliger. Tremellius, & Iunius Kenæum hic intelligunt gentem, & posteros lithronis, & Madianitis: unde Kenæus vocatur Iudicum 3. vers. 16. & posteri eius Kenæi, Iudic. iv. vers. 11. & I. Samuelis xv. vers. 6. Quidam volunt Keni nomen fuisse proprium Iethro socii Moysi, indeque ut gentilitium ad hæsisse posteris eius. Alii Keni gentem esse putant inter Hamalekitas seu Madianitas, aut his proximam, ex qua fuerit Iethro socii Moysi, & eius posteri. Nec desunt qui velint, socerum Moysi dictum Keni, ab urbe Kinab, iuxta quam incoluerit, quæ fuit in extremitate australi fortis Iudæ iuxta Idumæam, Iosue xv. vers. 57. ubi is, & posteri eius confederint. Sed vide plura de his apud Minervæ Serrarii, cap. xiv. ROBUSTUM QUIDEM EST HABITACULUM Tuum: SED SI IN PETRA POSUERIS NIDUM Tuum. Hebr. Fortis est sedes tua: & pone, vel ponere, in rupe nidum tuum. Quidam ironice id dictum interpretantur; quasi dicat: Etiam si habitaveris in rupe fortissima & munitissima, tu tamen non evades. Quem sensum Noster expressit.

V. 22. **ET FUERIS ELECTUS DE STIRPE CIN, &c.** Hunc versum varie reddunt ex Hebræo. I. *Quia si erit destructioni Kain, usquequo Assur prædabitur te; id est, quia si Cinæus erit, subsistet, servabitur in destructione Hamalek, qui hic Kain ob impietatem dicitur (Historia habetur I. Samuelis xv. vers. 6.) ipsæ tamen Cenæus tandem erit in prædā Assyriis, quando Salmanasar abducat captivum Israel. Vide Iudicum iv. vers. 11. & IV. Regum xvii. II. Certe expelletur Kain usquequo Assur captivum ducat te. III. Sed erit ad expellendum Cineus, usquequo te captivum abducat Assyrius. Mutatio secundæ personæ in tertiam, & rursus tertię in secundam, antecedens item prolativo, obscurum reddunt sensum: clarius sic vertendum volunt: Certe expelleris Cineæ, abducerisq; captivus ab Assyriis. Illud Usquequo perinde valet ac fidæ: Non tantum expelleris, sed etiam abduceris captivus: vel ita expelleris, ut abducaris captivus ab Assyriis. IV. Quia si fuerit ad expellendum, removendum, excidendum Kain,*

donec *Affur* prædetur te. V. Sed tolletur *Kineus*, quando *Affur* captivum abduxerit te. VI. Quoniam in veritate quinimmo erit ad depascendum *Kain*, donec *Affur* capiverit te. VII. Etenim *Cineus* comburetur, donec *Affur*, vel quando *Affur* captivum te abduxerit. VIII. Attamen erit ad depascendum *Kainum*, vel cum depascetur *Kain*, tantisper dum *Affurius* captivum tenebit te. *Kain* est *Kenæus* transpositis litteris, & fortasse auctoris gentis istius nomen est. Exponuntque: Tantisper dum *Affuriis*, &c. nam ex deportatione quam ab *Affuriis* & *Babyloniis* perpeffi sunt *Hebræi*, cum reducibus *Iudeis* reverterent quoque *Cinæi*, I. Paralipom. 11. vers. 55. *Affur* autem, vel *Affuria* generalis est multarum regionum appellatio, in quibus est *Babylonia*, & rex *Babyloni* *Affuriæ* dicitur I. Esdræ vi. 22. & *Isaïæ* LII. vers. 4. & alibi. IX. Quinimmo erit ad removendum, ad separandum *Kineus*, usque ad quid? vel usquequo *Affur* captivum abducat te; id est, removebit se *Cinæus* a fratribus suis, separabit se ab illis e tribu *Juda*, & recipiet se in tribum *Naphthali*, seu *Manasse*, Iudicum iv. vers. 11. usquequo cum *Affurius* *Salmanasar* cum decem tribubus *Israel* abducat captivum, IV. Reg. xvii. vel separabit se *Cinæus* usquequo tu *Israel* abducaris a *Salmanasare*. Verbum *בָּרַח* *baghar*, quod comburere vertimus, omnia prædicta significata complectitur. X. Sed erit in depastionem, in combustionem, *Cineus*, donec *Affur* captivum te ducat; quasi dicat: Attingetur, male habebit *Cinæus* usque ad deportationem *Salmanasari*cam.

V. 23. HEU, QUIS VICTURUS EST? *Hebr.* Oī, potest reddi *Heu*, v.e., o, particula quæ potest esse exclamantis, & dolentis. I. O quis tandem viveret, ut ad ea tempora pervenire posset, &c. ea coram inveneri quæ hic vaticinor! quasi dicat: Res a nostro ævo quam longissime remotas prænuntio. II. *Heu* quis desideret se in eam finitima tempora reservari, quando *Deus* tam clara evocet imperia! quasi dicat: O quantas, & quam graves calamitates, quando ista faciet *Deus*? *מִי יִשְׁמַח* *miשמח* *et*. Quidam: A ponere cum *Deus*? vel cum posuerit istud *Deus*? aut ex quo disposuerit, statuerit hoc *Deus* fortis? Alii *et* non pro *Dei* nomine, sed pro *istud*, sive *ista* capiunt: A ponendocum *istud*, sive *ista*? qua-

Bib. Sac. Tom. III.

si dicat: Quis vivere poterit ex quo evenire fecerit ista *Deus*?

V. 24. IN TRIERIBUS. *צִיִּים* *tsi*, navis, quia est pars sicca & arida in aqua, quasi insula, *Isaïæ* xxxiii. 21. Plurale *צִיִּים* *tsim*, naves, hic, & *Ezechiel*. xxx. 9. & geminato *יִצְיִים* *tsiim*, *Daniel*. xi. vers. 30. DE ITALIA. *Hebr.* De manu *כְּתִים* *ctim*. De manu. I. De loco, ut *Isaïæ* lvi. 5. II. De littore, ora, ripa, ut *Numer.* xiii. 30. *Deuter.* ii. vers. 37. III. De termino, finibus, limitibus, *Ezech.* xxi. 19. quod veteres in limitibus manum ponerent. IV. De plaga, traſſu, regione, ut *Isaïæ* xxxii. 18. ITALIA. *Cittim*, de quo diximus *Genes.* x. vers. 4. Vide quæ de *Cittim* disseruimus in *Antichristo* Lib. VI. cap. 11. Eo nomine generaliter comprehendi volunt *Cyprios*, *Cretes*, *Cilices*, *Macedones*, *Græcos*, *Italos*, unde nomen *Caietæ*, & singulariter Romanos. Ridicule quidam hic *Turcos* intelligunt. ET AD EXTREMUM ETIAM IPSI PERIBUNT. *Hebr.* varie exprimunt: 1. *Et etiam ipse sempiterna perditio*; 2. *Et etiam ipse perpetuo ablatus*; 3. *Et etiam ipse profusus periens*; vel *in seculum periens*; 4. *Et etiam ipse usque ad periens*, vel *usque ad perditionem*, vel *perdentes*; vel *usque ad perditionem*, vel *ablationem*. Iam totius huius versus, & oraculi *Balaami* variz feruntur explanationes. I. Veniet *Alexander Magnus* cum magnis *Macedonum* copiis, & navibus, ac *trirenibus*; uti *Diodorus Siculus* Lib. XVI. num. 570. *Plutarchus* in eius vita, *Arrianus* Lib. I. *Iustinus* Lib. XI. perſcribunt: & opprimet *Affyrios*, *Babylonem*, & Orientem, & subiugabit *Hebræos*; *Iosephus* Lib. XI. Antiquit. cap. viii. eiusque successores *Græci*, & *Seleucidæ*, ut *Antiochus Epiphanes*, eosdem *Hebræos* vehementer afflixerunt: qui tandem *Alexander* veneno, aut violento morbo *Babylone* perit: & ipsi *Græci*, & *Seleucidæ* deum perierunt. II. Veniet *Romani* cum magnis classibus, qui *Affyrios*, & *Hebræos* affligent & opprimant: & ipsi tandem *Romani* peribunt, eorumque imperium extinguetur. Quidam hunc locum consunt cum eo *Daniel*. xi. vers. 30. Et veniet super eum *trieres*, & *Romani*, & percutietur, & revertetur: quando *Romani* missa legatione, afflixerunt *Antiochum Epiphanem* *Syriæ* regem: &

C c eum

eum AEGYPTO. excedere iusserunt. Huius vaticinii Balaamici copiosissimas expositiones habes in nostro Antichristo Lib. VI. cap. I. II. III. IV.

V. 25. ET REVERSUS EST IN LOCUM SUUM. Quidam exponunt: Abiit quidem animo revertendi in patriam suam Pethoram Mesopotamiae urbem ad Euphratem, supra cap. xxii. 5. sed tamen non est reversus: nam apud Madianitas subsistit, & illic interclusus est, infra cap. xxxi. vers. 8. Nisi velimus ivisse in Mesopotamiam, & inde ad Madianitas revertisse; sed cum Ammonitam dixerimus, facile potuit se recipere ad Ammonitas, ac deinde ad proximos & vicinos Madianitas, doli fabricandi causa concedere, ubi sit interfectus.

M E N O C H I I.

Vers. 1. CUMQUE VIDISSET BALAM: divina illustratio-
ne cognovisset. UT AUGURIUM QUAE-
RERET. LXX. in occursum avibus: augurium enim est divinitio ex avium volatu, cantu, aut passu captata. Vox Hebraea superstitionem significat. & malas artes.

V. 2. SPIRITU DEI, spiritu prophetiae a Deo immisso.

V. 3. ASSUMPTA PARABOLA. Vide cap. xxiii. 7. HOMO CUIUS OBTURATUS EST OCULUS. Qui in somnis, quando clauduntur oculi, accipit a Deo propheticam visionem; vel qui raptus in extasim, & alienus a sensibus, vidit visiones Dei; vel qui de aliis prophetat, ipse tamen permanet cecus, nec suae consulit saluti; vel cuius ante spiritus adventum obturatus est oculus mentis, deinde apertus adveniente lumine prophetico.

V. 4. QUI CADIT, scilicet in somnum, vel potius alienationem a sensibus. ET SIC APERTIUNTUR OCULI EIUS, scilicet mentis per lumen propheticum.

V. 6. UT VALLES NEMOROSAE: ut valles nemorosae spectabiles arborum copia, viriditate, opacitate; ita castra Hebraeorum, qui plurima tabernacula intenderant, sed quorum umbra latebat, quorum species oculos pascerebat. UT HORTI IUXTA FLUVIOS, qui semper virent, florent,

& fructus proferunt. TABERNACULA QUAE FIXIT DOMINUS: quae scilicet nulla vis possit convellere. CEDRI PROPE AQUAS: quae scilicet irrigatione proceriores fiunt, & pulchriores.

V. 7. FLUIT AQUA DE SITULA EIVS. Situlam vocat prosapiam, & posteritatem Israel; quasi dicat: Sicuti situla plena copiosam dat aquam; ita prosapia Israelis erit secunda, multoque gignet filios. Hunc esse sensum patet ex hemistichio sequente, quod de more prius explicat: ait enim: *Et semen illius erit in aquas multas*. Aquarum metaphora designari copiosam prolem, & integros populos, patet ex Prov. v. 16. & Apocal. xvii. 15. REX EIVS, Saul, qui regno excidit propter Agag servatum. Vide I. Reg. xv.

V. 8. SIMILIS EST RHINOCEROTIS. Vide dicta cap. xxiii. n. 22. DEVORABUNT, Israelitae, GENTES HOSTES ILLIUS, quae Hebraeis inimicae, & infestae.

V. 9. ACCUBANS DORMIVIT UT LEO: secure quiescet Israel, hostibus cum violare non audentibus. Accidit hoc praecipue tempore Davidis, & Salomonis.

V. 14. DABO CONSILIUM, ut per mulieres ad cultum Beelphegor Israelitas pellicias, & perdas: hoc enim fuisse Balaam consilium, patet ex cap. xxxi. 16. & Apocal. ii. 14. EXTREMO TEMPORE, sequentibus diebus, postquam discessero.

V. 5. SUMPTA PARABOLA. Vide supra cap. xxiii. 7. CUIUS OBTURATUS EST OCULUS. Vide supra n. 2.

V. 17. VIDEBO EUM, Christum, non oculis corporis, sed visione prophetica. SED NON MODO; quasi dicat: Quae modo praedico, & visione prophetica futura praevideo, evenient quidem certo, sed non tam cito, adhuc enim longius absunt a nostris temporibus. ORIETUR STELLA EX IACOB. Christus dicitur stella: primo quia ipse est lux mundi; secundo obclaritatem, & gloriam vitae caelestis, miraculorum, resurrectionis, & beatitudinis; qua de causa vocatur Stella splendida, & matutina Apoc. ii. 28. 26. tertio quia illius nativitas stella offensa est Magis. CONSURGET VIRGA DE ISRAEL; quasi dicat: Christus nascetur ex Israel, qui virga, vel, ut

est in Hebræo, *sceptro regni sui*, id est potestate regia, percutiet, & atteret duces Moab. *VASTABITQUE*. Chal. *Dominabitur*: sua ditione, & dominatu concludet, & quasi carcere coercet, & habebit in potestate, ut significare videntur Hebræa. *FILIOS SETH*, omnes homines: nam omnes per Noë Sethi filii sumus, omnis enim Caini proles diluvio interit.

V. 18. ET ERIT IDUMÆA POSSESSIO EIVS. Ut Jacob typus est omnium Israelitarum spiritu, hoc est proborum Christi sectatorum, ita Esau reproborum. Possidebit ergo Christus non solum Israelitas, qui se illi sponte subiciunt, sed Idumæos etiam Esau posteros, refractarios, ac rebelles, improbos quosque aut infideles, aut Christianos. *HEREDITAS SEIR*, Esau, qui dictus est Seir, quia pilosus. Secundum hoc henilichium idem significat quod primum, quod præcessit. *ISRAEL FORTITER AGET*, Christus, & Christiani.

V. 19. DE IACOB. De Christianis erit qui dominetur: quod evenit in Constantino, & Imperatoribus illum subsecutis. *PERDAT RELIQUIAS CIVITATIS*, Romæ, Romanorum gentilissimum evertens, vel in secundo adventu reliquias civitatis cuiuslibet, hoc est omnes quotquot in ipsum credere noluerint, vel ei rebelles permanferint. Prophetia his tribus versibus comprehensa, de Christo est, ut explicuimus, sed cum allusione ad Davidem: itaque Davidis gesta res hic perstringuntur, & quædam dicuntur quæ magis particulatim Davidi conveniunt, uti sunt: *Percutiet duces Moab; & Erit Idumæa possessio eius, Israel vero fortiter aget*. Alia vero magis proprie competunt Christo, uti sunt: *Orietur stella eis Jacob; &, Perdat reliquias civitatis*.

V. 20. CUMQUE VIDISSET AMALEC, de monte Phasga altissimo, in quo constitutus erat. *ASSUMENS PARABOLAM*, prophetans. Vide supra. *PRINCIPIUM GENTIUM AMALEC*, prima, ac præcipua gens, nobilissima earum quæ circumiectas regiones habitabant: vel sensus est is quem exhibet Chaldeus, qui vertit: *Principium bellorum Israeli fuit Amalech* (quod patet Exodi XVII.) quare bene additur, *CUIUS EXTREMA PER-*

DENTUR, ut sit antithesis, quasi dicat: Cito & primi Amalecitarum insurrexerunt in Israelitas, sero autem extremis temporibus plexi sunt. Ita factum sub Saul I. Reg. xv.

V. 21. CINAËUM, posteros Iethro, qui erant in castris Israelitarum. *ROBUSTUM EST HABITACULUM TUUM*: quia modo inter duodecim tribus degis, & in Chanaam in tribu Iuda, quæ fortissima est, habitabis. *SED SI IN PETRA POSUERIS NIDUM TUUM*: etiamsi in fortissimo, & munificentissimo loco sedem tuam constituas.

V. 21. DE STIRPE CIN, de stirpe Iethro. *ASSUR CAPLET TE*: quod factum cum Salmanasar transtulit decem tribus Israel in terram Medorum, IV. Reg. xvii. tunc enim cum eis eodem transtulit Cinæos, id est progeniem Aber Cinai, qui recesserat ab aliis Cinæis, & habitabat in sorte Nephthali.

V. 23. HEU QUIS VICTURUS EST? Quis optabit vivere, cum tantæ strages Cinæorum, & Amalecitarum, vel potius Assyriorum, Hebræorum, & Romanorum, de quibus sequitur, edentur?

V. 24. IN TRIERIBUS, in triremibus. *VASTABUNT HEBRÆOS*, Vespasiano, & Tito imperantibus. *ETIAM IPSI PERIBUNT*, ruente Romanorum imperio, Gothis, aliisque barbaris Romam occupantibus.

T I R I N I.

Vers. 1. UT AUGURIUM QUÆRERET. Solebat ergo impius Balaam, etiam cum a vero Deo responsum quæreret, adhibere supersticiosos quosdam ritus, ut hic septem præcise aras, septem vitulos, septem arietes; & forsan certo situ, verbi gratia ad Orientem, vel Meridiem; certo statu corporis, certis instrumentis, certo vocibus, &c. ut solent profani augures captare auguria. Quæ quia iam omnia spernit, solique spiritui divino attendit, ideo dicitur non amplius augurium quærere.

V. 3. HOMO, CUIUS OBTURATUS EST OCVLUS, scilicet internus mentis oculus, qui obturatus, id est clausus, & obtenebratus in Prophetis dicitur, quamdiu revelatio divina illis non inno-

tuit: tamdiu enim circa futura nihil omnino vident aut norunt. Patet ex adiunctis versu sequenti, ubi etiam exponit quarratione aperiantur oculi eius, seu quo modo divinam visionem & revelationem accipere soleat, puta cadendo primum: addunt LXX. *in somnis*, non proprie dictis, sed in eclassi, quæ est quasi soporatio seu suspensio sensuum exteriorum, spiritu prophetico totam mentem ad se rapiente, nec nisi clausis externis sensibus, internos oculos aperiente ad revelationem excipientiam.

V. 7. FLUET AQUA DE SITU A EIUS. Parabola est, quam mox sequentibus verbis explicat, *ET SEMEN ISRAELIS ERIT IN AQUAS MULTAS*, id est in populos a multis; quasi dicat: Numerosissima erit posteritas, & multi quasi populi via generationis procedent ex hac iam uno populo: ita Oleaster, Abulenſis, Sa. Mox de primo Israelitarum rege subdit: *TOT-LETUR PROPTER AGAG, REX EIUS*, puta Israelis, nempe Saul, cui sublatum est regnum propter non occidit Agag Amaleitarum regem, quem a Deo iussus fuerat occidere, I. Reg. xv. Ita omnes SS. Patres, & Doctores.

V. 13. DABO TIBI CONSILIUM. Quale id fuerit, hic non exprimitur, sed capite sequenti factum narratur: & licet consilio Balaam id factum, ibi non referatur; refertur tamen diserte capite xxxi. 16. & Apocalypſis 11. 14. Iam enim non amplius actus spiritu Dei, sed a mammona infectus Balaam, ut aucto Moabitico poritur, gratiam regis Balaac, quam non potuit maledicendo Israeli, conatur demereri suggerendo pravam consilium ad Israelum evertendum. Erat autem istud consilium, de pertrahendis Israelitis in idololatram per speciosas virgines Moabiticas, quæ suis blanditiis iuvenes Hebræos ad idolorum sacrificia pellicerent, ut factum capite sequenti. *EXTREMO TEMPORE*, id est tandem post alia omnia remedia frustra a nobis tentata; quasi dicat: Hoc saltem ultimum succedet ex voto. Sed hoc consilium ipsimet Balaamo exitum attulit, ut cap. xxxi. v. 8. patebit.

V. 17. VIDEBO EUM, scilicet Messiam de quo nunc ago, SED NON MODO ... SED NON PROPE: nam quæ de illo iam prædico, non tam cito evenient, sed lon-

gius absunt a nostris temporibus. Addunt quidam, Balaam hic insinuare, visurum se Christum non suis, sed posterorum suorum oculis, hoc est Magorum trium, qui ductu stellæ adorant Christum recens natum in Bethlehem. Sed incertum est, an hi Magi fuerint e posteris Balaam. *ORIENTUR STELLA EX IACOB, ET CONSURGET VIRGA DE ISRAEL.* Rabbini, & ex eis Abulenſis, hæc de Davide ad litteram accipiunt, quia hic subegit Moabitas, & Idumæos, de quibus post agit Balaam. Et vero ad Davidem alludi non libenter negam; primario tamen de Messia filio & herede Davidis, & per Davidem tamquam per typum & figuram repræsentato, certum est ad litteram hæc exponi debere. Et ita exponit Chaldaeus, & iere omnes SS. Patres. Erat enim Christus ex Israele oriundus vera Stella mundi, luce doctrinæ suæ; & virga seu sceptrum, regia sua potestate qua toti mundo dominetur. Atque ita huic proprie quadrat, quod adventu suo percussit duces Moab, & vallarique omnes filios Seth. id est omnes homines, inquit Chaldaeus: quia omnes quotquot ex Noe prognati sunt, a Seth atavo Noe processerunt. Omnes ergo non solum Moabitæ, id est idololatæ, & iurati hostes Israelitarum, sed etiam alii populi, a Christo subiciendi hic dicuntur, more Prophetis usitato, qui adventum Christi tum primum, tum secundum solent describere ad modum atrocissimi cuiusdam belli in omnes nationes gerendi, propterea quod omnium gentium idololatram, impietatem, & scelera destructurus sit. Ita Eugubinus, Lyranus, Abulenſis, Oleaster, Vatablus, Caietanus, & Sa.

V. 19. ET PERDAT RELIQUIAS CIVITATIS, puta Romæ, quæ antonomastice civitas & urbs vocatur, tamquam præcipua totius orbis urbs, inquit Abulenſis. Hæc perdita est a Constantino Magno, cum hic conversus ad Christum totam quoque Romam, & reliquias Gentilium una secum ad Christum traduxit. Sic infra.

V. 24. VENIENT IN TRIERIBUS, seu triremibus, DE ITALIA, &c. Plurimis ante Romam conditam annis prædicit potentiam Romanorum superatum iri Assyrios: quod factum primo, tempore Augusti

gusti Imperatoris, cum Ventidius Bassus de ipsis, & vicinis Parthis triumphavit; secundo, tempore Traiani, a quo rursus subiugati Assyrii & in provinciam redacti sunt, teste Dione, Cassiodoro *b*, Felto Rufo, & aliis. Ab iisdem Romanis prædicit hic vastatum & excidium in etiam Hebræos, alludens ad clades a Pompeio ipsis inferendas, & ad excidium urbis, imperique illorum per Titum, & Vespasianum Imperatores Romanos. Denique Romanos quoque ipsos, everso excisoque illorum imperio, spiritus perituros prænuntiat eodem versu, quod futurum in fine mundi, sub initium monarchiæ Antichristi, constans est sanctorum Patrum, & Doctorum sententia. Idem prædixit Daniel cap. 11. vers. 40. & sequentibus. Vide Bellarminum de Pontifice Lib. III. cap. v.

(a) Apoc. xvii. vers. 13.

(b) Dion. Lib. LXVIII. Rom. histor. Cassiod. in Chronic. de Cin. & Cinis 1. vers. 21. Vid. cap. x. vers. 20.

GORDONI.

Vers. 1. **C**UMQUE VIDISSET Balaam, &c. Accepit quidem a Deo priorem de Israelitis revelationem. Quamvis forte ille ritu impio Deum consulere cogitaverit; tamen hoc loco videtur convertisse animum ad Deum verum, ut indicat hic primus versus, & quartus. Sint quidem hic adhibiti ritus vitiosi, non moror: sæpe enim contingit verum Deum incepto invocari modo.

V. 3. & 4. **ASSUMPTA PARABOLA**, hoc est prophetans. Parabola vocatur prophetiam, gravem, & pulchram. Vox Hebr. מַשַּׁל *masal*, parabola, significat illustrem aliquam sententiam, ut est proverbium, oraculum: sic מַשַּׁל Parabola Salomonis. Additur, **CUJUS OBTURATUS EST OCVLUS**; hoc est, non oculo videns corporis, sed mente per ecstasim illustratus prophetat. Hinc vers. 4. **QUI CADIT**, scilicet in ecstasim, mentem videt.

V. 7. **TOLLETUR PROPTER AGAG, REX EIUS.** Prophetia est de Saule Rege, qui propter Agag privabitur regno, ut habet I. Reg. xv. Hieronymus cap. xxxviii.

Ezech. Consentit editio Hebraica; tamen Septuaginta vertunt, *Exaltabitur Gog*: sed verior est lectio prior. Aqua, & semen hic designant opum abundantiam, & numerosam posteritatem.

V. 8. **SAGITTIS SUIIS CONTERET HOSTES**: devorabunt, id est consument.

V. 15. **OBTURATUS**. Vide vers. 3.

V. 17. **VIDEBO EUM**. Prophetat in persona posteritatis, quæ videbit regnum Christi, qui est virga, & stella. Aliqui tamen hæc interpretantur de David, qui Moab, & Idumæos subegit, II. Reg. viii. sed recte Chald. *Ungetur Christus de domo Israel*.

V. 18. & 19. **HEREDITAS SEIR**, hoc est Idumæa: nam Esau dictus est tum Edom, tum Seir. Per civitatem hic vers. 19. Romam plerique intelligunt: & sic ad Christum reverteri debet; si vero ad David, per enallagen erit CIVITATIS pro civitatum.

V. 20. & 21. Ex edito monte prospiciens regionem Amalec, prædicit excidium per Saul, I. Reg. xv. **PRINCIPUM GENTIUM**, seu præcipua tunc natio, & nobilis, aut *principium bellorum*, ut habet Chaldaeus. Cinæi sunt posterii Iethro, qui quamvis nunc associati Iudæis, tamen vastabuntur ab Assur. Quando Salmanassar transfudit decem Tribus, IV. Reg. xvii. translati tunc sunt Nephthalitæ, & Cinæi habitantes inter illos.

V. 24. **IN TRIERIBUS**, in triremibus. Historia hæc est, & notissima. Pro **ITALIA**, Chaldaice *Romani*; in Hebr. est כְּתִים *Chitim*, & Cyprum significat, ad cuius latus (ut sciunt Geographi) est Italia; & hoc ipsum est in Hebr. ubi ad verbum est, venient ex latere מִיַּד *miad*, aliqui vertunt, *ex littore*. Pagninus, *de manu*. Quod est **PERIBUNT**, ad quos referatur plenæ sunt historiæ.

EX EIUSDEM AUCTARIO.

V. 14. **DABO CONSILIUM**. Colligimus ex cap. xxx. 16. & Apoc. 11. consilium fuisse, ut per mulieres induceret Israelitas ad peccandum, & sic deferrentur a Deo.

V. 15. **OBTURATUS**, ut dixi vers. 3.

C A P U T XXV.

*Ob fornicationem Israel cum Madianitis inbet Deus principes suspendi;
 ipsique Phinees dat perpetuum sacerdotium, eo quod divino
 zelo Zambri, & Cozbi pugione confodisset.*

1. **M**Orabatur autem eo tempore Israel in Settim, & fornicatus est populus cum filiabus Moab, 2. quæ vocaverunt eos ad sacrificia sua. At illi comederunt, & adoraverunt Deos eorum. 3. (a) Initiatusque est Israel Beelphegor: & iratus Dominus, 4. ait ad Moysen: (b) Tolle cunctos principes populi, & suspende eos contra solem in patibulis: ut avertatur furor meus ab Israel. 5. Dixitque Moyses ad Iudices Israel: (c) Occidat unusquisque proximos suos, qui initiati sunt Beelphegor. 6. Et ecce unus de filiis Israel intravit coram fratribus suis ad scortum Madianitidem, vidente Moysæ, & omni turba filiorum Israel, qui flebant ante fores tabernaculi. 7. (d) Quod cum vidisset Phinees filius Eleazari filii Aaron sacerdotis, surrexit de medio multitudinis, & arrepto pugione, 8. ingressus est post virum Israelitem in lupanar, & perdidit ambos simul, virum scilicet & mulierem, in locis genitalibus. Cessavitque plaga a filiis Israel: 9. & occisi sunt viginti quatuor millia hominum. 10. Dixitque Dominus ad Moysen: 11. Phinees filius Eleazari filii Aaron sacerdotis avertit iram meam a filiis Israel: quia zelo meo commotus est contra eos, ut non ipse delerem filios Israel in zelo meo: 12. idcirco loquere ad eum: (e) Ecce do ei pacem fœderis mei, 13. & erit tam ipsi quam semini eius pactum sacerdotii sempiternum, * quia zelatus est pro Deo suo, & expiavit scelus filiorum Israel. 14. Erat autem nomen viri Israelitæ qui occisus est cum Madianitide, Zambri filius Salu, dux de cognatione & tribu Simeonis. 15. Porro mulier Madianitis, quæ pariter interfecta est, vocabatur Cozbi, filia Sur principis nobilissimi Madianitarum. 16. Locutusque est Dominus ad Moysen, dicens: 17. (f) Hostes vos sentiant Madianitæ, & percutite eos: 18. quia & ipsi hostiliter egerunt contra vos, & decipere insidiis per idolum Phogor, & Cozbi filiam ducis Madian sororem suam, quæ percussa est in die plagæ pro sacrilegio Phogor.

(a) Ios. xxii. 17. (b) Deuter. iv. 3. (c) Exod. xxxii. 27. (d) 1. Mach. ii. 26. Psal. cv. 30. 1. Cor. x. 8. (e) Ecccl. xlv. 30. 1. Mach. ii. 54. (f) Infra xxxi. 2.

B R U G E N S I S

ROMANA CORRECTIO.

V. 13. *Quia zelatus est pro Deo suo.* Non addas zelo.

LECTIONUM VARIETAS.

V. 12. *Idcirco loquere ad eum.* Alii libri supplent plurale ad eos, locosingularis: neutrum enim Hebraice legitur.

C O M M E N T A R I A.

S A.

Vers. 3. **I**NIITIATUSQUE. Hebr. *coniunctus*; LXX. *sacrificavit*; Chald. *coniunctus cultoribus Beelphegor*. BEELPHEGOR, id est idolo quod colebatur in monte Phegor; quasi dicat: Se ei consecrarunt, eius ritus servantes.

V. 4. **C**ONTRA SOLEM, id est coram sole, scilicet publice. Hebr. *Domino, coram sole*. Chald. *Iudica, & occide illum qui reus fuerit mortis, coram Domino contra solem*.

V. 6. **M**ADIANITIDEM, scilicet adductam in castra, ut dicitur Hebraice.

V. 7. **P**UGIONE. Hebr. Chald. & LXX. *hasta, seu lancea*.

V. 8. **G**ENITALIBUS, scilicet mulieris; ut dicunt Hebr. & Chald. at LXX. *per ventrem*. **P**LAGA, scilicet qua a Deo percussus. Chald. *pestis*.

V. 9. **O**CCISI, scilicet a Deo, peste.

V. 12. **P**ACEM; quasi dicat: Omnino fructus mea promissionis, nemine impediende. **P**ACEM FOEDERIS MEI. Sic etiam Chald. at Hebr. & LXX. *pacem meam pacis*.

V. 13. **E**XPIAVIT SCELUS FILIORUM ISRAEL. Chald. & LXX. *Placavit pro filiis Israel*.

V. 18. **S**OROREM; quasi dicat, popularem; seu civem suam.

E S T I T.

V. 4. **T**OLLE CUNCTOS PRINCIPES POPULI, ET SUSPENDE EOS. UT AVERTATUR FUROR MEUS. Nota, quantum valeat apud Deum digna animadversio in sceleratos: nempe ad averendum furorem Dei a populo. Et quidem, si tantum valet apud Dominum iusta & severa animadversio in malos; e contrario quoque intelligendum est quantum Deo displiceat, & iram eius provocat iustitiae neglectus, & relaxatio publicae disciplinae. Et utinam similis iustitiae neglectus etiam in nobis non provocasset iram Dei.

V. 7. & 8. De Phinees. ET ARRE-

PTO PUGIONE, INGRESSUS EST POST VIRUM ISRAELITEM, &c. **P**UGIONE, Graece est, *Et cum accepisset ferromasten in manu*. Et idem vocabulum est in Graeco IV. Reg. xi. Et Hieronymus quoque illo utitur in Epist. LIII. ad Riparium. Eam vocem alii *pugionem*, alii *lanceam*, alii *hasta* vertunt. Vide Marianum in illam epistolam Hieron. Porro non occidit istos Phinees privata auctoritate, ne quis putet hoc in exemplum esse trahendum, sed ex ordinatione Moysis, qui dixerat ad iudices Israel, inter quos erat & Phinees summi Sacerdotis filius: *Occidat unusquisque proximos suos*.

V. 13. **E**T ERIT TAM IPSI (Phinees) QUAM SEMINI EIUS PACTUM SACERDOTII SEMPERITERNUM. Loquitur Dominus de summo Sacerdotio. Fuit autem hoc pactum sempiternum aeternitate legis, id est quamdiu lex Moisaica duravit. Fuit quidem interruptio per Heli, & filium, nepotem, ac pronepotem eius, qui erant ex stirpe Ithamar patri Phinees; sed ita, ut ius saluum remaneret posteritati Phinees, opportuno tempore declarandum, scilicet reddita posteris eius sacerdotii possessione: quod fieri coepit per Davidem (quoniam quasi aequali gradu sacerdotes habuit Abiathar, & Sadoc, II. Reg. xxv. & I. Paralip. xv.) & perfectum est per Salomonem; qui, repulso Abiathar ex posteris Heli, & Ithamar, Sadoco ex stirpe Phinees sacerdotium generi suo debitum restituit.

M A R I A N A E.

Vers. 3. **I**NIITIATUSQUE EST ISRAEL BEELPHEGOR. Hebr. *Adh. est Israel Beelphegor*: sed sententia est eadem. *Beelphegor, Triapus*. Isidor. Lib. VIII. Etym. cap. xi. & histor. Schol.

V. 4. **S**USPENDE EOS CONTRA SOLEM, pro ad solem. Hebr. *Suspendere fac eos Domino coram sole*, id est palam. Itaque ipsi Principes erant suspendendi; sed quoniam proximo versu praecipit Iudicibus ut quisque proximos occidat, Pagn. vertit: *Fac ut ipsi suspendere faciant eos*. Ego po-

potius credam alios fuisse Principes seu capita populi, alios Iudices.

V. 6. INTRAVIT CORAM FRATRIBUS SUIS AD SCORTUM MADIANTIDEM. Hebr. *Adduxit ad fratres suos Madiantidem*: sic Chald. at Sept. *Adduxit fratrem suum ad Madiantidem*.

V. 7. ET ARREPTO PUGIONE. Vox *romach* plerisque *lanceam* significat, aut quod *roncha* Italis est, Hispanis *guadagna*; sed ad confodiendum illos pugio erat habilior. Sept. *σπερμαγών* dixerunt, quod non omnes una significatione accipiunt.

V. 8. PERFODIT... IN LOCIS GENTILIBUS. Hebr. *In vulva aut ventre eius*, nempe mulieris, aut in utriusque membro, ut Hebræi putant, pugionem misit.

V. 12. ECCE DO BE PACEM FOEDERIS MEI. Hebr. *Ecces ego do ei*, scilicet Phinees, *sedes meum pacis*.

V. 15. FILIA SUR PRINCIPIS NOBILISSIMI. Erat Madiantidis. Hebr. *Filia Sur Princeps gentium*, domus patris in Madian ipse. *Gentium*, id est familiarum, quæ ex ea prosapia erant, erat Princeps pater Madiantidis.

V. 18. DECERERE INSIDIIS. Vox Hebraica, *versutus*, *astutus*ve significat. Hinc colligitur, consilio a Madiantidis missas puellas, ut ludæos prosternerent; sed & Hebræi addunt, id consilium dedisse Balaam: id assertit Iosephus V. Antiq. cap. iv. Tum Apoc. cap. ii. vers. 14. id indicatur: *Balaam, qui docebat Balac mittere scandalum coram filiis Israel*, &c. sic infra cap. xxxi. vers. 16.

M A L V E N D A E.

Vers. i. I N SETTİM. Eusebius, & S. Hieronymus de Locis Hebraicis: *Settim, ubi populus pollutus est fornicatione filiarum Moab. Est autem iuxta montem Phogor: unde & Iesus exploratores ad investigandam & noscendam terram misit Iericho. Et in Ioe. 111. Est autem Settim locus iuxta Livnadem trans mare mortuum, sexto ab ea distans milliari, ubi quondam cum Madiantidis fornicatus est Israel*. De Livade diximus cap. xxiii. vers. 28. Quidam existimant ligna illa *שִׁטִּים* *sebitim*, pretiosissima sacris litteris commendata, de quibus egimus Exod. xxv. 5. dicta a

loco isto quod ibi abunde provenirent; alii vero volunt locum hunc ab illo arborum genere, quarum credibile est cum fuisse teracem, nomen habuisse. Numer. xxxiii. vers. 49. appellatur *Abel Settim*; & Ioe. 111. vers. 10. *Nachal Settim*. Fuit postrema Israelitarum mansio, seu statio. ET FORNICATUS EST POPULUS CUM FILIABUS MOAB. Quidam ad utramque scortationem referunt, & carnalem, & spiritualement, id est idololatram. Volunt autem hæc accidisse consilio Balaami, quod dederat ipsi Balac regi Moabitarum, ut scilicet speciosissimas mulieres mitteret ad castra Israelitarum, quæ eos ad sædam libidinem exercendam incitarent; ea tamen lege ut nullis sui copiam facerent, nisi deos earum adorarent: sic enim fore ut populus Israel gravissimam in se iram Dei provocaret, inque hostium manus incideret. Atqui id fuisse consilium Balaami, satis diserte affirmatur infra cap. xxxi. vers. 16. & Apocalyp. 11. vers. 14. de qua re vide Iosephum IV. Antiquit. cap. vi. *Cum filiabus Moab: & cum filiabus etiam Madiantarum*, infra dicitur cap. xxxi. vers. 16.

V. 3. INITIATUS QUE EST ISRAEL BEELPHEGOR. צַמַּד *tzamad*, proprie coniugatus, combinatus, colligatus, copulatus, coniunctus fuit: Et coniugatus fuit Israel ipsi Babel Phegor. Alii: Et conglutinatus fuit, adhaesus Israel ipsi Babel Phegor. Sic Psalm. cv. vers. 28. *Et coniugati sunt ipsi Babel Phegor*. Huc respexit Paulus II. Corinth. vi. vers. 14. cum dixit: *Nolite iugum ducere cum iniquis*. Sic vers. 5. infra. *Beel Phegor*. Hebr. בַּעַל פִּגְוֹר *ba-gbal phegor*. S. Hieronymus Lib. I. in Iovinianum: *Proprie quippe Phegor lingua Hebræa Priapus appellatur*. Idem habet in extremum xxv. Itaque. Consentiant omnes esse deum seu idolum Moabitarum, quod gentes voce parum depravata Priapum vocarunt: vel ab apertione, hoc est nuditate, quia deus erat turpitudinis & libidinis, quæ Hebræis nuditatis appellatione significatur; eiusque cultus consisteret in otio, comestationibus, vacatione, & libertate ab omni disciplina, honestate, & pudicitia: vel quod sit apertioris, id est foraminis, seu habens apertorem, scilicet foraminis; vel quod apertus, nudus, reclususque ingenti virili membro pingeretur.

De

De Priapo plura Gyraldus syntagmate VIII. de diis gentium. Nonnulli Chemos & Baal Peghor, unum & eundem Moabitaram deum arbitrantur. Alii a Peghor monte, supra xxiii. vers. 28. dictum volunt Bahal Peghor, ut Iupiter Olympius: quod ibi colebatur.

V. 4. ET SUSPENDE EOS. *וְנָתַתְּ בִּהְמוֹתָם*, reddunt, *Et dispende, divelle, lusa, loco dimove*: voluntque esse illud supplicii genus quod Hebræor. xi. vers. 35. dicitur *Dissenti sunt*, vel, ut Græce est, *Tympanizati sunt*: de quo dicemus II. Machabæor. vi. vers. 19. 28. & in loco Hebr. xi. Alii: *Et crucifige eos*, ut II. Samuel. xxi. vers. 6. & 9. Eos, quidam non ad principes populi referunt, sed ad eos qui ex populo peccaverunt: unde exponunt: *Assume tecum in iudicium omnes principes populi*, atque illis præsentibus iudicium fer in populares idololatrias, & *suspende eos*, nempe noxios ex populo. Quem sensum afferunt Chaldaei Interpretes, & firmant verba sequentis vers. 5. *Dixitque Moses ad iudices Israel, &c.* CONTRA SOLEM Hebr. *coram sole*. Quidam exponunt, claro, pleno, ac sereno die. Alii, publice, palam, in propatulo, ut sint omnibus exemplo, ut II. Samuel. xxi. vers. 11. Nonnulli, hoc ipso die antequam occidat sol: nam uno die durasse plagam illam legimus infra vers. 18. & I. Corinth. x. vers. 8. Philo de specialibus legibus. *Erat necessarium hostes universi mundi sublime in conspicuum locum attollere, & punitos illos ostendere soli, celo, aeri, aquæ, terræ.*

V. 5. DIXITQUE MOYSES AD IUDICES ISRAEL: suspensis iam puta primoribus Israel, ut quidam interpretantur. PROXIMOS SUOS. Hebr. *viros*, seu *homines suos*, id est suæ curæ commissos secundum ordinem institutum Exodi xviii. vers. 25.

V. 6. INTRAVIT CORAM FRATRIBUS SUIS AD SCORTUM MADIANTIDEM. Hebr. *Penit*, & *adduxit ad fratres suos Madiantidem* quamdam: quidam notant, nempe ipsum malum in media castra intulit: adeo non satis illi fuit ad externas mulieres vocantes exivisse cum reliquis, nisi Iehovam probro afficeret, peccaretque elata manu, ut Deus loquitur supra cap. xv. vers. 30. & fratres suos ad libidinem eandem proritaret.

Bib. Sac. Tom. III.

V. 8. IN LOCIS GENITALIBUS.

Aliqui Hebr. reddunt, *Ad vulvam eius*; id est, officio vulvæ incumbentes, in actu ipso venereo. Alii, *In taberni*, seu *tabernaculo eius*, nempe mulieris. CESSAVITQUE PLAGA. Hebr. *Coercita est strages*. Quidam præter suspensum primatum, & interfectionem aliorum, vers. 4. & 5. alian peltis plagam intelligunt, vel ignis, aut similem, quæ perierint vigintiquatuor millia vers. 9. Sed rectius est accipere plagam suspendii, & gladii.

V. 9. VIGINTI QUATUOR MILLIA: quidam exponunt, in plaga illius diei, sive suspensio aut distensione vitam finierint, ut primoribus quasi mille factam est, sive gladio, quo populares ceteri confossi sunt: atque huc respexisse Paulum I. Corinth. x. vers. 8. viginti tria millia, id est confossos tantum numerantem. Ita conciliant hunc locum cum illo Pauli. De quo ibidem dicemus.

V. 12. PACEM FOEDERIS MEI. Hebr. *pactum meum pacis*: aliqui, *meum fœdus*, fœdus pacis id est, decretum æternum quo illi sacerdotum adiudico, & illum dono reconciliatione mea cum populo. Vide Sacerdotii seriem I. Paralipom. vi. vers. 4. & seqq. Alii, *fœdus meum integritatis*, id est integerrimum, firmissimum, stabile: vel *fœdus meum pacis*; id est, decernam ei perpetuam salutem, incolumitatem, ac felicitatem.

V. 13. PACTUM SACERDOTII SEMPERITERNI. Hebr. *fœdus sacerdotiæ eternitatis*, alii, *fœdere sacerdotium perpetuum*; id est, decreto tam perpetuo & irrevocabili, quam est fœdus inter partes initum. Vide supra cap. viii. vers. 19.

V. 15. PRINCIPIS NOBILISSIMI MADIANTARUM. Hebr. *Caput populorum domus patris in Madian erat*. Aliqui: *Qui primarius nationum paternæ familie inter Madianitas erat*: ac propterea etiam in Madianitarum regibus numeratur infra cap. xxxi. vers. 8. Alii: *Qui caput fuit populorum in domo patria Madianitarum: vel princeps populorum erat ipse*, & *princeps familie patris in Midian*. Hispanica translatio: *Principe de pueblos, padre de familia en Madian*.

V. 18. ET DECEPERE INSIDIIS. Hebr. *In machinis suis, quas machinati sunt vobis*, Alii: *In ingenis suis, quibus inge-*

Da nati

niati fuerunt erga vos. Nonnulli: In ver-
futiis, vaftritiis fuis, quas excogitaverant,
proprie, vaftritiati sunt contra vos. Qui-
dam: In infidiis fuis, quas infidiofe teten-
derunt vobis: nempe dolo & arte formo-
sarum mulierum.

M E N O C H I I.

Verf. 1. **I**N SETTIM, quæ est 42. &
ultima manfio in deferto. Hic
gefta sunt quæcumque fequuntur utque ad
finem Deuteronomii.

V. 2. QUAE VOCAVERUNT EOS
AD SACRIFICIA SUA, iuxta confilium
Balaam cap. xxiv. num. 14. CUM FI-
LIABUS MOAB, & cum filiabus Ma-
dian, ut patet num. 6. & 17.

V. 3. INITIATUSQUE EST ISRAEL
BEELPHEGOR: ulupavit fagra idoli
Beelphegor; illi fe addixit, coniunxit, &
confeccravit. Beelphegor eft Priapus; qua-
fi dicat, *Deus apertionis*: hoc enim vox
Hebræa fignificat, *Deus nuditatis*. Fami-
liare autem eft Hebræis ut nuditatis no-
mine obfcenam partem intelligant.

Verf. 4. TOLLE CUNCTOS PRIN-
CIPES POPULI, ET SUSPENDE EOS; id
eft, congrega principes, ut illi quali iudi-
ces iubeant fufpendi contra folem eos qui
fornicationis, & idololatriæ Beelphegor
funt rei: vel iube fufpendi ipfos prin-
cipes qui impietati illi faviffent, aut, cum
deberent pro officio, non reftitiffent. **CON-
TRA SOLEM**, coram fole, publice. Quæ
palam, fiunt, phrafi Hebraica dicuntur fieri
in fole, aut in oculis folis: fic dictum
David. II. Reg. xii. 11. *Dormiet cum
uxoribus tuis in oculis folis huius.*

V. 4. OCCIDAT, fufpendat.

V. 6. UNUS DE FILIIS ISRAEL.
Quis hic fuerit dicitur infra num. 14.

V. 7. PUGIONE, telo. Hebr. *נֶחֱשֶׁת* *romach*:
quam vocem noster Interpres mo-
do pugionem, modo hafiam, modo lanceam
vertit.

V. 8. CESSAVITQUE PLAGA A FI-
LIIS ISRAEL: ex quo apparet non fuf-
pendio folum, fed etiam plaga a Deo im-
miffa, fuiffe plures necatos. Quæ fuerit
plaga, non exprimitur in fagro textu: Io-
fephus peftem interpretatur.

V. 9. OCCISI SUNT, partim plaga
divinitus immiffa, partim fufpendio, vigin-
ti quatuor millia hominum.

V. 12. DO EI PACEM FOEDERIS
MEI; id eft, certitudinem, & fecuritatem
pacti mei firmiter decerno, & quali pacif-
cor, promittoque illi.

V. 13. PACTUM SACERDOTII SEM-
PITER NI: quod fcilicet ipfe cum fua ftir-
pe, poft patrem Eleazarum fuccedet in
Pontificatum, qui illi, & familiæ illius
perpetuo manebit. Quamvis enim ad He-
li, eufque pofteros Pontificatus fuerit
translatus, qui non erat de filiis Phinees,
& Eleazari, fed Ithamar; tamen poftea
rediit ad eodẽm pofteros Phinees, & in
iis manfit ufque ad Chriftum. **EXPIA-
VIT SCELUS FILIORUM ISRAEL**,
placato Deo, heroico illo fagro ex zelo
divini honoris.

V. 17. HOSTES VOS SENTIANT
MADIANITÆ, &c. qui præcipue fue-
rant fagrando Hebræis p. r. fubmiffa fcor-
ta. Moabitis parcurt partim in gratiam
Lot, cuius pofteri erant, ut dicitur Deut.
11. 19. partim ob Ruth, ex qua David,
& Chriftus nafcitur. Poftea Moabitæ Da-
vidi pœnas dederunt II. Reg. viii. 2.

V. 18. SOROREM SUAM, gentilem
fuam. **PERCUSSA EST**, a Phinees. **IN
DIE PLAGÆ**: nam eadem die grafabatur
plaga a Deo immiffa.

T I R I N I.

Verf. 1. **F**ORNICATUS EST POPU-
LUS, utraque fornicatione,
corporali, & fpiritali, id eft idololatria,
inquit Lyrapus, & Oleafter. Addit Vil-
lalpandus a, uno eodemque actu phyfico
fornicationis coluiffe idolum: nam talitur-
pitudine colebatur Beelphegor, id eft Pri-
apus, teffe S. Hieronymo, Ifidoro, Theo-
phylacto, Adrichomio, Mafio, Aria, Ri-
bera, Lorino b. Dicitur autem Beel-The-
gor hebraice, id eft *dominus apertionis*,
id eft obfcœnitatis; quali dicat, *Deus
nuditatis*. Ita auctores iam citati. Ab hoc
idolo nomen idem Phogor monti, & urbi,
in quibus maxime colebatur, inditum fuit
Numer. xxiii. verf. 28. & Iofue xiii.
verf. 20. Ufque eo autem invaluit fubdi-
e etiam apud Hebræos pudendus huius
Dei cultus etiam per feminas principes,
ut mater quoque Afæ regis Iuda fordis
illis præffe vellet, III. Reg. xv. 13. fed
Rex illam vi dimovit, & Priapum evertit.

Por-

Porro lenocinia & artes quibus Madianiticae puellae deceptur hic Hebræos, fufè enarrat Iosephus c.

V. 12. DO EE PACEM FOEDERIS MEI; hoc est, in eo cum Phinees fœdus pacificum, quo secure & pacifice perfrueretur: nempe quod in posteris suis perpetuo fungeretur Sacerdotio, scilicet summo.

Petes: Quomodo hoc subsistit, cum post pronepotem Phinees translatus fuerit Pontificatus ad Heli, qui erat de familia Ithamari patrui Phinees? teste Iosepho, & Scriptura d. Respondeo, fœdus hoc conditionatum fuisse, si nempe posteris ipsius in fide & cultu Dei constantes perseverarent. Sic enim fœdera, quia mutua, obligationem utrimque inducere solent. Vi tamen huius fœderis factum videtur, quod, respicientibus posteris Phinees, tempore Davidis, & Salomonis recuperarint Pontificatum, quem per Heli amiserant; semperque deinceps retinuerint in sua familia, saltem usque ad tempora Herodis, cum iam non amplius iure successionis, sed vel pretio, vel gratia principum, Pontificatus obtineretur e.

(a) Villalpan. in Ezech. xlii. r. Lib. IV. cap. lxxix. (b) Hieron. Lib. 1. advers. Iovinianum. & in Isaia xxi. Osee iv. 9. Ildor. Lib. V. Originum cap. 12. Theophyl. in Osee iv. & ix. Adrich. in Theatro, in Ruben. Loxinus in Psalm. cv.

(c) Iosephus. Lib. IV. Antiquit. cap. v. (d) Ioseph. Lib. V. Antiquit. cap. ult. & Lib. VIII. cap. 1. I. Paralip. xxiv. vers. 3.

(e) Supra cap. xx. vers. 28.

GORDONI.

Vers. 1. EN mansionem ultimam, seu quadagesimam secundam Hebræorum, quæ est in Campesribus Moab, IN SETTIM, ubi gesta sunt omnia quæ deinceps narrantur usque ad finem Deuteronomii.

V. 2. Duplex his versibus notatur fornicatio: una quidem cum filia principis, vers. 6. & 15. altera inde secuta per speciem quandam idololatriæ, hic vers. 2. dum decepti Israelitæ (quod erat consilium Balaam) comedunt idolothyta in honorem Beelphegor: hinc castigatio, de qua vers.

4. & deinceps. De his Psalm. cv. vers. 28.

V. 3. BEELPHEGOR. Imago viri nudi, & Deus concupiscentiæ. Idem sunt Bel, Belus, Beel, & Baal: estque commune nomen eorum, & additione vocis designabatur certus aliquis Deus, ut Beelzebub, Deus muscarum, abigebat mûscas: Beelphephon, Deus aquilonis: Beelphegor, Deus Phegor, a monte in quo colebatur.

V. 4. Intellige PRINCIPES POPULI, eos qui peccaverunt, non vero innocentes.

V. 5. OCCIDAT UNUSQUISQUE, scilicet suspendio.

V. 11. Hinc fit ut versu 13. confirmet Deus Pontificatum domui Phinees, longo tempore, & quamdiu stabit Iudæorum Respublica. Sed quomodo ergo post eius pronepotem translatus est Pontificatus ad Heli, qui erat de familia Ithamari? Ita quidem est: nam hæc promissio non impendebat quin propter peccata posterorum Phinees, transiret tempore aliquo Pontificatus ad familiam Ithamari. Postea tamen, ut erat promissum, rediit ad posteros Phinees, & familiam Eleazari Aaronicam, nempe ad Sadoc sub Davide, & Salomone, & ibi mansit, quamdiu stetit legitimum ius successionis Pontificiæ.

V. 13. PACTUM SACERDOTII SEMPERITERNUM. Promittitur hic Pontificatus continuatio in posteris Phinees, quamdiu scilicet stabit Iudæorum Respublica; ut iam expressi.

V. 16. Nunc Moabitis parcat Deus (unde Lot, & Ruth) quos postea castigabit David II. Reg. cap. VIII. vers. 2.

V. 18. SOROREM SUAM: intellige non quidem ducis, cuius erat filia, sed Madianitarum, qui dolo decepturunt. Et clarum hoc est apud Septuag. ἀδελφὴν δούραν sororem: & in Hebr. אחותם, ubi est affixum pluralis numeri.

EX EIUSDEM AUCTARIO.

V. 6. UNUS. Quis sit, docet vers. 14.

Vers. 7. Pugionem hic aliqui hastam interpretantur.

V. 8. PLAGA. Plures occisi. Iosephus pestem interpretantur.

C A P U T XXVI.

*Numerantur Israelitæ per singulas tribus, qui bello apti,
sunt terram promissionis ingressuri.*

1. **P**ostquam noxiorum sanguis effusus est, dixit Dominus ad Moysen & Elcazarum filium Aaron sacerdotem: 2. (a) Numerate omnem summam filiorum Israel a viginti annis & supra, per domos & cognationes suas, cunctos qui possunt ad bella procedere. 3. Locuti sunt itaque Moyses & Elcazar sacerdos in campestribus Moab super Iordanem contra Iericho, ad eos qui erant 4. a viginti annis & supra, sicut Dominus imperaverat, quorum iste est numerus: 5. Ruben primogenitus Israel: (b) huius filius, Henoch, a quo familia Henochitarum: & Phallu, a quo familia Phalluitarum: 6. & Hesron, a quo familia Hesronitarum: & Charmi, a quo familia Charmitarum: 7. Hæ sunt familiæ de stirpe Ruben: quarum numerus inventus est, quadraginta tria millia & septingenti triginta. 8. Filius Phallu, Eliab: 9. huius filii, Namuel & Dathan & Abiron: isti sunt Dathan & Abiron principes populi, (c) qui surrexerunt contra Moysen & Aaron in seditione Core, quando adversus Dominum rebellaverunt: 10. & aperiens terra os suum devoravit Core, morientibus plurimis, quando combussit ignis ducentos quinquaginta viros. Et factum est grande miraculum, 11. ut, Core pereunte, filii illius non perirent. 12. Filii Simeon per cognationes suas: Namuel, ab hoc familia Namuelitarum: * Iamin, ab hoc familia Iaminitarum: Iachin, ab hoc familia Iachinitarum: 13. Zare, ab hoc familia Zareitarum: Saul, ab hoc familia Saulitarum. 14. Hæ sunt familiæ de stirpe Simeon, quarum omnis numerus fuit, * viginti duo millia ducenti. 15. Filii Gad per cognationes suas: Sephon, ab hoc familia Sephonitarum: Aggi, ab hoc familia Aggitarum: Suni, ab hoc familia Sunitarum: 16. Ozni, ab hoc familia Oznitarum: Her, ab hoc familia Heritarum: 17. Arod, ab hoc familia Aroditarum: Ariel, ab hoc familia Arielitarum. 18. Istæ sunt familiæ Gad, quarum omnis numerus fuit, * quadraginta millia quingenti. 19. (d) Filii Iuda, Her & Onan, qui ambo mortui sunt in terra Chanaan. 20. Fueruntque filii Iuda, per cognationes suas: Sela, a quo familia Selaitarum: Phares, a quo familia Pharesitarum: Zare, a quo familia Zareitarum. 21. Porro filii Phares: Hesron, a quo familia Hesronitarum: & Hamul, a quo familia Hamulitarum. 22. Istæ sunt familiæ Iuda, quarum omnis numerus fuit, septuaginta sex millia quingenti. 23. Filii Issachar, per cognationes suas: Thola, a quo familia Tholaitarum: Phua, a quo familia Phuaitarum: 24. Iasub, a quo familia Iasubitarum: Semran, a quo familia Semranitarum. 25. Hæ sunt cognationes Issachar, quarum numerus fuit, sexaginta quatuor millia trecenti. 26. Filii Zabulon per cognationes suas: Sared, a quo familia Sareditarum: Elon, a quo familia Elonitarum: Ialel, a quo familia Ialelitarum. 27. Hæ sunt cognationes Zabulon, quarum numerus fuit, sexaginta millia quingenti. 28. Filii Ioseph per cognationes suas, Manasse & Ephraim. 29. De Ma-

Manasse ortus est Machir, a quo familia Machiritarum. (e) Machir genuit Galaad, a quo familia Galaaditarum. 30. Galaad habuit filios: Iezer, a quo familia Iezeritarum: & Helec, a quo familia Helecitarum: 31. & Afriel, a quo familia Asrielitarum: & Sechem, a quo familia Sechemitarum: 32. & Semida, a quo familia Semidaitarum: (f) & Hephher, a quo familia Hephheritarum. 33. Fuit autem Hephher pater Salphaad, qui filios non habebat, sed tantum filias, quarum ista sunt nomina: (g) Maala, & Noa, & Hegla, & Melcha, & Therfa. 34. Hæ sunt familiae Manasse, & numerus earum, quinquaginta duo millia septingenti. 35. Filii autem Ephraim per cognationes suas, fuerunt hi: Suthala, a quo familia Suthalaitarum: Becher, a quo familia Becheritarum: Thehen, a quo familia Thehenitarum. 36. Porro filius Suthala fuit Heran, a quo familia Heranitarum. 37. Hæ sunt cognationes filiorum Ephraim, quarum numerus fuit, triginta duo millia quingenti. 38. Isti sunt filii Ioseph per familias suas. Filii Benjamin in cognationibus suis: Bela, a quo familia Belaitarum: Asbel, a quo familia Asbelitarum: * Ahiram, a quo familia Ahiramitarum: 39. Supham, a quo familia Suphamitarum: Hupham, a quo familia Huphamitarum. 40. Filii Bela: Hered, & Noeman. De Hered, familia Hereditarum: de Noeman, familia Noemanitarum. 41. Hi sunt filii Benjamin per cognationes suas, quorum numerus fuit, quadraginta quinque millia sexcenti. 42. Filii Dan per cognationes suas: Suham, a quo familia Suhamitarum. hæ sunt cognationes Dan per familias suas. 43. Omnes fuere Suamitæ, quorum numerus erat, sexaginta quatuor millia quadringenti. 44. Filii Aser per cognationes suas: Iemna, a quo familia Iemnaitarum: Iessui, a quo familia Iessuitarum: Brie, a quo familia Bricitarum. 45. Filii Brie: Heber, a quo familia Heberitarum: & Melchiel, a quo familia Melchielitarum. 46. Nomen autem filie Aser, fuit Sara. 47. Hæ cognationes filiorum Aser, & numerus eorum, quinquaginta tria millia quadringenti. 48. Filii Nephthali per cognationes suas: Issiel, a quo familia Issielitarum: Guni, a quo familia Gunitarum: 49. Ieser, a quo familia Ieseritarum: Sellem, a quo familia Sellemitarum. 50. Hæ sunt cognationes filiorum Nephthali per familias suas: quorum numerus, quadraginta quinque millia quadringenti. 51. Ista est summa filiorum Israel, qui recensiti sunt, sexcenta millia, & mille septingenti triginta. 52. Locutusque est Dominus ad Moysen, dicens: 53. Istis dividetur terra iuxta numerum vocabulorum in possessiones suas. 54. Pluribus maiorem partem dabis, & paucioribus minorem: singulis, sicut nunc recensiti sunt, tradetur possessio: 55. ita dumtaxat ut fors Terram tribus dividat & familiis. 56. Quidquid forte contigerit, hoc vel plures accipiant, vel pauciores. 57. (b) Hic quoque est numerus filiorum Levi per familias suas: Gerson, a quo familia Gersonitarum: Caath, a quo familia Caathitarum: Merari, a quo familia Meraritarum. 58. Hæ sunt familiae Levi: Familia Lobni, familia Hebroni, familia Moholi, familia Musi, familia Core. At vero Caath genuit Amram: 59. qui habuit uxorem Iochabed filiam Levi, quæ nata est ei in Aegypto: hæc genuit Amram viro suo filios, Aaron & Moysen, & Mariam sororem eorum. 60. De Aaron orti sunt Nadab & Abiu; & Eleazar & Ithamar: 61. (i) quorum Nadab & Abiu mortui sunt, cum obtulissent ignem alienum coram Domino. 62. Fueruntque omnes qui numerati sunt, viginti tria millia generis masculini, ab uno mense & supra: * quia non sunt recensiti inter filios Israel, nec eis cum ceteris data possessio est. 63. Hic est numerus filiorum Israel, qui descripti sunt a Moyse & Eleazaro sacerdote, in campe-

stri.

tribus Moab supra Iordanem contra Iericho. 64. (k) Inter quos, nullus fuit eorum qui ante numerati sunt a Moyse & Aaron in deserto Sinai. 65. (l) Prædixerat enim Dominus, quod omnes morentur in solitudine. Nullusque remansit ex eis, nisi Caleb filius Iephone, & Iosue filius Nun.

(a) Sup. cap. i. ver. 3. (b) Gen. xlv. 9. Exod. vi. 14. I. Paralip. v. 3. (c) Sup. xvi. 1. (d) Gen. xxxviii. 3. 4. (e) Ios. xvii. 1. (f) Infra xxvii. 1. (g) Infra xxvii. 1. (h) Exod. vi. 17. (i) Sup. xii. 4. Levit. x. 1. I. Paralip. xxiv. 2. (k) I. Corinth. x. 5. (l) Sup. xiv. 23. 24.

B R U G E N S I S

ROMANAE CORRECTIONES.

V. 12. *Lamin*, ab hoc familia. Non præponas & coniunctionem ante *Lamin*.

V. 14. *Vigintiduo millia ducenti*. Non mutet nominativum *ducenti* in genitivum *ducentorum*.

V. 18. *Quadragesima millia quingenti*. Nec hic nominativus cum genitivo *quingentorum*

commutandus: similisque ratio observanda vers. 22. 25. 27. 34. 37. 41. 43. 47. 50.

V. 38. *Abiram*, a quo familia *Abiramitarum*. Quidam addito e scribunt *Achiram*, *Achiramitarum*: utroque modo exprimitur littera Hebraica *Heth*, seu *Cheer*.

V. 62. *Quia non sunt recessui*. Præferenda est coniunctio *quia* pronomini *qui*.

C O M M E N T A R I A.

S A.

Vers. 1. **P**OSTQUAM, &c. Hebr. & LXX. *Post plagam dixit*. Chald. *Post pestem dixit*.

V. 3. **SUPER IORDANEM**, id est prope Iordanem: sic & infra.

V. 10. **ET FACTUM EST**, &c. Hebr. Chald. & LXX. *Et fuerunt in signum. Core autem filii non sunt mortui. In signum autem, id est in exemplum, scilicet ceteris.*

V. 51. **RECENSITII**: scilicet secundo. nam qui primo, scilicet sup. cap. 1. non sunt ingressi terram promissam. Vide infra.

V. 53. **VOCABULORUM**, id est familiarum, quæ vocabulis distinguuntur.

V. 54. **PLURIBUS**, id est maiori tribui.

V. 55. **SORS**: scilicet pro maiori portione inter maiores tribus & familias fors mittebatur, & pro minori inter minores. Ita simul & ratione & sorte agebatur.

V. 58. **HÆ SUNT**: quasi dicat, etiam hæ familiæ ex Levi ortæ.

V. 59. **FILIAM**, id est neptem. Notafuisse eodem nomine, scilicet *Ischabed*, appellatam, & filiam Levi, & neptem, secundum quosdam.

E S T I I.

Vers. 10. & 11. **E**T APERIENS TERRA OS SUUM DEVO-
RAVIT CORE. Vide supra cap. xvi. vers. 35. **ET FACTUM EST GRANDE MIRACULUM, UT CORE PEREUNTE, FILII ILLIUS NON PERIRENT.** Quomodo id accidisse putet Liranus, vide apud eum, si placet. Ubi etiam quaeri potest, cur id acciderit potius in filiis Core quam in filiis Dathan & Abiron, qui, ut satis significatur supra cap. xvi. perierunt una cum uxoribus, & filiis. Vide textum Hebraicum, & quæ notavimus ad cap. xvi.

V. 54. & 55. **PLURIBUS MAIOREM PARTEM DABIS, ET PAUCIORIBUS MINOREM** **ITA DUM TAXAT UT SORS TERRAM DIVIDAT.** Quod dicitur, *Dabis*, intelligendum est parte, vel successorem tuum, cui hæc mandabis. Non enim Moyes terram promissam distribuit, qui eam non fuit ingressus, sed successor eius Iosue. Quomodo autem præcipiat Dominus pluribus maiorem dari partem, & paucioribus minorem, ac nihilominus divisionem velit forti committi, vide Iosue xix.

M A R I A N A E.

Verf. 4. SICUT DOMINUS IMPERAVERAT. Hebr. & Sept. addunt, *Mofsi, & filiis Israel qui egressi sunt de terra Aegypti.* Hoc est, qualis numeratio tunc est facta, talis nunc.

V. 9. IN SEDITIONE CORE. Hebr. *In congregatione.* Sic Sept. & Chald.

V. 10. ET FACTUM EST GRANDE MIRACULUM, UT, CORE PEREUNTE, FILII ILLIUS NON PERIRENT. Hebr. *Et fuerunt in signum* (id est monumentum memoriale.) *Et filii Core non sunt mortui.* Nimirum seditionis participes non fuerant: sic evasere incolumes.

V. 40. DE HERED, FAMILIA HEREDITARUM. Illud, *De Hered.* deest in Hebraico, & suppleri debet ex Vulgata, & Sept.

V. 53. IUXTA NUMERUM VOCABULORUM IN POSSESSIONES SUAS. Hebr. *Illis dividitur terra in hereditate in numero*, id est secundum numerum, *nominum.* In tot partes scilicet divides terram, quot sunt nomina familiarum.

V. 62. AB UNO MENSE ET SUPRA. Alii a viginti annis numerantur. Levitæ a primo mense, quippe pro primogenitis mutati, qui post primum mensem offerendi erant.

V. 63. SUPRA IORDANEM CONTRA IERICO. Hebr. *Supra Iordanem Iericho:* pars fluvii a vicina urbe nomen accepit. Sic cap. xxii. vers. 1. Tum in Prudentii Hymno 11. eadem ratione Iberus fluvius Vasco vocatur: *Nos Vasco Iberus dividit.*

M A L V E N D A E.

Verf. 1. POSTQUAM NOXIORUM SANGUIS EFFUSUS EST. Hebr. *Et fuit post plagam.* Quidam, *Post cladem istam.* Alii, *Post istam plagam,* qua nimirum ceteri omnes qui supra cap. xiv. mortui fuerant a Deo adjudicati, absumpti sunt; id est, cum ii solum essent superstites in quos dividenda erat terræ hereditas, ut ostenditur infra vers. 63. & seqq. & Deuteron. 11. vers. 14.

V. 4. SICUT DOMINUS IMPERAVERAT. Hebr. *secundum quod præceperat IHUH ipsi Mofsi, & filiis Israel excurrentibus de*

terra Aegypti. Mandatum Domini de recensendo populo fuscè descriptum extat capitibus 1. 11. & 111.

V. 9. QUI SURREXERUNT CONTRA MOYSEN, &c. Hebr. *Qui involarunt super Mofeb.* Alii: *Qui rixati sunt,* vel *rixam moverunt,* aut *litigaverunt adversus Mofeb,* &c. Nonnulli: *Qui eiaculari sunt verba contentiosa adversus Mofeb.* Hispanicus Interpres: *Que hizieron el motin contra Moysen,* &c. Quidam, quia verbum *נאץ* *natzah* est ex Hiphil, transitive reddunt: *Qui elevare, vel involare fecerunt,* sabaudi Israelem, *contra Mofeb.* Sic statim hoc eod. vers. Id verbum in Hiphil & LXX. & Noster Psalm. lxx. vers. 2. succedere, accendere, incendere exponunt: quod hic recte congruit: *Qui accenderunt,* scilicet multitudinem, *contra Mofeb,* &c.

V. 10. DEVORAVIT CORE MORIENTIBUS PLURIMIS. Hebr. *Deglutiivit eos,* & *Korach,* in moriendo cætum. Plerique hic intelligunt, Core cum suo cætu absorptum a terra. Alii reddunt: *Abforfit eos,* & quæ erant *Korachi,* moriente cætu illo. Sic accipiendum esse volunt, e cap. xvi. vers. 32. Korachum enim ipsum cum illis ducentis quinquaginta viris fuisse quos ignis cælestis consumpsit, supra cap. xvi. vers. 35. Unde quidam in hanc sententiam ita Hebræa convertunt: *Et deglutiivit eos.* Deinde *et Korach qui perit in morte congregationis,* cum ignis devoraret ducentos quinquaginta viros. Aliqui notant, non satis constare ex Scriptura qua morte sublati sit Core, num incendio cum 250. viris, num deglutitus a terra: nisi quod eo magis inclinant, nomine Korach intelligi hic eius tabernaculum, & omnia quæ ad eum pertinebant: quod is personaliter erat cum ducentis quinquaginta illis. ET FACTUM EST GRANDE MIRACULUM. Hebr. *Et fuerunt in signum;* id est, fuerunt exemplum omnium oculis propositum (ut est erectum signum aut vexillum) divini iudicii & vindictæ in impios ac rebelles, & ut ceteri discerent non temnere Deum. Quidam hoc esse putant quod Paulus I. Corinth. x. vers. 11. interpretatur: *Hæc omnia typi, figure contigerunt illi: Scripta autem sunt propter admonitionem nostram,* &c. Alii signum pro miraculo capiunt, & ad sequentia referunt; quasi dicat: Grande tunc patratum est mi-

miraculum, ut pereunt Core cum seditionum turba, filii eius non perirent. Quem sensum secutus est Noster. Alii distinguunt: *Et fuerunt ad miraculum. Et filii Korach non sunt mortui*: ut prior pars referatur ad antecedentia, nempe quod illi absorpti a terra fuerunt in perpetuam admirationem, & insigne miraculum in Israel, raro prodigo dehiscente terra, & absorbente impios; posterior indicet filios Korach non fuisse complices patris sui, ac proinde non fuisse mortuos cum patre, & hominibus eius: & hoc non fuit superius cap. xvi. narratum. Quod fieri potuit nullo miraculo, quia revera exemptio a crimine exemit eos a morte; sicut & reliquos qui crimine non fuerunt Koracho innoxii. Alii pendulos in aere mansisse filios Korachi ingenti miraculo, somniant. Similem phrasim habes supra cap. xvi. ver. 38.

V. 12. NAMUEL. Hic Genes. xlvii. vers. 10. dicitur *Iamuel*.

V. 13. ZARE. Heb. *Zerach*. Hic Genes. xlvii. vers. 10. appellatur *Tzochar*.

V. 14. VIGINTI DUO MILLIA DUCENTI. In priore censu fuere Simeonitæ quinquaginta novem millia trecenti, supra cap. i. vers. 23. adeo hic imminutus habetur numerus Simeonitarum. Quidam id factum suspicantur, eo quod complures eorum ad Zamrum filium Sallu principem inter Simeonitas sese adiunxissent, supra cap. xxv. vers. 14. atque ob id interfecti fuerint in plaga illa.

V. 16. OZNI. Hunc esse putant, qui Genes. xlvii. vers. 16. vocatur *Ezbon*.

V. 20. FAMILIA SELAITARUM. Heb. *Familia Selanite*. Hæc videtur I. Paralip. ix. vers. 5. appellari *Silonita*.

V. 23. PHUA. Heb. *Tunab*. I. Paralip. vii. vers. 1. dicitur *Phuah*.

V. 24. LASUB. Ille Genes. xlvii. 13. *Iob* nuncupatur, forsitan per synonymen.

V. 30. IEZER. Heb. *Iezzer*: hic Iosue xvii. vers. 2. appellatur *Abighezer*; ut etiam I. Paralip. vii. vers. 18.

V. 35. BECHER, vel *Bezer*, qui I. Paralip. vii. vers. 20. dicitur *Bered*.

V. 36. HERAN, vel *Oberan*. Hunc quidam putant eum esse qui I. Paralipom. vii. vers. 26. vocatur *Hadan*, vel *Hedan*, seu *Ghedan*, facili permutatione Resch in Dalethob similitudinem. Vide ibi Comm.

V. 38. AHIRAM: qui idem, ut vo-

lunt, contra recte vocatur *Erbi*, Genes. xlvii. vers. 21. & *Achrach* I. Paralipom. viii. vers. 1.

V. 39. SUPHAM. Heb. *Sephubham*. Hic Gen. xlvii. vers. 21. nuncupatur *Muphim*. HUPHAM. Heb. *Chupham*. Hic Gen. xlvii. vers. 21. & I. Paralipom. vii. vers. 12. dicitur *Chuphim*.

V. 40. HERED. Heb. *Arde*, vel *Ardi*, aut *Ard*, qui I. Paralipom. viii. vers. 2. per metathesi dicitur *Adar*.

V. 42. SUVAM. Heb. *Sucham*. Genes. xlvii. vers. 23. appellatur *Chusim*. HÆ SUNT COGNATIONES DAN PER FAMILIAS SUAS. Quidam Hebrææ reddunt: *Hi sunt e familiis Danis per familias suas*; id est, ex uno Danis filio diversæ familiæ ortæ sunt.

V. 48. IESIEL. Heb. *Iachzeel*; I. Paralip. vii. vers. 13. *Iechziel*.

V. 49. SELLEM. Heb. *Silem*: I. Paralip. vii. vers. 13. *Salum*.

V. 53. IUXTA NUMERUM VOCABULORUM. Heb. *in*, pro numero nominum; id est, habita ratione frequentiæ, vel paucitatis in unaquaque familia, sortem in capita dividit.

V. 55. LTA DUMTAXAT UT SORS TERRAM TRIBUBUS DIVIDAT ET FAMILIIS. Quidam ex Heb. reddunt: *Verumtamen sorte dividitor terra; pro nominibus tribuum paternarum suarum possidento*: exponuntque: Sorte dividitor terra, nempe in tribus duodecim, ut pereas viritum hereditas distribuatur ratione illa quæ posita est præcedenti versu. Videlicet xiv. & seq. & etiam infra cap. xxxiii. vers. 54.

V. 58. FAMILIA LOBNI, e Gersone orta, supra cap. iii. vers. 18. FAMILIA HEBRONI, e Kahath orta, supra cap. iii. vers. 19. e familiis Machliride, & Mustide. Vide cap. iii. vers. 20. FAMILIA CORE. Hebr. *Korachitarum*, nempe a Korach orta, supra cap. xvi. vers. 1.

V. 62. QUIA NON SUNT RECENSITI INTER FILIOS ISRAEL; hoc est, ut quidam exponunt, Israelitarum numeratio dividundæ possessionis causa fuit instituta: quæ causa cum ad Levitas nihil pertinuerit, diversæ eos numerandi ratio servata, & seorsim a Moïse descripta est.

V. 63. SUPRA IORDANEM CONTRA IERICO, seu secundum, iuxta Iordanem.

danem ex adverso Iericho. Hebr. *Supra Iordanem Iericho*; id est, iuxta Iordanem, qua parte labitur iuxta Iericho, vel qua parte non procul distat a Iericho. Quidam putant, eam partem fluvii vicinam Iericho ab urbe ipsa nomen accepisse, quasi Iordanis Ierichuntinus. Vide supra vers. 3. & cap. xii. vers. 1.

M E N O C H I I.

Vers. 1. **N**OXIORUM, fornicantium cum filiabus Madian, & Moab.

V. 2. NUMERATE OMNEM SUMMAM FILIORUM ISRAEL. Fuit hic tertius census populi, habitus in limine terræ promissionis, ut illa inter tribus congrue pro numero cuiusque dividi, ac distribui posset. A VIGINTI ANNIS ET SUPRA: quia hi tantum apti censentur ad arma tractanda, & bella gerenda.

V. 3. SUPER JORDANEM, iuxta Iordanem.

V. 11. CORE PEREUNTE, FILII EIUS NON PERIRENT, qui servati sunt divino miraculo, quia patris peccato non consentirent.

V. 12. FILII SIMEON. Genes. xlv. 10. Exod. vi. 15. numerantur sex filii Simeonis; hic vero, & Paralip. iv. 24. tantum quinque: omittitur enim Ahod sextus, quia mortuus est sine liberis, unde non habuit familiam, nec sortem in terra Chanaan.

V. 38. FILII BENIAMIN. Hic tantum numerantur quinque filii Benjamin, cum tamen decem reliquerit, ut patet Genes. xlv. 21. quinque ergo reliqui eius filii mortui sunt sine liberis, aut in posteris eorum familia interiit.

V. 53. IUXTA NUMERUM VOCABULORUM, id est familiarum, quæ vocabulis distinguuntur.

V. 54. SINGULIS, tum hominibus, tum tribubus: tum familiis, tum potius capitibus familiarum, ut ipsi ulterius in singulos suæ familiæ sortem acceptam dividant.

V. 57. NUMERUS FILIORUM LEVI, &c. Quinque tantum præcipuæ familiæ Levi numerantur, cum omnes fuerint octo, ut patet Exod. vi. 17. 18. 19. & I. Paral. xxiii. Hic enim familiæ Levi

Bib. Sac. Tom. III.

ex professo non numerantur ut ceteræ, eo quod non essent acceptuæ sortem cum aliis tribubus, ut dicitur num. 62.

V. 62. OMNES, LEVITÆ. AB UNO MENSE, ex eo quod iusserat Dominus cap. iiii. 41. & 43. commutari primogenitos Hebræorum in Levitas unius mensis & supra; idque ad paucitatem Levitarum multitudini primogenitorum adæquandam, & simul ad dignitatem Levitarum declarandam: hac de causa iubet hic eos rursum numerari ab uno mense & supra tamquam suos, utpote qui olim eadem ætate servierant redemptioni primogenitorum.

V. 65. NULLUSQUE REMANSIT EX EIS, NISI CALEB, &c. Excipe Levitas: nam ex eis supererat Muses, Eleazar, Ithamar, & fortasse multi alii qui numerati fuerant in Sina.

T I R I N I.

Vers. 2. **N**UMERATE OMNEM SUMMAM FILIORUM ISRAEL A VIGINTI ANNIS ET SUPRA. Mortuis iam omnibus qui prima populi lustratione Num. 1. recensiti fuerant, *sexcenta tria milia virorum quinquaginta*; novus hic census iubetur institui, eo quod iam in proximo essent ut ingrederentur in terram promissam, & hæc ipsis dividi deberet. Quo lustro reperti sunt *sexcenta milia, & mille septingenti triginta*. Unde patet, summam pugnatorum hoc quadragesimo anno initam non æquasse summam censuræ primæ anno secundo egressus ex Aegypto, sed inferiorem illa fuisse mille octingentis viginti capitibus.

V. 53. ISTIS DIVIDETUR TERRA IUXTA NUMERUM VOCABULORUM, id est *nominum*, ut est in Hebræo, Chaldeo, & LXX. id est per singula capita nominatim recensita. Sensus est, tribui uni plus, vel minus terræ donandum esse, quo plura vel pauciora essent in tribu capita: nam sequitur:

V. 54. PLURIBUS MAIOREM PARTEM DABIS, ET PAUCIORIBUS MINOREM. Sic tamen ut in divisione terræ, non solius mensuræ haberetur ratio, sed etiam, & quidem ante omnia, secunditatis soli, ut factum ait Iosephus a. Indequē contigisse, quod tribus Benjamin,

Ee licet

licet numero multis aliis tribubus esset maior, tamen angustissimam sortem acceperit, quod optimum fertilissimumque totius Chananæ tractum nacta esset, Ierichuntem puta, & Ierosolymam.

V. 55. ITA DUM TAXAT UT SORS TERRAM TRIBUBUS DIVIDAT ET FAMILIIS. Petes: Quomodo fors hic habere potuit locum, cum iubeatur ratio haberi capitum plurium, pauciorumve, & præterea bonitatis ac fertilitatis soli? Respondet, haberi potuisse hoc modo. Geometra dividebant eis Iordanem terram in novem partes æquales cum dimidia: nam reliquæ duæ tribus cum dimidia iam sine sorte terras suas trans Iordanem accepserant. Super his novem cum dimidia vel decem partibus iaciebantur sortes quæ cuique tribui pars cederet; sed post iactas sortes contrahebatur ea pars a Geometris quæ obvenerat uni tribui, in qua pauciores erant numero bellatores quam pars tanta requireret, dilatatur vero ab iisdem, si in ea plures essent, idque iuxta numerum capitum, & qua parte commodius dilatari, vel contrahi posset.

(a) Iosephus V. Antiq. cap. 8.

(b) Num. xxxii.

G O R D O N I.

Verf. i. **T**ertius hic census est generalis, habitus anno exitus quadragesimo; ut pro numero, inter tribus dividi terra posset. Dum hic vides auctum numerum familiarum, non est hoc, quod alia sit patris, & filiorum familia, sed est ex familiarum multiplicatio, veluti ramorum.

V. 10. & 11. De hoc miraculo, quo filii Core (quorum hic mentio fit) liberati sunt a morte, dixi cap. xvi. verf. 35. & an pater hiatu perierit, an potius igne.

V. 53. & 54. ISTIS DIVIDETUR, &c. Dividenda terra est per nomina, non quidem familiarum, sed ex numero capi-

tum. Itaque Tribui uni plus, vel minus terræ dandum, quo plura, vel pauciora habuerit capita: nempe tot ingera millenis, & tot bis, vel ter millenis. Hoc etiam intellige de iugeribus, quo ad fecunditatem æqualibus: vide Ioseph. Antiquit. Lib. V. cap. 1. Porro **PLURIBUS**, hoc est **maiori tribui**.

V. 55. Cum terra sit sorte dividenda, difficultas oritur, quomodo cum illa iam explicata terrarum proportionem fors conveniat. Sed de hoc infra Iosue xiiii. dicendum: potuit enim æqualitatem distributivam servare peritia Geometrarum astantium huic sortitioni, qui & numerum tribuum tenebant, & mensuram terræ dividendæ, ut citato loco dicam.

V. 62. Sic quidem Levitæ ab uno mense, alii a viginti annis numerantur.

V. 63. SUPRA IORDANEM: vel partem fluvii, vicinam urbi Iericho.

EX EIUSDEM AUCTIONARIO.

V. 1. NOXIORUM. Qui fornicati sunt cum filiabus Moab, & Madian.

V. 2. A VIGINTI ANNIS, nempe apti ad bella.

V. 3. SUPER IORDANEM, iuxta.

V. 12. FILII SIMEON. Omittitur hic sextus filius, dictus Ahod (de quo Gen. xlv. 10.) utpote mortuus sine liberis. Eadem omisso fit Paral. iv. 24. Vide Exod. cap. vi. 15. ubi Ahod numeratur.

V. 38. Hic quoque tantum numerantur quinque filii Benjamin: totidem omisso ex Gen. xlv. 11. Hic ergo censentur omisso, quia in posteris extinctæ sunt horum omiforum familiæ.

V. 53. VOCABULORUM, familiarum.

V. 57. Hic ubi de bello, non numerantur ex professo familiæ Levitarum. Nè ergo mireris aliquas omisas.

V. 65. NULLUSQUE REMANSIT EX EIS. Non loquitur de Levitis: nam supererant Moses ipse, Ithamar, & Eleazar.



C A P U T XXVII.

*Filiæ Salphaad patri succedunt in hereditatem: dicitque Dominus
Moyſen moriturum, ubi ex monte terram
promiſſionis conſpexerit.*



Accesserunt (a) autem filiæ Salphaad, filii Hephher; filii Galaad, filii Machir, filii Manasse, qui fuit filius Ioseph: quorum sunt nomina, Maala, & Noa, & Hegla, & Melcha, & Therſa. 2. Steteruntque coram Moyſe & Eleazaro sacerdote, & cunctis principibus populi, ad ostium tabernaculi fœderis, atque dixerunt: 3. Pater noster mortuus est in deserto, nec fuit in seditione: quæ (b) concitata est contra Dominum sub Core, sed in peccato suo mortuus est: hic non habuit mares filios. Cur tollitur nomen illius de familia sua, quia non habuit filium? Date nobis possessionem inter cognatos patris nostri. 4. Retulitque Moyſes causam earum ad iudicium Domini. 5. Qui dixit ad eum: 6. Iustam rem postulant filiæ Salphaad: da eis possessionem inter cognatos patris sui, & erit in hereditatem succedant. 7. Ad filios autem Israel loqueris hæc. 8. Homo cum mortuus fuerit absque filio, ad filiam eius transibit hereditas. 9. Si filiam non habuerit, habebit successores fratres suos. 10. Quod si & fratres non fuerint, dabitur hereditatem fratribus patris eius. 11. Sin autem nec patruos habuerit, dabitur hereditas his qui ei proximi sunt: eritque hoc filiis Israel sanctum lege perpetua, sicut præcepit Dominus Moyſi. 12. Dixit quoque Dominus ad Moyſen: (c) Ascende in montem istum Abarim, & contemplare inde terram, quam daturus sum filiis Israel: 13. cumque videris eam, ibis & tu ad populum tuum, sicut iovit frater tuus Aaron: 14. (d) quia offendistis me in deserto Sin in contradictione multitudinis, nec sanctificare me voluistis coram ea super aquas. Hæ sunt aquæ contradictionis * in Cades deserti Sin. 15. Cui respondit Moyſes: 16. Provideat Dominus Deus spirituum: omnis carnis, hominem, qui sit super multitudinem hanc: 17. & possit exire & intrare ante eos, & educere eos vel introducere: ne sit populus Domini sicut oves absque pastore. 18. Dixitque Dominus ad eum: (e) Tolle Iosue filium Nun, * virum in quo est Spiritus, & pone manum tuam super eum. 19. Qui stabit coram Eleazaro sacerdote & omni multitudine: 20. & dabis ei præcepta cunctis videntibus, & partem gloriæ tuæ, ut audiat eum omnis synagoga filiorum Israel. 21. Pro hoc, si quid agendum erit, Eleazar sacerdos consulat Dominum. Ad verbum eius egredietur & ingredietur ipse, & omnes filii Israel cum eo, & cetera multitudo. 22. Fecit Moyſes ut præceperat Dominus. Cumque tulisset Iosue, statuit eum coram Eleazaro sacerdote & omni frequentia populi. 23. Et impositis capiti eius manibus, cuncta replicavit quæ mandaverat Dominus.

(a) Sup. xxvi. 32, 33. Inf. xxxvi. 1. Ios. xvii. 1. (b) Sup. xvi. 1. (c) Deuter. xxxii. 49. (d) Sup. ix. 12. Deuter. xxxiv. 51. (e) Deuter. i. 31.

ROMANÆ CORRECTIONES.

V. 14. *In Cades deserti Sin.* Rectius legitur secundo casu deserti. quam sexto deserto,

aut *in deserto.*

V. 18. *Virum in quo est Spiritus:* non addas vocem *Dri.*

C O M M E N T A R I A.

S A.

Verf. 3. **I**N PECCATO, id est ob peccatum, scilicet murmurationis contra Dominum.

V. 11. **SANCTUM**, profanctum. Hebr. *statum*. **LEGE PERPETUA**. Hebr. Chald. & LXX. *iudicii*: scilicet quod iudices servare debeant.

V. 14. **SANCTIFICARE**, id est glorificare. **SUPER**, id est ad.

V. 16. **SPIRITUM**, id est animarum. **OMNIS CARNIS**, id est omnium hominum; quasi dicat, qui nosti corda.

V. 17. **EXIRE ET INTRARE**, id est regere. **EDUCERE**, scilicet ad bellum. **INTRODUCERE**, scilicet in urbem. vel terram promissam; vel quasi dicat, qui domum reducat.

V. 20. **GLORIAE**, id est auctoritatis, vel secundum Augustinum; quasi dicat: Facies eum socium gloriæ tuæ.

V. 21. **CONSULET DOMINUM**. Hebr. *Petet iudicium Urim coram Domino*. Chald. *Consulet pro eo in iudicio illuminationis coram Domino*. Nota, quod Sacerdos summus, cum Deum consulebat, adhibebat pectorale, seu rationale, ubi Urim, & Thummim: itaque I. Reg. xxiii. *Applica*, inquit, *ephod*. **EIUS**, scilicet Domini; vel Eleazari, consulto Domino.

E S T I I.

Verf. 14. **Q**UIA OFFENDISTI ME IN DESERTO SIN, IN CONTRADICTIONE MULTITUDINIS &c. Hebr. est, *Sicut offendisti*; ut sensus sit: Quemadmodum nolulistis me sanctificare, & potentiam meam celebrare coram populo murmurante propter aquas; ita vicissim ego non dignabor vos ingres-

su terræ; quam daturus sum filiis Israël. Ex quo intelligimus, Moysen coram populo talia verba protulisse, ex quibus videretur de potentia Dei dubitare. Hoc enim est quod dicitur, Deum non sanctificasse. Sanctificatur enim Deus ab homine, quando sanctitas eius, aut potestas, aut bonitas, hominis testimonio commendatur.

Mytice autem per hoc quod neque Aaron, neque Moyses permisi sunt ingredi terram promissionis, significatur, quod nec vetus sacerdotium, cuius personam gerebat Aaron, nec ipsa lex, representata per Moysen, introducere possint populum Dei in terram æternæ hereditatis; sed eo introducitur Iosue, qui & Iesus vocatur, in quo typus erat Domini nostri Iesu Christi.

V. 20. **DABIS EL PRÆCEPTA CUNCTIS VIDENTIBUS**, ET PARTEM GLORIAE TUAE, UT AUDIAT EUM OMNIS SYNAGOGA FILIORUM ISRAEL. Ad Moysen sermo est de Iosue iussore constituendo. Hebr. *pro partem gloriæ*, est *de gloria tua*, vel de decore tuo. Sed siue legatur *de gloria tua*, siue *partem gloriæ tuæ*, non significatur gloria Moysi per hoc fuisse ex parte aliqua diminuenda; sed quod Iosue futurus esset socius eius gloriæ quæ erat in Moyse, ita tamen ut non æqualem cum Moyse gloriam esset habiturus. Nam de Moyse dicitur Deuter. ult. *Non superavit ultra Prophetam in Israël, sicut Moyses*. Patet id etiam ex sequentibus: nam iubetur Iosue in omnibus consulere Eleazarum summum sacerdotem; Moyses autem in omni re dubia per se, & immediate oraculum divinum consulere.

MARIANA E.

Verf. 3. **S**ED IN PECCATO SUO MORTUUS EST. Hebræi sentiunt, hunc Salphaad fuisse qui ligna collegit in sabbato : Hist. Schol. Num. xix. Verum quoniam omnes peccamus, neque sine illis vivimus, neque morimur ; ideo aiunt : Seditionis quidem pars non fuit ; peccata tantum propria, & privata commisit.

V. 6. ET EI IN HEREDITATEM SUCCEDANT. Hebr. *Transfer hereditatem patris eorum in ipsas.* Patri filiz succedant.

V. 11. ERITQUE HOC..... SANCTUM LEGE PERPETUA. Hebr. *In statum iudicii*, id est magna factum deliberatione : ideo perpetuum hoc decretum de filiarum hereditate vocat Hieronymus.

V. 18. PONE MANUM TUAM SUPER EUM. Ecce electio fit manus impositione. Inde Græcum *χρηστωρια* in significatione eligendi.

V. 20. ET PARTEM GLORIAE TUAE. Hebr. *Et dabis de gloria tua super eum.* Insignia magistratus, aut auctoritatem regendi, vocat *partem gloriae*.

V. 21. PRO HOC, SI QUID AGENDUM ERIT, ELEAZAR SACERDOS CONSULET DOMINUM. Hebr. *Et in conspectu Eleazari sacerdotis stabit, & peter ei in iudicio Urim coram Domino* (nempe sacerdos petet :) iuxta sermonem eius egredientur, & iuxta sermonem eius (sacerdotis) venient ipsi & omnes filii Israel. Iudicium Urim vocat ornatum Pontificum. Urim erat in Rationali : & a parte vocat totum ornatum ; ac si diceret : Pontifex solemniter consultet Deum ; Iosue eius responsis obediens.

MALVENDAE.

Verf. 1. **F**ILII MANASSE. Hebr. addunt, *familii Manasseb*, vel *de familiis*, aut *ad familias Manasseb* ; id est, comparant inter familias suæ tribus, quæ coram Moïse lustrabantur, ut paternam hereditatem peterent.

V. 3. SED IN PECCATO SUO MORTUUS EST. Quilam in hunc modum rationcinatas putant : Si pater noster aut in

cœtu Korachi fuisset, aut eiusmodi peccatum commisisset, non tantum hereditate, sed etiam vita privandæ fuisset, ut tum integræ familiæ quæ conspiraverant, perierunt ; atqui peccatum propter quod mortuus est, personam eius non transiit : quare æquum est nobis tradi hereditatem eius, ut vita nobis Deo relicta est ; præsertim cum ex decreto Dei, aliorum qui propter infidelitatem terra exclusi sunt, liberis hereditas promissa, & attributa sit, supra cap. xiv. vers. 31. & Deuter. i. vers. 39. Alii exponunt : *In peccato suo*, id est proprio, & non communi seditionis. Nonnulli : *Ob peccatum suum*, cum scilicet murmuravit cum aliis in deserto, qui moribus serpentum interierunt. Hispanicus Interpres explicat : *In peccato suo* ; hoc est, *per la comun condition delos hombres* : scilicet communi hominum conditione, forte, quæ iis ex peccato obvenit.

V. 4. RETULITQUE MOYSES CAUSAM EARUM AD IUDICIUM DOMINI. Nonnulli explicant : Quia adhuc incertum erat, utrum semina, deficiente mascula sobole, heredes esse possent ; an vero sola dos ad illas pertineret.

V. 6. DA EIS. *דלן להם* laben, pronomen masculinum, forte pro *דלן* laben femineo, quod alibi fieri solet ; vel, quod potius est, ad indicandum virilem & generosum earum animum, & quod in locum virorum in capienda hereditate succederent. Sic mox, PATRIS SUI, seu eorum, pronomen est masculinum. Vide Exodi i. vers. 21.

V. 9. FRATRES SUOS. Notant intelligendum id, si pater superstes non erit, ut in hoc exemplo : sic quoque accipiendum finem versus 10. volunt : hoc enim modo intelligi hunc versum oportere, ex duorum proxime sequentium versuum analogia ostendi putant.

V. 11. DABITUR HEREDITAS HIS QUI PROXIMI SUNT. Hebr. *Et dabitur hereditatem eius concarnerati eius, propinquæ ad eum de familia eius.* Quidam : *Tunc dabitur hereditatem eius propinquo eius*, qui est propinquus ei, id est illi qui proxime ad eum attrahitur, seu propinquiore eius de familia eius. Alii : *Et dabitur hereditatem eius consanguineo eius, propinquiore eius, qui fuerit de familia eius.* Nonnulli : *Tunc tradetis possessionem eius necessario*

furio eius, propinquiore ei ex familia eius, nempe patris, ex quo filii denominantur. SANCTUM LEGE PERPETUA, id est sanctum. Hebr. in statutum iudicii: quidam, in statutum iudiciale: alii, in statutum legitimum: nonnulli, in iura & leges. Id est, secundum hanc legem de huiusmodi iudicabunt inter filios Israel: manebitque sanctum firmum, & inviolabile hoc decretum, quod nullus iudex mutare audebit.

V. 13. SICUT IVIT FRATER TUUS. AARON. Hebr. *Secundum quod aggregatus fuit Abaron frater tuus.* Vide supra verbum 24. cap. xx.

V. 14. QUIA OFFENDISTIS ME IN DESERTO SIN. Hebr. *Secundum quod rebellavistis ori meo, &c.* Quidam: *Quemadmodum rebelles fuistis ori meo.* Nonnulla hic subaudiunt: *Ita moriemini, ut rebelles fuistis dictis meis in deserto, Sin.* Alii: *Eo quod exacerbastis os meum in deserto Sin.* Nonnulli verba traducunt: *Quandoquidem rebellavistis in deserto Tzini in contentione cæcis, contra præstitum meum, quod erat, ut sanctificaretis me ad aquas illas ante oculos eorum.* Vide supra cap. xx. vers. 12. Proprie: *Secundum quod mutavistis os meum; id est, multa pervertistis, & invertistis in mandato meo, aliter faciendo quam vobis præceperam.* Hæc sunt aquæ contradictionis, &c. Notant: Nam altera ante contigerat in Raphidimis, ubi Deus a nunc fratrū offensus fuerat, Exodi xvii. vers. 7.

V. 16. DEUS SPIRITUUM OMNIS CARNIS. Hebr. *Deus spirituum omni carni, seu ad omnem carnem; id est, qui dat spiritum omni carni, scilicet vitam, vim, virtutem, energiam, efficacitatem omni homini.* Actor. xvii. vers. 25; Alii: *Qui novit corda & mentes omnium.* Quidam: *Deus spirituum, Deus omnis carnis; id est, Deus qui & spiritus, & carnis est Deus; qui utramque naturam condidit, & gubernat.*

V. 17. POSSIT EXIRE ET INTRARE ANTE EOS, &c. hoc est, qui domi & foris, & pace & bello rempublicam administrat. Proverbialis formula in Deuteronom. xxviii. 6. Psalm. cxx. 8. Actor. i. vers. 21. quasi dicat: Qui sit ductor & gubernator populi in omni opere, tam bellico quam civili, qui possit educere ad bellum & reducere. Sic vers. 21.

V. 18. VIRUM IN QUO EST SPIRITUS. Plerique subaudiunt *Dei, aut meus.* Alii: *In quo est vigor, vis, & efficacitas animi.* Hebraice geminatio, *Virum cui spiritus in eo, auget significatum, id est virum ingentis spiritus.* ET PONAM MANUM TUAM SUPER EUM. Hebr. *Et sustentabis, fulcies manum tuam super eum.* Alii: *Et niteris manu tua super eum; vel & impones manum tuam super illum.* Exponunt: Ut hoc pacto videaris resignare ac deponere officium tuum in illum, atque illum populo imponere. Quidam: *Ut imponas manum tuam illi: nimirum ut hac ratione: mancipetur ille Domino ad obeundam sancte administrationem in populo eius.* Vide de hoc ritu quæ notavimus Exodi xxix. vers. 10.

V. 20. ET DABIS EI PRÆCEPTA CUNCTIS VIDENTIBUS. Hebr. *Et præcipies ei in oculis eorum.* Quidam exponunt: Præcepto publico compelles eum: ad suscipiendum officium regendi populum. Quantum ab his absunt qui munia publica per omnes artes ambiunt. Aliqui: *Et dabis ei mandata in oculis eorum; id est, cunctis præsentibus instrue eum quid agere debeat.* Alii: *Mandatis instruas illum ante oculos eorum, seu cunctis spectantibus.* Sic vers. 23. ET PARTEM GLORIAE TUAE. Hebr. varie reddunt, & elucidant. I. *Et dabis ex gloria tua super eum:* aiunt significari insignia gloriae & magistratus, nescio quæ, quibus tunc populi dux utebatur: quasi iubeatur Moyses diademate, vel alio eiusmodi principatus insigni locum investire, ac sibi detractum ei imponere, vel id eum eo communicare. II. *Et dabis, impertieris illi de decore, splendore, honore, laude, gloria tua; aut aliquid, partem gloriae tuæ ei impartire;* id est, transferas in eum gloriam tuam, ornando & commendando eum verbis, ostendalque eum divinitus constitutum. III. *Et dabis de robore, virtute, potentia, dignitate, potestate, imperio, auctoritate tua super eum;* id est, transfundes in eum tuam potestatem & auctoritatem. Aliæ explanationes frigent. UT AUDIAT EUM. Hebr. simpliciter: *Ut audiant, vel propterea audient.* Quidam: *Ut ei auscultent;* id est, pareant, morem gerant; obediunt; ut dicto sint audientes.

V. 21. PRO HOC, SI QUID AGENDUM.

DUM ERIT, ELEAZAR SACERDOS CONSULET DOMINUM. Hebr. *Et ante Eleazarum sacerdotem stabit, & interrogabit ei in iudicio Urim, coram Domino.* Quidam: Qui postea coram Eleazar sacerdote stabit, & interrogabit eum de iudicio Urim coram Iehova; id est, consulit pontificem de rebus agendis tamquam conficius voluntatis Dei: de rebus, inquam, quas revelabit ei agendas Dominus, propter praesentiam nominis sui, quod ipse sacerdos gestat in sacro pectorali. Hic Urim pro summo Pontifice capiunt, ut sit antecedens pro relativo: Interrogabit eum de iudicio Urim; interrogabit pontificem de iudicio pontificis; interrogabit sacerdotem sententiam suam, quid Dominus fieri velit; quasi dicat: Cum aliquid agere vellet, interrogabit summum pontificem, qui gestat Urim, & Thummim in pectorali. Aliter. *Interrogabit eum de iudicio*, id est de sententia Urim, & Thummim, quae erant in pectorali pontificis, in quibus Deus tamquam in speculo voluntatem suam de rebus agendis manifestabit. Aliqui, *De iudicio Urim*, id est de oraculo & iudicio Dei in rebus obscuris & incognitis. Alii, *In iudicio Urim*, id est per oraculum Urim, & Thummim. Vel interrogabit eum Indutum sacro pectorali iudicii, in quo erant sacra illa Urim, & Thummim. Iudicium hic pro pectorali iudicii, Exodi xxviii, vers. 30. ut testimonium pro arca testimonii. Nonnulli reddunt: *Et stabit ante Eleazarum sacerdotem, qui interrogabit ei, vel pro eo, secundum ritum Urim, idque coram Domino.* Iudicium pro ritu, infra cap. xxix, vers. 6. II. Regum xvii, vers. 26. Suppositum verbi *interrogabit*, Hebr. potest esse Eleazar: Ipse sacerdos *interrogabit eum*, scilicet Dominum; vel ei, in gratiam eius, vel pro eo: nempe interrogabit Iehovam pro Iosue: quem sensum Noster secutus est: aut ipse Iosue interrogabit eum, scilicet sacerdotem: & hic sensus frequentior est apud recentiores. Notabis hic quanto antistat summus pontifex principi, & quanta observantia ac veneratione princeps pontificem colere debeat, tamquam interpretem voluntatis divinae. De Urim, & Thummim vide Exodi xxv, 19, & 30. & Levit. viii, 8. **AD VERBUM EIUS.** Hebr. *super, iuxta os eius, vel ad praesentium eius.* Qui-

dam, *Eius*, Iosue nimirum, seu principis, e vers. 17. Alii, *Eius*, Iehovae, quod proxime praecessit. Melius plerique, *Eus*. Eleazari, seu pontificis summi; ac si dicat: Secundum quod ipse pontifex a Deo edoctus dixerit, princeps ipse Iosue, & filii Israel suscipiant aliquid agendum, aut desistent. Non vult Dominus quidquam agere principem, aut populum, inconsulto summo pontifice. **EGREDIETUR, ET INGREDIETUR.** Volunt esse Hebraismum, *egredi, & ingredi*, pro aliquid agendi faciendum, aut suscipere desistere: alii, pro administrare rempublicam domisique, pace belloque, ut supra vers. 17.

MENOCHII.

Vers. 2. AD OSTIUM TABERNACULI. Quia iuxta ostium tabernaculi erat tentorium Moysi, atque ad illud, vel certe ad vicinam atrium tabernaculi conveniebant seniores populi, convocati a Mose ad concilium.

V. 3. PATER NOSTER MORTUUS EST IN DESERTO, scilicet ob peccatum murmuris tempore exploratorum, quod peccatum fuit commune totius populi: omnes enim a vigesimo anno, & supra ob hoc peccatum mortui sunt in deserto. **CUR TOLLITUR NOMEN EIUS?** &c. cur extinguitur familia, & nomen eius? **DARE NOBIS HEREDITATEM:** nam ex filiis nostris aliquis nomen illius tuebitur, & de familia Salphaad vocabitur, atque ita per lineam femininam nomen illius propagabitur.

V. 4. RETULIT CAUSAM AD IUDICIUM DOMINI: consuluit Dominum super hac re.

V. 6. DA EIS POSSESSIONEM: iube eis dari cum populus ingressus fuerit Chanaan.

V. 11. HIS QUI EI PROXIMI SUNT, masculi scilicet.

V. 12. IN MONTE ISTUM: tum ut ex eo videas terram promissam; tum ut in eo moriaris. **ABARIM.** Mons hic Abarim saltem secundum diversas partes, & iuga, diversa habebat nomina. Nam vocatur Phasga, Phogor, Excelsa Baal, Nebo: in Nebo enim dicitur mortuus esse Moyses Deut. ult. n. 1. Voluit enim Deus Mo-
Mosen

Mosen mori in monte, non in castris, ne Hebræi ad idololatriam proni eius corpus quasi numen colerent. **C O N T E M P L A R E I N D E T E R R A M :** ut saltem aliqua voluptate fruaris in visione terræ, quam tantopere ingredi optasti, & petisti. Vide Deut. III. 24. & 25.

V. 13. IBIS ET TU AD POPULUM TUUM. Morieris in Moab, & ibis ad limbum patrum.

V. 16. DOMINUS DEUS SPIRITUM, qui scilicet spiritus, & corda hominum novit, & scit ad quæ quis aptus sit, quis tantæ gubernationis molem subire, & sustinere possit.

Vers. 17. POSSIT EXIRE ET INTRARE ANTE EOS ; id est, possit esse dux, & ductor eorum in omni opere tam bellico quam civili. Est metaphora sumpta a pastoribus educantibus gregem. Hic enim ante exeunt, & intrant, atque ita eum pascunt, & regunt.

V. 18. IN QUO EST SPIRITUS DEI, id est prudentia, pietas, fortitudo, & ceteræ virtutes principii necessariæ. **P O N E M A N U M T U A M S U P E R E U M :** ut hac ceremonia instituat successor tuus, & dux populi, & a me spiritu, & gratia ad munus illud opportuna impleatur.

V. 20. DABIS EI PRÆCEPTA, de modo regendi populum, maxime ut eum in vera unius Dei religione, ac lege conservet, & promoveat. **E T P A R T E M G L O R I A E T U A E.** Da Iosue partem gloriæ; id est, honoris, & auctoritatis tuæ apud populum, ut eum quasi futurum principem reverenter compelles, eumque ut talem toti populo pro, onas, & commendes, ut populus eum pro te acceptet ut ducem, eum reveretur, & audiat. Alii *partem gloriæ* interpretantur insignia magistratus. **E T A U D I A T E U M O M N I S S Y N A G O G A :** illi obediat.

V. 21. P R O H O C, pro Iosue. **A D V E R B U M E I U S,** Eleazari scilicet Iosue agat quidquid agendum erit. **T A M I P S E,** Iosue scilicet.

V. 23. R E P L I C A V I T, retulit, enarravit. Heb. est *præcepit*.

T I R I N I.

Vers. 3. I N P E C C A T O S U O M O R T U U S E S T. Peccatum hoc

fuit commune cum reliquis murmur post exploratorum reditum, supra cap. XIV. Cuius peccati pœnam Deus ibidem statuit mortem singulis opetendam in deserto. Et quia hanc pœnam voluit in parentibus qui soli peccaverant, hære, neque ad filios extendi, idcirco dicunt filii Salphaad parentem in suo peccato mortuum esse.

V. 12. A S C E N D E I N M O N T E M A B A R I M. Est continuatio plurium montium in confinibus Amorrhæorum, & Moabitarum; cuius pars una, seu iugum unum, quod Moyfès conscendit, dicebatur Nebo, vel Nabab, eiusque vertex Phasga, uti habes Deuteronomii xxxiii. & xxxiv. De peccato Moyfès, ob quod exclusus est a terra sancta, dixi supra capite xx. versu 12.

V. 18. P O N E M A N U M T U A M S U P E R E U M. Hoc ritu significabatur Moyfès resignare & transmittere potestatem suam in Iosue. Eratque hæc non nuda externa cæremonia qua inauguraretur Iosue princeps populi, sed eadem insuper conferebatur illi Spiritus sapientiæ, qui principi ad regendum est necessarius: conferebatur, inquam, morali quadam efficientia, Moyfès id a Deo conceptis precibus expetente. Sic enim dicitur Deuteronomio ult. 9. *Iosue filius Nun repletus est Spiritu sapientiæ, quia Moyfès posuit super eum manus suas.*

V. 20. E T D A B I S E I P R A E C E P T A, utique ad principis officium rite obeundum spectantia: maxime vero ut strenue adversus hostes rem gerat, Deo fietus nihil metuat, populum in officio suo, & Dei cultu contineat: ut Philo b exponit, & colligitur Deut. III. vers. 21. & sequentibus. **E T P A R T E M G L O R I A E T U A E,** seu dignitatis, & auctoritatis tuæ communicabis Iosue, ut in posterum tibi non tamquam minister adsit, ut hæcenus, sed tamquam princeps assideat, insignia principatus eadem quæ tu gesser, frequenti famulatio cingatur, denique pro principe se gerat in omnibus, & Moyfès dignitate sit proximum. Idque **U T A U D I A T E U M O M N I S S Y N A G O G A ;** hoc est, ut hac via concilietur ei auctoritas apud populum, & omnes paulatim etiam te vivente, illi parere discant. Ita S. Augustinus c, Caictanus, Abulensis, Serarius.

(a) Philo Lib. de Caritate

(b) Aug. quæst. lv. in Num.

GORDONI.

Vers. 3. **I**N PECCATO SUO MOR-
TIVUS EST. Hoc est peccatum,
non quidem Core, ob quod etiam liberi
castigati sunt, sed peccatum murmuris,
quando redierunt exploratores: fuitque hoc
totius quidem populi peccatum (unde per-
ierunt tandem quotquot erant supra vi-
ginti annos) sed personale, non transiens
ad puniendos posteros. Atque hinc sumunt
pro se argumentum filiz Salphad, verbis
illis: CUR TOLLITUR NOMEN ILLIUS DE
FAMILIA SUA: Aliqui hoc exponunt de
peccato aliquo proprio & privato, verbi
gratia de collectis lignis in sabbato. Et
sic ne seditionis quidem venia postulata est.

V. 8. Decretum de filiarum hereditate.

V. 12. ASCENDE IN MONTEM I-
STUM ABARIM. Mons habet nomina va-
ria, ut plures forte montes concludebat:
nam Deuter. ult. vocatur Nebo, alibi Ex-
celsa Baal, item Phogor, & Phasga: Adri-
chom. in Ruben. At quomodo apud Se-
ptuaginta *πῖπας τῷ Ἰσραὴλ trans Iordanem?*
Sane respectu Chananææ.

V. 18. PONE MANUM SUPER EUM.

Cæremonia fuit in usu, designans potestatis
transmissionem. Septuag. in plurali habent
χρῖσας. Vide Deuteron. ult. vers. 9. ubi ha-
bemus non fuisse hoc nudam manus im-
positionem, sed cum communicatione po-
testatis, & spiritus sapientiæ ad gubernan-
dum. Hinc vers. 20. dedit ei ad bene ree-
gendum præcepta; & quidem (ut facilis
est colligere) pertinentia ad officium bo-
ni principis: & inter alia, ut consulere
Dominum per Eleazarum. Hinc apud Græ-
cos *χρησάμενος*, ad electionem denotandam.

V. 20. PARTEM GLORIÆ, insignia
magistratus, & auctoritatem.

V. 21. Pontifex consulens Dominum ad-
hibebat rationale, ubi Vrim & Thumim.
Vide Præloquium Exod. verbo,
Vestitus.

EX EIUSDEM AUCTARIO.

V. 2. AD OSTIUM, ubi semper erat
tabernaculum Moysi.

V. 11. QUI PROXIMI SUNT, ma-
sculi.

V. 21. PRO HOC, pro Iosue. AD VER-
BUM EIUS, Eleazari, EGREDIETUR,
ipse Iosue.

C A P U T XXVIII.

*Sacrificia quotidiana & diei septimi ac calendarum, & de duabus
solemnitatibus azymorum & hebdomadarum.*

1. **D**ixit quoque Dominus ad Moysen: 2. Præcipe filiis Israel,
& dices ad eos: Oblationem meam & panes, & incensum
odoris suavissimi offerre per tempora sua. 3. Hæc sunt sa-
crificia quæ offerre debetis: Agnos anniculos immaculatos
duos quotidie in holocaustum sempiternum: 4. unum offe-
retis mane, & alterum ad vespertum: 5. decimam partem
ephi similæ, quæ conspersa sit oleo purissimo, & habeat
quartam partem hin. 6. Holocaustum iuge est quod obtulistis in monte Sinai
in odorem suavissimum incensi Domini. 7. Et libabitis vini quartam partem hin
per agnos singulos in Sanctuario Domini. 8. Alterumque agnum similiter offeretis
ad vespertum, iuxta omnem ritum sacrificii matutini, & libamentorum eius,
oblationem suavissimi odoris Domino. 9. (a) Die autem sabbati offeretis duos
agnos anniculos immaculatos, & duas decimas similæ oleo conspersæ in sacrificio,
& liba 10. quæ rite funduntur per singula sabbata in holocaustum sempi-
ter-

Bib. Sac. Tom. III.

Ff

ternum. 11. * In calendis autem offeretis holocaustum Domino, vitulos de armento duos, arietem unum, agnos anniculos septem immaculatos; 12. & tres decimas similæ oleo conperse in sacrificio per singulos vitulos; & duas decimas similæ oleo conperse per singulos arietes; 13. & decimam decimæ * similæ ex oleo in sacrificio per agnos singulos: holocaustum suavissimi odoris atque incensi est Domino. 14. Libamenta autem vini, quæ per singulas fundenda sunt victimas, ista erunt: media pars hin per singulos vitulos, tertia per arietem, quarta per agnum: hoc erit holocaustum per omnes menses, qui sibi anno vertente succedunt. 15. Hircus quoque offeretur Domino pro peccatis in holocaustum sempiternum cum libamentis suis. 16. (b) Mense autem primo, quartadecima die mensis, Phase Domini erit, 17. & quintadecima die solemnitas: septem diebus vescuntur azymis. 18. Quarum dies prima venerabilis & sancta erit: omne opus servile non facietis in ea. 19. Offeretisque incensum holocaustum Domino, vitulos de armento duos, arietem unum, agnos anniculos immaculatos septem: 20. & sacrificia singulorum ex simila quæ conperse sit oleo, tres decimas per singulos vitulos, & duas decimas per arietem, 21. & decimam decimæ per agnos singulos, id est per septem agnos. 22. Et hircum pro peccato unum, ut expiatur pro vobis, 23. præter holocaustum matutinum quod semper offeretis. 24. Ita facietis per singulos dies septem dierum in somitem ignis, & in odorem suavissimum Domino, qui surget de holocausto, & de libationibus singulorum. 25. Dies quoque septimus celeberrimus & sanctus erit vobis: omne opus servile non facietis in eo. 26. Dies etiam primitivorum, quando offeretis novas fruges Domino, expletis hebdomadibus, venerabilis & sancta erit: omne opus servile non facietis in ea. 27. Offeretisque holocaustum in odorem suavissimum Domino, vitulos de armento duos, arietem unum, & agnos anniculos immaculatos septem: 28. atque in sacrificiis eorum, similæ oleo conperse tres decimas per singulos vitulos, per arietes duas, 29. per agnos decimam decimæ, qui simul sunt agni septem: hircum quoque 30. qui maciatur pro expiatione: præter holocaustum sempiternum & liba eius. 31. Immaculata offeretis omnia cum libationibus suis.

(a) Math. XII. 5. (b) Exod. XII. 18. Levit. XXIII. 5.

B R U G E N S I S

ROMANÆ CORRECTIONES.

V. 11. In calendis autem offeretis. Multa exemplaria post autem addunt, id est in mensium exordiis: id quod, tamquam commenta-

rium textui mixtum, omiserunt Romani Patres.

V. 13. Similæ ex oleo. Non addas participium conperse, quod satis intelligendum dat præpositio ex.

C O M M E N T A R I A.

S A.

Vers. 2. INCENSUM, id est victimas, quæ incendantur, seu cremantur. PER TEMPORA SUA, id est statim temporibus.

V. 3. ANNICULOS, id est non maiores anno uno, scilicet intra annum ætatis, sed post octavam diem.

V. 4. AD VESPERUM. Hebr. Inter duas vespervas. Vide Exod. XII.

V. 5. HABEAT, scilicet olei.

V. 6.

V. 6. INCENSI, scilicet holocausti. Hebr. *ignitionis*: sic infra.

V. 7. LIBABITIS, id est effundetis, scilicet ad Dei honorem.

V. 9. DUOS, scilicet præterea, alterum quidem mane, alterum autem vespere, ultra illos duos quotidie offerendos in holocaustum.

V. 11. CALENDIS. Celebrabatur id festum ob beneficium gubernationis, secundum D. Thomam, ut sabbatum ob creationem; vel, secundum alios, ut temporum initia velut primitiæ offerrentur. Licebant autem opera servilia in hoc festo; ideo in Levit. inter alia festa non connumeratur, quibus ea opera non licebant.

V. 13. DECIMAE, id est ephi, quæ est decima pars cori. Hebr. & LXX. *decimam decimam*; quasi dicat, unam decimam per singulos; sic inf. Vide cap. xxix. Chald. *singulas decimas*.

V. 15. IN HOLOCAUSTUM. Hebr. & Chaldaice, *ultra holocaustum*.

V. 18. VENERABILIS ET SANCTA, pro celebritas sancta; quasi dicat, solemnissima, seu celeberrima: sic & infra.

V. 19. INCENSUM HOLOCAUSTUM, pro sacrificium holocausti ignitum. Chald. *oblationem holocausti*.

V. 14. FOMITEM IGNIS; quasi dicat, Holocaustum. QUI SURGIT, &c. Hebr. & Chald. *ultra holocaustum iuge, & eius libamen*.

V. 26. PRIMITIVORUM, scilicet novarum frugum. HEBDOMADIBUS, scilicet septem.

V. 28. PER ARISTES DUAS, id est per singulos arietes decimas duas. Vide supra.

EST I I.

Vers. 3. & 4. **A**GNOS ANNICULOS IMMACULATOS DUOS QUOTIDIE IN HOLOCAUSTUM SEMITERNUM: UNUM OFFERETIS MANE, ET ALTERUM AD VESPERUM. Subditur deinde de sacrificio sabbati, ac demum quoque de sacrificio calendarum seu neomeniæ. Quorum trium sacrificiorum hæc brevis est explicatio, secundum D. Thomam I. II. quest. cii. art. 4. Per quotidianum, seu iuge sacrificium repræ-

sentabatur perpetuitas divinæ beatitudinis; per sacrificium sabbatorum, quod septimo quoque die fiebat, memoria creationis, quæ completa est die septimo: nam & Exodi xx. pro ratione præcepti de sabbato additur: *Sex diebus fecit Deus celum & terram, & septimo requievit*. Denique sacrificium neomeniæ, sive novæ lunæ, hoc est a novilunio ad novilunium, fiebat ad commemorandum opus divinæ gubernationis: nam hæc inferiora præcipue variantur secundum motum lunæ. Et hæc ratio singulorum literalis est.

Mystica, seu prophetica horum ratio est ista. Per iuge sacrificium significatur perpetuitas sacerdotii Christi, qui est verus agnus, tollens peccata mundi. Per sacrificium sabbati significatur spiritualis requies, quam expectamus per Christum, de qua ad Hebr. iv. Per sacrificium neomeniæ prænuntiatur illuminatio Ecclesiæ primitivæ per Christum. Sicut enim per lunam Ecclesia significatur; ita & per lunam novam, nova seu primitiva Ecclesia.

MARIANAE.

Vers. 2. **O**BLATIONEM MEAM ET PANES, ET INCENSUM. Hebr. *Oblationem meam, panem meum in sacrificium, odorem quietis meæ observabunt, ut afferant mihi*. Hoc capite de panibus nulla mentio, sed de cruentis sacrificiis; ideo per panem hic escam, seu carnes intelligunt etiam Hebræi. Sacrificia erant ut epulæ quæ apponebantur Deo: sic quæ mactabantur, vocat escas carnes suas.

V. 5. DECIMAM PARTEM EPHI. Hebr. *decimam ephi simile in donum*. Decima est gomor, sicut & ephi est cori decima: continet gomor Toletani celeminis plusquam dimidium. Hin continet duodecim sextarios Hebraicos, qui vocantur Loghim: quarta pars, quam olei offerri mandat, tres sextarii quantum ova 18.

V. 7. ET LIBABITIS VINI QUARTAM PARTEM HIN. In Hebræo שֶׁכֶר *secher*, hoc est *secher*, qua voce sæpe significatur potus omnis qui inebriare potest, præter vinum; hoc tamen loco vinum significat, & quibuscumque aliis: nam in sacrificiis vini tantum usus erat, non secher.

V. 10. QUAE RITE FUNDUNTUR PER SINGULA SABBATA. Hebr. *hæc*
Et 2. locau-

locustum sabbati in sabbato suo, præter holocaustum iuge, & libamen eius. Ita holocaustum de quo hic, distinguit ab holocausto iugi, & quotidiano.

V. 13. ET DECIMAM DECIMAE. Hebr. *decimam decimam*, id est singulas decimas, uni agno, id est cuique agno. Hieronymus voces Hebraicas putavit esse in regimine. Verum cum superius singulis agnis det decimam, quomodo hic daret decimam decimæ tantum? Idem dicito *vers. 29.*

V. 20. ET SACRIFICIA SINGULORUM EX SIMILA: ex Sept. sumptum. Hebraice: *Et donum eorum simila conspersa oleo*; id est, simul cum vitulis hæc offeretis.

V. 24. IN FOMITEM IGNIS, ET IN ODOREM SUAVISSIMUM. Hebr. *Tanis sacrificii odor suavissimus Domino.* Dixi, panem pro elca, & carnibus sumi. Pro *panem isch*, id est sacrificio, Hieronymus legit *panem is*, id est ignem; & pro pane, fomitem posuit, id est alimentum ignis: & fortassis ea est vera lectio.

M A L V E N D A E.

Vers. 2. **O**BLATIONEM MEAM PANES, &c. Totam hanc versus partem verbatim ex Hebræo expressimus (*Korban meum, panem meum, ignitionibus meis, spirationem refocillationis meæ, observabitis, ad appropinquare facere mihi in statione eius.*) Alii clarius conati sunt explicare. I. Oblationem meam, panem meum in oblationibus meis ignitis, vel pro ignitis sacrificiis meis, quæ sunt in odorem quietis meæ, custodietis, ita ut offeratis mihi illa in tempore suo. Nomine panis intelligi volunt carnes sacrificiorum, ut infra *vers. 24.* Id est, custodite ritum offerendi carnes meas, & victimas meas, quæ cremantur ut incensa mihi fiant gratissima, quibus excitetur mihi odor gratissimus; & asserite ea mihi, ut præcepi. Sacrificia autem Deus vocat cibum suum more hominum: quod sicut homines carnibus, vino, & oleo, similia, & panibus, &c. potissimum vescuntur, & delectantur; ita Deus illa in sacrificiis suis habere voluit: non quod illis, ut homo, vesceretur, aut delectaretur; sed quod ipsi grata essent propter aliud, nempe ob fidem in dilectum Filium,

qui per omnia sacrificia adumbratur. Vide Levitici *xxi. 6.* II. *Sacrificium meum panis mei, vel escam meam, quod sit ad sacrificium ignitum in odorem suavolentem; vel incensa mea in odorem quietis meæ custodietis, ut sacrificetis mihi castato suo tempore.* III. *Oblationem meam cibi mei, in igne absumenda mihi odorem gratum meum, observate ad offerendum mihi casto tempore suo.* De odore quietis, vel suavissimo, vide Genes. *viii. vers. 21.*

V. 3. HAEC SUNT SACRIFICIA, &c. De hoc versu, & 4. & 5. vide Exodi *xxix. vers. 38. & seqq.*

V. 6. HOLOCAUSTUM IUGE EST QUOD OBTLISTIS IN MONTE SINAI, &c. Quidam exponunt: Holocaustum iuge, quod primum quidem oblatum fuit in monte Sinai Exodi *xxix. vers. 38.* sed postea triginta novem annis, quibus Israelitæ in deserto vagati sunt, intermissum. Vide quæ notabimus Deuteroni *xii. vers. 8.* Quamobrem cum propius absessent Israelitæ a promissa terra, & mox ingressuri essent, mandatum istud redintegrari oportuit. Ac si dicat: Ad ritum holocausti iugis facti primum in monte Sinai, offeretis deinceps holocaustum iuge. Quidam vertunt accusandi casu: Holocaustum continuitatis factum in monte Sinai in odorem gratum, ignitum Domini; subaudi, deinceps offeretis, e *vers. 2.* Holocaustum quidem iuge intermissum fuisse triginta novem annis illis quibus Israelitæ vagati sunt in deserto, satis indicant verba illa. Factum in monte Sinai, quasi postea ad hanc usque diem qua eius mandatum innovatur, non fuerit factum.

V. 14. PER OMNES MENSES, QUI SIBI ANNO VERTENTE SUCCEDUNT. Hebr. *mensis in mense suo, in mense anni: quidam, singulorum mensium, per singulos menses anni:* alii, *singulis mensibus in mensibus anni:* nonnulli, *mensis incensus, in initio suo, per singulos menses anni.*

V. 24. IN FOMITEM IGNIS. Hebr. *Panem, cibum, escam, ignitionem, vel ignitionis, seu sacrificii igne absumendi.* Alii: *Panis sacrificii est, quod igne consistit.* Quidam, *In cibum igne absumendum.* Aliqui, *Panem ignitum.* Nonnulli, *Carnem, seu victimam in oblationem ignitam, aut in suffumum incensam.*

V. 26. NOVAS FRUGES DOMINO. Hebr.

Heb. *minchali novam*, id est sacrificium, vel munus farinaceum ex novis frugibus. Vide Levit. xxiii. vers. 16. **EXPLETIS HEBDOMADIBUS.** Heb. *in septimanis vestris*. Quidam, *post septimanas vestras*; id est, exactis illis septem septimanis, de quibus cautum est Levitici xxiii. vers. 15. & 16.

V. 27. OFFERETISQUE HOLOCAUSTUM: quidam exponunt, nempe in oblationem diei huiusnam alioquin altera fuit oblatio coniuncta primitiis, Levit. xxiii. vers. 18. quarum altera alteram minime perimebat. Hoc enim semper observatum fuit in lege, ne quid de oblatione una propter alteram supervenientem decederet. Itaque sabbatis etiam, & noviluniis non raro complures oblationes concurrebant, quarum nulla tamen eo nomine poterat interdicere. Sic conciliatur hic locus cum Levitici xxiii. vers. 18. Vide infra cap. xxix. vers. 2.

V. 28. ATQUE IN SACRIFICIIS EORUM, &c. Heb. *Et munus eorum similitum perfusum in oleo: tres decimas in iuvencum unumquemque, duas decimas in arietem unumquemque*. Quidam per nominativum vertunt: *Oblatio eorum erit similia mixta cum oleo: tres decimæ ad iuvencum unum, seu in singulos iuvencos; & duæ decimæ ad arietem unum, vel per singulos arietes*. Nonnulli: *Cibarium sacrificium eorum fiat de similitudine oleo conspersa: nempe tres decimæ pro iuvenco uno, & duæ decimæ pro ariete uno*. Sic etiam vers. 29. & 30.

MENOCHII.

Vers. 2. OBLATIONEM MEAM ET PANES, ET INCENSUM, &c. Hebr. *oblationem meam, panem meum* (quæ scilicet panis meus, & cibus meus sunt) *per ignationes meas* (quibus scilicet hæ victimæ per ignem Deo cremantur) *in odorem suavitatis offerte*. Est ergo generale præceptum de non negligendis sacrificiis.

V. 3. AGNOS ANNICULOS, &c. De hoc sacrificio quotidiano vide Exod. xxix. de libamentis, seu accessoris sacrificiis, cap. xv. Numer. ANNICULOS, qui annum non exceserint. IMMACULATOS, non macula coloris, sed deformita-

tis: ne scilicet sint cæci, claudi, scabiosi,

V. 5. DECIMAM PARTEM EPHI. quæ Gomor dicitur. **QUARTAM PARTEM HIN.** Sunt tres scyphi tredecim unciarum aquæ, vel vini, sive sextarii tres Hebræi, unciæ scilicet quadraginta vini, vel aquæ, id est libræ tres, & quatuor unciæ.

V. 6. QUOD OBTULISTIS IN MONTE SINAI. Hebræi per annos 38. in deserto non sacrificarunt. In Sinai autem oblatum est iuge sacrificium, ut patet Levitici ix. 17. **INCENSI,** sacrificii igniti, & cremati Deo. **IN SANCTUARIO DOMINI,** in atrio ad altare holocaustorum.

V. 9. OFFERETIS DUOS AGNOS, mane ergo sabbati tres agni immolabantur, scilicet unus pro iugi sacrificio, duo pro sabbato. **IN SACRIFICIO,** ad sacrificium accessorium, farreum. **LIBA,** libamina similia, olei, & vini.

V. 10. QUÆ RITE FUNDUNTUR: rite, id est iuxta præscriptum legis. **IN SINGULA SABBATA,** in singulis diebus hebdomadæ: sabbatum enim in Scriptura accipitur aliquando pro hebdomada, & prima sabbati, & prima dies hebdomadæ, sive prima post sabbatum.

V. 11. IN CALENDIS, prima die mensis, quæ & neomenia, sive novilunium dicitur.

V. 13. DECIMAM DECIMÆ, id est una decima: unum gomor dicitur decima decimæ, id est decima pars ephi, quod ephi est decima pars cori.

V. 15. PRO PECCATIS, populi generatim. **IN HOLOCAUSTUM,** id est holocaustum, præter holocaustum: nam in Hebræo est, *Hircum pro peccato offeretis, ultra holocaustum iuge cum libamentis suis*. Ita vertunt Chald. LXX. & Vatablus. **CUM LIBAMENTIS SUIS,** libamentis holocausti: nam mincha, id est similia, vinum, & oleum non libabantur in vittima pro peccato, ut colligitur Num. xv. 3. nec thus adolebatur cum eis, ut patet Levit. v. 12.

V. 16. PHASE DOMINI ERIT, id est Paschæ festum. **ET QUINTA DECIMA DIB SOLEMNITAS,** comestionis agni. Vide dicta Exod. xii. 6.

V. 19. INCENSUM, victimam quæ igne cremetur, fiatque holocaustum. Ex hoc

patet: in festo Paschæ oblatos fuisse in holocaustum duos vitulos, arietem unum, agnos septem cum suis libamentis, atque hircum unum pro peccato.

V. 21. DECIMAM DECIMAE. Vide dicta num. 13.

V. 22. UT EXPIETUR: ut fiat expiatio.

V. 23. HOLOCAUSTUM MATUTINUM: intellige & vespertinum; sed illud non exprimitur, quia de eo non erat causa dubitandi, ut de matutino: hoc enim videri poterat omitti posse, cum eodem mane tam multa alia sacrificia immolarentur.

V. 24. IN FOMITEM IGNIS, ad nutriendum ignem.

V. 26. DIES ETIAM PRIMITIVORUM, in qua offerebantur primæ fruges maturæ, id est panes ex primis frugibus, id est festum Pentecostes.

V. 27. OFFERETISQUE HOLOCAUSTUM. Eadem victimæ iubentur hic offerri in festo Pentecostes, quæ iussæ sunt offerri in Paschate num. 19.

T I R I N I.

Verf. 11. **I**N CALENDIS. Hebraice, *In capite mensis*: Græce, *In neomeniis*: Latine *Novilunia* vocamus, a quibus Iudæi suos menses inchoabant, qui quibus Iudæi suos menses inchoabant, qui nam ab uno novilunio ad alterum sunt dies 29. cum dimidio. Voluit autem Deus has calendas, seu novilunia esse sacra, quia primitiæ erant mensium. Sicut initium; finisque cuiusque hebdomadæ per sabbatum Deo consecrabatur, & initium totius anni per pascha; sic initium cuiusque mensis Deo similiter consecrandum erat; & quidem per festum proprie dictum, quo & seryilia opera, & iter prolixius inhibebatur, ut patet I. Reg. xx. verf. 19. quo item specialia sacrificia, quasi mensis totius primitiæ, in templo, nomine publico offerebantur. Ita Sanctius in I. Reg. xx. verf. 19. & Abulenſis ibidem, licet hic contrarium insinuet: S. Thomas, & Lyranus dicunt, sicut sabbatis iussi fuerant Hebræi celebrare memoriam creationis; ita neomeniis memoriam gubernationis divinæ: nam luna corporibus omnibus salutaribus

dominatur, & illa maxime in novilunio immutat. De festis Calendis apud Romanos, vide Macrobius a, & alios.

Petes, an singulæ neomeniæ clangore tubarum indicî consueverint apud Iudæos? Respondeo cum Sanctio b, id probabilius esse, ex Numeror. x. verf. 10. quoniam quod volunt Ribera, a. Lapide, & Bonterius, c in sola mensis septimi neomenia id fieri solitum, quasi ob id festum tubarum dicta fuerit, de quo fuit Levit. xxiii. ubi & de aliis huius, & sequentis capitis festis egimus.

V. 13. PER DECIMAM DECIMAE intelligit eam mensuram quæ *Assaron* dicebatur, quæ erat decima pars ephi: ac proinde vocabatur Decima minor, nempe ad distinctionem decimæ maioris, quæ erat ipsum ephi: nam ephi erat decima pars cori, quæ erat omnium maxima mensura apud Hebræos.

(a) Macrobi. I. Saturnali.

(b) Sanctius supra.

(c) Ribera Lib. V. de Templ. cap. 112. A Lapide & Bonf. hic.

Vide Proleg. de Mensuris.

G O R D O N I.

Verf. 2. & 3. **M**ULTA de festis dicta sunt Levit. cap. xxxiii. sed nondum de sacrificiis quæ singulis offerri debebant festis. Ergo quid in illis offerendum sit; nunc præscribitur. Et quidem universe de his verf. 2. ubi pro oblatione in. Hebr. est. קרבן *korban*, genericum nempe ad omnes oblationes. Quod verò est hic verf. 3. de quotidiano sacrificio, vide Exod. xxxix. verf. 38. de libamentis, Numer. cap. xv. *Annulus*, non maior uno anno.

V. 5. DECIMAM PARTEM EPHI est gomor: sic rursus ephi putatur decima pars cori. Hin continet. 12. sextarios.

V. 11. IN CALENDIS. Hebræis ita menses sunt lunares, ut eos etiam incipiant a novilunio; in quo proinde etiam incidebant calendæ & neomeniæ: Vide Psalm. lxxx. num. 4. & I. Reg. cap. xx. verf. 25. Sed de anno Iudaico, Calendis, & Tekuphis alibi in Chronolog. Qq. cap. xix. num. 9.

V. 13. ET DECIMAM DECIMAE, &c. Inter mensuras aridorum, corus maxima erat.

erat. Huius pars decima dicebatur Ephraim, eratque magnæ mensuræ pars decima; & hinc vocari poterat Magna decima: sicut decima rursus pars huius ephraim, dici poterat Parva decima, seu ad declarandum, Decima decimæ; & proprio nomine *Assaron*, & alio nomine *Gomer*. Denique ut est decima decimæ, evadit centesima pars cori. Est autem in Hebr. *חֲמִישֵׁי אֶשְׁרֵי* *hbiwaron*, a voce *חֲמִישֵׁי* *bafar*, decem. In textu Hebr. est geminata vox *hbiwaron*. De sextario alibi dixi.

V. 15. IN HOLOCAUSTUM. Particula *in* turbat sensum. Sane Septuag. Heb. & Chaldaeus habent, *Præter holocaustum*: & revera hircus pro peccato non offerebatur. Itaque suspicantur non leviter aliqui, irrepsisse *in* in, loco particulae *præter*: & sic constet sensus. Vide cap. xxix. vers. 6.

V. 19. INCENSUM HOLOCAUSTUM, id est sacrificium holocausti ignitum.

V. 24. IN FOMITEM IGNIS. Certe

quia victimas Deo oblatas accipiebat, & devorabat ignis, hic holocaustum vocat fomitem ignis.

EX EIUDEM AUCTARIO.

V. 6. IN MONTE SINAI. Per triginta annos in deserto non sacrificabant. Vide Levit. ix. 17. de sacrificio in Sinai. INCENSI, sacrificii igniti.

V. 9. LIBA sunt olei, vini, & similæ libamina.

V. 10. SINGULA SABBATA, singulis hebdomadæ diebus: sic plerique hoc loco sabbatum accipiunt pro hebdomada.


V. 15. CUM LIBAMENTIS, libamenta holocausti, aut mincha.

V. 26. PRIMITIVORUM, oblati panes ex primis fructibus. Est hoc festum Pentecostes.

V. 27. EADEM victimæ offerebantur in Paschate, Num. i. 19.

C A P U T XXIX.

Solemnitates mensis septimi, & quid in eis offerendum sit: nempe solemnitas tubarum, expiationis, & tabernaculorum, quæ octo diebus varias habent oblationes.

1.  Ensis etiam septimi prima dies venerabilis & sancta erit vobis: omne opus servile non facietis in ea, quia dies clangoris est & tubarum. 2. Offeretisque holocaustum in odorem suavissimum Domino, vitulum de armento unum, arietem unum, & agnos anniculos immaculatos septem: 3. & in sacrificiis eorum, similæ oleo conspersæ tres decimas per singulos vitulos, duas decimas per arietem, 4. unam decimam per agnum, qui simul sunt agni septem: 5. & hircum pro peccato, qui offertur in expiationem populi, 6. præter holocaustum calendarum cum sacrificiis suis, & holocaustum sempiternum cum libationibus solitis: eisdem caeremoniis offeretis in odorem suavissimum incensum Domino. 7. (a) Decima quoque dies mensis huius septimi erit vobis sancta atque venerabilis, & affligetis animas vestras: omne opus servile non facietis in ea. 8. Offeretisque holocaustum Domino in odorem suavissimum, vitulum de armento unum, arietem unum, agnos anniculos immaculatos septem: 9. & in sacrificiis eorum, similæ oleo conspersæ tres decimas per singulos vitulos, duas decimas per arietem, 10. decimam decimæ per agnos singulos, qui sunt simul agni septem: 11. & hircum pro peccato,

cato, absque his quæ offerri pro delicto solent in expiationem, & holocaustum sempiternum, * cum sacrificio & libaminibus eorum. 12. Quintadecima vero die mensis septimi, quæ vobis sancta erit atque venerabilis, omne opus servile non facietis in ea, sed celebrabitis solemnitatem Domino septem diebus: 13. offeretisque holocaustum in odorem suavissimum Domino, vitulos de armento tredecim, arietes duos, agnos anniculos immaculatos quatuordecim: 14. & in libamentis eorum, similia oleo conspersa tres decimas per vitulos singulos, qui sunt simul vituli tredecim: & duas decimas arietum uno, id est simul arietibus duobus, 15. & decimam decimæ agni singulis, qui sunt simul agni quatuordecim: 16. & hircum pro peccato, absque holocausto sempiterno, & sacrificio, & libamine eius. 17. In die altero offeretis vitulos de armento duodecim, arietes duos, agnos anniculos immaculatos quatuordecim: 18. sacrificiaque & libamina singulorum per vitulos & arietes & agnos rite celebrabitis: 19. & hircum pro peccato, absque holocausto sempiterno, sacrificioque & libamine eius. 20. Die tertio offeretis vitulos undecim, arietes duos, agnos anniculos immaculatos quatuordecim: 21. sacrificiaque & libamina singulorum per vitulos & arietes & agnos rite celebrabitis: 22. & hircum pro peccato, absque holocausto sempiterno, sacrificioque & libamine eius. 23. Die quarto offeretis vitulos decem, arietes duos, agnos anniculos immaculatos quatuordecim: 24. sacrificiaque & libamina singulorum per vitulos & arietes & agnos rite celebrabitis: 25. & hircum pro peccato, absque holocausto sempiterno, sacrificioque eius & libamine. 26. Die quinto offeretis vitulos novem, arietes duos, agnos anniculos immaculatos quatuordecim: 27. sacrificiaque & libamina singulorum per vitulos & arietes & agnos rite celebrabitis: 28. & hircum pro peccato, absque holocausto sempiterno, sacrificioque eius & libamine. 29. Die sexto offeretis vitulos octo, arietes duos, agnos anniculos immaculatos quatuordecim: 30. sacrificiaque & libamina singulorum per vitulos & arietes & agnos rite celebrabitis: 31. & hircum pro peccato, absque holocausto sempiterno, sacrificioque eius & libamine. 32. Die septimo offeretis vitulos septem, & arietes duos, agnos anniculos immaculatos quatuordecim: 33. sacrificiaque & libamina singulorum per vitulos & arietes & agnos rite celebrabitis: 34. & hircum pro peccato, & absque holocausto sempiterno, sacrificioque eius & libamine. 35. Die octavo, qui est celeberrimus, omne opus servile non facietis, 36. offerentes holocaustum in odorem suavissimum Domino, vitulum unum, arietem unum, agnos anniculos immaculatos septem: 37. sacrificiaque & libamina singulorum per vitulos & arietes & agnos rite celebrabitis: 38. & hircum pro peccato, absque holocausto sempiterno, sacrificioque eius & libamine. 39. Hæc offeretis Domino in solemnitatibus vestris: præter vota & oblationes spontaneas in holocausto, in sacrificio, in libamine, & in hostiis pacificis.

(*) Levit. xvi. 30. & xxiii. 44.

B R U G E N S I S

ROMANA CORRECTIO.

V. 11. Cum sacrificio & libaminibus co-

rum. Non mutes præpositionem cum in præpositionem in, aut in conjunctionem &.

COM-

COMMENTARIA.

S A.

Vers. 4. QUI SIMUL SUNT AGNI SEPTM. Chald. *Sic fiet omnibus septem*: sic sup. & infr. in similibus locis. Hebr. sensus est, per unumquemque ex septem.

V. AFFLICETIS, scilicet ieiunio.

V. 14. ID EST SIMUL, pro, exquasi dicat unicuique ex duobus, ut Hebr. & Chald. indicatur.

V. 17. ALTERO, id est secundo.

V. 35. CELEBERRIMUS. Hebr. *retentio*, scilicet populi: Chald. *collecta*: alii *catus*, seu congregatio, scilicet populi.

EST II.

Vers. 1. MENSIS ETIAM SEPTIMI PRIMA DIES, VENERABILIS ET SANCTA ERIT VOBIS, QUIA DIES CLANGORIS EST TURBARUM. Queritur quare hoc festum vocetur clangoris & turbarum. Respondeo: Causa litteratis duplex assignatur. Altera, quam tradunt Hebraei, in memoriam liberationis Isaac a morte, quando immolandus erat a patre, & pro eo oblati sunt aries: qui quidem aries quia haberet cornibus inter vepres, ut Scriptura commemorat, ideo Israelitae hoc die clangebant cornibus. Sed non admodum probabile hoc est: nam reliqua festa non pro particulari aliquo, sed pro communi bono instituta omnia videntur; scilicet creationis ac gubernationis mundi, liberationis totius populi ex Aegypto, legis populo datæ in monte Sinai, messis collectæ scilicet, & postea pro liberatione per Iudith, Esther, & Machabæos, similiter totius populi.

Itaque altera ratio probabilior ista redditur, nimirum ut hoc clangore tubarum homines admonerentur se præparare ad festa alia, quæ hoc eodem capite, eodem mense septimo præscribuntur.

Propheticæ autem festum tubarum significavit prædicationem Apostolorum per univærsam orbem terrarum.

MARIANAÆ.

Vers. 14. DUAS DECIMAS ARIETI UNO, ID EST SIMUL ARIETIBUS DUOBUS. Hebr. *Arietii uni e duobus arietibus*, sive duorum arietum. Sic Chald. sed & 5 solet esse nota genitivi. Itaque duas decimas offerebant pro singulis arietibus, non duas pro utroque, ut Vulgatæ verba innuere videntur. Quid si illud, *Id est simul arietibus duobus*, explices, qui sunt simul arietes duo, ut de vitulis dixit: *Tres decimas* (offertis) *per vitulos singulos, qui sunt simul vituli tredecim*.

V. 35. DIE OCTAVO, QUI EST CELEBERRIMUS. Hebr. *Die octavo retentio erit vobis*. Ita hoc Festum in Kalendario Hebraico vocatur *Retentio*, תרתיאזרת. Vocatur autem sic, quod in eo retinerentur ne opus servile facerent. Et nomen commune aliorum festorum applicatur huic, quod non habeant peculiarem notam, qua distinguatur ab aliis, ut habent alia festa. Vel dicitur *Retentio*, quoniam qui celebrantur diebus septem festum tabernaculorum, retinebantur Ierosolymis, ut idetiam festum celebrarent. Quidam pro *retentione*, *collectionem* exponunt, quod sequitur Chald. sed appellationis est ratio, quæ superius est allata.

MALVENDÆ.

Vers. 2. OFFERETISQUE HOLOCAUSTUM. Explicant, videlicet præter holocaustum illud, quod imperatum est ad initia singulorum mensium, supra cap. xxviii. vers. 11. prout diserte exponitur infra vers. 6. Hoc enim holocaustum alioqui minus ordinario futurum esset. Vide supra notata cap. xxviii. ad vers. 27.

V. 6. PRÆTER HOLOCAUSTUM CALENDARUM. Hebr. *Præter holocaustum innovationis, vel lunationis, novilunii, mensis*. Quidam: *Præter holocaustum principis mensis*. Alii: *Præter holocaustum mensis illius incunantis*. EISDEM CAEREMONIIS. Hebr. *iuxta iudicium eorum*. Quidam:

dam, ut ratio eorum postulat. Alii, secundum ritus suos, Nonnulli, iuxta normam eorum. Aliqui, proratione eorum. Plerique, iuxta morem & consuetudinem, quo illa rite fieri solita sunt.

V. 7. AFFLIGETIS ANIMAS VESTRAS. Vide de his Levitici xvi. vers. 29. & cap. xxiii. vers. 27.

V. 11. ABSQUE HIS QUAE OFFERRI PRO DELICTO SOLENT IN EXPIATIONEM. Hebr. *Præter sacrificium pro peccato, expiationum*. De hoc peccatorio expiationum late cautum habes Levitici xvi.

V. 39. HAEC OFFERETIS DOMINO, &c. Hunc versum in Translatione nostra ex verbo reddidimus (*Ista facietis IHVH in stationibus vestris, ad solum de votis vestris, & spontaneitates vestras, ascensionibus vestris, & minchos vestris, & fusionibus vestris, & pacificis vestris.*) Alii in hunc modum. I. *Ista facietis Iehovæ in solemnitatibus, vel in temporibus statutis vestris: præter vota vestra, & spontanea vestra, in holocaustis vestris, & muneribus vestris, & libaminibus vestris, & pacificis vestris*, id est præter ea quæ sponte offeretis in holocaustis vestris, &c. quasi dicat: Sacrificia ordinaria non excludent extraordinaria. II. *Hæc facietis Domino in statis vestris feriis (præter vota vestra, & voluntaria vestra sacrificia) pro holocaustis vestris, & pro cibariis sacrificiis vestris, & pro libaminibus vestris, & pacificis vestris.* III. *Hæc paratote Iehovæ in solemnitatibus vestris: præter vota vestra, & voluntarias oblationes vestras, cum holocaustis vestris, & cum muneribus vestris, & cum libaminibus vestris, & cum eucharisteriis vestris.* Sensum esse volunt: In sacrificiis quæ vobis lege præscripta sunt facienda in solemnitatibus vestris, prædictum sacrorum ordinem & ritum observabitis: & si quæ votiva, vel voluntaria sacrificia iis adiciere volueritis, integrum vobis erit, dummodo ea ad ritum & præscriptum legis offeratis.

M E N O C H I I.

Vers. I. **D**IES CLANGORIS EST ET TUBARUM. Festum tubarum celebrabatur die primo mensis septimi. Vide Levitici xxiii. 24.

V. 3. PER SINGULOS VITULOS; vitulum, ut est in Hebr. unus enim tantum offerebatur, singulis scilicet annis singuli vituli: & hoc voluit nosse Interpretes.

V. 6. PRAETER HOLOCAUSTUM CALENDARUM: festum enim tubarum incidebat in calendis septimi mensis, ut dicitur num. 1.

V. 7. DECIMA QUOQUE DIES, &c. festum expiationis, de quo Levit. xxiii. 27.

V. 11. OFFERRI IN EXPIATIONEM ut præscribitur Levit. xvi. HOLOCAUSTUM SEMPITERNUM, iuge sacrificium. CUM SACRIFICIO, mincha, seu libaminibus, quæ erant sacrificia accessoria.

V. 12. QUINTA DECIMA DIE MENSIS SEPTIMI, &c. Festum tabernaculorum, de quo vide Levit. xxiii. 34.

V. 14. DECIMAM DECIMAE. Vide cap. præcedenti n. 13.

V. 19. PRAETER VOTA, ET OBATIONES SPONTANEAS, &c. quasi dicat: Victimam iam dictas in festis offerri præcipio, præter ea quæ ex voto, vel sponte offeretis in holocaustum, in sacrificium, id est in mincha, in libamen, & hostias pacificas.

T I R I N I.

Vers. 12. **C**ELEBRABITIS SOLEMNITATEM tabernaculorum DOMINO SEPTEM DIEBUS. Non quod totis septem diebus vacandum esset ab opere servili (nam de solo primo die id præceptum fuit) sed quod totidem diebus manendum esset in tabernaculis; & quod peculiaris singulis diebus sacrificia publico nomine offerenda essent, quæ hic etiam sigillatim recensentur. Non quod specie differrent, sed numero solo: nempe e vitulorum numero quotidie unus detrahebatur, ita ut primodie offerrentur tredecim, secundo die duodecim, tertio undecim, & sic consequenter, donec die septimo ad vitulos septem deventum esset. Alioquin in arietibus, agnis, libis seu libamentis, & aliis, idem numerus, & mensura eorumdem omnium septem diebus servabatur, ut patet consideranti singula.

V. 38. ABSQUE HOLOCAUSTO SEMPITERNO; hoc est, præter iuge sacrificium duorum agnorum, qui quotidie infallibiliter offerri debebant, non obstante omni

omni alio hostiarum numero. Sensus ergo est, omnia iam dicta sacrificia, & libamina singulis suis diebus offerenda esse; ultra iuge sacrificium cum suo libamine; & ultra quoque alia omnia sacrificia quæ quis vel ex voto, aut privata aliqua culpa tenetur, vel ex peculiari devotione, vel pietate volet ultro offerre.

Cetera huius capitis vide supra cap. xxiii. Levit.

G O R D O N I.

Vers. 1. & 2. **Q**uod inchoatum fuit cap. xxviii. de victimis festorum, hic absolvitur; ac trium hic festorum victimarum præscribuntur. Hic de festo tubarum, de cuius die; & ritu, vide Levit. cap. xxiii. vers. 24.

V. 3. Quid sit decima, dixi cap. xxviii. Quod addit, *PER VITULOS SINGULOS*, intellige per vitulum, ut magis explicant Septuaginta, & Hebræus.

V. 6. Hic versus non male indicat explicationem versiculi 15. capitis præcedentis: ubi etiam de calendis, & libamentis dictum est, vers. 11. 12. 13. & 14.

V. 7. Hoc festum expiationis est, de quo Levit. xvi. vers. 29. Dies hic decimus

ieiunium habebat: hinc additur: *AFFLIGETIS ANIMAS VESTRAS*. Per sacrificium hic mincham intellige.

V. 12. De hoc die decimo quinto, seu festo scenopegiæ, vide Levit. cap. xxiii. vers. 34. & 36. Ceterum die primo tantum abstinendum fuit a servilibus; reliquis tamen diebus eadem offerebantur sacrificia, usque ad diem septimum ineuntem, nisi quod singulis diebus detraheretur unus vitulus; ita ut die septimo tantum essent septem vituli offerendi, ut textus docet.

V. 14. ID EST SIMUL. Unicuique ex duobus dantur duæ decimæ, ut magis declarat Hebr.


V. 35. DIE OCTAVO. Hebr. *Retentio erit vobis*: & in Calendario vocatur, *Retentio*; a retentione populi; *חַזְקוּ בְּחַזְקָתוֹ*.

V. 39. Hic per sacrificium intelligi mincham: unde etiam apparet satis distinguimicham, & libamina, ut diversa erat materia aridorum; & liquidorum.

E X E I U S D E M A U C T A R I O.

V. 11. CUM SACRIFICIO, cum mincha, seu libamentis solitis.

V. 15. DECIMAM DECIMAE. Gomor decima pars ephi; sicut ephi est decima pars cori-



C A P U T XXX.

De votis ac iuramentis virorum, & quando puellarum & uxorum vota seu iuramenta rata sint, vel irrita.

Narravitque Moyses filiis Israel omnia quæ ei Dominus imperarat: 2. & locutus est ad Principes tribuum filiorum Israel: Iste est sermo quem præcepit Dominus: 3. Si quis virorum votum Domino voverit, aut se constrinxerit iuramento: non faciet irritum verbum suum, sed omne quod promissit implebit. 4. Mulier si quidpiam voverit, & se constrinxerit iuramento, quæ est in domo patris sui, & in ætate adhuc puellari: si cognoverit pater votum quod pollicita est, & iuramentum quo obligavit animam suam, & tacuerit, voti rea erit: 5. quidquid pollicita est & iuravit, opere complebit: 6. si autem, statim ut audierit, contradixerit pater: & vota & iuramenta eius irrita erunt, nec obnoxia tenebitur sponcioni, eo quod contradixerit pater. 7. Si maritum habuerit, & voverit aliquid, & semel de ore eius verbum egrediens animam eius obligaverit iuramento: 8. quod die.

Gg. 2.

die audierit vir, & non contradixerit, voti rea erit, reddetque quodcumque promiserat: 9. si autem audiens statim contradixerit, & irritas fecerit pollicitationes eius, verbaque quibus obstrinxerat animam suam: propitius erit ei Dominus. 10. Vidua & repudiata quidquid voverint, reddent. 11. Uxor in domo viri cum se voto constrinxerit & iuramento, 12. si audierit vir, & tacuerit, nec contradixerit sponsoni, reddet quodcumque promiserat: 13. si autem exemplo contradixerit, non tenebitur promissionis rea: quia maritus contradixit, & Dominus ei propitius erit. 14. Si voverit, & iuramento se constrinxerit, ut per ieiunium, vel ceterarum rerum abstinentiam, affligat animam suam, in arbitrio viri erit ut faciat, siue non faciat: 15. quod si audiens vir tacuerit, & in alteram diem distulerit sententiam: quidquid voverat atque promiserat, reddet: quia statim ut audivit, tacuit: 16. si autem contradixerit postquam rescivit, portabit ipse iniquitatem eius. 17. Istæ sunt leges, quas constituit Dominus Moysi, inter virum & uxorem, inter patrem & filiam, quæ in puellari adhuc ætate est, vel quæ manet in parentis domo.

B R U G E N S I S

ROMANA CORRECTIO.

V. 14. In arbitrio viri erit ut faciat. Scri-

bendum est ex antiquis codicibus ut, non siue, tamen sequatur siue non faciat.

C O M M E N T A R I A.

S A.

Vers. 4. **E**T SE; pro, aut se: vel est repetitio, & sumitur iuramentum pro voto. Vide infra proxime. **E**T IURAMENTUM, pro, aut iuramentum. Vel est repetitio, sumiturque iuramentum pro voto. Vide sup. proxime. **V**O-TI REA, id est obligata voto.

V. 7. **E**T SEMEL; pro, aut semel, ut apparet ex Hebr.

V. 11. **D**OMO VIRI: nam sup. de coniugata, sed nondum domum ducta. Augustinus ait, supra dictum de votis ante coniugium, nunc de factis in domo viri. Quidam dicunt esse sermonem de viduæ voto, facto tempore quo erat cum viro. **E**T IURAMENTO; pro, aut iuramento: sic infra.

V. 15. **E**T IN ALTERAM DIEM, &c. Hebr. se est. Si tacuerit de die in diem, scilicet nihil dicendo, rata habebit vota: quod si postea contradixerit, ipsa quidem non tenebitur, sed ipse peccati reus erit. Idemque indicant Chald. & LXX.

V. 16. **C**ONTRADIXERIT, scilicet

non statim ut rescivit, sed postea, ubi diu dissimulasset. **P**ORTABIT IPSE, &c. quasi dicat: Ipse a Deo punitur, non illa, quia impedita a viro, non potest præstare.

E S T I I.

Vers. 3. **S**I QUIS VIRORUM VOTUM DOMINO VOVERIT... OMNE QUOD PROMISIT IMPLEBIT. Sed ante omnia intellige si votum, seu iuramentum sit factum de re licita: nam si sit res illicita, sicut male promittitur, seu iuratur, ita male, immo & peius impletur. Verbi gratia, iuravit aliquis se servaturum & defensorum civitatem aliquam contra legitimum principem: talis & iurando graviter peccavit, & iuramento suo non tenetur; & si implere voluerit, peccabit etiam longe gravius: sicut Herodes, qui quod imprudenter iuraverat, ut Aug. loquitur, scelerate implevit, occidendo Iohannem Baptistam.

Deinde circa hanc legem observandum est, non comprehendi illos qui sunt in alterius

terius potestate; ut servi qui nihil vovere possunt, per quod aliquo pacto impediatur servitium Domino debitum; item religiosi, id est quicumque professi sunt vitam Monasticam, qui sine Superioris consensu, nec vovere possunt, nec, si forte voverint, votum sine eius arbitrio implere.

V. 16. PORTABIT IPSE INIQUITATEM EIUS. Hoc dicitur de viro contradicente voto uxoris, illudque revocante. Et sensus est. Mulier quidem absolvetur a voto suo, neque peccabit, quod votum non reddat; vir autem peccati reus erit, si male votum uxoris cassaverit seu irritaverit. Quasi ergo sic dicit: Iniquitas mulieris transibit ad virum, ut auctorem voti non implendi.

MARIANAE.

Vers. 2. AD PRINCIPES TRIBUUM FILIORUM ISRAEL. Bene versa sunt Hebraica; nam ב solet esse nota genitivi: sed & verti possent, *locutus est ad Principes tribuum ad filios Israel.*

V. 6. SIN AUTEM, STATIM UT AUDIERIT, CONTRADIXERIT PATER. Hebr. $\text{וְהָיָה כִּי יִשְׁמָע הָאָזְנוֹתָיִךְ וְלֹא תִּשְׁמָע בְּקוֹלֵךְ אֲבִיךָ$ annibilavit, aut irritavit. Ecce a patre irritantur vota.

V. 7. OBLICAVERIT IURAMENTO. In Hebræo non est iuramento, sed hoc, *Quod protulit labiis suis, quibus ligavit se.* Loquitur de voto uxoris.

V. 14. UT PER IEIUNIUM, VEL CETERARUM RERUM ABSTINENTIAM. Hoc non est in Hebræo, sed quod sequitur, AFFELIGAT ANIMAM: scilicet uxor. Sed hinc perspicitur, non modo vota realia, sed personalia quæcumque uxoris esse sub viri potestate. Tanquam de filia Intelligit patris comparatione.

V. 15. IN ALTERAM DIEM. Hebr. *de die in diem*, id est plures dies tacuerit vir.

V. 16. PORTABIT IPSE INIQUITATEM EIUS, scilicet feminae; quasi dicat: Ipsa libera & innoxia erit; vir qui non statim contradixit, sed tacuit, & postea voto contradixit, rationem reddet voti prohibiti, quod irritando post consensum & silentium peccet. De filiis maribus nihil dicit.

Vers. 1. OMNIA QUAE EI, &c. Hebr. *Secundum, iuxta, omnia, quæ, &c.* id est, prorsus omnia, vel prorsus ut præceperat, &c.

V. 2. AD PRINCIPES TRIBUUM FILIORUM ISRAEL. Hebr. *Ad capita, primores tribuum, filios Israel:* dativus. Quidam, *De filiis Israel.* Alii, *Pro filiis Israel;* id est, ut dicerent filiis Israel. Unde quidam reddunt: *Ad primarios tribuum, ut filiis Israel dicerent.*

V. 4. QUAE EST IN DOMO PATRIS SUI, id est adhuc sub cura paterna: quod statim magis explicatur, *In etate adhibe puellari:* sic vers. 17.

V. 6. CONTRADIXERIT PATER. Verbum וְהָיָה no, in Hiphil septies tantum in Scriptura occurrit. Noster varie reddit: hic bis, & vers. 9. & 12. *contradicere;* infra cap. xxxii. vers. 7. & 9. *subvertere;* Psal. xxxii. 10. *reprobare;* Psal. cxi. vers. 5. *impinguare.* Recentiores diverse hic reddunt. I. *Et si fregit, infringit pater eius eam;* id est, de sententia dimoverit filiam suam. II. *Et si renuit pater eius illud, scilicet votum.* III. *Et si prohibuit, vetavit pater eius eam:* ne scilicet votum impleat. IV. *Et si irritavit, annibilavit pater eius illud, votum.* V. *Et si avertit pater eius eam, a vovendo, vel votum implendo.* VI. *Et si consutavit, refutavit pater eius illud, votum.* VII. *Et si inaniavit, frustravit pater eius illud, votum.* VIII. Nonnulli: *Sin autem efficeret pater eius ut ea infringat illud, votum.* Sic in sequentibus. Hebr. $\text{וְהָיָה כִּי יִשְׁמָע הָאָזְנוֹתָיִךְ וְלֹא תִּשְׁמָע בְּקוֹלֵךְ אֲבִיךָ$ osab, potest reddi *eam*, scilicet mulierem, aut *filiam;* & id, seu illud, scilicet quod vovit, aut pro sese illa obstrinxit: nam sæpe Hebræis feminae sunt pro neutris, ut Psalm. xxvi. vers. 4 & alias.

V. 7. ET SEMEL DE ORE EIUS VERBUM EGREDIENS. Hebr. *Aut enuntiatio labiorum eius.* Quidam reddunt: *Aut pronuntiatum, prolatio, apertio temeraria, & inconsiderata locutio, effusio, deblatteratio, inutilitas verborum, pronuntiatio, prolocutio inutilis, & incauta labiorum eius.* Alii: *Aut quid incautus labiis eius excidit.* Sed nos potius, *diserte, distinde, & aperte pronuntiatum, exponimus.* Vide Levit. v. vers. 4. Sic vers. 9.

V. 10. VIDUA ET REPUDIATA QUIDQUID VOVERIT, REDDENT. Hebraicus accentus Atinach adiectus voci repudiata, poscit ut Hebræa ita expriman- tur, & distinguantur: Et votum viduæ, & expulsa: omne quod ligavit super ani- mam suam, stabit super eam. Id est: Hoc est autem votum viduæ aut repudiatæ: omne quod obligaverit seipsam, ratum erit apud illam. Vel hec est autem ratio voti viduæ aut repudiatæ: quidquid promi- serit aut voverit, tenebitur reddere. Qui- dam reddunt: Quod autem ad votum vi- duæ aut repudiatæ: quidquid erit quo obli- gaverit seipsam, statim incumbit ei. Alii: Votum vero viduæ aut repudiatæ: quodcum- que tandem illud fuerit quo animam suam obstringit, ratum sit super eam.

V. 13. SIN. AUTEM EXTEMPO CONTRADIXERIT. &c. Hunc versum nos verbatim ex Hebræo convertimus (Et si labefactare labefactabit ea vir eius in die audire eum: omnis exitus laborum eius, votis eius, & ligationi animæ eius, non sur- get: vir eius labefactavit ea: & IUVH condonabit ei.) Alii clarius conati sunt ex- primere. I. Quod si irritum faciendo irrita fecerat ea vir eius, die qua audiverat; om- nis egressio laborum eius, in votis eius, & in obligatione animæ eius, non erit sta- bilis: vir eius irrita fecit ea: & Iehovah parcat illi, scilicet mulieri: ut reliqua pro- nomina eius, hoc versu referantur ad mu- lierem, nam sunt semineæ. II. Sin vero omnino irrita fecerit illa vir eius quo die audierit; nihil prolatum labiis eius, ex vo- tis eius, aut ex obligatione sui ipsius, sta- tutum esto: vir eius irrita fecit illa, qua- propter Iehova condonabit illi. Sensum sic erunt: Si maritus declaraverit irrita quæ uxor voverat, quidquid uxor dixerit vo- vendo & obligando seipsam, irritum erit, quia maritus irritum reddidit: neque pec- caverit in Dominum uxor si non reddi- derit vota illa. Sic vers. 6. & 9. Quidam fusiori paraphrasi convertunt: Si vero pa- ter familias plane vota ipsa reciderit, co- sci- licet die quo audierit omne illud quod incau- tius labiis familie suæ exciderit, & vota eius, & obligationem animæ eius: haudqua- quam firma erunt: pater familias irrita ea fecit: & Dominus propitius erit familie.

V. 14. ET IURAMENTO SE CON- STRINXERIT. Hebr. Et omne iuramen-

tum obligationis. Notant esse hypallagem, iuramentum obligationis: pro obligationem iuramenti, seu iuramento confirmatam. UT PER IEIUNIUM, VEL CETERA- RUM RERUM ABSTINENTIAM AF- FLIGAT ANIMAM SUAM. Pulchra pa- raphrasi explicuit Hebræa: Ad affligendum animam, vel de affligenda anima, seu de se ipsa affligenda; hoc est, de castigando, macrando, deprimendo corpus suum ieiuniis, vigiliis, aut aliis laboribus. IN ARBITRIO VIRI ERIT UT FACIAT, SIVE NON FACIAT. Hebr. Vir eius sta- biliet illud, & vir eius abolebit illud; id est, mariti erit vel ratum habere votum illud, vel abolere. Addunt quidam: Nec differet de die in diem; sed alterutrum statim faciat: ut versus sequens offendit.

V. 16. PORTABIT IPSE INIQUITA- TEM EIUS. Exponunt: Tunc pro illa dabit pœnas, & imputabitur illi peccatum eius, nempe mulieris: tunc pro illa fiet reus culpæ ac pœnæ, si illa vota suscepta non adimpleverit, aut violaverit; quasi dicat: Culpam eius voti temere irritati, si quæ fuerit, sustinebit maritus, non uxor. Sic anxias mulieres scrupolo eximit. Hispanicus Interpres: Enonces: el llevara el peccado de ella. Quidam reddunt: Feret ipse culpam familie. Alii contrario sensu convertunt: Tunc ipse sustulerit iniquita- tem eius, scilicet uxoris; id est, mariti au- thoritas eam absolvit voto. nec ipsa tene- tur ullius culpæ: ut enim puellis patria, sic mulieribus quoque maritalis prævalet auctoritas: vel tunc maritus culpa suble- vabit & eximet uxorem, si vota non per- solverit, quod ipse ea irritaverit, quamvis temere. Sic supra. vers. 4.

MENŌCHII.

Vers. 3. AUT SE CONSTRINKE- RIT IURAMENTO, iu- ramento obstringens se Domino, ac proinde etiam votum Domino faciens: qui enim iurat se aliquid, verbi gratia obla- tionem facturum, simul Deo promittit; promissio autem facta Deo est votum. NON FACIET IRRITUM: non violabit iuramentum, aut votum.

V. 4. IN ÆTATE ADHUC PUEL- LARI. Sub puella intellige etiam pue- rum in ætate puerili: utriusque enim par est.

est ratio. SI COGNOVERIT PATER. Sub patre etiam tutores intellige: hienim, patre mortuo, quasi in ius, & regimen paternum succedunt. ET TACUERIT: quia sic confirmare videtur.

V. 6. STATIM UT AUDIVERIT: intelligendum moraliter, verbi gratia eodem die: nam sequenti die contradicere non poterat, ut habetur num. 15.

V. 7. SI MARITUM HABUERIT. Sermo est de ea quæ nupta habitat extra domum patris in domo mariti: ad sponsam etiam extendunt hanc legem Hebræi, & aliqui recentiores.

V. 9. PROPITIUS ERIT EI DOMINUS, qui non indignabitur uxori si non servet votum a marito irritatum.

V. 11. ET IURAMENTO. Et pro aut hic capitur: in Hebræo enim est aut.

V. 14. PER IEIUNIUM, &c. De quibuslibet votis hic agitur, non autem de votis abstinentiæ tantum, ut patet ex num. 5. 8. 10. 12. Ubi generatim agitur de quacumque re promissa, petitur exemplum ab abstinentia, & icinio, quia frequentia sunt vota in hac materia.

V. 16. SIN AUTEM CONTRADIXERIT, &c. intellige post diem in qua rescivit, ut habent expresse LXX. PORTABIT IPSE INIQUITATEM. Uxor a peccato excusabitur, quia impedita a viro non potest præstare quod promissit; sed maritus peccabit contra legem hanc consensum revocans.

V. 17. QUAE MANET IN PARENTIS DOMO: quæ necdum est emancipata, aut viro tradita.

T I R I N I.

Verf. 16. SIN AUTEM CONTRADIXERIT POSTQUAM RESCIVIT. Agit de parente puellæ, vel mariti, qui cognito voto filiae vel uxoris tacuit tota die, atque ita sua taciturnitate votum reddidit ratum, post illum nihilominus diem repugnat filiae, vel uxori, neque vult votum ab illis impleri: quid tali casu faciet filia, vel uxor? Respondet hic Deus, obediendum esse parenti vel marito etiam illo casu: neque enim decet umquam, filiam aut uxorem parenti vel marito in dubiis reluctari. Atque ita liberat Deus tali casu filiam vel uxorem ab im-

pletionem voti. Quia tamen inique facit parens vel maritus impediendo completionem voti quod suo silentio semel confirmarat; hinc addit Deus, tali casu parentem, & maritum portaturum hanc iniquitatem; hoc est, obnoxium fore divinæ poenæ, propter talis voti omissionem debitæ & infligendæ: sicut enim tota culpa est penes parentem, & maritum, ita penes eosdem fore & poenam. Putarim tamen, quod hic dicitur, tali casu liberam esse filiam, & uxorem, limitari debere ad ea vota quæ commodè impleri non possunt quin parens vel maritus id resciscat, verbi gratia icinio, peregrinatione, & simili afflictione corporali. Nam si quæ alia vovisset, quæ parente vel marito infcio, & absque iusta offensione illius exequi potest, verbi gratia orare ad breve tempus, levem elemosynam dare, &c. poterat ipsa etiam prohibente parente vel marito, clam votum implere, & vero etiam debebat. Ita sanctus Augustinus, Lyræus, Oleaster, Caietanus. Hinc patet, has leges non esse prorsus iuris naturæ, sed divini positivi, & cæremoniales (saltem pro maiore parte) legis veteris, atque ita pro ea parte iam abrogatas esse, neque obligare in lege nova.

G O R D O N I.

Verf. 3. PRÆTER VOTUM SOLEMNE, est aliud simplex; idque iuratum aliquando, vel interdum non iuratum. Hic mentio de utroque simplici voto est: & ut Theol. Lib. VI. quæst. v. num. 70. 72. 73. observavi, eadem est ratio res vocandi utrumque votum hoc simplex, iuratum, & non iuratum, non solum sub Mose, sed nunc etiam: atque hæc est lex statuta de virorum votis, quæ irritari hic prohibentur. Intellige vero si perfectæ sint vota, nihilque desit ex parte voventis, quod ad essentiam voti pertineat. An hac lege continentur etiam puerorum vota ante pubertatem emissæ, quæ irritari potest: sed vide loco citato prolixiæ de puerorum votis quæstionem, si præsertim realia non sint, nec de bonis in patris potestate.

V. 4. Jam de mulierum votis, puellarum, uxorum, & viduarum. Et quidem ante matrimonium, verf. 4. sub matrimonio, verf. 7. post matrimonium, verf. 10.

Et

Et certe sicut virorum, ita viduarum vota firma sunt, nec revocantur, ut hæc leges decernunt.

V. 14. Colligi hinc potest, vota uxoris realia, & perionalia, esse sub potestate mariti. Item filiarum respectu patris.

V. 16. Lex est de viro qui initio quidem aliquamdiu tacuit, sed postea contradicit.


EX EIUDEM AUCTARIO.

V. 11. ET IURAMENTO. *Id est* Et accipiendum pro aut: quod satis expressit Hebr. *an, o, vel.*

V. 17. MANET IN PARENTIS DOMO; quæ nondum est emancipata, aut viro tradita.

C A P U T XXXI.

Cæsis Madianitis virginēs solæ reservantur, substantia ex æquo dividitur pugnantibus & plebi: primitiæ sacerdoti ac levitis traduntur, gratiæ Deo cum donariis offeruntur,

1.  Ocutusque est Dominus ad Moysen, dicens: 2. Ulciscere prius filios Israel de Madianitis, & sic colligeris ad populum tuum. 3. Statimque Moyses, (a) Armate, inquit, ex vobis viros ad pugnam, qui possint ultionem Domini expetere de Madianitis: 4. mille viri de singulis tribubus eligantur ex Israel qui mittantur ad bellum. 5. Dederuntque millenos de singulis tribubus, id est duodecim millia expeditorum ad pugnam: 6. quos misit Moyses cum Phinees filio Eleazari sacerdotis, vasa quoque sancta, & tubas ad clangendum tradidit ei. 7. Cumque pugnassent contra Madianitas atque vicissent, omnes mares occiderunt, 8. (b) & reges eorum, Evi, & Refem, & Sur, & Hur, & Rebe, quinque principes gentis: Balaam quoque filium Beor interfecerunt gladio. 9. Ceperuntque mulieres eorum, & parvulos, omniaque pecora, & cunctam suppellectilem: quidquid habere poterant depopulati sunt: 10. tam urbes quam viculos & castella flamma consumpsit. 11. Et tulerunt prædam, & universa quæ ceperant tam ex hominibus quam ex iumentis, 12. & adduxerunt ad Moysen, & Eleazarum sacerdotem, & ad omnem multitudinem filiorum Israel: reliqua autem utensilia portaverunt ad castra in campatribus Moab iuxta Iordanem contra Iericho. 13. Egressi sunt autem Moyses & Eleazar sacerdos, & omnes principes synagoga, in occursum eorum extra castra. 14. Iratusque Moyses principibus exercitus, tribunis, & centurionibus qui venerant de bello, 15. ait: Cur feminas reservastis? 16. (c) Nonne istæ sunt quæ deceperunt filios Israel ad suggestionem Balaam, & prævaricari vos fecerunt in Domino super peccato Phogor, unde & percussus est populus? 17. (d) Ergo cunctos interficite quidquid est generis masculini, etiam in parvulis: & mulieres, quæ noverunt viros in coitu, iugulate: 18. puellas autem & omnes feminas virginēs servate vobis: 19. & manete extra castra septem diebus. Qui occiderit hominem, vel occisum tetigerit, lustrabitur die tertio & septimo. 20. Et de omni præda, sive vestimentum fuerit, sive vas, & aliquid in utensilia preparatum, de caprarum pellibus, & pilis; & ligno, ex-

pi-

piabitur. 21. Eleazar quoque sacerdos, ad viros exercitus qui pugnaverant, sic locutus est: Hoc est præceptum legis, (e) quod mandavit Dominus Moysi: 22. Aurum, & argentum, & æs, & ferrum, & plumbum, & stannum, 23. & omne quod potest transire per flammam, igne purgabitur: quicquid autem ignem non potest sustinere, aqua expiationis sanctificabitur. 24. & lavabitis vestimenta vestra die septimo, & purificati postea castra intrabitis. 25. Dixit quoque Dominus ad Moysen: 26. Tollite summam eorum quæ capta sunt, ab homine usque ad pecus, tu & Eleazar sacerdos & principes vulgi: 27. dividesque ex æquo prædam, inter eos qui pugnaverunt egressique sunt ad bellum, & inter omnem reliquam multitudinem: 28. & separabis partem Domino ab his qui pugnaverunt & fuerunt in bello, unam animam de quingentis, tam ex hominibus quam ex hobus & asinis & ovibus, 29. & dabis eam Eleazaro sacerdoti, quia primitiæ Domini sunt. 30. Ex media quoque parte filiorum Israel accipies quinquagesimum caput hominum, & boum, & asinorum, & ovium, * cunctorum animantium, & dabis ea levitis, qui excubant in custodiis tabernaculi Domini. 31. Feceruntque Moyses & Eleazar, sicut præceperat Dominus. 32. Fuit autem præda, quam exercitus ceperat, ovium sexcenta septuaginta quinque millia, 33. boum septuaginta duo millia, 34. asinorum sexaginta millia & mille: 35. animæ hominum sexus feminei, quæ non cognoverant viros, triginta duo millia. 36. Dataque est media pars his qui in prælio fuerant, ovium trecenta triginta septem millia quingentæ: 37. e quibus in partem Domini supputatæ sunt oves sexcentæ septuaginta quinque. 38. Et de hobus triginta sex millibus, boves septuaginta & duo: 39. de asinis triginta millibus quingentis, asini sexaginta unus: 40. de animabus hominum sedecim millibus, cesserunt in partem Domini triginta duæ animæ. 41. Tradiditque Moyses numerum primitiarum Domini Eleazaro sacerdoti, sicut fuerat ei imperatum, 42. ex media parte filiorum Israel, quam separaverat his qui in prælio fuerant. 43. De media vero parte quæ contigerat reliquæ multitudini, id est de ovibus trecentis triginta septem millibus quingentis, 44. & de hobus triginta sex millibus, 45. & de asinis triginta millibus quingentis, 46. & de hominibus sedecim millibus, 47. tulit Moyses quinquagesimum caput, & dedit levitis, qui excubabant in tabernaculo Domini, sicut præceperat Dominus. 48. Cumque accessissent principes exercitus ad Moysen, & tribuni, centurionesque, dixerunt: 49. Nos servi tui recensuimus numerum pugnantium, quos habuimus sub manu nostra: & ne unus quidem defuit. 50. Ob hanc causam offerimus in donariis Domini singuli quod in præda auri potuimus invenire, periscelides & armillas, anulos & dextralia, ac murænas; ut deprecis pro nobis Dominum. 51. Susceperuntque Moyses & Eleazar sacerdotes, omne aurum in diversis speciebus, 52. * pondo sedecim millia, septingentos quinquaginta siclos, a tribunis & centurionibus. 53. Unusquisque enim quod in præda rapuerat, suum erat. 54. Et susceptum intulerunt in tabernaculum testimonii, in monumentum filiorum Israel coram Domino.

(e) Sup. xxi. 17. (f) Isai. xlii. 22. (g) Sup. xxi. 17. (d) Isai. xli. 12. (d) Levit. vi. 22. & xi. 35. & xv. 12.

ROMANAE CORRECTIONES.

V. 30. *Cunctorum animantium*. Alii claritatis causa addunt conjunctionem encliticam

cunctorumque.

V. 52. *Pondo sedecim millia*. Non est surrogandum *pondere sanctorum* in locum vocis *pondo*.

C O M M E N T A R I A.

S A.

Vers. 6. **E**T TUBAS; pro id est tubas. Vel per vasa intelligitur arca foederis cum suis instrumentis.

V. 8. **PRINCIPES GENTIS**. Hebr. Chald. & LXX. *Reges Madian*. BALAAM: scilicet vel redierat ad Balac, vel non recesserat nisi in locum suum, id est hospitium. Aug. in Num. quaest. lxi.

V. 12. **AUTEM**, pro etiam, ut appareat ex Hebr. Chald. & LXX. vel indicatur, sibi ea retinuisse.

V. 16. **PECCATO PHOGOR**, id est cultu idoli Phogor.

V. 21. **PRAECEPTUM**. Hebr. & Chald. *statutum*, seu *decretum*.

V. 23. **SANCTIFICABITUR**, id est purgabitur, seu purificabitur, ut patet ex Hebr. Chald. & LXX. & nota, quod Hebraice etiam igni purgata iubentur aqua expiatoria mundari,

V. 29. **PRIMITIAE**. Hebr. *oblatio*.

V. 30. **EX MEDIA QUOQUE PARTE FILIORUM ISRAEL ACCIPIES**, scilicet ex iis qui ad bellum non iverant, quibusque data media pars praedae. **QUINQUAGESIMUM CAPUT**, id est unum ex quinquaginta,

V. 50. **UT DEPRECERIS PRO NOBIS DOMINUM**. Hebr. *Ad expiandum coram Domino*. Chald. & LXX. *Ad propitiandum coram Domino*,

V. 53. **UNUSQUISQUE**, &c. quasi dicat: Illa fuit oblatio ducum: nam sibi milites retinuerunt quae rapuerant in bello: vel quasi dicat: Illud oblatum fuit de iis quae sibi in bello ceperant: ceperat enim sibi quisque quod potuit.

V. 54. **IN MONIMENTUM**, &c. quasi dicat: Ut Deus filiorum Israel recordetur.

E S T I I.

Vers. 8. **B**ALAAAM QUOQUE FILIUM BEOR INTERFECERUNT.

GLADIO. Mirum hoc videri posset, cum supra cap. xxiv. dicatur Balaam reversus ad locum suum, qui, ut diximus, putatur fuisse in Mesopotamia. Alii hinc existimant, ipsum fuisse Madianitam, aut certe finitimum terrae Madian. Sed verisimilius est ipsum reversum ad aliquod spatium, deinde hospitio apud Madianitas aliquamdiu detentum: & sic, priusquam longius discederet, occupatum fuisse una cum toto illo populo Madian; sicque non potuisse evadere gladium filiorum Israel. Nam, ut diximus cap. xxiii. quod ipse Balaam ibi dicit se adductum de Aram, Septuaginta interpretantur, *Mesopotamia*; & ipse quoque noster *Interpres Deuteronom. xxiii.* dicit eum venisse de Mesopotamia,

V. 15. & 16. **CUR FEMINAS RESERVASTIS? NONNE ISTAE DECEPERUNT FILIOS ISRAEL AD SUGGESTIONEM BALAAAM?** De hoc sic Augustinus: *Hoc consilium malignum, ut eis ad illecebram seminae subiicerentur, per quas non solum corporaliter, sed & spiritualiter in adorando idolo fornicarentur, quando dederit Balaam Scriptura non dixit. Ex hoc tamen loco certum est eum hoc consilium dedisse. Quod & indicatur Apocal. ii. ubi cuiusdam Ecclesiae Angelo dicitur: Habes illic tenentem doctrinam Balaam, qui docebat Balac mittere scandalum coram filiis Israel, edere & fornicari.* Et hoc creditur consilium, quod recte innuit Balaam cap. xxiv. ne omnino indonatus abiret homo avarus, cum dicit: *Verumtamen pergens ad populum meum, dabo consilium, quid populus tuus populo huic faciat extremo tempore.*

V. 27.

V. 27. DIVIDESQUE EX AEQUO PRAEDAM INTER EOS QUI PUGNAVERUNT, ET INTER OMNEM MULTITUDINEM. Quomodo hæc divisio posita in legem tranſiit, & quomodo intelligenda ſit, vide I. Reg. cap. xxx.

MARIANAE.

Verſ. 6. VASA QUOQUE SANCTA. Forte ipſam teſtamenti arcam detulerunt, quæ ſolebat ad bellum deferri: I. Reg. iv. & xiv. & ſuperius cap. xiv. ſed quoniam populus Dei tunc inuſu arma intulit finitimis, arca Dei manſit in caſtris, verſ. 44.

V. 8. BALAAM QUOQUE FILIUM BEOR. Hinc putant quidam fuiſſe Madianitem, quia ibi eſt interfectus.

V. 10. TAM URBS QUAM VICULOS. Hebr. *Urbes eorum*, ſcilicet Madianitarum, in habitationibus eorum, id eſt quam longe eorum territorium pertinebat, combuſerunt, ſcilicet Iſraelitæ.

V. 12. RELIQUA AUTEM UTENSILIA. Sept. & Chald. *Captivitatem, & ſpolia, & ſupelleſtilia, ea adduxerunt ad filios Iſrael in caſtra.* In Hebræo tres voces ſunt, *Sebi, Malkoah, Salal*. Prima, hominum captivitatem ſignificat; ſecunda, iumentorum & pecorum prædam; tertia, reliquam ſupelleſtilem.

V. 16. AD SUGGESTIONEM BALAAK. Hebr. *In verbo Balaam.* Ex hoc videt conſilium datum a Balaam ut mitterent ad Iudæos feminas Madian.

V. 18. PUELLAS AUTEM ET OMNES FEMINAS VIRGINES. Hebr. *Parvulas in feminis, quæ non noverunt coitum marculi.* Ex ætate diſcernit quæ ſervarentur, alioqui diſſicilis erat diſcretio.

V. 20. ET DE OMNI PRAEDA, SIVE VESTIMENTUM FUERIT, &c. Hebr. *Vos & captivitas veſtra, ſinis ſuperioris verſus: deinde, Et omne veſtimentum, & omne vas,* nempe exhibitur.

V. 23. IGNE PURGABITUR. In Hebr. additur: *Verumtamen aqua expiationis purgabitur.* Ita metalla per ignem & aquam expiationis purganda erant, cetera per aquam tantum, in aqua communi lora: nam quod Hieronymus ait, *Aqua expiationis*, illud eo loco eſt additum. Hebr. hoc tantum eſt: *Et omne quod ignem non*

fert, transferetis per aquam: ſic Sept. & Chald.

V. 29. ET DABISEAM ELEAZARO. Hebr. *De medietate eorum accipies quingenſimam, & dabis Eleazaro.* Non de omni præda ſumi vult particulam quæ cedit Deo, ſed de medietate eorum, nempe militum.

V. 41. NUMERUM PRIMITIARUM. Hic ſunt duæ voces: *מנחם meches*, pro qua ſuperius Hieronymus poſuit partem, nunc numerum; alii tributum exponunt, quod ſequantur Sept. *תרומה therumah* eſt vox altera, pro qua Hieronymus ſemper reddit primitias; alii oblationem. Ergo Moſes dedit Eleazaro oblationem & partem prædæ, quæ erat præcepta, ſcilicet verſ. 29.

V. 42. HIS QUI IN PRAELIO FUERANT: ſcilicet ex prædæ medietate data militibus, ſumpta eſt pars data Eleazaro. Hoc Hieronymus. Hebr. *Ab iis qui egreſſi ſunt in exercitum.* Nimirum agit nunc de medietate prædæ, quæ ablata militibus, & data eſt populo. De qua parte ablata eſt quinquageſima, quæ levitis eſt data: ſic Hieronymus verſ. 42. iunxit cum ſuperioribus, Hebræi cum ſequentibus; ſed quoad ſententiam nil reſert.

V. 43. DE MEDIA VERO PARTE. Hebr. *Et ſuit dimidium congregationis:* itaque proſequitur quod cœpit ſuperiori verſu agere de medietate prædæ, quæ data eſt populo, quanta illa fuerit.

V. 50. MURÆNULAS. *Chunaz*, vox Hebraica Rabbiniſ eſt figura vulvæ. Fortaſſis ut in ſeſtis Priapi geſtabant membri virilis imaginem in pompa, ſic Madianitæ in honorem alicuius Dei eam turpitudinem geſtabant. Niſi cohibeatur populus, in turpitudinem facile degenerat.

V. 53. UNUSQUISQUE ENIM QUOD IN PRAEDA RAPUERAT, SUUM ERAT. Hebr. *Viri exercitus rapuerunt quicquid ſibi:* quæſi dicat: Principes aurum obtulerunt: nam alii milites ſibi retinuerunt quod ceperunt.

MALVENDAE.

Verſ. 2. ULCISCERE PRIUS FILIOS ISRAEL, &c. nempe de ea iniuria quam a Madianitis acceperunt, ſupra cap. xxv. verſ. 13. & infra verſ. 16. huius capituli.

V. 3. ARMATE, INQUIT, EX VO-
BIS VIROS AD PUGNAM. Hebr. di-
versimode convertunt. I. Accingamini, ac-
cingite vos ex vobiscum, homines ad bellum,
seu hanc militiam. II. Expendite vos ex vo-
bis viros ad hanc militiam. III. Laxamini,
separamini ex vobis, id est expeditimini ad
militiam. IV. Instruite viros & vobis ad pre-
lium. V. Extrahimini, subtrahimini, id est
expeditimini, ex vobis viri ad militiam; id est,
extrahantur viri ex vobis. Hispanice: En-
trefaqueise, o entrefacad de vos otros, &c.
V. 6. VASA QUOQUE SANCTA,
seu sacra instrumenta. Arcam intelligunt,
& omnia quæ ad eam pertinebant.

V. 8. ET REGES EORUM. Quidam
exponunt, beneficiarios, sive vassallos, ut
vocant, Sehonis, ut apparet & Iosue
xiii. vers. 21. quamvis cæso Sehone, me-
ro imperio ut reges autocratores, seu to-
parchæ usi sint. BALAAM QUOQUE
FELIUM BEOR INTERFERERUNT
GLADIO. Quidam volunt, scilicet in
itinere dum rediret in Mesopotamiam.
Vide quæ supra notavimus in cap. xxiv.
vers. 25. Alii volunt Balaam de Meso-
potamia, ad quam iverat post recessum
suum a Balako, rediisse ad Madianitas
imminente bello eorum, ut malediceret
exercitui Israel, & sic vinceretur; ipse ve-
ro reportaret lucrum a Madianitis. Vide
Iosue xiii. vers. 22.

V. 10. CASTELLA. שירות *sirot*, hic
quidam *edes*, alii *palatia*, nonnulli *arces*.
Vide quæ notavimus Genes. xxv. vers. 16.

V. 16. AD SUGGESTIONEM BAL-
AAM. Hebr. in verbo, vel sermone Bil-
gham: quo auctore & suggestore puellæ
in sacrificiis Baalphegoris submissæ sunt
ad corruptendum Israel. Vide supra
cap. xxiv. vers. 14. UNDE ET PER-
CUSSUS EST POPULUS. Hebr. *Et
fuit plaga illa in catu lebove*: de qua su-
pra cap. xxv. vers. 14.

V. 19. SEPTEM DIEBUS. Vide supra
cap. xii. vers. 14.

V. 21. HOC EST PRÆCEPTUM LE-
GIS, quod habetur supra vers. 17. &
sequ. sic enim iussit Deus cap. xxv. vers.
17.

V. 23. ET OMNE QUOD POTEST
TRANSIRE PER FLAMMAS. Hebr. *O-
mne verbum, cum omnem rem, quod, vel
que venit in ignem*; subaudi, ita ut in eo

minime consumatur. Quidam reddunt: *quid-
quid fert ignem*; ut sunt metalla, quæ im-
puritatem contrahunt, & vim ignis susti-
nere possunt, & nihil detrimenti capiunt.

V. 26. ET PRINCIPES VULGI. Hebr.
Et capita patrum cæsus. Alii, & primarii
paternarum familiarum cæsus. Aliqui, &
præcipui patres multitudinis. Nonnulli, &
capita avorum.

V. 27. INTER EOS QUI PUGNA-
VERUNT. Hebr. *inter apprehendentes bel-
lum*. Alii, *inter bellatores*. Quidam, *inter
capessentes bellum*. Nonnulli, *inter eos qui
in prælium profecti bellum gesserunt*. Ali-
qui, *inter gestores huius prælii*.

V. 28. ET SEPARABIS PARTEM.
מֶנֶס *mece*, reddunt annumerationem, addi-
tionem, collectionem, ascensionem, censum,
collationem, contributionem, vestigal, nu-
merum, portionem numeratam, summam,
pensionem, supputationem, tributum. Sic vers.
38. 39. 40. 41.

V. 30. ACCIPIES QUINQUAGESI-
MUM CAPUT HOMINUM. Hebr. *Ac-
cipies unum caput & quinquaginta*; id est,
quinquagesimum quemque, ut supra vers.
28. dictum est analogice, quingentesimum
quodque. ET DABIS EA LEVITIS. No-
tant, sic eamdem proportionem hic serva-
ri, quæ in decimarum distributione: ni-
mirum ut decimum eius quod levitarum
est, ad sacerdotes perveniat. Vide supra
cap. xviii. vers. 26.

V. 32. FUIT AUTEM PRÆDA,
QUAM EXERCITUS CEPERAT. Hebr. *Et
fuit captiva, residuum direptionis*, seu
præda. Observant dici residuum prædæ,
quod pars ad alimentum exercitus con-
sumpta fuerit in itinere, & in septiduana
statione extra castra, supra vers. 19.

V. 49. SUB MANU NOSTRA, id est
sub nostra potestate, qui nobis commissi
fuerunt. ET NE UNUS QUIDEM DE-
FLUIT. נִפְקָד *niphkad* in Niphal notant
sæpe numero contraria significatione ver-
bi פָּקַד *pakad*, visitare, recensere, signifi-
care, & devisitari, decernere, denumerari,
destrahi de summa, aut loco, ut desit, quod
Latine dicimus desiderari, deesse, vacare:
sic Iudicum xxi. vers. 3. I. Samuel. xx.
vers. 18. & cap. xxv. vers. 7. & 21. &
alibi: ut sit eiusdem naturæ & rationis
cum verbo נִפְקָד *niphkad* in Niphal, sicut
utrumque Isaïæ xxxiv. 16. coniungitur.

Putantque, Lucam hanc phrasim & verbum usurpatum a Christo reddidisse: *per vespas*, cap. xxii. vers. 35. Numquid aliquid defuit vobis? vel aliquo defecistis? Ergo hic reddunt: *Et non defecistis, de-recensius, desideratus, defecius, substractus, subductus fuit de a nobis vir.*

V. 50. PERISCELIDES. *עֲזָגָהּ* *et-gbadab* bis tantum in Scriptura legitur, hic, & II. Samuel. i. vers. 10. ubi *Noster armillas*: & quidem ornamentum brachii esse, diserte eo loco Samuelis asseritur. *Armilla* hic, & ibi plerique vertunt; alii, *brachiale*; nonnulli, *catenam*, seu *torquem aureum*; quidam, *tibiale*. Alii volunt esse ornamentum pedum. Hispanice: *Interpres, bracciale*, id est *brachiale*. *ARMILLAS*. *עֲזָגָהּ* *tzamid*. De hac voce egimus Genes. xxiv. vers. 22. Hic quidam, *ornamentum manus*; alii, *brachiale*; plerique cum Nostro, *armilla*. Hispanica Translatio, *manillas*. DEXSTRALIA. *יָמִי* *gbagil*. Hic tantum invenitur, & Ezechiel. xvi. 12. ubi *Noster circulus* dixit, esseque aurum ornamentum expresse ibidem dicitur. Quidam notant esse ornamentum rotundum, quod vel *circulum*, vel *rotulam*, seu *sphærulem* vertere licebit. *Inaurem* plerique reddunt. Hispanicus *Interpres, Carcillos*. Quidam hanc vocem præcedenti annectunt ut adiectivam, & *עֲזָגָהּ* *tabbaghat gbagil* exponunt *infixorium*, vel *immerforium tornatile*: curiose; sed quam apte, ipsi viderint. MURÆNU-LAS. *כֶּסֶן* *cumaz*. De hac voce diximus Exodi xxxv. vers. 22. Hic quidam vertunt, *subligaculum femineum*; alii, *formam vulvæ*; aliqui, *brachiale*; nonnulli, *torquem*; alii, *cingulam pendulam*; quidam, *catenam*, seu *thoricam auream*. Hebræorum plerique hic *typum vulvæ*, seu *matricis* intelligunt, quam fecerant Israelitæ ad expiandum, propitiandumque cogitationem cordis filiarum Midian, quæ ipsis causa ruinæ fuit: uti Philisthæi fecerunt mures, & annos, I. Samuel. vi. vers. 5. UT DEPRECERIS PRO NOBIS DOMINUM. Hebr. *Ad expiandum super animas nostras, ad facies leborab*. Alii: *Ad faciendum expiationem pro animis nostris coram Iehovab*. Nam ex Moïsis irati verbis supra vers. 14. intelligebant se peccasse, ideoque duo oblationum genera offerunt, expiatorium, & eucharisticum.

V. 51. IN DIVERSIS SPECIEBUS. Hebr. *Omne vas facturæ*. Alii: *Totum instrumentum operis*, id est *operosum*, seu *omne instrumentum affabrefactum*; vel *totum aurum in instrumentis affabrefactum*; vel *totum aurum in instrumentis affabrefactis*. Quidam: *Ornamenta quoque omnia ex eo facta*. Aliqui: *Omnia vasa summa arte facta*. Hispanice: *Todo el oro en vasos labrados, en vasos de bechuru, oro labrado*.

V. 52. PONDO SEDECIM MILLIA; SEPTINGENTOS, QUINQUAGINTA SICLOS. Summa est sexaginta septem millium scutorum aureorum Hispanico-rum.

V. 53. UNUSQUISQUE ENIM QUOD, &c. Hebr. *Viri militares diripuerunt vir ei*, vel *sibi*. Quidam: *Milites diripuerunt quisque sibi*; id est, quod prædati sunt, retinuerunt sibi, neque dederunt centurionibus suis. Alii: *Militem autem qui fuerunt in exercitu, rapuerat quisque pro se*. Nonnulli: *Quod ad viros militares, prædam habuerunt quisque sibi*; quasi dicat: *Ersi liberaliter admodum obtulerunt Domino, tamen tanta fuit præda, ut quisque sibi multum reservaret*. Aut intelligit: *Quamvis magna fuerit præda in commune collata & exposita; at præter eam quisque ex militibus privatim & occulte multum reservavit sibi*.

MENOCHII.

Vers. 2. ULTISCERE PRIUS FILIOS ISRAEL DE MADIANTIS: quia ipsi provocaverunt Israelitas, prostituendo eis filias suas, ad fornicationem, & idololatram Beelphegor. Vide supra cap. xxv. num. 6. & 17.

V. 3. ULTIONEM DOMINI. Dicitur ultio Domini, quia Domino adiuvante facta, & quia ea vindicta est iniuria facta populo Domini, & ipsi Domino.

V. 6. CUM PHINEES: cuius zeli ceperant experimentum, cum scortantes occidit supra cap. xxv. 7. VASA QUOQUE SANCTA, arcam cum tabulis legis, Cherubim, & propitiatorio: hæc enim secum ferebant Iudæi euntes ad bellum. ET TUBAS, de quibus cap. x. 2.

Vers. 7. OMNES MARES OCCIDERUNT: qui erant in Madian, vel qui fugati elapsi non sunt.

V. 8. SUR, pater [Madianitis] quam occidit Phinees, cap. xxv. 18.

V. 13. EGRESSI SUNT MOYSES ET ELEAZAR, ad gratulandum victoribus ex Madian redeuntibus.

V. 16. SUPER PECCATO PHOGOR, in peccato adorationis Beelphegor.

V. 17. CUNCTOS INTERFICITE, &c. Mulieres, & parvuli iuste in bello occidi non possunt, cum non resistant; possunt tamen Dei iussu, qui vitæ, & mortis est Dominus. Ita factum est hic. QUAE NOVERUNT VIROS IN COITU, INUGULATE: quia per tales decepti fuerant Hebræi, fornicando cum eis.

V. 18. VIRGINES RESERVATE VO-
BIS, coniuges scilicet, vel primarias, vel secundarias vobis, vel filiis vestris futuras; vel certe ancillarum loco habendas, vel aliis dividendas. Quenam essent virgines in plerisque non difficile agnoscere ex ætate vix dum nubili: neque ad id necesse fuit Hebræi habere plusquam moralem certitudinem.

V. 19. LUSTRABITUR DIE TER-
TIO ET SEPTIMO, iuxta legem de eo qui tangit cadaver, latam Num. xix. 14. & seq.

V. 20. EXPIABITUR: consuebantur enim immunda per contactum cadaverum in tanta strage. Expiatio facta per ignem si res expianda id ferret, vel per aquam lulstralem, de qua cap. xix.

V. 21. HOC EST PRÆCEPTUM LE-
GIS, QUOD MANDAVIT DOMINUS MOYSE. Hoc præceptum fortasse voce tantum traditum est, nam in lege scripta non extat.

V. 27. DIVIDES EX AEQUO PRÆ-
DAM, &c. Præda in duas partes æquales divisa, altera pars cessit multitudini quæ remanserat in castris, altera iis qui processerant ad bellum, qui cum essent tantum duodecim millia, multum plus prædæ singulis militibus obtigit, quam iis qui in eam expeditionem non iterant.

V. 29. PRIMITIAE. Hebr. oblatio.

V. 30. EX MEDIA QUOQUE PAR-
TE, &c. scilicet ab eis qui remanserant in castris, nec pugnaverant.

V. 50. PERISCELIDES crurum sunt
ornamenta. ARMILLAS, brachiorum or-
namenta. DEXTALIA. Videtur armilla,
& dextrale sic distingui, quod armilla si-

nistri brachii, dextrale dextri ornamentum
sit; quamquam armillæ nomen utriusque
brachii ornamentum videtur comprehen-
dere. MURÆNULAS, colli ornamenta.
UT DEPRECERIS. Hæc secundaria, &
accessoria erat causa. oblationis auri: pri-
maria enim erat ut ostenderent se esse
gratos Deo, qui illis incurramt victoriam:
concederat.

V. 51. AURUM IN DIVERSIS SPE-
CIEBUS, id est in diversas vasorum spe-
cies conflatum.

V. 52. PONDO SEDECIM MILLIA
SEPTINGENTOS QUINQUAGINTA
SICLOS, in Hebr. Chald. & Septuaginta
versione, non est vox illa Pondo. Sensus
est, totum illud aurum fuisse ponderis sex-
decim millium septingentorum quinquaginta
siclorum: A TRIBUNIS, ET CEN-
TURIONIBUS: hi enim detulerunt ad
Mosen & Eleazarum quod ipsi, & quod
milites obtulerant.

V. 53. QUOD IN PRÆDA RA-
PUERAT, SUUM ERAT. Ex hoc intel-
ligas, quod e præda supra cum tota mul-
titudine fuerat communicatum, fuisse tan-
tum animantium, & hominum prædā.

V. 54. IN MONUMENTUM FILIO-
RUM ISRAEL CORAM DOMINO; hoc
est, ut Deus eorum meminisset, & eis ef-
fet propitius.

T I R I N I.

Verf. 6. VASA SANCTA. Puta arcam
cum suis appendicibus. Ita
Rabbini, & Lyran. Abul. Caiet. & Se-
rarius a. Solebat enim arca passim ad bel-
lum deferri a Iudæis, ut idola a Gentili-
bus: idque ut pugnaturi firmum haberent
adversus hostes: præsidium, & certam spem
victoriæ. TUBAS quoque, scilicet argenteas
illas sacras, de quibus supra cap. x. verf.
2. ad animos pugnantibus addendos, in-
stabant sacerdotes in bello, & hoc officium
erat illis proprium. Et hæc erat causa cur
Phinees sacerdos pugnaturus Israelitis iunctus
fuerit a Moyse; non vero ut ducem supre-
mum belli ageret, quod vult Lyranus.
Cur enim id Iosue recens inaugurato prin-
cipi, cui id ex officio incumbere, nega-
tum fuisset, ipso maxime præfecturæ in-
itio, quo concilianda illi erat apud popu-
lum auctoritas: Ita Doctores supra citati.

V. 8. BALAAM QUOQUE FILIUM BEOR INTERFECERUNT GLADIO. Hærebat ergo adhuc Balaam in parte aliqua Madianitidis. Et hic locustilius dici potest, ad quem cap. xxiv. vers. ult. re- versus fuisse dicitur, nempe ex confiniis & montibus, e quibus prospexerat castra Hebræorum, descenderat in interiora regni, & apud amicos adhuc hærebat hospes, inde in Mesopotamiam commodosuo trajecturus. Sed divino consilio ac providentia factum, ut hæsitans in via, cum pereuntibus Madianitis ipse auctor & totius flagitii architectus simul periret.

V. 16. SUPER PECCATO PHOGOR, idolatriæ scilicet, de quo cap. xxv. cuius auctor & incentor fuerat Balaam. Iubet ergo hic occidi mulieres omnes quotquot viros expertæ essent, eo quod hævel ad flagitium concurrissent sese prostituendo, & Israelitis ad idolatriam pertrahendo, vel saltem consensissent ut filia suæ id facerent. Virginibus, quia innoxiiis, vitam condonat, & ut vel uxorum, vel ancillarum loco sint Hebræis permittit. Filios autem masculos, quantumcumque parvulos & innocentes occidi iubet, non solum in detestationem facinoris parentum, eorumdemque maiorem punitionem, sed etiam ut gens omnis Madianitica stirpis excinderetur, posteritatis spe omni rella; & ne parentum aliquando ultores filii exsurgerent. Ita Theodoretus.

V. 50. MURÆNULÆ. Colli sunt ornamenta, vel stricte illi circumposita, ut fere uniones solent; vel in pectus defluentia, ut torques. Sic PERISCELIDES, crurum: DEXTRALIA, dextri; ARMILLÆ, utriusvis brachii ornamenta sunt.

V. 52. PONDO; id est pondere, non vero libra. Est certum est ex Hebræo, pondus omne auri, quod hic exspoliis & manubiis hostium Deo dedicatur, non fuisse nisi SICLOS SEDECIM MILLIA SEPTINGENTOS QUINQUAGINTA, qui constabant talenta Hebræica quinque cum dimidio, & insuper siclos 250. nam talentum Hebræicum constabat ter mille siclis.

(a) Seraz. Lib. I. Iosue cap. x. quæst. 1.

GORDONI.

Vers. 6. QUOS MISIT MOYSES CUM PHINEES. Probabilior est sententia quæ assertit, Iosue ducem in hoc bello fuisse, & adfuisse Phinees, ut esset in his quæ ad Deum spectant. Et vero illo sæculo Pontifices non ductabant exercitus; quamvis tempore Machabæorum contraria invaluerit consuetudo.

Vers. 7. OMNES MARES OCCIDERUNT, quotquot, instante bello, non fugerunt in aliam regionem: nam fugitivi illi restituerunt gentem, & tempore Gedeonis vexarunt Hebræos. Inter occisos est Balaam, de quo dixi cap. xxiii. Hic transiens a Moab ad Madianitas, Hebræis adversatur.

V. 18. PUELLAS AUTEM, &c. Ad distinctionem virginum a corruptis, sufficiebat apparens coniectura, & moralis certitudo, accedente iudicio Moysi; nec plus diligentia, & certitudinis postulabat hoc præceptum.

V. 28. SEPARABIS PARTEM DOMINO AB HIS QUI PUGNAVERUNT; hoc est, separabis ab illa parte quæ debetur pugnantibus, unam animam de quingentis. Meminit hic hominum, nam inter res captas erant, ex vers. 11. & 17.

V. 29. Particula quæ cadit Deo, non detrahitur de omni parte, sed de ea medietate quæ militum erat.

V. 32. FUIT AUTEM PROÆDA, &c. Hinc usque ad versum 48. inquit ratio, quid quique acceperint ex præda, iuxta præscriptam divisionem vers. 27. & 28. ubi datur media pars pugnantibus, & media toti populo; sed ita ut priori medietati subducatur quod dandum est Eleazaro, vers. 28. & ex altera medietate, quod dandum est levitis, vers. 30.

V. 42. De medietate data populo subducta est quinquagesima pro levitis.

V. 50. OB HANC CAUSAM OFFERIMUS IN DONARIIS DOMINI, &c. Principes & Duces belli donaria Deo consecrant. De his quæ hic recensentur ornamentis, fere nihil addendum ad ea quæ dixi Isaïæ cap. xiii. vers. 18. *Murenulæ*, colli ornamenta, Septuag. *ἐμπεδον*: est quidem *πεδον* species collaris. *Dextrarioria*, *πιδέριον*, idem quod armilla; nisi velis, ar-

armillam esse sinistri brachii ornamentum. Hebr. *ḥagil*. *Anulus*, *ḥagil*, notum est. *PERISCÉLIDES*; Septuaginta, *χλιδῆες*; Hebr. *ḥitibada*: ornamenta circa brachia, ex Suida.

V. 52. PONDO SEDECIM MILLIA. Præda hæc in auro æstimatur ad auri libras 697. & siclos 22.

EX EIUDEM AUCTARIO.

V. 2. ULCISCERE, ob provocatos Israelitas ad fornicationem, ut supra cap. xxv.

V. 6. VASA SANCTA, arca, tabulæ legis, Cherubim, & propitiatorium. Hæc secum habebant Israelitæ in bello.

V. 16. PECCATO PHEGOR, Ex adoratione Beelphegor.

V. 17. Mulieres non resistebant: cur ergo occisæ? Sane qui occidi iussit Deus est, & Dominus vitæ.

V. 51. IN DIVERSIS SPECIEBUS, conflatum in species vasorum diversas.

V. 54. Præda hæc animalium, & hominum fuisse videtur.

C A P U T XXXII.

*Filiis Ruben & Gad & dimidia tribui Manasse portio datur
trans Iordanem, modo fratres suos in terram
promissionis armati præcedant.*

1. **E**lli autem Ruben & Gad habebant pecora multa, & erat illis in iumentis infinita substantia. Cumque vidissent Iazer & Galaad aptas animalibus alendis terras, 2. venerunt ad Moysen, & ad Eleazarum sacerdotem, & principes multitudinis, atque dixerunt: 3. Ataroth, & Dibon, & Iazer, & Nemra, Hesebon, & Eleale, & Saban, & Nebo, & Beon, 4. terra, quam percussit Dominus in conspectu filiorum Israel, * regio uberrima est ad pastum animalium: & nos servi tui habemus iumenta plurima: 5. precamurque, si invenimus gratiam coram te, ut des nobis famulis tuis eam in possessionem, nec facias nos transire Iordanem. 6. Quibus respondit Moyses: Numquid fratres vestri ibunt ad pugnam, & vos hic sedebitis? 7. Cur subvertitis mentes filiorum Israel, ne transire audeant in locum quem eis daturus est Dominus? 8. nonne ita egerunt patres vestri, quando misi de Cadesbarne ad explorandam terram? (a) 9. Cumque venissent usque ad Vallem botri, lustrata omni regione, subverterunt cor filiorum Israel, ut non intrarent fines, quos eis Dominus dedit. 10. Qui iratus iuravit, dicens: 11. Si videbunt homines isti, qui ascenderunt ex Aegypto, a viginti annis & supra, terram, quam sub iuramento pollicitus sum Abraham, Isaac, & Jacob: & noluerunt sequi me, 12. præter Caleb filium Iephone Cenezæum, & Iosue filium Nun: isti impleverunt voluntatem meam. 13. Iratusque Dominus adversum Israel, circumduxit eum per desertum quadraginta annis, donec consumeretur universa generatio, quæ fecerat malum in conspectu eius. 14. Et ecce, inquit, vos surrexistis pro patribus vestris, incrementa & alumni hominum peccatorum, ut augeretur furor Domini contra Israel. 15. Quod si nolueritis sequi eum, in solitudine populum derelinquet, & vos causa eritis necis omnium. 16. At illi prope accedentes, dixerunt: Caulas ovium fabricabimus, & stabula iumentorum, par-

parvulis quoque nostris urbes munitas: 17. nos autem ipsi armati & accincti pergemus ad praelium ante filios Israel, donec introducamus eos ad loca sua. Parvuli nostri, & quidquid habere possumus, * erunt in urbibus muratis, propter habitatorum insidias. 18. Non revertemur in domos nostras, usque dum possideant filii Israel hereditatem suam: 19. nec quidquam queremus trans Iordanem, quia iam habemus nostram possessionem in orientali eius plaga. 20. Quibus Moyses ait: (b) Si facitis quod promittitis, expediti pergitte coram Domino ad pugnam: 21. & omnis vir bellator armatus Iordanem transeat, donec subvertat Dominus inimicos suos, 22. & subiciatur ei omnis terra: tunc eritis inculpabiles apud Dominum & apud Israel, & obtinebitis regiones, quas vultis, coram Domino. 23. Sin autem quod dicitis, non feceritis, nulli dubium est quin peccetis in Deum: & scitote quoniam peccatum vestrum apprehendet vos. 24. Aedificate ergo urbes parvulis vestris, & caulas & stabula ovibus ac iumentis: & quod polliciti estis implete. 25. (c) Dixeruntque filii Gad & Ruben ad Moysen: Servi tui sumus, faciemus quod iubet dominus noster. 26. Parvulos nostros, & mulieres, & pecora, ac iumenta relinuemus in urbibus Galaad: 27. nos autem famuli tui omnes expediti pergemus ad bellum, sicut tu domine loqueris. 28. Præcepit ergo Moyses Eleazaro sacerdoti, & Iosue filio Nun, * & principibus familiarum per tribus Israel, & dixit ad eos: 29. (d) Si transferint filii Gad & filii Ruben vobiscum Iordanem, omnes armati ad bellum coram Domino, & vobis fuerit terra subiecta: date eis Galaad in possessionem. 30. Sin autem noluerint transire armati vobiscum in terram Chanaan, inter vos habitandi accipiant loca. 31. Responderuntque filii Gad, & filii Ruben: Sicut locutus est Dominus servis suis, ita faciemus: 32. ipsi armati pergemus coram Domino in terram Chanaan, & possessionem iam suscepisse nos confitemur trans Iordanem. 33. (e) Dedit itaque Moyses filiis Gad & Ruben, & dimidiz tribui Manasse filii Ioseph, regnum Schon regis Amorrhæi, & regnum Og regis Basan, & terram eorum cum urbibus suis per circuitum. 34. Igitur extruxerunt filii Gad, Dibon, & Ataroth, & Aroer, 35. * & Etroth, & Sophan, & Iazer, & Iegbaa, 36. & Bethncmra, & Betharan, urbes munitas, & caulas pecoribus suis. 37. Filii vero Ruben ædificaverunt Hesebon, & Eleale, & Cariathaim, 38. & Nabo, & Baalmeon, versis nominibus, Sabama quoque: imponentes vocabula urbibus, quas extruxerant. 39. (f) Porro filii Machir, filii Manasse, perrexerunt in Galaad, & vastaverunt eam intersecto Amorrhæo habitatore eius. 40. Dedit ergo Moyses terram Galaad Machir filio Manasse, qui habitavit in ea. 41. Iair autem filius Manasse abiit & occupavit vicos eius, quos appellavit Havorth. Iair, id est Villas Iair. 42. Nobe quoque perrexit, & apprehendit Chanatha cum viculis suis: vocavitque eam ex nomine suo Nobe.

(*) Sup. xxi. 34. (b) Ios. i. 14. (c) Ios. iv. 22. (d) Ios. xiii. 8. & xxi. 4. Deut. i. 22. (e) Ios. xxi. 4. (f) Gen. l. 22.

B R U G E N S I S

ROMANÆ CORRECTIONES.

V. 4. *Regio uberrima est.* Alii minus recte, mutatis nominativis in genitivis, scribunt
Bib. Sac. Tom. III.

regionis uberrime est.

V. 17. *Erunt in urbibus muratis.* Ita vertit Interpres, *muratis*, quod est muro cinctis, pro quo alii *munitis*.

Ii

V. 28.

V. 28. *Et principibus familiarum per tribus Israel. Non omittis præpositionem per.*
 N. 35. *Et Ebroth, & Sophan. Male qui-*

dam scribunt monosyllabum *Roth* pro dissyllabo *Ebroth*.

C O M M E N T A R I A.

S A.

*Vers. 5. F*INES QUOS, Hebr. Chald. & LXX. *Terram quam.*

V. 12. CENEZAEUM. Videtur ita dictus a patre Cenez. Vide Ios. xv.

V. 14. INCREMENTA ET ALUMNI. Hebr. *Multiplicatio. LXX. Alumni. Chald. Discipuli.*

V. 15. NECIS. Hebr. *perditionis, seu corruptionis. Chald. damni.*

V. 17. ACCINCTI, id est prompti. Hebr. *Festinantes. Chald. Expediti. ANTE FILIOS. LXX. Priores in antecustodia filiorum, &c. Vulgo Vanguardia.*

V. 20. DOMINO, id est arca Domini.

V. 23. APPREHendet vos; id est, pro eo puniemini.

V. 28. VERSIS, &c. quasi dicat, alius nominibus eas appellantes.

E S T I I.

*Vers. 10. Q*UIRATUS IURAVIT & II. DICENS: Si videbunt homines isti, &c. Phrasis ista frequens est in Scriptura: sic Psal. xciv. *Quibus iuravi in ira mea, Si introibunt in requiem meam: & Isaia xxii. Si dimittetur iniquitas haec vobis, donec moriamini. Quidam hanc Scripturae locutionem explicare volentes dicunt, Si positum esse pro non: ut si videbunt homines isti, id est non videbunt; si intrabunt, id est non intrabunt; si dimittetur, id est non dimittetur. Sed frivola est haec expositio: neque enim ulpiani apud Hebraeos si pro non accipitur, non magis quam apud Latinos. Est igitur in hac phrasi agnoscenda apologetis, id est reticentia vehemens alicuius subintellecti; ut sit sensus: Si videbunt homines isti terram; supple, non sim Deus; aut non habear verax: hanc enim vim habet iuramentum quod fere in talibus praefigitur. Est similiter explicentur similes locutiones. Vide Comment. nostrum Hebr. iii. vers. 11.*

V. 12. De Caleb, & Iosue. ISTI IM-
 PLEYERUNT VOLUNTATEM MEAM: sic ipse Dominus. Ex quo discimus contra hodiernos iustitiae bonorum operum oppugnatores, iustos in Scriptura sacra ita commendari, ut non tantum dicantur facere voluntatem Dei eiusque mandata, sed etiam implere & perficere. Non quod omni peccato careant, sed quod multa tamen faciant in quibus nihil pravam aug-
 vitiosum reperitur.

V. 14. ET ECCE, INQUIT, VOS SURREXISTIS PRO PATRIBUS VESTRIS INCREMENTA ET ALUMNI HOMINUM PECCATORUM; sic miris Moyses; in corde nihilominus retinens mansuetudinem: petitio enim istorum sic nude proposita tale merebatur responsum, ut Moyses graviter suis verbis docet. Sic & Paulus: *O insensati Galatae!*

V. 26. PARVULOS NOSTROS, ET MULIERES, ET PECORA RELINQUEMUS IN URBIBUS; NOS AUTEM OMNES EXPEDITI PERGEMUS AD BELLUM: non omnino omnes, ut videtur, viri, sed omnes bellatores. Vide plenius Ios. xxii.

M A R I A N A E.

*Vers. 11. S*I VIDEBUNT. Si, pro non; quod in Divinis libris frequens est; pro, non videbunt terram promissam.

V. 17. NOS AUTEM IPSI ARMATI ET ACCINCTI. Hebr. *Armati, & חושבים, festinantes.*

V. 30. SIN AUTEM IPSI NOLUERINT TRANSIRE ARMATI VOBISCUM IN TERRAM CHANAN, INTER VOS HABITANDI ACCIPIANT LOCA. Hebr. *Et si non transferint armati vobiscum, & possessionem habebunt in medio vestri in terra Chanaan: sic Chald. & Sept. hoc est, non detis illis terram Galaad, quam petunt.*

V. 41. IAIR AUTEM FILIUS MANASSE, abnepos, I. Paral. 11. vers. 22. Fuit

Fuit etiam nepos Hefron, ibidem. Ita *filius* sumitur pro, e posteris. ID EST VIL-
LAS LAIR. *Ville* Hebraice dicuntur *מחבצות*, a vivendo, quod in agris commodius vivatur.

V. 42. CHANATH CUM VICULIS
SUIS. Hebr. *עט סוּיִם*. Vici vocan-
tur *סוּיִם*, quod urbs sit velut mater e-
arum unde nutriuntur.

M A L V E N D A E.

Vers. 1. **P**ECORA MULTA. Hebr.
אֲכִישְׁתוֹ מְרִבָּה, seu pecu-
niam multum, vel pecus multum. Quidam
divinant, partim ex praeda Madianitarum,
& trans Iordanis agri, partimque fortasse
ex emptione ab aliis comparatum. LA-
ZER. De hac terra diximus supra cap.
xxi. vers. 32. GALAAD. Vide de ea
Genes. xxxi. vers. 48.

V. 3. ATAROTH. Eusebius, & S. Hieronymus in Locis Hebraicis: Ataroth iuxta
Rammam in tribu Ioseph. Ataroth civi-
tas in tribu Ephraim, nunc vicus ad aquil-
onem Sebaste in quarto eius milliario Atha-
rius dicitur. Ataroth civitas tribus Benia-
min. Sunt autem due Ataroth haud procul
ab Aelia. Nulla harum videtur hac esse
Ataroth, quæ in tribu Gad ultra Iordanem
fuit. Vide infra vers. 34. Idem Eusebius,
& S. Hieronymus: Ataroth, civitas olim
Amorreorum trans Iordanem, quæ postea
cecidit in sortem tribus Gad. Nomen a
coronis habet, quasi urbs insignis & co-
ronata. Duas fuisse eiusdem nominis in-
stauratas a Gaditis, infra dicitur vers. 34.
& 35. DIBON. De hac plura annotavi-
mus cap. xxi. vers. 30. NEMRA. Hebr.
נְמְרָה. Eusebius, & S. Hieronymus in
Locis Hebraicis: Nemra civitas tribus
Rubem in terra Galaad, & usque hodie vi-
cus grandis. Sed infra vers. 36. & Io-
sue xiiii. vers. 27. Beth-Nemrah, quæ pro-
culdubio ipsa est Nemrah, in tribu Gad
statuitur. Voluntque eamdem esse, quam
Iosue xv. vers. 6. vocat Nemrim, ubi S.
Hieronymus: Hoc oppidum super mare mor-
tuum est, salis aquis, & ob hoc ipsum ste-
rilibus. Sive autem alluist ad nomen; sive
quod ante non fuerat: post vastitatem acci-
dit, ut etiam aque in amaritudinem verten-
tur. Urbem fuisse Moabitarum, ibidem
S. Hieronymus affirmat. Quidam notant,

ab Isaia eam ab aquis, & lætis pascuis
prædicari; ut fuit universa illa planities
ad Iordanem, quæ dicta est Campellria
Moab, lætissimo, secundissimoque solo:
ob viciniam fluminis, & fortasse quod e-
ius aquis irrigaretur. Observant etiam a
Pardis nomen habere, quod ibi fortasse eo-
rum copia esset. Aut quod ibi in domo
aliqua servarentur, quod nomen Beth-
Nemrah significat, id est Domus Pardi,
vel Pardalis seminæ. Hesebon. De ea
plenius egimus supra cap. xxi. vers. 25.
ELEALE. Hebr. *עֵלְעָלֵי*. Eusebius, & S.
Hieronymus in Locis Hebraicis: Eleale ci-
vitas Amorreorum in Galaad, quæ cecidit
in sortem tribus Rubem. Meminit huius
Isaias in visione contra Moab, & Ieremias;
sed & usque hodie villa grandis ostenditur
in primo ab Ebus milliario. Est Ebus, He-
sebon. Hanc Reubenitæ instaurant infra
vers. 37. SABAN. Eusebius, & S. Hieronymus in Locis: Sebama civitas Moab
in terra Galaad, quæ cecidit in sortem tri-
bus Rubem: meminit & huius Isaias in vi-
sione contra Moab. Vitibus fuisse nobilem,
Isaias cap. xvi. vers. 9. satis indicat. Con-
iectantur quidam, ad pedem montium A-
barim in apricis collibus fuisse positam, infra
vers. 38. *שִׁבְמָה* dicitur *Sibmah*: interpretan-
tur, *Aliquid in ea, iuxta Hispanicum pro-*
verbium, Encada villa su maravilla. Ne-
מו. נבן. Eusebius & S. Hieronymus ibi-
dem: Nabam, quod Hebraice dicitur Nebo;
mons supra Iordanem contra Ierichum inter-
ra Moab, ubi Moyses mortuus est: & us-
que hodie ostenditur in sexto milliario urbis
Ebus contra orientalem plagam. Nabo ci-
vitas filiorum Rubem in regione Galaad: cu-
ius meminit Isaias in visione contra Moab,
& Ieremias. Sed & usque hodie ostenditur
locus desertus Naba distans a civitate Ebus
millibus octo contra meridianam plagam. Vi-
detur urbi nomen inditum a proximo monte;
aut e contra a proventus & fertilitate
terræ nomen habere videtur. Vide infra
vers. 38. BEON. Non est dubium eam
ipsam, quæ hic per contractionem dicitur
Beghon, infra vers. 38. integre appellari
Baghal-Meghon. Existimant Iosue xiii.
vers. 17. dictam Beth Baghal Meghon, hæc
est Fanum, aut AEdem Saturni, vel Io-
vis, aut alterius Dei tutelaris: *בֵּית מֶגְהוֹן*
Meghon enim significat *h-bitaculum*. Porro
Baghal Meghon, quo etiam nomine num-

cupatur Ezechielis xxv. 9. exponunt *Baal*, seu *Deum tutelarem*, aut *Larem*. Alii, *Nomen viscerale*, quod visceribus sanandis præesse fortasse crederetur. *עַיִן מֶגְבַּיִם* *megbaiim*. S. Hieronymus in eum Ezechielis locum: *Baal Meon quoque usque hodie in Moab vicus est maximus*. Ieremias vero xlviii. 23. eandem urbem *Beth-Meghon* vocat. Forſan est *Bean*. I. *Machab.* v. vers. 4. Vide in *Iſaïæ* xv. vers. 2. Fuerunt proculdubio novem iſtæ urbes Moabitarum, seu antea Amorrhæorum, e. vers. 23.

V. 6. NUMQUID FRATRES VESTRI IBUNT AD PUGNAM? Hac reprehensione, ut quidam notant, non recusat Moyses Israelitis terram quam postulabant, attribuere, cuius attribuendæ mandatum se accepisse affirmat Deuter. xii. vers. 18. sed præterea increpat ignavia, & sui erga fratres officii contemptum exprobat: idque o. vehementius, quod distraſtis copiis fore videbat ut Iſraelitarum animi frangerentur, ut ipſe ait ſequenti verſu.

V. 12. CENEZAEUM. Non satis expeditunt Explanatores, cur & unde Caleb dictus sit *Kinezæus*: quidam exponunt, nepotem Kenazi e tribu Iudæ, I. Paralipom. iv. vers. 13.

V. 13. QUADRAGENTA ANNIS. Triginta octo præfixe divagati sunt post rebellionem exploratorum: sed iis annumerat duos antecedentes egressionis ex Aegypto usque ad missionem exploratorum: qua ſynecdoche ſolet Scriptura uti ad rotationem numeri. DONEC CONSUMERETUR UNIVERSA GENERATIO, &c. Iam hoc tempore quo hæc loquebatur Moſes, consumptam fuiſſe, quidam annotant. Vide ſupra cap. xxvi. vers. 1.

V. 14. INCREMENTA ET ALUMNI. Heb. unica vox est *תַּרְבּוּת* *tharbut*, quam varie vertunt: Multiplicatio, multitudo, turba, educatio, proles, ſuboles, progenies, indoles. Alii: additamentum, incrementum hominum peccatorum; vel homines erratores, peccatores, appoſitive.

V. 17. NOS AUTEM IPSI ARMATI ET ACCINCTI PERGEMUS AD PRÆLIUM ANTE FILIOS ISRAEL. Hebr. Et nos extrahemur ſeſtinantes ante filios Iſrael. Quidam: Nos autem expediti crimus, celeres ad procedendum ante filios Iſrael, id est is numerus ex nobis, quem iudi-

catis fratribus invandis ſufficere. Nam non omnes aptos ad militiam Iordanem cum fratribus traiciſſe, apparet ex Deuter. xii. vers. 18. Iſue iv. vers. 12. & cap. i. vers. 14. Iuvat apte hunc ſenſum verbum extrahemur, quod Hiſpanice dicimus *entrefacarnos emos*; id est, non omnes, ſed quosdam ex numero noſtro extrahemus.

V. 18. NON REVERTEMUR IN DOMOS NOSTRAS, &c. Hoc quidem ita factum fuiſſe, ut iſti dicunt, ſcribitur loſue xxii.

V. 19. NEC QUIDQUAM QUÆREMUS TRANS IORDANEM, &c. Bispinitur in hoc verſu Hebraice nomen, vel præpoſitio *מֵעֵבֶר* *megheber*, de tranſitu, ſeu de trans: Hiſpanice *detras*: & priori loco *trans*, *ultra*, reddunt; ſecundo vero loco, *cis*, *citra*: ea enim præpoſitione *megheber* promiſcue utuntur Hebræi pro *trans*, & *cis*; ſeu *ultra*, & *citra*; ex loco autem loquentis, aliſque circumſtantiis dignoſcitur *ultra* ne, an *citra* ſignificet; ut hic: Rubenitæ enim, & Gaditæ cum de ſua poſſeſſione loquantur, *megheber* pro *citra* accipiunt; cum vero de aliorum Iſraelitarum, pro *trans*, & *ultra*; ex ſitu nimirum locorum: nam venientibus ab Aegypto in Chanaanem, Rubenitarum & Gaditarum hereditas *citra* Iordanem; aliorum vero Iſraelitarum *ultra* Iordanem. Unde hic quidam reddunt: Non enim hereditatem capiemus cum *cis* trans Iordanem, & *ultra*, quod evenerit hereditas n. *cis* *citra* Iordanem ad Orientem. Alii: Quin non erimus poſſeſſores cum illis, trans vadum Iardenis & *ultra*, cum obveneris poſſeſſio noſtra nobis *cis* vadum Iardenis Orientem verſus. Vide Genef. l. vers. 10. & 11.

V. 20. CORAM DOMINO. Plerique exponunt, *coram arca*, ante arcam, in qua Dominus ſuam præſentiam exhibebat. Sic vers. 27. 29. 32. Alii, *coram Domino*, tamquam milites eius, eo inſpectore, & duſore, qui rite æſtimet virtutem cuiuſque.

V. 22. ERITIS INCULPABILES. *נְקִיִּים* *nekiim*, vacui, liberi, inculpabiles, innocentes, inſontes, impunes, extra culpam & poenam poſiti; id est, eritis abſoluti a Iehovah: nulla vobis culpa, aut poena imputabitur a Iehovah, poſtquam officio veſtro ſuadati fueritis.

V. 32. ET POSSESSIONEM IAM SUSCEPISSE NOS CONFITEMUR. Hebr. *Et nobiscum possessio hereditatis nostrae*. Quidam: *Ut nobis maneat possessio hereditatis nostrae*. Alii: *Cum iam apud nos sit possessio hereditatis nostrae*. Nonnulli: *Quamvis hereditatem acceperimus*. Aliqui: *Ut in portestate nostra maneat hereditas quam apprehendimus*. Nec desunt qui: *Et penes nos manebit ius possessionis nostrae*.

V. 33. ET DIMIDIAE TRIBUI MANASSE. Notant. caulam cur hanc tribum illis coniungat, assignari infra vers. 39. & seqq.

V. 34. AROER. אֲרוֹר *gharogher*. Eusebius, & S. Hieronymus in Locis Hebraicis: *Aroer oppidum Moabitum*, quod situm est super ripam torrentis Arnon, possessum olim a gente veterrima Omniim, & postea retentum a filiis Lot, id est Moabit, cum priores accolae subvertissent. Et ostenditur usque hodie in vertice montis illius; sed & torrens per abrupta descendens, in mare mortuum fuit. Cecidit autem Aroer in sortem tribus Gad, contra faciem Rabba. Hanc eandem esse quæ alio nomine dicta est Moab, seu Rabath-Moab, urbem populosissimam Moabitarum, Græcisque dictam *Areopolim*, quidam exillimarunt: per contractionem esse Ar, de qua diximus cap. xxi. vers. 15. plerique putant. Coniectantur nomen urbi factum a myricis, seu tamaricibus, quæ ibidem large proveniunt: seu quod urbs esset nudatissima, solitaria, & in desertis circum locis posita.

V. 35. SOPHAN. שׁוֹפָן *schaphon*. Ego hanc urbem non eruo; sed auguror eandem esse quæ Iosue xiiii. vers. 27. Tzaphon dicitur: de qua Eusebius, & S. Hieronymus de Locis Hebraicis: *Saphon in tribu Gad supra Iordanem*. Hic enim, & ibi coniungitur cum *Beth-Nimrah*, & *Beth-Haran*, urbibus Gaditarum trans Iordanis. Nomen habere videtur, vel quod aquilonariorum ceteris esset, vel quod cuniculis abundaret. Quidam nomenactam volunt a Tzaphon filio Gad, supra cap. xxvi. 15. eius forsitan fundatore, aut instauratore. Eusebius, & S. Hieronymus unam & eandem urbem esse volunt hanc cum præcedenti, coniunguntque, *Ataroth Saphan*. IEGBA. יַעֲבֵהָב *iagebbhab*. Huius mentio habetur Iudicum viii. vers. 11. sic

dicta videtur, quod in loco excelso & sublimi posita fuerit.

V. 37. BETHNEMRA, ET BETHARAN. Has duas urbes munitas fuisse hic dicitur; in valle vero, seu in planitie fitas, Iosue xiiii. vers. 27. De Bethnemra vide supra ad vers. 3.

V. 37. CARIATHAIM. קִרְיַתִּים *kiriatthaim*. Eusebius, & S. Hieronymus in Locis Hebraicis: *Chariathaim, civitas quam extruxerunt filii Reuben; nunc autem est vicus Christianis omnibus florens*, iuxta Medabam urbem Arabie: & appellatur *Coriatha*, in decimo milliario supradictæ urbis contra occidentalem plagam, vicinus eius loci qui appellatur *Bare*. Dualis forma Civitatem geminam sonat, vel duplicem, fortasse quod in duas magnas habitationes divisa esset. Ieremias xlviii. 1. מִשְׁגַּב *Misgab* appellat, quasi altam & excellam, vel quod in sublimi loco, vel quod munitionissima esset. Vide Notas Genes. xiv. vers. 5.

V. 38. VERSIS NOMINIBUS. מְסֻבֹּת *musabboth* *schem*, *versas*, *mutatas*, *commutatas*, *circumversas*, *circumgratas* *nominum*. IMponentes vocabula urbibus quas extruxerant. Heb. Et vocaverunt in nominibus nomina urbium quas edificaverant, seu instauraverant in nominibus, subaudi novis, vel pro nominibus mutatis & antiquis, nova nomina urbium. Quidam reddunt: *Quibus indiderunt nomina, mutatis nominibus illis civitatum quas edificaverunt*. Eclipsin suppleant ex antecedente membro: quod, aiunt, videtur Moses de industria posuisse, ut ostenderet nominatim duo illa civitatum nomina mutata esse, quæ idololatriæ turpissimam sapiebant. Nebo enim de nomine idoli vaticini dicebatur: *Babal-Mebon* erat Bahalis habitatio: quorum nominum ne recordari quidem oportuit Exodi xxxi. vers. 15. Ego vero mutationem nominum non ad duas eas tantum urbes retulerim, sed ad omnes commemoratas, ut solent novi conditores seu instauratores urbium nova nomina illis imponere, uti videmus factum in novo orbe occiduo. Vide infra vers. 41. & 42. Verum tantum vetusta potuit, ut prisca harum urbium nomina obtinuerint.

V. 39. PERREXERUNT IN GALAAD: partem Galaadis intelligunt, quæ Rubenitis

nitis & Gaditis minime cesserat. Synecdoche. Vide Deuteron. III. vers. 12. INTERFECTO AMORRHÆO. Hebr. *Et expulit, eiecit, exhereditavit, hereditate depulit, exterminavit* *Amorream*, nempe ipse Machir, id est Machiri genus.

V. 41. IAIR AUTEM FILIUS MANASSE. Exponunt, *Filius*, id est accensus & annumeratus ipsi Manassi ob maternum genus: natus enim hic erat Segub filio Chetzeronis e tribu Iudæ I. Paralip. II. vers. 22. Accensus autem propterea fuit, quod hereditatem cum eis cepisset bello, quemadmodum hoc loco exponitur. OCCUPAVIT VICOS EIUS. חוֹת *chawoth*, a חוּת *chuth*, *vixit*, aiunt esse *vivaria, villas, pagos, locos* in quibus aluntur animalia, & alia quoque victualia ad vitam humanam necessaria: sicut Græci negotiationem, agricolationem, item victualia, aut facultates, & alia ad vitæ usum necessaria, *biotica* vocant. Hispanicus Interpres *aldeas* vertit. Alii aiunt esse Hispanicæ *las caphras, o vivares*. Vide Deuteron. III. vers. 14. & Iouex. III. vers. 30. Iudicum x. vers. 4. Quidam notant, ea voce *Chawoth* appellari tantum eos pagos aut villas, in quibus homines ferinis & belluinis moribus habitarent, quasi feri & truces, a חוּת *chuth*, *fera*.

V. 42. NOBE. Eusebius, & S. Hieronymus in Locis Hebraicis: *Canath vicus Arabie, qui nunc Cannatha dicitur: quam cum cepisset Naban, appellavit Nabothiam. Fuit autem in tribu Manasse, regione Trachonitidis iuxta Bosram. Et rursus: Est & cuiusdam viri vocabulum Naban, qui Canath & ceteros viros qui circum eum erant, ex suo nomine nuncupavit Naboth. Sed, & usque hodie ostenditur locus desertus Naba, distans a civitate Esbus millibus octo contra meridiana plagam. Sunt hic nomina depravata, Nuban, Naban, & Naboth, pro Nobach, aut Nobe: vicina fuisse videtur urbi legbaha, de qua supra vers. 35. uti indicatur Iudicum VIII. vers. 11.*

M E N O C H I I.

Vers. 9. SUBVERTERUNT, fregerunt, dissolverunt: hoc enim significat vox Hebræa שָׁבַר *chebi*. UT NON

INTRARENT. Particula *ut* non significat intentionem, sed eventum rei.

V. 11. SI VIDERUNT: non videntur. Particula *si* iuramentis servit. A VIGINTI ANNIS. Significat ætatem hominum, non tempus discessus ex Aegypto.

V. 3. CIRCUMDUXIT EUM PER DESERTUM. Significanter LXX. *Circumvolvunt eos ut rhombum per desertum quadraginta annis*. Est autem rhombus machina quam agitando tramam glomerant in circulum. Italice *Naspo*. INCREMENTA ET ALUMNI HOMINUM PECCATORUM, peccatorum discipuli, qui non tantum eorum peccata imitamina, sed propagatis, & augetis.

V. 17. HABITATORUM INSIDIAS: erant enim Rubenitæ, & Gaditæ vicini Moabitibus, Idumæis, Chananæis, aliisque hostibus.

V. 20. CORAM DOMINO, coram alicui, vel favente Domino.

V. 21. OMNIS VIR BELLATOR, qui commode potest: nam domi relictis quot erant necessarij ad urbes quas occupaverunt defendendas, transierunt ex eis Iordanem 40. millia, ut patet Iosue IV. 13. cum tamen in censu numerata essent ex eis centum & decem millia cap. xxvi. 18.

V. 23. PECCATUM VESTRUM, pena peccati.

V. 26. IN URBIBUS GALAAD. Non de sola Galaaditide hoc intelligendum, sed de tota forte Gaditarum, Rubenitarum, & dimidiæ tribus Manasse.

V. 30. INTER VOS HABITANDI ACCIPIANT LOCA. Quasi dicat: Si fidem datam fefellerint, noluerintque vobiscum ad pugnam progredi, compellite eos transire Iordanem, pugnare, & habitare vobiscum.

V. 31. LOCUTUS EST DOMINUS, Deus scilicet per Moysen: patet ex Hebræo.

V. 34. EXTRUXERUNT, restaurarunt: nam prius extiterant.

V. 38. VERSIS NOMINIBUS; praeteritum quia quædam ab idolis quæ in illis colebantur nomen habebant, ut Bamoth Baal, & Baalmeon.

V. 40. MACHIR, posteris Machir, seu dimidiæ tribui Manassis, prognatæ ex Machir.

V. 41. IAIR AUTEM FILIUS MANASSE.

NASSE: non proximus, sed remotus. Sic sæpe nepotes vocantur filii, ut Luc. 15. Math. 1. 1.

T I R I N I.

Verf. 12. **C**ALEB FILIUM IEPHONNE CENEZEAEUM. Cum Scriptura etiam Othonielem dicat filium fuisse Cenez, eundemque fratrem Caleb, videri quibusdam posset, & visum fuit Emanueli Sa, Iephonem patrem fuisse tam Othonielis quam Caleb, & alio nomine vocatum fuisse Cenez, vel Cenezeum. Verum cum I. Paral. iv. verf. 13. ubi filii Cenez ex professo recensentur, non adnumeretur Caleb; cum item Iosue xv. 17. filia Caleb nupserit Othonieli: non video quomodo Othonieli possit dici frater Caleb ex uno eodemque parente Cenez, si eorum sequamur sententiam qui censent, lege Moisaica prohibitum esse matrimonium *b* patrui cum nepote. Cum quibus conformiter respondendum, Othonielem non absolute dici fuisse fratrem Caleb, sed cum additamento fratrem iuniorem *c*, vel minorem *d*, hoc est nepotem ex fratre, ut vult Oleaster & Eugubinus; vel potius, ut alii, fratruelem. In Scriptura enim nepotes fratrueles, cognati passim vocantur fratres. Cenez ergo avus fuit tam Othonielis quam Calebi, ut videre est ex eius stirpe, quam recensui in Chronico *e*. Itaque ab uno eodemque avo uterque nomen habuit Cenez *ei*.

V. 21. OMNIS VIR BELLATOR ARMATUS IORDANEM TRANSEAT. Omnis, scilicet a me, vel a Iosue designandus. Neque enim poterant tot urbes, in quas Rubenitar, Gaditar & Manassitar parvulos, & uxores, & omnes suos thesauros intulerant, sine necessario praesidio relinquere; neque erat opus, tot millia Iordanem traicere. Quin ex Iosue iv. patet, vix tertiam partem armorum ex duabus his cum dimidia tribubus superiore lustro cap. xxvii. recensitorum, Iordanem traiecisse. Reliqui ergo citra Iordanem remanserunt, partim praesidio suis futuri, partim urbes *extruendi*; id est, ex parte dirutas vel collapsas instauraturi, & novis munimentis firmaturi. Porro de his, & aliis passim in Scriptura

urbibus, vide Adrichomium de Locis terrarum sanctarum, & alios Interpretes.

- (a) Iosue xv. verf. 17. & Iudic. 1. verf. 13. & cap. 11. verf. 9.
(b) Levit. xviii. verf. 12. & 14.
(c) Iosue xv. verf. 17.
(d) Iudic. 1. verf. 17. & cap. 112. verf. 9.
(e) Chron. cap. xlvii.

G O R D O N I.

Verf. 4. **N**Otandæ sunt, quæ hic recensentur urbes: nam & earum pleraque passim occurrunt, & dant notitiam regionis trans Iordanem, & duarum tribuum quæ hic sedes acceperunt.

V. 9. & 11. De hac valle Botri, dixi supra cap. xiii. verf. 24. Sensus est: Cum redissent exploratores ad castra Israel. Illud autem verf. 11. SI VIDEBUNT, explico ex more loquendi, Non videbunt. *et* si sæpe in Scripturis pro non.

V. 17. ACCINCTI. Hebr. *Festinantes, prompti*.

V. 21. TRANSIERUNT IORDANEM: idque ad quadraginta millia bellatorum, ut promiserunt, & constat Iosue 4. Non tamen ita ut non remaneret trans Iordanem multi bellatores ad custodiendas urbes: nam in duabus tribubus istis cum dimidia tribu Manasse, numerabantur plusquam centum millia.

V. 23. APPREHENDET VOS id est, puniemi.

V. 34. IGITUR EXTRUXERUNT, &c. Intellige reparasse eas quas invenerunt illi civitates: nam brevi proficiscuntur in Chanaan, nec potuissent tam brevi tempore tot novas condidisse civitates. Nova quidem urbibus nomina indiderunt, saltem aliquibus.

V. 38. & 39. Mutata dicuntur urbium nomina, sed vetera etiam remanere apud aliquos potuerunt: ne mireris interdum occurrere vetera nomina, nondum penitus antiquata. Sed nec Galaad semper eisdem retinuit limites: nam nunc ample, nunc pressius accipitur.

V. 41. HAVOTH IAIR. Vox Hebr. *havoth*, a vivendo, quod in villis & agris commodius vivant homines.

EX EIUDEM AUCTARIO.

V. II. SI VIDEBUNT, habet negationem; & *ro* si designat iuramentum.

A VICINTI ANNIS ET SUPRA. Notat ætatem hominum: nam a discessu ex Aegypto instat annus quadragesimus.

V. 30. Si reculent transire, ad hoc cogite eos, & vobiscum habitabunt.

C A P U T XXXIII.

Mansionibus 42. filiorum Israel per varia loca in deserto recensitis, Chananæ a Domino iubentur interimi.

HAE sunt mansiones filiorum Israel, qui egressi sunt de Aegypto per turmas suas in manu Moyſi & Aaron, 2. quas descripsit Moyſes iuxta caſtrorum loca, quæ Domini iuſſione mutabant. 3. Proſecti igitur de Rameſſe menſe primo, * quintadecima die menſis primi, altera die phaſe, filii Iſrael in manu excelsa, videntibus cunctis Aegyptiis, 4. & ſepelientibus primogenitos, quos perculeſerat Dominus (nam & in diis eorum exercuerat ultionem) 5. caſtrametati ſunt in Soccoth. 6. Et de Soccoth venerunt in Etham, quæ eſt in extremis finibus ſolitudinis. 7. (a) Inde egreſſi venerunt contra Phihahiroth, quæ reſpicit Beelſephon, & caſtrametati ſunt ante Magdalu. 8. Proſectique de Phihahiroth, tranſierunt per medium mare in ſolitudinem: & ambulantes tribus diebus per deſertum Etham, caſtrametati ſunt in Mara. 9. (b) Proſectique de Mara venerunt in Elim, ubi erant duodecim fontes aquarum, & palmæ ſeptuaginta: ibique caſtrametati ſunt. 10. Sed & inde egreſſi, fixerunt tentoria ſuper Mare rubrum. Proſectique de Mari rubro, 11. caſtrametati ſunt in deſerto Sin. 12. Unde egreſſi, venerunt in Daphca. 13. Proſectique de Daphca, caſtrametati ſunt in Aluſ. 14. Egreſſique de Aluſ, in Raphidim fixere tentoria, (c) ubi populo deſuit aqua ad bibendum. 15. Proſectique de Raphidim, caſtrametati ſunt in deſerto Sinai. 16. Sed & de ſolitudine (d) Sinai egreſſi, venerunt ad Sepulcra concupiſcentiæ. 17. (e) Proſectique de Sepulcris concupiſcentiæ, caſtrametati ſunt in Haſeroth. 18. (f) Et de Haſeroth venerunt in Rethma. Proſectique de Rethma, caſtrametati ſunt in Remmomphares. 20. Unde egreſſi, venerunt in Lebna. 21. De Lebna, caſtrametati ſunt in Reſſa. 22. Egreſſique de Reſſa venerunt in Ceelatha. 23. Unde proſecti, caſtrametati ſunt in monte Sepher. 24. Egreſſi de monte Sepher, venerunt in Arada. 25. Inde proſciſcentes, caſtrametati ſunt in Maceloth. 26. Proſectique de Maceloth, venerunt in Thahath. 27. De Thahath, caſtrametati ſunt in Thare. 28. Unde egreſſi, fixere tentoria in Methca. 29. Et de Methca, caſtrametati ſunt in Heſmona. 30. Proſectique de Heſmona, venerunt in Moſeroth. 31. Et de Moſeroth, caſtrametati ſunt in Beneiaacan. 32. Proſectique de Beneiaacan, venerunt in montem Gadgad. 33. Unde proſecti, caſtrametati ſunt in Itebatha. 34. Et de Itebatha, venerunt in Hebrona. 35. Egreſſique de Hebrona, caſtrametati ſunt in Aſiongaber. 36. (g) Inde proſecti, venerunt in deſertum Sin, hæc eſt Cades. 37. Egreſſique de Cades, caſtrametati ſunt in mon-

te Hor, in extremis finibus Terræ Edom. 38. * (b) Ascenditque Aaron sacerdos in montem Hor, iubente Domino: & ibi mortuus est anno quadragésimo egressionis filiorum Israel ex Aegypto, mense quinto, prima die mensis, 39. cum esset annorum centum vigintri trium. 40. Audivitque Chanaan rex Arad, qui habitabat ad meridiem, in terram Chanaan venisse filios Israel. 41. Et profecti de monte Hor, castrametati sunt in Salmona. 42. Unde egressi, venerunt in Phunon. 43. Profectique de Phunon, castrametati sunt in Oboth. 44. * Et de Oboth, venerunt in Iicabarim, quæ est in finibus Moabitarum. 45. * Profectique de Iicabarim, fixere tentoria in Dibongad. 46. Unde egressi, castrametati sunt in Helmondeblathaim. 47. Egressique de Helmondeblathaim, venerunt ad montes Abarim contra Nabo. 48. Profectique de montibus Abarim, transierunt ad campetria Moab, supra Iordanem contra Iericho. 49. Ibi castrametati sunt de Bethsimoth usque ad Abellatim in planioribus locis Moabitarum, 50. ubi locutus est Dominus ad Moysen: 51. Præcipe filiis Israel, & dic ad eos: Quando transieritis Iordanem, intrantes terram Chanaan, 52. disperditis cunctos habitatores terræ illius: (i) confringite titulos, & statuas comminuite, atque omnia excelsa vastate, 53. mundantes terram, & habitantes in ea: ego enim dedi vobis illam in possessionem, 54. quam dividetis vobis sorte. Pluribus dabit latior, * & paucis angustior. Singulis ut sors ceciderit, ita tribuetur hereditas. Per tribus & familias possessio dividetur. 55. Sin autem nolueritis interficere habitatores terræ: qui remanserint, erunt vobis quasi clavi in oculis, & lanceæ in lateribus, & advertantur vobis in terra habitationis vestræ: 56. & quidquid illis cogitaveram facere, vobis faciam.

(a) Exod. xli. 2. (b) Exod. xv. 27. (c) Exod. xvii. 1. (d) Exod. xix. 1. (e) Sup. xi. 35. (f) Sup. xxi. 1. (g) Sup. xx. 1. (h) Sup. xx. 8. 25. Deut. xxxii. 50. (i) Deut. vii. 5. Iudic. vi. 2.

B R U G E N S I S

ROMANÆ CORRECTIONES.

V. 3. *Quintadecima die mensis primi, altera die phase.* Superfluit, obestque sensui verbum *fecerunt*, quod multi addunt: *Fecerunt altera die phase.* Præpositio autem *post*, quam alii præponunt voci *phase*, intelligenda est, non legenda. Consulat qui volet Notationes nostras in hunc locum.

V. 38. *Ascenditque Aaron sacerdos in montem Hor.* Non est omittenda vox *sacerdos*.

V. 44. 45. *Et de Oboth venerunt in Iicabarim.... Profectique de Iicabarim.* Alii pro *Iicabarim*, omissa priore i vocali, scribunt *Ieabarim*, minus recte.

V. 54. *Et paucis angustiores.* Antiqui libri habent positum *paucis*, pro eo qui in aliis codicibus est comparatione *paucioribus*.

N O T A T I O.

V. 3. *Profecti igitur de Ramesse mense primo, quintadecima die mensis primi, fecerunt altera die phase.* Bib. Sac. Tom. III.

tera die phase, filii Israel, in manu excelsa, videntibus cunctis Aegyptiis, &c. Fecerunt altera die phase, sic pleraque exemplaria: nonnulla vero tantum Altera die phase legunt; & fecerunt auferunt tria Parisiense, Basiliense, Complutense, S. Germani parvum; sex nostra, unum quidem Lugduni exculum anno 1522. quinque autem in manuscriptis, quorum quatuor D. Hunnæ sunt litteris A. F. M. Q. signata, unum Plantini, quod latum diximus. Conformis est Glossæ ordinariæ, & Lyranæ lectio. Exemplaria M. N. Hunnæ, D. F. K. cum Plantini medio & Bessarionis codice indicant, fecerunt superfluum. Atque his, his inquam codicibus, qui fecerunt auferunt, aut auferendum indicant, volunt Hebræa, Chaldæa, & Græca. Rabanus, & Colonienſium Biblia anni 1529. omisso verbo fecerunt, legunt: Altera die post phase, quo modo etiam Isidorus exponit, cuius commentarium in res Moysis libros scriptum contribuit Lovaniensis Bibliotheca Societatis Iesu. Beda habet, altera die pascha. Itaque transfodienda vide-

K k tur

tur vox illa *fecerunt*, præsertim cum etiam textus series eam reicere videatur, & legenti falsum sensum offerat. Non enim, quod primo intelligitur, filii Israel fecerunt phasē 16. die mensis primi, nec videntibus Aegyptiis, & sepelientibus primogenitos, sed ad decimaquarta diei vespeream domi, priusquam Aegyptii subita filiorum morte turbati exire compellerent. Tostatus quidem *fecerunt* legit, & partem istam, ut parenthesin additam intelligit, hoc sensu: Altera, id est decima quarta die, fecerant phasē filii Israel: sed ut orationis incommodum non evitatur, ita non id Hebraice significatur. Legitur enim: *Et profecti sunt de Rameesse mense primo*, decimaquinta die mensis primi, מֵרַמֶּסֶס בְּיָמֵי הַחֹדֶשׁ הַפְּרִימִי, a crastino *pesach*, egressi sunt filii Israel in manu &c. A crastino *pesach*, id est altera die post *pesach*, seu phasē, postridie quam immolatus fuerat agnus paschatis. Chaldaus vertit פֶּסַח בְּמָחָד, a post phasē; LXXII. תִּי אֶחָדִים עָדָה אַחֲרָיו, postridie paschæ. Præferenda igitur ea lectio videtur, quæ, omisso verbo *fecerunt*, habet: Altera die phasē, quod

est, die sequente ipsum phasē, profecti sunt. Videri potest ab indocto quopiam adiectum, quod neque facile istud intelligeret, neque prolixioris sententiæ terminationem adverteret. Verum enimvero in antiquioribus, & emendatioribus nostris exemplaribus *fecerunt* addi deprehendimus: id quod & Epanorthotes annotavit, cuius in hunc locum hæc sunt verba: „xxxiii. a. *Profecti igitur de Rameesse* &c. Suspensive usque in *Socob.* Item a. *mensi primi altera die phasē*, non video bene, quomodo sit ibi *fecerunt* (antiqui vero interponant quod dicitur *fecerunt*, ibi: „*Fecerunt altera die phasē*) Sed & ipse Strabus habet: *Altera die post phasē profecti sunt de Rameesse*. “ Hæc Corrector. Lyranus suum hac de controversia iudicium his reliquit verbis. „Aliqui libri habent, *Altera die fecerunt phasē*; sed ly *fecerunt* non est in Hebræo, nec in libris correctis: nec mirum, quia non est de textu, sed pervertit sententiam, vel saltem obscurat eam: quia videtur sonare, quod filii Israel fecerunt phasē post exitum de Rameesse, quod non est verum.

C O M M E N T A R I A.

S A.

Vers. 1. **M**ANSIONES: sic etiam Chald. & LXX. Alii, *profectiones*. IN MANU, id est ducibus, seu ducentibus.

V. 3. ALTERA, id est postera. PHASE, id est dici quo phasē immolarunt, seu dici paschæ. MANU EXCELSA, scilicet divina virtute.

V. 4. NAM: abundat, nec est Hebr. Chald. aut in LXX. DIIS. Dicunt Hebræi, illa nocte qua est egressus populus, omnia Aegypti templa corruisse. Hieronymus epist. cxxvii. ULTIONEM. Hebr. *Judicia*.

V. 6. ETHAM: nomen loci, unde dictum Desertum Etham.

V. 7. CONTRA, id est prope, ut apparet Hebr. & LXX. vide infra. RESPICIIT. Hebr. Chald. & LXX. est *ante*.

V. 10. SUPER, id est prope.

V. 11. SIN, per *o* *f*.

V. 36. SIN, per *z* *is*.

V. 48. SUPRA, id est prope, vel ultra. CONTRA, id est e regione.

V. 49. PLANIORIBUS LOCIS. Hebr. & Chald. *campestribus*.

V. 52. TITULOS, id est aras, vel columnas, vel delubra. Chald. *templa*.

V. 53. MUNDANTES TERRAM ET HABITANTES IN EA. Hebr. *Expelletis habitatores terræ, & habitabitis in ea*. Sept. *Perdetis habitatores terræ, & habitabitis in ea*. Chald. *Possidebitis terram, & habitabitis in ea*.

V. 54. PLURIBUS, &c. Vide sup. cap. xxvi.

V. 55. INTERFICERE. Hebr. & Chald. *Expellere*. Sept. *Perdere*. QUASI CLAVI, &c. quasi dicat, molestissimi. Alii vertunt *cultros*, seu *gladios*. Chald. *Sument arma contra vos*.

V. 56. FACERE: scilicet si mihi obediatis.

E S T I I.

Vers. 4. **N**AM ET IN DIIS EORUM EXERCUERAT ULTIONEM. Qualis fuerit hæc ultio, aut hoc iudicium (nam ita Hebræa sonant) Scriptura

ptura tacuit. D. Hieronimus autem in epist. ad Fabiolam explicans quadraginta duas istas mansiones secundum sensum mysticum, de hac ultione (mans. i.) ita loquitur: *Hebr. ei autumnant, quod nolle illa qua egressus est populus Israel de Aegypto, templa destruxit, sive motu terre, sive illius fulminum. Spiritualiter autem discimus, quod egredientibus nobis de Aegypto, errorum idola corrumpant, & omnis perversarum doctrinarum cultura quatiatur. Sic ille.*

V. 52. DISPERDITE CUNCTOS HABITATORES TERRÆ ILLIUS. Quæritur: Quare non potius iubentur converti? Respondeo: Quamvis vix dubitandum sit quin, si eis vera religio fuisset prædicata, fuissent aliqui ex iis conversi, sicut de Tyro & Sydone dicit Dominus; noluit tamen Deus eis annuntiari ab Israelitis veram religionem, quia nondum tempus venerat quo per nationes veræ fidei lumen diffundendum esset: tum etiam quia ex nationum consorcio plus nocuementi accipissent filii Israel, quam fructus illi essent consecuturi ex annuntiata illis veritate, fide, cultuque unius Dei.

MARIANAE.

Vers. I. HÆ SUNT MANSIONES. Alii, *profectiones*.

V. 2. QUAS DESCRIPSIT MOYSES. Ecce Moyses scribit Pentateuchum.

V. 18. VENERUNT IN RETHMA. Forte sic dictum a multitudine genistarum, quæ Hebr. *Retbom* est.

V. 36. IN DESERTUM SIN, HÆC EST CADES: scilicet ubi urbs Cades erat, in finibus Idumææ.

V. 39. CUM ESSET ANNORUM CENTUM VIGINTI TRIUM. Moyses obiit natus annos 120. qui minor erat Aaron tribus annis. Ex quo constat, eodem anno obiisse utrumque, nempe quadragesimo ex quo egressi sunt de Aegypto.

V. 53. CONFRINGITE TITULOS, ET STATUAS COMMUNITE. Tituli statuarum erant. Voces Hebraicæ *zelem* & *masechab*, significant prior *imagines*, & posterior *statuas ex metallo*, quoniam *statuarum consilii* vox *masechab* significat: radix *נשחב nashab*.

V. 55. CLAVI IN OCULIS, ET LANCEÆ IN LATERIBUS. Hebr. utramque

vocem Hebraicam putat significare *spinas*, quibus prædia sepeliuntur; & putat sententiam loci esse: Erunt ut spinarum sepes, impediētes vobis ingressum & egressum. Regio vestra circumvallabitur his hostibus, ut vos egredientes excipiant. ET ADVERSABUNTUR VOBIS. Hebr. *Angustia bunt vos*, oppriment vos ii habitatores terræ, si illis parcitis.

MALVENDAE.

Vers. 3. DE RAMESSE. Hæc est prima mansio, seu statio; de qua vide Exodi xii. vers. 37.

V. 4. ET IN DIIS EORUM EXERCUBERAT ULTIONEM. Hebr. *Et in diis eorum fecit IHUH iudicia*. Vide Exodi xii. vers. 12. & cap. xviii. vers. 11.

V. 5. IN SOCCOTH. Hæc est secunda statio; de qua Exodi xii. vers. 37.

V. 6. IN ETHAM. Hæc tertia statio, Exodi xiii. vers. 20.

V. 7. CONTRA PHIIAHIROTH. Hæc quarta statio, Exodi xiv. 2.

V. 8. IN MARAH. Hæc quinta statio, Exodi xv. vers. 23.

V. 9. IN ELIM. Hæc sexta statio, Exodi xv. vers. 27.

V. 10. SUPER MARE RUBRUM. Hæc septima statio. Exodi xvi. nulla huius stationis fit mentio: de qua re vide quæ ibi notavimus ad vers. 1.

V. 11. IN DESERTO SIN. Hæc est octava statio, Exodi xvi. vers. 1.

V. 12. IN DAPHCA. דפקה *daphkek*. Hæc nona statio, quæ silentio prætermittitur Exodi xvii. vers. 1. Significat pulsationem, seu impulsionem, vel impetum: rationem appellationis divinare non possum.

V. 13. IN ALUS. אלֹשֶׁב *alliseb*. Hæc decima statio, omissa quoque Exodi xvii. 1. S. Hieronymus *Fermantum* interpretatur: nimirum a verbo *לשחב luseb*, quod est *subigere pastam*, *deperere*: quod ibi forsitan populus pastas subegerit, & panes confecerit. Hanc, & superiorem mansionem annotat S. Hieronymus fuisse in deserto Sin. Nescio, an hæc sit Allus, de qua Eusebius, & S. Hieronymus in Locis Hebraicis: *Allus, regio Idumæorum, quæ nunc Galatene dicitur, vicina Petre civitati*. Nec situs locorum ablutit.

V. 14. IN RAPPIDIM. Hæc est undecima statio: de qua vide Exodi xvii. vers. 1.

V. 15. IN DESERTO SINAI. Hæc est duodecima statio: de qua Exodi xix. vers. 1. & 2.

V. 16. AD SEPULCRA CONCUPISCENTIAE. Hebr. in Kibroth Hattaavah. Hæc est terdecima statio: de qua vide supra cap. xi. vers. 34.

V. 17. IN HASEROTH. Hæc quaterdecima statio: de qua supra cap. xi. vers. 35. & cap. xiii. vers. 1.

V. 18. IN RETHMA. Notant, de hac mansione & subsequentibus usque ad mansionem in deserto Tzin, quæ ponitur infra vers. 36. nihil hæcenus lectum in libris Exodi, Levitici, & Numeri: proculdubio quod in illis nihil memorabile ad posteritatem gestum fuit. Est ergo statio in Rithmah quintadecima. De qua S. Hieronymus: *Et profecti de Hazeroth, castrametati sunt in Rithmah, pro quo supra in hoc eodem libro Numer. xiii. vers. 1. legimus: Postquam profectus est populus de Hazeroth, castrametati sunt in solitudine Pharan. Hæc est autem decima quinta mansio. Et notandum, quod reliquæ mansiones decem* *וְעַד עֵלֶּם*, quarum nunc breviter catalogus describitur, a Rithma usque ad Eshongaber, id est usque ad tricesimam secundam mansionem, sub Pharan solitudinis nomine contineantur, in quibus universa quæ scripta sunt, diversis temporibus gesta sentimus. *רִיתְמָה* Rithmah, Genistam, seu Iuniperum significat; Hispanice, Retama: quod iis forsan locus abundaret. Quidam existimant, hanc esse quæ I. Machabæorum v. vers. 9. dicitur *Dathema*, nam D, & R, apud Hebræos commutari non est insolens, ut Dodanum, Rodanum, Genes. x. vers. 4.

V. 19. IN REMMONPHARES. Hæc est sexta decima statio. *רִמְּוֹן פְּרִי רִמְּוֹן* rimmon paretz interpretantur *malum Punicum*, seu *malogranatum rupturæ*: quod fortasse ibi esset copia malogranatorum ruptorum, id est nothorum & adulterinorum, quæ facile in ipsis arboribus rumpuntur, & dehiunt.

V. 20. IN LEBNA. Hebr. לִבְנָה libnah. Hæc decima septima statio: sonat *Candidam*, aut *Lateritiam*. Fortassis quod ibi officinæ laterum essent. *Albionem* quidam

interpretantur, quod terræ facies alba esset. Aliqui putant de hac scribi in Notitia Imperii: *Ala secunda Constantiana Libone*, scilicet tendebat.

V. 21. IN RESSA. Hæc decima octava statio. S. Hieronymus: *Decima octava mansio, in frenis vertitur. Hoc verbum, quantum memorie suggerit, nusquam alibi in Scripturis sanctis apud Hebræos invenisse me novi, absque libro apocrypho, qui a Grecis παραρρητοῖς (id est Parva Genes) appellatur. Ibi in edificatione turris pro stadio ponitur, in quo exercebantur pugiles, & alioque, & cursorum velocitas comprobatur. Forte quod ibi publicum stadium ad exercendum esset. רֶסֶן resen Hebræis est frenum, & רָסַס rasas, stillare, complere. Forlan quod ibi variorum fontium stillucida caderent, aut quod solum ex roribus assiduus udum esset.*

V. 22. IN CEELATHA. Hebr. קְהֶלֶתֶּהב Kebelathab, Congregationem, concionem, ecclesiam denotat, quod illic fortasse diversi populi convenirent ad discipulanda & capienda iura; quasi dicas, *Conventum*: vel quod illic essent horde Arabum. Est decima nona statio.

V. 23. IN MONTE SEPHER. שֶׁפֶר Schapher. Vigesima statio. Exponitur, *Mons pulchritudinis*; Hispanice, *Monte hermofo*: vel *Mons explanationis, expansionis, ampliationis*, id est mons planus, & amplus.

V. 24. IN ARADA. חֲרָדָה Charada. Vigesima prima statio: a commotione, & tremore nomen habet; forsan quod terra ibi motibus quateretur: vel quod frequentia ibi tonitrua personarent: nam חֲרָדָה charad pro tonitru ponitur Iob. xxxvii. 9. S. Hieronymus *miraculum* interpretatur: quod ego non capio.

V. 25. IN MACELOTH. Hebr. מַקְלֹתֶהב makheloth. Vigesima secunda statio. Est plurale; id est, *Conciones, congregationes*, Psalm. lxxvii. vers. 27. vox eiuſdem significatus, & rationis, ut *Kebelathab*, vers. 22. quæ fuit decima nona mansio: fortasse quod hic esset alter iudicis conventus. Nisi augeretur *makheloth*, inserta littera *He*, esse plurale *מַקְלוֹת maklot*, baculos, quod ibi populus baculos & scipiones sibi paraverit ad levamen itineris.

V. 26. IN TRAHATH. Hebr. תַּחַת־חַבְּתָּח thachath. Vigesima tertia statio. S. Hieronymus.

ronymus interpretatur *pavorem, consernationem*, a verbo *חָתַח* *chatat*, quod locus esset horridus, inaequalis, qui pavorem, & consernationem induceret. Vel *subter, subitus*, quod esset locus depressus, profundus, & infernus. Ita divinamus.

V. 27. IN THARE. Vigesima quarta statio. Hebr. *תָּרַח* *tarach*, si est a *רָחַח* *ruach*, locum indicat spirantem varios odores, ab amoenitate herbarum & florum; si a *יָרַח* *iarach*, fortasse locum rotundum in modum lunæ, aut semicirculatum.

V. 28. IN METHCA. Hebr. *מִתְכָּה* *mitkah*. Vigesima quinta statio. S. Hieronymus *dulcedinem* interpretatur a *מָתַק* *mutak*, vel quod ibi esset apiaria, & multa copia mellis, vel varii fructus dulces, ut palmarum, &c.

V. 29. IN HESMONA. Hebr. *חֶשְׁמוֹנָה* *chaschmonah*. Vigesima sexta mansio. S. Hieronymus *festinationem* interpretatur: alii *Satrapiam, Primatiam, Ducatum, Marchiam*, seu *Legatiam*. Vide Psalm. lxxvii. 32. Nonnulli putant esse *Chefmon* urbem limitaneam tribus Iudæ, ad confines Idumææ, Iosue xvii. vers. 27. vel *Ghatzmon*, cum *Ghain* & *Tzade*, de qua Iosue xv. vers. 4. Notantque, per inexplicabiles illas ambages, occaecatos suis peccatis, rursus prorum oberrasse Israelitas.

V. 30. IN MOSEROTH. Vigesima septima mansio. Vox *מִסְרֹת* *moseroth*, *correctiones, disciplinas, doctrinas, castigationes, vincula* significat. Rationem nominis non quæo explicare: nisi forte locus fuerit publicarum castigationum ac poenarum, seu suppliciorum.

V. 31. IN BENEIAACAN. Hebr. *בְּנֵי יַעֲקֹב* *bene iaghakan*. Vigesima octava statio. S. Hieronymus interpretatur, *Filios necessitatis*, seu *stridoris*, ab *עָקַב* *gaiak*: quos ego hic non eruo; nisi fortasse locus is incoleretur a pauperibus, & gemitibus præ angustia. Genes. xxxvi. vers. 28. inter posteros Esau recensetur quidam Ghaakan: & I. Paralip. i. vers. 42. Iaghakan, ex eiusdem Esau posteris: fortasse qui hæc loca incolebant, erant ex progenie istius Iaghakan, unde illi sunt *Bene-Iaghakan*, id est, *Filii Iaghakan*. Quidam putant, horum fieri mentionem I. Machabæor. v. 4. de qua re ibi dicemus. Vide Deuter. x. vers. 6.

V. 32. IN MONTEM GADGAD. Vi-

gesima nona statio. Noster legit *בְּרַח* *bar mons*, cum He; exemplaria paucim cum *Chet* habent *חֶבֶר* *chor*, quod *candorem*, seu *foramen*, aut *cavernam* significat. S. Hieronymus: *Gadgad interpretatur nuntius, five expeditio, & accensio: vel certe* (quod nos verius arbitramur) *κατακρηνη*, id est *concisio*. Fortasse dictus locus, quod in eo monte seu caverna esset receptus grassatorum & latrocinantium turme aut globi, quod voce *גִּדְגָד* *gidgad* significatur. Hic locus Deut. x. 7. vocatur *Gudghodab*.

V. 33. IN IETEBATHA. Hebr. *יִתְבָּתָּה* *itbatah*. Trigesima statio. A bonitate nomen habet, quod fertilis & amœna esset terra, & aquis abundaret, ut dicitur Deuter. x. vers. 7. Vide Notas ibi.

V. 34. IN HEBRONA. Hebr. *חֶבְרוֹן* *ghabronah*. Trigesima prima statio. *Transitus* interpretatur; seu quod eo loco communis transitus esset, & via publica; seu quod tractus esset aluius fluminis, aut faucium montium.

V. 35. ASIONGABER. Hebr. *עֲצִיֹן גָבֶר* *egzion gaber*. Trigesima secunda statio. S. Hieronymus: *Huc usque solitudo Pharan decem & octo continet mansiones, quæ descriptæ in catalogo in superiori itinere non pronuntiantur*. De Asiongaber, Eusebius, & S. Hieronymus in Locis Hebraicis: *Asion-gaber*. In hoc loco classis Iosaphat vi tempestatis attrita est. Fertur autem ipsa esse *Essia* baud procul a *Ailath* in mari rubro. Et paulo superius: *Ailath* super litus rubri maris in terra Edom, de qua supra dictum est. Et supra *Ailath* in extremis finibus Palestine, iunctæ meridiane solitudini, & mari rubro, und ex Aegypto in Indiam, & inde ad Aegyptum navigatur. Sedet autem ibi legio Romana cognomento decima: & olim quidem *Ailath* a veteribus dicebatur; nunc vero appellatur *Aila*. Et postea: *Gafion-gaber* castra in solitudine filiorum Israel, sicut in Numerorum libro scriptum est. Porro, iuxta Deuteronomium, civitas est *Ejau*, quam nunc *Essiam* putant, iuxta mare rubrum, & *Ailath*. Et in xlvi. Ezechiel. ad vers. 18. *Lingua maris rubri, in cuius litore Ailath posita, ubi nunc moratur legio & presidium Romanorum*. Vide notitiam Orientalis Imperii, in Duce Palæstinæ, ubi hæc habentur: *Præfessus legionis decime Fretensis Aila; subaudi, excubabat*. III. Regum ix. vers. 26. *Classem quoque fecit rex Salomon*.

lomon in Afion Gaber, quæ est iuxta Ailath in littore maris rubri, in terra Idumææ. Iosephus Lib. VIII. Antiquitatum cap. 11. *Quin & classem rex Salomon in Ægyptio Sinu edificavit, in quodam loco ad mare rubrum, qui nominatur Afiongabæ. Hæc nunc Berenicæ vocatur, non procul ab Elana urbe quæ regio tum in Hebræorum ditione censebatur.* Berenicem vero littoralem Sinus Arabici urbem esse, docet Ptolemæus Lib. VI. cap. v. Ailath autem esse Elanam urbem, & Iocphus, & omnes affirmant; ab Elana urbe dictum Ælaniticum sinum rubri maris, norunt omnes. P'linius Lib. V. cap. xi. *Ælaniticus sinus rubri maris in Ægyptum vergens CLM. passuum intervallo inter duo oppida Ælana, & in nostro mari Gazan.* Et lib. V. cap. xxviii. *Sinus intus, in quo Leantæ, qui nomen ei dedere. Regia eorum Agra, & in sinu Leana, vel, ut alii, Ælana: nam & ipsum sinum nostri Ælaniticum scripsere; alii Ælaniticum: Artemidorus Æleniticum; Iuba Leniticum.* Agatharchides Lib. V. de Mari rubro, cap. xlv. *Post Leantiem, ut vocant, sinum, quem circumhabitant Arabes.* Diodorus Siculus Lib. III. numero 123. *Sinus Alaiticus excipit, multis Arabum pagis frequentatus, quos Nababæ vocant.* De Elana & Elanitz sinu maris rubri agit etiam Ptolemæus Lib. V. cap. xvii. quem describit in iv. Asiæ tabula. Locum celeberrim in Scriptura ita exposuisse oportuit. Delirant profus qui Afiongabæ in mare Mediterraneum transfudere. Vide de hac statione Deuteron. 11. vers. 8. & III. Regum ix. vers. 26.

V. 36. IN DESERTUM SIN. Trigesima tertia statio: de qua vide supra. cap. xx. vers. 1. Hic Sin cum Tzade scribitur: וְצִין. Eusebius, & S. Hieronymus in Locis Hebraicis: Desertum autem Tzin idem dicit esse Scriptura quod et Kades. Deducunt אֶרֶץ תְּצִיחַ, vel צִינִים tzinnim, quod desertum esse aridum & siccum, & abunde spinarum ferax. Fuit terminus Chananaeorum australis, ut dicitur sequenti capit. vers. 3. Vulgo nunc appellariunt Alhifer. Diverfum omnino esse a Sin, ubi Israelitae octavis castris confedere. Exodi xvi. vers. 1. nimis est pervagatum, cum illud scribitur cum Scin, & Nun; hoc cum Tzade, & Nun.

V. 37. IN MONTE HOR.. Trigesima

quarta statio : de qua vide supra cap. xx. ver. 22. Quidam notant, Israelitis bis castrametatos ad montem Hor, primum cum pergerent ut circumirent terram Edom, supra cap. xx. ver. 21. 22. & secundo cum post circumitum terram Edom, in anno quadragesimo egressionis iterum illic redierunt ; & mortuus fuit ibi Aaron, ut hic dicitur. Sed nihil necesse, nam totam illam historiam cap. xx. contigisse anno quadragesimo egressionis, illic ad ver. 1. notavimus.

V. 40. AUDIVITQUE CHANA-
NAEUS REX ARAD, &c. Totam hanc
historiam fusius exposuit. Moles supra
cap. XXI.

V.41. IN SALMONA. Trigesima quinta statio. Hebr. צלמון *tzalmonah* significat *imaginem*. Augurantur quidam sic fortasse locum denominatum ab imagine serpentis. ibi erecti iussu Dei, supra cap. xxi. vers. 6. & seqq.

V. 42. IN PHUNON. Trigesima sexta statio. S. Hieronymus: *He due mansiones, trigesima quinta, & trigesima sexta: in ordine historie non inveniuntur; sed scriptum est pro eis Numer. xxi. vers. 4. Egrediuntur de monte Hor per viam maris rubri, & circumierunt terram Edom. Ex quo ostenditur in finibus atque circuitu terre Edom esse positas.* פִּנּוֹן Phunon denotat locum anicipitem, difficilem, terribilem aspectu, plenum pavoris & conseruationis, specie horribilem. Vide in Gen. xxxvi. 41.

V. 43. IN OBOH. Trigesima septima
statio: de qua vide supra cap. XXI. vers. 10.

V. 44. IN IEABARIM. Trigesima octava statio : de qua supra vers. 11. eiusdem cap. xxi.

V. 45. IN DIBONGAD. Trigeſima-
nona manſio. Quidam Dibon-Gad dictam
volunt ad diſcrimen alterius Dibonis, quæ
ſuit Rubenis, Iſue XIII. verſ. 17. ſed
alii unam & eandem putant: verum in
confiniis utriuſque ſortis poſitam, ideoque
nunc uni, nunc alteri tribui adſcribi. Ego
ſatis credo Dibon-Gad dictam, quod a
Gaditis fracta & inſtaurata fuerit ſupra
cap. XXXI. verſ. 34.

V. 46. IN HELMON DEBLATHAIM.
עלמון דבלתחמה *Galmon diblathaiemab*. Quadragesima mansio. Nominis ratio videtur esse, quod eo loco optimæ massæ ficuum veterum, nempe caricarum, aut palathaim

rum reconderentur. De Deblathaim vide Ezech. vi. 14.

V. 47. AD MONTES ABARIM. Quadragesima prima mansio. De montibus Abarim vide Numer. xxi. vers. 11.

V. 48. AD CAMPESTRIA MOAB. Quadragesima secunda, & ultima statio: de qua vide cap. xxi. vers. 1. Exoritur hic difficultas, quod in hac enumeratione stationum omittuntur plures quæ supra cap. xxi. recensentur: nam ibi ex Iieabarim trigesima octava statione dicuntur filii Israel castrametati in torrente Zered; inde trans Arnonem; inde in Beer; inde in Mathanah; inde in Nachiele; inde in Bamoth; in Hagaia, seu valle Moab. S. Hieronymus: *Hec loca in finibus Amorrhæorum quidam interpretantes putant non mansiones esse, sed transitus: nec præiudicare debere catalogo mansionum extraordinariam expositionem.* Ergo plerique putant, in breviario solemnium mansionum numerari a Mose stationes fixas, & per aliquod tempus durantes, plantata militari forma castrorum; non stationes tumultuarias, & transeuntes. Addunt alii, stationes torrentis Zered, & Arnon, quæ fuerunt insignes & memorabiles, cap. xxi. descripæ, forsitan sub aliis nominibus fuisse hic recensitas. Sed hoc plane divinare est.

Vers. 49. BETHSIMOTH. Hebr. בֵּית יִשְׁמֹת Beth-ieschimoth domum deserti, vel solitudinis significat. Hispanice, *Casa de paramos*, o *casa de campo*. Eius mentio exstat Iosue xiii. vers. 20. sed Ezechiel xxv. 9. inquit: Ecce ego aperiam bumerum Moab de civitatibus, de civitatibus, inquam, eius, & de finibus eius, inclitas terre (Hebr. *decorem terre*) Beth-Iesimoth, & Beel-Meon, & Cariathaim. Ponit eas in extremis Moabitarum finibus, & præ ceteris Moabitarum urbibus splendor & magnificas fuisse indicat. Vide supra cap. xxi. vers. 20. ABELSATIM. אֲבֵל שַׁטִּים *abel schittim*. Eusebius, & S. Hieronymus: *Abelsatim, locus in deserto ad meridiem Moabitarum.* Hunc ipsum locum esse ubi Israelitæ mulieribus Moabitarum conveniunt, apparet e cap. xxv. vers. 1. ut ibi notavimus. Abelis autem nomen, quod luctum significat, videtur accepisse a luctu quem extorsit populo gravis plaga Dei, ibidem vers. 6. Alii magis probant, dictum *Abelsitim*, id est *planitiem*, *tractum*,

campum, regionem protractiorem Sitim: quod Abel Hebræis id significet, Iudicum vii. vers. 22. & alibi.

V. 54. PLURIBUS DABITIS LATIOREM, &c. Vide supra cap. xxvi. vers. 54.

V. 55. SIN AUTEM NOLUERITIS INTERFICERE HABITATORES TERRAE, &c. Vide Exodi xxiii. vers. 33.

V. 56. COGITAVERAM FACERE. Verbum דָּמָה *damah* in Pihel, varie hic convertunt. I. *Silui, acquievifacere.* II. *Assimilavi, formavi similitudinem, imaginatus sui, cogitavi facere.* III. *Silentium, quietem, exitium intuli ad faciendum.* IV. *Domui, perdomui facere; id est, edomui, perdomui, evici me facturum, ac si necesse fuerit Deum voluntatem suam quasi reluctantem domare & vincere ad adinrendum malum.*

MENOCHII.

Vers. 1. IN MANU MOYSI ET AARON, ductu Moysi & Aaronis.

V. 2. IUXTA CASTRORUM LOCA; id est, iuxta numerum castrametationum.

V. 3. ALTERA DIE PHASE, postdie agni immolati, hoc est die 15. mensis primi. IN MANU EXCELSA, in magna potestate, robore, ac terrore Aegyptiorum.

V. 4. IN DIIS EORUM EXERCUE RAT ULTIONEM: quia eadem nocte qua egressi sunt ex Aegypto, prostravit idola Aegypti. Hier. Epist. cxxvii. vide supra Exod. xii. 12.

V. 11. SIN: scribitur per Samech.

V. 36. SIN: scribitur per Tsade.

V. 40. VENISSE, adventare, ponitur actus perfectus pro inchoato.

V. 49. DE BETHSIMOTH USQUE AD ABELSATIM. Primum sistendo in Bethsimoth, ubi fuit una mansio, deinde ab Abelsatim progrediendo, ubi fuit alia mansio.

V. 52. CONFRINGITE TITULOS, aras, vel columnas, vel delubra; alii picturas; alii simulacra. Chald. *templa*. EXCELSA, altaria & sacella in locis excelsis idolis consecrata.

V. 55. CLAVI IN OCULIS, ET LANCEAE IN LATERIBUS. Erunt vobis infestissimi, arma in vos dirigunt, & perniciem vobis afferent.

T I R I N I.

Verf. 2. **M**ANSIONES QUAS DES-
SCRIPTISIT MOYSES
IUXTA CASTRORUM LOCA, hoc est
iuxta numerum castrametationum. Has
mansiones enumerat quadraginta duas S.
Hieronymus, & explicat in epistola ad
Fabiolam: & illas descripsi in Chronico
cap. xix. Rabanus, & Rupertus topolo-
gice applicant itineribus in cælum.

V. 55. SIN NOLUERITIS INTER-
FICERE HABITATORES TERRAE,
ERUNT VOBIS QUASI CLAVI IN
OCULIS, ET LANCAE IN LATERI-
BUS; hoc est, erunt vobis admodum in-
festi, & continuis bellis omnem vobis
adiment quietem: non secus ac si latus, vel
oculi stimulis configerentur.

Petes: An ergo vicinæ omnes gentes uno
impetu defendæ fuerint! Respondeo nega-
tive. Tantum enim iussi a sunt Hebræi
paulatim eas delere. Unde & Iosue non
delevit nisi eas gentes quæ occupabant in-
teriora terræ sanctæ; reliquas consulto de-
bellandas posteris reliquit *b*. Cum vero
posterii id negligerent, immodata opera
nonnullas gentes delere nollent, factum
quod hic prædicatur, & plurimæ maximæ-
que calamitates inde subortæ, & bella ex
bellis prognata. Quibus tamen ex altera
parte hoc boni effectum, quod Iudæi hoc
freno continentur in officio, vel devian-
tes hoc flagello c. punirentur; saltem quod
otio ac desidia non disfluxerint. *d*

(*a*) Exod. xxxiii. vers. 29. & Deut. vii. vers. 22.

(*b*) Iosue xxxiii.

(*c*) Iudic. xi. vers. 20.

(*d*) Iudic. xii. vers. 1. & 2.

G O R D O N I.

Verf. 1. **M**ANSIONES: sic etiam
Sept. aut profectioes, de-
scripsit Moses: ergo auctor & scriptor
Pentateuchi.

V. 5. Quæ ab hoc versu usque ad ver-
sum decimum sextum recensentur, satis
explicata sunt in Exodo a capite xii.
usque ad caput xviii.

V. 6. ETHAM: loci nomen: hinc di-
ctum Desertum Etham.

V. 11. SIN, per litteram *p* Samech.

V. 16. & 18. VENERUNT AD SE-
PULCRA CONCUPISCENTIAE. De his
lege huius libri caput undecimum, ubi de
huius mansionis rebus actum est. Sequitur
vers. 18. Mansio in Cadesbarne, de qua lege
supra cap. xiii. vers. 27. Hinc missi sunt
exploratores. De illa mansione in deserto
Sin, quam hic recenset vers. 36. & man-
sione in monte Hor, hic vers. 37. vide rem
rotam gestam supra cap. xx. & xxxi. Adde
quæ narrat ad Fabiolam Hieronymus. Nec
ista omisit Adrichomius.

V. 36. SIN, per litteram *x* Tsade: hæc
est Cades, id est ubi est urbs Cades, in
Idumææ finibus.

V. 52. Tituli sunt statuz.

EX EIUSDEM AUCTARIO.

V. 3. ALTERA DIE: postridie agni
immolati, qui fuit dies decimus primi
mensis, qui & Nisan.

V. 4. IN DIIS EORUM. Prostata sunt
idola Egypti eadem nocte qua egressi sunt.
Hieronymus epist. cxxvii.

V. 55. QUASI CLAVI, IN OCCU-
LIS: molellissimi, & magnorum malo-
rum causa.

C A P U T XXXIV.

*Terra promissionis situs & limites iuxta varias orbis plagas;
eaque sorte dividenda præcipitur, additis illorum
nominibus qui eam dividant.*

1. **L**ocutusque est Dominus ad Moysen, dicens: 2. Præcipe filiis Israel, & dices ad eos: Cum ingressi fueritis terram Chanaan, & in possessionem vobis sorte ceciderit, his finibus terminabitur. 3. (a) Pars meridiana incipiet a solitudine Sin, quæ est iuxta Edom: & habebit terminos contra Orientem mare salissimum: 4. qui circuibunt australem plagam per ascensum Scorpionis, ita ut transeant in Senna, & perveniant * a meridie usque ad Cadesbarne, unde egredientur confinia ad villam nomine Adar, & tendent usque ad Asemona: 5. ibitque per gyrum terminus ab Asemona usque ad torrentem Aegypti, & maris magni littore finietur. 6. Plaga autem occidentalis a mari magno incipiet, & ipso fine claudetur. 7. Porro ad septentrionalem plagam a mari magno termini incipient, pervenientes usque ad montem altissimum, 8. * a quo venient in Emath usque ad terminos Seda: 9. ibuntque confinia usque ad Zephrona, & villam Enan: hi erunt termini in parte Aquilonis. 10. Inde metabuntur fines contra orientalem plagam de villa Enan usque Sephama, 11. & de Sephama * descendet termini in Rebla contra fontem Daphnim: inde pervenient contra Orientem ad mare Cenereth, 12. & tendent usque ad Iordanem, & ad ultimum salissimum claudentur mari. Hanc habebitis terram per fines suos in circuitu. 13. Præcepitque Moyses filiis Israel, dicens: Hæc erit terra, quam possidebitis sorte, & quam iussit Dominus dari novem tribubus, & dimidiæ tribui. 14. Tribus enim filiorum Ruben per familias suas, & tribus filiorum Gad iuxta cognationum numerum, media quoque tribus Manasse, 15. id est duæ semis tribus, acceperunt partem suam trans Iordanem contra Iericho ad orientalem plagam. 16. Et ait Dominus ad Moysen: 17. (b) Hæc sunt nomina virorum qui terram vobis dividant, Eleazar sacerdos, & Iosue filius Nun, 18. & singuli principes de tribubus singulis, 19. quorum ista sunt vocabula: De tribu Iuda, Caleb filius Iephone. 20. De tribu Simeon, Samuel filius Ammiud. 21. De tribu Benjamin, Elidad filius Chafelon. 22. De tribu filiorum Dan, Bocci filius Iogli. 23. Filiorum Ioseph de tribu Manasse, Hanniel filius Ephod. 24. De tribu Ephraim, Camuel filius Sephthan. 25. De tribu Zabulon, Elisaphan filius Pharnach. 26. De tribu Issachar, dux Phaltiel filius Ozan. 27. De tribu Aser, Ahiod filius Salomi. 28. De tribu Nephthali, Phedael filius Ammiud. 29. * Hi sunt quibus præcepit Dominus ut dividerent filii Israel terram Chanaan.

(a) Ios. xv. 2. (b) Ios. xiv. 2.

N U M E R O R U M B R U G E N S I S

ROMANAE CORRECTIONES.

V. 4. *A meridie usque ad Cadesbarne*. Pro *a meridie*, alii libri scribunt *in meridiem*, alii *ad meridiem*, male.

V. 8. *A quo venit in Emath*. Non est mutandus numerus pluralis in singularem *veniet*.

V. 11. *Descendent termini in Rebla*. Vox *Rebla* codices minus accurati scribunt, addita tertia syllaba, *Reblatha*, quod non est huius loci.

V. 29. *Hi sunt quibus praecepit Dominus*. Non mutes praeiteritum perfectum praecepit in plusquam perfectum *praeceperat*.

C O M M E N T A R I A.

S A.

Verf. 2. **H**IS FINIBUS TERMINABITUR. Hieronymus epist. cxxix. *Non acceperunt, inquit, Iudaei tam multa, quia praecepta Dei non observarunt.*

V. 3. **SIN**, per *s ts*. **SALSISSIMUM**, scilicet mortuum.

V. 4. **CIRCUMBUNT**, scilicet termini. **SENNA**, pro **Sin**.

V. 5. **TORRENTM**, scilicet **Rhinocoloram**. Vide Gen. xv.

V. 7. **ALTISSIMUM**. Hebr. & Chald. *Hor*: est autem aliud ab illo in quo mortuus Aaron.

V. 8. **EMATH**, quidam Antiochiam putant; at Hieronymus epist. cxxix. Epiphanius Syriæ.

V. 11. **REBLA**. Hieronymus putat esse Antiochiam. **CONTRA FONTEM DAPHNIM**. Hebr. Chald. & LXX. *ab Oriente Hain*, id est fontis. **CENERETH**, scilicet ad lacum Genesareth.

V. 15. **SEMIS TRIBUS**, pro tribus & semis, id est dimidia; quasi dicat, duæ tribus, & dimidia.

E S T I I.

Verf. 3. **E**T HABEBIT TERMINOS CONTRA ORIENTEM MARE SALSISSIMUM. Quod hic vocat Interpres noster *mare salissimum*, alibi vocat mare salum; quomodo etiam vertunt Septuaginta. Hebr. est *Mare salis*. Est autem idem illud quod apud seculares scriptores *Mare mortuum* vocatur, & *Lacus Asphaltites* a bitumine, propterea

quod sit ita bituminosum, spissum & fatum, ut neque navigationi aptum sit, neque pisces, aut omnino vivens aliquid gignat, aut nutriet. Hic lacus eam regionem occupat, in qua erant quinque civitates, Sodoma, Gomorrha, & aliae, iam desertæ in exemplum iusti iudicii Dei, ut Iudas ait, in sua Epistola.

V. 4. **QUI CIRCUMBUNT AUSTRALM PLAGAM PER ASCENSUM SCORPIONIS**. Hebr. est plurale, *ad ascensum Scorpionis*. Est autem Ascensus scorpionis, seu scorpionum, nomen loci, Hebr. *Maala Harrahim*, ne quis hic imaginetur ascensum scorpionis in signo caelestis dicto. Fit etiam huius loci iterum mentio Iosue xv. & Iudic. i. Lyranus putat esse nomen montis sic appellati a multitudine scorpionum quos habeat.

V. 11. **CONTRA ORIENTEM AD MARE CENERETH**. Intelligitur mare quod postea, nomine paululum immutato, vocatum fuit Genesareth: de quo aliquoties in Evangelio. Idem vocatur & mare, lacus, seu stagnum Tiberiadis, & Galilææ.

M A R I A N A E.

Verf. 2. **E**T IN POSSESSIONEM VOBIS SORTE CECIDERIT, HIS FINIBUS TERMINABITUR. Hebr. *Hac terra, quæ cadet vobis in hereditate, terra Chanaan ad*, seu per, *terminos suos*.

V. 3. **E**T HABEBIT TERMINOS CONTRA ORIENTEM MARE SALSISSIMUM. Hebr. *Et erit vobis terminus ad-*
stri

fieri a fine maris salis ad Orientem. Mare salis vocat Mare mortuum.

V. 5. USQUE AD TORRENTEM AEGYPTI. Nilus non est torrens, neque terra Chanaan pertinebat ad ostia Nili; sed torrens ille est Rhinocolura.

V. 7. A MARI MAGNO... USQUE AD MONTEM ALTISSIMUM. Hebr. *montem Hor.* Mare magnum est Mediterraneum, sic dictum comparatione maris Tiberiadis, & Maris mortui. Porro mare Tiberiadis, seu Genesal, vers. 11. vocatur mare *Ceneroth*, ut exponit Chaldaeus.

V. 15. AD ORIENTALEM PLAGAM. Hebr. *ad ortum ortum.* Sed *Mizrabah* secundo loco posita sumitur pro *plaga*, ut Chald. ad pro sole; ac si dicas, *ad orientalem solem*. Hi termini terrae Chanaan describuntur etiam ab Ezechiele, paucis mutatis, cap. XLVII.

V. 17. QUI TERRAM VOBIS DIVIDENT. Hebr. *Qui hereditabunt terram vobis*, id est pro vobis: sic enim Deuter. III. vers. 22. *Dominus pugnabit לכם lachem vobis*, id est pro vobis: sic eo loco verunt omnes, & ex eo Kimhi hunc locum sic explicat. Sententia est: Loco vestrum capient terrae possessionem hereditatemque Eleazar, & qui sequuntur.

V. 29. UT DIVIDERENT FILII ISRAEL. Hebr. *Ut in hereditatem mitterent filios Israel*: hi sunt scilicet quibus id praecepit Dominus.

MALVENDAE.

Vers. 3. QUAE EST IUXTA EDMOM. Hebr. *Super manus Edom*, seu *Idumaea*. Quidam exponunt: *Permanus*, sive *spatia*, id est latera; vel *secundum sedes Edomaeorum*. Alii: *Iuxta Idumaeam*, vel *ad terminos Edom*, id est propinquum Idumaeae. Notant harum sedium singularem quamdam circumscriptionem diverso ordine hic sequi ad versum 6. usque. Vide de tota hac descriptione Iosue xv. CONTRA ORIENTEM. Hebr. *ad Orientem*; id est, qua parte terminus maris salis iungitur termino orientali. Alii: Hoc est, eito vobis descriptionis initium ab Oriente, a sinu maris salis, quo ad Austrum finitur. MARE SALSISSIMUM. Hebr. *mare salis*, seu mortui, sive lacus

Asphaltitis: de quo vide Genes. xiv. vers. 3.

V. 4. PER ASCENSUM SCORPIONIS. Alii, *Per Chrum Akra bin*. Rationem nominis esse volunt, quod ibi multi essent scorpiones, ut indicatur Deuter. viii. vers. 15. Alii, quod is locus forsan imaginem scorpionis referret. Aiunt esse montana quae sese in modum scorpionis incurvant, ut solent colles, & cacumina montium speciem scorpionum suis curvitatibus exprimere. Nonnulli a spinis locum dictum putant, quae acritate scorpionum aculeos referunt. Eusebius, & S. Hieronymus in Locis: *Acrabin terminus Iudaeae provincia ad Orientem respiciens tribus Iudaeae. Est autem & vicus nunc usque grandis, novem millibus a Neapoli contra Orientem, descendantibus ad Iordanem, & Iericho, per eam quae appellatur Acrabithene; sed & confinium Amorrhaeorum Acrabithene dicitur: de quo loco non exterminavit alienigenas tribus Nephtalim, ut in Iudicum libro scriptum est.* Acrabathenae regionis, seu toparchiae Iudaeae meminere, Lib. I. Machabaeorum v. vers. 3. Iosephus Lib. III. Belli cap. 11. Plinius Lib. V. cap. xiv. AD VILLAM NOMINE ADAR. Hebr. *חצר אדר Chatzar Adar*, id est *atrium, villam, praedium Adar*. Villam amplam & magnificam significat. Quidam hic *Chatzor Adar* intelligunt duo oppida coniuncta situ, etsi discreta muro: quapropter seorsim nominant Iosue xv. 3. *Chetatron*, & *Adar*. A SEMONA. Hebr. *עצמנה ghatzmonah*. Hanc quidam putant esse *Chasmona*, ubi vigesima sexta castra Hebraei posuere supra cap. xxxiii. vers. 29. ut sane Ghain & Chet facile inter se commutari possunt. *Ossiam*, & *ossatam*, aut *compastam*, seu *condensatam*, vel *robustam* significat. Eusebius & S. Hieronymus in Locis: *Astemonia, civitas in deserto ad meridiem Iudaeae, dividens Aegyptum, & sortem tribus Iudaeae ad mare usque tendentem.*

V. 5. USQUE AD TORRENTEM AEGYPTI. Hunc torrentem plerique rivum prope Rhinocoluram, in mare Mediterraneum influentem, accipiunt. Sed nos in Paradiso cap. xxx. Nilum, vel aliquod Nili brachium, aut ostium potius demonstravimus. Vide Notas Genes. xv. vers. 18. Quidam hic reddunt, *Ad vallem AEGYPTI*

egypti, id est partem Castitorios, quæ subest monti Caio, cis paludem Sirbonicam, quæ Aegypti propterea dicitur, quod Aegyptum ab Iudæa disterminat. Vide Iosue xiiii. vers. 3. & cap. xv. vers. 4. & 47.

V. 6. MARI MAGNO. Ita Scriptura mare Mediterraneum, seu Palæstinum, Aegyptium, aut Syriacum appellat, comparatione aliorum lacuum, aut stagnorum, quæ sunt in Chananæa, ut Cinereth, & salis, seu Asphaltitis, quæ usu loquendi Scripturæ vocantur etiam maria, sed minor. Hunc versum nos ex Hebræo verbatim reddidimus, & interpretumimus: (*Et terminus maris: Et eris vobis mare grande Et terminus: iste erit vobis terminus maris.*) Alii clarius sic convertunt: *Terminus vero occidentalis, ut est vobis ipsum mare magnum; ita terminus esto: hic esto vobis terminus occidentalis.* Ter idem dicit; quasi dicat: Ab omni parte Occidentis mari mediterraneo cingitur.

V. 7. USQUE AD MONTEM ALTIS-SIMUM. S. Hieronymus in XLVII. Ezechielis: *Hebræi autumant, vel Amanum montem significari, vel Taurum, quod nobis videtur verius.* Apagæ, terminos Chananææ ad Taurum: vide eum epist. cxxix. ad Dardanum. Hebr. *Definitis vobis Hor montem.* Quilam montem Hor exponunt non illum quidem hæcenus commemoratum, in quo Aaron occubuit trigessimis quartis castris Israelitarum; sed ipsum Chermon montem aquilonarissimum terræ sanctæ, qui alio nomine dictus sit Hor: nam Hermon variis nominibus appellatum constat Deuteron. xii. vers. 9. Atqui Horem hic esse Hermonem, colligunt e Iosue xiiii. 5. nam ut hic coniungitur cum Introitu Hemath; sic ibi Hermon. Verum ego delirium puto Horem existimare Hermonem; sed hic tantum dici, in termino extremo australi terræ sanctæ duci rectam lineam a mari mediterraneo termino occidentali, Orientem versus, ad Hor montem, in quo obiit Aaron: & ab Hor monte aliam versus Aquilonem duci lineam usque ad introitum Hemath, terminum aquilonarem promissæ terræ.

V. 8. IN EMATH. De Emath vide Notas cap. xiii. vers. 22. SEDADA. Vide Ezechiel. xlviii. vers. 15.

V. 9. ZEPHRONA. Eusebius, & S. Hieronymus: *Zephrona terminus Iudææ ad Sep-*

temtrionem. S. Hieronymus in XLVII. Ezechielis: *Quam urbem hodie Zephyrium oppidum Cilicie vocant.* Sed quis umquam terminos terræ sanctæ ad Ciliciam usque protendit? Vide eundem epist. cxxix. ad Dardanum. *ET VILLAM ENAN.* Hebr. *ענן חצור* *Chatzer Ohenan*, id est *villam fontis*: fortasse quod insignis aliquis fons ibi esset, nimirum, si augurio locus sit, ille de quo verum seq. 11.

V. 10. SEPHAMA. Eusebius & S. Hieronymus in Locis Hebraicis: *Sephama terminus Iudææ ad solis ortum.* Hanc quidam putant esse Siphmoth, I. Samuel. xxx. vers. 28. Ex ratione nominis videtur formam labritii, seu myllicis habuisse. S. Hieronymus in XLVII. Ezechielis: *Sephama, quam Hebræi Apamiam nominant.* Apamiæ, vel Apamæ urbis Cœles-Syriæ meminere Strabo Lib. XII. & XVI. Plinius Lib. V. cap. xxiii. & xxix. Ptolemæus Lib. V. cap. xv. & alii.

V. 11. IN REBLA. Hebr. *רבלה* *Riblah*. Eusebius, & S. Hieronymus in Locis: *Reblatha urbs, quam nunc Antiochiam vocant.* Idem S. Hieronymus in XLVII. Ezechiel. elucidans hunc Numerorum locum, ait: *A sine igitur septentrionalis plage, hoc est, Atrio Enan, tendunt fines iuxta Numerorum librum, usque Sephama, quam Hebræi Apamiam nominant: Et de Apamia descendunt termini in Rebla, quæ nunc Syriæ vocatur Antiochia. Et ut scias, Rebla hanc significare urbem, quæ nunc in Syria Cæle nobilissima est, sequitur: Contra fontem, &c. CONTRA FONTEM DAPHNIM.* Hebr. non habent *Daphnim*, sed tantum *Contra fontem*, quem perspicuum est intelligi *Daphnim*. Unde S. Hieronymus in XLVII. Ezechiel. *Contra fontem, quem perspicuum est significare Daphnim: de quo fonte supradicta urbs (scilicet Rebla, seu Antiochia) aquis abundantissimis fruitur.* Hic autem locus a Gneo Pompeio, qui primus Iudæam Romano subiecit Imperio, militari manu confusus est, & ab eo iuxta fabulas poetarum, *Daphnones* nomen accepit, ob lauros, & cyparissos; quæ arbores eo ipso loco frequentissimæ sunt. Sextus Rufus in Breviario: *Rediens (Pompeius) apud Antiochiam, Daphneasem lucum, delectatus loci amenitate, & aquarum abundantia, addito nemore consecravit.* Strabo Lib. XVI. Ul-

terius (Antiochiam) est *Daphne* ad stadia quadraginta, mediocri vicus, & lucus ingens & opacus, fontanis aquis irriguus, &c. Ammianus Marcellinus Lib. XIX. cap. xxix. *Apud Daphnem amenum illud & ambitiosum Antiochie suburbanum.* Hunc locum, & fontem late describere Philostratus Lib. I. de Vita Apollonii, cap. xii. Sozomenus Lib. V. Historiæ Ecclesiasticæ cap. xviii. Procopius Lib. II. Belli Persici cap. xii. e recentioribus Isaacus Casaubonus in Notis ad Marcum Antoninum Capitolinum, Ortelius in Theatro Orbis. Eius frequentissima mentio apud auctores etiam ecclesiasticos, præsertim in Actis S. Babylonæ, & apud S. Chrysostomum oratione in S. Babylonem: vide quoque II. Machabæor. iv. vers. 33. Antonius Nebrissensis, cap. xiv. Quinquagena, hunc locum ex Numeris de fonte *Daphni*, enarrat: quem etiam appellatum fuisse Castalium fontem divinatorium, discis ex Ammiano Lib. XXII. cap. xxx. & Sozomeno Lib. V. cap. xviii. Drusius existimat, vocem *Daphnim* hic non esse positam a Nostro, sed ab erudito quodam ex Commentariis ad xlvii. Ezech. primum ad marginem tamquam glossema adscriptam, deinde in contextum illapsam. Nam satis apparet S. Hieronymum eam non legisse, sed intellexisse dumtaxat. Quod vero hoc versu Hebraice additur, *Et ab Oriente ipsi Gbain*, quidam putant, esse eum locum cuius mentio existat Iosue xv. vers. 32. Sed ille fuit in tribu Iudæ, hic in tribu Nephthali, vel ulterius. AD MARE CENERETH. Hic est insignis ille Galilææ lacus evangelica historia nobilitatus. Quidam dictum volunt a *Cenereth* urbe in eius littore posita, Iosue xix. vers. 35. quæ postea dicta Tiberias; & mare ipsam Tiberiadis. Eusebius, & S. Hieronymus in Locis: *Cenereth mare, ubi est terminus Iudæe, in tribu Nephthali.* Sed & oppidum quod in honorem Tiberii Cæsaris Herodes rex Iudæe (potius tetrarcha Galilææ) postea insauratum appellavit Tiberiadem, servit hoc primum appellatum nomine. Ab Herode tetrarcha Galilææ ædificaram, & in honorem Tiberii Tiberiadem nuncupatam, diserte scribit Iosephus Lib. XVIII. Antiquit. cap. iii. a qua urbe appellatum *Mare Tiberiadis* Ioan. vi. vers. 1. non est dubium. Pau-

sanias Lib. V. numer. 154. *paludem*, seu stagnum Tiberiadem vocat. Plinius Lib. V. cap. xv. lacum, *Tarichæam* ab aliquibus appellatum tradit, a Tarichæa urbe ad meridiem eius laci posita. Alii כנרת *Cinnereth* dictum existimant, quod formam citharæ referat, quæ Hebræis dicitur כנור *cinnor*, aut כנרת *cinnereth*. In Evangeliiis interdum vocatur *Genasar*, & *Genesareth*, ut etiam I. Machabæor. xi. vers. 67. quo etiam nomine eum Chaldei Paraphrastæ nuncupant *Genosar* cum Sammech. Græci Græcum etymon ei assignunt, *Genasar* quali gignentem, seu spirantem auram, quod frigida aura perfertur: alii luxatum nomen putant ab Hebræo. *Cinnereth*, ut sit *Genesareth*, quasi *Cinereth*: nonnulli compositum faciunt a כן *gan*, hortus, & כר *sar*, princeps, quod tota illa regio lacui circumposita, regis & principalibus hortis & pomariis constituta esset, ut fuisse Iosephus describit Lib. III. Belli, cap. xviii. & inter alia inquit: *Egregia quidem terra, & quodammodo regalis.* Sed & ipsum lacum ipse Iosephus pluribus ibidem exponit, & Plinius Lib. V. cap. xv. Ptolemæus Lib. V. cap. xv. Pausanias Lib. V. pag. 153. Egeippus Lib. III. Excidii, cap. xxvi. Vitruvius in Historia Ierololymitana cap. LIII.

V. 15. AD ORIENTALEM PLAGAM. Hebr. *Ad Orientem; ad ortum, seu exortum solis.* Quidam, *Ab anteriore parte, Orientem versus.* Exultimo, hanc geminationem Orientis significare verum & directum Orientem utriusque AEquinoctii. Vide Exodi xxvii. vers. 12. Hispanicus Interpres, *Al oriente, al nacimiento del sol.*

M E N O C H I I.

Vers. 2. **H**IS FINIBUS TERMINABITUR. Apte post positum præceptum de delendis habitatoribus, fines hic terræ, quam occupaturi essent, statuuntur, ut scirent quarum regionum incolas essent delaturi, & quarum possessionem accepturi.

V. 3. A SOLITUDINE SIN. Incipit hanc terminorum descriptionem a latere meridiano, in angulo ubi latus meridianum iungitur lateri orientali: ille enim angulus incipiebat a solitudine. *Sin*, Hebr. ים תשן, per Thade, ne existimes esse desertum il-

Iud Sin cuius est mentio Exod. xvi. 1. ubi in Hebræo est סין *Sin*. CONTRA ORIENTEM, versus Orientem; hoc est, ubi latus orientale concurrere debet cum meridiano, & angulum communem efficere. MARE SALSISSIMUM est lacus Sodomorum, sive Asphaltites ubi prius fuit Pentapolis: dicitur falsissimum, quia omnia maria saltem Iudaica falsedine multum superat. Causa tantæ falsedinis sulphur, bitumen; sal, quæ in Pentapoleos incendio e cælo deciderunt.

V. 4. ASCENSUM SCORPIONIS. LXX. πρὸς ἀναβάσιν ἀραβίῳ, *per ascensum Arabiam*. Loci est nomen, & secundum aliquos etiam urbis, aut regionis, quam putant esse eam quæ Lib. 1. Mach. cap. v. num. 3. vocatur Acrabathena, cuius sententiæ auctor videtur S. Hieron. in cap. 1. Abdia, *Que vergit*, inquit, *ad Scorpionem, id est ad urbem Acrabathenam*. IN SENNA. D. Hier. in locis Hebraicis ait esse petrae nomen: & fortasse est petra illa, cuius fit mentio Iudic. 1. num. ult. quæ cum Ascensu scorpionis statuitur esse Amorrhæorum terminus. A MERIDIE: in Hebræo est *ad meridiem*; & ita etiam habent LXX. πρὸς δύσιν; & idem sensus nostri Interpretis, cui, *A meridie*, idem est ac versus meridiem.

V. 5. USQUE AD TORRENTEM ÆGYPTI. Hic torrens rivulus est, qui ex deserto veniens iuxta Rhinocolluram in mare Mediterraneum delabitur, terramque tribus Iuda, & Simeon a deserto, viaque Ægypti determinat. Passim in Scriptura hic torrens ponitur australis terminus terræ promissæ. MAGNI MARIS, Mediterranei.

V. 6. ET IPSO FINE CLAUDETUR. Sensus est: Plaga occidentalis sicuti a mari ipso initium accepit, ita ipso mari finem habebit; nec erit aliud quod concludatur ille limes occidentalis, quam ipsius maris litus. Non tamen exilimes, totum litus Mediterranei Occidentem spectans datum esse Hebræis; sed tantum usque ad eam eius littoris partem, quæ Libano aut Hor monti eregione respondet: hinc enim inchoatur latus septemtrionale terræ promissæ.

V. 7. Pervenientes, recta linea. USQUE AD MONTEM ALTISSIMUM. In Hebræo habetur הַר הַבָּחַר *hor bahar*, *Hor*

montem. LXX. qui habet παρά τοὺς ὄρους, *Apud montem montem*, videntur in Hebræo legisse non הַר, sed הָרִי. Mons igitur ille Hor velet promontorium aliquod Libani ita dictum, vel si legamus הַר *mons mons* ita diceretur propter Libanum, & Antilibanum, duo quasi eiusdem montis iuga & vertices.

Vers. 8. A QUO VENIENT IN EMATH. Urbs hæc fuit in parte Aquilonari terræ promissæ iuxta Libanum montem. Scribit S. Hieron. in cap. x. Isaia, Emath Epiphaniai fuisse a Syris etiam suo tempore appellatam. SEDADA: urbs, vel vicus ad litem plagæ septemtrionalis. Eiusdem mentio est Ezech. xlvii. 16.

V. 10. SEPHAMA quis locus sit, non constat. S. Hieronymus nihil aliud habet quam esse terminum Iudææ ad solis ortum.

V. 11. CONTRA FONTEM DAPHNIM. In Hebræo est tantum *Contra fontem*, illum scilicet qui contra Reblata est notus & celebris: fortasse ita dictus a laurorum multitudine, ut etiam suburbanum celebre Antiochiæ urbis: & fortasse nostra Daphne illa est, cuius meminit Iosephus. Lib. IV. belli Iudaici cap. 1. quæ ad lacum Semechonitem sita est. Divus tamen Hieronymus, Daphnem hanc vellet esse eam quæ vicina Antiochiæ est. Vide Bonfrerium hic late de hoc, & erudite disputantem. AD MARE CENERETH, quod est mare illud, seu stagnum quod mare Galilææ, aut stagnum Genesareth, aut mare Tiberiadis passim appellatur in Evangelio.

V. 12. USQUE AD IORDANEM, Iordanem scilicet maiorem. Idem fluvius dicitur Iordanis minor, donec ad locum Genesareth perveniat; maior postquam ab eo lacu egressus usque ad mare mortuum decurrit.

V. 13. SINGULI PRINCIPES DE TRIBUBUS SINGULIS: non principes totius tribus, sed principes aliquarum familiarum in sua tribu.

T I R I N I.

Vers. 3. MARE SALSISSIMUM est mare mortuum, seu lacus Asphaltites, seu Sodomorum. In Hebræo vocatur *Mare salis*, quod cetera maria Iudaica falsedine multum superet. Causa tantæ falsedinis est sulphur, bitumen, &

fal, quæ in incendio Pentapoleos e cælo deciderunt, & quorum regio illa ferax a est. Plura de hoc mari vide Gen. xix. vers. 26. Ab hoc mari, seu lacu defumebantur termini orientales Iudææ, quæ ad septemtrionem habebat mare Cenereth, quod a regione Cenneroth ei lacui adiacente III. Reg. xv. vers. 20. vel ab urbe eiusdem nominis vicina in tribu Nephthali b sic nominatur. Sed in Evangelis alia subinde sortitur nomina: vocatur enim stagnum Genesareth, mare Galilææ, mare Tiberiadis, a regione Genesareth, & Galilææ, & urbe Tiberiade, eidem lacui adiacentibus. Dico, hos fuisse terminos aquilonares, & orientales Iudææ. Nam si totam terram sanctam spectemus, prout illa possessionem universam Israelitarum complectitur, cum Rubenitæ, Gaditæ, & dimidia tribus Manasse ultra Iordanem versus Orientem, & tribus Nephthali ultra mare Cenereth versus Aquilonem habitarent, alii termini necessario assignari debent. Itaque terra sancta ab Aquilone terminatur Phœnicia, Syria Libanica, & Syria Damasci; ab Ortu Arabia; ab Austro deserto Sin, regione Cedar, & AEGYPTO; ab Occidente mari magno seu Mediterraneo. Quantus autem fuerit hic terræ tractus, quæ nomina provinciarum & urbium totius terræ sanctæ, vide in tabula quam libro præfiximus, & apud Adrichomium qui hæc accurate prosequitur. Hoc constat, amplitudine sua non excessisse Belgium nostrum, fere tamen æquasse.

V. 4. PER ASCENSUM SCORPIONIS. Hebraice עקרבים *Acrabin*, nomen proprium est loci, a multitudine scorpionum ibi degentium sic nominati, inquit Abulensis, & Lyranus, vel a collum & cacuminum curvitate, ut Emmanuel Sa, & Mariana. Unde Andreas Masius c, *Ascensum Scorpionis vertit, collem Acrabin*; Arias Montanus, & Serarius d, *Montes Acrabin*. Et certum est, etiam urbem eiusdem nominis fuisse in Idumæa ad ipsa confinia Iudææ Acrabata dictam, ut ex Lib. I. Maehabæorum vers. 3. Hieronymo, & Iosepho patet, a qua Acrabatenæ toparchia nomen accepit.

V. 11. IN REBLA, alias *Reblatha*: ubi Nabuchodonosor aliquando stativa sua fixit IV. Reg. v. CONTRA FONTEM DAPHNIM. Ne putes, hic agi de Daphne

Syriæ Antiochena, seu de ambitioso Antiochiæ suburbano perennibus irriguo fontibus, omnium historicorum scriptis celebri, licet id putarit S. Hieronymus, & Antonius Nebrissensis e: nam illa Daphne procul est extra limites terræ sanctæ, intra quos tamen hæc nostra statuitur. Itaque cum Iosepho f, & Adrichomio dic; Daphnum esse illam quæ sita est ad lacum Semechonitem (qui in tabulis geographicis *Aqua Meron* dicitur, & Iordane interfecatur) estque ad instar alterius Daphnes Antiochenæ, deliciosissimus locus, fontibus ubique irriguus, & lauris ac cupressis pulcherrime confectus. Neque mirum, pluribus & valde diffitis locis, ob similitudinem quarundam rerum, unum subinde & idem nomen impostum fuisse, cum in plurimis regnis id usu venire etiamnum cernamus; verbi gratia, Vienna Austriæ, & Galliæ; Lugduno Galliæ, & Bataviæ; Valentia Hispaniæ, & Galliæ, &c.

(a) Sophoniz 17. vers. 9.

(b) Iosue xix. vers. 35.

(c) Masius in Iosue xv.

(d) Arias Mont. in Chanaan, Serarius in Iosue xv. & Iudicum 1. I. Mach. v. vers. 3.

(e) Hieron. in cap. 1. Abdiæ. Iosephus Lib. XII. Antiq. cap. xi. & Lib. III. Belli cap. 1. Hieron. in Ezech. xlviii. Nebriss. cap. xiv. Quinquagena.

(f) Iosephus Lib. IV. Belli cap. 1. apud Bonfrenium: ubi vide plura de hac rc.

GORDONI.

Vers. 2. **P**ost imperatam terræ divisionem, recte hic describuntur termini totius terræ dividendæ in ambitu. Initium sumitur a Sin solitudine. Hebr. יַם תְּשִׁין. Est velut angulus inter latus meridionale, & latus orientale. Non est desertum Sin (Hebr. יַם סִין) ubi fuit mansio trigesima tertia. Vide Exod. cap. xvi. vers. 1. Hinc iam deducitur descriptio totius terræ versus quatuor mundi plagas, quas in tabulis geographicis facile est intueri.

V. 3. MARE SALSISSIMUM lacus est Sodomorum. Dicitur etiam Mare solitudinis, nempe iuxta solitudinem Sin: & est ad Orientem terræ sanctæ. Vide Gen. cap. xiv. Præter hunc lacum est mare Tiberiadis in terra promissionis, cui vicinum est quod vers. 5. vocatur *Mare magnum*,

gnum, hoc est Mediterraneum. De his terminis vide Iosue, cap. 1. vers. 4.

V. 4. QUI CIRCVIBUNT; hoc est, termini ambient, AUSTRALEM PLAGAM terræ vestræ PER ASCENSUM SCORPIONIS. Sept. *πρὸς ἀνατολὴν ἀναβαίης*: retinuerunt vocem Hebraicam עקרבִים *bhakkabbim*. Putant omnes fere esse nomen loci a scorpionibus dictum, seu montem a serpentibus sic nominatum. Vide Iudic. 1. vers. ult. Ibi postea urbs Acrabathena, I. Machab. v. vers. 3. SENNA hic est Sin. Hebr. סנה *Tfna*: nam ה positum in fine, est *He* locale, designans motum ad locum; & per *in* explicatur. Ceterum non est mons Sinai, sed locus aliquis, aut mons, posteris parum notus. Descriptio tamen ista excurrere videtur versus Austrum; ut indicant loca hic, & vers. 5. apposita, uique ad mare magnum, seu Mediterraneum.

V. 7. & 8. Mons hic altissimus est Hor. En descriptionem plagæ occidentalis, & deinde septemtrionalis, per terminos suos. ΕΜΑΤΗ hæc minor est, postea dicta Epiphania ab Antiocho Epiphane. Altera erat Emath maior, postea vocata Antiochia, & caput Syriæ. Ceterum in Hebr. est הַר הַבָּהָר *hor bahar*, *Hor montem*, quasi hoc sit nomen montis proprium. Aliqui etiam faciunt partem Libani, vel ut alterum iugum, seu promontorium Libani, nempe biverticis; quasi Libanus, & antilibanus: sed tunc in Hebr. oportet legere aliter, scilicet הַר הַבָּהָר *har bahar*, ut habent Septuag. *Mons & mons*: & forte ita legit Hieronymus, nondum appositis pun-

ctis Masorethicis: vel certe *Mons montis*; quasi mons monti impositus, unde vertit *altissimus*.

V. 11. Fons Daphnis est celebris, aquis abundans, lauris, & amœnitate commendatus. CENERETH mare, seu Cinnereth urbs, ibi est Genezareth a Tiberio dicta Tiberias. Vicinæ erant urbes Nazareth, Betsaida, & Capharnaum. Erat etiam hoc mare falsissimum, vers. 12. ubi limes ab Oriente ponitur Iordanis. Vide Ioseph. Lib. V. Antiquit. Nascitur ad radices Libani, ex duorum rivulorum, Ior, & Dan, confluxu. Docet vero Iosephus Lib. III. Belli, cap. xviii. fontem, seu rivum Dan derivari ex lacu Bafan in Bafanitide trans Iordanem.

V. 15. Hos terminos describit etiam Ezechiel cap. lxxvii. DUAE SEMIS TRIBUS duæ tribus, & media.

V. 17. QUI TERRAM, לָכֶם, VOBI; id est, pro vobis possessionem terræ capient, &c.

EX EIVSDEM AUCTARIO.

V. 5. TORRENTEM. Hic ponitur terminus terræ pomissæ versus Meridiem. Venit torrens iste a deserto per Rhinocoluram in mare Mediterraneum.

V. 6. IPSO FINE CLAUDETUR. Versus occidentalem plagam non est alius terminus quam mare Mediterraneum, protensum usque ad Libanum, & unde incipit latus septemtrionale.

C A P U T XXXV.

Affignari iubentur urbes & suburbana Levitis, & urbes refugii pro homicidio non voluntario: lex homicidii voluntarii, & non voluntarii: unius testimonio nemo puniendus.

I.  AEC quoque locutus est Dominus ad Moysen in campis Moab supra Iordanem, contra Iericho: 2. (a) Princeps filiis Israel ut dent Levitis de possessionibus suis 3. urbes ad habitandum, & suburbana earum per circuitum, ut ipsi in oppidis maneat, & suburbana sint pecoribus ac iumentis: 4. quæ a muris civitatum forissecus, per circuitum mille passuum spatio tenduntur: 5. contra Orientem duo millia erunt cubiti, & contra Meridiem similiter erunt duo millia: ad mare quoque, quod respicit ad Occidentem, eadem mensura erit, & septentrionalis plaga equali termino finietur: eruntque urbes in medio, & foris suburbana. 6. (b) De ipsis autem oppidis, quæ Levitis dabit, sex erunt in fugitivorum auxilia separata, ut fugiat ad ea qui fuderit sanguinem: & exceptis his, alia quadraginta duo oppida, 7. id est simul quadraginta octo cum suburbanis suis. 8. Ipsæque urbes, quæ dabuntur de possessionibus filiorum Israel, ab his qui plus habent, plures auferentur; & qui minus, pauciores: singuli iuxta mensuram hereditatis suæ dabunt oppida Levitis. 9. Ait Dominus ad Moysen: 10. Loquere filiis Israel, & dices ad eos: (c) Quando transgressi fueritis Iordanem in terram Chanaan, 11. decernite quæ urbes esse debeant in præsidia fugitivorum, qui nolentes sanguinem fuderint: 12. in quibus cum fuerit profugus, cognatus occisi non poterit eum occidere, donec stet in conspectu multitudinis, & causa illius iudicetur. 13. (d) De ipsis autem urbibus, quæ ad fugitivorum subsidia separantur, 14. tres erunt trans Iordanem, & tres in terra Chanaan, 15. tam filiis Israel, quam advenis atque peregrinis, ut confugiat ad eas qui nolens sanguinem fuderit. 16. Si quis ferro percusserit, & mortuus fuerit qui percussus est: reus erit homicidii, & ipse morietur. 17. Si lapidem iecerit, & ictus occubuerit: similiter punietur. 18. Si ligno percussus interierit: percussoris sanguine vindicabitur. 19. Propinquus occisi, homicidam interficiet: * statim ut apprehenderit eum, interficiet. 20. (e) Si per odium quis hominem impulerit, vel iecerit quidpiam in eum per insidias: 21. aut cum esset inimicus, manu percusserit, & ille mortuus fuerit: percussor, homicidii reus erit: cognatus occisi statim ut invenerit eum, iugulabit. 22. Quod si fortuito, & absque odio 23. & inimicitii, quidquam horum fecerit, 24. & hoc audiente populo fuerit comprobatum, atque inter percussorem & propinquum sanguinis quæstio ventilata: 25. liberabitur innocens de ultoris manu, & reducetur per sententiam in urbem, ad quam confugerat, manebitque ibi, donec sacerdos magnus, qui oleo sancto unctus est, moriatur. 26. Si interfector extra fines urbium, quæ exilibus deputatæ sunt, 27. fuerit inventus, & percussus ab eo qui ultor est sanguinis: absque noxa erit qui cum occiderit: 28. debuerat enim profugus usque ad mortem Pontificis in urbe residere: postquam

autem ille obierit, homicida revertetur in terram suam. 29. Hæc sempiterna erunt, & legitima in cunctis habitationibus vestris. 30. Homicida sub testibus punietur: ad unius testimonium nullus condemnabitur. 31. Non accipietis pretium ab eo qui reus est sanguinis, statim & ipse morietur. 32. Exules & profugi ante mortem Pontificis nullo modo in urbes suas reverti poterunt: 33. ne polluantur terram habitationis vestræ, quæ infantium cruore maculatur; nec aliter expiari potest, nisi per eius sanguinem, qui alterius sanguinem fuderit. 34. Atque ita emundabitur vestra possessio, me commorante vobiscum: ego enim sum Dominus qui habito inter filios Israël.

(a) Ios. xxi. 2. (b) Ios. xx. 8. Deuter. iv. 41. (c) Deuter. xix. 2. Ios. xx. 11. (d) Deuter. iv. 41. Ios. xx. 7. 8. (e) Deuter. xix. 21.

B R U G E N S I S

ROMANA CORRECTIO.

V. 19. Statim ut apprehenderit eum, interficiet. Pro interficiet invenio in libris anti-

quis percutiet, quod idem unum est; sed passivum interficietur, quod est in aliis exemplaribus, spurium est.

C O M M E N T A R I A.

S A.

Vers. 3. SUBURBANA, id est prædia prope urbes.

V. 4. MILLE. LXX. bis mille passuum. Hebr. Chald. & LXX. cubitorum. Nota, quod erant, ut statim dicitur, duo millia undique; sed in prioribus mille non licebat plantare, aut ædificare: vel spatium illud duorum millium passuum incipiebat post milliaria a civitate: vel passus continebat duos cubitos. Hebr. tamen eadem vox est quam Interpres vertit *passum*, & *cubitum*. Forte verior est sententia, quod dictum est prius mille, explicari postea, ut intelligatur mille bis, scilicet duo millia; quasi dicat: Spatium per mille passus extendetur, nempe bis mille in omnem partem.

V. 6. AUXILIA, id est refugium. FUDERIT, scilicet hominem occidendo.

V. 8. MENSURAM, id est proportionem, seu quantitatem.

V. 11. NOLENTES: sic LXX. at Heb. & Chald. per ignorantiam, seu errorem: sic etiam infra.

V. 19. INTERFICIET; id est, data sententia a iudice poterit interficere: sic infra. Vide Deuter. xix. & August. q. lxxv. in Num. Chald. & hic, & infra addit: Quando fuerit condemnatus in iudicio.

V. 21. IUGULABIT. Hebr. Interficiet. V. 24. VENTILATA, id est discussa seu examinata.

V. 26. EXTRA FINES, scilicet egressus, ut patet ex Hebr. Chald. & LXX. & sequentibus.

V. 29. SEMPITERNA. Hebr. & Chald. statuta, seu decreta in generationibus vestris.

V. 30. PUNIETUR. Hebr. Occidetur.

V. 34. EMUNDABITUR. Hebr. Non polluetur.

E S T I I.

Vers. 13. & 14. DE...URBIBUS QUAE AD FUGITIVORUM SUBSIDIA SEPARANTUR, TRES ERUNT TRANS IORDANEM, ET TRES IN TERRA CHANAAN. Queritur, quare non plures in terra Chanaan, vel pauciores trans Iordanem pro ratione numerum trium, & magnitudinis terræ? Respondendum videtur, quia expediebat homicidas quam longissime abesse a loco commissi homicidii, ut sic passim homicidæ ex terra Chanaan, etiam possent fugere trans Iordanem. Interim quia remotior pars terræ Chanaan longius inde aberat quam ut potuissent homicidæ facile trans Iordanem pertingere, & non propinquum

rum aliquis eos insequens interim assequeretur, propterea etiam in ipsa terra Chanaan totidem deputata fuerunt, nempe similiter tres urbes refugii.

V. 19. PROPINQUUS OCCISI HOMICIDAM INTERFICIET: & rursum V. 21. STATIM UT INVENERIT, IUGULABIT. Hæc verba ita sonare videntur, quasi liceat propinquo eius qui occisus est, etiam non habita iudicis sententia, homicidam, ubicumque invenerit, occidere. Sed non ita intelligi posse, ex hoc eodem cap. ostenditur: sequitur enim: *Quod si fortuito, & absque odio & inimicitia quisquam horum fecerit, & hoc audiente populo fuerit comprobatur, liberabitur innocens de ultoris manu: & infra etiam elarius: Homicida sub testibus puniatur: ad unius testimonium nullus condemnabitur.* Oportebat ergo causam homicidæ prius examinari in iudicio, auditis testibus; in quo si condemnatus esset tamquam homicida voluntarius, tum demum poterat propinquus occisi homicidam, ubicumque eum invenisset, interficere etiam in urbe refugii. Nam & de homicida voluntario alibi dictum: *De altari meo avellat eum.* Lyranus super Iud. VIII. videtur quoque sentire, quod propinquus occisi teneretur esse executor huius iustitiæ; sed verisimilius est, eum potuisse quidem per se illum occidere, si vellet, sed non debuisset; fuisseque etiam eum ministrum iustitiæ publicæ, qui id tunc faceret.

MARIANAE.

Verf. 4. **M**ILLE PASSUUM SPATIO TENDENTUR, scilicet ager urbis Leviticæ. Hebr. *A muro urbis & extra mille cubiti circum;* hoc est, omni ex parte ager mille cubitorum erit: sic Chald. & Sept. cubitos posuerunt, non passus; sed Sept. in Regiis mille cubitos ponunt, in Romanis bis mille.

V. 5. CONTRA ORIENTEM DUO MILLIA ERUNT CUBITI. Hebr. *Angulum, seu latus Orientis duo millia in cubito.* Ecce cur Hieronymus superius passum posuit, ut singuli duos cubitos continerent, & loci discrepantes conciliarentur. Sed neque passus duos cubitos tantum continet, & præstabat prius dictum de diametro seu radio intelligere, qui ex

quavis urbis parte mille cubitorum erat, totus citra & ultra urbem duo millia cubitos continebat; posterius de circumferentia, ut ad quamque cæli plagam costa duo millia cubitos pateat, universa contineret octo millia cubitos: qui numerus cum diametro ex utraque urbis parte duorum millium satis convenit, inclusa ipsa urbis latitudine, qua iuxta rationes Geometricas recte is numerus cubitorum efficiebatur. Certe enim circumferentia diametro triplo maior est in circulo quidem; at in quadrato, quadruplo est maior, ut hic. Ergo ab urbis medio mille radii cubiti inchoent, ut omnia constant.

V. 16. SI QUIS FERRO PERCUSSE- RIT. Hebr. *Et si in vase ferri (pro, instrumeto ferreo) percussit eum, & mortuus fuerit, occisor ipse; morte morietur occisor.* Sed & mutatis punctis, priori loco exponi potest, *Occisus ipse mortuus fuerit*, quod Hieronymus dixit: *Mortuus fuerit qui percussus est: qui percussit, reus erit homicidii.*

V. 29. HÆC SEMPERITÆNA ERUNT. Hebr. *in statuto iudicii*, id est magnæ deliberationis. Hieronymus sententiam expressit.

V. 30. HOMICIDA SUB TESTIBUS PUNIETUR. Sententia exprimitur: alioqui Hebr. *Omnis percussor animæ ad os testium occidet occisorem: & testis unus non respondebit in animam ad mortem.* Ita neque iudicium sine testibus exerceri vult, neque testem unum sufficere.

V. 32. EXULES ET PROFUGI. Hic etiam sententia est reddita. Hebr. *Non accipietis pretium ad fugientem (pro, ab eo qui fugit) ad civitatem refugii, ut revertatur ad habitandum in terra usque ad mortem sacerdotis.* Itaque *דִּבְלָן* hoc loco non est infinitivus, ut significet ad fugiendum, sed est participium, aut nomen adiectivum: sic notat quidam Hebræus. Ita pecunia non dabatur ad fugiendum, sed a fugiente, ut ante tempus rediret domum suam.

V. 33. Vide quomodo terra polluitur cæso homine, & quomodo expiatur per sanguinem homicidæ.

M A L V E N D A E.

Verf. 4. **M**ILLE PASSUUM SPATIO. Hebr. mille cubiti

in circuitu, seu circumquaque. Quidam cubitos hic accipiunt notæ seu communis mensuræ, ut appellatur Iosue III. verf. 4.

V. 5. DUO MILLIA ERUNT CUBITI. Verf. 4. mille tantum cubiti, hic vero duo mille ponuntur. AEgre Explanatores hunc versum cum præcedente conciliant. I. In versu 4. subaudiendam vocem *bis*, nempe mille bis cubiti, e versu 5. ut hic sit exegesis præcedentis: ridicule. II. In versu 4. intelligi cubitos geometricos sacros, de quibus I. Reg. VI. verf. 2. & cap. VII. verf. 15. quos aiunt communibus & vulgaribus, de quibus versu 5. duplo fuisse maiores; uti de siclis plurimi censent. Sed observant quidam, sacros cubitos non ad puræ aræ, aut nudi soli mensiones, sed ad structurarum commensus pertinere in sacris Scripturis. III. Mille cubitos versu 4. propinquiores urbi datos tantum rei pecuariæ, in quibus non licebat ædificare domos, plantare vineas, arare, serere, sed solum pecora, & iumenta pascere; alios vero mille remotiores, verf. 5. permissos culturæ. Sed id fundamento carere plerique notant. IV. A pariete urbis extimo ad extremum suburbanum prædium mille tantum cubitos quaque versum extitisse, versu 4. at circumferentiam totam octo millia cubitos complexam, & singulas quatuor circumferentiæ costas, ad singulas cæli plagas, iuxta rationes geometricas, bis mille cubitos, quod dicitur hoc versu 5. V. Alii bis mille cubitos accipiunt ab una extremitate suburbanii prædii ad oppositam ei extremitatem; nempe quod mille cubitorum spatium imperatur a civitatis muro extimoad prædiorum terminum, ut quamcumque partem inspecies, comperias bis mille cubites iuxta diametrum esse (omisso tamen in medio, civitatis spatio) ab una suburbii extremitate, puta orientali, ad alteram oppositam occidentalem; & ita de diametro in aquilonem. Opponunt, iuxta hanc interpretationem mediam verf. 5. partem redundare, nempe totum illud de angulis seu plagis, occidentali, & aquilonali. Verum notant, id

non perissologizæ, aut battologizæ, sed exegesi populari deputari oportere: qualem exegesim observant etiam Ezechielis XLII. verf. 16. & seqq. & cap. XLVIII. verf. 16. & seqq.

V. 8. AB HIS QUI PLUS HABENT, PLURES AUFERUNTUR; ET QUI MINUS, PAUCIORES. Nos Hebræa ex verbo reddidimus (*Et urbes quas dabitis de apprehensione filiorum Israel, de ad multum multiplicabitis, & de ad paucum pauce facietis, vir secundum os hereditatis sue, quam hereditabunt, dabit de urbibus suis Levitis.*) Alii sic: *Ab eo qui plures habuerit, plures accipietis; & ab eo qui pauciores, pauciores accipietis.* Quidam: *A multo multiplicabitis, a paucis diminuetis.* Nonnulli: *Qui multa habent, multa dabunt; ab his autem qui pauca habent, pauca accipietis.* Aliqui: *De eius possessione, qui multus est, id est qui ampliorem accepit hereditatem, multiplicatote dare, id est multas datote; de eius vero possessione, qui paucus est, id est qui minorem accepit hereditatem, minuite dare, vel date pauciores: quod intelligitur e cap. XXXIII. verf. 54. supra.*

V. 11. DECERNITE QUAE URBS ESSE DEBEANT. Verbum *Karab*, in Pihel, & in Hiphil, ut hic ponitur, notant quando de domo, seu civitate dicitur, & regit post se accusativum, tum significare *contiguare*, tignis tecta coniungere, facere ut tigna occurrant, & coaptentur invicem, & coagmententur: nimirum ex voce קרֶה *koreh*, *signum*, *trabes*, *tabulatum*, quali *contiguare*, *contrahere*, *contabulare*. Hic varie reddunt. I. *Et contignabitis vobis urbes.* II. *Et constituetis vobis urbes.* III. *Contingere facietis vobis civitates.* IV. *Et facietis occurrere*, id est *constituetis, vobis urbes; vel facietis obvenire, sive ut obveniant, vobis urbes; id est, sorte constituetis.* V. *Postquam sortiti eritis civitates obventuras vobis.* Ego existimo, verbum *karab* in hac significatione dici a קרֶה, *civitate*; quasi dicas, si ita dici posset, *urbificare, civitificare*, hoc est *civitatem constitnere.* Vide Exodi XXI. 13.

V. 12. COGNATUS OCCISI. Proprie, *redemptor, vindex, iure consanguinitatis*, scilicet interfecti: nam ex lege Dei permittebatur consanguineo eadem necessaria persequi, infra vers. 19. & 21.

V. 12.

V. 12. DONEC STET IN CONSPECTU MULTITUDINIS, ET CAUSA ILLIUS IUDICETUR. Hebr. quidam ita reddunt: *Tantisper dum stat coram cœtu in iudicium*, id est coram cœtu suo, ac legitimo, cui deferatur huius facti cognitio ex iure, infra vers. 24. Hinc colligunt, nihil opus fuisse ut ii ad civitatem receptus confugerent, qui in civitate hominem occiderant, aut in alio loco, unde commodius poterant se sistere purgandos magistratui suo. Hunc locum non intellexit Maius in Iosue xxxix. vers. 4. nec illum Deuteronom. xix. vers. 12.

V. 14. ET TRES IN TERRA CHANAN, trans, seu ultra Iordanem scilicet, ut docet præcedens membrum antitheton. Et vero dicendo, *in terra Chanaan*, satis indicat trans Iordanem: nam is præfigitur terminus orientalis Chananæ. De his tribus urbibus vide Deuteronom. xix. vers. 1. & 2.

V. 16. SI QUIS FERRO PERCUSERIT, &c. nimirum ex intentione sciens & prudens, e versu 20. & seqq. Sic duobus versibus sequentibus.

V. 17. SI LAPIDEM IEGERIT, ET ICTUS OCCUBERIT. Hebr. *Et si in lapide manus, quo morietur in eo*, id est in lapide, quem manu proiecerit. Alii: *Et si lapide manuaria, vel manuali, quo quis mori potest*. Hispanica translatio: *Y si con piedra de man, o pedrada*. De manuali lapide vide Lipsium Lib. IV. Poliorceticon, Dialogismo 111.

V. 19. HOMICIDAM INTERFICIET. Hebr. *Mori faciet occisorem*. Alii: *Morti tradet occisorem*; id est, licebit ei interficere, & morti tradere occisorem illum.

V. 21. CUM ESSET INIMICUS. Hebr. *in inimicitia, sua per inimicitiam*. Quidam exponunt, aperta hostilitate, non in senso tantum animo.

V. 25. DONEC SACERDOS MAGNUS, QUI OLEO SANCTO UNCTUS EST, MORIATUR. Notant, quia typus legalis erat Christi abluentis sanguine & morte sua immunditias nostras, sedimentis morte sua nos a peccatis nostris, & constituentis pacem. Sic vers. 28. & 32.

V. 30. HOMICIDA SUB TESTIBUS PUNIETUR. Hebr. verbatim expressum (Omnis percussor animam, ori testium occidet occidentem: & testis unus non re-

spondebit in anima ad mori.) Alii liberius in hunc modum: *Quicumque percussit animam, per testes interfici debet homicida talis*. Futurum *יִירָצֵחַ* iirtzach passive acceperunt, interficietur, occidetur; sed est activum, occidet. Quidam: *Quicumque percussus est aliquem, sive iudex, sive vindex, ex sermone testium occidet occisorem*.

V. 33. QUAE INSONTIUM CRUORE MACULATUR; NEC ALITER EXPIARI POTEST, NISI PER EIUS SANGUINEM, QUI ALTERIUS SANGUINEM FUDERIT. Quidam Hebr. reddunt: *Quia sanguis iste contaminaturus esset hanc terram; pro ea autem terra fieri non posset expiatio a sanguine qui effusus esset in ea, nisi per sanguinem effundentis eum*. Exponuntque: Fieri non posset expiatio, scilicet ante mortem sacerdotis maximi: nam Christus (quem sacerdos summus adumbrat) expiavit omnia morte sua, & reconciliavit nos Deo per crucem in sanguine suo. Notantque hanc legem caeremonialem fuisse, & typicam.

MENOCHII.

Vers. 1. SUPRA IORDANEM, iuxta Iordanem.

V. 4. MILLE PASSUUM SPATIO TENDENTUR. Hoc versu dantur Levitis tantum mille *amma*, id est cubiti; sequenti vero dantur bis mille *amma* (utrobique enim in textu Hebræo est ea vox, quæ cubitum significat) idque ad quamlibet mundi plagam. Varii varia, quorum sententias late explicat Cornelius a Lapide hic, & Serar. in cap. xxi. Iosue quæst. viii. Bonfrerius hic putat textum Hebraicum corruptum esse, & ex nostro emendandum. Deinde docet, passum Græcorum fuisse pedum trium; cubitum vero unius pedis & semis mensuram habuisse. Atque ita sibi noster Interpres coheret, & consentit: nam mille passus, & duo cubitorum millia idem sunt. Rursus docet, passum geometricum, seu compositum Romanum fuisse quinque pedum; cubitum vero sacrum ex Villalpando esse duorum pedum & semis Romanorum. Itaque bis mille cubiti sacri mille passus geometricos Romanos æquant, nec contraria sibi habet nostræ æditionis vulgatus Interpres.

V. 6. QUI FUDERIT SANGUINEM:

qui

qui aliquem occiderit nolens, ac nescius, ut dicitur num. 11. Iosue xxii.

V. 11. DONEC STET, scilicet homicida.

V. 12. COGNATUS EIUS NON POTERIT EUM OCCIDERE: in lege enim veteri ob populi illius duritiam permissum erat cognatis occidere percussorem propinqui sui, absque alia iudicis condemnatione, quocumque loco eum reperirent, ut patet num. 19. & 27.

V. 14. TRES TRANS IORDANEM. Bosor, Ramoth, & Golan.

V. 15. TAM FILIIS ISRAEL, QUAM ADVENIS ATQUE PEREGRINIS. Profelytis tamen, & ad Iudaismum conversis, aliqui docent etiam Gentiles in gentilissimo permanentes ius asyli habuisse.

V. 17. SI LAPIDEM IEGERIT, ET ICTUS OCCUBUERIT, SIMILITER PUNIETUR: si videlicet ictus lapide statim expiraret: si enim ab ictu surrexisset, aut ambulasset, non occidebatur percussor; sed tantum impensas curationis læso solvebat, ut patet Exod. xxi. 19.

V. 19. PROPINQUUS OCCISI HOMICIDAM INTERFICIET. Videtur permitti, non præceptum. Bonfrerius putat, etiam obligatum fuisse occidere, si vel in iudicio homicida nocens fuisset declaratus, vel evidentia facti id constaret: quod colligit ex modo loquendi Scripturæ hoc versu, ac 21. & Deut. xix. num. 12. & 13.

V. 22. ET HOC AUDIENTE POPULO FUERIT COMPROBATUM. Ad hanc rem comprobendam sufficiebat probari, nullum odium, nullam antea inter eos inimicitiam fuisse notatam: hæc enim iuris præsumptio sufficiebat, ut Deut. iv. 42. & Deut. xix. 45. & Iosue xx. 5.

V. 25. SACERDOS MAGNUS MORIATUR. Id ita statutum, ut significaretur Christi morte perfectam libertatem afferendam: quæ ratio literalis est.

V. 27. ULTOR SANGUINIS, propinquus cui competit vindicta. ABSQUE NOXA, non solum absque pœna, sed etiam absque culpa.

V. 30. SUB TESTIBUS, pluribus scilicet, non uno tantum.

V. 33. NE POLLUATIS TERRAM, &c. Terræ maculam quamdam aspergit

sanguis fusus, quamvis innocentis: ea macula censetur abstergeri, cum occiditur ipse homicida. NEC ALITER EXPIARE POTEST, nisi summus Sacerdos forte moriatur: hæc enim sufficiens erat expiatio, ut supra numero 25.

V. 34. EMUNDABITUR: munda conservabitur. ME COMMORANTE VOBISCUM: & ego apud vos ero, vobis savebo, &c.

T I R I N I.

Vers. 6. **S**EX urbes erunt in fugitivorum auxilia, cum iure scilicet asyli. Quænam vero sex illæ urbes fuerint, explicatur Iosue xx. nempe tres cis Iordanem, & aliæ tres ultra Iordanem. Hinc patet, non omnes Levitarum urbes, quæ erant 48. a habuisse ius asyli, sed solum sex illarum quæ æquali spatio distabant a se mutuo, neminis coniunctæ, vel disunctæ essent, utque omni ex parte commoditas esset ad unam aliquam illarum confugiendi, cum necessitas premeret.

Nota primo, ob nullum crimen seu voluntarium seu involuntarium ius refugii datum fuisse Iudæis, præterquam ob homicidium casu patratum. Puto tamen, id etiam locum habuisse, cum quis studio, sed vim vi repellendo, & cum moderamine inculpatæ tutelæ alterum occidisset; sed id publice necdum liquebat: tum enim necesse erat ad asylum confugere, donec iudicium sententis de inculpatæ defensione constaret. Ita Serarius c.

Nota secundo, ob Iudæorum duritiem permisisse Deum a omnibus occisi cognatis, impune quo ad forum tam externum quam internum, occidere percussorem sui cognati, extra asylum deprehensi, etiam ante omnium iudicis sententiam; post sententiam vero, etiam coactos e fuisse occidere, si iudicatum esset, homicidium studio, & iniuste patratum fuisse. Quin etsi iudicatum esset, involuntarium & innoxium fuisse homicidium, si tamen extra locum asyli deprehenderetur homicida; censent aliqui f coactum fuisse lege divina cognatum occisi occidere occiorem, eo quod prætergressus legem divinam de remanendo in asylo, iam innocens esse desineret. Crediderim tamen, non fuisse obligatum occi-

occidere, licet posset: quia possunt permiffive exponi verba legis, in casu innocentis homicidii. Hoc saltem certum, nullo casu licuisse cognatis prece vel pretio transigere cum homicida, etiam innocente, ut impune ex urbe asyli excedere, & ad propria redire posset; idque ad maiorem homicidii horrorem omnibus incutiendum, cum viderent, nolle Deum ne quidem homicidio involuntario perfectam securitatem præstari, saltem ante mortem summi Pontificis.

Nota tertio, confugientis ad asylum causam ventilari, & iudicari debuiffe in porta civitatis, non refugii, ut volunt Masius, Serarius & Arias Montanus in cap. xx. Iosue, sed urbis in qua cædes patrata fuerat, ubi ad manuerant testes, & indicia criminis, vel innocentiae. Ita Rabbinus, Abulensis, Lyranus, & Caietanus. Iudicari, inquam, debebat a iudicibus eius urbis, sed in conspectu multitudinis, seu populi & publice: sic enim solebant olim iudicia in portis urbium exerceri. Huc ergo e loco asyli fida septus custodia reus deducebatur: & innocens iudicatus, ad idem asylum eadem securitate reducebatur. Sin noxiis indicaretur, tradebatur propinquis occisi, qui statim illum occidere, & latam in eum a iudicibus sententiam exequi cogebantur, neque poterant vitam homicidæ donare.

Nota quarto. Quantumcumque innocens deprehensus ac declaratus, debebat in urbe asyli manere usque ad mortem summi Pontificis, quo sublato, ad propria remeabat. Causas huius rei varias profert Serarius k. Vera, & solida, & litteralis est, ut significaretur, non nisi Christi morte peccatori perfectam libertatem obtenturam, reditumque in patriam seu cælum concessum iri: interea in urbe asyli, hoc est in Ecclesia, sacerdotum tutelæ committi debere. Quæ enim figuræ tantum seu signa sunt rei futuræ, vix aliam litteralem causam habent, quam quæ ex analogia & ordine ad rem figuratam desumitur.

Nota quinto, etiam templum, seu locum tabernaculi fuisse pro asylo, sed iis solis qui iam a cæde commissa expiati essent. Sed quemadmodum qui homicidium certo ac scienter patrasset, poterat vi ex urbis refugii extrahi, vel in eis occidi; ita etiam potuit fieri in templo m, & ipsa factum fuit Ioabo III. Reg. 11. ob

geminum homicidium dedita opera ante admiffum.

- (a) Numer. xxxv. vers. 7.
 (b) Deut. xix. vers. 3. & 7.
 (c) Serar. in Iosue xx. quest. 12.
 (d) Numer. xii. vers. 19.
 (e) Vers. 21. & 1. item Deut. xix. vers. 12.
 (f) Bonfret. hic.
 (g) Vers. 31. 32. &c.
 (h) Num. v. vers. 15.
 (i) Vers. 19. 21. 31. & Deuter. xix. vers. 12.
 (k) Serar. in Iosue xx. 5.
 (l) Philo Lib. de Specialibus legibus, & Lib. de Sacerdotum honoribus.
 (m) Exodi xxi. vers. 34.

GORDONI.

Verf. 2. **P**er Levitas intellige hic etiam Sacerdotes. Putat Lyranus, urbes has fuisse Levitarum, solum quoad usum, non quoad dominium: quod non recipitur ab aliis, quia Hieremias erat sacerdos, & tamen scribit ipse cap. xxxiii. se emisit, ac possedisse agrum. Et faveat Act. cap. iv. Verum quidem est, eos in divisione terræ, quam fecit Iosue, non accepisse regionem aliquam, ut acceptarent alii. Vide cap. xviii.

V. 4. & 5. Opponi videntur hi duo versiculi: unus dat mille cubitos, Hebr. מֵאָה אַמָּה; alter dat bis mille. Ubi primum adverte, nostrum Interpretem, quamvis in utroque versiculo sit מֵאָה, tamen quarto versu posuisse *passum*, in quinto posuisse *cubitum*; verum, cubitum utrobique intellexit: nam per *passum* intellexit minorem (qualem modeste ambulantes formant) qui est cubito æqualis; non autem maiorem, qui habet quinque pedes. Ceterum de illa apparente discordia in numero horum cubitorum, discrepant Interpretum sententiæ. Non male augurantur qui ex hoc diagrammate subiecto numerum iniecerunt. Centrum in medio est urbis. Extensiones per quatuor medietates diametri (ut vides) undequaque ad peripheriam suburbanorum dant octies mille cubitos: quilibet enim semidiameter concurrat ad duos efficiendos triangulos, ac proinde ex quolibet latere dat mille cubitos extensionis, ut est duorum triangulorum latus, seu linea dividens inter duas partes suburbanorum. Iam quilibet triangulus propter duo latera, dicitur habere bis mille cubitorum extensionem.

V. 6. DE IPSIS AUTEM OPPIDIS.
 Data:

Datæ sunt hæc civitates ad tutelam innocentium, qualiscrat ille qui nolens, vel nescius occidit. Immo ex vers. 19. & 27. permissum erat cognato occidere percussorem propinqui sui, ut quædam etiam alia ob cordis duritatem permilla sunt: alii, vocato iudice.

V. 11. NOLENTES. Hebr. ignorantēs.

V. 15. ADVENIS ATQUE PEREGRINIS. Hi sunt profelyti: & quidem advena (Hebr. *ger*) si a modico tempore advenit ad Iudaismum; peregrinus vero (Hebr. *ger toman*) qui iam pridem advenit: hi ergo profelyti gaudebant asylo. Vide Levit. cap. xxi.

V. 30. Non vult exerceri iudicium sine

testibus, nec sufficere unum testem: PUNIETUR, Hebr. *Occidetur*.

EX EIUSDEM AUCTARIO.


V. 12. COGNATUS. Satis apparet ex vers. 19. & 27. fuisse in veteri lege permissum cognatis occidere occisorem propinqui, non expectata iudicis sententia. Permissio quidem est, sed præceptum non video.

V. 25. MORIATUR. Hic belle præfiguratur, per Christi mortem futurum ut staret perfecta libertas.

V. 27. ULTOR... SANGUINIS. Loquitur de ultore propinquo, cui competit ultio iure propinquitatis.

C A P U T XXXVI.

Tribus per connubia ne misceantur, ne possessiones confundantur.

1.  Ccesserunt (a) autem & principes familiarum Galaad filii Machir, filii Manasse de stirpe filiorum Ioseph: locutique sunt Moyse coram principibus Israel, atque dixerunt: 2. Tibi domino nostro præcepit Dominus ut terram sorte divideres filiis Israel, & ut filiabus Salphaad fratris nostri dares possessionem debitam patri: 3. quas si alterius tribus homines uxores acceperint, sequetur possessio sua, & translata ad aliam tribum, de nostra hereditate minuetur: 4. atque ita fiet, ut cum iubilatus, id est quinquagesimus annus remissionis advenerit, confundatur sortium distributio, & aliorum possessio ad alios transcat. 5. Respondit Moyses filiis Israel, & Domino præcipiente, ait: Recte tribus filiorum Ioseph locuta est, 6. & hæc lex super filiabus Salphaad a Domino promulgata est: (b) Nubant quibus volunt, tantum ut suæ tribus hominibus: 7. ne commisceatur possessio filiorum Israel de tribu in tribum. Omnes enim viri ducent uxores de tribu & cognatione suæ: 8. & cunctæ semina de eadem tribu maritis accipient: ut hereditas permaneat in familiis, 9. nec sibi misceantur tribus, sed ita maneat 10. ut a Domino separatæ sunt. Feceruntque filia Salphaad ut fuerat imperatum: 11. & nupservnt, Maala, & Thersa, & Hegla, & Melcha, & Noa, filiis patris sui 12. de familia Manasse, qui fuit filius Ioseph: & possessio, quæ illis fuerat attributa, mansit in tribu & familia patris earum. 13. Hæc sunt mandata atque iudicia, quæ mandavit Dominus per manum Moyse ad filios Israel, in campetribus Moab supra Iordanem contra Iericho.

(a) Sup. XVII. 1. (b) Tob. VII. 14.

COMMENTARIA

S A.

Vers. 7. **U**XORES, scilicet quæ succedunt in hereditate paterna; quasi dicat: Tales non ducentur nisi ab iis qui fuerint ex eadem tribu.

V. 8. FEMINAE, scilicet succedentes in paterna hereditate.

V. 13. SUPRA, id est *prope*, ut vertit Chaldaeus.

E S T I I.

Vers. 7. **O**MNES ENIM VIRIDUBU ET COGNATIONE SUA, ET CUNCTAE FEMINAE MARITOS DE EADEM TRIBU ACCIPIENT. Lex ista non eodem modo ab Interpretibus exponitur. Alii eam sic exponunt, ut putent generaliter prohibitum fuisse ne quis uxorem ducat de tribu non sua; ne etiam nubat mulier viro ex aliena tribu. Alii vero intelligunt, legem non ulterius extendendam esse quam ad periculum transferendæ hereditatis de una tribu in aliam. Unde dicunt, solum pertinere ad eas feminas quæ hereditatem acceperunt patris sui, propterea quod fratres non haberent: cuiusmodi fuerunt hæ filiae Salphaad, quæ, ut supra cap. xxvii. dictum est, iuebantur succedere in possessionem debitam patri.

Hæc sententia confirmatur primo ex occasione levis, quia de talibus feminis, & non de aliis questio proponebatur; secundo ex ratione legis quæ subiicitur, *Ut hereditas permaneat in familiis*; tercio, exemplis sanctorum virorum in contrarium. Primo enim legitur David uxorem accepisse Michol filiam Saul, cum David esset ex tribu Iuda, Saul autem, & filia eius Michol ex tribu Benjamin. Secundo legimus Iojudan summum; Pontificem in uxorem accepisse Iosabeth sororem Ochozæ Regis Iuda, II. Paral. xxi. Qyn & Elisabæth uxor Zachariæ sacerdotis fuit, & nihilominus ab Angelo vocatur cognata beatissimæ Virginis Mariæ. quæ sine dubio fuit ex progenie David, & de de tribu Iuda. Denique I. Regum xvii. Saul promittit,

Bib. Sac. Tom. III.

filiam suam se daturum illi qui percussisset Philistæum, nullam tribum excipiens. Qui prohibitionem generalem intelligunt, respondent ad iam dicta exempla, in hac lege dispensatum fuisse in tribu Levi, & Iuda, tum propter nobilitatem utriusque (altera enim erat sacerdotalis, altera regia) tum ut hac ratione pax, & religio vera magis foverentur; sed non ostendunt ubi sit dispensatum; tum etiam non video quomodo excuset coniugium David cum Michol, tum & generalia verba illa Saul I. Reg. xvii.

M A R I A N A E.

Vers. 4. **A**TQUE ITA FIET, UT CUM IUBILAEUS. Tribus Manasse cavet ne per filias Salphaad hereditas transeat ad aliam tribum, si nupserint alienis. Hebr. *Et si fuerit iubilæus*; hoc est, etiamsi fuerit iubilæus, quo tempore alii restituantur in hereditates paternas, nos eo beneficio non fruemur, si filiae illæ nupserint ex alia tribu. Id est QUINQUAGESIMUS ANNUS REMISSIONIS. Hæc explicatio addita est a Hieronymo.

V. 6. TANTUM UT SUAE TRIBUS HOMINIBUS. Hebr. *verumtamen ad familiam tribus patris ipsarum*. Itaque non intra tribum suam, sed etiam cognationem iussæ sunt eligere viros. Et credo propinquiores, ut vidua viro sine liberis defuncto.

V. 8. ET CUNCTAE FEMINAE DE EADEM TRIBU MARITOS ACCIPIENT. Hebr. *Omnes filiae hereditans possessionem ex tribu filiorum Israel, uni ex familia tribus patris sui erit in uxorem*. Ergo vides, non cunctis feminis imponi hanc legem, sed iis tantum quæ ob defectum prolis masculæ succedebant patri in hereditate. Sicque intelligatur quod proximis verbis viris datum est præceptum, ut uxores accipiant de tribu sua, nempe quando illæ sunt heredes. Alioqui satis constat, per coniugia misceri tribus consuevisse.

V. 11. Non eodem ordine filiae Salphaad hic numerantur, & cap. xxvii.

Nn

Ibi

Ibi secundum ætatem numerari videntur, hic iuxta coniugiorum tempus. **FILII PATRUI SUI.** Hebr. *filii patrum suorum*, nempe patru. libus suis: *antiquis* dixere Sept. quæ vox tum *patruales* significat, tum *consobrinos*. Ex hoc loco colligitur, B. Virginem parentum heredem fuisse, & fortasse unicam, & Ioseph eius propinquum maxime fuisse: sic per Ioseph recte Christi progenies deducitur, ut D. Matthæus fecit: quippe Virginis, & Iosephi progenitores iidem.

M A L V E N D A E,

vers. 1. **P R I N C I P E S F A M I L I A R U M** GALAAD FILII MACHIR, &c. Aliqui putant, hic in Hebræo, & in Nostro translationem esse, quam indicat versus 5. nam reliquæ familiæ filiorum Iosephi se adiunxerunt familiæ Ghilhadis, ut ci apud Moſen, & principes Israelis patrocinentur. Unde versum hunc ita reddunt: *Tunc accedentes primores patrum ex familia filiorum Iosephi, cum familia filiorum Gilaaditis, filii Machiris, filii Menaschis, locuti sunt coram Moſe, & coram principibus primoribus patrum inter filios Israelis,*

V. 2. P R A E C E P I T D O M I N U S : supra cap. xxi. vers. 52. & seqq. **D A R E S P O S S E S S I O N E M :** supra cap. xxvii.

V. 3. Q U A S S I A L T E R I U S T R I B U S H O M I N E S , &c. Hunc versum ex verbo ex Hebræo convertimus (Et erunt uni de filiis baculorum filiorum Israel mulieribus: & diminuetur hereditas earum de hereditate patrum nostrorum, & addetur super hereditatem baculi, quibus erunt eis: & de sorte hereditatis nostræ diminuetur.) Alii dilucidius sic reddunt: Si nubent aliqui e tribulibus aliis filiorum Israelis, tum detraberet possessio earum de possessione paternæ nostræ, & addiceretur ad possessionem tribus eorum, quibus nupserint: utique de sorte possessionis nostræ detraberetur.

V. 4. U T C U M I U B I L A E U S . . . A D V E N E R I T : quo aliquin possessiones distractæ & alienatæ, ad priores dominos ex lege redeunt, Levitici xxv. istarum possessio non esset reditura, sed mansura perpetuo in alia tribu iure coniugii.

V. 6. T A N T U M U T S U A E T R I B U S H O M I N I B U S . Hebr. *dummodo familie tribus sui sint in uxores.* Quia hereditatem

patrum suorum obtinuerant, iubentur nedum tribulibus suis, sed insuper ex eadem familia & cognatione paternam nubere. Vide infra vers. 8. Non eadem est ratio de aliis filiabus, quæ in hereditatem paternam non succedebant.

V. 7. O M N E S E N I M V I R I D U C E N T U X O R E S D E T R I B U T C O G N A T I O N E S U A . Perique N. istum saggillant, quod sua interpretatione legem invexerit, & contextui Hebræico, & iuri, & mori recepto adversantem. nec enim prohibiti umquam sunt Israelitæ uxores ex aliis tribubus quam sua ducere: & plane duxisse, variis in Scriptura exemplis constat. Unde Hebræa sic reddunt: *Quisque enim hereditati tribus patrum suorum adhaerebit sui Israel.* Volunt hic reddi causam antecedentis membri: *Et non avertetur hereditas filiorum Israel de tribu in tribum: quisque enim hereditati tribus patrum suorum adhaerebit filii Israel;* id est, manebunt in possessione sua. Nihil hic de coniugiis dicitur. Sed sapientissime Noster verbum *דבא* dabak, de coniugii, nedum hereditatis adhaesione accepit: nam esse interdum proprie coniugale, seu connubiale, ut Genes. 11. vers. 24. Genes. xxxiv. vers. 3. non est dubium. Vide ibidem Notas, Quin Tremellius, & Iunius eam. em. Nostri hic interpretationem probant, cum hunc versum ita convertunt: *Nam non avertetur possessio in filius Israelis a tribu in tribum: cum filii Israelis adhaerebunt quisque possessioni tribus paternæ suæ.* Illud adhaerebunt exponunt, iunctis inter se connubis: nam verbum hoc proprie coniugio tribuitur, ut Genes. 11. vers. 24. Ergo in Nostro illud *Ducunt uxores*, sic capiendum: quæ nimirum succedunt in paternam hereditate, e versu 6. & 8. Et sic omnia conveniunt.

V. 11. FILII PATRUI SUI. Hebr. *patruorum suorum.* Quidam huc filios, posteros intelligunt: nihil enim contra ius & honestatem præcipit Deus, aut Moſes fieri passus est: & hanc vocem *filiorum* late accipi esse notissimum, ut sequens versus innuit. Sed nulla lege divina, aut naturali connubia inter patruales aut consobrinos reperiuntur interdita. Nec ex se iuri aut honestati repugnant, ut Iacob cum Lia, & Rachel.

V. 13. S U P R A I O R D A N E M C O N T R A , seu exadverso, *I E R I C H O .* Hebr. *supra*

supra Iarden Iericho. Vide hanc clausulam expolitam in cap. xxii. vers. 1. & cap. xxvi. vers. 63.

Valentia 13. Iulii 1622. ætatis vero mee LVII. cum tamen opus spatii unius mensis intermissum fuerit, ob iter Madecianum.

M E N O C H I I.

Vers. 1. **P**RINCIPES FAMILIARUM GALAAD: non qui iam acceperant possessionem in terra Galaad, & eam iam incolere cœperant, sed qui trans Iordanem acceperunt erant: nam & hi Galaaditæ erant, a progenitore Galaad; & inter hos filios Salphaad hereditatem accepisse, patet ex Iosue cap. xvii. 3.

V. 2. **E**T UT FILIABUS SALPHAAD, &c. Vide supra cap. xxvii.

V. 3. **T**RANSLATA AD ALIAM TRIBUM, eam scilicet de qua fuisset maritus filiarum Salphaad: nam filii ex eo matrimonio nati, de tribu fuissent patris sui.

V. 7. **O**MNES ENIM VIRI DUCENT UXORES DE TRIBU ET COGNATIONE SUA. Loquitur in casu Mosis proposito, cum scilicet agitur de marito dando mulieri, quæ sit paternorum bonorum heres: hæc enim tantum intra tribum suam nubere poterat. Patet ex Hebræo, in quo num. 8. ita habetur: *Omnis filia hereditatis hereditatem, &c. uni de familia tribus patris sui erit in uxorem, ut accipiant hereditatem filii Israel, unusquisque hereditatem patrum suorum.*

T I R I N I.

Vers. 7. **O**MNES ENIM VIRI DUCENT UXORES DE TRIBU ET COGNATIONE SUA. Non omnes absolute: neque enim tale hic omnibus præceptum datur, licet id censeant Abulensis, & Liranus. Nam constat permissu divino, & variis sanctorum viro- rum exemplis licuisse Iudæis, & ex aliena tribu, & ex aliena gente uxores ducere. Ita permittitur expresse Deuter. xxi. vers. 12. Et David uxorem accepit filiam Saph e tribu Benjamin; Ioiaa sanctus Pontifex filiam regis Ioram de tribu Iuda; Salmon Rahab Chanaanitidem; Booz Ruth

Moabitidem; David Maacham filiam regis Gessur; Salomon filiam Pharaonis; & alii alias. Ergo præceptum quod hic datur, particulare est, & eos solos concernit de quibus quæstio mota fuerat, puta ratione quorum hereditas devolvenda esset ad alienam tribum, vel saltem ad alienam familiam: nam & hoc caveri voluit Deus. Quare reciprocam hic imponit eo casu obligationem: sicut enim puellæ ad quam devolvebatur hereditas, iubet suæ tribus, & familiæ maritum accipere; ita iubet quoque viro qui tali puellæ erat cognatione proximus, eandem in uxorem una cum hereditate accipere, nisi forte iure suo cedere vellet, & alteri eiusdem familiæ illam ambienti transcribere, ut factum vidimus Ruth cap. iv. Constant hæc non modo exemplis iam allatis, sed etiam ex textu huius loci Hebræo, Chaldæo, & Græco, ubi id diserte affirmatur, & insuper ex scopo & fine legis, qui (ut subditur) erat, *ut hereditas quæque permaneat in sua familia*. Ergo ubi periculum non erat transferendæ alio hereditatis, locum ea lex non habebat. Ita Burgensis, Oleaster, Vatablus, & Masius. Hinc patet, quomodo Elisabeth Lucæ 1. licet esset de tribu a Iuda, maritum habere poterit Zachariam sacerdotem de tribu Levi.

Nota, occasione legis iam dictæ, puellas Hebræas, quandocumque vel ob morbum, vel ob imbecillitatem fratrum, aliorumve propinquorum, spem habebant futuræ successionis, ne hereditate frustrarentur, vel illi renuntiassent censerent, solitas suæ tribus, & familiæ viris nubere: nam quo casu nupissent alienis, etsi postea, sublati fratribus, & propinquis, forte devolveretur ad ipsas hereditas, non succedebant tamen in hereditate, quia matrimonio suo cum extraneis censebantur iuri suo successionis renuntiassent: & tunc hereditas illa ad alios propinquos, eiusdem tribus & familiæ transibat, perinde ac si nullæ tales puellæ supersuissent.

(4) Chronic. cap. xlvii. in fine.

G O R D O N I.

Vers. 7. **O**UÆRUNT Interpretes, an hæc lex sit seminis omnibus communis: sed clarum satis est ex verbis le-

gis, non extendi illam nisi ad eas feminas quæ succedunt in hereditatem patris, nempe ob defectum masculæ prolis: ac proinde versiculus octavus debet ad hunc sensum intelligi ex vers. 5. & 6. & quæstione proposita. Ceterum per verba illa, OMNES ENIM VIRI DUCENT UXORES DE TRIBU SUA, intellige qui accipiunt uxorem patris heredem: quem sensum clare explicant LXX. Interpretes. Et alioqui, quid fieri debeat, exemplis notum est, Nam David ex tribu Iudæ du-

xit Michol filiam Saul ex tribu Beniamin; & Booz duxit Ruth Moabitidem, Ruth 1. vers. 4. Immo ducere poterant Hebræi alienigenas qualvis, præter Chanaanitidas bello captas, Deut. cap. xxi. vers. 11. Simili modo intelligunt aliqui, matrem Elisabeth fuisse de tribu Iudæ, & patrem Elisabeth de tribu Levi. Sic ergo B. Virgo existens de tribu Iudæ, cognatam habere potuit Elisabeth, quæ erat de tribu Levi.



LIBER DEUTERONOMII, HEBRAICE ELLE HADDEBARIM.

IN hoc Libro Moses historia tribus superioribus libris comprehensæ, nempe Exodi, Levitici, & Numerorum summam facit: Leges quoque latas a Deo exponit, & novas addit: unde & Deuteronomium, quasi Lex secunda, appellatur. Hieronymus in epistola ad Paulinum: Deuteronomium quoque secunda Lex, & Evangelicæ Legis præfiguratio, nonne sic ea habet quæ priora sunt, ut tamen nova sint omnia de veteribus? Eadem quidem est Lex, quæ in monte Sinai data est post exitum ex AEGYPTO; sed cum iidem se indignos præbuissemus qui terram a Deo promissam possiderent, horum filius Moses paulo ante obitum suum renovato fœdere Legem Dei exposuit.

Mosem ipsum esse buius Libri Auctorem, tot argumentis probatum fuit in Præfatione, ut in dubium id revocari non possit, cum in limine buius Libri, & in fine id ipsum testetur; ac Liber Legis per antonomasiam passim in Scripturis appelletur, ut cap. VIII. Lib. II. Esdræ, & Lib. I. cap. v. Cum Zorobabel populum reduxisset, cuncta iuxta Legis Moses hominis Dei præscriptum facta fuisse, altare erectum, iuge sacrificium oblarum, & festa solemnita celebrata: adeo ut ante Esdræ adventum Lex Moses cognita esset, non ab Esdra inventa, non mutata, in iis maxime quæ alicuius sunt momenti. Unde & Esdræ stylus a stylo Deuteronomii, & librorum Moses, omnino diversus est; facta pene omnia, prodigia, cultus divinus, Leges in Prophetis sunt cognita, quæ corrumpere, aut mutare non ausus esset Esdras, nec potuisset, etiamsi valuisset.

CAPUT PRIMUM.

*Brevis epilogus eorum quæ Israeli in deserto contigerant,
pænæque infideli populo inflictæ.*

HÆc sunt verba quæ locutus est Moyses ad omnem Israël trans Iordanem in solitudine campestri, contra Mare rubrum, inter Pharan & Tophel & Laban & Haferoth, ubi auri est plurimum: 2. undecim diebus de Horeb per viam montis Seir usque ad Cadesbarne. 3. Quadragésimo anno, undecimo mense, prima die mensis, locutus est Moyses ad filios Israël omnia quæ præceperat illi Dominus ut diceret eis: 4. (a) postquam percussit Schon regem Amorrhæorum, * qui habitabat in Hesebon: & Og regem Basan, qui mansit in Astaroth, & in Edrai, 5. trans Iordanem in terra Moab. Cæpitque Moyses explanare legem, & dicere: 6. Dominus Deus noster locutus est ad nos in Horeb, dicens: Sufficit vobis quod in hoc monte mansistis: 7. revertimini, & venite ad montem Amorrhæorum, & ad cetera quæ ei proxima sunt campestria atque montana & humiliora loca contra meridiem, & iuxta littus maris, terram Chananæorum, & Libani usque ad flumen magnum Euphraten. 8. En, inquit, tradidi vobis: ingredimini & possidete eam, super qua iuravit Dominus patribus vestris, Abraham, Isaac, & Jacob, ut daret illam eis, & semini eorum post eos. 9. Dixique vobis illo in tempore: 10. (b) Non possum solus sustinere vos: quia Dominus Deus vester multiplicavit vos, & estis hodie sicut stellæ cæli, plurimi. (11. Dominus Deus patrum vestrorum addat ad hunc numerum multa millia, & benedicat vobis sicut locutus est.) 12. Non valeo solus negotia vestra sustinere, & pondus ac iurgia. 13. Date ex vobis viros sapientes & gnaros, & quorum conversatio sit probata in tribubus vestris, ut ponam eos vobis principes. 14. Tunc respondistis mihi: Bona res est, quam vis facere. 15. Tulique de tribubus vestris viros sapientes & nobiles, & constitui eos principes, tribunos, & centuriones, & quinquagenarios ac decanos, qui doceant vos singula. 16. Præcepique eis, dicens: Audite illos, & (c) quod iustum est iudicate: sive civis sit ille, sive peregrinus. 17. (d) Nulla erit distantia personarum, ita parvum audietis ut magnus; nec accipietis cuiusquam personam, quia Dei iudicium est. Quod si difficile vobis visum aliquid fuerit, reserte ad me, & ego audiam. 18. Præcepique omnia quæ facere deberetis. 19. Profecti autem de Horeb, transivimus, per eremum terribilem & maximam, quam vidistis, per viam montis Amorrhæi, sicut præceperat Dominus Deus noster nobis. Cumque venissemus in Cadesbarne, 20. dixi vobis: Venistis ad montem Amorrhæi, * quem Dominus Deus noster daturus est nobis. 21. Vide terram, quam Dominus Deus tuus dat tibi: ascende & posside eam, sicut locutus est Dominus Deus noster patribus tuis: noli timere, nec quidquam paveas. 22. (e) Et accessistis ad me, omnes atque dixistis: Mittamus viros qui considerent terram: & renuntient per quod iter debeat ascendere, & ad quas pergere civitates. 23. Cumque mihi sermo placuisset.

cuiſſet, miſi ex vobis duodecim viros, ſingulos de tribubus ſuis. 24. Qui cum perrexiffent, & aſcendiſſent in montana, venerunt uſque ad Vallem botri: & conſiderata terra, 25. ſumentes de fructibus eius, ut oſtenderent uberatatem, attulerunt ad nos, atque dixerunt: Bona eſt terra, quam Dominus Deus noſter daturus eſt nobis. 26. Et noluiſtis aſcendere, ſed increduli * ad ſermonem Domini Dei noſtri. 27. murmuratiſtis in tabernaculis veſtris, atque dixiſtis: Odit nos Dominus, & idcirco eduxit nos de terra AEgypti, ut traderet nos in manu Amorrhæi, atque deleret. 28. Quo aſcendemus? nuntii terruerunt cor noſtrum, dicentes: Maxima multitudo eſt, & nobis ſtatura procerior: urbes magnæ, * & ad cælum uſque munitæ, filios Enacim vidimus ibi. 29. Et dixi vobis: Nolite metuere, nec timeatis eos: 30. Dominus Deus, qui ductor eſt veſter, pro vobis ipſe pugnabit, ſicut fecit in AEgypto cunctis videntibus. 31. * Et in ſolitudine (ipſe vidisti) portavit te Dominus Deus tuus, ut ſolet homo geſtare parvulum filium ſuum, in omni via per quam ambulatiſtis, donec veniretis ad locum iſtum. 32. Et nec ſic quidem credidiſtis Domino Deo veſtro, 33. (f) qui præceſſit vos in via, & metatus eſt locum in quo tentoria figere deberetis, nocte offendiſtis vobis iter per ignem, & die per columnam nubis. 34. Cumque audiſſet Dominus vocem ſermonum veſtrorum, iratus iuravit, & ait: 35. (g) Non videbit quiſpiam de hominibus generationis huius peſſimæ terram bonam, quam ſub iuramento pollicitus ſum patribus veſtris: 36. præter Caleb filium Iephone ipſe enim videbit eam, & ipſi dabo terram quam calcavit, & filiis eius, quia ſecutus eſt Dominum. 37. Nec miranda indignatio in populum, cum mihi quoque iratus Dominus propter vos dixerit: Nec tu ingredieris illuc: 38. ſed Ioſue filius Nun miniſter tuus, ipſe intrabit pro te, hunc exhortare & robora, & ipſe ſorte terram dividet Iſraeli. 39. Parvuli veſtri, de quibus dixiſtis quod captivi ducerentur, & filii qui hodie boni ac mali ignorant diſtantiæ, ipſi ingredientur: & ipſi dabo terram, & poſſidebunt eam. 40. Vos autem revertimini, & abite in ſolitudinem per viam Maris rubri. 41. (h) Et reſpondiſtis mihi: Peccavimus Domino: aſcendemus, & pugnabimus, ſicut præcepit Dominus Deus noſter. Cumque inſtructi armis pergeretis in montem, 42. ait mihi Dominus: Dic ad eos: (i) Nolite aſcendere, neque pugnetis, non enim ſum vobiſcum: ne cadatis coram inimicis veſtris. 43. Locutus ſum, & non audiſtis: ſed adverſantes imperio Domini, & tumentes ſuperbia, aſcendiſtis in montem. 44. Itaque egreſſus Amorrhæus, qui habitabat in montibus, & obviam veniens, perſecutus eſt vos, ſicut ſolent apes perſequi: & cecidit de Seir uſque Horma. 45. Cumque reverſi ploraretis coram Domino, non audivit vos, nec voci veſtræ voluit acquieſcere. 46. Sed iſtis ergo in Cadeſbarne multo tempore.

(a) Num. xxi. 24. (b) Exod. xviii. 18. (c) Ioan. vii. 24. (d) Inf. xvi. 19. Levit. xix. 15. Prov. xxiv. 27. Eccli. xlii. 1. Iacobi ii. 1. (e) Num. xlii. 4. (f) Exod. xxi. 21. Num. xiv. 64. (g) Num. xiv. 21. Pſal. xiv. 11. (h) Num. xiv. 40. (i) Num. xiv. 42.

BRUGENSIS

ROMANÆ CORRECTIONES.

V. 4. *Qui habitabat in Hesebon*. Quidam codices omittunt pericopem hanc, sed immerito.

V. 19. *Per eremum terribilem & maximam*. Sequitur solitudinem in aliis libris, sed quod merito iudicatum est superfluere.

V. 20. *Quem Dominus Deus noster daturus est nobis*. Primæ personæ pronomina non sunt mutanda cum secundæ.

V. 26. *Ad sermonem Domini Dei nostri*.

Idem hic esto iudicium.

V. 28. *Et ad celum usque munite*. Hæc videtur Latini Interpretis esse scriptura, *munite*, pro qua alii *mutata*.

V. 31. *Et in solitudine (ipse vidisti) portavit te Dominus*. Hæc est genuina loci interpunctio, qua perodus hæc incipit ab his verbis, *Et in solitudine*, relatis ad sequentia, parenthesi interclusis his, *Ipse vidisti*: quæ qui pluraliter legunt, *Ipse vidistis*, minus sinceram sequuntur sectionem.

COMMENTARIA

S A.

Vers. 1. **T**RANS, scilicet respectu Palestinae. CONTRA, id est e regione. **UBI AURI EST PLURIMUM**. Hebr. *& dizabab*. LXX. *& auri fodinas*. Chald. ubi dixit, correptos Iudeos trans Iordanem de peccatis commissis in deserto, & in campatribus, & in Pharan, & in Haseareth, addit hic, *Et de quo fecerunt vitulum aureum*.

V. 2. **UNDECIM DIEBUS**, scilicet itur. Chald. & LXX. *Iter est undecim dierum*: quod forte additum a Moyse, quia sequenti cap. docturus erat, viam deinde breviorē vix potuisse ab illis 38. annis confici: tanti refert Deum fautorem habere, an ultorem.

V. 7. **REVERTIMINI**. Hebr. *Vertite vos*. **MARIS**, scilicet magni.

V. 15. **NOBILES**. Hebr. *notos*, id est spectatæ probitatis. **QUI DOCERENT VOS SINGULA**. Hebr. *præfatos tribubus vestris*, seu *in tribubus vestris*, ut vertit Chald.

V. 17. **ACCIPIETIS**. Hebr. & Chald. *Timbitis*. **DEI IUDICIUM**: scilicet sustinet iudex personam Dei.

V. 28. **ENACIM**, id est gigantum; quasi dicat, Gigantes. Sic Homerus *filios Achivorum*, pro Achivos; & Scriptura, *filium hominis*, pro hominem. Anac nomen proprium gigantis.

V. 33. **METATUS EST**, id est designavit, exploravit.

V. 38. **ROBORA**; id est, iube esse bono animo.

V. 45. **AUDIVIT**, scilicet volentes ingredi terram promissam.

E S T I I.

Vers. 1. **H**AEC SUNT VERBA, QUAE LOCUTUS EST MOYSES AD OMNEM ISRAEL. Quidam per omnem Israel totum populum intelligunt, ut ideo omnes convocati fuerint, ut a Moyse repetita confirmarentur. Sed non est verisimile, totum populum, in quo, præter imbellem ætatem, & sexum, erant sexcenta millia virorum, potuisse unius hominis vocem audire, & intelligere. Proinde dicendum, sermonem Moysi habitum fuisse tantum ad Principes populi, qui quia reliquum populum representant, recte ad omnem Israel dicitur verba fecisse. Simili ergo modo recte quoque licebit dicere, totam Ecclesiam in conciliis universalibus præsentem esse, quia Episcopi præsentem sunt, qui reliquam multitudinem representant.

V. 5. **COEPITQUE MOYSES EXPLANARE LEGEM**. Nota. Moyses proprie non tulit legem veterem, sed velut internuntius Dei ad populum, eam a Deo accepit, & populo attulit, proposuit, explanavit. Ita cap. iv. huius Libri: *Ista est lex quam proposuit Moyses coram filiis Israel*. Unde nec proprie Moyses fuit legislator, sed tantum divinæ legis prolator ad populum.

lum Dei. Dicitur quidem aliquoties Moyſes hæc, & illa præcepiſſe; immo infra cap. xxx. *Legem præcepit nobis Moyſes*: & Ioſue i. *Facias omnem legem, quam præcepit tibi Moyſes*: & Marci x. Chriſtus ſic loquitur: *Quid vobis præcepit Moyſes*? Et paſſim vocatur lex Moyſi, ſed ſenſu iam dicto: quia Moyſes legem a Deo acceptam attulit ad populum, habens mandatum ut eam populo proponeret, explanaret, & tranſgreſſores auctoritate ſua ex eius præſcripto puniret.

V. 17. ITA PARVUM AUDIETIS UT MAGNUM; NEC ACCIPIETIS CUIUSQUAM PERSONAM, QUIA DEI IUDICIUM EST. Vox Moyſis ad iudices eſt; quaſi dicat: Eſtis iudices vice Dei; hoc eſt, ut Ioſaphat poſtea ſuos iudices admonebat, II. Paralip. xix. *Non hominis exercetis iudicium, ſed Domini*. Sic ut ergo Deus perſonam cuiuſquam non accipit, ita nec vos accipere debetis. Accipere autem perſonam in iudicio, eſt iudicando conſiderare qualitatē ſeu conditionem perſonæ, quæ ad cauſam pertineat, ea in iudicio omnino conſiderari poteſt, & debet. Verbi gratia, ſi quis magiſtratum verberaverit, & ob eam rem graviori pœna dignus iudicetur quam ſi verberaſſet aliquem ex plebe, non eſt acceptio perſonæ: quia qualitas illa perſonæ attenditur, quam attendere oportebat. Sed ſi quis hominem divitem, aut etiam in magiſtrato conſtitutum, de iniuria pauperis interrogatus accuſatus, & convictus, abſolvat, propterea quia dives eſt, aut potens; talis iudex incidit in acceptionem perſonarum, quam Scriptura toties damnat. Vide etiam II. Paralip. xix.

V. 37. CUM MIHI QUOQUE IRATUS DOMINUS PROPTER VOS, DIXERIT. Illud, *Propter vos*, connectendum eſt ex præcedentibus, ut patet ex cap. iii. ubi hoc repetitur. Dicitur autem Dominus fuiſſe Moyſi iratus propter populum, quia Moyſes occaſionem peccandi habuit ex incredulitate, & duritia populi, propter quam dubitaverat, an Deus facturus eſſet quod promiſiſſet.

M A R I A N A E.

Verſ. 1. **H**AEC SUNT VERBA. Re-
petit in ſumma, quibus lo-
bit. Sac. Tom. III.

cis Moyſes locutus eſt, quæ ſuperioribus libris continentur, locorum ordine non ſervato. Ita hi duo primi verſus quaſi epilogus ſunt ſuperiorum. TRANS IORDANEM. Hebr. *in tranſitu Iordanis*, ad vada Iordanis, qui locus & *trans Iordanem eſt Ieroſolyma*, ut vertunt Sept. Chald. & Pagn. & *cis Iordanem deſerto*, unde Hebræi veniebant, ut quidam vertunt. CONTRA MARE RUBRUM. Hebr. *contra Suph*, quod & Mare rubrum eſſe poteſt: nam Hebraice *Suph* vocatur, & loci nomen, ut alii putant. UBI AURI EST PLURIMUM. Quidam *Dizabab* ponunt quaſi nomen loci, ſic dicti ab auri copia, quod Sept. indicant, cum vertunt, & *auri fodinas*, pro *dizabab*.

V. 2. HOREB. Mons Sinai eſt, aut illi coniunctus, unde ad Cadesbarne ait eſſe viam undecim dierum.

V. 3. UNDECIMO MENSE. Hic eſt Scæveth, ſi a menſe Niſan annus inchoetur; ſi a Thiſri, erit Ab, noſtro Auguſto fere reſpondens.

V. 5. CORPITQUE MOYSES. Hebr. *והיה משה* *boil*. *Voluit Moſes explanare legem*: ſic plerique Hebræi vertunt. Sept. & Chald. *Cœpit*.

V. 6. SUFFICIT VOBIS QUOD IN HOC MONTE MANſISTIS. Quod, non eſt adverbium, ſed nomen; quaſi dicat: Satis multo tempore hic manſiſtiſ, diſcedite.

V. 7. LITTUS MARIS. *חוף הים* *hoph*, quidam vertunt *portum*, maris certe Mediteranei, quo pertingebat Chanaan terra.

V. 13. QUORUM CONVERSATIO SIT PROBATA. Hebr. *Noti in tribubus*: eadem ſententia. Sic verſ. 15. pro eadem voce Hieronymus vertit *nobiles*. Chald. & Sept. *Intelligentes in tribubus veſtris, date illos*.

V. 15. QUI DOCERENT VOS SINGULA. Hebr. *Præſtati tribubus veſtris*.

V. 17. NEC ACCIPIETIS CUIUSQUAM PERSONAM. Hebr. *Non timbitis a facie viri*; id eſt, ne metu potentum pervertatis iudicium vos, quos iudices conſtituo.

V. 26. SED INCREDULI AD SERMONEM DOMINI DEI NOSTRI. Hebr. *Et rebellaviſtiſ ad ſermonem*, ſeu *ad os Domini Dei veſtri*.

V. 18. FILIOS ENACIM VIDIMUS 181. Hi erant de ſtirpe gigantum: ſic
O o Chal-

Chaldaeus, & Sept. *filios gigantum* dixere. V. 38. ET IPSE SORTE TERRAM DIVIDET ISRAELI. Hebr. *Ipsē hereditare faciet tam Israeli.*

V. 41. CUMQUE... PERGERETIS IN MONTEM. Hebr. *Contenderetis ascendere in montem, fatageretis.* תהנין *thabinu a bin*, quod est ecce; quasi dicat: Præsto essetis ascendere.

MALVENDAE.*

Vers. 1. **C**ONTRA MARE RUBRUM. Hebr. *e regione Suph*. Plerique hic cum Nostro *Suph* mare ipsum rubrum, seu sinum Arabicum accipiunt, qui Hebraeis mare *Suph* dicitur. Vide Exodi x. vers. 19. At mirum, quem locum hic habeat rubrum Mare, quod a plenius. In campis prope Iordanem multorum die una itinere distabat! unde reddunt: *Veni a fronte Suph*; id est, erat oppositus locus recta ad mare rubrum, quamquam inde multum abesset: *כי מול עיניו* particula respectum importat; sed hæreo, an tantam distantiam denotare queat. Iromdealii *קרו Suph*, hic non Mare rubrum, sed terram, seu regionem algosam, & carieibus seu iuncetis abundantem intelligunt, quæ ad lacum Asphaltitem erat; quasi dicas, Iuncariam: vide Numeror. xxi. vers. 14. unde hic reddunt: *In deserto in campestribus, que sunt e regione Suph, seu Iuncarie.* INTER PHARAN. De Pharan diximus Genes. xiv. vers. 6. ET THOPHEL. Eusebius, & S. Hieronymus in Locis: *Thaphol locus in deserto trans Iordanem, in quo Deuteronomium scripsit Moses, contra Iericho*. Quidam volunt esse Pellam Cœles-Syriæ urbem, aquis divitem, de qua Plinius Lib. V. cap. xvi. Ptolemæus Lib. V. cap. xv. cuius & Polybius Lib. V. & Iosephus, & ecclesiastici scriptores frequenter meminere. Haud procul a Gerasa, & Scythopoli sita, Iosephus Lib. I. Belli cap. iv. & v. Hebraicum nomen caducam, & insulsam denotat, quod forsitan cæmento incondito & caduco condita esset. ET LABAN. De hac Eusebius, & S. Hieronymus nihil aliud quam: *Locus solitudinis trans Iordanem, in quo Moses Deuteronomium legit*. Nonnulli *Laban*, voce consentiente, *Libiadem*, seu *Liviadem*, esse volunt, de

qua diximus in Numer. xxiii. vers. 28. ET HASEROTH. Hebr. *Chatzeroth*: quidam *Gazorum* Ptolemæi Lib. V. cap. xvi. esse existimant. Vide Notas in Numer. xi. vers. 35. UBI AURI EST PLURIMUM. Hebr. דִּזְחָב *Dizahab*, quæ vox sonat *sufficientiam, abundantiam auri*, quod ibi fortasse aurifodinae essent, uti LXX. intellexerunt, qui habent *Catachrysea*. Eusebius, & S. Hieronymus in Locis Hebraicis: *Catachrysea*, id est *aurea*. Sunt autem montes auri ferrii in deserto, procul undecim millibus a Choreb, iuxta quos *Moses Deuteronomium scripsit* perhibetur: sed & metalli eris, quod nostro tempore corrui, montesque venarum auri plenos olim fuisse vicinos existimant. Plerique tamen nomen proprium loci malunt. Quidam annotant, *Dizahab* esse tractum inferiorem ad Arabiam Petream pertinentem, ubi oppidum fuit *Mezahab*, sive *Medava* Geographis: eumque esse putant, qui Genes. vi. vers. 39. dicitur *Mezahab*: illud enim filia *Mezahab*, pro nomine oppidi capiunt, quasi dicas *Mezahabensis*, ut ibi uxor *Hadar* appelleretur *Mehethabel* de oppido *Mezahab*, id est *Mezahabensis*: nomen autem oppidi, seu urbis Hebraice esse *Mezahab*, Syriace *Medehab*, id est aqua aures: quam Ptolemæus *Medabam* vocat. De *Medaba* vide quæ notavimus Numer. xxi. vers. 30. Quidam annotant, in hac descriptione *Mosis* duos summos ac præcipuos terminos præfigi *Campesium* *Moab* prope *Iordanem*, in quibus *Israelitæ* castra fecerunt: prior est meridiem versus, desertum *Pharaonis*; posterior *aquilonem* versus, est *Cœles-Syriæ* terminus, ubi oppidum *Pella* situm, quod hic *Thophel* dicitur. Sequentia vero loca minutam circumscriptionem *campesium* *Moab* complectuntur, quasi reflexo ordine a septentrione ad meridiem revertaris per *Liviadem*, *Gazorum*, & *Dizahabam*, seu *Medabam*. Sic *campes tria* *Moab* ab Occidente *Iordanem* habentia, tribus terminis reliquis definita sunt; a septentrione, *Thophelo*, id est *Pella*, & *Libiada*; ab oriente *Chatzerotis*, id est *Gazoro*, & *Dizahabato*, id est *Medaba*; & a meridie, deserto *Pharaonis*.

V. 2. UNDECIM DIEBUS DE HOREB, &c. Aliqui hunc verum ex Hebræo clarius ita exprimunt: *Distantia undecim*

decim dierum a Chorebo, facto itinere per montana Sebiris, ad Kadeschum Barnabae usque. Notantque hunc versum ad interpretationem huius capituli & sequentium commodè præmissum esse, ut gravitas iudiciorum Dei, minarumque veritas ostendatur. Breve quidem est iter, inquit Moses, a monte Choreb ad hæc usque Moabitum campetria, etiam si per circuitum montium Idumææ circumducatis Kadeschum usque: in quem locum si quis venerit, cum a Chorebo ad campetria hæc profecturus est, anfractuosum iter insilit, ac non contendit recta: hac non iter amplius dierum undecim. Verumtamen Israelitæ hoc ipsum tam breve iter, propter gravitatem peccatorum potuerunt ante triginta octavum annum absolvere, infra cap. 11. vers. 15. Qui hanc interpretationem reiiciunt, satis produnt se nullum in Scripturis gustum habere. Fortasse hunc versum adiecit Moses, ut annueret, sicut in Chorebo seu Sinai facta fuit prior legis promulgatio; ita in Campetribus Moab, undecim tantum dierum itinere (etiam si per circuitum montium Idumææ circumducas, ut fecerunt Israelitæ Numer. xx. 20. cap. xxi. 4. & infra cap. 11. 1.) a Choreb distantibus, facta fuit secunda legis promulgatio, nempe Deuteronomium. MONTIS SEIR. Notant, nomen montis hic & similibus locis, in quibus terras & populos significat, pro montanis accipi debere, seu potius pro tota terra seu regione montana, in qua varii montes sunt. Hinc sæpe legimus, In monte Ephraim, in monte Iuda. Sic vers. 7. mons Amorrhæorum, & hic mons Seir, de quo vide Genes. xiv. 6.

V. 3. QUADRAGESIMO ANNO, ab exitu Israelitarum ex Aegypto. UNDECIMO MENSE: paulominus ante mortem suam, ut quidam observant: nam cum mortuum esse septimo die mensis duodecimi, colligi aiant ex Deuteronomio xxxiv. Iosue i. & iv. OMNIA QUAE PRÆCEPERAT ILLI DOMINUS UT Diceret eis. Hebr. secundum omnia quæ præcepit Iehovabai ad eos: aliqui, circa eos: quidam, referenda ad eos: alii, prorsus, vel omnino ut præceperat, &c.

V. 4. POST QUAM PERCUSSIT SEHON. Vide historiam Numer. xxi. vers. 21. & seqq. IN HESBON. De Hesbon

vide Numer. xxi. vers. 25. ET OG REGEM BASAN. Vide historiam Numer. xxi. vers. 33. & seqq. IN ASTAROTH, ET IN EDRAI. De Astaroth vide in Genes. xiv. vers. 5. De Edrai, in Numer. xxi. vers. 33. Quidam hic subaudiunt, percussit in Edrahi: nam illuc duxisse exercitum contra Israelitas, dicitur Numer. xxi. vers. 33. & infra cap. 11. vers. 1.

V. 6. SUFFICIT VOBIS QUOD IN HOC MONTE MANSISTIS. Hebr. Multum fuit vobis habitare in monte isto. Quidam: Satis habitastis in monte isto. Alii: Sufficiat vobis hactenus habitasse in monte hoc. Nonnulli: Sat superque mansistis apud montem istum. Nam ferme annum ibi habitasse, docet comparatio Exodi xix. vers. 1. cum Numer. x. vers. 11.

V. 7. CONTRA MERIDIEM, &c. Notant, describi hic terminus promissæ terræ suo ordine, a Meridie, Occidente, Aquilone, & Oriente.

V. 10. SUSTINERE VOS. Quidam exponunt, Onus vestri. Vide Numer. xi. vers. 14. Sicut stellæ cæli. Hyperbole frequens, e Genes. xv. vers. 5.

V. 11. ADDAT AD HUNC NUMERUM MULTA MILLIA. Hebr. Addit super vos, sicut, iuxta, secundum vos mille vices. Alii: Sicut estis, mille vicibus. Quidam: Addat vobis, ut vos estis, mille vicibus; vel augeat vos supra quam estis, millicuplo. Nonnulli: Auctiores vos reddat, ut sitis millicuplo plures quam nunc; vel reddat numerum vestrum maiorem milles.

V. 15. ET CONSTITUI EOS PRINCIPES, TRIBUNOS, &c. Quidam hanc partem versus ex Hebr. ita reddunt: Et constitui istos primores vobis, chiliarchos, & centuriones, & præfectos quinquagenis, & decuriones, & moderatores per tribus vestras. Primores exponunt, id est iudices, ac veluti centumvirali auctoritate præditos. Vide Exodi xviii. vers. 21. Moderatores vero intelligunt veluti prætores quosdam, qui ius dent populo, & iudicatum curent fieri in causis singulis. Alii שוטרים sedoterim, hic præfectos interpretantur, qui exequabantur quæ iudicaverant, & perverfos cocebant. Vide Exodi v. vers. 6.

V. 18. PRÆCEPIQUE OMNIA QUAE FACERE DEBERETIS: scilicet totam legem ad mores, iudiciaque, & æconomias.

nias pertinentem, de quibus inde ab Exodo xx.

V. 19. PER EREMUM TERRIBILEM. Eam descriptam habes infra cap. viii. vers. 15.

V. 22. ET ACCESSISTIS AD ME OMNES. Hoc cum Numeror. xiii. vers. 1. coniungendum est: primum enim populus hoc a Mose petiit, ut hic dicitur; deinde Moses ad Deum petitionem retulit: & Deus id sibi placere per Moysen declaravit, ut scribitur Numer. xiii. vers. 1.

V. 26. SED INCREDULI AD SERMONEM DOMINI, &c. Varie Hebr. convertunt. I. Sed rebellastis verbo Iehovæ. II. Et irritastis os Iehovæ; id est, & repugnastis imperio Iehovæ. III. Sed exacerbastis os Domini. Hispanice, *Le amargaste la boca*: nimirum ut vobis aspera & dura denuntiaret, & amara. IV. Et mutare fecistis os Iehovæ; id est, fecistis ut Deus aliud consilium vobis proponeret quam quod habetur supra vers. 8. sic infra vers. 43. V. Sed maxime rebellavistis prestituto Iehovæ. VI. Et proturvii, contumaces, inobedientes, immorigeri fuisse ori IHUH. Vide similem phrasim Numer. xxvii. vers. 14. & infra vers. 43. & Deuteron. ix. vers. 7.

V. 27. MURMURASTIS. Verbo רגז *ragan* omnia ista significata tribuunt: Et detulistis, infamaravistis, murmuravistis, mussitavistis, obstrepavistis, rinxistis, grunnivistis: ut ex *ragan*, metathesi, facta sint verba Latina *grunio*, *ringo*. ODIT NOS DOMINUS. Hebr. in odio IHUH nos. Quidam resolvunt: Propter odium Iehovæ, quo odit nos. Ellipsis coniugati, ut Genes. xix. vers. 17. Vel eo quod Iehovab odio prosequitur. Sed ונתן *otanu*, recte veritas, ad nos, ut supra vers. 25.

V. 28. FILIOS ENACIM. De his vide Numer. xiii. vers. 34.

V. 36. QUIA SECUTUS EST DOMINUM. Hebr. Propterea quod implevit post IHUH; id est, quod plene & perfecte secutus est IHUH. Vide de hac phrasi Numer. xiv. vers. 24. & cap. xxxii. vers. 11. & 12. Hispanicus Interpres: *Porque cumplio en pos de Iehovab: vel porque fue perfecto con Iehovab.*

V. 37. PROPTER VOS. בגללכם *biglal-lem*, exponunt, causa, occasione vestri, propter vos: ex verbo, in revolutione ve-

stra: quod occasio facile volvitur; vel quod vestram poenam & causam etiam in me devolveritis: aut in vestra illa revolutione, id est seditione & tumultu, in quosus deque omnia voluntur. Hispanice, *En vuestra revolucion, o rebuelta*. Quidam annotant, hunc versum & sequentem inferuisse Mosen parenthetice, duabus de causis: una, ut ostenderet eos in causa fuisse cur non tantum ipsi, sed etiam Moses terra promissa exclusus sit, dum ipsorum rebellionem fuit perturbatus; altera, ut Iehosua ab ista exclusionem nominatim exceptum, prout cum Calebo exceptus fuerat Numer. xiv. vers. 30. successorem sibi eadem opera nominaret.

V. 41. PERGERETIS IN MONTEM. Hebr. Et contendistis ad ascendere in montem. Verbum הָרָה *hen*, vel הָרָה *bin*, quod hic tantum, & in Hiphil legitur in Scriptura, varie elucidant. 1. Et voluistis ascendere in montem; 2. Et capistis ascendere in montem; 3. Et parati fuistis ascendere, &c. 4. Et satagistis ascendere; 5. Multoque adhortati estis ad ascendendum in montem; 6. Et obulistis vos ad ascendendum montem illum; 7. Et conatistis omnibus viribus, vel intendistis nervos ascendere in montem; 8. Et ausi fuistis ascendere, &c. 9. Et prompti fuistis ad ascendere, &c. vel prompte voluistis ascendere, &c. Hebraei deducunt id verbum ab הָרָה *hen*, ecce, eo sensu quo qui se ultro eum, promptum, & paratum offert, dicit, הִנְנִי *hinmeni*, ecce me; הִנְנִי *hinmeni*, ecce nos. Quidam notant id verbum proprie denotare, ea quæ sparsa erant, colligi, & condensari ac coarctari: unde vertunt: Et collecti, condensati, coarctati, conglobati, contendistis ascendere. Voluntque ex circumstantia & collectione locorum, eiusdem, aut plane cognatæ significationis esse cum verbo הָרָה *ghaphal*, quod ponitur Numer. xiv. vers. 44. Vide ibi, & loca confer. Hispanicus Interpres: *T apercebiestes os para subir al monte*. Recte.

V. 43. TUMENTES SUPERBIA ASCENDISTIS IN MONTEM. Hebr. Et intumistis, & ascendistis in montem. Quidam: Et superbe egistis, & ascendistis, &c. Alii: Et temere egistis, & ascendistis; id est, temere ascendistis. Nonnulli: Insolentes ascendebatis in montem. Aliqui: Cum arrogaretis vobis ut ascenderetis; vel cum

cum arroganter ascenderetis ipsum montem.

V. 44. SICUT SOLENT APES PERSEQUI: nimirum eum a quo sunt offensæ, confertim & denso agmine ab omni parte aggredientes. Virgilius Georgic. IV.

.....magnum mistæ glomerantur in orbem.

Illis ira modum supra est: lessequè venenum

Moribus inspirant, & spicula cecarelingunt;

Affixæ venis, animasque in vulnere ponunt.

Plinius Lib. XI. cap. xviii. Est in exemplis equos ab iis occisos.

V. 45. REVERSI PLORARETIS. Hebr. Et conversi estis, & plorastis; id est, poenitentia ducti flevistis. Alii putant esse Hebraïsmum notissimum: Et iterum atque iterum flevistis. De quo vide Notas Genes. xxvi. vers. 18.

V. 46. SEDISTIS ERGO IN KABESBARNE MULTO TEMPORE. Hebr. Et sedistis in Kades diebus multis, secundum dies quibus sedistis. Quidam: Et mansistis in Kades diebus multis, iuxta numerum dierum quibus antea manseratis; id est, quanto tempore prius habitaveratis illic ante reditum exploratorum. Sed id prorsus incertum. Alii: Sed consedistis Kadeschi dies multos, ut sane inviti fuerunt dies quibus consedistis ibi: nimirum annos ferme triginta octo, ut annotavimus supra in versu 2. Vide infra cap. 11. vers. 14. Quasi dicat: Equidem plurimos dies consedistis in Kades.

MENOCII.

Vers. 1. HÆC SUNT VERBA: quæ scilicet hoc Deuteronomi libro sequuntur, non, quod aliqui putant, quæ hæcenus superiori libro præcesserunt. TRANS IORDANEM. Moyses non transierat Iordanem, sed citra eum consistebat; dicitur tamen trans Iordanem hæc locutus, quia respectu terræ promissæ (iuxta quam Scriptura solet consignare plagas, & situs locorum) regio hæc trans Iordanem erat. IN SOLITUDINE CAMPESTRIS. LXX. in solitudine ad Occidentem. Aliqui putant solitudinem hanc esse campestriam Moab: alii intelligunt de vasta illa solitudine Arabiæ, in qua annis 40.

Hebræi egerunt. CONTRA MARE RUBRUM, e regione Maris rubri. UBI AURI EST PLURIMUM. LXX. vertunt, aurifodinas.

V. 2. UNDECIM DIEBUS: intellige, itur.

V. 3. UNDECIMO MENSE, PRIMA DIE MENSIS. Undecimus mensis ab Hebræis dicitur *Sebet*, & respondet nostro Ianuario. LOCUTUS EST; hoc est, rursum eadem repetiit.

V. 4. QUI HABITABAT IN HESBON: ibi enim Rex illeregiam suam collocaverat. ASTAROTH. De Astaroth, seu Astaroth-carnaim vide dicta Genes. xiv. 5.

V. 5. TRANS IORDANEM IN TERRA MOAB. Hæc referenda sunt ad verbum *Locutus est*, num. 3.

V. 6. SUFFICIT VOBIS QUOD IN HOC MONTE MANSISTIS; hoc est, satis diu hic commorati estis, tempus est ut hinc recedatis, & promissionis terram adeatis.

V. 7. REVERTIMINI. Hebr. *Vertite vos*. Itaque præcipitur ut convertant se, & accingant ad iter, vel ut intermissum iter resumant. AD MONTEM AMORRHÆORUM, hoc est in Cades-barne ad terminos terræ promissæ, qui locus, vel urbs est ad montes, in quibus habitant Amorrhæi. CAMPESTRIA ATQUE MONTANA ET HUMILIORA LOCA CONTRA MERIDIEM. His verbis, & aliis quæ sequuntur hoc versiculo, mundi plagæ, scilicet australes, occidentales, & boreales terræ promissæ designantur. Cum ergo dicit *Campestris, montana, & humiliora loca contra meridiem*, latius designat terræ promissæ, quod meridiem respicit. ET IUXTA LITTUS MARIS TERRAM CHANANÆORUM: terminus est occidentalis. ET LIBANI, &c. terminus borealis. Vide supra Lib. Numer. cap. xxxiv. num. 7.

V. 8. TRADIDI VOBIS, terram scilicet.

V. 10. SUSTINERE VOS, vestrum regimen, vestrique curam. Vide Exod. xviii. & ibi dicta.

V. 15. TULIQUE DE TRIBUBUS VESTRIS VIROS SAPIENTES ET NOBILES. Hebr. *Tuli capita tribuum vestrarum*.

V. 17. NON ACCIPIETIS CUIUSQUAM

QUAM PERSONAM. Hebr. *Non timebitis a facie viri*. QUIA DEI IUDICIUM EST: quia cum iudicatis, Dei vices geritis, qui iustissimus est. REFERT AD ME, tamquam ad supremum iudicem.

V. 21. VIDE TERRAM: quia Cadesbarne est iuxta Chanaan, tantum enim interest mons Idumææ. Unde ex Cadesbarne missi sunt exploratores in Chanaan.

V. 22. DIXISTIS: MITTAMUS VIROS. Hinc patet ipsos Hebræos petiisse ut mitterentur exploratores, qui, eis annuente Deo, missi sunt, Num. xiv.

V. 28. AD CAELUM USQUE MURATÆ. Hyperbole. FILIOS ENACIM, filios gigantum, gigantes ex posteris Enacigigantis.

V. 31. PORTAVIT, deduxit, direxit, fovit.

V. 33. METATUS EST LOCUM, præcedens castra in columna nubis.

V. 36. SECUTUS EST, Caleb scilicet.

V. 39. BONI AC MALI QUE IGNORANT DISTANTIAM: parvuli, qui nondum habent usum rationis, ut bonum a malo discernant.

V. 43. ADVERSANTES IMPERIO DOMINI. Hebr. *Exacerbastis os Domini*; id est, repugnastis eius verbis, & iussis, itaque eum, eiusque os, & vultum irritastis.

V. 44. SICUT SOLENT APES, quæ magno numero, & furore in se lacescentes involant.

V. 45. NON AUDIVIT VOS, volentes ingredi in terram promissam.

V. 46. SEDISTIS, sedem habuistis.

T I R I N I.

Perf. 1. **H**ÆC SUNT VERBA. Refertur hæc ad sequentia, quæ toto hoc libro recensentur; quasi dicat: Hæc sunt verba quæ Moyses iam pridem locutus fuerat in vasto illo deserto, ubi per 40. annos peregrinati sunt Israelitæ, incipiendo a monte Horeb seu Sinai e regione Maris rubri, usque ad Cadesbarne. Quæ eadem verba rursum postea, quadragesimo & ultimo peregrinationis anno, mense undecimo, eodemque ultimo vitæ suæ, elocutus est, & repetiit in campibus Moab. Et ab hac repetitione liber

hic vocatur Græce *Deuteronomium*, hoc est *secunda lex*, seu secundo explicata lex. Neque enim est nuda repetitio præceptorum seu legum, tribus præcedentibus libris expositarum; sed repetitio simul, & explicatio, quin multæ etiam leges, quarum nulla facta libris præcedentibus mentio, hic adferuntur. Ita S. Athanasius, Hieronymus, Augustinus, Theodoretus. Cum enim populus Israel totus iam esset novus, mortuis omnibus qui ante 38. annos priori legis promulgationi interfuerant, & iam iam instaret transitus Iordanis, & ingressus in terram promissam; ne quid forte contra legem ex ignorantia peccaretur, fuit secundo lex promulganda, & explicanda. Et hæc eadem est ratio cur de novo etiam scædus Dei cum populo sanctum sit cap. xxix. & cur septimo quoque anno, in festo Tabernaculorum, totum hoc Deuteronomium (quo brevi compendio omnia scitu necessaria complexus est Moyses) toto audiente populo prælegi iubeatur cap. xxxi. vers. 10. cur item iubeantur novi reges seu principes Hebræi, mox ut inaugurati essent, Deuteronomium sibi describere, & quotidie aliquid ex eo lætitare, cap. xvii. vers. 18. cur denique iussum sit, totum lapideis seu lapideis tabulis inscribi, cap. xxvii. vers. 3. & Iosue inscripserit de facto, Iosue cap. viii. vers. 32. nempe ad æternam memoriam, & ne legum ignorantia posset ullo unquam casu prætexi.

V. 7. USQUE AD FLUMEN MAGNUM EUPHRATEM. Hic quatuor termini, seu fines terræ promissæ secundum quatuor mundi plagas designantur.

Dices. Numer. xxxiv. & alibi longe angustioribus terminis terra promissa detinitur; & satis constat, Hebræos nunquam, ne Salomonis quidem tempore, sedes suas aut habitationem ad Euphratem usque protulisse. Respondet S. Augustinus a, duplicem fuisse terram Hebræis promissam: nam una fuit quasi hæreditaria, quamque ut propriam inhabitaverunt: hæc strictioribus terminis finiebatur, a Dan usque Bersabee, & ab introitu Emath usque ad rivum Aegypti. Altera ultra hos fines protendebatur usque ad Euphratem; sed erat tantum tributaria seu vestigialis Hebræis sub Davide, & Salomone, qui eo usque dominabantur b. Vel etiam dici posset, hæc

quo-

quoque usque ad Euphratem terram omnem Hebræis quasi hereditariam & propriam fuisse a Deo promissam; sed sub conditione, si in fide & cultu Dei constantes permanerent, ut expresse cavit Deus Deut. xix. vers. 8. & 9. quod quia non fecerunt, mirum non est, promissionem etiam hanc completam reipsum non fuisse: quin potius, ob tam frequentem idololatriam relapsam, vix umquam iustiores illos fines integros plene possedisse. Ita S. Hieronymus, Andreas Masius, & Serarius c.

(a) August. L. Quest. in Iosue cap. xxi.

(b) III. Reg. viii. vers. 3. I. Paralip. xviii. 3. III. Reg. xv. vers. 21. & Ioseph. Lib. VI. Antiq. cap. 11.

(c) Hier. epist. 139. ad Dardanum, & in Ezech. xx. vers. 8. Masius, & Serarius in Iosue 1.

GORDONI.

Verf. 1. IN SOLITUDINE CAMPESTRIS. Dicuntur hæc campestris esse contra Mare rubrum, ac proinde non videntur intelligenda campestris Moab; tamen cum sensus sit e regione, & ex opposito respectu ad Mare rubrum; nihil in modo loquendi apparet incommodi, quamvis sermo sit de campatribus Moab; nam distantia loci non impedit respectum: alioqui quomodo contra Italiam Carthago? ut dixit Latinus Poeta. Quod est hic, **AURI... PLURIMUM**, Septuag. dant *aurisodinas*, & *κατακρύπτει*.

V. 2. UNDECIM DIEBUS. Designat iter dierum ab Horeb, seu monte Sina, usque ad hæc campestris Moab, ubi publicatum est Deuteronomium. Ex tabulis Adrichomii numerantur leucæ 51. ac proinde si quotidie quatuor leucas conficias, confurgit iter undecim dierum, nempe eundo per montem Seir, & per Cadesbarne. Sane Cadesbarne, unde missi sunt exploratores, distat a Chanaan tantum per interiectum montem Idumææ; & a Sina eo usque numerantur leucæ 17. a Cades-

barne vero ad campestris Moab leucæ 34. **V. 3. UNDECIMO MENSE.** An a Nisan, vel a Tisri nescitur.

V. 7. Atequam ordiatur sermonem de servanda lege, proponit ob oculos terram promissam, iam vicinam, & spe captam; ut sic paratior sit ad legem audiendam, & servandam. Designat autem terram belle hic, designando hoc vers. 7. quatuor mundi plagas, dum proponit Meridiem, Mare, Libanum, & Euphratem. **LITTVS MARIS, Mediteranei.** *בְּהֶפֶז* *behoph, in porta* ex Pagnino.

V. 19. & 20. PER VIAM, &c. qua itur ad montem, in quo habitat Amorhæus. Hunc montem dedit Deus Israelitis ut partem terræ promissæ; sicut etiam Cadesbarne erat in finibus terræ promissæ, Num. xxxiv. vers. 4.

V. 24. De Valle botri vide [quæ dicta sunt Num. xiiii].

V. 28. FILIOS ENACIM. Sept. *Gigantum*.

V. 33. METATUS EST, designavit.

V. 39. IGNORANT DISTANTIAM; hoc est, rationis usum, & discretionem minime assecuti.

V. 44. SICUT SOLENT APES PERSEQUI eos a quibus irritantur. Vide de cæsis Israelitis usque Horma, Num. xiv.

EX EIVSDEM AUCTARIO.

V. 1. TRANS IORDANEM, scilicet habitantibus in Iudæa. **AURI... PLURIMUM.** Sept. *Auri sodinæ*.

V. 7. Vide Exod. xxxiv. 7. quo loco assignati sunt termini terræ promissæ; & hic usque ad vers. 9. reponuntur iidem termini. Australis, occidentali (ad mare) & borealis (ad Libanum.)

V. 10. SUSTINERE: terre non possum solus totum onus hoc.

V. 16. & 17. Vitanda iniustitia, & personarum acceptio, quia pro Deo iudicatis.

runt: qui egressi de Cappadocia deleverunt eos, & habitaverunt pro illis. 24. Surgite, & transite torrentem Arnon: ecce tradidi in manu tua Schon regem Hesebon Amorrhæum, & terram eius incipe possidere, & committe adversus eum prælium. 25. Hodie incipiam mittere terrorem atque formidinem tuam in populos, qui habitant sub omni cælo: ut audito nomine tuo paveant, & in morem parturientium contremiscant, & dolore teneantur. 26. (a) Misi ergo nuntios de solitudine Cademoth ad Schon regem Hesebon verbis pacificis, dicens: 27. *Transibimus per terram tuam, publica gradiemur via: non declinabimus neque ad dexteram, neque ad sinistram. 28. Alimenta pretio vende nobis, ut vescamur: aquam pecunia tribue; & sic bibemus. Tantum est ut nobis concedas transitum, 29. sicut fecerunt filii Esau, qui habitant in Seir, & Moabita, qui morantur in Ar: donec veniamus ad Iordanem, & transeamus ad terram quam Dominus Deus noster daturus est nobis. 30. Noluitque Schon rex Hesebon dare nobis transitum: quia induraverat Dominus Deus tuus spiritum eius, & obfirmaverat cor illius: ut traderetur in manus tuas, sicut nunc vides. 31. Dixitque Dominus ad me: (b) Ecce cœpi tibi tradere Schon, & terram eius, incipe possidere eam. 32. Egressusque est Schon obviam nobis cum omni populo suo ad prælum in Iasa. 33. Et tradidit eum Dominus Deus noster nobis: percussimusque eum cum filiis suis & omni populo suo. 34. Cunctasque urbes in tempore illo cepimus, interfecistis habitatoribus earum, viris ac mulieribus & parvulis, non reliquimus in eis quidquam. 35. Absque iumentis, quæ in partem venire prædantium: & spoliis urbium, quas cepimus 36. ab Aroer, quæ est super ripam torrentis Arnon, oppido quod in valle situm est, usque Galaad. Non fuit vicus & civitas, quæ nostras effugeret manus: omnes tradidit Dominus Deus noster nobis. 37. Absque terra filiorum Ammon, ad quam non accessimus: & cunctis quæ adiacent torrenti Ieboc, & urbibus montanis, universisque locis, a quibus nos prohibuit Dominus Deus noster

(a) Num. xxi. 21. (b) Ammos 11. 9.

B R U G E N S I S

ROMANÆ CORRECTIONES.

V. 12. In Seir autem prius habitaverunt Horrai. Alii libri servant terminationem Hebræam, scribentes Horrim.

V. 19. Et accedens in vicina filiorum Ammon. Non mutes accedens in ascendens.

V. 20. Gigantes, quos Ammonitæ vocant Zomzommim. Trissylabum est Zomzommim: repetendum est enim zom, contra quosdam qui legunt Zommin.

V. 21. Populus magnus & multus & proceræ magnitudinis. Nullo modo omittendum est medium illud & multus.

V. 27. 28. 29. Transibimus per terram tuam, publica gradiemur via, &c. Non sunt nomina, verbaque pluralis numeri, quæ his tribus versibus continentur, mutanda in singularia, ad hoc ut Hebræo respondeant, quod quidam faciunt.

NOTATIO.

V. 27. 28. 29. Quæ Latini libri Rabano consentiente, fere numero multitudinis scribunt, Transibimus per terram tuam, publica gradiemur via, non declinabimus &c. exemplar S. Germani parvum singulari legit: Transibo per terram tuam, publica gradior via, non declinabo neque ad dextram neque ad sinistram. Alimenta pretio vende mihi ut vescar: aquam pecunia tribue, & sic bibam. Tantum est, mihi concedas transitum, &c. Donec veniam ad Iordanem, & transcam ad terram quam Dominus Deus noster daturus est nobis; conformiter codicibus Hebræicis, & quibuidam Chaldaicis ac Græcis. Textus Regionum Bibliorum Græcus & Chaldaicus cum reliqua singulari legunt: ille primum numero plurali habet (a) παριδύσομαι διὰ τῆς γῆς σου, transibimus per terram tuam; hic tertium (b)

יֵלְכִי וְאֵלְכִי non declinabimus &c.

(a) σπαριδύσομαι Gg. (b) ἔλθω Ven.

COMMENTARIA

S A.

Vers. 1. SOLITUDINEM, scilicet Sin.
Vers. 3. SUFFICIT VOBIS CIRCVIRE; id est, satis circuistis.

V. 5. VIDETE, id est cavete.

V. 7. BENEDIXIT, id est benefecit.

V. 8. MOAB. Est id & urbis, & provinciae nomen, in finibus Arabiae.

V. 11. EMIM, id est terribiles, seu horrendos.

V. 12. POSSESIONIS; id est, quam postea possedit.

V. 14. CONGREGATIO. LXX. generatio.

V. 15. MANUS, id est potentia.

V. 20. ZOMZOMMIM, id est flagitiosos, sceleratos.

V. 25. SUB OMNI CAELO, id est ubique.

V. 28. TANTUM, id est satis.

V. 29. FECERUNT. Apparet fecisse postea quod antea negaverant, saltem fecisse aliquos, scilicet prope quos transibant.

E S T I I.

Vers. 5. QUIA IN POSSESSIONEM ESAU DEDI MONTEM SEIR. Quomodo valet hæc ratio, cum & ceteris gentibus suas possessiones non alius dederit quam Deus? *qui terram dedit filiis hominum*, Psal. cxiii. Quin & hac denuntiatione non obitante, postea sub Davide Deus Idumæam subiecit populo Israel. Sed dicendum est, quod sicut Genesis xv. de Amorrhæis dictum erat, ita & hic nondum impletæ essent iniquitates Idumæorum, sive filiorum Esau, sic ut præponderarent meritis Isaac, ob quæ Deus montem illum Seir Esau concesserat. Et eodem modo quoque intelligendum est, quod hoc eodem capite dicitur, de Moabit, & Ammonitis, se non daturum filiis Israel quidquam de terra eorum, quia filii Lot eam dedisset in possessionem. Certe ob merita Lot Deum multa bona aliis præstitisse, ex Genesi manifestissimum est. Nam propter ipsum & familia eius

ex incendio Sodomorum liberata fuit, & generi quoque eius liberati fuissent, si voluissent: quin & Segor civitas integra servata fuit. Longe autem aliud de Chanaæis fuit. Non enim illis terra fuerat data propter meritum aliquod patrum eorum; sed e contra pater eorum Chanaan propter suum, & patris sui Cham peccatum, fuit a Noe maledictus Genesis ix.

V. 28. & 29. TANTUM EST UT NOBIS CONCEDAS TRANSITUM, SICUT FECERUNT FILII ESAU, QUI HABITANT IN SEIR. Non pugnat cum his quod Numer. xx. Rex Edom (quo nomine filii & posteri Esau intelliguntur) pertinaciter videatur semel, atque iterum Israelitis transitum negasse: nam potuit id quod prius negaret, aliqua parte postea concedere; immo & concessit eatenus, ut per extremos eius fines possint iter facere. Et hoc est quod initio huius capituli narrat Moyses his verbis: *Et circuivimus montem Seir longo tempore. Dixitque Dominus ad me: Sufficit vobis circumire montem istum; ite contra Aquilonem: & populo præcipe dicens: Transibitis per terminos fratrum vestrorum filiorum Esau, qui habitant in Seir, & timebunt vos.* Ex quibus verbis ultimis colligitur, Regem Edom, hoc est filiorum Esau, tandem præ timore de sua pertinacia remisisse, & eatenus, ut dictum est, transitum concessisse.

M A R I A N A E.

Vers. 5. VIDETE ERGO DILIGENTER. Hebr. *Custodiemini vobis*: quod potest referri ad Idumæos, ut Sept. & *ut vivat vos valde*; vel ad Iudæos, ut *ipsi custodiant & caveant*, quod sequitur, ne scilicet illis noceatis, ut possit Chald. & Hieronymus, passivum in in activum vertentes.

V. 6. CIBOS EMETIS. Hebr. *Cibum frangeris ab illis argento*: sed frangere, emere est; quia ementes fere non totum, sed partem volunt: est etiam vendere, *vers. 28.*

V. 7.

V. 7. NIHIL TIBI DEFIUIT. Hebr. *Non eguisti verbo*: sic Sept. sed verbum pro re.

V. 9. AR IN POSSESSIONEM. *Ar* urbs Regia Moabitarum, de qua multa in Prophetis.

V. 10. EMIM PRIMI FUERUNT. *Emim* ab עמם *emah*, id est *terrore*, quod terrent eos videntes. Hi habitauerunt in urbe *Ar* ante Moabitas, & dicit hos fuisse ut *Enacim*: non ergo erant iidem, ut quidam putant.

V. 11. ET ESSENT SIMILES FILIORUM ENACIM. Hebr. *Raphaim*, id est *gigantes*, putabantur etiam ipsi ut *Enacim*. Itaque illi *Emim* erant *Raphaim*, id est *gigantes*: & vocantur sic רפאים *rapha'im*. quod est *dissolvere*, quod videntes dissolverentur animis præ metu: & rursus dicit esse similes *Enacim*, qui sic vocabantur a patris nomine, de quibus frequens mentio in divinis libris.

V. 13. TORRENTEM ZARED. Hebræis נחל *nahal* est *torrens*, est & *valle*, in quam decurrunt aquæ, quo etiam nomine vocatur, ut maxime aqua deficiat: sic pro ea voce aliquando *torrentem* vertunt, aliquando *vallem*.

V. 20. QUOS AMMONITAE VOCANT ZOMZOMMIM. Regia *Zomim*. Hebr. *Zamzumim*: ecce quartum nomen, quo *Ammonitæ* vocantur gigantes, quos dicit etiam esse similes *Enacim*.

V. 23. HEVÆOS QUOQUE, QUI HABITABANT IN HASERIM. חצרם *bazerim*, quod *villas* Chaldaeus intelligit; quasi dicat, qui in agris habitabant. Hieronymus ut loci nomen acceperit. *CAPPADOCES*. Pro *Cappathorum* ferme omnes vertunt *Cappadoces*.

V. 24. ECCE TRADIDI. In Hebræo, *Vide, tradidi*; sed *vide* Hebraicum bene vertitur per *ecce*.

V. 34. INTERFECTIS HABITATORIBUS EARUM. Hebr. *Et anathema fecimus omnem urbem, viros, mulieres, & parvulos*. Et nota, hoc loco viros vocare voce מיתם *methim*, per *Sceva*. quod significat *mortales*: nam cum significat *mortuos*, scribitur per *Zere*: aut homines, mortuos vocat, ut *Paulus*: *Corpus mortuum* est propter peccatum.

V. 36. AB AROR, QUAE EST SUPER RIPAM, id est super labium, TOR-

RENTIS: Hebr. *nahal*: *torrentis*, inquam, *ARON*; sed id est *ripa*. OPPIDO QUOD IN VALLE SITUM EST. Hebr. *Et civitatem, quae in valle Nahal*: sic Sept. Ita in unico versu dictio *nahal* pro *torrente* prius, deinde pro *valle* sumitur.

MALVENDAE.

Vers. 1. **L**ONGO TEMPORE: Hebr. *Diebus multis*: non est referendum ad proximum membrum. *Circuivimus montem Seir*; sed ad anterius, *Venimus in solitudinem*: nam in vasto & magno illo deserto vagari sunt 38. annos.

V. 3. ITE CONTRA AQUILONEM. Quidam exponunt, recto meridiano tractu respectu Chanaanæ, secundum Moabitarum agrum iter facite. Vide Num. xxi. *Ite contra Aquilonem*, scilicet relictis Idumæis a sinistris, & Moabitis, & Hammonitis, qui ad orientem terræ promissæ habitant, a dextris, ut recta via tenderent ad Aquilonem ad Amorrhæos: deinde victis Amorrhæis, ad Occidentem versus, Iordanem transirent in terram Chanaan.

V. 4. ET POPULO PRAECIPE, &c. Annotant, quia de Moabitis, & Hammonitis non infestandis ab Hebræis inferius locuturus est, quorum regiones erant transeundæ, mandatum hic coniungit de non molestandis Idumæis, quorum regionem hic dicuntur circumvisse, & unde iubentur discedere. ET TIMEBUNT VOS. VIDETS ERGO DILIGENTER. Hebr. *Et timebunt vos, & custodiemini*; seu *custodite vos valde*. Clarius reddunt: *Quamvis metuant sibi a vobis; tamen cavete vobis valde*; id est, quamvis vestri metu percellantur, non tamen ut impares sunt contemnendi, nec securi ab illis esse debetis; sed instructa acie, & in prælium parati quasi cum illis dimicaturi transite. Alii vertunt: *Et timebunt sibi a vobis; & cavebitis vobis valde*; id est, diligenter cavete ne provocetis eos ad pugnam, ne lædatis eos: vel diligenter custodite vos, ne forte irruant in vos, & noceant vobis, quia timebit sibi a vobis, ne velint ipsi damnum antevertere. Sequenti versu se ipsum declarat.

V. 5. NE MOVEAMINI CONTRA EOS. Verbum גרה *garah*, quod hic in Hithpahel ponitur. תגרו *tigaru* *diver-*

simode enodant. I. Non *miscerebitis litem*, non *litigabitis*, non *rixabitis*, *contenditis cum eis*. II. Non *irriabitis eos*. III. Non *ostenditis vos feroces contra eos*. IV. Non *provocare facietis vos in illos*. V. Non *incitabitis vos in eos*. VI. Non *miscerebitis vos*, non *miscere facietis vos cum illis*. Hispanice, No os *mercleys conellos*. Hispanicus Interpres, No os *reboluays non ellos*. VII. Non *miscerebitis bellum cum eis*. Notant, id verbum de contentione ac bello tantum dici: quomodo Latini dicunt, *Miscere praelia*, *miscere certamina*. VIII. Non *attrahere facietis vos in eos*. Aiunt enim id verbum in Hithpahal proprie esse *attrahere*, scilicet cursus, ut mos erat curribus uti in bello & pugnare; instruere tracturam currum ad pugnandum. Vide hanc historiam Numer. xx. vers. 14. & seqq. CONTRA EOS: intelligunt contra reliquos Idumæos, per quos transitori estis: nam Hamalekitas, quamvis Idumæi essent, nominatim ex hac lege exclusit Deus, Exodi xvii. vers. 14. & infra cap. xxv. vers. 17.

V. 7. BENEDIXIT TIBI, &c. Quidam annotant esse hanc confirmationem in futurum ab experientia gratiæ Dei quadraginta annorum, in horrendo illo itinere eis semper consulentis. NOVIT ITER Tuum: curam habuit tui in toto illo itinere, favit, benefecit. Sic verbum noscendi sæpe capitur in Scriptura, ut Plal. i. vers. 6. Quidam observant, hunc verbum occupationis esse, & causæ redditionem; tamquam si quærentibus Israelitis: Et unde nobis pecunia ad emendum? & responderetur: Habetis plus satis cum nullam expenderitis inde ab Aegypto, sed multam ex spoliis comparaveritis, favente vobis semper Deo, & per totum iter mille beneficiis afficiente.

V. 8. CUMQUE TRANSISSEMUS, &c. Vide Numer. xx. vers. 21. & cap. xxi. vers. 4. DE ELATH, ET DE ASIONGABER. De hac statione vide Numer. xxxiii. vers. 36.

V. 9. AR. De hac vide Numer. xxi. vers. 15. & 28. & hic infra vers. 18. & Isaïæ xv. vers. 21.

V. 10. EMIM. De his vide Genes. xiv. vers. 16.

V. 11. GIGANTES, *Rephaim*, de quibus vide Genes. xiv. vers. 5.

V. 12. HORRHAËI. Hebr. *Chorrei*; quasi dicas, *Candidi*, *candidati*, *illustres*, *clari*, *nobiles*, *heroes*, &c. Vide Genes. xiv. vers. 6.

V. 13. TORRENTIEM ZARED. De hac fluore vide Numeror. xxi. vers. 12.

V. 14. TEMPUS AUTEM QUO AMBULAVIMUS DE CADES, &c. Hebr. Et dies quibus ambulavimus de Kades, &c. Exponunt, quibus in itinere ab Aegypto versati sumus: nam in Kadescho Israel annos triginta septem cum dimidio commemoratus est, postea vero dimidium annum in itinere a Kadescho ad vallem Zeredi occupavit: ergo illud a Kadescho *Barmeh* intelligunt; id est, ex quo Kadeschum venimus. HOMINUM BELLATORUM DE CASTRIS: Hebr. *Virorum belli e medio castrorum*, id est virorum aptorum bello, a nato viginti annos & supra: contra quos exclusionis a terra promissa sententia lata est Num. xiv. vers. 21.

V. 20. ZOMZOMMIM. Hebr. *Zamzumim*. Deducunt a nomine *zom* *zomam*, vel *zom zimmah*, de quo diximus Levitic. xviii. vers. 17. quasi dicas, *Sceleratos*, *facinorosos*, *nefarios*, *flagitiosos*, *abominabiles*, quale hoc genus hominum habitus sunt semper in sacris, & profanis litteris. Quidam *Presumptuosos* interpretantur: alii, *Machinatores*, *vafros*. Geminatione auget significatum; ac si dicas, quam sceleratissimos, & turpissimos: abutebantur enim robore & potentia sua ad quævis abominanda flagitia. Hos dictos *Zuzim*, Genes. xiv. vers. 5. plerique existimant.

V. 23. HEVAEOS QUOQUE. Distincti videntur ii qui primam nominis litteram Ghain habent, ab Hevæis Genes. x. vers. 17. qui Cheth præferunt. Notant, Ghavæos istos vetustam satrapiam fuisse Philistinorum, Iosue xii. vers. 3. quos Caphthorzi, seu Cappadoces sedibus expulerint, eorumque regionem occupaverint, ut hic dicitur. Quidam notant, non sic penitus expulso, & abolito, quin vel ipsi eieci in Assyriam commigraverint, vel reliquias eorum Salmanasar in Assyriam transfulerit, ibique urbem Ghava de suo nomine condiderint; eoique rursus idem Salmanasar, vel potius Asar-Hadon in Iudæam reduxerit, ut apparet e IV. Regum xvii. vers. 24. & 31. Equidem

Gha-

Ghazos istos fuisse Philistæa incolas, ex locis Hazerim & Gaza, in quibus hic habitasse dicuntur, facile intelligitur. Masius existimavit, Hevzōs cum Cheth eisdem esse cum istis Hevzīs cum Ghain, quod gutturales istæ litteræ facile inter se permutari soleant: ut etiam quidam Hebræorum volunt. Cum Ghain sonat *curvos*, *pravos*, *disortos*; cum Cheth, *vivos*, *vivaces*, *longævos*. HAZERIM. Hebr. *Chazerim*. De hoc loco, qui idem est cum *Chazeroth*, quartadecima Israelitarum statione, vide Numer. xi. vers. 35. Numer. xxxiii. vers. 17. USQUE GAZAN. De ea vide Notas Genes. x. vers. 19. CAPPADOCES. Hebr. *Caphthorim*: de quibus accurate diximus in Genes. xx. vers. 14. Hic quidam Caphthorim accipiunt Philisthōs, e Caphthoræis, seu Cappadocibus ortos, qui Ghazos præcos Palæstinæ incolas deleverint. Vide locum Genes.

V. 24. ECCE TRADIDI IN MANU TUA SEHON. Victoriæ de Sehon rege Amorrhæorum descripsit Moses Numer. xxi. vers. 21. & seqq. INCIPE POSSIDERE. Vide Numer. xxxii. vers. 6. & infra vers. 31.

V. 26. DE SOLITUDINE CADEMOTH. Istud desertum Numer. xxi. vers. 20. dicitur *Iesimon*, de quo ibi vide. מִדְּבָר *kademoth* sonat orientale, quod illud desertum magna ex parte in Orientem tenderat. Alii Cedomoth urbem esse volunt, de qua Iosue xiii. vers. 18. quasi dicas, *Orientelem*, seu *antiquam*, vel *antiquariam*. Hispanice, *Antequera*. VERBIS PACIFICIS. Siquidem iubebat Deus primum pacem offerre, infra cap. xx. vers. 10. qua repudiata, bellum rite & iuste suscipiebatur, nedum coram Deo, sed etiam coram hominibus. Sic Romani multo pacis ritu bella per Fetiales concipiebant.

V. 27. PUBLICA GRADIEMUR VIA. Hebr. *In via in via ambulabo*. Repetitio publicam, tritam, & regiam viam indicat. Numer. xxi. vers. 22. *Via regia* dicitur. Alii viam rectissimam intelligunt. Quidam reddunt: *Indefinenter procedam eadem*.

V. 29. SICUT FECERUNT FILII ESAU, QUI HABITABAT IN SEIR, ET MOABITAE, QUI MORANTUR IN AR. Equidem Idumæi, ut notant quidam, transitum per regionem suam Israël-

itis denegarent, ut exprimitur Numer. xx. vers. 20. terminos vero suos attingere eis permisissent; cibumque & potum pecunia concesserunt, ut ex hoc loco colligitur. Moabitæ vero a terminis attingendis non repulerunt; sed cibum & potum recusarunt, ut docetur infra cap. xxxiii. vers. 3. & 4.

V. 30. QUIA INDURAVÉRAT DOMINUS: uti de Pharaone dicitur Exodi iv. vers. 21. & alibi sæpe. SICUT NUNC VIDES. Hebr. *Sicut die ista*, vel *secundum diem hanc*. Quidam reddunt: *Ut est hodie*; vel *sicut est hoc tempore*. Alii: *Ut dies ista festatur*; vel *quemadmodum hodie omnibus notum est*; aut *sicut hodie cernere licet*; seu *ut hodiernus dies declarat*. Vide infra cap. viii. vers. 18.

V. 31. INCIPE POSSIDERE EAM. Hebr. *Incipe, heredita ad hereditandum terram eius*. Quidam: *Incipe adire hereditatem*, ut *hereditario iure possideas terram eius*.

V. 34. INTERFECTIS HABITATORIBUS EARUM, VIRIS AC MULIERIBUS, &c. Hebr. *Et anatematizavimus, excommunicavimus, devoravimus interfectioni, devotavimus, excidimus omnem urbem, mortales, ac mulieres*. Quidam reddunt, *omnem urbem hominum*; ut sit hypallage, omnes homines urbium, vel urbes populosas, frequentes hominibus, ut cap. ii. vers. 6. *Ac mulieribus*: ut mandatur infra cap. xx. vers. 16.

V. 36. OPPIDO QUOD IN VALLE SITUM EST. Hebr. *Et urbe que in torrente, vel que est in flumine*. Hanc quidam volunt esse ipsam urbem Harem, Numer. xxi. vers. 15. unde & regioni nomen fuerit impositum, supra vers. 9. Sed in eo loco Numerorum notavimus, a Peræ & Aroer unam & eandem urbem a Peris que existimatam, quæ dicta sit Aroer, quasi Ar gemina, quod dimidium eius esset ad ripam fluminis vel torrentis Arnōnis, & alterum dimidium ad alveum eiusdem torrentis protenderetur: vide ibi. QUAE NOSTAS EFFUGERET MANUS. Hebr. *Que altior fuit a nobis, vel que superior esset nobis*; id est, quam non transcendere, & expugnare potuimus. Alii: *Que munita fuit a nobis*; id est, cuius munitiones, quantumvis validæ & altæ, eam vobis cripere potuerint, quin eam ceperimus.

MENOCHII.

Vers. 1. Sicut dixerat mihi Dominus, scilicet Numerorum XIV. 25. CIRCUIVIMUS MONTEM SEIR, Idumæam: Idumæorum enim pater fuit Esau, qui etiam dictus est Seir, id est pilosus. Idumæa dicitur mons, quia regio est alta, & montosa.

V. 3. ITE CONTRA AQUILONEM: ite versus terram promissam, quæ venientibus de Aegypto est versus Aquilonem.

V. 4. PER TERMINOS FRATRUM VESTRORUM FILIORUM ESAU. Licet enim Numeror. XX. 28. Idumæi initio negarint transitum Hebræis; hinc tamen, & ex numero 6. & 28. patet eos Hebræis tandem transitum saltem extrema regionis concessisse: hoc enim significare videtur particula illa, *Per terminos*.

V. 5. QUANTUM POTEST UNIUS PEDIS CALCARE VESTIGIUM, ne minimum quidem. Proverbialis loquendi formula.

V. 6. CIBOS EMETIS AB EIS PECUNIA, ET COMEDETIS. Itaque licet eis quotidie manna depleret, nullotamen præcepto eis vetitum erat alios cibos edere, sicunde habere potuissent. AQUAM EMPTAM HAURIETIS. Septuaginta: *Aquam mensura accipietis argento*. Hebr. *Aquas fodietis in argento*: fodere enim Hebræi usurpant pro emere, & acquirere: quem idiotismum etiam alibi noster Interpres retinuit, ut Osee 111. 2.

V. 7. NOVIT ITER TUUM: direxit, prosperum fecit, & in eo te variis beneficiis affect: dicitur enim Deus in Scriptura nosse eos quibus peculiariter bene vult, ac bene facit. NIHIL TIBI DEFUIT. LXX. retinentes Hebraicum idiotismum, vertunt: *Non indiguisti verbo*.

V. 9. FILIIS LOT, Moabitibus; sicut & infra num. 19. Filii Lot sunt Ammonitæ: Moab enim, & Ammon duo Lot filii ex duabus filiabus extirere. AR, urbs regia Moabitarum.

V. 10. EMIM PRIMI FUERUNT HABITATORES EUS: ante Moabitas ea loca tenuerunt. Hæc commemorat Moyses, ut Hebræi exemplo Emim suis sedibus pulforum, fiduciam concipiant occupandæ Chananæ. *Emim* autem dicun-

tur, quasi terribiles propter immanem proceritatem, & vires: עַמָּא *ema* enim in Hebræo est terror. Alii deducunt ab עַמָּא *amma*, id est *cubitus*; quasi dicas, viri cubitorum, scilicet multorum. SIMILES FILIORUM ENACIM, qui habiti sunt omnium procerissimi gigantes.

V. 12. PRIUS HABITAVERUNT HORRHAEI, de quibus Genes. XIV. 5. quos percussit Codorlahomor vastans montana Seir. Masius Iosue XII. 4. putat Horreos fuisse Troglodytas. SICUT FECIT ISRAEL IN TERRA POSSESSIONIS SUAE, scilicet in terra duorum Regum Og, & Schon: necdum enim ceteram terram promissam ingressi erant Israelitæ.

V. 13. TORRENTEM ZARED est torrens defluens in Mare mortuum.

V. 14. SICUT IURAVÉRAT DOMINUS, Num. cap. XIV.

V. 15. CUIUS MANUS FUIT ADVERSUS EOS. Domini vindicta, ut plurimum morentur immatura morte.

V. 19. FILIIS LOT, Ammonitis, & Moabitibus.

V. 20. IN IPSA, Ammonitide. ZOMZOMMIM. Hi sunt qui Gen. XIV. 5. vocantur *Zurim*: significat autem vox *Zomzommim* 1. flagitiosos, & sceleratos; 2. inusitatae magnitudinis; 3. famulos, & celebres.

V. 21. ET FECIT, Dominus. ILLOS, Ammonitas. HABITARE PRO EIS, pro Zomzommim.

V. 23. CAPPADOCES EXPULERUNT. In Hebræo hi Cappadoces appellantur *Caphthorim*: nec sunt illi qui per Asiam minorem ad Pontum Euxinum extenduntur, sed alii, qui Palæstinam incoluerunt.

V. 25. SUPER OMNE CAELO: ad quos scilicet fama rerum a me pro te gestarum perveniet.

V. 26. MISIT ERGO NUNTIOS. Vide Num. XXI. 21. DE SOLITUDINE CADEMOTH, quam ad orientale latus regionis Moabiticæ constituit Adrichomius.

V. 28. TANTUM EST: tantum requirimus.

V. 29. SICUT FECERUNT FILII ESAU, per extrema ditionis suæ, ut dixi num. 4. ET MOABITAE, QUI MORAN-

RANTUR IN AR. Ergo Moabitæ transiitum aliquem in limitibus Ar dederunt Hebræis; sed paulo post sibi timentes, mutato consilio negaverunt.

V. 30. INDURAUERAT, non molliendo, & inflectendo, cum posset.

V. 32. EGRESSUSQUE EST, &c. Historiam habes Num. xxi. 23. & deinceps.

V. 34. INTERFECTIS HABITATORIBUS EARUM, &c. iuxta præceptum Domini, ut patet infra cap. xx. 16.

V. 37. TORRENTI IEBOC: ubi Iacob luctatus est cum Angelo, Gen. xxxii. 22. pertinetque ad Ammonitas.

T I R I N I.

Vers. 4. TRANSIBITIS PER TERMINOS ESAU, id est per extremas Idumææ oras ac fines. Nam per interiora regni, aut viscera terræ, ut transirent, negarunt Israelitis Idumæi Num. xx. vers. 21.

V. 10. EMIM, id est terribiles, nempe robore, & proceritate sua gigantes. Meminit enim hic quadruplicis generis gigantum. Primo *Emim*; secundo *Enacim* a; tertio *Hevæorum* b, seu *Raphaim* c; quarto *Zomzommin* d, vel *Zuzim* e. Hos gigantes dicit, initio tenuisse terram Palestinæ, sed ab Amorrhæis, Moabitibus, Ammonitis, & Cappadocibus inde vi pulsos fuisse. Quod idcirco hic narrat Moyses, ut fiduciam etiam Israelitis faciat occupandæ, Deo duce, eiusdem Palestinæ. Nam si tam proceri, tam validi gigantes potuerunt armis & vi humana superari; quid erit imperium aut impossibile militantibus Deo, & fultis ope divina?

V. 23. CAPPADOCES, egressi de Cappadocia. Hebraice est *Caphtorim*. Non enim agit hic Moyses de Cappadocibus qui in Asia Minore, in continente, ad Pontum Euxinum degunt, quorum regio passim a geographis Cappadocia vocatur. Nam hi ab Iaphet oriundi sunt, teste Iosepho f; cum alii de quibus hic Moyses, a Mesraim, qui Aegyptum propagavit, filio Cham profeminati fuerint, ut dicitur Gen. x. vers. 14. Unde & verosimile est, Cappadociam, seu locum e quo hi in Chananaem venerunt, vel Aegypti partem fuisse, vel Aegypti conterminum, puta Me-

roen, Syenen, vel ipsum etiam Delta, aliaque insulas Nili, quæ ut numero plurimæ, ita magnitudine vastissimæ sunt. Supra septingentas esse Diodorus Siculus g affirmat, & quasdam vix quinque dierum cursu permeari posse, Iustinus, & Plinius. Quare merito a Ieremia cap. xxxvii. & Amos ix. dicuntur Palestina, Cappadocum reliquiæ, venisse ex insulis Cappadociæ. Et videntur hi non alii fuisse quam Philisthæi, & loca quæ in Palestina occuparunt, esse quinque illæ Philistinorum satrapæ, Accaron, Geth, Azotus, Ascalon, & Geza: quas omnes simul Noster hic complectitur duabus vocibus *Hasferim*, seu villarum, & *Gaza*.

(a) Deut. ii. vers. 10. & Iosue xxi. vers. 11.

(b) Deut. xi. vers. 23.

(c) I. Paral. xx. vers. 6. & ibid. And. Masius Gen. i. vers. 6. Ista xxvi. vers. 14.

(d) Deut. ii. vers. 20.

(e) Genes. xiv. vers. 5.

(f) Ioseph. Lib. I. Antiq. cap. vi.

(g) Diod. Siculus Lib. I. Iustinus Lib. II. Hist. Plinius Lib. V. cap. 12.

G O R D O N I.

Vers. 1. Duo hæc capita, primum, & secundum, non aliam requirunt explicationem, præter inspectionem tabularum geometricarum, quas de hac re habes in hoc volumine expansas. Res ipsa supra narrata est, præsertim Num. xiv. 20. & 21.

V. 4. & 5. Hi Idumæi initio negarunt transitum, Num. cap. xx. vers. 21. tamen postea, ut hinc constat, concesserunt. Adde hic vers. 6. & 28.

V. 6. Manna usi sunt in deserto: non tamen omnes semper, ut hinc constat; sed interdum alios cibos emebant, ac forte etiam carnes.

V. 9. AR urbs est Moabitarum regia.

V. 10. 11. & 12. EMIM, &c. *Emim*, gens fortis, & proceræ, a Moabitibus, inquit, deleta est; sicut etiam Horrhæi ab Idumæis, ut narrat vers. 12. De Horrhæis vide Genes. xiv. vers. 6. Additur hic idem nunc factum esse ab Israelitis, certe in regnis Sehon, Og, & Amorrhæis. Frustra quærantur alii sensus.

V. 14. & 20. De rebus gestis ad Zared, vide Num. xxi. vers. 12. Addit vers. 20. ut antea vers. 10. & 12. pulsos Zomzommin ab Ammonitis. ZOMIM regia. Si-

millia vers. 23. de Hevæis, quos expulerunt Cappadoces.

V. 24. **SURGITE ET TRANSITE**, &c. Pergit narrare gesta in itinere, & hic de exhortatione ante pugnam contra Amorrhæos.

V. 30. De modo quo Deus indurat, dictum sæpe. Vide Exod. cap. vii. & xiv.

V. 34. **VRIS**. Hebr. מֵתִים *metim*, per Sceva, significans mortales: nam per Zere, significat mortuos.

EX EIUSDEM AUCTARIO.

V. 6. **A QUAM HAURIETIS**. Hebraismus est. Solent Hebræi pro fodere, &

haurire, intelligere id quod est emere, & possidere.

V. 13. Est Zared torrens defluens in Mare mortuum.

V. 19. **FILIIS LOT**, Ammonitis, & Moabitibus.

V. 20. **IN IPSA**, Moabitide. **ZOMMIM**, flagitiosos significat.

V. 21. **ILLOS**, Ammonitas.

V. 23. Hi sunt Cappadoces illi qui Palæstinam incoluerunt.

V. 26. **MISIT**. Vide Num. xxi. 21.

V. 29. **SICUT FECERUNT**. Moabitæ initio transitum aliquem permiserunt, sed postea mutarunt consilium.

V. 37. **LEBOC**, locus est ubi luctatus est Iacob cum Angelo Gen. xxxiii.

C A P U T III.

Pugna contra Og regem Basan, & lectus eius, atque fors duarum tribuum & semis citra Iordanem: precatur Moyses ut liceat ei terram promissam ingredi.

I. **TAQUE** conversi ascendimus per iter Basan: (a) egressusque est Og rex Basan in occursum nobis cum populo suo ad bellandum in Edrai. 2. Dixitque Dominus ad me: Ne timeas eum: quia in manu tua traditus est cum omni populo ac terra sua: faciesque ei (b) sicut fecisti Schon regi Amorrhæorum, qui habitavit in Hesebon. 3. (c) Tradidit ergo Dominus Deus noster in manibus nostris etiam Og regem Basan, & universum populum eius: percussimusque eos usque ad intereccionem, 4. vastantes cunctas civitates illius uno tempore. Non fuit oppidum, quod nos efflueret: sexaginta urbes, omnem regionem Argob regni Og in Basan. 5. Cunctæ urbes erant munitæ muris altissimis, portique & vectibus, absque oppidis innumeris, quæ non habebant muros. 6. Et delevimus eos, sicut feceramus Schon regi Hesebon, disperdentes omnem civitatem, virosque ac mulieres & parvulos; 7. iumenta autem & spolia urbium diripimus. 8. Tulimusque illo in tempore terram de manu duorum regum Amorrhæorum, qui erant trans Iordanem: a torrente Arnon usque ad montem Hermon, 9. quæ Sidonii Sarion vocant, & Amorrhæi Sanir: 10. omnes civitates, quæ sitæ sunt in planitie, & universam terram Galaad & Basan usque ad Selcha & Edrai civitates regni Og in Basan. 11. Solus quippe Og rex Basan restiterat de stirpe gigantum. Monstratur lectus eius ferreus, qui est in Rabbath filiorum Ammon, novem cubitos habens longitudinis, & quatuor latitudinis ad mensuram cubiti virilis manus. 12. Terramque possedimus tempore illo ab Aroer, quæ est super ripam torrentis Arnon, usque ad mediam partem montis Galaad: & civitates illius

(d) de-

(d) dedi Ruben & Gad. 13. Reliquam autem partem Galaad, & omnem Basan regni Og, tradidi mediæ tribui Manasse, omnem regionem Argob: cunctaque Basan * vocatur terra gigantum. 14. Iair filius Manasse possedit omnem regionem Argob usque ad terminos Gessuri & Machati. Vocavitque ex nomine suo Basan, Havoth Iair, id est Villas Iair, usque in præsentem diem. 15. Machir quoque dedi Galaad. 16. Et tribubus Ruben & Gad dedi de terra Galaad usque ad torrentem Arnon medium torrentis, & confinium usque ad torrentem Ieboc, qui est terminus filiorum Ammon: 17. & planitiem solitudinis, atque Iordanem, & terminos Cenereth usque ad mare deserti, quod est falsissimum, ad radices montis Phasga contra Orientem. 18. Præcepique vobis in tempore illo, dicens: Dominus Deus vester dat vobis terram hanc in hereditatem, expediti præcedite fratres vestros filios Israel omnes viri robusti: 19. absque uxoribus, & parvulis, atque iumentis. Novi enim quod plura habeatis pecora, & in urbibus remanere debebunt quas tradidi vobis, 20. donec requiem tribuat Dominus fratribus vestris, sicut vobis tribuit; & possideant ipsietiam terram, quam daturus est eis trans Iordanem: tunc revertetur unusquisque in possessionem suam, quam dedi vobis. 21. (e) Iosue quoque in tempore illo præcepi, dicens: Oculi tui viderunt quæ fecit Dominus Deus vester duobus his regibus; sic faciet omnibus regnis, ad quæ transiturus es. 22. Ne timeas eos: Dominus enim Deus vester pugnabit pro vobis. 23. Præcatusque sum Dominum in tempore illo, dicens: 24. Domine Deus, tu, cœpisti ostendere servo tuo magnitudinem tuam, manumque fortissimam: neque enim est alius Deus, vel in cælo, vel in terra, qui possit facere opera tua, & comparari fortitudini tuæ. 25. Transibo igitur, & videbo terram hanc optimam trans Iordanem, & montem istum cæregium, & Libanum. 26. Iratusque est Dominus mihi propter vos, nec exaudivit me, sed dixit mihi: Sufficit tibi: nequaquam ultra loquaris de hac re ad me. 27. Ascende cacumen Phasgæ, & oculos tuos circumfer ad Occidentem, & ad Aquilonem, Austrumque, & Orientem, & aspice: (f) nec enim transibis Iordanem istum. 28. Præcipe Iosue, & corrobora eum atque conforta: quia ipse præcedet populum istum, & dividet eis terram quam visurus es. 29. Mansimusque in valle contra fanum Phogor.

(*) Num. xvi. 33. Inf. xxxix. 7. (b) Num. xii. 34. (c) Num. xxi. 35. (d) Num. xxxii. 29. (e) Num. xxvii. 18. (f) Inf. xxxi. 2. & xxxiv. 4.

B R U G E N S I S

ROMANA CORRECTIO.

V. 13. Vocatur terra gigantum. Alii pro

præsentem scribunt præteritum imperfectum vocabatur.

C O M M E N T A R I A

S A.

Vers. 1. **B**ASAN. Hæc est Trachonitis regio.V. 2. **TRADITUS EST.** Hebr. *Eum tradidi*, pro tradam.

Bib. Sac. Tom. III.

V. 11. **RESTITERAT**, id est remanserat. **VIRILIS MANUS**; quasi dicat, communis, seu vulgaris: mensuratur enim cubitus palmo.V. 14. **FILIUS**, id est nepos.

Qq V. 17.

V. 17. CENERETH, id est maris, seu lacus Genesareth. SALSISIMUM, scilicet Mare mortuum. CONTRA, proad.

V. 25. EGREGIUM, scilicet in quo templum ædificandum, Deusque colendus: vel montem Libanum intelligit, ut quod sequitur, sit explicatio. LIBANUM, scilicet montem, vel locum, ubi templum ex cedris Libani ædificandum. LXX. ante Libanum. Chald. domum sanctuarii. Notant quidam, dictum Libanum, id est album, ob perpetuas nives, vel quia thure abundat, quod Hebraice *Lebanon* dicitur.

V. 26. SUFFICIT, scilicet quod a me haecenus accepisti.

V. 28. PRAECEDET, id est ducet. VISURUS ES, pro *vidisti*, ut verterunt LXX.

V. 29. FANUM, id est templum;

EST I I.

Verf. 5. CUNCTAE URBES ERANT MUNITAE MURIS ALTISSIMIS, PORTISQUE AC VECTIBUS, ABSQUE OPPIDIS INNUMERIS, QUAE NON HABEBANT MUROS. In Hebraeo idem est vocabulum, pro quo noster Interpres modo vertit *urbes*, modo *oppida*, modo *civitates*. Comprehenduntur autem eo nomine etiam vici seu pagi, ac similia loca non munita, in quibus aliqua sit hominum frequentia.

V. 23. PRECATUSQUE SUM DOMINUM IN TEMPORE ILLO. Queritur, cum Moysi iam ante prædictum esset quod terram promissionis non esset ingressurus, idque ob incredulitatem suam ad aquas contradictionis, quomodo hic non committat novum peccatum incredulitatis, utpote non conformans se divinae voluntati? Resp. quod prædicationes divinae, quibus poena vel afflictio, vel quodcumque malum prædicitur, non semper definitivam continent sententiam, sed frequenter tantum sunt comminatoriae: sic illud ad Ezechiam: *Morieris, & non vives*; & item ad Ionam: *Adhuc tres dies, & Ninive subvertetur*. Ita fieri potuit ut Moyses sententiam Dei intellexerit tamquam comminatoriam; aut saltem dubitaverit, utrum definitiva esset sententia, an vero comminatoria tantum, maxime cum iam recenter Reges aliquot debellasset, & eorum

terram populo distribuisset: unde spem concipere poterat etiam Iordanem transgredi. Sic ergo similis erat oratio Moysi orationi Ezechiae, qui, audita prædicatione illa, *Morieris, & non vives*, tamen precatus est, & vita ei producta est.

V. 25. TRANSIBO IGTUR, inquit Moyses, ET VIDEO TERRAM HANC OPTIMAM TRANS IORDANEM. Quæstio hic nascitur, quare Moyses tantopere expetivit intrare corporaliter terram promissionis, & corporalibus oculis cam lustrare, cum esset tam sanctus Propheta, qui corporalem illum adspicere non magni facere debebat, maxime cum iam ante etiam longe maiora ipsi essent ostensa; velut quod Deus palam, & non per ænigmata, cum ipso tam familiariter ageret, vidissetque tam frequenter Dei magnalia, & stupenda opera? Ad quod videtur respondendum, quod Moyses id desideravit tantopere duas ob causas. Cum enim vir sanctus esset, tangebatur devotione videndi, & perlustrandi ea loca in quibus sanctissimi Patriarchæ progenitores ipsius, ac totius populi, peregrinati fuerant, & divinas promissiones acceperant; sicut nunc ex devotione ob memoriam sanctorum loca conversationis eorum pie a fidelibus visitantur. Tum secundo, cum etiam Propheta esset, merito desiderabat videre coram, & venerari ea loca in quibus omnium Prophetarum Dominus, semen illud benedictum, Patriarchis promissum, aliquando conversari deberet, & redemptionis humanæ mysterium peragere.

MARIANAE.

Verf. 1. PER ITER BASAN. *Basan* regio lætissimis pascuis: sic Psalm. xxi. veri. 13. ubi nos *tauri pingues*, Hebr. *tauri Basan*.

V. 4. OMNEM REGIONEM CEPERUNT ISRAELITÆ. Hebr. *omnem funiculum*: sic regionem vocat, quoniam funiculis dividebant prædia.

V. 8. & 9. AD MONTEM HERMON, QUEM SIDONII SARION VOCANT. Psalm. xxviii. verf. 6. Hebr. *Libanum quoque, & Saron, sicut filios unicorni*.

V. 11. LECTUS EIUS FERREUS. Quia ligneus pondus non ferebat. CUBITI VIRILIS MANUS. Chald. *cubito eius*.

eiusdem Regis, sed melius mensura vulgaris: & dicitur cubitus viri Hebr. quod esset cubitus maior alius, & legalis, ut internos Romanos Hispano, & vulgari maior est. Quidam hunc lectum sepulcrum fuisse putat.

V. 17. AD RADICEM MONTIS PHASGA CONTRA ORIENTEM. Hebr. sub effusionibus collis ad Orientem. Sed bene effusiones, quo aquæ confluunt e monte dilapsæ, vocavit radicem montis. Idem Hieron. Num. xxi. vers. 15. pro eadem voce dixit scopuli; in Iosue Lib. cap. x. dicit Aferoth; & cap. xii. Aferoth, quasi sit nomen proprium. Hebræi ubique effusiones intelligunt. Porro hoc loco Phasga non accipitur Hebræi ut nomen proprium, sed in significatione collis. CENERETH est Geneslar. MARE SALSISSIMUM est Mare mortuum.

V. 23. PRECATUSQUE SUM DOMINUM. Verbum Hebraicum significat Petere misericordiam.

V. 25. MONTEM ISTUM EGREGIUM, ET LIBANUM. Quidam putant esse duos montes; sed melius est ut & redundet, & designetur tantum Libanus.

V. 28. DIVIDET EIS TERRAM. Hebr. Hereditare faciet eos terram, non tu scilicet, sed Iosue.

MALVENDAE.

Vers. 1. ASCENDIMUS PER ITER BASAN. Hanc historiam deleti Hog regis Basan expositam quoque dedit Moles Numer. xxi. vers. 33. & seqq.

V. 3. USQUE AD INTERNECIONEM. Hebr. Usque ad non reliquit ei residuum. Quidam: Ita ut non remaneret illi superstes. Alii: Ita ut non superesset ei reliquus. Nonnulli: Adeo ut non reliqueret sibi superstitem. Aliqui: Adeo ut non fecerimus ei reliquum superstitem. Similis locutio est Numer. xxi. vers. 35.

V. 4. OMNEM REGIONEM. Hebr. omnem funem. חבל חבל, funis, solet figurate interdum poni pro spatia terre, quod funiculis mensuratur; pro parte, portione terre, seu hereditatis, quæ funiculis mensuris dividebatur. Psalm. xv. vers. 6. & alibi sæpe, regionem, tractum, solent interpretari. ARGOB. Eusebius, & S. Hiero-

nymus in Locis Hebraicis: Argob, regio Og regis Basan super Iordanem, quæ cecidit in sortem dimidiæ tribus Manasse; & est usque hodie vicus circa Gerasam urbem Arabie, quindecim ab ea distans millibus contra Occidentem, qui Argæ appellatur: quod interpretatur Symmachus mensuram. Chaldaei Interpretes hic Trachonitidem intelligunt. Nomen habere videtur a pinguigleba, & solo fertili. Hebræorum quidam non regionis, sed viri nomen Argob hic esse volunt.

V. 5. PORTISQUE. דלתים delataim, duale aiunt significare, fores, ianuas. bifores, seu bishdar, vel quod hinc tabulam unam, inde alteram ad claudendum habeant; vel quod duas habeant valvas, quibus occludantur. ABSQUE OPPIDIS INNUMERIS, QUAE NON HABEBANT MUROS. Hebr. præter urbes irruptionis multum valde. פראזי perazi quidam pronimine substantivo capiunt, irruptionis, perruptionis; id est, oppida in quæ facilis est irruptio, quod muris careant. Alii volunt esse plurale contractum: Præter urbes paganorum, seu pagorum, aut villarum.

V. 8. USQUE AD MONTEM HERMON, seu Chermom. Hic primum occurrit mons Hermon sacris Scripturis egregie nobilitatus; de quo Eusebius, & S. Hieronymus in Locis Hebraicis: AErmon mons Amorrhæorum, quem Phœniciæ vocant Sannior: Amorrhæus appellavit Sannr: diciturque in vertice eius insigne templum, quod ab Ethnicis cultui habetur. e regione Panzadis & Libani, & terra filiorum Israel trans Iordanem ad solis ortum a prærupto Armon usque ad montem AErmon extenditur. Et paulo superius: AErmon regio AEvæorum, quam obtinuit Iesus. Hebræus vero, quo prælegente sacras Scripturas didici affirmat montem AErmon Paneadi inminere; quem quondam tenere AEvæi, & Amorrhæi: de quo nunc effrue nives Tyrus od delicias deferuntur. Vide Iacobum Vitracium in Historia Ierosolymitana, cap. lxxxiv. Hevæos habitasse sub Hermone, scribitur Iosue xi. vers. 3. & Iudic. iiii. vers. 3. Este ipsum Libanum longe lateque, vel certe eas Libani partes versus Orientem supra Iordanis fontes, atque ad Trachonitidem pertinuisse, plerique annotantur. Bocardus: Mons Hermon, qui circuit Trachonitidem regionem, & proveniens usque Da-

mascum, copulat se Libano inter Bellenam & Damascum. Partem magnam Antilibani putant. Hebræorum nonnulli existimant, Hermon non esse nomen proprium alicuius loci, sed esse epitheton Libani iis partibus quibus vastus & inhospitalis est, nivibus coopertus, & frigidus rigidus: quod verbum חרם *charam*, perditum, excitum, anathematizatum, vastum, abusu sepositum, significet.

V. 9. SARION. Hebr. שריון *schirion*. Hebræi secuti Chaldæum, facientem, seu fatidum interpretantur, quod fructus in eo corrumpantur: alii, principalem. Chaldæi, & Hebræi nivisum interpretantur, quod nivibus semper coopertus esset, seu hieme, seu ætate: notant enim id significare in lingua Chananæa, ut etiam Germanica. Vide cap. iv. vers. 48. & Sanir Cantior. iv. vers. 8.

V. 10. IN PLANITIE. מישור *mischor*, proprie restitudo, æqualitas, planities. Distinxe notant ארבה *gharabab*, campestri, quantitate, & qualitate: quod *gharabab* sit maioris spatii, aspera, & acida: *mischor*, mellitius, exculta, arvis, arboribus, hortis iucunda, & amœna. USQUE AD SELCHA. Eusebius, & S. Hieronymus in Locis Hebraicis: *Selcha civitas regis Og in regione Bafanide*. Constantinum positam fuisse in extrema Bafanide ora, quæ supra Philippi Cæsaream est. Dimidii diei itinere distare a monte Galaad, auctor est Beniamin Tudelensis in Itinerario.

V. 11. IN RABBATH FILIORUM AMMON. Eusebius, & S. Hieronymus: *Rabbath civitas regni Ammon, nunc Philadelpia: cuius meminit Ieremias*. Meminere Philadelpiæ Strabo Lib. XVI. Ptolemæus Lib. V. cap. xv. Plinius Lib. II. cap. xviii. *fertilem Philadelpiam vocat*. Est urbs Cœles-Syriæ, Arabiam versus. רבת *Rabbath* dicta videtur quod esset populosissima. Polybius Lib. V. *Fastus certior Antiochus magnus hostium numerum in urbem Arabie convenisse*. Stephanus de Urbibus: *Rabbathammana urbs est in Arabiis montibus: & rursum: Tertia Philadelpia Syria est inclyta urbs, quæ primum Ammana, deinde Astarte, demum Philadelpia est cognominata, a Ptolemæo Philadelpho*. S. Hieronymus in Ezechiel. xxv. *Contra filios Ammon, qui habebant metropolim nomine Rabbath, quæ hodie a rege*

Ægypti Ptolemæo cognomento Philadelpho, qui Arabiam tenuit cum Iudæa, Philadelpia nuncupata est. AD MENSURAM CUBITI VIRILIS MANUS. Hebr. *in cubito viri*. Quidam exponunt: Id est iustæ & communis mensuræ, qualem mensuram cubitale quilibet artifex observare solet. Idem cubitus notæ mensuræ appellatur Iosue xiii. vers. 4. Alii, *cubitus viri*, interpretantur cubitum vulgarem, seu viri mediocris, quales erant homines illius temporis, aut viri iustæ & perfectæ staturæ. Nec desunt qui explicant, *in cubito viri*, nempe ipsius Hog, qui erat gigas. Chaldæi Interpretes, *in cubito regis*. H. rododus Lib. I. numer. 178. *Est autem regius cubitus, quam quo pro mensura utimur (nempe communi & vulgari) tribus digitis maior*. De cubito egere complurimi. Vide S. Augustinum Lib. XV. de Civitate Dei, cap. xxvii. Antonium Nebriffensem repetitione vi. de Mensuris; Drusium hic.

V. 14. GESSURI. Eusebius, & S. Hieronymus in Locis Hebraicis: *Gessuri, regio alienigenarum in Syria*. Aliqui putant esse Bataniam provinciam, in qua fuerit Gerrha apud Ptolemæum, Lib. V. cap. xv. Notant quidam Gessuros a tergo Bafanidis oræ supra Cæsaream Philippi introrsus iacuisse, in montosis quidem illis locis, sed fertilibus tamen & populosis, quæ ad Syriam Damasci, seu Damascenam vergunt: unde Gessuriæ dicitur II. Samuel. xv. vers. 8. De quibus etiam Iosue xiii. vers. 11. & 13. MACHATHI. Eusebius, & S. Hieronymus in Locis: *Machathi urbs Amoræorum supra Iordanem, iuxta montem Aërmon: de qua extorquere non valuerunt filii Israel Machathæum: & postea: Maachab regio regis Gessur*. Esse conterminos Gessuræis, non est dubium. Hanc dictam Syriam Maachab, plerique existimant: de qua vide Genes. xxii. vers. 24. Chaldæi Interpretes pro Maachathæis Epicæreos reddere solent: fortassis a fluvio Epicæro Palæstinæ Iudææ, apud Ptolemæum Lib. V. cap. xvi. Sed longe Maachathæi ab Epicæro Ptolemæi distabant, quem ipse ad lacum Alphaltiem collocat. De Maachathæis, etiam Iosue xiii. vers. 11. & 13.

V. 17. AD RADICES MONTIS PHA-SSGA. De voce אשכול *aschidoloth*, quam hic radi-

radices. Noster dixit, egimus Numer. xxi. verl. 15. Variè hic reddunt. I. *sub effusio-
nibus collis*, id est ad radices collis, quæ
fontibus irrigari solent. II. *sub scatebris
collis*. III. *sub decursibus ipsius collis*: sic
vocari aiunt declivem illius collis partem
in quam e diversis locis torrentes de-
currunt. IV. *sub declivitatibus, devexitati-
bus Phisgab* (Hispanicus Interpres appo-
sita: *Las vertientes abaxo del Phasga*.) V.
sub Aseboth Phisgab. Putant proprium
esse nomen urbis, de qua Iosue xxi. verl.
20. sic dictam, quod in locis declivibus &
vergentibus montis Phasga sita esset: vo-
lunt enim *aseboth* esse ea loca, quæ, a
Græcis dicuntur *ὠπαστοι*; hoc est, ubi
montes, collesve in campos se porrigunt,
proiciuntque; quasi dicas, porrectiones,
proiectiones, effusiones, loca devexa &
declivia: quæ solent esse ceteris cultiora
lætoraque. Eusebius, & S. Hieronymus
in Locis Hebraicis: *Aseboth urbs Amor-
reorum, quæ cecidit in sortem tribus Ra-
ben*: appellatur autem, adito cognomento *Ase-
both*, *Phasga*, quod in lingua nostra resonat
Abscissum. Rîdicule quidam exponunt,
locum ubi Iordanis & mare Cinereth ef-
funditur in terram planitie: quod ex Ben-
iamin Itinerarii pag. 51. acceperunt.

V. 18. EXPEDITI PRÆCEDITE,
&c. Hoc illis præcepit Moyses, cum se il-
li prius obtulissent Numer. xxxii. verl.
17. 20. 21.

V. 20. DONEC REQUIEM TRIBUAT
DOMINUS FRATRIBUS VESTRIS.
Hebr. *Quousque reponet, dimittet, quiescere
faciet, pausare faciet, fratres vestros*, scilicet
in terra promissa.

V. 21. IOSUB QUOQUE, &c. Vide
Numer. xxvii. verl. 18. & seqq.

V. 24. QUI POSSIT PACERE OPE-
RA TUA. Hebr. *sicut, secundum opera
tua*, id est opera similia tuis; quasi dicat:
Opera non dico paria, sed etiam similia,
aut prope accedentia ad tuorum operum
amplitudinem & gloriam. FORTITUDINI
TUÆ. *בְּכֹרֶת geboroth*, quidam red-
dunt *virutes*, *bratagonata*.

V. 25. ET MONTES ISTUM EGRE-
GIUM: alii, *optimum*; id est, uberrimos
colles, quibus montosa Chananza referta
est, Exodi xv. verl. 17. & infra cap. xi.
verl. 11. Aliqui Moriam intelligunt. ET
LIBANUM. Plerique Hebræorum Liba-

num hic, locum in quo postea extruetur
templum ex lignis cedrinis, quæ affluer-
t e monte Libano, interpretantur. S.
Hieronymus in xvii. Ezech. *Crebro templum
in Scripturis sanctis Libanus appellatur*: ut
Zachar. xi. verl. 1. & alias. Sed rectius
est accipere montem Libanum proprieter-
minum aquilonarem terræ promissæ. Eu-
sebius, & S. Hieronymus in Locis He-
braicis: *Libanus mons Pœnices altissi-
mus*. Eum describere Polybius Lib. V.
Diodorus Siculus Lib. XIV. num. 457.
Strabo Lib. XVI. Plinius Lib. V. cap. xx.
Ptolemæus Lib. V. cap. xxv. & recentio-
res innumeri. Libani appellationem, ab
albedine, & candore quidam derivant,
quod nivibus semper albescat. Sic Alpes
dictas volunt ab eo quod est *ἀλγος*, id
est *album*. Tacitus Hist. V. de Iudeæ:
*Præcipuum montium Libanum erigit: mirum
dictu! tantos inter ardores opacum, fidumque
nivibus*. Supra ad verl. 8. ex S. Hiero-
nymo vidimus, ex eo nives æstivas Ty-
rum ob deliciis deferri. Auctor Hædopo-
rici Ierosolymitani: *In summo cacumine,
ut in altissimis Apium iugis perpetue ni-
ves, quæ paleis conservantur, & ad vicini-
na loca magnis caloribus æstivaria, ut vin-
um, & reliquæ fruges frigore temperantur,
in sportulis deportantur*. Alii a thure, cu-
ius sit ferax, Libanum vocatum existi-
mant: constat enim Libanum cedrorum
atque aliarum resinotarum arborum ferti-
lem esse: ex quibus credibile est, si non
purissimum & pretiosissimum illud thus
Sabæis proprium, at thuris speciem quam-
dam excipi. Idem Auctor Hædoporicus: *In
Libano iuxta cedros electæ abietes, odoriferæ
cyparissi, pingues olive, pini, buxi, varie-
que arbores, insar thuris mire fragrantæ*.
Vide in Cant. iv. verl. 11.

V. 26. IRATUSQUE EST. Hebr. *Et
transire se fecit*; id est, invecus est. Vi-
de supra cap. i. verl. 37. & Numer. xx.
12. Plerique vertunt, *Et excaudit*, vel
exarsit.

V. 27. ASCENDE CACUMEN PHA-
SGÆ. Vide infra cap. xxxii. verl. 49. &
cap. xxxiv. verl. 1.

V. 29. IN VALLE. Hebr. *in Gaie*.
Quidam nomen proprium esse volunt.
CONTRA FANUM PHOGOR. Hebr. *e
regione Bet-Duogor*. De hoc loco vide No-
tas Numer. xxvii. verl. 28.

MENOCHIL.

Verf. 1. **E**GRESSUSQUE EST OG REX BASAN, &c. Hoc prælium habes descriptum Num. xxi. 33. & deinceps, ubi eadem prope omnia quæ hic reperies.

V. 4. ARGOB est eadem regio cum Basan, ex D. Hier. de locis Hebraicis, & Adrichomio.

V. 5. MUNITAE MURIS, &c. Idem de his urbibus habetur III. Reg. iv. 13. Hæ tamen urbes ita grandes, munitæ, & obsestæ, subinde vocantur vici, & villæ, ut supra Num. xxxii. 42. & infra hoc cap. num. 14. & Iosue xii. 30.

V. 8. MONTEM HERMON. Hermon mons pars est extrema montis Galaad trans Jordanem: totus enim mons, Galaad dicitur; at in variis locis varia habet nomina.

V. 9. SIDONII SARION. Mons ergo Hermon vocatur Sarion, & Sanir, vocatur & Sion, vel Scon, ut patet cap. iv. 48.

V. 11. SOLUS QUIPPE OG REX BASAN RESTITERAT DE STIRPE GIGANTUM; int. Ille in regione illa: nam alibi adhuc extitisse gigantes, patet Numer. xiii. 34. Iosue xv. 14. 2. Par. xx. 6. IN RABBATH. Hæc postea dicta est Philadelphia. teste S. Hieronymo de locis Hebraicis. CUBITI VIRILIS MANUS. Heb. secundum cubitum viri.

V. 14. FILIUS MANASSE, nepos: Hebræi enim omnes posteros vocant filios. USQUE IN PRÆSENTEM DIEM. Hæc Abulensis putat edita ab Esdra, & non esse Moysi verba. quod longum aliquod tempus antecedens denotare videantur. Sed non est necesse: satis enim est, si tempus aliquod intercesserit, quo toto eadem aliqua res continuata fuerit, ut dici possit: Usque in præsentem diem monstratur.

V. 15. MACHIR, id est posteris Machir. DEDI GALAAD, id est partem Galaad: nam Rubenitæ etiam, & Gaditæ eius partem habebant.

V. 17. TERMINOS CENERETH. Vide dicta supra Num. xxxiv. 11. USQUE AD MARE DESERTI, Mare mortuum, sive lacum Asphaltitem, Num. xxx. 3. & 12.

V. 18. PRÆCEDITE FRATRES VESTROS, armati in Chanaan.

V. 20. DONEC REQUIEM TRIBUAT, donec debellatis Chanaanitis, terræ divisio facta sit: quod bellum, atque divisio annos quatuordecim tenuit, ex Abulensi.

V. 25. TRANSIBO IGITUR, &c. quasi dicat: Quæso, transeam, & videam terram, pro qua quadraginta annis laboravi. MONTEM ISTUM EGREGIUM, montem Moria, in quo Abraham obtulit Isaac, & in quo ædificanda est Sion, & templum. Alii putant, sermonem esse de montibus Bethel, qui & altiores quam mons Moria, & Iordanis viciniore, nec multum a Iericho remoti sunt.

V. 29. CONTRA FANUM PHOGOR. Hebr. contra domum, id est templum, Phogor.

TIRINI.

V. 11. **S**OLUS QUIPPE OG REX BASAN RESTITERAT DE STIRPE GIGANTUM. Hebraice de stirpe Raphaim. Itaque solum hic negatur, quemquam superfuisset de una illa & particulari stirpe gigantum Raphaim, cum antea tempore Abrahami Gen. xiv. Raphaim totam illam regionem occuparent. Cui non obstat, quod alii gigantes ex alia triplici stirpe, capite precedenti, eodem tempore, & diu post superstites extiterint, ut patet ex Iosue, Iudicum, & Regum libris. Quin neque obstat, quod vel tunc, vel postea etiam, aliqui Raphaim superfuissent; sed extra terminos Balanitis, in qua solat regione hic dicitur, nullos ex ea stirpe superfuisset, patet: nam I. Par. xx. mentio iterum fit Raphaim.

V. 24. TRANSIBO IGITUR; hoc est, precor ut transire mihi liceat, & videre MONTEM ISTUM EGREGIUM. Forte designat montes Bethel, qui viciniore erant Iordani, nec multum a Iericho remoti, mirum in modum amœni, secundi, nemorosi, arboribus confiti, odoriferis herbis referti, teste Adrichomio. Nisi malis cum Oleastro dicere, per montem egregium designari Libanum, ut copulativa & proegetica ponatur, significetque id est, ut alias subinde.

V. 26. IRATUS EST MIHI DOMINUS PROPTER VOS; hoc est, occasio-

ne vestri peccati & murmurationis : quia illa occasio fuit ut ego, dum aquas de petra conarer educere, in aliquam incredulitatem, etiam externo signo scandalose, a vobis patefactam, inciderim, atque ita iram Dei incurrem. Ergo per accidens saltem & remote populus causa fuit iræ divinæ in Moysen : propria, & propinqua causa fuit Moysis incredulitas, ut supra dixi Num. xx.

V. 29. MANSIMUS CONTRA FANUM PHOGOR. Hebraice, *contra*, seu *iuxta Bethphogor*, id est domum Phogor. Erat autem Phogor nomen idoli, ut dixi Num. xxv. hinc domus in qua adservabatur, *fanum* proprie verti potuit. Quin & urbs ipsa in qua id fanum erat, vel vicina erat *fanu*, *Bethphogor* dicta fuit Iosue xiii. vers. 20. cessitque tribui Ruben, ut ibidem narratur.

(4) Num. xx. vers. 22.

GORDONI.

Vers. 1. & 4. **R** Eponit, ut dicebam, prælium contra Og : de quo vide quæ dicta sunt Num. cap. xxi. vers. 33. VASTANTES CUNCTAS CIVITATES. De his sexaginta urbibus fit etiam mentio Num. cap. xxxii. vers. 41. & III. Reg. iv. vers. 17. & alibi. BASAN, regio Trachonitis, pascuis dives.

V. 8. MONS HERMON. Non est, quod aliqui dixerunt, pascua Ierusalem, aut mons Moria, ubi Abraham immolare voluit Isaac, & ubi ædificata est Sion, aut qui vers. 25. vocatur *Mons egregius*, *הר הבית*, sed est extrema pars montis Galaad trans Iordanem : late enim patet mons Galaad (quale videmus in Pyrenæis) cuius pars una est mons Seir, septentrionalior iuxta Damascus, & Pancadem; pars alia est Hermon, Savir, vel Sirion, qua parte videtur mons cum Libano coniungi. Plura Hieronymus de Locis Hebraicis.

V. 10. & 11. UNIVERSAM TER-

RAM GALAAD : eam scilicet partem universam, quam possidebat Og, ut vides hic vers. 13. SELCHA, ET EDRAI erant regni Basan partes extremæ. At quomodo post Og nulli gigantes? cum tempore Saulis fuerit Goliath? vide etiam I. Paral. xx. Sed notat hic, hanc regionem Basan trans Iordanem. Prodiisse ferunt a Rapha, & Enach gigantibus, duo gigantum genera Raphaim, & Enachim. Et habemus ex Genes. xiv. regionem hanc tempore Abraham occupatam fuisse a Raphaim gigantibus. En horum finem, saltem in hac regione. Ceterum lectus hic quibusdam videtur ipsum sepulcrum, marmoribus, ferro, aliisque rebus extructum, & familiæ regis antiquum monumentum. Erat in Rabbath, urbs Ammonitarum regia (postea expugnata a Philadelpho) & quæ antea fuisse debuit Og regis. Porro si cubitus tunc habebat duos pedes Romanos & semis, lectus ille erat viginti duorum pedum & semis.

V. 14. & 15. GESSURI ET MACHATI sunt urbes in finibus Basanitis, non longe a monte Hermon, pertinebant ad sortem dimidiæ tribus Manasse. Porro, vers. 15. MACHIR, intellige, filius Machir dedit Galaad : fuit enim Machir filius Manasse, Gen. ult.

V. 16. ET TRIBUBUS RUBEN ET GAD. Harum tribuum dar, & describit terminos, quos etiam dilucide exponunt videndos geometricæ tabulæ.

V. 17. CENERETH est Genesareth. SALSISSIMUM hic est Mare mortuum.

V. 25. TRANSIBO Igitur, &c. Optat Moses transitum in terram promissam trans Iordanem, At quis mons iste egregius? Non videtur mons Sion, aut mons Moria: nam distabat magis quam qui a Mose videri posset : certe stadiis 210. distabat, a Iordane, inquit Iosephus Lib. V. belli, cap. iv. Oleaster Libanum intelligit, & est probabile : erat enim editus, & conspicuus.

CAPUT IV.

*Exhortatur Moyses ad servanda Dei praecepta, comminando transgresso-
ribus, prohibet omnem imaginem quæ ad idololatriam
induceret, suam prædicit mortem, tresque
urbes refugii separat.*



T nunc Israel audi praecepta & iudicia, quæ ego doceo te; ut faciens ea, vivas, & ingrediens possideas terram quam Dominus Deus patrum vestrorum daturus est vobis. 2. Non addetis ad verbum quod vobis loquor, nec auferetis ex eo: custodite mandata Domini Dei vestri, quæ ego præcipio vobis. 3. (a) Oculi vestri viderunt omnia quæ fecit Dominus contra Beelphegor, quomodo contriverit omnes cultores eius de medio vestri. 4. Vos autem qui adhæretis Domino Deo vestro, vivitis universi usque in præsentem diem. 5. Scitis quod docuerim vos praecepta atque iustitias, sicut mandavit mihi Dominus Deus meus: sic facietis ea in terra quam possessuri estis: 6. & observabitis, & implebitis opere. Hæc est enim vestra sapientia & intellectus coram populis, * ut audientes universa praecepta hæc, dicant: En populus sapiens & intelligens, gens magna. 7. Nec est alia natio tam grandis, quæ habeat deos appropinquantibus sibi, sicut Deus noster adest cunctis obsecrationibus nostris. 8. Quæ est enim alia gens sic incluta, ut habeat caeremonias, iustaque iudicia, & universam legem, quam ego proponam hodie ante oculos vestros? 9. Custodi igitur temetipsum, & animam tuam solícite. Ne obliviscaris verborum quæ viderunt oculi tui, & ne excidant de corde tuo cunctis diebus vitæ tuæ. (b) Docetis ea filios ac nepotes tuos, 10. * a die in quo stetit coram Domino Deo tuo in Horeb, quando Dominus locutus est mihi, dicens: Congrega ad me populum, ut audiant sermones meos, & discant time-
re me omni tempore quo vivunt in terra, doceantque filios suos. 11. Et accessistis ad radices montis, qui ardebat usque ad cælum: erantque in eo tenebræ, & nubes, & caligo. 12. Locutusque est Dominus ad vos de medio ignis. Vocem verborum eius audistis, & formam penitus non vidistis. 13. Et ostendit vobis pactum suum, quod præcepit ut faceretis, & decem verba, quæ scripsit in duabus tabulis lapideis. 14. Mihi quoque mandavit in illo tempore ut docerem vos caeremonias, & iudicia, quæ facere deberetis in terra quam possessuri estis. 15. Custodite igitur solícite animas vestras. Non vidistis aliquam similitudinem, in die qua locutus est vobis Dominus in Horeb de medio ignis: 16. ne forte decepti faciatis vobis sculptam similitudinem, aut imaginem masculi vel feminæ, 17. similitudinem omnium iumentorum quæ sunt super terram, vel avium sub cælo volantium, 18. atque reptilium quæ moventur in terra, sive piscium qui sub terra morantur in aquis: 19. ne forte elevatis oculis ad cælum, videas solem, & lunam, & omnia astra cæli, & errore deceptus adores ea & colas quæ creavit Dominus Deus tuus in ministerium cunctis gentibus, quæ sub cælo sunt.

20. Vos

20. Vos autem tulit Dominus, & eduxit de fornace ferrea Aegypti, ut haberet populum hereditarium, sicut est in presenti die. 21. (c) Iratusque est Dominus contra me propter sermones vestros, & iuravit ut non transirem Iordanem, nec ingrederer terram optimam, quam daturus est vobis. 22. * Ecce morior in hac humo, non transibo Iordanem: vos transibitis, & possidebitis terram egregiam. 23. Cave ne quando obliviscaris pacti Domini Dei tui, quod pepigit tecum; & facias tibi sculptam similitudinem eorum, quæ fieri Dominus prohibuit. 24. (d) quia Dominus Deus tuus ignis consumens est, Deus æmulator. 25. Si genueritis filios ac nepotes, & morati fueritis in terra, deceptique feceritis vobis aliquam similitudinem, patrans malum coram Domino Deo vestro, ut eum ad iracundiam provocetis: 26. testes invoco hodie cælum & terram, cito perituros vos esse de terra, quam transito Iordane possessuri estis: non habitabitis in ea longo tempore, sed delebit vos Dominus, 27. atque disperget in omnes gentes, & remanebitis pauci in nationibus, ad quas vos ducturus est Dominus. 28. Ibique servietis diis, qui hominum manu fabricati sunt, ligno & lapidi qui non vident, nec audiunt, nec comedunt, nec odorantur. 29. Cumque quaesieris ibi Dominum Deum tuum, invenies eum; si tamen toto corde quaesieris, & tota tribulatione animæ tuæ. 30. Postquam te invenerint omnia quæ prædicta sunt; * novissimo tempore reverteris ad Dominum Deum tuum, & audies vocem eius. 31. Quia Deus misericors, Dominus Deus tuus est: non dimittet te, nec omnino delebit, neque obliviscetur pacti, in quo iuravit patribus tuis. 32. Interroga de diebus antiquis, qui fuerunt ante te ex die quo creavit Deus hominem super terram, a summo cælo usque ad summum eius, si facta est aliquando huiusmodi res, aut umquam cognitum est, 33. ut audiret populus vocem Dei loquentis de medio ignis, * sicut tu audisti & vixisti: 34. si fecit Deus ut ingrederetur, & tolleretur sibi gentem de medio nationum, per tentationes, signa, atque portenta, per pugnam, & robustam manum, extensumque brachium, & horribiles visiones, iuxta omnia * quæ fecit pro vobis Dominus Deus vester in Aegypto, videntibus oculis tuis: 35. ut scires quoniam Dominus ipse est Deus, * & non est alius præter eum. 36. De cælo te fecit audire vocem suam, ut doceret te, & in terra ostendit tibi ignem suum maximum, & audisti verba illius de medio ignis, 37. quia dilexit patres tuos, & elegit semen eorum post eos. (e) Eduxitque te præcedens in virtute sua magna ex Aegypto, 38. ut deleter nationes maximas & fortiores te in introitu tuo: & introduceret te, daretque tibi terram earum in possessionem, sicut cernis in presenti die. 39. Scito ergo hodie, & cogitato in corde tuo, quod Dominus ipse sit Deus in cælo sursum, & in terra deorsum, & non sit alius. 40. Custodi præcepta eius atque mandata, quæ ego præcipio tibi: ut bene sit tibi, & filiis tuis post te, & permaneat multo tempore super terram, quam Dominus Deus tuus daturus est tibi. 41. (f) Tunc separavit Moyses tres civitates trans Iordanem ad orientalem plagam, 42. ut confugiat ad eas qui occiderit nolens proximum suum, nec sibi fuerit inimicus ante unum & alterum diem, & ad harum aliquam urbium possit evadere: 43. (g) Bosor in solitudine, quæ sita est in terra campestri de tribu Ruben: & Ramoth in Galaad, quæ est in tribu Gad: & Golan in Basan, quæ est in tribu Manasse. 44. Ista est lex, quam proposuit Moyses coram filiis Israel, 45. & hæc testimonia & cæremoniae atque iudicia, quæ locutus est ad filios Israel, quando egressi sunt de Aegypto,

46. trans Iordanem in valle contra sanum Phogor in terra Sehon regis Amorrhæi, qui habitavit in Hefebon, quem percussit Moyses. Filii quoque Israel egressi ex Aegypto 47. possederunt terram eius, & terram Og regis Basan, duorum regum Amorrhæorum, qui erant trans Iordanem ad solis ortum: 48. Ab Aroer, quæ sita est super ripam torrentis Arnon, usque ad montem Sion, qui est & Hermon, 49. omnem planitiem trans Iordanem ad orientalem plagam, usque ad mare solitudinis, & usque ad radices montis Phasga.

(a) Num. xxv. 4. (b) Exod. xix. 18. (c) Sup. i. 37. (d) Heb. xii. 29. (e) Exod. xiii. 21. (f) Num. xxxv. 24. (g) 106. xx. 8.

B R U G E N S I S

ROMANÆ CORRECTIONES.

V. 6. *Ut audientes universa præcepta hæc.* Alii pro neutro *universa* legunt masculinum *universi*, minus sincere.

V. 10. *A die in quo stetiisti coram Domino.* Pro duabus voculis *a die*, plerique unam legunt *diem*. Præpositio hebraice, etsi non exprimitur, subaudienda est tamen.

V. 22. *Ecce morior in hac humo.* Nequaquam mutandum est præsens *morior* in futurum *moriar*.

V. 30. *Novissimo tempore reverteris ad Dominum.* Non est addenda conjunctio *autem*.

V. 33. *Sicut tu audisti & vixisti.* Spurium est quod quidam substituant *vidisti*, quod est alpeixisti, pro *vixisti* quod est iam mortem non incurristi.

V. 34. *Quæ fecit pro vobis Dominus Deus vestester.* Non sunt commutanda pronomina secundæ personæ cum primæ, nobis, nosster.

V. 35. *Et non est alius præter eum.* Non est surrogandum nomen *unum*, in locum pronominis *eum*, quod multi faciunt.

C O M M E N T A R I A

S A.

Vers. 2. LOQUOR. Hebr. Chald. & LXX. *præcipio*.

V. 3. *CULTORES*, scilicet Madianitas.

V. 7. *GRANDIS*, id est eximia, seu excellens. *DEOS.* Chald. & LXX. *Deum.* *APPROPINQUANTES*, id est faventes.

V. 8. *CAEREMONIAS.* Hebr. & Chald. *statuta*: sic & infra. *ET UNIVERSAM LEGEM.* Hebr. Chald. & LXX. *Ut universa lex*, scilicet est. *PROPONAM.* Hebr. Chald. & LXX. *do*, id est pono.

V. 9. *ET ANIMAM*; pro, id est animam. *VERBORUM*, id est rerum.

V. 11. *CAELUM.* Hebr. *Celi cor*, id est medium.

V. 19. *CREAVIT.* Hebr. & LXX. *divisi*, seu *distribuit*: Chald. *preparavit*: alii, *impertivit*.

V. 20. *FORNACE FERREA*, id est servitute durissima. *HEREDITARIUM*,

id est, qui sit velut hereditas eius. Est, id est apparet.

V. 21. *PROPTER SERMONES VESTROS*, id est vestri causa.

V. 23. *SCULPTAM SIMILITUDINEM*, pro sculpturam, aut similitudinem, ut Hebr. indicant. Chald. *simulacrum*, aut *similitudinem*.

V. 24. *IGNIS*; pro, velut ignis. *ÆMULATOR*, id est zelotes: scilicet qui non patitur alium pro Deo coli, sed vult solus coli.

V. 26. *CAELUM ET TERRAM*, id est cælestes, & terrestres.

V. 27. *IN NATIONIBUS*, id est inter gentes.

V. 29. *TOTA TRIBULATIONE ANIMAE TUAE.* Hebr. Chald. & LXX. *tota anima tua, in tribulatione tua*.

V. 30. *REVERTERIS*; pro, si reverteris. V. 32. *A SUMMO*, id est extremo; quasi dicat: Quære ab Oriente ad Occidentem.

V. 33. *VIXISTI*: sic etiam LXX. At Hebr. & Chald. *vixit*, seu *vixerit*.

V. 34. HORRIBILES VISIONES. Chald. & LXX. *visiones magnas*. Alii, *terrores magnos*. Vide Sap. xvii. & 18.

V. 38. DELERET. Hebr. & Chald. *expelleret*. LXX. *perderet*.

V. 42. NOLENS. Hebr. Chald. & LXX. *per errorem*, seu *ignorantiam*.

V. 44. ISTA, scilicet de qua seq. cap.

V. 48. SION, per ψ scribitur. Sion autem qui in Ierusalem, per χ .

EST II.

Vers. 2. **N**ON ADDETIS AD VERBUM QUOD VOBIS LOQUOR, NEC AUFERETIS EX EO. Non facit hoc neque contra traditiones solennes Ecclesiæ, neque contrarius præcepta & constitutiones. Nam primo prohibetur hic potissimum, ne quidquam immutetur circa sacrificia a Deo præscripta: nam ita habetur infra cap. xii. ubi hoc idem præceptum repetitur: *Non facies similiter Domino Deo tuo. Omnes enim abominationes quas aversus Dominus, fecerunt Diis suis offerentes filios & filias, & comburentes igni: & subnectitur: Quod præcipio tibi hoc tantum facito Domino, nec addas quidquam, nec minuas. Non dicit simpliciter: Hoc tantum facito, sed hoc tantum facito Domino, scilicet in sacrificiis. Non ergo prohibuit Dominus præcepta. aliqua condi pro temporum opportunitate, sed tantum nihil mutari circa substantialia cultus divini. Unde & poterant sacerdotes veteris legis icinia indicere ob causas occurrentes. Sic Joel. ii. *Sanctificate ieiunium*; & in libris Iudth, Esther, & Machabæorum festa quædam instituta sunt: immo III. Regum viii. Salomon legitur etiam aliud adhuc altare erexisse, propter multitudinem victimarum: ut nihil mirum sit, si iam præfatus Ecclesiæ similia liceant; maxime cum Christus dixerit: *Aducc habeo vobis multa dicere, &c.* Cum autem venerit ille Spiritus veritatis docebit vos omnes veritatem: Ioan. xvi. & clarius etiam capite præcedenti: *Ille vos docebit omnia, & suggeret vobis omnia, scilicet cum opus erit.**

V. 6. HÆC EST ENIM VESTRA SAPIENTIA ET INTELLECTUS CORAM POPULIS, UT AUDIENTES... DICANT: EN POPULUS SAPIENS ET

INTELLIGENS, &c. Non falso, sed vere dicturi erant populi nationum de populo Israelitico, quod esset populus sapiens, & intelligens. Neque enim a falsa laude Moyse populum Dei commendare voluit. Erat igitur populus sapiens, & intelligens, quoniam persistebat in cultu unius Dei, & non suscipiebant idola; etiam si in illo populo multi essent insipientes, & parum assequentes seu intelligentes rationem legis ac cæremoniæ. Certe ipse populus professione talis erat, & non tantum professione, sed & re ipsa; non quidem in omnibus, sed in potiori ac præstantiori parte, quæ professioni suæ respondebat. Et eodem modo Ecclesia nunc vocatur Sancta, etiam si multi sint in ea non sancti. Est enim sancta & professione, & re ipsa, secundum eos qui præcipua sunt Ecclesiæ membra.

V. 23. ET FACIAS TIBI SCULPTAM IMAGINEM EORUM, QUAE FIERI DOMINUS PROHIBUIT. Hebraice est: *Et faciatis vobis sculptile similitudinem omnis rei, quam præcepit tibi Dominus Deus tuus, scilicet ne faceres, id est quam prohibuit*; ut non male noster Interpres vertent. Porro satis indicat his verbis Moyses, non prohiberi populo ne ullum sculptile, aut simulacrum habeat, aut faciat; sed ne earum rerum quas Dominus prohibuit coli; ac proinde tantum ne simulacra fierent ad colendum. Nam utique solem, aut lunam, aut canem, aut serpentem in pictura haberi non vetuit, nisi quis dicat artem pictoriam illi populo penitus interdictam fuisse, quod nec ipsi olores imaginum nostri sæculi ausint dicere, qui artem illam suis permittunt. Adde, si imaginem pictam solis, aut lunæ habere non licebat, erant & ipse sol & luna eis subtrahenda, quia multos legimus solem, & lunam adorasse, pauciores vero solis, & lunæ simulacra.

V. 33. SICUT TU AUDISTI ET VIXISTI. Male quidam codices *vidisti*; nam Hebraice est, *Et vixit*. Sentus enim est: Numquid auditum est aliquando, ut populus audiret vocem Dei ad se loquentis de medio ignis, sicut tu audisti, & vivus remansit, sicut tu audita Dei voce non es mortuus, sed supervixisti?

MARIANAE.

Vers. 3. **C**ONTRA BEEPHEGOR. Hebr. in *Baalpegor*: sed in sumpsit Hieron. pro *contra*, ut & Sept. Chald. *contra cultores Beelphegor*. *Phigor* est nomen proprium idoli Moabitarum: Numer. xxv. *vers. 3.* estque Priapus, ut ibi est dictum. *Baal* est commune nomen idolorum: significat *dominum*, quoniam illis ut servi se colentes subiciebant.

V. 11. QUI ARDEBAT USQUE AD CAELUM, scilicet mons Sina. Hebr. *usque ad cor caeli*. Cor est in medio: ideo quidam vertunt, *usque ad medium caeli*: & *caelum* sumitur pro aere.

V. 15. CUSTODITE Igitur solcite animas vestras. Hebr. *Ad animas vestras*, id est animabus, mente conservate.

V. 17. AVIUM SUB CAELO VOLANT. in caelo, id est aere ubi aves volant.

V. 19. VIDEAS SOLEM ET LUNAM. Contra haec Plato in Epinomide, alstra esse Deos: male facere legislatorem cum eis cultum, & sacrificia detrahit. Moysen suggillare videtur, eius suppresso nomine. ET ERRORE DECEPTUS ADORES EA ET COLAS. Hebr. *Et impellaris*, & *adores ea*. Eum impetum ex pulchritudine idoli susceptum Hieronymus, & Septuag. *deceptionem* vocarunt. QUAE CREAVIT DOMINUS. Hebr. *distribuit, divisi*: ut quæque stella sua esset in regione, terræque serviret.

V. 20. EDUXIT DE FORNACE FERREA. Afflictiones vocat *fornacem*, quia in iis coquantur homines, ut metalla in fornace liquantur. Vocat *ferream*, non quod fornaces e ferro sint, sed ut duras fuisse oppressiones indicet, ut est ferrum.

V. 23. QUAE FIERI DOMINUS PROHIBUIT. Hebr. *Quæ omnia præcepit tibi Dominus Deus tuus*, nempe ne faceres. Sententiam Hieronymus reddit.

V. 25. MORATI FUERITIS IN TERRA. Hebr. *fenueritis*. Tempus omnia corrumpit.

V. 27. REMANEBITIS PAUCI. Hebr. *viri numeri*, nempe *pauca numero*, ut Sept. suppleverunt: & alioqui adiectio numeri absolute Hebræis paucitatem designat.

V. 32. A SUMMO CAELO USQUE AD SUMMUM EIUS. Hebr. *A fine caeli usque ad finem caeli*: ab uno termino ad alterum. Gotthic. *A summo caeli*.

V. 33. UT AUDIRET POPULUS VOCEM DEI... SICUT TU AUDISTI ET VIXISTI. Hebr. *Numquid audivit populus, aliquis, vocem Dei loquentis de medio ignis*, & *vixit*: nimirum ille populus de quo loquitur, alius a Iudaico.

V. 43. MONTEM SION, QUI EST ET HERMON. Regia legunt *Seon*, ut distinguatur a monte *Sion*, ubi est Ierusalem; sed Hebraice *Sion* est, & tamen melius distinguuntur in ea lingua: nam hic mons per *W* scribitur, ille per *Z* *zade*. De hoc loquitur Psal. cxxxii. *Sicut vos Hermon qui descendit in montem Sion*. Ergo ex hoc, & superiori capite habes, montem Hermon vocari *Sirion*, *Sanir*, & *Sion*.

V. 49. MARE SOLITUDINIS, VOCATUR Mare mortuum.

MALVENDAE.

Vers. 1. **P**RÆCEPTA. *Diph chukkim*, *statuta, constitutiones, præscripta, ritus, caeremonias* pertinentes ad divinum, & ecclesiasticum cultum. ET IUDICIA. *דִּינִים mishpatim*, iura, & *leges civiles*, quibus politica societas regitur, & continetur. Ita sumi has duas voces cum coniunguntur, admonimus in Exodi xv. *vers. 25.* Sic infra *vers. 5. 6. 8. 14.*

V. 2. NON ADDETIS AD VERBUM, &c. Non prohibet vel Magistratum, vel Ecclesiam leges & constitutiones addere super leges a Deo constitutas; sed ne sint vel contrariæ, vel alienæ a verbo Dei; aut ut non tamquam verbum Dei recipiantur; vel ne ipsum verbum Dei additionibus, vel detractionibus, aut pravis interpretationibus interpoletur, aut pervertatur.

V. 3. OCULI VESTRI VIDERUNT, &c. Historiam huius facti habes Numeror. xxv.

V. 6. POPULUS SAPIENS ET INTELLIGENS. Quidam ita ista distinguunt, ut sapiens dicatur qui ea norit quæ fidei sunt & religionis erga Deum, & iuris & caritatis erga proximum; intel-

telligens vero, qui in utrisque, acutus, prudens, & cautus sit, ut recte & legitime in his incedat, & nulla fallacia seducatur. Alii in eundem ferme sensum discernunt, ut חכם *chacam*, sapiens, sit qui habet rerum sive divinarum ex verbo Dei, sive humanarum cognitionem; נבון *nabon* autem, qui in rebus agendis industriam habet & peritiam: ut verbum *chacam*, sapere, dicatur de luce in mente, qua res aliqua certo cognoscitur, vel agitur; at verbum בין *bin*, intelligere, de discretione & iudicio, quo res inter se similes, aut dissimiles prudenter intelliguntur, id est distinguuntur & diiudicantur; ut sit discernere intrinsecus in intellectu, & penitus considerare, & curare.

V. 7. APPROPINQUANTES SIBI, vel propinquos, id est benevolos, propitios, favorabiles, qui presto adsint, & succurrant invocantibus ipsos in afflictione.

V. 16. NE FORTE DECEPTI FACIATIS VOBIS. Hebr. Ne quando corrumpatis vos, & faciatis vobis. Quidam: Ne forte corrupti vias vestras, vel opera vestra, & faciatis vobis: vel ne forte corrumpamini, & faciatis, &c. id est, corrupti animo ac mente curetis faciendum scilicet; Alii: Ne forte perverse quid agatis faciendo, scilicet vobis, &c. Nonnulli: Ut non non corrumpatis vos, & faciatis vobis, &c. nimirum aut peccantes in maiestatem Dei, effingendo salorum deorum similitudinem; aut in sœdus & legem eius, addendo, vel detrahendo, de ea; aut denique in vos ipsos, aliter vivendo quam ex præscripto eius. Verum notant, verbum נשח *schach* in Hiphil, ut hic ponitur, quando non regit post se accusativum, sed absolute scribitur ut hic; tunc idem valere quod *corrupte*, *depravate*, *perditie* agere: unde reddunt: Ne perditie agatis. Sic infra vers. 29. & Deuteron. xxxi. vers. 29. Similem vim & rationem idem verbum habere in Pihel, annotavimus in Exod. xxxii. vers. 7.

V. 19. QUAE CREAVIT DOMINUS DEUS TUUS IN MINISTERIUM CUNCTIS CENTIBUS. Hebr. Quae dispersit, distribuit, divisit, impertivit לְהוֹחַ *Elolim tuos* ea, omnibus populis, &c. Quidam annotant duobus argumentis debortari Deum Israelitas a cultu caelestium corporum: uno quod non homines illis,

sed illa hominibus data sunt ut eis ministrarent; altero quod non uni alicui populo, sed omnibus sub universo cælo data sunt, non colenda quidem (ut Gentiles impie, & imperite faciunt) sed utenda solum, ut infra cap. xxix. vers. 26. Facit enim Deus ut sol suus oriatur super bonos, & malos. Hinc discēs quam vanissime de his differat Plato in Epinome.

V. 20. DE FORNACE FERREA. כּוּר *cur*, aiunt esse *foveam excisam*, *fovnacem*, a similitudine *foveæ*; *focum*, *caminum*. Alii, *catinum*, *labrum*, *vas* in quo liquatur ferrum, seu excoquantur, funduntur aurum, argentum, &c. Hispanice, *Crisol*. Sic III. Regum viii. vers. 51. vehementi verbo appellat Aegyptiacam servitutem, ut eius crudelitatem & immanitatem exprimat.

V. 24. IGNIS CONSUMENS EST. Sic infra cap. ix. vers. 3. & Hebræor. xii. vers. 29.

V. 26. TESTES INVOCO HODIE CAELUM ET TERRAM. Hebr. varie reddunt. 1. Contestari, testificari feci in vos *hodie celos & terram*: 2. Testor contra vos *hodie celum & terram*, idest appello, sive advoco in testes: 3. Contestor, obtestor vos *hodie per celos & terram*; vel *celum & terram* in vos obtestor. Vide infra cap. viii. vers. 19. Notant Paulum imitatum hanc phrasim I. Timoth. v. vers. 21. Obtestor in conspectu Dei, & Domini nostri Iesu Christi, & electorum Angelorum eius, ut hec servet, &c.

V. 31. NON DIMITTET TE. Hebr. Non remittere finet te; idest, animo concidere, ac viribus, remissum, flaccidum ac debilem esse. Hanc enim esse interdum vim verbi רָפָה *raphab*, c II. Samuel. iv. vers. 1. Isaïæ xlii. vers. 7. Ieremiæ xlix. vers. 24. aliisque locis constat.

V. 32. INTERROGA DE DIEBUS ANTIQUIS. Hebr. Quis postula nunc de diebus primis. Quidam: Nam repete nunc ad dies priores. Alii: Etenim sciscitare, idque a priscis temporibus יָמִים *iamim*, *dies*, hic aliqui pro diariis & annalibus capiunt; quasi dicat: Consule annales, seu diaria prisca, quæ continent res gestas ante tua tempora. A SUMMO CAELO USQUE AD SUMMUM RIUS.

EIOS. Hebr. *Ab una extremitate celi, usque ad alteram extremitatem celi*; id est, ab una extremitate orbis terrarum, qui circumclusus est cælo, ad alteram: metonymice. Sic infra cap. xxx. vers. 4. & Matthæi xxiv. vers. 31. Marci xiii. vers. 27.

V. 34. SI FECIT DEUS. Verbum נסס *nissab*, reddunt tentavit, intentavit, probavit. Alii, *extulit, elevavit*, nimirum ad tantam dignitatem, & decus, ut eum fibicaperet. **PER TENTATIONES.** Hebr. *in tentationibus*. נסס *massot*, elevationes, tentationes, probationes, experimenta. Hispanicus Interpres, *conpruevas*. Intelligunt signa quibus Moses divinam suam legationem confirmavit, & populo, Pharaonique approbavit, Exodi. iv. **PER PUGNAM.** Hebr. *in bello, prelio, confilii*. Quidam exponunt, in confilii Dei contra Aegyptios in mari algofo, cuius ratione Moses Deum virum belli vocat, Exodi. xv. 3. **ET HORRIBILES VISIONES.** Hebr. *in terroribus magnis*, tam Aegyptiorum, quam reliquorum populorum, qui ad famam illius terri nihil contra eos moliri ausi sunt, ut promissum Deus Exod. xiii. vers. 27.

V. 37. ET ELEGIT SEMEN EORUM POST EOS. Hebr. *Et elegit in semine eius post eum*: exponunt, in semine Iahacob, eo mortuo. Alii: *Elegitque semen cuiusque eorum post eum*. **EDUXITQUE TE PRAECEDENS.** Hebr. *Et eduxit te in faciebus suis*; id est, cum ipse adesse praesens, vel in praesentia sua.

V. 38. SICUT CERNIS IN PRAESENTIDIE. Hebr. *sicut die ista*. Quidam: *Sicut est hodie*, vel *ut hodie res habet*. Alii: *Id quod haec probat dies*.

V. 39. SCITO ERGO HODIE, ET COGITATO IN CORDE TUO. Quidam reddunt: *Agnoscas igitur hodie*, & *revoces in animum tuum*; videlicet imposterum reminiscens eorum quem hodie agnoscis.

V. 40. ET PERMANES MULTO TEMPORE SUPER TERRAM, QUAM DOMINUS DEUS TUUS DATURUS EST TIBI. Hebr. *Propterea prolongabis dies super humum, quam Iehovah Deus tuus datus tibi, omnibus diebus*. Istud, *Cunctis diebus*, quidam referunt ad illud quod praecessit initio versus, *Custodi omnibus diebus praecepta eius*: alii ad illud, *Ut bene fit tibi*

cunctis diebus. Nonnulli traiciunt, ac reddunt: *Ut prolonges omnibus diebus*, id est semper, super terram illam quam Iehova Deus tuus dat tibi.

V. 41. TRES CIVITATES: prout praeeperat Deus Numer. xxxv. vers. 14.

V. 43. BOSOR. Hebr. בוצר *Betzer*. Dictam quoque in Scriptura בוצר *Botzrah*, plerique annotant. Fuisse in terra Moab, in deserto, in planis campis Moabiticis, hic, & Ieremiæ xlvi. vers. 24. dicitur: fuisse civitatem magnam & munitam in regione Galaaditide, scribitur I. Machabæorum v. vers. 26. & 36. Notant, illic Galaaditidem appellari universam regionem, quæ cis Iordanem est Israelitis assignata. Certum est ex hoc loco, & Iosue xx. vers. 8. extitisse in tribu Ruben: positam trans Arnonem longiusculo intervallo, produnt. *Munitionem, Arcem, seu locum munitum* significat: postea Pœni dixerunt *Byrsam*, seu metathesi *Bystram*, nimirum ex Hebraico *Botzrah*, ut sane lingua Phœnicia seu Pœnica sunt cumprimis affines: quod fuit primum Carthaginis nomen. Virgilius Aeneidos I.

.... nova Carthaginis arcem

.... facti de nomine Byrsam.

Cuius vocabuli vim nec ipse Virgilius, nec Servius, nec alii intellexere, ac proinde invertere, putantes eorum significare, cum dicere debuissent *Byrsam*, id est *arcem*. Vide Scaligerum in Festum, verbo *Suffes*. Diverfa ab hac Botzrah, illa altera Idumææ Gen. xxxvi. vers. 33. Itææ lxiii. vers. 1. Hanc nostram potius quam illam Idumææ, esse Bosoram Arabiæ, de qua Iulianus Lib. V. cap. xvi. Ammianus Lib. XIV. cap. xxvii. & Notitia Imperii, non est dubium. Quidam unam & eandem censent, sed quod forte fuerit in confiniis Idumææ, & Moabitidis, nunc huic, nunc illi attribui. **RAMOTH IN GALAAD.** Eusebius, & S. Hieronymus in Locis Hebraicis: *Ramoth Galaad villa trans Iordanem iuxta fluvium Iabok*. *Diximus de hac supra*. Et supra: *Ramoth in tribu Gad civitas sacerdotalis, & fugitivorum in terra Galaaditide*. Nunc autem est vicus in quatuordecimo millario Ptolephie, contra Orientem. Hanc dictam Ramath Mithpneh, Iosue xiii. vers. 26. in quam Iacob & Meisopotamia rediens deveniret, Genes. xxxi. vers. 49. plerique annotant.

Vije

Vide Iosue XIII. vers. 26. **GOLAN IN BASAN.** Eusebius, & S. Hieronymus : *Gaulon, sive Golan in tribu Manasse, civitas sacerdotalis, & fugitivorum in regione Basanitide. Sed & nunc Gaulon vocatur villa prægrandis in Batanea, ad cuius nomen & regio sortita est vocabulum.* Et superius : *Avoth Iair, quod interpretatur præaudis Iair, hæc est Basan, in qua sunt vici sexaginta in monte Galaad, qui ceciderunt in sortem dimidiæ tribus Manasse : qui locus nunc vocatur Golan in terra Batanea.* Hanc urbem *Gaulademan* in Bataneade regione vocat Iosephus IV. Antiquit. cap. VII. ab ea appellatam circum iacentem regionem *Gaulanitim*, nedum Eusebius, & S. Hieronymus, sed alii omnes affirmant. Amplam & uberem regionem fuisse annotant, quam duplicem esse statuunt : superiorem inde a Libano monte ad lacum *Genesaram* deducunt ; inferiorem autem a littore *Genesaræ* ad *Gadaram* usque urbem definiunt. *Gaulanitim* regionis frequens mentio apud Iosephum, ut Lib. VIII. *Originum* cap. 11. & Lib. XIII. cap. XXIII. & Lib. XVII. cap. x. & alibi sæpe ; & apud Eusebium, & S. Hieronymum *Libello de Locis Hebraicis*, non semel. Ab *Agrippa* rege defecisse tempore belli *Iudaici* supremi, idem Iosephus in *Vita sua* auctor est. Describunt eam facri *Topographi* in tribu *Manasse* supra *Galaditim*, versus Orientem, a Septentrione in Meridiam porrectam.

V. 45. **ET HÆC TESTIMONIA.** *מִתְּיָדְהוֹת*, notant dici verba ipsa Dei, quibus Deus per legem & verbum suum suam voluntatem nobis manifestat, attestatur se adesse, & nos curare, quo conscientiam de eo habeamus, quem alias neque videmus, neque sentimus, neque intelligimus.

V. 48. **MONTES SION.** Videtur syncope, vel apocope, *Sivion*; ut eum vocat supra cap. XXXII. vers. 9.

V. 49. **USQUE AD MARE SOLITUDINIS.** Possit vertere, *mare Arabicum*, id est *Mare mortuum*, *Mare salis*, ut vocatur supra cap. III. vers. 17. nempe lacum *Alphalitem*, seu *Sodomiticum*. **USQUE AD RADICES MONTIS PHASGAR.** Istud expositum habes cap. III. vers. 17.

MENOCHII.

Vers. 1. **UT FACIENS RA, VIVAS,** vita præsentis diuturna, & prospera.

V. 2. **NON ADDETIS ... NEC AUFERETIS :** nec addatis aliquid ei repugnans, nec auferetis eam vitiando, & mutilando.

V. 3. **QUAE FECIT DOMINUS CONTRA BEELPHEGOR, &c.** occisis scilicet viginti quatuor millibus hominum, ut habetur Numer. XXV.

V. 6. **HÆC EST ENIM VESTRA SAPIENTIA, ET INTELLECTUS CORAM POPULIS :** quasi dicat : Hæc lex est, cuius observatione apud ceteras nationes nomen habebitis, quod in rebus agendis sitis sapientes, & intelligentes.

V. 7. **APPROPINQUANTES SIBI,** hoc est faventes, & intentos ad beneficiendum.

V. 9. **CUSTODI IGITUR TEMETIPSUM, ET ANIMAM TUAM SOLICITE :** ne scilicet aliquid facias, vel animo decernas facere, quod huic legi sit contrarium. **VERBORUM,** id est rerum, & portentorum.

V. 11. **MONTIS, QUI ARDEBAT USQUE AD CAELUM.** *Montis Sina. Hebr. usque ad cor cæli, usque ad medium cælum.*

V. 13. **PACTUM SUUM, legem,** quæ est conditio pacti inter Deum & vos initi.

V. 15. **CUSTODITE SOLICITE ANIMAS VESTRAS.** *Hebræa cum Vatablo ita significantius vertas : Cavete ergo accurate, quam vobis est cara anima vestra, ne scilicet legem Dei violetis, sed eam custodiatis : qui enim eam custodit, custodit animam suam. NON VIDISTIS ALIQUAM SIMILITUDINEM ... IN HOMINIBUS ;* quasi dicat : In monte audistis Deum loquentem, sed nullam eius figuram vidistis : quare nec debetis conari sculpsit ali quo, aut alia similitudine imaginem eius imitari.

V. 19. **IN MINISTERIUM, &c.** cuiusmodi sunt sol, luna, &c.

V. 20. **DE FURNACE FERREA ÆGYPTI,** de servitute durissima, quæ vos quasi fornax ferrea adussit, & conclusit, ut nullum pateret effugium. Similis metaphora *Isa. XL. 10. Elegi te in camino pau-*

paupertatis. Est etiam allusio ad fornaces lateritias, quibus additi fuerant Hebræi in Aegypto. Vide Exod. v. 7.

V. 24. *DEUS TVUS IGNIS CONSUMENSEST*; quasi dicat: Deus iniuriæ sibi illatæ vindex est, eamque acerrime punit instar ignis omnia vastantis.

V. 26. *TESTES INVOCO CAELUM ET TERRAM.* Species est iuramenti per creaturas, in quibus specialiter relucet Deus. Sic Isaias cap. 1. num. 1. cælum, terramque compellat, cum ait: *Audite cæli, & auribus percipe terra.*

V. 27. *PAUCI.* Hebr. *virī numeri*, id est pauci numero.

V. 28. *LIGNO ET LAPIDI,* idolis ex ligno, vel lapide. Dicuntur autem Israelitæ hisce idolis servituri, quia vel invitati ad id compellendi erant, quemadmodum re ipsa contigit Daniel. 111. & futurum rursus prædicitur Jerem. cap. v. 1.

V. 29. *ET TOTA TRIBULATIONE,* scilicet in vera contritione, & conversione: Deus enim peccatori peccatorum penitenti reconciliatur.

V. 30. *TE INVENERINT,* comprehenderit, est Hebraismus. *REVERTERIS AD DOMINUM,* &c. Hæc omnia prophetice dicta sunt, & re ipsa ita contigit in ipsa captivitate Babylonica, a qua Iudæos penitentia ductos in suam terram Deus reduxit, & sive ad litteram, sive allegorice impletur in fine mundi, cum Iudæorum reliquæ salvæ fient.

V. 31. *IN QUO IURAVIT:* quod iuravit.

V. 32. *INTERROGA DE DIEBUS ANTIQUIS,* scilicet de factis quæ contigerunt in diebus antiquis. *A SUMMO CAELO USQUE AD SUMMUM EIVS.* Hebr. *Ab extremo cæli usque ad extremum eius*, id est ab Oriente usque ad Occidentem; quasi dicat: Cognosce ea quæ toto orbe nunquam apud homines alicubi contigerunt. Similis phrasī est Matth. xxiv. 31.

V. 33. *AUDISTI ET VIXISTI;* quasi dicat: Instar miraculi fuit quod tu vocem Dei tam terribilem ex Sina audires, & viveres: de quo rursus cap. v. num. 24.

V. 34. *UT INGREDERETUR, ET TOLLERET;* hoc est, ut procederet ad tollendum. *PER TENTATIONES, signa & prodigia. HORRIBILES VISIONES,*

in tenebrarum, triduo, de quibus Sap. xviii. & 18.

V. 36. *ET IN TERRA OSTENDIT IGNEM MAXIMUM:* quia ignis ex Sina prodire videbatur; mox vero supra eum ex cælo, id est ex aere, formari, & descendere videbatur.

V. 37. *PRÆCEDENS IN VIRTUTE,* per Angelum in columna nubis.

V. 38. *SICUT CERNIS IN PRÆSENTI DIE:* iam enim deleitis Sehon, & Og regibus cum suis exercitibus, & populis, id impleri cœperat.

V. 41. *SEPARAVIT TRES CIVITATES.* Vide Num. cap. xxxv.

V. 48. *USQUE AD MONTEM SION, QUI EST ET HERMON.* Alius est hic Sion mons, a Sion monte Hierosolymæ; & templi: hic enim Sion erat ab alia Iordanis parte, & Hebraice scribitur per Schin; Sion vero templi scribitur per Thade.

V. 49. *MARE SOLITUDINIS,* Mare mortuum, sive lacus Alpalatinus.

T I R I N I.

Verf. 2. **N**ON ADDETIS AD VERBUM QUOD VOBIS LOQUOR. Ergo, inferunt hæretici, non sunt admittendæ ullæ traditiones, aut leges humanæ, seu civiles, seu ecclesiasticæ. Respondet: Deus hic non vetat omne additamentum: nam alioquin omnes etiam Prophetarum, & Apostolorum libri vetiti essent, cum in his omnibus multa addantur dogmata & præcepta dogmatibus & præceptis Moyſis. Neque umquam putarunt Iudæi inhibitu sibi a Moyſe, ne leges novas, si Reipublicæ utiles vel necessariæ essent, instituire aut admittere possent: quin plurimas pro ratione temporum instituerunt de novo, & religioſe observarunt. Patet tempore Saulis a, Davidis b, Salomonis, & aliorum Regum, qui varias leges; item Mardochei c, & Iudith d, & Machabæorum e, qui festum sortium, festum victoriæ, festum encæniorum, & alia festa Moſaicis festis addiderunt. Certum ergo, verba Moyſis cum limitatione intelligenda esse de additamento contrario, repugnante, vel adulterante ea quæ hic proponuntur. Patet hoc ex scopo Moyſis quem hic intendebat, & ex circumstantiis in quibus hæc loque-

loquebatur. Quia enim Hebræi proclives admodum erant in cultus idololâtricos, & supersticiosos ritus, seu cæremonias Gentilium; verbi gratia, ut asinum Beelphegor seu Priapo immolarent, canem Hecatæ, porcam Cereri, proles vivas Moloch cremarent, & alia aliis diis: hinc vetatur hic f illis tale quid attentare, etiamsi id vellent facere in honorem veri Dei; iubenturque solas oves, capras, boves, & pauca altitia, statis temporibus & casibus, Deo offerre: nulla relicta ipsis potestate alia ab illis diversa animalia in sacrificium etiam vero Deo immolandi, aut alium aliquem novum numinis cultum publicum inducendi, qui præscriptis hic a Deo repugnet, aut noceat. Atqui tantum abest, his repugnent, aut noceant leges civiles, aut ecclesiasticæ, aut traditiones sinceræ, ut potius inclusæ, atque in his quæ Moyses hic proponit comprehendæ sint. Nam cap. v. huius libri vers. 16. & cap. xvii. vers. 10. diserte iubet Deus, etiam sub pœna mortis, ut sacerdotis imperio, & iudicum præceptis seu legibus omnes pareant, consequenter & traditionibus, quia hæc nihil aliud sunt quam instituta seu leges, non scripto, sed viva voce primo evulgatæ. Quas Moyses hic etiam comprehendit, cum dicit: *Non addetis ad verbum quod loquor*; & infra, *Quæ ego præcipio*: loquebatur autem viva voce, & viva voce quoque præcipiebat, non minus quam scripto. Ita Bellarminus, Vasquez g, & alii Doctores.

V. 48. MONTËM SION, QUI EST ET HERMON. Hic idem mons Hermon cap. præc. vers. 9. vocatur lingua Sidoniorum *Sarion*, Amorrhæorum *Sanir*. Ergo quadruplex illi nomen erat, forte secundum diversa iuga eiusdem montis: nam totus tractus illius montis vocabatur *Galaad*, cuius extrema pars trans Iordanem dicebatur *Hermon*, vel *Sarion*, vel *Sanir*, vel *Sion*: sed tunc *Sion* per *Scin* scribitur, non vero per *Tsade*, ut scribitur alter mons *Sion*, in quo arx & civitas David, seu Ierosolyma constructa erat. Sic Psalm. cxxxii. dicitur: *Ros Hermon, qui descendit in montem Sion*. Et ratione huius partis montis vocatur a Ieremia b *Galaad caput Libani*, quia videlicet hac parte Hermonis, mons Galaad cum Libano iungitur, & inchoat quasi tractum montium

Bib. Sac. Tom. III.

Libani. Ita S. Hieronymus, & Adrichomius.

- (a) I. Reg. xiv. vers. 24.
- (b) I. Reg. xxx. vers. 24.
- (c) Esther ix.
- (d) Iudith ult.
- (e) I. Mach. xv.
- (f) Deut. xii. vers. 30. &c.
- (g) Bellarm. de Verbo Dei non scripto, Vasquez l. II. quest. scv. a 2. disp. 252. cap. xv.
- (h) Ierem. xxii. vers. 6.
- (i) Hieron. in Locis Hebraicis. Adrich. de Terra sancta.

GORDONI.

Vers. 2. **N**ON ADDETIS, &c. Hinc colligere sibi videntur Novatores, nullas addendas esse verbo Dei traditiones, immo nec canones Pontificum, aut cæremonias. Sed inepti sunt. Cur illi tum cæremonias adhibent, tum leges male sentiendi, canones & constitutiones in suis synodis editas; ut taceam de novo modo administrandi sacramenta, concionandi, & pene quilibet agendi; adeo ut Ecclesiæ facies Calviniana sit tota nova. Et cum sensum etiam Scripturarum per 16. sæcula receptum, ipsi mutant, & innovent; quid mirum, si tot res addendo, ipsi probroso nomine vocentur Novatores?

Deinde libenter peto ab istis, *quod non addetis ad verbum*, &c. de qua lege sit intelligendum? Non quidem de Evangelica, quæ nondum erat condita. Et certe Moyses restrinxit præceptum non addendi ad verba quæ ipse loquebatur, *יָדְכֶם לֹא תוֹסִיפוּ*. Consentit etiam Hebr. quod ego præcipio vobis *מִצְוַת מִתְּסַוֵּה*, *præcipiens*. Si autem de hac lege Mosaica erat sermo, quis non videt legem Mosaicam transiisse cum suo præcepto? Postremo ignorat Novator, quid sit illud *Addere ad verbum*: non enim est, præter verbum non recipere traditiones, aut ritum aliquem; quin potius hæc alibi præcipiuntur recipi: sed sensus genuinus est, nihil addendum esse quod esset illi legi contrarium vel repugnans, & præsertim quod offerret nova numina. Et hunc eundem sensum dat *וְאֵל* *Ad*, & Hebraice *בְּי אֵל*. Vide radicem *לָעָה*: aliquoties enim *בְּי* est *contra*, ut Num. xiv. ver. 2. *Contra Moysen*, ubi est *בְּי*. Item Psalm. ii. vers. 2. *בְּי יְהוָה*, *adversus Dominum*. Et si contextus

Ss

ex-

expendatur, satis inde patet, præsertim ex ratione quam dat Moyses vers. 7. hæc pertinere ad excludenda alia numina. Adde etiam vers. 16. ac demum vers. 19. Ne inquit, adores, & colas ea. Et vers. 24. Deus zelotes est, nec patitur rivalem. En ex intentione sensum collectum. Quod est hic vers. 3. BEELPHEGOR, vide Num. cap. xxv. Heb. *Baal peger*.

V. 15. & 16. NE FACIATIS SIMILITUDINEM, aut creatum aliquid, quod Deum esse putetis. Ceterum an omnis imago, vel similitudo fuerit prohibita Iudeis, vide Exod. cap. xx. vers. 5. Indicat hic locus libertatem conditionalem.

V. 20. DE FORNACE FERREA, a servitute durissima.

V. 23. SCULPTAM. Chald. *simulacrum*.

V. 26. TESTES INVOCO, &c. Relucet, & est Deus in creaturis suis: talium ergo testium invocatio, est Dei quædam invocatio, & forma iuramenti, ut notavi suo loco.

V. 30. Prophetice loquitur de redivo hoc ad Deum, quod docuit satis vel ipia captivitas Babylonica.

V. 32. A SUMMO. Hebr. *a fine cali*

usque ad finem cali; seu ab uno termino ad alterum.

V. 35. ET NON EST ALIUS PRÆTER EUM. Locus theologicus est ad probandam unitatem Dei.

V. 46. & 48. De hoc fano Phegor, seu Beelphegor, vide Num. cap. xxv. Sion hic non est Sion mons Ierosolymitanus, sed est trans Iordanem mons ad septentrionem, & scribitur per *W*; at Sion civitas David est per *X*: ex hoc, & præcedente cap. constat, HERMON vocari *Sirvon*, *Savir*, & *Sion*.

EX EIUSDEM AUCTARIO.

V. 3. Occisi ibi viginti quatuor millia. Vide Num. xxv.


V. 11. ARDEBAT, mons Sinai, AD CAELUM, medium.

V. 24. IGNIS CONSUMENS, ulciscens in peccatores.

V. 29. TRIBULATIONE, contritione cordis.

V. 36. Acta sunt in Sina.

V. 41. SEPARAVIT MOYSES TRES CIVITATES. Vide Num. cap. xxxv.



C A P U T V.

Præceptorum decalogi repetitio & explanatio: & de timore filiorum Israel, cum Dei vocem audissent, & montem ardere vidissent.

Vocavitque Moyses omnem Israel, & dixit ad eum: Audi Israel caeremonias atque iudicia, quæ ego loquor in auribus vestris hodie: discite ea, & opere complete. 2. Dominus Deus noster pepigit nobiscum sœdus in Horeb. 3. Non cum patribus nostris iniit pactum, sed nobiscum qui in præsentiarum sumus, & vivimus. 4. Facie ad faciem locutus est nobis in monte de medio ignis. 5. Ego sequeſter & medius fui inter Dominum & vos in tempore illo, ut annuntiarem vobis verba eius: timuistis enim ignem, & non ascendistis in montem, & ait: 6. (a) Ego Dominus Deus tuus, qui eduxi te de Terra Aegypti, de domo servitutis. 7. (b) Non habebis deos alienos in conspectu meo. 8. (c) Non facies tibi sculptile, nec similitudinem omnium, quæ in cælo sunt desuper, & quæ in terra deorsum, & quæ versantur in aquis sub terra. 9. (d) Non adorabis ea, & non coles. Ego enim sum Dominus Deus tuus: Deus æmulator, reddens iniqui-

quitatem patrum super filios in tertiam & quartam generationem his qui oderunt me, 10. & faciens misericordiam in multa millia diligentibus me, & custodientibus præcepta mea. 11. (e) Non usurpabis nomen Domini Dei tui frustra: quia non erit impunitus qui super re vana nomen eius assumpserit. 12. Observa diem sabbati, ut sanctifices eum, sicut præcepit tibi Dominus Deus tuus. 13. Sex diebus operaberis, & facies omnia opera tua. 14. (f) Septimus dies sabbati est, id est requies Domini Dei tui. Non facies in eo quidquam operis tu, & filius tuus, & filia, servus & ancilla, & bos, & asinus, & omne iumentum tuum, & peregrinus qui est intra portas tuas: ut requiescat servus tuus, & ancilla tua, sicut & tu. 15. Memento quod & ipse servieris in Aegypto, & eduxerit te inde Dominus Deus tuus in manu forti, & brachio extento. Idcirco præcepit tibi ut observares diem sabbati. 16. (g) Honora patrem tuum & matrem, sicut præcepit tibi Dominus Deus tuus, ut longo vivas tempore, & bene sit tibi in terra quam Dominus Deus tuus daturus est tibi. 17. Non occides. 18. Neque mæchaberis. 19. Furtumque non facies. 20. Nec loqueris contra proximum tuum falsum testimonium. 21. (h) Non concupisces uxorem proximi tui: non domum, non agrum, non servum, non ancillam, non bovem, non alinum, & universa quæ illius sunt. 22. Hæc verba locutus est Dominus ad omnem multitudinem vestram in monte de medio ignis & nubis & caliginis, voce magna, nihil addens amplius: & scripsit ea in duabus tabulis lapideis, quas tradidit mihi. 23. Vos autem postquam audistis vocem de medio tenebrarum, & montem ardere vidistis, accessistis ad me omnes principes tribuum, & maiores natu, atque dixistis: 24. Ecce ostendit nobis Dominus Deus noster maiestatem & magnitudinem suam. * Vocem eius audivimus de medio ignis, & probavimus hodie, quod loquente Deo cum homine, vixerit homo. 25. Cur ergo moriemur, & devorabit nos ignis hic maximus? Si enim audierimus ultra vocem Domini Dei nostri, moriemur. 26. Quid est omnis caro, ut audiat vocem Dei viventis, qui de medio ignis loquitur, sicut nos audivimus, & possit vivere? 27. Tu magis accede: & audi cuncta quæ dixerit Dominus Deus: possit tibi: loquerisque ad nos, & nos audientes faciemus ea. 28. Quod cum audisset Dominus, ait ad me: Audivi vocem verborum populi huius quæ locuti sunt tibi: bene omnia sunt locuti. 29. Quis det talem eos habere mentem, ut timeant me, & custodiant universa mandata mea in omni tempore, ut bene sit eis & filiis eorum in sempiternum? 30. Vade & dic eis: Revertimini in tentoria vestra. 31. Tu vero hic sta mecum, & loquar tibi omnia mandata mea, & caeremonias atque iudicia: quæ docebis eos, ut faciant ea in terra, quam dabo illis in possessionem. 32. Custodite igitur & facite quæ præcepit Dominus Deus vobis: non declinabitis neque ad dexteram, neque ad sinistram: 33. sed per viam quam præcepit Dominus Deus vester, ambulabitis, ut vivatis, & bene sit vobis, * protulerunt dies in terra possessionis vestræ.

(a) Exod. xx. 2. Levit. xxvii. 1. Psalm. lxxx. vi. (b) Exod. xx. 3. Psalm. lxxx. 10. (c) Levit. xxvi. 1. Psalm. xcvi. 7. Exod. xx. 4. (d) Exod. xxxiv. 14. (e) Exod. xx. 7. Levit. xix. 12. Matth. v. 33. (f) Exod. xx. 10. Gen. ii. 2. Hebr. iv. 4. (g) Exod. xx. 12. Eccl. i. 11. 9. Matth. xv. 4. Marc. vii. 10. Ephes. vi. 2. (h) Matth. v. 28. Rom. vii. 7.

ROMANAE CORRECTIONES.

V. 24. *Vocem eius audivimus*. Sic omit.

sunt antiqui libri coniunctionem enim, quam alii addunt.

V. 33. *Et pretelementur dies*. Non addas pronomen vestri.

COMMENTARIA

S A.

Vers. 1. **I**N AURIBUS VESTRIS, id est vobis audientibus.V. 3. **NON**, pro non solum; sic Gen. xxxii. *Non vocabitur*, scilicet solum; vel quasi dicat, non cum illis qui in Aegypto mortui; vel **INIIT**, pro inijt; quasi dicat: Nunc vero iterum inijt, seu renovat nobiscum, &c.V. 4. **FACIE AD FACIEM**. Chald. *verbum verbo*; quasi dicat, per manifesta verba. **NOBIS**. Hebr. Chald. & LXX. *nobiscum*.V. 7. **NON HABEBIS**, &c. futura pro imperativis.V. 9. **TERTIAM**, id est nepotes, vel propnepotes. Vide Num. cap. xiv.V. 11. **FRUSTRA**. Hebr. & LXX. *in vanum*. **SUPER RE VANA**, id est vane, scilicet falso: vanum enim quod veritate vacuum. Hebr. eadem vox, quam supra vertit *frustra*, & infra vers. 20. vertit *falsum*.V. 12. **SANCTIFICES**, id est sancte colas.V. 14. **SABBATI**, pro sabbatum. **ID EST REQUIES**. Id additum ab Interprete. **DOMINI**, id est ad honorem Domini.V. 15. **OBSERVARES**. Hebr. *faceres*, id est celebrares, scilicet in memoriam illius beneficii.V. 22. **MAGNA**, id est clara, exaudibili. **ADDENS**; quasi dicat, semel tantum locutus.V. 26. **QUID EST OMNIS CARO**, **UT AUDIAT VOCEM DEI VIVENTIS... ET POSSIT VIVERE**? Potest etiam ex Hebr. sic verti: *Quis unquam audivit viventis Dei vocem... & vixit?* in quem sensum videntur LXX. vertisse. At Chald. ut Nestor. *Caro*, id est homo.V. 29. **QUIS DET**, pro utinam; quasi dicat, vellem, seu opto.V. 31. **CAEREMONIAS**. Hebr. *statuta*. Chald. *passa*. LXX. *iustificationes*; & sic fere solent, ubicumque nos caeremonias legimus.V. 33. **PROTELENTUR**, id est prorogenentur.

E S T I I.

Vers. 3. **N**ON CUM PATRIBUS NOSTRIS INIIT PACTUM, SED NOBISCUM, QUI IN PRAESENTIARUM SUMUS ET VIVIMUS. Cum constet Deum iniisse pactum cum Abraham, Isaac, & Iacob, ut frequentissime testatur Scriptura; & de Abraham quidem expresse dicitur Gen. xv. *In illo die pepigit Deus fedus cum Abraham*; quaeritur quomodo hic dicatur Deus non iniisse pactum cum patribus eorum? Aliqui respondent, intelligendum esse pactum integre legis expresse servandae. Quamvis enim Patriarchae accepissent praecipuum circumcisionis, reliqua tamen praeccepta legis nondum erant illis tradita; sed ea servabant, quatenus in naturali lege continebantur. Sed melius respondendum videtur hunc esse sensum: *Non cum patribus nostris iniit pactum*; id est, non tantum cum patribus nostris iniit pactum Dominus, sed & nobiscum. Et similis locutio est Gen. xxxii. *Non vocabitur nomen tuum Iacob, sed Israel*. Sensus enim est: Non tantum Iacob vocaberis; postea enim nunc Iacob, nunc Israel vocatus est. Quod autem Moyses dicit, *Nobiscum, qui in praesentiarum sumus*; & nihilominus ad ea quae in monte Sinai acta erant respiciat: intelligendum est, quod & si plurimi eorum qui in Sinai legem ferri audierant, iam mortui essent, tamen multi etiam adhuc vivebant. Nam

mortui non sunt in deserto ex comminatione Domini, nisi illi qui tempore murmurationis excessissent annum ætatis vigesimum.

V. 4. **FACIE AD FACIEM LOCUTUS EST NOBIS.** Non dicit: Facie ad faciem vidimus eum; sed *locutus est nobis*: quia vocem quidem audiebant loquentis, speciem autem nullam viderant. Vide Num. xii.

V. 5. **EGO SEQUESTER ET MEDIUS FUI INTER DOMINUM ET VOS.** Locutus notandus contra hæreticos nostritemporis, qui sanctos nolunt vocari nostros intercessores, eo quod scriptum sit: *Unus mediator Dei & hominum*. Nam etiam hic Moyses testatur se fuisse sequestrum & mediatorem inter Deum & populum: non quidem ut Christus, qui pro nobis satisfecit; sed pro populo, orando, iramque Dei mitigando. Ita scilicet & sancti suo modo sunt mediatores & intercessores.

V. 28. **BENE OMNIA SUNT LOCUTI.** Vide supra Annotationem Exod. xix.

V. 29. **QUIS DET TALEM EOS HABERE MENTEM, UT TIMEANT ME.** Forma optandi est apud Hebræos, pro eo quod Latine dicimus, *Utinam haberent talem mentem*. Non est autem hoc ita intelligendum, quasi non sit in Dei potestate, mentem hominis ad se convertere, & suis præceptis obedientem facere; sed more humano loquitur Deus, significans quid sibi gratum sit. Deinde & hoc significari potest hac forma loquendi, quod bonum opus non ita dependeat ex gratia operantis Dei, quin etiam necessaria sit cooperatio liberi arbitrii ex parte hominis; quamvis ea ipsa cooperatio gratiæ Deo alribenda sit. Vide etiam Augustinum quæst. xi. in Deuter.

M A R I A N A E.

Vers. 3. **N**ON CUM PATRIBUS NOSTRIS INIIT PACTUM; id est, non tantum cum patribus; ut illud, *Non vocaberis Iacob*, id est non tantum. Aut non propter patres, quia in filiis est pactum impletum.

V. 5. **NON ASCENDISTIS IN MONTES, ET AIT.** Hebr. *dicendo*, quod iungitur cum illis verbis *locutus est, dicendo*: aut, ut Hebræus dicit, *supplendum est, cum descendit, sic: Non ascendistis in montem cum descendit dicendo*, vel potius ad dicendum, propter litteram *5*.

V. 6. **EDUXITE... DE DOMO SERVITUTIS.** Hebr. *servorum*, pro *servitutis*, ut Sept. etiam & Chaldaeus poluerunt.

V. 9. **DEUS AEMULATOR.** Hebr. *אֱמָן kana, zelotes*, ut idem Hieronymus vertit, Exod. xx. vers. 5. *Zelus autem, amor est consortis impatiens*. Sic hoc loco vertunt. Sept. *ἐμυλὸς*: *emulator* idem est.

V. 10. **IN MULTA MILLIA.** Hebr. *in mille*, supple generationes. Sic exprimitur cap. vii. vers. 9. facit scilicet misericordiam.

V. 11. **NOMEN DOMINI DEI TUI FRUSTRA.** hoc est *in vanum*, ut posuere Sept. sed quoniam vers. 19. vocem *אֱמָן* *sau* ponit in significatione mendacii, *Non dices contra fratrem tuum falsum testimonium*, hoc loco eandem vim habet: sic Chald. *לשקר לשקר* *leskra*, qui iuraverit per nomen eius mendacio. Pagn. in *vanum* dixit.

V. 15. **ID CIRCO PRÆCEPIT TIBI.** Vide novam rationem observationis sabbati, quia & servitute Deus eduxit Israelitas in requiem.

V. 16. **HONORA PATREM.** Hebr. *כָּבֵד cabbed*, *onera* etiam significat: nimirum beneficiis datis onera patrem.

In his mandatis futurum accipitur pro imperativo, *Non occides*, pro *ne occidas*, sed & vers. 12. **OBSERVA DIEM SABBATI.** Hebraice est, *Observare diem sabbati*; sed infinitivus ponitur pro imperativo: sic Hebræus notat. Vel supple oportet, *Observare oportet*: ut quidam alius ait.

V. 29. **QUIS DET TALEM EOS HABERE MENTEM;** id est, utinam talem mentem habeant, qualem scilicet modo, & qualia verba.

M A L V E N D A E.

Vers. 3. **N**ON CUM PATRIBUS NOSTRIS INIIT PACTUM, SED NOBISCUM. Quidam hic subaudiunt particulam *tantum*, vel *solum*: *Non tan-*

tantum cum patribus nostris excidit *foedus*, sed etiam nobiscum. Similem loquendi phrasim esse volunt Genes. xxxii. 28. Non vocabitur nomen tuum Jacob, sed Israel; pro, non tantum vocabitur, &c. sed etiam &c. Hebræorum nonnulli exponunt: Non cum patribus nostris qui mortui sunt in in Aegypto, icit Deus *foedus* istud in Choreb; sed cum nobis ipsis qui vivimus. Quidam in eandem ferme sententiam explicant: Non cum patribus nostris pepigit Iehova *foedus* istud: nimirum iis qui ante *foedus* in Chorebo pactum mortui sunt: nam legis pactum tunc primum cœpit, cum in Chorebo lex promulgata est. Fuit quidem *foedus* substantia idem initum cum Abrahamo, renovatum in deserto, & plane a Christo exhibitum; sed forma pro temporum, personarumque ratione diversum dicitur. Vide Hebræor. viii. QUI

IN PRÆSENTIARUM SUMUS. ET VIVIMUS. Nempe Moyses, Iosue, Caleb, & omnes illi qui minores annis viginti vivebant cum lex in Chorebo promulgata fuit, qui nimirum in primo censu nomina non ediderant: nam reliqui iam hoc tempore mortui fuerant. Vide Num. xiv. vers. 29. De promulgatione legis in Sina seu in Choreb, vide Exodi xix. Hebræa hic nos ex verbo expressimus (Non ad patres nostros excidit *IHWH* *foedus* istud: quia ad nos, nos ipsos hic, die omne nostrum viventes.) Clarius alii: Nobis, inquam, iis qui hic sumus hodie, omnibus nobis qui vivimus.

V. 4. FACIE AD FACIEM. Quidam, *Id est*, id est quam familiariter: humanitus dictum; ut Exod. xxxiii. vers. 11. & Numer. xii. 8.

V. 5. ET AIT. Hebr. *dicendo*. Istud non est referendum ad proxime antecedentia, sed annexendum post illud versus 4. De medio ignis, *dicendo*. Quod genus hyperbati est Scripturis frequentissimum.

V. 6. EGO DOMINUS DEUS TUUS, &c. Ab hoc versu usque ad 21. eadem omnino ponuntur quæ Exodi xx. a vers. 2. usque ad 17. & est repetitio, seu iterata promulgatio Decalogi.

V. 15. ET EDUXERIT TE IN DE DOMINUS. Nimirum ipso die sabbati, quo cecinerunt epinicion Domino Exodi xv. Vide Exodi xii. vers. 15.

V. 22. NIHIL ADDENS AMPLIUS. Hebr. *Et non addidit*. Quidam exponunt: Et non addidit ultra loqui voce magna, sicut illa qua locutus fuerat. Alii: *Nec quidquam adiecit*, amplius dicere: non addidit dicere alia præter dicta; quasi dicas, idque semel dumtaxat. Nonnulli: *Et non addidit*; subaudi, alloqui ultra totam congregationem. Aliqui Hebræorum: *Et non addidit*; subaudi, apparere, sive conspici in illa pompa & maiestate. Plerique reddunt: *Et non cessavit, finivit, defecit*, scilicet vox illa fortis & valida, sed continenter invaluit: locutus est voce forti & sonora, quæ non elanguit, aut defecit. Aut non cessavit loqui totis illis quadraginta diebus, quibus Moyses stetit in monte. Vide de eiusmodi significatione verbi *הוֹדִיעַ* Iasaph Numer. xi. vers. 25.

V. 26. QUID EST OMNIS CARO? &c. ac si dicant: Miraculum est quod iam vidimus; sed idem periculum subire metuemus.

V. 28. BENE OMNIA SUNT LOCUTI. Hebr. *Bonificaverunt, benefecerunt omne quod locuti sunt*; id est, quæcumque locuti sunt, bene omnia locuti sunt. Vel recte senserunt in omnibus quæ sunt locuti. Recte & probe locuti sunt quæcumque dixerunt.

V. 29. QUIS DET? &c. Hebr. *Quis dabit*? Optantis Hebraica formula, quam expriment per *utinam, o si*. Quidam clarius hic reddunt: *O si esset hic eorum animus illis ad timendum me, & observandum omnia præcepta mea omnibus diebus; ut bene esset eis, & filiis eorum in seculum.*

V. 30. VADE, ET DIC EIS. Vide Exodi xx. vers. 19.

V. 32. NON DECLINABITIS NEQUE AD DEXTERAM NEQUE AD SINISTRAM. Quidam: *Ne recedatis dextrorsum, aut sinistrorsum*, id est ullam in partem, ullo pacto. Metaphora, ut infra cap. xxviii. 14. pro eo quod est, quam rectissime incedatis.

V. 33. UT VIVATIS, ET BENE SIT VOBIS; id est, ut fruamini vita, eaque beata ac felice..

MENOCHII.

Vers. 1. OMNEM ISRAELEM, universum populum : adfuerunt enim omnes, ut indicatur cap. xxix. num. 10. Nec difficile fuit Deo vim Mo-
sis voci addere, ut ab omnibus posset exaudiri.

V. 3. NON CUM PATRIBUS NOSTRIS INIT PACTUM, SED NOBISCUM : non veteribus illis Patriarchis Abraham, Isaac, & Iacob legem dedit, sed nobis. Supererant enim adhuc exiis qui vivebant tempore datæ legis in monte Sina : & ut nulli supersessent, adhuc dici poterat, *Init pactum nobiscum*, id est cum populo nostro : populus enim durat, quamvis singuli cives moriantur.

V. 4. FACIE AD FACIEM. Non quasi formam, aut speciem eius videritis, hoc enim negavit cap. iv. 12. sed *facie ad faciem*, id est coram, & sine internuntio.

V. 5. EGO SEQUESTER ET MEDIUS FU. Ergo Moses mediator fuit inter Deum & populum, ut ait Apostolus ad Galat. iii. 19.

V. 6. DE DOMO SERVITUTIS. Hebraice, *de domo servorum* : de ergastulo, de AEGYPTO, ubi durissimam serviebas servitutem.

V. 7. NON HABEBIS DEOS ALIENOS IN CONSPECTU MEO. LXX. & Chald. *præter me* : unus enim est Deus ; cetera falsa sunt numina errore hominum inducta.

V. 8. NON FACIES TIBI SCULPTILES. Superiori versiculo vetuit falsorum Deorum cultum ; nunc vetat eorum simulacra. Iraque imagines, quod volunt hæretici, non prohibentur, sed idola tantum falsorum numinum.

V. 9. NON ADORABIS EA, inclinante, genuflectendo, &c. NON COLES, oblationibus, fclis, sacrificiis. DEUS AEMULATOR, sive, ut vertunt LXX. *zelotes*, qui fornicationes hæc, & adulteria cum idolis ulciscor. REDDENS INQUITATEM, pœnam iniquitatis. PATRUM SUPER FILIOS, qui vitia parentum imitantur. Vel etiam sermo est de filiis innocentibus, quos Deus propter parentum scelera temporali, & corporali pœna punit ad exemplum ceterorum. In

TERTIAM ET QUARTAM GENERATIONEM : quantum scilicet scelerum a parentibus commissorum memoria perseverat : vel numerus definitus ponitur pro indefinito ; & sensus est, In multas generationes.

V. 10. IN MULTA MILLIA, id est in plurimas generationes

V. 11. NOMEN DEI TUI IN VANUM, vel peierando, vel quocunque alio modo sancto Dei nomine abutendo irreverenter. NON ERIT IMPUNITUS ; sed graviter punietur. Sic eadem figura dicitur I. Reg. xii. 21. *Nolite declinare post vana, quæ non proderunt* ; id est, maxime oberunt.

V. 12. UT SANCTIFICES EUM, vacando ab opere servili, ut otium tibi sit divinis rebus operam dandi.

V. 14. QUIDQUAM OPERIS servilis. ET PERGRINUS, etiam incircumcisus, cum tecum est, publicum festum non violet.

V. 16. HONORA PATREM, &c. amando, reverentiam exhibendo, obediendo, iuvando, & subveniendo. UT LONGO VIVAS TEMPORE ; quasi dicat : Si honores parentes, longævus vivis in terra Chanaan, lacte & melle manant.

V. 17. NON OCCIDES. Verat iniustam hominis occisionem, item verbera, rixas, & iram, &c.

V. 18. NON MOECHABERIS. Vetat omnem concubitum extra matrimonium, omnemque membrorum illorum abusum quæ generationi destinata sunt. Ex parte enim notiori, famosiori, id est mœchia, sive adulterio, totum libidinis genus, omnesque eius species intelligi voluit. Ita S. Augustinus quæst. lxxi.

V. 19. FURTUM NON FACIES. Vetatur omnis iniusta rei alienæ usurpatio.

V. 20. FALSUM TESTIMONIUM. Sub principaliori crimine falsi testimonii cetera quæque minora ei affinia intellige, verbi gratia detractionem, contumeliam, irrisionem, &c.

V. 21. NON CONCUPISCES UXOREM, &c. Peculiari præcepto vetatur concupiscentia uxoris, & rei alienæ, quia duobus præceptis de non mœchando, nec furando, in eum errorumquis labi potuisset, ut crederet actus tantum externos prohiberi.

V. 26. QUIS EST OMNIS CARO UT AUDIAT VOCEM DOMINI, ET POSSIT VIVERE? Sic Daniel cap. x. ait ad Angelum: *Domine, in visione tua dissoluti sunt compages meae, & nihil remansit in me virum.*

V. 31. HIC STA MECUM, in monte.

V. 32. NEQUE AD DEXTERAM, NEQUE AD SINISTRAM. Est proverbialis locutio, qua significatur nullo modo divinam legem transgrediendam esse.

TIRINI.

Verf. 1. **V**OCAVIT MOYSES OMNEM ISRAELEM, putasecenta pugnatorum millia, insuperque senes, feminas, profelytos, adolescentes & pueros: nam omnes adfuisse patet Deuter. xxix. verf. 10. Et vero expediebat omnes ex ipso Moyfis ore instrui, & ad fœdus cum Deo denuo instaurandum præparari.

Sed quomodo unus Moyses a tantatumba potuit exaudiri? Respondeo: Deus voci illius vim quamdam sonoram addidit, qua fiebat ut ea ad omnes pervaderet. Quod Vincentio Ferrerio, Francisco Xaverio, & aliis quibusdam sanctis viris etiam nostro sæculo concessum legimus. Et alia certe magis miranda in Moyse, & a Moyse in gratiam istius populi facta constat.

V. 3. NON CUM PATRIBUS NOSTRIS INIIT DEUS PACTUM, hoc est, non cum Abrahamo, Isaac, Iacobo, aliisque Patriarchis: SED NOBISCUM: quia multi adhuc eorum superflites erant qui fœderi isto in Horeb præsentis fuerant, ut patet ex dictis cap. xiv. Numerorum: saltem unusidemque erat populus cum quo & tunc, & modo fœdus inibatur.

Sed nonne Genesis xv. 18. dicitur: *In illo die pepigit Dominus fœdus cum Abram?* Respondeo: Non illud, neque tale fœdus quale hic initum fuit. Ibi enim Abrahamo tantum promittit Deus terram Chananzam; hic vero acceptat posteros Abrahamæ in populum suum, peculiaribus legibus ac cæremoniis sibi adstrictum; & illicissim ipsum acceptant in Deum suum, eiusque legibus ac cæremoniis sese adstringunt.

V. 15. IDCIRCO PRÆCEPIT TIBI UT OBSERVARES DIEM SABBATI.

Ut scilicet memor durissimæ servitutis Aegyptiacæ, qua nulla tibi quies umquam dabatur, tu vicissim iam servis tuis aliquid libenter indulgeas quietis, & post multorum dierum labores saltem septimo quoque respirare permittas.

Notat S. Thomas a, præceptum hoc, qua diem & tempus aliquod inde finitum cessationi a servilibus, & vacationi divino cultui, etiam publico & externo, dandum præcipit, esse morale, immo naturale, ac proinde merito ab Ecclesia Christiana diem dominicum ei rei dellinatum esse; quatenus vero dies sabbati præcisè ad hoc deputatus erat, fuisse tantum cæremoniale; ideoque potuisse aboleri a Christianis, & in alium diem transferri. Vide plura de Sabbato supra Exodi cap. xxxv.

(4) S. Thom. Opusculo hac de re.

GORDONI.

Verf. 1. **M**Irabitur aliquis, quomodo potuerit Moses audiri a tanta multitudine. Miraculo factum videtur ut vox eius ad omnes perveniret: quamvis existiment aliqui, satis fuisse Moysen a solis ducibus intelligi.

V. 3. NON CUM PATRIBUS NOSTRIS INIIT PACTUM. Nempe fœdus illud interpositum in Horeb, de quo Exodi cap. xxiv. non fuit, inquit, cum antiquis patribus Abraham, Iacob, aut Ioseph, sed cum his qui iam aderant in campetribus Moab, quamvis tunc pueris infra annum vigesimum: nam qui percussus perierunt, erant supra annum vigesimum. Aliud hoc fœdus est quam illud Gen. xv.

V. 5. EGO SEQUESTER. Ergo & sancti esse tales possunt, & medii apud Deum.

V. 7. NON HABEBIS, &c. Sunt futura pro imperativis. De sculptili, & diis alienis, vide quæ dixi Exod. cap. xx. Hic quidem verf. 7. vetat deos alienos, & verf. 8. vetat speciatim simulacra deorum: nam ea etiam gentes colebant: quod negat quidem Calvinus; sed affirmat Ilaïas cap. xliv. verf. 17. & Ieremias cap. xvi. satis refutatur qui aperte Scripturis contradicit.

V. 8. NON FACIES TIBI SCULPTIL.

PTILE. Hoc aliqui putant esse præceptum diverſum ab illo verſ. 7. de diis alienis; ut putantur ſentire Ambroſius, & Hieronymus. Hoc arripit Calvinus, ut videatur ſibi habere ſpeciale præceptum contra imagines. At unicum eſſe præceptum, volunt idem Hieronymus in Pſal. xxxi. Auguſt. quæſt. lxxi. in Exodum, Clem. Alex. VI. Strom. quæſententia verior eſt: nam quod utroque verſu habetur, eodem ſpectat, nempe ad cultum unius Dei. Vide notata Exod. xx. verſ. 4. Ceterum hallucinantur aliqui circa notionem idoli: non enim quodlibet ſimulacrum, ſeu cuiuslibet numinis imago, eſt idolum, ſed tantum imago falſi numinis, ex Athan. Orat. contra idola, ſub ſinem: ac falſum proinde eſt, omnes imagines vetari iure nature: & ſculptile quod hic vetatur, eſt ſculptile, vel imago alienorum deorum. Certe imago veri Dei, non eſt aliud Deus a vero Deo: notumque eſt cultum ibi terminari ad prototypum. Denique falſum eſt, Deum prohibuiſſe omne ſculptile, aut artem ſculpendi. Vide Exod. xxxi. ubi probantur artiſces, & Numer. xxi. verſ. 8. Nec recte occurrit Calvinus ſi dicat, raro tantum talia permiſſa: ſi enim vel ſemel licet imaginem ſculpere iure non violato, clarum eſt prohibitionem imaginis non eſſe a iure naturali, ut putant Novatores. Atque ita nulla nunc a vetere lege, valida eſt prohibitio imaginum.

V. 9. IN TERTIAM ET QUARTAM GENERATIONEM. Patres ut plurimum

interpretantur hunc locum de filiis qui imitantur peccata parentum. Ita Auguſtinus contra Adimantum, cap. vii. & Hieronymus in xviii. Ezech. Alii intelligunt de pœna temporali etiam in filios innocentes: quod tamen rariuſ contingit. Ita quidem S. Thom. I. II. quæſt. xxvii. art. 8. Ceterum in utroque ſenſu non male poteſt hic intelligi poſitus numerus certus pro incerto, & indeterminato. De hoc ſupra Exod. cap. xx.

V. 10. IN MULTA MILLIA. Hebr. *in mille*, nempe generationes.

V. 11. NON USURPABIS NOMEN; &c. In opere Theol. Lib. IX. quæſt. xi. data eſt Decalogi explicatio: nec proinde plura in præſentia.

V. 16. HONORA PATREM. Hebr. *קָבַד cabbēd*, ſignificat inſuper onerare, ſcilicet beneficiis, & honore.

V. 29. QVIS DET? Utinam.

V. 31. CÆREMONIÆ. *Statuta*, in Hebr. ſed Sept. *iuſtificationes*.

V. 33. PROTELENTUR; hoc eſt; protogentur.

EX EIUSDEM AUCTARIO.


V. 4. FACIE AD FACIEM, ſine intertuntio, & coram.

V. 12. UT SANCTIFICES, vacando ab opere ſervili.

V. 21. NON CONCUPICES. Hinc habes non tantum prohiberi pactus externos fornicationis, & furti.

C A P U T VI.

Dominus ex toto corde diligendus, eiſque mandata ſolicite ſervanda, & poſteris inculcanda.

1.  **Æc ſunt præcepta, & cæremoniæ, atque iudicia, quæ mandavit Dominus Deus veſter ut docerem vos, & faciatis ea in terra ad quam tranſgredimini poſſidendam: 2. ut timeas Dominum Deum tuum, & cuſtodias omnia mandata & præcepta eiſ, quæ ego præcipio tibi, & filiis, ac nepotibus tuis, cunctis diebus vitæ tuæ, ut prolongentur dies tui. 3. Audi Iſrael, & obſerva ut faciās quæ præcepit tibi Dominus, & bene ſit tibi, & multipliceris amplius, ſicut pollicitus eſt Dominus Deus patrum tuorum tibi terram lacte & melle manantem. 4. Audi**

Bib. Sac. Tom. III. Tt Iſrael,

Israel, * Dominus Deus noster, Dominus unus est. 5. (a) Diliges Dominum Deum tuum ex toto corde tuo, & ex tota anima tua, & ex tota fortitudine tua. 6. Eruntque verba hæc, quæ ego præcipio tibi hodie, in corde tuo: 7. & narrabis ea filiis tuis, * & meditaberis in eis sedens in domo tua, & ambulans in itinere, dormiens, atque consurgens. 8. Et ligabis ea quasi signum in manu tua, eruntque & movebuntur inter oculos tuos, 9. scribesque ea in limine & ostiis domus tuæ. 10. Cumque introduxerit te Dominus Deus tuus in terram pro qua iuravit patribus tuis, Abraham, Isaac, & Jacob; & dederit tibi civitates magnas & optimas, quas non ædificasti, 11. domos plenas cunctarum opum, quas non extruxisti, cisternas, quas non fodisti, vineta & oliveta, quæ non plantasti, 12. & comederis, & saturatus fueris: 13. cave diligenter ne obliviscaris Domini, qui eduxit te de terra AEgypti, de domo servitutis. (b) Dominum Deum tuum timebis, * & illi soli servies, ac per nomen illius iurabis. 14. Non ibitis post deos alienos cunctarum Gentium, quæ in circuitu vestro sunt: 15. quoniam Deus æmulator, Dominus Deus tuus in medio tui: nequando irascatur furor Domini Dei tui contra te, & auferat te de superficie terræ. 16. Non tentabis Dominum Deum tuum, sicut tentasti in loco tentationis. 17. Custodi præcepta Domini Dei tui, ac testimonia, & cæremonias quas præcepit tibi: 18. & fac quod placitum est & bonum in conspectu Domini, ut bene sit tibi: & ingressus possideas terram optimam, de qua iuravit Dominus patribus tuis, 19. ut deleret omnes inimicos tuos coram te, sicut locutus est. 20. Cumque interrogaverit te filius tuus cras, dicens: Quid sibi volunt testimonia hæc, & cæremoniæ, atque iudicia, quæ præcepit Dominus Deus noster nobis? 21. dices ei: Servi eramus Pharaonis in AEgypto, & eduxit nos Dominus de AEgypto in manu forti: 22. fecitque signa atque prodigia magna & pessima in AEgypto contra Pharaonem, & omnem domum illius, in conspectu nostro, 23. & eduxit nos inde, ut introductis daret terram super qua iuravit patribus nostris. 24. Præcepitque nobis Dominus, ut faciamus omnia legitima hæc, & timeamus Dominum Deum nostrum, ut bene sit nobis cunctis diebus vitæ nostræ, sicut est hodie. 25. Eritque nostri misericors, si custodierimus & fecerimus omnia præcepta eius coram Domino Deo nostro, sicut mandavit nobis.

(a) Infra xi. 23. Matth. xxii. 36. Marc. xii. 30. Luc. x. 27. (b) Infra x. 20. Matth. iv. 7. Luc. iv. 12.

B R U G E N S I S

ROMANÆ CORRECTIONES.

V. 4. *Dominus Deus noster, Dominus unus est*. Posterius *Dominus* quidam mutant in *Deus*, immerito.

V. 7. *Et meditaberis in eis sedens in domo*

tua. Non sunt omittendæ mediæ illæ voculæ *in eis*.

V. 13. *Et illi soli servies*. Interpres hic expressit vocem *soli*, quæ Hebraice relinquatur subaudienda.

COMMENTARIA

S. A.

Verf. 1. **A** MPLIUS. Hebr. Chald. & LXX. *valde.*

V. 3. NARRABIS. Hebr. *repetes*, id est inculcabis. DORMIENS; id est, accumbens ut dormias.

V. 8. MOVEBUNTUR. Hebr. *Erunt ut frontalia.* Vide cap. xi.

V. 9. ET OSTIIS; pro, id est ostiis, scilicet postibus.

V. 11. EXTRUXISTI. Hebr. Chald. & LXX. *Implevisi.*

V. 13. IURABIS. Non iubet iurare, sed prohibet per aliud nomen iurare. Aug. in Deuter. xii.

V. 15. AEMULATOR, id est qui consortem in amore non patitur: scilicet vult se solum ut Deum coli, & summe amari, ut par est.

V. 16. TENTATIONIS. Vide Exod. xvii.

V. 18. PLACITUM. Hebr. & Chald. *rectum.*

V. 20. CRAS, id est posteris temporibus.

V. 24. LEGITIMA. Hebr. *statuta.* Chald. *præcepta.* LXX. *iustificaciones.* VI-TAE NOSTRAE. Hebr. & Chald. *Ut vivificet nos.* LXX. *ut vivamus.* EST, id est apparet.

V. 25. NOSTRI MISERICORS. Hebr. *iustitia nobis*, id est misericordia. LXX. *miseriordia nobis.* Chald. *premium nobis.* CORAM DOMINO; id est, sic ut ei placeamus.

E S T I I.

Verf. 5. **D** ILIGES DOMINUM DEUM TUUM EX TOTO CORDE TUO, ET EX TOTA ANIMA TUA, &c. Queritur an hoc præceptum dilectionis in hac vita possit a nobis impleri: quod quidem negant hæretici, affirmat autem Catholica Ecclesia. Neque enim præcipiatur tamquam ad vitam consequendam necessarium (iuxta quod Christus dicit Matth. xix. *Si vis ad vitam ingredi,*

serva mandata) si a nemine observari posset, cum Deus nihil præceperit impossibile; immo & prudens quisvis legislator nihil præcipit, nisi quod putat posse servari. Quin etiam Scriptura aperte de quibusdam testatur, quod toto corde Deum dilexerint. Sic Ezechias IV. Reg. xx. in oratione qua a Deo prolongationem vitæ impetravit: *Obsecro Domine, memento quæso quomodo ambulaverim coram te in veritate, & in corde perfecto.* Et de Iosia Rege scribitur Libri eiusdem cap. xxxiii. *Similis illi non fuit ante eum Rex, qui reverteretur ad Dominum in omni corde suo, & in tota anima sua, & in universa virtute sua, iuxta omnem legem Moysi.* Impleverunt ergo præceptum hoc dilectionis hi quibus tale testimonium Scriptura perhibet.

Si insister hæreticus, quomodo ex tota fortitudine quis diligat Deum, cum Paulus dicat Rom. vii. *Video aliam legem in membris meis repugnantem legi mentis meæ, & captivantem me in lege peccati quæ est in membris meis:* respondeo, ipse Apostolus satis declarat quid velit, cum eodem capite dicit: *Iam non ego operor illud, sed quod habitat in me peccatum.* Itaque talis etiam ex tota fortitudine diligit Deum, quia quidquid virium eius voluntati subiectum est, id ad imperium voluntatis servit Deo. Neque etiam præcipitur intensissima dilectio, sed talis quæ excludat dilectionem aliarum rerum quæ ad Deum non referuntur; hoc est, ut nulla pars sit quæ hominis imperio subiacet, quæ non Deo, eiusque dilectioni consecratur. Vide nostrum Commentarium in III. Sententiarum, dist. xxvii. cap. vi. vii. viii.

V. 13. DOMINUM DEUM TUUM TIMEBIS, ET PER NOMEN ILLIUS IURABIS. Præceptum hoc partim affirmativum est, partim negativum. Prohibetur enim simpliciter iurare per deos alienos. Si tamen occurrat necessitas iurandi, tum præcipitur ut iuretur per nomen Dei: Non ergo simpliciter præceptum est iurare, sicut præceptum est diligere Deum,

T r 2. & ho-

& honorare parentes; sed si iurandum (quod sine evidenti utilitate, vel necessitate fieri non debet) modus præscribitur, ut videlicet non aliter quam per nomen Dei iuretur. Quo modo etiam accipiendum est illud Psalmi LXII. *Laudabuntur omnes qui iurant in eo*; id est, qui occurrente iurandi necessitate, non gentilium decorum nomina assumunt ad veritatis confirmationem, sed eius qui solus est summa & incommutabilis veritas. Vide etiam infr. cap. x.

MARIANAE.

Vers. 3. **Q**UAE PRÆCEPIT TIBI DOMINUS. Hæc verba Hebraice non sunt, neque in Gotth. neque in multis aliis codicibus; Romani tamen retinuerunt: Sept. non habent. Sicut *POLICITUS* EST. Hebr. *locutus est*; sed Hieronymus mutavit, ut ab illo verbo construeret quod sequitur, *Terram lacte*, &c. Sept. & Chald. suppleant, cum *ut daret*: *Locutus est, ut daret*. Pagninus regit a verbo superiori, *Observa terra* (pro in terra) *lacte & melle mananti*. Post hunc versum sequitur in Gotthicis totum hoc: *Hec autem sunt præcepta, & iustitiæ, & iudicia, quæ præcepit Moyses filiis Israel in eremo, cum exiissent de terra Aegypti*. Quæ sunt in Sept. & defunt in Hebraicis, nec sunt in Vulgata Romana.

V. 5. EX TOTA FORTITUDINE TUA. Hebr. *ex toto valde tuo*; hoc est, quantum omni conatu poteris. Chald. *ex tota substantia tua*.

V. 7. DORMIENS. Hebr. *Quando accubueris*, nimirum ad dormiendum; non quando dormis: qui enim legem tunc meditaretur?

V. 8. MOVEBUNTUR INTER OCULOS TUOS. Hebr. *Erunt in frontalia*. *מַעַתְּמֵי* totaphorh, ante oculos tuos: gestabis quasi amuleta hæc præcepta.

V. 11. QUAS NON EXTRUXISTI. Hebr. *implevisti*; sed *construere* est etiam *coacervare*. Quas non extruxisti aut construxisti opes, eas dedit Deus tibi.

V. 13. PER NOMEN ILLIUS IURABIS, quando iurandum erit, non per alios. August. Deuter. XII.

V. 15. QUONIAM DEUS AEMULATOR. Sept. *z'notes*. NE QUANDO IRA-

SCATUR FUROR DOMINI. Hebr. *nasus Domini*, pro ira, quoniam in naso apparet iracundia.

V. 19. UT DELERET INIMICOS TUOS. Sept. *Expelleret inimicos tuos*: atque ita est Hebraice.

V. 20. FILIUS TUUS CRAS. Non proximum diem, sed futurum tempus significat quodcumque.

V. 25. ERITQUE NOSTRI MISERICORS. Sept. *Misericordia erit nobis*. Chald. *Premium erit nobis*. Hebr. *Et iustitia erit nobis*; sed vox *Zedaca* Hebraice significat etiam *misericordiam, elemosynam*: sic Matth. VI. vers. 1. *Attendite ne iustitiam; Græce, ne elemosynam*: fortassis quia misericordia quodammodo ex iustitia debetur.

MALVENDAE.

Vers. 2. **U**T PROLONGENTUR DIES TUI. Verbum *יִאֲרִיכֻן* *iaarichun* est futurum Hiphil, proinde quidam active reddunt: *Ut prolongent, vel propterea prolongabunt, vel prolongare facient*: nempe timor Dei, & mandatorum observatio erunt tibi causa diuturnæ vitæ adiuvans atque administrans, quod sequens versus explicat: quapropter cum præcedentibus videtur coniungendum. Sed recte notant, tertiam personam pluralem activam plerumque poni pro verbo passivo, non expresso certo nominativo ante verbum *ut*, velut impersonaliter sumatur. Sic Lucæ XII. vers. 20. *Stulte, hac nocte tollent animam tuam*, id est tolletur anima tua. Ita hic accipi potest passive impersonaliter, *Prolongabunt dies tuos*, pro prolongabuntur dies tui. Alii intransitive exponunt: *Ut producantur, promoveant, dies tui*: sicut verba Hiphil sæpe absolute videas sumi, quod aliquid subaudiri videatur. Quod & in aliis linguis fieri videas, ut verba activa abeant in neutra, ut Latinis *promovere, mutare, vertere*; & id genus. Sic supra cap. v. vers. 16. Exodi xx. vers. 12. & alibi.

V. 4. AUDI ISRAEL. In *שמע* *she-magh*, littera Ghain est magna: & est nomina littera grandior, quæ in Hebraica Scriptura Bibliorum occurrit. Vide Numeror. XIII. vers. 3. Hic facile olfecerim mysterium: nempe quia hoc sermone divinum Trinitatem personarum indicaturus erat, im-

immo etiam æterni Filii Dei incarnationem. Primus, *IHVH, Pater*; secundus, *ELOHIM noster, Filius*; noster, propter assumptam humanitatem; tertius, *IHVH, Spiritus sanctus*. Vide Galatinum Lib. II. cap. I. *UNUS EST. TWH ehad*, scribitur cum Daleth magno: & hæc est decima magna littera Hebræorum Bibliorum: quæ fortasse posita est ad insinuandam perfectissimam & absolutissimam unitatem essentiae Trinitatis, ut intelligeremus tres divinas personas non esse nisi unum Deum, nempe trinum in personis, & unum in natura divinitatis. Subtilius est quod quidam notant, *Ehad* esse Dei nomen, *Unus*, e Iob xxxi. 15. Isaie lxvi. 17. Macrobius Lib. I. Saturnaliorum, cap. xxiii. *Assyrii Deo, quem summum maximumque venerantur, Adad* (forte Achad) nomen dederunt: eius nominis interpretatio significat *Unus*. Hunc ergo ut potentissimum adorant Deum.

V. 5. ET EX TOTA ANIMA TUA. Nomini *WH nephefeh, anima*, hæc omnia subiiciunt: *In tota, seu omni potentia animæ, affectu, voluntate, ingenio, animo, mente, desiderio, anhelatione, aspiratione, impetu, conatu, propensione*. ET EX TOTA FORTITUDINE TUA. *TWD meod*, hæc omnia complectitur: *Et in omni valde, valore, vehementia, facultate*. Quidam, *Pro omni virili tua*. Alii, *In omnibus viribus tuis*. Nec desunt qui ad bona externa referant; id est, ex omnibus tuis facultatibus & copiis. Plerique ad vires animi; id est, quantum a te diligere potest.

V. 7. ET NARRABIS EA. Hebr. *Et ex- acues ea*. Quidam notant esse metaphoram ductam a gladio, quidam acuit, sæpius impellitur ad cotem. Innui volunt studium & diligentiam, qua pueris præcepta Dei inculcari debent. Aliqui metaphoram esse putant a bellatoribus, qui arma acunt ut facilius hostes penetrant: sicut ubet proponere parentes liberis suis doctrinam Dei quam accuratissime, & quam accommodatissime unde reddunt: *Et acute ingeres ea filiis tuis*. Possis reddere: *Et ingres, dehes ea*: quod acuta facile infigantur. Alii: *Et repetes, inculcabis, iterabis ea*. Nonnulli: *Et loqueris ingiter ea, vel confabulaberis de eis*. Nec aliene convertes: *Et dentabis ea filiis tuis*; id est, inter dentes versabis, assidue loquaris: vel denti-

bus mandes, præmansa in os ingeres filiis tuis. *SEDENS IN DOMO TUA*; id est, numquam intermittas meditari, & inculcare ea. Periphrasis a situ hominis, qui a natura est quadruplex; pro eo quod est, in omni quiete, motu, loco, tempore, modo, &c.

V. 8. ET LIGABIS EA. Notant esse typum seu symbolum accuratæ observationis, atque perpetuæ: ut Exodi xiii. vers. 16.

V. 13. DOMINUM DEUM TUUM TIMEBIS. Vide infra cap. x. vers. 20. & cap. xiii. vers. 4. AC PER NOMEN ILLIUS. Quidam exponunt: Subaudi, & non per nomen idoli, quod cum res nihil sit, de re ulla non potest testari, & fidem facere; ac si dicat: Quando voles aliquid affirmare, aut si voles cum aliquo inire socius, & si quando iubearis a magistratu iurare, aut in usum proximi; non advocabis alium in testimonium quam Deum tuum veracem, rerum omnium confesum, qui solus rerum omnium testis est verax; non muta idola, & sine sensu: non dabis alii honorem iuramenti quam Deo. Non tamen existimes pro quavis re levi iuramentum hec præcipi in nomine Domini: nam de solenni, aut necessario iuramento tantum intelligendus est locus; quasi dicat: Quoties necessitas, & ratio pietatis, vel caritatis publica, aut privata postulat, etiam religione iusiurandi exhibeto cultum Deo quem debes: & semper apud omnes nomen illius religiose proficitur, ut evidentiùs habetur infra cap. x. vers. 20.

V. 16. NON TENTABIS DOMINUM DEUM TUUM. Vide Exodi xvii. 7.

V. 19. CORAM TE. Hebr. *a facie tua*. Quidam exponunt: In adventu tuo, ut primum terram ingrederis.

V. 24. CUNCTIS DIEBUS VITAE NOSTRÆ, SICUT EST HODIE. Heb. *Cunctis diebus, ad vivificandum nos secundum diem istam*. Quidam: *Ut nos conservaret in vita sicut hodie*: vel ut servaret nos incolumes, ut vides nos incolumes esse hodie, seu ut vere hodie incolumes sumus.

V. 25. ERITQUE NOSTRI MISERICORS, SI CUSTODIERIMUS, &c. Hebr. *Et iustitia erit nobis, quia, vel cum servabimus, &c.* Ex observatione decalo-

gi & legis divinæ, vera iustitia, & iustificatio inest nobis, dicente Christo: *Si vis ad vitam ingredi, serva mandata*. Ex observantia aliorum legalium præceptorum quæ in morte Christi expiraverunt, obveniebat Iudæis legalis quædam & politica iustitia. Vide Paulum Roman. x. Quidam hic *iustitiam* pro mercede & præmio recte factorum accipiunt, seu probeneficio & gratia facta, ut I. Samuelis xxvi. vers. 23. Isaïæ liv. vers. 17.

MENOCHII.

Vers. 3. **A**mplius, *vale*, ut habent Hebræus, Chaldæus, & LXX.

V. 4. **DEUS NOSTER... UNUS EST.** Hoc est primum principum unde conclusio deducitur de eo solo adorando, colendo, timendo, diligendo.

V. 5. **EX TOTO CORDE TUO, &c.** Quod dicitur, *Ex toto corde, anima, fortitudine*, &c. videtur idem significare; sed pluribus explicatur ad rem magis inculcandam.

V. 7. **NARRABIS.** Hebraice, *Et acues*; id est, ut Vatablus, & alii, iterabis, resolves, repetes hæc mea præcepta filiis tuis. Vel *acues* significat clare, distincte, aperte propones. **MEDITABERIS.** Hebr. *loqueris*, sicut famulus cum hero loquitur familiariter, ut eius mentem cognoscat, quam opere exequatur. **DORMIENS**: quando scilicet cubitum concedis, aut dormibas. **ATQUE CONSURGENS**, iuxta priorum usum, qui cum evigilarunt, primitias actionum per orationem, aut meditationem Deo offerunt.

V. 8. **LIGABIS EA QUASI SIGNUM IN MANU TUA.** Iudæi olim hæc omnia ad litteram ut sonant acceperunt, ut patet Matth. xxiii. 5. Verum melius accipiuntur metaphorice, ut hac formula loquendi doceamur divinam legem præ oculis semper habere, nec illius umquam oblivisci.

V. 13. **PER NOMEN ILLIUS IURABIS**, si iurandum sit.

V. 16. **NON TENTABIS DOMINUM, &c.** non exacerabis peccando, murmurando, &c. **IN LOCO TENTATIONIS.** Exod. xvii. 7.

V. 17. **TESTIMONIA**, leges, quæ testantur quid velit Deus a nobis fieri.

V. 20. **CRAS**, tempore futuro.

V. 21. **PESSIMA**, gravissima Aegyptiis, nocentissima.

V. 24. **LEGITIMA**, lege decreta.

V. 25. **ERIT NOSTRI MISERICORS.** Hebr. *Et iustitia erit nobis*; sed iustitia hic, & alibi capitur pro misericordia.

TIRINI.

Vers. 5. **D**ILIGES DOMINUM DEUM TUUM EX TOTO CORDE TUO, ET EX TOTA ANIMA TUA, ET EX TOTA FORTITUDINE TUA. Potest per cor intelligi voluntas seu appetitus rationalis; per animam appetitus sensitivus; per fortitudinem, seu vires (ut citat Sanctus Lucas cap. x.) facultas executiva. Sed verisimilius est, simplici Hebraismo hæc omnia idem prorsus significare, & posteriora non alium ob finem addita fuisse, quam ut eandem rem magis exprimerent, & inculcarent, nempe amorem nostrum erga Deum debere summum esse. Ubi nota contra hæreticos, præcipi hic amorem summum, non intensivè, aut extensivè, & multo minus continue; sed solum appetitive vel comparative, ut nempe Deum rebus omnibus creatis antefereamus, nec quidquam illius amicitia præponamus. Unde potest hoc præceptum in hac vita etiam facile impleri: & de Iosia a Rege, & aliis legimus, implevisse illud, uti & alia omnia præcepta. Simile est quod de Davide b, Alac, Ezechia d, Zacharia, Elisabeth e, & aliis habemus, *cor eorum fuisse perfectum cum Deo, vel incessisse in omnibus mandatis Dei*.

Dices. S. Augustinus dicit, neminem in hac vita posse Deum ex toto corde diligere, sed hoc a solis sanctis in cælo præstari.

Respondeo. S. Augustinus non explicat ibi litteraliter illa verba, *Ex toto corde*, sed anagogico sensu, ut idem sint quod intensivissimo, perfectissimo, ac continuo amoris actu, quod perfectio non est huius viæ, sed solius patriæ. Alioquin posse, immo debere hominem ita ex toto corde diligere Deum, ut nihil aliud illo carius habeat (qui est sensus litteralis huius præcepti) ex pluribus Sancti Augustini locis.

certissimo constat. Tropologice vide S. Bernardum *b*.

V. 8. ERUNTQUE ET MOVERUNTUR INTER OCULOS TUOS, &c. Loquitur non proprie, sed parabolice; quasi dicat: Curabis & efficies ne mandatorum meorum obliviscaris, sed sæpe & manu, & oculis, & animo illa sèpè solves; atque ita præsentem omnium memoriam habebis, ac si frontalibus, dextralibus, & liminaribus inscripta haberes. Pharisei tamen, & crassiores aliqui Iudæi, hæc ad litteram usurpantes, dilatabant ea occasione phylacteria sua & fimbrias, ut iis legem inscriberent, Matthæi *xxiii. vers. 5.* Alii saltem omni studio connitebantur, ut legem Moysis, totumque Deuteronomium memoria tenerent. Traduntque Rabbinii, hunc in finem vel in sola urbe Ierosolymitana fuisse supra quadringentas scholas & synagogas, in quibus lex Dei traderetur & explicaretur.

- (*a*) IV. Reg. *xxiii. vers. 25.*
 (*b*) III. Reg. *xi. vers. 4.*
 (*c*) III. Reg. *xv. vers. 12.*
 (*d*) IV. Reg. *xviii. vers. 6.*
 (*e*) Lucæ *1. vers. 6.*
 (*f*) August. Lib. de Perfect. Iustitiæ Tom. VII.
 (*g*) Vide Vass. 1. II. quest. *cix. a. 3. & alios DD.*
 (*h*) S. Bern. Ser. de dilig. Deo, & de triplici dilectionis modo, & tract. de Diligendo Deo.

G O R D O N I.

Vers. 4. A UDI ISRAEL, DOMINUS DEUS NOSTER, DOMINUS UNUS EST. Quamvis Eugubino valde displiceat, si quis ex hoc loco. & nomine Dei ter posito colligat mysterium Trinitatis; non desunt tamen sancti Patres qui putent probabiliter sic colligi. Ita Augustinus, Alexander Papa, Anselmus, Greg. Nyssenus, & alii apud Sixtum Senensem Biblioth. Lib. V. annot. *cxix.*

V. 5. DILIGES DOMINUM DEUM TUUM.... EX TOTA FORTITUDINE TUA. Septuaginta *ἐν ὅλης δυνάμει σου*. Hebr. *בכל מְעוֹדֶךָ* *becol meodecha*, ex omni valde tua, vel, ut alii vertant, ex tota vehementia tua; ac si diceret, ex o-

mni possibilitate tua. Quod qua ratione fiat, & non sit præceptum hoc impossibile, exposui in materia de Caritate. Si quæras quomodo hæc tria distinguantur, *Ex corde toto, tota anima, & tota fortitudine*. Existimandum certe est, hæc tria idem designare, nempe accuratam huius præcepti observationem, & singularem diligentiam ne aliquid contra fiat, ita ut nulla amoris pars detur creaturæ supra Deum. Perfectus tamen ille qualis est in beatis amor, nec hic præcipitur, cum sit finis præcepti, nec aliter est præceptus amor, nisi ut habet rationem medii. Negavit Augustinus de Spiritu & Littera cap. ult. posse impleri præceptum amoris in hac vita: sed loquitur in sensu ille anagogico; nos hic sensum tantum litteralem explicamus. Et simile est de concupiscentia, *Non concupisces*. Et hoc est quod communiter dici solet in scholis, obligationem huius præcepti intelligi appetitive, seu comparative ad alia, non intensive. Sed de his plura suo loco.

V. 7. DORMIENS, iturus ad dormiendum.

V. 13. PER NOMEN ILLIUS IURABIS, quando iurandum est; non vero per deos alios.

V. 16. IN LOCO TENTATIONIS. Exod. cap. *xvii. vers. 7.*

V. 20. CRAS. Tempus futurum quodcumque significat.

V. 24. LEGITIMA. Sept. *iustificaciones*: Hebr. *statuta*.

EX EIVSDEM AUCTARIO.

V. 8. LIGABIS. Hæc ad litteram accipiebant Iudæi; sed sensus est de lege Dei semper mente retinenda, & servanda.

V. 16. NON TENTABIS. peccando non excites ut irascatur, ut fecisti Exod. *xii. 7.*

V. 17. TESTIMONIA, præcepta Dei, quod testentur quid velit Deus. Theologi vocant Voluntatem signi.

V. 20. CRAS, in sequentibus annis.

V. 22. PESSIMA, gravissima Aegyptiis.

C A P U T VII.

*Nulla cum Gentibus societas contrahenda, sed earum aræ, luci, ac simulacra delenda: memoratis Dei beneficiis promittit in omnibus auxilium
& ubertatem, modo eius præcepta observent.*

1.  Um introduxerit te Dominus Deus tuus in terram quam possessurus ingrederis, & deleverit Gentes multas coram te, (a) Hethæum, & Gergezæum, & Amorrhæum, Chanaanæum, & Pherezæum, & Hevæum, & Iebusæum, septem Gentes multo maioris numeri quam tu es, & robustiores te: 2. tradideritque eas Dominus Deus tuus tibi, percuties eas usque ad internecionem. (b) Non inibis cum eis fœdus, nec misereris earum, 3. neque sociabis cum eis coniugia. Filiam tuam non dabis filio eius, nec filiam illius accipies filio tuo: 4. quia seducet filium tuum ne sequatur me, & ut magis serviat diis alienis: irasceturque furor Domini, & delebit te cito. 5. Quin potius hæc facietis eis: (c) Aras eorum subvertite, & confringite statuas, lucosque succidite, & sculptilia comburite. 6. (d) Quia populus sanctus es Domino Deo tuo. Te elegerit Dominus Deus tuus, ut sis ei populus peculiaris de cunctis populis qui sunt super terram. 7. Non quia cunctas gentes numero vincebatis, vobis iunctus est Dominus, & elegerit vos, cum omnibus sitis populis pauciores: 8. sed quia dilexit vos Dominus, & custodivit iuramentum quod iuravit patribus vestris: eduxitque vos in manu forti, & redemit de domo servitutis, de manu Pharaonis regis Aegypti. 9. Et scies, quia Dominus Deus tuus, ipse est Deus fortis & fidelis, custodiens pactum & misericordiam diligentibus se, & his qui custodiunt præcepta eius, in mille generationes: 10. & reddens odientibus se statim, ita ut disperdat eos, & ultra non differat, protinus eis restituens quod merentur. 11. Custodi ergo præcepta, & caeremonias, atque iudicia, quæ ego mando tibi hodie ut facias. 12. Si postquam audieris hæc iudicia, custodieris ea & feceris, custodiet & Dominus Deus tuus pactum tibi, & misericordiam quam iuravit patribus tuis: 13. & diliget te ac multiplicabit, benedicetque fructui ventris tui, & fructui terræ tuæ, frumento tuo, atque vindemiæ, oleo, & armentis, gregibus ovium tuarum super terram, pro qua iuravit patribus tuis ut daret eam tibi. 14. Benedictus eris inter omnes populos. (e) Non erit apud te sterilis utriusque sexus, tam in hominibus quam in gregibus tuis. 15. Auferet Dominus a te omnem languorem: & infirmitates Aegypti pessimas, quas novisti, non inferet tibi, sed cunctis hostibus tuis. 16. Devorabis omnes populos, quos Dominus Deus tuus daturus est tibi. Non parceret eis oculus tuus, nec servies diis eorum, ne sint in ruinam tui. 17. Si dixeris in corde tuo: Plures sunt gentes istæ quam ego, quo modo potero delere eas? 18. noli metuere, sed recordare quæ fecerit Dominus Deus tuus Pharaoni, & cunctis Aegyptiis, 19. plagas maximas quas viderunt oculi tui, & signa atque portenta, manumque robustam, & extentum brachium, ut educeret

te Dominus Deus tuus: sic faciet cunctis populis, quos metuis. 20. (f) Insuper & crabrones mittet Dominus Deus tuus in eos, donec deleat omnes atque disperdat qui te fugerint, & latere potuerint. 21. Non timebis eos, quia Dominus Deus tuus in medio tui est, Deus magnus & terribilis: 22. ipse consumet nationes has in conspectu tuo paulatim atque per partes. Non poteris eas dele- re pariter: ne forte multiplicentur contra te bestiae terræ. 23. Dabitque eos Do- minus Deus tuus in conspectu tuo: & interficiet illos donec penitus deleantur. 24. Tradeque reges eorum in manus tuas, & disperdes nomina eorum sub cæ- lo: nullus poterit resistere tibi, donec conteras eos. 25. (g) Sculptilia eorum igne combures: non concupisces argentum & aurum, de quibus facta sunt, ne- que assumes ex eis tibi quidquam, ne offendas, propterea quia abominatio est Domini Dei tui. 26. Nec inferes quidpiam ex idolo in domum tuam, ne fias anathema, sicut & illud est. Quasi spurcitiam detestaberis, & velut inquina- mentum ac sordes abominationi habebis, quia anathema est.

(a) Exod. xxviii. 25. & xxxviii. 2. (b) Exod. xxxii. 32. & xxxiv. 25. 26. (c) Inf. xii. 3. xiv. 1. xvi. 27. Exod. xxxiii. 24. (d) Inf. xiv. 2. & xvi. 27. (e) Exod. xxxiii. 26. (f) Exod. xiii. 28. xxxiii. 2. Ios. xxiv. 12. (g) II. Mach. xii. 40.

C O M M E N T A R I A

S A.

E S T I I.

Vers. 6. DE CUNCTIS. Chald. & LXX. *præ cunctis.*

V. 7. VOBIS IUNCTUS EST; id est, vos est complexus, & valde dilexit. Chald. *Conplacuit in vobis.* LXX. *Assumpsit vos.*

V. 8. CUSTODIVIT, id est servavit.

V. 9. MILLE, id est plurimos.

V. 10. REDDENS, scilicet pœnam.

V. 14. INTER OMNES. Hebr. Chald. & LXX. *super omnes.*

V. 15. NOVISTI, id est vidisti, sci- licet quibus plagis Aegyptum percussisse- rim.

V. 16. DEVORABIS. Chald. *consumes.* OMNES POPULOS. LXX. *omnia spolia Gentium.*

V. 19. PLAGAS. Hebr. & LXX. *ten- tationes.* Chald. *mirabilia.*

V. 20. CRABRONES, scilicet muscas venenatas. LATERE POTUERINT. Hebr. Chald. & LXX. *latuerint.*

V. 22. PARITER. Hebr. Chald. & LXX. *cito,* id est iubito. BESTIAE TER- RAE, id est ferræ.

V. 25. OFFENDAS. Hebr. *illaqueris.*

V. 26. NE FIAS ANATHEMA; quasi dicat: Ne fias Deo abominationi, & ab eo destruaris. ANATHEMA EST; id est, debet prorsus destrui.

Bib. Sac. Tom. III.

Vers. 3. NEQUE SOCIABIS CUM VIIS CONIUGIA. Hoc quo- modo intelligendum sit, vide ad I. E. I. cap. x. & Nostra in dist. xxxix. Lib. IV. Sent.

V. 14. NON ERIT APUD TESTERI- LIS UTRIUSQUE SEXUS. Vide supra Exodi xxiii.

V. 15. ET INFIRMITATES AEGY- PTI PESSIMAS, QUAS NOVISTI, &c. Videtur significare plagas quibus percussi fuerunt Aegyptii. Sic infra cap. xxviii. *Percutiat te Dominus ulcere Aegypti:* & postea, *Et convertet in te omnes afflictiones Aegypti, quas timuisti, & adhaerebunt tibi.* Caictanus dicit: *Quales fuerint infirmi- tates iste male, nescimus.* Sed Lyranus su- per Deuter. xxviii. ulcera intelligit, de quibus Exod. ix. & quæ erat sexta pla- ga Aegypti: & recte. Quin etiam huc pertinent aliæ plagæ, potissimum tertia, quarta, & octava. Unde & paulo post præcipit Moyses, ut recorderentur quæ fe- cerit Dominus Pharaoni, & cunctis Aeg- yptiis plagas maximas, &c.

V. 26. NEC INFERES QUIDPIAM EX IDOLO IN DOMUM TUAM, NE FIAS ANATHEMA, SICUT ET IL- LUD EST. Ex hoc loco habetur, quod

Vu Iu-

Iudæis. etiam lege positiva prohibitum erat vefci idolothytis. Et tamen casus extremæ necessitatis, seculo scandalo, intelligitur exceptus. De idolothytis plenius egimus in Commentario prioris Epistolæ ad Corinth. ad cap. x. vers. 19. & seqq.

MARIANAE.

Vers. 1. **D**ELEVERIT GENTES, scilicet Deus. Hebr. *evulserit*. Chald. *expulerit*: idem verbum Hebr. vers. 22. ubi Hieronymus, *consumet*.

V. 4. **QUIA SEDUCET.** Hebr. *avertet*. *Seducere* etiam est *secus ducere*. Sept. *ἀποσίου*, *avertet*, *avellet uxor*, scilicet alienigena, filium tuum.

V. 6. **DE CUNCTIS POPULIS.** Præpositio Hebraica *מן* *min*, potest & hoc modo reddi, *Et præ cunctis populis te*, scilicet elegit, ut Chald. Sept. & Pagn. posuerunt, neque nos reicimus.

V. 7. **VOBIS IUNCTUS EST DOMINUS.** Hebr. *Concupivit Dominus vos*, & elegit.

V. 9. **IN MILLE GENERATIONES.** Hoc iungitur cum illis verbis, *Custodiens pactum & misericordiam*, quæ sunt in eodem versu.

V. 10. **ET REDDENS ODIENTIBUS SE STATIM.** Pro *statim*, Hebraice est *ad faciem suam*, quod Hebræus explicat, *in vita sua*, dum vivunt: sic Chald. intelligit; sed supplet quædam hoc modo: *Retribuens inimicis sua bona, quæ ipsi faciunt coram eo in vita sua, ut perdat eos*. Idem mox repetitur Hebraice, pro quo Hieronymus, *Protinus eis restituens quod merentur*.

V. 12. **SI POSTQUAM AUDIERIS HÆC IUDICIA.** Hebr. *Et eris merces, audieris*, pro si audieris. *Merces* voce *calcanæi* vocatur hic Hebraice עקב, quoniam est ultimum in opere.

V. 13. **BENEDICETQUE... GREGIBUS OVIVM.** Hebr. עֲשֶׂהְתָּם *hastheroth*, dici *greges ovium* quidam ait, quod possessorum divitem reddant a multiplici proventu: עֶשֶׂר *basar* enim, est *divitem esse*.

V. 14. **BENEDICTUS ERIS INTER OMNES POPULOS,** id est præ omnibus populis. Rursus est præpositio *מן* *min*. **NON ERIT APUD TE STERILIS U-**

TRIUSQUE SEXUS. Hebr. *Non erit in te infecundus*, & *infecunda*. עקר *bakar*, hoc est *infecundus*, dicitur Hebr. abevellendo, quod eorum semen radices non agat: sic Hebræus.

V. 16. **DEVORABIS OMNES POPULOS.** Chald. *consumes*.

V. 19. **PLAGAS MAXIMAS QUAS VIDERUNT OCULI TUI.** Hebr. *tentationes magnas*: sic Sept. sed plagis tentavit Aegyptios, an in iniquitate perstarent: & tentationes pro plagis sumuntur.

V. 22. **DELERE PARITER;** id est, cito non delibis Chananzos, ne terra in solitudinem redigatur.

V. 25. **NON CONUPISCES ARGENTUM ET AURUM, DE QUIBUS FACTA SUNT.** Hebr. *super ea*; pro, quod est super ea. Aureis & argenteis lammis vestiebantur idola, quas cupere vetat.

V. 26. **QUIA ANATHEMA EST.** Hebr. חרם *herem*, Græce ἀνάθεμα, quod Deo devotum in excidium erat: sic idola erant.

MALVENDAE.

Vers. 2. **NEC MISEREBERIS EARTICABIS EAS;** id est, nullam eis gratiam, favorem, beneficium præstabis, aut facies. Hispanicus Interpres: *Ni los tomaras a merced*.

V. 3. **NEQUE SOCIABIS CUM EIS CONIUGIA.** חֲתָן *chatan*, in Hithpahel, aiunt esse *connubio iungi, contrahere affinitatem, desponsari*. Hispanicus Interpres satis apto vocabulo dixit: *Tu no consograras con ellos*; id est, non *consocerabis*, a חָתָן *chatan*, *facere*. Vide Genes. xxxiv. 9. Hunc versum, & præcedentem quidam intelligunt de his gentibus, si perstiterint in idololatria, ut ostendit sequens versus 4. Sic in conservatione Rachabæ, atque connubio, & aliis quoque exemplis contra hoc mandatum Israelitæ non venerunt. Vide infra cap. xx. vers. 16. & Iosue ix. vers. 19.

V. 5. **LUCOSQUE SUCCIDITE.** אֲשֶׁר־אֶשְׁכֶּרֶח *ascherah*, aiunt esse *lucum ad cultum divinum plantatum & excultum*, cretæ & proceras habentem arbores ordine confitas; quasi dicas, silvulam, seu benedictam: atque ex Scriptura sacra constare, tales lucos a gentibus principio confitos in honorem

rem deorum, ut in his suis cultus & idolatriam peragerent. Alii volunt esse lucum ad cultum Dei beatificatum seu consecratum. Quidam annotant sic dictum Hebræis, quod homines beatitatem in eo, utpote sacro & religioso loco, quærent; aut per antiphrasim, quasi minime beatus sit, sed infamis ac detestabilis: ut Latine lucus, quasi luce carens, aut minime lucidus. Nec desunt qui lucos dictos putent, quod in iis lumina diis accenderentur. Mirum plane quam frequens horum lucorum diis sacratorum mentio in sacris, & profanis litteris habeatur. De sacris, notissimum; de profanis, Virgilius *Ecloga vi*.

*His tibi Gryncæ nemoris dicatur origo:
Ne quis sit lucus quo se plus iactat
Apollo.*

Lucanus Lib. III.

*Lucus erat longo numquam violatus ab
ævo.*

*..... Sed Barbara ritu
Sacra Deum, frustæ diris altaribus
aræ.*

*Omnisque humanis lustrata cruoribus
arbor.*

Claudius Lib. I. de Laudibus Stiliconis:

*..... lucosque vetusta
Religione truces, & robora: numinis
infræ.*

Tacitus de Moribus Germanorum: *Lucos ac nemora consecrant, deorumque nominibus appellant. Vulgatissimum apud Gentiles, lucos circum templa deorum pangere.* Virgilius I. *Aeneidos*:

*Lucus in urbe fuit mediæ, lætissimus
umbra,*

*Hic templum Iunoni ingens Sidonia Dido
Condebat, donis opulentum, & numi-
me divæ.*

De quo ethnico more vide plura: apud Petrum Fabrum Lib. III. Semestrium, cap. r. Lucianus in Dea Syria sub initium: *Primi itaque hominum quos nos scimus, Aegyptii dicuntur & deorum notitiam percepisse, & templa constituisse, lucosque, & conventus solennes edidisse.* Adito quoque Iacobum Gutherium Lib. III. de Iure Pontificio, cap. iv. Nec dubium prava imitatione id fecisse Gentiles: nam de Abraham dicitur Genes. xxi. vers. 33. *Et plantavit nemus in Beersebab, & invocavit ibi*

nomen Iehovæ, Potentissimi æterni. Vide infra cap. xii. vers. 2.

V. 6. *UT SIS ET POPULUS PECU-
LIARIS.* Quidam: *Ut sis ei in populum proprietatis.* Exstant, Paulum hanc phrasim imitatum, Græca voce *πρωτογον* reddidisse, ad Titum ii. vers. 14. *Et purificaret sibi ipsi populum peculiarem, sectatorem bonorum operum.* Vide Exodi xix. vers. 5.

V. 10. *ET REDDENS ODIENTIBUS SE STATIM.* Hebr. *Et retribuens odientibus ipsum ad facies eius.* Quidam expriment: *Et rependens odio habentibus se, cuique in faciem eius.* Aliqui exponunt, dum adhuc ipse impius vivit. Alii intelligunt, cito, celeriter, statim: ut Noster. Sed est elegantissimus Hebraismus simul & Hispanismus, quem Hispanicus Interpres apte ita expressit: *Que paga en su cara al que lo aborrece.* Ita statim in fine versus. Aliqui illud, *Ad facies eius*, ad Deum referunt, hoc sensu: *Rependens iis qui um palam & in facie, hoc est impudenter & audacter, odio habent.*

V. 12. *SI POSTQUAM AUDIERIS HÆC IUDICIA.* Hebr. *Eterit, propterea quod audietis iudicia ista.* גִּעְכֶּבְךָ *gekeb*, exponunt propterea quod, eo quod, vel finaliter, ad extremum, tandem. Quidam hic pro emolumento operis, fructu, premio, mercede accipiunt, quia est finis operis. Unde reddunt: *Et erit merces, seu premium, audietis iudicia ista*; id est, erit vobis merces cum audieritis iudicia ista, nempe cum obtemperaveritis legi Dei. Aliqui: *Et erit usque audietis iudicia hæc*; id est, tandem hæc bona habebitis, quamdiu divinis præceptis obedieris.

V. 13. *GREGIBUS OVIVM TUARUM.* De ratione vocis גִּזְרֹת *ghafchero*, disserimus Genes. xiv. vers. 5. Variæ hic reddunt. 1. & caulas seu greges, ovium tuarum; 2. & femellas ovium gregis, seu pecoris tui; 3. & proles ovium ovium tuæ, seu gregis tui; 4. & astra, sidera, stellas ovium tuarum. Notant enim, cum hoc nomen *ghafchero* præponitur in regimine nomini גִּזְרֹת *thoron*, ovium, significare astra, sive sidera ovium, hoc est multitudinem ovium congregatarum in ordinem, instar aliarum, vel siderum. Hebræi plerique affirmant esse femellas, vel proles ovium: sic dictas אֲשֵׁרֵי *ghafchero*, V. u. 2. *dit.*

ditavit, quod illæ suos dominos caſeo, lana, & agnis ditent. Vel quod eo tempore apud illas gentes omnes facultates in pecudibus, & in re pecuaria ſitæ eſſent: quemadmodum & Latini ea de cauſa pecuniam, & peculium, & pecunioſos dixerunt. Sed forma nominis vix hoc etymon patitur.

V. 20. ET LATERE POTUERINT. Hebr. *Et abſconditis*, vel *abſcondentes ſe a facie tua*; id eſt, eos qui vane putaverint ſe a facie ſeu præſentia tua abſcondi & latere poſſe.

V. 21. NON TIMEBIS EOS. Verbum *גָּרַץ* gharatz varie reddunt. I. *Ne paveas a facie eorum*. II. *Ne ſranzaris a facie eorum*. III. *Ne conſternaris metu illorum*. Hiſpanicus Interpres: *No deſmayes delante de ellos*. Notant id verbum ſingularem ſignificandi modum habere, quod quando ante ſe negativam particulam habet, & poſt ſe ablativum mediante præpoſitione *mem*, ablativi caſus, tum idem valere quod *terreri*, *abſtereri*, ſicut tam Græci, quam Latini interpretes etiam reddiderunt. Unde hic vertunt: *Ne prævalearis a conſpectu ipſorum*; id eſt, ne vincaris, ne terrearis a conſpectu ipſorum; conſpectus ipſorum non ſit prævalentior. Similem phraſim habes ſupra cap. i. verſ. 29. putantque Paulum eam imitatum, ſimulque hoc verbum Græce reddidiſſe ad Philipp. i. verſ. 27. 28. *Audiam quæ de vobis*, quia ſtatim in uno ſpiritu, una anima, collaborantes fidei Evangelii (vel adiuvantes decertantem fidem Evangelii) & non territi in ullo ab adverſariis: quod illis quidem eſt indicium perditionis, vobis autem ſalutis: & hoc a Deo, &c.

V. 23. ET INTERFICIET ILLOS. Hebr. diverſimode exprimunt. I. *Et conteret eas contritione magna*. II. *Et confringet eas fractione magna*. III. *Et reddet attonitos eos ſupore magno*. IV. *Et tumultu magno perdet eas*. V. *Et diröxabit eas vexatione magna*. VI. *Et concitabit, terrebit eas imperu, concitatione tumultuaria, terrore magno*. VII. *Et proſtigabit, quöſſabit, fundet eas ſtrepitu magno*. VIII. *Et turbabit eas turbatione magna*. Ponuntur hic verbum הִים him, vel הָמָם hamam, & nomen מַרְמָמָה mebumah, eiſdem radicis: quod reddunt rumorem, diröxationem, turbationem, concitationem, ſonitum, ſtrepitum, tu-

multuationem. Noſter vertere ſolet *interfectionem, occiſionem, pavorem, tumultum, terrorem, interitum*: & Amos iii. verſ. 9. *inſaniam*. Proverb. xv. verſ. 16. & Deuteronom. xxviii. verſ. 20. *efuriam*, vel *inſatiabilitatem* videtur exponere: nonnulli, *calamitatem*. Quæ omnia ſignificata recte huic loco quadrant. Vide infra cap. xxviii. verſ. 20.

V. 26. NE FIAS ANATHEMA. Hebr. *devotum, exciſum*: cuius rei exemplum maniſeſtiſſimum notant in Hachane, Ioſue vii. verſ. 12. & in illis qui res ſubdlexerant ſanctas idolo Iamnenſium, II. Machabæor. xii. verſ. 40.

MENOCII.

Verſ. i. **S**EPTEM CENTES. Gen. xv. 19. numerantur decem gentes Chanaanorum, quas expulerunt Hebræi: tres ergo reliquæ vel ante perierant, vel aliis ſeptem permixtæ fuerunt.

V. 2. NON INIBIS CUM EIS FOEDUS, ut ſcilicet tecum in eadem terra habitent: quod male ſervatum ab Hebræis, ut patet Ioſue xiii. 3. & Iudic. i.

V. 3. NEQUE SOCIABIS CUM EIS CONIUGIA, quamdum ſcilicet manent idololatræ.

V. 6. POPULUS SANCTUS ES DOMINO. *Sanctus*, id eſt ſeparatus ab aliis gentibus, verique Dei religioni addiſtus. **POPULUS PECILIARIS**. Hebr. eſt, *populus סְּלֵל segulla*, quæ vox cimelium ſignificat, ſive rem cariffimam, & pretioſiſſimam.

V. 7. VOBIS IUNCTUS EST DOMINUS; hoc eſt, vobis adhæſit, vos peculiari amore complexuſeſt, ut vox Hebr. ſonat. **DEUS FORTIS**, in redimendo, & ſalvando. **ET FIDELIS**, in ſervandis promiſſis.

V. 10. REDDENS ODIENTIBUS SE STATIM, poenam non diſerens, ut patuit in poena colentium vitulum aureum Exod. xxxii. & concupicentium carnes Num. ii. & poena Core, Dathan, & Abiron Num. xvi. & in poena murmuris Mariæ Num. xii.

V. 13. BENEDICET FRUCTUI VENTRIS TUI: poſteritatem tuam multiplicabit.

V. 14. NON ERIT APUD TE STERILIS

LIS UTRIUSQUE SEXUS. Non est hoc præceptum, sed est benedictio qua coniugatis proles promittitur.

V. 15. LANGVOREM ET INFIRMITATES AEGYPTII PESSIMAS, &c. cuiusmodi erant vesicæ illæ turgentes, Exod. ix. & aliæ plagæ, quibus Deus affixit Aegyptum.

V. 16. DEVORABIS OMNES POPULOS, gladio eos consumendo, & opes eorum diripiendo.

V. 20. CRABRONES. Vide dicta Exod. xxxiii. 28.

V. 21. IN MEDIO TUI EST: tecum est, te adiuvat. Similis phrasis est Exod. xvii. 7.

V. 22. NON POTERIS EAS DELERE PARITER. Vide dicta Exod. xxxiii. 29.

V. 24. DISPERDES NOMINA EORUM, ita ut ne memoria quidem eorum supersit.

V. 25. DE QUIBUS FACTA SUNT. Hebr. *Quod est super ea*, quo sunt inducta, & operata.

V. 26. NE FIAS ANATHEMA; id est, res excidio addicta, quæ succidenda, & ad nihilum redigenda est, sicut est ipsum idolum.

T I R I N I.

Vers. 3. **N**EQVE SOCIABIS CUM Chananeis CONIUGIA. Quousque hæc illicita fuerint, dixi Exod. xxxiv.

V. 10. REDDENS ODIENTIBUS SE STATIM, scilicet debitam scelcrum poenam. Non loquitur de Ethnicis aut infidelibus, sed de solo populo Dei, ut bene explicat Auctor Lib. II. Machabæorum cap. vi. vers. 12. Neque enim solet Deus diu dissimulare cum suis quos cariores habet, maxime quando punitio non est ad interitum, sed ad correptionem, vel purgationem; vel certe ad interitum tantum paucorum, imprimisque eorum qui gravius deliquerunt, ut ceteri a peccando deterreantur.

V. 14. NON ERIT APUD TE STERILIS UTRUSQUE SEXUS. Ex toto contextu manifestum est, hæc verba non continere præceptum, ut voluit S. Hieronymus, sed ad solam benedictionem pertinere. Et quod hic additur, aperte id

indicat, nempe, TAM IN HOMINIBUS, QUAM IN GREGIBUS TUIS. Neque enim brutorum animantium greges præcepti capaces sunt: neque etiam hominibus vetari potest sterilitas, quia non est in hominum potestate fecunditas. Erat quidem nota aliqua & quasi infamia apud Hebræos, si quis coniugatus liberis careret, quasi in poenam sceleris alicuius admissi privaretur hac benedictione, & spe Messiae ex se procreandi; tamen numquam præceptum legitimis Hebræis matrimonium inire, aut inhibere virginitatem servare. Ita Vasquez, & alii Doctores.

(*) Vasqu. Tom. II. par. III. disp. cxxiv. c. xxi.

G O R D O N I.

Vers. 1. **V**ide de his gentibus Gen. xv. vers. 19. Decem ibi numerantur; hic tantum septem: tres reliquæ partim ante ingressum, perire bello, de quo dictum est Num. cap. xxii. & xxxiii. & xxv. partim se aliis adiunxerunt, ut essent tutiores. Ceterum vers. 6. populus hic sanctus vocatur, hoc est separatus a gentibus.

V. 3. NEQUE SOCIABIS CUM EIS, &c. De hac, & coniugiorum prohibitione, vide Exod. cap. xxxiv. vers. 16. & præsertim cum Chananeis.

V. 6. DE CUNCTIS. Hebr. *in min*, reddi etiam potest, *pro cunctis*.

V. 10. STATIM. Hebr. *ad faciem suam*. REDDENS ODIENTIBUS, scilicet poenam.

V. 14. INTER OMNES, super omnes. Hebr. *in min*. NON ERIT APUD TE STERILIS. Ineptè hic fingitur præceptum contra virginitatem: totus enim contextus docet hic agi de benedictione; alioqui oporteret etiam hic fingere præceptum hoc impositum esse gregibus, ne sint steriles: non est ergo præceptum.

V. 20. CRABRONES hic, & Exod. xxxiii. 28. vel sunt crabrones formidinis, vel veri crabrones ad hostes debilitandos.

V. 25. & 26. ARGENTUM ET AURUM, DE QUIBUS FACTA SUNT. Hebr. *Que super ea sunt*: tamen noster Interpres intellexit ipsam etiam idoli materiam, & non tantum ornamenta; ac si diceret, quæ sunt in illis, accipiendo 70

by *lhal*, pro in. Quod sequitur, ANATHEMA, est *חֵרֶם cherem*, de quo supra. Per crabrones, intelligo venenatas muscas.

plagæ aliæ: Vide Exod. ix.

V. 16. DEVORABIS, consumes, superabis..

V. 22. DELERE PARITER. Exod. xxi. 29.

V. 24. DISPERDES NOMINA: delebis memoriam..

EX EIVSDEM AUCTARIO..

V. 15. Ut erant vesicæ turgentes, &



C A P U T VIII.

Commemorantur beneficia & afflictiones quæ Dominus eis in deserto immiserat, ne illorum, & Dei sui fiant immemores..

1.  Mne mandatum quod ego præcipio tibi hodie, cave diligenter ut facias: ut possitis vivere, & multiplicemini, ingressique possideatis terram. pro qua iuravit Dominus patribus vestris. 2. Et recordaberis cuncti itineris per quod adduxit te Dominus Deus tuus quadraginta annis per desertum, ut affligeret te, atque tentaret, & nota fierent quæ in tuo animo versabantur, utrum custodires mandata illius, an non. 3. Afflixit te penuria, & dedit tibi cibum Manna, quod ignorabas tu & patres tui: ut ostenderet tibi quod non (a) in solo panc. vivat homo, sed in omni verbo quod egreditur de ore Dei. 4. Vestimentum tuum, quo operiebaris, nequaquam vetustate defecit, & pes tuus non est subtritus, en quadragessimus annus est. 5. Ut recogites in corde tuo, quia sicut erudit filium suum homo, sic Dominus Deus tuus erudit te, 6. ut custodias mandata Domini Dei tui, & ambules in viis eius, & timeas eum. 7. Dominus enim Deus tuus introducit te in terram bonam, terram rivoꝝ aquarumque & fontium; in cuius campis & montibus erumpunt fluvioꝝ abyssus: 8. terram frumenti, hordei, ac vinearum, in qua ficus, & malogranata, & oliveta nascuntur: terram olei ac mellis. 9. Ubi absque ulla penuria comedes panem tuum, & rerum omnium abundantia perfrueris: cuius lapides ferrum sunt, & de montibus eius aris metallæ sodiuntur: 10. ut cum comederis, & satiatus fueris, benedicas Domino Deo tuo pro terra optima quam dedit tibi. 11. Observa, & cave nequando obliviscaris Domini Dei tui, & negligas mandata eius atque iudicia & cærimonias, quas ego præcipio tibi hodie: 12. ne postquam comederis & satiatus fueris, domos pulchras ædificaveris, & habitaveris in eis, 13. habuerisque * arma boum, & ovium greges, argenti & auri cunctarumque rerum copiam, 14. cleverit cor tuum, & non reminiscaris Domini Dei tui, qui eduxit te de terra Aegypti, de domo servitutis: 15. & ductor tuus fuit in solitudine magna atque terribili, (b) in qua erat serpens statu adurens, & scorpio ac dipsas, & nullæ omnino aquæ: qui eduxit rivos de petra durissima, 16. & cibavit te Manna in solitudine, quod nescierunt patres tui. Et postquam afflixit ac probavit, ad extremum misertus est tui, 17. ne diceres in corde tuo: Fortitudo mea, & robur manus meæ, hæc mihi omnia præstiterunt. 18. Sed recorderis Domini Dei

Dei tui, quod ipse vires tibi præbuerit, ut impleret pactum suum, super quo iuravit patribus tuis, sicut præsens indicat dies. 19. Sin autem oblitus Domini Dei tui, securus fueris deos alienos, coluerisque illos & adoraveris: ecce nunc prædico tibi quod omnino disperas. 20. Sicut Gentes quas deleuit Dominus in introitu tuo, ita & vos peribitis, si inobedientes fueritis voci Domini Dei vestri.

(A) Matth. IV. 4. LXX. IV. 4. (P) Num. XX. 9. XXI. 6. Exod. XVI. 30. & XVII. 6.

BRUGENSIS

ROMANA CORRECTIO.

Non facile omittenda est vox *bonum*.

V. 13. *Armenta bonum, & ovium greges.*

COMMENTARIA

S A.

E S T I I.

Vers. 1. CAVE, pro vide.

Vers. 2. NOTA FIERENT: non ut ipse cognosceret, inquit August. quæst. XIII. in Deuter. Hebr. *ut sciret*; id est, scire faceret. Chald. *ut sciretur*: & sic etiam potest verti ex Hebr. LXX. verterunt ut Noster.

V. 3. PENURIA. Hebr. Chald. & LXX. *fame*. VERBO, id est re; quasi dicat, In eo quod Deus voluerit. ORE, id est voluntate, seu imperio: scilicet quod voluerit, seu iusserit.

V. 4. SUBTRITUS, scilicet deficientibus calceis; quasi dicat, Nec calcei vetustate consumpti. Vide inf. cap. XXIX. Chald. *Calceamenta tua non sunt contrita*. LXX. *Pedes tui non occalluerunt*. Hebr. *Pestus non tumuit*, seu non fuit discaleatus.

V. 5. UT RECOGITES. Hebr. *Et recogitabis*, seu *recogita*. Chald. & LXX. *Et scies*, seu *cognosces*.

V. 9. LAPIDES FERRUM; quasi dicat, Ubi fodinæ ferreæ.

V. 15. DIPSAS serpens est qui mortu inducit sitim maximam, unde & nomen accepit. Hebr. & Chald. *locus siticulosus*; quasi dicat, aridus, seu sine aqua, ut statim explicatur. LXX. *δίψα*, id est sitis.

V. 20. DELEVIT, pro delebit; vel loquitur de iam deletis.

Vers. 2. UT AFFLIGERET TE, ATQUE TENTARET, ET NOTA FIERENT QUAE IN TUO ANIMO VERSABANTUR, UTRUM CUSTODIRES ILLIUS MANDATA, AN NON? Quæritur: Cui nota fierent? Pagninus ex Hebræo sic vertit: *Ut affligeret te, ut tentaret te, ut sciret quæ sunt in corde tuo*, &c. Similis est locus Iudicum III. ubi dicitur Dominus dimisisse gentium reliquias, ut in ipsis experiretur Israelem, utrum audirent mandata Domini. Igitur illud in nostra versione, *Nota fierent*, supple, ipsi Deo. Verum sententia figurata est, qua per scientiam seu notitiam intelligitur rei notæ, sed latentis, manifestatio. Et sicut homines per experientiam discunt quod antea latuerat, cum oblati occasionebus, illud per facta externa proditur; sic & Deus scire & experiri dicitur, quando latens animi malitia, per facta proditur, ut pote, quasi si Deus antea non cognovisset, iam ex factis caperet experientiam. Ad hunc sensum respicientes Hieron. & Septuaginta recte verterunt indefinite: *Ut nota*, hoc est manifesta, *fierent*. Sic & Vatablus: *Ut experimento quodam innotesceret*. Eodem quoque sensu dictum est Gen. XXII. ad Abraham: *Nunc cognovi quod timeas Dominum*: & prius Gen. XVIII. *Ut sciam*: & hic infra cap. XIII. ubi Hieronymus vertit, *Ut palam fiat*.

V. 3. DEDIT TIBI CIBUM MANNA. UT OSTENDERET TIBI QUOD NON IN SOLO PANE VIVIT HOMO, SED IN OMNI VERBO, &c. Hunc Scripturæ locum obiecit Christus diabolo tentanti ipsum, & dicenti, *Si filius Dei es, &c.* Panis in Scriptura sacra aliquando proprie fumitur, aliquando generaliter pro omni eo quod in alimentum fumitur per molum panis. De quo vile annotata Exod. xvi. Sed hoc loco panis generaliter accipi non potest, quia manna, ut patet, panis nomine hic non comprehenditur cum dicitur. *Non in solo pane.* Porro in eo quod subiungitur, *Sed in omni verbo*, verbum more Scripturæ accipitur pro re quæ verbo profertur: ut Lucæ 11. *Videamus hoc verbum quod factum est, quod fecit nobis Dominus.* Sensus igitur est: Per hoc quod manna dedit tibi in cibum, offendit Dominus non ex solo pane vivere hominem, sed etiam sine pane posse eum vivere, ex omni eo per quod Deo placuerit eum vivere, ex omni eo per quod Deo placuerit eum sustentare. Nam filios Israel per annos quadraginta sine pane sustentavit ex manna; Moysen autem, & Heliam, & ipsum Christum per dies quadraginta sine omni alimento corporali. Hinc etiam constat, manna non fuisse proprie panem.

V. 4. VESTIMENTUM TUUM, QUO OPERIEBARIS, NEQUAQUAM VESTUSTATE DEFECIT, ET PES TUUS NON EST SUBTRITUS. Quod dicitur, *Pes tuus non est subtritus*, quidam ita intelligunt: Pes tuus ex tam longinquo itinere non doluit, neque sensit fatigationem. Sed hanc expositionem destruit Scriptura, quæ pluribus locis & fatigatos eos fuisse testatur, & dolore, ac rædio affectos, ut Num. xi. & xxi. & Deut. xxv. Rectius proinde per metonymiam explicatur, qua contentum pro continente, pes pro calceo accipitur, ut sensus sit conformis cum præcedenti sententia: Sicut vestimentum quo totum corpus tegitur, non deficit vetustate; ita nec calceus ex tam multo itinere fuit detritus. Dicunt autem Hebræorum quidam, quod vestimenta puerorum simul paulatim succrescebant cum ipsis pueris. Quod an ita se habeat, incertum. Potuit enim & aliter crescentibus provideri, si videlicet pueri grandiores ac-

ciperent vestimentum adultorum, qui passim moriebantur per desertum; horum autem vestimenta vicissim pueri acciperent, qui statuta minores erant, atque ita deinceps usque ad infantes. Adde quod infra cap. xx. etiam expresse dicitur: *Calceamenta non esse vetustate consumpta.*

MARIANAÆ.

Vers. 3. **N**ON IN SOLO PANE VIVAT HOMO. Panis nomine sæpe omnis esca intelligitur, quod panis sit fundamentum in omni comestione. Hoc tamen loco pro pane proprie fumitur, quando ab aliis cibis distinguitur.

V. 4. PES TUUS NON EST SUBTRITUS. Alii, *Intumuit ad modum massæ*: id enim est *פסא bazak*. Alii, *Non est infestus*, nempe luto, calceis detritis, detrahitur.

V. 5. UT RECOGNOSCES IN CORDE TUO. Hebr. *Et cognosces cum corde tuo*; sed cum lumitur pro in.

V. 8. TERRAM FRUMENTI. Dicerem tritici, ut Sept. nam hordeum, quod mox ponit, inter frumenta est. OLIVETANASCUNTUR: TERRAM OLEI. In Hebræo *oleum cum olivæ* iungitur: *Terram olivæ* (pro olivarum) *olei*: ad excludendum oleastros. Ac MELLIS. Quodam Hebræus per *mel* intelligit palmas, obducedinem: nam de arboribus hic mentio tantum erat, & palma, quæ præcipua est, prætermitti non debuit, & mel omnes terræ ferunt: verum alii omnes ea voce mel intelligunt.

V. 9. CUIUS LAPIDES FERRUM SUNT. Secturis ferri, & æris abundat.

V. 10. BENEDICAS DOMINO. Ecce morem cibos & prandia benedicendi.

V. 15. IN QUA ERAT SERPENS FLATU ADURENS. *Flatu* non est in Hebræo, sed additum: quoniam quidam serpentes flatu adurant, alii morſu putant ad sitim concitare, quas *Dipsadas* ex eo Græci vocant. Hebr. *ubi serpens adurens & scorpius*, & *zimaon*, id est *siccitas*, ut Hebræi exponunt. Sept. & Hieronymus *dipsadem*, quibus potius credam. Porro de dipsadis natura multa & mira Lucianus disputatione propria. AC DIPSA. Vox Hebraica *Zimaon* a Sept. redditur *dipsas*, unde Hieronymus accipit: nam Hebræi locum

locum aridum intelligunt sine aqua, & dipladem potius esse serpentem urentem, de qua ante.

V. 16. ET POSTQUAM AFFLIXIT AC PROBAVIT, scilicet dato manna. Hebr. *Ut affigeret te, & ut tentaret te, ut benefaceret tibi in novissimo tuo.* Vides, manna non fuisse cibum delicatum.

V. 17. HAEC MIHI OMNIA PRAESTITERUNT. Hebr. *Feecerunt mihi virtutem hanc;* sed *בן האייל*, id est *virtus*, solet significare *divitias*, quod possessori praedilii instar sint. Ecclesiastes vii. vers. 13. *Sicut protegit sapientia, sic protegit pecunia.* Sic vers. 18. *Quod ipse vires tibi praeberit.* Hebr. est eadem vox *haiil*, & eodem modo exponi potest.

V. 20. SI INOBEDIENTES FUERTIS. Hebr. *Pro eo quod non obedistis, vel merces non obedistis* (pro, quod non obedistis) *voci Domini Dei vestri, peribitis.*

M A L V E N D A E.

Vers. 2. **A** TQUE TENTARET. Hebr. *ad tentandum te.* Sic Genes. xxi. vers. 1. & infra cap. xiii. vers. 3. ET NOTA FIERENT. Hebr. *ad cognoscere:* quidam, *ut sciret:* alii, *ut experimento quodam innotesceret:* nonnulli, *ad cognoscendum;* id est, ut tu cognoscas, & recognoscant alii. Notant, Moſen hic verum legis usum explicasse, de quo Paulus Galat. iii. Nam *per legem cognitio peccati:* Romanor. iii. vers. 20.

V. 3. SED IN OMNI VERBO QUOD EGREDITUR DE ORE DEI. Hebr. *sed in omni exitu, egressu oris leboae;* id est, in omni verbo, seu eloquio, quod egreditur de ore Domini, ut Evangelistae rectissime interpretantur, Matth. iv. vers. 4. Lucæ iv. vers. 4. Quidam istud ad spirituales viſum detorquent, ac si dictum esset, animas non alii visibili pane, sed Dei verbo. Est id quidem in se verum, sed alia est mens Moſis hic, & Christi cum hanc auctoritatem in diabolum contorsit. Moſes enim illo respexit, cum in deserto non esset panis Israelitis, pavisse illos Deum manna caeleſti, ut hoc exemplo testatum in omne tempus foret, Deum ad alendum hominem non indigere pane, nec hominum vitam in solo pane includam; sed pendere a nutu & beneplacito

Bib. Sac. Tom. III.

Dei. Itaque hic *Verbum* non pro doctrina capitur, sed pro decreto & beneplacito Dei, quo Deus creaturas alit & fovet eo modo quo vult. Sic Hebræor. i. vers. 3. inquit Paulus, omnia instineri potenti eius verbo; hoc est, vegetari totum mundum nutu ac decreto Dei. Alii hic *Verbum* pro quavis re accipiunt quam Deus iuſerit ac voluerit; ac si dicat: In omni re cui Deus verbo suo alendi nos facultatem indit, quasi imperans ei ut hoc faciat, & verbo suo praestans.

V. 4. VESTIMENTUM TUUM QUO OPERIEBARIS, NEQUAQUAM VESTUSTATE DEFECIT. Hebr. *Vestimentum tuum non inveteravit desuper te.* Quidam reddunt: *Vestimentum tuum non veteravit ne sit super te, vel quin tegumentoſi tibi;* quali dicat: Divinitus factum est, ut tam diu vestimentis tuis commode uteris. Inſigne miraculum! NON EST SUBTRITUS. Verbum *בטקב* *batzekab*, ita quoque vertit Noster Nehem. ix. vers. 21. Alii: *Non intumuit, inflatus fuit.* Quidam: *Non fermentatus fuit,* id est intumuit, ut massa fermentata solet. Nonnulli: *Non fuit infectus luto, non fuit impiiſtatus,* instar scilicet digitorum mulierum, quæ pastam subigunt. Aliqui: *Non pinſuit,* id est preſſit terram nudus, ut solet pes pistoris massam subigere: nam is mos Aegyptiis. Herodorus Lib. II. cap. xxxvi. *Farinam aqua maceratam subigunt pedibus, lutum autem manibus.* Strabo Lib. XVII. *Verumque illud Herodoti est, Aegyptiorum esse lutum manibus trahere, massam vero ex quo panis fit, pedibus.* Hebræorum quidam: *Non fuit disjunctus, denudatus.* Nec desunt qui: *Non fuit coſperſus,* scilicet pulvere: quoniam calcei non fuerunt rupti, aut fiſſi, ut pulvis poſſe intrare: vel *non fuit compressus,* id est læsus. Plerique: *Non fuit maceratus, seu emollitus,* nempe labore itineris: ut argilla humore maceratur & emollescit, & massa farinæ aqua maceratur & subigitur. Vide de notione vocabuli Exod. xii. vers. 34.

V. 8. TERRAM IN QUA OLIVETA NASCUNTUR: TERRAM OLEI, &c. Hebr. *terram olive olei.* Ajuunt esse Hebraismus, id est *olivæ fructiferæ, pinguiſſimæ.* Quidam, *terram oleæ pinguedinis.* Alii, *terram feracem oleæ olivæ.*

Xx

P. 9.

V. 9. ET RERUM OMNIUM ABUNDANTIA PERFRUERIS. Hebr. *Non deficies omni in ea*. Quidam: *Neque deficies in quacumque re in ea*; id est, in nulla re defectum patieris. Alii: *Nec indigebis ulla in ea*, vel *neque quoquam in ea*: aut, *Nec carebis ullo in ea*: sive, *Nec penuriam ullius rei patiens, laborabis in ea*. CUIUS LAPIDES FERRUM SUNT, ET DE MONTIBUS EIUS AERIS METALLA FODIUNTUR, id est metallis abundantem. Vide infra cap. xxxii. vers. 25.

V. 13. ARMENTA BOVUM, ET OVIVM GREGES. Hebr. *Et bostuus, & ovis tua multiplicabuntur*. In futuro ירבוּן *irbeun*, ponitur Iod punctatum cum Kibutz præter morem, loco He tertie radicalis, pro ירבוּן *irbun*, fortasse ad indicandam fecundam & uberem, atque extraordinariam multiplicationem.

V. 15. IN SOLITUDINE MAGNA: de qua vide supra cap. i. vers. 19. DIPASAS צִמְצִימָן *tzimman*, omnes exponunt *fitim*, *fecunditatem*, *locum fecum*, ac *fitibundum*. Noster *dipsadem* dixit aptissime, serpentis genus a siti dictum, quod morfu eam ardentissimam inducat. Solinus cap. xxx. *Dipsas siti interficit*. Lucanus Lib. IX.

..... Pro Cesare pugnant

Dipsades: & peragunt civilia bella cerasta.

Rursum:

..... in mediis stiebant dipsades undis.

Sed id nomen proprie *fitim*, ariditatem, fecunditatem significare, apparet e Psal. cvi. 33. *Isaie xxxv. 7. DE PETRA DURISSIMA*. Hebr. *de petra* חֲלָסִי *challamisch*. Quidam *challamisch* interpretatur *silicem*, cautem; deducuntque a חָלַס *chalašch*, domuit, inserta littera Mem, contraria verbo significatione, nimirum ab indomita & inconcussa duritia. Alii, lapidem concretum, & fortissimum *silicem* reddunt, a חָלַס *chalam*, concretit, condensavit, & חָלַס *esch*, ignis: nam *silicem* dici, quod ex eo saliat, seu obiciatur ignis. Marinus magnetem, seu calamitam esse vult, voce nonnihil consentiente. Forerius ex sono etiam vocis, *ciabhem*, genus durissimi & purgatissimi ferri, nempe medullam ipsam, seu nucleum ferri, uti Plinius Lib. XXXIV. cap. xiv. vocat: sic a domardo dictum, quod eo ferro omnia domentur. Futilis

coniectatio, cum *challamisch*, de petra hic, & aliis Scripturæ locis dicatur. Aliqui reddunt, *E rupe ipsa adamantina*. Notantque, in geminatione nominis alludere videri Moſen ad duo eius generis beneficia in deserto præstita, Exodi xvii. & Numer. xx. vel potius Moſen rem exaggerasse a natura saxi durissimi, & inextinguibilis, quod contra naturam suam aridissimam manaverit ad solam voluntatem Dei, & in exundantes aquas visum sit quasi liqueſcere: hoc autem saxi genus adamantinum Latinis appellari. Quinquies ea vox in Bibliis scribitur. Noster hic *durissima*; infra cap. xxxii. 13. *saxo*, vel *durissimo*; Psal. cxlii. 7. *rupem*; *Isaie l. 7. petram durissimam*; Job xxviii. 8. *silicem*: quam significationem aliis præferimus.

V. 16. AD EXTREMUM MISERTUS EST TUI. Quidam Hebr. reddunt: *Ad beneficiendum tibi in extremitate tua*: seu *ad extremum*, id est tandem.

V. 18. SICUT PRAESENS INDICAT DIES. Hebr. *Sicut hodie*: quidam, *Sicut est hodie*: alii, *Ut hodie appareat*: nonnulli, *Ut testatur dies hæc*. Vide supra cap. ii. vers. 30. & cap. vi. vers. 24.

V. 19. ECCE NUNC PRAEDICO TIBI QUOD OMNINO DISPEREAS. Hebr. *Obtestor hac die, quod omnino, certissime disperibitis*. Quidam: *Contestor contra vos diem hunc, fore ut omnino pereatis*. Sic supra cap. iv. vers. 24.

MENOCHII.

Vers. 1. CAVE, id est vide, cura: est catachresis.

V. 2. UT AFFLIGERET TE: duris excerceret.

V. 3. AFFLIXIT TE PENURIA. Nam in deserto Hebræi non invenerunt carnes, nec segetes, immo frequenter nec olera; itaque murmurarunt, & Deus misit illis manna, ut patet Exodi xvi. 3. SED IN OMNI VERBO, quacumque re, quocumque cibo. QUOD EGREDITUR DE ORE DEI: quod Deus voluerit, aut iusserit.

V. 4. NEQUAQUAM VETUSTATE DEFECIT, divina virtute miraculum hoc operante. & mortuorum vestimenta erant usui superstitibus. PESTUUS NON EST

SUB-

SUBTRITUS. Hebr. *non intumuit*. Nec pedes intumuerunt, neque læsi, aut attriti sunt.

V. 5. SICUT ERUDIT FILIUM SUUM HOMO, &c. paterno scilicet more te castigando ad emendationem morum, non ad exitium, ut inimici puniri solent.

V. 9. CUIUS LAPIDES FERRUM SUNT: e cuius terræ visceribus, ac fodiis ferrum eruitur lapidis duritie.

V. 10. BENEDICAS DOMINO, gratias agendo, & precationem aliquam præmittendo antequam ad mensam accedas: nam, ut ait D. Paulus I. ad Timoth. iv. 5. *cibus sanctificatur per verbum Dei, & orationem.*

V. 15. DIPSAS. Vide Num. xxi. 6. *Dipsas* nomen serpentis, cuius morsus magnam sitim excitat in eo qui ictus est: *dipsa* Græcis sitim significat.

V. 16. QUOD NESCIERUNT PATRES TUI: quod scilicet patres tui non viderant, nec eo ad cibum umquam usi fuerant. **MISERTUS EST TUI,** dando tibi terram bonis omnibus affluentem.

V. 20. GENTES QUAS DELEVIT. Hebr. *quas delet, perdit*. Utrumque verum: partim enim deleverat, partim debet.

T I R I N I.

Vers. 3. IN OMNI VERBO QUOD EGREDITUR DE ORE DEI. Hebraismus est, pro quacunque re qua Deus nos voluerit & iusserit velle. Nulla igitur res est, inquit Abulensis, tam venenata, tam inepta ad nutritionem, quam si Deus nos iusserit in cibum sumere, non sit nobis magis profutura, quam quivis alius ad delicias paratus cibus, Deo occulta ratione & noxias qualitates præpediente, & facultates nutritivas adiuvante & corroborante: adeoque, si vellet, sine omni cibo viveremus, ut vixit Moyses, Elias, ipseque Christus totis quadraginta diebus in deserto nihil vel manducans, vel bibens.

V. 4. VESTIMENTUM TUUM NEQUAQUAM VETUSTATE DEFEKIT. Illustre miraculum, quo divina potentia factum, ut annorum quadraginta spatio vestes omnium, & calcei, non modo non

corrumperentur, sed neque veterascerent aut deteriores efficerentur. Accessit & aliud miraculum, inquit Abulensis, quod vestes & calcei puerorum una cum incrementocorporum, etiam ipsa incrementum caperent: alias enim non fuisset de vestibus aut calceis sat cautum crescentibus.

Sed unde vestes pueris in deserto per quadraginta annos de novo natis? Respondeo. Desumi poterant & consui ex demortuorum exuviis: maxime cum constet, quadragesimo anno non plures extitisse Israelitas pugnaturos, quam primo anno.

Nota, hoc privilegium vestium non detritarum omnibus commune fuisse, tam malis quam bonis, uti & manna, & aqua de petra, &c. Ita Abulensis.

V. 15. SERPENS FLATU ADURENS. Hebraice *שרף* *seraph*, unde *seraphim* 2, id est *igniti, urentes*. Verosimile est designari *basiliscum* seu *regulum*: sic enim eandem Hebræam vocem vertit Noster Isaia xxx. vers. 6. Et huic serpenti omnium venenatissimo maxime compertit quod a flatu suo & herbas, & homines, & serpentes alios adurat, & venenum adspiret, teste Plinio, & Aeliano *b*. Addit Galenus *c*, regulum solo sibilo sive serpentes, sive homines, sive alios animantes occidere: quin & a multis creditum, solo visu enecare. **DIPSAS.** Et hic serpens est a *διψᾶν*, id est *sitis*, sic dictus: & ab eadem siti, Latine *Situla* vocatur, teste Isidoro, qui dicit aspidis speciem esse, & quotquot admorsus sunt ab hoc serpente, tanto sitis ardore cruciari, ut vel eodem moriantur, vel eoque bibant donec mediis disrumpantur: ut exemplo signiferi Catonis demonstrat Lucanus, & aliis Aelianus, Aetius, Dioscorides, Pierius, & Galenus *d*, qui addunt theriacam huic malo præfens remedium esse.

(a) Isaia vi. vers. 2.

(b) Plin. Lib. VIII. cap. xxi. & Lib. XXIX. cap. iv. Aelian. Lib. II. cap. v.

(c) Galen. Lib. de Theriaca ad Pisonem.

(d) Lucan. Lib. IX. Aelian. Lib. VIII. cap. I. Aetius Lib. III. Diosc. Lib. ult. Pierius in Hieroglyph. de Dipsade. Galenus super.

GORDONI.

Verf. 3. & 4. **N**ON IN SOLO PANE; sed vel ex manna; inquit Moſes, vel ex quacumque re quam iuſſerit Dominus eſſe ad vitæ ſuſtentationem: illa ſenim quam imperat Deus, ſalubris erit: Quod vero veſtimenta vetuſtate non deſecerint, miraculum fuit: quin etiam creſcentibus parvulis putant aliqui, Deo iubente, excreviſſe veſtes. Sed de naſcentium parvulorum veſtibus, vide cap. xxix. verſ. 5. Ceterum ubi Noſter habet, pedem non eſſe attritum, ſeu ſubtritum; Græce eſt in Regiis, οὐκ ἰτρούνοντο, non occalluerunt. Nec male vulgatum textum interpretantur qui volunt per pedem designari calceum, ut ſenſus totus ſit, nec attrita eſſe veſtimenta, nec ſubtritos calceos. Et quidni etiam parvulis (quod aliqui dicunt) excreſcerent

calcei, æque ac veſtimenta. Accedit paraphraſis Chaldaica, quæ ſic habet: *Et calceamenta tua detrita non ſunt.* De voce Hebraica, quæ obſcura eſt, & nescio an mutata, ſudatum ſatis video ab Interpretibus modico emulamento.

V. 9. CUIUS LAPIDES FERRUM SUNT: fodinas, accipe ferri, & metallorum.

V. 10. BENEDICAS. Hinc mos benedicendi cibos.

V. 15. SERPENS FLATU ADURENS. Aliqui ſerpentes adurunt flatu, alii morſu. Vide Exod. xxi. 6. ubi de ignitis ſerpentibus. שרפים *weraphim* vocantur. De natura, & ſpecie huius ſerpentis, ſatis etiam digladiantur Interpretes: cui bono? *Dipſas* eſt ſerpens moria ſcitim maximam inducens: unde *Dipſar*, a ſiti quam excitat, nominatur; Latine *Situla*: שִׁמְשֹׁן *ſhimmaon*, radix שָׁמַם *ſhamz*, ſitivit.

CAPUT IX.

Reprimunt elatio, ne futuras victorias ſibi, ſed ſoli Domino adſcribant, cum ſemper Deo adverſati ſint.

AUDIſſe Iſrael: Tu tranſgredieris hodie Iordanem, ut poſſideas nationes maximas & fortiores te, civitates ingentes & ad cælum uſque muratas, 2. populum magnum atque ſublimem, filios Enacim, quos ipſe vidisti, & audisti, quibus nullus poteſt ex adverſo reſiſtere. 3. Scies ergo hodie quod Dominus Deus tuus ipſe tranſibit ante te, ignis devorans atque conſumens, qui conterat eos & deleat atque diſperdat ante faciem tuam velociter, ſicut locutus eſt tibi. 4. Ne dicas in corde tuo, cum deleverit eos Dominus Deus tuus in conſpectu tuo: Propter iuſtitiam meam introduxit me Dominus ut terram hanc poſſiderem, cum propter impietates ſuas iſtæ deleatæ ſint nationes. 5. Neque enim propter iuſtitias tuas, & æquitatem cordis tui, * ingredieris ut poſſideas terras earum: ſed quia illæ egerunt impie, introeunte te deleatæ ſunt: & ut completeret verbum ſuum Dominus, quod ſub iuramento pollicitus eſt patribus tuis, Abraham, Iſaac, & Iacob. 6. Scito ergo quod non propter iuſtitias tuas Dominus Deus tuus dederit tibi terram hanc optimam in poſſeſſionem, cum duriffimæ cervicis ſis populus. 7. Memento; & ne obliſcaris, quomodo ad iracundiam provocaveris Dominum Deum tuum in ſolitudine. Ex eo die quo egreſſus es ex Aegypto uſque ad locum iſtum, ſemper adverſum Dominum contendisti. 8. (a) Nam & in Horeb provocasti cum,

cum, & iratus delere te voluit, 9. quando ascendi in montem, * ut acciperem tabulas lapideas, tabulas pacti quod pepigit vobiscum Dominus: & perseveravi in monte quadraginta diebus ac noctibus, panem non comedens, & aquam non bibens. 10. Deditque mihi Dominus duas tabulas lapideas scriptas digito Dei, & continentes omnia verba quæ vobis locutus est in monte de medio ignis, quando concio populi congregata est. 11. Cumque transissent quadraginta dies, & totidem noctes, dedit mihi Dominus duas tabulas lapideas, tabulas fœderis, 12. dixitque mihi: (b) Surge, & descende hinc cito: quia populus tuus, quem eduxisti de AËgypto, deseruerunt velociter viam quam demonstraſti eis, feceruntque sibi conſtatile. 13. Rurſumquæ ait Dominus ad me: Cerno quod populus iſte duræ cervicis ſit: 14. dimitte me ut conteram eum, & deleam nomen eius de ſub cælo, & conſtituam te ſuper gentem, quæ hac maior & fortior ſit. 15. Cumque de monte ardente deſcenderem, & duas tabulas fœderis utraque tenerem manu, 16. vidiffemque vos peccaſſe Domino Deo veſtro, & ſeciſſe vobis vitulum conſtatilem, ac deſeruiffe velociter viam eius, quam vobis oſtenderat: 17. proiei tabulas de manibus meis, conſregique eas in conſpectu veſtro. 18. Et proci di ante Dominum ſicut prius, quadraginta diebus & noctibus panem non comedens, & aquam non bibens, propter omnia peccata veſtra quæ geſiſtiſti contra Dominum, & eum ad iracundiam provocatiſti: 19. timui enim indignationem & iram illius, qua adverſum vos concitatus, delere vos voluit. Et exaudivit me Dominus etiam hac vice. 20. Adverſum Aaron quoque vehementer iratus, voluit eum conterere, & pro illo ſimiliter deprecatus ſum. 21. Peccatum autem veſtrum quod ſeceratiſti, id eſt vitulum, arripiens, igne combuſſi, & in fruſta comminuens, omninoque in pulverem redigens, proiei in torrentem qui de monte deſcendit. 22. (c) In incendio quoque & in tentatione, & in Sepulcris concupiſcentiæ provocatiſti Dominum: 23. & quando miſit vos de Cadeſbarne, dicens: Aſcendite, & poſſidete terram quam dedi vobis, & contempſiſti imperium Domini Dei veſtri, & non credidiſti ei, neque vocem eius audire voluiſti: 24. ſed ſemper fuiſtiſti rebelles a die qua noſſe vos cœpi. 25. Et iacui coram Domino quadraginta diebus ac noctibus, quibus cum ſuppliciter deprecabar, ne deſereret vos ut fuerat comminatus; 26. & orans dixi: Domine Deus, ne diſperdas populum tuum, & hereditatem tuam, quam redemiſti in magnitudine tua, quos eduxiſti de AËgypto in manu forti. 27. Recordare ſervorum tuorum, Abraham, Isaac, & Jacob: ne aſpicias duritiam populi huius, & impietatem atque peccatum: 28. ne forte dicant habitatores terræ de qua eduxiſti nos: Non poterat Dominus introducere eos in terram quam pollicitus eſt eis, & oderat illos: ideoque eduxit, ut interſiceret eos in ſolitudine. 29. Qui ſunt populus tuus & hereditas tua, quos eduxiſti in ſolitudine tua magna, & in brachio tuo extento.

(a) Exod. xviii. 6. xix. 3. xxvi. 18. & xxxii. 15. (b) Exod. xxxii. 7. (c) Num. xi. i. xvi. 2. xxi. 25.

B R U G E N S I S

ROMANÆ CORRECTIONES.

V. 5. *Ingredieris ut poſſideas.* In aliis, pro futuro *ingredieris*, eſt preſens *ingrederis*.

V. 9. *Ut acciperem tabulas lapideas, tabu-*

las pacti quod pepigit vobiscum Dominus. Ita repetenda eſt vox *tabulas* (quam multi codices poſteriori loco omittunt) & ſcribendum *Dominus pro Deus*, tam iuxta Latinos codices antiquos, quam iuxta Hebræa.

COM.

COMMENTARIA

S A.

Verf. 1. **H**ODIE, id est hoc tempore, seu paulo post.

V. 2. **ENACIM**, id est gigantum. Vide sup. cap. 1. **VIDISTI**. Hebr. *nofli*; quasi dicat: De quibus per auditum nostri quod nemo eis possit resistere: in quam etiam sententiam vertunt Chald. & LXX.

V. 4. **DELETAE SINT**, scilicet illo tempore; vel pro delendæ.

V. 5. **ÆQUITATEM**. Hebr. & Chald. *reftitudinem*. **DELETAE**, pro delendæ.

V. 12. **DEMONSTRATI**. Hebr. *præcepi*, Chald. & LXX. *præcepisti*.

V. 17. **PROFICI**. Vide Exod. xxxii.

V. 21. **TORRENTEM**, id est aquam torrentis, quam scilicet eis dedit potandam.

V. 22. **INCENDIO**. Vide Num. xi. **TENTATIONE**. Vide Exod. xvii. **CONVULSISSENT**. Vide Num. xi.

V. 25. **IACVI**, &c. Rediit ad id quod supra dixerat: nisi forte bis id factum fuerit, terque fuerit in monte per 40. dies & 40. noctes.

E S T I I.

Verf. 1. **U**T POSSIDEAS NATIONES... FORTIORES TE, CIVITATES INGENTES, ET AD CAELUM USQUE MURATAS, &c. Ex his constat exploratores non omnino falsa retulisse de illo populo: nam eadem fere hic Moyses affirmat, cum illis quæ ipsi retulerunt, ut patet Numer. xiii. Sed exploratores in eo peccarunt, quod narrationem suam componebant ad frangendum cor populi, cum e contra debuissent populum animare, & excitare in spem bonam iuxta Dei promissa: dicebant enim: Nequaquam ad hunc populum valemus ascendere. Detrahebant quoque terræ, quod devoraret habitatores suos; & de proceritate hominum hyperbolice loquebantur, dicentes se vidisse homines stirpis giganteæ, quibus ipsi comparati quasi locustæ viderentur.

V. 6. **SCITO ERGO QUOD NON**

PROPTER IUSTITIAS TUAS DOMINUS DEUS TUUS DEDERIT TIBI TERRAM HANC, &c. Moyses duas causas adfert, quare gentes illæ deletæ fuerint ad ingressum filiorum Israël, & unam causam removet. Prima causa ex duabus est, quia gentes illæ impietate sua hoc commeruerunt, ut deleterentur. Secunda causa huic populo propria fuit: nempe ut Dominus compleret verbum suum quod sub iuramento pollicitus erat patribus eorum. Interim removet simul causam quam aliqui sibi persuadere potuissent, cum dicit, *Non propter iustitias tuas*. Ex quo intelligimus promissionem patribus illorum Abraham, Isaac, & Jacob factam de terra illa semini illorum danda, fuisse absolutam, & non, ut multæ aliæ, cum hac conditione: Si posterius ambularent in mandatis Dei. Nam si ea conditio fuisset intellecta, & requisita, tum non nude promissionem patribus factam, sed etiam propter suas iustitias introducti fuissent in terram promissionis.

V. 8. **ET IRATUS DELERE TE VOLUIT**: & mox quoque *verf. 20.* de Aarone, *Voluit eum conterere*. Hæc omnia de voluntate præparationis sunt accipienda. Vide nostra in I. dist. xlv.

V. 11. **CUMQUE TRANSISSENT QUADRAGINTA DIES**, &c. Et rursum *verf. 18.* & 25. tertio repetit Moyses hoc capite, se fuisse in monte quadraginta diebus & noctibus: primo quando primas tabulas accepit; secundo, ut apparet, quando pro populo deprecatus est; tertio quando secundas tabulas accepit, quod clarius narratur initio sequentis capituli. Et quidem ex his colligunt Hebræi Moysen tribus diversis vicibus fuisse in monte quadraginta diebus, sine cibo, & potu. Sed Christiani Interpretes fere duas tantum quadragenas Moysi tribuunt; maxime cum in Exodo, ubi plenius hæc tota historia describitur, tantum duarum fiat mentio. Itaque ad id quod Moyses hic ter mentionem faciat temporis quadraginta dierum quo fuit in monte, respondetur, id quod ab eo secundo, & tertio dicitur, ad idem tempus esse referendum.

dum. Nam & cap. sequenti rursus repetit se stetit in monte 40. diebus & noctibus. Unde tamen non est consequens eum quater in monte tot diebus fuisse.

V. 20. ADVERSUS AARON QUOQUE VEHEMENTER IRATUS, VOLUIT EUM CONTRERERE. Hoc in Exodo. non habetur: neque enim omnia suis locis dicuntur in historia. Tale est etiam quod in Epist. ad Hebr. xii. vers. 21. dicit Apostolus, Moysen, Domino legem terribiliter ferente, dixisse: *Extremus sum, & tremebundus*. Quod neque in Exodo, neque in tota Scriptura veteris Testamenti legitur. Vide nostrum Commentarium dicto loco Hebr. xii.

M A R I A N A E.

Vers. 1. **T**RANSGREDIERIS HODIE; id est, brevi, intra paucos dies Iordanem transmissis.

V. 2. QUIBUS NULLUS POTEST EX ADVERSO RESISTERE. Heb. *Quis stabit coram filiis Enach?* & videtur proverbium inter eas gentes vulgatum. Chald. pro filiis Enacim ponit filios gigantum: sed de Enacim plura cap. 11.

V. 4. CUM DELEVERIT. Heb. *Cum expulerit eas gentes*: scilicet ne putēs tuo merito id factum.

V. 5. TERRAS EARUM. Heb. *terram*: sic Sept. Chald. tum Gotthica.

V. 14. CONSTITUAM TE SUPER GENTEM, QUAE HAC MAIOR ET FORTIOR SIT. *Numerosior* & fortior sit, est in Heb. & Sept. sed vox maior id significat.

V. 18. QUADRAGINTA DIEBUS ET NOCTIBUS. Ecce secundo ieiunat Moyses illis diebus in monte Horeb, quando vitulum construxit.

V. 21. IN FRUSTA COMMINUENS, OMNINOQUE IN PULVEREM REDIGENS. Heb. *Et comminui eum molendo bene, quousque redactus est in pulverem*. *Taban* significat molere, unde Hispanis *tahona*. Sed Onkelos vocem *tahon*, pro lima accepit, ut invenio in quodam Hebræo hac sententia, *Comminui eum tabon*, id est lima, quousque, &c.

V. 22. IN INCENDIO: quando populi murmur pars castrorum arsit, Numer. xi. IN TENTATIONE: quando

petierunt aquam, Exod. xvii. IN SEPULCRIS CONCUPISCENTIAE: quando carnes illis dedit, Num. xi. PROVOCASTIS DEUM.

V. 25. QUADRAGINTA DIEBUS AC NOCTIBUS. Videtur hoc tertio contigisse quando in Cadesbarne inolverunt obedire: nisi forte repetitio est secundi ieiunii, de quo cap. x. rursus fit mentio.

M A L V E N D A E.

Vers. 1. **U**T POSSIDEAS NATIO-
NES MAXIMAS ET FOR-
TIORES TE. Quidam Hebr. reddunt: *Ut ingressus hereditas, sive hereditario iure possideas gentes maiores & robustiores te*, id est regionem gentium: metonymia: nam gentes defendere erant. Possis quoque convertere: *Ut venias, & exhereditas, hereditate depellas*, seu exterminio funditus perdas gentes. Nam verbum *יָרַשׁ* iarsab contrariam quoque admittit significationem; nisi quod in Kal, ut hic ponitur, nolint nisi pro hereditare, possidere, accipi. ET AD CAELUM USQUE MURATAS. Ex verbis, *Et munitas in caelis*, seu in caelos: quidam, *munitas, assurgentes in caelum usque*. Sic Genes. xi. & supra cap. 1. vers. 28.

V. 2. FILIOS ENACIM. De his vide cap. 1. vers. 28. & Numer. xiii. vers. 34.

V. 7. SEMPER ADVERSUS DOMINUM CONTENDISTI. Heb. alii reddunt: *Rebelles maximepe fuistis contra Iehovam*. Participio מַמְרִים *mamrim* hæc omnia subsunt, *rebelles, contumaces, inobedientes, refractarii, protervi, immorigeri, desefiores*. Sic infra vers. 24.

V. 8. NAM ET IN HOREB PROVOCASTI EUM. Annotant esse emphasim cum indignatione; quasi dicat: Ubi liberationis recentis recordatio, præsentis Dei respectus, & foras recens initium, vos ut cum maxime debuerat continere. Vide Exodi xxxii.

V. 10. DUAS TABULAS LAPIDEAS. Vide Exodi xxxi. vers. 18. & Exodi xxxii. vers. 16. CONTINENTES OMNIA VERBA QUAE VOBIS LOCUTUS EST, &c. nimirum Exodi xx. & seqq.

V. 14. DIMITTE ME. Heb. *Remitte me*; id est, remitte vim precum tuarum,

rum, ne adeo instanter & improbe mecum agas. Alii, *Desiste a me*. Nonnulli, *Sine me*.

V. 17. CONFREGIQUE EAS IN CONSPECTU VESTRO. Quidam exponunt: Id est, palam per spiritum Dei hoc signo refutatus sum, nihil tum vobis commune esse potuisse cum Deo, aut scedere eius, neque hoc ad vos, ut qui perfidi & fœdifragi essetis, pertinere.

V. 18. ET PROCIDI ANTE DOMINUM. Hebr. *Et proruere, prostrare me feci*. Elegans Hebraismus qui Latinis quoque suum utcumque saporem & elegantiam habet. Sic etiam vers. 25. Sane formula Hitpahel hic vim habet, nam satis indicat ingentem animi corporisque affectum, quo Moses deprecatur Dominum pro populo sese in terram abiecit. QUADRAGINTA DIEBUS ET NOCTIBUS PANEM NON COMEDENS, &c. Observant nonnulli, Mesentres integras quadragesimas ieiuniorum peregrisse. Primam, qua expleta tabulas legis acceperit supra vers. 11. Secundam post abiectas, & confractas tabulas, pro populo deprecans, hoc vers. 18. quem confers Exodi xxxii. vers. 31. Hanc tamen Hebræi notant non in monte factam, sed in tentorio suo, quod tetenderat sibi extra castra, ubi precatus sit Dominum. Tertiam, quando rursus ascendit in montem secundas tabulas accepturus a Deo, Exodi xxxiv. vers. 1. & seqq. præsertim vers. 28. & Deuteronom. x. vers. 1. & seqq. præsertim vers. 10.

V. 23. ET QUANDO MISIT VOS DE CADES BARNE. Vide totam hanc historiam late descriptam Numeror. xiii. ET CONTEMPSISTIS IMPERIUM DOMINI DEI VESTRI. Hebr. *Et mutavistis os Iehove, Dei vestri*. Quidam: Rursum maxime rebellastis in præstitutum Iehove. Vide de hac phrasi Deuter. 1. vers. 26.

V. 28. NE FORTE DICANT HABITATORES TERRÆ. Hebr. non est *Habitatores*; sed tantum, *Id forte dicant terræ*; metonymia, id est incolæ terræ.

MENOCHII.

Vers. 1. **H**ODIE, non multo post: est idiotismus Hebræus. AD CAELUM USQUE MURATAS: hyperbole, altissimis muris septas. FILIOS

ENACIM. Vide supra cap. 1. num. 28.

V. 3. TRANSIBIT ANTE TE, scilicet devorans & delens, ut sequitur, hostes tuos, tam efficaciter, & velociter, quam ignis ligna, aut stipulam absumit.

V. 5. AEQUITATEM. Hebr. *rectitudinem*. CORDIS TUI, mentis, & voluntatis tuæ.

V. 6. DURISSIMAE CERVICIS, maxime cervicofos, rebellis, & inobediens.

V. 8. IN HOREB PROVOCASTI, per vituli adorationem, Exodi xxxii.

V. 10. CONCIO, cœtus populi.

V. 18. PROCIDI ANTE DOMINUM, non statim a confractione tabularum legis: nam prius occidit Moses 23. millia adorantium vitulum, populum increpuit, vitulum contrivit, &c. Vide Exod. xxxiv.

V. 22. IN INCENDIO QUOQUE: cum Deus immisit ignem in eos qui ob laborem itineris murmuraverunt, Num. xi. 1. IN TENTATIONE: cum Hebræi tentaverunt Deum, postulantes aquam, Exod. xvii. 8. IN SEPULCRIS CONSPICIENTIÆ. Vide Num. xi. 14.

V. 23. IACUI, &c. Rediit ad id quod supra dixerat. Aliqui putarunt Moysen ter fuisse in monte per quadraginta dies, & quadraginta noctes.

V. 26. DOMINE DEUS, &c. Orationem per omnia fere habes Moyses orationem ante descensum primum de monte cum primis tabulis lapideis Exod. xxxii. num. 11, seqq. IN MAGNITUDE TUA; hoc est, cum magnis, & admirandis prodigiis.

TIRINI.

Vers. 23. **C**ONTEMPSISTIS IMPERIUM DOMINI DEI VESTRI. Dices. Nusquam legimus, Deo iubente noluisse Iudæos ascendere adversus Chanaanæos. Respondeo, noluisse ex Cadesbarne eo ascendere nisi præmissis exploratoribus, Deut. 1. vers. 22. cui illorum consilio licet Deus tandem assensus sit Num. xiii. vers. 3. postea tamen multiplici ultione sat manifestum fecit quam periculosum sit divinis imperiis resisti.

V. 25. ET IACUI CORAM DOMINO QUADRAGINTA DIEBUS AC NOCTIBUS. Id iam tertio repetit hoc eo-

eodem cap. Unde Rabbinī, & ex iis Lyranus, & Oleaster, cum Caietano, Saliano, & quibuldam aliis, colligunt, Moysen tres omnino quadragenas in monte Horeb seu Sinai exegisse. Verum tertiæ quadragenæ tempus quo exigi potuisset, nullum reperiri, cap. ult. Exodi fuisse demonstravi. Porro non aliam hoc cap. vers. 25. quadragenam designari, quam cuius antea vers. 18. per hyfteron proteron meminerat, clarius est quam ut probatione egeat: nam utrobique se pro eodem populi peccato prostratum iacuisse, Deumque exorasse narrat. Quid vero opus fuisset, Deo semel exorato, placatoque, rursus eundem in finem aliam quadragenam ordiri?

GORDONI.

Vers. 1. **H**ODIE, id est hoc tempore, & brevi, nempe post duos menses: nam hæc locutus est Moyses die prima mensis undecimi, ex cap. 1. vers. 3. itum est autem trans Iordanem, anni sequentis, die decimo mensis primi, Iosue iv. vers. 19. AD CAELUM USQUE MURATAS. Hyperbole.

V. 2. De his Enacim filii, vide cap. 111. vers. 10. & 11. Illud etiam, AVDISTI, refer ad verba exploratorum, Num. XIII.

V. 9. & 10. PANEM NON COMEDENS. Mos loquendi Hebræorum est,

qui per panem, cibum omnem intelligunt: & sic aqua pro quovis potu est. De digito Dei, vide Exod. cap. VIII. vers. 19.

V. 22. IN INCENDIO, &c. Vide de hoc incendio, & sepulcris his, Num. cap. XI. de tentatione vero, Exod. cap. XVII.

V. 25. IACUI CORAM DOMINO QUADRAGINTA DIEBUS AC NOCTIBUS. Oleaster, Caietanus, & Lyranus hinc colligunt, Moysen tertiam peregrisse dierum quadragenam. Verum eadem est hæc quadragena cum illa de qua cæpit agere vers. 18. & interruptum sermonem propter aliqua interiecta hic continuat. Lyranus, subducta ratione temporis a donatione legis, dat rebus tunc gestis dies 123. sed perangustum est hoc tempus ad ea gerenda quæ Scriptura narrat illo intervallo peracta. Et certe hoc (quod pro magno incommodo est) eveniet ut, subductis ab illo numero tribus quadragenis, tantum supersint tres dies, quibus toto illo tempore Moyses, & non diutius fuerit cum populo. Quis hoc feret, legens initium capituli insequentis?

EX EIUSDEM AUCTARIO.

V. 8. IN HOREB, in adoratione vituli.

V. 10. CONCIO, cætus populi.

V. 22. Deus hunc ignem emisit, Num. XI. IN TENTATIONE, cum petebant aquam, Exod. XVII. 7.

C A P U T X.

Tabularum secundarum insauratio, levitarum officia: timor & dilectio Dei ad servanda præcepta movere debent: præputium cordis circumcidendum, peregrini amandi, & per Dei nomen iurandum.

IN (a) tempore illo dixit Dominus ad me: Dola tibi duas tabulas lapideas, sicut priores fuerunt, & ascende ad me in montem: faciesque arcam ligneam, 2. & scribam in tabulis verba quæ fuerunt in his quas ante confregisti, ponasque eas in arca. 3. Feci igitur arcam * de lignis settim. Cumque dolasssem duas tabulas lapideas instar priorum, ascendi in montem, habens eas in manibus. 4. Scripsistque in tabulis, iuxta id quod prius scripserat, verba decem, quæ locutus est Dominus ad vos in monte de medio ignis, quando populus congregatus est: & dedit

cas mihi. 5. Reversusque de monte, descendi, & posui tabulas in arcam quam feceram, quæ hucusque ibi sunt, sicut mihi præcepit Dominus. 6. (b) Filii autem Israel moverunt castra ex Beroth filiorum Iacan in Mosera, ubi (c) Aaron mortuus ac sepultus est, pro quo, sacerdotio functus est Eleazar filius eius. 7. Inde venerunt in Gadgad: de quo loco profecti, castrametati sunt in Ictebatha, in terra aquarum atque torrentium. 8. Eo tempore separavit tribum Levi, ut portaret arcam fœderis Domini, & staret coram eo in ministerio, ac benediceret in nomine illius usque in præsentem diem. 9. Quam ob rem non habuit Levi partem, neque possessionem cum fratribus suis: quia ipse Dominus possessio eius est, sicut promisit ei Dominus Deus tuus. 10. Ego autem steti in monte, sicut prius, quadraginta diebus ac noctibus: exaudivitque me Dominus etiam hac vice, & te perdere noluit. 11. Dixitque mihi: Vade, & præcede populum, ut ingrediaris, & possideat terram quam iuravi patribus eorum ut traderem eis. 12. Et nunc Israel, quid Dominus Deus tuus petit a te, nisi ut timeas Dominum Deum tuum, & ambules in viis eius, & diligas eum, ac servias Domino Deo tuo in toto corde tuo, & in tota anima tua: 13. custodiasque mandata Domini, & ceremonias eius, quas ego hodie præcipio tibi, ut bene sit tibi? 14. En Domini Dei tui cælum est, & cælum cæli, terra, & omnia quæ in ea sunt: 15. & tamen patribus tuis conglutinator est Dominus, & amavit eos, elegitque semen eorum post eos, id est vos, de cunctis gentibus, sicut hodie comprobatur. 16. Circumcidite igitur præputium cordis vestri, & cervicem vestram ne inducitis amplius: 17. quia Dominus Deus vester, ipse est Deus deorum, & Dominus dominantium, Deus magnus & potens, & terribilis, qui (d) personam non accipit, nec munera. 18. Facit iudicium pupillo & viduæ, amat peregrinum, & dat ei victum atque vestitum: 19. & vos ergo amate peregrinos, quia & ipsi fuistis advenæ in terra Aegypti. 20. (e) Dominum Deum tuum timebis, & ei soli servies: ipsi adhærebis, iurabisque in nomine illius. 21. Ipse est laus tua, & Deus tuus, qui fecit tibi hæc magnalia & terribilia, quæ videntur oculi tui. 22. (f) In septuaginta animabus descenderunt patres tui in Aegyptum: & ecce nunc multiplicavit te Dominus Deus tuus sicut astra cæli.

(a) Exod. xxxiv. 1. (b) Num. xxxiii. 31. (c) Num. xx. 28. 29. (d) II. Paralip. xix. 7. Iob xxxiv. 29. Sap. vi. 9. Eccli. xxxv. 15. Act. x. 34. Rom. ix. 11. Galat. iii. 6. (e) Sup. vi. 13. Matth. iv. 10. Luc. xv. 8. (f) Gen. xlv. 27. Exod. i. 5.

B R U G E N S I S

ROMANA CORRECTIO.

V. 3. *De lignis Settim*. Sic scribunt Hebræi Settim duplici r; alii simpliciter Setim.

NOTATIO.

V. 20. *Dominum Deum tuum timebis, & ei servies*. D. Henteno huius loci germana esse lectio visa est: *Et ei servies*. Nec sine ratione: nam ut multorum insignium exemplarium est, ita Hebræo, Chaldæo, & Græco consonat: quamquam Regiorum Biblio-

rum editio Græca cum aliis Latinis libris legat: *Et ei soli serviet*. Deuter. vi. vers. 13. eadem est eiusdem sententiæ diversa lectio: nonnulla enim exemplaria demunt *Soli*, consimiliter Rabano, codici Græco Vaticano, atque Hebræis, ac Chaldæis libris: pleraque addunt consentaneæ Græcis textibus Regiorum, Aldinorum, & Germanicorum Bibliorum. Epanorthotes sexto capite legendum docet *Soli*; decimo tollendum: neque alia ex causa de locis his diversimode censere videtur, quam ex probatorum Latino-rum exemplarium auctoritate. Nam & nos

invenimus exemplaribus nostris correctionibus, atque etiam Tostato, sexto capite addi, decimo tolli *70 Soli*; ut Interpres hic verba transfulisse, ibi sensum videri possit. Sensum autem quem Dominus reddidit, cum tentatori obiecit: (a) *Dominum Deum tuum ad-*

orabis, & illi soli servies. Significatur enim, ita serviendum Deo, ut non alteri; hoc est, soli ipsi divinos honores, qui *λατρεῖα* numcupatur, exhibendos.

(a) Matth. iv. vers. 10. Luc. iv. vers. 8.

C O M M E N T A R I A

S A.

Vers. 6. **B**EROTH dicitur etiam *Cades*: vide Num. xx. MOSERA, dicitur etiam *Hor*: vide Num. xx. MORTUUS, scilicet 40. anno postquam peccavit, Exod. xxxii.

V. 7. GADGAD dicitur etiam *Oboth*, Num. xx.

V. 8. SEPARAVIT. Hebr. Chald. & LXX. *Separavit Dominus*. BENEDICERET; id est, bene precaretur populo. Vide Num. vi.

V. 10. STETI. Videtur redire ad id quod dixit in fine cap. ix.

V. 14. CAELUM CAELI. Hebr. *ceeli celorum*, id est caeli altissimi; vel quasi dicat: Et caeli qui apparent, & qui supra illos sunt.

V. 16. CIRCUMCIDITE IGITUR PRAEPUTIUM; id est, auferte impedimenta.

V. 17. MUNERA: scilicet ut iudicet iniuste, vel propter illa.

V. 20. IN NOMINE ILLIUS, scilicet & non per idola.

V. 21. LAUS TUA; id est, de quo gloriari debes, vel quem semper laudare.

E S T I I.

Vers. 12. **E**T NUNC ISRAEL, QUID PETIT A TE, NISI UT TIMEAS DOMINUM DEUM TUUM? Hoc simile est illis optationibus Dei, quæ non sine tropo dicuntur, de quibus sup. cap. v. & infra cap. xxxii. & Isaïæ xlviii.

V. 15. ET TAMEN PATRIBUS TUIS CONGLUTINATUS EST DOMINUS, ET AMAVIT EOS, ELEGITQUE SEMEN EORUM POST EOS, ID EST VOS, DE CUNCTIS GENTIBUS. Querunt aliqui: Quare Deus Filium suum nasci vo-

luit ex semine Abraham, & quare legem; suique agnitionem dedit illi populo? Respondet: Ex hoc capite, & superiori intelligimus hæc Dei beneficia in illum populum fuisse prorsus gratuita: nam populus ipse rebellis erat, & duræ cervicis. Natus quidem est ex sanctis Patriarchis Abraham, Isaac, & Jacob, quibus propter ipsorum idem, obedientiam, & pietatem dignatus fuit promittere Messiam ex ipsis nasciturum; sed quos ipse, ut hoc qualitercumque mererentur, suis benedictionibus prævenerat, erantque ipsorum merita, Dei dona.

V. 17. DOMINUS DEUS VESTER, IPSE EST DEUS DEORUM, ET DOMINUS DOMINANTIVM. Quo sensu dicatur *Deus deorum*, & inanum deorum, vide Annot. Psalm. xlix. nam ad deos Gentium id referendum esse, satis ex aliis locis patet. Eorum autem Deus dicitur, quia omnibus illis maior est, & melior, & potentior. Unde supra cap. iv. *Non est alia natio tam grandis, quæ habeat deos appropinquantes sibi, sicut Deus noster adest cunctis obsecrationibus nostris.* Quomodo autem non repugnet illud Christi in Evangelio Matth. xxii. *Non est mortuorum Deus, sed vivorum*, vide ibi explicatum.

M A R I A N A E.

Vers. 5. **Q**UAE HUCUSQUE IBI SUNT, scilicet tabulæ legis in arca. Hebr. *Et erunt ibi*. Sept. *Et fuerunt ibi*, ut futurum sit pro præterito, propter Vau conversivum.

V. 6. IN MOSERA, UBI AARON MORTUUS AC SEPULTUS EST. *Hor*, & *Mosera* idem mons. Et fortassis *Cades*, de qua Num. xx. vers. 22. est *Beroth* hic.

V. 14. CAELUM CAELI. Hebr. *Celi celorum*; id est, omnes caeli, aut caeli præcipui tui sunt, Deus.

Y y 2

V. 18.

V. 18. DATI VICTUM, scilicet peregrino. *Panem* in Hebr. sic Septuag. sed panis promissive pro cibo sumitur.

V. 20. ET EI SOLI SERVIES. *Soli* non est in Hebr. sed ex Sept. sumpsit Hieronymus.

V. 21. IPSE EST LAUS TUA. Propter eum laudaris, vel eum solum laudare debeshymnis, canticis, psalmis. *תהלת* *thehilatbea*, id est *psalmus tuus*; Ipse est psalmus tuus. id est psalmi materia. Psalmi *Thehili* Hebr. vocantur.

V. 22. IN SEPTUAGINTA ANIMABUS. Sept. ponunt *septuaginta* *quinque* animas, uti & aliis locis, quos iam notavimus.

MALVENDAE.

Vers. 1. IN TEMPORE ILLO: nimirum cum meis precibus ira Dei in populum conquievisset; & iam secundo apud ipsum in monte dies quadraginta futurus essem, Exodi xxxiv. 28. Huius autem reconciliationis per hyperbaton documenta duo Moſen interſerere notant, traditionem tabularum, & sacerdotii continuationem, usque ad vers. 9. postea demum in vers. 10. ad cœptum sermonem regredi. FACIESQUE ARCAM LIGNEAM. Temporarily quidam intelligunt, ubi hæc tabulæ tantisper conservarentur, dum sacra arca illa fœderis fabricaretur, in qua deinde erant collocandæ. Sed melius alii accipiunt de illa ordinarî quæ imperata est Exodi xxv. vers. 10.

V. 6. EX BEROth FILIORUM IAHKAN. Quidam reddunt. *A puteis filiorum Iahkanis*: putantque huius loci sermone I. Machabæor. v. vers. 4. & II. Machabæor. xii. vers. 13. & 16. atque illum ipsum esse qui Numer. xxxiii. 31. dicitur *Bene*, id est *Filii, Iahkan*: vigesima octava Israelitarum statio. Alii diversum statuunt: res plane incerta. IN MOSERA. Plerique diversum hunc locum faciunt a Moseroth vigesima septima Hebræorum mansione, Numer. xxxiii. 30. duobus rationibus. I. quod ibi dicantur Israelitæ profecti e Moseroth in Bene Iahkanis; hic vero, e puteis Bene Iahkanis in Moseroth. II. quod Moserah hic dicitur fuisse ubi mortuus fuit Aaron, nimirum in monte Hor; at Moseroth se-

ptem profectioibus distabat a monte Hor; ut Numeror. xxxiii. a versu 30. usque ad 37. perspicue describitur. Alii vero unum & eundem locum faciunt: notantque hic esse hystricosim per synathroësmum, seu congeriem verborum; ordinemque Numeror. xxxiii. vers. 30. & 31. explicari: inde hic vertunt: *Progredientes a puteis filiorum Iahkanis & Moserah*; ut rectus ordo sit, progredientes a Moserah in puteos filiorum Iahkanis, ut eo loco Numerorum exponitur. UBI AARON MORTUUS AC SEPULTUS EST. Post illud, *In Moserah*, subaudiunt quidam, in Hor montem: ut sit periphrasis; conferturque cum Numeror. xx. vers. 22. & Numer. xxxiii. vers. 37. 38. & statim annectunt: *Ibi mortuus est Aaron, & sepultus fuit*.

V. 7. GADGAD. Hebr. *Ghudghodah*. Hic locus Numer. xxxiii. 32. vocatur *Chor Ghidghad*: rationem appellationis ibi vide. Ridicule quidam putant esse Oboth, trigessimam septimam Israelitarum stationem, Numer. xxi. 10. & cap. xxxiii. 43. IETEBATHA. Hebr. *Iotabathab*, vel *Iotabathab*. De hac trigesima Hebræorum mansione vide Numer. xxxiii. vers. 33. Quidam adducit nominis similitudine, *Iotapatam* esse existimant, claram Iosephi captivitate. Sed delirant: nam Iotapata respectu Ierosolymæ erat cis Iordanem, & lacum Tiberiadis, in Galilææ Decapolitana regione, non longe a Tiberiade, uti Iosephus in Vita sua, & Lib. III. Belli cap. vii. aliisque locis frequenter describit; cum plane Ietebatha ultra Iordanem, in deserto, versus Mare rubrum, longe a Iotapatha abfuerit. Et quia his duobus versibus 6. & 7. obscure & perturbate poni quibundam visum est loca profectuum Israelitarum, quæ hic nominantur; clarius ita eos reddere conantur.

V. 6. Filii autem Israelis, cum eo progredientes a puteis filiorum Iahkanis, & Moserah, ubi mortuus est, & ubi sepultus Aaron; functusque sacerdotio Elbazar filius eius in loco eius.

V. 7. Inde Gudgodum, & Gudgodo Iotabatham, regionem fluminibus irriguam progressi fuissent Horem usque.

V. 8. Tempore illo separavit Iehova tribum, &c.

IN TERRA AQUARUM ATQUE TORRENTIUM. Hebr. *Terram fluviorum aquarum*; id est, quæ copiosis fluminibus seu torrentibus abundat. Id autem consulto a Mose adiectum notat, ut ostenderet Deum propositivè Israelitarum infirmitat, ne porro ex locorum importunitate murmurarent, ut ante ferme ubique fecerant.

V. 8. EO TEMPORE. Intelligunt nempe quo Israelitæ hac via progrediebantur reconciliati Domino, Numeror. xxvi. & xxviii. & xxix. SEPARAVIT TRIBUM LEVI. Exponunt: Id est, tribum Levi iam ante separatam ad officia sacra, in functione eadem confirmavit; Eleazaro suffecto in Aaronis locum, Numer. xx. Phinisco confirmato, Numer. xxv. &c. neque tot. & tantis stentis vestris adductus est, ut vobis sedes suam, aut administratos fœderis illius adimeret. Sic autem fuisse factum ostendit recensio Num. xxvi. & repetita officiorum descriptio, Numer. xxviii. & xxix.

V. 9. NON HABUIT LEVI PARTEM. Vide Num. xviii. vers. 20. 23. 24.

V. 14. CAELUM EST, ET CAELUM CAELI. Hebr. *Celi, & celi celorum*, id est summi ac præcipui celi: ut I. Regum viii. vers. 27. Alii, *Celi, & celum celi*. Distingunt tres cælos: primum aerium, tres regiones aeris continens; secundum sidereum, in quo sunt stellæ; tertium supremum & empireum, sedem Dei & beatorum, quod tertium cælum, & ita illud raptum affirmat Paulus.

V. 16. CIRCUMCIDITE IGITUR PRÆPUTIUM CORDIS VESTRI. Explicat: Id est, tollite ex animo vestro quod divinæ voluntati repugnat, nempe malitiam, cæcitatem, prava desideria, quæ animum quasi contegunt & operiunt, ac veluti præputiant. Vide Ieremiæ iv. vers. 4. & Colossens. ii. vers. 11. ET CERVICEM VESTRAM NE INDURETIS; id est, libenter induite iugum legis divinæ. Metaphora sumpta ex iumento iugium similitudine; quasi dicat: Ne sitis refractarii & indomabiles, iugo legis colla subiicite.

V. 17. DEUS DEORUM; id est, supremus omnium qui munus aliquod divinum gerunt, ut sunt angeli, & homines; & verissimus Deus.

V. 20. DOMINUM DEUM TUUM TIMEBIS. Vide hunc versum supra cap. vi. vers. 13.

V. 21. IPSA EST LAUS TUA; id est, de quo gloriari debes, celebrando eius beneficia erga te, quem continuo laudare & glorificare te oportet: materia & argumentum laudis tuæ: metonymia, ut Exodi xv. 2.

V. 22. IN SEPTUAGINTA ANIMABUS, &c. Vide Genes. xlv. vers. 27.

MENOCHII.

Vers. 1. DOLA TIBI DUAS TABULAS, &c. Vide Exod. xxxiv. 1. & deinceps. FACIESQUE ARCAM LIGNEAM. &c. Arca constructa est a Moysæ post acceptas a Deo secundas tabulas legis, ut pater Exod. xxxiv. 28. conferendo cum Exod. xxxvii. 1. sed antea iussit Deus arcam fabricari, Exod. xxv. 10.

V. 6. FILII ISRAEL MOVERUNT CASTRA. Quia incidere mentio de tabulis legis, & arca, hic per parenthesis usque ad num. 17. quadam interseruntur de Levitis, & Eleazaro successore Aaronis in Pontificatu: opportune autem hæc narratur, quia hi custodes erant sacrorum, & præsertim arcæ, & tabularum, quæ in Sancto sanctorum, utpote res sanctissima, aservabantur. Ex BEROOTH ... IN MOSERA. At Num. xxxiii. 31. contra potius indicatur eos ex Moseroth castrametatos esse in Bene-iaacan. Cum longissima fuerit filiorum Israel peregrinatio per desertum totis 40. annis, videtur non improbabile utrumque accidisse, ut scilicet semel ex Moseroth iverint in Bene-iaacan, & rursus semel hinc in Moseroth. Ita Bonfrerius. Alii putant Mosera, & Moseroth non esse idem, sicut nec Beroth Bene-iaacan, & Bene-iaacan, quamvis nomina sint similia. Ita Cornelius a Lapide. Vide Bonfrerium late de hoc disputantem. UBI AARON MORTUUS AC SEPULTUS EST. Bonfrerius putat, montem Hor, & Mosera, & Moseroth eundem locum fuisse, ad quem secundo redierunt Israelitæ: ita tamen ut mons solus Hor dictus fuerit, in quo Aaron obiit; adiacens vero locus, in quo castra metata, dictus fuerit Mosera, seu Moseroth.

V. 7. INDE VENERUNT IN GADGAD.

GAD. Ut quæ hic dicuntur, cohæreant cum iis quæ habemus Num. xxxiii. 30. ita viderentur disponendæ mansiones ut de Helmona itum sit in Moseroth, inde in Bene-iaacan, inde rursus in Moseroth, de Moseroth vero in Gadgad, ut habetur hic. Cum autem dicitur cap. illo xxxiii. de Bene-iaacan, & non de Moseroth itum in Gadgad, intelligendum mediare, transiendo scilicet rursus per Moseroth. Quod si hoc ita, & reditu ad eundem locum crescat numerus mansionum, dici fortasse poterit non censi diversas mansiones eas in quibus plusquam semel non multo temporis intervallo populus castra fixerit. IN TERRA AQUARUM ATQUE TORRENTIUM, in qua multæ aquæ, & multi torrentes.

V. 8. EO TEMPORE SEPARAVIT, Dominus scilicet. Particula *Eo tempore*, designat id quod gestum est Aarone Pontifice Num. iii. 6. licet hic obiter ista narratio interferatur. UT PORTARET ARCAM. Quod communium Levitarum erat, & a sacerdotibus fieri poterat si libuisset, & fortasse fiebat, cum solemnior aliqua pompa duceretur. Vide dicta Iosue iii. 3. STARET CORAM EO IN MINISTÉRIO. Quod erat sacerdotum, qui stabant coram Domino ministrantes in tabernaculo, & sacrificantes. BENEDICERE IN NOMINE ILLIUS. Si *benedicere in nomine* sit idem quod benedicere nomen, hoc conveniebat etiam levitis, inter quos aliqui cantores erant concinendis divinis laudibus destinati. Si *benedicere* sit bene precari populo, videtur tantum ad sacerdotes pertinuisse.

V. 9. DOMINUS POSSESSIO EIVS: quia Dei intuitu primitiæ, decimæ, & alia iura illis debentur, ad alimenta, aliasque necessitates.

V. 10. EGO AUTEM STETI IN MONTE SICUT PRIUS QUADRAGINTA DIEBUS. Aliqui putant Moysen per quadraginta dies fuisse in monte Sina, & hanc tertiam esse vicem: hæc non tertia, sed secunda est, atque eadem cum illa de qua cap. præcedenti num. 18. Quare hic est hypercon proteron. Hic enim versus recto ordine ponendus esset ante initium capituli.

V. 14. CÆLUM EST, ET CÆLUM CÆLI. Per *cælum* intellige cælos mobiles; per *cælum cæli*, empiricum cælum.

V. 15. CONGLUTINATUS EST: Quæ metaphora vehementiam amoris significat.

V. 16. CIRCUMCIDITE PRÆPUTIUM CORDIS VESTRI. LXX. *duritiam cordis*. Præputium metaphorice cordi tribuitur, & significat voluntatem pravitatem, luxuria, vanitate, & cæcitate obtectam, & obduratam.

V. 21. IPSE EST LAUS TUA, obiectum, & materia laudis tuæ.

V. 22. IN SEPTUAGINTA ANIMABUS. Hoc explicatum est Gen. cap. xlvii. num. 27.

T I R I N I.

Vers. 6. **M**OVERUNT CASTRA EX BEROTH FILIORUM IACAN IN MOSERA, nempe cum secunda vice in Mosera reditum fuit (nam subinde, per spatium quadraginta annorum redibatur ad eadem loca:) quando etiam contigit, Aaronem eodem in loco mori ac sepeliri: mons enim Hor, ubi sepultus dicitur Num. xx. & xxxiii. & Deut. xxxi. erat pars una regionis Mosera, seu Moseroth, ut vocatur Num. xxxiii. Nam hæc nomina unum eundemque locum significant: sicut & Beroth filiorum Iacan, idem est locus qui Bene-iaacan Numer. xxxiii. vocatur. Unde quod hic sequitur, Ex Mosera VENERUNT IN GADGAD, inde CASTRAMETATI SUNT IN IETEBATHA, intelligendum, id factum cum prima vice in Mosera, seu Moseroth appullissent, & inde excederent: tunc enim inde profecti sunt in Gadgad, & ulterius in Ietebatha. Ergo præteritum *Venerunt*, & *castrametati sunt*, ponitur hic pro plusquam perfecto *Venerant*, & *castrametati fuerant*. Quod per familiare est Hebræis, qui cum unicum habeant præteritum, coguntur uno illo iam pro perfecto, iam pro imperfecto, vel plusquam perfecto subinde uti; unde necessum est, similes sententiarum ambiguitates non raro subnasci.

V. 8. EO TEMPORE, non quo mortuus est Aaron, cuius immediate hic ante facta mentio, sed quo Moyses de monte Sinai cum secundis tabulis descendit, ut dixerat vers. 5. *Separavit Dominus trilum Levi*, a reliquis tribubus, sibi eam fuo-

suoque divino servitio appropriando, nempe triplici, ut sequitur: primo, ut *portaret arcam fœderis Domini*, cum reliquis omnibus quæ arce, & tabernaculo annexa erant; secundo, ut *staret coram eo in ministerio*, omni scilicet quod ad Deum, & ad tabernaculum spectat, maxime vero in sacrificio, quod nobilissimum erat illorum ministerium, & nobilissimæ partis Leviticæ tribus, puta sacerdotum, de familia Aaron; tertio, ut *benediceret in nomine Domini*, scilicet populum, eidemque bene precaretur invocato Dei nomine, & ut LXX. vertunt, *pro eodem deprecaretur per nomen Dei*. Quæ omnia solis sacerdotibus propria erant; uti & publice, seu cum solemnî cæremonia benedicere nomini Domini, quod 1. Paral. xxxiii. vers. 13. Aaroni eiulque filiis adscribitur. Quamquam benedicere simpliciter nomini Domini in quotidiano templi officio dum sacrificia peragerentur, quod fiebat hymnis, psalmis, & aliis canticis, atque instrumentis musicis, conveniret etiam Levitis inferioribus, e quorum numero cantores, & lufiores desumebantur.

V. 16. CIRCUMCIDITE PRÆPUTIUM CORDIS VESTRI. LXX. vertunt, *duritiam*; Chaldæus, *insipientiam*. Potest & luxuria, & idolomania, & quævis alia malitia designari; & in genere, noxia quæque & impia desideria: nam sicut carnale præputium in humano corpore, sic illa in corde supersuunt, & illud dehonestant.

G O R D O N I.

Vers. 1. **R** Eponit hic præterita; non tamen semper servato rerum gestarum ordine: sic per *hysteron-proteron* vers. 6. interruptitur narratio usque ad vers. 10.

V. 3. De hac re vide Exod. xxxiv. Ceterum de arca hic facta, quod dicitur, intellige a quum post descensum a monte, acceptis posterioribus tabulis, Exod. cap. xxxvii.

V. 5. SUNT. Hebr. *Et erunt ibi*: futurum pro præterito, ubi Vau versivum est.

V. 6. IN MOSERA. Est idem mons ac Hor: sic Cades hic est BEROth, de quo Num. xx. vers. 22.

V. 8. EO TEMPORE, &c. Obscurum est, quid sit hic *Eo tempore*: non enim facta est separatio Levitarum eo tempore quo mortuus est Aaron, scilicet anno quadragesimo, sed anno secundo, Num. iiii. Manet ergo, hoc quod est *eo tempore*, referri debere ad id quod hic dicitur vers. 5. quando descendit Moses de monte. At quomodo hic dicitur benedicere esse inferiorum Levitarum, cum sit officium sacerdotum? Erat quidem sacerdotum benedicere; hoc est, invocato Dei nomine, bene precari, modo aliquo solemnî: hoc, inquam, sacerdotum erat; at benedicere in nomine Dei, ac Deum laudare voce & hymnis, levitarum etiam erat.

V. 10. Hic etiam versiculus recto ordine ponendus esset ante primum. Cetera subsequuntur ordine.

V. 14. CAELUM CAELI, idest omnes cæli, vel præcipui.

V. 16. PRÆPUTIUM CORDIS, nempe duritiam: hinc Septuag. habent *ἐκδυσπραξίας*; Chald. *insipientiam cordis*.

V. 20. EI SOLI: quanvis non sit in Hebr. tamen recte ex Sept. substituitur.

V. 21. IPSE EST LAUS TUA, materia laudis tuæ, Hebr. *תְּהִילַתוֹעֲבָה*, *psalmus tuus*; radix vero est *הָלַל* laudavit: hinc Psalmi in Hebr. vocantur *Tehilim*.

V. 22. IN SEPTUAGINTA ANIMABUS DESCENDERUNT PATRES TUI IN AEGYPTUM. Habemus quidem Genes. cap. xlii. vers. 27. & hoc etiam loco tantum septuaginta animas, in Vulgata editione, & Hebraica. Quomodo Septuaginta Interpretes ponant 75, dixi satis ad citatum locum Genesios.

EX EIUDEM AUCTARIO.

V. 1. DOLA TIBI. Exod. xxxiv. i.

V. 6. EX BEROth. Locus hic, in quo mortuus est Aaron, varia habet nomina; ac proinde nihil hic contra id quod dicitur Num. xxxiii. 31. Mons Hor est in quo ille obiit, & locus vicinus ubi castra posita sunt, dictus est Mosera, vel Mose-roth. Quod vero est hic de recentis mansionibus, & an ad eundem locum bis venerint, certatur: satis est ex his explicari contextum.

C A P U T XI.

Recensentur varia Dei beneficia, multaque bona promittuntur servantibus eius praecepta, mala autem non servantibus, hoc est benedictio, & maledictio.

1.  Ma itaque Dominum Deum tuum, & observa praecepta eius & caeremonias, iudicia atque mandata, omni tempore. 2. Cognoscite hodie quae ignorant filii vestri, qui non viderunt disciplinam Domini Dei vestri, magnalia eius & robustam manum, extentumque brachium, 3. signa & opera quae fecit in medio Aegypti Pharaoni regi, & universae terrae eius, 4. omnique exercitui Aegyptiorum, & equis ac curribus: quomodo operuerint eos aquae Maris rubri, cum vos persequerentur; & deleverit eos Dominus usque in praesentem diem: 5. vobisque quae fecerit in solitudine, donec veniretis ad hunc locum: 6. & (a) Dathan atque Abiron filiis Eliab, qui fuit filius Ruben: quos (b) aperto ore suo terra absorbit, cum domibus & tabernaculis, & universa substantia eorum, quam habebant in medio Israel. 7. Oculi vestri viderunt omnia opera Domini magna quae fecit, 8. ut custodiatis universa mandata illius, quae ego hodie praecipio vobis, & possitis introire, & possidere terram, ad quam ingredimini, 9. multoque in ea vivatis tempore: quam sub iuramento pollicitus est Dominus patribus vestris, & femini eorum, lacte & melle manantem. 10. Terra enim * ad quam ingrederis possidendam, non est sicut terra Aegypti, de qua existi, ubi iacto semine in hortorum morem aquae ducuntur irriguae; 11. sed montuosa est & campestris, de caelo expectans pluvias: 12. quam Dominus Deus tuus semper invisit, & oculi illius in ea sunt a principio anni usque ad finem eius. 13. (c) Si ergo obedieritis mandatis meis, quae ego hodie praecipio vobis, ut diligatis Dominum Deum vestrum, & serviat ei in toto corde vestro, & in tota anima vestra; 14. dabit pluviam terrae vestrae temporaneam, & oleum, 15. senuumque ex agris ad pascenda iumenta, & ut ipsi comedatis ac saturemini. 16. Cavete ne forte decipiatur cor vestrum, & recedatis a Domino, serviatisque diis alienis, & adoretis eos: 17. iratusque Dominus claudat caelum, & pluviae non descendant, nec terra det germen suum, pereatisque velociter de terra optima, quam Dominus daturus est vobis. 18. (d) Ponite haec verba mea in cordibus & in animis vestris, & suspendite ea pro signo in manibus, & inter oculos vestros collocare. 19. Docete filios vestros ut illa meditentur, quando sederis in domo tua, & ambulaveris in via, & accubueris atque surrexeris. 20. Scribes ea super postes & ianuas domus tuae: 21. ut multiplicentur dies tui, & filiorum tuorum, in terra quam iuravit Dominus patribus tuis, ut daret eis quamdiu caelum imminet terrae. 22. Si enim custodieritis mandata quae ego praecipio vobis, & feceritis ea, ut diligatis Dominum Deum vestrum, & ambuletis in omnibus viis eius, adherentes ei, 23. disperdet Dominus omnes gentes istas ante faciem vestram, & possidebitis eas quae

quæ maiores & fortiores vobis sunt. 24. (e) Omnis locus quem calcaveritis vestri, vestri erit. A deserto, & a Libano, a flumine magno Eufrate usque ad mare occidentale erunt termini vestri. 25. Nullus stabit contra vos: terrorem vestrum & formidinem dabit Dominus Deus vestri super omnem terram quam calcaturi estis, sicut locutus est vobis. 26. En propono in conspectu vestro hodie benedictionem, & maledictionem: 27. benedictionem, si obedieritis mandatis Domini Dei vestri, quæ ego hodie præcipio vobis: 28. maledictionem, si non obedieritis mandatis Domini Dei vestri, sed recesseritis de via quam ego nunc ostendo vobis, & ambulaveritis post deos alienos, quos ignoratis. 29. Cum vero introduxerit te Dominus Deus tuus in terram ad quam pergis habitandam, populus benedictionem super montem Garizim, maledictionem super montem Hebal: 30. qui sunt trans Iordanem, post viam quæ vergit ad solis occubitum, in terra Chananæi, qui habitat in campestribus contra Galgalam, quæ est iuxta vallem tendentem & intrantem procul. 31. Vos enim transibitis Iordanem, ut possideatis terram, quam Dominus Deus vestri daturus est vobis, ut habeatis & possideatis illam. 32. Videte ergo ut impleatis caeremonias atque iudicia, quæ ego hodie ponam in conspectu vestro.

(a) Num. xvi. 2. (b) Num. xvi. 32. (c) Sup. x. 12. (d) Sup. vi. 6. (e) Ios. i. 3.

B R U G E N S I S

ROMANA CORRECTIO.

V. 10. Ad quam ingrederis possidendam.

Non mutes præfens *ingrederis* cum futuro *ingredieris*.

C O M M E N T A R I A

S A.

Vers. 1. **P**RÆCEPTA. Hebr. *observa-*
tionem; id est, quæ observari
vult, scilicet quæ sequuntur, caeremonias,
&c.

V. 2. COGNOSCITE, id est cogitate,
recordamini. DISCIPLINAM, scilicet
qua vos Dominus erudit.

V. 10. DUCUNTUR. scilicet per sulcos.

V. 12. INVISIT. LXX. *visitat*. Hebr.
quærit. Chald. *requirit*; quasi dicat, curat.

V. 14. DABIT: sic LXX. at Hebr. &
Chald. *dabo*. TEMPORANEAM, scilicet
Autumno, iacta semine. SEROTINAM,
scilicet Vere, quando seges grandior.

V. 18. COLLOCATE. Hebr. *Sint in*
frontalia.

V. 19. ILLA MEDITENTUR. Hebr.
De illis loquantur. ACCUBUERIS, sci-
licet ut dormias.

V. 20. SUPER POSTES. Hyperbolica
Bib. Sac. Tom. III.

commendatio. August. quæst. xvii. in
Deuter.

V. 21. QUAMDIU CAELUM IMMI-
NET TERRAE. Hebr. Chald. & LXX.
sicut dies cæli super terram.

V. 23. EAS, id est earum bona.

V. 24. A DESERTO, scilicet Meridie.
LIBANO, scilicet Septentrione. EUFRA-
TE, scilicet Oriente, ex parte. Nota, id
accidisse tempore Salomonis.

V. 26. BENEDICTIONEM, ET MA-
LEDICTIONEM, id est felicitatem, &
infelicitatem.

V. 28. OSTENDO. Hebr. Chald. &
LXX. *præcipio*. IGNORATIS, scilicet es-
se deos: solum enim verum Deum nostis
esse Deum; vel quasi dicat, antea vobis
ignotos.

V. 29. GARIZIM. Vide infra xxvii.
cap. & Ios. viii.

V. 30. CONTRA, id est e regione.
QUAE EST IUXTA, &c. pro iis omni-
bus,

bus, Hebr. est solum, *iuxta Elone*, id est *querceta Moreb* (qui locus secundum quoddam est iuxta Sichem. At Hieronymus in Locis Hebr. ait, Garizim, & Hebal esse prope Iericho, & non prope Sichem. At Iudic. ix. apparet Garizim esse prope Sichem. Sed dicerem esse alium eodem nomine. Chald. in *latere planitiei Moreb*. LXX. *prope excelsum quercum*.

V. 32. PONAM. Hebr. & LXX. *do*, id est *propono*. Chald. *pono*,

E S T I I.

Verf. 10. **T**ERRA ENIM AD QUAM INGREDIERIS... NON EST SICUT TERRA AEGYPTI, &c. Non hic fit comparatio terræ Aegypti cum terra Chanaan in fertilitate (Idem huic loco est impertinens. Et sunt qui putent terram Aegypti fertilitate, potissimum frumenti, superasse terram promissionis, propter Nili irrigationem.) Sed fit comparatio in modo irrigationis terræ. Nam in Aegypto, ut hic dicitur, in hortorum morem ex Nilo aquæ ducebantur irriguæ; in terra vero Chanaan de cælo dabatur pluvia ad irrigationem agrorum. Est autem utilius, & commodius populo de cælo expectare pluviam, quam per sulcos ducere aquas irriguas. Nam istud est operationis humanæ, illud autem peculiariter divini ac cælestis beneficii; & proinde etiam admonetur homo, de cælo semper expectare subsidium opportunum: cuius rei facile oblivisceretur, si propria arte & industria terram irrigaret, & auxilium Dei de cælo sentiret sibi non esse necessarium.

V. 18. SUSPENDITE EA PRO SIGNO IN MANIBUS, ET INTER OCULOS COLLOCATE, &c. Similia verba habentur supra cap. vi. Hæc autem secundum proprietatem litteræ nemo Israelitarum eo tempore fecisse commemoratur, vel legitur. Unde putant multi hyperbolicam esse commendationem mandatorum Dei: quia videlicet non aliud significetur, quam semper, & ubique per oculos habenda esse præcepta Dei. Potest etiam dici sermo esse allegoricus sive parabolicus, ut ex rebus corporeis res spirituales intelligantur. Iuxta hunc sensum

suspendit, seu ligat mandata Dei pro signo in manibus qui in omni opere studeat implere mandata Dei; collocat inter oculos qui numquam obliviscitur, sed mentis oculos semper in ea intentos habet; scribit in limine, & super postes & ianuas domus suæ qui sive intret domum suam, sive egrediatur, semper mandata Dei memoria, & cogitatione revolvit. Atque hæc, & similes exhortationes non minus ad Christianos pertinent quam ad Iudeos.

V. 21. QUAMDIU CAELUM IMINET TERRÆ. Significatur vel huius mundi secundum præsentem statum duratio (nempe quia, secundum promissiones Dei, si filii Israel non peccassent, numquam ex ea terra eieciti fuissent;) vel tempus valde longum, videlicet durationis saltem veteris testamenti. Sed prior sensus melior videtur, utpote quod promissio hæc, quod semper essent eam terram possessuri, & numquam inde eiicerentur, fuit tantum conditionalis: sic enim immediate post ista verba subiicitur: *Si enim custodieritis mandata... disperdet Dominus omnes gentes ipsas ante faciem vestram, & possidebitis eas*.

V. 24. A DESERTO, ET A LIBANO, A FLUMINE MAGNO EUPHRATE USQUE AD MARE OCCIDENTALE ERUNT TERMINI VESTRI. Termini terræ promissionis designantur: videlicet a monte Libano, qui est in Septentrione, usque ad desertum Zin, quod spectat Meridiem, & a flumine Euphrate, quod est in Oriente, usque ad Magnum mare, quod respicit Occasum. Et notandum quod hic populus totam hanc terram his limitibus comprehensam tenuit tempore Salomonis; sed postea propter transgressionem suam in angustias redactus fuit, limitibus eius coarctatus.

M A R I A N A E.

Verf. 1. **O**BSEVA PRÆCEPTA EIUS. Hebr. *Custodi custodias eius*: sic Sept. sed *custodiæ*, præcepta sunt.

V. 2. COGNOSCITE HODIE QUAE IGNORANT FILII VESTRI. Oratio in Hebræo defectiva: sic enim ait: *Cognoscite hodie, quia non ad filios vestros, qui non cognoverunt, & qui non viderunt, &c. supplet*

plet Pagn. Non ad filios vestros (loquor.)
Suppleri etiam potest, Locutus est Dominus.

V. 6. ET UNIVERSA SUBSTANTIA
EORUM. Vox Hebraica יקום iekum ab
omnibus hoc loco per substantiam reddi-
tur. In uno Hebræo invenio significare
כל היקל הווי, omne quod vivit in terra:
sic Gen. vii. Et delebo omnem substantiam
quam feci, de superficie terræ, ubi est ea
vox, & videtur loqui de viventibus, quo-
niam rursus ait: Delebit omnem substantiam
quæ erat super terram, ab homine usque ad
pecus. Quod vero in Hebræo hic additur,
Omnem substantiam quæ in pedibus eorum,
Hieron. Sept. & Chald. omittunt; sed si-
gnificat, quæ illis subdita erat: in pedibus,
pro sub pedibus: vel significat, in medio
eorum, inter eos.

V. 10. UBI FACTO SEMINE IN HOR-
TORUM MOREM AQUAE DUCUN-
TUR IRRIGUAE. Hebr. In qua seminas
semen tuum, & irrigas in pede tuo, ut hor-
tum oleris. In pede tuo, fortassis quod His-
panice dicimus, Agua de pie: sic dicitur
aqua per rivos deducta in areas secus
quam pluvia. Loquitur de Aegypto.

V. 12. SEMPER INVISIT. Hebr. in-
quirit eam, scilicet in terram: in ea ver-
tatur Deus.

V. 14. DABIT PLUVIAM. Hebr. Da-
bo pluviam terræ vestræ: sic Gorth.

V. 15. ET UT IPSI COMEDATIS AC
SATUREMINI. עשב hešeb Hebraica
vox significat omnem herbam, etiam ole-
ra, & segetes, & legumina: sic Psalm.
cxlvi. vers. 8. Et herbam servituti homi-
nis, pro herba est illa vox, quam Hie-
ronymus hic, & aliis locis fenum reddit.
Ex hoc verba illa Luc. xii. vers. 28. Fe-
num quod hodie est, & cras in clibanum
mittitur, de frumento quidam accipiunt:
alioqui feni veri quis ulus in clibano? Sic
hoc loco fenum se dixit daturum in esum
iumentorum, & ut homo comedat & sa-
turetur.

V. 18. ET INTER OCULOS VESTROS
COLLOCATE. Hebr. Et erunt in laminas
(seu frontalia) inter oculos vestros verba
mea.

V. 20. SUPER POSTES ET IANUAS,
id est super aliquo e postibus, aliqua e
ianuis: ut illud: Sepultus est in urbisus Is-
rael: Iudic. xii. vers. 7.

V. 21. QUANDIU CAELUM IMMI-

NET TERRAE. Hebr. sicut dies cæli, id
est secundum eorum durationem; id est,
perpetuo multiplicentur dies tui, o Israel,
& filiorum tuorum.

V. 24. A FLUMINE MAGNO EUFRA-
TE. Magno non est in Hebræo. USQUE
AD MARE OCCIDENTALE. Hebr. ma-
re postremum: nam venientibus a deserto,
postremo loco occurrebat, post Mare mor-
tuum, & mare Cinereth; vel quoniam a
tergo est veris ad Orientem oculis. Sept.
& Chald. vertunt ut Hieronymus, Mare
occidentale, scilicet Mediterraneum.

V. 26. EN PROPO. Hebr. Vide,
ego do; sed vide frequenter sumitur pro
ecce.

V. 27. BENEDICTIONEM, SI OB-
EDIERITIS. Hebr. Quando audieritis; sed
omnes Interpretes vocem quando accipiunt
pro si.

V. 29. SUPER MONTEM GARIZIM.
Hieronimus in Locis Hebraicis ait esse
prope Iericho, alii prope Sichem, ex Iudic.
Lib. cap. ix. vers. 7.

V. IUXTA VALLIEM TENDENTEM
ET INTRANTEM PROCUL. Hebræo
מאל מרה. Hieronymus pro loco
semper vertit valem, alii quercum seu
quercetum: & more, pro qua voce Hie-
ronymus posuit tendentem & intrantem, a
ירי iarah, quod est iacere. Alii putant es-
se nomen proprium; ut sit, iuxta quercus
More: & fortassis qui Gen. l. xiii. voca-
tur Mambre, idem hoc loco est More.

V. 32. UT IMPLEATIS CAEREMO-
NIAS. Hebr. statuta, præcepta.

MALVENDAE.

Vers. 1. **E**T OBSERVA PRAECEPTA
EIUS. Hebr. Et observabis
observationem, seu observationem eius: vel
& custodies custodiam eius, id est quæ ti-
bi custodienda, & observanda præcepit
CAEREMONIAS, IUDICIA, ATQUE
MANDATA. Sæpe hæc tria in lege con-
iunguntur. Plerique ita distinguunt, ut
חקות chukkot, statuta, sint ritus & care-
moniæ ad divinum, & ecclesiasticum cul-
tum pertinentes; מישפטים mischpatim, iu-
dicia, iura & leges civiles ad forum spe-
ctantes; מצוות mitzvot, præcepta, man-
data, quæ ad mores referuntur. Theolo-
gi appellant, Ceremonialia, Iudicialia, Mo-

ralia. Sed puto his tribus univérse totam legem circumscribi.

V. 2. **COGNOSCITE HODIE.** Quidam exponunt: Id est, opere & re ipsa ostendite vos scire, & tenere memoria quæ ignorant filii vestri, qui non viderunt disciplinam Domini, &c. Quia Hebr. *filii vestris*, præfigitur מן nota plerumque accusativi. Quidam reddunt: *Et sciote hodie* (non enim filios vestros alloquor; vel cum filiis vestris loquor qui non cognoverunt, neque viderunt) disciplinam, seu castigationem Iehovæ, &c. ut illud *Et sciote*, vel sciatis hodie, iungatur accusativis sequentibus, castigationem, &c. interiecta parenthesis, cuius parenthesis redditur ratio infra vers. 7. quare eos alloquatur, non filios, dicens: *Quia oculi vestri vident opus Domini magnum*, &c. ac si dicat: Non enim loquor de rebus futuris, sed de præteritis, quas filii vestri non viderunt. Alii magnum hyperbaton faciunt usque ad vers. 7. Et agnoscetis hodie, non filios vestros, qui non noverunt, neque sunt experti eruditionem Iehovæ, &c. sed oculos vestros fuisse qui viderunt quodcumque opus Iehovæ maximum, &c. Sed מן possit quoque esse nominativus articulus: *Et cognoscetis hodie, quia non filii vestri*; subaudi, id cognoscere poterunt, qui non cognoverunt, & qui non viderunt disciplinam IHH Dei nostri, id est qui non fuerunt de his coram edocli, & eruditi, magnitudinem eius, &c. Nos ex verbo expressimus: *Et cognoscetis hodie, quia non ad filios vestros* (subaudi, hæc spectant) *qui non cognoverunt*, & qui non viderunt castigationem, seu eruditionem Iehovæ, &c. **DISCIPLINAM.** מוסר *musar*, aiunt esse disciplinam, castigationem, correptionem, eruditionem, correptionem, increpationem, qua homines coercentur seu verbo, seu re; id est, quibus modis vos erudierit, corripuerit, instituerit post egressum ex Aegypto.

V. 6. **CUM DOMIBUS ET TABERNACULIS.** Hebr. & domos eorum, & tentoria eorum. Quidam secundum & pro id est accipiunt: & domos eorum, id est tentoria eorum. Nam Israelitæ in deserto non domos, sed tentoria seu thrichilas vel casas habebant more Arabum Scenitarum, quæ illiserant loco domorum. Alii, domos eorum, id est domesticos & familiares: quod Numer. xvi. vers. 32. Et o-

mnem hominem, qui ipsi Korach. Et UNIVERSA SUBSTANTIA EORUM, QUAM HABEBANT, &c. De voce יקום *iekum*, quam Noster substantiam est interpretatus, diximus Genes. vii. vers. 4. Sed varie hunc locum reddunt. I. Et omnem substantiam, quæ erat in pedibus eorum; id est, quam habebant præsentem, vel quæ erat in potestate & in dominio eorum. Substantia enim eorum consistebat in armentis & gregibus. Pecunias hic & opes quidam Hebræorum intelligunt: nam pro *iekum* quod hic ponitur, Numer. xvi. vers. 32. scribitur רכוש *recussh*, Hispanice, *riqueza*, *divitie*. II. Et omnia corpora viventia, quæ erant in pedibus eorum; seu quæ sequebantur eos. Notant similem phrasim esse Exodi xi. vers. 8.

V. 7. **OCULI VESTRI VIDERUNT;** ac si dicat: Id plane singulare in vos beneficium est, quod hæc omnia tam ingentia opera, ætate vestra, vobis spectantibus, fruuntibusque, edita sunt. Sic supra cap. iv. vers. 3.

V. 10. **UBI IACTO SEMINE IN HORTORUM MOREM AQUAE DUCUNTUR IRRIGUAE.** Hebr. *In qua seminabis semen tuum, & irrigabis in pede tuo, sicut hortum oleris, vel leguminis.* Quidam, *Irrigabis in pede tuo*, exponunt, humana opera & industria deducere aquas per fossas, rivos, aut sulcos, quo quis vult; quasi eam sensum & pedetentim deducere. Alii exponunt: *Ut irriges labore pedis tui*, id est deferendo aquam, aut rivos deducendo. Hispanice aquam continuam & perennem ex nativis fontibus, vel rivulis, aut fossis iugiter defluentem, vocamus aqua de pie, id est firmiter manantem. Notissimum ex auctoribus est Aegyptum imbribus carere, atque ex fossis, & rivis & Nilo ductis irrigari: unde Seneca Lib. IV. Naturalium Quaestionum cap. 11. *Aur nulli imbres sunt, aut rari, & qui insuetam aquis caelestibus terram non adiuvant: quare*

... nec pluvio supplicat herba Iovi. Nec sine causa Moies adiecit illud videtur, Sicut hortum oleris, vel leguminis, aut viroris: quod in Aegypto olera & legumina mire provenirent. Plinius Lib. XVIII. cap. vii. *Erumpunt a primo saturo legumina quarto, vel cum tardissime septimo die: legumina in Aegypto tertio die.*

V. 11. 5

VII. DE CAELO EXPECTANS PLUVIAS. Ac si dicat: Eo melior est Chanaan terra Aegypti, quod in Aegypto oporteat irrigari agros more hortorum; cum illic non pluat, sed Nilus certo anni tempore loco pluviae totam terram sua inundatione irriget & fecundet; & extra illud tempus, aërens terra, multo labore & opera, fossis & rivis e Nilo deductis humectetur. At terra Israel nullo labore bibit aquam ex pluviis caelestibus, quas Dominus tempore opportuno immittit.

V. 14. TEMPORANEAM. יֹרֵחַ ioreb aiunt esse *pluviam*, quae iacta semente decedit, quam germinare facit, excitat, secundat, & provehit: nempe *pluviam autumnalem*, quae in principio anni, hoc est octobri, qui est Hebraeus fere principium anni civilis, & saecularis, post iactam sementem cadit, quae sequitur culturam, & quae antecedit collectionem proventuum. Quidam sic dictam volunt a proiciendo, quod eo tempore cadat quo semina iniiciuntur & committuntur humo; vel quod impetu iaciatur e nubibus. Alii ab erudiendo & docendo, quod quasi doceat, erudiat, ac informet terram ad producendum sementem acceptam. Nec desunt qui a יֹרֵחַ ioreb deducant, quod terras inebriet. Nonnulli *matutinam*; alii *primitivam*; plerique *temporaneam*, *temporariam*, *preproperam* vertunt. Hispanicus Interpres, *temprana*. ET SEROTINAM. מַלְקוֹשֶׁב Malkosch, notant esse *pluviam*, quae *serius* cadit, cum iam grandior est seges, & eam ingrossat: nempe quae illo tempore decedit quo ea segetes ante maturitatem maxime opus habent: scilicet ubi iam in culmos & spicas succreverunt, ut grana turgescant & maturescant. Plerique *serotinam* interpretantur. Hispanicus Interpres, *tardis*. Alii, *collectionis frugum*: nempe quae ante collectionem proventuum cadit. Nonnulli, *scilicementi*; id est, quae cadit post primam defalcationem, seu demissionem feni cordi, seu graminis luxuriantis. Quidam a מַלְקוֹשֶׁב lakosch derivant, quod est *iardare* praeteritum Chaldaice. Notant esse *pluviam* quae mense martio, vel aprili, vel maiu effunditur, *pluviam verni temporis*. Hebraei duas has pluvias ita distinguunt: יֹרֵחַ ioreb, est *pluvia mensis octobris descendens lenis, non turbulenter, sensim erudiens terram ad acceptum semen*

producendum, sicut homo inbibit *discipulum suum*, doctrinam ipsius illando; מַלְקוֹשֶׁב Malkosch est *pluvia mensis mali, sic dicta quod sit מַלְקוֹשֶׁב Malkosch, quasi circumcidens, & excindens segetes, eas scilicet maturando, ut demetantur; aut בקֶּשֶׁת הַחֶבֶא beqesch hebea memalle, battebub, bekaschbeao, implens fruges, seu proventus, existentes adhuc in stipulis sive calamis suis: quod spicas scilicet impleat, ac perficiat, granaque turgida reddat. Aliqui observant, S. Iacobum alluisse ad utramque istam *pluviam* cap. v. vers. 7. & ita reddidisse: Ecce agricola exspectat pretiosum fructum terre, patienter ferens in eum donec accipiat וְיֵרֶד מִן הַשָּׁמַיִם יֶזֶד יָמֹוֹ, id est *pluviam preproperam & seram, seu serotinam*.*

V. 16. CAVE TE. Hebr. *observari eris, attendetis vobis*. Quidam putant huc alluisse Matthæum cap. vii. vers. 15, & Interpretem eius reddidisse, Προσέχετε, Attendite a pseudo prophetis. DISCIPIATUR. Futuro יִתֵּב ipseb omnia ista subsunt, persuadebitur, laetabitur, blandis verbis allicietur, inducetur, insatiabitur, consentiente voce, seducetur, blandescet, parvulescet, pueralescet. Vide Genes. ix. vers. 27.

V. 18. PONITE HAEC VERBA MEAE, &c. Hunc versum habes supra cap. vi. vers. 6. & 8.

V. 19. DOCE TE FILIOS VESTROS; &c. Hunc versum etiam habes cap. vi. vers. 7.

V. 20. SCRIBES EA SUPER POSTES, &c. Et hic quoque versus ponitur supra cap. vi. vers. 9.

V. 21. QUAMDIU CAELUM IMINET TERRAE. Hebr. *sicut dies celi super terram*; id est, quamdiu caelum erit, nempe in saeculum, seu in perpetuum: vel quam multi sunt dies celi super terram: aut quamdiu caelum circum terram volvitur.

V. 24. A DESERTO, nempe magno illo Tzin, nimirum ab australi plaga versus Mare rubrum: de quo Numer. xxi. vers. 22. & Numer. xxxiii. vers. 36. ET A LIBANO. Septentrionalis limes. A FLUMINE MAGNO EUPHRATE. Hebr. *a fluvio fluvio Euphratis*. Euphrates antonomasice in Scriptura flumen, seu fluvius absolute vocatur: unde cum dixisset simpliciter *a fluvio*, adiecit exegesis, id est *a fluvio Euphratis*. Alii *germinationem istam*

istam positam volunt ad indicandum maximum, & nobilissimum, ac celeberrimum fluvium esse Euphratem, terminum orientale promissæ terræ. Vide Genes. xv. vers. 18. USQUE AD MARE OCCIDENTALE. Hebr. usque ad mare posterius, vel posterum, id est occidentale, seu Mediterraneum: nam ut Oriens pars anterior, sic Occidens posterior pars dicitur. Sic infra cap. xxxiv. vers. 2. Nam sic esse intelligendum arguit interpretatio Iosue 1. vers. 4. & cap. xiii. vers. 4. Vide de his terminis terræ promissæ supra cap. 1. vers. 7. Numer. xxxiv. vers. 2. & seqq.

¶ 25. TERROR EM VESTRUM ET FORMIDINEM, &c. Vide supra cap. ii. vers. 25.

¶ 29. PONES BENEDICTIONEM. Hebr. Et dabis, seu eder benedictionem, scilicet publice, audiente populo. Describitur autem benedictio, & maledictio infra cap. xxvii. & xxviii. quæ a Iosue executioni mandatur, Iosue viii. vers. 33. & seqq. SUPER MONTEM GARIZIM SUPER MONTEM HEBAL. Situm duorum istorum montium accurate describit Moyses vers. seq. 30. nempe esse trans, seu ultra Iordanem, videlicet respectu situs locorum ubi tunc Israelitæ manebant, & ubi ipse hæc scribebat, post viam regiam; tendentem ad solis occasum, nempe versus mare Mediterraneum; in terra Chananæi, qui habitabat in campibus prope Galgalam, & prope Elone Moreh. Atqui utrumque montem non longe abesse a Sichem, ex situ horum locorum quæ hic describit Moyses, manifestissime liquet: nam & Chananæus habitabat in terra Sichem, & Elone Moreh non procul distabat a Sichem. Genes. xii. vers. 6. Et transiit Abram in terra usque ad locum Sechem usque ad Elon Moreh: & Chananæus tunc erat in terra. Iosephus Lib. IV. Antiquit. cap. viii. Non procul a Sicinis urbe, inter duos montes, dextrum Garizeum, sinistrum Gibalem. Et Lib. V. cap. 1x. Conscenso monte Garizico, qui Sicinis imminet. Itinerarium Burdegalense: Civitas Neapolis, ibi est mons Agazerem. Damascius in Bibliotheca Photii, column. 1055. Neapolis in Palestina iuxta montem, cui nomen Hargarizum. Lunxit duas voces Hebræas, הר הר, id est mons, & גרזים Gerizim. Auctor Locorum Hebraicorum

Novi Testamenti: Sichem civitas Iacob, nunc Neapolis dicta, iuxta sepulcrum Ioseph: quæ a filio Emor sui regis vocabulum sumpti: iuxta quam Dominus Samaritanæ mulieri loquitur ad fontem: ubi nunc Ecclesia fabricata est, ex latere montis Garizim. Beniamin Tudelensis in Itinerario, pag. 39. A Sebaste, seu Samaria duabus leucis Nebilas (forte Neapolis) distat, Sichem olim dicta, in monte Eporaim, ubi nulli Iudei sunt: iacetque urbs in profunda valle inter Gerizim, & Hebal montes: in qua Cutheei circiter centum sunt, solius Moisaicæ legis tantum observatores (hos, uti dixi, Samaritanos appellant.) Faciunt autem sacrificia & incendunt holocausta in synagoga, quam habent in monte Garizim, citantes illud quod scriptum est in lege: Et dabis benedictionem super montem Garizim. Est autem Garizim mons fontibus, & hortis amœnus; contra vero Hebal aridus. saxis & lapidibus plenus: atque inter utrumque, uti diximus, urbs ipsa Sichem sita est. Brocardus: Sichem, quæ hodie Neapolis vocatur, amœnitate, & deliciis nullo loco inferior. Haud longe a porta eius australi est fons Iacob, in via quæ ducit Ierusalem, ubi Dominus sedens super puteum porum postularit a muliere Samaritana. Supra fontem istum ad dexteram est mons Excelsus, habens duo capita, quorum unum est mons Garizim, aliud mons Ebal: de quibus in Deuteronomio legimus. Eadem habet. alter Brocardus de Monte Sion. Et verò Garizim tam prope abfuisse a Sichem, ut in ea urbe posset recte exaudiri vox loquentis ex eo monte, diserte scribitur Iudic. ix. vers. 7. Nec dubium est, quin Samaritana loquens cum Christo ad fontem Sichem, proximum montem digito demonstrarit, ipsum scilicet Garizim, dicens: Patres nostri in monte hoc adoraverunt. Ioan. iv. vers. 20. Atqui Hebræorum, Samaritanorum, & nostrorum omnium sacrorum topographorum consensio est, montes Garizim, & Hebal prope Sichem esse: & Scriptura mire consentit. Quæ cum ita sint, mirum, Eusebium, & S. Hieronymum in locis Hebraicis ista perscripsisse: Hebal mons in terra repromissionis, ubi ad imperium Moysi altare construxit. Sunt autem iuxta Hierichum duo montes vicini contra se invicem respicientes: & quibus unus Garizim, alter Hebal dicitur. Porro Samaritani arbitran-

tur hos duos montes iuxta Neapolim esse; sed vehementer errant: plurimum enim inter se distant, nec possunt invicem benedicientium, sive maledicentium inter se audiri voces, quod Scriptura commemorat. Garizim mons, super quem steterunt qui maledicta resonabant, iuxta supradictum montem Ghebal. Gogel, quæ & Galgal, iuxta quam montes esse scribuntur Garizim, & Ghebal. Galgal autem locus est iuxta Hiericho. Errant igitur Samaritani qui iuxta Neapolim Garizim, & Ghebal montes ostendere volunt; cum ipsos iuxta Galgal esse Scriptura testetur. In eandem sententiam S. Epiphanius Herefi 1x. Nam si quis exatle de monte Garizim perscrutari velit, huic sciendum est, quod ad Ierichuntem siti sunt duo montes, cum Garizim, tum Hebal, trans Iordanem ad orientem Hierichuntis. Sed multo verius est quod antea diximus. Vide ea de re Diatribam apud Masium in Iosue VIII. ex quo alii. De Galgala dicemus Iosue IV. vers. 19. & cap. V. vers. 9. Quidam Garizim plurale faciunt, ad montem Garizimorum: & ab excidendo dictum volunt, quod in eo fortasse multa, & pulchra ligna exciderentur; aut essent in eo lapidearum insignes.

V. 30. CONTRA GALGALAM. Galgal quidem non procul aberat a Iordane; sed מול mul, e regione, contra, ante, versus, etiam de regionibus distis procul inter se, dici annotant. Sic campestris Moab dicuntur esse מול mul, e regione Maris rubri, supra cap. I. vers. I. cum procul abessent. Vide ibi. IUXTA VALLEM TENDENTEM ET INTRANTEM PROCUL Heb. iuxta, prope, penes, apud Elone Moreh. Diximus de Elone Moreh accurate Genes. XII. vers. 6. satis constat vel fuisse Sichem, vel non procul, ut ibidem dicitur. Hic varie convertunt. 1. arbores Moreh; 2. campestris Moreh; 3. planitiem Moreh; 4. quercus, querceta Moreh; 5. ilices, iliceta Moreh; 6. alnos Moreh. Noster מרה moreh, ut nomen appellativum a נאה naah deduxit, intellexitque planitiem, seu vallem longo tractu protensam & conspicuam.

MENOCHII.

Vers. 2. **C**OGNOSCI TE, id est considerate. DISCIPLINAM, castigationem qua vos Deus erudit.

V. 4. DELEVERIT EOS: AEGYPTIOS.

USQUE IN PRAESENTEM DIEM, omnino, ita ut nunc nemo superstes sit qui vobis noceat.

V. 6. FILIUS RUBEN, de tribu Ruben. CUM DOMIBUS, cum filiis, & familia.

V. 8. UT CUSTODIATIS UNIVERSA MANDATA EIUS; hoc est, quæ res vobis stimulo esse debet ad Dei mandata custodienda.

V. 10. UBI.... AQUAE DUCUNTUR IRRIGUAE. Hebr. Quam rigabas pede sicut bortum, labore pedum, dum aqua portatur; vel dum huc illic pedibus discurrendum, ut aqua areolas omnes hortorum infundat. Vidi in hortis oultores, dum per sulcos ad sua olera derivant, pedis oppositu vel aquam sistentes, vel alio deflecentes.

V. 11. DE CAELO EXPECTANS PLUVIAM, quæ si suis adsit temporibus, utilior satis est, & arboribus. Hebr. De pluvia celi bibit aquam. DEUS SEMPER INVISIT, quasi intentus ad benefaciendum illi temporibus opportunis.

V. 14. TEMPORANEAM, ET SEROTINAM. Pluvia temporanea est quæ mature, & tempestive mense octobri, iactis in terram seminibus, in Iudæa depluit, & semina germinare facit. Serotina est quæ sero mense aprili, aut maio depluit, frugesque, & fructus ad maturitatem perducit. Significat ergo hæc phrasis omnem pluviam tempestivam opportunam frugibus.

V. 18. SUSPENDITE EA PRO SIGNO: assidue ea vobis proponite. Vide dicta cap. VI. num. 8.

V. 19. QUANDO SEDERIS IN DOMO TUA, &c. ubique, omni tempore, & loco.

V. 21. QUAMDIU CAELUM IMMINET TERRÆ. Proverbialis forma dicendi: significat in æternum. In Hebr. est, iuxta dies celi super terram.

V. 22. VIIS EIUS, mandatis eius.

V. 24. OMNIS LOCUS QUEM CALCAYERIT PES VESTER, VESTER ERIT. Intellige intra terminos illis a Deo assignatos: neque enim totam terram, vel quidquid ubivis terrarum vestigio premerent, voluit Deus illorum possessioni assignari, ut suo more Rabbinii somniant.

V. 26. PROPONO: optionem do.

V. 29. PONES BENEDICTIONEM

SUPER MONTEM GARIZIM, MALEDICTIONEM SUPER MONTEM HEBAL. Cum Israelitæ pervenissent in montem Hebal, sex tribus in eo constiterunt, alix sex in proximo iugo montis Garizim. Interim sacerdotes inter utrumque iugum consistentes, modo benedictiones in observatores legis, modo maledictiones, & diras in eam violantes iaciebant, populus vero ad singulas sive maledictiones, sive benedictiones respondebat, Amen. Cum ergo benedictio pronuntiata fuerat, munus respondendi pertinebat ad eos qui erant in monte Garizim; cum maledictio, ad eos qui erant in iugo Hebal. Itaque, *Pones benedictionem, & maledictionem*, idem est ac benedices, aut maledicentes, ut explicatum est. Vide infra cap. xxvii. & Iosue cap. viii. a num. 30. usque ad finem.

V. 30. IUXTA VALLEM TENDENTEM, ET INTRANTEM PROCUL; hoc est, iuxta Aulon vallem in ingentem quamdam longitudinem protensam. Hæc vallis illa est quæ Genes. xiii. 6. vocatur *Convallis iustitix*.

T I R I N I.

Verf. 10. **U**BI IACTO SEMINE, quod in Aegypto fit post Nili inundationem, IN HORTORUM MOREM AQUAE DUCUNTUR IRRIGUAE. Ergo præter inundationem Nili spontaneam, quæ incipit a solstitio æstivo collecta iam messe, duratque fere centum diebus, nempe usque ad æquinoctium autumnale, teste Plinio, Diodoro Siculo, & Herodoto a; alia opus est Aegyptiis irrigatione, fat molesta & laboriosa, qua delapsis iam Nili aquis, & novo semine terræ limosæ commissio, necessum est agros subinde arte irrigari. Hunc in finem fossæ ubique ductæ, quibus varias in partes per totam Aegyptum Nilus derivatur, testibus iam citatis, itemque Iustino, & nuper Duce Radzivillo inspectore oculato: qui addit, traditionem esse, fossas illas ab Hebræis cum in Aegypto servirent, effossas esse; & quidem aggeribus, & catractis ita munitas, ut aquas Nili præpropere, ut subinde fit, defluentes retinere possint quamdiu liberit; quin & insigni artificio ad altiora etiam remotioraque

Aegypsiloca, quo exundatio fluminis alioqui non pertingeret, aquas transmittunt, quæ absque illis exsukka & prorsus sterilia permanerent. Porro has fossas in quas Nilus ita exæstuat, longa vestibula oblimatas Augustus Cæsar militari opere dederit, inquit Suetonius b. Ex his ergo fossis haulta aqua sæpius irrigandi sunt agri semine iam consiti, hauriunt autem variis instrumentis seu machinis, quas Diodorus Siculus c dicit ab Archimede Syracusio adinventas fuisse, & a figura *Cochleæ* vocari. Sed posteris hæc cochleæ deservire potuerunt. Hebræorum tempore, & quod ad Archimedem usque excurrit, videntur Aegyptii alio vii instrumento seu trusatili, seu rotatili, quod manibus, pedibusve impellerent ad irrigationem illam perficiendam: nam in Hebræo, Chaldæo, & LXX. hic additur, irrigationem illam *pede fieri*, hoc est, instrumentis pede adactis.

Sed quid opus hac artificiosa, laboriosaque irrigatione, saltem iis Aegypti locis quæ Nilus antea sponte sua inundarat, & oblimarat? Respondeo. Quia limus ille quem recedens Nilus relinquit, etsi fat humidus sit ut semen incedum excipere, fovere, & aliquanto tempore nutrire possit; post paulo tamen per ardorem solis humore exsucto, cum raræ admodum, & si Hatoni, Plinio, Straboni, Herodoto, Philoni, Claudiano, Philostrato, & Pierio d credimus, nullæ sint pluvix, saltem in illa Aegypti regione; limus nimis induræsceret, neque semina excludere posset, nisi eiusmodi irrigatione subinde humectaretur.

Petes: Quando uvæ colligunt Aegyptii, & vindemiam faciunt, cum a solstitio æstivo usque ad æquinoctium, saltem tempore vindemiæ, teste Ecclesiastico cap. xxiv. verf. 37. aquæ omnem terram obtineant? Herodotus e dicit, Aegyptum vitibus vinoque carere. Sed verisimilius est, vina aliqua, sed minus generosa, illic colligi, & saltem linitibus ac cymbis vitæ adiri posse. Vide Macrobius, & Alexandrum Aphrodisæum f.

V. 24. OMNIS LOCUS QUEM CALCAVERIT PES VESTER, VESTER ERIT. Ex hoc, & simili loco Iosue i. verf. 3. Thalmodici Rabbinii somniant, voluisse Deum possessioni Iudeorum adscribi quidquid ubivis terrarum vestigio

suo premerent. Sed certum est ex iisque mox subduntur, id restringi intra terminos illis in terra promissa assignatos, & quidem non nisi sub conditione, si divinis mandatis essent obsequentes, ut dixi cap. i. vers. 7.

V. 29. PONES BENEDICTIONEM SUPER MONTEM GARIZIM, &c. Hoc est, eos qui benedictionem proclamabunt, pones a dextris in monte Garizim; qui vero maledictionem, a sinistris in monte Hebal. Qua ratione id factum, vide infra cap. xxvii.

V. 30. IN CAMPESTRIBUS CONTRA GALGALAM, seu e regione & iuxta Galgalam, ubi Iosue secundum fecit Hebræorum circumcisionem, & Pascha celebravit tertium ab egressu ex Aegypto, Iosue iv. & v. Erat hæc iuxta Iericho, & IUXTA VALLEM TENDENTEM, ET INTRANTEM PROCUL: Hebraice est, iuxta *Elon More*, id est iuxta Aulon vallem in ingentem quamdam longitudinem protensam. Hæc vallis Gen. xii. vers. 6. vocatur *Convallis illustris*.

(a) Plin. Lib. V. cap. ix. & Lib. XVIII. cap. xviii. Diod. Lib. I. Herodot. in Euterpe.

(b) Sueton. in August. cap. xviii.

(c) Diod. supra de Aegypto.

(d) Plato in Eponomie Plin. in Panegyri. ad Traianum, & supra Strabo Lib. III. Herod. supra. Philo Lib. I. & III. de Moyse. Claud. Carmine de Nilo. Philostrat. apud Plerum in Hieroglyph. Lib. XLVI. de Nilo.

(e) Herod. supra.

(f) Macrobi. Lib. VII. Saturnal. cap. viii. Aphrodis. Problem. Lib. I.

G O R D O N I.

Vers. 3. COGNOSCE HODIE QUAE IGNORANT FILII VESTRI, &c. Alloquitur eos qui infra vigesimum annum egressi sunt Aegyptum, & nunc sunt seniores, & quorum filii non viderunt illa Dei magnalia.

V. 6. DATHAN ATQUE ABIRON.... ELIAB.... FILIUS RUBEN; certe medius, seu nepos, ex Num. xxvi. De hac vero historia Dathan, vide Num. cap. xvi. Septuaginta in melioribus codicibus, pro substantia habent *ὁπλισται*; qui tamen, ut

dixi Genes. vii. vers. 4., pro substantia posuerunt *ὁπλισται*, quamvis tam ibi, quam hoc loco sit in Hebr. *ἄνθρωποι*, ut ibidem observavi.

V. 10. TERRA ENIM, &c. Non asserit Moses, nusquam esse pluvias in Aegypto, sed fertilitatis maximam partem esse ab inundatione Nili: non sic in terra promissa. Ceterum docent Recentiores, in Aegypto esse quidem aliquando pluvias, sed rarissimas. Adricomius, & Torniellus, ad annum 2320. Vide Hieron. Ezech. xxiv. his consentientem. Hinc Moses vers. 13. & 14. hortatur ad timorem Dei, a quo est pluvia, & necessaria terræ promissa.

V. 14. Pluviam hic promittit opportunam ad fertilitatem. Et vers. 21. multiplicatio promittitur quamdiu cælum terræ imminet, utique si non peccabit populus, uti indicant subsequencia. Illud vero de pluvia temporanea, & serotina, non male aliqui interpretantur de mensibus octobris, & aprilis, quando faciuntur semina, & fruges maturescunt.


V. 21. QUAMDIU CAELUM. Hebr. *sicut dies celi*; hoc est, secundum eorum durationem.

V. 24. OMNIS TERRA, scilicet intra hos quatuor terminos. Nec statim hoc factum, peccante sæpius populo. Quando autem ad hos terminos ventum sit, vide Exod. cap. xxiii.

V. 26. BENEDICTIONEM, ET MALEDICTIONEM: felicitatem, & miseriam.

V. 29. GARIZIM, & HEBAL sunt duo vicini montes in tribu Ephraim, iuxta Sichimam. In uno ponenda benedictio, in altero maledictio: illa in servantes legem, ista in transgressores. Quomodo autem hoc totum fieri debeat, docet Moses cap. xxvii. Et mandatum est hoc executioni Iosue cap. viii. vers. 30. Vide Iosephum Lib. IV. Antiq. cap. ult. & Lib. V. cap. i. Locus describitur hic vers. 30.

V. 30. Notat vallem magnam, & pulchram: & Gen. xii. vers. 6. vocatur *Illustris*. Est iuxta Sichem: secundum alios, iuxta Iericho. Vide Hierem. cap. xxvii. & Iosue viii.



CAPUT XII.

Præcipit exterminari idololatriam, decimas ac primitias reddi, sacrificia certo loco exolvi, & comedi, sanguinemque vitari.

I.  **H**æc sunt præcepta atque iudicia, quæ facere debetis in terra, quam Dominus Deus patrum tuorum daturus est tibi, ut possideas eam cunctis diebus quibus super humum gradieris. 2. Subvertite omnia loca, in quibus coluerunt gentes, quas possessori estis, deos suos super montes excelsos, & colles, & subter omne lignum frondosum. 3. (a) * Dissipate aras eorum, & confringite statuas, lucos igne comburite, & idola comminuite: disperdite nomina eorum de locis illis. 4. Non facietis ita Domino Deo vestro: 5. sed ad locum quem elegerit Dominus Deus vester de cunctis tribubus vestris, ut ponat nomen suum ibi, & habitet in eo, venietis: 6. & offeretis in loco illo holocausta & victimas vestras, decimas & primitias manuum vestrarum, & vota atque donaria, primogenita bouum & ovium. 7. Et comedetis ibi in conspectu Domini Dei vestri: ac lætabimini in cunctis ad quæ miseritis manum vos & domus vestra, in quibus benedixerit vobis Dominus Deus vester. 8. Non facietis ibi quæ nos hic facimus hodie, singuli quod sibi rectum videtur. 9. Neque enim usque in præsens tempus venistis ad requiem, & possessionem, quam Dominus Deus vester daturus est vobis. 10. Transibitis Iordanem, & habitabitis in terra, quam Dominus Deus vester daturus est vobis, ut requiescat a cunctis hostibus per circuitum: & absque ullo timore habitetis. 11. in loco quem elegerit Dominus Deus vester, ut sit nomen eius in eo: illuc omnia quæ præcipio, conferetis, holocausta, & hostias, ac decimas, & primitias manuum vestrarum: & quicquid præcipuum est in munibus, * quæ vovebitis Domino. 12. Ibi epulabimini coram Domino Deo vestro, vos & filii ac filia vestra, famuli & famulae, atque Levites * qui in urbibus vestris commoratur: neque enim habet aliam partem, & possessionem inter vos. 13. Cave ne offeras holocausta tua in omni loco, quem videris; 14. sed in eo, quem elegerit Dominus, in una tribuum tuarum offeres hostias, & facies quæcumque præcipio tibi. 15. Sin autem iuxta benedictionem Domini Dei tui, quam dedit tibi in urbibus tuis: sive immundum fuerit, * hoc est maculatum & debile; sive mundum, hoc est integrum & sine macula, quod offerri licet, sicut capream & cervum, comedes, 16. absque esu dumtaxat sanguinis, quem super terram quasi aquam effundes. 17. Non poteris comedere in oppidis tuis decimam frumenti, & vini, & olei tui, primogenita armentorum & pecorum, & omnia quæ voveris, & sponte offerre volueris, & primitias manuum tuarum: 18. sed coram Domino Deo tuo comedes ea, in loco quem elegerit Dominus Deus tuus, tu & filius tuus & filia tua, & servus & famula, atque Levites qui manet in urbibus tuis: & lætaberis & reficieris coram Domino Deo tuo, in cunctis ad quæ

quæ extenderis manum tuam. 19. Cave ne derelinquis Levitem in omni tempore quo versaris in terra. 20. (b) Quando dilataverit Dominus Deus tuus terminos tuos, (c) sicut locutus est tibi, & volueris vesci carnibus, quas desiderat anima tua. 21. † locus autem, quem elegerit Dominus Deus tuus ut sit nomen eius ibi, si procul fuerit, occides de armentis & pecoribus, quæ habueris, sicut præcepi tibi, & comedes in oppidis tuis, ut tibi placet. 22. Sicut comeditur caprea & cervus, ita vesceris eis: & mundus & immundus in commune vescuntur. 23. Hoc solum cave, ne sanguinem comedas: sanguis enim eorum pro anima est: & idcirco non debes animam comedere cum carnibus; 24. sed super terram fundes quasi aquam, 25. ut bene sit tibi & filiis tuis post te, cum feceris quod placet in conspectu Domini. 26. Quæ autem sanctificaveris, & voveris Domino, tolles, & venies ad locum, quem elegerit Dominus: 27. & offeres oblationes tuas carnem & sanguinem super altare Domini Dei tui: sanguinem hostiarum fundes in altari; carnibus autem ipse vesceris. 28. Observa & audi omnia quæ ego præcipio tibi, ut bene sit tibi & filiis tuis post te in sempiternum, cum feceris quod bonum est & placitum in conspectu Domini Dei tui. 29. (d) Quando disperdiderit Dominus Deus tuus ante faciem tuam gentes, * ad quas ingrederis possidendas, & possederis eas, atque habitaveris in terra earum: 30. cave ne imiteris eas, postquam te fuerint introeunte subversa, & requiras caeremonias earum, dicens: Sicut coluerunt gentes istæ deos suos, ita & ego colam. 31. Non facies similiter Domino Deo tuo. Omnes enim abominationes, quas averfatur Dominus, fecerunt diis suis, offerentes filios & filias, & comburentes igni. 32. Quod præcipio tibi, hoc tantum facito Domino: nec addas quidquam, nec minuas.

(a) Sup. VII. 25. II. Mach. XII. 40. (b) Gen. XXVIII. 14. (c) Exod. XXXIV. 24. Inf. XII. 2. (d) Inf. XII. 7.

B R U G E N S I S

ROMANAE CORRECTIONES.

V. 3. *Disspate aras eorum.* Interpres vertit masculinum eorum, non femininum earum. Similiter ubi sequitur, *Disperдите nomina eorum de locis illis*, Hebræa ambigua permittunt utrumque, ut vel ad gentes referas, vel ad deos.

V. 11. *Quæ vovebitis Domino.* Non est mutandum futurum vovebitis in præteritum vovistis.

V. 12. *Qui in urbibus vestris commoratur.* Nequaquam scribendum est plurale commoran-

tur pro singulari commoratur.

V. 15. *Hoc est maculatum, & debile.* Non est hoc omitendum quod Interpres explanationis causa addidit.

V. 29. *Ad quas ingrederis possidendas.* Correctores hic futurum prætulerunt præsentī ingrederis.

LECTIONUM VARIETAS.

V. 21. *Locus autem... si procul fuerit.* Clarius est oratio, omīssa coniunctione si.

C O M M E N T A R I A

S A.

Vers. 4. **I**TA, scilicet ut gentes quovis loco sacrificantes, &c.

V. 6. **M**ANUM, id est manibus obla-

tas, vel manuū labore provenientes.

V. 7. **L**AETABIMINI, id est prosperabimini.

V. 11. **Q**UIDQUID PRÆCIPUUM, &c. Hebr. omnem electionem votorum vestrorum;

rum; id est, quidquid ex animi electione voveritis. Chald. *omnia optima votorum vestrorum*. LXX. *omne electum donorum vestrorum*, &c.

V. 12. EPULABIMINI. Hebr. Chald. & LXX. *letabimini*.

V. 15. BENEDICTIONEM, id est opes. SIVE IMMUNDUM, &c. Chald. & LXX. *Tam immundus quam mundus comedit eam, sicut capream*, &c. & sic Noster vertit infra locum similem. CAPREAM ET CERVUM, quæ scilicet animalia munda, quibus vesci licet, etsi non offerre.

V. 16. QUASI AQUAM, id est totum, ut nec gutta remaneat.

V. 17. DECIMAM. Vide inf. cap. xiv. quam liceret comedi.

V. 19. DERELINQUAS, id est deferas.

V. 23. PRO ANIMA EST; quasi dicat: Eo vita alitur, & conservatur.

V. 30. CÆREMONIAS. Hebr. Chald. & LXX. *deor*.

V. 32. TANTUM FACITO; id est, ne quid aliter facias, addendo, aut minuendo, ut statim dicitur: alioqui non esset locus Christi præceptis legi additis, quæ tamen non sunt contraria iis quæ hic præcipiuntur.

EST II.

Verf. 2. SUBVERTITE OMNIA LOCA IN QUIBUS COLUERUNT GENTES... DEOS SUOS. Huius præcepti triplex est ratio. Prima ob detestationem idolomanie, & dæmonolatrice. Secunda, ne populus Israeliticus retinens ea loca incitaretur ad similem cultum: unde dicitur: *Non facietis ita Domino Deo vestro*. Tertia, quia populo illi non licebat ubilibet templa Deo extruere; sed unicum futurum erat templum, & unicus locus in quo Deus erat oblatione sacrificialium colendus: ideoque cetera omnia templa, delubra, & luci destruendi erant. Unde dicitur: *Sed ad locum quem elegerit Dominus Deus vestre... venietis*.

V. 8. & 9. NON FACIETIS IBI QUAE NOS HIC FACIMUS HODIE, SINGULI QUOD SIBI RECTUM VIDETUR. Non significatur quod populus tunc ad libitum excogitabat cæremonias colendi Dei; sed sensus est, non certo loco sacrificantes,

sed nunc hoc, nunc illo loco, quia adhuc sumus in deserto: mox enim subiungitur: NEQUE ENIM USQUE IN PRÆSENS TEMPUS VENISTIS AD REQUIEM. Hoc ergo significatur quod tunc nondum poterant omnia quæ præscripta erant, exacte servari, maxime quo ad locum; sed quod cuncta exacte servanda essent, postquam pervenissent ad terram promissam.

V. 30. 31. SICUT COLUERUNT GENTES ISTAE DEOS SUOS, ITA ET EGOCOLAM. NON FACIES SIMILITER DOMINO DEO TVO. Duo prohibetur, cultus idolorum, & usus cæremoniarum ethnicarum, etiam si adhiberentur ad cultum unius Dei; quasi dicat: Cave ne talibus cæremoniis Deum tuum colas, quilibet gentes istæ coluerunt Deos suos. Hunc enim sentium declarat, quod dicitur: *Non facies similiter Domino Deo tuo*; id est, non talibus cæremoniis eum coles: quia, ut sequitur, fuerunt cæremonie abominabiles. Unde & noluit Deus sibi lucos fieri, aut sacrificia exhiberi sub omni ligno frondoso, sed in uno loco tantum. Hinc ergo manifestum est, cæremonias ludæicas non esse petitas ex gentilitate, sed ab ipso Deo institutas, ut patet Deuter. iv. ubi sic legitur: *Quæ est enim alia gens sic inclita, ut habeat cæremonias iustaque iudicia*, &c. Ex quibus verbis manifestum est, populum Israeliticum etiam cæremoniis ab aliis nationibus fuisse distinctum.

V. 32. QUOD PRÆCIPIO TIBI, NON TANTUM FACITO DOMINO: NEC ADDAS QUICQUAM, NEC MINUAS. Hoc de cultu Dei dicitur. Non enim ait absolute, aut generatim, *Hoc tantum facito*; sed, *Hoc tantum facito Domino*, id est in cultu Dei, seu in colendo Deo. Vide etiam supra cap. iv. verf. 2.

MARIANAE.

Verf. 2. DEOS SUOS. Regitur hæc vox a verbo *coluerunt*: ordo inversus Hebr. sed Hieronymus bene reddidit. FRONDOSUM. Pagn. *viride*: utrumque vox Hebr. *rahanam* significat.

V. 4. NON FACIETIS ITA: ut scilicet in variis locis, & sub omni arbore Deum colatis.

V. 6. PRIMITIAS MANUUM VESTRARUM offeretis in loco quem elegerit.

rit Deus. Pro voce *terumah* semper Hieronymus vertit *primitias*, alii *oblationem manuum vestrarum*.

V. 7. MISERITIS MANUM, id est extenderitis. Omnia vobis prospere cedent: sic vertit vers. 18. idem Hieronymus, *In cunctis ad quæ extenderis manum tuam*.

V. 8. SINGULI QUOD SIBI RECTUM VIDETUR. Hebr. *singuli* tantum; & loquitur de sacrificiis quæ in multis locis offerebant, ubi quisque volebat: quod fieri deinceps vetat.

V. 11. DECIMAS. Hebr. *decimas vestras*. Sed qui poterant ex omni agro lerofolymam conferre omnes decimas? Quidam Hebræus explicat de secunda decima, quæ certe dabatur summo sacerdoti decima decimæ.

V. 12. IBI EPULABIMINI. Hebr. *Et letabimini coram Domino*, sic Sept. Itaque non loquitur de epulis tantum.

V. 15. OCCIDE, ET COMEDE. Hebr. *תִּשְׁחַח תִּשְׁחַח* *thischach*: quæ vox proprie significat *sacrificare*: atque ita Sept. *Sacrificabis, & comedes*. Sed melius Hieronymus accepit in significatione occidendi & mandandi: neque enim in aliis locis sacrificare poterant, nisi Ierofolymæ. Ergo hic agit de elucarnium quæ Deo non offerebantur.

V. 20. ET VOLUERIS VESCICARNIUS, QUAS DESIDERAT ANIMATA. Oratio defectiva. Hebraice clarius: *In omni desiderio animæ tuæ comedes carnes*.

V. 23. SANGUIS ENIM PRO ANIMA EST. Hebr. *Quoniam sanguis est anima*, hoc est sedes animæ; quod Noster dixit *Pro anima est*. NON DEBES ANIMAM COMEDERE CUM CARNIBUS. Hoc refertur ad ipsum sanguinem, quem dixit animam esse. Hebr. Schol. *Nemembrum a vivente animali ad esum præscindatur*.

V. 19. QUANDO DISPERDIDERIT DOMINUS DEUS TUUS ANTE FACIEM TUAM GENTES. Non idem ordo Hebraice: *Quando disperdiderit Dominus Deus tuus gentes, quas tu ingrederis eo, ad possidendum eas a conspectu tuo*. Quem ordinem secuti sunt Sept. sed melius Hieronymus posuit. Verum cum vox *יָרִי* *iaras* significet *tum possidere hereditateque*, tum *expellere*; Chald. propter ordinem litteræ posterioriorem significationem secutus, dixit:

Cum disperdiderit Dominus populos, ad quos tu ingrederis, ut eiicias eos a facie tua.

V. 30. CAVE NE IMITERIS EAS: Hebr. *ne illaqueris post eas*: ne decipiaris.

V. 31. NON FACIES SIMILES DOMINO. Non solum non colites Deos alienos, sed nec cultum eorum Deo exhibeas.

MALVENDAE.

Vers. 1. CUNCTIS DIEBUS. Istud quidam per hyperbaton iungunt priori membro, *Quæ facere debetis cunctis diebus, quibus super terram illam vivitis, non cum proximo, Ut possideas eam cunctis diebus, &c.*

V. 2. OMNIA LOCA, id est templa, ædes, fana, delubra, sacella, aras, &c. ET SUBTER OMNE LIGNUM FRONDOSUM. Gentiles solebant impia sua sacra sub arboribus peragere: immo arbores ipsas diis consecrabant, instarque numinum colebant: Plinius Lib. XII. cap. 1. de arboribus: *Hæc fuere numinum templa, priscoque ritu simplicia rura, etiam nunc deo præcellentem arborem dicant*. Nec magis auro fulgentia atque ebore simulacra, quam lucos, & in iis silentia ipsa adoramus. Arborum genera numinibus suis dicata perpetuo servantur: ut Iovi esculus, Apollini laurus, Minervæ olea, Veneri myrtus, Herculi populus. Claudianus Lib. de laudibus Stilichonis:

..... & robora numinis instar.

Maximus Tyrius: *Celtæ excelsam quercum colere, & Iovis nomine solemniter appellarunt*. Sulpitius Severus in Vita S. Martini cap. x. auctor est, S. Martinum succidisse arborem fano gentium proximam, diis dicatam. Et in Legibus Longobardorum hæc est Luitprandi regis: *Qui ad arborem, quam rustici sanctivum vocant, adoraverit, vel incantationes fecerit, componat medietatem sui pretii in sacro palatio*. Vide quæ de lucis notavimus supra cap. vii. vers. 5.

V. 4. NON FACIETIS ITA DOMINO DEO VESTRO, id est talia qualia faciunt Gentes, colentes deos suos variis locis, prout eis libitum fuerit; quasi dicat: Non ubicumque libuerit coletis eum; sed conferrete vos ad locum, &c. Quidam exponunt, *Non facietis*; id est, non sacrificabitis. Recte.

V. 5.

V. 5. AD LOCUM QUEM ELEGERIT DOMINUS. Hunc tandem fuisse Ierolymis, constructo templo, constitutum, liquet e II. Samuel. vii. & cap. xxiv. & I. Paralipom. xxii. UT PONAT NOMEN SUUM IBI. Notant, sapius repeti hanc phrasim a Mose in hoc libro, ut infra vers. 11. 21. cap. xiv. vers. 23. & cap. xvi. vers. 2. 6. 11. voluntque hic nomen Dei significare arcam fœderis, ubi Deus ipse responsa dabat populo suo, & invocantem exaudiebat, præsentiæ & maiestatis eius signum. Sic arcam aiunt vocari *faciem Dei*, immo ipsum IHU, *regem gloriæ*, Psalm. cxlii. vers. 6. 7. & seqq. & Psalm. xciv. vers. 6. Psalm. civ. vers. 4. item *fortitudinem, gloriam*, Psal. lxxvii. vers. 61. quasi dicat: Ad locum quem elegerit IHU Deus tuus, ut ponat, seu habitare faciat nomen suum ibi; id est, ut ibi arca fœderis eius collocetur, coram qua offeratis omnia quæ iubet. Sic Ieremias vii. vers. 12. *Ite quæso, ad locum meum, qui erat in Silo, ubi habitare feci nomen meum*, id est arcam meam, in principio. Alii nomen suum hic accipiunt pro fama, gloria, maiestate; quasi dicat: Ad locum ubi potissimum Deus nominetur, tamamque ac gloriam suæ maiestatis ac præsentiæ ostendat, ubi celebretur. Sed rectius, ut hic metonymice *nomen suum* significet veram invocationem & cultum nominis Dei; ac si dicat: Ad locum ubi nomen suum rite ac solemniter invocetur, in quo constituat sacrum cultum suum. ET HABITET IN EO, VENIETIS. Quidam reddunt: *In habitatione eius exquirite eum, cum veneris illuc*; puta in eam terram de qua vers. 1. Sed melius, in locum electum a Domino.

V. 7. ET COMEDETIS, scilicet de his quibus offerentes iure vester poterant. AC LAETABIMINI IN CUNCTIS AD QUAE MISERITIS MANUM. Hebr. *Et letabimini in omni emissione, extensione manus vestræ*; id est, ad quæcumque miseritis manum vestram; sive in omni re quam tractaveritis. Quidam reddunt: *Et letemini vos, & familie vestræ, comedentes ex omni re ad quam admoveveritis manum*. Sed prior sensus est planior. Sic versu 18.

V. 8. NON FACIETIS IBI QUAE NOS HIC FACIMUS HODIE. Quidam exponunt; ut scilicet offeratis sacrificia &

oblaciones variis locis, sicut nos facimus isto tempore in deserto, ubi non habemus certam mansionem: sed quocumque nos columna ignis duxerit, illic erecto tabernaculo passim sacrificia offerimus. Hebræorum quidam intelligunt, quod quamdiu filii Israel in deserto fuerunt, etiam post constructum tabernaculum, licuerit illis sacrificia & oblaciones voluntarias alibi quam in tabernaculo offerre; non autem sacrificia & oblaciones quæ lege obstringebantur in tabernaculo offerre. Et hoc fuisse illis licitum quousque quodet nacti fuerunt in terra promissa: ad quod usque tempus a die isto dicunt quatuordecim adhuc annos intercessisse. Sed quando quietem adepti sunt, non potuisse rite offerre prædicta nisi in uno loco, ubi nimirum positum esset tabernaculum: & istum locum primo fuisse in Silo, ubi quartodecimo anno ducatus Iosue tabernaculum & arca reposita, manserunt usque ad mortem Eli sacerdotis, quando arca capta fuit a Philisthæis, I. Samuel. iv. vers. 11. a quibus translata fuit in Kariathiarim, & inde in Matzphah, & inde in Gagal, & inde in Nobe, & inde in Gabaa, & inde in domum Obe-Edom, & inde in civitatem David II. Samuel. vi. 17. & inde in templum Salomonis. Ex his colligunt Hebræi tempore deserti libertatem habuisse Israelitas ubique sacrificandi; quæ cessavit arca quiescente in Silo usque ad tempora Eli: sub quo postquam capta fuit arca, rursum in variis locis offerre licuisse, donec extrueretur templum Salomonis, extra quod sacrificare numquam licuerit. Vide hic Lyranum, & Drusium. Alii illud quod dicitur, *Singuli, vel quisque quidquid rectum videtur in oculis eius*, explicant, quod ad oblaciones attinet: nam licet oblationum lex una semper fuit ab initio præscripta a Deo; non potuit tamen usque adeo in ambulatoriis Israelitarum castris observari, aut summo iure ab illis exigi, prout ostendit antithesis versus 11. Vide Numer. xxviii. vers. 6.

V. 11. UT SIT NOMEN EIUS IN EO; ILLUC OMNIA QUAE PRÆCIPIO, CONFERETIS. Hebr. *Ad habitare facere nomen eius, inibi venire facietis omnia quæ ego præcipo vobis*. Illud inibi potest iungi antecedentibus, & consequentibus; sed clarior est sensus si sequentibus anne-

atur, quod fecit Noster. Vide I. Regum viii. vers. 20. & Psalm. cxxx. vers. 13. ubi exponitur locus habitationi nominis Deidelectus. Et QUICQUID PRÆCIPIUM EST IN MUNERIBUS, QUAE VOVEBITIS DOMINO. Hebr. *Et omnem electionem votorum vestrorum, quam vovebitis Iehovæ*, id est vota, vestra, quæ ex selectissimis in unoquoque genere numcupanda sunt Domino. Quidam reddunt: *Et selectum quodque votum vestrum, quod voveritis Iehovæ*.

V. 13. IN OMNI LOCO, QUEM VIDERIS. Notant esse Hebraismum, pro quo Latini dicunt *in omni loco, qui tibi videbitur*.

V. 15. SIN AUTEM COMEDERE VOLUERIS, ET TE ESUS CARNIUM DELECTAVERIT, OCCIDE, &c. Hebr. *Tantummodo, verumtamen in omni desiderio animæ tuæ mactabis*, &c. Exponunt: Id est, prorsus ut desiderabis, & quantumcumque libuerit; quasi dicat: Si quando libuerit comedere carnes, macta, & manduca. Quidam reddunt, *Verumtamen secundum omne desiderium animi tui*, aut *pro omni animi tui desiderio*, sive omnino prout desiderat animus tuus, mactare poteris, & comedere carnem, &c. Sic infra vers. 20. & 21. SIVE IMMUNDUM FUERIT, &c. Hebr. *Contaminatus & mundus comedit eam: vel contaminatum & mundum comedit illud*. Sermo est de contaminatione & munditia ad sacrificia, non ad usus privatos: quod Noster paraphrasi explicavit. Sic vers. 22. SICUT CAPREAM ET CERVUM COMEDES; quæ animalia ad sacrificia comedere sunt inepra, sed in privatos usus munda. Vide infra vers. 22. Quasi dicat: Vesci poteris quibuscumque carnibus permissis ad esum, etiamsi non sint aptæ ad sacrificia Domini, eodem prorsus pacto, quo vesci potestis capreis & cervis, quæ sunt prohibita ad sacrificia, non ad privatum esum.

V. 17. DECIMAM FRUMENTI, ET VINI, ET OLEI TUI. Exponunt, nullas decimas plane: nam ordinarias levitæ, anniversarias domestici omnes coram Iehovah comedebant, vers. 18. trietericas in portis quidem, sed alii tamen comedebant, inf. cap. xiv. xxviii. xxix. & c. xxvi. vers. 12. PRIMOGENITA ARMENTORUM ET PECORUM, &c. Explicant: Car-

nes quidem quaslibet ex non prohibitis permitto tibi ut sacrifices, seu mactes, & comedas domi ubicumque habitaveris, sive mundus sis, sive immundus; verum quæcumque Deo offerre debueris, aut volueris, prorsus nolo ut illa alio in loco quam a Deo constituto offeras, & comedas; etiamsi fuerit locus procul ab habitatione & domo tua. Concedo quidem ut carnes quasvis ex non vetitis sacrifices, seu mactes in ulum tuum, & eas comedas; verum quæ Deo offerre volueris, ad locum a Deo constitutum deferas. Vide infra vers. 21. & cap. xiv. vers. 23. & seqq.

V. 21. SICUT PRÆCEPI TIBI: nimirum effundens sanguinem eius, e vers. 6.

V. 23. HOC SOLUM CAVE. Hebr. *Tantum robustus, fortis esto*. Alii: *Prorsus presta*. Proprie: *Tantum obtine, apprehende*; id est, firmiter apprehende, persiste in hoc proposito. Quidam: *Modo in hoc sis firmus*. IDCIRCO NON DEBES ANIMAM COMEDERE CUM CARNIBUS, id est rem vivam: nam sanguis reputatur carni ut anima, & comedere carnem cum sanguine est veluti comedere carnem animatam & vivam, quod horror est.

V. 26. QUAE AUTEM SANCTIFICAVERIS. Hebr. *Verumtamen sanctitates tuas*. Quidam, *sanctificationes tuas*. Alii: *sacras res tuas*, id est sacrificia tua. Nonnulli, *sanctificata tua*; id est, quæ consecraveris Deo.

V. 27. ET OFFERES OBLATIONES TUAS, &c. Hunc versum verbatim ex Hebræo expressimus (*Et facies ascensiones tuas carnem & sanguinem super altare IHUH Elohim tui: & sanguis sacrificiorum tuorum effundetur super altare IHUH Elohim tui: & carnem comedes*.) Sed & in Hebræo, & in Nostro paulo obscurius conceptum, alii dilucidius ita reddunt: *Et facietis, id est sacrificabis, vel parabis, aptabis, conficies holocausta tua, carnem & sanguinem, id est ex carne & sanguine: vel carnem & sanguinem eorum, seu carnem cum sanguine eorum adoleto, & sacrificato in altari Iehovæ Dei tui: sacrificiorum vero tuorum aliorum sanguis effunditur in altari Iehovæ Dei tui*. Ut hoc intersit inter holocausta, & alia sacrificia, quod in holocaustis caro cum sanguine adoleatur & crematur; in aliis vero sanguis non

crematur cum carne, aut adoletur, sed effunditur super altare. CARNIVUS AUTEM IPSE VESCERIS: ipse scilicet sacerdos, aut offerens, aut uterque, prout ferunt sacrificiorum leges.

V. 29. QUAS INGRADIERIS POSSIDENDAS. Heb. quidam vertunt: *Quas tu veniens illuc ad elicere, expellere, exhereditare, hereditate depellere eas a facie tua.* Moventurque propter illud, *A facie tua.* Nam non apte dicitur, *Ad possidendam eas iure hereditario a facie tua.* Verum quia verbum יראשb in Kal, ut hic ponitur, in significatione eiciendi, aut expellendi, seu exhereditandi vix est ut inveniri possit; plerique reddunt, *Ad possidendam eas iure hereditario* (vide supra cap. 11. vers. 12. 21. 22.) illudque, *A facie tua,* iungunt cum initio versus; *Cum excindet IHUJH a facie tua gentes, quas tu veniens ad hereditare eas.* Sed verbum יראשb in Kal, Noster per expellere vertit supra cap. 11. vers. 12.

V. 30. NE IMITERIS EAS. Verbum נקאשb diversè interpretantur. I. *ne ilaqueas te post eas*; id est, ne in laqueum concitias te ipsum sequendo eas, hoc est imitando cultus earum. II. *ne offendas*, aut offendaris, seu scandalizeris post eas (Hispanica translatio: *No tropieces en pos de ellas*). III. *Ne in tendiculis incidas post eas.* IV. *Ne capiaris, irretiaris, intercipiaris post eas*; id est, ne cursu post eas irretiaris; V. *Ne impingas, corruas, ruas post eas.* Hebræorum nonnulli: *Ne sinas rapi te post eas*; vel *ne rapiaris post eas*; id est, ne involvas te cultibus, & operibus earum.

MENOCII.

Vers. 3. GENTES QUAS POSSESSURIES TIS; id est, quarum terram, & opes possessuri estis. SUBTER OMNE LIGION FRONDOSUM. In montibus, collibus, lucis, idololatrarum suos colebant deos: horum ritus imitati sunt Iudæi cum in idololatriam lapsi.

V. 3. DISPERDITE NOMINA EORUM; ut ne memoria quidem idolorum relinquantur, sed penitus aboleatur.

V. 4. NON FACIETIS ITA DOMINO DEO VESTRO: non imitabimini hos idololatrias. Legimus tamen sanctos viros

nonnullos, ut Samuelem, in excelsis immolasse, haud dubie peculiari Dei dispensatione.

V. 5. UT PONAT NOMEN SUUM IBI. Tabernaculi, vel templi locum intelligit.

V. 6. PRIMITIAS MANUUM VESTRARUM, primitias frugum, quas manibus, & labore vestro mesuistis. VOTA, oblationes ex voto. BOVUM ET OVIVUM. Sub ovibus, ut alias frequenter, capras intellige: vox enim Hebræa ad utramque speciem communis est.

V. 7. COMEDETIS, de hostiis pacificis, sive de oblationibus, quibus licitum est vesci laicis: nam hostiis pro peccato, votivis, & holocaustis vesci non poterant laici, ut patet Num. xviii. 9. & 15. Vel etiam hic sermo est de Israelitarum more, qui solebant in iis solemnitatibus quibus Ierolymam, vel ad locum tabernaculi conveniebant, ter scilicet in anno, agitare convivias, & epulas in ea urbe in qua erat templum, vel tabernaculum, & hoc erat comedere, lætari, aut epulari coram Domino. IN CUNCTIS AD QUAE MISERITIS MANUM, quæ scilicet labore vestro vobis paraveritis: in his lætabimini, epulando ex iis coram Domino.

V. 8. SINGULI QUOD SIBI RECTUM VIDETUR. Non enim servabant Hebræi cæremonialia hæc præcepta in deserto.

V. 11. IN LOCO QUEM ELEGERIT DOMINUS DEUS VESTER, &c. Vel hæc coniungenda cum versiculo præcedenti, hoc modo: *Habitabit in loco*, &c. & sensus erit: *Habitabit secure in loco ubi erit tabernaculum, quando ter in anno ad illud omnis Israel, iuxta præceptum meum confluet, non metuentes ne hostes fines vestros invadant. Vel in loco*, &c. initium est periodi, & sensus erit, quem exhibet rextus Hebr. Chald. & Septuaginta, apud quos hæc sententia ita effertur: *Et erit locus quem elegerit Dominus Deus vester, ut habitare faciat nomen suum ibi, illuc asferetis omnia, &c. PRIMITIAS MANUUM VESTRARUM.* Aquila, Symmachus, Theodotion, spontaneas oblationes interpretantur.

V. 12. CORAM DOMINO: vel coram tabernaculo, aut templo; vel in urbe

be in qua erit tabernaculum, aut templum. ATQUE LEVITES, invitans ad epulas tuas levitas, ut etiam pupillos, viduas, advenas, ut dicitur infra cap. xvi. num. ii. & 14. NEQUE ENIM ALIAM HABET PARTEM, &c. quia scilicet agros, & vineas non sunt sortiti in partitione terræ.

V. 13. HOLOCAUSTA TUA. Sub holocaustis intelligit etiam cetera genera hostiarum. IN OMNI LOCO, QUEM VIDERIS; hoc est, ubicumque visum fuerit, nullo habito loci delectu, sit ne is in quo Deus offerri sacrificia vult, an non.

V. 15. SIN AUTEM COMEDERE VOLVERIS, &c. non immolando Deo, sed comestione communi, & profana. COMEDE IUXTA BENEDICTIONEM DEI TUI; id est, comede de illis quæ benefice, & largiteq; dederit tibi Deus. vel iuxta opes, & facultates tuas. SI VE IMMUNDUM FUERIT, HOC EST MACULATUM, id est mancun, opponitur enim integro; verbi gratia, si fuerit cæcum, claudum, mutilum: hæ enim sunt maculæ victimarum, ut patet Lev. xii. 22. SICUT CAPREAM ET CERVUM, COMEDES. Senius est: Comedes quæ Domino immolari possunt, verbi gratia oves, & boves, quamvis sint mancæ, quæ propter hunc defectum non sunt apta sacrificio; sicut capream, & cervum potes comedere, quæ tamen animalia sacrificare non licet.

V. 16. SUPER TERRAM QUASI AQUAM EFFUNDES, hoc est quasirem profanam, cuiusmodi est aqua, & nullo ritu sacro.

V. 17. NON POTERIS COMEDERE IN OPPIDIS TUIS DECIMAM FRUMENTI, &c. D. Hieronymus in Ezech. cap. xiv. cum verba scisset de decimis, quas *δυσπωράς* appellari dicit, de decimis de quibus hic est sermo, ita scribit: Erant quoque & aliæ decimæ, quas unusquisque de populo Israel in suis borreis separabat, ut comederet eas cum iret ad templum in urbe Ierusalem, & in vestibulo templi, & sacerdotes, ac levitas invitarent ad convivium. PRIMOGENITA ARMEN-
TORUM, ET PECORUM. Non mascula, quæ integra sacerdotibus cedebant, ut patet Numer. xviii. 17. sed generis feminei, quæ licet Deo peculiari consecra-

Bib. Sac. Tom. III.

tione non dedicarentur, absumentur tamen more pacificorum, illa immolando, & in sacris illis epulis Ierosolymis consumendo, ut colligi potest cap. xiv. infra num. 23. ex quo ferebat ut etiam horum primogenitorum portio aliqua ad sacerdotes perveniret. ET OMNIA QUAE VOVERIS: ut, verbi gratia, si quis vovisset vitulum in harum epularum ulum: nam si absolute Deo vovisset, sacerdotibus cedebant, ut patet ex Num. xviii. 14. & ibi notavi. ET PRIMITIIS MANUUM TUARUM. Fortasse accipi potest de primitiis tructuum quæ nova arbore quarto a plantatione anno colligebantur, quæ de re mentio fit Levit. xix. 24. quos fructus Deo fuisse consecrandos, & in his solemnibus epulis consumendos tradit Iosephus Lib. IV. Antiq. cap. viii. Dicuntur *primitiæ manuum*, id est primitiæ laboris manuum, qui labor impenditur in ferendis arboribus, &c.

V. 18. IN CUNCTIS AD QUAE EXTENDERIS MANUM; id est, in omnibus bonis, & facultatibus tuis.

V. 20. DILATAVERIT TERMINOS TUOS, &c. Sermo est de dilatazione Abraham promissa Gen. xv. 18, ulque ad flumen Euphratem, quæ vitio Israelitarum facta non est, nisi imperfecte sub Davide, & Salomone.

V. 21. LOCUS AUTEM QUEM ELEGERIT DOMINUS, &c. Non quod ii, qui Ierosolymis verbi gratia habitabant, solerent, ut aliqui putant, oves, boves, & capreas, quas comi erant comesturi, ad sacerdotes iugulandas adducere, etiam si ad hoc non tenerentur, ideoque absentibus indulgeatur ut propter distantiam locorum hoc non servent. Sed quod in publico festo, & epulo ea animalia, quæ vel profana mastratione poterant occidere, vel sacra, per sacerdotes illa immolando, frequenter sacra occiderent; ideo monet, ne religioni ducerent, qui longe a templo diffiti erant, si secus facerent, & communi, profanaque iugulatione conficerent.

V. 22. SICUT COMEDITUR, &c. poterat enim esse maior ratio dubitandi, an carnibus animalium quæ Deo immolari poterant, licitum esset vesci, quam an caprea, & cervo. MUNDUS ET IMMUNDUS IN COMMUNE VESCEN-
Bbb
TUR.

TUR. Intellige de immundo legali immunditia minore (hæc enim contagione non communicabatur;) non autem de maiore immunditia, cuiusmodi immundi erant qui cadaver tetigissent, feminisui, menstruatæ, leprosi, puerperæ: quamvis enim hi has carnes comedere possent; non tamen in communi, ne alios inficerent, nisi omnes pari immunditia immundi essent, ut fiebat cum tota una familia erat ob cadaver hominis polluta.

V. 23. SANGUIS ENIM ILLORUM PRO ANIMA EST. Vide dicta Gen IX. 4.

V. 26. QUAE AUTEM SANCTIFICAVERIS ET VOVERIS DOMINO; hoc est, quæ semel Deo ex præcepto, vel obligatione voti consecraveris, ac sepelueris in sacras epulas consumenda: cuiusmodi erant ea de quibus dictum est num. 17.

V. 31. OFFERENTES FILIOS, ET FILIAS. Vide Lev. cap. XVIII. num. 21.

V. 32. NON ADDAS QUIDQUAM NEC MINUAS. Vide dicta cap. IV. num. 1.

TIRINI.

Verf. 5. & 6. PRIMITIIS MANUUM VESTRARUM, hoc est laborum vestrorum, OFFERETIS IN LOCO QUEM ELEGIT DOMINUS ... UT PONAT NOMEN SUUM IBI; hoc est, ubi fuerit tabernaculum vel templum: quia illud vocabatur Domus Dei, & ibi continua erat memoria nominis divini, & cultus, & invocatio Dei.

V. 7. COMEDETIS IBI IN CONSPPECTU DEI; hoc est, in ea urbe in qua erit tabernaculum vel templum, agitabitis solemnes epulas vestras & convivia, scilicet ter in anno, tribus primariis festis, quibus eo vobis conveniendum. COMEDETIS, inquam, AC LAETABIMINI IN CUNCTIS, seu ex cunctis, AD QUAE MISERITIS MANUM; hoc est, ex decimis proveniunt annuorum qui de manuum vestrarum labore proveniunt. Nam his præcipue secundariis decimis constabant istæ epulæ, & aliis insuper quibusdam de quibus hic verf. 17. Ad has epulas præter domesticos, & amicos invitabantur etiam levitæ, viduæ, pupilli & advenæ, ut dixi Levit. XIX. & Num. XVIII. Non tamen debebant in specie Ierosolymam omnia deferri; sat erat pe-

cuniam inde reductam transferre, quæ deinde victimæ pacificæ, & cetera ad epulas necessaria Ierosolymæ compararentur.

V. 15. SIVE IMMUNDUM FUERIT, &c. Hinc patet, animal aliquod solum dici mundum & immundum, vel absolute, vel tantum secundum quid. Mundum absolute, erat illud quod & comedi passim licebat, & etiam in sacrificiis offerri: cuiusmodi sola erant bos, ovis, capra, turtur, & columba; si modo tamen maculam non haberent; id est, si non essent mutila, neque manca, neque ægra, neque alio corporis vitio affecta, ut explicatur Lev. XXII. verf. 21. Mundum secundum quid, itemque immundum secundum quid, erat illud quod comedi quidem poterat, non tamen in sacrificiis offerri: cuiusmodi erant bubalus, cervus, traçelaphus, oryx, pygargus, camelopardalus, & alia de quibus infra cap. XIV. Item munda alioquin, capra, ovis, bos, &c. sed quæ vitio aliquo laborabant. Immundum absolute erat quod nec immolari liceret, nec comedi, immo comedentem polluebat, uti & tangentem, si morticinum esset. Talia erant leprores, sues, chærogylli, & alia eiusmodi quæ describuntur Lev. XI. & Deut. XIV.

V. 17. PER PRIMOGENITA ARMENTORUM ET PECORUM. Quæ hic iubentur ab Israelitis comedi non in urbibus propriis, sed in loco tabernaculi vel templi, non intelliguntur primogenita masculula: quia hæc integra Deo sanctificanda erant, & integre sacerdotibus cedebant, si tamen sine macula, & immolantia essent, ut patet Exod. XIII. & XXXIV. Num. III. & XVIII. Sed intelliguntur vel femine sexus primogenita, vel masculini, sed maculata vitio aliquo corporis; quæ, cum nulla maculata Deo offerri possent, debebant saltem vel ipsa, vel pretia ipsorum in sacras illas Ierosolymis epulas converti: ut etiam præcipitur cap. XV. verf. 23.

Nota, solitos Iudeos hanc legem religiose observare non tantum quando intra terminos terræ promissæ sedes suas habebant, sed etiam cum in remotissimas regiones deduxissent colonias. Neque nisi unum sub cælo locum, ad hunc finem a Deo delectum, verb. grat. Ierosolymis, agnoscebant: ut patet ex votivis quæ etiam captivi e Babylonia mittebant statim tem-

poribus Ierofolymam, etiam cum destrudum esset templum Domini. Et licet temporibus Machabæorum Onias Pontifex Oniæ filius Ierofolymis fugatus in Aegypto templum d aliud, annuente Ptolemæo Philometore, æmulum Ierofolymitano, & quidem in honorem veri Dei construxerit; numquam tamen a religiosioribus Iudæis extorquere potuit, teste Iosepho, ut eo vel ipsi sacrificiorum causa concederent, vel decimas; primitiasque suas destinarent.

(a) Deut. xiv. vers. 24.

(b) Deut. xvi. vers. 19. & Exod. xlii. vers. 12. & cap. xxxiv. vers. 19. & Num. xii. vers. 10.

(c) Baruch i. vers. 6.

(d) Chron. cap. xxxix. in Philometore. Ioseph. Lib. XIII. Antiq. cap. vi. & Lib. VII. Belli cap. xxx.

G O R D O N I.

Vers. 2. **C**onstat ex libris Regum, & alibi, Deum prohibuisse ritus idololatrarum, ac præsertim lucos, excelsa, & similia. Quod si Samuel, aut alius vir sanctus legatur in excelsis Deo immolasse, hoc peculare, & permissum a Deo putandum est.

V. 4. **I**TA, hoc est instar gentium, in quocumque loco sacrificantes.

V. 5. **L**ocus quem elegit Dominus, censetur esse locus tabernaculi, vel templi: ante templum extructum, fuit tabernaculum in Silo, Nobe, & Gabaon.

V. 6. **P**RIMITIAS. Hebr. תרומה *terumab*, aliqui vertunt *oblaciones*: Pagninus hic *elevationes*: רום, *altus fuit, erexit*.

V. 7. **C**omedere poterat populus de hostiis pacificis; non tamen licebat laicis vesci de hostiis pro peccato, votivis, & sacrificiis: Num. xviii. vers. 9. & 15. Solebant, quando ter in anno veniebant ad locum tabernaculi, aut templi, instruere epulum Israelitæ.

V. 8. **N**ON FACIETIS. Nempe quia Hebræi in deserto non servabant cæremonialia præcepta.

V. 11. **Q**UIDQUID PRÆCIPUUM, &c. Sept. *omne electum donorum vestrorum*.

V. 15. **S**IN AUTEM COMEDERE VOLUERIS, &c. Erant apud hunc populum aliqua prorsus immunda, quæ nec offerri Deo, nec comedi poterant, ut vides Levit. cap. xi. & infra hic cap. xiv.

Alia munda prorsus, quæ scilicet immolari poterant, & comedi, ut turtur, columba, bos, ovis, capra. Aliqua partim munda, partim immunda: hæc comedi quidem poterant, non tamen offerri; quæ delignantur hic cap. xiv. vers. 5.

V. 16. **Q**UASI AQUAM, certe totam, ut nec gutta remaneat.

V. 17. **N**ON POTERIS COMEDERE, &c. Decima hæc non comedenda in opipidis, non est decima levitica, sed est decima secundaria, quæ epulis his sacris assignatur: de qua decima est cap. xiv. vers. 22. Lege Hieronymum Ezech. cap. xlv. Primogenita hic intellige feminea: nam masculina debebantur Deo, Numer. cap. iiii. Denique nomine primitiarum non intelliguntur primitiæ sacerdotibus debitæ, sed aliæ spontaneæ.

V. 22. **E**x primogenitis, utpote Deo immolatis, immundi non poterant vesci; qui tamen quibusdam carnibus vesci poterant. Hinc dicitur, immundus vesci posse carnibus his sine discrimine, seu in commune. In Hebr. *Mundus, & immundus pariter comedet eam*.

V. 23. **D**e prohibito sanguine dixi Gen. ix. vers. 4. Sanguis etiam pro vita, quia sanguine vita alitur.

V. 32. **Q**UAE PRÆCIPIO TIBI, &c. Incepte Novator hoc transfert ad prohibitas traditiones: prohibet enim Deus quidquam addi, vel detrahi cæremoniis legalibus. Quid hoc ad traditiones sub Novo Testamento? sub quo si vult Novator stare obligationem huius legis, iudaizat.

E X E I U S D E M A U C T A R I O.

V. 11. **P**RIMITIAS. Symmachus, & Aquila interpretantur *spontaneas oblaciones*.

V. 12. **C**ORAM DOMINO, coram tabernaculo aut templo, aut in urbe in qua fuerit tabernaculum. **L**EVITAS. Hi ad epulum invitandi, immo & pupilli, & viduæ: infra cap. xvi. & Num. xi. xiv. **N**EQVE ENIM HABET ALIQUAM PARTEM. Levitæ in divisione terræ non sunt sortiti partem.

V. 13. **H**OLOCAUSTA. Idem intelligendum de hostiis quibuscumque.

V. 20. **D**ILATAVERIT. Plena, & promissa dilatio ad Euphratem factatum sub Davide, & Salomone.

V. 21. Duplex erat occisio: una profana ad epulum domesticum; alia sacra, ad immolandum: hæc fieri debebat per sacerdotem. Hic iam longe absentibus a templo, vel tabernaculo, indulgetur ut, quæ in publico festo, & epulo occidebantur

animalia, occidi possint alterutra occisione.

V. 26. QUAE AUTEM SANCTIFICAVERIS. Talia erant de quibus Num. xvii. ex voto, vel præcepto Domino consecratas.

V. 31. Vide Levit. xviii.

C A P U T XIII.

Pseudopropheta a Deo avertens occidi debet, quantumvis propinquus sit vel amicus; immo & urbs vastari funditus, cuius habitatores id facere conati fuerint.

1.  I surrexerit in medio tui propheta, aut qui somniunt vidisse se dicat, & prædixerit signum atque portentum, 2. & venerit quod locutus est, & dixerit tibi: Eamus, & sequamur deos alienos quos ignoras, & serviamus eis: 3. non audies verba prophetæ illius, aut somniatoris: quia tentat vos Dominus Deus vester, ut palam fiat utrum diligatis eum an non, in toto corde, & in tota anima vestra. 4. Dominum Deum vestrum sequimini, & ipsum timeate, & mandata illius custodite, & audite vocem eius: ipsi servietis, & ipsi adhærebitis. 5. Propheta autem ille, aut fictor somniorum interficietur: quia locutus est ut vos averteret a Domino Deo vestro, qui eduxit vos de terra Aegypti, & redemit vos de domo servitutis: ut errare te faceret de via, quam tibi præcepit Dominus Deus tuus: & auferes malum de medio tui. 6. Si tibi voluerit persuadere frater tuus filius matris tuæ, aut filius tuus vel filia, sive uxor quæ est in sinu tuo, aut amicus, quem diligis ut animam tuam, clam dicens: Eamus, & serviamus diis alienis, quos ignoras tu, & patres tui, 7. cunctarum in circuitu gentium, quæ juxta vel procul sunt, ab initio usque ad finem terræ, 8. non acquiescas ei, nec audias, neque parcat ei oculus tuus ut miserearis & occultes eum, 9. sed statim interficies. (a) Sit primum manus tua super eum, & postea omnis populus mittat manum. 10. Lapidibus obrutus necabitur: quia voluit se abstrahere a Domino Deo tuo, qui eduxit te de terra Aegypti, de domo servitutis: 11. ut omnis Israel audiens timeat, & nequaquam ultra faciat quippiam huius rei simile. 12. Si audieris in una urbium tuarum, quas Dominus Deus tuus dabit tibi ad habitandum, dicentes aliquos: 13. Egressi sunt filii Belial de medio tui, & averterunt habitatores urbis suæ, atque dixerunt: Eamus, & serviamus diis alienis quos ignoratis: 14. quare sollicite & diligenter, rei veritate perspecta, si inveneris certum esse quod dicitur, & abominationem hanc opere perpetrata, 15. statim percutes habitatores urbis illius in ore gladii, & delebis eam, ac omnia quæ in illa sunt, usque ad pecora: 16. quicquid etiam suppellectilis fuerit, congregabis in medio platearum eius, & cum ipsa civitate succendes, ita ut universa consumas Domino Deo tuo, & sit tumulus sempiternus: non ædificabitur amplius, 17. & non adhærebit de illo anathemate quicquam

quam in manu tua: ut avertatur Dominus ab ira furoris sui, & misereatur tui; multiplicetque te sicut iuravit patribus tuis, 18. quando audieris vocem Domini Dei tui, custodiens omnia praecepta eius, quæ ego præcipio tibi hodie, ut facias quod placitum est in conspectu Domini Dei tui.

(*) Infr. xvii. 7.

B R U G E N S I S

ROMANA CORRECTIO.

V. 9. Et postea omnis populus mittat ma-

num. Unicam voculam *postea* ne distrahas in duas *post te*, ut quidam faciunt.

C O M M E N T A R I A

S A.

Verf. 1. **P**ROPHETES; id est, qui se Prophetam dicat.

V. 3. PALAM FIAT. Chald. *sciatur*.

V. 9. INTERFICIES, scilicet per sententiam iudicis condemnatum: illi enim prius denuntiandus, ut LXX. indicant.

V. 13. BELIAL, id est *sine iugo*; quasi dicat, impii, perversi. Hieronymus IV. Ephes. ait diabolum etiam dictum Belial, quod a se Dei iugum abiecerit.

V. 16. DOMINO, id est in Domini honorem. TUMULUS, id est acervus lapidum.

V. 17. ANATHEMATE, id est rebus illis quæ debent prorsus destrui.

V. 18. AUDIERIS, id est obedieris.

E S T I I.

Verf. 1. **S**I SURREXERIT IN MEDIO TUI PROPHETES: & deinceps, verf. 2. ET DIXERIT TIBI: EAMUS, ET SEQUAMUR DEOS ALIENOS: NON AUDIES. Et tandem verf. 9. SED STATIM INTERFICIES. Nota. Primum est, & non audiamus falsos prophetas: deinde etiam capitale supplicium adversus falsum prophetam constituitur; cuius supplicii iusta causa additur: *quia locutus est, ut vos averteret*. Idem ergo

supplicium merito constitutum quoque est in Hæreticos, utpote Reipublicæ perturbatores, & qui fideles avertere conantur ad serviendum diis alienis; id est, ad amplectenda falsa dogmata de Deo & de rebus divinis. Tales enim non verum Deum colunt, sed falsum & alienum. Velut qui dicit Deum esse peccati auctorem, & voluntatem impellere ad malum: is non verum Deum colit, quia verus Deus talis non est; sed cum colit quem sibi falsa opinione confinxit, Calvinum intellige, eiusque sectatores. Vide Vincentium Lirinensem hunc locum pulchre tractantem, & de hæreticis interpretantem, & per deos alienos nova dogmata intelligentem. Interim quod dicitur, *Sed statim interficies*, non sic accipiendum est, quasi id liceat privata auctoritate; sed sensus est: Statim interficies, sed publice accusatum, & convictum. Nam mox additur: *Sit primum manus tua super eum, & post te omnis populus mittat manum*.

V. 3. QUIA TENTAT VOS DOMINUS DEUS VESTER, UT PALAM FIAT, UTRUM DILIGATIS EUM, AN NON. Hebr. *Ut sciat*. Vide plura supra cap. viii. verf. 2.

MARIANAE.

Vers. 5. **L**OCUTUS EST UT VOS A-
VERTERET. Hebr. *Aversio-*
nem, seu *mutationem*, id est *verba muta-*
tionis, *locutus est falsus propheta*.

V. 13. EGRESSI SUNT FILII BEL-
LIAL. Hebræi *filios Bellial* interpretantur
filios iniquitatis, seu *iniquos*, אבשי רשע;
hoc sequuntur Sept. hoc loco reddentes
ἀδελφοὶ παπίστοι, aliis locis *filios pessilentie*.
At Hieronymus *Isaia* xxvii. initio, &
ad II. Corinth. cap. vi. putat ea voce
diabolum significari, quod utrumque &
cum verbis divinis Scripturæ sacræ conve-
nit ubi ea vox ponitur, & cum vocis
interpretatione, quæ significat *absque iu-*
go; ut *Iudic. xix. vers. 22.* Quod & in
iniquos quadrat legi Dei non obtemperan-
tes, & in diabolum, qui Deo subici no-
luit.

V. 15. IN ORE GLADII. Aciei gla-
dii vocat os eius.

V. 17. DE ILLO ANATHEMATE
QUIDQUAM. Hebr. חרם *berem*: quæ
vox excisionem omnimodam significat Deo
auctore, aut in eius laudem.

V. 18. QUOD PLACUIT EST. Heb.
Rectum coram Domino tuo facias.

MALVENDAE.

Vers. 1. **P**ROPHETES, AUT QUI SO-
MNIIUM VIDISSE SE DI-
CAT. Quidam exponunt: Id est, qui u-
nam, aut alteram ex illis ordinariis no-
tis & rationibus, quibus veri Prophetæ
præditi sunt, Numer. xxi. 6. falso sibi ar-
rogaverit. Alii, *somniatorem somnii*. Intel-
ligunt fictorem somniorum; quasi dicas:
Si quis inter vos dicat se prædicitum esse
spiritu prophetico, aut finxerit aliquid sibi
per somnium a Deo revelatum esse. ET
PRÆDIXERIT SIGNUM ATQUE
PORTENTUM. Hebr. *Et dabit tibi signum*,
aut *prodigium*; vel *Et ediderit tibi signum*,
&c. id est, verbo prænuntiaverit, ut ex-
plicatur vers. 2. Sic accipitur verbum dan-
di supra cap. xi. vers. 29. & I. Regum
xiii. vers. 5.

V. 4. ET IPSUM TIME TE. Vide su-
pra cap. vi. vers. 13. & cap. x. vers. 20.

V. 5. QUIA LOCUTUS EST UT VOS

AVERTERET A DOMINO. Hebr. *Quia*
locutus est aversionem contra IHUH. דבר
sarab, aiunt esse *apostasiam*, *aversionem*,
aversionem, *discessionem*, scilicet incon-
cessam, seu illicitam, *inobedientiam*, *re-*
bellionem, *contumaciam*. Ad hanc pro-
culdubio vocem, ut etiam ad מרד *me-*
red, alludit Paulus II. Thessalonic. ii. cum
ait vers. 3. *Nisi venerit discessio primum*,
&c. Quidam exponunt: *Volut persuadere*
rebellionem contra IHUH: vel, *Verbis cona-*
tus est avertere a cultu IHUH veri Dei.
Observant hanc esse primam notam cam-
que omnium certissimam dignoscendi pseu-
doprophetas, nimirum a doctrina. Poste-
riorem, a vera prædictione, & signis at-
que miraculis, per concessionem ostendi
supra vers. 2. explicari infra cap. xviii.
vers. 21, & 22. Veræ prædictiones, & si-
gna atque prodigia, quæ pugnant cum ve-
ra fide, & verbo Dei, non possunt esse
vera miracula. ET AUFERES MALUM.
Notant, verbum בוצר *baghar* proprie esse
urere, *amburere*, *comburare*, *accendere*: &
quando intransitive capitur, *ardere*, *per-*
fragrare, *accendi*; sed in formula Pihel,
ut hic ponitur, per translationem læpe
aliis rebus attribui quam igni, aut furo-
ri: aut significare *depascere*, aut *tollere*,
quasi ignis qui absument, ac tollit, devo-
ratque: unde hic vertunt: *Ut tollas malum*
de medio tui. Quod Paulus I. Corinth. v.
vers. 2. & 13. *Tollite sceleratum istum ex*
vobis, verbo Græco ἐκασπίζω reddidit. Nos
proprium verbi significationem *comburen-*
di retinuimus, quæ hic emphasim habet,
& dictum supplicium ignis hæreticis & de-
fectuoribus a fide & verbo Dei infligendum
præscribit. Sic Iudicium xx. vers. 13. Vi-
de de ratione huius verbi Numer. xxiv.
vers. 22.

V. 6. SI TIBI VOLVERIT PERSUA-
DERE. Verbo דבר, sit in Hiphil omnia
ista subiiciunt: *Cum elevarit, evehet, exti-*
mulabit, intitabit, concitabit, persuadent,
seducet, avertet, hortabitur, consulit, pro-
pellit, extrudet te frater tuus.

V. 9. SIT PRIMUM MANUS TUA
SUPER EUM, ET POSTEA, &c. Hebr.
Manus tua erit eo in prima ad interfice-
re eum: & manus omnis populi in poste-
ma. Quidam: *Manus tua primum esto con-*
tra illum ut morte afficias illum: postea ve-
ro *manus totius populi*. Exponuntque, Ma-
nus.

nus tua nempe, qui detuleris eum, aut testis in eum fueris, ex lege quæ habetur infra cap. xvii. vers. 7. quam rationem servarunt Pharisei in falso iudicio contra Stephanum, Actor. vii. vers. 58. ac si dicat: Tu testis, aut accusator primus in eum iacies lapidem ut punias eum, deinde reliquos populus.

V. 11. TIMEAT. Patagoge Nun in futuro יראון *iraun*, timebunt, magnum timorem & reverentiam indicat.

V. 13. FILII BELIAL. De hac voce בליעל *Beliagal*, fuscè disseruimus Lib. I. de Antichristo, cap. vii. ubi aliorum etymologias abunde recensuimus: nostra erat, dictum a בלי *beli*, non, nequaquam, neutiquam, absque: על *gal*, super, supra; quasi dicas, Hominem absque supra, qui nulum super se ferat, superbum, indomitum, contemptorem, qui nec Deum nec homines verearet; nulli legi, aut rationi subiectum. Vel a עלבא & בלי *beli & ghalab*, hominem cui nihil ascendat, nihil est sublimè, nihil altum, omnia sub pedibus suis fus deque habet. Nec dubitaverim cognationem habere cum בעל *Baghal*, idolo de testando, ut indicet hominem idololatram veluti atheum, impiæ ac nefariæ superstitionis. Consentiant omnes, eo nomine significari homines malignissimos, impiissimos, nequissimos, profligatissimos, pessimos, improbissimos, sceleratissimos, perditissimos, deploratissimos, nefarios, nefandos, sacrilegos, apostatas, defectores, quibus tamquam suorum scelerum ministris utitur diabolus; quasi dicas, Hispanice, *Hijos del diablo*. Adiective pro nequissimis, & substantive pro ipsa nequitia, & extrema improbitate capi potest. ET AVERTERUNT. Hebr. *Et depulerunt, detruserunt, deturbarunt*; scilicet a recta fidei via, ut vers. 5. vel a IHVH Deo tuo, ut vers. 10. id est, quod vulgodicitur, *seduxerunt*.

V. 16. ITA UT UNIVERSA CONSUMAS. Hebr. *Et omne spoliū eius universum*. בליעל *calil*, quidam hic reddunt. *Et omne spoliū eius combustionē totali, vel incendio, seu incenso pleno & absoluto*, quo nimirum omnia simul concrementur. Vide quæ de hac voce notavimus Levit. vi. vers. 23.

V. 17. ET NON ADHAEREBIT, & C. Hispanicus Interpres: *Y no se pagara algo*

a tu mano. Hebr. *Et non agglutinabitur in manu tua aliquid*; id est, reservabis tibi quidquam de spoliis illis, quæ proflus cremari debent. DE ILLO ANATHEMATE. Hebr. *ex devotione, devotior, devotato*. Tertullianus in Scorpiaco cap. ii. veritit, *ex devotamento*. Vide Levit. xxvii. vers. 21. Numer. xxi. vers. 2. UT AVERTATUR DOMINUS AB IRA FURORIS SUI. Quidam Hebr. reddunt: *ut convertat se Iehovah, ne accendatur ira eius*; pro ut altera in causa Deum exarsisse contra Hancanem, legimus Iosue vii.

MENOCHII.

Vers. 1. PROPHETES, falsus propheta, qui se pro vero venditat. Vel propheta verus, qui subversus ipse, alios subvertere conaretur.

V. 2. QUOS IGNORAS: quos hactenus non coluisti, nec pro diis habuisti.

V. 3. TENTAT: tentari permittit. UT PALAM FIAT. Hebr. *ad sciendum*: quod verti potest. *ut sciat*, vel *ut sciatur*. *Ut sciat*, quia Deus ad modum tentantis, & explorantis, seu scire volentis se gerit.

V. 5. DE VIA, de ritu vivendi, & servandi Deo.

V. 6. FRATER TUUS FILIUS MATRIS TUÆ. Additur hoc ad distinctionem cuiuslibet Iudæi, qui fratres vocabantur, quia ex eodem populo, & communi Patriarcharum stirpe oriundi.

V. 9. STATIM INTERFICES, non privata auctoritate, sed crimen ad iudices deferendo. SIT PRIMUM MANUS TUA SUPER EUM, lapidationem exordiens, ut præcipitur infra cap. xvii. 7.

V. 13. FILII BELIAL: homines impii, facinorosi, diabolici, quasi viri absque iugo, a בלי *beli*, & חַי הָר *hay hor*, absque iugo; vel, quod idem est, *ex leges, prævaricatores, summe impii*. Sumitur nomen Belial aliquando in Scriptura pro diabolo. Sic III. Reg. xxi. 13. vertit D. Hieronymus, ubi pro Filiis Belial, dixit *Filii diaboli*.

V. 14. ABOMINATIONEM HANC, criminis idololatriæ.

V. 15. STATIM PERCUTIES: senioribus scilicet, & in primis supremo Pontifice sententiam anathematis ferente: ad hunc enim pertinet præcedens illa veritatis inquisitio.

V. 16. SIT TUMULUS SEMPTERNUS; id est, numquam ea civitas ædificetur.

V. 17. NON ADHAEREBIT... QUIDQUAM IN MANU TUA. Nihil tibi reservabis.

TIRINI.

Vers. 1. **P**ROPHETES. Sive a Deo is sit, sive a dæmone afflatus; sive falsa edat prodigia & ficta ad suæ impiæ doctrinæ confirmationem, sive vera olim ediderit ad veritatem confirmandam, atque huius nomen, & auctoritatem veri Prophetæ sibi compararit. Si tamen post contingat, idololatricam suadere; qualicumque tandem ille Propheta sit, quantumque signa ediderit, & quantumcumque portenta quæ prædixerat eveniant, nullo modo audiendus, sed mox interficiendus est.

V. 9. STATIM INTERFICIES, non privata auctoritate, sed accusatione & denuntiatione apud iudicem. Unde mox additur: SIT PRIMUM MANUS TUA SUPER EUM; hoc est, tu delator, vel testis incipies primus lapidationem. Sic enim expresse decreverat Deus, ut infra cap. XVII. vers. 7. diceretur. Et hoc intellige, si sollicitatio ad idolatriam occulta esset: nam si publica, licuit verisimilium sollicitatorem illum exemplo occidere, non expectata iudicis auctoritate, ut de idololatra publico licuisset, docet Philo a, & probat exemplo Phinees, & Mathathie, & aliorum.

V. 13. FILII BELIAL; hoc est, valde impii, facinorosi, diabolici. *Belial* enim significat *sine iugo* b, quod *אֵין עֲלָיו יָגוֹף* diabolo convenit, qui primus sua rebellionem iugum Dei excussit: hinc nomen *Belial* proprium diabolo facit sanctus Hieronymus, & alii, sicut & nomen *Satan*: unde & *Belial* sæpe *diabolum* vertit c secutus Apostolum II. Corinth. VI. 15. Chaldaeus tamen, & Septuaginta, & plerique Rabini sere appellative eam vocem accipiunt pro quovis rebeli, facinoroso, seu diabolico homine.

V. 17. NON ADHAEREBIT DE ILLO ANATHEMATE QUIDQUAM IN

MANU TUA; hoc est, nihil ex eo tibi vel in ulu tuos reservabis. Debant enim eiusmodi urbes idololatricæ, instar victimæ immolari divinæ iustitiæ quasi in holocaustum, nec poterat quidquam exitio subtrahi, nisi si quid peculiari insulto Deus subtractum voluisset, ut indulset Rahab meretrici, eiusque familiæ in anathemate Iericho: etiam aurum, argentum, æs, & ferrum omne, si non flammis semper absumi, saltem usibus profanis subtrahi, & Deo consecrari iussa. Hinc Iosue VII. graviter castra turbata sunt ob sacrilegium Achan. Et Saul etiam regno exutus a Deo I. Regum XV. quod, iussu anathemate disperdere Amalecitas, Regem, & optima quæque spolia exitio subtraxisset.

(a) Philo Lib. de Monarchia.

(b) Iudic. XIX. vers. 22. & S. Hier. in Tradit. Hebr. & in Idit. Lib. I. Reg. & in Isai. XXVII. & in Ephes. IV.

(c) Ibid. & III. Reg. XXI. vers. 13. Psal. XVII. vers. 5. Psal. XII. vers. 9.

GORDONI.

Vers. 1. **S**I SURREXERIT IN MEDIO TUI PROPHETES. Nihil vetat hic quemcumque intelligere prophetam, si impellat ad impietatem, etiam si prodigiis utatur.

V. 3. TENTAT VOS DOMINUS; hoc est, tentari permittit. UT PALAM FIAT, ut appareat. Heb. & Septuag. *Ut sciat per experientiam*: noster Interpres, *Ut palam fiat*.

V. 9. STATIM INTERFICIES, &c. non tamen privata auctoritate. At quid quando flagitium ex facti evidentia est manifestum, ut quidam interpretantur factum Phinees? Sed Phinees aliter excusari potest a Deo: forte speciatim, vel a Mose destinatus ad executionem legis poenalis. Certe univérse loquendo, & nisi aliud ferant novæ circumstantiæ, puto monendum esse iudicem.

V. 13. FILII BELIAL sunt viri rebelles, & qui iugum Dei excutiant. Sept. *παράνομοι*. Vide Iudic. cap. XIX. & Proverb. cap. VI.

V. 15. ORE GLADII: aciem designat.

V. 17. ANATHEMATE. *חֵרֶם cherem* plenam occidionem denotat.

C A P U T XIV.

Gentium ritus super mortuo fugiendus: animalium mundorum & immundorum discretio: & decimas esse solvendas.

Illi estote Domini Dei vestri: non vos incidetis, nec facietis calvitium super mortuo. 2. (a) Quoniam populus sanctus es Domino Deo tuo: & te elegit ut sis ei in populum peculiarem, de cunctis gentibus quæ sunt super terram. 3. (b) Ne comedatis quæ immunda sunt. 4. Hoc est animal quod comedere debetis, Bovem, & ovem, & capram, 5. cervum & capream, bubalum, tragelaphum; pygargum, orygem, camelopardalum. 6. Omne animal, quod in duas partes findit ungulam, & ruminat, comedetis. 7. De his autem quæ ruminant, & ungulam non findunt, * comedere non debetis, ut camelum, leporem, chærogryllum: hæc quia ruminant, & non dividunt ungulam, immunda erunt vobis. 8. Sus quoque quoniam dividit ungulam, & non ruminat, immunda erit: carnibus eorum non vescemini, & cadavera non tangetis. 9. Hæc comedetis ex omnibus quæ morantur in aquis: Quæ habent pinnulas & squamas, comedite: 10. quæ absque pinnulis & squamis sunt, ne comedatis quia immunda sunt. 11. Omnes aves mundas comedite. 12. Immundas ne comedatis: aquilam scilicet, & gryphem, * & haliaetum, 13. *ixion, & vulturem ac milvum iuxta genus suum: 14. & omne corvini generis, 15. struthionem, ac noctuam, & larum, atque accipitrem iuxta genus suum: 16. herodium ac cygnum, & ibin, 17. ac mergulum, porphyrionem, & nycticoracem, 18. onocrotalum, & charadrium, singula in genere suo, upupam quoque & vespertilionem. 19. Et omne quod reptat & pennulas habet, immundum erit, & non comedetur. 20. Omne quod nudum est, comedite. 21. Quidquid autem morticinum est, ne vescamini ex eo. Peregrino, qui intra portas tuas est, da ut comedat, aut vende ei: quia tu populus sanctus Domini Dei tui es. (c) Non coques hædum in lacte matris suæ. 22. Decimam partem separabis * de cunctis fructibus tuis qui nascuntur in terra per annos singulos, 23. & comes in conspectu Domini Dei tui, in loco quem elegerit ut in eo nomen illius invocetur, decimam frumenti tui, & vini, & olei, & primogenita * de armentis & ovibus tuis: ut discas timere Dominum Deum tuum omni tempore. 24. Cum autem longior fuerit via, & locus quem elegerit Dominus Deus tuus, tibi que benedixerit, nec potueris ad eum hæc cuncta portare. 25. vendes omnia, & in pretium rediges, portabisque manu tua, & proficisceris ad locum quem elegerit Dominus Deus tuus: 26. & emes ex eadem pecunia quicquid tibi placuerit, sive ex armentis, sive ex ovibus, vinum quoque & siceram, & omne quod desiderat anima tua: & comedes coram Domino Deo tuo, & epulaberis tu & domus tua: 27. & levites qui intra portas tuas est: cave ne derelinquas eum, quia non habet aliam partem in possessione tua. 28. Anno tertio separabis aliam decimam ex omnibus quæ nascuntur tibi

eo tempore; & repones intra ianuas tuas. 29. Venietque Levites qui aiam non habet partem nec possessionem tecum, & peregrinus ac pupillus & vidua, qui intra portas tuas sunt, & comedent & saturabuntur: ut benedicat tibi Dominus Deus tuus in cunctis operibus manuum tuarum quæ feceris.

(a) Sup. VII. 6. Infr. XXVI. 18. (b) Levit. XI. 4. (c) Exod. XXIII. 29. XXXIV. 26.

BRUGENSIS

ROMANÆ CORRECTIONES.

V. 7. *Comedere non debetis, ut camelum.* Correctores, ut omiserunt pronomen *hec*, quod alii libri præponunt verbo *comedere*, ita addiderunt adverbium *ut* ante vocem *camelum*, sensu clarissimo. Porro *Hæc* pronomen præposuerunt ei quod mox sequitur: *Hæc quia ruminat.*

V. 12. *Et haliæstum.* Non est omittenda vocalis secunda & sequens diphthongum *æ*; sicut non omittitur Levit. XI. vers. 13.

V. 13. *Ixon, & vulturem.* Alii codices legunt dissyllabum *Ixon*.

V. 22. *De cunctis fructibus tuis qui nascuntur in terra.* Alii minus recte legunt genere feminino *frugibus tuis quæ*.

V. 23. *De armentis & ovibus tuis.* Neutricum addendum est verbum *offeret*.

NOTATIO

Vers. 23. *Decimam frumenti tui & primogenita de armentis, & ovibus tuis offeret.* Ita nonnulli Latinorum codicum: ac simile quid adiciunt Græci: *Et feres decimam frumenti tui & primogenitum bouum & ovium tuarum.* Verum Latini codices emendatiores vocem *offeret* confodiunt, neque ullum verbum addunt conformiter Rabano, & Hebræo textui, atque Chaldæo. Subaudiendum autem ex præcedentibus relinquunt *separabis & comedes in conspectu Domini*: qui enim prius generatim dixerat, decimam partem cunctorum quæ ex terra nascuntur, separandam, & in loco quem elegerit Dominus, comedendam; iam illa enumerat, decimam frumenti, & vini, & olei, atque adiciit, armentorum & gregum primogenita.

COMMENTARIA

S A.

Vers. 1. **E** STOTE: sic etiam LXX. at Hebr. *estis*. INCIDETIS, scilicet cultris, aut unguibus, more Gentilium. CALVITIUM, scilicet tonsa capitis parte anteriori. Hebr. *Calvitium inter oculos vestros*. SUPERMORTUO, id est ob aliquem defunctum.

V. 2. DE CUNCTIS. Chald. *præ cunctis*.

V. 5. BUBALUM, id est bovem silvestrem. TRAGELAPHUM, id est hircocervum, alii hircum silvestrem. PYGARGUM, species est aquilæ: alii damam; alii unicornum: scilicet incerta significatio est nomen Hebræorum, præsertim propriorum animalium, herbarum, lapidum, &c. eoque tanta varietas Interpretum.

V. 7. CHAEROCRYLLUM. Chald. *en-niculum*.

V. 10. ET SQUAMIS, pro aut squamis.

V. 12. HALIAETUM, id est marinam aquilam.

V. 13. IXION vulturis genus est.

V. 18. ONOCROTALUM: alii, ciconiam.

V. 19. REPTAT, scilicet quatuor pedibus, ut dicitur Levit. XI.

V. 21. HAEDUM. Vide Exod. XXIII.

V. 23. COMEDES, scilicet de parte eius decimæ quæ dabatur levitis Ierosolymitanis. Vide Num. XVIII. Quidam tamen aiunt significari hic secundam quandam decimam, & paulo inferius tertiam. PRIMOGENITA. Hæc dabantur sacerdotibus, ut dicitur Num. XVIII. sed, ut hic indicatur, etiam ex ipsis edebant offerentes. Vide cap. seq. & Ioan. II.

V. 28. TERTIO, scilicet in fine, ut indicant Hebr. Chald. & LXX. ALIAM, scilicet præter eam quæ quotannis debebatur.

E S T I I.

Verf. 1. **FILII ESTOTE DOMINI DEI VESTRI.** Non præcipit de ipsa gratia adoptionis filiorum Dei; sed ut obedientia, & observatione mandatorum Dei patris sui cælestis, ostendant se esse eius filios. Nempe de actibus est præceptum.

V. 11. **OMNES AVES MUNDAS COMEDITE.** Et *infr. verf. 23.* **OMNE QUOD MUNDUM EST COMEDITE.** Verba sunt non præcepti, sed concessionis rei licitæ, sicut & illud Genes. 11. *Ex omni ligno paradisi comede.*

V. 22. & 23. **DECIMAM PARTEM SEPARABIS DE CUNCTIS FRUCTIBUS TUIS PER SINGULOS ANNOS, ET COMEDES IN CONSPECTU DOMINI DEI TUI.** Quæritur, quomodo præcipiat Moyses, ut decimam partem fructuum suorum comedant coram Domino, cum decimæ debeantur levitis. Respondent quidam, Israelitas solitos separare singulis annis binas decimas. Priores erant de omnibus fructibus; posteriores autem de novem partibus reliquis. Quarum priores cum integræ cederent in ulum levitarum, posteriores ab ipsis offerentibus consumerentur coram Domino. Ac de his decimis intelligendum esse præsentem locum. Et eodem modo distinguunt duplicia primitiva. Sed hæc responsio neque in scriptura, neque in Iudæorum consuetudine fundamentum habet. Proinde rectius videtur hoc modo respondendum, quod Iudæi, quotiescumque decimas vel primitiva adferebant Ierosolymam, non debebant venire vacui, sicut præcipitur Exodi xxiv. & xxxii. *Non apparebis in conspectu meo vacuus;* ideoque munus aliquod spontaneum simul offerre debebant, præter ea quæ erant præcepti. Illud autem erat hostia pacifica; cuius pectusculum, & armus dexter erant sacerdotis, reliquæ partes ipsius offerentis. Ac de his intelligendum videtur, quod dicitur: *Comedes in conspectu Domini Dei tui;* utpote quod hæc adferebantur simul cum decimis.

V. 28. **ANNO TERTIO SEPARABIS ALIAM DECIMAM.** Nota. Est hic quidem tertia quædam decima, sed non illa cuius est mentio *verf. 22.* Nempe ibi agi-

tur de decima separanda per singulos annos, hic autem de ea quæ tantum tertio quoque anno separabatur.

M A R I A N A E.

Verf. 1. **FILII ESTOTE.** Hebr. *Filii estis Dei.* Non ergo sumatis alieni cultus insignia, incisiones, & calvitium in morte vestrorum. Coma signum nobilitatis erat; calvitium, luctus, quasi habitum ignobilium fumerent.

V. 3. **QUAE IMMUNDA SUNT.** Hebr. *Abominationem ne comedatis;* sic Sep. sed bene pro *abominationem* Noster *immunda* posuit.

V. 4. **OVEM, ET CAPRAM.** Hebr. *agnum ex ovibus, & hedum e capris,* ut vertunt Sept. & Pagn. Sed quid? oves ipsas & capras comedere nefas erat? Eo melior est interpretatio Hieronymi, & *per se* hoc loco non *agnum*, aut *hedum* significat, sed *pecudem*, hoc sensu: Pecudem ex ovibus, & pecudem e capris comeditis; id est ovem, & capram.

V. 5. **PYGARGUM.** Chald. *unicornem;* Orygem: sic Sept. Animal est, pilosum caput vertens, non in caudam, ut alii. Plin. Lib. XI. cap. LXVI. *Unicorne & bisulcum oryx.*

V. 7. **DE HIS AUTEM QUAE RUMINANT, ET UNGULAM NON FINDERUNT.** Hebr. *Verumtamen hoc non comeditis ex ruminantibus, & dividendibus ungulam fissam.* Atque ita affirmative ponunt Sept. & Chald. sed tu utroque loco supple *tantum.* Quam sententiam Hieronymus aliis verbis expressit: & alioqui non possent postrema verba cum primis coherere, quia ruminant, & non dividunt ungulam. Sed nova difficultas, quomodo lepus ungulam non dividit, & cuniculus, quod pro *saphan* Hebraico ponit Chald. sed ego puto pleraque voces Hebraicas esse ignotas, & potius illis alia animalia significari quam quæ Interpretes pro illis substituant: quare neque de his, neque de consequentibus magnopere laborandum putabam.

V. 19. **OMNE QUOD REPTAT ET PENNULAS HABET.** Hebraei in hoc genere ponunt muscas, apes, vespas. Quid de locusta?

V. 20. **OMNE QUOD MUNDUM**
CCC 2 EST.

EST, COMEDITE. Hebr. *omne volucre*: sic Sept. & Chald. sed quid de avibus immundis?

V. 21. NON COQUES HAEDUM. Ut sonat, accipito: crudele id videbatur. Chald. hic, & Exod. xxix. vers. 19. & cap. xxxiv. vers. 26. ubi hoc præceptum repetitur, semper vertit: *Non comedes carnem cum lacte*: idque tantum prohiberi putant Hebræi.

V. 22. DECIMAM PARTEM. Duæ decimæ erant: prima dabatur levitis; secunda de reliquis fructibus tangebatur, ut a dominis, qui ter ascendebant in templum, in eo itinere consumeretur, & in sacrificiis; tertia erat decima pauperum singulis tribus annis, de qua vers. 28. Verum hæc nova non erat, sed quæ Ierosolymæ consumenda erat, alioqui eo anno cedebat pauperibus, & levitis: sic in quodam Hebræo invenio.

V. 24. NEC POTUERIS AD EUM HAEC CUNCTA PORTARE. Hoc non est Hebr. sed additum a Hieronymo.

V. 25. PORTABISQUE MANU TUA. Hebr. *Et ligabis argentum in manu tua*. Hebr. *In crumena pones manu tua*.

V. 26. DOMUS TUA. Homines domus tuæ comedent tecum.

V. 27. QUIA NON HABET ALIAM PARTEM IN POSSESSIONE TUA. Heb. *Quia non ei pars, & hereditas tecum*, scilicet levitæ, quem epulis adhiberi vult.

V. 28. ANNO TERTIO SEPARABIS ALIAM DECIMAM. Hebr. *sine trium annorum*. Sept. *post annos tres*. Designat finem anni, quoniam tunc fructus sunt collecti, & decima poterat tunc separari.

MALVENDAE.

Vers. 1. FILII ESTOTE DOMINI DEIVESTRI. Hebr. maiori emphasi: *Filii vos IHUHV Deo vestro*: toti vos illi addicti & consecrati, promissionem habentes hereditatis æternæ per sanguinem Christi: ideo non est vobis lugendum, ut ceteris illis qui spem non habent, I. Thessalonicen. iv. vers. 12. NON VOS INCIDETIS. Verbum *גאליד* *gaalid*, proprie est turmatim excursionem, seu incursionem, vel irruptionem facere, quemadmodum milites levis armaturæ excurrunt ad depopulandum agros, & ad exercenda

latrocinia: *excurrere, incurere, irrumper, latrocinari*; & inde translate interdum dicitur de irruptione seu incursione, quæ fit cultris, gladiolis, & lanceolis in cutem, quasi dicas grassari & latrocinari in carnem, vel carnem lanciaari, seu lacerare: præsertim in Hithpahel, ut hic ponitur. Quidam vertunt, *caesonem, casuram sibi inducere, incidere se*. Sic fumitur I. Regum xviii. vers. 28. Ieremiæ xvi. vers. 6. & alibi. Vide de hoc loco Levit. xix. vers. 28. & xxi. vers. 5. Ergo hic dicit, in moribus vestrorum ne incidatis vobis carnes, aut capillum radatis: hoc enim aut desperantium est, aut cum infidelibus communicantium, a quibus segregavit vos Deus. De ritu radendi capita & barbas in luctu, vide Kirchmanum Lib. II. de Funeribus, cap. xiv. & Iunium de Coma, cap. v. NE FACIETIS CALVITIUM. Hebr. *Et non ponitis calvitium inter oculos vestros*. Fortasse interdicit ritum aliquem gentilium, quo sibi in luctu supercilia radabant. Artemidorus Lib. I. Oneirocriticon, cap. xxvii. *Vetus mos est in luctu supercilia nudari*. S. Ambrosius Lib. VI. epist. xxxvi. de Aegyptiis: *Et cum ipsi capita & supercilia radant si quando lisdus suscipiunt sacra, &c.*

V. 3. QUAE IMMUNDA SUNT. Hebr. *abominationem, averstationem*; id est, animalia ad esum lege prohibita.

V. 5. BUBALUM. יחמור *iachmur*. Bis tantum hæc vox reperitur, hic, & I. Regum iv. vers. 23. Noster utrobique bubalum, id est bovem silvestrem, est interpretatus, secutus nimirum LXX. Interpretes. Id quoque amplexi sunt Reuclinus, Zamorensis, Caietanus, Sanctes, Vatablus, Avenarius, Schindlerus, Hispanicus Interpres. Rabbi Scelomoh, Rabbi David, Kimchi, Pomarius, Drusus, aiunt esse animal simile magnæ capræ, *iachmur* quoque Arabice dictum. Reuclinus notat, Germanicos Iudæos exponere *gempen*. Marinus, *bircum silvestrem*. Leo Iudas, *ibicem*. Tremellius, & Iunius, *damam*. Forsterus, *asinum ferum*. Qui inquit: *Iachmur, asinus ferus & silvester, fera quæ vestri lex permittebat: & forte tale est animal, qualia sunt in Lappia, & lingua vulgari raingi ab incolis dicitur, magnitudine, forma, & colore asini, ungulas habens bifidas, miræ velocitatis, cornua lanugine ob-*

duſa, ſed tamen humiliora cervis, & ramis rarioribus. Eadem Mercerus. Hos e cervorum genere ranſiſeros vocat, & mire deſcribit e Iacobo Zieglero Sebaſtianus Mercerus Lib. IV. Coſmographiæ pag. 849. item Olaus Magnus Lib. XVII. Gentium Septemtrionalium, cap. xxvi. xxvii. xxviii. xxix. xxx. atque, Lapponibus horum carnes adhiberi ad viſum delicatiorẽ. Vide de ranſiſeris Scaligerum exercit. cvi. in Cardanum. Sanctes ſcribit, quibuſdam iachmur genus eſſe cervorum; aliis, capram rupicolam. Hiſchuni Hebræus ineptiſſime putat eſſe viverram. Forſtero aſtipulatur ratio nominis, nam חמור chamor Hebr. eſt aſinus: niſi quod animal Lappiæ proprium parum videtur ad Iudæos pertinuiſſe: tutius fuerit bubulum amplecti. Niſi biſontem, aut urum Plinii Lib. VIII. cap. xv. potius quis ſuſcipitur. TRAGELAPHUM. תרן akko, hic tantum invenitur. Hebræi ſere hircum ſilveſtrem exponunt, quod ſequuntur Reuchlinus, Zamoreniſ, Sanctes, Vatablus. Hiſpanicus Interpres, cabron ſalvaie. Forſterus hæc annotat: Akko nomen animalis feri, quo veſci Iudeis licebat, Hieronymus vertit tragelaphus: alii hircum ſilveſtrem vocant: aliqui tamen ibidem eſſe putant. Ego non levibus argumentis adducor ut credam eſſe alcen, primo quod vocem Latinos ab Hebræo mutuatos credo, interpoſita tantum littera L: deinde ſi etymologiam nominis, & naturam animalis conſideres: nam Hebræis אנוקו ko, conſurbato & triſti animo dicitur: ſicut & Germanis, qui vocant elend, a morbo comitiali, quo quotidie laborare creditur. Eadem Mercerus. Forſtero ſubſcribit Avenarius, qui vult cognitionem habere cum verbis אנוקו anak & נאק naak, vociferatus eſt vehementer, & craſſiore edidit ſonum: nam animal illud nomen habere a clamore. Et binc forte, inquit, ארעון Ariſlei filius, qui fingitur mutatus in cervum, & a canibus ſuis laceratus. Alcen deſcribere Cæſar Lib. VI. Belli Gallici, Plinius Lib. VIII. cap. xv. Vide Iulium Scaligerum exercit. cvi. in Cardanum: qui alcen putat eſſe ranſiſerum: ſed puto cum falli. Tremellius, Iunius, Buxtorffus, Schindlerus akko, rupicapram. LXX. Noſter, & e recentioribus Marinus, Leo Iudas, tragelaphum, id eſt hircocervum, reddiderunt. Plinius Lib. VIII. cap. xxxiii. Ea-

dem, qua cervus, eſt ſpecie, barba tantum & armorum villo diſtans, quem tragelaphos vocant, non alibi quam iuxta Thabaſin annem naſcens. Eadem Solinus cap. xxi. Diodorus Siculus Lib. II. Numer. xciv. in Arabia quoque eos ponit: Quin etiam tragelaphi & bubali illic procreantur. Scaliger exercitat. ccvii. in Cardanum: Nec tragelaphus fabula eſt: quippe hircus ſacie & cornibus; cervus magnitudine, pilo, cauda, clunibus; peſtus villorum frequentia reſſum. PYGARGUM. Ita quoque LXX. Interpretes. Eſt pygargus genus aquilæ, de quo Plinius Lib. X. cap. iiii. Secundigenis pygargus in oppidis maſtat, & in campis, albicante cauda. Eſt etiam pygargus genus capræ ſilveſtris, & ſemilæ, de quo Plinius Lib. VIII. cap. lxi. Sunt & damæ, & pygæ, & ſtrephicæ, multaque alia haud diſſimilia. Meminit Iuvenalis ſatyra xi. Non eſt dubium quin de hoc intellexerint LXX. & Noſter. Ceterum Hebræi diſchon, quod alibi non legitur, varie interpretantur. Chaldeus Paraphraſtes, Leo Iudas, Montanus, Pomarius, Hiſpanicus Interpres, unicornem: frigide: Vatablus, damam: Reuchlinus, Zamoreniſ, Sanctes, Bertramus, Drufius, Buxtorffus cum Noſtro, pygargum. Forſterus hæc obſervat: דיִשון diſchon nomen cervi ſeu bovis ſilveſtris unum in fronte cornu gerentis, ideo Onkelos tranſtulit Rema unicornem. Credo autem Grecis nomine non multum diſſonante בִּיסֶן diſum, Latinis biſon: quamquam quidam ſcriptores ei duo cornua tribuant, ad doſum recurva. Habet autem appellationem a conſultatione, quia cornibus ventilare ac triturare dicitur adverſa. Biſonem quoque, ſeu biſontem reddunt Marinus, & Avenarius. Plinius Lib. VIII. cap. xv. Pauca animalia gignit Germania, inſignia tamen bonum ferorum genera, iubatos, biſontes. Agit de iſtorum venatione Pauſanias in Phocidis, numer. 328. Scaliger exercitat. ccvi. biſontem accurate deſcripſit. Tremellius, & Iunius, diſchon ſtrephicorem reddunt; adduntque: Sic enim Afri vocant aldaſſen, teſte Plinio Lib. XL. Naturalis Hiſtorie cap. xxxvi. eſt corrupte legimus adlacem, appellatione ex nomine Hebræo, & articulo eorum depravata. Verba Plinii ſunt: Eſt hæc cornua, rugarumque ambitu contorta, & in lene faſtigium exacuta, ut

lyras diceres, strepsiceroti, quem addacem Africa appellat. Strepsicerotem inter capras silvestres & semiferas recenset idem Plinius Lib. VIII. cap. 1111. Scaliger exercit. ccvii. Toto genere diversi (a capreolis) strepsicerotes ovillis generis, surrectis cornibus, claviculatim torosi. Drosio. coniectura Tremellii, & Iunii infirma videtur. Nec profus alienum esset, addassem Plinii esse hadischon Hebraicum cum articulo. OXYGEM. וְחַיָּו teo. Non alibi hæc vox reperitur. Hebræi constanter bovem silvestrem accipiunt, quod sequuntur Reuchlinus, Vatablus, Forsterus, Sanctes, Marinus, Pomarius in Lexicis. Hispanicus Interpres, bucy saloie. Leo Iudas, Forsterus, Avenarius, urum. Plinius Lib. VIII. cap. xv. Excellentique & vi, & velocitate uros, quibus imperitum vulgus balulorum nomen imponit. Eum describit Cæsar Lib. VI. Belli Gallici, a quo Plinius mutuatus. Vide Scaligerum exercit. ccvi. Tremellius, Iunius, Schindlerus, Buxtorfius, bubalum: alii, tarandum, e cervotaurorum genere, de quo Plinius Lib. VIII. cap. xxxiv. Solinus cap. xxxiii. At LXX. Noster, Alphonius Zamorensis, Sanctes, Orygem. Plinius Lib. XI. cap. xlvii. Unicornes & bisulcum oryx. Et Lib. II. cap. xi. Orygem appellat Aegyptus feram, quam in exoritu cunicule contra stare, & contueri tradit, ac veluti adorare, cum sternuerit. Posset quis exiitmare וְחַיָּו teo. vel וְחַיָּו teo. transpositis litteris, ut scribitur Isaia I. I. vers. 20. esse thæem Plinii Lib. VIII. cap. xxxiv. nisi is esset e luporum genere. Sed nihil lupinæ formæ habere scribit Scaliger exercit. ccx. Sed ea de re dicemus ad eum Isaia locum. Annotant teo dictum a תַּחַּב taab. circumscribere, per antiphrasim, quod sit animal quod se circumambit præ feritate non patiat: vela stupidiæ. CAMELOPARDALUM. וְזֵר zamer, de quo Sanctes: Zamer nomen animalis, quod Hieronymus camelopardalum vertit; nos capram-rupicolam. Scripsit Rabbi Ionab Arabice appellari zoraphab, forte est, quod vulgo appellatur giraffa, genus animalis magnæ altitudinis, & colli oblongi, quod nostris temporibus a Turcarum Regem missum fuit ad magnificum Lauremum Mæm. in florentinum. Forsterus: Zamer nomen animalis, quod Chaldeus דִּיזָא ditza, alii camelopardalum imitati LXX. alii ca-

*pram rupicolam, alii alcem interpretantur. Arbutor autem nomen id habere ab incisio-
ne palmitum seu ramorum, quos in cornibus habet: & barbaris dictum rangiferum, Latine ramiferum, seu ramigerum. Eadem Mercerus. Sed ramiferum idem dixerunt esse iachmur, supra hoc versu. Avenarius Zamir ramigerus, capra rupicola, a cornibus sarmentosis. Schindlerus, Zamer, animal ramiferum, capra rupicola, dama. Ergo hic capram rupicolam, seu rupicapram, exponunt Sanctes & Vatablus. Editiones, Germanica, & Hispanica, quæ habet cabra montes. De rupicapris Plinius Lib. VIII. cap. 1111. & accurate Scaliger exercit. ccvii. Tarandum. Leo Iudas. Camelopardalum, seu camelopardalim, LXX. Noster, Reuchlinus, Zamorensis, Tremellius, & Iunius, Pomarius, Buxtorfius, Drosius. Camelopardalim plurimi describere, M. Varro Lib. IV. de Lingua Latina cap. xx. Plinius Lib. VIII. cap. xviii. Solinus cap. xxxiii. Dio Cassius Lib. XXXIII. Heliodorus Lib. X. Aethiopicorum, cap. xxix. Angelus Politianus Lib. I. Miscellaneorum, cap. 111. Antonius Nebrissenis in Quinquagena cap. viii. Scaliger exercit. ccxix. in Cardanum. Ovem feram, non avem feram, dictam, ex Plinio discas: contentum omnes esse quam Persæ, & vulgus girapham vocant.*

V. 6. OMNE ANIMAL, &c. De hoc versu & seqq. vide Leviticum XI. vers. 3. & seqq.

V. 7. CAMELUM. Lampridius in Hellogabalo: Struthiones, & camelos (quidam: Struthiacamelos) exhibuit in cænis aliquoties, dicens præceptum Iudæis ut eederent. Sed mentiebatur Hellogabalus, cum camelus, & struthio interdixit fuerint Iudæis hoc versu, & infra vers. 15. & Numer. XI. vers. 16. aut in Lampridio pro ut legendum ne, quasi in odium moris Iudæorum vellet Hellogabalus ut iis: veicerentur. LEPOREM. אֲרֵבֶת arabet. Vide Levit. XI. vers. 6. CHOEROCRILLUM. שֵׁן שבaphan. Vide Levit. XI. vers. 5.

V. 12. AQUILA. נֶשֶׁף neshfer. Vide Levit. XI. vers. 13. GRYPHE. גִּרְפֵּס geres. Vide Levit. XI. vers. 13. HALÆETUM. קָנִיז qazeniab. Vide Levit. XI. vers. 13.

V. 13. IXTION. רַאב raab, pro hac Levit. XI. vers. 14. scribitur daab. Plerique pu-

putant unam & eandem speciem avisele, ut facile Daleth, & Resch in hac lingua commutantur, & invicem substituuntur, ut in *Dodanim* pro *Rodanim*, *Dumab* pro *Rumab*. Quid sit *daab*, eo loco Levitici explicuimus; at *raab* certum est a videndo nomen habere, nimirum vel ab acumine visus quo prædita est, vel quod visum celeritate volatus æquet. LXX. Interpretes, Hebræorum plerique, & Reuchlinus, Sanctes, Vatablus, Leo Iudas, Avenarius, Drusius, Schindlerus, Marinus, *vulturem* exponunt. Montanus, *voluticam*, nempe *aquilam volaticam*. Pomarius, *milvum*. Tremellius, & Iunius, *cornicem*: quod non male quadrat, nam cornix videtur esse acutissimi visus: unde proverbium, *Cornicum oculis configere*, pro, perspicacissimis, occultatissimisque visum adimere, & plus quam illos videre. Consule Erasimum Chiliadis I. Centuria III. adagio 74. Noster & plerique illum secuti *Ixion* interpretantur. Lyranus: *Ixion avis est de genere vulturis alba*, & minor quam sit *vultur*. Hoc ipsum habent Abulenensis, Sanctes, Vatablus, & alii ecclesiastici Lexicographi. Sed nullus expedit apud quem Græcum, aut Latinum antiquum Scriptorem *Ixion* id genus avis reperitur: nam nec Aristoteles, nec Plinius, nec Solinus. nec Aelianus meminere. Henricus Stephanus peculiarem diatribam condidit de voce *Ixos*, sed nihil de animali aut de ave. Est Hesiychio *Ix* animalculum vites adedens: sed nihil ad institutum. Ergo de *Ixio* adhuc apud Græcos, & Latinos quæro. Si conjecturis locus, forsan pro *Ixion* legendum *Gypion*, parvam vulturem; vel *Gnifion*, præcipuum genus aquilarum, de quo Aristoteles Lib. IX. Historiæ Animalium cap. xxxiv. alias xli. Plinius Lib. X. cap. 111. Et *VULTUREM*. *איאב aiah*. Vide Levitici xi. vers. 24. *Ac MILVUM*. *דיה daiab*, plerique idem esse volunt quod *דאב daab*, de quo diximus Levit. xi. vers. 14. Nonnulli reddunt, *vulturem*: voluntque genus esse ad omnes species vulturum. Sed Hebræi, & alii fere, *milvum*. Didum volunt a *די deio*, *atramento*, quod sit avis nigra ut atramentum: alii a *דאב daab*, a celeritate volatus: alii a *די dai*, *sufficiens*, a potenti & indefesso volatu, quod sufficienter volet; vel per antiphrasim, cui nihil satis sit ob voracitatem.

V. 15. *STRUTHIONEM*. Hebr. *filiam* *יענה iegbanah*. Vide Levit. xi. vers. 16. *NOCTUAM*. *תחמס tachmas*. Vide Levit. xi. vers. 16. *LARUM*. *שחף schachaph*. Vide Levit. xi. vers. 16. *ACCIPITREM*. *נץ netz*. Vide Levitici xi. vers. 16.

V. 16. *HERODIUM*. *חוס cor*. Vide Levit. xi. vers. 17. ubi Noster *bubonem* vertit. *CYCNUM*. *תנשמת tinschemeth*. Vide Levit. xi. vers. 18. *IBIN*. *ינשוף ianschuph*. Vide Levit. xi. vers. 17.

V. 17. *MERGULUM*. *קאח kaath*. Vide Levit. xi. vers. 17. *PORPHYRIONEM*. *רחמח rachamah*. Vide Levit. xi. vers. 18. *NYCTICORACEM*. *שלה schalal*. Vide Levit. xi. vers. 17. ubi Noster *mergulum* exposuit.

V. 18. *ONOCROTALUM*. *חקידה chafidab*. Vide Levit. xi. vers. 19. ubi Noster *herodionem* translulit. *CHARADRIUM*. *אנפח anaphab*. Vide Levit. xi. vers. 19. *UPUPAM*. *דוכיפת duciphat*. Vide Levit. xi. vers. 19. *VESPERTILIONEM*. *עטלף ghatalleph*. Vide Levit. xi. vers. 19.

V. 19. ET OMNE QUOD REPTAT, &c. Argumentum huius versus & sequentis susus explicatur Levit. xi. vers. 20. & deinceps.

V. 21. *NON COQUES HAEDUM*, &c. Hanc pericopem expositam habes Exod. xxxiv. vers. 19. quæ etiam repetitur Exod. xxxiv. vers. 26. Notant *גדי gedi* proprie esse *hædum*, *hædulum*, *hædiculum*, tam caprini quam ovilli generis, atque tam si obtinere hæc nomen quamdiu fronte incurrit in ubera matris, id est quamdiu est lactens, a *גדד gadad*, *incurrere*. Germani parum deflexa voce vocant *gitz*, vel *gitzlin*: nec est dubium quin Latina *hædus*, accepta sit ab Hebraica *gedi*. Nonnulli Hebræorum observant eandem esse rationem carnis cuiuscumque animalis ad esum concessi: nisi quod de re præsentis more suo Scriptura loquitur, quod usu recepto hominum hædi potius quam agni comedi soleant; ut & passim in Scriptura videre licet. Loquitur autem de parvulis, quia bestiarum agnæ caro in lacte non coquitur. Lac enim facile coquitur, non item caro nisi parvulorum, &c.

V. 22. *DECIMAM PARTEM SEPARABIS*. Hebr. *Decimando decimabis*; id est, omnino, diligenter, studiose decimabis. Alii: *Fideliter decimabis*. Aliqui: *Ex-*
aite

ndle decimabis. QUI NASCUNTUR IN TERRA. Hebr. *egredientem agri, vel agro, aut ex agro.* Quidam, *excurrentem agrum.* Aliqui: *Qui provenit in agro.* Nonnulli transitive: *Quem ager profert, profundit.*

V. 23. ET COMEDIS IN CONPECTU, &c. Notant, his secundis decimis profectum fuisse de comenatu iis qui ex lege statis feriis in locum electum a Deo conveniebant. DECIMAM FRUMENTI, &c. Observant hanc non fuisse proprie & exacte decimam partem fructuum quæ levitis debebatur, Numer. xviii. sed arbitrariam quamdam portionem proventuum agri, appellatam decimam, quemadmodum & Iacob vovit offerre decimas. ET PRIMOGENITA DE ARMENTIS, &c. Pariter hic quoque primogenita non intelligunt primonata, & aperiencia vulvam: nam hæc Domini erant, Exod. xiii. vers. 2. & 12. Exod. xxii. vers. 29. Exod. xxxiv. vers. 19. Deuter. xv. vers. 19. sed præcipua, eximia, optima animalia, præter primonata. Atqui hæc decimæ dicebantur secundæ, præter illas primas levitis debitas. De tertiis decimis vide infra vers. 28.

V. 24. TIBIQUE BENEDIXERIT. Hebr. *Quia benedixit te.* Quidam: *Eo quod benedixit tibi, seu fortunavit te: vel copiosos opes tibi dedit;* id est, quia opibus & decimis auctus per benedictionem Dei, & locupletatus es, adeo ut difficile sit eas exportare tanto itinere. NEC POTUERIS AD EUM HAEC CUNCTA PORTARE. Hebr. *Cum non poteris ferre eam,* nempe decimam. Seipsum declarat in sequentibus. Quidam reddunt: *Ut non possis ferre illas decimas, vel quam tu sis ferendo eam decimam.*

V. 25. VENDES OMNIA, &c. Hebr. *Et dabis in pecunia.* Exponunt: Id est, vendes, aut commutabis decimas illas pro pecunia. Est Hebraismus, & Hispanicus, *daraslas en dinero, baraslas dinero.* ET IN PRETIUM REDIGES, PORTABISQUE MANU TUA. Hebr. *Et coarctabis, confringes, colligabis argentum in manu tua.* Quidam: *Et colligatam pecuniam habens in manu tua, ibis ad locum,* &c. Alii: *Et colligata pecunia in fasciculum in manum tuam, ibis,* &c. Nonnulli: *Et colligatam pecuniam in fasciculum, pones in manu tua.*

V. 26. ET EMES EX EADEM PECU-

NIA QUIDQUID TIBI PLACUERIT. Hebr. *Et dabis pecuniam in omni quod crebit anima tua;* id est, comparabis ea pecunia quidquid voles. Quidam: *Expectasque pecunia illa in omnia quæ desideraverit animus tuus, in boves, aut in pecudes,* &c. Hispanicus Interpres: *T daras el dinero por todo lo, que tu anima dessa, por vacas, y por ovejas,* &c. hoc est, comparas lo que quiseris.

V. 28. ANNO TERTIO SEPARABIS ALIAM DECIMAM, &c. Hebr. *De extremitate, sine trium annorum exire facies omnem decimam proventus tui in anno illo.* Quidam: *Tertio quoque anno proferes omnes decimas proventus tui illo anno.* Alii: *A fine tertii anni selige omnes decimas annone tue illius anni.* Nonnulli: *A fine trium annorum depronito omnes decimas proventus tui provenientis illo anno.* Notant, hoc illud tertium esse decimarum genus quod trietericum appellari possit, id est recurrens tertio quoque anno. De primo autem decimarum genere, quod levitis adiudicavit Deus, vide Numer. xviii. De secundo, supra vers. 23. De tertio isto, vide etiam infra cap. xxvi. vers. 12. Iosephus Scaliger diatribam peculiarrem condidit de decimis in lege Dei; sed hanc tertiam decimam omisit, & multa futiliter & inaniter disseruit.

MENOCII.

Verf. 1. FILII ESTOTE DOMINI DEI VESTRI. Idem his verbis significatur quod alibi cum dicitur: *Sandti esstote, quia ego sanctus sum;* Levit. xi. 14. & alibi. NON VOS INCIDETIS. Vide dicta de hoc Levit. xix. 28. CALVITIUM SUPER MORTUO. Vide dicta Levit. xix. 27. hic in Heb. est: *Non ponetis calvitiū inter oculos vestros ad mortuum:* quod significat, anteriorem capitis partem pilis nudare tendendo, aut radendo.

V. 5. BUEALUM. Hebr. *יִצְחָקִיחַ* iachmur LXX. *βοῦβαλον*. Lib. III. Reg. cap. iv. 23. inter cibos regios Salomonis, & venatione apprehensos bubali numerantur, quod non videtur convenire bubalis Italicis, quos vernacula lingua appellamus *Bubali*. Plin. Lib. VIII. cap. xiii. docet, bubalos gignere Africanam, vituli, cervæ quadam similitudine. Aristoteles bubalum

cer-

cervo coniungit, quorum sanguinem negat spissari, & concrelescere. His consentit Hesychius, cui *γοῦβαλος* est *δορκαδόν*, *parva caprea*. TRAGELAPHUM: Hirco-cervum. Animal corporis forma cervum, cornibus, & barba hircum referens, de quo videri potest Plinius Lib. VIII. cap. xxxiii. PYGARGUM: capreae genus, damis simile, de quo Plinius Lib. VIII. cap. lxi. ORYGEM, *borem silvestrem*, *sive urum* verterunt. Orygem in caprarum silvestrium genere reponit Plinius Lib. VIII. cap. lxi. Aristot. Lib. II. de Historia Animalium cap. i. & Plinius Lib. XI. cap. xvi. bisuleum, & unicornu hoc animal faciunt. CAMELOPARDALUM: animal camelum, & pardalim referens: camelum capite, & oblongo aliquantulum collo; pardalim, seu pantheram macularum toto corpore varietate. Vide Plinium Lib. VIII. cap. xviii.

V. 6. OMNE ANIMAL QUOD IN DUAS PARTES FINDIT UNGULAM, ET RUMINAT, COMEDETIS: cuiusmodi sunt decem species duobus versibus præcedentibus commemoratæ; sed non dubium, id etiam pluribus aliis competere.

V. 7. CAMELUM, LEPOREM, CHOEROCRYLLUM, &c. Vide Levit. cap. xi. num. 4. & deinceps.

V. 13. IXXION est avis ex vulturum genere.

V. 21. QUIDQUID AUTEM MORTICINUM EST, de mundis scilicet animalibus, nam de immundis nihil erat opus præcipere. Vide Levit. xi. 39. & seq. Porro sub morticinis intellige etiam ea quæ casu aliquo, vel lapsu, vel suffocatione in aquis, aut aliter necabantur. PEREGRINO DA UT COMEDAT, Gentili in Gentilismo manenti, qui legibus Iudaicis de cibis mundis, aut immundis non tenetur. QUIA TU POPULUS SANCTUS, &c. quem nihil indecens facere convenit; hoc autem ex legis præscripto indecens, & illicitum est. NON COQUES HAEDUM IN LACTE, &c. Vide de hoc Exod. xxxiii. 19.

V. 22. DECIMAM PARTEM, &c. Vide dicta supra cap. xii. num. 17.

V. 23. PRIMOGENITA. Vide dicta eodem cap. xii. num. 17.

V. 24. TIBIQUE BENEDIXERIT; hoc est, annuis proventibus locupletave-

Bib. Sac. Tom. III.

rit, ut proinde cumulus bonorum in sanctam civitatem deferendus excreseat.

V. 26. SIVE EX ARMENTIS, hoc est e bobus: ex his enim solis armenta constabantur eorum quæ immolari, & edi possent: & in Hebræo diserte bos exprimitur. SIVE EX OVIBUS: sub quibus & capras intellige. SICERAM. De sicera dictum Levit. x. 9.

V. 27. LEVITES QUI INTRA PORTAS TUAS EST; hoc est, qui in urbe tua habitant.

V. 28. ANNO TERTIO. LXX. *μυριάτην ἔτη* post tres annos, ultimo anno e tribus. ALIAM DECIMAM, &c. Hæc decima ad templi locum deferenda non erat, sed in levitas, & pauperes loci distribuenda.

V. 29. ET COMEDENT, ET SATURABUNTUR. Huius decimæ nullo modo erat particeps is qui eas e bonis suis dabat, sicut erat particeps earum quæ deferrebantur ad epulas, quibus intererat etiam deferens.

T I R I N I.

Verf. 1. DE incisione super mortuo; itemque de calvitio ex superstitione non inducendo, vide Lev. xix. verf. 27.

V. 5. TRAGELAPHUS, id est hircocervus, ab Aristotele *α* vocatur hippelaphus, hoc est equocervus: quia iuba refert equum, cornibus & barba hircum, reliqua corporis forma cervum. Vide Plinium, & Diodorum Siculum *β*. BUBALUS non est bos ille Italiæ quem vulgus Bufalum appellat, sed neque bos silvester, ut Vatablus, & Sa putant: neque enim hi inter delicias reponi solent, aut cibos regios; ut bubali III. Regum iv. verf. 23. inter cibos Salomonis regios, & venatione captos reponuntur. Quales bubalos agnoscunt Plinius, & Aristoteles dum eos aiunt esse de genere cervorum; Gesnerus item, & Hesychius, qui eos referunt ad genus caprearum. Et forte melius ex mente Scripturæ, quæ tam hic, quam III. Regum iv. bubalum capreae coniungit. PYGARGUM quoque capreæ adnumerat Plinius *ε*, & damæ similem facit. Quamquam & aquilæ genus sit, eodem Plinio *δ*, & Aristotele *ε* testibus, Ddd quod

quod ab albicante cauda *Pygargus* quoque vocatur. Denique & *ORYGEM* in caprum silvestrium genere reponunt iidem Plinius, & Aristoteles *f*, eamque unicornem ac bifurcam faciunt, & contrario pillo. nempe ad caput verso, vestiri dicunt. *CAMELOPARDALUS* camelum, & pardalim aliquo modo refert: camelum capite, & oblongo aliquantum collo; pardalim seu pantheram macularum toto corpore varietate. Vide Plinium *g*. Oppianus, Heliodorus, & Angelus Politianus *h* dicunt, camelopardalim habere crura anteriora multo altiora quam sint posteriora crura; item duo parva in capite cornua; neque tamen animalii illi quidquam inesse feritatis.

V. 15. STRUTHIO avium maxima, non tamen per aera volat, sed alis se ad cursum, quem perniciosissimum habet, iuvat. In nonnullis naturam quadrupedum refert, puta ungula pedum, quam bifurcam habet ut cervus. Stolidissimum est animal, solitudinis amans, voce lugubri, &c. teste Iob, Isaia, Ieremia, Michæa *i*. *LARUS* e milvorum est genere, pisciculis quos prædatur vicitans. Ex eodem genere videtur esse & mergulus, de quo vers. 17. quem alii ardeam esse volunt, dicique mergulum, quod se in aquas ad pisciculos capiendos immergat.

V. 16. IBIS, Aegypti avis est, serpentibus infesta: estque duplicis generis, una candida, altera nigra.

V. 17. PORPHYRIO venustissima avium a purpura nomen accepit: rostrum illi, & prælonga crura rubent, inquit Plinius *k*: cæruleus toto corpore color, media extremae caudæ pars in cinereo albicat, inquit Gesnerus *l*. In Bætica patria sua frequentem hanc avem esse ait Antonius Nebrissenfis *m*. Addit Aelianus *n*, amicissime cum aliis domesticis animalibus convivere: & cum gallum forte herus epuli causa iugulasset, porphyriorem præ dolore sibi ipsi inedia mortem attulisse.

V. 18. ONOCROTALUS, id est asini crepitaculum, ob inconditam & absonam vocem quam emittit. Hæc avis in Helvetia, & ad lacum Lemani frequens, rostro admodum longo, magnitudine corporis, & penarum candore cygno fere similis, teste Plinio *o*. Gesnerus *p* narrat eum qui Melchlinæ totis 30. annis nu-

tritus nostro sæculo fuit, alarum extrema habuisse nigra. In faucibus ingluviem habet amphoræ capacem, quam aqua implet, sicque in eam pisciculos recipit: quos ubi sat multos receperit, aquam evomit retentis pisciculis quos vorat. Charadrioidis, seu Charadrii, meminerunt Aristoteles, Plutarchus, Aelianus & Suidas *q*: sic dictus, quod circa fluminum alveos, & vicorum *χαράδρας*, seu hiatus riparum versari soleat. Urde & Latine *Hiaticola* dici posset, inquit Gazar. Tribuunt ei hanc virtutem, quod istericis seu regio morbo affectis solo suo aspectu medeatur. Licet alii velint non tam sanitatem adferre, quam futuram sanitatem prænuntiare, si ægrum dehis oculis intueatur; mortem vero, si oculos avertat. De Chærogyrillo, Gryphe, & Halueto, vide quæ dixi Levit. 11. De hædo vero non coquendo in lacte matris, vide Exodi xxiii. De triplici genere decimarum quæ ab Israelitis pendere debebant, dixi Levit. xix. vers. 23.

(a) Arist. Lib. II. Hist. Anim. cap. 1.

(b) Plin. Lib. VIII. cap. xv. & xxiii. Diod. supra.

(c) Plin. supra cap. lxi.

(d) Plin. Lib. X. cap. xii.

(e) Arist. Lib. VI. supra.

(f) Plin. Lib. VIII. cap. lxi. & Lib. XI. cap. xlvii. Arist. Lib. II. cap. 1.

(g) Plin. supra cap. xviii.

(h) Oppian. Lib. III. de Venatione. Heliod. Lib. IX. Aethiopice hist. Ang. Polit. apud Gesnerum & Anton. Nebrissensem in Quinquagesima cap. viii. Plin. Lib. X. cap. xlix. Albertus Magnus.

(i) Iob xxx. Isaia xlii. 34. 43. Ierem. I. Michæa I.

(k) Plin. Lib. X. cap. lxxi.

(l) Gesnerus in Paralipom.

(m) Nebrissen. cap. xxxvi. Quinquagesimæ.

(n) Aelian. Lib. V. cap. xxviii.

(o) Plin. Lib. X. cap. xlviii.

(p) Gesnerus supra.

(q) Arist. Lib. VIII. de Histor. Animal. cap. xii. & Lib. IX. cap. xi. Plutarch. in Sympot. Lib. V. quaest. vii. Aelianus Lib. cap. xlii. Suidas in Hippocrati.

(r) Gaza Interpret. Aristot. supra.

GORDONI.

Vers. 1. NEC FACIETIS CALVITIUM SUPER MORTUO. Iudæi etiam hodie credunt animæ immortalitatem, & hunc ritum non tondendi partem anteriorem capitis servant in mortuis. Hoc quod hic prohibetur, putantur fecisse Gentes, quæ resurrectionem, & vitam futuram non credebant. Prohibetur porro incilio super mortuo: de qua supra Levit. xix. vers. 28.

V. 5. Mundis eis animalibus, notis apud Hebræos, velci licebat. ORIX capra silvestris est Plinio, Lib. VIII. cap. LIII. TRAGELAPUS hic est hircocervus, seu ex hircō, & cerva progenitum animal, non autem imaginarium & fictum, quale sibi formant Dialectici. PYGARCUS aquilæ species est, ex Arist. Lib. VI. histor. Animal.

V. 7. DE HIS AUTEM, &c. Vide Levit. cap. xi. ubi de his animalibus actum est. CHOEROGYLLUS quibusdam est cuniculus.

V. 12. HALIAETUS marina Aquila.

V. 13. IXION genus vulturis.

V. 18. ONOCRATULUS forte ciconia.

V. 21. QUICQUID AUTEM MORTICINUM EST, NE VESCAMINI EX EO. Hoc de mortuorum animalium morticinis præcipitur similiter Levit. xi. vers. 39. Quod vero est hic de peregrino, Hebraice est נָגֵר : quæ vox licet non raro accipiat pro profelyto, hic tamen alienigenam significat : nam profelyti tenebantur servare legem Mosaicam, & proinde hanc de morticinio; a quo tamen non abstinere peregrinus. Hinc Septuag. hic non habent προσήλυτον, sed πάροις. Deum de hædo non coquendo, vide Exod. cap. xii. vers. 45. de voce נָגֵר.

V. 22. Tres decimæ decernuntur in lege. Duplices, nempe quotannis; & tertiæ quolibet triennio. De primis agitur Numeror. cap. xviii. & totæ dabantur levitis. Ex his levitæ dabant decimam Pontifici. Secundæ pendebantur ex residuis novem partibus: aliqui secundarias

vocant. De his iam agitur a vers. 22 usque ad 28. Tertia decima quolibet tantum triennio pendebatur semel; quæ hic describitur vers. 28. & dabatur pupillis, & viduis pauperibus, atque etiam levitis per modum elemosinæ. Vide Deut. cap. xii. vers. 17. Hanc decimam esse spontaneam putat Caietanus; alii præceptam. De valore harum decimarum dixi Numer. xxviii.

V. 13. & 26. De his primogenitis dixi hic cap. xii. vers. 17. & de siccera Levit. cap. x. vers. 9.

V. 28. & 29. ANNO TERTIO, &c. Probabilius est hunc tertium annum accipi non post unum tantum, sed post duos interiectos, ita ut terminus incipiat post annum solutæ decimæ. Hinc Sept. μετά τρία ἔτη. Hæc decima alia non est illa de qua vers. 22. quæ erat sacris epulis destinata; sed diversa est, & designata ad levandam indigentiam pauperum: nec deferri debebat ad locum templi, vel tabernaculi. Vide Hieronymum Ezech. lxxv; & Ioseph. IV. Antiq. cap. viii.

EX EIUSDEM AUCTARIO.

V. 6. FINDIT UNGULAM. Talia sunt animalia quæ 4. & 5. versiculis continentur. Nec tamen sola illa.

V. 24. BENEDIXERIT, locupletaverit.

V. 27. QUI INTRA PORTAS TUAS EST. Qui habitat in urbe tua.

CAPUT XV.

Lex remissionis septimi anni in quos exerceatur: de servo Hebræo qui noluerit manumitti: de primogenitis Domino sanctificandis & comedendis.

SEPTIMO anno facies remissionem, 2. quæ hoc ordine celebrabitur. Cui debetur aliquid ab amico, vel proximo ac fratre suo, repetere non poterit, quia annus remissionis est Domini. 3. A peregrino & advena exiges: civem & propinquum repetendi non habebis potestatem. 4. Et omnino indigens & mendicus non erit inter vos: ut benedicat tibi Dominus Deus tuus in terra, quam traditus est tibi in possessionem. 5. Si tamen audieris vocem Domini Dei tui, & custodieris universa quæ iussit, & quæ ego hodie præcipio tibi, benedicet tibi, ut pollicitus est. 6. Fenerabis gentibus multis, & ipse a nullo accipies mutuum. Dominaberis nationibus plurimis, & tui nemo dominabitur. 7. Si unus de fratribus tuis, qui morantur intra portas civitatis tuæ, in terra quam Dominus Deus tuus daturus est tibi, ad paupertatem venerit: non obdurabis cor tuum, nec contrahes manum, 8. sed aperies eam pauperi, (a) & dabis mutuum, quocum indigere perspexeris. 9. Cave ne forte subrepat tibi impia cogitatio, & dicas in corde tuo: Appropinquat septimus annus remissionis, & avertas oculos tuos a paupere fratre tuo, nolens ei quod postulat mutuum commodare: ne clamet contra te ad Dominum, & fiat tibi in peccatum. 10. Sed dabis ei: nec ages quippiam callide in eius necessitatibus sublevandis: ut benedicat tibi Dominus Deus tuus * in omni tempore, & in cunctis ad quæ manum miseris. 11. (b) Non decerunt pauperes in terra habitationis tuæ: idcirco ego præcipio tibi, ut aperias manum fratri tuo egeno & pauperi, qui tecum versatur in terra. 12. (c) Cum tibi venditus fuerit frater tuus Hebræus, aut Hebræa, & sex annis servierit tibi, in septimo anno dimittes eum liberum: 13. & quem libertate donaveris, nequaquam vacuum abire patieris: 14. sed dabis viaticum de gregibus, & de area, & torculari tuo, quibus Dominus Deus tuus benedixerit tibi. 15. Memento quod & ipse servieris in terra Aegypti, & liberaverit te Dominus Deus tuus, & idcirco ego nunc præcipio tibi. 16. Sin autem dixerit: Nolo egredi: eo quod diligat te, & domum tuam, & bene sibi apud te esse sentiat: 17. assumes subulam, & perforabis aurem eius in ianua domus tuæ, & serviet tibi usque in æternum: ancillæ quoque similiter facies. 18. Non avertas ab eis oculos tuos, quando dimiseris eos liberos: quoniam iuxta mercedem mercenarii per sex annos servivit tibi: ut benedicat tibi Dominus Deus tuus incunctis operibus quæ agis. 19. De primogenitis, quæ nascuntur in armentis, & in ovibus tuis, quidquid est sexus masculini, sanctificabis Domino Deo tuo. Non operaberis in primogenito bovis, & non tondebis primogenita ovium. 20. In conspectu Domini Dei tui comedes ea per annos singulos, in loco quem elegerit Dominus, tu & domus tua. 21. (d) Sin autem habuerit maculam,

vel claudum fuerit, vel cæcum, aut in aliqua parte deforme vel debile, non immolabitur Domino Deo tuo. 22. sed intra portas urbis tuæ comedes illud: tam mundus quam immundus similiter vescentur eis, quasi caprea & cervo. 23. Hoc solum observabis, ut sanguinem eorum non comedas, sed effundes in terram quasi aquam.

(a) Matth. v. 43. Luc. vi. 32. (b) Matt. xxv. 10. (c) Exod. xxi. Ierem. xxxiv. 14. (d) Levit. xxii. 20. & 21. Eccli. xxxv. 14.

B R U G E N S I S

ROMANÆ CORRECTIONES.

Verf. 7. *Ad paupertatem venerit*. Pro simplici *venerit*, non substituas compositum *de venerit*.

V. 10. *In omni tempore*. Quidam ex Hebræo correxerunt *opere* pro tempore.

V. 21. *Vel claudum fuerit*. Alii præponunt coniunctionem & : *Et vel claudum fuerit*.

C O M M E N T A R I A

S A.

Verf. 1. **S**EPTIMO, scilicet in fine, ut indicant Hebr. & LXX.

V. 3. **P**EREGRINO, id est non Iudæo. A Iudæo, qui non erat solvendo, repeti non poterat.

V. 4. **M**ENDICUS; quasi dicat: Ne patiari Iudæum mendicare, sed subveni. Vide paulo inferius, ubi ait, non defuturos pauperes. Vel significat tantam fore bonorum abundantiam si Dei legem servent, ut nemo cogatur mendicare; alioqui non defuturos pauperes.

V. 6. **F**ENERABIS; id est, mutuum dabis.

V. 9. **F**IAT TIBI IN PECCATUM; id est, fias reus peccati, vel pro peccato puniaris.

V. 11. **P**AUPERES, scilicet privati: nam publici mendici non erant, ut quidam volunt. At videtur contradicere Luc. cap. xvi. Vide supra.

V. 12. **V**ENDITUS; scilicet seipse vendiderit. Nota, quod tales non dimittantur, nisi post septem annos, etiam si interveniret annus remissionis.

V. 14. **V**IATICUM. Hebr. *Quod portet onus*; quasi dicat, abundanter.

V. 17. **S**IMILITER FACIES, scilicet donando libertate, non autem perforando aurem.

V. 28. **N**ON AVERTAS, &c. Hebr.

Chald. & LXX. *Ne tibi durum videatur, quod liberum eum dimiseris*. IUXTA MERCEDAM; quasi dicat: Illud servitium est meritum libertatis, tanquam mercenarius. Hic enim apud Hebræos per tres annos solum operas locabat.

V. 19. **S**ANCTIFICABIS; id est, offeres ut rem sanctam, seu dedicatam Deo.

V. 20. **C**OMEDES, scilicet partem datam a sacerdotibus.

V. 23. **Q**UASI AQUAM, scilicet ita ut nihil remaneat.

E S T I I.

Verf. 1. **S**EPTIMO ANNO FACIES REMISSIONEM. De anno septimo, & quinquagesimo, vide etiam Levitic. xxv. Quidam opinantur remissionem hanc sic intelligi, ut ipso dumtaxat septimo anno non liceret exigere debita, liceret autem post eum annum expletum. Sed revera nihil durum habet lex ista de absoluta remissione intellecta, modo cum Lyrano eam restringas ad impotentes solvere. Deinde quod argumentantur alii, & inter eos Caietanus, vocabulo Hebræo non significari remissionem, sed subtractionem, nihil est. Nam tantumdem valet. Et non solum Hieronymus, sed & alii Hebrææ linguæ peritissimi vertunt, *remissionem*: Interpretis Vatabli, & ipse Vatablus, Pagninus, Arias.

V. 4. ET OMNINO INDIGENS ET MENDICUS NON ERIT INTER VOS. Quæritur quomodo hoc non pugnet cum eo quod dicitur hoc ipso capite vers. 11. *Non deerunt pauperes in terra habitationis tue*: quin & hoc ipsum mox explicatur de paupere fratre, & fratre Hebræo, qui ob paupertatem venditur. Respondetur, nullam hic esse pugnantiam. Nam primo loco præceptum est, ac si dicat Dominus per Moysen: Non sit indigens & mendicus inter vos; sitis vero in eos mites & liberales, ideo & septimum hunc annum remissionis constituo. In posterioribus autem illis verbis est nuda assertio, qua ostenditur nunquam defuturos eos in quos possint, & debeant esse liberales. Nequaquam autem urgendum est, quod Interpretes nosse primo loco vocet indigentem & mendicum, posteriori vero loco simpliciter pauperem, quasi permittantur homines pauperes, sed non mendici: quia apud Hebræos utrobique est idem vocabulum, sicut & apud Septuaginta ὀπίσθι; id est, talis pauper qui caret rebus ad vitam necessariis. Ceterum illud præceptum non pertinet ad magistratum, quasi scilicet magistratus non debeat tolerare mendicos in civitate, sicut quidam male intelligunt; sed pertinet ad divites, qui admonentur ut ita sint liberales in pauperes, ne cogantur mendicare. Si qui autem præinopia cogantur, illi non publico edicto sunt prohibendi, sed subsidiis vel publicis, vel privatis sublevanda est eorum paupertas.

V. 6. FENERABIS GENTIBUS MUTUIS, ET IPSE A Nullo ACCIPIES MUTUUM. Promissio est temporalis felicitatis, sicut & id quod sequitur: **DOMINABERIS NATIONIBUS PLURIMIS.** Sed perperam illud intelligunt nunc Iudæi, quasi liceat illis ab alienigenis usuras accipere: nam fenerare nihil est aliud hoc loco quam mutuam dare, sicut patet ex antithesi illa, dum subiicitur: *Et ipse a nullo accipies mutuam.*

V. 9. CAVE NE FORTE SUBREPAT TIBI IMPIA COGITATIO. Vide Hebræa; & nota, impietatem vocari id quod spiritus avarorum vocaret prudentiam: videlicet, instante anno remissionis, nolle mutuare, ne paulo post cogatur remittere.

MARIANAÆ.

Vers. 1. SEPTIMO ANNO FACIES REMISSIONEM. Hebr. *fine septem annorum*: sed quoniam remissio fiebat post sex annos, Hebræus finem sumit pro principio: nam quodvis extremum comparatione alterius est initium & finis: tum vox *pp kes* proprie significat *extremum*. Sept. dixerunt *per septem annos*.

V. 3. A PEREGRINO ET ADVENA EXIGES, scilicet debita; certe qui alterius religionis esset: nam conversi, privilegio gaudebant: illis debita remittebantur.

V. 4. ET OMNINO INDIGENS ET MENDICUS. Vox Hebraica *DSN epher*, id est *nihil*, significat *denique*; quasi dicat: Hic est finis huius instituti, ut nullus extenuetur, & ad mendicatem redigatur: quod in bene constituta Republica curari debet.

V. 6. FENERABIS GENTIBUS MUTUIS: sic etiam Sept. alii *Mutuis* ponunt *gentibus multis*. Verum Hebræi verbum *ppay habet* in significatione fenerandi etiam accipit, quando ex hoc loco colligunt, licere illis pecuniam externis seniori dare; sed vers. 8. accipitur pro *mutuare*, illis verbis: *Et dabis mutuam, quo cum (nempe fratrem) indigere perpexeris.*

V. 9. CAVE NE FORTE SUBREPAT TIBI IMPIA COGITATIO. Hebr. *Sit verbum cum corde* (pro in corde) *tuo Belial*, hoc est *impium*, ut hoc loco ponit Hieronymus. Sept. & Chald. *aut verbum diaboli*.

V. 10. UT BENEDICAT TIBI. Hebr. *Quoniam propter verbum hoc benedict tibi Dominus*: nimirum quod pauperi subvenire. Hactenus de remissione debitorum: quo Itaias respexit cap. LVIII. *Omnes debitores vestros repetitis*, nimirum hac lege contempta.

V. 14. SED DABIS VIATICUM. Hebr. *Torquem dando torquem dabis*. Onera torquem vocat, quia circum collum gestabantur. Dabis servo quem liberabis, quod potest.

V. 15. PRÆCIPIO TIBI. Hoc nempe verbum, ut est in Hebr. Sept. posuerunt.

V. 17. USQUE IN AETERNUM. Plerique exponunt, usque ad annum lu-

bilei : quod multis etiam aliis locis fit. **ANCILLÆ QUOQUE SIMILITER FACIES.** Hebraus Schol. ordinem inversum ait : & quod de ancilla dicitur , non ad *Perforabis* referendum , sed ad superius verbum , *Dabis vitulum*. Ita hoc , *Ancilla quoque similiter facies* , ponit post vers. 14.

V. 18. **QUONIAM IUXTA MERCEDEM MERCENARIII** ; id est , magno labore ut mercenarius servivit. Hebr. *Quia duplici mercede mercenarii servivit tibi sex annis* : sic Chald. Plerique explicant duplicem mercedem de tempore quo servivit , scilicet sex annis : quod esset solemne , ut mercenarii ad tres annos suas operas locarent . Et sortassis sit responsio tacitæ objectionis . Si enim quereretur herus , multo carius sic servitutem servi provenire , quam aliorum operariorum : respondet , non amplius quam duplicem mercedem esse ; neque magnum esse , si fratris servitium duplo maioris sit quam aliorum qui sponte serviunt .

V. 23. **EFFUNDES IN TERRAM QUASI AQUAM** : ut sanguinis nihil remaneat , scilicet pecudis ad esum occisæ .

MALVENDÆ.

Vers. 1. **SEPTIMO ANNO.** Hebr. *Ab extremo . fine . septem annorum*. Quidam exponunt : id est , post finem septem annorum , vel post septem annos . Falsissime : cum initio septimi anni facienda esset remissio , & totus ille annus septimus ab initio usque ad finem plene esset intermissio . Hebraei observant , *pp ketz , præcisionem , extremitatem , finem* , includere utramque extremitatem , primam , & ultimam , & tam de exitu rei , quam de initio intelligi posse : atque hic intelligi de prima . In extremitate prioris , id est initio , in principio septimi anni . Septimo tandem anno , cum septimus annus adveniet : unde hic vertunt *A principio septem annorum*. Et notant , quod quamvis *pp mikketz* significet finem remissionis numerum ; esse tamen initium remissionis fundi . Sic quoque sumi Jeremiæ xxxiv. vers. 14. Vide Thesaurum Sanctis column. 2509. Aliqui putant , initio quidem ultimi anni faciendam esse remissionem ; sed Mo- sen ita loqui *a fine septem annorum* , ad significandum totum & integrum annum

septimum a principio usque ad finem debere esse remissionis . Quidam reddunt : *A fine septem annorum perficies remissionem* : quoniam remissio incipiebat fieri in principio septimi anni , & in fine eius perficiebatur , seu consummabatur . Ego puto esse Hebraismum , & Hiphilismum , quem Interpretis Hiphanicus apte reddidit *Al cabo de los siete años* : sic enim loqui solemus etiam de initio septimi anni ; id est , cum septimus adveniet annus .

FACIES REMISSIONEM. *שְׁמִיטָה* *semitah* , hoc tantum capite quinquies , & infra cap. xxxi. vers. 10. in Scriptura legitur . Aiunt esse *intermissionem , remissionem , dmissionem liberam* . scilicet mutui , vel a debito mutui . Statuuntque discrimen inter *semitah* , & inter *דֶּרֶר deror* : nam *semitah* proprie significat dimissionem libere mutui tantum ; item remissionem terræ , quæ septimo quoque anno fiebat ex mandato Exodi xxiii. vers. 11. & isto loco Deuteronomii . Sed *deror* significat libertatem non solum mutui , & terræ ; verum etiam debitorum & aliorum bonorum , adeoque etiam corporis , quæ septies septimo quoque anno , hoc est quinquagesimo , fieri iubebatur , Levitici xxv. vers. 2. Servus Hebraus emptus , anno septimo dimittebatur , Exodi xxi. vers. 2. sed si egellate compulsus sese alteri addixisset , non nisi in iubilæo : Levitici xxvi. vers. 41. Hic autem quidam exponunt : *Facies remissionem* ; id est , remittentur debita debitoribus , quæ non fuerint solvendo .

V. 2. **QUAE HOC ORDINE CELEBRABITUR.** Hebr. *Et istud verbum remissionis*. Quidam : *Et hec est res* , id est regula , norma , modus remissionis ; quasi dicas : Hoc pacto remittentur debita . Alii : *Hec vero sit ratio intermissionis* . Nonnulli : *Hec esto ius intermissionis* . Cui debetur aliquid ab amico vel proximo ac fratre suo , repeteret non poterit . Sensum optime exprefsit : nos in Nostra translatione Hebraica verba numeravimus , & ordine expressimus : *Ut dimittat omnis potens בַּעַל ba'al* , possessor , dominus , patronus , creator . *Obstitutionem מַשְׁכַּבֵּב maschbebb* , quidam participium Hiphil verbi מָשַׁב maschab facient , proprie irruens , obruens , opprimens , gravans : inde translate , exigens , mutans , se-

fenerans, vindicans; sed pro nomine omnes fere accipiunt: aiunt significare proprie irruptionem, obrutionem, impositionem, onus, gravamen, oppressionem; inde translate, exactionem, mutuum, accommodatum, fenus, creditum, debitum, non angariabit, vel adiget, exigit, ardebit, affiget, premet. Diximus de significatione verbi נָשָׂא *nagash*, Exod. 11. vers. 7. Iam locum varie alii convertunt. I. Ut remittat omnis vir, qui mutuatur manu sua. Qui mutuaverit proximo suo, non exigit a proximo suo, & a fratre suo. II. Remittere omnem mutuam manum suam; id est, hoc est verbum remissionis, videlicet omnem hominem qui mutui est creditor, remittere manum suam ab exigendo mutuum. Unde & hoc clarius manifestando subiungitur: Qui mutuabit socio suo, non exigit a socio suo, & a fratre suo. Intelliguntque: ut septimo quoque anno non exigitur a terra fructus; ita non vextur exactione mutui illo anno debitor mutui. Socium hic accipiunt profelytum, fratrem vero Israelitem. III. Ut remittat omnis, qui mutuum dederit manu sua; vel omnis patronus mutui manus sue, id quod mutuum dedit amico suo: non reposcet ab amico suo aut a fratre suo. IV. Ut remittat omnis dominus accomodati manum suam: vel ut remittat libere omnis dominus mutui manum suam, qui irrogavit in proximum suum: non adiget sodalem suum, & fratrem suum, scilicet ad solutionem. V. Omnis creditor remittere debet manum suam, is scilicet qui mutuo dedit proximo suo: neque urgeat proximum suum, aut fratrem suum. VI. Intermittito omnis dominus debiti, seu creditor, vindicans manu sua; id est, qui posset rem suam manus iniectione recipere: vel ius habens vindicandi manu sua id quod vindicaturus esset: scilicet nisi lex intermissionis obstaret: nam iustus est rei creditæ dominus, eamque iustis vindiciis potest repetere: a proximo suo: ne exigit a proximo suo, & a fratre suo. VI. Hispanicus Interpres: Dextera a su deudor todo aquel que emprestó de su mano, conque adeudo a su proximo: ne lo tornara a demandar a su proximo, o a su hermano. QUIA ANNUS REMISSIONIS EST DOMINO. Hebr. Quia vocavit, seu clamavit remissionem Domino. Exponunt: Vocavit, scilicet præco, vel proximus. Alii usitatisimo more Scripturæ, tertiam per-

sonam præteriti activam pro impersonali passiva capiunt, quia vocavit, seu clamavit, pro vocata, proclamata fuit remissio Domino. Quidam: Cum indixit intermissionem Iehovæ; vel cum indixit fuerit intermissio Iehovæ. Dativus est Iehovæ, id est in honorem Iehovæ, qui diem septimum, & annum septimum sibi consecravit, quod die septimo opus creationis perfecisset.

V. 3. A PEREGRINO ET ADVENA EXICES, &c. Hunc versum quidam ex Hebr. ita transferunt: Alienigenam ardebit; vel ab alienigena reposces: at id quod fuerit tibi apud fratrem tuum, remittet manus tua. Aliqui: Ab alienigena exiges; sed ab eo quod erit tibi apud fratrem tuum, intermittito manum tuam. Alii: Ab alienigena poteris exigere; qui vero frater tuus est, hunc requiescere finat manus tua. Nonnulli: Alienum adiges; at qui frater tuus est, hunc libere dimittet manus tua. Hispanicus: Del esfrangero tornaras a demandar; mas lo que tuviere tugo tu y hermano, soltarlo a tu mano. Verbum נָשָׂא *schamat*, quod hic in Hiphil ponitur, significatum intendit; quasi dicas: Statim, prompte, omnino libere dimittes. Caietanus vertit: Ab alienigena exiges: & quod erit tuum, fratri tuo remittes manum tuam.

V. 4. ET OMNINO INDIGENS ET MENDICUS NON ERIT INTER VOS. Debr. ephes varie hic exponunt. I. In tantum ut non in te mendicus. Voluit, significare Dominum, fore ut nemo inter eos egeat, si istam legem remissionis servent: nec esse quod timeant se minus divitiarum habituros, si hoc beneficium septimo anno in debitores suos conferant. II. Peruntamen non erit in te pauper; quasi dicas: Non timebis hanc meam legem tibi fraudi futuram: siquidem si boni æmulatores fueritis præceptorum meorum, adeo benedicam vobis, & multiplicabo ea quibus opus habetis, ut nullus inter vos futurus sit pauper, cui mutuo quidquam sit dandum. Sensus plane ineptus: nam alioqui lex ista remissionis penitus supervacanea esset. III. Præterquam si non sit pauper in te, id est in urbe tua: vel præterquam cum non erit pauper in te: aut nisi cum non erit pauper in te; id est, nisi frater tuus sit dives; quasi dicas: Hæc regula remissionis non intelligitur nisi illi fuerint pauperes: nam pauperibus

ribus fratribus remittes pecuniam creditam: verum divites fratres excipio, quibus non remittes quod mutuum dederis, cum habeant unde reddere possint. IV. *Profecto quod non erit in te pauper, quia benedicens benedicet te Iehovah.* Notant esse verba Moïsi non præcipientis, sed promittentis & prænuuntiantis hunc inter alios futurum fructum observantiæ legis divinæ, quod non esset ex eis quisquam valde pauper: id enim vocem עֲבֹן *ebon* proprie significare volunt, nempe *valde, plusquam pauperem*. Putantque hunc verbum adiectum a Mose, ne gravis videretur lex ista creditoribus: nam si nullus eorum erit valde pauper, ex eo quod servat divinam legem; consequens erit quod nullus beneficio remissionis anni septimi utetur; sed absque exactione reddet quod debet, tempore suo. V. *Et omnino non eris in te inops*; id est, dabis operam ut nulli in vobis sint indigentes, mutuando scilicet pauperibus ea quibus indigent, illisque remittendo mutua septimo, si antea non sint solvendo. Quidam in eandem fere sententiam exponunt: *Finis, denique non erit in te egenus*; quasi dicas: Hic est finis huius legis, ut nullus extenuetur proflus, & ad egestatem reducatur: quod maxime curandum est in Republica bene instituta. In hunc sensum Hispanicus Interpres: *Solamente porque no haya en ti mendigo*. VI. *Eo quod non eris in te mendicus*; id est, si hoc feceris, faciam & ego ut nullus in te sit mendicus. VII. *Nisi quod non eris in te egenus*. VIII. *Tantum quod non eris in te pauper*. IX. *Omnino in te non esto egenus*; id est, debes operam dare quantum in te est, ne sit in te egenus. Duæ cause legis istius, prior caritatis, posterior benedictionis divinæ ex promissione, quæ obedientiæ conditione coniuncta est. Alioqui inter Israelitas non desuere egeni, infra vers. 11. Quidam legem remissionis ita intelligunt, ut ipso tantum anno nulla possent exigi debita. Ratio erat, quod eo anno nullos fructus e terra perciperent, unde pecunia confici solet ad debita dissolvenda; transacto tamen anno porvisse repeti: alioqui credita non omnino perire debebant. At Hebræi passim intelligunt eo anno penitus remissa fuisse debita, si eo usque solvendo non essent, ut nunquam deinceps exigi pos-

Bib. Sac. Tom. III.

sent: quod est rectius. Vide Explanatores. UT BENEDICAT TIBI DOMINUS. Hebr. *quia benedicens benedicet tibi IAHU*; id est, omnino, ubertim, large locupletabit, fortunis & opibus augebit IAHU.

V. 6. FENERABIS GENTIBUS MULTIS, &c. Quidam reddunt: *Adeo ut poteris mutare gentibus multis, & tu non habebis opus mutuari*; quasi dicas: Tantam nactus eius benedictionem & felicitatem, adeo ut possis mutare, &c. Plerique cum Nostro verbum גָּבַח *ghabat* per fenerari reddunt: unde Hebræi hinc colligunt licere ipsis pecuniam sub senore, seu usura exteris gentibus dare. Sed verbum proprie significat *pignerare, & pignerari, active, & passive*; vel mutuum dare, vel accipere.

V. 9. ET AVERTAS OCULOS TUOS A PAUPERE FRATRE TUO. Hebr. *Et malus, malignus oculus tuus in fratre tuo egeno*. Notant esse Hebraicam phrasim, *oculum malum*, seu *malignum*, id est invidum, sordidum, parcum, illiberalem, immisericordem, improbum, qui non libenter aspicit ut misereatur, & succurrat pauperi. Sic Proverb. xxiii. vers. 6. & Matthæi xx. vers. 5. Vide infra cap. xxviii. vers. 54. Sicut e contra *oculus bonus* pro animo misericordi, liberali, benefico, Proverb. xxii. vers. 9.

VII. FRATRI TUO EGNO ET PAUPERI. Hebr. *Fratri tuo, pauperi tuo, & egeno tuo*. Quidam exponunt: Id est, quem tibi Deus offert ut ei succurras, vel tui generis Israelitici, vel tuæ religionis, vel qui in terris tuis versabitur.

V. 12. CUM TIBI VENDITUS FUERIT FRATER TUUS HEBRÆUS, &c. Vide Exod. xxi. vers. 2. AUT HEBRÆA. Notant esse elipsim analogiam ex precedenti membro, nimirum aut soror Hebræa. SEX ANNIS. Explicant, nempe ad annum intermissionis usque, sive iusto sex annorum spatio serviat, sive minore: puta adæquata ratione pretii cum servitutis tempore, ut docet analogia Levitici xxv. vers. 50. Alioqui lex foret durior ad personarum emptionem pertinens, quam quæ de exigendo ære alieno lata est. Etenim si intermissionis anno æs non potest exigi; quanto minus personas in servitutem cogi æquitas perpessura est?

V. 14. SED DABIS VIATICUM. Verbum

Eee bum

bum *דָּן גְּחָנָק*, a torque dicitur: ex verbo: *Et torquizado torquezabis ei*. Aiunt significare cingere, circumdare, circumponere, intexere, implicare, tamquam torqueum collo ornatus gratia: unde varie vertunt. I. *Et onerando onerabis eum*; subaudi muneribus. II. *Et circumstipando circumstipabis*: vel *Et suffarcinando suffarcinabis ei*; id est, explebis eum. Alii, *Et implicando implicabis eum*; scilicet muneribus: vel *Et intexendo intexes ei*. III. *Et ornando ornabis eum*. IV. *Et circumcingendo circumcinges eum*; id est, munifice & liberaliter onerabis. V. *Et imponendo collo impones collo ei*; scilicet, liberaliter & magnifice munera collo eius impones.

V. 16. *ET BENE SIBI APUD TE ESSE SENTIAT*. Hebr. *Quia bonum ei tecum*; id est, quod gratum sit illi habitare tecum. Quidam: *Quia bene est ei apud te*. Vide infra cap. xiii. 16.

V. 17. *ASSUMES SUBULAM, ET PERFORABIS AUREM EIUS IN IANUA DOMUS TUAE*. Hebræa: *Et capies subulam, & dabis in aure eius, & in porta*; id est, per aurem eius adiges subulam in fores, sive ianuam: quo significabatur perpetuo affixum fore ei domui. Quidam vertunt: *Ut acceptam subulam indas auri eius, & ipsi ianue*: nimirum ut subula aurem ianue defigas. Alii: *Sumes subulam, & transfiges ea aurem ad ostium*, servietque tibi usque in eternum; id est, usque ad iubilæum, Levitici xxvi. 10. Vide Exod. xxi. 6. *ANCILLÆ QUOQUE SIMILITER FACIES*. Quidam exponunt: Id est, ancillam donabis libertate quemadmodum & servum. De libertate donanda ancillæ loqui Moyses existimant, non autem de perforanda illi aure: non enim perforabantur aures ancillarum. Sed unde hoc erunt? Rectius alii: Quando ancilla non ducebatur, Exod. xxi. vers. 7. & seqq. nec abire libera volebat, perforandam ei aurem ut servo. Immo quidam notant, propter ancillam hoc de servo hic repeti a Mose.

V. 18. *NON AVERTAS AB EIS OCULOS TUOS, QUANDO DIMISERIS EOS LIBEROS*. Hebr. *Non duret in oculis tuis in dimittere te eum liberum de tecum*; id est, ne durum aut asperum tibi videatur: ne graveris aut molestum sit tibi dimittere eum, &c. *QUONIAM*

IUXTA MERCEDEM MERCENARIJ PER SEX ANNOS SERVIVIT TIBI. Hebr. *Quia secunditatem, duplicem, vel secundarium, duplum mercedis mercenarij servivit tibi sex annis*. Quidam exponunt: Id est, bis tanto tempore servivit tibi, quam servire solet mercenarius. Mercenarii enim servi apud Hebræos operas suas locabant ad tres annos tantum. Id colligit Hebræorum nonnulli cum ex hoc loco, tum ex Isaia xvi. vers. 14. *In tribus annis, sicut anni mercenarii*. At non magis colligas ex hoc loco Isaia tres annos fuisse mercenarii, quam ex alio eiusdem Isaia xxi. 16. *In uno anno, sicut in anno mercenarii*: unum annum fuisse mercenarii. Tanta est ludæorum stupiditas in intelligendis Scripturis. Anni enim mercenarii, sive unus, sive plures, dicuntur pleni, integri, quibus nihil deest, aut superest. Alii hic explicant: *Nam duplum est mercedis mercenarii, quo servivit tibi sex annis*; id est, ut servus adductus necessaria servitute servivit, quæ multo gravior est quam mercenaria, ac proinde dupla mercede digna.

V. 19. *DE PRIMOGENITIS, QUAE NASCUNTUR, &c.* Vide de hoc versu Exod. xiii. vers. 2. 12.

V. 20. *IN CONCEPTU DOMINI DEI TUI COMEDAS EA, &c.* Notant esse apostrophem ad sacerdotes: nam illis primogenita cedebant ex lege Num. xviii. vers. 17. & 18.

V. 21. *AUT IN ALIQUA PARTE DEFORME, VEL DEBILE*. Hebr. *omnis macula mala, seu vitium malum*: quod sit ex illis vitiis quæ recententur Levit. xxii. vers. 21. 22. 23. 24. 25. Sic infra cap. xvii. vers. 1.

V. 23. *UT SANGUINEM EORUM NON COMEDAS*. Vide supra cap. xii. vers. 16.

MENOCII.

Vers. 2. *A MICO, VEL PROXIMO, VEL FRATRE SUO*. Sermo est de Iudæo, qui genere frater est, ideoque amicus, & proximus: profelyti enim anno septimo non liberabantur suis debitis, sed tantum Iudæi. Porro debitum intellige ex mutuo, aut vendito, non autem ex commodato: quia hoc proprium non est debitum, sed alienum, sive res ad alium spectans.

V. 3. A PEREGRINO ET ADVEN-
EXIGES. Etiamſi proſelytus ſit, poteris
exigere. CIVEM ET PROPINQUUM:
gente Iudæum.

V. 4. MENDICUS NON ERIT IN-
TER VOS. Non eſt promiſſio, aut bene-
dictio, ſed præceptum, ne quempatiantur
mendicum, ſed illi aut liberaliter largien-
do, aut ſaltem mutuo dando, terant opem.
Erant quidem aliqui pauperes, qui priva-
tim egebant, ut patet hoc cap. num. 11.
mendici qui publice ſtipem colligerent, nul-
li, ut etiamnum ſit in bene ordinatis Re-
bus publicis.

V. 5. EGO PRÆCIPIO TIBI, de mu-
tuo dando, & obligatione remittenda an-
no ſeptimo.

V. 6. FENERABIS: mutuum dabis,
quia abundabis.

V. 9. APPROPINQUAT SEPTI-
MUS ANNUS, cum remiſſio debiti fa-
cienda eſt. COMMODARE, mutuare.
FIAT TIBI IN PECCATUM: irafcatur
tibi Dominus, & puniat te: peccatum po-
nitur pro pena peccati.

V. 10. NON AGES QUIDPIAM CAL-
LIDE, non dando mutuum metu adven-
tantis ſeptimi anni.

V. 12. IN SEPTIMO ANNO DIMIT-
TES LIBERUM. Vide dicta Exod. XII. 2.

V. 16. SIN AUTEM DIXERIT: NO-
LO EGREDI, &c. Vide dicta eodem cap.
XXI. num. 6.

V. 17. ANCILLÆ SIMILITER FA-
CIES. Reſer hoc ad viaticum, non ad
auris perforationem, quæ in ancillis locum
non habuit: vide Exod. XXI. 7.

V. 18. NON AVERTAS AB EIS OCU-
LOS TUOS: non ages dure, aut inhu-
maniter. QUONIAM IUXTA MERCE-
DEM MERCENARIJ SERVIVIT TIBI.
Servivit tibi ſex annos, non minus quam
mercenarius, cuius operam ſi conduxiffes,
mercedem numerare debuiffes. AEquum
ergo eſt, ut mercedis loco anno ſeptimo
eum manu mittas cum aliquo viatico.

V. 19. NON OPERABERIS IN PRI-
MOGENITO BOVIS. Sermo eſt de pri-
mogenitiſi feminei generis: nam loquitur
de iis primogenitis de quibus laicus veſci
poterat, ut patet ex num. 20. ſequenti;
primogenita autem maſcula tota erant Dei,
& ſacerdotum, adeo ut nihil rediret ad
eam qui offerebat; quemadmodum ali-

quid redibat cum feminei generis primo-
genita offerrebantur ritu victimarum paci-
ficarum.

V. 22. SED INTRA PORTAS, &c.
maſtando illud alia maſtatione communi,
& profana. TAM MUNDUS QUAM IM-
MUNDUS. Quod locum non haberet,
ſi animal immolatum fuiſſet ritu paci-
ficorum: ex huiusmodi enim ſacrificio ſoli
mundi participare poterant. Levit. VII.
20. & ſeq. & alibi.

T I R I N I.

Verſ. 4. **E**T OMNINO INDIGENS
ET MENDICUS NON ERIT
INTER VOS. Ex verſione LXX. patet
eſſe præceptum, quo inhibet Deus ne
quem Iudæum patiantur apud ſe egenum,
quin ei petenti ſubveniant ſaltem mutuando.
Et hoc præceptum verſ. 7. dilucidius
explicatur.

Dices. Verſu 11. prædicitur, numquam
deſuturos pauperes in terra promiſſa. Re-
ſpondeo. Aliud eſt conari, & operam ad-
hibere; quod ſolum hic præcipit ſingulis:
aliud perſicere, & finem conſequi; quod
non erat in poteſtate ſingulorum. Sic ali-
bi prohibetur ne ſit ulla meretrix ex ſilia-
bus Iſrael: quis tamen audeat dicere, de-
fuiffiſſe umquam de facto?

V. 6. FENERABIS GENTIBUS MUL-
TIS, &c. Hinc Iudei putant ſibi licere
ad uſuram dare Chriſtianis. Sed Reſpon-
deo. In Hebræo, Chald. & LXX. tan-
tum eſt, *mutuabis*: & Latinum *fenerabis*
idem hic ſignificat, ut patet ex antitheſi
mox adiuncta, A NULLO ACCIPIES
MUTUUM. Ergo nulla hic uſuræ eſt per-
miſſio, aut mentio, multo minus præce-
ptum; ſed ſolum promittitur benedictio,
qua ſibi obedientibus addicit Deus, tan-
tam fore facultatum copiam, ut ipſi poſ-
ſint non ſolis contribulibus ſuis, ſed aliis
quoque gentibus paſſim mutuas dare pec-
cunias ſine damno ſuo, ipſi vero a nemi-
ne compellantur mutuum accipere. An
autem licuerit Iudæis ad uſuram dare Gen-
tilibus, dicemus infra cap. XXXII.

V. 17. ANCILLÆ SIMILITER FA-
CIES. Non reſertur hoc ad auris perſi-
rationem, licet hæc immediate præcedat,
quia hæc in ancillis locum non habebat;
ſed ad viaticum, & alia donativa, quibus
Ecc 2 verſ.

vers. 13. & 14. iubet donari servos quando liberi dimittuntur. Ceterum de hoc, aliique privilegiis anni septimi sabbatici, vide quæ dixi Exodi xxiii. vers. 11.

V. 19. NON OPERABERIS IN PRIMOGENITO BOVIS, &c. Agit hic de primogenito, non illo maculo & immaculato, de quo paulo ante, quia hoc totum Deo & sacerdotibus cedere debebat, ut expresse ibidem iubetur; sed de primogenitis feminei sexus, quæ postquam immolata essent more pacificorum, uti liquisse constat ex Levitici iii. vers. 1. poterant postea ab ipso met offerente, eiusque familia in solemnibus Ierosolymæ epulis absumi: uti etiam absumi in iisdem epulis poterant si quæ primogenita maculosa, seu vitio alicui obnoxia obvenissent: non poterant tamen hæc Deo, ne quidem in hostiam pacificam offerri. Vide sup. cap. xii. vers. 17. & Levit. xix vers. 23.

GORDONI.

Vers. 1. **D**E hac remissione, seu æris alieni ex mutuo quod datur causa indigentiae, sive servorum, vide Exod. cap. xxiii. vers. 11. Et hæc debiti huius remissio habebat debiti extinctionem, quando nempe erat ex mutuo causa necessitatis concessio, ut hic colligitur ex vers. 9. & 10. Ceterum, ut iam dicam, proselyti & advenæ non gaudebant hac remissionis privilegio.

V. 2. Debitum hoc intellige de vendito, aut mutuo, non de commodato, quia non habet rationem debiti. Nec de proselytis est lex hæc: nam manebant anno septimo obstricti debito; sicut etiam externæ nationis homines. Solum ergo inter Iudæos lex est, seu ex Iudæis natos.

V. 4. Habetur quidem vers. 11. non defuturos pauperes inter Iudæos. Ergo hoc vers. 4. dicitur curandum esse, quoad fieri potest, ut non sint pauperes.

V. 6. FENERABIS GENTIBUS MULTIS. Hoc nullo modo favet usuris lu-

dæorum. Apud Septuaginta est, *δανὴς ἴσας πολλοῖς, οὐ δὲ οὐ δανῶν*. Hebr. *הקבץ הבבא*, *mutuo davis*, seu *mutuabitur*: *רצץ*. Sensus est: Si bene egeris, Deus ditabit te, ita ut mutuum aliis des, & tu a nullis accipias. Infra cap. xxiii. in fine. Itaque locus hic intelligi potest de simplici mutuo, quamvis cap. xxiii. sit sermo de mutuo cum usura, eaque permixta cum externis. Et sane ibi est aliud verbum Hebræicum.

V. 12. CUM TIBI VENDITUS. Vide idem Exod. cap. xxi. ubi etiam insequentes hic versiculi explicantur.

V. 19. NON OPERABERIS IN PRIMOGENITO BOVIS. Nam ut supra, quod primogenitum masculinum est, debetur Deo.

V. 20. COMEDES. Est mutatio personæ, ut aliqui interpretantur hunc locum; ut sit hic conversio sermonis ad sacerdotes, quorum scilicet erat comedere primogenita. Vide Num. xviii. vers. 17.

V. 33. QUASI AQUAM: ut nihil remaneat.

EX EIUDEM AUCTIONARIO.


V. 9. SEPTIMUS ANNUS: quando facienda erat remissio debiti. **COMMODORE,** mutuo dare.

V. 10. CALLIDE, negando mutuum ex aliquo prætextu excogitato.

V. 17. ANCILLAE. Debet hoc fieri ad viaticum, non ad auris perforationem, quippe quæ non habebat locum in ancillis. Exod. xxvi. 7.


V. 18. NON AVERTAS. In dimissione humaniter age cum eo. AEquum est ut cum manumittas cum aliquo viatico: nam si cum conduxisses, debuisses dare mercedem.

V. 20. COMEDES. Si quis velit hoc intelligi de offerente laico, oportet intelligere versus decimum nonum de primogenitis feminei sexus: nam de illis solis comedebat offerens iste laicus.



C A P U T XVI.

Tres præcipue anni solemnitates, Azymorum, Hebdomadarum, & Tabernaculorum: de iustis indicibus constituendis, & de cavendo ab occasionibus idololatriæ.

1.  **O**bserva mensem novarum frugum, & verni primum temporis, ut facias Phasē Domino Deo tuo: quoniam in isto mense eduxit te Dominus Deus tuus de Aegypto nocte. 2. Immolabisque Phasē Domino Deo tuo de ovibus, & de bobus, in loco quem elegerit Dominus Deus tuus, ut habitet nomen eius ibi. 3. Non comedes in eo panem fermentatum: Septem diebus comedes absque fermento, afflictionis panem, quoniam in pavore egressus es de Aegypto: ut memineris diei egressionis tuæ de Aegypto, omnibus diebus vitæ tuæ. 4. * Non apparebit fermentum in omnibus terminis tuis septem diebus, & non remanebit de carnibus eius quod immolatum est vespere in die primo usque mane. 5. Non poteris immolare Phasē in qualibet urbium tuarum, quas Dominus Deus tuus daturus est tibi; 6. sed in loco, quem elegerit Dominus Deus tuus, ut habitet nomen eius ibi: immolabis Phasē vespere ad solis occasum, quando egressus es de Aegypto. 7. Et coques, & comedes in loco quem elegerit Dominus Deus tuus, maneat confurgens vades in tabernacula tua. 8. Sex diebus comedes azyma: & in die septima, quia collecta est Domini Dei tui, non facies opus. 9. Septem hebdomadas numerabis tibi ab ea die qua falcem in segetem miseris: 10. & celebra- bis diem festum hebdomadarum Domino Deo tuo, oblationem spontaneam manus tuæ, quam offeres iuxta benedictionem Domini Dei tui: 11. & epulaberis coram Domino Deo tuo, tu, filius tuus, & filia tua, servus tuus, & ancilla tua, & levites qui est intra portas tuas, advena ac pupillus & vidua, qui morantur vobiscum: in loco quem elegerit Dominus Deus tuus, ut habitet nomen eius ibi: 12. & recordaberis quoniam servus fueris in Aegypto: custodiesque ac facies quæ præcepta sunt. 13. Solemnitatem quoque tabernaculorum celebra- bis per septem dies, quando collegeris de area & torculari fruges tuas: 14. & epulaberis in festivitate tua, tu, filius tuus & filia, servus tuus & ancilla, le- vites quoque & advena, pupillus ac vidua qui intra portas tuas sunt. 15. Septem diebus Domino Deo tuo festa celebrabis, in loco quem elegerit Dominus: benedicetque tibi Dominus Deus tuus in cunctis frugibus tuis, & in omni opere manuum tuarum, erisque in lætitia. 16. Tribus vicibus per annum apparebit omne masculinum tuum in conspectu Domini Dei tui, in loco quem elegerit: in solemnitate azymorum, in solemnitate hebdomadarum, & in solemnitate tabernaculorum. (a) Non ap- parebit ante Dominum vacuus. 17. Sed offeret unusquisque secundum quod ha- buerit iuxta benedictionem Domini Dei sui, quam dederit ei. 18. Iudices & ma- gistros constitues in omnibus portis tuis, quas Dominus Deus tuus dederit tibi, per singulas tribus tuas; ut iudicent populum iusto iudicio. 19. nec in alteram partem declinent. (b) Non accipies personam, nec munera: quia munera ex-

cæcant oculos sapientum, & mutant verba iustorum. 20. Iuste quod iustum est persequeris: ut vivas, & possideas terram quam Dominus Deus tuus dederit tibi. 21. Non plantabis lucum, & omnem arborem iuxta altare Domini Dei tui. 22. Nec facies tibi, neque constitues statuum: quæ odit Dominus Deus tuus.

(a) Exod. xxiii. 15. xxxiv. 20. Eccli. xxxv. 6. (b) Sup. 2. 17. Levit. xix. 15. Exod. xxxii. 8. Eccli. xx. 31.

BRUGENSIS

ROMANÆ CORRECTIONES.

V. 4. *Non apparebit fermentum.* Retinendum est substantivum pro adiectivo *fermentatum.*

V. 22. *Quæ odit Dominus Deus tuus.* Non commutes neutrum quæ cum feminino *quanti* tamen Hebræa ambigua sint.

COMMENTARIA

S. A.

Vers. 1. **F**ACIAS PHASE; id est, immolabis agnum paschalem, vel victimas in pascha offerri solitas. Vide Ioan. xviii.

V. 2. **ET DE BOBUS**, scilicet victimam aliam. Chald. & *victimam sanctificatam de bobus.*

V. 3. **AFFLICTIONIS**, scilicet AEGYPTIACÆ monumentum. **PAVORE**, scilicet tanto ut non potueris panem fermentare. Hebr. & LXX. *festinatione.*

V. 6. **OCCASUM**. Hinc apparet quid sit, Inter duas vespervas. Vide Exod. xii. **QUANDO**, scilicet illa nocte egressi, ut supra dictum est.

V. 7. **COQUES**, id est parabis, scilicet assando. **CONSURGENS**: sic etiam Chald. at Hebr. & LXX. *vertens te*; quasi dicat. *Reverteris.*

V. 8. **COLLECTA**, id est solemnitas, scilicet collecto populo. **OPUS**, scilicet fervile. Vide Levit. xxiii.

V. 9. **AB EA DIE**, &c. id est, ab ea die qua est oblatus manipulus primitiarum, qui primum metitur, ut interpretatur Chald.

V. 10. **IUXTA BENEDICTIONEM**, &c. id est pro facultatibus tibi a Deo datis.

V. 11. **EPULABERIS**. Hebr. Chald. & LXX. *letaberis*: sic & infr. **HABITET NOMEN EIUS**; id est, colatur ipse.

V. 18. **MAGISTROS**, scilicet viros sapientes. Hebr. & Chald. *præfectos*. LXX. *magistros.*

V. 19. **NON ACCIPIES**, &c. Alloquitur iudices. **PERSONAM**; quasi dicat: Ne habeas respectum seu rationem dignitatis litigantis. **MUTANT**. Hebr. & Chald. *pervertunt*. **VERBA IUSTORUM**, id est causas iustas. Chald. *verba recta.*

V. 20. **IUSTE QUOD IUSTUM**: sic etiam LXX. at Hebr. *iustitiam iustitiam*, id est ipsam iustitiam, seu nihil aliud nisi quod iustum est. Chald. *Quod iustum est*, & *verum.*

V. 22. **QUÆ ODIT**; quasi dicat: Ritum gentilitio, seu modo quo solent idololatæ.

EST II.

Vers. 2. **I**MMOLABISQUE PHASE DOMINO DEO TUO DE OVIBUS, ET DE BOBUS IN LOCO, &c. Quomodo Phase de bobus? cum Phase alibi dicatur immolatio solius agni paschalis? Sed responderetur, Phase hic accipi pro totis septem diebus solemnitatis paschalis, quibus præter agnum paschalem quem singuli debebant celebrare, varia etiam sacrificia offerebantur, de quibus sic Numer. xxviii. *Mense autem primo, quatuordecima die mensis, Phase Domini erit. Et paucis interiectis: Offerretisque incensum holocaustum Domino, vitulos de armento duos, arietem unum, agnos amniculos septem ... & bircum pro peccato unum ... præter holocaustum matutinum quod semper offerretis. Ita facietis per singulos dies septem dierum.* &c.

V. 13.

V. 19. & 20. NON ACCIPIES PERSONAM, NEC MUNERA.... IUSTE QUOD IUSTUM EST PERSEQUERIS. Postrema illa verba Hebraice sic sonant: *Iustitiam iustitiam sequeris*: quæ tamen recte Interpres noster, & Septuaginta verterunt: *Iuste quod iustum est persequeris*. Significatur enim illa geminatione Hebraica, omnino, & ex tota animi intentione sequendum esse id quod iustum est; neque aliud quam iustitiam præ oculis habendam in iustitia administranda. Tractat hunc locum pulchre Gieg. Lib. IX. Mor. cap. xix. Nonnulli, inquit, *terrena præmia appetunt, & iustitiam deserunt*. Quos contra bene per Moysen dicitur: *Iuste quod iustum est, exequaris*. Iniusse quippe quod iustum est exequitur, qui ad defensionem iustitiæ non virtutis emulatione, sed amore præmii temporalis excitatur. Denique concludit. *Iuste ergo iustum exequi, est in assertione iustitiæ, eandem ipsam iustitiam quærere*. Sic ille. Sed & Aristoteles ipse Lib. V. Ethic. docet multum diversa esse iuste agere, & id quod iustum est agere.

M A R I A N A E.

Vers. 1. **O**Bserva mensem novarum frugum, et verni primum temporis. Hebr. *menſem Abib*, non amplius. *Verni primum temporis*, id Hieronymus addidit. Quod cum inter menses *Ab* numeretur quintus a Nisan, Pagn. pro *Abib*, *Iulium* reddidit; sed ad verbum *menſem viridem* seu *germinis* significat, quod terra primo vere herbis & floribus vestitur. Sic Hispani id *Pascha veris floridum* vulgo vocamus. Pascha mense Iulio non erat, sed martio aut aprili.

V. 2. IMMOLABISQUE PHASE.... DE OVIBUS, ET DE BOBUS. *Phase* solum ex ovibus & capris erat: sed adiungebantur alia sacrificia, quæ *Phase* etiam vocantur, quoniam in *Phase* seu *Paschate* offerebantur.

V. 3. NON COMEDES IN EO. Hebr. *super eo*; quod veriti potest, cum eo, nempe *phase*, non comedes fermentum. Quid ergo comedes? **ABSQUE FERMENTO, AFFLICTIONIS PANEM**. *Azyma* sic vocantur, tum quod is panis nullam gratiam haberet, tum quod monumentum af-

flictionis quam in Aegypto erant passi. **IN PAVORE**. Hebr. Sept. & Chaldaeus; *festinanter*, scilicet egressus es de Aegypto.

V. 6. **UT HABITET NOMEN EIUS** IBI. Habitat Dei nomen in templo, quod eius nomine vocatur, sacraturque.

V. 7. **ET COQUES**. Quod torretur, coquitur. Sept. ad tollendam ambiguitatem dixerunt: *Coques & torrebis*: sic *בשל basal*. Hebr. utrumque significat, *lixare*, & *assare*. **MANEQUE CONSURGENS**. Non primo die post esum agni, quia est ille dies primus Paschatis, sed peractis septem diebus azymorum.

V. 8. **QUIA COLLECTA EST**. Hebr. *retentio est*, nimirum ab opere servili: plura Numer. xxix. vers. 35.

V. 9. **AB IE DIE QUAE FALCEN**. Mense Nisan incipiebant metere saltem secale aut hordeum, aut farraginem iumentis.

V. 10. **OB LATIONEM SPONTANEAM**. Vox *מִסַּח misah* Hebraica a pletrique deducitur a radice *מסח masas*, & significat *sufficientiam*, hoc Pagninus sequitur; ab aliis a *נשא nasab*, & significat *elevationem*, seu *oblationem*, quod Hieronymus, & Sept. sunt secuti. Eadem sententia est, siue dicas oblationem spontaneam, siue sufficientiam spontaneam, scilicet nullam oblationem in hoc festo peculiarem præscribi, sed in cuiusque id arbitrio relinqui. Quidam Missam nostram a *misah* hac voce Hebr. deducunt.

V. 18. **IUDICES ET MAGISTROS CONSTITUES**. Pro *magistros* Hebr. *ſoterim*, quæ vox *praefectos* significat: iidem *magistri* sunt Latine.

V. 19. **MUNERA MUTANT VERBA IUSTORUM**. Hebr. *pervertunt*: scilicet loquuntur quod non debent. Quod si hoc iustis accidit, quid alii faciant?

V. 20. **IUSTE QUOD IUSTUM EST PERSEQUERIS**. Hebr. *Iustitiam iustitiam persequeris*, hoc est solam iustitiam; nihil præterea, præsertim in iudicio.

M A L V E N D A E.

Vers. 1. **I**MMOLABISQUE PHASE DOMINO DEO TUO DE OVIBUS ET DE BOBUS. Hebr. *Et sacrificabis, maſlabis, peſach IHUH Deo tuo oves, & boves*. Quidam putant, esse as-

syntheton, & coniunctionem & subaudiunt *phesach*, Et oves & boves, ut distinguat sacrificium *pesach*, id est parvæ pecudis, a sacrificio ovium & boum. Ionnathas Chaldaeus Interpres: Et *maclabiz peshu coram Domino Deo vestro inter vestras, & oves & boves crastino die*. Recte, ex lege nimirum Numer. xxviii. vers. 17. 18. 19. quod Casaubonus in Exercitationibus Baronianis nescivit, & idcirco illud Ionnathæ, *Crastino die*, non probavit. Et Onkelos alter Chaldaeus Paraphrastes: Et *immolabis phase coram Domino Deo tuo de notis ovium*, id est agnis; & *victimarum sanctificationem de bobus*. Hebraei notant simul cum phase adhibita fuisse alia sacrificia pacifica, seu convivalia, quas ipsi appellant festivas victimas. Alii tamen appositive exponunt: Et *sacrificabis peshu oves & boves*; id est, ut ipsum sacrificium *pesach* essent oves & boves, sive esset ex ovibus & bobus: & hic *pesach* non significet præfixe immolationem illam: solemnem parvæ pecudis, semel tantum quotannis fieri solitam quattodecima luna Nisan; sed sacrificia alia ex ovibus & bobus imperata in dies illos azyorum, de quibus Numer. xxviii. vers. 16. & seqq. quas vocant hostias paschales. Et hunc sensum disertissime Noster Interpres secutus est, & cum eo innumeri Catholici, ut merito pudere debeat Casaubonum, qui hunc sensum ausus est imprimare Exercitatione xvi. in Baronium, Diatriba xvi. quem & probarunt, & amplexi sunt etiam Lyranus, Tostatus, Sanctes, Caietanus, Vatablus, Oleartrius, Interpres Bibliorum Hebraicorum Hispanicus, & alii. Forsterus notat, Marcum xiv. vers. 12. hunc locum reddidisse: *Primo die azyorum, cum pascha immolarentur*, seu *maclabuntur*. Vide Notas in II. Paralipom. xxx. vers. 17.

V. 3. NON COMEDES IN EO PANEM FERMENTATUM, &c. Vide Exod. xii. vers. 15. & seqq. AFFLICTIONIS PANEM. Hebr. *panem afflictionis, oppressionis, miserie*. Quidam exponunt: Id est azyma, quæ erant monumenta illius afflictionis quam pertulisti in Aegypto, & illius anxie noctis in qua egressi estis ex Aegypto, ut statim se exponit. Alii: *Panem pauperum*; id est, quali fere vescuntur pauperes, qui præ fame, vel incom-

moditate fermentandi, utuntur pane subcinericio, qui statim fit & coquitur, neque expectant dum fermentetur massa. Aliqui *panem afflictionis* intelligunt intermentatum, qui insuavis est & infalubris, & stomacho gravis.

V. 4. NON APPAREBIT. Hebr. *Non videbitur, non conspicietur*. Vide Exodi xiii. 7.

V. 5. NON POTERIS IMMOLARE PHASE, &c. Explicant, puta eo tempore quo libera atque integra Respublica futura est, coniuncto Dei cultu imperato lege: nam reversis rebus alia est ratio, ut videre est in II. Paralipom. xxxv. vers. 1. & seqq. ubi necessitati cedunt caeremoniae.

V. 6. QUANDO EGRESSUS ES DE AEGYPTO. Hebr. *Stato tempore exitus tui ex Aegypto*; id est, decimo quarto die mensis Nisan, seu Abib, Exod. xiii. vers. 3. & 4.

V. 7. ET COQUES. Verbum *בשל* *baschal* proprie est *coquere, elixare, bullire in aqua*: duo tantum loca excipiunt, ubi *assare* significet, II. Paralipom. xxxv. vers. 13. & hic: utroque enim loco dicitur de agno paschali, qui non coquendus aut elixandus in aqua, sed igni assandus erat, Exod. xii. vers. 9. sed hic generale esse possit ad coquendum & assandum.

V. 9. SEPTEM HEBDOMADAS, &c. De festo Pentecostes est sermo, de quo Exod. xiii. 16. xxxiv. 22. Levit. xxiii. 15. xxv. 8. AB EA DIE, QUA FALCEM IN SECETEM MISERIS: nimirum ad manipulum segetum offerendum, de quo Levitici xxiii. 10. id est a die postero Paschatis, ut ibidem exponitur vers. xi. & 15.

V. 10. DIEM FESTUM HEBDOMADARUM. De quo etiam II. Machab. xii. vers. 31. quod festum etiam *primitiarum* dicitur Numer. xxviii. 26. OBULATIONEM. *תנובה* *misab*, plerique secuti Chaldaeos Interpretes, *sufficientiam* reddunt, quod id ea vox Chalæice designet: unde exponunt: *iuxta sufficientiam*, vel *ex sufficientia*, vel *sufficientiam voluntatis*, spontis, *manus tue*, erit, *quod dabis*; id est, quantum poterit manus tua spontanea, erit quod dabis. Aut *iuxta sufficientiam* donarii spontanei manus tue, erit quod dabis; id est, dabis quod spontaneo & libera-

rali animo potueris pro ratione opum . Alii מִסָּב *missab* deducunt a מָסָב *masas*, atque idem esse volunt quod מָסָ *mas*, id est *contributio*, realis, seu personalis, quæ de multitudine seu facultatibus in subsidium contribuitur : tributum communiter reddunt, seu *contributionem*, notantque Græcis dici Liturgiam. Reuchlinus hæc de ista voce scribit : *Mas*, munus personale, collecta, inditio, superinditum, angaria, perangaria, tributum, census. Inde venit per additionem He litteræ in fine, *missab*, id est oblatio, quæ fit superiori domino propter debitum munus personale : Deuteron. xvi. 10. Oblationem spontaneam manus tue. Quod nomen nos Christiani sacrificio nostro impositum retinimus usque ad hoc tempus, ut a nobis appellatur *Missa* quod a Græcis Liturgia. Nota igitur, quod *missa* neque Græcum, neque Latinum est, sed Hebraicum : sicut etiam *pesach*, seu *pasccha*, neque Græcum, neque Latinum extat, sed ab Hebræis mutuatum . Mirum quot, quantosque in hac re Reuchlinus nactus sit adversarios, existimantes *missæ* vocabulum, non Hebræum, sed Latinum esse : & mirum quoque quot, quantosque eadem in re habeat suffragatores : Lexicum Hebraicum Complutense, Alciatum, Sanctem, Pionum, Pamelium, Forerium, Canum, Genebrardum, Palmam, Baronium, Antonium, Stephanum . Et nos nullo pacto repudiamus eius sententiam ducimus . Vide Forerium in Isaïæ xxi. vers. 8. Quare vanissime & stultissime Casaubonus exercitatione xvi. diatriba lviii. hæc ausus est scribere : Nomen *missæ* Hebraicum esse, putidissimum commentum est, hominum neque Hebræas neque Chaldaicas litteras intelligentium : aut certe iudicii prorsus nullius. Hominis istius futilitas vel modestissimo cuiquam bilem extorquere possit. Sed hæc non huius loci. Ergo hunc locum quidam ita transferunt : Contributionem spontaneitatis manus tue, quam dabis, &c. Alii : Voluntarium munus dabit manus tua. Nonnulli : Tributo, & voluntaria oblatione manus tue, quam dabis. Hoc tributum exponunt illud, de quo infra cap. xxvi. primis undecim versibus agitur . Nec desunt qui *missab* a מָסָב *nasab*, *eletare*, tentare, experiri, probare, deducant, reddantque experimentum, probationem, *contributionem*, voluntarii manus tue ; quasi dicat :

Bib. Sac. Tom. III.

In qua festivitate fiet experimentum, quam liberalis & magna erit manus tua in offerendis Deo muneribus.

V. 16. TRIBUS VICIBUS, &c. Vide Exod. xxiii. vers. 17. & xxxiv. 23.

V. 17. SED OFFERET UNUSQUISQUE SECUNDUM QUOD HABUERIT. Hebr. *Quisque iuxta donum manus suæ* ; id est, iuxta quod donare ; seu conferre potuerit, pro dono facultatum suarum, quas dederit illi Deus . Quidam : *Quisque secundum donum manus ipsius* ; id est, iuxta donum Dei manus ipsius collatum. Clarius : *Quisque prout donatum est manus suæ*.

V. 18. IUSTO IUDICIO. Hebr. *iudicio iustitiæ* ; id est, iudicio iustissimo, summa æquitate & iustitia. Sed recte intelliges iudicium iustitiæ ; id est, quo fontes punient, & insontes absolvent, & iuris beneficium unicuique impient. Vide Genes. xviii. vers. 19.

V. 20. IUSTE QUOD IUSTUM EST PERSEQUERIS. Hebr. *Iustitiam iustitiam persequeris*. Hebraica geminatio significatum auget ; id est, quod maxime iustum est, summam & incorruptissimam iustitiam implebis. Alii : *Iustitiam iustitiæ persequeris*. Nonnulli : *Iustitiam iustitiæ, seu iustissimam iustitiam seclare*.

V. 21. NON PLANTABIS LUCUM, ET OMNEM ARBOREM IUXTA ALTARE DOMINI. Exponunt : Id est, qui lucus sit propinquus altari, temploque se-hovæ ; & qui aut dignitate, & sanctimonia seu religione credatur ad eum accedere ; aut qui etiam tamdiu habeatur, quanto magis si æstimetur pluris : ut II. Regum xvi. & xvii. Sed erat hic gentilius lucorum & arborum ritus, de quo diximus supra cap. vii. vers. 5. & cap. xii. vers. 2.

M E N O C H I I.

Vers. 1. MENSEM NOVARUM FRUCTUM : mensem Nisan, sive Martium, quo in terra promissionis incipiunt spicæ hordeaceæ florescere : illæ enim offerebantur in Paschate, (scilicet secundo die azymorum, ut patet Lev. ii. 14. & Lev. xxiii. 10.)

V. 2. PHASE DE OVIDUS, ET DE BOVUS. *These*, id est victimas pascha-

Ffi les,

les, quæ in solemnitate paschali de ovibus, & de bobus offerri iubentur. Num. xxviii. 19. Non enim potest intelligi hoc loco *Phase* de victima illa quæ ad vespertinum diei decimæ quartæ immolabatur, quia hæc non aliud quam agnus, aut hædus esse poterat, non autem vitulus, aut bos. UT HABITET NOMEN EIVS IBI: ut illic colatur Deus, & invocetur nomine suo.

V. 3. NON COMEDES IN EO, cum eo scilicet *Phase*. PANEM FERMENTATUM: totis enim septem diebus paschalibus comedebant panes azymos cum agno, & aliis sacrificiis, & cibis etiam communibus. AFFLICTIONIS PANEM: vel quia monumentum afflictionis quam passi fuerant in Aegypto, vel maxime quia is panis insuavis, insipidus, & st. macho gravis est. IN PAVORE. Hebr. cum festinatione: utrumque verum, & cum pavore, & cum festinatione egressi sunt, adeo ut panes fermentatos parandi tempus non habuerint.

V. 5. IMMOLE PHASE, proprie dictum, hoc est agnum paschalem. Hunc tantum in loco ubi esset tabernaculum, aut templum, immolare poterant.

V. 6. QUANDO EGRESSUS EST. Particula *quando* non significat præcise tempus vespertæ, vel occasus solis, sed totam noctem; ut sensus sit: Immolabis occumbente sole ad noctis vespertam, qua nocte de Aegypto egressus es. Vel *egressus* nomine intellige etiam apparatus ad egressum.

V. 7. MANEQUE CONSURGENS. Mane quod omnem paschalem solemnitatem exactam consequitur: nam proximo die a comestione agni longum iter capessere non poterant, quia erat dies festus.

V. 8. SEX DIEBUS COMEDES AZYMA. Septem erant dies azymorum; excluditur autem hic septimus dies, de quo statuerat mox aliquod peculiare subnectere. COLLECTA EST DOMINI. De festo collectæ, seu cætus, vide dicta Lev. xxiii. 36.

V. 9. AB EA DIE QUA FALCEM, &c. Dies oblationis manipuli designatur, qui Paschatis festum immediate sequebatur, eratque decimus sextus mensis Nisan. De hoc festo vide Lev. xxiii. 10. Iubetur autem numerari septem hebdomadæ,

ad diem Pentecostes constituendum:

V. 10. FESTUM HEBDOMADARUM: Pentecosten. OBLATIONEM SPONTANEAM; supplenda vox *secundum*, vel iuxta: Secundum spontaneas oblationes, quas offerre volueris.

V. 11. ET EPULABERIS CORAM DOMINO. De hisce epulis, vide dicta cap. xii. num. xvii.

V. 12. CUSTODIESQUE, AC FACIES QUÆ PRÆCEPTA SUNT. Sensus est: Propterea custodies, ac facies, libenti scilicet animo, ex beneficiorum acceptorum memoria, quibus excitamur ad divinarum legum custodiam.

V. 13. SOLEMNITATEM TABERNACULORUM: de qua Lev. xxiii. a. num. 34. & deinceps.

V. 18. MAGISTROS. Bonfrerius in Exod. cap. xviii. vers. 25. putat fuisse superiores quosdam iudices toti uni tribui præfectos, aut certe fuisse iudicum patres, & assessores, quos iudices consulerent, ut omnia iuxta divinæ legis præscriptum fierent. Ipsum vide late de hoc disputantem. IN OMNIBUS PORTIS, in omnibus urbibus, & prætoriis ubi ius dicitur.

V. 19. NON ACCIPIES PERSONAM. Eandem sententiam habes Exod. xxiii. 8.

V. 21. NON PLANTABIS LUCUM, &c. ne videaris imitari ritus Gentilium, qui in honore suorum deorum lucos sacrabant.

V. 22. STATUAM: qualem Gentiles suis diis, vel idolis constituunt.

T I R I N I.

Vers. 2. IMMOLE PHASE DE OVIBUS, ET DE BOBIS. Hinc constat, per *Phase*, seu Pascha non semper designari agnum solum paschalem, qui ad vespertinum diei decimæ quartæ a tota multitudine per singulas familias immolari, & comedi debebat: quia hoc *Phase* non poterat de bobus esse: sed solere designari hoc eodem nomine sacrificia omnia, quæ ex legis præscripto totis illis septem Paschæ diebus offerebantur. Sic Ioan. xviii. vers. 28. recusant sacerdotes introire in prætorium Pilati, ne contaminarentur, sed ut manducarent Pascha, id est paschales victimas eius diei, & sex sequen-

sequentium. Pari modo sumitur II. Paralip. xxxv. vers. 8. 9. & alibi.

V. 3. SEPTEM DIEBUS COMEDES ABSQUE FERMENTO, AFFLICTIONIS PANEM; hoc est, affligentem panem, puta azymum, qui non solum index & monumentum erat afflictionis Aegyptiacæ, ut exponit Vatablus, & Arias Montanus; sed vere etiam affligebat stomachum & corpus, eo quod insuavis, insipidus, & gravis esset. Et phrasi Hebræa omnis abstinentia, pœnitentiaque *afflictio* vocatur.

V. 6. IN LOCO QUEM ELEGERIT DOMINUS, &c. hoc est, in loco ubi tabernaculum erit, vel templum; nusquam vero alibi immolabis, aut edes agnum paschalem. Ex qua legetur, Iudæos modo, cum tempore careant, non posse agnum paschalem edere, aut immolare. IMMO LABIS AUTEM VESPERE AD SOLIS OCCASUM, QUANDO EGRESSUS DE AEGYPTO, inchoative scilicet, quia vespere egressum apparasti, sed eadem nocte finiente ipsa egressus es.

V. 7. MANEQUE CONSURGENS, sed post septimum azymorum diem, VADIS IN TABERNACULA TUA; hoc est, redibis in urbem & domum propriam. Verisimilius enim est, Israelitas totos illos septem dies Ierosolymis permanere debuisse, uti & in scenopægiæ festo, eosque in sacris epulis (de quibus hic & scapite præcedenti vers. 20. & cap. xii. & Levit. xix.) absumere consuevisse.

Nota, cum iubeat hic Deus, ut ter in anno omne masculinum accedat ad locum tabernaculi, solum fuisse divina sua providentia sic peregrinantium rebus, & commodis consulere, sic desertas domos & urbes tueri, ut nunquam magis essent ab hoste securæ, quam cum, absentibus viris, ab omni humano præsidio desertæ videbantur. Ita Sanctius in I. Regum i. Reliqua huius capituli vide expōita Exod. xii. & Levit. xii.

GORDONI.

Vers. 1. DE mense novarum frugum, supra Levit. cap. ii. vers. 14. & Levit. xxiii. vers. 2. Est mensis Nisan, quando maturecebant frumenta.

V. 2. & 4. IMMO LABISQUE PHASIS, &c. Pascha nomen est significans,

non tantum vicissimam lunæ decimæ quartæ ad vespeream; sed etiam extendi aliquoties solet ad totas victimas solemnitatis horum septem dierum. De his quæ sunt vers. 4. vide Exod. cap. xii. vers. 10. 15. & 19. & cap. xiii. vers. 7.

V. 3. IN PAVORE, tanto, ut non poteris panem fermentare. Azyma ergo memoriale sit afflictionis. Vide Exod. cap. xii.

V. 6. IMMO LABIS, &c. Exod. xii. vers. 22. dicuntur noctu percussa primogenita Aegypti: quomodo ergo hic dicitur populus egressus ex Aegypto vespere ad solis occasum? Sed facilis solutio est, quia in textu *quando* designat torum egressus tempus; hoc est, tempore quo egressus est populus; & præsertim si per egressum intelligas etiam apparatus ad exitum, & quæ inde secuta sunt.

V. 7. COQUES, parabis, quod assatur & coquitur. MANEQUE CONSURGENS, id est exactis diebus azymorum.

V. 8. SEX DIEBUS, &c. Non quod tantum sex diebus comederent azyma, erant enim septem azymorum dies vers. 3. sed quod sex essent dies, quibus & comederent azyma, & non vacarent ab opere; septimo die & comederent azyma, & vacarent.

V. 9. & 10. Hic designatur vers. 9. dies oblationis manipuli, qui erat dies 16. mensis Nisan, scilicet exacto paschali festo; ita ut erigeretur, & simul offerretur manipulus secundo die azymorum, ut docent Hebræorum Calendaria, & Iosephus Lib. III. Antiq. cap. x. Vide Levit. cap. xxiii. vers. 11. & 15. Hinc iam vers. 10. notatur festum hebdomadarum, seu Pentecostes, dictum hebdomadarum, ab hebdomadibus prius numerandis. Vide Lev. cap. xxiii. vers. 16.

V. 13. SOLEMNITATEM, &c. Tabernaculorum solemnitas est: de qua tota re vide Levit. cap. xxiii. vers. 34.

V. 18. ET MAGISTROS, &c. De his iudicibus per urbes constituendis, vide Exod. xviii. vers. 25. Mentio fit portarum, quia solebant in portis exerceri iudicia.

V. 21. & 22. Dictum hic supra est, Deum odisse locos, & ritum gentilitæ impieratis. De statu etiam est actum Exod. cap. xx.

EX EIUDEM AUCTARIO.


V. 11. EPULABERIS. De hoc epulo, supra cap. XII. 17.

V. 12. Custodies, & hæc facies memor beneficiorum, & libenti animo.

V. 19. NON ACCIPIES PERSONAM. Idem Exod. XXIII. 8.

CAPUT XVII.

Hofia deligenda, idololatria punienda: in gravi difficultate ad summum Sacerdotem eiusque concilium recurrendum, & quæ Regi eligendo sint observanda.

1.  On immolabis Domino Deo tuo ovem, & bovem, in quod est macula, aut quippiam vitii: quia abominatio est Domino Deo tuo. 2. Cum reperti fuerint apud te, intra unam portarum tuarum quas Dominus Deus tuus dabit tibi, vir aut mulier qui faciant malum in conspectu Domini Dei tui, & transgrediantur pactum illius, 3. ut vadant & serviant diis alienis, & adorent eos, solem & lunam, & omnem militiam cæli, quæ non præcepi. 4. & hoc tibi fuerit nuntiatum, audiensque inquiseris diligenter, & verum esse repereris, & abominatio facta est in Israël: 5. educes virum ac mulierem, qui rem sceleratissimam perpetrarunt, ad portas civitatis tuæ, & lapidibus obruentur. 6. (a) In ore duorum aut trium testium peribit, qui interficietur. Nemo occidat, uno contra sedicente testimonium. 7. Maritus testium prima interficiet eum, & manus reliqui populi extrema mittetur: ut auferas malum de medio tui. 8. Si difficile & ambiguum apud te iudicium esse perpexeris inter sanguinem & sanguinem, causam & causam, * lepram & lepram: & iudicium * intra portas tuas videris verba variari: surge, & ascende ad locum, quem elegerit Dominus Deus tuus. 9. (b) Veniesque ad sacerdotes Levitici generis, & ad iudicem qui fuerit illo tempore: quæresque ab eis, qui indicabunt tibi iudicii veritatem. 10. Et facies quodcumque dixerint qui præsunt loco quem elegerit Dominus, & docuerint te. 11. iuxta legem eius; sequerisque sententiam eorum: nec declinabis ad dexteram, neque ad sinistram. 12. Qui autem superbierit, nolens obedire sacerdotis imperio, qui eo tempore ministrat Domino Deo tuo, * & decreto iudicis, morietur homo ille, & auferes malum de Israël: 13. cunctusque populus audiens timebit, ut nullus deinceps intumescat superbia. 14. Cum ingressus fueris terram, quam Dominus Deus tuus dabit tibi, & possederis eam, habitaverisque in illa, & dixeris: Constituam super me Regem, sicut habent omnes per circuitum nationes: 15. eum constitues, quem Dominus Deus tuus elegerit de numero fratrum tuorum. Non poteris alterius gentis hominem Regem facere, qui non sit frater tuus. 16. Cumque fuerit constitutus, non multiplicabit sibi equos, nec reducet populum in Ægyptum, equitatus numero sublevatus, præsertim cum Dominus præceperit vobis, ut nequaquam amplius per eandem viam revertamini. 17. Non habebit uxores plurimas, quæ alliciant animum eius, neque argenti & auri immensa

ponit

pondera. 18. Postquam autem sederit in folio regni sui, describet sibi Deuteronomium legis huius in volumine, accipiens exemplar a sacerdotibus Leviticæ tribus, 19. & habebit secum, legetque illud omnibus diebus vitæ suæ, ut discat timere Dominum Deum suum, & custodire verba & cæremonias eius, quæ in lege præcepta sunt. 20. Nec eleuetur cor eius in superbiam super fratres suos, neque declinet in partem dexteram vel sinistram, ut longo tempore regnet ipse, & filii eius, super Israël.

(a) Isai. XLII. 15. Matth. XXIII. 16. II. Corinth. XIII. 1. Sup. XIII. 9. (b) II. Paralip. XII. 8.

B R U G E N S I S

ROMANÆ CORRECTIONES.

V. 8. *Iudicium esse perspexeris*. Non scribas *prospexeris*, quod est pravideris, pro *perspexeris*, quod est videris.

Ibid. *Lepram & lepram*. Nequaquam addenda est negatio posteriori voci, & non *lepram*.

Ibid. *Intra portas tuas*. Non scribas *inter pro intra*, quod est in.

V. 12. *Et decreto iudicis*. Legenda est coniunctio &, non præpositio ex.

V. 20. *Ipse, & filii eius*. Retinendum est plurale filii, non substituendum singulare filius.

C O M M E N T A R I A

S A.

Perf. 1. **A**UT QUIPPIAM; pro, id est quippiam.

V. 2. **P**ORTARUM, id est urbium.

V. 3. **O**MNEM MILITIAM CÆLI, id est aliquam ex cæli stellis. LXX. *aliquid ex ornatu cæli*.

V. 7. **M**ALUM, id est auctorem mali. Chald. *facientem quod malum est*. Id est imitatus Paulus I. Corinth. v.

V. 8. **S**ANGUINEM ET SANGUINEM, &c. quasi dicat, in causa sanguinis, litis, & lepræ, scilicet condemnandusne sit aliquis, an non. **L**EPRAM ET **L**EPRAM. Hebr. *plagam & plagam*, id est *lepram & lepram*, ut verterunt etiam Chald. & LXX.

V. 9. **I**UDICEM, scilicet supremum.

V. 10. **F**ACIES, id est iudicabis, seu exequeris.

V. 11. **I**UXTA LEGEM. Hebr. *iuxta sermonem legis, quoniam te docuerint*; quasi dicat, iuxta interpretationem legis quam dederint. **S**EQUERISQUE SENTENTIAM ILLORUM. Hebr. Chald. & LXX. *Et iuxta iudicium quod dixerint tibi, facies*. Atque huc videtur reperiisse Christus, cum dixit Matth. XXIII. *Quicum-*

que dixerint vobis, servate, & facite; quæ duo loca sufficere deberent hæreticis ad respiciendum, & obediendum Romano Pontifici, & Catholicis Episcopis.

V. 12. **S**ACERDOTIS, scilicet summi. **E**T **D**ECRETO **I**UDICIS. Hebr. & Chald. *vel iudicis, LXX. vel iudicis qui fuerit diebus illis*; videtur autem esse explicatio præcedentis, sicut sup. cum dixit, *Et ad iudicem*; vel quasi dicat, Sacerdotis summi, aut eius qui sub illo habet iudicandi in ea causa potestatem, ut solent inferiores iudices ecclesiastici sub Romano Pontifice. **M**ALUM, id est perniciiosum hominem. Tales sunt hæretici, ideoque merito puniuntur.

V. 17. **P**LURIMAS; scilicet paucas habere poterat, ut David; non multas, ut Salomon. Aug. quæst. XXVII. in Deuter. **Q**UAE ALLICIANT, &c. Hebr. *Ne decipiet cor eius*. Chald. *Ne decipiatur cor eius*. LXX. *Ne alienetur cor eius*. Evenit quidem id Salomoni.

V. 18. **D**EUTERONOMIUM, id est exemplum: vulgo *transumptum*. Hebr. *duplum*, seu *duplicationem*. Chald. *exemplum*. LXX. *Deuteronomium*. **L**EGIS **H**UIUS. LXX. *hoc*.

E S T I I.

Vers. 8. & 9. **I** DIFFICILE ET AMBIGUUM APUD TE IUDICIUM ESSE PERSPEXERIS... SURGE, ET ASCENDE AD LOCUM QUEM ELEGERIT DOMINUS... VENIESQUE AD SACERDOTES, &c. Hæc sententia modo sacerdotem, modo iudicem nominat, propter duplicem magistratum qui erat in populo Dei, sacrum & civilem; quamvis contingeret aliquando utrumque magistratum in eandem personam concurrere; ut tempore Heli, & rursus tempore Machabæorum. Cur autem utrumque Magistratum etiam nunc in populo suo, hoc est in Ecclesia, constituerit Deus, nimirum sæcularem, & ecclesiasticum, prorsus consentaneum est eandem legem etiam nunc servari: ut vide licet si quæstiones difficiles sint, ad suum referantur Magistratum; si ecclesiasticæ, & religionem attingentes, referantur ad magistratum ecclesiasticum, id est ad summum sacerdotem, & summum in rebus ecclesiasticis iudicem: qui certe non alius est, quam Pontifex Romanus, Christi Vicarius, & D. Petri successor. Neque enim putandum est Deum minus Ecclesiæ suæ prospexisse de ratione componendarum controversiarum exortarum circa religionem, quam olim prospexit synagogæ iudæorum.

V. 12. QUI AUTEM SUPERBIERIT, NOLENS OBEDIRE SACERDOTIS IMPERIO... EX DECRETO IUDICIS MORIETUR HOMO ILLE. Supra dixit sacerdotes pluraliter, hic sacerdotem in singulari. Ex quo intelligitur concilium esse plurium sacerdotum, sed primam auctoritatem & potestatem esse unius. Deinde notandum, quia poena dignus censetur qui summi sacerdotis iudicio acquiescere noluerit, nimirum supplicio mortis: quod quidem supplicium irrogandum est per iudicem sæcularem. Ex decreto, inquit, iudicis morietur homo ille. Neque tamen, idcirco iudici inquirere de sententia summi sacerdotis semel lata, sed sufficere ei debebat cognoscere, quod talis homo sententiæ hæc erodis nollet acquiescere. Ita hodie iudici sæculari quoque de quæstione hæcensis cognoscere non licet, sed satis ei

esse debet, eum qui ad ipsum defertur nolle sententiæ & iudicio Ecclesiæ acquiescere: quomodo etiam si quem idem magistratus adiudicat morti, quod falsam mortem acuderit, non est necesse ut ipse magistratus de sinceritate, aut falsitate mortis iudicet, sed creditur petris illius artis; & similiter quoque quando quæstio est de vulnere lethali, statim sententiæ medicorum, & chirurgorum. Vide Nostri in IV. dist. xviii.

V. 10. & 11. ET FACIES QUODCUMQUE DIXERINT... ET DOCUERINT IUXTA LEGEM EIUS. Volunt hæretici ex his verbis penes unumquemque remanere iudicium, an sacerdotes doceant iuxta legem Domini. Sed ridiculum id est, & frustra fuisset illis data iudicandi potestas, si ab ipsis iudicatis seu reis iudices deberent aut possent iudicari. Et est hoc contra illud Eccl. viii. Non iudices contra iudicem, quia quod iustum est iudicat; quasi dicat: Debet iudex ratione muneris sui secundum iustitiam iudicare, & ideo hoc debet credi eum ita facere.

M A R I A N A E.

Vers. 1. **A** UT QUIPPIAM VITIUM. Hebr. *omne verbum malum*: sic Sept. sed Noster sententiam exprestit, vitiosum animal non esse offerendum.

V. 2. INTRA UNAM PORTAM. Sept. & Chald. *urbium*: sic Goth. sic Hieronymus ipse, *pro portis, urbem* posuit cap. xvi. vers. 5. Sulpicior eam esse veram Vulg. lectionem.

V. 3. MILITIAM CAELI. Stellas sic vocat, propter multitudinem, & ordinem.

V. 8. SI DIFFICILE ET AMBIGUUM APUD TE. Hebr. *Si mirabile fuerit a te verbum iudicii: si te latuerit*, ut alii reddunt. LEPRAM ET LEPRAM. Hebr. *plagam & plagam*; sed *plaga* pro *lepra* sumitur a Sept. etiam; & Chald. Sensus ergo est: Si ambiguum incidit in iudicio sanguinis, in aliis causis, in lepræ cognitione. ET IUDICIUM INTRA PORTAS TUAS VIDERIS VERBA VARIARI. Hebr. *Verba litigiorum in portis tuis: videbis variare*; sed Hieronymus melius sensum reddidit quam qui dixit, *In additionibus iudicialibus in portis tuis*: nimirum

ambiguum inciderit, quo scilicet fidei iudicium detraheret sacerdotibus.

V. 9. ET AD IUDICEM. Is erat ipse summus sacerdos vers. 12. & erit repetitio: aut iudex ex iis qui ante Reges principatum tenere. IUDICII VERITATEM. Hebr. *verbum iudicii*.

V. 11. IUXTA LEGEM EIUS, SEQUERISQUE. Hebr. *De verbo legis quod docuerint te, & de iudicio quod dicent tibi, sequeris*; hoc est, quod iudicabunt de nostra controversia.

V. 16. CUMQUE FUERIT CONSTITUTUS Rex, NON MULTIPLICABIT SIBI EQUOS. Hebr. *Peruntamen non multiplicabit equos*. EQUITATUS NUMERO SUBLEVATUS. Hebr. *ad multiplicandum equitatum*: certe per commercia; ut Salomone Regis factum legimus III. Reg. cap. x.

V. 17. QUAE ALLICIAN ANIMUM EIUS, scilicet uxores, si plures Rex habuerit. Hebr. *Et non recedat cor eius*.

V. 18. DESCRIBET SIBI DEUTERONOMIUM LEGIS HUIUS: sic Sept. habent; sed Hebr. *Duplicatum legis huius describet*, scilicet Rex. Quod Chald. refert ad unum exemplum, quod exemplaris comparatione dicatur duplicatum. Hebræi intelligunt præcipi, ut duo exempla describeret Rex, alterum ut secum ferret, alterum in thesauris deponeret. *Legis huius*, in qua agitur de regno; aut, ut alii malunt, totius Mosaicæ legis describat exemplum.

M A L V E N D A E.

Vers. 1. O VEM ET BOVEM IN QUO EST MACULA. Vide Levit. xxii. vers. 19. 20. 21. AUT QUIPIAN VITI. Vide supra cap. xv. vers. 21.

V. 2. CUM REPERTI FUERINT. Notant supplementum id esse cap. xiii. supra: quo docetur quid faciendum sit ei, qui alios quidem non seduxit, sed ipse seductus idololatriam committit.

V. 5. AD PORTAS CIVITATIS TUAE: nimirum ad conventum publicorum loca: nam & conventus populi, & publica iudicia haberi solebant in portis. Vide Genes. xxiii. 10. xxxiv. 20. & quæ notavimus Genes. xxii. vers. 17.

V. 6. IN ORE DUORUM, &c. Vide Numer. xxxv. 30. & Deuter. xix. 15.

V. 8. INTER SANGUINEM ET SANGUINEM. Quidam exponunt: Id est, inter innocentem, crimine capitali dampnandum. Alii: *Inter eadem & eadem*, vel *inter homicidium & homicidium*; ut scilicet nequeas explicare an cædes facta vere sit homicidium morte plectendum, nec ne; vel voluntaria, an fortuita. INTER CAUSAM ET CAUSAM. Hebr. *inter iudicium, vel inter causam iudicalem, & causam iudicalem*; aut *inter sententiam iudicalem, seu definitivam, & sententiam iudicatam*; &c. vel *inter litem, & litem*. ET IUDICIUM INTRA PORTAS TUAS VIDERIS VERBA VARIARI. Hebr. *Verbalitum*. Alii varie exponunt: *Verba contentionum, in rebus rixarum: res controversiarum, id est controversæ; vel rebus controversis; vel in actionibus iudicialibus*.

V. 9. AD SACERDOTES LEVITICI GENERIS, ET AD IUDICEM. Quidam istud coniunctim capiunt, *ad sacerdotes & ad iudicem*; id est, qui iudex sacerdos esse debet. Ergo per *iudicem* hic summum iudicem, ac supremum, nempe summum sacerdotem intelligunt; illud vero *ad sacerdotes*, additum, quod summus iudex, & summus sacerdos non nisi cum consilio aliorum sacerdotum controversias decidere deberet. Alii vero & hic coniunctionem disiunctivam esse volunt: *ad sacerdotes, aut ad iudicem*. Equidem infra vers. 12. diserte. Hebr. ponitur disiunctiva, *ad sacerdotem, aut ad iudicem*. Huncque intelligunt supremum Reipublicæ iudicem, & præfectum sæcularem, & politicum, qui Rempublicam administraret, qualis Iosue, Othniel, Gedeon, Iephte, &c. ut sanè ipsa munera esse disparata constat, ad quæ hæc officiorum nomina respiciunt, hysseronproteron, Hebræo more: nam politica iudices, sacra sacerdotes curant. Nec defuit qui intelligant hic dici, ab inferioribus magistratibus in causis difficilioribus ad utrumque supremum magistratum, summum sacerdotem, & summum iudicem recurrendum. Vide Liranum, & Caietanum. Quidam sensum huius mandati, qui ab hoc versu usque ad 12. continetur, ita concipiunt: Cædes politicae sunt, & ad iudicem cognitionem pertinent; plagarium, seu leprarium discernunt, ad cognitionem sacerdotum; litium vero aliarum politicarum, aliarum ecclesiasticarum, cuiusmodi

di quæ aut propter conscientiam magis institutæ sunt, ut zelotypiæ, & consimiles; aut quæ civili iudicium cognitione pervelligari non possunt, sed propter rei, probationumque incertitudinem permittunt reorum conscientie. Alii vero in hunc modum explicant: Causas sæculares ad sæculares magistratus; ecclesiasticas de fide, religione, cultu divino, cæremoniis, ad sacerdotem pertinere: item causas civiles facti ad iudicem politicum; iuris vero, si quæ gravior inciderit difficultas, ad sacerdotem referendas. Et ratio est perspicua: nam cum Hebræorum leges etiam iudiciales & politice latæ sint auctore Deo, & ex verbo eius promulgatæ; si quæ iuris controversia super iis oriretur, non ad alium quam ad sacerdotem, qui interpret erat divinæ voluntatis, & vera explicatio verbi divini ad eum spectabat, earum inspectio & iudicium pertinere poterat. Vide Numer. xxvii. vers. 21. IUDICII VERITATEM. Hebr. *verbum iudicii*. Quidam, *statum iudicii*, seu *causæ*. Alii; *rem iudicii*, id est sententiam ipsam definitivam, sive quomodo pronuntiandum tibi sit de re illa. Nonnulli, *verbum iudicii*; id est, quod æquum est & iustum.

V. 11. LUXTA LEGEM EIVS. Hebr. *super os legis*. Quidam, *ex præscripto legis*, seu *ex præscripto*: ex lege quam tibi præscribent. Possis exponere: *iuxta interpretationem legis*: ut sacerdos intelligatur hic os legis, qui eam declarat & exponit, ut ipse sit ipsa lex viva & loquens.

V. 2. QUI EO TEMPORE MINISTRET DOMINO. Hebr. *Stantem ad ministrare ibi ad*, vel *cum IHUH*. Quidam exponunt: *Ut non auscultet sacerdos persstanti ministrando*, vel *constanter ministranti*. Sic cap. xviii. vers. 5.

V. 14. ET DIXERIS. Quidam exponunt, puta iusto legitimoque consilio, non autem tumultuarie præter Dei voluntatem, & illegitime inito, ut factum est cum fuit eligendus Saul: quapropter consilium istud damnavit Deus I. Samuel. viii. vers. 7. & cap. xii. vers. 19.

V. 16. NON MULTIPLICABIT SIBI EQUOS. Aliqui putant, Israelitis, ac Regibus eorum interdictos equos lege divina: saltem numerosiorem eorum copiam. Hinc sæpius leguntur equi capti ab Israelitis in bello, paucis relictis, subner-

vati; ut Iosue xi. vers. 6. & 9. II. Samuel. viii. vers. 4. NEC REDUCET POPULUM IN AEGYPTUM, EQUITATUS NUMERO SUBLEVATUS. Hebr. *Et non reducet populum in Aegyptum propter multiplicare equum*, seu *equitatum*. Quidam: *Neque populum Aegyptum reducat, ut equos multiplicet*; id est, ut sibi amplum equitatum comparet. Alii: *Neque facito ut hic populus revertatur in Aegyptum ad multiplicandum equos*. Non vult dicere, Regem vel equitatu fretum, vel ad comparandum magnum equitatum, reducurum universum populum in Aegyptum; sed ne causa comparandorum equorum commercia inter Israëlitas & Aegyptios sint, ne illo Hebræi mercatores, aut alii occasione educendorum equorum frequentes commeent. Atqui contra hanc legem fecisse videtur Salomon I. Regum x. vers. 28. 29. Hinc discis Aegyptum equorum fuisse fertilem.

V. 17. NON HABEBIT UXORES PLURIMAS. Hebr. *Non multiplicabit sibi uxores*. S. Augustinus quæst. xxvii. *Hinc potius intelligitur permissum fuisse Regibus, ut plures haberent quam unam: multiplicare enim prohibiti sunt. Quæ prohibitio non habet transgressionem si paucæ fuerint, sicut David fuerunt; non autem multæ, sicut Salomoni*. Ergo prohibetur habere non plures, sed plurimas. Vide Levit. xviii. 18. NEQUE ARGENTI ET AURI IMMENSÆ PONDERA. Hebr. *Et argentum, & aurum non multiplicabit sibi valde*. Quidam recte expendunt illud *Sibi*: necenim vitium Regum est multiplicare argentum, & aurum, non sibi, sed Reipublicæ, cum ad arcendos hostes, tum in subsidia civium. Hanc legem transgressus est Salomon, quo abundante thesauris, populus egebat exactionibus gravatus, ut in facto Roboam apparuit I. Regum xii. vers. 4.

V. 18. DESCRIBET SIBI DEUTERONOMIUM LEGIS HUIUS. Optime Noster secutus LXX. משנה mischeneb, Deuteronomium dixit, id est totum Deuteronomii librum, quod Hebræi תורה mischeneb torah, vocant. Ad verbum: *Duplicitatem, iterationem, duplicationem, secunditatem, duplum, secundarium legis*. Plerique, *apographum, exemplar, descriptum, exscriptum legis*. Quidam, *emendationem*

tionem legis; id est exemplar, exscriptum legis, quam pure & emendatissime descri-
ptum: non ut vulgares & inemendati co-
dices. Sic Iosue VIII. vers. 32. Inepre
Hebræi exponunt, *duplum legis huius*; id
est, duplex legis exemplar: unum quod
secum ferrent, alterum quod haberent in
archivis. ACCIPIENS EXEMPLAR A
SACERDOTIBUS. Hebr. *de ad facies
sacerdotum*, id est coram sacerdotibus, qui
ad sunt scriptioni & emendationi, ut quam
castigatissime describatur: vel ad exem-
plar sacerdotum, qui codicibus emacula-
tissimis, uti periti in lege, utebantur.
Quidam reddunt: *exemplum huius legis in
libro, ex eo qui erit in conspectu sacerdo-*
tum; ut exemplar legis describendum sit
ex libro sacerdotum, qui fidelissime &
probiissime descriptus erit.

MENOCHII.

Vers. 1. **I**N QUO EST MACULA. Vi-
de dicta Exod. XII. 5.

V. 2. INTRA UNAM PORTARUM,
urbium. MALUM, idololatriam, ut pa-
tet ex sequentibus.

V. 3. MILITIAM CAELI, astra, quæ
sunt quasi milites Deo famulantes, & pro
eo, cum opus est, depugnantes.

V. 5. AD PORTAS CIVITATIS,
extra civitatem. Moris enim erat He-
bræis extra urbem, vel extra castra ex-
tremo supplicio afficiendum educere; sic
& Christus, & S. Stephanus extra urbem
passi sunt.

V. 6. IN ORE DUORUM, &c. Eam-
dem sententiam habes infra cap. XIX. Chal-
dæus vertit: *Per dictum duorum, aut trium
testium reus convellitur occidatur.*

V. 7. MANUS TESTIUM, &c. Testes
primi, deinde reliquus populus in eum
mittit lapides.

**V. 8. INTER SANGUINEM ET SAN-
GUINEM.** Si homicidii causa ambigua
sit, aliis ut involuntarium excusantibus,
aliis ut voluntarium, & destinatum, pu-
niendum esse pronuntiantibus, vel sensus
est: Si controversia difficilis, & ambigua
existat inter cognitiones (quod enim hic
habemus *inter sanguinem & sanguinem* D.
Hieron. II. Par. XIX. 10. vertit. *inter co-*
gnationem & cognationem) hoc est, inter
eos qui sunt diversarum cognationum, cu-
Bib. Sac. Tom. III.

iulmodi oriri subinde poterant, vel circa
possessiones, vel circa res alias, veniendum
erit ad sacerdotes, &c. CAUSAM ET
CAUSAM, litem super quacumque re.
LEPRAM ET LEPRAM; aliis asseren-
tibus lepram esse eius generis, quæ a sa-
cris arcet, aliis veronegantibus. AD LO-
CUM QUEM ELEGERIT DOMINUS:
in Ierusalem ubi est templum, in quo
habitat Dominus; vel ante templum
constructum, & tabernaculum.

V. 9. VENIESQUE AD SACERDO-
TES LEVITICI GENERIS, ET AD IU-
DICEM. Per Iudicem hic vel intellige
Pontificem, ut vult Vatablus, & alii,
vel eius vicarium. Sane causæ spirituales,
quæ ad religionem, sacras cæremonias, &
similia spectabant, ad Pontificem pertine-
bant. Reliquæ vero civiles disceptabantur
a sæculari iudice, cuiusmodi erant Re-
ges, & magistratus inferiores. Verum,
quia non suis legibus, sed divinis Rem-
publicam gubernabant, si quid vel in iu-
re, vel in factis obscuritatis esset, quæ
alias exhauriri non posset, ipsis iudicibus
laicis, atque adeo & ipsi Regi recurrer-
e erat ad Pontificem, ut difficultatis
exortæ solutionem acciperet.

V. 10. DOCUMENTI TE IUXTA LE-
GEM EIUS; quasi dicat: Qui consulens
sacerdotem, acquiescere debent, & existi-
mare sacerdotum, & Pontificis iudicium
datum esse iuxta legem Domini: nam,
ut ait Malach. cap. II. 7. *Labia sacerdo-*
*tis custodient scientiam, & legem requirent
ex ore eius: quia Angelus Domini exerci-*
tuum est.

V. 12. SACERDOTIS IMPERIO,
Pontificis, QUI EO TEMPORE MI-
NISTRAT DOMINO: qui scilicet eo
tempore fungitur Pontificatu. ET DE-
CRETO IUDICIS, eiusdem scilicet Pon-
tificis, cuius est ista iudicare, an scilicet
iuxta legem fiant, necne. MORIETUR
HOMO ILLE: morte puniatur. AUFE-
RES MALUM, id est perniciosum homi-
nem.

V. 14. ET DIXERIS, CONSTITUAM
SUPER ME REGEM, &c. Non id vult
Deus, ut Rex illis præficiatur (satis enim
liquet id Deo magnopere displicuisse, cum
petierant sibi constitui Regem I. Reg. VII. 1.
& seqq. & cap. X. 19. & cap. XII. 17.
& seqq.) si tamen id pertinacius petant,

Ggg ac

ac desiderent Israelitæ, indicat Deus se permitturum, uti & postea permisit I. Reg. viii. certis tamen conditionibus, quas omnino si Regem velint, servari vult, ac præcipit.

V. 15. QUEREM DOMINUS DEUS TUUS ELEGERIT. Id servatum in Saulis electione, item Davidis: deinceps successione ad Regnum ventum est; quamquam & Salomon & pluribus fratribus ad Regnum Dei peculiari electione sit vocatus. QUI NON SIT FRATER TUUS. Hebræus, *de gente tua*; ne, si alienigena sit, ad aliam religionem subditos pertrahat, utque suos amet, & ab illis vicissim diligatur.

V. 16. NON MULTIPLICABIT SIBI EQUOS. Non ventantur equi, aut eorum usus, sed nimia eorum copia, tum re in bello illis nimium confidat, quia fallax equus ad salutem Psalm. xxxii. 17. tum erigatur in superbiam, magnoque fastu, & pompa incedat. Alia ratio statim subditur. NEC REDUCET POPULUM IN AEGYPTUM: quasi illud regnum suæ ditioni adiuncturus, equitatu suo fidens. CUM DOMINUS PRÆCEPERIT VOBIS. Nulquam id præceptum disertis verbis in scriptura reperitur, implicite tamen indicatur: quia cum iniectus est sermo ab Israelitis de reditu in Aegyptum, graviter illis Dominus succentuit. PER EANDEM VIAM: quæcunque via, quæ ducat in Aegyptum, & sit eadem, ratione termini.

V. 17. NON HABEBIT UXORES PLURIMAS. Aliquas uxores habere poterant, ut David; plurimas ut Salomon, salvo officio, non poterant. QUAE ALICIANAT ANIMAM EIUS, effeminant, flectant ad vitium: id etiam vetitum ne pravo exemplo Rex populo noceret, neve illum nimis impensis gravaret. NEQUE ARGENTI, ET AURI IMMENSAM PONDERA: ne scilicet Rex, ex cupiditate auri & opum subditos spoliaret, & ne ex opibus in fastum, & luxum disfluat.

V. 18. DESCRIBET SIBI DEUTERONOMIUM, &c. Philo Lib. de Creatione Principis ait, debuisse Regem manu propria describere. Alii censent potuisse uti aliena manu. Deuteronomium: quia hic liber est quoddam Moisaicæ legis compen-

dium. ACCIPIENS EXEMPLAR A SACERDOTIBUS, ut scilicet ex incorrupto exemplari describat. LEGET ILLUD OMNIBUS DIEBUS VITAE SUÆ: non quod continue, vel quotidie illud legere teneatur; sed frequenter legat, ut memor sit eorum quæ in libro illo scripta sunt.

V. 19. UT DISCAT TIMERE DOMINUM. Timor enim Dei maxime inculcatur in Deuteronomio, quod est perpetua, ardensque concio Moïsis, incitans Hebræos ad cultum Dei, & legis observationem.

V. 20. NEC ELEVETUR COR EIUS IN SUPERBIAM: ne insolecat, ne tyrannicos mores induat. SUPER FRATRES SUOS, gentem suam. DECLINET IN PARTEM DEXTERAM VEL SINISTRAM, a lege Dei, & rationis præscripto quacumque ratione deflectat: UT LONGO TEMPORE REGNET IPSE, ET FILII EIUS: exemplis enim ex sacris litteris discimus, Reges eos qui pietatem non coluerunt, aut regno excidisse, aut ad filios suos, aut certe ad longam nepotum seriem regnum non transmississe.

T I R I N I.

Vers. 8. SI DIFFICILE ET AMBIGUUM IUDICIUM ...

INTER SANGUINEM ET SANGUINEM. Interpres noster II. Paralip. xix. vers. 10. verba Hebræa quæ hic habentur, vertit, *Inter cognationem & cognationem*; hoc est, inter eos qui vel diversæ, vel eiusdem cognationis seu familiæ sunt, inter quos ratione possessionum, & aliarum rerum solent frequentes & longæ lites esse. Quamquam etiam cum Tostato, Vatablo, & Lyrano per *sanguinem* hic intelligi possit homicidium patratum, sit ne voluntarie, an casu factum. Vel cum Caietano, & Oleastro crimen quodvis capitale, ratione cuius dubitetur an auctor morte plectendus sit, nec ne. Sic apte sequitur, *Inter CAUSAM ET CAUSAM*, si dicat: Vel alia qualibet de causa & lite, etiam non capitali aut criminali. Etiam *inter LEPRAM ET LEPRAM*, an scilicet vera sit & contagiosa, propter quam quis debeat ab hominum contubernio femoveri, quod pluribus erat molestissimum,

sumum, & lepræ species poterat subinde fallere. Sitalis, inquam, dubius calus obveniat, ET IUDICIUM, particularium, INTRA PORTAS TUAS, hoc est in urbem, vel tribunal singularum tribunalibus, VERBA, seu sententias, VARIARI VIDERIS, confer te ad locum in quo erit tabernaculum vel templum, & deſercaſam ad ſacerdotes, & iudicem ſupremum, qui præſunt illi loco. Ubi re eventitata & diiudicata, ſtabitur illorum ſententiæ, neque ulli licitum erit ei refragari, etiam ſub pœna mortis. Erat enim hoc ſupremum & ultimum Iudæorum tribunal, a quo nulla vel declinatio dabatur; ad illud vero undique, & ab omnibus appellari poterat. Conſtabat hoc tribunal, ſeu concilium ſupremum ſummo Pontifice tamquam capite & præſide, & ſeptuaginta ſenioribus tamquam aſſeſſoribus: qui licet initio præſiſſet ex omnibus tribubus, pauſatim tamen ex ſolis ſacerdotibus, ſaltem pro maiori parte deſumebantur. Et hidelatas ad ſe cauſas graviores vel communi conſilio ſimul omnes, vel certo numero a Pontifice designati, pro ut cauſæ erant maioris, vel minoris momenti, & difficultatis, cognoscerebant & decidebant.

Dices. Ex II. Paralip. xxi. verſ. 10. & 11. & aliunde conſtat, diſtinctos fuiſſe limites iudicium politicorum, & eccleſiaſticorum ſeu ſacerdotum: & politicos quidem iudicaſſe omnia civilia; verbi gratia, quæ pacem, quæ bella, quæ contractus, quæ poſſeſſiones bonorum, furta, homicidia, ſimileſque iniurias concernebant: ſacerdotes vero ea quæ ſacra erant iudicaſſe; verbi gratia, quæ legem divinam, quæ religionem, quæ cæremonias ſpectabant.

Reſpondeo. Hæc quidem præcipue ad ſacerdotes ſpectabant, ſed non ſola. Cum enim politici iudices, adeoque & ipſi Reges non poſſent ſuis legibus aut arbitratu Republicam Iudæorum adminiſtrare, ſed divinis legibus, quæ ſere continentur hoc Deuteronomio (quod idcirco Rex ipſe perpetuo penes ſe habere iubetur a:) hinc fiebat, ut etiam politicum tribunal in multis caſibus a ſacro ſacerdotum tribunali dependeret: cogerenturque etiam Principes in caſibus eiſmodi dubiis ſeu iuris, ſeu facti, ad ſeſum conſugere. Unde infra capite vigefimo primo verſu quinto expreſſe & generaliter dicit, *Omne nego-*

tium eſſe ad verbum ſacerdotum; id eſt, omnem litem & controverſiam (ſic enim eſt in Hebræo) verbo ac ſententia ſacerdotum decidi debere: & Numer. xxvii. 21. Iſue iam designato principi totius populi iniungitur, ut nihil maioris momenti aggreſſiatur, niſi per Pontificem conſulto Deo. Ex hac ergo dependentia laicorum tribunalium a ſacro, ſi quid in iudicando a Rege, vel alio politico tribunali peccatum eſſet contra legem divinam, poterat, immo debebat a Pontifice, & ſacro tribunali corrigi. Quod ſi locum habebat in lege Moſaica, & Republica Iudæorum, longe rudiore, minusque compoſita; quanto magis in Eccleſia & lege Chriſtiana, quæ cultiſſima eſt, optimeque ordinata?

Obicit Calvinus, per iudicem hic intelligi non Pontificem, ſed principem politicum: nam qui in politicis præerant Hebræis uſque ad tempora Regum, non alio quam iudicum nomine vocabantur.

Reſpondeo, Deum hic loqui non de quovis iudice, ſed de illo ſolo qui præerat loco in quo tabernaculum erat, vel templum, ut hic dicitur verſ. 10. Atqui nullus iudicum politicorum præſuit umquam illi loco, ſed ſoli Pontifici, & ſacerdotibus id competebat: ergo & hiſ ſolis ultimum illud controverſiarum iudicium hic deſertur.

Replicat Lucas Oſiander: Iudæi tantum hic iubentur facere quæ ſacerdotes illi decreverint iuxta legem Dei, hoc eſt conformiter legi divinæ; non vero ſi quid extra hos limites decernant.

Reſpondeo, ut ſummum excluſi hiſ verbis, quod manifeſte pateret contrarium eſſe legi divinæ; verbi gratia, quod ex mero odio vel animo hoſtili decerneretur contra ius & fas, ut fieri potuiſſet in rebellionē, cui etiam Pontifex ſubſcripſiſſet; & forte ita factum ab Abiathar ſummo ſacerdote conſpirante cum Adonia contra Salomonem. Alioquin omni alio caſu, etiam maxime dubio an verbis legis comprehenderetur, necne; immo etſi expreſſe conſtaret non comprehendi, dummodo tamen conſtaret manifeſte non contrariari; cenſebantur ſacerdotes iudicare iuxta legem Dei: quia lege divina, ut ſupra dixi, poteſtas ipſis facta erat omnia controverſa ad ſe delata diiudicandi, ad quod præſidio illis erant leges ſacritus acceptæ, toroque

Pentateucho comprehensæ, sed non nisi casibus ibidem expressis; in aliis vero ibidem non expressis, debebant consulendo Deum, vel invicem conferendo, vel pluralitate suffragiorum, vel alia commodiore via sententiam curare: cui omnes omnino parere hic iubentur, non minus his posterioribus casibus lege non comprehensis, quam prioribus in lege expressis.

Ex quibus omnibus patet, quam procul a divina lege devient qui supremum iudicem omnium controversiarum etiam fidei, & interpretem sanctæ Scripturæ conantur nobis obtrudere vel principem politicum, vel magistratum civilem, ut Anglo-calvinistæ, & Arminiani; vel privatum spiritum cuiusque, etiam plebei, ut Puritani, Gommaristæ, & alii hæretici.

(*) Hic vers. 28. & 29.

(b) III. Reg. 1. & 22.

GORDONI.

Vers. 3. **M**ILITIAM CÆLI. Sunt alia, quæ nempe ut militibus Deo famulantur.

V. 6. & 7. Est iure gentium receptum etiam, immo & Cæsareo, ut duo, vel testes sufficiant; tamen Cæsareo iure non conficit hunc numerum qui accusator est, quamvis lege hac divina accusator poterat admitti. Sic Daniel. xiii. duo senes accusatores evicerunt contra Susannam. Quod vero est hic vers. 7. **DE MANU TESTIS**, debet intelligi, accedente iudicis auctoritate.

V. 8. Sanguis, hic homicidium designat. Causa hæc iudicialis est, & ad iudicem laicum pertinebat, sicut cærimoniales causæ ad sacerdotes; tamen isti iudices laici non poterant omnino rem definire; ultimum iudicium erat penes summum Sacerdotem, qui proinde omnium supremus iudex erat, ut hic definit Moses, proposita pœna mortis reluctanti. Sacerdotes proinde, ut hinc constet, poterant esse iudices in criminibus, & causa homicidii, & habetur etiam Ezech. cap. xlii. vers. 24. & alibi. Sic Caiaphas in concilio protulit sententiam mortis in Christum, Ioan. xi.

vers. 50. & talia quidem erant veteris legis statuta.

V. 9. **VENIESQUE AD SACERDOTES, &c.** En provocationem ad sacerdotes, etiam in causa criminali, seu de sanguine, ut habetur vers. 8. Heb. בְּדָם בֵּן דָּם *ben dam ledam, inter sanguinem & sanguinem*. Ceterum ne quidem in civilibus Rex apud Iudæos exemptus erat, prorsus a iurisdictione Pontificis, ut videas quam male Principes non Catholici, usurpent etiam in sacris rebus auctoritatem supremam. Nec Iosaphat II. Paralip. xix. constituit de rebus sacris sacerdotes iudices, nisi accedente auctoritate summi Pontificis. Quod si III. Reg. Salomon deposuerit Abiathar summum Sacerdotem, hoc egit ut exequens Dei voluntatem ex I. Reg. 11. & 111. de futura eiectione posteritatis Heli ex vaticinio per Samuellem.

V. 11. **IUXTA LEGEM EIUS,** seu sententiam ex vera legis interpretatione.

V. 12. **ET DECRETO:** lege, ex decreto: sic habet Romanum exemplar. Heb. *vel:* idem apud Septuag. est particula *ἢ*; hoc est, qui noluerit obedire Pontifici, aut decreto iudicis.

V. 16. **CUM DOMINUS PRAECEPERIT VOBIS.** Hoc præceptum quando sit impositum, non habemus. Cetera quæ de Rege subduntur, monita sunt Regibus perutilia, præsertim in his quæ vel ambitiosam pompam redolent solum, vel nimiam exactionem auri a subditis, quæ contra hæc fecit Salomon. Vide III. Reg. cap. x.

V. 18. **DEUTERONOMIUM,** exemplum. Hebr. *duplum*, aut *duplicitum*. Sept. *Deuteronomium*.

EX EVDDEM AUCTARIO.

V. 1. **MACUÆ.** Quænam sit macula, Exod. xii. 5.

V. 5. **AD PORTAS,** ut fieret ex more iudicium, & extra portas ad supplicium.

V. 14. **CONSTITUAM.** Satis docet contextus non esse præceptum Regem; sed si constitueris Regem (permissio est) ferret ea quæ sequuntur.

C A P U T XVIII.

Sacerdotibus, & levitis pro possessione cedunt oblationes ac sacrificia: cavenda omnis superstitio: de vero propheta suscitando, & falso propheta interficiendo.

Non (a) habebunt sacerdotes & levitæ, & omnes qui de eadem tribu sunt, partem & hereditatem * cum reliquo Israel, quia sacrificia Domini, & oblationes eius comedent, 2. & nihil aliud accipient de possessione fratrum suorum: Dominus enim ipse est hereditas eorum, sicut locutus est illis. 3. Hoc erit iudicium sacerdotum a populo, & ab his qui offerunt victimas: sive bovem, sive ovem immolaverint, dabunt sacerdoti armum ac ventriculum. 4. (b) primitias frumenti, vini, & olei, & lanarum partem ex ovium tonsione. 5. Ipsum enim elegit Dominus Deus tuus de cunctis tribubus tuis, ut stet, & ministraret nomini Domini ipse, & filii eius in sempiternum. 6. Si exierit Levites ex una urbium tuarum ex omni Israel in qua habitat, & voluerit venire, desiderans locum quem elegerit Dominus, 7. ministrabit in nomine Domini Dei sui, sicut omnes fratres eius levitæ, qui stabunt eo tempore coram Domino. 8. Partem ciborum eandem accipiet, quam & ceteri: excepto eo quod in urbe sua ex paterna ei successione debetur. 9. Quando ingressus fueris terram quam Dominus Deus tuus dabit tibi, cave ne imitari velis abominationes illarum gentium. 10. (c) nec inveniat in te qui lustret filium suum, aut filiam, ducens per ignem: aut qui ariolos sciscitetur, & observet somnia atque auguria, nec sit maleficus, 11. nec incantator, nec qui pythones consulat, nec divinos, (d) aut quærat a mortuis veritatem: 12. omnia enim hæc abominatur Dominus, & propter istiusmodi scelera delebit eos in introitu tuo. 13. perfectus eris, & absque macula cum Domino Deo tuo. 14. Gentes istæ, quarum possidebis terram, augures & divinos audiunt: tu autem a Domino Deo tuo aliter institutus es. 15. (e) **PROPHETAM** de gente tua & de fratribus tuis sicut me suscitabit tibi Dominus Deus tuus: ipsum audies, 16. ut petisti a Domino Deo tuo (f) in Horeb, quando concio congregata est, atque dixisti: Ultra non audiam vocem Domini Dei mei, & ignem hunc maximum amplius non videbo, ne moriar. 17. Et ait Dominus mihi: Bene omnia sunt locuti. 18. (g) Prophetam suscitabo eis de medio fratrum suorum similem tui: & ponam verba mea in ore eius, loqueturque ad eos omnia quæ præcepero illi: 19. qui autem verba eius, quæ loquetur in nomine meo, audire noluerit, ego ultor existam. 20. Propheta autem qui arrogantia depravatus voluerit loqui in nomine meo, quæ ego non præcepi illi ut diceret, aut ex nomine alienorum deorum, interficietur. 21. Quod si tacita cogitatione responderis: Quo modo possum intelligere verbum quod Dominus non est locutus? 22. hoc habebis signum: Quod in nomine Domini propheta ille præ-

prædixerit, & non evenerit: hoc Dominus non est locutus, sed per timorem animi sui propheta confinxit: & idcirco non timebis eum.

(a) Sup. x. p. Num. xviii. 20. I. Cor. ix. 13. (b) Num. xviii. 21. (c) Levit. xx. 27. (d) I. Reg. xviii. 7. (e) Ioan. 1. 45. Act. xii. 22. (f) Exod. xx. 21. (g) Ioan. 11. 45.

BRUGENSIS

ROMANA CORRECTIO.

liquo, quod Interpres signanter addidit.

V. 1. Cum reliquo Israel. Non omittas re-

COMMENTARIA

S A.

Vers. 2. **D**OMINUS ENIM. Chald. *munera eis data a Domino.*

V. 3. IUDICIUM, id est ius, seu ritus. Chald. *pertinens ad sacerdotes*; quasi dicat, debitum sacerdotibus. ARMUM. Hebr. Chald. & LXX. *armum, & mallas.*

V. 5. NOMINI DOMINI, id est Domino.

V. 7. STABUNT, id est ministrabunt.

V. 8. EXCEPTO EO, id est ultra id. Nota, hinc, & ex cap. xiv. & Numer. xviii. apparere, non datas decimas, nisi levitis in templo servientibus; aliis vero dabantur tertio quoque anno solum.

V. 10. LUSTRET, id est expiet. QUI ARIOLOS SCISCITATUR, ET OBSERVET SOMNIA ATQUE AUGURIA. Hebr. *divinator, aut præligiator, aut augur*: Chald. *divinans, aut horas observans, aut auguria.*

V. 13. CUM DOMINO, id est coram Domino.

V. 15. PROPHETAM, scilicet Iosue in typo, & Christum in veritate. SICUT ME, scilicet legislatorem.

V. 22. EUM, id est eius prophetas.

EST I I.

Vers. 8. **E**XCEPTO EO QUOD IN URBE SUA EX PATERNA SUCCESSIONE EI DEBETUR. Ergo etiam hereditatem suorum bonorum levitæ ad posteros transmittant. Videntur autem intelligi domus, suburbana, pecora, & si quid aliud esset acquisitum.

V. 15. PROPHETAM... DE FRATRIBUS TUIS SICUT ME, SUSCITABIT

TIRI DOMINUS DEUS TUUS: IPSUM AUDIES. Omisiss Hebræorum commentis, qui hunc locum interpretantur de Iosue, & aliis, qui deinde secuti sunt, Samuele, Esaia, Ieremia; dubitare non debemus, quin locus iste ad Christum pertineat. Habemus enim de hoc interpretem Spiritum sanctum, qui per os beati Petri Apostoli Actor. xiii. ita loquitur: *Moses quidem dixit: Quoniam Prophetam suscitat vobis Dominus Deus vester de fratribus vestris, tamquam meipsum audietis.* Itemque Stephanus Actor. vii. hunc locum ad probandum Christum esse Messiam producit. Quomodo autem dicatur, *Sicut me*, cum Christus fuerit Moysse longe maior: respondeo, illis verbis non æqualitatem auctoritatis, sed similitudinem significari. Et sensus est: Per omnia eum audietis, sicut me audire debuistis; vel sicut ego nihil vobis præcepi nisi ex ore Dei, ita nec ille. Vel potius *sicut me*, vel ut postea repetitur, *similem mei*: videlicet in eo quod uterque sit legislator Moyses legis novæ. Et plane Stephanus Act. vii. hanc scripturam allegat, ut ostendat iam olim per ipsum Moysen a Deo promissum esse Prophetam, qui legem Moysi transferat.

Adde quod omnino quoque videtur ad hunc locum alludere Pater de Filio, testificans Matth. xvii. *Ipsum audite*: itemque ad hunc locum respexisse creditur ipse Filius Christus, quando ait Ioan. v. *De me enim ille scripsit*: & Philippus quando dixit de Nathanael, Ioan. 1. *Quem scripsit Moyses in lege, &c.* ut parvi faciendum videtur quod Hieronymus ab Oleastro putat non tantum de Christo intelligi, sed pertinere etiam ad alios Prophetas. Sed contra hunc sensum, & similiter con-

contra sensus quos fingunt Iudæi, præter illa quæ supra dicta sunt, facit etiam quod non dicitur, Prophetas, sed singulariter, *Prophetam*. Ac deinde cap. ult. huius Libri expresse: *Et non surrexit ultra Prophetia in Israël sicut Moyses, &c.*

V. 9. EGO ULTOR EXISTAM. Impletum est hoc in everfione potissimum civitatis Ierosolymitanæ per Romanos, sicut Christus quoque ipse eis prædixerat; ac deinceps in dispersione illius populi per omnes terras, & in venditione eorum in servos, & quod etiamnum omnibus sunt contemptui.

* Nihil ultra in Exemplari Parisiensi ann. 1642. quo nos utimur in hac nostra editione; ut autem vitio aliquo laborare videtur hac sententia, sic nos suppleendum existimamus in eo quod utique per legistatorem, Moysen veteris, Christus vero legis novæ.

M A R I A N A E.

Vers. 1. SACRIFICIA DOMINI, ET OBATIONES. Hebr. *Ignita Domini, & hereditatem eius comedent*. *Ignita*, וּמֵי יֵשֶׁי, vocat carnes sacrificii, postquam pars earum igne est combusta. Hieronymus *sacrificia* recte dixit, sed vim vocis non satis exprimit.

V. 2. HOC ERIT IUDICIUM, id est pars, sive portio sacerdotum. ARMUM AC VENTRICULUM. Sept. *armum, & maxillas, & ventriculum*: sic est Hebr.

V. 6. URBium TUARUM. Hebr. *portarum suarum*; sed portæ pro urbibus sumuntur: sic potuit vertere cap. xvii. vers. 2.

V. 8. PARTEM CIBORUM EANDEM ACCIPIET. Hebr. *Partem, ut partem comedent*; id est, non minor illis portio quam ceteris dabitur, levitis advenis scilicet. EXCEPTO EO QUOD IN URBE SUA EXPATERNATA EI SUCCESSIONE DEBETUR. Hebr. *Præter venditiones super patres*; hoc est, nisi loca sua, & portiones patres vendiderint vel emerint: nam emptio- nibus factis stari vult: & ut ceteri vendebant sua prædia, ita levitæ loca, & portiones suas. Quod sub Davide, & Salomone factum dicunt, quando ad certum numerum & sortes sacerdotum ministeria sunt perducta. Itaque levitis externis oblationum portionem dari vult, & eos in patria sua prædia retinere.

V. 10. QUI LUSTRET FILIUM

SUUM, AUT FILIAM. Hebr. *transfrens filium suum, aut filiam suam per ignem*. Quod intelligunt de iis qui filios suos immolabant idolis, de quo Levit. xviii. & Deuter. xii. Non lustrabant filios, sed comburebant. AUT ARIOSOS SCRISCIETUR. Hic constat divinos, maleficos, incantatores, necromanticos prohibere. An vero nomina quæ Interpres posuit, exacte respondeant Hebraicis, laborare non est opus: non minus Iudæis multarum vocum Hebraicarum ignotæ sunt significationes, quam nobis.

V. 12. DELEBIT EOS IN INTROITU Tuo. Hebr. *eiiciens* (proieciens) *illos a facie tua*, scilicet divinos, incantatores.

V. 14. TU AUTEM A DOMINO DEO TUO ALITER INSTITUTUS ES. Hebr. *Et tu non sic dedit tibi Dominus Deus tuus*.

V. 22. ET NON EVENERIT. Non satis e contrario est, ut existimetur quis verus Propheta, ut eveniat quod dicit; nisi addatur, quod non deducat homines a lege Dei, uti superius dictum est cap. xvii.

M A L V E N D A E.

Vers. 3. HOC ERIT IUDICIUM SACERDOTUM, id est ius sacerdotum, quod iure illis populus, & sacrificantes debent. AC VENTRICULUM. Notant, ventriculi duas esse partes: *omasum*, quæ est pars ventriculi crassior, pinguior, opimior; & *echinon*, quæ est pars asperior & pinguedinis expers: atque hic ventriculum synecdochice *omasum* tantum intelligunt, *Pantices* Plauto dici quidam existimant. *Omasum* olim in deliciis fuisse ostendit Nonius cap. 11. num. 633. ex Nævio in *Aulularia*. For- san *ventriculum* hic intelligit Moses in animalibus mundis, quod in sue vocat *spē- sile*, Festus e Plauto in *Carbonaria*, nempe carnem illam exossem, quæ est sub umbilico. Alii hic *ventriculum* accipiunt pectusculum animalis, quod cedebat sacerdoti, Exod. xxix. vers. 26. Quidam Hebræorum aiunt esse *uber*, in quo est lac. Lyranus *בָּבִי קֶבֶבִי, multam*, interpretatur: quam nos Valentini dicimus *mulam*.

V. 4. PRIMITIAS FRUMENTI, &c. Vide

Vide de hoc versu Numeror. xviii. vers. 12. & 13.

V. 8. PARTEM CIBORUM EAMDEM ACCIPIET, QUAM ET CETERI. Hebr. *Portionem sicut portionem comedent*. Ex hoc loco apparet, levitas templo ministrantes suas portiones ex oblationibus, seu ex ærario templi percepisse; cum alii levitæ non ministrantes, decimas tantum a filiis Israel caperent: exponuntque: Levitæ de novo venientes ad ministrandum comedent suam portionem, tantumdem ut alii ministrantes. Quidam vertunt: *Æquales portiones comedent*. Alii: *Partem ex æquo comedent*; id est, æque ad functionis levitæ & commodi ex ea partem admittitor cum fratribus; putantque hic allusum ad portionem decimalem levitarum, de qua Numer. xviii. vers. 31. quod non probat. EXCEPTO EO QUOD IN URBE SUA EX PATERNA EI SUCCESSIO NE DEBETUR. Hebr. *Præter venditiones eius super patres*. Quidam ista inter senectutem, exponuntque: *præter venditiones suas, quas habent a patribus*; sensumque esse volunt, omnes levitas, qui Ierosolymam venient ut ibi ministrarent Domino, ex æquo participare posse omnibus portionibus quæ ex oblationibus, seu ex ærario templi illis obvenirent; non autem teneri ut alius cum alio divideret & partiretur ea bona quæ a patribus seu maioribus suis tanquam propria habebat. Licet enim levitæ non haberent hereditatem in terra promissa ut aliæ tribus; tamen poterant sibi quædam emere a filiis Israel, quæ illis propria manebant, & quæ filiis suis postea relinquebant. Apposite reddidisse mihi videtur Hispanicus Interpres, *Aliende de suis patrimonios*. Alii dividunt, & illud præter venditiones eius, seorsim accipiunt, & illud *super patres*, non iungunt proximo membro, sed cum remotiori, *Partem ex æquo comedent super patres*: unde locum ita convertunt: *Præter venditiones eius, seu præter pretium rerum, quas quisque eorum vendidit, secundum paternas familias*; id est quasi dicas: Ne excluditor a parte commodi, eo quod habet pretium rei alicuius aut possessionis venditæ, unde se possit alere. Ratio est, qui rem venditam redimendi ius perpetuum habet; redimere autem non posset si absumeretur pretium rei venditæ.

Vide Levit. xxv. vers. 23. Illud autem secundum paternas familias, ita exponunt: Id est, suo adventu ne perturbet distributa ministeria inter levitas; sed accedito Gerfonita Gerfonitas, Kehathita Kehathitas, & sic de reliquis. Distributionem autem ministerii vide Numer. iiii. & iv. & I. Paralip. xxiii. & xxiv.

V. 9. NE IMITARI VELIS. Hebr. *non discas ad facere*. Possis etiam intelligere: *ne doceas facere*. Verbum *למד* lamad, utrumque significat, & *discere*, & *docere*; id est, ne discas tu facere, nec doceas facere filios tuos.

V. 10. QUI LUSTRET FILIUM SUUM; &c. Vide de hoc immani ritu Levitici xviii. vers. 21. cap. xx. vers. 2. 3. 4. ET OBSERVET SOMNIA. *מגבונן megbonen*, participium Pihel verbi *גבון* gbonen, de cuius significatione late diximus in Levit. xix. vers. 26. Hic varie reddunt, *oculans*, *observans*, scilicet vel *somnia*, ut Noster reddidit, vel *dies*, *menses*, *annos*, *horas*, ac *tempora*, *situs*; & *positus alstrorum*, ac *cæli faciem*, *rebus gerundis idonea*; *horoscopus*, *mathematicus*, *genethliacus*, *planetarius*, *astrologus iudiciarius*, *obnubilator*, qui ex nubibus divinat, vel qui res quas manu tenet, obnubilat, & confundit, simulque oculos intuentium; *prestigians*, seu *prestigiator*, *hariosans*, *augurans*, *responsa petens*, aut *reddens*: forte *oculans*, id est qui oculis nocet, *fascinans*, seu *fascinator*. Hispanice, *Tomador de oio*. ATQUE AUGURIA. *מנחש menachesh*, participium, *augurans*. De verbi *נחש* *nachesh* significato egimus Levit. xix. vers. 26. varie hic vertunt, *observator*, *conector*, *scrutator*, *veneficus*. Hispanicus Interpres, *sortilegus*. NEC SIT MALEFICUS. *מכשף mechafscheph*. Vide de hac voce Exod. vii. vers. 11. proprie, *prestigians*, *prestigiator*; alii, *maleficus*, cum Nostro: nonnulli, *fascinans*, *aupicans*, *aupex*, *aruspex*: Hispanicus Interpres, *bechzero*, id est *veneficus*, *pharmaceus*.

V. 11. NEC INCANTATOR. *חבר*, *vechober chaber*, varie reddunt. I. Et associator societatis, sive *associans societatem*, scilicet cum dæmonibus, qui consortium habet cum illis, estque eorum partarius. II. Et *conjurator coniurationis*; vel *conjurans coniurationem*. III. Et *insurgens incantationem*. IV. Et *ingens iunctio-*
nem.

nem : Et *astrologans astrologationem* ; vel *astrologus astrologie* . *Chober* participium , seu nomen participiale verbi חָבַר *chabar* , quod aiunt proprie significare plurium personarum , seu rerum specivocarum coniunctionem , confociationem , copulationem , conventionem , conspirationem , coniunctionem . *Chober* autem est *coniurator* , qui incantationibus multa animalia coniurat , ut serpentes , & alia animantia , & reptilia venenata , aut res alias multas , ut adsint simul , uti faciebat Babylonius ille Chaldeus apud Lucianum in *Philopseude* , de quo nos in *Antichristo* Lib. VII. cap. VIII. Alii volunt *Incantandi* significationem verbo *affociandi* attributam , quod res noxia incantatione admoveatur , & veluti affocietur , ut non noceat ; sed ea magus sine noxa uti possit . Hebræi distinguunt duplicem incantationem : Magnam , qua magna animalia ; Parvam , qua reptilia , serpentes , scorpiones incantando confociantur , & coniurantur . Alii volunt , *chober* esse *astrologum* , sic dictum a coniunctione , seu coadunatione : astrologi enim tori in coniunctionibus stellarum versantur , ut qui nunquam cessant stellas combinare , seu coniungere ; ac coniunctiones astrorum , oppositiones , & constellationes observare . AUT QUÆRAT A MORTUIS VERITATEM . Hæc est necromantia , seu necyomantia , cuius duæ exempla mirifica leges , alterum apud Lucianum Lib. VI. *Pharsalia* ; alterum apud Heliodorum in *Æthiopis* Lib. VI. cap. XVII.

V. 12. PROPTER ISTIUSMODI SCELERA . Heb. ex verbo : *In devolutione abominationum istarum* . Nec male intelliges ut devolveret , provolveret , extruderet , exterminaret , deciceret abominationes istas .

V. 13. PERFECTUS ERIS , ET ABSQUE MACULA . Heb. una vox מִמֶּנִּי *tamin* , *consummatus* , *integer* , *absolutus* . In *Thaom* , *Thau* est littera grandior , & est undecima littera magnæque in Hebraicis Bâlis ponitur ; fortasse ad significandum plenissimam , & absolutissimam integritatem & perfectionem , qua erga Deum Israeliticus populus pollere debebat . Vide supra cap. VI. vers. 4. CUM DOMINO DEO TUO . Si mutato punctulo Chuih in Pathach , legamus hic *oy ghām* , *populus* ,

Bib. Sac. Tom. III.

plenior erit sensus : *Consummatus eris populus IHUH Dei tui* .

V. 14. TU AUTEM A DOMINO DEO TUO ALITER INSTITUTUS ES . Heb. *Et tu non sic : dedit IHUH deus tuus* . Norant concisam esse orationem , in qua sint multa subaudienda , hoc modo : Tu autem non sic facies , id est non consulens mathematicos & divinos : quia daturus est tibi Deus terram illarum gentium , propterea quod divinos consulunt ; Alii : Et tu non audies mathematicos & divinos , quia non officio , & ope eorum consecutus es vitam , sed Iehovah dedit tibi bona istarum gentium , quæ audiunt mathematicos & divinos . Quidam : Et tu non sic facies , non audies mathematicos & divinos : dedit tibi Dominus , scilicet Pophetam , qui futura tibi prædicat ; ita ut non sit opus vanos istos consulere . Aliqui : *Et tu non sic edoctus es : dedit IHUH Deus tuus* ; id est , docuit , instituit , instruxit te . Quidam Hebræorum *נְתַן* *attab* , pro affixo capiunt , redduntque : *Tibi autem non sic dedit* , id est permisit , *Iehovah Deus tuus* : nimirum consulere mathematicos & divinatores . Aliqui ita vertunt : *De te autem non ita sunt* , quos dat tibi *Iehovah Deus tuus* ; id est , non sunt planetarii aut divini , quorum ministerium tibi sanctificavit , & audientiam imperavit Deus . Hanc interpretationem , inquirunt , docet prosodia (nam elliptos genus istud est frequentissimum) & verba sequentia flagrant .

V. 15. PROPHEETA DE GENTE TUA ; &c. Hunc esse Iesum Nazarenum æterni Patris Filium , generis humani redemptorem , Petrus Actor. III. vers. 22. & Stephanus Actor. VII. vers. 37. sunt interpretati . Ac si dicat : Istorum omnium in posterum loco Deum solum accedito , atque consulito , qui tibi petenti concessit gratiæ ut se accedas ætæni Mediatoris opera , & ab ore illius tamquam germanæ Dei Sapientiæ , & Sermōnis , Verbiq; veri & vivi pendas . Est ergo hic locus discrete enuntiatus de Christo sempiterno Propheta , Patrîsq; voluntatis genuino interprete , ut continuabant sequentia , de cuius plenitudine haurimus omnes , Ioan. I. vers. 16. SICUT ME . Heb. *Sicut ego sum* , scilicet , & naturæ & officii participatione ; quali dicas , verum

Ihū homi-

hominem, & verum mediatorem.

V. 16. UT PETISTI A DOMINO DEO TVO IN HOREB, &c. Nimirum, ut non loqueretur Deus ipse per se tecum, ne moreris, sed per me, Exod. xx. vers. 19. supra cap. v. vers. 27. sic tecum loquetur per mediatorem unicum Filium suum, Hebræor. 1. vers. 2. Notant aliqui, populum Exod. xx. vers. 19. tantum petiisse, *Loqueretur tu nobis, non loquatur nobis Deus, ne forte moriamur*; sed Moſen ex verbis eorum, non quod ipsa ſonant, sed quod illi vellent, intellexiſſe, atque intimum affectum, & cardinem deſiderii eorum penetraſſe: nam ſic affecti erant ex terrore ignis, & vocis, ut ſummo cordis æſtu optarint mitius & blandius verbum: ipſa enim mors intentata per vocem legis, cœgit eos ſuſpirare ad vitam, & ad verbum ſalutis: & in tali angullia magis optant quam audent petere aliud verbum. Deus autem qui ſcrutatur profunda cordis, audit, & reſpondet, non ſecundum verba exterioris ſonantia, ſed ſecundum affectum interioris ardentem. Atque ita verbum ſummite ac blandum hic per Moſen promittit, nempe Verbum ſuum carnem factum. Sicut Lucæ xix. 5. Chriſtus Zachæum ſuſcepit, non ſecundum quod foris loquebatur, ſed ſecundum affectum cordis. Non enim auſus fuiſſet Zachæus foris petere ut domum ſuam Chriſtus intraret; & tamen intus in animo nihil magis optabat: unde & cum gaudio eum ſuſcepit, impleto deſiderio ſuo, quod ipſe vix ſentiebat ante.

V. 21. QUOMODO POSSUM INTEL LIGERE, &c. Vide ſupra cap. xiii. verſ. 1. & ſeqq.

V. 22. ET NON EVENERIT. Notant, hæc eſſe alteram pseudoprophetaſis notam, ab eventu: priorem, quæ eſt doctrina, poſuit ſupra cap. xiii. verſ. 5.

MENOCHII.

Verſ. 1. **N**ON HABEBUNT SACERDOTES, &c. Vide ſupra Numer. x. 20.

V. 3. HOC ERIT IUDICIUM SACERDOTUM; hoc eſt, hoc erit quod de iure debetur ſacerdotibus. OFFERUNT VICTIMAS: intellige hoc de pacificis. SIVE OVEM: cum qua intellige & ca-

pram: vox enim Hebræa utramque comprehenditur. ARMUM AC VENTRICULUM: armum & peſcuſculum, ut habetur Exod. xxix. 27. & Levit. vii. 31.

V. 4. ET LANARUM PARTEM, primitiarum titulo: nam lanarum detoniſio inter annuos fructus, & proventus cenſetur.

V. 5. NOMINI DOMINI, ipſi Domino.

V. 6. SI EXIERIT LEVITES, &c. quaſi dicat: Si levita devotione ductus, & cupiens extra vices ſuas reliquo vitæ tempore miniſtrare Deo in tabernaculo, ut fecit Samuel.

V. 7. QUI STABUNT; hoc eſt, per vices miniſtrabunt.

Verſ. 8. PARTEM CIBORUM EAMDEM ACCIPIET. Intellige vel alimenta ex ærario templi, vel ex aliqua decimarum portione a Pontifice ſepoſita in levitarum actu miniſtrantium alimenta. EX PATERNA SUCCESSIONE: habere enim poterant in urbibus ſuis domos, ſuburbana, armenta, &c.

V. 10. DUCENS PER IGNEM: exurens in honorem Moloch, de quo Levit. xviii. 21. ARIOLOES SEISCITATUR, ab iis reſponſa, & divinationes quærens. OBSERVET SOMNIA, ſuperſtitioſe exiſtimans illis futura ſignificari; aut expectans a dæmone reſponſum per ſomnium; aut ex viſis nocturnis, quæ nullam habent cum rebus agendis connexionem, conſilium capiendo. AUGURIA; non ſolum ex avium garritu, volatu, paſtu, ſed alio quocumque modo omnia rerum futurarum captando. MALEFICUS. Septuaginta *veneficus*, præſtigiator, ut indicant Hebræa.

V. 11. INCANTATOR: qui ſcilicet ſuſpiris quibuſdam, & muſitationibus mira quædam facit. PYTHONES. Pythones proprie dicebantur ii qui dæmonem reſponſa dantem habent in ventre, vel ipſi dæmones e ventre loquentes. Septuaginta appellant *ἰγγασπιδοὺς*, *ventriloquentes*. NE C DIVINOS. Septuaginta, *τραπεζοκλήτων*, *portentorum inſpectorem*: alibi eandem vocem Hebraicam vertunt *γνώσκω*, *gnoſcen*, cognitorem ſcilicet rerum arcanarum, qui proſtitetur ſe talia noſſe, earum cauſas, & ſignificationes. QUÆRAT A MORTUIS VERITATEM: quod necromanticorum

rum est; qualis mulier illa erat quæ Sauli Samuelem suscitavit I. Reg. xxviii.

V. 13. PERFECTUS ERIS, ET ABSQUE MACULA, &c. in divino cultu, & religione, quam nullis superstitionibus gentilium maculabis, ut patet ex versu sequenti.

V. 15. PROPHETAM DE GENTE TUA SICUT ME SUSCITABIT TIBI DOMINUS. Vel sensus est: Dominus subinde Prophetas suscitabit tibi, qui te doceant; vel dabit tibi Messiam Christum eximium Prophetam, doctorem, legislatorem, &c.

Prophetam sicut me. Dicitur, *Sicut me*; id est 1. quo ad ducatum populi, & legislationem; 2. quia liberabit ex servitute Aegypti, diaboli scilicet, & vitiorum; 3. quia nos in terram beatorum deducet, ut Moses populum in terram promissionis; 4. quia multa patrabit miracula, ut Moses in Aegypto; 5. quia sicut cum Mose loquebatur Deus ore ad os familiariter; ita & cum Christo, idque longe excellentius: erat enim Christus quo ad naturam humanam Verbo Dei, Deoque intime unitus.

V. 16. QUANDO CONCIO CONGREGATA EST; hoc est, quo die totus populus ad accipiendam a Deo legem ad montis Sinai radices convenit, Exod. xxxi. 20.

V. 18. PONAM VERBA MEA IN ORE TUI. Hoc & Prophetis convenit, & etiam Christo, qui de seipso dicebat Ioan. xiv. 10. *Verba que ego loquor vobis, a me ipso non loquor.*

V. 20. EX NOMINE ALIENORUM DEORUM, revelatione scilicet, aut responsio a demonibus accepto.

V. 21. RESPONDERIS, obieceris.

V. 22. ET NON EVENERIT. Quæ enim Deo inspirante prædicuntur a Prophetis, ea semper eveniunt: neque enim Deus mentitur, aut mentiri poteit. NON TIMEBIS EUM, nec minas, aut prædictiones illius. Septuag. *Non abstinebitis ab eo*, manus scilicet ultrices; sed, ut patet, curabitis ut pœnas debitas luat.

T I R I N I.

Vers. 10. **A**RIOSI...PYTHONES...
& 11. **A**DIVINOS. Possunt hi, si

velis, sic distingui, ut *Pytho* sit qui dæmonem in se inhabitantem, & e ventris specu exili voce resonantem habet. *Divinus*, qui dæmonem quoque in se inhabitantem habet, sed ex ore & per linguam clara voce loquentem: qua ratione phœbades olim entheætæ, & a maligno spiritu in furorem actæ responsa dabant. *Ariolos* vero, qui dæmonem non inhabitantem, sed extrinsecus assistentem consulit, vel ex aliis rerum superstitionis notis, aut coniecturis res futuras coniectat; verbi gratia, ex horoscopi inspektione, lauri crepitu, manuum lineamentis, vel similibus divinans. De his, & aliis vide Plinium, Iulium Obiequentem, & similes a Delrione a citatos. An autem licita sit aliqua alterius generis divinatio, & qualis, dixi Genes. xl. & xlv.

V. 15. PROPHETAM DE GENTE TUA SICUT ME SUSCITABIT TIBI DOMINUS. Loquitur non de solo Christo (ut Eusebius vult, & Strabus, & Caletanus, & Iosephus Acolta b) neque de solo Iosue ad litteram, & allegorice de Christo (ut exponunt Vatablus, & Emanuel Sa) sed ad litteram de omnibus Prophetis qui Moysen coniecuti sunt, simul & de Christo; præcipue tamen ac primario de Christo. Ita sanctus Augustinus, Lyranus, Abulensis, Oleaster, & alii. Nam scopus tam Dei, quam Moysis hoc loco est, inculcare Iudæis, nihil necesse esse consulere divinos vel augures, quia nempe numquam defuturi sunt illis veri Prophetæ, quos urgente necessitate consulere possint: & suo tempore affuturus quoque illis Prophetarum princeps Christus, a quo quicquid optare possint, clare & aperte resciscant. Ita de Christo hunc quoque locum exponit Petrus Act. 111. vers. 22. & alii d alibi. Dicitur autem hic Propheta futurus similis Moysi, non omnimoda similitudine, *quia non jurexit ultra Propheta in Israël sicut Moyses*, Deuter. ultimo versu 10. Et Christus longe Moysi præcelluit. Sed magna tamen similitudine similes dici possunt omnes fuisse Moysi: in eo nempe quod divinam voluntatem & imperia populo aperuerint, & interpretati sint. Christus insuper, quæ sicut Moyses Israelitas ex servitute Aegyptiaca, per Mare rubrum submersis Aegyptiis, traduxit ad terram sanctam; Ehhb. 2 addit

dedit illis legem in Sinai; pavit in deserto manna cœlesti, & aqua de petra; & tot patravit stupenda miracula; denique debellavit hostes illorum Moabitas, Chanaanos, &c. ita Christus mundum e servitute diaboli, per lavacrum baptismi delectis peccatis travulxit in cœlum: dedit novam legem Evangelicam, sanxitque innumeris miraculis; pascit suos suomet corpore & sanguine; debellat omnes hostes salutis nostræ, &c. Neque, ut Propheta Christus nominetur, obstat quod nulla fuerit in eo cognitio obscura, uti in ordinariis Prophetis: quia hæc obscuritas non est de essentia Prophetæ, aut Prophetiæ: sufficit enim futurorum prænotio & dictio. Ita Suarez, & alii.

V. 22. HOC HABEBIS SIGNUM: QUOD NON EVENERIT, HOC DOMINUS NON EST LOCUTUS. Et hoc quidem extra dubium est, & infallibile signum pseudoprophetæ. Sed quid si evenit quod prædixit? tum ad alia signa confugiendum; verbi gratia, si ad idololatriam pelliciat, ut supra initio capituli XIII. aut alia ratione conetur a Deo, vel lege Dei homines avertere, certum signum habes fictæ, vel diabolicæ prædictionis. Quod si nil tale ex verbis Prophetæ possis elicere; tum vel ex aliis miraculis, vel ex patrefactione secretorum cordis, vel ex sanctimonia vitæ, vel ex præcedentium prophetiarum eventu, vel ex testimonio aliorum qui vitæ sanctitate, scientiaque & spirituum discretionem præstant, argumenta veræ, vel falsæ prophetæ petenda sunt. Si nihil horum omnium sufficienter rem elucidare possis, suspense fidem, eventum expecta prophetæ, & Deo omnia committe, qui nunquam patietur fraudem si quæ subit, diu latere.

(a) Delrio. de Magia.

(b) Euseb. Cæsar. Lib. III. de Demon. cap. 11. & Lib. IX. cap. xi. Acosta Lib. III. de Christo revelato.

(c) Aug. Lib. XVI. contra Faustum cap. xv. & alibi.

(d) Philippus Nathaniel, Ioan. 1. vers. 45. & Luc. Ioan. vi. vers. 14. & ipse Christus, Ioan. v. vers. 46.

GORDONI.

Verf. 1. & 2. R Eponit quod supra habetur Numeror. cap. XVIII. vers. 20. Nota de levita vers. 6. qui cupit servire Deo in loco tabernaculi, vel templi.

V. 3. HOC ERIT IUDICIUM. Hoc est pars, sive portio sacerdotum. Sacerdoti sola pellis cedebat in holocausto; sed in victima pro peccato caro tota; at in hostia pacifica armus, & pectusculum, ex Levit. cap. VII. vers. 34. & Exod. XXVIII. & Num. XVIII. vers. 18.

V. 6. DESIDERANS LOCUM; hoc est, volens servire tabernaculo.

V. 8. PARTEM CIBORUM. Hinc quidem, & ex cap. XIV. & Numer. XVIII. apparet, decimas non fuisse datas levitis, nisi templo servientibus; aliis vero tantum tertio quoque anno.

V. 10. INVENIATUR, &c. De hac lustratione, quæ est consecratio filiorum idolo Moloch, vide Levit. XVIII. vers. 21. De somniis, Levit. XIX. vers. 26. De auguriis, ibidem. De maledictis, Exod. VII. vers. 11.

V. 11. De Pythonibus, Levit. XIX. vers. 31. & ibid. cap. XX. vers. ult.

V. 15. PROPHETAM SUSCITABIT: nempe Prophetas communes, quales postea habuerunt Hebræi. Est porro hic locus de Christo, ita ut uterque sensus etiam litteralis sit. Posteriorem habemus Ioan. vers. 45. Act. VII. vers. 37. At quomodo Christus similis Moysi, quod non erat Deus? Certe in prodigiis, & ducatu populorum similis, sed longe excellentiore modo quam Moyses. Hunc sensum cura aliis dat Aug. XVI. contra Faustum, cap. XV. & XVIII. nempe de Christo.

V. 16. QUANDO CONCIO CONREGATA EST; hoc est, quando totus populus convocatus est, ut legem acciperet in monte Sinai ad radicem montis, Exod. XIX. vers. 20. timeus populus petebat Prophetam hominem. Deus hominem quidem, sed Deum promittit, seu qui sit Deus homo.

V. 21. QUOD SI... RESPONDERIS, hoc est quæras, vel dixeris: non enim in Hebr. est *תָּעַן* *biannâ*, responderi, sed *אָמַר*, quod est dicere. Dat autem signum versu insequente

quente ad cognoscendum pseudopphetam.

V. 22. QUOD IN NOMINE DOMINI. Ut ceniscatur Propheta, non satis est evenisse quod prædixit: nam hoc etiam seductoribus a lege Dei, evenire potest.

EX EIUDEM AUCTARIO.

V. 7. STABUNT, per vicesintervient.

V. 8. PATERNA SUCCESSIONE. Nam præter id quod dabatur ex ærario templi, habere etiam poterant in suis urbibus domos, suburbana, & armenta.

V. 10. DUCENS PER IGNEM, comburens.

C A P U T XIX.

Reparanda urbes refugii, & qui ad eas tute confugient, & qui non: de veris falsisque testibus, & de terminis non transferendis.

1.  Um disperdiderit Dominus Deus tuus gentes, quarum tibi traditurus est terram, & possederis eam, habitaverisque in urbibus eius & in ædibus: 2. (a) tres civitates separabis tibi in medio terræ quam Dominus Deus tuus dabit tibi in possessionem, 3. sternens diligenter viam: & in tres æqualiter partes totam terræ tuæ provinciam divides: ut habeat vicino qui propter homicidium profugus est, quo possit evadere. 4. Hæc erit lex homicidæ fugientis, cuius vita servanda est: Qui percusserit proximum suum nesciens, & qui heri & nudius tertius nullum contra cum odium habuisse comprobatur: 5. sed abiisse eum eo simpliciter in silvam ad ligna cædenda, & in succisione lignorum securis fugerit manu, ferrumque lapsum de manubrio amicū eius percusserit, & occiderit: hic ad unam supradictarum urbium confugiet, & vivet: 6. ne forsitan proximus eius, cuius effusus est sanguis, dolore stimulatus, persequatur, & apprehendat eum si longior via fuerit, & percutiat animam eius, qui non est reus mortis: quia nullam contra eum, qui occisus est, odium prius habuisse monstratur. 7. Idcirco præcipio tibi, ut tres civitates æqualis inter se spatii divides. 8. (b) Cum autem dilataverit Dominus Deus tuus terminos tuos, sicut iuravit patribus tuis, & dederit tibi cunctam terram quam eis pollicitus est, 9. (si tamen custodieris mandata eius, & feceris quæ hodie præcipio tibi, ut diligas Dominum Deum tuum, & ambules in viis eius omni tempore) addes tibi tres alias civitates, & supradictarum trium urbium numerum duplicabis: 10. ut non effundatur sanguis innoxius in medio terræ quam Dominus Deus tuus dabit tibi possidendam, ne sis sanguinis reus. 11. (c) Si quis autem odio habens proximum suum, insidiatus fuerit vitæ eius, surgensque percusserit illum, & mortuus fuerit, fugeritque ad unam de supradictis urbibus, 12. mittent seniores civitatis illius, & arripient eum de loco effugii, tradentque in manu proximi, cuius sanguis effusus est, & morietur. 13. Non misereberis eius, & auferes innoxium sanguinem de Israel, ut bene sit tibi. 14. Non assumes, & transferes terminos proximi tui, quos fixerunt priores in possessione tua, quam Dominus Deus tuus dabit tibi in terra quam acceperis possidendam. 15. (d) Non stabit testis unus contra aliquem, quidquid illud peccati & facinoris fuerit: sed in ore duorum aut trium testium stabit omne verbum.

16. Si steterit testis mendax contra hominem, accusans cum prævaricationis, 17. stabunt ambo, quorum causa est, ante Dominum in conspectu sacerdotum & iudicum qui fuerint in diebus illis. 18. (e). Cumque diligentissime perscrutantes, invenerint falsum testem dixisse contra fratrem suum mendacium: 19. reddent ei sicut fratri suo facere cogitavit, & auferes malum de medio tui: 20. ut audientes ceteri timorem habeant, & nequaquam talia audeant facere. 21. Non miseraberis eius, (f) sed animam pro anima, oculum pro oculo, dentem pro dente, manum pro manu, pedem pro pede exiges..

(a) Num. xxxv. 11. Ios. xx. 2. (b) Gen. xxviii. 14. Exod. xxxiv. 24. Sup. xii. 20. (c) Num. xxxv. 20. (d) Sup. xvii. 6. Matth. xviii. 16. II. Cor. xiii. 1. Sup. xiii. 9. (e) Dan. xiii. 62. (f) Exod. xxi. 23. 24. Levit. xxiv. 20. Matth. v. 38.

B R U G E N S I S

ROMANA CORRECTIO..

Verf. 13. *Et auferes. innoxium sanguinem.*
Quidam, non intelligentes innoxium sangu-

nem positum esse pro effusore innoxii sanguinis, loco vocis innoxium. scripserunt contrarium noxium..

C O M M E N T A R I A

S A.

Verf. 3. **V**IAM, scilicet ad illas..

Verf. 4. **H**ERIEI NUDIUSTERTIUS, id est antea..

V. 6. **P**ROXIMUS, id est cognatus..

V. 14. **S**URGENSEQUE, id est insurgens in illum..

V. 16. **I**NNOXIUM SANGUINEM, id est innocentis occisorem. Complut. legit noxium. At Hebr. innoxium. LXX. purgabis sanguinem innoxium. Chald. Auferes effundentem sanguinem innocentem..

V. 15. **S**TABIT, id est admittetur. STABIT OMNE; pro, confirmabitur omne, VERBUM; quasi dicat, accusatio.

V. 21. **P**RO ANIMA, scilicet exiges; quasi dicat: Eo supplicio afficietur, quo accusatus, si verum fuisset crimen, erat afficiendus.

E S T I I.

Verf. 15. **N**ON STABIT TESTIS UNUS CONTRA ALIUM... SED IN ORE DUORUM, VEL TRIUM TESTIUM STABIT OMNE VERBUM. Non ita hoc accipiendum est quod dicitur, *Stabit omne verbum*, quasi sit certum & infallibile argumentum veri-

tatis, si duo, aut tres testes aliquid affirmaverint: nam sicut unus testis mentiri potest, ita & duo, & tres; sicut qui testimonium tulerunt contra Naboth, Suzzannam, Christum, Srepannum; sed sensus est: Quando aliter non potest inveniri veritas eius rei quæ queritur in iudicio, tum standum erit testimonio duorum, aut trium, tamquam argumento valde probabili: Neque enim in rebus humanis certæ demonstrationes semper requiruntur, sed sufficiunt tales quibus merito fides adhibeatur.

Sed cur non similiter standum est testimonio unius? Una ratio, quia facile ex privato odio unus calumniator contra aliquem inveniri posset; non ita facile duo, aut tres. Altera, eaque prior, quia unus testis mendax longe facilius in deponendo testimonio proferet omnia contententia & conformia, quam facere possunt duo, aut tres mendaces; sicut patuit in examine duorum illorum seniorum, qui contra Suzzannam falsum testimonium dixerant. Mahometus in Alcorano, Azoara xxxiv. quatuor testes requirit in probando adulterio, & aliis. Sed multo rectius lex ista divina per Moysem duos tantum, trivse requirit: quia si quatuor necessarii sunt, multa scelera & flagitia manebunt impunita..

Et..

Et difficile est duos sic conspirare ad falsum testificandum, ut diligenter examinari de omnibus circumstantiis, non deprehendantur falsitatis in aliqua parte.

M A R I A N A E.

Vers. 3. **I**N TRES AEQUALITER PARTES TOTAM TERRAE TUAЕ PROVINCIAM DIVIDES. Hebr. *Et tertiabis terminum terrae tuae*; id est, *trifariam divides terminos terrae tuae*, ut Sept. posuerunt: ut tantumdem viae sit ab una ad alteram, quantum a secunda ad tertiam, in formam trianguli. Tres refugii civitates designari vult paribus inter eas intervallis.

V. 4. QUI HERI ET NUDIUSTERTIUS; id est, prius cum eo quem percussit, inimicitias habuisse non probatur.

V. 5. SED ABIISSE CUM EO SIMPLICITER IN SILVAM. Hebr. *Et qui abiit cum socio in silvam ad cedenda ligna*. Itaque non est modificatio superioris sententiae, sed unum e multis exemplis, quo per incitium quis potest alium occidere.

V. 7. AEQUALIS INTER SE SPATIUM. Non est in Hebr. neque in Sept. sed ab Hieronymo additum ad maiorem explicationem.

V. 10. NE SIS SANGUINIS REUS. Hebr. *Et erunt super te sanguines*; sed id est esse reum sanguinis. *Sanguis eius super nos, & super filios nostros*.

V. 12. TRADENTQUE IN MANU PROXIMI, CUIUS SANGUIS EFFUSUS EST. Hebr. *in manu redemptoris sanguinis*; sed is erat qui proximo gradu attingebat mortuum.

V. 13. NON MISEREBERIS EIUS. Hebr. *Non parces oculis tuis super eum*. Oculi, & genua sedes misericordiae, quae in utero in fetu sunt iuncta: Isidor. Lib. XI. cap. 1. *AUFERES IN NOXIMUM SANGUINEM*; quasi dicat: Occiso fonte expiabis noxam sanguinis innocentis per scelus effusi.

V. 16. ACCUSANS EUM PRAEVARICATIONIS. Hebr. *declinationis*, scilicet a lege.

V. 17. ANTE DOMINUM. In templo, aut prope illud exercebantur iudicia: & vides, praeter sacerdotes fuisse alios etiam iudices.

M A L V E N D A E.

Vers. 2. **T**RES CIVITATES, &c. videlicet in terra quam comparaturus es trans Iordanem: nam de illis aliis tribus refugii urbibus cis Iordanem iam ante prospectum fuit, ut narratur supra cap. IV. vers. 41. 42. 43. Vide Numer. xxxv. vers. 11. & seqq. Sic infra vers. 7.

V. 3. ET IN TRES AEQUALITER, &c. Hebr. *& tertiabis, triplicabis, tripartieris terminum terrae tuae*. Exponunt: Ut possis videlicet in unoquoque eius triente civitatem commodo loco statuere.

V. 4. HAEC ERIT LEX HOMICIDAE. Hebr. *Et istud verbum occisoris*. Quidam: *Hec autem est res homicidae*; id est, istud est propter quod fugiet illuc homicida; ut cum fugerit illuc, vivere possit: nempe si percusserit, &c. Alii: *Hac vero causa homicida illuc confugiat*. Nonnulli: *Hoc autem esto ius occisoris, qui fugerit illuc*. Aliqui: *Hoc negotium homicidae*. QUI PERCUSSERIT PROXIMUM SUUM NESCIENS. Vide Numer. xxxv. vers. 11. & 15.

V. 5. ET IN SUCCISIONE LIGNORUM SECURIS FUGERIT MANU, FERRUMQUE LAPSUM DE MANUBRIO, &c. Nos Hebraea verbatim expressimus (Et qui venit ad fodalem suam in silva ad succidere ligna, & impulsus erit manus eius in succisorio ad exscindere lignum, & detrabetur ferrum de ligno.) Quidam sic: *Si vibrante se manu eius cum securi ad cedendum lignum, deiecit ferrum e manubrio eius*. Alii: *Fugiente manu eius cum securi, ut succidat arborem, elabatur ferrum e capulo*.

V. 6. PROXIMUS EIUS, CUIUS EFFUSUS EST SANGUIS. Hebr. *Redemptor, vindex, assertor sanguis*. Vide Numer. xxxv. vers. 12. ET PERCUTIAT ANIMAM EIUS. Hebr. *& percutiet eum animam*, vel *anima*, id est auferendo ei animam, sive lethaliter. Quidam subaudiunt, *& percusserit eum percussione animae*, nempe vulneri lethali. Sic infra vers. 11. & Genes. xxxvii vers. 21.

V. 10. NE SIS SANGUINIS REUS. Hebr. *& erit super te sanguines*, id est culpa, natus. cedis.

exemplum illius, qui impunitus sit dimissus.

V. 21. ANIMAM PRO ANIMA; id est, eam pœnam ab eo exiges, qua affectus fuisse in quem dixit falsum testimonium, si convictus fuisset: vitam pro vita, &c. Simile genus dicendi habes Exodus xxi. vers. 23. & seqq. Levit. xxiv. vers. 17. 19. 20.

M E N O C H I I.

Vers. 2. **T**RES CIVITATES SEPARABIS. Sermo est de civitatibus refugii, quæ transito Iordane constituendæ restabant: tres enim iam Moses ipse constituerat.

V. 3. STERNENS DILIGENTER VIAM: ne impedita sit, & fugam retardet ad asylum confugientium.

V. 4. PERCUSERIT NESCIENS: soli enim involuntario homicidæ, & inculpato concedebatur ius asyli. Vide Num. xxxv.

V. 5. SIMPLICITER, absque dolo, vel fraude.

V. 6. PROXIMUS EIUS, cognatus scilicet occisi. PERCUTIAT ANIMAM EIUS: percutiat eum, occidat. NULUM ODII PRIUS HABUISSE MONSTRATUR. Ex quo capitur coniectura non dolo, sed casu occisum.

V. 8. DILATAVERIT, &c. Vide dicta supra cap. xii. 10. SICUT IURAVIT PATRIBUS TUIS. Abraham facta est ista promissio Genes. xv. terminis etiam undequaque assignatis: eadem deinde confirmata Isaac Gen. xxvi. & Jacob Genes. xxviii. & xxxv.

V. 9. SIT AMEN CUSTODIERIS, &c. Ex quo patet promissionem hanc non absolutè, sed cum conditione, quæ hic exprimitur, factam. ADDES TIBI TRES ALIAS CIVITATES, &c. Si dilatio illa de qua num. 8. futura erat extra Chananæam, etiam civitates hæ tres addendæ, extra Chananæam eligendæ erant.

V. 10. UT NON EFFUNDATUR SANGUIS, &c. quod factu proclive esset, si asylum longe abesset. NE SIS SANGUINIS REUS, ob hanc legem neglectam.

V. 12. SENIORES CIVITATIS ILLIUS, non civitatis refugii, sed civitatis occisi.

Bib. Sac. Tom. III.

V. 13. AUFERES INNOXIUM SANGUINEM; id est, innoxii sanguinis culpam, & reatum tolles ab Israel; qui reatus tamdiu adhæret populo Israelitico, quamdiu impunita ea cædes relinquitur.

V. 14. TERMINOS PROXIMI TUI: terminos agrorum, vicinum submovendo, & quæ illius sunt occupando.

V. 15. STABIT OMNE VERBUM: confirmabitur omnis accusatio, omne dictum, omnis res.

V. 16. PRÆVARICATIONIS, culpæ contra legem admissæ.

V. 17. AMBO, QUORUM CAUSA EST: tam accusator quam reus, inter quos controversia est. ANTE DOMINUM, in loco ubi erit tabernaculum, aut templum. IN CONSPPECTU SACERDOTUM ET IUDICUM: causæ cognitione ad sacerdotes rei provocatione devoluta, vel a iudicibus laicis iuxta præscriptum huius legis, remissa.

V. 19. REDDET EI SICUT FRATRI SUO FACERE COGITAVIT, lege talionis. AUFERES MALUM, calumniatorem, vel calumniam.

V. 21. ANIMAM PRO ANIMA, id est vitam pro vita, &c.

T I R I N I.

Vers. 9. **A**DDES TRES ALIAS CIVITATES. Iam ante cis Iordanem designatæ erant a Moysè tres civitates refugii, *Esoer, Ramoth, & Golan*, Deuter. iv. vers. 43. hic initio capituli iubentur Iudæi, tres quoque trans Iordanem designare, scilicet intra limites Chananææ, postquam expulsi hostibus illam obtinuerint. Præter has sex urbes iubentur hic vers. 9. tres iterum alias designare, non intra, sed extra terminos Chananææ: nempe si contingat usque ad Euphraten habitationem Iudæorum (ut ipsis, & patribus promissum erat) extendi.

Dices: Numquam fuerunt novem urbes refugii. Respondeo: Neque umquam fuit habitatio Iudæorum usque ad Euphraten extensa. Nam licet sub Davide, & Salomone, cum longissime imperarunt, fuerint eæ regiones Iudæis vestigales, non tamen ab ipsis inesse aut inhabitatæ, quo solo casu designandæ ibi erant, & servire poterant urbes refugii. Promissio autem

Iii di-

divina de finibus Iudæorum eo usque extendendis non absoluta, sed solum conjunctionata fuerat, ut hic dicitur vers. 9. scilicet si legem & mandata divina servarent. Quam conditionem ipsis non servantibus, non tenebatur etiam Deus fines illorum usque eo protendere.

V. 12. MITTENT SENIORES, seu magistratus, CIVITATIS ILLIUS, non civitatis refugii, sed occisi, seu eius cui versu præcedente dicuntur structæ insidiæ, ut notat Caietanus. Debebant enim magistratus loci in quo cædes patrata fuerat, argumenta & indicia saltem probabilia culpæ admittæ ad iudices urbis refugii mittere: quæsi iusta comperirentur, tradebatur homicida prioribus magistratibus, a quibus deinde causa discutiebatur; & veritate comperta, si mero casu homicidium patratum constabat, ad civitatem refugii tuto remittebatur reus, ut dixi Numer. xxxv. sin studio factum, proximo plectendus dabatur. Atque *innoxius sanguis* occisi *auferebatur de Israel*; hoc est, culpa & reatus cædis innocentis iusta homicidæ morte tollebatur ab humeris universi populi: nam reatus criminis tam seculi tamdiu adhæret populo, quamdiu crimen impunitum manet.

GORDONI.

Vers. 2. Sermo hic est de tribus his civitatibus futuris cis Iordanem: nam trans Iordanem iam tres erant constitutæ a Moïse, cap. iv. vers. 41. Sint vero IN MEDIO TERRÆ; hoc est, intra terram a populo possessam. Addit porro vers. 3. ad fugæ facilitatem, ut sternatur via,

sive complanando, sive lapidibus sternendo. Facta vero postea est hæc divisio urbium, Iosue xx. ubi recensentur hæ urbes cum aliis trans Iordanem. De his urbibus vide Numeror. cap. xxxv.

V. 8. & 9. CUM AUTEM DILATAVERIT DOMINUS, &c. Non leguntur hæ tres aliæ civitates additæ, ut revera non legimus excrevisse proprium dominium Israelitarum usque ad terminos hic designatos. Nam quod contigit sub Davide, & Salomone, modico tempore stetit, & tantum sub ratione tributum.

V. 12. PROXIMI. Is erat qui mortuum proxime gradu attingebat.

V. 15. De testimonio in ore duorum, dictum hic est cap. xvii. vers. 6. & quid de accusatore.

V. 17. STABUNT ANTE DOMINUM. Hinc apparet fuisse etiam alios iudices præter sacerdotes.

V. 21. Hæc contra falsum testem, vel accusatorem pœna decernitur, ut quæ pœna crimini de quo agitur, debetur, eam luat falsarius iste. Anima hic vitam significat.

EX EIUDEM AUCTIONARIO.

V. 3. STERNENS, ne fugienti ad asylum via, sit impedita.

V. 4. NESCIENS: quia ius asyli solum concedebatur inculpato & involuntario homicidæ.

V. 6. PROXIMUS, cognatus.

V. 17. STABUNT AMBO, tam accusator, quam reus: sunt duo inter quos est controversia.

C A P U T XX.

Qui tempore pugna sint domum remittendi: inra belli quomodo servanda: quæ arbores cædendæ ad machinas instruendas, & quæ relinquendæ.

1. **S**I exieris ad bellum contra hostes tuos, & videris equitatus & currus, & maiorem quam tu habeas adversarii exercitus multitudinem, non timebis eos: quia Dominus Deus tuus tecum est, qui eduxit te de terra Aegypti. 2. Appropinquante autem iam prælio, stabit sacerdos ante faciem, & sic loquetur ad populum: 3. Audi Israel, vos hodie contra inimicos vestros pugnam committitis, non pertimescat cor vestrum, nolite metui, nolite cedere, nec formidetis eos: 4. quia Dominus Deus vester in medio vestri est, & pro vobis contra adversarios dimicabit, ut eruat vos de periculo. 5. Duces quoque per singulas turmas audiente exercitu proclamabunt: (a) Quis est homo qui edificavit domum novam, & non dedicavit eam? vadat, & revertatur in domum suam, ne forte moriatur in bello, & alius dedicerit eam. 6. Quis est homo qui plantavit vineam, & necdum fecit eam esse communem, de qua vesci omnibus liceat? vadat, & revertatur in domum suam: ne forte moriatur in bello, & alius homo eius fungatur officio. 7. Quis est homo qui despondit uxorem, & non accepit eam? vadat, & revertatur in domum suam, ne forte moriatur in bello, & alius homo accipiat eam. 8. His dictis addent reliquæ, & loquentur ad populum: (b) Quis est homo formidolosus, & corde pavido? vadat, & revertatur in domum suam, ne pavere faciat corda fratrum suorum, sicut ipse timore perterritus est. 9. Cumque siluerint duces exercitus, & finem loquendi fecerint, unusquisque suos ad bellandum cuneos præparabit. 10. Si quando accesseris ad expugnandam civitatem, offeres ei primum pacem. 11. Si receperit, & aperuerit tibi portas, cunctus populus, qui in ea est, salvabitur, & serviet tibi sub tributo. 12. Sin autem socius inire noluerit, & coeperit contra te bellum, oppugnabis eam. 13. Cumque tradiderit Dominus Deus tuus illam in manu tua, percuties omne quod in ea generis masculini est, in ore gladii, 14. absque mulieribus & infantibus, iumentis, & ceteris quæ in civitate sunt. Omnem prædam exercitui divides, & comedes de spoliis hostium tuorum, quæ Dominus Deus tuus dederit tibi. 15. Sic facies cunctis civitatibus, quæ a te procul valde sunt, & non sunt de his urbibus, quas in possessionem accepturus es. 16. De his autem civitatibus, quæ dabuntur tibi, nullum omnino permittes vivere: 17. sed interficies in ore gladii, Hethæum videlicet, & Amorrhæum, & Chananzæum, Pherezæum, & Hevæum, & Iebusæum, sicut præcepit tibi Dominus Deus tuus: 18. ne forte doceant vos facere cunctas abominationes, quas ipsi operati sunt diis suis, & peccetis in Dominum Deum vestrum. 19. Quando obsederis civitatem multo tempore, & munitionibus circumdederis ut expugnes eam, non succides arbores de quibus vesci potest, nec securibus per circuitum debes vastare regionem: quoniam lignum est,

& non homo, nec potest bellantium contra te augere numerum. 20. Si quæ autem ligna non sunt pomifera, sed agrestia, & in ceteros apta usus, succide, & instrue machinas, donec capias civitatem, quæ contra te dimicat.

(*) I. Mach. 111. 56. (b) Iudic. vii. 3.

C O M M E N T A R I A

S A.

Verf. 5. **D**EDICAVIT, id est initiavit, scilicet habitando.

V. 6. COMMUNEM, id est profanatam, scilicet utendo fructibus, qui per quatuor annos primos erant intacti. LXX. *Et non est letatus ex ea: DE QUA VESCI OMNIBUS LICEAT.* Id ab Interprete additum explicationis gratia.

V. 7. ACCEPIT, scilicet in domum.

V. 8. RELIQUA. Id verbum additum ab Interprete.

V. 9. CUNEOS PRÆPARABIT; id est, aciem instruet.

V. 14. EXERCITUI DIVIDES. Hebr. Chald. & LXX. *Prædaberis tibi.*

E S T I I.

Verf. 5. **Q**UIS EST HOMO QUI AEDIFICAVIT DOMUM VIVAM, ET NON DEDICAVIT EAM, &c. Nota, dedicare domum, non est eam Deo consecrare, sicut nunc dedicantur templa, & sicut dedicatum fuit templum Salomonis; sed dedicare hic est deputare ad usum & inhabitationem. Id autem forte fiebat exhibendo amicis, & propinquis aliquod convivium, nisi quis magis existimet, dedicationem illam non fuisse aliud quam inchoatam habitationem. Nam vox Hebræa non aliud significat quam *initiare*. Et August. in Ioannem ad illud capitis x. *Et facta sunt cenæia Ierosolymis*, dicit, quod quicumque induit novam vestem, encenariæ illam dicitur. Observandum autem, quod tria hic hominum genera ista remittantur ex prælio: videlicet ne, si in prælio occumberent, inciderent in illas expressas maledictiones legis libri huius cap. xxviii. *Tu ædificabis domum, & alius inhabitabit eam, &c.*

V. 6. QUIS EST HOMO QUI PLAN-

TAVIT VINEAM, ET NECDUM FECIT EAM ESSE COMMUNEM, &c. QUA VESCI OMNIBUS LICEAT? Facere commune, Hebræa phrasi est facere profanum, ita ut non amplius fructus æstimentur sacri, & sacerdotibus obstricti. Sic in Scriptura novi Testamenti commune pro profano quoque sæpe accipitur. Vineam autem fiebat profana quinto demum anno. Nam fructus qui tribus primis annis nascebantur, ut est Levit. xix. reputabantur immundi, quibus nec vesci licebat, nec uti ad sacrificia; quicquid autem nascebatur quarto anno, tamquam primitivum Deo offerebatur. Quinto demum anno sicutum erat domino vineæ, & aliis de fructibus eius comedere. Quod quando fiebat, dicebatur possessor eam facere communem, aut, ut alii vertunt, profanare. Ceterum per hæc genera hominum, qui iubentur excedere prælio, & domum reverti, mystice significatur, omnes eos ineptos esse ad militiam spirituales qui animum adhuc habent implicatum voluptatibus, vel cupiditatibus terrenis: unde & Apostolus: *Nemo militans Deo implicat se negotiis secularibus.*

M A R I A N A E.

Verf. 3. **N**ON PERTIMESCAT COR VESTRUM. Hebr. *Non mollescat.*

V. 5. DUCES QUOQUE PER SINGULAS TURMAS..... PROCLAIMABUNT. Hebr. *Ad populum dicendo clamabunt.* NON DEDICAVIT EAM? דכני *banaclo*. Dedicatio domus fiebat instituto in ea convivio; sic puto ea voce *convivari* significari, tametsi Dictionaria falcant.

V. 6. ET NECDUM FECIT EAM ESSE COMMUNEM. Hebr. *Profanavit eam*, loquitur de vinea. Lex vineæ Levit. xix. ut tribus annis non comederetur fructus, quia

quia ut præputium erat; quarto fructus offerebatur Domino; quinto erat communis Domino, & aliis; & hoc vocat profanare. Hieronymus sententiam expressit. Sept. *Non est letatus ex ea.*

V. 8. FORMIDOLOSUS, ET CORDE PAVIDO. Hebr. *Formidolosus, & tener corde est domus*. Quantum momentum in societate prava!

V. 9. UNUSQUISQUE SUOS AD BELLANDUM CUNEOS PRAEPARABIT. Hebr. *Constituent Principes exercituum in capite populi. Qui sunt qui constituent? Duces, præfecti, quos soterim vocat. Qui constituit? Principes exercituum, Centuriones, Tribuni, quos inter primos dimicare sancit: sic Sept. dixere præcedentes populum.*

V. 10. OFFERES EI PRIMUM PACEM. Hebraica vox significat, voce contenta proclamare pacem, voce præconis, urbi quam impugnare paras. Bellum ad pacem referri debet, alioqui iniquum est.

V. 11. QUI IN EA EST, SALVABITUR. Vox *salvabitur* Hebraice non est, illud tantum: *Omnis populus inventus in ea, erunt tibi ad tributum, & servient tibi.*

V. 12. OPUGNABIS EAM. Sept. *obsidabis: id vox Hebr. zarta significat: Angustiabis, coarctabis eam.* Hieronymus etiam vers. 19. ponit eam in obsidendi significatione.

V. 14. OMNEM PRAEDAM EXERCITUI DIVIDES. Hebr. *Omnem prædam eius prædaberis tibi: sic Chald.*

V. 17. SED INTERFICIES IN ORE GLADII. Hebr. *Sed anathemate anathematizabis eos; hoc est, delebis omnia, neque prece, aut pretio dimittes: id erat anathema.*

V. 19. QUONIAM LIGNUM EST, ET NON HOMO: NEC POTEST BELLANTIU CONTRA TE AUGERE NUMERUM. Si quo loco, maxime hoc toto versu Hieronymus paraphrasticem agit magis quam interpretem. Summa est: *Arbores legislator iuccidi in hostico non vult. Hebr. homo lignum agri.* Hebr. Schol. ait deesse aliquid, nempe vita hominis lignum agri: sequitur: *Ut veniat a facie tua in obsidionem: quod cum superioribus iungatur, Non succides, scilicet ut afferas ad obsidionem, ad faciendas machinas: quod Sept. dixere, in vallum.* Plerique interro-

gative legunt, etiam Septuag. & Pagnin. *Numquid homo arbor agri, ut veniat coram te ad obsidionem? ut ab ea timere debeat?* Hoc secutus Hieronymus videtur, tum Chaldæus, quando ex affirmativa negativam fecere; sed hac ratione non interrogativum contra regulas Grammaticæ non habet sub se Patach, aut Segol, sed Kametz. Grammatica Hebraica nihil inconstans est; nec olim Sacri libri puncta habuere, certe non ea quæ modo.

V. 20. DONEC CAPIAS CIVITATEM. *וְדָרַדְרָה bad riddah, a radice iarrad, descende, donec descendere ipsam; id est, donec se subdat tibi. Pagn. Donec ei domineris: nempe a radice radah, quod est dominari, eam vocem deduxit.*

MALVENDAE.

Vers. 2. STABIT SACERDOS ANTE FACIEM, &c. nimirum compellaturus Dei verbis, & confirmaturus populum de iure belli, & de divinis promissionibus. Videntur Romani ritus indicendi per fetiales belli ab Aequiculis acceptos, ad instar utcumque Hebraicorum conformasse, ut se diabolus præputio veri Dei simiam conatur effingere. De quibus vide Dionysium Halicarnasæum Lib. II. Livium Lib. I. cap. xxxii. Gellium Lib. XVI. cap. iv.

V. 3. NON PERTINESCAT COR VESTRUM. Hebr. *Non emollietur, tenerescet, liquecet, diffuset cor vestrum*. Vide Iudicum vii. 3. *NOLITE CEDERE.* Verbum *חָפַז chaphaz* varie interpretantur. 1. *Et non pavebitis, expavecetis*; 2. *Et non consternabimini*; 3. *Et non festinabitis, seu trepidabitis*; 4. *Et non obstupecetis, obtorpebitis*; 5. *Et non movebimini*; id est, ne fugiatis præ pavorē; 6. *Et non abripiemini metu periculi: non subtrahetis vos; ne abducite, ne subducite vos e prælio.*

V. 5. PROCLAMABUNT, post sacram sacerdotum exhortationem, daturi mandata civilia. QUIT EST HOMO QUI AEDIFICAVIT DOMUM NOVAM, &c. Vide I. Machab. iii. vers. 36. *ET NON DEDICAVIT EAM?* Hebr. *Et non initiavit eam*; id est, & non cepit ea uti. Hispanicus Interpres apposuit, *Taola ba e-strenado.* Recte vertes: *Et non consecravit eam.* S. Augustinus Tract. xxxviii. in Ioan.

Ioan. *Quancumque novum aliquid fuerit dedicatum, encenia vocantur.* Iam & usus habet hoc verbum: si quis nova tunica induatur, enceniare dicitur. Quidam somniant hanc domus dedicationem læto convivio fieri solitam: & verbum *חן chanac*, convivari etiam significare. Solent enim, inquit Kimchi, fieri convivia & lætitiæ quando in domo nova primum edere incipiunt. Sed utrumque sine auctoritate. VADAT, ET REVERTATUR. Quidam exponunt, nempe si velit, aut diffidat animo suo. At ego abolitam legem esse puto, cuius causæ & rationes hic absolute exprimuntur.

V. 6. ET NECDUM FECIT EAM ESSE COMMUNEM. Quidam id existimant iuberi iuxta legem Levit. xxv. vers. 3. aut iuxta aliam Levitici xix. 10. Alii verunt: *Et non profanavit eam*; id est, fructus eius non adhibuit ad usus non sacros. Vide legem Levit. xix. vers. 23. & seqq. Unde clarius redditur: *Necdum ea sacris iam soluta usus est.* Vide hic Lyranum, & Caietanum. Nam ante quintum annum a plantatione vitis five arboris non licebat cuiquam ex eius fructu vesci: siquidem tribus primis annis fructus erant immundi, quarto consecrabantur Iehovæ, quinto autem anno omnibus licebat vesci: atque ita communis omnibus fiebat fructus, & veluti profanus. Vide Levit. xix. vers. 25. Quidam Hebræorum hic significatum verbi *חנן chalal*, a *חנן chann*, tibia, deducunt, redduntque: *Et non tibiavit, fistulavit eam*; id est, tibiis & fistulis non cecinit in ea: nam moris erat, inquit, tibiis canere in vineis, ut de filiabus Silo scribitur Iudicum xxi. vers. 20. 21. Sed inutilis sensus.

V. 8. NE PAVERE FACIAT CORDA FRATRUM SUORUM, &c. Secuti Nostrum, futurum Niphal, *דפן iimmas*, active interpretati sumus, propter articulum *חן* et præfixum nomini *cor*, qui solet esse nota accusativi: *Et non liquefaciet, dissolviet, cor fratrum suorum.* Communiter tamen hic *דפן iimmas* intransitive capiunt, & *חן* et notam nominativæ esse volunt: *Et non liquefiet cor fratrum suorum, sicut cor eius.*

V. 9. UNUSQUISQUE SUOS AD BELLANDUM CUNEOS PRÆPARABIT. Hebr. *Et visitabunt principes militia-*

rum in capite populi, vel populum. Varie elucidant. I. Tunc confluent principes turmarum in capite populi; id est, tum aciem instruent pugnaturi cum hostibus. II. Tunc numerabunt, recensent principes turmarum in capite populum; id est, principes legionum recensent per capita ipsum populum. III. & præficient, scilicet ipsi statores seu moderatores, principes ordinum militum in principis populi. Vocem capituli pro principis poni volunt hic, ut etiam II. Paralip. xiiii. vers. 12. & cap. xx. vers. 27. Principes, & principia quid sint in Romana militia, nimis est pervulgatum: erant plane ipsum robur exercitus. Hispanicus Interpres, *Entonces los capitanes de los exercitos mandaran delante el pueblo.* Videtur mihi sensum haud male percepisse.

V. 10. AD EXPUGNANDAM CIVITATEM. Quidam explicant, nimirum propinquam in finibus, aut extra fines proximæ terræ: ut plane intelligit Hebræorum plerique: quia ratione ipsi quoque Amorrhæis, & Gabaonitis est paritum locue 1x & I. Regum ix. vers. 20. ut Dei iustitia & misericordia etiam infidelibus testata esset. Alii vero Chananzorum gentes ne verbo quidem unico provocatæ Israelio priores laceffiverunt, & hostile nihil omiserunt: cum illæ contra anteverterint Israellem, & ne illud quidem tempus expectaverint, quo obfessuri Israelitæ accederent. OFFERES EI PRIMUM PACEM. Hebr. *Et vocabis ad eam pacis.* Quidam: *Et clamabis ad eam pro pace*; id est, invitabis eam ad deditionem. Alii: *Proclamabis ad eam pro pace*; id est, invitabis eam ad pacem. Sublata voce, seu voce præconis, aut caduceatoris, compellabis eam ad pacem. Vel verbis pacificis provocabis eam ad deditionem.

V. 14. ET COMEDES DE SPOLIIS HOSTIUM; id est, frueris spoliis hostium. Synecdoche.

V. 15. SIC FACIES; scilicet, interfecis masculis, mulieres, pubem, spoliæque servabis: ut vers. 13. & 14. exprimitur.

V. 16. NULLUM OMNINO PERMITTES VIVERE. Hebr. *Non vivere facies omnem spirationem.* Quidam: *Ne finito vivere ullam rem balitu præditam*: subaudi, si pacem repudiaverit, sanctis conditionibus

bus oblatam. Vide supra cap. 11. vers. 34. & cap. 111. vers. 6. & cap. VII. vers. 3.

V. 19. QUONIAM LIGNUM EST, ET NON HOMO. Sensus Nostri palam est. Hebr. ex verbo, *Quia homo signum agri*; quod varie interpretantur. I. Quia victus, vita hominis est arbor agri: siquidem ex fructibus arborum homo victitat, & vitam sustinet. Similem locutionem observant infra cap. XXIV. 6. *Animam pignori accipiet*; id est, quo sustinetur & sustentatur anima, seu vita. II. subaudiunt negationem ex præcedenti membro, Hebraico more: *Et illud non excindes, quia non homo signum agri*; quasi dicat, quia non adversus arbores, sed adversus homines bellum geris. Hunc sensum Chaldaei Interpretes, & Noster amplexi sunt. III. Eodem sensu per interrogationem: Num homo est arbor agri? ita LXX. IV. *Quia homo est arbor campi*; id est, ipse homo est arbor campi, quam tu excindere debes, non ipsas arbores agri; quasi dicat: Arbores quas excindere debes, non sunt ipsæ arbores campi, sed homines manibus urbium inclusi. V. Nam homini arbor agri; vel nam agrestes arbores cuius homini expositæ sunt; quasi dicat: Ne succidas arbores frugiferas: nam in agro satis est fere arborum agrestium, quæ extruendis turribus & propugnaculis ad obsidendam urbem accommodari possint. VI. *Quia hominis obsessi est arbor agri*; quasi dicat: Utere igitur fructibus hostis. VII. *Est enim ut homo arbor agri*; id est, perinde facis arborem succidendo, ac si hominem ipsum occideres, quandoquidem arbores victum homini suppeditant. NEC POTEST BELLANTIUM CONTRA TE AUGERENUM. Hebr. *Adveniendum de facie tua in eo angustatione*. Alii varie reddunt. I. *Ad veniendum a facie tua in angustiam*; id est, quia homo est illa campi arbor quam tu angustare quæris, quæ a facie tua deducenda est in angustiam: quia non ad angustandum arbores, sed ad angustandum homines tendit bellum. II. *Ut ante te in munitionem*; id est, ut ea arbore uti debeas ad construendas munitiones & opera adversus hostem obsessum; quasi dicat: Ipsas arbores non succides, ut ex illis extruas machinas quibus urbem expugnes, aut eam obsidione cingas.

III. *Ut veniat a facie tua in obsidionem*, scilicet ipsa urbs; quasi dicat: Ne succidas arbores ad obsidendam urbem. IV. *Ut veniat contra te in obsidionem*: scilicet, ut arbor ipsa insurgat contra te in ea obsidione, quia tu premis urbem; ac succidas: Ne arbores excindas, nam ipsæ contra te non pugnant. Hispanicus Interpres hunc sensum expressit: *Que venga contra ti en el cerco*. V. Nam agrestes arbores cuius expositæ sunt, ut procedant ante te ad propugnaculum; id est, ut propugnacula ex illis extructa hostibus opponas, & te præmunias eis. *וַיִּבְנוּ מַצְוֹת* hic omnes exponunt obsidionem, munitionem, propugnaculum: proprie est coangustatio, coarctatio, conclusio, angustia, pressio, confusio.

V. 20. ET INSTRUE MACHINAS. Hebr. *Et edificabis coangustationem super urbem*; id est, obsidione premes. Matzor, eadem vox quæ paulo ante vers. 19. præcessit. Varie transferunt. I. *Et edificabis munitionem adversus urbem*. II. *Ut extruas propugnaculum*, id est machinas obsidionales, contra civitatem. DONEC CAPIAS CIVITATEM, QUAE CONTRA TE DIMICAT. Hebr. *Usque ad descendere eam*. Quidam: *Donec descendat ipsa*, id est se humiliet, & incurvet tibi; vel donec subiiciatur ipsa. Alii: *Donec descendat ipsa*, scilicet ad solum; id est, donec capiatur, expugnetur, corruiat ac deiciatur. Nonnulli a *רָדָה* radah deducunt: *Donec domineris ei, subicias eam, in potestatem redigas eam*.

MENOCH II.

Vers. 5. ET NON DEDICAVIT EAM: & nondum eam inhabitavit. Vox Hebræa significat dedicare, initiare; eademque in templi, altarisque dedicatione usurpatur, & in genere quotiescumque cum solemnī aliquo ritu, vel convivio, rei cuiuspiam usus inchoatur.

V. 6. NECDUM FECIT EAM ESSE COMMUNEM. Hebr. *Necdum profanavit eam*. Commune Hebræis idem significat quod immundum, aut pollutum. Porro vitis, & alia quævis arbor ante annum quintum censetur quodammodo sacra: neque enim tribus annis primis licebat eius fructus attingere, donec anni quarti fructus Domino, fuissent consecrati, ut habetur

tur Levit. xix. 23. quo facto; anno tandem quinto incipiebat fieri communis, & per communem usum quodammodo a sacro ad profanum usum transire. Simplicius dici potest, hic communem illud appellari, quod cum prius esset intactum, iam usu & tactu quodammodo profanatur. Talis vinea, de qua in suos usus dominus nondum fructus decerpit: est enim impolluta, & ut sic loquar, quodam sensu quasi virgo.

V. 7. ET NON ACCEPIT EAM: nec dum nuptias celebravit, aut domum non deduxit, aut eam adhuc habet virginem, nec eam attingit.

V. 10. AD EXPUGNANDAM CIVITATEM. Sermo est de civitatibus extra terram promissam. OFFERES EI PRIMUM PACEM: invitabis ad deditionem pacificam, & incruentam.

V. 13. IN ORE GLADII. Vide dicta Exod. xvii. vers. 13.

V. 14. ABSQUE MULIERIBUS; &c. a mulierum enim, & infantum cæde in bello temperandum est, quamquam aliqui sunt casus, in quibus etiam hi possunt interfici: sic factum Num. xxxi. IUMENTIS ET CETERIS: cur enim ista vultentur, quæ nihil committera sunt?

V. 16. QUAE DABUNTUR TIBI, intra terræ promissæ terminos. NULLUM OMNINO PERMITTES VIVERE. De hominibus tantum hoc intellige, non de animalibus, & iumentis.

V. 19. ARBORES QUIBUS VESCI POTEST, arbores frugiferas. QUONIAM LIGNUM EST, &c. quia tibi in bello nocere non potest.

T I R I N I.

Vers. 5. **N**ON DEDICAVIT. Hebr. *Non initiavit* domum, scilicet eam inhabitando. Dedicari enim res dicitur, quando cum solemnibus aliquo ritu, vel convivio, rei usus inchoatur. Tribus hic hominum generibus ex legis præscripto, priusquam belli duces cunctos præparent, hoc est ordines ad prælium disponant, edici iubetur ut domum revertantur. Primum, eorum qui novam sibi domum ædificaverant, necdum tamen eam incoluerant. Iosephus vult anni unius inhabitationem præscriptam fuisse, qua scilicet iam ex-

pleta censetur vehementior cupiditas: Secundum, eorum qui vineam plantaverant, necdum tamen fecerant eam communem, hoc est profanam, seu profanis usibus servire posset, quod anno demum quinto fiebat. Nam & vitis, & cuiusvis alterius arboris fructus trium primorum annorum, tamquam præmaturus & insalubres abicere iuebantur Hebræi Levit. xix. fructus vero quarti anni, Deo primitiarum nomine consecrare debebant, ut ibidem decernitur. Ergo quinto demum anno communes fiebant domino & familiæ, ad profanum usum usumque transibant. Tertium genus erat eorum qui sibi uxores desponderant, & nec dum eas domum duxerant, necdum nuptias celebraverant, quibus & anni integri induciæ conceduntur infra cap. xxiv. vers. 5. Causas huius legis, ob quas triplex istud hominum genus castris abire iubeatur, duas assignat Philo, & Iosephus b. Una est, quia iniquum videbatur non permitti e propriis seu ædibus, seu vinea, seu uxore fructum saltem aliquem percipere. Altera, ne desiderio rerum adeo exasperatarum, remissius agerent in prælio, sibi que parentes, vel etiam fugam capessentes, aliis & scandalo essent & damno. Eadem de causa iubetur hic vers. 8. etiam e castris facessere quicumque formidolosi essent, & pavido corde: Praxim huius legis habes in Iuda Machabæo I. Machabæor. 111. vers. 56.

(a) Ioseph. Lib. IV. Antiq. cap. viii.

(b) Philo Lib. de Fortitudine. Ioseph. sup.

G O R D O N I.

Vers. 6. & 7. **Q**UIS EST HOMO, &c. Iubentur hic dimittia bello, qui aut timore, aut cogitatione nimis solliciti sunt erga tria rerum genera. Vineam hic nondum communis, est illa quæ nondum pervenit ad quintum annum, quo dare solet fructus omnibus communes: nam primi triennii fructus nulli sunt; quarti anni fructus Deo debentur; quinti anni fructus sunt communes multis, iuxta solitum morem.

V. 10. SI QUANDO, &c. Sermo est de civitate extra terram promissam, ut explicat vers. 15. Si urbs se dedat, fiat tributum.

butaria vers. 11. si vi subacta sit, deleatur, vers. 12. & 13. At civitates Chanaan acerbius adhuc tractandæ, vers. 16. & 17.

V. 11. & 14. SI RECEPERIT, &c. Hic de illis agitur civitatibus quæ extra terram promissam sunt, quales ob illatam iniuriam subiugarunt David, & Machabæi. Parcendum (vers. 14.) mulieribus, & infantibus; nisi forte & illæ specialem dedissent necis suæ causam, ut forte accidit, Num. xxxi.

V. 16. DE HIS AUTEM CIVITATIBUS, &c. Nullum, inquit, permitte vivere in tuis, seu tibi datis civitatibus; sed

intellige hic non quidem bruta animalia sed homines tantum, ex Iosue x. vers. 14. ubi præda fuit reservata, & divisa.

EX EIUSDEM AUCTIONARIO.

V. 5. DEDICAVIT, *initiauit*, ex Hebræo. Designat solemnem aliquem ritum rerum in primo rerum usu.


V. 7. NEC OCULI VIDERUNT; hoc est, nescimus.

V. 8. QUEM REDEMISTI, per exodum ex Aegypto.

V. 9. TU AUTEM. Hic Moses alloquitur populum.

C A P U T XXI.

*Cautio super homicidio occulto, muliere in bello capta, filio consumace,
& eo qui suspensus est in ligno.*

1.  Uando inventum fuerit in terra quam Dominus Deus tuus daturus est tibi, hominis cadaver occisi, & ignorabitur cadaver reus, 2. egredientur maiores natu, & iudices tui, & metientur a loco cadaveris singularum per circuitum spatia civitatum: 3. & quam viciniorem ceteris esse perspexerint, seniores civitatis illius tollent vitulam de armento, quæ non traxit iugum, nec terram scidit vomere, 4. & ducent eam ad vallem asperam atque saxosam, quæ numquam arata est, nec sementem recepit: & cadent in ea cervices vitulæ: 5. accedentque sacerdotes filii Levi, quos elegerit Dominus Deus tuus ut ministrent ei, & benedicant in nomine eius, * & ad verbum eorum omne negotium, & quidquid mundum, vel immundum est, iudicetur. 6. * Et venient maiores natu civitatis illius ad interfectum, lavabuntque manus suas super vitulam, quæ in valle percussa est, 7. & dicent: Manus nostræ non effuderunt sanguinem hunc, nec oculi vident. 8. Propitius esto populo tuo Israel, quem redemisti Domine, & ne reputes sanguinem innocentem in medio populi tui Israel. Et auferetur ab eis reatus sanguinis: 9. tu autem alienus eris ab innocentis cruore, qui fusus est, cum feceris quod præcepit Dominus. 10. Si egressus fueris ad pugnam contra inimicos tuos, & tradiderit eos Dominus Deus tuus in manu tua, captivosque duxeris, 11. & videris in numero captivorum mulierem pulchram, & adamaveris eam, voluerisque habere uxorem, 12. introduces eam in domum tuam: quæ radet cæsariem, & circumciderit ungues, 13. & deponet vestem in qua capta est: sedensque in domo tua, flebit patrem & matrem suam uno mense: & postea intrabis ad eam, dormiesque cum illa, & erit uxor tua. 14. Si autem postea non sederit animo tuo, dimittes eam liberam, nec vendere poteris pecunia, nec opprimere per potentiam: quia humiliasti eam. 15. Si habuerit homo uxores duas, unam

dilectam, & alteram odiosam, * genuerintque ex eo liberos, & fuerit filius odiosæ primogenitus, 16. volueritque substantiam inter filios suos dividere: non poterit filium dilectæ facere primogenitum, & præferre filio odiosæ, 17. (a) sed filium odiosæ agnoscat primogenitum, dabitque ei de his quæ habuerit cuncta duplicia: iste est enim principium liberorum eius, & huic debentur primogenita. 18. Si genuerit homo filium contumacem & protervum, * qui non audiat patris aut matris imperium, & coercitus obedire contemperit: 19. apprehendent eum, & ducunt ad seniores civitatis illius, & ad portam iudicii, 20. dicentque ad eos: Filius noster iste protervus & contumax est, monita nostra audire contemnit, comestationibus vacat, & luxuriæ, atque conviviis: 21. lapidibus eum obruet populus civitatis: & morietur, ut auferatis malum de medio vestri, & universus Israel audiens pertimescat. 22. Quando peccaverit homo quod morte plectendum est, & adiudicatus morti appensus fuerit in patibulo: 23. non permanebit cadaver eius in ligno, sed in eadem die sepelietur: quia (b) maledictus a Deo est qui pendet in ligno: & nequaquam contaminabis terram tuam, quam Dominus Deus tuus dedit tibi in possessionem.

(a) I. Paralip. v. 7. (b) Galat. 3. 13.

B R U G E N S I S

ROMANÆ CORRECTIONES.

Vers. 5. *Et ad verbum eorum omne negotium.* Nequaquam addas verbum *pendet*, quod quidam libri subiiciunt.

V. 6. *Et venient maiores natu.* Non oportet omittere futurum *venient*, nec commutare cum imperativo *veniant*, denique non necesse est addere *omnes*.

V. 15. *Genuerintque ex eo liberos.* Alii scribunt *genueritque ex eis*. Sententia eadem una est, sed prior lectio præfertur.

V. 18. *Qui non audiat patris, aut matris imperium.* Non *mutes* audiat cum *audierit*, nec coniunctionem disiunctivam aut cumcopulativa *ac*.

N O T A T I O.

Vers. 6. Latina exemplaria pleraque omnia nobis visa legunt: *Et venient, aut veniant* (omnes I. M. S.) *maiores natu civitatis illius ad interfecitum, lavabuntque manus &c.* Exemplar autem, quod nobis commodato misit colendissimus Lobienſis cænobii Abbas, scribit: *Et maiores natu civitatis illius ad inter-*

fectum, lavabuntque manus &c. non habet *venient*, seu *veniant*, nisi altera manu inter lineas scriptum. Hoc ipsum Rabanus præmittit, ita ut ex præcedentibus sententia pendat: *Accedentque sacerdotes filii Levi* (quos elegit Dominus &c. quæ parentheſeos notis concludantur) *& omnes maiores natu civitatis illius ad interfecitum: lavabuntque manus &c.* Hebraice legitur: *Et omnes seniores civitatis illius propinqui ad occisum, lavabunt manus &c.* ad eundem fere modum Chaldaice legitur, & Græce. Rabani lectio, quod *רַבִּי הַקְּרוֹבִים* propinqui respondeat, nihil habet.

Id autem in vulgata lectione *venient* esse videtur, ut intellexerit Interpretes, *propinqui* fient, id est *venient ad occisum*; sed commodius alii intelligunt: Seniores civitatis, quæ propinquior est, vel qui propinquiores sunt occiso, lavabunt &c. An autem etiam sacerdotibus manus super vitulum lavandæ fuerint, id quod Rabani lectione præcipi videtur, dubitari merito potest. Quod nonnulla scripta legunt: *Et veniant maiores*, sequentibus minus congruit. Quod Ge. p. addit *omnes* (*Et venient omnes maiores*) Rabani textui, Hebræo, Chaldaeo, & Græco convenit.

C O M M E N T A R I A

S A.

Vers. 5. **B**ENEDICANT, scilicet populo. QUID QUID MUNDUM, VEL IMMUNDUM EST. Hebr. *omnis plaga*. LXX. *omnis lepra*. Chald. *omnis plaga lepræ*.

V. 8. INNOCENTEM, id est hominis innocentis interfecti; quasi dicat: Ne imputes nobis homicidium.

V. 9. TU, scilicet o popule.

V. 13. PATREM ET MATREM, id est patris & matris absentiam. UXOR TUA, scilicet ad fidem conversa.

V. 14. OPPRIMERE PER POTENTIAM. Hebr. *uti eius servitio*, scilicet ancillæ, vel (ut alii interpretantur) *disfrabendo eam ad lucrum*; verbi gratia, commutando, aut oppignorando. HUMILIASTI, id est violasti.

V. 17. LIBERORUM. Hebr. *virtutis*, seu fortitudinis; quasi dicat, virtutis generativæ, seu fecunditatis: sic Genes. XLIX. ubi nos legimus *principium doloris mei*, Hebr. *principium roboris mei*. PRIMOGENITA, id est ius primogenituræ.

V. 19. IUDICIUM. Hebr. & LXX. *loci illius*. Chald. *domus iudicii loci sui*.

V. 20. COMESSATIONIBUS, &c. Hebr. & Chal. *solum habent*, *Vorator*, & *potator*. LXX. *pro potator*, vertunt *inebriator*.

V. 23. PERMANEBIT. Hebr. & LXX. *pernoſtabit*. Chald. *permanebit*. MALEDICTUS, id est execrabilis. Aug. cont. Adim. *Maledicta mors, quam Christus in ligno evacuavit: est enim a peccato*. A DEO: *odit enim Deus peccatum, & mortem: ideo ad eam suscipiendam, & delendam misit Filium suum*. Aug. XIV. cont. Faust.

Nota, quod Chald. loco omnium horum, quia maledictus, &c. vertit: *Quia pro eo quod peccavit coram Domino, suspensus est*.

PENDET. Nota, quod soli apud Iudeos suspendebantur blasphemæ, & idololatæ: quod supplicii genus etiam apud Romanos fuit, & Aegyptios, & Persas. Vide Esther VII. Gen. XL. Cicer. in Verrem, Orat. VII. CONTAMINARIS, scilicet relinquendo noctu in patibulo.

E S T I I.

Vers. 14. **S**I AUTEM POSTEA NON SEDERIT ANIMO TUO, DIMITTES EAM LIBERAM. Erat hoc repudium simile, nec præceptum, aut concessum a Deo, sed dumtaxat permixtum duro & cervicoso populo. Si enim permittebatur repudium uxoris Israelitidis propter periculum homicidii, quanto magis mulieris alienigenæ, & in bello captæ? Ergo permissio erat in eo quod dicit, *Dimittes*; sed præceptum in eo quod subditur, *Liberam*: ut clare patet ex subiectis verbis.

V. 23. QUIA MALEDICTUS A DEO EST QUI PENDET IN LIGNO. Hebr. sic: *Maledictio Dei est qui suspensus est*; quomodo etiam vertunt Aquila, & Theodotion. Septuaginta vertunt ut nos habemus. Sensus autem litteræ est: Quicumque in cruce suspenditur, Deo execrabilis est; & ita execrabilis, ut nec cadaver permittendum sit diu in hominum conspectu relinqui, sed statim eadem die tamquam abominabile auferendum ab oculis, & ut hic dicitur, sepeliendum. Et fuit hoc a Deo præceptum de solis suspensis, quia qui humi interficiebantur lapidatione, vel incendio, vel ferro, eorum corpora sponte statim homines terra obruebant, quia indecorum censebant corpora super terram iacere insepulta. Itaque de illis præcepto non erat opus, sed tantum de suspensis in sublimi, ubi facile potuissent relinqui. Sed potissima causa est, quia Christus in mysterio præsignabatur, sicut Apostol. ad Galat. III. explicat, dicens: *Christus nos redemit de maledicto legis, factus pro nobis maledictum: quia scriptum est: Maledictus omnis qui pendet in ligno*. Vide Notitiam eo loco.

M A R I A N A E.

Vers. 4. **Q**UANDO INVENTUM FUERIT... HOMINIS CADAVER OCCISI. In Hebr. additur, *proiectum in agro*.

V. 3. NEC TERRAM SCIDIT VOMERE. Hoc additum ab Hieronymo.

V. 4. AD VALLEM ASPERAM. Vox Hebraica *nabal* aliquando in *torrentem* vertitur, hic in *vallem*. Proprie significat locum declivem, ad quem aquæ confluunt; quod nomen retinet locus, etiam si nulla sit aqua. Pro *aspera* in Hebræo est *aibân*; quæ vox *fortem* significat, nempe incultam, montuosam, asperam.

V. 5. ET QUIDQUID MUNDUM, VEL IMMUNDUM EST, IUDICATUR. Hebr. *Et omnis plaga*, seu *lepra*, nempe pendet ab eorum iudicio.

V. 6. CUM FECERIS QUOD PRÆCEPIT DOMINUS. Hebr. *Quod rectum est in oculis Domini*.

V. 12. ET CIRCUMCIDET UNGUES. Hebr. *Faciet ungues*. Per *facere* Sept. intellexerunt *circumcidere*, & ab illis sumpsit Hieronymus. Eodem Pagn. respexit cum vertit, *Aptabit ungues*. Chald. & Hebræi sumunt pro *crefcere facies*. Nempe Moyses volebat eo spatio capillis præcis, & unguibus auctis mulieris decorem minui, ut vir ardore remisso desisteret.

V. 14. DIMITTES EAM LIBERAM. Hebr. *Dimittes ad animam eius*: scilicet ut sit sui arbitrii, neque in cuiusquam potestate. NEC OPPRIMERE PER POTENTIAM, scilicet poteris; id est, opprimere servitio: id significat vox Hebraica *bamar*.

V. 17. DABITQUE EI DE HIS QUAE HARVERIT CUNCTA DUPLICIA. Hebr. *Quin primogenitum filium odiosa cognoscat ad dandum ei os duorum*; hoc est, duas portiones. Vides legem primogeniti, quam Jacob servavit cum Ioseph, in quem primogenituram transtulit ablatam Rubeno I. Paral. v. PRINCIPIUM LIBERORUM EIVS, est primogenitus. Hebr. *principium fortitudinis eius*; certe quæ in filiorum procreacione cernitur.

V. 19. ET AD PORTAM IUDICII, scilicet filium rebellem adducent. Hebr. *ad portas loci illius*. Sed ad portas fiebant conventus, & iudicia exercebantur.

V. 20. COMESSATIONIBUS VACAT, ET LUXURIAE, ATQUE CONVIVIIS. Hebr. *edax est carniū*, & *potator vini*: sic Chald.

V. 23. MALEDICTUS A DEO EST QUI PENDET IN LIGNO. Hinc citat

Paulus ad Galat. iii. vers. 13. Hebr. *Quia maledictio Domini est, pro maledictus*: sic sæpe pro nominibus formæ subiecta intelliguntur: sic cadaver in patibulo manere non vult, sed eodem die sepeliri mandat.

MALVENDAE.

Vers. 1. HOMINIS CADAVER OCCISI. Hebr. *cadens in agro*. Recte Noster cadaver pro cadente accepit: nam a cadendo, id est moriendo, dictum. Sic illud Virgilii IV. Aeneidos:

.... sed cadat ante diem....

V. 2. ET METIENTUR A LOCO CADAVERIS, &c. Hebr. *Et mensurabuntur ad civitates, quæ circuitibus profanati*: quod quidam clarius ita explicant: *Et metientur usque ad civitates, quæ sunt circum interfectum*; tubandi intervallum a loco, in quo inventum fuerit cadaver, usque ad civitates, &c. Alii: *Metientur spatium inde usque ad civitates, quæ sunt circa confossum illum*.

V. 3. VITULAM DE ARMENTO. Hebr. *vitulam bovis*, id est vaccæ; quasi dicat, adhuc iuvenem, nondum a cura matris sepositam. Alii, *vitulam subrumam*, lactentem, nondum a lacte depulsam. Vide Exod. xxix. vers. 1. גִּבְעֹלָה *gheglah*, aiunt esse *vitulam*, quamdiu non est secunda.

V. 4. AD VALLEM. נַחַל *nachal* possis quoque exponere *torrentem*. ASPERAM ATQUE SAXOSAM; ut sane solent esse torrentes. עֵתָא *etan*, *fortem*. Quidam Hebræorum exponunt *fortem*, id est ubi ubi rem & pinguem: quod quia repugnare iuventibus videtur, intelligunt pinguem quidem tunc, sed quæ deinceps non sit colenda aut seminanda propter cadaver occisi hominis ibi inventum: ut eius loci homines admoneantur de tollendis homicidis, ne eo nomine portionem pinguium terræ suæ amittant. Atque adeo in Thalmud, inquit Hebræi, vetitam esse illius loci culturam, ut illinc lapides effodere, aut ibi linum pectere liceat; & eiusmodi facere iubentur, quibus solum incultum redditur. Subtilis, & acuta interpretatio, nec prius aliena. Sed intelligendum, eam vallem delendam in termino urbis propinquois cadaveris reperto, nec sem-

per in eodem loco ubi inventum cadaver. Alii *etban* reddunt *duram, asperam, saxosam, & aratro* impenetrabilem. Unde aliqui *solidam*, quæ aratro profcindi nequeat. Nonnulli, *boridam, squalentem*. QUAE NUMQUAM ARATA EST. Hebr. *Que non servietur in ea*, seu non coletur in ea. Pronomen *ea* non potest referri ad vitulam, nam pronomen est masculinum, וְבוּ, *bo, & vitula* femineum: reducendum ad בְּנֵי נַחֲבַל *vallem*, quæ Hebræis est generis masculiei.

V. 6. LAVABUNTQUE MANUS SUAS SUPER VITULAM. Quo ritu testabantur se mundos & innocentes esse sanguinis interfecti illius in eorum sinibus reperti, ut statim sequenti versu 7. declaratur. Nec dubium, Pilatum, etsi Romanum, inter Iudæos versantem hunc eorum morem imitatum, cum manus super Christum innocentem lavit. Et nonne pudet Cafaubonum scripsisse, factum Pilati ab hoc more Iudæorum toto genere desertum fuisse? Vide in Psal. xxv. vers. 6.

V. 8. ET NE REPUTES SANGUINEM INNOCENTEM. Hebr. *Et non dabis sanguinem innocuum*. Quidam: *Et ne impone reatum sanguinis innoxii*; id est, ne imputes cædem huius innocentis populo tuo Israel. Ita statim: *Et expiabitur eis sanguis*, id est reatus, & imputatio cædis.

V. 11. ET VIDERIS IN NUMERO CAPTIVORUM, &c. Annotant concessionem facti esse, non legem: quamobrem duo lege statui, quæ evincunt rem Deo per se ingratam fuisse: unum, cæremoniarum ante matrimonium imperatæ, eo spectantes ut mulier deformetur, ut vir ab amore suo refrigeret: alterum, dimissio longe facilius, quam in iustis & legitimis matrimoniis.

V. 12. QUAE RADET CAESARIEM. Quidam intelligunt, ne forte propter aspectum pulchrorum crinium cœperis diligere eam, ut rarsa cæsarie minus tibi placeat, & ab incepto desistas. ET CIRCUMCIDET UNGUES. Hebr. *Et faciet, parabit ungues suos*. Plerique intelligunt, aptabit circumcidendo, præcidet. Ita LXX. & Nolter. Quidam huc *faciet*, volunt esse sacrificale, & rituale, ut alibi sæpe; id est, *comburet*, & quasi sacrificabit: ut & derasos capillos, & sectos ungues deberet quasi ritu quodam solemniter combu-

rere: quo significabatur reliquias gentilitii penitus abolendas. Alii *faciet* pro *nudat*, & *sinet crescere* accipiunt; ut deformitate longorum unguum duplicet.

V. 13. ET DEPONET VESTEM IN QUA CAPTA EST. Aliqui vestem pulchram aut pretiosam intelligunt, ne forte ornatus vestium in quibus capta est, victorem in amorem eius impulserit. FLEBIT PATREM, &c. ut iqualore luctus ac mæroris minus pulchra videatur, & amator ab amore depellatur. INTRABIS AD EAM. Hebr. *Venies ad eam*. Honestè designat congressum viri cum muliere, phrasi Hebraica, ut notavimus. Quidam explicatius: *Congredieris cum ea*. DORMIESQUE CUM ILLA. Quidam hic vertunt: *Et eris maritus eius*: vel, *& ducet eam in uxorem*. Nonnulli: *Et subagitat eam*. Aiunt enim verbum בָּגַל *baghal* hic significare adeptam puellam, seu uxorem usurpare subagitatione, qua in eam præceptis divertit, ut sit in coitione. Alii: *Et dominaberis ei*: vel, *& possidebis eam*.

V. 14. NEC OPPRIMERE PER POTENTIAM. Futurum Hithpael הִתְנַחֲתִיגְהֶמֶר varie exponunt. I. *Non negotiaberis de ea*; id est, nulla ratione poteris eam distrahere, aut commutare. II. *Non uteris servitio in ea*, id est, eius servitute (Hispanice, *No te serviras de ella*, ut ancilla.) III. *Ne utitor ea ad quesum*. IV. *Non percipies commodum ex eius ministerio*, negotiando, aut vendendo. V. *Neque ad opus uti ea poteris*. VI. *Non prostituas lucri causa eam*. VII. *Non queras tibi lucrum per eam*. VIII. *Non mereas cum ea*. IX. *Non quesum facias aut captes ex ea*. Ego puto genuinum significationem verbi esse, *non commanipulabis, vel commanipulare te facies cum ea*. Hispanice, *No baras gavilla con ella*; vel *non commanipulationem facies cum ea*; quo vocabulo usum Aelium Spartianum constat. Id est, non societatem, colligationem, quasi commanipularem cum ea inibis; non uteris eodem contubernio, seu convivio cum illa. Contubernium militibus dicebatur, quando decem milites in uno papillone degebant: & contubernium manipulus vocabatur, quod coniuncti manibus pariter dimicarent, ut auctor est Vegetius Lib. II. de Remilitari, cap. xii. *Conturburnium* Paulo lu-

risconsulto dicitur matrimonium servile : *Inter servos*, inquit, & *liberos matrimonia contrahi non possunt, contubernium potest*; quasi dicat: Nec eam in servili coniugio habere poterit, ut ancillam coniugem, seu contubernalem.

V. 15. ODIOSAE. Quidam non absolute, sed comparative exponunt; id est, minus amatam aut dilectam. Vide Notas in Genes. xxix. vers. 31.

V. 16. ET PRAEFERRE FILIO ODIOSAE. Hebr. *super facies filii odiate*, vel in conspectu exosae; id est, vivente primogenito exosae, vel donec superstes est primogenitus filius exosae. Sic Genes. xi. vers. 28. Sed rectius expones: *Aste filium odiose primogenitum*: quod Noster dixit *praeferre*; id est, si filius amatæ minor natu fuerit filio odiose, & iure naturæ filius exosae primogenitus fuerit, cave ne perturbes naturale ius, aut invertas, prætextu amoris uxoris, minorem maiori preferendo in prærogativa primogenituræ.

V. 17. CUNCTA DUPLICIA. Hebr. *or duorum*; id est, mensuram, portionem, partem duplicem; quasi dicas: Aliis filiis unam, primogenito duas partes bonorum suorum dabit: duplum nimirum ad alios. Vide Genes. xxv. vers. 31.

V. 18. CONTUMACEM. *חורש* *sa'cr*, aiunt esse contumacem, resfractarium, perversum, inobedientem, immorigerum, incorrigibilem, indisciplinabilem, intractabilem, qui non vult regi ulla disciplina, sed pro arbitrio quolibet fertur; indomitum, rebellent. Notant, Paulum ad hunc locum respexisse Ephesior. ii. vers. 2. cum hoc vitium Græce ἀπειθείαν vocat, id est insusceptibilitatem, seu imperceptibilitatem, ut opponatur verbo Hebræo פתח *patah*, *persuadere*, quod quodammodo ita definit: *In filiis insusceptibilitatis, qui in concupiscentiis carnis versantur, facientes quæ carni & menti libent*. Et Coloss. iii. vers. 5. *Mortificate membra vestra terrestria, superum, immunditiam, mollitiem, concupiscentiam, & avaritiam, quæ est simulacrorum cultus: ob quæ venire solet ira Dei in filios ἀπειθείας, id est insusceptibilitatis, seu intractabiles*. Alii α *חורש* *sur*, *recedentem, decedentem, desertorem, deflorem, impium*. Et *PROTERVUM*. Hebr. & *mutabilis*, id est qui in dies mutatur in deterius. Alii, *rebellis, inobediens*. Et *COERCITUS*. Hebr. Et

castigaverunt eum: intelligunt sermone, & opere cum auctoritate patris, ut opus erat; non autem molliter, & perfunctorie, ut Heli sacerdos faciebat I. Samuel. ii.

V. 19. AD PORTAM IUDICII. Hebr. *ad portam loci eius*: exponunt, ad conventum publicorum locum; in ius: nam ius dici solebat in portis civitatum. Vide cap. xvii. vers. 5.

V. 20. COMESSATIONIBUS VACAT. *זולת* *zolef* proprie est qui rem aliquam ceu vilem prodigit, decoquitque, & absumit, *comessator, epulo, vorax, vorator, edax*, Quidam aiunt esse *luxuriantem, prodigum*, qui bona sua nimia profusione prodigit: & metaphorice significare hominem impurum & vilem, gastrimargiæ deditum instar porci, qui tantum delectatur crapula, & intemperanti voracitate: *gurgies, belluo, apicius*. Et *LUXURIAE ATQUE CONVIVIIS*. *מבז* *sobe*, *potator, bibax, ebrius, ebriosus, mero se ingurgitans, & obruens*. Non est dubium, Phariseos ex isto loco & his vocabulis usos Christum contumeliæ causa appellasse, quæ Matthæi Interpretes cap. xi. vers. 19. & Lucas vii. vers. 34. ita reddiderunt. *Ece homo γάρως & βιονόρη*; id est *edax, vorax, & vini potator*, seu *vini poter*, ut notes immensam phariseorum malignitatem, qui Christum eius generis faciebant, qualis hic filius contumax, & rebellis, quem Deus lapidibus obrui iubebat, ut non minori pœna Christum plectendum ducerent. Quod miror non fuisse observatum ab Evangeliorum Explanatoribus.

V. 22. QUANDO PECCAVERIT HOMO QUOD MORTE PLECTENDUM EST. Hebr. *Et cum erit in viro peccatum iudicii mortis*; id est, cum quis admiserit peccatum, propter quod morte plectendus sit. Quidam: *Quando fuerit in aliquo peccatum morte dignum*. Alii: *Cum autem erit in aliquo peccatum adiudicandum morti*.

V. 23. QUIA MALEDICTUS A DEO EST QUI PENDET IN LIGNO. Insignis locus, quem ex professo & accurate tractavit S. Hieronymus in epistolam ad Galatas cap. iii. ad vers. 13. cuius hieverba summam delibabimus: LXX. Interpretes ita hunc locum transferunt: *Quia maledictus a Deo omnis qui pendet in ligno*. Aquila: *Quia maledictio Dei est qui suspensus est*. Symmachus: *Quia propter blas-*

phemiam Dei suspensus est. Theodotio: Quia maledictio Dei est suspensus. Ebron ille hebreusarches semicristianus & semijudaus ita interpretatus est: Quia iniuria Dei est suspensus. Memini me in Altercatione Isasonis & Papisci, quæ Græco sermone conscripta est, ita reperisse: Maledictio Dei qui appensus est. Hebræus, qui me in Scripturis aliqua ex parte instituit, quod possit, & ita legi: Quia contumeliose Deus suspensus est. Hæc S. Hieronymus. Non erat valde absurdus hic Hebræus ille præceptor S. Hieronymi: nam si hic כּלל killall, esset nomen formæ absolutæ, ut forte videtur esse Proverbior. xxvi. 2. aut si hic scriptum fuisset כּלל kelalal, He nunc deslexo in Thau, facili lapsu scriptoris ob maximam earum litterarum similitudinem, ut certe fieri potuit, germanissima huius loci interpretatio esset: Quia maledictio (execratio, contumelia) Deus suspensus: ut Isaiæ l. iii. 4. מלחמה מכה mucceh E'ohim, percussus Deus. Iam recentiores varie locum reddunt, & elucidant. I. Quia maledictio Dei est suspensus in ligno; id est, iam luit pœnas pro flagitio admissio, iam legi satisfecit appensus in ligno, iam Dei maledictio, seu supplicium in eo explectum est. II. Quia ob maledictionem Dei suspensus est; id est, eo quod maledixit Deo, suspensus est: vel quia ob contemptum Dei suspensus est; id est, quia Deum contempsit, aut probis affectis, suspensus est. III. Quamvis maledictio Dei sit suspensus; id est, etiam si admisit gravissimum peccatum. Aliter, quamvis Deo sit admodum execrabilis qui suspenditur; tamen iure sepulturæ non fraudetur, nec cadaver eius nocte persistet in patibulo. Notant, suspendium fuisse ignominiosissimum supplicium apud Hebræos, ut est sane nunc apud Christianos. IV. Quia alleviatio est Dei suspensus; id est, quia sic alleviatur, exonerat Deus terram a pravis hominibus, quæ iis gravari & onerari videtur. V. Quidam hic E'ohim pro iudicibus capiunt: Quia maledictio, execratio, iudicium est suspensus; quasi dicas: Si viderint suspensum diutius in cruce pendere, omnes fere execrantur sævitiam iudicum, qui exanimata corpora diu contumeliæ & horrore exposita manere iubent. VI. Nonnulli: Nam suspensus execrationi est Deo: quod ita exponunt: Non quidem propter pœnam quæ bona est, sed pro-

pter causam reatumque peccati, ut S. Epiphanius optime in Manichæos observavit. Sed hæc ratio communis est suppliciorum omnium, nempe maleficos Deo esse execrationi; ac proinde non debere palam, ac diu coram sole stare execrationem, sed potius abolendam esse ex præcepto Dei, qui ne ullam quidem turpitudinem in propatulo relinqui sinat, infra cap. xxiii. vers. 13. & 14. Quæ ergo singularis est? Duplex: una, quod hoc genus supplicii omnium gravissimum, & ignominiosissimum, quale gravissima crimina promerentur, ut Numeror. xxv. 4. ac proinde damnatum anathemati, II. Samuel. xxi. vers. 11. altera, quod Deus prophetice voluit designare Christum, qui factus est pro nobis execratio, Galat. iii. vers. 13. Forasan maledictio Dei significat magnam & horribilem execrationem, ut nomen Elohim solet addi ad auxilium, ut montes Dei, cedri Dei, &c. notissimo Hebraismo; quasi dicas: Quia maxima & horrenda execratio est suspensus, execrabilis & detestandus horror videre suspensum. Aut quia omnium hominum execrabilissimus & detestabilissimus est qui suspendio necatur: neque est ullum mortis genus eo turpius ac probrosius.

Hebræi constanter affirmant hic tantum agi de supplicio blasphemæ, & idololatræ, quem aiunt prius lapidibus obruendum, deinde in patibulum suspendendum, non ob aliam rationem, quam ut eorum flagitium, & supplicium omnibus innotesceret. Observant autem ex Scriptura quatuor genera mortis: Combustionem, seu vivicomburium; lapidationem; occisionem cum gladio, seu iugulationem; & strangulationem, seu suffocationem per laqueum. De crucifixione vero hominis proprie, seu de cruce Romana, nihil ipsi ex veteri Testamento sciunt. Nam Christus non Iudaico, sed more Romano in cruce sublatus est: siquidem id proprie tunc Romanorum erat supplicium. Nihilominus disquirunt aliqui, num fixio ipsa in cruce, seu crux ipsa Romana, quam vocant immisam, seu commissam, quamque Christus subiit, Hebræis, aliisque gentibus iam olim in usu fuerit. Et vero Iudæis cognitam & usitatam, plerique contendunt, cum ex hoc loco vers. 22. Et suspendes eos super lignum, tum ex Iosue vii. vers. 29. Regem quoque Hai suspen-

dit in patibulo usque ad vesperam, & solis occasum: præcepitque Iosue, & deposuerunt cadaver eius de cruce. Aegyptiis autem, e Genes. xl. vers. 19. Et suspendit te super lignum. Item Persis, in patibulo Aman. Esther vii. vers. 9. & 10. At Casaubonus exercitatione xvi. Baroniana, Diatriba lxxvii. contendit crucem proprie Romanam neque Hebræis, neque aliis gentibus, ut Persis, & Aegyptiis, in usu fuisse ante Christum; sed vel eam quam nos vocamus furcam, vel patibulum, seu lignum supplicii, aliud genus a cruce Romana, quod generali vocabulo vocetur crux, a cruciando. Ut Paulus quoque hunc locum de suspensio, de Christo prophetice dictum interpretatus est, quod is vere in cruce suspensus fuerit; sed alio modo, nempe fixus. Et quamvis Casaubonus a religione Catholica alienus, ea tamen in Diatriba multo studio, lectione, & diligentia utitur. Vide Iacobum Maufacum in Notis ad Libellum Plutarchi de Fluminibus, pag. 214.

MENOCHII.

Perf. 2. **E**GREDIENTUR MAIORES NATU, ET IUDICES, præmissa tamen de auctore cædis inquisitione sedula. Maiores vero natu, & iudices, de quibus hic sermo, erant magistratus vicinorum oppidorum agro in quo cædes facta erat. METIENTUR. Si constabat de locorum distantia, non erat necessario adhibenda dimensio.

V. 3. ET QUAM VICINIOREM CETERIS ESSE PERSPEXERINT, &c. In hanc enim cædis præsumptio cadebat ratione vicinitatis. QUAE NON TRAXIT IUGUM: fortasse ad indicandum, occisorum virum fuisse sine iugo legis, quales Scriptura vocat filios Belial: vide dicta supra cap. xiii. 13. Vitula hæc cædenda homicidæ typum gerebat, in cuius locum, cum ille non reperiretur, mactabatur.

V. 4. VALEM ASPERAM ATQUE SAXOSAM. Hebr. *ad vallem ethan*; quod tamen nomen proprium non est, sed appellativum significans locum quemcumque depressum, & ut additur, inaratum, & incultum. Locus hic asper, & confractus, animi duritiem refert occisoris; civitas vallis, malitiæ profunditatem desi-

gnare potest. CAEDENT IN EA CERVICES VITULAE. Nulla in hac cæde censenda est fuisse ratio sacrificii.

V. 5. ACCEDENTQUE SACERDOTES: non ut iudicent, cum reus inventus non sit; sed ut manus lavent super vitulam, simul cum magistratu civitatis, ac senioribus. ET BENEDICANT IN NOMINE DOMINI. Vide dicta cap. x. num. 8. OMNE NEGOTIUM, lis, controversia.

V. 6. LAVABUNTQUE MANUS SUPER VITULAM. Vitula interfecta in valle, cadaver hominis fortasse iacere potuit in agro: vel ergo cadaver deportatum ad vallem vitulae, vel vitula ad locum cædis, ubi cadaver.

V. 7. NEC OCULI VIDERUNT; quasi dicat: Neicimus auctorem cædis, si sciremus, non paterebim inultum.

V. 8. REDEMISTI, educens de Aegypto. ET NE REPUTES SANGUINEM, &c. ne populo imputes innocentis cædem, ab eoque poenas repetas. AUFERETUR AB EIS, senioribus populi. REATUS SANGUINIS: non erunt rei effusi sanguinis, non illis imputabitur peccatum, nec illius poenam luent.

V. 9. TU AUTEM ALIENUS ERIS. Alloquitur Moyses populum, cui homicidium, si non expiaretur, imputabatur.

V. 11. VOLVERISQUE HABERE UXOREM. Sermo est de ea quæ ad Iudaicam religionem transire parata est: alioqui Iudæis vetitum erat cum gentilibus matrimonia iungere.

V. 12. RADET CAESARIEM, &c. Cor istæ usurparentur cæremoniæ, varii varia. Probabilius pertinet ad luctum & funebrem habitum, quod etiam satis patet ex num. 13. ubi illi indulgetur ut per unum mensem patrem, ac matrem suam flectat. *Radet caesariem*. Permittitur hoc gentili captivæ, ut gentis suæ more raso capite mortuos flectat: alioqui enim Hebræis id erat vetitum Deuter. xiv. 4. CIRCUMCIDET UNGUES. Fortasse etiam hoc ferebatur a gentilibus in maioris argumentum. Textus Hebr. habet, *Faciet unguis*, quod videretur significare, crescere sinet. At LXX & Vulgatus, & Philo, resectos unguis significantes.

V. 13. DEPONET VESTEM. In luctu vestis mutabatur. II. Reg. xiv. 2. dicitur:

tur: *Lugere te simula, & induere veste lugubri.* UNO MENSE: tamdiu enim mortuos lugere solebant, ut patet in funere Aaronis, Num. xx. & Moſis, Deuter. ult.

V. 14. NON SEDERIT ANIMO TUO: non placuerit. QUIA HUMILIASTI EAM, pudicitiam ſcilicet eius deſlorando.

V. 17. DABITQUE EI CUNCTA DUPLICIA. Hoc enim ius duplicis in hereditate portionis præ ceteris ſtatibus aſſebat ius primogenituræ. PRINCIPIUM LIBERORUM. Vide ſimilem dicendi formulam explicatam Gen. xlix. 3. COERCITUS, parentum monitionibus, reprehenſionibus, caſtigationibus.

V. 19. AD PORTAM IUDICIJ. Olim enim iuxta portas civitatum prætoria conſtituebantur, & iudicia exercebantur: cuius rei paſſim exempla occurrunt in Scripturis.

V. 22. APPENSUS IN PATIBULO. Quod ambiguum eſt, an intelligendum ſit de aſſixione in cruce, an de ſuſpenſione per funem intercluſo ſpiritu, ut modo paſſim fieri ſolet. Late hic Bonſerius de hoc diſputat. QUIA MALEDICTUS A DEO EST QUI PENDET IN LIGNO. Homo ſuſpenſus, ob genus ſupplicij infamie Deo quodammodo eſt execrabilis, & maledictus, quia Dei etiam ipſius iudicio ſumma infamia notatus. Et ipſa mors per ſuſpensionem, in dedecus quodammodo Dei, & ignominiam cedit, quod homo ad Dei ſimilitudinem factus tamquam luce hac indignus, tam atroci, turpique ſupplicio fuerit aſſiciendus.

T I R I N I.

Verſ. 5. ACCEDENTQUE SACERDOTES, eiſdem urbis incolæ. Iubet ergo Deus, ſi patrata fuerit in agro cædes ignoto auctore, poſt ſedulam inquisitionem (etiam indici præmiis propoſitis, inquit Iosephus) magiſtratuum vicinioris urbis tam ſacrum quam politicum, cæſa vitula, fractaque eius cervice, quaſi umbratile ſupplicium de homicida fumere, quale nimirum de ipſomet, ſi reperriri poſſet, revera fumerent: ſin. ulque lavare manus ſuper cæſa vitula, & hac cæremonia proteſtari ſeſe innoxios eſſe, & auctoris ignaros. Addit Abulenſis, ſed parcergas, id ideo quoque iuſſum, ut au-

Bib. Sac. Tom. III.

ctor ſceleris, ſi forſan aſſeſſet, hac via proderetur, puta naturali ſanguinis antipathia, qua ſit ut propinquantem homicida, vulnera cadaveris, vel oſſa, etiam poſt plures dies ſanguinem exſucent, Deo ſceleris auctorem tali ſigno ſubinde prodente: ut aliis quoque mirabilibus ſignis etiam apud Gentiles prodidiſſe, pluribus exemplis probant Cicero, Plutarchus, & Aelianus a.

V. 12. & 13. RADET CAESARIEM, ET CIRCUMCIDET UNGUES, ET MUTABIT VESTEM. His cæremoniis captiva puella, & Iudaicam religionem complecti parata, priuſquam marito Iudæo iungeretur, permittitur lugere totomene mortem parentum ſuorum in bello occiſorum. Licet enim Iudæis eiſmodi luſtus genus in more non fuerit, fuit tamen plurimis gentibus, & verſiſſimiliter etiam his Iudææ vicinis. Radere etiam uxorum, & filiarum caput in luſtu celebriore funebri, variis variarum gentium regulis in more fuiſſe, teſtis eſt Svetonius, b in morte Germanici. Idem Græcos aditiſſe docet Plutarchus c; Perſas Curtius d; Romanos quoque Propertius, Seneca, Virgilius, & Ovidius e. Reſectionem unguium nuſquam legi in funebri luſtu uſurpatam: in alio luſtu & gravi calamitate, verbi gratia in naufragio, uſurpari ſolitam, teſtes ſunt Iuvenalis, Propertius, & Petronius Arbitr f. Et quid vetat, quemadmodum modo Sinenſes ungues prolixos ingennitatis nobilitatiſque iudicium amant, ita & olim alios fuiſſe tales: qui proinde reſectionem eorumdem unguium in funere carorum, tamquam extremi doloris indicium adhibere conſueverint? Saltem conſtat, id eiſmodi puellis Gentilibus patrio & gentilitio ritu, priuſquam ad Iudæorum mores & religionem tranſirent, in funere parentum hic permitti. De veſtium mutatione nihil attinet dicere, cum omnium ſere gentium mos ſemper fuerit, peculiare in funeribus veſtes aſſumere. Sinenſes g, & ni fallor, etiam Aegyptii albaſi lugent hoc tempore, ut olim Romanæ matronæ. Sed aliſi ſere omnibus gentibus pullus color ſive olim, ſive modo magis in luſtu placet.

Nota, præter circumciſionem maribus neceſſariam, & alias ſupradictas cæremonias, debuiſſe quoque tam feminas quam

mares, quotquot e gentilitate in Iudæorum religionem transibant, baptizari, seu toto corpore ablui, & holocausti insuper victimam Deo offerre. Ita Rabbinī a Serrario citati b.

V. 23. MALEDICTUS A DEO. Hebraice est, *Maledictio Dei*, vel *maledictum*, est *suspensus* in patibulo; idque vel in cruce, vel in furca, vexel trabe, aut quovis alio palo. Nam omne suspensii genus, etiam patibularis quæ fune fit strangulatio, non minus apud Iudæos, quam apud Romanos, extremæ erat infamiae & probri, cunctis exolum & execrabile. Testes Seneca, Livius, Lactantius, Philo, Iosephus, & sancta Scriptura pluribus locis i. Vide Lipsium, & Gerserum k de cruce. Ratio infamiae videtur fuisse, quod qui suspenditur in altum, quodammodo iudicetur indignus qui terram pedibus premat, aut sanguine suo contaminet, atque ita quasi toto mundo extruditur & eliminatur. Quare & Christus, ut maxime se abiceret, vilissimamque mortis genus subiret, crucem delegit: unde & ab Apostolo l dicitur factus pro nobis *maledictum*, iuxta sensum huius loci.

(a) Cicero Lib. I. de Divinat. Plutarch. de Numinis vindicta. Aelianus Lib. XIII.

(b) Sueton. in Caligula cap. v.

(c) Plutarch. in Problem. cap. XIII.

(d) Curtius Lib. X. in Alex. morte.

(e) Propert. Lib. I. Eleg. XVII. Seneca in Phædr. act. v. Virgilius Aeneidos Lib. IX. Ovid. Lib. III. Metamor.

(f) Iuvenal. Satyra XII. Petronius in Satyrico.

(g) Trigaut. in Hist. Sinenf.

(h) Serrario in cap. i. Ruth in fine.

(i) Seneca epistol. ci. Livius Lib. IV. Lactantius Lib. IV. cap. xvi. Philo de Mundo, & de Specialibus legibus. Iosephus supra. Hic & Sap. vers. 20. & ad Galat. III. vers. 13.

(k) Lipsius Lib. III. de cruce cap. VII. Gerserus Lib. I. cap. IX.

(l) Ad Galat. III. vers. 13.

GORDONI.

Vers. 2. **H**AE c dimensio adhibenda, quando non constabat de distantia: habebat res hæc inquisitionem suam, & fiebat adhibitis senioribus civitatum: qui totus loci & personarum apparatus designabat satis sceleris huius gravitatem.

V. 4. AD VALLEM ASPERAM. Heb. נחש nachas. Pago, vertit *torrentem*; & 70

Attban, *fortem*, ac si dicas, asperam, montosam.

V. 11. ET VIDERIS, &c. Intellige hæc de muliere, quæ sequi parata erat religionem Iudaicam; alioqui prohibitum erat ducere alienigenam. Vide Exod. cap. xxxiv. vers. 16.

V. 12. CIRCUMCIDET UNGUES. Sept. *Faciet ungues*. Chald. *crefcere faciet*, ne ornatu muliebris saltat impellendo ad matrimonium.

V. 15. GENUERINT. Aliqui *genuerit*. LXX. & Hebr. *pepererint*, plur. idem est sensus.

V. 17. DUPLICIA. Duas porciones. En legem primo eniti; & quam Iacob servavit in Ioseph, in quem transtulit primogenituram relicto Rubeno.

V. 19. Hic ritus, atque hæc pœna est filii contumacis. Recte hic in porta civitatis, solebant ibi exerceri iudicia, & vocabatur hæc porta iudicialis II. Efd. III. vers. 30. & passim in Scripturis. Vide Ruth IV.

V. 22. APPENSUS FUERIT IN PATIBULO. Fuit ergo patibuli supplicium in usu apud Iudæos. Septuag. *ξύλον*, lignum pro patibulo est, immo & in Hebræo. Hanc mortem infamem dicebant antiqui, *ἡ μὴ κατὰ πόλιν δάσυνος*. Lipsius Lib. III. de cruce cap. LX. lege Ioseph. Lib. IV. Antiq. cap. VIII.

V. 23. NON PERMANEBIT, &c. Septuaginta, *Non indormiscet*. Ergo ante occasum solis sepeliendum cadaver. In Hebr. *לֹא יִשְׁכַּח לֹא בֵּלִין* *lo belin*, non permanebit: in Hiphil radix *לָן lun*. Quod vero factum aliter fuit de filiis Saul II. Reg. XXI. putatur fuisse ex Dei voluntate, ut inusitato ritu huius supplicii fieret satis Gabonitis. At quomodo maledictus Deo, qui pendet in ligno? Certe quia turpissimum hoc supplicium, efficiebat infamiam, atque adeo hoc symbolo iudicabatur Deo execrabilis. Hic satis apparet, qua ratione Christus ad Galat. III. vers. 13. dicitur maledictum, sine ullo suo peccato, utpote habitus talis ex infami genere supplicii: maledictus, Septuaginta *κατάρα μισθός*, seu execrabilis. Christus etiam vocatur maledictum, qui maledictiones humani generis in se portandas suscepit.

CAPUT XXII.

Pietas in rem proximi exercenda: de veste alterius sexus, de invento nido; de circumdando tello domus, de non commiscendis rebus diversi generis, de simbris, de signis virginittis, de adulterio, de corrupta in arbe vel in agro, de uxore patris non ducenda.

1. **N**on (a) videbis bovem fratris tui, aut ovem errantem, & præteribis: sed reduces fratri tuo, 2. etiamsi non est propinquus frater tuus, nec nosti eum: duces in domum tuam, & erunt apud te quamdiu quærat ea frater tuus, & recipiet. 3. Similiter facies de asino, & de vestimento, & de omni re fratris tui, quæ perierit: si inveneris eam, ne negligas quasi alienam. 4. Si videris asinum fratris tui aut bovem cecidisse in via, non despicias, sed sublevabis eum eo. 5. Non induetur mulier veste virili, nec vir utetur veste feminea: abominabilis enim apud Deum est qui facit hæc. 6. Si ambulans per viam, in arbore vel in terra nidum avis inveneris, & matrem pullis vel ovis desuper incubantem: non tenebis eam cum filiis: sed abire patieris, captos tenens filios: ut bene sit tibi, & longo vivas tempore. 8. Cum ædificaveris domum novam, facies murum tecti per circuitum: ne effundatur sanguis in domo tua, & sis reus labente alio, & in præceptis ruente. 9. Non feres vineam tuam altero semine: ne & sementis quam fvestisti, & quæ nascuntur ex vinea, pariter sanctificentur. 10. Non arabis in bove simul & asino. 11. Non indueris vestimenta, quod ex lana linoque contextum est. 12. (b) Funiculos in simbris facies per quatuor angulos palii tui, * quo operieris. 13. Si duxerit vir uxorem, & postea odio habuerit eam, 14. quæsieritque occasiones quibus dimittat eam, obiciens ei nomen pessimum, & dixerit: Uxorem hanc accepi, & ingressus ad eam non inveni virginem. 15. tollent eam pater & mater eius, & ferennt secum signa virginittis eius ad seniores urbis qui in porta sunt. 16. & dicet pater: Filiam meam dedi huic uxorem: quam quia odit, 17. imponit ei nomen pessimum, ut dicat: Non inveni filiam tuam virginem: & ecce hæc sunt signa virginittis filiæ meæ. Expandent vestimentum coram senioribus civitatis: 18. apprehendentque fenes urbis illius virum, & verberabunt illum, 19. condemnantes insuper centum siclis argenti, quos dabit patri puellæ: quoniam diffamavit nomen pessimum super virginem Israël: habebitque eam uxorem, & non poterit dimittere eam omnibus diebus vitæ suæ. 20. Quod si verum est quod obicit, & non est in puella inventa virginittas: 21. eiicient eam extra fores domus patris sui, & lapidibus obruent viri civitatis illius, & morietur: quoniam fecit nefas in Israël, ut fornicaretur in domo patris sui: & auferes malum de medio tui. 22. (c) Si dormierit vir cum uxore alterius, uterque morietur, id est adulter, & adultera: & auferes malum de Israël. 23. Si puellam virginem desponderit vir, & invenerit eam aliquis in civitate, & concubuerit cum ea, 24. educes utrumque ad portam civitatis illius, & lapidibus obruen-

obruentur: puella, quia non clamavit, cum esset in civitate: vir, quia humiliavit uxorem proximi sui: & auferes malum de medio tui. 25. Sin autem in agro repererit vir puellam, quæ desponsata est, & apprehendens concubuerit cum ea, ipse morietur solus: 26. puella nihil patietur, nec est rea mortis: quoniam sicut latro confurgit contra fratrem suum, & occidit animam eius, ita & puella perpeffa est: 27. sola erat in agro: clamavit, & nullus affuit qui liberaret eam. 28. Si invenerit vir puellam virginem, quæ non habet sponsum, & apprehendens concubuerit cum illa, & res ad iudicium venerit: 29. (d) dabit qui dormivit cum ea, patri puellæ quinquaginta siclos argenti, & habebit eam uxorem, quia humiliavit illam: non poterit dimittere eam cunctis diebus vitæ suæ. 30. Non accipiet homo uxorem patris sui, nec revelabit operimentum eius.

(a) Exod. XXIII, 4. (b) Num. xv, 38. (c) Levit. xx, 17. (d) Exod. XXII, 17.

BRUGENSIS

ROMANA CORRECTIO.

operis: futurum respondet Hebræo.

V. 12. *Quo operieris*. In aliis est præsens

COMMENTARIA

S A.

Vers. 2. **P**ROPIQUVVS, id est prope; quasi dicat: Etiam si longe habiter. Chald. *Et si non est prope*. LXX. *Si autem non appropinquet ad te*.

V. 6. **T**ECTI: nam in Palæstina tecta plana.

V. 9. **A**LTERO-SEMINE, id est diversis seminibus. **S**ANCTIFICENTUR, id est *polluantur*, ut vertit Chald. quasi dicat: Pereant, dum alia impediunt. Antiphrasis est, ut *benedicere pro maledicere*.

V. 10. **E**T ASINO: scilicet quia impares sunt viribus. Clemens II. Strom. *Non communicabis, inquit, ex æquo culturam verbi mundo & immunda, fidei & infideli*.

V. 11. **C**ONTEXTUM: scilicet displicet Deo confusio.

V. 12. **F**UNICULOS IN FIMBRIIS; quasi dicat, loco fimbriarum, vel fimbrias ex funiculis. Vide Num. xv. Hebr. *funiculos*, seu *fimbrias*. **A**NGULOS: scilicet ubi vestis ante, & retro scissa est. **P**AL-LII, id est vestis superioris.

V. 14. **N**OMEN PESSIMUM, id est aliquid unde infametur.

V. 17. **V**ESTIMENTUM, scilicet spondonem, vel indusium, quo usâ prima no-

ste, quoque exceptus sanguis. Chald. *firidorem*.

V. 21. **M**ALUM, id est occasionem peccati, seu *malefacientem*, ut vertit Chald. sic & infra.

V. 26. **L**ATRO. Hebr. Chald. & LXX. *vir*. **A**NIMAM, id est vitam.

V. 27. **C**LAMAVIT; id est, præsumendum est clamasse.

V. 28. **R**ES AD IUDICIUM VENERIT. Hebr. Chald. & LXX. *loventi fuerint*, id est deprehensi.

EST II.

Vers. 5. **N**ON INDUETUR MULIER VESTE VIRILI, NEC VIR UTETUR VESTE FEMINEA. Ratio est, quia hac specie committi possent stupra, adulteria, incestus, &c. Et propterea additur: **A**BOMINABILIS ENIM APUD DEUM EST QUI FACIT HÆC. Ubi ergo nullum est huiusmodi periculum, & ratio aliqua occurrit faciendi, non est illicitum; ut est in actione comica, vel ad evadendum certum periculum. Legimus quoque de S. Theodora in Martyrologio 11. Septembris, quod in habitu virili monachi, multos annos sancte vixit

perit in monasterio. Simile quid refertur de S. Marina. Sed hæc non sunt trahenda ad imitationem. Quædam enim sanctorum facta magis miranda nobis sunt, quam imitanda. Sane & apud Mexicanos in nova Hispania capitale erat hoc crimen.

V. 10. NON ARABIS IN BOVE SIMUL ET ASINO. Ratio litteralis est, quia vires eorum sunt inæquales. Nam bos fortior est asino, & paulus facit grandiores, & proinde alimus supra vires gravaretur, si cum bove iungeretur ad trahendum aratrum. Sed bos cum bove, & asinus cum asino recte iunguntur. Parabolice autem significatur non exigenda paria onera, sive subsidia, ab hominibus virtute inæqualibus, qui proinde paria præstare non possunt. Gregorius in Moralibus ita moraliter exponit Lib. I. cap. xvi. *Non iunges bovem & asinum* (ita enim legit) id est, *fatuos sapientibus in prædicatione non socias, ne per eum qui implere rem non valet, illi qui prævalet, obsistas.*

V. 25. AD SENIORES URBIS QUI IN PORTA SUNT. Hieronymus super Zachar. viii. *Quæritur, inquit, quare apud Iudeos in portis fuerit locus iudicandi?* & respondet: *Ne cogenter agricolæ intrare urbes, & aliquid subire dispendium; ideo iudices in portis residebant, ut unusquisque confestim ad sedes proprias reverteretur.*

M A R I A N A E.

Vers. 1. **E**T PRÆTERIBIS. Hebr. *Et abscondes te ab eis*; id est, finges te non videre bovem errantem.

V. 2. ETIAMSI NON EST PROPINQUUS. *Non est prope*, ut Chald. id est propinquus.

V. 3. NE NEGLIGAS. Hebr. *Ne occultes*, aut abscondas te.

V. 5. NON INDUETUR MULIER VESTE VIRILI. Hebr. *Non sint vasa viri super mulierem*. Per vasa Hieronymus vestem intellexit; Chald. *ornamentum*; alii, *arma*: *Ne gestet arma.*

V. 8. FACIES MURUM TECTI PER CIRCULUM. Hebr. *Facies septum tecti suo*. Domorum in culmine solarum erant: ne ergo inde quis caderet, seperi mandata lorica.

V. 9. PRÆTER SANCTIFICENTUR. Chald. *per antiphrasim vertit, Tollantur,*

quomodo facer dicitur profanus, benedictus sumitur pro maledicere. Melius veritas: *Ne pereat provenus feminis, & fructus vineæ*: quæ enim sanctificabantur; peribant Domino. In Palestina propter æstum ferebant in vineis frumenta: mandat ergo, ne miscant una plura genera, quoniam id noxium est terræ vel sua natura, vel quia contra præceptum Dei simplicitate gaudentis, versutos avertatur.

V. 11. QUOD EX LANA LINOQUE. Ea vestis Hebraice dicitur *Sabatnes*: inde sortasse *Sayagues*, quoniam ea veste in ea regione Hispaniæ utuntur.

V. 12. FUNICULOS. Hebraice vox *ghedilim*, *flocos* potius significat, qui in florum modum in extrema veste pendebant.

V. 14. QUÆSIERITQUE OCCASIONES. Hebr. *Posuerit illi baliloth*, quæ vox significat *circuitus, ambages verborum*, quibus illi infamiam imponeret.

V. 18. ET VERBERABUNT ILLUM. Hebr. *Corripient illum*, Sept. sed correctio fieri potest per verbera: sic Pagn. *Flagellabunt* posuit, tum Chald.

V. 19. CENTUM SICLIS ARGENTII: sic Sept. & Chald. sed Hebraice, *centum argenti*, pro argenteis; sed argenteus fere sumitur pro siclo, ut de Ponderibus, & mensuris explicuimus. Similis forma loquendi vers. 29.

V. 30. NEC REVELABIT OPERIMENTUM. Hebr. *alam*; sed vestem, *alam* vocat, quia ut ala aves teguntur, sic veste homines: aut forte per *alam*, seu *operimentum* verenda intelligit, sicut Ruth iii. vers. 9. ea vocat *pallium*. *Operimentum*, pro re operata, quod aliis locis vocat turpitudinem. *OPERIMENTUM EIVS*. Hebr. *alam patris sui*. Vocat vestem, aut turpitudinem mulieris *alam*, seu *operimentum* viri, quoniam ad eum pertinet, in eius iure id est.

M A L V E N D A E.

Vers. 1. **E**T PRÆTERIBIS. Hebr. *Et occultabis te ab eis*; id est, dissimulabis te videre: non præteribis quasi illa non videris; quasi dicat: Nulla ratione subterfugies, quominus id præstes officii. Sic vers. 3. & 4.

V. 2. ETIAMSI NON EST PROPINQUUS

QUOS FRATER TUUS: ac proinde gravius tibi aut sumptus, aut labor futurus esset.

V. 5. NON INDUETUR MULIER VESTE VIRILI. Hebr. *Non erit vas virile super mulierem*. Quidam: *Mulier ne gerat arma virilia*. Putant prohiberi ne mulieres ad militiam cum viris proficiscantur, more orientalium, ne pudicitiae periculum incurrant. Alii: *Ne esto instrumentum virile super feminam*. כלי celi, supellectilem, utensilia, ornamenta etiam complectitur. Loquitur hic de vasis, & instrumentis, &c. quæ aliqui sunt propria virorum. Nimirum ne mulier in veste, aut ornamentis virilibus, aut gladio succincta, ut Fulvia Antonii, &c. in publicum procedat. NEC VIR UTETUR VESTE FEMINEA: quod aut laicivæ est, contra publicam honestatem, ut Sardanapalus, Caligula, Heliogabalus, &c. aut fraudis libidinis, ut Claudius.

V. 6. NIDUM AVIS. INVENERIS. Hebr. *Cum vocatur, clamabitur nidus, passus facies tuas*; id est, cum audieris pullos nidi vocantes, seu clamantes, vel pipantes. Plerique, *Cum occurret*, ex significatione vicini verbi קראב Karab. פולל פולל epirachum, proprie germinatores, pullatores, pulli avium: sic dicti quod germinant, & pullulent, id est plumas & pennas producant; vel quod recens emergant, seu erumpant. ex ovo, אפרח parach.

V. 8. FACIES MURUM. מַגְבָּהֶיךָ magbakeh exponunt septum, sepimentum, ambitum, circumjacentiam, claudrum, cancellos, lorica, loricationem, id est סקין סקין, sive peribolum, ut Græci vocant, in solariis & planis ædificiorum testis, ut sunt Palæstinae testæ, necessarium. Hebræi notant id sepimentum debuisse esse decem minorum palmorum altitudinis, id est trium pedum cum dimidio. Italice vocant pectoratam. LXX. viderunt coronam. Quidam ab פָּרָה ghanak deducunt, unde torquem proprie poteris interpretari, quod in modum torquis testum ambiret. Alii ad פָּרָה ghanak, angustia, derivant, quod is peribolum adhiberetur ad auferendum angorem, & vertiginem iis qui in solario seu in tecto deambularent: nam inde prospectantes, si non esset illud septum, facile correpti vertigine prolaberentur. Plerique in-

telligunt imperatum id sepimentum; ne ambulantes in tecto inde deciderent. At Steuchus magis vult adiectum, ne cum primum ædificaretur domus, aliquid ex materia ædificii caderet, & aliquem interficeret. Quod Hebræa clarius indicare putat. Sed proculdubio prior sensus est verior: cum peribolus ille non temporarius dum domus ædificaretur, sed perpetuus esset futurus; & causa integritatis & manens, ne ambulantes in tecto laberentur: & Hebræa illum plane reddunt. NE EFFUNDATUR SANGUIS IN DOMO TUA, ET SIS REUS. Hebr. *Et non pones sanguines in domo tua*. Quidam: *Ne sis causa, vel occasio necis in domo tua*, si corruerit aliquis de tecto tuo. Alii: *Ut non imponas reatum sanguinis domui tue*.

V. 9. NON SERES VINEAM TUAM ALTERO SEMINE. Aut verbum serendi hic late positum pro plantare, aut inferere; ut veter vineam non esse plantandam aut interendam: ex vitibus, seu arboribus diversorum generum: aut in Palæstina ob terræ teporem vineæ in interval-
lis quæ sunt inter vites, seminabantur vel tritico, vel hordeo, aut filigine, seu avena. Notebat Dominus duas, diversarum seminum species in illis terri: aut hic vinea late pro agro ponitur: nam pro eo quod hic haberetur, Levit. xix. vers. 19. dicitur: *Agrum tuum non seminabis diversam seminaturam*. ET SEMENTIS QUAM SEVISTI. Hebr. *Impletio, plenitudo, semen, vel seminis quod seminasti*. Plenitudinem seminis intelligunt fructus maturus, & abundantes: ut Numer. xviii. vers. 27. & Exod. xxiii. vers. 29. NE ET SEMENTIS QUAM SEVISTI, ET QUÆ NASCUNTUR EX VINEA, PARITER SANCTIFICENTUR. Quidam exponunt: Id est, ne tibi & cuivis qui non est sacriordinis, usu eorum interdicatur, tamquam rerum sacrarum usus; vel ne forte prohibeantur tibi sicut sancta. Nonnulli per antiphrasim reddunt: Nequando polluitur, contaminetur plenitudo, semen quod seminasti, & fructus vineæ; quia quod immundum & pollutum est, dum tangi, aut eo uti prohibetur, eo redit ut esse sanctum, separatum, segregatum a communi usu videatur. Explicantque: Nequando corrumpatur, perdat, destruar fructus ex diversis seminibus, & cum eo fructus etiam

iam vineæ. Ut *sacrare*, & *sacrum* Latinis contrarias significationes habent; sic etiam Hebræis *sanctificare*.

V. 10. NON ARABIS IN BOVE SIMUL ET ASINO. Quidam exponunt, quia vires non sunt æquales. Alii: Non arabis cum animalibus diversarum specierum, quorum unum sit mundum, alterum immundum. Synecdoche: per bovem & asinum intelligit quævis animalia diversarum specierum.

V. 11. NON INDUERIS VESTIMENTUM, QUOD EX LANA LINOQUE CONTEXTUM EST. Hebr. *Non indues שבתני שבגותי*, lane & linorum pariter. Quidam *שבגותי* exponunt *diverse speciei pannum*. Alii, *pannum mixtum*. Aliqui, *texturam, seu contexturam*. Nonnulli, *vestimentum varie commixtum*. Nec defunt, qui *tabinum*. Vide Levit. xix. 19.

V. 12. FUNICULOS. גְּדִילִים *gedilim* aiunt esse *fasciuram funiculatam*, quæ constabat ex multis funiculis maioribus, & quantitate cetera fila excedebat. Varie hic reddunt: *Fimbrias, fimbriolas crassiores, funiculos intricatos, & intortos, atque in modum catenarum connictatos; appendices, phylacteria magna, fila magna* in panno textu resiliua, indeque dependentia; *fila dependentia ex texturis; fascias, insitas, oras, limbos*. Hispanicus Interpres, *pequeños*. Consistente voce Hebraica nonnulli putant esse quas Hispani vocant *ghedellas*, aut *guedeias*, nempe *filamenta*. Quod hic Moles dixit *ghedilim*, Numer. xv. vers. 38. appellavit *tzitzit*: vide ibi enucleatam hanc vocem, & totum etiam hunc versum.

V. 14. QUÆSIERITQUE OCCASIONES QUIBUS DIMITTAT EAM. Varie hunc locum ex Hebr. convertunt. I. *Et imposuerit ei occasione verborum*; id est, effecerit ut alii male loquantur de ea; vel fuerit causa ut male audiat. II. *Et imposuerit ei causationes verborum*. III. *Et posuerit ei adinventiones verborum*. IV. *Obtruseritque ei technas verborum*. V. *Et imposuerit ei revolutiones, involutiones, seu attritiones verborum*; nimirum quod cum alio se revolverit, atque alius eam attriterit. *Verborum* dixit, non rerum. quoniam revera non fuit ab alio contritata. VI. *Ideoque dedit occasiones habendorum sermonum de ea*. VII. *Et posuerit ei commen-*

ta, machinationes verborum. VIII. *Et posuerit ei actiones verborum*; id est, actiones eius acculaverit. IX. *Et ponet ei illusiones, ludicra verborum*. X. Hispanicus Interpres recte: *T le puseré achagues de cosas*; id est, imposuerit ei prætextus turpium rerum. XI. *Et ponet ei circuitus, seu ambages verborum*, quibus illi infamiam creet. Notant, *מְלִיכָה ghaliloth*, quod Noster vertit *occasiones*, generaliter esse *consilia, adinventiones, conatus, studia, molimina, facinora, actiones, commenta, verba & opera* sive bona sive mala, secundum cordis boni, vel mali, unde ascendunt, *qualitatem*: ut cognationem habeat cum verbo *מָלַךְ ghalab*, ascendit: proprie *ludicra, illusiones, ludificationes, pueritias, puerititates, infantilitates*. Hispanice, *niñerías, rapacerías*. Verba hic pro rebus & factis, more Hebraico, accipi possunt. Vide infra vers. 17.

V. 15. ET FERENT SECUM SIGNA VIRGINITATIS EIUS. Hebr. *Et educant virginitates puellæ*. Quidam hic *virginitates* intelligunt *testimonia matrum*, seu *obstetricum*, quæ virginem primum antequam congregaretur marito secreto inspexerant, & scripto quod parentes puellæ assererent, obsignarant. Alii, *pannum, seu indusium, aut camisiam, aut linteum, seu sindonem, ubi concubuit vir cum uxore primum, infectum & maculosum sanguine rupti hymenis, seu nymphae, signa & indicia virginittatis, quæ parentes servare solebant*. Vide de his Franciscum Vallesium Medicum regium in Sacra Philosophia cap. xxv. Quidam *Indusium antenuptiale* vocant. A quæ hæc expositio firmatur e vers. 17. infra.

V. 18. ET VERBERABUNT ILLUM. Hebr. & corrigent, *corripient, castigabunt eum*: quidam interpretantur, voce, seu reprehensione, & multa, e sequenti versu. Alii verberationem, seu flagellationem adhibitam intelligunt, ut Noster & plerique alii. Verbum *יָדַר iasar*, quamvis etiam dicatur de verbalis castigatione; at magis proprie & frequentius dicitur de reali disciplina. Ad verbum: *Et discipulabunt eum*.

V. 19. CENTUM SICLIS ARGENTI; id est, quadringentis nummis argenteis, seu drachmis Hispanicis, seu 400. regalibus Castellanis. Hispanicus interpres: *En cien pesos de plata*. Hoc nostro tempore,

re, *un peso*, seu unum pondus ordinarium & vulgare valet octo regalia; at *peso ensegado*, id est argenti puri puri, tredecim: erunt igitur centum sicii, septingentæ drachmæ Castellanae. Sic analogice infra vers. 15. QUOS DABIT, scilicet vir, PATRI PUELLAE. Hebr. *Quos dabunt*, nempe iudices, vel senes, *patri puella*: quod nimirum domum suam crimine & infamia tanti flagitii asperferit. ET NON POTERIT DIMITTERE EAM: quam rem in animo habuisse, hoc suo sermone visus est.

V. 24. UXOREM PROXIMI SUI; licet desponsatam tantum: iam enim uxor eius est iure pacta, ut Gen. xxix. 21.

V. 26. PUELLA NIHIL PATIETUR, NEC EST REA MORTIS. Hebr. *Et exussisse puella non facies aliquid, quidquam: non puella peccatum mortis*, id est capitale: non admisit facinus dignum morte. ET OCCIDIT ANIMAM EIUS. Hebr. *Et occidit eam anima*. Quidam: *Et interficit eam illa anima*: scilicet ictu quo anima separatur a corpore, ictu lethali. Alii: *Et occidens*, adimit ei animam, vel vitam. Sic supra cap. xix. vers. 6.

V. 28. SI INVENERIT VIR PUELLAM. Exponunt, vir puta agamus, sive inconiugatus, ut antecedentium demonstrat comparatio: nam de coniugatis, seu maritalis hæc actum est. ET APPREHENDENS CONCUBUERIT CUM ILLA. Intelligunt, non quidem pelliciens eam sponsonem & spe coniugii, cuius speciei lex seitur Exod. xxii. vers. 16. & 17. sed imprudentem citra sponsonem, ioco, viro, aut actu circumveniens, aut comprimens, aliqui sine consensu & conventionem ipsius: nam hoc significatur Hebræo capiendi, seu prehendi verbo. Quamobrem illic sola dos, hic præterdotem multa indicitur. ET RES AD IUDICIUM VENERIT. Hebr. *Et inventi fuerint*, nimirum committere, vel commississe, ut supra vers. 20. & 22.

V. 29. DABIT QUI DORMIVIT CUM EA. Explicat: Id est, maioris cautionis ergo præter iussam dotem numerabit parentibus puellæ præsentem multam, patris auctoritatis, pudicitiaque violatæ nomine. QUINQUAGINTA SICLOS ARGENTI, id est ducentas drachmas Hispanicas, seu Castellanas. Vide supra vers.

19. ET HABEBIT EAM UXOREM. Intelligunt, puta nisi pater renuerit: tum enim multam quidem tenetur pendere, sed propter auctoritatem patriam ab ea ducenda liberatur, ex analogia legis Exodi xxii. vers. 17. QUIA HUMILIavit ILLAM. Hebr. *Sub quo, eo quod afflixit, compressit eam*; id est, sine conventionali sponsonem, & data fide coniugii, ea abusus est. Hæc Scriptura Sacra exprimit affligendi verbo.

V. 30. NON ACCIPIET HOMO UXOREM PATRIS SUI. Vide Levit. xix. vers. 3. cultum & venerationem, quem erga parentes homo exercere debet: vide quoque hanc legem Levit. x. vers. 8. Nec REVELABIT OPERIMENTUM EIUS. Hebr. *Et non discooperiet alam*, vel *oram patris sui*: vel *neque revelet angulum vestis patris sui*; id est operimentum quo turpitudine patris tegebatur. *אנפא canaph* aiunt significare *eam partem vestis quæ extrema est, & terram contingit*. Id est, ne detegat turpitudinem patris sui, nempe verenda uxoris eius, vel oram uxoris patris sui: scilicet ne rem habeat uxoris noverca sua. Vide Levit. xviii. vers. 8. & infra cap. xxvii. vers. 20. Aut ne rem habeat cum ea, quam pater suus ala sua cooperuit, & obnupsit.

MENEOCHII.

Vers. 1. **B**OVEM FRATRIS TUI. Sub bove intellige equum, mulum, & alia animalia: par enim omnium est ratio. ET PRÆTERIBIS: negliges, quasi non videris.

V. 2. ETIAMS I NON SIT PROPINQUUS: immo vero etiamsi sit inimicus, ut diserte habetur Exod. xxiii. 4.

V. 5. NON INDUETUR MULIER VESTE VIRILI, NEC VIR UTETUR VESTE FEMINEA. Ratio est, quia deceat, & contra dignitatem est virilis sexus, si vellem muliebrem assumat. Adde, quod hæc vestitus mutatio multis nequitis viam aperiret.

V. 6. NIDUM AVIS INVENERIS, &c. Ratio huius legis fuit, ut per eam inducerentur Iudæi ad pietatem, & misericordiam etiam in bestiis exercendam, quo facilius, ait Tertullianus Lib. II. contra Marcion. xvii, in *pecudibus, & bestiis*

premeditata humanitas in hominum refrigeria erudiretur. UT BENE SIT TIBI, &c. provocans in te vicissim divinam benignitatem & misericordiam.

V. 8. FACIES MURUM TECTI PER CIRCUITUM. Tecta domorum apud Iudeos fiebant plana, ut in ipsis ambulare, & versari liceret. Iubet ergo, ut septo & peribolo claudatur ea area quæ in teſto eſt, ne quiſclapſu de tecto revolvatur.

V. 9. SANCTIFICENTUR: eſt antiphrasiſ, polluantur, non tam legali contaminatione quam phyſica, corrumpendo, & perdendo utrumque, dum nimia denſitate ſibi mutuo officiunt.

V. 10. IN BOVE SIMUL ET ASINO. Ratio eſt, quia eorum vires ſunt inæquales, itaque alinus aſſociatus bovi plus æquo gravaretur; & quia totum onus in eum recumberet aratri, propter humilitatem corporis iſtius.

V. 11. VESTIMENTO QUOD EX LANA LINOQUE, &c. Vide Levit. xix. 19.

V. 19. FUNICULOS IN FIMBRIIS, &c. Vide diſta Numerorum xv. 38.

V. 14. OBIICIENS EI NOMEN PES-SIMUM. Quod vitium ſibi aſſerri ſit paſſa. NON INVENI EAM VIRGINEM; cum tamen ſe pro tali vendiſſet.

V. 17. SIGNA VIRGINITATIS, linteum ſanguine tinctum, quem ex primo congreſſu cum virgine ab illa profluere aiunt medici.

V. 18. VERBERABUNT ILLUM. De more Iudeorum, ſcilicet inſictis quadraginta, uno minus, flagellorum ictibus, vide infra cap. xxv. 3.

V. 19. ET NON POTERIT DIMITTERE EAM: ſi ipſa in coniugio perſeverare voluerit, ut ait Philo.

V. 22. SI DORMIERIT VIR CUM UXORE ALTERIUS, &c. Vide Levit. xx. 10.

V. 23. SI PUELLAM VIRGINEM DESPONDERIT VIR. De deſponſata de futuro intelligenda eſt hæc lex, ut a præcedenti ſit diverſa; vel certe de præſenti, ſed necdum cognita.

V. 24. QUIA NON CLAMAVIT, &c. ex illo enim clamor neglectu conſenſiſe præſumitur. UXOREM, mox futuram.

V. 26. PUELLA NIHIL PATIETUR, &c. Ex loci enim circumſtantia præſumi-
Bib. Sac. Tom. III.

tur non conſenſiſſe, ſed vim paſſam eſſe.

V. 27. CLAMAVIT. Præſumitur clamaviſſe, vel certe a clamore ceſſaſſe, quod nullum auxilium ſperaret.

V. 28. APPREHENDENS, vim inferens, ut habent LXX. Eſt caſus diverſus ab illo qui habetur Exodi xxii. 16. ibi enim agitur de concubitu non vi extorto, ſed fraude, blanditiis, promiſſis matrimonii, impetrato. RES AD IUDICIUM VENERIT, delata a parente; vel curatore, ſeu eo cuius intereſt.

V. 29. QUINQUAGINTA SICLOS, ob iniuriam in ipſum violenta filiz deſolatione admiſſam. ET HABEBIT EAM UXOREM. Philo Lib. de ſpecialibus Legibus addit, a conſtitutore dotem puellæ conſtituendam: quod ex alio caſu ſimili Exod. xxii. 16. ſit verſimile.

V. 30. UXOREM PATRIS SUI: Eamdem legem habes Levit. xx. 11.

TIRINI.

Verſ. 5. NON INDUETUR MULIER VESTE VIRILI, neque contra: tum ut nequirit ſancta præcidatur; tum ut decentiæ conſulatur: nam, teſte Philone *a*, ut inſigne dedecus eſt maculoſæ xui, ſeu habitu capitiſ, ſeu veſtitu, ſeu molli fraſctoque inceſſu, ſeu aliis effeminatis moribus ad ſemineum quaſi ſexum ſe abicere: ita dedecet etiam ſemineum ſexum, ſi plus æquo viriliſ appareat. Vide de hiſ etiam Senecam, Clementem Alexandrinum, & Salvianum *b*. Et hoc nomine peſſime audierunt Sardanapalus apud Diodorum Siculum, Caius Caligula apud Svetonium, Dinocrates Meſſenſis apud Volaterranum, Clithrenes, & alii apud alios. Excipe tamen caſum neceſſitatis, vel alias ſimiles iuſtas & graves cauſas; verbi gratia in Ioanna quæ virili habitu, & armata Anglos Gallia expulſit. Sic Theodora *c* virgo Antiochena, & altera Corinthiaca *d* lupanar veſte virili evaſerunt: Eugenia, Euphroſyna, Apollinaris, Pelagia, Antonina, Theodora, Athanaſia, Suttanna, Anaſtaſia Patricia, Poppula *e*, Iſachclina *f*, Hildegandis *g*, quæ inſtinctu Spirituſ ſancti virginitatſ tutandæ cauſa ſe clauſtris cœnobiorum virili habitu incluserunt, quod deſcent tunc mulierum cœnobia in quibus occultari poſſent. Quo
M m m deſe-

defectu iam cessante, facinus istiusmodi probrum profus & illicitum est.

V. 8. *FIACIES MURUM TECTI PER CIRCUITUM. LXX. Facies coronam solario tuo.* Omnis enim limbus prominens, in Scripturis *corona* vocatur, etsi non rotundæ, sed quadratæ, vel alterius figuræ sit.

Nota, solitos Iudæos, & reliquos Orientales tecta domorum suarum non supina ad morem nostratæ erigere, sed scæ plana constituere, in iisque solaria ad deambulandum, & auram captandam habere. Quocirca ne quis inambulans per imprudentiam e sublimi loco decideret, iubetur hic addere circumcirca *peribolum septum*, quo lapsus impediretur, quod noster hic Interpres vocat *murum tecti*. Vi. de IV. Reg. 1. vers. 2.

V. 9. *NE SANCTIFICENTUR*; hoc est, *ne polluantur*, ut vertit Chaldaeus: utrumque enim contrarium significat Hebræum *קדש* *cadash*. Polluere autem significat contaminare non solum contaminatione legali, sed etiam physica, quod est *corrumpere*, & *perdere*. Sic Latine quoque sicut *sanctum*, & *sacrum* sumitur subinde antiphrastice pro re detestanda, & perdita: potest etiam, & solei *sanctificari*, & *sacri* simili modo usurpari pro *perdi*, & *inutile reddi*, a quo perinde abstinetur propter physicam corruptionem, atque abstinetur a re Deo consecrata propter moralem ab usu profano separationem. Sensus ergo est, cavete ne vites & fruges in uno eodemque fundo mixtum conferatis, ne utrumque tam racemi, quam sementis pereant, seu naturaliter, dum unum alterum impedit & suffocat, aut etiam succo terræ exhausto interimit; seu divinitus, Deo vos propter vestram avaritiam & legis huius transgressionem puniente: ita Iosephus b.

V. 15. *SIGNA VIRGINITATIS*. Quenam hæc sint, explicatur vers. 17. nempe vestimenta, vel linteamina, in quibus concubuerunt novi coniuges, tincta sanguine rupti hymenis, seu uteri virginis. De quo vide Franciscum Valesum i. Quo solo signo voluit Deus falsitatis convinci maritum, pudicitia coniugis ante nuptias perditæ iniustum accusatorem. Secundo iubet eundem verberari, nempe more Iudæorum, infidis quadraginta uno minus flagellorum ictibus: ut explicat Io-

sephus. Tercio pro multa pendere fœro suo centum siclos argenti, seu flores Belgicos &c. Quarto velit eum vel invitum uxorem illam retinere in coniugio: uxori tamen eo casu liberum erat vel recedere, vel remanere, inquit Philo l.

- (a) Philo Lib. de Fortitudine, & de Spec. legib.
- (b) Seneca controvers. 1. Clem. Pædagog. Lib. III. cap. III. Salv. Lib. VII. de Verbo iudicio, & providentia Dei.
- (c) Ambr. Lib. II. de Virginibus.
- (d) Palladius in Lausica hist. cap. clix.
- (e) Apud Gregor. Turonens.
- (f) Apud Thom. de Cantiprato in Lib. Apum.
- (g) Raderus in Viridario SS. P. I.
- (h) Ioseph. sup.
- (i) Valef. de Iæra Philosophia cap. xxv.
- (k) Proleg. de Fœderibus.
- (l) Philo de Specialib. legibus.

GORDONI.

Vers. 2. *ETIAMSINON EST PROPINQUUS*, &c. His adde quod etiam erga inimicos agendum præscribitur Exod. xxiii. vers. 4.

V. 5. *NON INDUETUR MULIER VESTE VIRILI, NEC VIR UTETUR VESTE MULIEBRI*. Qui sic vestem sine iusta causa mutat, modestiæ & pudicitia hostis haberi solet, ut Caligula, Sardapalus, & alii.

V. 6. *SI AMBULANS PER VIAM. NIDUM AVIS INVENERIS*. &c. Hic sensus litteralis de vitanda hac crudelitate in bestias, docet etiam mystice alendam esse inter homines mansuetudinem.

V. 8. Domus in Palæstina habebant tecta plana, in quibus ambulabant. Peribolo sepienda erant. Septuaginta vocant *קטיל*, *coronam*.

V. 9. *NON SERES*; hoc est, noli ferere inter vites, duas species seminis; verbi gratia hordeum & avenam: ne, inquit, uvæ & segetes pariter sanctificentur, hoc est polluantur, aut corrumpantur. Sic voluit Deus, ut supra Levit. xix. Inter eas voces quæ contrariam admittunt significationem, est *קדש* *kadash*, *sanctificavit*. Item *benedicere*, est *destruere*, vel *corrumpere* hic.

V. 10. Bos, & asinus inæqualiter gravarentur. Adde, bovem esse mundum animal, asinum immundum.

V. 11. Idem habetur de veste variegata Levit. cap. xix. vers. 19.

V. 12. De fimbriis vide Num. cap. xv. Funiculi sunt crassiora fila contorta, applicata fimbriis per quatuor oras.

V. 15. ET FERENT SIGNA VIRGINITATIS, &c. Hoc signum virginittis putatur esse velum lineam illud usitatum tunc, ut exciperet virginis cruorem, quem effundi in primo concubitu scribit Valerius, de sacra Philosophia, cap. xxv.

V. 21. LAPIDIBUS OBRUENT. Sermo est de ea quæ corrupta ab alio est post sponsalia: alioqui non puniebatur, Exod. xxii. vers. 16. & hic vers. 25.

V. 24. & 25. EDUCES UTRUMQUE AD PORTAM CIVITATIS, &c. Uxorē proximam vocat, quia sponsa est, & promittit futurum coniugium. Illa vero in agro reperta, censetur ex solitudine loci

non consensisse, sed per vim compressa hinc vers. 27. præsumitur clamasse.

EX EIUSDEM AUCTARIO.

V. 18. VERBERABUNT, solito more Iudeorum per quadragenam uno minus. Vide II. Corinth. xi.

V. 29. NON POTERIT DIMITTERE. Hoc limitat Philo, si illa voluerit manere in coniugio.

V. 23. SI PUELLAM, &c. Hoc aliqui intelligunt de desponsata, nondum consummato matrimonio.

V. 28. APPREHENDENS, vim inferens. Est simile aliquid Exod. xxii. 16. sed ibi de compressa blanditiis, hic per vim.

V. 30. Eadem lex est Levit. xx. ii.

CAPUT XXIII.

De his qui ab ecclesia Dei arcendi sunt vel admittendi: Idumæus & Ægyptius non sunt abiiciendi: de pollutione nocturna, & de loco ad necessaria naturæ deputando: de servo fugitivo, de mercede prostituti: fugienda usura erga fratres, de voto, de vinea & segete proximi.

1. **N**on intrabit eunuchus, attritis vel amputatis testiculis, & abscisso veretro, ecclesiam Domini. 2. Non ingreditur mamezer, hoc est de scorto natus, in ecclesiam Domini, usque ad decimam generationem. 3. (a) Ammonites & Moabites etiam post decimam generationem non intrabunt ecclesiam Domini, in æternum: 4. quia noluerunt vobis occurrere cum pane & aqua in via quando egressi estis de Ægypto: & quia conduxerunt contra te Balaam filium Beor de Mesopotamia Syriæ, ut malediceret tibi: 5. & noluit Dominus Deus tuus audire Balaam, vertitque maledictionem eius in benedictionem tuam, eo quod diligeret te. 6. Non facies cum eis pacem, nec quaras eis bona cunctis diebus vitæ tuæ in sempiternum. 7. Non abominaberis Idumæum, quia frater tuus est: nec Ægyptium, quia advena fuisti in terra eius. 8. Qui nati fuerint ex eis, tertia generatione intrabunt in ecclesiam Domini. 9. Quando egressus fueris adversus hostes tuos in pugnam, custodies te ab omni re mala. 10. Si fuerit inter vos homo, qui nocturno pollutus sit somnio, egredietur extracastra, 11. & non revertetur, priusquam ad vesperam lavetur aqua: & post solis occasum regredietur in castra. 12. Habebis locum extra castra, ad quem egrediaris ad requisita naturæ, 13. gerens paxillum in balteo: cumque sederis, fodies per circuitum, & egesta humo ope-

ries 14. quo relevatus es (Dominus enim Deus tuus ambulat in medio castrorum, ut eruat te, & tradat tibi inimicos tuos) & sint castra tua sancta, & nihil in eis appareat scditatis, ne derelinquat te. 15. Non trades servum domino suo, qui ad te confugerit: 16. habitabit tecum in loco, qui ei placuerit, & in una urbium tuarum requiescet: ne contristes eum. 17. Non erit meretrix de filiabus Israel, nec scortator de filiis Israel. 18. Non offeres mercedem prostibuli, nec pretium canis, in domo Domini Dei tui, * quidquid illud est quod voveris: quia abominatio est utrumque apud Dominum Deum tuum. 19. Non scenerabis fratri tuo ad usuram pecuniam, nec fruges, nec quamlibet aliam rem: 20. sed alieno. Fratri autem tuo absque usura, id quo indiget, commodabis: ut benedicat tibi Dominus Deus tuus in omni opere tuo in terra, ad quam ingredieris possidendam. 21. Cum votum voveris Domino Deo tuo, non tardabis reddere: quia requirit illud Dominus Deus tuus: & si moratus fueris, reputabitur tibi in peccatum. 22. Si nolueris polliceri, absque peccato eris. 23. Quod autem semel egressum est de labiis tuis, observabis, & facies sicut promissisti Domino Deo tuo, & propria voluntate & ore tuo locutus es. 24. Ingressus vineam proximi tui, comede uvas quantum tibi placuerit: foras autem ne efferas tecum. 25. Si intraveris in segetem amici tui, franges spicas, & manu conteres: falce autem non metes.

(*) Neh. XIII. 2. Num. XXX. 5.

BRUGENSIS

ROMANA CORRECTIO.

V. 18. *Quidquid illud est quod voveris.* Ser-

vanda est secunda persona singularis *voveris*, reicienda tertia pluralis *voverint*.

COMMENTARIA

S. A.

Vers. 1. **E**CCELSIAM, id est congregationem, scilicet ducta uxore: inepti enim ad generandum.

V. 2. AD DECIMAM. Hebr. *etiam in decima*; quasi dicat: Nullus umquam ex illis ducet Israelitidem; vel quasi dicat, non nisi post decimam generationem: quem sensum videtur secutus noster Interpres.

V. 3. INTRABUNT, scilicet ducendo Israelitidem; feminæ tamen poterant nubere, ut Ruth.

V. 4. MESOPOTAMIA SYRIÆ: sic etiam LXX. at Hebr. *de Pethor Syriæ fluviorum*, scilicet Mesopotamiæ. Chald. *de Pethor Syriæ, quæ iuxta Euphratem*.

V. 11. AQUA, scilicet expiatoria ad id præparata.

V. 15. DOMINO, scilicet Gentili. CON-

FUGERT: scilicet ut fiat profelytus. Aug. quæst. xxxv. in Deuter.

V. 18. PROSTIBULI. Hebr. Chald. & LXX. *meretricis*. CANIS, scilicet venditi, vel permutati: est enim animal palam lascivens. *QUIDQUID ILLUD*, &c. quasi dicat, in quocumque voto.

V. 20. ALIENO. Apparet id Iudeis licuisse, scilicet ad punitionem Gentilium; quidam tamen negant, fuisse licitum, sed permixtum solum.

V. 24. INGRESSUS, scilicet ad vindemiamdum mercede conductus.

V. 25. INTRAVERIS, scilicet mercede conductus ad metendum.

E S T I I.

Vers. 1. **N**ON INTRABIT EUNUCHUS.... ECCLESIAM
Do-

DOMINI. D. Thomas I. II. quæst. cv. art. 111. ad 1. & 11. ecclesiam interpretatur collegium populi: nempe quod constat civibus, quos proprie intelligit, qui possunt agere ea quæ sunt civium; ut dare consilium, vel iudicium in populo; quales, inquit, non sunt viles personæ, item pueri, mulieres, licet generali nomine sunt cives. Et addit: *Poterat tamen dispensative in collegium populi admitti propter aliquem virutis actum; sicut Iudith xiv. dicitur quod Achior dux filiorum Ammon appositus est ad populum Israel, & omnis successio generis eius. Sic ille. Sed non est necesse recurrere ad huiusmodi dispensationem, si per ecclesiam intelligamus populi senatum, quia non dicitur in Libro Iudith, quod Achior in senatum seu concilium populi assumptus sit, sed tantum quod appositus est ad populum Israel. Et confirmatur hæc expositio ex Lib. Ecclesiæ xxxviii. ubi de mechanicis artificibus dicitur: Et non inhabitabunt, nec inambulabunt, & in ecclesiam non transibunt. Super sellam iudicis non sedebunt, & testimonium iudicis non intelligent.*

V. 6. NON FACIES CUM EIS PACEM, NEC QUÆRAS EIS BONA CUNCTIS DIEBUS VITÆ TUÆ IN SEMPTERNUM. Hoc populo præcipitur, non privato cuiquam. Debebat enim populus Dei obfistere felicitati ipsius populi temporali, qui tam hostiliter iis adversatus fuerat; tum quia ad rem publicam spectat publicas iniurias vindicare; tum quia Deus supremus iudex ita præcipiebat. Et tamen iuxta quod supra dictum est ad illud, *Deliges proximum sicut teipsum*, de omni homine illud intelligi; simul debebat Israelitæ Ammonitis & Moabitæ diligere: nempe animum præparatum habere, iis tamquam hominibus eiusdem naturæ, & capacibus eiusdem beatitudinis, loco & tempore opportuno dilectionem huiusmodi ostendere.

V. 19. & 20. NON FENERABIS FRATRI TUO AD USURAM... SED ALIENO. FRATRI AUTEM TUO ABSQUE USURA, ID QUO INDIGET COMMODABIS. Hic aliquid prohibetur, aliquid permittitur, & aliquid præcipitur. Prohibetur usura erga fratres, eadem erga alienos permittitur. Præcipitur autem mutuo gratuita erga fratres necessitatem pa-

tientes, sicut & supra cap. xv. quo loco expressum habes præceptum de dando mutuo fratri indigenti, etiam, ut apparet, sub peccato mortali. Nam vocat impiam cogitationem, quæ a mutuo revocat, contemplatione septimi anni remissionis. Vide ibi plenius.

M A R I A N A E.

Vers. 2. **M**AMZER, id est spurius; sive DE SCORTO NATUS, ut posuit Hieron. sic Ioan. Damascenus ab adversariis vocabatur Mamzur. USQUE AD DECIMAM GENERATIONEM. Hebr. *Etiā decima generatio non ingreditur sibi* (id est ipse) *in ecclesiam Domini*. Et videtur post decimam generationem concedi, quando de Ammonitis, & Moabitibus, quos perpetuo excludit proximo versu, addit, *Non intrabunt in æternum*.

V. 4. QUIA NOLUERUNT VOBIS OCCURRERE CUM PANE ET AQUA. Sed cap. 11. dicitur vendidisse alimenta. Responsio: Initio noluerunt, postea dederunt. BALAA FILIUM BEOR DE MESOPOTANIA SYRIÆ. Hebr. *Filius Beor de Bethor Aram fluviorum*. Numer. xxii. vers. 4. Ubi Hieronymus Bethora vertit ariolum, hic omisit Bethor; sed videtur potius esse nomen loci in Mesopotamia: ea enim est *Aram fluviorum*. Ita Chald. hic dixit, *De Bethor Syriæ, quæ est iuxta Euphratem*.

V. 9. NON FACIES CUM EIS PACEM. Hebr. *Non inquires pacem eorum*. Superius dixit, ut hostibus ante confictum voce præconis pacem denuntiaret. Id cum his gentibus non fore opus ait, cum quibus bellum perpetuum futurum erat.

V. 10. TERTIA GENERATIONE. Hoc referunt ad Aegyptios: nam Idumæi continuo intrabant in ecclesiam. Porro ecclesia hic est vel atrium templi, in quod soli Iudæi intrabant, aut honores & magistratus gentis, a quibus externi excluderantur.

V. 12. HABEBIS LOCUM, latrinas scilicet. Hebr. *Et manus erit*; sed manus pro loco sumitur: quia ut manu ad omnia utimur, sic locus ille communis erat.

V. 13. GERENS FAXILLUM IN BALTEO: sic Sept. *in zona tua*. Hebr. *Clavus erit tibi cum armis tuis*. Chald. *arma*

ma dixit, atque id sentiunt Hebræi; sed significatio vocis *azen* non est perpicua. Rabbi Selomo credit significare *ligonem*; sicque explicat: *Paxillus erit tibi pro ligone. by bal*, id est pro.

V. 14. QUO RELEVATUS ES. Hebr. *Opertes excrementum tuum*.

V. 15. NON TRADES SERVUM DOMINO SUO. Videtur loqui de iis qui serviebant aliis gentibus, & confugiebant in terram Israel.

V. 16. NE CONTRISTES EUM; id est, opprimas novitatem.

V. 17. NEC SCORTATOR. Hebr. *cinædus*, seu *scortum masculinum*: non vult esse eam turpitudinem.

V. 18. QUIDQUID ILLUD EST QUOD VOVERIS. Votum solvi non vult neque ex mercede prostrubuli, neque ex venditi canis pretio: sed quare posterius hoc pretium non vult, non satis constat.

V. 20. FRATRI AUTEM TUO ABSQUE USURA, ID QUO INDIGET, COMMODABIS. Hebr. *Et fratri tuo non fenerabis*. Alia Hieronymus posuit de suo. Ex hoc loco Iudæi putant sibi licere cum externis usuras.

V. 24. & 25. INGRESSUS VINEAM, &c. Hos duos versus intelligunt Hebræi non de omnibus promiscue, ut liceat ad satietatem comedere; sed de operariis, qui in vinea aut segete operantur mercede conducti.

MALVENDAE.

Vers. 1. **E**UNUCHUS, ATTRITIS VEL AMPUTATIS TESTICULIS, &c. Paraphrasis est Hebræa: nos verbatim reddimus (*Non venit vulneratus confusione, & excisus fusorio in congregatione IHU H.*) Alii varie. 1. *fractus attritione*, seu *contritione*; 2. *fractus contritus*, vel *fractus contritione*, seu *contritus fractione*; 3. *laceratus confusione*; id est, *contritus testiculis*; 4. *vulneratus*, seu *laceratus attriti*, vel *attrito*, subaudi *testiculo*; 5. *vulneratus teste*. 6. *qui confusione fractos testiculos habet*; 7. *qui laceratis est testiculis attritus*. Hebr. nulla expressio testiculorum, aut testiculorum: sed omnes eum hic intelligunt, qui vulneratos, faucios, laesos, laceratos, vel fractos, attritos, contusos habet testes. Hispanicus Interpres, *El quebrado de quebradura*. Ita

Hispanice vocamus herniosum, cum fracto, seu rupto peritonæo, intestina in scrotum illabuntur. ET ABSCISSO VERETRO. *שפח שפח* *schaphschaph*, plures hic testiculum interpretantur: *Et abscessus, excellus, succisus, excisus testiculo*: & hoc versus duo genera spadonum explicari: alterum, quod fractos, contusos. seu laesos testiculos habet; alterum, quod penitus excisus & abscissus. Sed plerique *schaphschaph*, *virilia*, *virilitatem*, *membrum virile*, *nervum*, *veretrum*, *penem*, *virgam*, *mentulam* exponunt, quam venerande & honeste sic appellavit Moses, quasi *fulsorium* dicas, quod membro virili effundatur urina, & semen genitale: Tertium genus spadonum, quibus excisus est veretrum. Quidam reddunt: *Et succisus effusione*; id est, qui non valet effundere urinam, & semen ex membro virili. Hos autem excludi ab ecclesia Dei quidam annotant, quod eiusmodi homines ignavi, & fracto animo esse fere soleant, contra quam mandatur supra cap. 1. vers. 17. Ego exilimo, propter eorum pravitatem, nequitiam, libidinem, crudelitatem, quibus omnibus historiis traduntur. Alexander Imperator apud Lampridium: *Tertium genus hominum eunuchos esse dicebat, ne videndum, nec in usu habendum a viris, sed vis a feminis nobilibus*. ECCLESIAM DOMINI. Hebr. *congregationem, calum, synagogam, ecclesiam IHU H.* Quidam hic *Ingreddi ecclesiam Dei* intelligunt habere commercium cum populo Dei, & habere ius ducendi Israelitidem; quasi dicat: Virgines, aut mulieres Israelitides non nubent iis qui fractos habent testiculos, aut virilia amputata: inepti ad generandum non ducunt Israelitidas in uxores. Alii intelligunt, hos, & sequentes Ammonitas, & Moabitas, non quidem excludi a fide, religione, & sacris Iudæorum: nam poterant fieri phylæi: sed a societate politica, & iure ac privilegiis civium; ut non gauderent privilegiis politicis. Melius alii accipiunt, eiusmodi genera hominum excludi proprie ab administratione reipublicæ; quasi dicat: Magistratum, & munus publicum in populo Dei ne gerito: nam hæc, quominus de interdicto a sacris accipiatur, impediunt leges Exod. xii. vers. 48. Numer. ix. vers. 14. & aliæ multæ: de interdicto quoque matrimonio intelligi non de-

here, vel Ruthæ exemplum ostendit, quæ Moabitibus cum esset, interveniente magistratus auctoritate, totiusque populi acclamatione, Bohazo Israelitæ nupsit. Vide Lyranum huc.

V. 2. MAMZER. Reliquit ipsam vocem Hebræam. א זר *zur* deducunt, aiuntque esse extraneum, spurium, nothum, illegitimum, qui non ex propria & legitima uxore, sed aliena muliere natus est, seu damnato & reprobato coitu. Quidam ex *scorto natum* interpretantur; alii ex *incestu*. Nonnulli Hebræorum exponunt, *Exclusum, expressum corrupto & abominabili modo*. Alii compositum faciunt quasi א זר *zur*, macula aliena; id est, eum in quo ortus, & sanguinis alieni macula, seu nota est. Hispani vocant *manchabo, nolsupio*. Hispanicus Interpres, *bastardo*. Nec desunt qui *hybridam* velint. USQUE AD DECIMAM GENERATIONEM. Hebr. Etiam generatione decima non venit sibi in congregatione IHUH. Quidam exponunt, id est, nunquam. Denarius enim est absolutus atque perfectus. Sequenti versu se explicare videtur: Etiam generatione decima non venit sibi in congregatione Domini usque in æternum. Alii reddunt: Etiam decima eius generatio ne venito in congregationem Iehove; id est, nullus descendendum ex eo, nam spurius est: hæc autem sic accipienda, inquirunt, sunt, si nempe res innoverit, & mater fuerit prostibula, ex quo probosa efficeretur hominis administratio. Iephthe vero corruptissimis temporibus extra ordinem vocavit Deus, Iudic. xi. qui ordinariæ vocationis leges indixit hominibus, ac non imposuit necessitatem sibi: tum ex concubina fuit, non autem ex meretrice publica genitus. Ergo *manzerem* exclusum a publica administratione putant, propter infamiam & probrum: ego & propter nequitiam puto, qua id genus hominum laborare solet.

V. 4. QUIA NOLUERUNT VOBIS OCCURRERE CUM PANE ET AQUA, &c. Vide supra cap. ii. vers. 19. & 29. Verbum קדמו *kiddemu*, proprie est, non anterioraverunt, anteverterunt, anticipaverunt, præoccupaverunt, prævenerunt vos, non occurrerunt vobis; non venerunt ante vos, vobis obviam. ET QUIA CONDUXERUNT CONTRA TE BALAAM.

Hebr. singulare: Et quod conduxit contra te Balaam, &c. nempe Moabita, Numeror. xxii.

V. 6. NON FACIES CUM EIS PACEM, &c. Hebr. Non queres pacem eorum. Quidam exponunt: Numquam consulas tranquillitati, utilitati, prosperitati eorum. Alii: Ne queras quod ad eorum pacem & salutem pertineat. Nonnulli: Id est, cum illis ne ambias fœdus, quo bono esset illis, & tibi damno.

V. 9. CUSTODIES TE AB OMNI RE MALA: nimirum quæ cum æquitate & honestate pugnet; ut solet licentia militaris extra fines æqui & honesti effundi.

V. 11. LAVETUR AQUA. Intelligunt, expiatoria scilicet illa, de qua Numer. xix.

V. 12. HABEBIS LOCUM EXTRA CASTRA. Hebr. Et manus erit tibi deforis ad collimationem. Manum hic fere omnes locum interpretantur. Quidam, spatium. Ego, secessum: quod Hispanice dicimus *un lugar a mano*, id est, locum secrete, designatum, compositum. Alii: *vallem*, vel *diverticulum* vertunt, quod illa sint veluti manus, & brachia terræ. AD QUEM EGREDIARIS AD REQUISITA NATURÆ. Hebr. Egredieris illuc foras, vel extra, nimirum ad purgandum alvum, ex sequenti versu. Sic Scriptura gravitatem & decorum servat in rei huius enuntiatione.

V. 13. GERENS PAXILLUM IN BALTEO. תנ"י *iated*, aiunt esse clavum ex qualibet materia, qui vel terræ insigitur, vel parieti, ex quo aliquid suspendatur, vel quo terra effoditur: *palum, paxillum, palam* vertunt. Quidam volunt esse *paxillum amentatum*, quem Latini *rutabulum* vocant apud Festum. Castellani appellant *mecedero*, vel *burgonero*. Valentini: *giradora*. Hispanicus Interpres, *flaca, fudes*. IN BALTEO. אזנעה *azenecha*, plurale cum affixo. אזנים *azenin*, aiunt esse arma. Quidam volunt nomen esse generale, seu collectivum omnium instrumentorum, quæ semper ad usum profanum erant exposita; nimirum a verbo תן *zun*, *proflare, profluiti*. Alii secuti LXX. & sonum vocis. *zonam* vertunt. Hebræorum aliqui, *ligonem*. Nonnulli, תן *azen*, aiunt esse *paxillum*, instrumentum habens formam auxiculæ, seu lancis, instar palæ recurvatæ.

Nec

Nec defunt qui *bilancem*, seu *stateram* exponant. Unde varie hic reddunt. I. *Et paxillus erit tibi cum armis tuis*; id est, paxillum habebis cum ense tuo, id est inclusum in vagina ensis tui, ut solent deferri gladii minores inclusi ensis vaginae. II. *Et paxillus sit tibi iuxta instrumenta tua*. III. *Et paxillus erit tibi super, ultra, præter arma tua*. IV. *Et lignum præcutum, fudes, erit tibi in balteo*. V. *Et clavus erit tibi iuxta paxillum tuum*; id est, paxillum tuum quo effodies terram, suspensum habebis e clavo. VI. *Clavus erit tibi super bilancem*, seu *stateram* tuam. Solebant, inquit, forte Iudæi stateram seu cum ad bella deferre ad emendum. & vendendum, cum qua tenebantur hunc deferre clavum. Putida interpretatio. VII. *Et paxillus erit tibi pro legione*, vel *vice legionis*, ad effodiendam humum. *Azencha* quidam singulare faciunt; alii plurale, quod est rectius. CUMQUE SEDERIS. Hebr. *In sedere te foris*, vel *cum sessurus eris foris*, aut *quando desiderare voles extra*, scilicet ad solvendum ventrem. Honeste egestionem alvidesignat, quæ sedendo fieri solet. FODIES PER CIRCVITUM. Scrobiculum excavabant, in quam onus ventris egerent. PER CIRCVITUM, ET EGESTA HUMO OPERIES. Honellius Hebr. *Et reverteris, & cooperies exitum tuum*. Illud *Et reverteris* Noster intellexit *per circuitum*: sed est notissima phras. Hebraica, *& reverteris, & cooperies*; id est iterum cooperies; id est, effossam humum rursus, denuo iniicies in scrobiculum, & reges egesta tua: vel indicat semel, iterum, atque iterum operienda excrementa, ut bene recta, & cooperata non exhalent foetorem.

V. 14. AMBULAT IN MEDIO CASTRORUM. Participium מְחַלֵּץ *miḥalēch*, & Hithaphel, innuit assiduam, frequentem, continuam deambulationem, id est magnam & intimam præsentiam, conversationem, & familiaritatem Dei in intimo castrorum Israelitarum, ut quasi intimus & familiarissimus cum illis versaretur. Vide Genes. v. vers. 4. Unde quidam vertunt: *Nam Iehova Deus tuus indefinenter ambulat, conversatur, in intimo castrorum tuorum*. ET SINT CASTRA TUA SANCTA. Hebr. enallage numeri: *Erit castra tua sanctum*. Quidam resolvunt: *Et*

erit locus castrorum tuorum sanctus. Sed enallage vim habet: *Et erit castra tua*, id est unumquodque e castris tuis, *sanctum*. Hebræi duo castra constituunt, alia minor, ubi arca erat, & castra Levitarum, quæ appellabantur *castra divinitatis*: alia maiora, quæ dicebantur castra Israel, & castra populi. Vel, unaquæque castrametatio, turma contubernium. NE DERELINQUAT TE. Hebr. ad verbum: *Et reverteretur de posterioritatibus tuis*. Quidam: *Et avertatur de post te*: vel *se avertat a te*; id est, deserat te. Hispanicus Interpres, *T se buelva de empos de te*, id est de *passoreare*: nimirum ne sit pastor tuus: quod pastor sequi soleat oves, Psalm. lxxvii. vers. 30. Ipse intellexerim, ne se veritat in posteriora, ne posteriora sua sibi obvertat: solent enim principes viri quando sceditatem aliquam conspiciunt, terga vertere, & faciem pone avertere.

V. 15. NON TRADES SERVUM DOMINO SUO. Quidam arstant ad servum gentilem gentilis domini, si fieri vult proleptus, & ad cultum Israeliticum transire: aliqui cum æquitate pugnaret, privare dominos servis fugitivis.

V. 17. NEC SCORTATOR. קַדְשׁ *kadesch*, a verbo קָדַשׁ *kadasch*, *sacrum*, & *sanctum esse*, significatione contraria, seu per antiphrasim, aiunt esse communem hominem, extra coniugium, profanum, profanatum, pollutum, impurum, rei venere de dictum, quique vas suum in sanctificatione & honore non possidet, scortatorem, meretricarium. Unde hic reddunt: *Non sit impurus de filiis Israel*. Alii gravius esse quem scortatorem, aut meretricarium putant; voluntque esse meritorium, passium, cinedum, contaminum, scortum masculum, proflibulum maren, quasi abominando; seu nefando libidinis scelerei consecratum: vel ironice, & per antiphrasim, *sanctum, sacrum*, id est execrabilem, nefandum, impurum. Noster ubicumque hæc vox alibi in Scripturis occurrit (& non alias nisi in plurali legitur) semper effeminatos convertit.

V. 18. NON OFFERES. Hebr. *Non venire facies, adduces, inferes*. MERCEDEM PROSTITUTI. Hebr. *merendam*. Latini *capturam*, meretricis: qua voce usi sunt Seneca pater Lib. I. controversia 11. Suetonius in Caligula cap. xl. Alii,

donz.

donationem, donum, donarium, donativum, datum meretricis. Disquirunt Theologi num mulier pro eo usu corporis mercedem licite exigere, & recipere possit: & plerique eorum affirmant. Sed non vult Deus, quod illicito usu corporis acquisierit mulier, quidquam veri & nuncupari tabernaculo Dei, cum velit illud caste & reverenter coli: & ideo omnia quæ iniquitate & peccato parata sunt, quæque vilitatem, ignominiam, aut turpitudinem coniunctam habent, penitus submovet, & excludit a domo sua: ut nihil eorum sive pro structura, sive pro sacrificio, sive pro quovis alio usu templi offerri, aut impendi permittat. **NEC PRETIUM CANIS.** Quidam accipiunt de pretio quod accipiebatur ab illis qui conducebant canes venaticos, & custodes ovium ad imprægnationem canicularum: quia id turpe erat. Alii simpliciter de pretio, seu pecunia, aut quavis commutatione canis, quia canis animal vilissimum in Scripturis habetur, I. Samuel. xvii. vers. 3. & II. Samuel. xxi. vers. 8. & sub cane per synecdochē quodcumque aliud animal abiectionis intelligi volunt. Nonnulli pretium canis interpretantur mercedem meritorii, seu cinedi, quem ad detestationem flagitii canem vocat. Sic autem Horatius epod. v. de meretricibus loquens:

Latrent Suburranae canes.

Nam meritorii & meritoriarum cum canibus impudentia & obsecratione certant. Huic autem interpretationi optime convenire aut cum antecedenti versu.

V. 19. NON FENERABIS FRATRI TVO AD USURAM. Verbum נָשָׁא *naschab*, proprie est mordere, arrodere, corrodere, ut serpens dentibus mordet, & rodit, Numer. xxi. 9. Deinde metaphoricè transfertur a serpente ad usuram usura morsum & corrosione: nam ut serpens mordendo necat, ita usura hominis substantiam & facultates recte ac sensum mordet, arrodit, perdit, consumit. Inde נָשָׁא *neschech*, usura, fenus, quasi morsus & arrosio. Hic vertunt: Non morsum inferes fratri tuo: vel non usurabis fratri tuo usura argenti, &c. Alii: Non dato in usuram fratri tuo usuram pecunie, &c. Verbum *naschab*, hic est ex Hiphil, Hebræi transitivum in tertium esse volunt: Non mordere facies; non morsum inferes: atque ita

Bib. Sac. Tom. III.

distinguunt, *Faciens mordere, mordens; morsus.* Mordet usura, mordetur qui accipit, facit mordere qui dat: & usura est morsus. Potest verti: Non fenore arrodere, opprimes fratrem tuum: sic vers. seq. **NEC QUAMLIBET ALIAM REM.** Hebr. *Morsum omnis verbi quod mordebit:* seu usura omnis rei quæ mordebit. Proculdubio alludit ad etymon nominis usura, quæ Hebraice *neschech*, morsus appellatur, quod substantiam hominis velut arrodit & perdat: unde etiam Hebræi Doctores adhortationem hic esse colligunt ad eum qui mutuo accipit, ne se ita mori, & suarum rerum arrosioni exponat. Elegans est metaphora. Aliqui hic convertunt: *Neque qualibet re quæ mordebit*, id est usurabit, seu usurare poterit. Alii: *Fenus cuiuscumque rei quæ usuram pariat*; id est, neque quancumque rem quæ usuram parit, aut parere potest. Nonnulli: *Usuram ullius rei quæ in usuram datur.*

V. 20. SED ALIENO. Usuram pugna-re cum iure & æquitate naturæ, non est dubium. Quidam hic volunt permittam Iudæis a Deo erga extraneos, non ut licitam, sed ut minus malam, genti alieni qui in avaritiam propensissimi. Alii dissentunt, Deum dominum omnium rerum recte potuisse Iudæis licite permittere ut ex aliorum bonis ditarentur: non quod aliena rapere aut detinere liceat, sed sua, Dei dono illis concessa, ut illis etiam concessit bona Aegyptiorum, cum essent ex Aegypto discessuri. Nonnulli hic reddunt: *Extraneo isti dabis in usuram*; id est, reliquis istis Chananæorum, iuxta cap. xxviii. vers. 12. illas enim Deus exitio destinaverat, & paulatim consumi volebat, supra cap. i. vers. 21. Vide S. Ambrosium Lib. de Tobia cap. xv.

V. 21. NON TARDABIS. Verbum נָחַח *echar*, proprie est, non posteriorabis, postmanebis, retroromanebis, moraberis, cunctaberis, tardabis, differes.

V. 23. QUOD AUTEM SEMEL EGRESSUM EST DE LABIIS TUIS. Hebr. *Egressum, exitum, prolationem, egressionem laborum tuorum.* Vide Ecclesiastes v. vers. 3. & 4.

V. 24. INGRESSUS VINEAM, &c. Quidam secuti Chaldæum Interpretem, de vindemiatoribus mercede conductis hanc legem intelligunt: Id est, cum locaveris

Nnn

ope-

operam tuam tempore vindemiæ proximo tuo: voluntque non permitti vindemiatoribus uvas efferre in sporta sua. Sed non dubito legem esse generalem, & ad quoscunque, nedum vindemiatore pertineret.

V. 25. SI INTRAVERIS IN SEGETEM AMICI TUI, &c. Et hanc quoque legem ad messorum mercede conductos asstringunt; sed generalem esse, factum Apostolorum satis evincit Matth. xii. vers. 1. FRANGES SPICAS. Verbum *σπάσας*, per *vellere*, *evellere* vertitur Matth. xii. vers. 1. Marci ii. vers. 23. Lucæ vi. vers. 2. FALCE AUTEM NON METES. Hebr. *Et falcem non agitas, elevabis super segetem*; id est, segetem non secabis, quam efferre voles.

MENOCHII.

Vers. 2. **N**ON INTRABIT... ECCLESIAM DOMINI. Intrare ecclesiam idem est quod in civium numerum censeri, & de populo Israelitico reputari, perinde ac si sex duodecim Patriarchis oriundus esset, atque adeo, uti & ceteros cives munerum, & dignitatum publicarum capacem fieri. Hac igitur lege sancitur, ne quis eunuchus in Israeliticum populum admittatur, quantumvis Iudaismum complecteretur.

V. 2. MAMZER, HOC EST DE SCORTO NATUS. LXX. ex meretrice, *ἐκ τῆς πορνῆς*. Fortassis sermo est tantum de alienigenis mamzeribus: hos enim inter suos viles, & contemptibiles propter pudendos natus, non vult admitti in ecclesiam, etiam si religionem Iudaicam suscipiant, nisi post decimam generationem. USQUE AD DECIMAM GENERATIONEM, inclusive. Undecimus ergo nepos ex mamzere, diuturnitate temporis absterfa macula, ingredi poterat.

V. 3. AMMONITES, ET MOABITES, &c. hi numquam in ecclesiam admittentur: intellige, nisi tam præclara essent viri alicuius Ammonitæ, vel Moabitæ merita, ut contra rationem videretur eum a Dei populo repellere. Sic admittitur Achior Iudith xiv.

V. 6. NEC QUÆRAS EIS BONA, &c. cum eis non communicabis quo ad convictum, & commercia temporalia.

V. 7. FRATER TUUS EST: iisdem

maioribus natus, Isaac scilicet, & Abraham. ADVENA FUISTI IN TERRA EIVS, & aliquo tempore ibi populus benigne habitus est.

V. 8. TERTIA GENERATIONE, a suscepta lege Iudaica.

V. 9. CUSTODIES TE AB OMNIRE MALA, ab omni flagitio, & iniustitia, & peccato: militia enim magnam occasionem, & licentiam prave agendi suppetat.

V. 10. EGREDIETUR EXTRA CASTRA. Bonfrerius hoc intelligit de templo, aut atrio; ita ut qui sacerdos verbi gratia pollutus fuisset, extra hæc septa egredi deberet; qui vero iustus non esset, pollutione prohibente, ingredi non posset.

V. 11. LAVETUR AQUA, non caustrali, cuius compositio describitur Num. xix. fed aqua vivente, fluviali scilicet vel fontana.

V. 12. HABEBIS LOCUM EXTRA CASTRA, &c. Id constitutum partim ob naturalem honestatem, partim ob sanitatem.

V. 13. PAXILLUM, breve aliquod instrumentum ad effodiendam terram. CUMQUE SEDERIS, cum alvum deieceris. QVO RELEVATUS ES, excrementa.

V. 14. DEUS AMBULAT IN MEDIO CASTRORUM, scilicet propter arcam.

V. 15. NON TRADES SERVUM DOMINO SUO, &c. Si dominus mancipium suum iniuste vexet, ne tradas, donec ira refoverit.

V. 17. NON ERIT MERETRIX, &c. Prohibentur meretrices, quæ pretio vulgarent corpora, & prostibula.

V. 18. NON OFFERES MERCEDEM PROSTIBULI, &c. ut solebant Ethnici, apud quos meretricius quæstus idolis consecrari consueverat. NEC PRETIUM CANIS, parituræ canem generosum, verbi gratia venaticum, ex quo qui proles expectunt, Domino pretium dant: hoc pretium ut indecorum offerri prohibetur. Vel nomine canis, publica meretrix intelligitur, quæ cinica, ac prorsus canina impudentia corpus vulgat. QUIDQUID ILIUD EST QUOD VOVERIS. Quasi dicat: Non solum non offeres pecuniam illam, sed nec aliam quamlibet rem quam voveris, pretio illo comparabis.

V. 20. SED ALIENO. Deo ita conceden-

dente, qui omnium Dominus est, & illa cui voluerit, dare potest. COMMODABIS: mutuo dabis.

V. 21. NON TARDABIS REDDERE, nisi forte voti executio certo cuidam tempori fuerit alligata: tunc enim in illud differri potest.

V. 24. INGRESSUS VINEAM, &c. Eadem ratio videtur de aliis aliarum arborum fructibus.

T I R I N I.

Verf. 1. **N**ON INTRABIT ECCLESIAM DOMINI. Per ecclesiam hic non intelligitur religio Iudaica, aut locus tabernaculi vel templi, quia ad hæc patebat statim aditus cuius alienigenæ, dummodo circumcissus esset, & proleptus; sed ius civium, seu populi Israelitici. Sicut enim apud Romanos maxime fiebat ius civium, quo specialiter gratia subinde exteri donabantur, atque ita capaces fiebant munerum, & dignitatum publicarum, perinde atque si Romæ nati fuissent; ita voluit Deus etiam apud Iudæos esse peculiaria iura & privilegia civium Iudæorum, quibus alienigenæ subinde donari quidem possent, sed certis tantum casibus: ac tum perinde accensebantur illi Iudæis, ac si ex illis aut Patriarchis oriundi fuissent, atque adeo instar reliquorum civium adibant hereditatem, & possessionem agrorum in terra sancta, & capaces erant omnium munerum publicarum ac dignitatum. Et quidem Idumæi, propter consanguinitatem, utpote ex eodem communi cum ipsis parente Isaac prognati; item Aegyptii, propter peculiaria beneficia olim Israelitis collata, permittuntur tertia generatione a suscepta religione Iudaica, hoc modo adscribi populo Dei. De scorto publice nati alienigenæ (de quibus solis hic agitur) quia etiam apud suos hoc nomine viles & contemptibiles esse solent, non nisi post longum tempus, abolita iam macula & infamia, nempe post decimam demum generationem adscribi permittuntur. Moabitæ, & Ammonitæ, propter frequentiam maleficia, & eandem vixissimiliter ob causam Amalecitarum quoque, & omnes Chanaanæ, numquam adscribi potuerunt: uti neque eunuchi, quocumque demum casu

virilitatem exuissent. Sed & hoc ad alienigenas solos spectabat. Nam Iudæis, licet omnis ipsis caltratio seu hominum, seu animantium vetita esset, teste Iosepho a; si quo tamen casu vel a natura, vel a latrone, aut tyranno caltrari contigisset, id fraudi non erat. Intelligere vero prædicta cum hac exceptione, nisi tam præclara essent alicuius alienigenæ merita, ut populo Dei ad ascendendum iure videri posset. Sic contigit Rahab meretrici Iosue vi. & Achior Ammonitæ Iudith xiv. & aliis qui subinde iura civium adepti sunt.

V. 17. NON ERIT MERETRIX.... NEC SCORTATOR. Puta publici, seu auctoritate publica constituti aut permixti, quævis gratia corpora sua vulgantes. Alioquin ex matre lephthe b, & illis apud Salomonem litigantibus, & aliis Scripturæ locis d sat constat, non desuisse privatas apud Iudæos meretrices, & scortatores. Nisi cum Procopio, Theodoro, Serario e, & Bonifratro dicere malis, hic folum vetari Iudæis, ne in honorem Dei, ut solebant Gentiles in honorem idolorum, evulgent sua corpora. Neque exmercede prostituti, id est pretio meretricis occultæ, vel saltem in prostibulo delitescuntis: neque ex pretio canis; id est, ex canina seu publica, & in propatulo scortatione collecto, quidquam offerant Deo, aut ad offerendum coeant victimam. Nam & hoc apud Gentiles ex eiusmodi foribus sacritari solitum, patet ex Baruch, & Michæa Prophetis, Herodoto, Strabone, Athenæo, Clemente Alexandrino, Augustino, Athanasio, & Villalpando f. Et ad Iudæos quoque dimanasse eiusmodi tum puellarum, tum puellorum prostibula, colligitur ex III. Reg. xiv. verf. 24. & IV. Reg. xxiii. verf. 7. & II. Mach. iv. verf. 12. Et vero, si Severus Imperator indecorum putavit tributa quæ ex meretricio quæstu colligebantur, in sacrum ærarium inferri; quanto magis probrosum sit ea Deo offerri?

V. 19. & 20. NON FENERABIS FRATRI TUO... SED ALIENO. Hoc ex privilegiis civium Iudaicorum unum erat, quod indigentibus illis mutuum gratuito donandum esset sine usura; ab aliis vero non civibus, etsi proselyti essent, etiam usuras accipere possent Iudæi. Licet enim iure

naturæ sit illicita usura, utpote quæ ex re per se in frugifera, & sub alterius dominio exsistente lucrum quærit, & colligit; Deo tamen potestate supremi domini sui supercrefcentis fenus largiente Iudæis, factum ut id licite accipere possent ab alienigenis; eodem modo quo, volente Deo, licuit Iudæis Aegyptum spoliare; licuit libellum repudii dare; licuit plures simul uxores habere. Quæ omnia alioqui repugnant iuri naturæ, concessa tamen Iudæis a Deo ob duritiem cordis eorum, ne, ut erant lucro nimis inhiantes, extorquerent fenus etiam a fratribus suis Iudæis. Qua concessione iam cessante, & sublatis omnibus synagogæ privilegiis, immo extincta sepultaque synagoga, manent quoque iure naturæ prorsus illicitæ omnibusque vetitæ usuræ. Quod addo propter modernos Iudæos perpetuos usurarios, & Calvinum, qui permittit fenus a divitibus exigi. Quam vero semper id detestata sit natura, doceant exempla pene omnium nationum, etiam Gentilium, quæ strictissimis legibus usuras omni tempore g vetuerunt.

(a) Ioseph. sup. Lib. IV. cap. viii.

(b) Iudic. xi.

(c) III. Reg. iij.

(d) Levit. xxi. vers. 7. & 14; & Ioseph. supra.

(e) Serr. in cap. ii. Iosue.

(f) Baruch. vi. vers. 4; Michæ 1. 7. Herod. Lib. 1. sub finem. Strabo Lib. VIII. & XII. de meretricibus. Athenæus Lib. XIII. cap. vi. Clemens in adhortatoria ad Gent. Athan. Orat. contra idola Villalp. in Ezech. xliiii. Lib. IV. cap. lxxx.

(g) Vide exempla apud Cornelium a Lapide.

G. O. R. D. O. N. I.

Verf. 1. **P**ER ecclesiam intellige vel atrium templi, seu tabernaculi, vel, quod probabilius est, congregationem Domini, ut censeatur Israelita, & plane de populo Dei, quo ad iura civilia & honores. Sic ergo proselyti undecumque essent, non repellbantur a pbase, sacramentis, & fide, sed a plmo, & politico iure Israelitarum. Si autem ne quidem proselyti essent tales, conversatio cum illis, velut periculosa, vetabatur. Hic verf. 6. admittuntur tamen horum aliqui ad ecclesiam Domini plene, post tertiam generationem, computandam ab eo qui primus fuit ad Iudaismum conversus, ut hic verf. 8. & Num. cap. xxxv.

P. 6. NON FACIES CUM EIS PA-

CEM, &c. Continuum cum his bellum denunciatur, sic scilicet ut numquam cum his pax firmetur; hostilem vero sic animum habere iubet, ne noceant alioqui: sic autem non admittere ad fœdera, & familiarem amicitiam, ob finem bonum, nihil habet contra ordinem caritatis. Iubentur ergo ab his tamquam ab hoste cavere.

V. 13. GERENS PAXILLO IN BALTHEO, &c. *Paxillus* exiguum instrumentum ad fodiendam terram, instar asciole. Septuaginta *παζαλοι* vocant, *ἐπὶ τῆς ζώνης σου*.

V. 15. NON TRADES SERVUM DOMINO SUO, &c. Non hic de servo Hebræo, sed de mancipio agi videtur, eoque fugitivo, sed quando ob iustam causam fugit ab hero suo: verbi gratia, quia vel Iudaismum amplecti vult, vel gravia damna, & mortem timet ab hero. Et certe falso putantur domini habere in servos necis potestatem.

V. 17. & 18. Lex hæc verf. 17. non vult esse lupanaria, & meretrices, quæ pretio corpora sua habent turpiter venalia; hoc tamen non efficiebat ut clam tales non essent: verum autem 18. vetat offerre Deo donaria meretricio quaestu oblata, ut faciebant Gentiles; sicut pretium canis offerendum non est, forte quodvis vel nullius momenti, vile & abiectum, aut, ut interpretatur Iosephus Lib. IV. Antiquit. cap. viii. pretium pro admittura canis nobilioris, & venatici acceptum; **QUIA,** inquit, **ABOMINATIONE EST.**

V. 19. & 20. NON FENERABIS. Certe (quidquid dicat Calvinus) usuræ erant vetitæ in lege veteri, Ezech. xviii. vers. 8. item Psalm. xiv. vers. 5. & Psal. lrv. vers. 12. hic ergo tantum est quædam permissio facta illi populo ad duritiam cordis. Immo tantum permisit Deus; hoc est, non punivit. Vide cap. xxviii. vers. 12. & supra cap. xv. ubi de mutuo.

EX EIUSDEM AUCTARIO.

V. 3. Tamen Iudith xiv. Achor admittus est in sortem Iudæorum. Putant ergo aliqui, ob magna alii cuius merita, & nobilitatem, potuisse quandoque admitti.

V. 7. IISDEM MAIORIBUS, scilicet Abrahamo, & Isaac. Populus etiam in Iudæa benigne habitus est.

V. 8.

V. 8. TERTIA GENERATIONE, 2. recepta lege Iudaica.

V. 11. LAVETUR AQUA, scilicet communi, non illa lustrali de qua Numer. XIX.

V. 13. QUO RELEVATUS EST, excrementis.

V. 14. DEUS AMBULAT. Hoc explicari solet propter arcam.

C A P U T XXIV.

Libellus repudii permittitur: misericordia in debitores pauperes: non neganda merces: de iudicio advenæ & pupilli, de reliquiis messis ac vindemiæ.

I. (a) accepit homo uxorem, & habuerit eam, & non invenerit gratiam ante oculos eius propter aliquam scditatem; scribet libellum repudii, & dabit in manu illius, & dimittet eam de domo sua. 2. Cumque egressa alterum maritum duxerit, 3. & ille quoque oderit eam, dederitque ei libellum repudii, & dimiserit de domo sua, vel certe mortuus fuerit: 4. non poterit prior maritus recipere eam in uxorem: quia polluta est, & abominabilis facta est coram Domino: ne peccare facias terram tuam, quam Dominus Deus tuus tradiderit tibi possidendam. 5. Cum accepit homo nuper uxorem, non procedet ad bellum, nec ei quippiam necessitatis iniungetur publicæ, sed vacabit absque culpa domi suæ, ut uno anno lateatur cum uxore sua. 6. Non accipies locopignoris inferiorem, & superiorem molam: quia animam suam opposuit tibi. 7. Si deprehensus fuerit homo sollicitans fratrem suum de filiis Israel, & vendito eo accepit pretium, interficietur, & auferes malum de medio tui. 8. Observa diligenter ne incurras plagam lepræ, sed facies quæcumque docuerint te sacerdotes Levitici generis, iuxta id quod præcepi eis, & imple solícite. 9. (b) Memento quæ fecerit Dominus Deus vester Mariz in via cum egredere mini de Ægypto. 10. Cum repetes a proximo tuo rem aliquam, quam debet tibi, non ingredieris domum eius ut pignus auferas: 11. sed stabis foris, & ille tibi proferet quod habuerit. 12. Sin autem pauper est, non pernoctabit apud te pignus, 13. sed statim reddes ei ante solis occasum: ut dormiens in vestimento suo, benedicat tibi, & habeas iustitiam coram Domino Deo tuo. 14. (c) Non negabis mercedem indigentis, & pauperis fratris tui, sive advenæ, qui tecum moratur in terra, & intra portas tuas est: 15. sed eadem die reddes ei pretium laboris sui ante solis occasum, quia pauper est, & ex eo sustentat animam suam: ne clamet contra te ad Dominum, & reputetur tibi in peccatum. 16. (d) Non occidentur patres pro filiis, nec filii pro patribus, sed unusquisque pro peccato suo morietur. 17. Non pervertes iudicium advenæ, & pupilli, nec auferes pignoris loco viduæ vestimentum. 18. Memento quod servieris in Ægypto, & eruerit te Dominus Deus tuus inde. Idcirco præcipio tibi ut facias hanc rem. 19. Quando messueris segetem in agro tuo, & oblitus manipulum reliqueris, non reverteris ut tollas illum: sed advenam, & pupillum, & viduam auferre patieris, ut benedicat tibi Dominus Deus tuus in omni opere

ma-

manuum tuarum. 20. Si fruges collegeris: olivarum, quidquid remanserit in arboribus, non reverteris ut colligas: sed relinques advenæ, pupillo, ac viduæ. 21. Si vindemiaveris vineam tuam, non colliges remanentes racemos, sed cedent in usum advenæ, pupilli, ac viduæ. 22. Memento quod & tu servieris in AEGYPTO, & idcirco præcipio tibi ut facias. hanc rem.

(a) Matth. v. 31. XIX. 7. Marc. x. 4. (b) Num. xii. 20. (c) Levit. xix. 23. Tob. iv. 15. (d) IV. Reg. xiv. 6. II. Par. xiv. 4. Ezéch. xviii. 20.

B R U G E N S I S.

ROMANAE CORRECTIONES.

Vers. 5. *Sed vacabit absque culpa domi sue.* Cave ne scribas, ut quidam, tertium casum domus pro secundo domi.

V. 6. *Quia animam suam opposuit tibi.*

Non est legendum relativum *qui*, loco coniunctionis *quia*. Porro *opposuit*, quod est obligavit, seu oppignoravit, eleganter emendatum est ex *apposuit*, quod est in aliis exemplaribus, id est vocalis quarta ex prima.

C O M M E N T A R I A.

S A.

Vers. 1. **H**ABUERIT. LXX. *cohabitaverit*. Chald. *concubuerit*. SCRIBET, &c. non dicit licere; sed iubet ne dimittatur sine libello, quamquam forte licebat.

V. 4. **POLLUTA**, scilicet concubitu secundi viri. Hinc videtur non licuisse secundo nubere. Et **ABOMINABILIS FACTA**. Hebr. Chald. & LXX. *Quia id abominatio est*, scilicet illam recipere.

V. 6. **ANIMAM SUAM OPPOSUIT**; id est, *vitam propignore dedit*, ut est Hebr. & apud LXX. at Chald. *Quia cum ipsis sit esca omni anime*; quasi dicat: Quia necessarii sunt ad parandum cibum.

V. 7. **SOLICITANS**. Hebr. Chald. & LXX. *furatus*.

V. 8. **INCURRAS**, scilicet per peccatum, ut Maria soror Moysis. **FACIES**, scilicet ubi incurris. Figura hæc Sacramenti confessionis.

V. 13. **ANTE SOLIS OCCASUM**. Hebr. & Chald. *ad solis occasum*. LXX. *circa solis occasum*. **IUSTITIAM**; quasi dicat: Iustus habebis coram Domino in ea re.

V. 16. **MORIETUR**, id est occidetur, scilicet iudicis sententia.

E S T I I.

Vers. 1. **S**CRIBET LIBELLUM REPUDIII. Utrum repudium in veteri lege fuerit permissum tantum, an etiam licitum, vide hic prolixè Lyranum, & Burgensem. Lyranus priorem partem tener, & est communis doctrina; Burgenfis posteriorem; sed non satis solide probat. Et videtur esse contra verba Salvatoris Matth. xix. dicentis; Deum id permisisse iudeis ad duritiam cordis eorum. Sic & Hieronymus in Matth. xix. & fundatur in Scriptura Genes. 11. & etiam tempore legis Mosaicæ apud Jeremi. cap. 31. Porro quod hic dicitur: *Si acceperit homo uxorem, &c. non invenerit gratiam ante oculos eius propter aliquam fœditatem*, scribet libellum repudii: nonnulli per fœditatem intelligunt adulterium, quod forte soli marito notum sit. Verum in Evangelio, ubi pharisæi hac de re questionem movent Domino, dicitur, *Ex quacunque causa*. Neque Christus eam allegationem reprehendit, sed tantum corrigens quod dixerant: *Mandavit Moyses*, pro eo supponit, & dicit: *Quoniam Moyses ad duritiam cordis vestri permisit vobis dimittere uxores vestras*; nihil corrigens in eo quod dixerant, *Ex quacunque causa*. Deinde hoc loco statim post dicitur: *Cumque egressa alterum maritum duxerit, &c. il-*

le quoque odorit eam, nulla addita causa. Per fornicitatem igitur intelligi videtur o-
mne vitium uxoris, propter quod maritus
eam oderit, five sit deformitas, five mo-
rositas, five procacitas, five quid aliud.

V. 4. NON POTERIT PRIOR MA-
RITUS RECIPERE EAM IN UXOREM.
Idem testatur Dominus per prophetam Ie-
remiam cap. 11. Sciendum tamen est,
quod si uxor iniuste fuisset dimissa, &
nondum accepisset alium virum, quod
tunc vir, dimissa superinducta, debebat
priorem uxorem recipere, ut significat Ma-
lachias cap. 11. & ibidem Hieronymus,
Corripit, inquit, Iudeos Propheta, & ad
repudium novarum coniugum provocat, &
uxores quas dimiserant recipiant. Hæc ille
loquens de uxoris dimissis, quæ nondum
alios maritos acceperant.

V. 16. NON OCCIDENTUR PATRES
PRO FILIIS, NEC FILII PRO PA-
TRIBUS, SED UNUSQUISQUE PRO
PECCATO SUO MORIETUR. Hæc ad
hominem iudicem dici, docent sequentia:
sic enim subiungitur: Non pervertes iudi-
cium advene, &c. Itaque non pugnant hæc
cum eo quod est Exodi xx. cap. vers. 5. U-
bi Deus de seipso loquens ait: Ego sum
Dominus Deus tuus, fortis, zelotes, visi-
tans iniquitates patrum in filios in tertiam
& quartam generationem. Quæ quomodo
intelligenda sint, vide ibi explicatum.
Hic admonentur illi qui inter homines
præfunt, ne morte umquam puniant quem-
quam, nisi pro propria culpa.

M A R I A N A E.

Vers. 1. PROPTER ALIQUAM
FOEDITATEM. Paul. Bur-
genfis, propter aliquam impudicitiam: id
que significare vocem *heruah*, contendit
Tertul. IV. contra Marcion. propter nego-
tium aliquod impudicum. Ita contendit il-
le, non licuisse in veteri lege dimittere
uxores nisi unam ob fornicationem.

V. 5. CUM ACCEPERIT HOMO NU-
PER UXOREM. In Hebræo additur *no-
vam*, id est non repudiatam, non viduam.
NEC EI QUIPIAM NECESSITATIS
INIUNGITUR. Hebr. *Nec transibit su-
per eum omne verbum*, id est, ab omni fun-
ctione liber erit. SED VACABIT: sed

innocens erit aut immunis, & forte et-
iam a tributis.

V. 6. INFERIOREM, ET SUPERIO-
REM MOLAM. Hebr. *rebaïm*, id est *u-
tramque molam*: inferior *meta* vocatur, su-
prior *catillus*. Hebraice *cheleb*, & *recheb*,
Græce *μύδος*, & *ἐμπύδος*. Sed postquam
dixit utramque molam non esse accipien-
dam in pignus; quare Hebraice addidit
recheb non esse accipiendam, nempe supe-
riorem? Responsio: Poterat creditor u-
nam tantum accipere: quod si una erat,
facilius superior amovebatur, ideo de ea
loquitur, & sumi non vult. QUIA ANI-
MA SUAM OPPOSUIT TIBI. Hebr.
Quoniam animam ipsam pignerat. Hoc est,
id quo vivit dat pro pignore, aliaque quæ
domi habet. Anima est homo. Ergo ani-
mam, scilicet hominem, id est vitam ho-
minis, scilicet suam, dat pignori. Id Hie-
ronymus significare voluit.

V. 8. OBSERVA DILIGENTER.
Quod sequitur, NE INCURRAS, non
est in Hebræo, sed tantum quod sequitur,
PLAGAM LEPRÆ, observa scilicet.

V. 11. ET ILLE TIBI PROFERET
QUOD HABUERIT. Hebr. *Et tibi erit
iustitia*; sed Septuaginta pro *iustitia* posue-
re *misericordia*, non male. Hoc est, Deus
miserebitur tui, ut tu pauperis.

V. 20. SI FRUGES COLLEGERIS
OLIVARUM. Hebr. *Quando excusseris o-
livam*, pro olivas, cum est olivitas. QUID-
QUID REMANSERIT. Hebr. *Non qua-
ties ramos post te*, id est secundo. Eodem
modo vers. 21. ubi dicitur, NON COL-
LIGES REMANENTES RACEMOS.
Hebr. *Non vindemiabis aut racemabis post
te*. Vult secundam olivitatem & vindemiam
pauperibus relinqui.

M A L V E N D A E.

Vers. 1. PROPTER ALIQUAM FOE-
DITATEM. Hebr. *Quia in-
vertit in ea nuditatem*, seu turpitudinem
verbi. Tertullianus Lib. IV. in Marcio-
nem cap. xxxiv. *Eo quod inventum sit in
illa impudicum negotium*. Plerique quoque
hic exponunt, *nuditatem rei*; id est, quod
se nudaverit, & discooperuit alteri, ut
videatur forstationem innuere. Aliqui,
turpitudinem rei, aiunt esse hypallagem,
pro rem turpitudinis, id est rem aliquam
tur-

urpem ac sœdam. Alii, *detestationem rei*: nec sciunt cuius rei hæc detestio sit: unde obscuram & ambiguum fuisse causam repudii apud Hebræos, ut oportuerit in re abstrusa, & intellectu difficili pharisæos Christo quæstionem proponere Matthæi xix. 3. *Si licet homini dimittere uxorem suam, quacunque ex causa?* Non ergo competentum erat apud Iudæos quibus ex causis Moses libellum permitteret. Plures existimant, nedum ob fornicationem, sed ob alias scœditates cum animi tum corporis permissum repudium, & hoc innuisse Moysen, *Quod invenerit in ea aliquam turpitudinem rei cuiusvis*. Simili enim phrasi de stercore usus est cap. xxiii. vers. 14. **LIBELLUM REPUDIII**. כְּרִיתוּ ceriut est proprie exfissio, scissio, abscessio, rescissio, excidium: unde vertunt, *librum, chartam rescissionis, libellum excidii*; quo scilicet matrimonium rescindebatur, vel mulier excidebatur a marito, aut excidebatur a domo mariti. Græcus Matthæi Interpres cap. v. vers. 31. simpliciter ἀποσάωμι vertit, quasi dicas *diversionale, discessionale*; at cap. xix. vers. 7. & Marcus x. vers. 4. ἀφελὼν ἀποσάωμι; id est, *librum divortii, seu discessionis, vel discessus* interpretati sunt. Formulam huius libelli repudii, qua nunc utuntur Iudæi, leges apud Explanatores, & alios. Disquirunt Theologi an repudium in veteri lege licitum esset divina permissione: & quidem multi affirmant; alii negant, sed impune tantum permissum a Deo, ut minus malum, sicut & usurari. Ego cum verba Moysi his quatuor primis huius capituli versibus posita pressius considero, eorumque ordinem, distinctionem, accentuumque Hebraicorum vim accuratius expendo, plurimum in eorum sententiam impellor qui existimant, nullam hic a Mose repudii legem imperari, aut proponi; sed omnia dici ex hypothese, & ita accipienda esse quasi dicat: Supposito quod vir repudiaverit uxorem suam, & scripserit ei libellum repudii, & ipsa repudiata alteri nupserit; & hic maritus posterior eam etiam repudiaverit, aut mortuus fuerit: non poterit prior ille maritus rursus illam prius a se repudiatam in uxorem ducere, &c. Sed vide statim quæ notamus vers. 4.

P. 4. NON POTERIT PRIOR MARITUS RECIPERE EAM. Hebr. *Non*

poterit maritus eius primus, qui dimisit, a mandavit eam, reverti ad accipiendum eam, &c. id est, ad rursus, denuo, iterum accipere, vel ducere eam. **QUIA POLLUTA EST.** Hebr. *Posteaquam, vel posteaquod contaminata fuit*. Quidam exponunt: Non quod sit polluta absolute, sed quantum ad primum maritum, cum interim, postquam ab illo dimissa fuit, ab alio cognita est viro, & alterius viri concubitu se polluit. Alii *pollutam* intelligunt, id est repudiatam. Aliqui Hebræorum exponunt: *Postquam prohibita fuit ei*; quæ enim prohibentur, immunda censentur. Nonnulli ita interpretantur: *Posteaquam per eam factum est ut pollueretur, nimirum per scortationem*, quæ ex hoc facto sequitur: nam ut ait Christus: *Qui dimisit uxorem suam extra scortationis causam, facit ut ea mœbatur*; & *qui dimissam ducit, mœbatur*: Matthæi v. vers. 32. Hæc autem omnia dicuntur ex hypothese, & ita accipienda sunt. Dicuntur quidem ex hypothese, quia habetur ratio populi, qui nefarium polygamix usum a maioribus, & repudii ab Aegyptiis apportabat: itaque de re præsertim loquitur Moses. Sic autem accipi oportere, demonstratur, cum Hebræis distinctionibus, quas non observat vulgus, tum naturæ lege de coniugio lata Genes. ii. vers. 24. & huius ipsius legis argumentis in hoc versu 4. cum & mulier polluta dicitur, & polluta facta viri: & id abominandum esse coram Domino: & tolerantiam præsentis temporis non prorogandam in futurum esse ostenditur evidente interdicto: *Ne itaque permitto ut peccet populus terræ, &c.* Ita quidem illi. De polygamix usu quibusdam duntaxat patrum, non omni promiscue populo licite a Deo permisso, annotavimus in Levit. xviii. vers. 18. De repudio, immane dictum: quam fuerit variis gentibus receptum, præsertim Romanis. Ceterum dubitari non potest, Moysen, auctore Deo, licite, vel impune permisisse Iudæis legem repudii, expresse id affirmante Christo Matth. xix. vers. 8. Iam illud, *החזרתה buttanmaah, contaminata, impurata fuit*, notant compositum esse ex duabus coniugationibus, Hophal, & Hithpahal, pro החזרתה buttanmaah, non sine mysterio, uti reor, nam verti bisariam potest: *postquam taminari facta fuit*; & *postquam ta-*

mi-

minare se fecit: quo significatur, & virum repudiando eam dedisse illi occasionem scortandi, & polluendi se, ut Christus Matthæi v. vers. 32. dixit; & ipsam sese effuse scortationibus polluisse & impurasse. Quidam reddunt: *Postequam sacrum est ut pollueretur*.

V. 5. NON PROCEEDET AD BEL-
LUM. Vide cap. xx. vers. 7. NEC EI
QUIPPIAM NECESSITATIS INIUN-
GETUR PUBLICAE. Hebr. *Et non transi-*
bit super eum ad omne verbum. Variered-
dunt: 1. *Neque iniungetur illi ullum publi-*
cum negotium; 2. *Et non transibit super*
cum ulla res; 3. *Nec quidquam aliud ei*
iniungatur; 4. *Neque transibit super eum ex*
ulla re; 5. *Neque imponitur ei onus ullius*
rei.

V. 6. INFERIOREM ET SUPERIO-
REM MOLAM. רְחַיִּים *rechaiim*, & רֶכֶב *receb*,
exponunt *metam*, & *catillum*. Notant
rechaiim esse inferiorem molam, quæ La-
tinis dicitur *meta*, & Hebræis שֶׁכֶב *sche-*
ceb, quod succumbat, vel subiaceat supe-
riori; *receb* vero, quasi currum dicas, supe-
riorem molam, quæ inferiori superve-
hitur, vel circumvehitur, & Latini vo-
cant *catillum*, seu *molam frustilem*. At
cum *rechaiim* sit dualis numeri, potius vo-
lunt utramque molam, scilicet *superiorem* &
inferiorem significare, nempe simul *metam*
& *catillum*; *receb* vero *catillum*: unde
reddunt: *Non accipiet quisquam in pignus*
utramque molam, superiorem & inferiorem,
seu *metam* & *catillum*: immo ne *superio-*
rem, seu *catillum* quidem tantum, quæ
scilicet minor est; quasi dicat: *Tantum ab-*
est ut accipere debeat utramque molam,
ut ne molam quidem superiorem, quæ
minor est & levior, ac vilior, in pignus
accipere non permittam. Alii notant, dua-
le *rechaiim* significare molam integram,
hoc est *superiorem* & *inferiorem* lapidem
molare; sed *receb instrumentum ad mo-*
lam necessariam, & non lapidem *superio-*
rem, aut *inferiorem*. Nonnulli e contra,
rechaiim putant esse *molam superiorem*, seu
catillum, quod motu suo ventum excitet,
seu quod ferat ut ventus; & *receb* esse
inferiorem, seu *metam*, cui ut curru
superior invehatur. Sed inepte. Forſan fa-
tius erit retinere propriam significationem
receb, id est *carrus*, seu *currus*, quasi iu-
beat legislator ne accipiantur pignore u-

Bib. Sac. Tom. III.

traque mola, aut currus pistrini, quo fru-
menta inferuntur, & efferuntur farinæ:
sine his enim opus pistrini consistere non
valet: & analogice intelligunt quiddid
hominis vitam ex necessitate tolerat.

V. 7. ET VENDITO EO ACCEPERIT
PRETIUM. Hebr. varie convertunt. 1.
Et negotiatus fuerit cum eo: aut vendiderit
eum; 2. *Et merebit cum eo, aut vendide-*
rit eum; 3. *Et ad opus suum fuerit eo u-*
sus, &c. 4. *Et abusus servitio fuerit in*
eo, &c. 5. *Et ad questum abusus fuerit*
eo. Possis reddere: *Et commanipulabit se*
cum eo; id est, manipulum, colligationem,
contubernium faciet cum eo. Vide cap.
xxi. vers. 14.

V. 8. OBSERVA DILIGENTER NE
INCURRAS PLAGAM LEPRÆ. Hebr.
Observare in tactione lepræ, ad observare
valde; id est, cave sollicite ut observes
leges quas tuli Levit. xiii. & xiv. de
lepra, & leprosis: nimirum ut separentur
ab aliorum consortio, ne populum conta-
gione inficiant, quem sanum, validum,
integrum, purum velit Deus: exemplo
Mariz confirmans, cui nobilissimæ femi-
næ non est parum quin affecta lepra non
maneret extra castra, Numer. xii. mul-
to minus respectum ea in re aliis haben-
dum.

V. 10. NON INGREDIERIS DOMUM
EIVS: exponunt, accepturus scilicet pi-
gnus quod tibi placuerit, quod esset vim
inferre; sed quod debitor protulerit pro
sua facultate, id accipias. Adde, quod
ipsa sola ingressio speciem violentiæ præ-
fert. Alii: *Ne ingressu tuo creditor debitori*
pudorem facias.

V. 12. NON Pernoctabit apud
TE PIGNUS. Hebr. *Non cubabis*, vel *non*
dormies in pignore eius. Fortasse innuit ne
utatur pignore pro strato accubitus sui,
e versu sequenti: *Et cubabit in vestimento*
suo; ut intelligat de veste stragula. Alii:
Non dormies cum pignore eius; id est, non
manebit pignus apud te nocte sequente
proxima; quasi dicat, ipso die quo dede-
rit, reddes antequam eas cubitum. Qui-
dam reddunt: *Ne cubato habens pignus*
eius.

V. 13. BENEDICAT TIBI. Etiamque
benedicant tibi lumbi eius, ut Iob loqui-
tur elegantissime cap. xxxi. vers. 20. ET
HABEAS IUSTITIAM IN CORAM DOMI-

O O O N O

NO DEO TUO; id est, vere iustus eris in conspectu Domini, qui opus tuum ut iustum & bonum approbabit. Alii: *Impunitum tibi a Deo pro elemosyna, ac fructu vere iustitie nos iustificantis ad gloriam suam.* Notum est iustitiam sapienter pro elemosyna capi, ut Matthæi vi, 1.

V. 14. SIVE ADVENAE QUI TECUM MORATUR IN TERRA. Hebr. *aut de peregrino tuo, qui in terra tua, &c.* Quidam, *aut de peregrino tibi, vel aut de peregrinis apud te, &c.*

V. 15. ET EX EO SUSTENTAT ANIMAM SUAM. Hebr. *Et ad eam ipse levans animam suam.* Recte Noster levans, id est tolerat, sustinet, sustentat vitam suam. Quidam: *Et ad illam ipse elevat animam suam;* id est, totam spem in ea mercede ponit, quia ex ea vivit: *vel quare ad eam ipse attollit animum suum;* id est, eo spectat, & animum erigit, sperans se illa præsentis inopie consilium. Vide de hoc versu Levit. xix. vers. 13.

V. 16. NON OCCIDENTUR PATRES PRO FILIIS, &c. Futurum Hophal יומתו iumetu, quod ter in hoc versu ponitur, proprie est, *sententia iudicum: morientur, interficientur, interimentur, morti tradentur, morte afficientur, plebentur, mulabuntur.* Vide Ex. d. xxxi. vers. 14. Atque hic intelligunt, in punitionibus & actionibus politicis. Vide eandem sententiam II. Regum xiv. vers. 6. & II. Paralip. xxv. vers. 4.

V. 17. ET PUPILLI: intelligunt, aut etiam viduæ, per synecdochen: quemadmodum & membrum proxime sequens oportet accipi. Neque enim vestis peregrini aut pupilli in pignus est accipienda.

V. 19. SED ADVENAM, ET PUPILUM, ET VIDUAM AUFERRE PATIERIS. Hebr. maiori emphasi: *Peregrino, orphano, & vidue erit.* Exponunt, quasi dicat, qui secus facit, is iure ipsum eos fraudaverit: sive dominus sit messis, qui rem oblivione prætermisam audeat recipere; sive alius quisquam non indigens, qui rem pauperibus aliisque addictam in rem suam vertat sacrilege. Vide Levit. xix. 9. Sic infra vers. 20. & 21.

V. 20. SI FRUGES COLLEGERIS OLIVARUM. Hebr. *Cum decuties olivam tuam.* Id tempus *olivæ tam, seu olivitatem, aut olivitionem* veteres Latini dicebant, au-

ctoribus Festo & Nonio. **QUIDQUID REMANSERIT IN ARBORIBUS, NON REVERTERIS UT COLLIGAS.** Paraphrasi usus est. Hebr. **תפטר** tepatr varie convertunt. I. *Non scrutaberis ramos: vel non ramos requires post te;* id est, quos reliqueris post te. Ex verbo: *Non ramiculabis; non ramificabis post te;* id est, non scrutaberis, aut rimaberis ramos iam a te excussos, an fructus aliquos reliqueris, quos excutias: nec ramos de quibus olivæ sunt decussæ, iterum concuties: non verberabis ramos iam verberatos. II. *Ne ramos sigillatim recognoscito, postquam excusseris.* III. *Non decies post te;* id est, id quod remanet in ramis post te. IV. *Non deramificabis post te;* id est, quod vulgo dicitur *esfronchar;* id est non detruncabis, excides ramos qui post te sunt. Significationem verbi **פאר** paar, deducunt a פארה purab, ramus (Hispanicus Interpretes, *Non ramoneas tras ti;* id est non concuties, & agitas ramos.) V. *Ne diligentius stringas post te.* VI. *Non decorabis, ornabis post te:* volunt esse elegantem Hebraicum, pro non racemabis, quasi dedecant, & dedecorent pauca illa grana, seu olivæ, quæ remanserunt. VII. Alii significatione contraria, ut verbum **פער** peer sit *dedecorare, ornatum adimere,* more multorum verborum Hebraicorum: *Non dedecorabis post te;* id est, non prives oleam tuam ornatu suo: decet enim ut aliquid pauperibus in ea relinquant, sicut sequitur: sed advenæ, pupilli, & viduæ erit. Et ut Moyses de olea prohibet, ne ea omnino deornetur; ita mox vetat de vinea ne תגבול tegbolat, racemetur: quod similiter in contraria significatione ponitur. Vide Levit. xix. vers. 10.

MEN OCHII.

Vers. 1. **H**ABUERIT. LXX. *cohabitaverit.* Chaldaeus, *concubuerit.* PROPTER ALIQUAM FOEDITATEM, sive vitium fit corporis, sive animi, quæ foeditas quædam moralis est. **SCRIBET LIBELLUM REPUDIII,** quo citra peccatum, Deo ita dispensante, solvabatur matrimonium. Erat autem hic liber charta, vel schedula quæpiam, quam maritus dabat uxori, eique potestatem faciebat abundi quo vellet, & nubendi cui vellet.

V. 2. ALTERUM MARITUM DUXERIT, quod soluto matrimonio priori, licite facere poterat.

V. 4. QUIA POLLUTA EST, ET ABOMINABILIS FACTA CORAM DOMINO. Quia ex coniunctione cum secundo marito indecentia quædam exiit, sine qua non possit ad priorem maritum redire: videretur enim primus maritus non ex animo in repudium consensisse, sed potius alteri eam, in temporariam separationem consentiendo, concedere voluisse, ut corpore uxoris suæ abuteretur. Itaque reductus hic ad primum virum damnatur, & abominabilis Domino dicitur. NE PECCARE FACIAS TERRAM TUAM; hoc est, ne simili permissione, & conniventia terra vestra peccatis polluat.

V. 5. VACABIT... DOMI SUAE, ut oportunitus & tempestivus coniugibus concederetur, & amor inter eos magis firmari posset. Similis lex habetur supra cap. xx. 7.

V. 6. INFERIOREM ET SUPERIOREM MOLAM. Sensus est, non esse auferenda pignoris loco ea sine quibus homo vivere non potest, cuiusmodi sunt tam inferior mola quam superior: alterutra enim sublata frumentum commoli non potest. QUIA ANIMAM SUAM OPPOSUIT TIBI. Hebr. & LXX. *Quia animam suam dat in pignore*, id est rem sine qua vitam tueri non potest.

V. 7. SOLICITANS FRATREM SUUM: ut videlicet frater, id est proximus, se ei subiciat, eumque sequatur ad alienigenas, quibus eum vendat. Vel *solicitans*, id est vexans eum in servitutem rapiendo. In Hebræo, Chaldæo, & LXX. habetur: *Cum repertus fueris vir furans animam*.

V. 8. NE INCURRAS FLAGRAM LEPRAM, quam Deus immittet, si sacerdotum imperiis proterve inobediens fueris: hoc enim supplicio solebat Deus rebellionem, & proterviam in sacerdotes vindicare: habes exemplum in Maria sorore Moysi Num. xii. & in Ozia Rege II. Paralip. xxvi.

V. 10. NON INGREDIERIS DOMUM, &c. Ratio legis est, ne creditor quam rem velit, pro libito accipiat in pignus, fratreque contrister; sed electio pignoris tota debitori permittatur.

V. 12. NON Pernoctabit apud te pignus. In Hebræo, Chald. & LXX. *Non dormies in pignore eius, seu cum pignore*: quod intellige, si eiusmodi sit ut illo ad dormiendum, ac seie nocte tegendum pauper indigeat, ut si fragulum, aut vestimentum sit. Voluit Dominus tam brevi concessione pignoris, avertere creditores, ne illa a debitoribus acciperent, quæ licet quotidie accepta, quotidie reddenda essent.

V. 13. UT HABEAS IUSTITIAM: misericordiam, quæ aliquando in Scripturis iustitia appellatur, quia iustorum est propria; cum e contrario viscera impiorum sint crudelia, ut dicitur Proverb. xii. 10.

V. 12. EX BO SUSTENTAT ANIMAM SUAM: pauperes enim operari in dies vivant, ipsi, & ipsorum familiæ.

V. 16. UNUSQUISQUE PRO PECCATO SVO MORIETUR. Dei tamen iussu, qui vitæ & mortis est Dominus, aliquando filii propter peccata parentum necati sunt, ut filii Achab Iosue vii. & filii Sauls II. Reg. xxv.

V. 17. NEC PERVERTES IUDICIUM ADVENAE, ET PUPILLI, hi enim iniuriæ magis opportuni esse solent.

V. 18. MEMENTO QUOD SERVIERIS IN AEGYPTO, &c. ut malis eruditus, aliis compatiaris; & ut memor beneficii divini, quo ex AEGypto eductus es, hac recordatione ad obediendum Domino exciteris.

V. 19. QUANDO MESSUERIS, &c. Inbetur hic, & Levit. xix. 9. ut spicilegium, & racematio, ut etiam olive, quæ post collectionem in arboribus reliquæ fuerint, relinquantur pauperibus. Iosephus IV. Antiq. viii. ait, etiam dedita opera aliquid pauperibus fuisse dimittendum.

T I R I N I.

vers. 1. **L**IBELLUM REPUDIII; hoc est, chartam, seu schedam qua maritus uxori potestatem faciebat abeundi quo vellet, & alteri nubendi cui vellet. Hac enim lege concedebat Deus non solius tori disunctionem, sed etiam matrimonii dissolutionem, ut uterque alteri nubere posset. Colligitur ex vers. 2. & Malachiæ ii. vers. 16. & Matthæi ix. vers. 9. & testatur Iosephus eam

fuisse praxim Iudæorum. Consulebatur autem hac via maxime seminarum bono, quæ aliqui sæpius ab iratis maritis necare fuissent. Continebantur nihilominus eadem quoque in officio, ne quid admitterent quod repudio causam daret. Neque enim licebat repudiare nisi iustam ob causam, scilicet ob aliquam fœditatem; hoc est, si uxor displiceret marito propter rem aliquam fœdam. Tertullianus, & Burgenfis id restringunt ad adulterium durante coniugio, vel fornicationem ante commissam, sed postinitum coniugium detectam. Verum hæc non divortio, sed morte pledebantur, ut patet cap. xxii. vers. 21. & 22. Sola vero adulterii suspicio purgabat haustu poculi zelotypiæ, Numeror. v. Ergo fœditatis nomine hic generaliter intelligitur id omne quod merito censetur deveniustare, & turpem reddere uxorem; seu id physicum quid sit, verbi gratia epilepsia, lepra, frequens mania, perpetuus aliquis morbus, sterilitas: five morale quid, ut inobedientia, pertinacia, dicacitas, iurgia perpetua, furta, veneficii, vel gravioris criminis suspicio probabilis, & quidquid iure reddat uxorem valde exosam marito.

Nota, quod dato libello repudii, si maritus redire vellet in gratiam cum coniuge repudiata, priusquam illa alteri iungeretur, poterat id facere; at post coniunctionem cum altero non poterat redire ad priorem maritum, etsi forte contingeret illam simili repudio ab illis secundis nuptiis exsolvi. Ratio hic additur.

V. 4. QUIA IAM POLLUTA EST, scilicet femine secundæ viri, & macula seu indecentia ex copula cum secundo marito. ET ABOMINABILIS FACTA EST CORAM DOMINO. Hebraice est *Abominabile hoc*, seu transcursum iste de toro in torum, *coram Domino*, id est vero, & a parte rei, & Dei ipsius iudicio; cui merito displicet turpis illa species vagi repetitque concubitus, & orbicularis nuptiarum regressus.

V. 6. NON ACCIPIES LOCO PIGNORIS INFERIOREM ET SUPERIOREM MOLAM, seu lapidem molarem: quia scilicet pauperuli absque illis frumentum commolere non possunt; atque ita animam, id est vitam ipsorum, quam tibi opus fuerunt seu oppignorarunt,

misellis intercluderes, id ipsis auferendo sine quo victum sibi parare non possunt. Simili de causa vetat vers. 10. ne creditor pro libito suo, etsi fretus publica iudicis auctoritate, vel stipatus ministro iustitiæ, deligat sibi in pignus quidquid e suppellectili debitoris arripserit; sed iubet designationem pignoris totam permitti arbitrio debitoris. Quin & vers. 12. si debitor forte præ inopia cogatur in pignus dare vestimentum aut stragulum, quo ad se tegendum indiget, iubet id illi reddi ante solis occasum: hoc ipso inhibens, ne huiusmodi reculæ pauperi quotidie necessariæ accipiantur quovis modo in pignus.

V. 7. HOMO SOLICITANS FRATREM SUUM. Hebræa, Chaldæa, & LXX. habent *furans*, nempse vel aperta vi, vel dolo, & promissis falsis pelliciens ut se ei subiciat, & sequatur ad alienigenas, quibus cum tunc vendat. Iubet ergo hic plagiarium vel evidentia facti, vel in iudicio convictum, capite plecti.

V. 8. OBSERVA NE INCURRAS PLAGAM LEPRÆ, divina ultione infligendam, si superioribus inobediens fueris, maximeque si sacerdotum imperiis obgannieris, exemplo Mariæ fororis Moysis a, ut sequitur vers. seq. & Oziz regis Iuda, II. Paralipom. xxvi.

(a) Num. xiii.

GORDONI.

Perf. r. **C**ertant Interpretes, an hæc lex repudii fuerit nuda permissio (ut in usura) seu immunitas a poena; an vero dispensatio, seu concessio cum immunitate a peccato. Sane secunda hæc interpretatio est probabilis, immo ita ut sic solveretur vinculum matrimonii per coniunctionem cum secundo marito, tum quia ex versu 4. non potest a secundo redire ad priorem maritum; tum quia in Hebræo vocatur *libellus excisionis*, ספר כריתות *sepher cerithath*; radix כרת, *succidit*, *amputavit*: *βιβλιον ἀνοσχαιου*. Est quidem illud Matth. xix. vers. 8, dari hoc ab duritiam cordis; sed talis causa non excludit, nec impedit dispensationem. Nec tamen reiicio priorem interpretationem. Ceterum hoc ius repudii tantum erat mariti, non vero uxoris, ex Iosepho Lib. XV. cap. xi. Christus vero citato loco Matthæi revocat totam dispensationem.

penstationem, & ius repudii, & reducit matrimonium ad primam suam institutionem, & statum, quo post consummationem non solvitur: ita ut nec apud Paganos nunc sit ius repudii legitimum. **FOEDITATEM.** Foeditas est hic, quidquid merito displicet marito.

V. 5. INIUNGATUR. An etiam liber a tributis, quod aliqui suspicantur?

V. 6. NON ACCIPIAS MOLAM, hoc est molarem lapidem, utpote molitori necessariam ut vivat: **QUIA ANIMAM SUAM OPPOSUIT TIBI;** hoc est, dedit tibi in pignus vitam, dum auferis molarem lapidem.

V. 7. SI DEPREHENSUS FUERIT, &c. hoc est, ut habent Septuaginta, *cum repertus fuerit vir jurans animum.* Plagii

crimen est, dum rapitur in servitutem liber. Vide Exod. xxi. vers. 16. ubi plagio decernitur poena mortis.

V. 10. 11. & 12. CUM REPETES, &c. Exigens quod sibi debetur, relinquit debitori liberum ut det pignus quod voluerit, ne intret demum creditor, ut ipse pignus eligat. Lege Ioseph. Lib. IV. Antiq. cap. viii. Quod si pauper debitor egeat illo pignore, reddatur eodem die. Vide Exod. xii. vers. 26.

V. 13. HABEAS IUSTITIAM. Hebr. *Et tibi erit iustitia Sept. misericordia.*

V. 16. NON OCCIDENTUR PATRES, &c. Vide Exod. xx. vers. 5. ubi ostensum tamen est aliquando aliter contingere, cuius exemplum extat Iosue vii. & II. Reg. xxi. de filiis Saulis.

C A P U T XXV.

Quot plagis reus cadendus, bovi trituranti os non alligandum, semen fratri suscitandum, poena mulieris verenda apprehendentis, non committenda in pondere & mensura iniustitia, Amalecita delendi.



I. I fuerit causa inter aliquos, & interpellaverint iudices: quem iustum esse perspexerint, illi iustitiae palmam dabunt: quem impium, condemnabunt impietatis. 2. Sin autem eum qui peccavit, dignum viderint plagis: prosternent, & coram se facient verberari. Pro mensura peccati erit & plagarum modus: 3. ita dumtaxat, (a) ut quadragenarium numerum non excedant: † ne sorde laceratus ante oculos tuos abeat frater tuus. 4. (b) Non ligabis os bovis terentis in area fruges tuas. 5. (c) Quando habitaverint fratres simul, & unus ex eis absque liberis mortuus fuerit, uxor defuncti non nubet alteri: sed accipiet eam frater eius, & suscitabit semen fratris sui: 6. & primogenitum ex ea filium nomine illius appellabit, ut non deleatur nomen eius ex Israel. 7. Sin autem noluerit accipere uxorem fratris sui, quæ ei lege debetur, perget mulier ad portam civitatis, & interpellabit maiores natu, dicetque: (d) * Non vult frater viri mei suscitare nomen fratris sui in Israel: nec me in coniugem sumere. 8. Statimque accersiri eum facient, & interrogabunt. Si responderit: Nolo eam uxorem accipere: 9. accedet mulier ad eum coram senioribus, & tollet calcamentum de pede eius, spuetque in faciem illius, & dicet: Sic fiet homini, qui non ædificat domum fratris sui. 10. Et vocabitur nomen illius in Israel, Domus discalceati. 11. Si habuerint inter se iurgium viri duo, & unus contra alterum rixari cœperit, volensque uxor alterius erucere virum suum de manu fortioris, * miseritque manum, & apprehenderit verenda eius: 12. * abscides manum illius, nec flecteris super eam.

eam ulla misericordia. 13. Non habebis in sacculo diversa pondera, maius & minus: 14. nec erit in domo tua modius maior & minor: 15. pondus habebis iustum & verum, & modius æqualis & verus erit tibi: ut multo vivas tempore super terram, quam Dominus Deus tuus dederit tibi: 16. abominatur enim Dominus Deus tuus cum qui facit hæc, & averfatur omnem iniustitiam. 17. (e) Memento quæ fecerit tibi Amalec in via quando egrediebaris ex Aegypto: 18. quomodo occurrerit tibi: & extremos agminis tui, qui lassifesebant, ceciderit, quando tu eras fame & labore confectus, & non timuerit Deum. 19. Cum ergo Dominus Deus tuus dederit tibi requiem, & subiecerit cunctas per circuitum nationes, in terra, quam tibi pollicitus est: delebis nomen eius sub cælo. Cave ne obliviscaris.

(a) II. Corinth. XI. 24. (b) I. Corinth. IX. 18. (c) Matth. XXII. 24. Marc. XII. 19. Luc. XX. 28. (d) Ruth IV. 5. (e) Exod. XVII. 8.

BRUGENSIS

ROMANÆ CORRECTIONES.

V. 7. Non vult frater viri mei suscitare nomen fratris sui in Israel. Alii pro nomen quod est *ὄνομα*, scribunt *semen*, quod est *σπέρμα*; male.

Sequitur: Nec me in coniugem sumere. Non commutes vocem coniugem cum voce coniugium.

V. 11. Miseritque manum. Quidam antiqui libri tollunt encliticam conjunctionem *que*.

V. 12. Abscides manum illius. Ita legunt

antiqui libri *abscedes*, ex *ab* & *cædo*, pro *abscondes*, ex *ab* & *scindo*: similiter Matth. v. vers. 30, & alibi.

LECTIONUM VARIETAS.

V. 3. Ne fæde laceratus ante oculos tuos; *abeat* frater tuus. Unum manuscriptum, pro *abeat*, legit *habeatur*, alterum monstrat singulum varietatis: verisimilis est coniecturallegendum *iaceat*.

COMMENTARIA

S A.

Vers. 2. **M**ODUS, scilicet lege definitus.

V. 3. ABEAT, scilicet e vita, vel ex eo loco. Quidam legunt, *obeat*. Hebr. *vilescat*. Chald. *ignominiam patiat*.

V. 5. ACCIPIET EAM FRATER. Poterat eam accipere, etiam si aliam uxorem haberet: Iustin. qu. cxxxii.

V. 6. APPELLABIT; quasi dicat: Habebitur prioris filius, eiusque heres erit.

V. 7. PORTAM; scilicet ubi ius dicitur.

V. 9. FIET; id est, æquum est fieri.

V. 11. MISERITQUE. Hebr. Chald. & LXX. *Accesserit*, & *miserit*.

V. 12. ABSCIDES, scilicet o iudex.

V. 14. MODIUS. Hebr. *epha*.

V. 15. IUSTUM ET VERUM. Hebr. *perfectum & iustum*. AÆQUALIS ET VERUS. Hebr. *perfectus & iustus*.

V. 18. FAME ET LABORE. Hebr. & Chald. *lassitudine & fatigatione*.

V. 19. NOMEN EIUS: scilicet ut detur oblivioni, quasi numquam fuisset. Hebr. & Chald. *memoriam eius*.

ESTII.

Vers. 2. & 3. **P**RO MENSURA PEC-CATI ERIT ET PLAGARUM MODUS; ITA DUM TAXAT UT QUADRAGENARIUM NUMERUM NON EXCEDANT. Vetat Moyses in plagis seu flagellis excedi numerum quadra-

dragenarium, etiamsi forte maiorem numerum plagarum commeritus esset: quia agit hic de eo qui nondum erat condemnatus ad mortem, & cuius delictum nondum morte puniri poterat. Atqui si ultra quadraginta multiplicatus fuisset numerus plagarum, metuendum erat, ne inde moreretur: atque ita modus pœnæ excessisset mensuram peccati. Et hoc, est quod additur: NE FOEDE LACERATUS ANTE OCULOS TUOS ABEAT FRATER TUUS. Quod vero Paulus de se ait II. Cor. XI. *A Iudæis quinques quadragenas una minus accepi*, intelligendum est, Iudæos ex consuetudine circa hanc legem observasse, ut non integrum plagarum numerum inferrent, sed unam remitterent, sive specie misericordiæ, sive ut eo remotiores essent a periculo excedendi numerum quadragenarium a lege constitutum, scilicet quia numerando plagas errare potuissent. Vide Comment. nostrum ibidem.

V. 5. ACCIPIET EAM FRATER EIVS, ET SUSCITABIT SEMEN FRATRI SUO. Hebraice est, *Cognatus eius*. Atque adeo si frater non erat, debebat mulier coniungi ei qui maritum eius proxime contingebat, ut patet ex Libro Ruth. Quin etiam si frater, accepta fratr uxore, etiam sine liberis mortuus esset, debebat alius adhuc frater eam accipere, & primo fratri vel fratribus suscitare semen. Probatur id tum ex Genesi. XXXVIII. ubi mortuo secundo fratre, tertius promittitur ipsi Thamar; quo non præstito, Iudas quoque culpam iniustitiæ agnoscit, dicens: *Iussit me esse, &c.* Et verisimile est idem hac lege præceptum fuisse, quod iure quodam, ut videmus, ante legem servabatur; tum etiam hæc expositio confirmatur, quod ex hac lege Sadducæi in Evangelio quæstionem proponunt de septem fratribus, quorum unus post alium eandem uxorem acceperint.

V. 6. ET PRIMOGENITUM EX EA FILIUM, NOMINE DEFUNCTI APPELLABIT, UT NON DELEATUR NOMEN EIVS. Non est sensus, imponendum esse primogenito ipsum nomen fratris defuncti (neque enim Booz filium natum ex Ruth vocavit Mahalon, sed Obed) sed sensus est, vocabit eum non filium suum, sed filium illius defuncti; & quod ad eum pertinebit defuncti hereditas, eumque in illa

genealogia scribet patrem. Nominat autem *primogenitum*, scilicet quia reliqui nascebantur nomine viventis, atque eius censebantur filii, & heredes.

M A R I A N A E.

Verf. 1. IUSTITIAE PALMAM. Hebr. *Iustificabunt iustum*. Gotth. *Iustitiam palmam dabunt*, nempe iusto. Iudices qui fuerint, pronuntient pro iusto.

V. 3. UT QUADRAGENARIUM NUMERUM NON EXCEDANT. Intelligit *una minus*, iuxta illud II. Cor. XI. verf. 24. *Quinques quadragenas, una minus, accepi*; atque ita traditio est Iudæorum. NE ABEAT FRATER TUUS. Hebr. *Et vilescat frater tuus coram te*.

V. 4. NON LICABIS OS BOVITERENTIS. Sept. *trituantis*, ut I. Corinth. IX. verf. 9.

V. 5. ACCIPIET EAM FRATER EIVS, ET SUSCITABIT SEMEN FRATRIS SUI. Hebr. *Levir eius ingredietur ad eam, & accipiet eam sibi, in uxorem, & parabit eam*.

V. 7. QUAE EI LEGE DEBETUR, scilicet uxor fratris. Hoc non est in Hebræo, neque in Sept. NON VULT SUSCITARE SEMEN FRATRIS SUI; id est, me ducere non vult.

V. 15. PONDUS HABEBIS IUSTUM. Hebr. *Lapis perfectus, & iustitia erit tibi*. Sed pondera e lapide erant.

V. 19. CUM ERGO DOMINUS DEUS TUUS DEDERIT TIBI QUIEM, ET SUBIECERIT CUNCTAS PER CIRCUITUM NATIONES. Hieronymus frequenter Paraphrastem agit. Hebr. sic: *Et erit, cum requiem dederit Dominus Deus tuus tibi ab omnibus inimicis tuis ex circuitu*, pro in circuitu. DELEBIS NOMEN EIVS, scilicet Amalec.

M A L V E N D A E.

Verf. 1. SIN AUTEM EUM QUI PERCAVIT, DIGNUM VIDERINT PLAGIS. Hebr. *Et erit, filius percutere*, seu percutiendi, improbus. Hic infinitivus nominaliter ponitur, pro filius percussoris, vel garum, aut filius percutiendus, id est flagris dignus, flagrio. Si flagris dignus fuerit, condemnatus, vel pro

pronuntiatuſ improbus. PRO MENSURA PECCATI ERIT ET PLAGARUM MODUS. Hebr. *iuxta ſufficientiam improbitatis eius in numero*. Quidam, *pro qualitate impietatis eius, iuxta numerum in lege conſtitutum*. Alii, *iuxta impietatem eius, idque certo numero*. Nonnulli, *pro improbitate eius, numero*.

V. 3. ITA DUM TAXAT UT QUADRAGENARIUM NUMERUM NON EXCEDANT. Hebr. *Quadrageſima plagis percutiet eum; vel cedendum curabit eum*; id eſt, numerum hunc non excedet: quamobrem ut ab huius legis transgreſſione caveretur, ſtatuerunt antiqui ne amplius triginta novem plagas inſingerentur: quibus ſe quinquies affectum fuiſſe ſcribit Apoſtolus II. Corinth. xi. verſ. 24. NE FOEDE LACERATUS ANTE OCULOS TUOS ABEAT FRATER TUUS. Hebr. *Et leviet ſrater tuus in oculis tuis*: vel *Et viſiet ſrater tuus, &c.* id eſt, ne pluribus plagis affectus moriatur, ut animal contemptibile & vile, re inſpectante; quaſi dicat, Ne ſit tibi vilis anima. Alii: Id eſt, ne minor illius cura & ratio habeatur, quam lex Dei iubet, & humanitas poſulat.

V. 4. NON LIGABIS. Verbo *לֹא תִקְחָם* hæc omnia ſubiunt, *Non occludes, obturabis, coarcebis, vincies, frenabis, capſurabis*. Hiſpanicus Interpres, *No embocaras al bucy*. Vide allegoriam huius loci apud Paulum I. Corinth. xix. verſ. 9. & I. Timoth. v. verſ. 18.

V. 5. FRATRES SIMUL. Exponunt: Id eſt, pariter hereditatem communem habebunt in eadem paterna familia. ET UNUS EX EIS. Intelligunt primus ex eis, phraſi Hebraica. Sic, inquit, videtur accipi oportere, ut alibi paſſim, vel Sadduceis ipſis interpretantibus, Matth. xxii. verſ. 25. Eſt autem hæc lex partim cæremonialis, partimque civilis. Cæremonialis, qua reſpicebat ut benediſtio ad primogenitos, vel ſubrogatos filios in locum eorum permearet; civilis autem, qua procurabat familiarum, hereditatumque legitimum numerum conſtanter obſervari, qui imperatus eſt Numer. xxvi. Ad priorem vero, quæ primogenita Chriſti nunquam intermoritura figurabat, iam olim Patres reſpexerant, ut eſt exemplum Genef. xxxviii, verſ. 8. Poſtcriorem in-

dicat ſequens verſus, & reliqua in iure cæremonia. Eſti ex vi nominis, & conjugati verbi in fine huius verſus, apparet legem eſſe non remotioribus proprie conſanguineis, ſed ipſis ſratribus germaniſſimam, eorum qui ſine liberis moriebantur: ideoque illius exceptionem eſſe, quæ habetur Levitic. xviii. verſ. 16. Deinde vero ex ordine naturæ adagnatos pertinentem. Ita illi. Alii, *unum ex eis* intelligunt unumquemque ex illis; voluntque ſenſum legis eſſe, ſi aliquis ex ſratribus illiberis mortuus fuerit, ſrater ſuperſtes ducat eius uxorem, ut ei deſuncto ſulcitet ſemen. Sed interpretatio Sadduceorum, & factum Iudæ in Onan filio, ſatis evincunt hac lege conſultum iuri primogenituræ, ut ſi filius primus, vel ſrater primus ſine liberis deſunctus eſſet, ſequens ſrater, ducta mortui uxore, filios ei generaret, qui ius primogenituræ in paterna familia nanciſcerentur. Ceterum hanc legem de ducenda uxore fratris deſuncti, poſtea extenſam ad conſanguineos & affines, non tantum fratres, nimirum ad propinquos alios, ad quos ius redimendi ab illo vendita pertinebat, ex lege altera Levit. xxiv. verſ. 25. ex hiſtoria Ruth, & uſu & conſuetudine Hebræorum apparet. ET SUSCITABIT SEMEM FRATRIS SUI. Hebr. *Et levirabit, levirabit eam*. Vide vim verbi *לָוִיָּא*, *iabam*, Genef. xxxviii. verſ. 8. Quidam hic reddunt: *Et cognatam efficit eam*; vel *cognationis*, ſeu *affinitatis iure ducet*; id eſt, capiet eam in uxorem tamquam cognatam ſuam, vel iure propinquitatis. Aliqui: *Fratriabit eam*; id eſt, iure fratris, ducet fratricam ſuam. Nec deſunt qui: *Et cognationis iure erga eam utitur*. Quidam: *Et leviri officium præſtato ei*. Quibuſdam Hebræorum placet, verbum *iabam*, *levirare*, vel *levirare*, hic contraria ſignificatione, ut aliis verbis Hebraicis accidere ſolet, dici pro *aſſerre*, *tollere leviratam*. Quod *Et leviratam amovebit ei*; id eſt, deſinet eſſe ei levir, & fiet maritus. Ergo quod hic iubetur levir ducere uxorem fratris ſui deſuncti, quidam intelligunt, ſi ipſe ab uxore liber eſt; nam ne quidem hoc nomine duabus ſimul uxoriſ licet uti. Vide Levitic. xviii. verſ. 28.

V. 6. NOMINE ILLIUS APPELLABIT. Hebr. *Surget ſuper nomen fratris ſui mortui*.

mortui. Quidam: *Stabit nomine fratris sui defuncti.* Alii: *Succedet in nomen fratris filius mortui;* hoc est, dicitur ac censetur filius mortui fratris, & ad eum pertinebunt defuncti hereditas, & omnia eius iura. Nec erat necesse quod eodem nomine quo defunctus, appellaretur.

V. 7. *SUSCITARE NOMEN FRATRIS SUI;* id est, generando filium pro eo, efficere ut eius nomen, quod aliqui interitum esset conservetur.

V. 8. *SI RESPONDERIT.* Hebr. *Et stabit, & dicit.* Quidam exponunt: *Stabit ante iudices, vel in iudicio.* Alii: *Quod si perstat, dicendo; vel si persistens dixerit;* id est, si persistit, & perseveraverit in fententia.

V. 9. *ET TOLLET CALCEAMENTUM DE PEDE EUS.* Hebr. *Extrahet, detrahet, exuet, spoliabit calceamentum, &c.* Quidam interpretantur. Id est, publico hoc signo translationem iuris & possessionis ab eo testator: nam calcus possessionis signum erat; detractio vero & traditio alienatæ possessionis & translatæ. Huius legis affine exemplum vide Ruth iv. vers. 7. Calceamentum possessionis esse signum, Psalm. lix. vers. 10. & Psalm. cvii. vers. 10. indicari videtur. Ceterum in exemplo Ruth non cognata vel affinis, ut hic, sed ipse vir detrahit sibi calceamentum, in signum renuntiati iuris. Nec ibi est sputatio in faciem, quod nimirum non propinquo tanta ignominia irrogatur, ut fratri, qui arctius astringitur ad conservandam successionem fratris. *QUI NON AEDIFICAT DOMUM FRATRIS SUI.* Notissimus Hebraismus, id est qui non gignit prolem eius nomine, in qua conservetur nomen, domus, & familia eius: nam filii sunt ædificia parentum, & fulcra domus. Vide Genes. xvi. vers. 2.

V. 13. *DIVERSA PONDERA.* Hebr. *lapis & lapis;* vel *diversum pondus:* se ipsum mox exponit, *magnum & parvum:* sic versu sequenti de epha.

V. 14. *MODIUS.* Hebr. *ephah & ephab,* id est diversum ephah: aiunt esse synecdochem, speciem mensuræ pro genere. De epha diximus Exod. xvi. vers. 16. & 36. De lege iustorum ponderum & mensurarum, vide Levit. xix. vers. 35. 36.

V. 18. *ET EXTREMOS AGMINIS TUI, QUI LASSI RESIDEBANT, CECIDE-*
Bib. Sac. Tom. III.

RIT. Hebr. *Et decavalavit in te omnes debiles, vel debilitate affectos, post te.* Quidam: *Et truncavit caudam in te, vel truncavit te cauda in omnibus debilibus post te.* Alii: *Et cecidit caudam in te, &c.* id est, in postremo agmine tuo cecidit omnes qui debilitate affecti sequebantur te: vel, & carpsit in postremo agmine tuo omnes debiles, qui erant in ipso extremo agmine. Hispanicus Interpres: *Y te desguarnecio la retaguarda de todos los flacos, que iban de tras de ti:* sensum expressit paraphrasi. Vide Exod. xvii. vers. 8. hanc historiam, cum tamen aliqua hic dicantur quæ ibi silentio transmissa sunt.

V. 19. *DELEBIS NOMEN EUS SUB CAELO.* Vide Exod. xvii. 14.

M E N O C H I I.

Vers. 3. *UT QUADRAGENARIUM NUMERUM NON EXCEDANT.* Ita D. Paulus, *Quinquages, inquit, quadragenas una minus accepi,* II. Corinth. xi. 24. Iudæi, ne quadragenarium numerum forte excederent, etiam intra illum fe continebant, triginta novem plagis tantum inficilis.

V. 4. *NON LIGABIS OS BOVIS TERTENTIS IN AREA FRUGES.* Bobus olim urebantur ad trituram, ut patet ex illo Osee x. 11. *Ephraim vitula docta diligere trituram.* Vetat ergo ligari os bovi tritुरanti, quia par est ut animalia laborantia comedant. Hoc loco utitur Paulus I. Corinth. ix. 9. ad probandum prædicatores Evangelii ex sua prædicatione vivere posse: quamvis enim ad litteram de bobus hæc lex intelligatur; primaria tamen Dei intentio in mysticum sensum ferebatur quem explicat S. Paulus loco citato.

V. 5. *QUANDO HABITAVERINT FRATRES SIMUL;* id est, quando eiusdem tribus, & familiæ fratres fuerint, qui in eodem loco habitare solent, videlicet ubi familiæ est hereditas; sive hi utrumque parentem eundem haberent, sive alterum dumtaxat, sive aliter eiusdem familiæ fratres dici poterint. *SUSCITABIT SEMEN, prolem scilicet, quæ fratris defuncti nomen, & stirpem propaget.*

V. 6. *NOMINE ILLIUS, fratris scilicet defuncti.* Hebr. est, *Primogenitus stabit nomine fratris sui.* Nominem, id est lo-

co fratris sui: sic Booz filium ex Ruth susceptum non appellavit Mahalon, quo nomine prior Ruth maritus vocabatur, sed Obed. Ratio vero totius huius legis fuit, ne familiarum Israelitarum numerus minueretur, nec hereditates tribuum, & familiarum confunderentur, quod accidisset, si viduæ alienis viris nupsissent: bona enim sua in exteris familias transulissent.

V. 7. AD PORTAM CIVITATIS: ubi scilicet iudicia exercebantur.

V. 9. TOLLET CALCEAMENTUM DE PEDE EIUS. Hæc cæremonia, ut etiam spueri in faciem eius, ad ignominiam inurendam pertinebat. Aliqui censent, hanc calcei depositionem iuris sui spoliationem, aut cessionem significare. QUI NON AEDIFICAT DOMUM, id est familiam; hoc est, qui non suscitatur proles fratri suo.

V. 12. ASCINDES MANUM ILIUS, &c. Ratio huius pœnæ est, tum quia pudendum, & ignominiosum est hoc muliebri facinus; tum quia læso hoc membro, generationis, & posteritatis fons omnino intercipitur.

V. 13. DIVERSA PONDERA. Sic Proverb. xx. 10. dicitur: *Pondus & pondus, mensura & mensura, utrumque abominabile est apud Deum.*

V. 18. QUOMODO OCCURRERIT TIBI, &c. Historiam habes Exod. xvii. nulla tamen ibi mentio de caelo extremo agmine: quod ibi dictum non est, hic suppletur a Mose. ET NON TIMUERIT DEUM, populum Dei violando, & attergo, & ex insidiis invadendo.

V. 19. DELEBIS NOMEN EIUS SUB CAELO. Idem Exod. xvii. 14. præcipitur, & factum postea a Saule I. Reg. xxv.

T I R I N I.

Vers. 3. QUADRAGENARIUM NUMERUM NON EXCEDANT. Iudæi legis huius servandæ studio, metu ne, si quadragenarium numerum completerent, forsitan oblivione, inadvertentia, vel impetu animi excederent, in more habebant non nisi triginta novem ictus infligere, teste Iosepho a. Unde & Apostolus in suo illo exantlatorum laborum catalogo, *A Iudæis*, inquit b, *quinque quadragenas una minus accepi.* Infligeban-

tur autem hæc verbera flagello seu scutica e nervis aut pelle confecta, teste eodem Iosepho.

V. 4. NON LIGABIS OS BOVIS, &c. Ad litteram prohibet Deus ne vel capistro, vel alio impedimento prohibeatur bos veluti ex manipulis in quibus triturandis reipsa laborat: *quia æquum non est*, inquit Iosephus & Philo c, *vestire laboris socios, quo minus & fructuum sint participes.* Sed allegorico sensu (quem Deus hic primario intendit, & quem Paulus d. explicat) docentur homines non negare victus stipendium iis qui ipsorum causa laborant, maxime vero Evangelii ministris. Bobus autem triturari solitum non solum apud Iudæos, sed & apud Romanos, & Græcos, & alias gentes, ex Varrone, Columella, Homero, & Athenæo e constat: & etiamnum in Canariis insulis in usu esse perhibetur.

V. 5. QUANDO HABITAVÉRINT FRATRES SIMUL; hoc est, quando eiusdem tribus, & familiæ fuerint, qui ferre in eodem loco habitare solent, ubi familiæ est hereditas: ET UNUS EX SIS ABSQUE LIBERIS MORTUUS FUERIT, vel si quos moriens habuit liberos, ii ante initum matrimonium exstinguantur; UXOR DEFUNCTI NON NUBET ALTERI quam qui sanguine propinquior defuncto fuerit. Hoc solum tangit uxorem primariam; vel, si plures primariæ defuncto fuissent, eam quam ex omnibus propinquior sibi delegisset.

Petes, quid agendum, si frater defuncti, vel alius quicumque propinquus cui successio debebatur, adhuc infans esset, vel impubis? Respondeo, expectandam eo casu viduæ fuisse adultam pueri ætatem, ut in simili ante legem fecit Thamar Genes. xxxviii. vers. 11. Hoc tamen intellige, si modo spes esset quod per diuturnum ætatis lapsum ipsa non fieret ad generandum impotens. Nam si eius rei periculum esset, poterat illa, immo debebat, relicto puero, alteri propinquo defuncti iam maturo nubere, & defuncto semen suscitare.

Petes secundo, quanta fuerit obligatio vel viduæ nubendi propinquo vel propinquo ducendi viduam a defuncto relictam? Respondeo: Ante legem Mosaicam videtur apud Chananæos id stricte iustitiæ fuisse, ut patet ex

ex casu Thamar, Genes. xxxviii. 26. Sed tanta obligatio non videtur lege Moy- sis admissa fuisse; immo poena hic vers. 9. apposta, non arguit ullam gravem obligationem. Quin ex facto Ruth (cap. iv.) constat, nullam prorsus obligationem fuisse, si quis alius e fratribus, vel propin- quis paratus esset id officium caritatis de- functo exhibere.

Petes tertio, an si defunctus nullum quidem filium, sed tamen filiam reliquis- set, nihilominus vidua etiam tunc tene- batur nubere fratri, vel propinquo defun- cti? Respondeo: Nec debebat, nec pote- rat: quia extra casus hic exceptos erat il- licitum viduas nubere fratri mariti defun- cti, ut patet Levit. xx. vers. 21. Atqui hic casus non excipitur hoc loco, nam & filia inter liberos censetur, & eo casu aliter ex lege, Numeror. ult. prospectum erat continuationi nominis, & familiae defuncti. Nam filia sic sola heredi- tatem patris adibat; sed conditione, ut ipsa uni de tribu & familia nuberet, cuius prima proles mascula, filius diceba- tur non patris ex quo genitus esset, ne- que eius fiebat heres, neque in eius ge- nealogia nominabatur; sed avi materni & filius censebatur, & heres fiebat, & in ge- nealogia ab avo ad nepotem immediate transitus fiebat.

(*) Ioseph. Lib. IV. cap. viii. Antiquit.

(b) II. ad Corinth. xi. vers. 24.

(c) Ioseph. sup. Philo Lib. de Caritate.

(d) I. ad Corin. xi. vers. 9.

(e) Varro Lib. I. de Re rustica cap. xii. Columella Lib. II. de Re rustica cap. xxi. Homer. Iliad. Y. & E. Athen. Lib. XII.

GORDONI.

Vers. 2. **S**IN AUTEM QUI PECCA- VERIT, DIGNUM VIDE- TUR FLAGIS, &c. Aliquando etiam in causa civili decernebatur flagellatio, nempe ob crimen tunc incidens, ut si quis cor- rumpat vel testes, vel instrumenta. Vetat lex ne excedatur numerus quadragenarius; & ne casu contingeret excessus, tantum triginta novem plagas inferebant. Hinc II. Corinth. xi. vers. 24. *Quinque quadragenas, una minus, accepi.* Vide Ioseph. Lib. IV. Antiq. cap. viii.

V. 3. **N**E... AB EAT FRATER TUUS; id est, ne moriatur.

V. 4. Boves triturare solebant in Pala- stina. Vult lex ista sensu litterali, ut non claudatur illis os: comedere enim par est. Sensus porro typicus est apud Paulum de concionatoribus, qui sunt ut boves in agro Dei, & (quod significatur I. Corinth. ix. vers. 9.) in lege Evangelica, praecipua cura est, non de veris bobus, sed typice, seu de concionatoribus.

V. 5. Nata inde proles censetur esse fra- tris defuncti. Nomine fratris hic non accipitur cognatus, sed qui habet utrumque, vel alterum parentem communem; nec tantum de primogenito defuncto, sed etiam de minoribus. Ceterum lex haec obli- gabat fratres singulos, quemque suo ordi- ne. At quid si defunctus tantum filiam reliquisset? An tunc tenebatur frater su- perstes, fratram, hoc est uxorem defun- cti ducere? Negant aliqui. Vide Abulen- sem, qui affirmantem partem tuetur. In- famia recusantis suscitatur vers. 8. & 9. Vide Levit. cap. xviii. vers. 16.

V. 6. **FILIUM NOMINE ILLIUS AP- PELLABIT**, scilicet quo ad continuatam successionem familiae: nam nomen aliqui poterat esse diversum, ut videt Ruth iv. vers. 10.

V. 7. **QUAE EX LEGE DEBETUR.** Nec in Hebr. est, nec apud Sept. **NON VULT SUSCITARE**: non vult ducere uxorem.


V. 12. **ABSCIDES.** Sermo est ad iu- ducem.

V. 14. **MODIUS.** Vide Exod. cap. xvi. vers. 36. Modius est Hebr. *ephi*, & con- tinet tria sata.

V. 18. & 19. De hoc bello cum Ama- lec, vide Exod. xvii. hic addit, quod esset de extremo agmine, ibi omisum. Porro praedicat hic delendum nomen Amalec, vers. 19. hoc factum est I. Reg. xv. re- gnante Saule.

EX EIUSDEM AUCTIONARIO.

V. 9. **TOLLET CALCEAMENTUM.** An signum cessionis iuris, an etiam ad ignominiam? **NON AEDIFICAT**, non suscitabit prolem.



CAPUT XXVI.

*Primitie ac decime ubi & quibus exolvenda, & sub
qua verborum forma.*

1.  Umque intraveris terram, quam Dominus Deus tuus tibi datus est possidendam, & obtinueris eam, atque habitaveris in ea: 2. tolles de cunctis frugibus tuis primitias, & pones in cartallo, pergesque ad locum, quem Dominus Deus tuus elegerit, ut ibi invocetur nomen eius: 3. accedesque ad sacerdotem, qui fuerit in diebus illis, & dices ad eum: Prosteor hodie coram Domino Deo tuo, quod ingressus sum in terram, pro qua iuravit patribus nostris, ut daret eam nobis. 4. * Suscipiensque sacerdos cartallum de manu tua, ponet ante altare Domini Dei tui: 5. & loqueris in conspectu Domini Dei tui: Syrus persequeretur patrem meum, qui descendit in Aegyptum, & ibi peregrinatus est in paucissimo numero: crevitque in gentem magnam ac robustam & infinitam multitudinis. 6. Affligeruntque nos Aegyptii, & persecuti sunt imponentes onera gravissima: 7. & clamavimus ad Dominum Deum patrum nostrorum: qui exaudivit nos, & respexit humilitatem nostram, & laborem, atque angustiam: 8. & eduxit nos de Aegypto in manu forti, & brachio extento, in ingenti pavore, in signis atque portentis: 9. & introduxit ad locum istum, & tradidit nobis terram lacte & melle manantem. 10. Et idcirco nunc offero primitias frugum terrae, quam Dominus dedit mihi. Et dimittes eas in conspectu Domini Dei tui, & adorato Domino Deo tuo. 11. * Et epulaberis in omnibus bonis, quae Dominus Deus tuus dedit tibi, & domui tuae, tu & levites, & advena qui tecum est. 12. Quando compleveris decimam cunctarum frugum tuarum, anno decimarum tertio, dabis levitae, & advenae, & pupillo & viduae, ut comedant intra portas tuas, & saturentur: 13. loquerisque in conspectu Domini Dei tui: * Abstuli quod sanctificatum est de domo mea, & (a) dedi illud levitae & advenae, & pupillo ac viduae, sicut iussisti mihi: non praeterivi mandata tua, nec sum oblitus imperii tui. 14. Non comedi ex eis in luctu meo, nec separavi ea in qualibet immunditia, nec expendi ex his quidquam in re fenebri. Obedivi voci Domini Dei mei, & feci omnia sicut praecipisti mihi. 15. (b) Respice de sanctuario tuo, & de excelsu calorum habitaculo, & benedic populo tuo Israel, & terrae, quam dedisti nobis, sicut iurasti patribus nostris, terrae lacte & melle mananti. 16. Hodie Dominus Deus tuus praecipit tibi ut facias mandata haec atque iudicia: * & custodias & impleas ex toto corde tuo, & ex tota anima tua. 17. Dominum elegisti hodie, ut sit tibi Deus, & ambules in viis eius, * & custodias caeremonias illius, & mandata atque iudicia, & obedias eius imperio: 18. * & (c) Dominus elegit te hodie, ut sis ei populus peculiaris, sicut locutus est tibi, & custodias omnia praeccepta illius: 19. & faciat te excellentem cunctis gentibus

tibus quas creavit, in laudem, & nomen, & gloriam suam: ut sis populus sanctus Domini Dei tui, sicut locutus est.

(a) Sup. xiv. 29. (b) Isaiæ lxxii. 15. Baruch xii. 16. (c) Sup. vii. 6.

B R U G E N S I S

ROMANÆ CORRECTIONES.

V. 4. *Suscipiensque sacerdos cartallum de manu tua.* Non mutes pronomen secundæ personæ tuæ in tertiz eius.

V. 11. *Et epulaberis in omnibus bonis.* Non est omittenda ea quæ præmittitur coniunctio &.

V. 13. *Abstuli quod sanctificatum est de domo mea.* Adulterinum est quod alii legunt *astuli*; quasi dicat, se huc e domo sua adferre; cum e contrario, negans se domi suæ retinuisse, profiteatur se distribuisse egenis. Gemina igitur lectio est *abstuli*, quæ & He-

bræo, Chaldæo, Græcoque consentanea est.

V. 16. *Et custodias, & impleat.* Prius & non est mutandum in *ut*.

V. 17. *Et custodias ceremonias illius.* Nec istud & vertendum in *ut* est.

V. 18. *Et Dominus elegit te hodie.* Istam coniunctionem & quidam vertunt in adverbium demonstrandi *En*, sed pessime.

LECTIONUM VARIETAS.

V. 10. *Et adorato Domino tuo.* Boni libri omittunt copulativam & hoc loco, ut initio proximi versus addunt *Et epulaberis*, &c.

C O M M E N T A R I A

S A.

Vers. 2. **C**ARTALLO, id est canistro, seu porta.

V. 5. SYRUS, scilicet Laban. PERSEQUEBATUR. Chald. *Quæsiuit perdere*. PATREM, scilicet Iacob.

V. 7. HUMILITATEM, id est afflictionem.

V. 10. DOMINUS DEDIT. Hebr. Chald. & LXX. *Tu Domine dedisti*.

V. 12. COMPLEVERIS DECIMAM; id est, satisfeceris debito solvendi decimas debitas levitis in templo, seu tabernaculo servientibus. Vide sup. cap. xiv. & Num. xviii. DECIMARUM: scilicet quæ dabantur levitis reliquis, & pauperibus tertio quoque anno. TUAS, id est urbis tuæ.

V. 13. SANCTIFICATUM. Chald. *decimas sanctificatas*.

V. 14. LUCTU, id est egestate; quasi dicat: Non defraudavi decimis eos quibus debebantur, ob egestatem meam. IMMUNDITIA; quasi dicat, ad uinum profanum. FUNEBRI, id est in exequiis.

V. 15. SANCTUARIO. Hebr. Chald. & LXX. *sancto habitaculo*. Et DE; pro, id est de.

V. 16. HODIE, id est hoc tempore:

vel significatur quotidie id cogitandum; renovandamque mentem ea cogitatione.

V. 19. NOMEN, scilicet celebre. SANCTUS, id est dicatus.

E S T I I.

Vers. 5. **S**YRUS PERSEQUEBATUR PATREM MEUM, QUI DESCENDIT IN AEGYPTUM, &c. Quidam sic exponunt: Syrus, id est Laban, qui habitabat in Mesopotamia Syriæ, affligebat patrem meum Iacob dura servitute, & defraudatione debitæ mercedis, quem etiam discedentem persecutus est; Iacob autem postea pressus inopia ciborum descendit in Aegyptum. Alii, ut Pagninus, & Vatablus; ex Hebræo vertunt hoc modo: *Syrus peribat pater meus, aut periturus erat*, penuria laborabat. Et ita sensus est: Iacob qui habitavit in Syria, fruenti penuria laborans, ita ut metueret ne ipse cum suis consumeretur inopia, sicut dicitur Genes. xlii. descendit in Aegyptum. Sed sensus eodem fere recidit. Est enim protestatio gratuita donationis terræ promissæ.

V. 14. NON COMEDI EX EIS IN LUCTU MEO, NEC SEPARAVI EA IN

QUA-

QUALIBET IMMUNDITIA, NEC EXPENDI EX HIS QUIDQUAM IN RE FUNEBRI. Non solum non licebat de decimis quidquam in suos, vel alienos usus usurpare, quantumcumque etiam in speciem pios & iustos; quin etiam ipsæ decimæ mundæ esse debebant, id est non contaminatæ contactu alicuius rei immundæ; & ipsæ quoque qui decimas separabat, debebat esse mundus. Atque hoc est quod offerens hic protestatur: *Non comedi ex eis in luctu meo*, seu tristitia mea, id est in calamitate, seu paupertate mea: etsi indigentia pressus, tamen nihil ex decimis usurpavi. Secundo: *Non separavi eas in qualibet immunditia*, id est imple immundus existens, vel eas quocumque modo, aut cuiuscumque rei contactu immundas faciens. Et tertio: *Non expendi ex his quidquam in re funebri* (quod Hebr. sonat *pro mortuo*) id est, nihil ex decimis subtraxi in usum exequiarum, faciendo videlicet convivium in sepultura mortui, vel aliquid simile. Hac igitur protestatione significat se decimas offerre & mundas, & integras.

MARIANAE.

Vers. 2. **P**ONES IN CARTALLO, id est calathio, canistro. *Cartalum* vox Græca est, quam ex Sept. sumpsit Hieronymus. **UT IBI INVOCETUR NOMEN EIUS.** Hebr. *Ut habitet nomen eius ibi.* *Habitare*, est eius nomen locum vocari & templum.

V. 5. **ET LOQUERIS.** Hebr. *Et respondetis*: sic Sept. sed *respondere* sæpe idem est quod *incipere loqui*. **SYRUS PERSEQUEBATUR PATREM TUUM:** nimirum *Laban* ut Chald. exprimit. *voluit patrem meum perdere*: scilicet *Iacob*, dura eum servitute cum oppressit. Hebr. *Syrus peritit pater meus*, quod Hebræi de *Iacob* explicant; & vocari *Syrum*, quoniam diu in *Aram* mansit. Et fortassis ab *Aram* dicta est *Armenia* locis vicina. Hebraica verba pro variis punctis utramque sententiam reddunt, ut modo sunt, significant quod Hebræi volunt: sed si **אִבְדָּךְ** *ibbed* in *Piel* ponatur, reddit Hieronymus sensum, quod magis placet. Quid enim *Iacob* vocetur *Syrus*?

V. 13. **ABSTULI DE DOMO**

MEA: sic Sept. & Chald. sed Hebr. est tantum, *de domo*: *Abstuli sanctitatem de domo*. Et videtur significare, secundam decimam, quam aliis annis in templo consumebam, tertio ad egenos converti. Tamen in Numeris diximus, eo anno tertiam decimam non esse datam, sed secundæ novum usum præscriptum.

V. 14. **NON COMEDI EX EIS IN LUCTU MEO.** Significat ad nullos alios usus eam decimam convertisse, nec eas illa instruxisse convivia funebria. Nec separavi ea in qualibet immunditia. Hebr. *Et non tuli ex eo in pollutione*; id est, nihil ex eo attuli quod pollutum esset. **NEC EXPENDI EX HIS QUIDQUAM IN RE FUNEBRI.** Hebr. *Et non didi ex eo mortuo*. Quod Hebræus intelligit de sepulcri fabrica, quoniam per luctum intelligit funebria convivia; Hieronymus de funere accepit, & de expensa quæ in eo fit. Parum tamen interest.

V. 17. **DOMINUM ELEGISTI HO-DIE.** Hebræi, *Exaltasti hodie*. Eodem modo versu proximo, pro **DOMINUS ELEGIT TE**, explicant illi, *Dominus exaltavit te*; sed Sept. & Chald. Hieronymi interpretationem ponunt.

MALVENDAE.

Vers. 2. **DE CUNCTIS FRUGIBUS TUIS PRIMITIAS.** Notant, nimirum quas sibi in festo pentecostes offerri voluit Deus. tributum nomine: quam rem ridicule imitantes ethnici, præmetium Cereri offerebant. Vide supra cap. xvi. vers. 10. De præmetio vide Festum in Præmetio, & in Sacræima; & Iosephum Scaligerum in Coniectaneis ad Lib. V. M. Varronis, de lingua Latina, verbo *Vinariæ*. Quidam hic de festo tabernaculorum agi putant: quod eo tempore iam fruges omnes essent maturæ. **IN CARTALLO.** **אֶתְּ תִנֶּה** *tene*, aiunt eile copinum, corbem, sportam, canistrum, cistam, calathum. Alii, *tinam*, vel *tiniam*. Sed sine M. Varroni, Festo, Nonio sunt vasa vinaria; ut etiam nobis Hispanis, qui *tinaz*, & *tinaias* dicimus.

V. 5. **SYRUS PERSEQUEBATUR PATREM MEUM.** Recte, nam participium **אִבְדָּךְ** *obed*, apte reddi potest *Syrus per-*

perdens, perditur, patris mei: & de Laban intelligunt, qui Syrus seu Mesopotamenus variis laboribus exercuit Iacob: vide Genes. xxviii. 5. & cap. xxxi. Alii varie convertunt: I. Syrus ablator patris mei. Nam Laban interverlor erat facultatum Iacobi, Genes. xxxi. vers. 7. Hanc Forsteri interpretationem redarguit Mercerus in hæc verba: *Perperam quidam recentiorum active exponit contra huius verbi naturam, & reclamantibus Hebræis, Syrus ablator patris mei. Nam quod Chaldeus Interpres vertit, Laban Syrus querebat perdere patrem meum; & noster Interpres, Syrus persequabatur patrem meum: non est dubium, quin sine punctis, quibus tunc carebant Biblia, אבדו ibed legerint in Pihel, id est perdebant; non obed, in Kal. Ceterum nedum Chaldeus & Noster, sed etiam Caietanus, Monstherus, Oleastrius, Steuchus, & Schindlerus active interpretantur: Syrus perdens patrem meum, vel perditur patris mei; id est, perdere volens, vel conatus est perdere, perdebatur patrem meum. Nec est insolens coniugationes significationem interdum permutare, & mutuo sibi commodare. II. Syrus periens, miser, pater meus: vel Syrus perditus, desperatus pater meus, erat videlicet. Notant, præsens participium obed supplere vices Pabul, & nominis Toar, & dici eleganter de viro paupertate, inopia, miserrisque omnibus afflicto, quasi iam perituro, & pene perditio. Syrum hunc pereuntem omnes interpretantur Iacobum, quod in Syria peregrinatus fuerit, & viginti annorum servitutem apud socerum Laban in Syria servierit, Genes. xxxi. vers. 28. ubi peribat, & in magna anxietate versabatur per totos viginti annos: ut ipse cum Laban expositulans ait Genes. xxxi. vers. 40. *Interdum æstu confectus sum, noctu glacie.* III. Syrus penuria laborans pater meus, descendit in Aegyptum, &c. quasi dicat: Has opes seu divitias non accepimus a parentibus, non a patre nostro Iacobo, sed a Deo nostro: nam pater noster Iacob, qui habitavit in Syria, illic laboravit penuria, ita ut ipsi Laban servierit: postea idem in terra Chanaan laborans rursus inopia descendit in Aegyptum tempore famis, &c. Hæc omnia eo tendunt, ut ostendat Moyses filios Israel non accepisse terram promissam iure hereditario a pa-*

rentibus, sed dono Dei. IV. Quidam: Syrus pater meus periturus erat, & descendit in Aegyptum, &c. id est, fame periturus fuerat, nisi in Aegyptum descendisset, Hispanicus Interpres: *El Syro mi padre pereciendo de hambre descendió a Aegyptio.* Nec desunt, qui hic Syrum patrem meum, ipsum Abraham intelligant Transeuphratensem & Syrum, qui fame pressus in Aegyptum descendit, Genes. xii. vers. 10. Sed est sensus alienissimus.

V. 12. QUANDO COMPLEVERIS, &c. Hebr. Cum consummabis decimare decimationem proventus tui, in anno tertio, anno decimationis, &c. Quidam: Cum absolveris dare omnes decimas fructuum tuorum anno tertio, qui annus decimarum est; id est, quo separabuntur decimæ comedendæ singulis locis promissæ terræ: & lex illa decimarum complebatur, de qua supra cap. xiv. vers. 28.

V. 13. ABSTULI, vel attuli, QUOD SANCTIFICATUM EST DE DOMO MEA. De significatu verbi אָבָה baghar, quod Noster hic abstuli, vel attuli dixit, egimus Numer. xxiv. 22. & supra cap. xiii. vers. 5. Plerique hic vertunt: extuli, sustuli, removi, tuli, separavi sanctitatem de domo, vel separationem de domo; id est, congregavi decimam istam trietericam sacram, nempe Deo oblatam, & ab ipso imperatam, &c. Ego retinui propriam & genuinam verbi significationem: combussi, depastus sum sanctitatem de domo; quasi dicat: Tamquam incensum quoddam & sacrificium igne absumendum sustuli hanc decimam sacram, & removi e domo mea ut darem levitis, peregrinis, &c. vel penitus abstuli e domo mea, ac si igne combussissem, ut nihil omnino eius apud me reservaverim: sic vers. 14. Quidam: depascere feci, seu comedere feci sanctitatem de domo; id est, decimam quam Domino sanctificaveram aut separaveram, quæ quidem sanctitas erat in domo mea servata. Quidam illud e domo mea, exponunt ne cum reliquo proventu adhiberetur ad res domesticas.

V. 14. IN LUCTU MEO. בְּאֵינִי beoni; varie redditur. I. in concupiscentia mea. II. in tristitia mea, in luctu, in dolore meo, ab אָנָה anah. Explicant: Id est, hilariter feci, quamvis in re tenui, angustis, & rerum difficultatibus præfusus: quod mihi præter

ter decimas reliquum factum est, non comedi tristis propter alienatas decimas, sive de illis comederim, sive abstinerim ex lege. III. *in dolore meo*, id est in calamitate, seu necessitate mea; quasi dicat: Etiam egestate pressus non comedi aliquid ex iis decimis Deo sacratis, seorsim, nihil ex eis in usus meos, etiam paupertate vexatus detraxi. De voce *on* differuimus Genes. xlix. vers. 3. **NEC SEPARA VI EA IN QUALIBET IMMUNDITIA.** Hebr. *Et non sustuli de ea in contaminato, polluto, immundo, impuro*; hoc est, ut expenderem aliquid ex iis decimis in rem immundam, pollutam, aut profanam; aut in alium usum quam qui præscriptus est a te. **IN REFUNEBRI.** Interpres Hispanicus, *para mortuorio*: Hebr. *in mortuum, vel pro mortuo*; quidam, *in funere*. Quasi dicat: Ne in religiosis quidem sumptibus funerum ullam decimarum partem collocavi; sed me continui intra terminos a te præscriptos. Nonnulli putant hic improbari pravam ethnicorum morem, qui mortuis cœnas & cibos parabant, quasi mortui eas gullarent, aut iis delectarentur. Lucianus: *Verum illis persuasum est, umbras ab inferis reduces cœnare quidem, utcumque liceat circum nidorem voltando: bibere autem & foreis nullum*. S. Augustinus sermone xv. de Sanctis: *Miror cur apud quosdam infideles hodie tam perniciosus error increverit, ut super tumulos defunctorum cibos & vina conferant: quasi egressæ de corporibus animæ carnales cibos requirant*. Notissima est defunctorum cœna siliernium, de qua vide Festum, & Servium. Fortasse hic proficitur Israelitæ, se nihil ex sacratis iis trietericis decimis in cœnas defunctorum impendisse, aut siliernia fecisse.

V. 19. RESPICE. Hebr. *Prospice, aspella*. Coniunctio Hiphil hic posita, attentam, & providam, seu accuratam inspectionem seu prospectiorem indicat. Vide II. Reg. ix. vers. 30. in Notis. **DE SANCTUARIO TVO.** מַגְבוֹן *magbon*, aiunt esse *caveam, habitaculum*, a גָּבוֹה *gabarab*, curvitate, seu concavitate dictum. Alii *mansionem, receptaculum* reddunt. Quidam notant, forsitan ut מִגְבוֹן *gbonab*, *tempus desinitum rei alicui agendæ, ut inuenda uxori*, significat, de qua voce egimus Exod. xxi. vers. 10. sic & hoc nomine *magbon* certum & de-

stinatum habitaculum designari: unde & pro *stata eade*, quo Israelitæ ad preces & sacra facienda conveniebant, sumi.

V. 17. DOMINUM ELEGISTI HODIE. Præteritum דָּבַרְתָּ *beemartti*, formulæ Hiphil, quidam Hebræorum volunt mutare significationem ab אָמַר *amir*, quæ vox summum illum ramum, seu palmitum in arbore significat, qui Latinis dicitur *verber*: unde metaphorice reddunt, *Dominum eminere fecisti, exaltasti, extulisti, elevasti*: ut etiam significatu communicet cum verbo דָּרַר *rum*, cognato: ut verber est ramus supremus in arbore. Alii interpretantur: *Iehovan prædicasti, evexisti sermone*, seu laudibus celebrasti. Nonnulli Hebræorum: *Dominum dicere fecisti*, id est fuisse causa ut diceret, quod erit tibi in Deum, &c. Aliqui: *Iehovam condixisti, addixisti hodie tibi*; vel *Iehovæ condixisti, addixisti te hodie*, id est obstrinxisti. Nec desunt qui convertant: *Iehovam fecisti dicere*, seu *spondere*. *Fecisti ut Iehova dicat*, id est ut spondeat ac promittat tibi. Vel *A Iehova stipulatus es sponsonem hodie*. Aiunt, hic statui summam renovationem fœderis, quod olim ante 439. annos cum Abrahamo Deus pepigerat Genes. xvii. cuius sequitur confirmatio cap. seq. ut vers. 9. illius ostenditur; conclusio vero & consummatio cap. xxix. & xxx. At ego simpliciter exposuerim: Ipsum I HUH dixisti hodie ut esset tibi Deus; id est, edixisti, clare, aperte, ritu solemniori pronuntiaisti, ex animo & ex corde prodixisti, protestatus es. Hanc esse vim verbi דָּבַר *amar* in Hiphil, ut hic ponitur, existimamus: neque enim alibi quam in hoc versu & sequenti in ea formula reperitur, eadem proflus vi, & notatione.

V. 19. IN LAUDEM, ET NOMEN, ET GLORIAM SUAM. Quidam hanc partem iungunt cum proxime antecedente membro, *Quas gentes creavit ad laudem, & nomen, &c.* quia tam variegatas a Deo creatas, eius magnitudinem ostentant. Plerique cum remotiori membro initio versus: *Et faciet te excelsoiorem cunctis gentibus, in laudem, & nomen, & gloriam suam*; id est, faciet te inclytum præ aliis nationibus, ut propterea ipse laudetur, &c. vel quod ipsi celebritati, famæ, & gloriæ vertet. Quidam ad populum referunt, vertuntque: *Quia ut efficiat te sub-*

limis

limem supra omnes gentes quas fecit, laude, & nomine, & gloria: tum ut sis populus sanctus Iehovæ, &c. Alii: Ut ponas te excelsores cunctis gentibus, quas fecit: ut sis in laudem, & celebre nomen, & ingloriam: & sis populus sanctus Domino, &c. id est, ut sis populus laudatus, famosus, inclitus.

M E N O C H I I.

Vers. 1. **O**BTINUERIS EAM, quod factum est septimo anno ab ingressu in Chanaan.

V. 2. PRIMITIAS, annuas quæ in festo tabernaculorum offerendæ erant, ut patet Numer. xviii. 12. Vide ibi dicta. **PONES IN CARTALLO.** Cartallus copinus est seu corbis in angustum desinens in ima sui parte.

V. 4. **PONET ANTE ALTARE, &c.** quadam oblationis specie.

V. 5. SYRUS, hoc est Laban focer Iacobi qui habitabat in Mesopotamia Syriæ, Genes. xxviii. 5. **QUI DESCENDIT IN AEGYPTUM,** non statim, sed aliquot post annis. **IN PAUCISSIMO NUMERO,** septuaginta hominum, filiorum scilicet suorum, ac nepotum. **CREVITQUE IN GENTEM MAGNAM.** Vide Exod. i. 7.

V. 7. HUMILITATEM NOSTRAM, hoc est humiliationem, afflictionem.

V. 8. **IN INGENITI PAVORE.** LXX. in visionibus magnis.

V. 10. **ADORATO DOMINO DEO TUO,** humiliando se coram altari, & orando. ut Deus eum dirigat in bono.

V. 11. **EPULABERIS, &c.** De his epulis dictum supra cap. xii. 7.

V. 12. **QUANDO COMPLEVERIS DECIMAM CUNCTARUM FRUGUM, &c.** De his decimis vide Levit. xix. 24. & Deuter. xiv. 28.

V. 13. **QUOD SANCTIFICATUM EST,** decimas quas sanctificari, id est separari, & tibi in pauperibus offerri mandasti.

V. 14. **NON COMEDI EX HIS IN LUCTU MEO:** non comedi ex eis immundus existens ex luctu, & funere, quod illicitum est: neque enim quæ in victimas pacificas oblata sunt, ea immundi gustare possunt, ut patet Levit. vii. 10. **NEC SEPARAVI EA IN QUALIBET IM-**

Bib. Sac. Tom. III.

MUNDITIA. Non solus ego immundus non fui, sed etiam quod obtuli mundum extitit, a qualibet immunditia illud removi, secreteque ne contaminaretur. **NEC EXPENDI EX HIS QUIDQUAM IN RE FUNEBRI:** veritum enim erat ex his decimis Deo sanctificatis detrachere, aut in usum profanum, aut in convivium, pompæque funebrem, sepulcri erectionem &c. impendere.

V. 16. **TOTO CORDE, &c.** omni animi studio, & contentione.

V. 17. **DOMINUM ELEGISTI UT TIBI SIT DEUS,** renovando, & confirmando fœdus antea cum Deo factum.

V. 19. **ET NOMEN, & famam.**

T I R I N I.

Vers. 5. **S**YRUS (hic est Laban) PERSEQUEBATUR PATREM MEUM. Iacobum e Mesopotamia redeuntem in Chanaan, Genes. xxxi. Nam Mesopotamia in qua Laban habitabat, est pars Syriæ, unde & passim in Scripturis a vocatur *Mesopotamia Syriæ*:

V. 13. **QUOD SANCTIFICATUM EST,** hoc est omne genus decimarum quæ iussu Dei separandæ erant a reliquis, quasi sanctæ a profanis, **ABSTULI DE DOMO MEA,** hoc est integras extuli, & huc attuli, nec quidquam ex his domi remansit. Hæc & sequentia continent gratiarum actionem atque in ea protestationem, qua, peractis iam suis sacrificiis & sacris epulis, domum regressuri Iudæi, teste Iosepho supra, publice removebant a se suspicionem omnem defectus alioquin admissi, aut immunditiæ quæ timeri posset in rebus hisce sacris, seu ex parte offerentis, seu ex parte rei oblatæ, seu ex parte usus, verbi gratia, comestionis rei sacræ. Unde subdebant:

V. 14. **NON COMEDI EX HIS IN LUCTU MEO,** scilicet funebri existens, atque ideo immundus ex mortuo: neque enim talibus qui funeri intersuissent licebat vesci sub pœna capitis ex hostiis pacificis, Levit. vii. vers. 20. Addunt: **NEC SEPARAVI EA IN QUALIBET IMMUNDITIA;** hoc est, nihil etiam eorum quæ Deo offerenda seposui, pollutum aut immundum fuit. Denique: **NEC EXPENDI EX HIS QUIDQUAM IN RE FUNEBRI,**

Q99 hoc

hoc est ad rem quampiam immundam. Et vero vetitum erat universim, ex decimis Deo semel sepositis, ad usum profanum aliquid detrudere: quantum ergo flagitium fuisset, si quis quid ex his in rem immundam expendisset? verbi gratia, in pompam funebrem, vel convivium funebre, vel sepulcri erectionem: nam totum negotium funebre immundum erat, & omnibus usurpantibus summam immunditiam afflabat. Porro de variis decimarum generibus, & sacris epulis inde solitis instrui, vide Levit. xix. & Deut. xii.

(a) II. Reg. x. 16. & seqq.

GORDONI.

Vers. 1. **H**Æc lex de offerendis in canistro, seu cartallo primitiis in memoriam benefactoris Dei, incipit obligare Hebræos tantum exacto primo septennio, ut indicat hic vox, *Obtinueris*, Apud Septuag. *ἡ παρανομία ἐν αὐτοῖς*.

V. 2. **TOLLES DE CUNCIS**, &c. An hoc semel tantum exacto septennio, vel quinto bellorum anno faciendum esset, an vero quotannis in primitiarum oblatione, non video satis colligi ex textu. Probabile mihi est, non multiplicari hic præcepta, sed addi oblationi primitiarum specialem professionem in commemorationem accepti beneficii. De his primitiis vide Levit. xxiii. vers. 19.

V. 5. **SYRUS PERSEQUEBATUR**, &c. Formula est professionis, & confessionis de accepto beneficio divino. Syrus hic est Laian, qui Iacob

persecutus est Gen. cap. xxxi. Est Mesopotamia (unde tunc redibat Iacob) pars Syriæ. In Hebr. *Syrus perdens patrem meum*; tamen Septuag. sic habent, *Syriam reliquit*, vel *reiecit pater meus*, *Συρίαν ἀνέλεψε* *πατέρα μου*: & post moram aliquot annorum in Chanaan venit in Aegyptum, Genes. cap. xlii. & Act. vii. Crevit in gentem Exod. i. vers. 7.

V. 11. **ET EPULABERIS**, &c. Hic præsertim intelligo sacras epulas, de quibus supra actum est cap. xii. vers. 17.

V. 12. **QUANDO COMPLEVERIS DECIMAM**, &c. Præter decimas annuas, addebatur tertio anno (duobus scilicet annis interiectis) altera decima in usum levitarum indigentium, & pauperum in ea urbe in qua quis manebat. Et hic tertius annus vocabatur annus decimæ, seu annus decimarum. De his decimis dixi hic supra, cap. xiv. vers. 28. & 29. vide etiam Levit. xix. vers. 24.

V. 14. **NON COMEDI EX HIS**, &c. Sic loquitur qui est observator legis de decimis. Cum autem ait *Non comedi*, scilicet ex eis quæ secundum legem comedi non debebant; nec ad hanc transgressionem passus sum me induci ulla urgente necessitate, aut occasione.

EX EIUSDEM AUCTIONARIO.

V. 14. **NON COMEDI**, existens immundus ex lactu, funere, & similibus. **NEC SEPARAVI**: nec obtuli quod immundum erat. **NEC EXPENDI**. Prohibitum nempe erat ex his decimis aliquid impendere in profanos usus.

CAPUT XXVII.

*Altare lapideum erigendum, lexque lapidibus inscribenda: benedictiones
piorum, & maledictiones impiorum.*

1. **P** Ræcepit autem Moyses & seniores Israel, populo dicentes : Custodite omne mandatum quod præcipio vobis hodie . 2. Cumque transieritis Iordanem in terram, quam Dominus Deus tuus dabit tibi, eriges ingentes lapides, & calce levigabis eos, 3. ut possis in eis scribere omnia verba legis huius, Iordane transmissio : ut introcas terram, quam Dominus Deus tuus dabit tibi, terram lacte & melle manantem, sicut iuravit patribus tuis. 4. (a) Quando ergo transieritis Iordanem, erigite lapides, quos ego hodie præcipio vobis, in monte Hebal, & levigabis eos calce : 5. & ædificabis ibi altare Domino Deo tuo, de lapidibus quos ferrum non tetigit, 6. & de faxis informibus & impolitis : & offeres super eo holocausta Domino Deo tuo, 7. & immolabis hostias pacificas, comedisque ibi, & epulaberis coram Domino Deo tuo. 8. Et scribes super lapides omnia verba legis huius plane & luteide. 9. Dixeruntque Moyses & sacerdotes Levitici generis ad omnem Israel : attende, & audi Israel : hodie factus es populus Domini Dei tui : 10. audies vocem eius, & facies mandata atque iustitias, quas ego præcipio tibi. 11. Præcepitque Moyses populo in die illo, dicens : 12. * Hi stabunt ad benedicendum populo super montem Garizim, Iordane transmissio : Simeon, Levi, Iudas, Issachar, Ioseph, & Benjamin . 13. Et e regione isti stabunt ad maledicendum in monte Hebal : Ruben, Gad, & Aser, & Zabulon, Dan, & Nephthali. 14. (b) Et pronuntiabunt Levitæ, dicentque ad omnes viros Israel excelsa voce : 15. Maledictus homo qui facit sculptile & conflatile, abominationem Domini, opus manuum artificum, ponetque illud in abscondito : & respondebit omnis populus, & dicet : Amen. 16. Maledictus qui non honorat patrem suum, & matrem : & dicet omnis populus : Amen. 17. Maledictus qui transfert terminos proximi sui : & dicet omnis populus : Amen. 18. Maledictus qui errare facit cæcum in itinere : & dicet omnis populus : Amen. 19. Maledictus qui pervertit iudicium advenæ, pupilli, & viduæ : & dicet omnis populus : Amen. 20. Maledictus qui dormit cum uxore patris sui, & revelat oprimentum lectuli eius : & dicet omnis populus : Amen. 21. Maledictus qui dormit cum omni iumento : & dicet omnis populus : Amen. 22. Maledictus qui dormit cum sorore sua, filia patris sui, vel matris suæ : & dicet omnis populus : Amen. 23. Maledictus qui dormit cum socru sua : & dicet omnis populus : Amen. 24. Maledictus qui clam percussit proximum suum : & dicet omnis populus : Amen. 25. Maledictus qui accipit munera, ut percutiat animam sanguinis innocentis : & dicet omnis populus : Amen. 26. Maledictus qui non permanet in sermonibus legis huius, nec eos opere perficit : & dicet omnis populus : Amen.

(a) Exod. xx. 25. Ios. viii. 31. (b) Dan. ix. 11.

DEUTERONOMII BRUGENSIS

ROMANÆ CORRECTIONES.

V. 12. *Hi stabunt ad benedicendum populo.*
Cavendus est vetus error eorum qui legunt
Domino, id est *re nupia*, pro populo, quod

est *re n'ap* sive plebi.

Verſui 25. præponunt quidam codices hanc
maledictionem: *Maledictus qui dormit cum*
uxore proximi sui: & dicit omnis populus,
Amen. Verum illa adiectitia, & superflua est.

C O M M E N T A R I A.

S A.

Verſ. 2. **L** AEVIGABIS: scilicet deal-
bando. Hebr. *lines*: sic &
infra.

V. 3. **LEGIS HVIUS**, scilicet Deca-
logi, vel oninium præceptorum quæ hoc
hoc libro scribuntur. **IURAVIT.** Auguſt.
Deum iurare, est inconcuſſa veritate firmare.

V. 4. **PRÆCIPIO**, scilicet erigendos.
V. 8. **PLANE ET LUCIDE**, id est lit-
teris claris & legibilibus.

V. 9. **HODIE**, &c. quasi dicat: Cogita
te hodie factum Dei populum, & incipe
novam vitam.

V. 12. **BENEDICENDUM**, id est præ-
candum bonæ; vel respondendum Amen,
ad benedictiones. **IOSEPH**, id est E-
phraim, & Manasse.

V. 13. **MALEDICENDUM**, id est im-
precandum mala, vel respondendum Amen,
ad maledictiones.

V. 14. **LEVITÆ.** Hi erant secundum
quosdam in medio montium.

V. 15. **MALEDICTUS.** Nota, quod
benedictiones hic omittuntur, vel hæ ma-
ledictiones addebantur post benedictiones,
& maledictiones quæ hictacentur, & for-
te sunt illæ, de quibus cap. seq. **ABOMI-
NATIONEM DOMINI**; quasi dicat, quod
Dominus maxime detestatur. **AMEN**; id
est, ita sit.

V. 16. **NON HONORAT.** Hebr. *viſi-
pendit*.

V. 17. **TERMENOS**, id est limites agri.

V. 20. **OPERIMENTUM LECTULI**
EIUS. Hebr. *oram patris sui*, scilicet ope-
rimentum uxoris patris. Chald. & **LXX.**
operimentum patris sui.

V. 21. **OMNI**, id est quovis.

V. 25. **PERCUTIAT ANIMAM**, id est

vitam auferat. **SANGUINIS**, id est ho-
minis.

V. 26. **NEC EOS OPERE**, &c. Expli-
catio est præcedentis.

E S T I I.

Verſ. 5. & 6. **E**T AEDIFICABIS IBE
ALTARE DOMINO.
DEO TUO... DE SAXIS INFORMIBUS,
ET OFFERES SUPER EO HOLOCAU-
STA. De hoc altari a Iosue postea ædi-
ficato, vide Iosue VIII. Fuit autem hoc
altare erectum priusquam certam sedena
accepisset arca Domini, & ea quæ ad ta-
bernaculum pertinebant; atque ideo quo-
que iubetur tumultuarie fieri ex lapidibus
impolitis & informibus, quia temporaneum
tantum futurum erat, & postea disiciend-
um, ne in eo postmodum filii Israel for-
te adhuc sacrificarent.

V. 18. **MALEDICTUS QUI ERRARE**
FACIT CÆCUM IN ITINERE. Hoc
peccatum referendum est ad præceptum,
Non occides. Qui enim cæco ponit offer-
diculum, & maxime in itinere facit erra-
re, impellit eum in vitæ periculum. Nam
homo cæcus devians ab itinere, facile po-
test incidere vel in aquam, vel in fo-
veam, vel in feras, & alia pericula si-
milia.

V. 28. **MALEDICTUS QUI NON PER-
MANET IN SERMONIBUS LEGIS HU-
IUS, NEC EOS OPERE PERFECIT.** Hoc
universally accipiendum, *Qui non*
permanet in omnibus &c. Sic enim cūat
Apostolus ad Galat. III. *Maledictus qui*
non permanserit in omnibus quæ scripta sunt
in libro legis ut faciat ea; quomodo etiam
vertunt Septuaginta. Sensus igitur est:
Eum esse maledictum, id est subiectum
mal-

maledictionibus, quæ hic enumerantur, qui opere non præstat universa quæ lex præscribit, intelligendo ea legis mandata quæ continent substantiam vitæ. Vel hoc sensu: Qui non servaverit omnia, sic ut nusquam peccet graviter contra aliquod eorum, vel ut non excidat a fine legis, quæ est caritas Dei, & proximi. Maledictiones autem hic intelliguntur temporales; ut patet ex numeratione maledictionum infra posita, ubi nihil dicitur de poena æterna. Sed tamen maledictiones a Christo Matth. xxv. & alibi expressæ de igne æterni, fletu oculorum, stridore dentium, & similibus, sub istis maledictionibus tamquam sub umbris & figuris continebantur: *Omnia enim in figuris contingebant illis, &c.*

MARIANAE.

Vers. 6. **D**E SAXIS INFORMIBUS ET IMPOLITIS. Hebr. *de saxis perfectis*, id est integris, non dolatis. Hieronymus sensum expressit.

V. 14. ET PRONUNTIABUNT VERBA. Hebr. *Et respondebunt*, id est loquentur.

V. 15. AMEN. VOX Hebraica significans *veritas*, aut *verum sit*, idque aut per modum deprecationis, aut per modum susceptionis; quasi dicat: Ita mihi contingat; aut, Sic est ut dicis. Sept. *Fiat* dicere pro *Amen*: ut & in Psalmis, &c.

V. 16. QUI NON HONORAT, &c. Hebr. *Qui vilipendit patrem suum & matrem suam, maledictus sit*.

V. 20. OPERIMENTUM LECTULI EIVS. Hebr. *alam patris sui*; sed de *ala seu operimento superius* cap. xxii. vers. 30. Illud *lectuli eius*; Hieronymus addidit.

V. 25. ANIMAM SANGUINIS INNOCENTIS. Hebr. *animam sanguinem innocentem*, appositivè. Iam diximus, sedem animæ, seu vitæ, esse sanguinem.

V. 26. QUI NON PERMANET IN SERMONIBUS. Hebr. *Qui non stare faciet* (pro *stabit*) *verba legis huius, opere servans*, scilicet sit ille maledictus.

MALVENDAE.

Vers. 2. **E**T CALCE LAVIGARIS EOS. Nondubito quin ano-

mine *שׁוּר* *sid*, effectum sit verbum *שׁוּר* *sud*, *calce obducere, obtegere, oblinire, incrustare, polire, lavigare*. Hispanice, *encalar, polir, y brunir con cal*. Festus: *Calicata ædificia, calce posita. Calicatis, calce politis*. Annotat Scaliger veteres dixisse *Calecata*, ut legitur hodie in Tabula vetustissima Aletri, *Basilicam calecandam*. Glossæ Isidori: *Decalco, dealbo*. Ita enim calce poliuntur ædificia ut fiant alba, tersa, lævia, fulgentia instar speculorum. Unde hic recte vertimus, *Et calicabis, vel calecabis eos in calce, seu cum calce*. Hebraico more, verbo addi nomen eiusdem significationis, nimis est usitatum, *ut manicare in mane, lapidare in lapide, & alia eiusmodi*. Sic infra vers. 4.

V. 3. UT INTROEAS TERRAM. Quidam reddunt: *Ut pervenias in illam terram*; id est, ut pervenies obtineas, & persuasuris ea. Metalepsis.

V. 5. QUOS FERRUM NON TETIGIT. Vide Exod. xx. vers. 25.

V. 6. ET DE SAXIS INFORMIBUS ET IMPOLITIS. Optime sensum expressit: nam Hebr. *Lapiasibus integris ædificabis altare*; id est, non ictis, aut dedolatis, ne scilicet ferro formatis, æquatis, politis. Vide Exod. xx. vers. 25.

V. 8. OMNIA VERBA LEGIS HUJUS. Istud exponitur Iosue viii. vers. 32. מִשְׁנֵה תֹרַת מֹשֶׁה *mischné, thorat Moscheb*; id est, *Duplum, sive exemplar legis*, nempe *Deuteronomium*, quasi dicat; *iterationem*; seu *secundationem legis*, ut Noster ibidem, & supra cap. xvi. vers. 18. interpretatus est: unde non dubito in iis lapidibus integrum Deuteronomium descriptum, id est totum hunc quantum librum legis Moisis; nam erant lapides grandes instar ciporum, supra vers. 2.

V. 9. ATTENDE. הִשָּׁמֶת *haseet*. Non alibi id verbum שָׁמַת *sacat* reperitur in Scriptura: aiunt esse *attendere, advertere*; & potius esse gestus quam sensus. Formula Hiphil significatum auget, ut hic magnum silentium, attentionem, & advectionem postulet Moies.

V. 12. HI STABUNT AD BENEDICENDUM POPULO SUPER MONTEM GARIZIM. Exponunt: Istæ tribus stabunt super montem Garizim, ut populo audiente recitentur benedictiones, aut ad audiendas benedictiones. Notant Moisen
ad

ad benedictiones potiores tribus elegerit; filios nempe liberarum, Lia & Rachelis; ad maledictiones vero, sex tribus, filios ancillarum, Zelphæ, & Balæ, cum duobus filiis Ruben, & Zebulon de libera Lea: forte ob eam causam, quod benedictio honorabilior & dignior sit quam maledictio, ideo ornamdam fuisse præstantioribus tribubus. Tradunt autem quidam Hebræorum, benedictiones, & maledictiones hoc ordine factas, ut sex capita trium liberarum consisterent in monte Garizim; & sex alii servarum filii ex adverso in monte Hebal. In campo interiacente sacerdotes erant ferentes arcam Domini, quos circumstabant levitæ: hinc autem & hinc sub radicibus utriusque montis univèrsa Israelitarum multitudo. Levitæ igitur facie ad montem Garizim conversi, sic oriebantur: *Benedictus sit quisquis non fecerit sculptile, &c.* Populus ad hoc respondebat *Amen*. Deinde conversi ad Hebal facie, dicebant *Maledictus sit qui fecerit sculptile, &c.* & populus respondebat *Amen*; & sic per reliquas benedictiones & maledictiones. Prius promulgatas fuisse benedictiones, postea maledictiones, apparet e Iosue viii. vers. 34. vide eo capite a vers. 30. & deinceps executionem eorum quæ hic a vers. 2. usque ad finem Capitis præcipiuntur. De situ duorum istorum montium, Garizim, & Hebal, egimus plenius supra cap. xi. vers. 29.

V. 14. ET PRONUNTIABUNT LEVITAE. Hebr. *Et respondebunt levitæ*. Quidam: *Et loquentur levitæ*. Alii: *Et protestabuntur levitæ*. Nonnulli: *Et conceptis verbis levitæ dicent*. Sed notum est, respondendi verbum Hebræis interdum esse quod voce clara & sonora alternis canere, seu responsorie pronuntiare ritu solemnique; ut Exod. xv. vers. 21. Unde hic levitæ alternis cum populo voce elata, & solemnique ritu pronuntiant benedictiones & maledictiones, ipsis proponentibus, & populo respondente *Amen*. Ita accipiendum in sequentibus.

V. 15. MALEDICTUS. ארור *arur*, omnia ista complectitur; execratus, corrosus, discerptus, laceratus, dilaniatus, compunctus, transfixus, ex vicinis verbis. Vide Genes. iii. vers. 14. ut gravior hic maledictio intelligatur. QUI FACIT SCULPTILE ET CONFRACTILE. Hebr.

Qui faciat dedolatum, & fufuram. Hispanicus Interpres, *Quæ hizièrè esculptura, & vaziadizo*; vel *imagen de talla, o fundicion*. AMEN. De hac voce vide Numer. v. vers. 22. Hebræi hic exponunt: Id est, Veritas erit hoc, quod revera erit maledictus quisquis admisit quidvis ex istis. Aiunt dictum fuisse per modum imprecationis, vel per modum receptionis, quia recipiebant super seipsos maledictionem si talia admisissent; quasi dicat: Firmissime & ratissime erit maledictus; verissime, & certissime veniet in eum maledictio: Ita prosequi fiat, & indubitate eveniat. Ita in seqq.

V. 20. ET REVELAT OPERIMENTUM LECTULI EIUS. Hebr. *Quia revelavit, discooperuit alam, oram, patris sui*. Quidam: *Quia retexit oram, vestimenti patris sui*. Alii: *Quia discooperuit oram patris sui*; id est, operimentum lectuli patris sui, aut angulum pallii, id est remotam patri suæ, quam nemo alius attingere, aut reterege debet, nisi ipse. Operimentum, quo turpitudinis patris tegitur, turpitudinem patris vocat pudenda novercæ. Vide cap. xxii. vers. 30.

V. 25. QUI ACCIPIT MUNERA. Exponunt, sive iudex sit, sive testis, sive ficiarius, sive redemptor, aut vindex cædis. UT PERCUTIAT ANIMAM SANGUINIS INNOCENTIS. Hebr. *Ad percutiendum animam sanguinem infantis*. Per appositionem dictum volunt, animam sanguinem innocentem, id est hominem qui est sanguis innocens. Quidam: *Ut percutiat percussione animæ*, id est vulnere lethali, sanguinem innocentis. Alii: *Ut percutiat animam*, id est vitam, sanguinem innocentis. Sanguinem innocentem appellat hominem innocentem. Nonnulli: *Ad percutiendum quemquam cæde innocentis*; id est, ad ita cædendum quemquam; ut a ficiariis & sceleratis hominibus occiditur innocens.

V. 26. QUI NON PERMANET. Hebr. *Qui non surgere faciet*. Alii: *Qui non statuerit, vel stabilierit, confirmaverit, ratificaverit*. Quidam: *Qui non perfecerit prestiterit verba legis, &c.* Vide Galat. iii. vers. 10.

MENOCHII.

Vers. 2. **INGENTES LAPIDES:** fortasse duodecim pro numero duodecim tribuum; nec fuerunt idem hi lapides cum lapidibus altaris. **LAEVIGABIS EOS.** Hebr. *Limies*, vel *incrastabis eos calce*.

V. 3. **OMNIA VERBA LEGIS HUIUS,** Deuteronomii scilicet.

V. 5. **DE LAPIDIBUS, QUOS FERUM NON TETIGIT.** Rationem huius præcepti vide supra Exod. xx. 25.

V. 7. **COMEDESQUE IBI ET EPULABERIS,** de pacificis scilicet hostiis sacro epulo instituto.

V. 8. **PLANE ET LUCIDE,** clare & distincte.

V. 9. **HODIE FACTUS ES POPULUS DOMINI DEI TUI,** explicatum hoc præcedenti cap. num. 17.

V. 12. **HI STABUNT AD BENEDICENDUM POPULO.** Vide dicta cap. xi. 29. **IOSEPH:** Ephraim, & Manasse.

V. 14. **LEVITAE, sacerdotes. EXCELSA VOCE,** ut exaudiri possent saltem a primis, qui responderent, Amen, quos reliquus totus cætus voce consona comitaretur.

V. 15. **SCULPTILE,** idolum e ligno, aut lapide, quod fit sculpendo, aut dolando. **CONFLATILE,** idolum ex metallis, quæ constant, & in idoli figuram conformantur. **PONETQUE ILLUD IN ABSCONDITO,** ut scilicet clam colat. Hæc ergo maledictio etiam in peccantem occulte iacitur. **OMNIS POPULUS,** sex scilicet tribus designatæ ad conclamandum benedictionibus cum benediceretur, & sex aliz cum malediceretur.

V. 16. **QUINON MONORAT.** Hebræa vox, & Græca significantior est: nam significat eum qui contemnit, despicit, ignominia afficit.

V. 17. **QUI TRANSFERT TERMINOS PROXIMI SUI,** ut quæ illius sunt occupet, illo submoto.

V. 18. **CAECUM:** sic Levit. xix. 14. *Non maledices surdo, nec coram cæco pones offendiculum.*

V. 19. **PERVERTIT,** perverse iudicando in gratiam potentioris.

V. 20. **REVELAT OPERIMENTUM**

LECTULI, &c. Res turpis pudenter, & honestis verbis exprimitur.

V. 25. **UT PERCUTIAT ANIMAM:** ut vitam auferat.

TIRINI.

Vers. 2. **ERIGES INGENTES LAPIDES,** tot quot inscribendo toti Deuteronomio a necessarii fuerint. Andreas Masius & b Serarius duodecim fuisse volunt. **ET CALCE LAEVIGABIS EOS.** Neque enim in lapidibus impolitissimis conscribi lex potuisset, nisi prius calce obliti, aut simili alia incrustatione levigati forent; opera vero mallei eos levigare, nimis longæ, & difficilis operæ fuisset.

Nota. Præter hos lapides quibus inscribi iussu Deuteronomium, iussi quoque sunt componi alii rudes lapides ad altare construendum, non in monte seu iugo Garizim, sed in Hebal, altero eiusdem montis iugo, iuxta Sichimam, in ea parte Chananæ, quæ obtigit tribui Ephraim. In hoc altari iubentur holocausta & pacificas hostias immolare Deo, & de immolatis epulari. Interim tribus sex nobiliores, puta Simeon, Levi, Iudas, Issachar, Ioseph (duplicata ex Ephraim ac Manasse) & Benjamin, constituuntur a dextris in monte Garizim, & in confiniis illius; reliquæ sex a sinistris in monte Hebal: sacerdotibus cum arca in media valle consistentibus, qui mox instar scæcialium ad innovandum, firmandumque fœdus Deum inter & Israelitis, primo versus montem Garizim conversi, voce excellæ intonabant conceptis verbis benedictiones seorsim singulas; ad quas responsabant Amen, seu fiat, omnes it qui ad montem Garizim stabant. Deinde conversi ad Hebal, simili modo pronuntiabant singulas maledictiones seu execrationes, quibus responsabant qui erant in & circum Hebal. Et quidem maledictiones sigillatim hic exprimuntur numero duodecim, forsan primariæ & præcipuæ, sed benedictiones nupquam disertis verbis expressas habes: facile tamen ex maledictionibus colligere est, quales illæ benedictiones fuerint, nempe quæ contrariis virtutum actionibus bonæ & præmia decernerent.

Petes primo: Quorsum hæc æremonia? Respondeo ad litteram, ut hoc novo ritu

fec-

scelus cum Deo instauraretur in primor-
ræ promissæ ingressu: & Israelitæ his so-
lemnibus benedictionum pollicitationibus,
ac maledictionum interminationibus, ad
accuratiorem legis divinæ observationem
excitarentur. Analogice vero, ut typus
esset extremi horrendique iudicii, quod ve-
rus Iosue, seu Iesus Christus, in ingressu
futuræ vitæ inter oves a dextris, & hæ-
dos a sinistris instituet, ut ait Ruper-
tus c.

Petes secundo: Quando usurparit hanc
cærenoniam Iosue? Respondeo, *Quinto*
anno ab ingressu terræ sanctæ, inquit Iose-
phus d. Sed ex vers. 12. huius capitis pa-
tet, statim Iordane transmissio id peragen-
dum fuisse: & Liber Iosue satis indicat,
post Ierichuntinam & Haiensem expugna-
tionem mox peractum fuisse.

- (a) Pater ex Iosue viii.
- (b) And. cap. vi. Iosue.
- (c) Rupertus Lib. II. cap. v.
- (d) Iosephus Lib. III. Antiquit. cap. 1.

GORDONI.

Vers. 2. **ERIGES INCENTES LAPI-**
DES, &c. Transito Iordane
erigi iubentur hi lapides. Sane in monte
Hebal, ubi futuræ sunt maledictiones, &
benedictiones, ut hic vers. 12. & 14. ac
deinceps. De his, maledictione, & bene-
dictione, vide quæ dixi cap. xi. vers. 29.
& 30. Scriptura numerum lapidum non
exprimit. Certe tot fuisse oportet, quot
essent necessarii ad excipiendum totum
Deuteronomium. Erant vero lævigandi hi
lapides, quando impoliti non recipiebant
characteres.

V. 3. **OMNIA VERBA LEGIS HU-**
IVS. Mirum est quam varie hoc intelli-

gant Interpretes. Probabilius est, nec so-
lum Decalogum, nec totum Pentateuchum
intelligi, sed Deuteronomium, ut iam di-
cebam. Ita Abulenſis hic q. 1. Et certe
id clare videtur haberi Iosue viii. vers.
32. *Scriptis*, inquit, *Deuteronomium legis*
Mosi. In Hebr. *miyne thorath moyse*. Pa-
nin. מִינֵי תּוֹרַת מֹשֶׁה, vertit *duplicationem*.

V. 4. **ERIGITE LAPIDES.** Hic di-
screpant Interpretes de usu lapidum; pro-
babilius tamen est, diversos fuisse lapides
destinatos altari extruendo, ab his quibus
inscribatur Deuteronomium. Nam alta-
ris lapides impoliti dantur; at destinati ex-
cipiendo Deuteronomio poliendi sunt cal-
ce. Vide Ioseph. IV. Antiq. cap. ult.

V. 6. **SAXA** hæc informia sunt. Septuag.
lapides integros vocant *ἀόκλιντοις*. Hebr.
saxa perfecta; scilicet quibus nihil detra-
ctum est, sed stat prima & rudis forma.

V. 12. Mons Garizim imminet urbi Si-
chem, Iudic. ix. vers. 7. ubi fuit tem-
plum Samaritanum, concedente Alexandro
Magno, de quo dixi ad an. 3670. Ever-
sum ab Hircano est an. 3878. Conditor
Sanaballat Samariæ præfectus, vide Ioseph.
XI. Antiq. cap. vii. Huius templi memi-
nit Samaritana, Ioan. iv. vers. 20.

V. 18. Per cæcum aliqui intelligunt con-
siliū inopem; alii viæ ignarum: immo po-
tiore iure addę, oculis captum, ut vides
Levit. xix.

EX EIUDEM AUCTIONARIO.


V. 15. **IN ABSCONDITO**, ut ibi il-
lud collat.

V. 17. **TERMINOS**: sic enim invadit
quod alienum est.

V. 21. **UT PERCUTIAT ANIMAM**:
vitam aufert, per iniustam sententiam.

C A P U T XXVIII.

Multiplex promittitur observantibus legem benedictio, & transgre-
dientibus maledictio.

1.  I autem audieris vocem Domini Dei tui, ut facias atque custodias omnia mandata eius, quæ ego præcipio tibi hodie, faciet te Dominus Deus tuus excellentiorem cunctis gentibus, quæ versantur in terra. 2. Venientque super te universæ benedictiones istæ, & apprehendent te: si tamen præcepta eius audieris. 3. Benedictus tu in civitate, & benedictus in agro. 4. Benedictus fructus ventris tui, & fructus terræ tuæ, fructusque iumentorum tuorum, greges armentorum tuorum, & caulæovium tuarum. 5. Benedicta horrea tua, & benedictæ reliquiæ tuæ. 6. Benedictus eris tu ingrediens & egrediens. 7. Dabit Dominus inimicos tuos, qui consurgunt adversum te, corruentes in conspectu tuo: per unam viam venient contra te, & per septem fugient a facie tua. 8. Emittere Dominus benedictionem super cellaria tua, & super omnia opera manuum tuarum: benedicetque tibi in terra, quam acceperis. 9. Suscitabit te Dominus sibi in populum sanctum, sicut iuravit tibi: si custodieris mandata Domini Dei tui, & ambulaveris in viis eius. 10. Videbuntque omnes terrarum populi quod nomen Domini invocatum sit super te, & timebunt te. 11. Abundare te faciet Dominus omnibus bonis, fructu uteri tui, & fructu iumentorum tuorum, fructu terræ tuæ, quam iuravit Dominus patribus tuis ut daret tibi. 12. Aperiet Dominus thesaurum suum optimum, cælum, ut tribuat pluviam terræ tuæ in tempore suo: benedicetque cunctis operibus manuum tuarum. Et fenerabis gentibus multis, & ipse a nullo fenus accipies. 13. Constituet te Dominus in caput, & non in caudam: & eris semper supra, & non subter: si tamen audieris mandata Domini Dei tui quæ ego præcipio tibi hodie, & custodieris & feceris, 14. ac non declinaveris ab eis, nec ad dexteram, nec ad sinistram, nec secutus fueris deos alienos, neque colueris eos. 15. (a) Quod si audire nolueris vocem Domini Dei tui, ut custodias, & facias omnia mandata eius & caeremonias, quas ego præcipio tibi hodie, venient super te omnes maledictiones istæ, & apprehendent te. 16. Maledictus eris in civitate, maledictus in agro. 17. Maledictum horreum tuum, & maledictæ reliquiæ tuæ. 18. Maledictus fructus ventris tui, & fructus terræ tuæ, armenta boum tuorum, & greges ovium tuarum. 19. Maledictus eris ingrediens, & maledictus egrediens. 20. Mittet Dominus super te famem & esuriem, & increpationem in omnia opera tua, quæ tu facies: donec conterat te, & perdat velociter, propter adinventiones tuas pessimas in quibus reliquisti me. 21. Adiungat tibi Dominus pestilentiam, donec consumat te de terra, ad quam ingredieris possidendam. 22. Percutiat te Dominus egestate, febri & frigore, ardore & æstu, & aere corrupto ac rubigine, & persequatur donec pereas. 23. Sit cælum, quod supra te est, æneum: & terra, quam

calcas, ferrea . 24. Det Dominus imbrem terræ tuæ pulverem, & de cælo descendat super te cinis, donec conteraris . 25. Tradat te Dominus corruentem ante hostes tuos: per unam viam egrediaris contra eos, & per septem fugias, & dispergaris per omnia regna terræ: 26. sitque cadaver tuum in escam cunctis volatilibus cæli, & bestis terræ: & non sit qui abigat . 27. Percutiat te Dominus ulcere Aegypti, † & partem corporis, per quam stercora egerunt, scabie quoque & prurigne: ita ut curari nequeas . 28. Percutiat te Dominus amentia & cæcitate ac furore mentis, 29. & palpes in meridie sicut palpare solet cæcus in tenebris, & non dirigas vias tuas . Omnisque tempore calumniam sustineas, & opprimaris violentia, nec habeas qui liberet te . 30. Uxorem accipias, & alius dormiat cum ea . Domum ædifices, & non habites in ea . Plantas vineam, & non vindemias eam . 31. Bos tuus immoletur coram te, & non comedas ex eo . Asinus tuus rapiatur in conspectu tuo, & non reddatur tibi . Oves tuæ dentur inimicis tuis, & non sit qui te adiuvet . 32. Filii tui & filiae tuæ tradantur alteri populo, videntibus oculis tuis, & deficientibus ad conspectum eorum tota die, & non sit fortitudo in manu tua . 33. Fructus terræ tuæ, & omnes labores tuos, comedat populus quem ignoras: & sis semper calumniam sustinens, & oppressus cunctis diebus, 34. & stupens ad terrorem eorum quæ videbunt oculi tui . 35. Percutiat te Dominus ulcere pessimo in genibus & in suris; sanarique non possis a planta pedis usque ad verticem tuum . 36. Ducet te Dominus, * & regem tuum, quem constitueris super te, in gentem, quam ignoras tu & patres tui: & servies ibi diis alienis, ligno, & lapidi . 37. Et eris perditus in proverbium ac fabulum omnibus populis, ad quos te introduxerit Dominus . 38. (b) Sementem multam facies in terram, & modicum congregabis: quia locustæ devorabunt omnia . 39. Vineam plantabis, & fodies: & vinum non bibes, nec collines ex ea quippiam: quoniam vastabitur vermibus . 40. Olivas habebis in omnibus terminis tuis, & non ungeris oleo: * quia defluent, & peribunt . 41. Filios generabis & filias, & non frueris eis: quoniam ducentur in captivitatem . 42. Omnes arbores tuas & fruges terræ tuæ rubigo consumet . 43. Advena, qui tecum versatur in terra, ascendet super te, eritque sublimior: tu autem descendes, & eris inferior . 44. Ipse fenerabit tibi, & tu non fenerabis ei . Ipse erit in caput, & tu eris in caudam . 45. Et venient super te omnes maledictiones istæ, & persequentes apprehendent te, donec intereas: quia non audisti vocem Domini Dei tui, nec servasti mandata eius & caeremonias, quas præcepit tibi . 46. Et erunt in te signa atque prodigia, & in semine tuo usque in sempiternum: 47. eo quod non servieris Domino Deo tuo in gaudio, cordisque lætitia, propter rerum omnium abundantiam: 48. servies inimico tuo, * quem immittet tibi Dominus, in fame, & siti, & nuditate, † & omni penuria: & ponet iugum ferreum super cervicem tuam, donec te conterat . 49. Adducet Dominus super te Gentem de longinquo, & de extremis terræ finibus, in similitudinem aquilæ volantis cum imperu: cuius linguam intelligere non possis: eo. Gentem procacissimam, quæ non deferat seni, nec misereatur parvuli, 51. & devoret fructum iumentorum tuorum, ac fruges terræ tuæ: donec intereas, & non relinquat tibi triticum, vinum, & oleum, armenta bouum, & greges ovium: donec te disperdat, 52. & conterat in cunctis urbibus tuis, & destruantur muri tui firmi atque sublimes, in quibus habebas fiduciam in omni terra tua. (c) Obfideberis intra portas tuas in omni terra tua, quam dabit tibi Dominus Deus tuus: 53. & comedes fructum

stum uteri tui, & carnes filiorum tuorum & filiarum tuarum, quas dederit tibi Dominus Deus tuus, in angustia & vastitate qua opprimit te hostis tuus. 54. Homo delicatus in te, & luxuriosus valde, invidet fratri suo, & uxori, quæ cubat in sinu suo, 55. ne det eis de carnibus filiorum suorum, quas comedet: eo quod nihil aliud habeat in obsidione & penuria, qua vastaverint te inimici tui intra omnes portas tuas. 56. Tenera mulier & delicata, quæ super terram ingredi non valebat, nec pedis vestigium figere, propter molliem & teneritudinem nimiam, invidet viro suo, qui cubat in sinu eius, super filii & filia carnis, 57. * & illuvie secundarum, quæ egrediuntur de medio seminum eius, & super liberis qui eadem hora nati sunt: comedent enim eos clam propter rerum omnium penuriam in obsidione & vastitate, qua opprimit te inimici tuus intra portas tuas. 58. Nisi custodieris & feceris omnia verba legis huius, quæ scripta sunt in hoc volumine, & timueris nomen eius gloriosum & terribile, hoc est Dominum Deum tuum: 59. augebit Dominus plagas tuas, & plagas feminis tui, plagas magnas & perseverantes, infirmitates pessimas & perpetuas: 60. & convertet in te omnes afflictiones Aegypti, quas timuisti, & adhærebunt tibi. 61. Insuper & universos languores, & plagas, quæ non sunt scriptæ in volumine legis huius, inducet Dominus super te, donec te conterat: 62. & remanebitis pauci numero, qui prius eratis sicut astra cæli præ multitudine, quoniam non audisti vocem Domini Dei tui. 63. Et sicut ante lætatus est Dominus super vos, bene vobis faciens, vosque multiplicans: sic lætabitur disperdens vos atque subvertens, ut auferamini de terra, ad quam ingredieris possidendam. 64. Disperget te Dominus in omnes populos, a summitate terræ usque ad terminos eius: & servies ibi diis alienis, quos & tu ignoras & patres tui, lignis & lapidibus. 65. In gentibus quoque illis non quiesces, neque erit requies vestigio pedis tui. Dabit enim tibi Dominus ibi cor pavidum, & deficientes oculos, & animam consumptam mæore: 66. & erit vita tuæ quali pendens ante te. Timebis nocte & die, & non credes vitæ tuæ. 67. Mane dices: Quis mihi det vespere? & vespere: Quis mihi det mane? propter cordis tui formidinem, qua terreberis, & propter ea, quæ tuis videbis oculis. 68. Reducet te Dominus classibus in Aegyptum, perviam de qua dixit tibi ut eam amplius non videres. Ibi venderis inimicis tuis in servos & ancillas, & non erit qui emat.

(a) Levit. xxvi. 14. Thren. ii. 17. Malach. ii. 2. Baruch i. 20. (b) Mic. vi. 15. Aggæ i. 6. (c) Baruch ii. 3. Thren. iv. 10.

B R U G E N S I S

ROMANÆ CORRECTIONES.

V. 20. *Et perdat velociter.* Non addas de sub celo.

V. 36. *Et regem tuum quem constitueris super te.* Alii minus apte legunt, *Et regem quem constitueris super te*, omisso pronomine tuum, & coniunctivo verbo in indicativum.

V. 40. *Quia defluent, & peribunt.* Sic legunt etiam antiqui codices simplex verbum *peribunt*, pro composito *deperibunt*.

V. 48. *Quem immittet tibi Dominus.* Non mutes *immittet cum emittet*, vocalem tertiam cum secunda.

V. 57. *Et illuvie secundarum.* Pro *secundarum* multi scribunt *secundinarum*, quæ non est vox latina, quod sciam.

LECTIONUM VARIETAS.

V. 27. *Et partem corporis per quam stercore egerunt.* Pro quarto calu *partem* quæ-

Rrr 2 dana

dam ex nostris insignibus manuscriptis habent sextum casum *parte*; & *parte*, supple *percutiat te*, & percutiat te ea parte corporis per quam sterora egerunt, mariscis scilicet, hæmeroidibus, ficis.

V. 48. *Et omni penuria*. Verisimiliter coniciunt quidam, pro ablativo singulari *omni*, legendum esse genetiivum pluralem *omnium*: quo facit, quod in insigni manuscripto Clarimarisci sit, *Et omnium verum penuria*, in alio quodam *omnium penuriarum*.

NOTATIO.

V. 22. & seq. Multa eorum quæ Latini codices fere ut imprecantis verba hoc capite scribunt: *Percutiat te Dominus egestate, & persequatur donec pereas* &c. Rabanus futuro tempore ut prædicentis verba legit: *Percutiet te Dominus egestate & persequatur, donec pereas*. Cælum, quod supra te est, æneum; & terra, quam calcas, erit ferrea. *Tradet te Dominus. Per unam viam egredieris, & per septem fugies, & dispergeris. Percutiet te Dominus ulcere Aegypti, filii tui, & filie tradentur*

alteri populo. Quibusdam partibus quædam scripta consentiunt. Hebraice nedum hæc, verum etiam universa huiusmodi, quæ hoc capite recensentur, tempore futuro, aut præterito in futurum convertendo, leguntur: sed ut prædicentis, & ut optantis verba reddi possunt. Hinc LXX. quædam hoc, quædam illo modo transulerunt. Neque a sanctorum mansuetudine alienum est, hoc modo optare transgressoribus, quas merentur, pœnas (id namque in Prophetarum libris non semel occurrit) non enim, quamvis similibus forte utantur verbis, quibus maledicis uti consuetudo est, male aut precantur, aut volunt: sed prædicunt id quod certo eventurum prævident, simulque ostendunt, non displicere sibi cognitam Dei sententiam, quam fixam, atque immobilem statuit. „ *Propheta cum* „ dicit, inquit Augustinus, *Sicut fuit cœ-* „ *a facie ignis, sic pereant peccatores a fa-* „ *cie Dei*, videt hoc certissime peccatoribus „ imminere, & placuit ei, quod Deus sta- „ tuit, ne Deo ipse displiceat. „ Sermone xxviii. de Diversis.

COMMENTARIA

S A.

Verf. 2. **B**ENEDICTIONES, id est bona, scilicet quæ sequuntur.

V. 3. **BENEDICTUS**, id est felix.

V. 4. **RELIQUIAE**, id est fructus qui reponuntur, seu asservantur. Chald. *parvæ*.

V. 6. **INGREDIENS, ET EGREDIENS**, id est in actionibus tuis.

V. 9. **SUSCITABIT**, id est eriget. Hebr. *statuet*. Chald. *constituet*.

V. 10. **INVOCATUM SIT**; quasi dicat, te Dei populum dici, & esse.

V. 12. **FENERABIS**; id est, mutuum dabis: sic inf. **FENUS**, id est mutuum.

V. 13. **IN CAPUT, &c.** quasi dicat: Faciet te primum, & non ultimum.

V. 14. **NEC AD DEXTERAM, NEC AD SINISTRAM**; id est, nec amore felicitatis, nec timore infelicitatis. Augult. quæst. xlviii. in Deut.

V. 20. **FAMEM ET ESURIEM. LXX. egestatem & esuriam**. Alii *maledictionem & turbationem*. **INCREPATIONEM**, id est interuersionem. LXX. *consumptionem*. Ad-

INVENTIONES TUAS PESSIMAS. Hebr. & Chald. *malitiam operum tuorum*.

V. 21. **ADIUNGAT**, proadiunget: sic in seq. ut patet ex Hebr.

V. 22. **EGESTATE**. Alii, *tumore, vel pbrisi*. **FRIGORE**: sic LXX. sed deest Hebr. & Chald. Nota, quod Hebr. Chald. & LXX. additur etiam *gladio*. **RUBIGINE**, scilicet segetes consumente.

V. 23. **ÆNEUM**, scilicet non dans pluuiam. **FERREA**, scilicet non dans fructum.

V. 24. **IMEREM**, id est pro imbre.

V. 27. **PARTEM CORPORIS, &c.** scilicet *hæmeroidibus*, ut est Hebr. & Chald.

V. 28. **FURORE**. Hebr. *stupore*. Chald. *conturbatione*. Sept. *eclassi*.

V. 29. **DIRIGAS**, id est prosperes. **CALUMNIAM. LXX. iniuriam**: sic & intra.

V. 31. **IMMOLETUR**, id est occidatur.

V. 32. **AD CONSPECTUM**; id est, aspiciendo an revertantur.

V. 35. **SURIS**, id est tibiis. Hebr. & Chald. *covis*.

V. 40. **DEFLUENT**; id est, in nihilum abibunt.

V. 47. ABUNDANTIAM; quasi dicat, Cum te Deus faceret abundare omnibus rebus.

V. 50. PROCACISSIMAM, id est impudentissimam, inhumanissimam.

V. 53. VASITATE. Hebr. *coarctatione*. LXX. *afflictione*.

V. 54. & 55. DELICATUS..... ET LUXURIOSUS. Hebr. Chald. & LXX. *tener & deliciosus*, seu *delicatus*, ut infra vertit Interpres de femina. INVIDEBIT... NE DET; id est, præ tenacitate non dabit.

V. 56. INVIDEBIT VIRO.... SUPER.... CARNIBUS; id est, negabit carnes.

V. 57. ILLUVIE SECUNDARUM. Chald. *filii parvulus*. LXX. *inclinis*. ET SUPER; pro, id est super: est enim explicatio præcedentis. TUAS, id est urbis tuæ.

V. 62. SUMMITATE, id est extremitate.

V. 65. DEFICIENTES, scilicet præ expectatione.

V. 66. CREDES, id est fides; quasi dicat: Desperabis de vita. Nota, quod hunc locum ad Christum crucifixum, cui Iudæi non crediderunt, referunt Irenæus, Athanasius, Tertullianus, Cyprianus, Augustinus.

V. 68. CLASSIBUS: scilicet post civitatem Romanam. PER VIAM. LXX. *& per viam*. DIXIT. Hebr. Chald. & LXX. *dixi*.

EST II.

Vers. 12. **E**T FENERARIS GENTIBUS MULTIS, ET IPSE A NULO FENUS ACCIPIES. A nonnullis istud hoc modo accipitur; quasi dicat: Tanta frueris bonorum abundantia, ut possis etiam exteris nationibus pecuniam dare ad usuram; ipse autem, utpote nullius indigens, a nullo ad usuram accipias. Quæ expositio etiam ex eo confirmari potest videtur, quod supra cap. xxiii. legimus permissum filius Israel dare ad usuram alieno. Ceterum cum nec in Hebræo, nec apud septuaginta ulla sit hic mentio usuræ, sed tantum mutui; tum etiam quod id quod peccatum est, divinitus benedictioni nullo modo videatur debere inest; ideo rectius hoc modo sim-

pliciter intelligitur sententia. Tanta omnium rerum copia afflues, ut multis gentibus mutuo dare pecuniam possis, ipse autem mutuo aliunde accepto non indigeas. Sic & Caietanus.

V. 63. SIC LAETABITUR, scilicet Dominus, DISPERDENS VOS ATQUE SUBVERTENS. Ad scriptum est Sap. 1. *Deum non lætari in perditione vivorum*. Sed dicendum, Deum hoc sensu in perditione & afflictione hominum non lætari, quia non vult eam per se, sed tantum ut iusta supplicia peccatorum: qua ratione etiam dicitur: *Lætabitur iustus cum viderit vindictam*: Psalm. LVII.

V. 66. ET ERIT VITA TUA QUASI PENDENS ANTE TE. TIMEBIS NOCTE ET DIE, ET NON CREDES VITAE TUAE. Sensus literalis est: Eris in perpetuo discrimine vitæ tuæ, & in perpetuo metu vitæ amittendæ, immodè vita ac salute desperabis. Mystica autem explicatione satis apposite hoc explicant patres de Christo, qui est vita animarum, sicut de se in Evangelio dicit: *Ego sum via, veritas, & vita*: ut sit fermo ad Iudæos, tempore Christi, hoc sensu: *Vita tua*, id est Christus, per quem credendo vivere posses, *erit pendens in cruce ante oculos tuos*, & tamen non credes vitæ tuæ, id est non credes in Christum, per quem vitam consequi posses, ut hoc impletum sit in Iudæis, qua parte obdurati & excæcati fuerunt. Ita Augustinus Lib. XIX. contra Faustum cap. xii. Athanas. oratione de Humanitate Verbi: Tertullianus Lib. contra Iudæos: Lactant. Lib. IV. cap. xviii. & Leo ferm. viii. de Passione Domini.

MARIANAE.

Vers. 3. **B**ENEDICTUS TU IN CIVITATE, ET BENEDICTUS IN AGRO. Commercio, & agricultura opes constant.

V. 4. CAULAE OVIVM TUARUM: Hebr. *basteroth*: cur *greges ovium* sic vocentur, cap. vii. dictum est vers. 13.

V. 5. BENEDICTA HORREA TUA: Ex Sept. id sumpsit Hieronymus; alioqui cap. xxvi. vers. 2. & 4. pro *non tene*, quæ hic est, *carrallum* vertit: Sept. hic *horrea* dixerunt: Chald. *canistrum*. RELIQUIAE

QUIAE TUAE. Alii *panarium* vertunt, ut Chald. in quo ciborum reliquæ afferantur.

V. 10. VIDEBUNTQUE.... QUOD NOMEN DOMINI INVOCATUM SIT SUPER TE, id est quod voceris populus Dei. ET TIMEBUNT TE. Hebr. *a te*; sed perinde est. Timebunt te tangere, ut qui sunt de familia Principis, eos pulsare nemo audeat.

V. 12. THESAURUM SUUM OPTIMUM. Hic est distinctio. CAELUM, appositum: nempe e cælo veniunt omnia bona, quasi e thesauro.

V. 15. QUOD SI AUDIRE NOLUERIS; id est, si obedire noleris.

V. 20. MITTET DOMINUS SUPER TE FAMEM ET ESURIEM, ET INCREPATIONEM. Hebr. *Maledictionem, conturbationem, increpationem mittet Dominus in te.*

V. 22. EGESTATE. H. braica vox *macilentiam* potius significat morbum quo extenuatur corpus; alii *tumorem* putant. Verum ea voce & sequentibus significat varia genera morborum, de quibus non magis oportet laborare quam in nominibus lapidum, avium, animalium; quæ non minus Hebræis quam nobis sunt ignota. Antiquitas velum oculis præterit.

V. 25. TRADAT TE DOMINUS CORRUENTEM. Hebr. *percussum*. ET DISPERGARIS PER OMNIA REGNA TERRÆ. Hebr. *Et eris in commotionem omnium regnis terræ.*

V. 26. ET BESTIIS TERRÆ. Hebr. *Iumentis eris in escam*. Sed quoniam iumenta *canem* non comedunt; vox *behemah* sumitur hic pro *bestiis*, pro *feris*.

V. 27. PERCUTIAT TE DOMINUS... ET PARTEM CORPORIS, PER QUAM STERCORARIA EGERUNTUR: nempe hæmorrhoides intelligit per duas voces sequentes, *scabium viridum* & *siccum*, quæ חרס *heres* vocatur, quoniam *testa* (id ea vox significat) scalpitur.

V. 30. ET NON VINDEMIES EAM. Hebr. *Non profanabis eam*: scilicet facies communem; quod quinto anno fiebat.

V. 32. ALTERI POPULO. Hebr. *Populo alterius* (propter regimen, cuius indicium est *Patach*) *tradentur filie tue*; sed perinde est.

V. 40. ET NON UNGERIS OLEO. Hebr. *Et oleum non unges*; pro, oleo non

unges corpus tuum. QUIA DEFLEUNT, ET PERIBUNT. Alii: *Quia exelletur oliva tua*: sic Hebræi.

V. 42. RUBIGO CONSUMET. Alii: *Possidebit locusta arbores & fructus*. Id putant esse *zelacal*, genus locustæ urentis omnia.

V. 46. ET ERUNT IN TE SIGNA ATQUE PRODIGIA. Hebr. *in signa & portenta*: nimium maledictiones quas posuit, erunt in signa.

V. 52. ET CONTERAT IN CUNCTIS URBIBUS TUIS. Hebr. *Et obsidebit te in omnibus portis tuis*; sed portas sumit pro urbibus: & Hieronymus hoc eodem versu vocem *בזר* *bezor* posuit in significatione obsidendi. ET DESTRUANTUR MURI TUI. Hebr. *Donec cadant muri tui*.

V. 53. IN ANGSTIA ET VASTITATE. Hebr. *In obsidione & angustia*, scilicet comedes filios.

V. 54. UXORI QUAE CUBAT IN SINU SUO. In Hebræo & Sept. additur, & reliquis filiis suis, quos reliquit.

V. 56. INVIDEBIT VIRO SUO. Hebr. *Habebit oculum nequam in viro suo*. SUPER FILII ET FILIÆ CARNIBUS. Hebr. *in filio & filia sua*; supple, habebit oculum nequam. Veicentur scilicet carne filiorum, idque maligne.

V. 57. ET ILLUVIE SECUNDARUM. Alii: *Et in parvula quæ egreditur de inter pedes suos* (pro de suo semine) & *in filiis suis quos pariet*. In hos omnes habebit oculum nequam, quia aliorum comederet carnes, aliis partem denegabit. Porro *שיליה* *sileiah*, id est *filia parvula*, deducitur a *silob*, quæ significat *secundinas*, quibus fetus involutus e ventre egreditur.

V. 58. HOC EST DOMINUM. Vox est videtur redundare; nec in Hebr. est, nec in Septuag. neque satis congruit cum sententia. Itaque sic legerem: *Timueris nomen gloriosum & terribile hoc, Dominum Deum tuum*: sed codices in diversam lectionem consentiunt.

V. 59. AUGEBIT DOMINUS PLAGAS TUAS. Hebr. *Mirificabit*; id est, admiratione dignæ erunt præ aliis plagis: sic Chald. & Sept. Hebræi explicant, *separabit*, id est eximias præ omnibus faciet. Verbum *פלא* *pala* significat & *mirificare*, & *separare*.

V. 66. ET ERIT VITA TUA QUAE PEN-

PENDENS ANTE TB. Sept. *suspensa* : quod pendet, in periculo est: quotidie putabis te occidendum, quod proximo versu magis explicat.

V. 67. MANE DICES: QUIS MIHI DET VESPERUM? in horas singulas vives, metu sollicitaberis.

V. 58. REDUCET TE DOMINUS CLASSIBUS. Sept. *Reducet te Dominus in Aegyptum in navibus* : sic captivi ducuntur; quippe non eunt sua sponte, sed coacti.

MALVENDAE.

Vers. 1. UT FACIAS ATQUE CUSTODIAS. Hebr. *ad servandum, ad faciendum*. Observant quod quotiescumque verbum שָׁמַר *shamar, servare, observare*, cum verbo faciendi, aut alio quopiam verbo constituitur, quod illud mox sequitur, tum idem valere quod Latinis *diligenter, & sollicite curare*. Sic hic. *ad observandum, ad faciendum*; id est, ut cum omni diligentia & sollicitudine, ac studio cures facere: sic infra vers. 13. 35. & 58. & supra cap. iv. vers. 6. Quidam reddunt: *Ut custodias faciendo*. Alii, *cum observando faciendo*.

V. 3. BENEDICTUS TU IN CIVITATE, ET BENEDICTUS IN AGRO. Explicant: Omnia tibi prospere cedent, sive in urbe, sive in agro. Abundabis omnibus rebus necessariis sive urbem incolas, sive agrum. Aut felix, fortunatus, laudatus eris, sive res urbanas tractes, sive rusticas.

V. 5. BENEDICTA HORREA TUA ET BENEDICTAE RELIQUIAE TUAE. Hebr. *Benedictus copinus, corbis tuus, & reliquia tua*. Hispanicus Interpres: *Bendito tu canastillo, & tus sobras*. Huc respexisse videtur Matthaeus xiv. vers. 20. *Et tulerunt reliquias* (Graece, *redundans, superabundans*) *fragmentorum duodecim copinos plenos*. Alii: *Benedictum canistrum tuum*. in quo scilicet reponi solent fructus arborum, & conspersio tua, aut *passa tua*, id est *esca*; vel & *reliquia tua*. Per istas reliquias alii cibos, sive panem in panariis; alii annonam & alimentum; alii fructus, puta vinum, oleum, m-l, & reliqua; alii arcam, vel cistam panariam exponunt; quasi dicas: Calathi tui, in qui-

bus reponere soles fructus arborum, benedicti erunt, numquam vacui: & semper erit panis in cista tua panaria. Nonnulli: *Benedictus corbis tuus*, id est panis tuus; pro quovis cibo, synecdochice: est autem metonymia continens pro contento, ut infra vers. 17. & *massara tua*. Aliqui: *Benedictum canistrum tuum, & massarium tuum*. De voce מִשְׁכָּרָה *mischarah*, quae cum *massario* convenit, disseruimus Exod. viii. 3.

V. 6. BENEDICTUS ERIS TU INGREDIENS ET EGREDIENS. Quidam hoc referunt ad bellum; quasi dicas: Cum egredieris ad bellum, & reverteris e bello, prospere tibi cuncta evenient, cum victoria redibis, & spoliis h. stilibus onustus. Alii Hebraicum exponunt: Id est in omni administratione tua, domi & foris. Vide Num. xxvii. 18. Sic vers. 19.

V. 7. DABIT DOMINUS INIMICOS TUOS, &c. Hebr. quidam reddunt: *Exponet Iehovah inimicos tuos casos, qui insurgent adversum te*. Alii: *Efficiet Dominus, ut hostes tui, qui adversum te insurgunt, ante te corruant*.

V. 10. QUOD NOMEN DOMINI INVOCATUM SIT SUPER TE. Quidam exponunt: Te vocari de nomine Domini, vel te vocari *populum Dei*. Vide Exod. v. vers. 3. Alii: *Quod nomen Iehovae invocetur in te*; id est, quod omnia facias in nomine Domini, ex eius iussu & mandato, seu voluntate: vel quod tu invoces in nomine Domini, vel nomen Domini; id est, quod tu rite ac sancte profitearis & exerceas cultum veri Dei, qui consistit in invocatione vera nominis eius, fide, sacramentis, gratiarum actione, praedicatione verbi Dei, confessione, &c. Vide Genes. iv. vers. 26.

V. 11. ABUNDARE TE FACIET. Verbo הִרְבִּית *hotir*, formulae Hiphil hæc omnia subiunt, *Exuberare faciet te, superabundare faciet te, superasaltare faciet te*. Hispanice, *te hara sobrefalir*; singulari emphasi de nimia exuberantia: *excellere, prestare te faciet*. Quidam reddunt: *Et reliquum faciet te Dominus*. Alii: *Dominus quoque te reliqua faciet*; id est, cumulabit te reliquis omnibus bonis. Hispanicus Interpres: *Y hazerte Iehova que te sobrefe el bien*.

V. 12. THESAURUM SUUM. מִצְרָא, *otzar*,

otzar, proprie theca, apotheca, thesaurus, penus, cella, praeputiarium, dici aiunt de omni loco abstruere & recondito, in quo aliquid reponitur: item de re qualibet quae reponitur ut inde depromatur. Et **FENERABIS CENTIBUS MULTIS.** Carpunt plerique hic Nostrium quod verbum **הִלְוָה** *hilwah*, formulæ Hiphil, *fenerari* verterit (cum inter benedictiones populi ponatur *fenerari* aliis, quasi *fenus* ex mutuo accipiatur: quod peccatum esse contra divini, naturalisque iuris æquitatem perspicuum est) cum *mutuare* reddero debuisset. Nonius Marcellus: *Mutuum a fenore hoc distat, quod mutuum sine usuris, fenus cum usuris sumitur*: **וְיָ** est accepti *fetus*, unde **וְיָ** *fenus dictum est*, ut *Græcis τὸνός*, quasi *partus mutui sumpti*. Sed *fenerari* Latinis etiam est *mutuare*, & sine usura commodare. Plinius Lib. II. cap. 11. *Sol suum lumen ceteris quoque fideribus fenerat*, id est *mutuat*. Quo sensu proculdubio Noster *fenerandi* verbum accepit. Verbum **הִלְוָה** aiunt proprie esse *adare*, *adiungere*, *obligare*, *obstringere*, *copulare*, *accommodare*, *mutuo dare*: quoniam ille qui mutuo dat, addit, adiungit, obligat, & devincit, & obstringit sibi alium, cuiusque fidem, cui mutuum dedit.

V. 13. IN CAPUT, ET NON IN CAUDAM; id est, faciet te Dominus primum, præcipuum, & non ultimum, & abiectissimum. Translatio est a membris animalium, ut vers. 44. quam Isaias etiam accommodatissime usurpavit cap. ix. vers. 14. & 15.

V. 20. FAMEM. **מָרָה** *marah*, plerique **אָרָר** *arar* deducunt, redduntque *maleditionem*, *execrationem*. Alii a **מָרָה** *mar*, exponuntque *arrosionem*, *corrosionem*, *ablationem* boni, *infortunium*: quidam *defectionem*, *diminutionem*, *penuriam*, *egestatem*. Nonnulli ab **אָרָה** *arah* arcessunt *carptionem*, *deceptionem*, *discerptionem*, *avulsionem*, *convulsionem*. Nec defunt, qui a **מָרָה** *marah*, mutationem in deterius. Et **עֲשֹׂרֵיהֶם**. De voce **עֲשֹׂרֵיהֶם** *mebunab*, egimus supra cap. vii. vers. 25. hic varie reddunt, *contritionem*, *contractionem*, *turbationem*, *vexationem*, *perditionem*, *tumultuationem*, *rumorem*, *sonitum*, *concentrationem* *tumultuosam*. Aiunt esse *strepitum terribilem* & *horrendum*, in quo omnia turbatione sint plena. Hispanicus Interpres, *quebran-*

to. **PROPTER ADINVENTIONES TUAS.** **מַעֲלָלִים** *maghala'im*, *cogitationes*, *adinventiones*, *studia*, *consilia*, *conatus*, *molimina*, *exercitia*, *opera*, *actiones*: proprie, *ludibria*, *illusiones*, *ludificationes*, *puerilitates*. Hispanice, *nimerias*, *rapaceries*, eiusdem significatus **עֲלִילֹת** *ghaliloth*, supra cap. xxii. vers. 14. **IN QUIBUS RELIQUISTI ME.** Quidam: *Quia deseruisti me*, vel *quia deserueris me*: id est, *defeceris* a doctrina, & præceptis meis, quæ Dei verbis, & te postulante exposui tibi.

V. 22. EGESTATE. **שִׁבְתֶּם** *sebathepeth*, enucleavimus hanc vocem Levit. xxvi. 16. Plerique hic *potissimum* exponunt; alii *tabem*; alii *tumorem*; nonnulli *maciem*: nec defunt, qui *hydropisim*. **FEBRI.** **דֶּחַתְךָ** *kaddachath* diximus Levit. xxvi. 16. Quidam hic reddunt: *ardore continuo*: alii, *inflammatione*: nonnulli *calidaque* & *fluante*, *adurente febre*. Coniungunt duas voces sequentes. Et **פֶּחַח** *dalleket*, aiunt esse *astuationem*, & *exurentem febrem*. Quidam hic reddunt, *ardore*, *inflammatione*, *ardenti febre*. Non alibi reperitur. **ARDORE.** **חֲרָר** *charchur*, aiunt esse *adustionem*, *accensionem*, *incensionem*, *inflammationem*, *exastuationem*, *astum*, & *phlegmonem* Græci dicunt. Quidam hic vertunt, & *in ebria*. Non alias hæc vox legitur. Et **אֶשְׁטוּ** *chereb*, anceps vox ad *fecitatem*, *exsecrationem*, *ariditatem*; & *gladium*, sic dictum quod excisecet hominem sanguine. Unde quidam hic reddunt, & *in fecitate*: alii, & *in gladio*. Et **אֶרֶם** *corrupto*. **שִׁבְתֶּם** *sebidaphon*, aiunt esse *uredinem*, *ariditatem*, quæ efficitur vento typhonio, vel *curo-austro adurente*. Hebraei volunt esse *percussionem* *segetum*, vento orientali ingrediente spicas, adeo ut non persciant suam maturitatem: *robiginem* exponunt, id est *morbum segetum ex nimia ariditate flante vento orientali*. Vide III. Regum viii. vers. 37. & Amos iv. vers. 9. Vide etiam Genes. xli. 6. Virgilius:

..... ut mala culmos

Effet robigo.

Servius: *Robigo autem genus est vitii, quo culmi pereunt: quod a rusticis calumitas dicitur. Hoc autem genus vitii ex nebula nasci solet, cum nigrescunt, & consumuntur frumenta. Inde & Robigus deus, & sacr-*

cus

eius X. Kalend. Maias Rubiginialis appellatur. Sed hæc res abusive robigo dicitur: nam proprie robigo est, ut Varro dicit, vitium obsecæne libidinis, quod ulcus vocatur: id autem abundantia & superfluitate humoris solet nasci, quæ Græce satyriasis dicitur. Ex his verbis Servii colligimus robiginem, seu uredinem non ex vento orientali, sed ex nebula nasci solitam, appellarique ab Hispanis annublo, vel roia. Fortassis hic schidaphon sit satyriasis, obscœnum & turpe morbi genus. Inepite Hispanicis Interpretes hydriopism reddit. AC RUBIGINE. ופריראקון, aiunt esse morbum contrarium schidaphon, ex nimio humore nascentem. Quidam flavedinem reddunt, alii auriginem, seu æruginem, a colore, seu pallore auri. Quidam hic vitium segetum exponunt, cum flavescunt & pallescunt ex nimio humore, nec in solidum maturescunt. Alii morbum hominum esse volunt; quem medici morbum regium, vel auriginem, seu argutionem, aut islericiam vocant.

V. 23. SIT CAELUM, &c. Vide hunc versum expositum Levit. xxvi. vers. 19. ubi cælum dicitur sicut ferrum, terra sicut æs: hic cælum æs, & terra ferrum.

V. 24. PULVEREM, &c. Hebr. pulverem, & pulverem. Sunt duo vocabula synonyma ופער אבק abak vegbaphar: quidam exponunt, pulvisculum, & pulverem: alii, terram minutam, & pulverem: alii, pulverem, & cinerem: alii arenam, & pulverem: alii, pulverem, & terram: nec desunt qui, nebulam, fumum, & pulverem. Ita explicant: Vertet Iehova pluviam terræ tuæ in pulverem & cinerem; quasi dicas: Tanta erit ariditas, ut vice imbris & pluviae descendat ex cælo pulvis & cinis. Vis venti excitabit pulverem, qui postea vice imbris decidet ex cælo. Alii vertunt: Efficiet Iehova ut pluvia terræ tuæ sit pulvisculus aut pulvis; id est, non magis fermentabit terram pluvia, quam si pulvis esset. Locutio hyperbolica respiciens ad illam Aegypti plagam, de qua Exod. ix. vers. 9. Geminatio duarum vocum synonymarum maximam vim pulveris denotat, ut quasi tota terra præ siccitate frietur in pulverem siccam ac tenuem instar cineris, nullis producendis frugibus aptum.

V. 25. EGREDIARIS CONTRA EOS. Heb. Singulariter exhibis contra eum, scilicet Bib. Sac. Tom. III.

cet inimicum, hostem; vel contra exercitum eorum. ET DISPERGARIS PER OMNIA REGNA TERRAE. Quam verum id hodieque cernimus! Tertullianus Apologetici cap. xxi. Exitus bodiernus ipsorum, dispersi, palabundi, & celi & soli sui exterræ vagantur per orbem sine homine, sine Deo rege: quibus nec advenarum iure terram patriam saltem vestigio salutare conceditur. Prudentius in Apothefio:

..... extirpata per omnes

Terrarum, pelagique plagas tua membra feruntur.

Vide quæ de his fule notamus Lib. XI. de Antichristo, cap. iiii. Hebr. Et eris commotioni omnibus regniis terræ. Quidam reddunt, in commotionem, in terrorem, vel timorem; quasi dicat: Vifa, vel audita calamitate tua, commovebuntur & contremiscent omnia regna terræ. Hispanicus Interpretes: Y seras por estremecimiento a todos los reynos de la tierra. Aliqui: Erisque in commotionem omnibus, &c. id est ut semper commovearis ab externa potentia: vel eris in commotionem, &c. id est, mobilis, vagus, palabundus, erro eris per universa regna mundi: quem sensum Noster expressit. Alii: Erisque ut caput super te commoveant omnia regna terræ. Movere, vel commovere caput super aliquem, interdum est, alienam calamitatem admirantis, vel obstupescantis: aut commiserantis & condolentis, ut Ieremiæ xviii. 16. Iob xvi. 5. interdum insultantis & iridentis, ut Psal. xxi. vers. 8. Psal. xlii. 15. Matthæi xxvii. vers. 29. & utrumque huic loco congruit. Vide in Ierem. xv. vers. 4. & cap. xxiv. vers. 9.

V. 27. ULCERIS AEGYPTI. Plerique allusum putant ad plagam illam ulceris Aegyptiacam, de qua Exod. ix. vers. 9. Alii vero ulcus Aegypti intelligunt elephantis, seu elephantiasis morbum, Aegyptio proprium & peculiarem. Lucretius Lib. VI.

Est elephas morbus, qui propter flumina Nil

Gignitur Aegypto in media, neque præterea usquam.

Plinius Lib. XXVI. cap. 1. Aegypti peculiariter hoc malum: & cum in reges incidisset, populis funebre. Quippe in balneis solia temperabantur humano sanguine ad medicinam eam. Hunc morbum accurate describunt

Sff bunt

bunt Plinius ibidem, & Cornelius Celsus Lib. III. cap. xxv. ET PARTEM CORPORIS PER QUAM STERCORA EGGERUNTUR. Pro omnibus istis Hebr. tantum est una vox עפולים, vel עפולים ghepholim, ghabholim, de qua Forsterus hæc annotat: Nomen pluralis numeri tantum, licet sit corrupte punctatum, quod maxima pars Iudeorum tuberculum natum in secretiore parte clunium, quem medici Latina lingua ficum, Germanica feiglatern appellant: nonnulli tamen morbum hæmorrhoidarum significare censent. Porcbetus vir in Lingua Hebraica non vulgariter doctus scribit, morbum illum significare qui Græcis τενουδὸς dicatur, qui est irritus egerendi conatus, irritum egerendi studium & contentio, cum inflammatione ac tumore sedis, mucosa & sanguinolenta quedam egerentis. Ego significare existimo clausas, seu claustra podicis, sive ani, per quæ per contentionem egeruntur excrementa. Et quia illa pars corporis natura pudenda, & nomen eius adeo aures teneras ferit, Scribæ verecundius pro eonomen טחורים techorim, quod Chaldæis angustium, seu stridium mecum significat, substituerunt: sicut quoque in חוראב chorab, & aliis dictionibus cernere licet: quas similiter quadam superstitione depravarunt. Eadem habet Mercerus. Sexies hæc vox in Scripturis occurrit, hic, I. Samuel. v. vers. 6. 9. 12. II. Samuel. x. vers. 4. & 5. & semper Hebræi margini hisce locis adscribunt vocem techorim, volentes honestatis causa pro ghepholim vocabulo obsceno & impuro, honestius aliud & mundius techorim, legi, ac substitui; quapropter vocem ghepholim punctis vocis techorim, præter normam afficiunt, & insinuant, istud pro illo legendum monentes. Ergo ghabholim aiunt proprie esse cognomen inferiorum partium corporis, nempe anum, podicem, culum, pilas, seu clausas, aut claustra podicis, nates, seu clunes: indeque significare morbum seu vitium podicis, nempe ficos, mariscas, hæmorrhoidas, extantias, proidentias, tubercula, seu condylomata, ut Plinius, & medici vocant, ani. Hebræi tradunt esse morbum gravissimum, in quo egreditur sanguis multus, maxime vero quando extraordinarie a Deo immisus est. Atque hæc est una de vocibus obscenis, pro qua honestiorem aliam Hebræi pura pura superstitione substituant;

quasi vero mutare liceat quod Spiritus sanctus, qui ipsa est puritas, scripsit. Vide infra vers. 30. SCABIES QUOQUE. גרב garab: de hac voce vide Levit. xxi. vers. 20. ET PRURIGINE. חרס cheres cum Samech, aiunt esse genus ulceris adusti & inflammati; quasi dicas, solare. Alii scabiei speciem esse dicunt pruriginem. Nonnulli hic reddant, & coruscatione, id est aurigine. Noiant enim, cheres proprie esse coruscationem, voce colludente, & proprie dici de sole coruscante, quando suos radios dispergit: & figurate tribui ulceri intumescenti & coruscanti instar speculi, aut ollæ crustatæ, ut hoc loco; cognitionem enim habere cum חרש cheres cum Scin sinistro, id est testa fiditis, quæ obducta est crustis. Alii genus esse volunt scabiei sicce, instar testæ, vel quod eam testa scalpant, quæ dicitur cheres, Iob 11. vers. 8. impetiginem vertunt, quæ coniuncta est pruritu. Hispanicus Interpres, ronna. Fortasse sit fideratio, voce consona cum fidere solis, quæ medicis est extinctio membri affecti, cum sensum omnem penitus pars amisit.

V. 30. ET ALIUS DORMIAT CUM EA. Verbum שגב schagal, aiunt proprie significare volutationem quæ sit in actu venero, cum femina a viro subagitur, sive in coniugio, sive extra coniugium: unde annotant, propriissime ipsum actum venerum cum muliere denominare; illudque vertunt, pervolutare, subagitare, vitare, violare, stuprare, lascivire, lascive se habere in coitu & re venera. Et quia verbum hoc visum fuit Hebræorum magistris obscenius castis auribus, ideo ubicumque hoc verbum in Scriptura ponitur, ad marginem eius loco verbum שכב schacab, cubuit, concubuit substituerunt, paulo verecundius & honestius; volentes pro schagal legi schacab. Quater autem tantum reperitur verbum schagal; hic, Isaia xlii. vers. 16. Ierem. lxi. vers. 2. Zachariæ xiv. vers. 2.

V. 32. VIDENTIBUS OCULIS, TUIS, ET DEFICIENTIBUS AD CONSPECTUM EORUM TOTA DIE. Hebr. Et oculi tui videntes, & deficientes ad eos omni die; & est, consumuntur & deficient, expectando scilicet reditum eorum; quasi dicat: Tota die aspicias an revertantur: nec poteris eripere filios tuos & filias de manu

manu illius gentis. Alii: *Oculis tuis aspicientibus, & deficientibus attentione ad eos tota die*; id est, præ eorum desiderio tota die intentos in eos habebis oculos, adeo ut præ attentione deficient. Quidam: *Et oculi tui spectantes hoc tabeſcent super his tota die.* כלב calorib., consumati, consumpti, finiti, deficientes. Alii maiori emphasi substantiæ exponunt, consumationes, consumptiones, defensiones: & perperam istud nonnulli redarguunt. ET NON SIT FOR-
TITUDO IN MANU TUA. Hebr. & non דך לאל leeliaderba. Quidam reddunt: *Et non fortitudini, potentie, potestati, facultati manus tue*; vel & non ad fortitudinem, potentiam, &c. manus tue; id est, non erit in potestate, facultate tua, ad liberandum eos, vel liberare eos: non poteris liberare eos de illis gentibus. Quidam: *Tamen nihil erit in potestate manus tue.* Alii: *Nec erit tantum virium ut sis ferendo.* Vide Genes. xxxi. vers. 29. similem locutionem. Nonnulli hic haud absurde מן et pro Dei nomine accipiunt, id est Potentissimum & Fortissimum; redduntque: *Et non Deo, vel ad Deum manus tua;* id est, vel non extends manum tuam supplex ad Deum, ab eo præsidium imploraturus; vel nihil apud Deum poterit manus tua, nempe conatus, & diligentia tua.

V. 37. AC FABULAM. שניהן sphenah, a שן schen, dente, vel a verbo שכן schanan, acere, dictum videretur. Quidam acuitatem, aciem, id est acutem, seu acerbè dictum, interpretantur. Et eodem modo dici hoc acerbè dictum volunt, quoniam חריב chadab, acutè dictum; at non eadem ratione. Alii, acumen, disterium, acutum dictum. Nonnulli, iugem, & continuam narrationem, consabulationem, iterationem, inculcationem. Nos dentationem diximus; quasi dicat: Dentes in te stringent, canino dente te rodent, dentes in te infligent, mordebunt te acriter. Quidam exponunt: *De te linguam acuent.* Vide in Ierem. xxiv. vers. 9.

V. 40. QUIA DEFLEUNT, ET PERIBUNT. Heb. quidam reddunt: *Quia decidet oliva tua.* Alii: *Quia evellat se, extirpabit se oliva tua.* Aliqui: *Quia excutietur olea tua.* Nonnulli: *Quia deiciet oleas oliva tua.* Nec defunt qui futurum וישלח ischsal a ושלח schalal deducant vicina radice: *Quia asposibilabitur oliva tua.* Propius verbo nos: *Quia extrahet, decu-*

tiet, deiciet olivam tuam, nempe morbus, vel tempestas, vel Deus.

V. 42. RUBIGO CONSUMET. רבץ tzelatzal, cicadam, seu locustæ speciem esse volunt, sic dictam forte conficta voce a sono seu strepitu quem edit; vel a רבץ tzeltzelim, cymbalis, quod strepitum edat cymbalorum more; aut a רבץ tzetel, umbra, quia volatu suo umbram obducit, vel terram oprit, aut strepitum obundit. Visæ sunt perumque locustarum agmina solem obumbrantia, præsertim in Aethiopia, auctore Francisco Alvarcelio in rebus Aethiopis cap. xxxii. & xxxiii. Alii hic rubiginem, eruginem interpretantur: nonnulli siderationem, vertutem, vitium & morbum arborum, quem late describit Plinius Lib. XVII. cap. xxiv. Metaphorice hic aliqui exercitum hostium intelligunt arbores & fruges devastantem. Alibi vox ista non occurrit.

V. 43. ERITQUE SUBLIMIOR. Hebr. supra, supra; aut superne, superne; vel sursum, sursum. Geminatio vocis auget significatum; id est, per quam superne, sublimissime, excellentissime. ET ERIS INFERIOR. Hebr. Et tu eris deorsum, deorsum, id est, per quam inferne, deorsum, id est, vide supra vers. 13. quasi dicat: Eris illi subiectus, subditus, inferior dignitate, fortuna, & reliquis donis.

V. 46. ET ERUNT IN TE SIGNA ATQUE PRODIGIA, &c. Hebr. Et erunt in te pro signo atque prodigio, seu portento; id est, præfatæ maledictiones, & infortunia erunt in te quasi signa quædam prodigiosa, & notæ impressæ portentosæ, omnis infamiae atque dedecoris, inusta tibi, & omni posteritati tuæ, indelebiles, & ineluctabiles in æternum. Alii: *Et erunt tibi in signum, &c.* nimirum, quæ te commoneſciant præceptorum meorum, atque transgressionum tuarum.

V. 47. PROPTER RERUM OMNIUM ABUNDANTIAM. Hebr. de multitudine, pluralitate, omnis, vel omnium, subaudi-
erum. Quidam elucidunt, præ copia rerum omnium. Alii: *Cum tamen tibi omnia affluerent.* Possit esse sensus: Eo quod non colueris Dominum de copia & abundantia omnium, quæ Deus dedit tibi, id est, de tuis facultatibus & opibus, quæ tibi Deus liberaliter largitus est.

V. 48. IUGUM FERREUM, id est
Siff 2 duris-

durissimum, gravissimum, & validissimum.

V. 50. GENTEM PROCACISSIMAM. Hebr. *Gentem fortem, robustam, obfirmatam, duram, condensatam facierum, vel faciebus, aut facies*. Plerique intelligunt impudentem, procacem, inverecondam, & ut Latini loquuntur, perfricta fronte. Similis phrasis est Proverb. xii. vers. 13. cap. xxi. vers. 29. & Isaia lvi. vers. 11. Alii, *barbaram, inhumanam, feram, vultu rigido & torvo, quæ nullum blande aspiciat, quæ nulla benignitate flectatur*. Hunc Hebraismus fuisse exposuimus Lib. VII. de Antichristo cap. 111. QUAE NON DEFERAT SENI. Hebr. *Quæ faciem senis non reverebitur*. Alii: *Quæ ne quidem senis personam suscipiet*. Proprie: *Quæ non acceptabit, præferet, anteferet personam senis; nullum senis respectum habebit*. Hebræa ambigua sunt, possunt accipi: Non levabit faciem suam ad senem; id est, non blande eum aspiciet, nullum eius respectum habebit, non dignabitur aspicere senem, nulla erga eum misericordia & pietate afficietur. Aut non levabit faciem senis; id est, non suscipiet, acceptabit personam senis. Vel non sublevarit, eriget faciem senis, non eum tristem & demisso vultu, exilarabit, aut consolabitur. Nec MISEREATUR PARVULI. Varie conservatur: Nec pueri parceret: vel neque pueri gratificabitur, seu gratiam faciet; id est, puerum nulla gratia aut beneficio afficiet, aut prosequetur.

V. 53. ET VASTITATE. מצוק matzok exponunt coactionem, compulsionem, coarctationem, angustiam, pressuram, intortionem, extortionem, torturam, tormentum, contortionem, compressionem, tribulationem. Vide I. Samuel. xxii. vers. 2. QUA OPPRIMET. Verbum פָּרַץ Tzok, a quo præcedens nomen matzok, aiunt esse cogere, impellere, compellere, coarctare, premere, torquere, intorquere, extorquere, exprimere, angere, angustiare, tribulare. Hic reddunt: Quibus pressuram faciet, inferet tibi. Sed ea omnia significata & nominis, & verbi. Hic loco conveniunt.

V. 54. HOMO DELICATUS IN TE, &c. Quidam hunc versum ita ex Hebr. convertunt: Oculi viri teneri, & valde delicatuli, qui in te est, invidet fratri suo, atque uxori gremii sui, & iis qui

ex filiis eius reliqui sunt. Alii: Viri molles in te, & delicati plurimum, oculus erit nequam in fratrem suum, & in uxorem gremii sui, & in reliquias filiorum suorum, qui superfuert, ne scilicet det alicui eorum de carnibus, &c. id est, mollissimus & delicatissimus quisque, qui nisi lectissimis & delicatissimis cibis vesci consuevit, invidet fratri suo, & uxori suæ quæ dormit in sinu suo, & reliquis suis liberis, ita ut illos non faciat participes carnum filiorum suorum, quibus in extrema necessitate vesci cogitur. Malignum & nequam esse oculum alicuius, est illum illiberaliter esse, tenacem, invidum, immisericordem. Vide supra cap. xv. vers. 9. & hic infra vers. 56. Alii: Viri illius qui molles fuerat in te, & qui fuerat delicatus valde, malignus erit oculus in fratrem suum, & in uxorem sinus sui, id est sibi carissimum, atque in residuum filiorum suorum, quos reliquos feceris: adeo ut non det ulli ex eis de carne filiorum suorum, &c.

V. 55. EO QUOD NIHIL ALIUD HABEAT IN OBSIDIONE. Hebr. De non reliquit ei omne in coangulatione, &c. Quidam: Eo quod non reliquerit illi aliud in obsidione; id est, inimicus obsidensem non reliquit ei aliud ad edendum. Alii: Adeo ut non reliquum faciat illi quidquam in oppressione, &c. Nonnulli: Quandoquidem ex omnibus sibi nihil reliquum est in obsidione, &c. id est, eo quod omnia absumpserit premente obsidione.

V. 56. PROPTER MOLLITIEM. מְהִיבָהּ mehitghanneh. Infinitivus Hithpael magnam vim habet ex verbo: Deliciare facere se se. Quidam, præ delicate gerere se se, id est præ deliciis. Alii, præ delicando, vel præ deliciando. Nonnulli, præ oblectando se deliciis, vel præ deliciis agendo; quasi dicat: Tenerimæ & delicatissimæ mulieres, quæ antea præ deliciis & tenerritudine atque mollietate vix terram attingebant pedibus suis, ne impingerent.

V. 57. ET ILLUVIE SECUNDARUM. שֵׁכַל שֵׁכַל shibhal, aiunt esse secundam, vel secundanam, nempe membranam illam, qua fetus in utero involvitur, & ea obvolutus prodit: dictam sic volunt a שֵׁכַל shibhal, quod in ea secure, secunde, tranquille embryo, seu fetus conquiescat, iaceat, vivat, crescat. Hic nonnulli Hebræorum metonymice pro filiis parvulis, seu

dabimini. Nonnulli: Et venum exponemini ibi; vel exponetisque vos ibi venales inimicis. Quidam: Et queretis vos vendere ibi hostibus tuis; id est, dabitur operam ut vendamini hostibus vestris: putabitis præclare agi vobiscum si vendamini hostibus vestris. Extrema calamitas! Et NON ERIT QUI EMAT. Exponunt, quasi dicat: Adeo neglecti eritis, & parvæ estimabimini, ut in catastis vitam miserimam cogamini transigere. Cicero oratione de Provinciis Consularibus: Iudei & Syri nationes servituti nate.

MENOCHII.

Vers. 1. **SI AUTEM AUDIERIS.** Convenit materia huius capitis cum cap. xxvi. Levitici: in utroque enim & benedictiones legum observatoribus, & maledictiones violatoribus inferuntur. **EXCELSIOREM CUNCTIS GENTIBUS,** felicitate, opibus, imperio.

V. 3. **BENEDICTUS TU IN CIVITATE, ET BENEDICTUS IN AGRO;** hoc est, in omnibus bonis, seu quæ habueris in civitate, seu quæ in agro, profperaberis.

V. 4. **BENEDICTUS FRUCTUS VENTRIS TUI;** hoc est, feliciter liberos procreabis.

V. 5. **RELIQUIAE TUAE:** quæ ex bonis asservanda in futurum reposueris: hoc enim significare videtur proprie vox Hebræa, vel certe locum in quo ista reponuntur.

V. 6. **INGREDIENS ET EGREDIENS,** in omnibus actionibus, & negotiis tuis.

V. 7. **PER SEPTEM FUGIENT, &c.** His verbis significatur pavor, & perturbatio, cum scilicet sine consilio, & ordine geritur, & quæ cuique scire obtrulit ad fugam via, sine ulteriori discussione arripitur.

V. 9. **SUSCITABIT TE DOMINUS SIBI IN POPULUM SANCTUM:** constituit, stare faciet; sive habebit te constanter pro populo suo; vel perget habere te pro populo electo suo.

V. 10. **QUOD NOMEN DOMINI INVOCATUM SIT SUPER TE:** quod populus Dei sis, & voceris.

V. 12. **THESAURUM SUUM OPTIMUM:** sic & Iob xxxviii. 22. dicitur:

Numquid ingressus es thesauros nivis, aut thesauros grandinis aspersisti? FENERABIS, mutuum præ opibus dare multis poteris.

V. 13. **CONSTITUET TE IN CAPUT, ET NON IN CAUDAM.** Hoc est quod dixerat num. 1. *Excelsiorem cunctis gentibus:* est forma dicendi adagialis.

V. 15. **AUDIRE, obedire.**

V. 16. **MALEDICTUS ERIS IN CIVITATE, &c.** Vide supra num. 3.

V. 20. **FAMEM.** Vocem Hebræam מָחָד meera alibi S. Hieronymus vertit egestatem, vel penuriam. LXX. alicubi vertunt *κατάρα*, maledictionem. Alii vertunt, *corrosionem*, sive *infortunium*. **ESURIEM.** Vocem Hebræam מָחָד meliuna D. Hieronymus aliis locis vertit *interfectionem*, *cadem*, *interitum*, *pavorem*, *terrorem*, *tumultum*, *insaniam*. **INCREPATIONEM.** LXX. *consumptionem*: radix enim ex qua vox Hebræa deducitur, *increpare*, & *perdere* significat. Bene Noller vertit *increpationem*: nam increpatione Dei qua in aliquem iratus insurgit, consumptionis causa est.

V. 22. **ARDORE.** LXX. *ἰσχυρόν* habent, quæ vox significat *irritationem*, *pruritum*, *rosionem*, quæ in corpore ex ardore provenire solet. **ÆSTU.** Vox Hebræa *secitatem* significat, & *gladium*. **RUBIGINE,** qui morbus est fegetum, qui oritur vento orientali ingrediente spicas. LXX. *ἄχρα*, vel *ἀπύρρι*, id est *pallorem*, verterunt, alibi *ἀνυπόστατος*, *venti*, sive *aeris corruptionem*.

V. 23. **CÆLUM...ÆNEUM,** ut scilicet non pluat imbrem, quo sata rigentur, sed durum sit instar æris. **TERRA...FERREA,** dura, arida, sterilis, ac si effectus terreæ.

V. 24. **IMBREM TERRÆ TUÆ PULVEREM,** ut cum aqua pluvia indigeas, qua mollescat solum, omnia contraria tibi contingant, arido pulvere, loco imbris, delato.

V. 26. **SITQUE CADAVER TUUM IN ESCAM CUNCTIS VOLATILIBUS &c.** Extremæ cuiusdam calamitatis apud Iudæos habebatur, sepulcro caruisse, & a bestiis devoratum fuisse.

V. 27. **ULCERE ÆGYPTI:** de quo ulcere vide Exod. ix. 9. **ET PARTEM CORPORIS, PER QUAM STERCORA EGERUNTUR.** Hæmorrhoidas intelligit, vel alium

alium morbum. Videtur ille esse, quem passi leguntur Philistæi I. Reg. v. num. 6. 9. 12. quandoquidem omnibus iis locis eadem vox Hebræa habetur, quæ hoc loco est.

V. 28. AMENTIA, ET CAECITATE, cæcitate mentis.

V. 29. PALPES IN MERIDIE. Etiam hæc de mentis tenebris accipienda sunt. NON DIRIGAS VIAS TUAS: inopia consilii res tuas male, & imprudenter tractes, tibi que proinde infelicitur omnia eveniant.

V. 30. ET NON VINDEMIES EAM. Hebr. *Et non profanes eam*. Vide supra cap. xx. num. 6.

V. 31. IMMOLETUR, macsetur, occidatur: ne itaque intelligas hoc de sacra aliqua immolatione.

V. 32. ET DEFICIENTIBUS AD CONSPECTUM EORUM; hoc est, ita ut oculi tui tabeſcant conspecta dura filiorum servitute. NON SIT FORTITUDO IN MANU TUA, ad eos eripiendos.

V. 36. SERVIES IBI DIIS ALIENIS. LIGNO, ET LAPIDI, five exemplo indigenarum provocatus, five Regum illius regionis imperio, ac terrore compulsus: quod Israelitis contigisse agnoscimus Dan. 111.

V. 37. ERIS PERDITUS. Hebr. & Chald. *Eris in desolationem, proverbium, & fabulam*.

V. 40. DEFLUENT: decident ante maturitatem.

V. 43. ADVENA... ASCENDET SUPER TE. Hebr. *Advena ascendet super te sursum sursum, tu autem descendes deorsum deorsum*.

V. 44. IPSE FENERARIT TIBI, &c. ipse erit dives, tu pauper. IPSE ERIT IN CAPUT, TU IN CAUDAM. Vide supra num. 13.

V. 46. SIGNA ATQUE PORTENTA: insignes, atque portentose calamitates.

V. 47. PROPTER RERUM OMNIUM ABUNDANTIAM; id est, cum tamen Deus bona omnia affluenter suppeditaret, quæ res merito abs te, hoc in Deum obsequium deposcebat.

V. 48. IUGUM FERREUM, gravissimum, durissimum.

V. 49. IN SIMILITUDINEM AQUILAE VOLANTIS CUM IMPETU, quæ scilicet ut aquila celerrime, & violentif-

sime advolat, ut te deprædetur. Innuitur hic dominatus Babyloniorum, & Nabuchodonosor, qui Ezech. xvii. 3. comparatur aquilæ.

V. 50. GENTEM PROCACISSIMAM. Hebr. *Gentem fortem facie*, perficillæ frontis, barbaram, audacem, & inhumanam.

V. 53. COMEDIS FRUCTUM UTERI TUI. Id factum est in excidio Ierusalem sub Tito.

V. 54. & 55. LUXURIOSUS, luxui, & deliciis deditus. INVIDEBIT... NE DET: negabit, vel abscondet reliquias filii præ fame devorati.

V. 57. ILLUVIE SECUNDARUM, membranarum, quibus fetus involvitur in matris utero. DE MEDIO FEMINUM EUS, partem corporis significat ex qua fetus erumpit, cum in lucem prodit.

V. 64. A SUMMITATE TERRÆ, ab extremitate.

V. 65. DEFICIENTES OCULOS, tæbescences præ tristitia.

V. 66. VITA TUA QUASI PENDENS. Eris semper de vita tua dubius.

V. 68. REDUCET TE CLASSIBUS IN AEGYPTUM, non iam terrestri itinere, ut aliqua spes sit elabendi, sed navibus, ut effugere non possis. ET NON ERIT QUI EMAT: tam multi eritis & tam vilia capita vos esse existimabunt. Hegesippus Lib. V. Excidii cap. xlvii. ita de Iudæis scribit post captam a Tito Hierosolymam: *Plurimi venales, sed pauci emptores: quia Romani in servitutem Iudæos dedignabantur, nec Iudæi supererant qui redimerent suos*.

T I R I N I.

Verf. 17. MALEDICTAE RELIQUIAE TUAE; hoc est, quæ ex bonis tuis asservanda in futurum reliquisti, vel seposuisti.

V. 22. PERCUTIAT TE AESTU: Græce *ὄψω*, id est *cæde*: AC RUBIGINE, quæ est morbus segetum & herbarum, cum defectu humoris flavescent & exsiccantur. Aliibi tamen LXX. eandem quæ hic est vocem Hebræam vertunt, *ἰσχυρὸς*, qui in hominibus morbus est, & Latine *aurigo* vocatur; Gallice *la lèpre*; Flandrice *de Geelsucht*.

V. 24. DE CAELO DESCENDAT CÆNIS.

NIS. Eiusmodi cineris imber ad extremam terræ sterilitatem inducendam valet: & vel miraculo immittitur a Deo, vel ex montium expirationibus etiam naturaliter provenit. Sic Seneca, Cicero, Plinius & alii meminerunt AEINAE cineres evomentis, & totam circumquaque regionem desolantis, cinere in lapideam duritiem conrescente, omniaque adurentem. Memorabilis item ille Vesuvii montis iuxta Neapolim Campaniæ expiratio, qui cinerem Romam, immo Constantinopolim usque evomit. Et alias rursum Constantinopoli ex alterius montis vomitu cinerem tam copiosum pluisset, ut palmi prope minoris altitudine in tegulis iaceret, testes sunt Zonaras, Nicephorus a & Procopius. Et a paucis iam annis, ut Mexico scribitur, in Peruano regno ex simili monte erumpens, sed ope dæmonum dispersus, cinis ad quadraginta dies depluit, die in noctem versis, totamque regionem ad ducenas fere leucas texit, omniumque frugum proventus sustulit.

V. 36. DUCET TE, ET REGEM TUUM IN GENTEM QUAM IGNORAS. Ad litteram id contigit sub Manasse, Ioakim & Sedecia regibus Iuda per Nabuchodonosor in Babylonem; & regibus Israel cum decem tribubus per Teglatphalassar & Salamanassar in Assyriam abductis.

V. 49. ADDUCET SUPER TE GENTEM DE LONGINQUO, IN SIMILITUDINEM VOLANTIS CUM IMPETU; quasi dicat, celerrime, derepente & improviso advolantis. Et vero Apuleius b aquilæ pernicitatem, qua superne in prædam ruit, fulmini comparat. Graphice hic depingit Chaldaeos, de quibus Ieremias ad hunc locum alludens, in Thren. iv. *Velociores, inquit, fuerunt persecutores nostri aquilis celi.* Et cap. iv. prophetiæ suæ, *Velociores aquili sequi illius*, Nabuchodonosor, & hunc nominatim etiam Ezechiel aquilæ comparat capite xvii. Quamquam etiam dici possit Moysen hic quoque ad Romanos alluisse, aquilis suis notissimos. Neque enim ab his minus quam a Chaldaeis passi sunt Iudæi, quæ infra c de comedendis propriis fribus, de venditione in mancipia, & aliis horrendis afflictionibus proponuntur.

V. 66. ERIT VITA TUA QUASI PENDENS ANTE TE, nempe periculo

semper exposita, & quasi in dubio suspensa. Immo NON CREDENS, seu non fides, VITAE TUAÆ, sed de ea tuenda desperabis.

Allegorice, sanctus Augustinus, sanctus Leo d, & Procopius per vitam intelligunt hic Christum in Cruce appensum.

V. 68. REDUCET TE CLASSIBUS IN AEGYPTUM. Id factum esse sub Tito, docet Iosephus e, cum scribit Iudæos captos, qui minores essent septemdecim annis, in Aegyptum deveditos, ibique venditos, sed vix inventos emptores.

Nota, hinc patere, classes iam tunc a tempore Moysis notas fuisse Hebræis: salsumque esse, quod fingunt Poetæ, primas naves fuisse Iasonis & Argonautarum, qui nonnisi quadraginta annis ante ultimum bellum Troianum in Colchum navigarunt: nam Moyses plus quam ducentis annis mortuus est ante illam Argonautarum in Colchum expeditionem.

(a) Zonar. in Leone I. Niceph. Lib. XV. cap. xxx.

(b) Apul. Lib. I. Floridiorum.

(c) Hic vers. 53. & Levit. xvi. vers. 29.

(d) August. XVI. contra Faustum cap. xxxi.

Leo serm. viii. de Passione.

(e) Ioseph. Lib. VII. Belli, cap. xvi.

GORDONI.

Vers 5. **R**ELIQUIAE TUAÆ, id est fructus qui reservantur.

V. 6. INGREDIENS, id est in actionibus tuis.

V. 12. FENERABIS. Mutuum dare poteris præ copia rerum tuarum; & ita ut non sit necesse tibi accipere mutuum ab alio. Itaque Deus hoc quidem loco non permittit usuras (minus certe præcipit) nec etiam vers. 44. utrobique sane est idem verbum *לָוָה* *lavah*, quod mutuum significat, non vero usuram. De usura vero permissa dixi cap. xxi. vers. 19. ubi usura vocatur *נֶשֶׁךְ* *nevech*: sicut etiam Septuaginta distinguunt *ἵκνονες*, & *δανῆς*. Cælum thesaurum vocat, quod habeat quasi reconditas in se pluvias.

V. 13. CONSTITUET... IN CAPUT, ET NON IN CAUDAM. Hebraismus est. Hoc & vers. 44. ut etiam hoc versu 13. designant, supra, & subter: caput enim designat superiorem, potiorum, dominatorem, e contra cauda.

V. 14. *NEC AD DEXTERAM*, nullo aut timore, aut amore.

V. 20. *Quæ insequentibus versiculis sunt de fame, elurie* (quam Septuag. aliquando *ἐπὶ ὁδῶν* vertunt) increpatione, pestilentia, egestate, febris, frigore, ardore, æstu, aere corrupto, rubigine, cinerum pluvia (extremam designat sterilitatem) iactura sepulcri, ulcere Aegypti, seu turgentium vesicarum, & similibus, quæ dant vers. 27. & 28. hæc, inquam, mala sunt, & maledictiones, quæ legis transgressoribus obvenient, ex vers. 15.

V. 23. *AENEUM*, non dando pluviam; aut ferreum, negando fructus.

V. 30. *NON VINDEMIES EAM*; sed facies communem: quod quinto anno fiebat.

V. 40. *DEFLUENT*. In nihilum ibunt: aut, ut alii, quia evelletur oliva tua.

V. 44. *IPSE FENERABIT TIBI*; hoc est, dives erit; tu vero pauper, non poteris fenerare, aut dare mutuum. *IPSE ERIT IN CAPUT*: ut dixi vers. 13.

V. 46. *IN TE SIGNA*: maledictiones, de quibus supra.

V. 56. *CARNIBUS*, scilicet lugebit; alii negabit carnes.

V. 57. *SECUNDARUM*. Membrana est, qua ferus in utero involvitur. *DE MEDIO FEMINUM*, seu inter femora: sic certabant ipsi duo parentes de esu filii sic nascentis.

V. 66. *PENDENS*. Quæ pendent, obnoxia sunt casui, & periculo.

V. 68. *REDUCET*, more captivorum.

EX EIUSDEM AUCTARIO.

V. 24. *SUPER TE CINIS*: loco pluviz cadat super te pulvis.

V. 26. *SITQUE CADAVER Tuum IN ESCAM CUNCTIS VOLATILIBUS CAR-
NII...* Carere sepulcro erat pro magno malo apud Iudæos.

V. 27. *ULCERE AEGYPTI*. Vide Exod. ix. 9.

V. 31. *IMMOLETUR*, occidatur ab hoste: non enim loquitur de immolatione sacra.

V. 32. *DEFICIENTIBUS*, tabescentibus oculis ad conspectum hunc filiorum.

V. 47. *ABUNDANTIAM*. Quamvis dedisset tibi Deus rerum abundantiam, quæ te provocabat ad debitum ipsi cultum.

V. 48. & 50. Hæc gens, Chaldaica intelligi potest.

V. 53. *COMEDES FRUCTUM UTERI* tui, ut accidit sub Tito Ierosolymis.


V. 54. *INVIDEBIT*. Negabit tibi, sibi reservat.

V. 64. *SUMMITATE*, extremitate.

V. 68. *NON ERIT QUI EMAT*. Tot ex vobis erunt captivi ut vix sit amplius qui emat.

C A P U T XXIX.

*Fœdus & iramentum Israelitarum cum Domino iuxta Dei beneficia,
& comminatio adversus fœdisragos.*

i.  *AE*c sunt verba fœderis, quod præcepit Dominus Moyfi ut feriret cum filiis Israel in terra Moab: præter illud fœdus, quod cum eis pepigit in Horeb. 2. Vocavitque Moyfes omnem Israel, & dixit ad eos: (a) Vos vidistis universa quæ fecit Dominus coram vobis in terra Aegypti Pharaoni, & omnibus servis eius, universæque terræ illius, 3. tentationes magnas, quas viderunt oculi tui, signa illa, portentaque ingentia, 4. & non dedit vobis Dominus cor intelligens, & oculos videntes, & aures quæ possunt audire, usque in præsentem diem. 5. (b) Adduxit vos quadraginta annis per desertum: non sunt attrita vestimenta vestra, nec cal-

Bib. Sac. Tom. III.

T t t

ccamen-

ceamenta pedum vestrorum vetustate consumpta sunt. 6. Panem non comedistis, vinum & siceram non bibistis: ut sciretis * quia ego sum Dominus Deus vester. 7. Et venistis ad hunc locum: (c) egressusque est Schon rex Hesebon, & Og rex Basan, occurrentes nobis ad pugnam. Et percussimus eos, 8. & tulimusteram eorum, ac tradidimus possidendam Ruben & Gad, & dimidia tribui Manasse. 9. Custodite ergo verba pacti huius, & implete ea: ut intelligatis universa quæ facitis. 10. Vos statis hodie cuncti coram Domino Deo vestro, principes vestri, & tribus, ac maiores natu, atque doctores, omnis populus Israel, 11. liberi & uxores vestræ, * & advena qui tecum moratur in castris, exceptis lignorum caëtoribus, & his qui comportant aquas: 12. ut tranſcas in sedere Domini Dei tui, & in iurjurando quod hodie Dominus Deus tuus percudit tecum: 13. ut suscitaret te sibi in populum, & ipse sit Deus tuus, sicut locutus est tibi, & sicut iuravit patribus tuis, Abraham, Isaac, & Iacob. 14. Nec vobis solis ego hoc fœdus serio, & hæc iuramenta confirmo, 15. sed cunctis præsentibus & absentibus. 16. Vos enim nostis quo modo habitaverimus in terra Aegypti, & quo modo transferimus per medium nationum, quas tranſeuntes, 17. vidistis abominationes & sordes, id est idola eorum, lignum & lapidem, argenterum & aurum, quæ colebant. Ne forte sit inter vos vir aut mulier, familia aut tribus, cuius cor averſum est hodie a Domino Deo nostro: ut vadat & serviat diis illarum Gentium, & sit inter vos radix germinans ſel & amaritudinem. 19. Cumque audierit verba iuramenti huius, benedicat sibi in corde suo, dicens: Pax erit mihi, & ambulabo in pravitate cordis mei: * & abſumat ebria sitientem, 20. & Dominus non ignoscat ei: sed tunc quam maxime furor eius sumet, & zelus contra hominem illum, & sedeant super eum omnia maledicta, quæ scripta sunt in hoc volumine: & deleat Dominus nomen eius sub cælo, 21. & consumat eum in perditionem ex omnibus tribubus Israel, iuxta maledictiones quæ in Libro legis huius ac fœderis continentur. 22. Dicitque ſequens generatio, & filii qui nascentur deinceps, & peregrini qui de longe venerint, videntes plagas terræ illius, & infirmitates, quibus eam afflixerit Dominus, 23. * sulphure & ſalis ardore comburens, ita ut ultra non ſeratur, nec virens quippiam germinet, in exemplum (d) ſubverſionis Sodomæ & Gomorrhæ, Adamæ & Seboim, quas ſubvertit Dominus in ira & furore ſuo. 24. Et dicent omnes Gentes: (e) Quare ſic fecit Dominus terræ huic? quæ eſt hæc ira furoris eius immenſa? 25. Et respondebunt: Quia dereliquerunt pactum Domini, quod pepigit cum patribus eorum, quando eduxit eos de terra Aegypti: 26. & ſervierunt diis alienis, & adoraverunt eos, quos nesciebant, & quibus non fuerant attributi: 27. idcirco iratus eſt furor Domini contra terram iſtam, ut induceret ſuper eam omnia maledicta, quæ in hoc volumine ſcripta ſunt: 28. & eiecit eos de terra ſua in ira & in furore, & in indignatione maxima, proiecitque in terram alienam, ſicut hodie comprobatur. 29. Abſcondita, Domino Deo nostro: quæ manifeſta ſunt, nobis & filiis noſtris uſque in ſempiternum, * ut faciamus univerſa verba legis huius.

(a) Exod. xix. 4. (b) Sup. viii. 2. (c) Sup. xii. 1. (d) Gen. xix. 24. (e) III. Reg. ix. 8. Ier. xxi. 5.

BRUGENSIS

ROMANAE CORRECTIONES.

V. 6. *Quia ego sum Dominus Deus vester.* Non substituit personam tertiam ipse est pro prima ego sum.

V. 11. *Et advens qui tecum moratur.* Retinendus est numerus singularis, quamvis positus pro eo quem alii legunt plurali, & *advene qui tecum morantur.*

V. 19. *Et absumat ebria sitientem.* Pro *absumas*, five consummat, multi libri legunt as-

sumat, quod est addat, seu adiungat sibi. Utrumque ex Hebræo verti potest; prius prætulerunt Romani Patres.

V. 23. *Sulphure, & salis ardore comburens.* Vocum affinitate decepti quidam supposuerunt nomen *salis* planetæ in locum nominis *salis*, qui ex igne & aqua concretus, habet & ipse ardorem suum: mutarunt, inquam, vocalem primam a in quartam o.

V. 29. *Ut faciamus universa verba legis huius.* Non omittas *70 verba*.

COMMENTARIA

S. A.

Perf. 3. **T**ENTATIONES: scilicet per illa Pharaonis animus explorabatur.

V. 4. **OCULOS VIDENTES, ET AURES,** &c. id est intelligere, & obtemperare; id vero ob illorum culpam. Aug. in Deuter. quæst. I. **POSSUNT AUDIRE.** Hebr. Chald. & LXX. *audientes*, seu *ad audiendum*.

V. 5. **ADDUXIT:** sic etiam LXX. at Hebr. & Chald. *duxit*.

V. 6. **PANEM,** &c. cito consumpserant allatum ex Aegypto. Aug. quæst. LI. in Deuter. **EGO SUM:** LXX. *ipse est:* DOMINUS, scilicet qui curam vestri habeo.

V. 9. **INTELLIGATIS UNIVERSA;** pro, prudenter agatis in omnibus. **FACIATIS.** Hebr. *sacrum estis*.

V. 10. **CORAM DOMINO,** id est coram archa fœderis Domini, vel coram Deo, qui ubique est. **VESTRI, ET TRIBUS.** LXX. *vestrarum tribuum:* quo etiam modo possunt verti Hebr. **DOCTORES.** Hebr. & Chald. *Præfetti*.

V. 11. **EXCEPTIS,** id est præter; quasi dicat, etiam cælores lignorum.

V. 12. **FOEDERE;** quasi dicat: Ut fœdus in eas cum Domino.

V. 13. **SUSCITET,** id est erigat. Hebr. & LXX. *statuat*.

V. 15. **ABSENTIBUS,** id est futuris, scilicet posteris.

V. 18. **FEL,** id est peccata gravia.

V. 19. **BENEDICAT SIBI;** id est, si bi promittat prosperitatem. **ET AMBULABO;** pro, etiam si ambulavero. **PRAVITATE.** Hebr. *obstinatio*. Chald. *cogitatione*. LXX. *errore*. **ABSUMAT EBRIA SITIENTEM;** id est, faciat animus quod optat, & sitim suam explens inebrietur; quasi dicat: Succedat siti ebrietas, id est cupiditati satietas. Hebr. *Ut addat ebriam sitienti*, id est satietatem cupiditati. Chald. *Ut addantur peccatis ignorantie peccata superbie*. Quidam ita interpretantur: *Et peccat impius doctus cum discipulo*.

V. 20. **ZELUS,** id est indignatio. **OMNIA MALEDICTA,** id est ex omnibus aliqua: omnia enim uni non possunt evenire. August. quæst. LII. in Deuter.

V. 23. **IN EXEMPLUM,** id est instar.

V. 24. **IMMENSE.** Hebr. Chald. & LXX. *magna*.

V. 26. **ATTRIBUTI,** id est dedicati. Hebr. *Qui nihil illis tribuerant*, id est a quibus nulla acceperant beneficia. Chald. *Qui non possunt eis benefacere*.

V. 28. **MAXIMA.** Hebr. & Chald. *magna*. LXX. *magna valde*.

V. 29. **ABSCONDATA;** scilicet referantur puniendi. **NOBIS;** quasi dicat: Ad nos pertinet punire peccata manifesta; vel quasi dicat: Quæ apud Deum erant occulta, nobis manifestavit. Chald. *Quæ occulta sunt, sint coram Domino; quæ autem manifesta sunt, nobis & filiis, &c.*

EST II.

Vers. 2. **V**OS VIDISTIS UNIVERSA QUAE FECIT DOMINUS, &c. Et *vers. 4.* ET NON DEDIT VOBIS DOMINUS COR INTELLIGENS, ET OCULOS VIDENTES. Verba exprobrantis sunt, & est sensus: Vidistis mirabilia quae Dominus fecit coram vobis, & tamen ea oculis mentis non considerastis, neque ad ea attendistis, sic ut obediretis legi Domini. Quod autem addit Moyses, ET NON DEDIT VOBIS DOMINUS COR INTELLIGENS, &c. nullo modo, inquit Augustinus, hoc diceret, nisi ad eorum quoque culpam id pertinere intelligi vellet, ne quisquam se ex hoc excusabilem putet. Simul enim offendit, & sine adiutorio Domini Dei eos intelligere, & obedire non posse oculis, & auribus cordis; & tamen si adiutorium Dei desit, non ideo esse excusabile hominis vitium: quoniam iudicia Dei, quamvis occulta, tamen iusta sunt. Hæc Augustinus.

V. 19. ET ASSUMAT EBRIA SITIENTEM. Sic editio Clementina: pridem legebatur, *Assumat ebria sitientem*, scilicet velut sociam. Hebr. hoc modo habent, *Ut addat ebriam cum sitiente*. Versio apud Vatablum: *Ut finiatur ebria cum sitiente*. Ipse Vatablus hoc modo: Ita ut anteponant ebria sitienti. Id est, inquit, non eveniant mihi istæ maledictiones, etiamsi fecero ea ad quæ animus meus inclinatus est, ita ut parti concupiscibili anime det primas, quæ inebriatur rebus huius mundi, posteriores autem parti rationali. Ita ille.

V. 29. ABSCONDITA DOMINO DEO NOSTRO: QUAE MANIFESTA SUNT NOBIS, &c. Non est legendum, *Abcondita a Domino*: nihil enim ab oculis Dei absconditum est. Deinde, nec in Hebræo, nec apud Septuaginta additur præpositio illa a: sed *Abcondita Domino Deo nostro*. Varie autem exponitur. Verus sensus petendus est ex iis quæ supra cap. xxvii. & hoc capite dicuntur. Ibi inter alia sic dicitur: *Maledictus qui facit sculptile, ponetque illud in abscondita: rursum, Quicquam percusserit, &c. idemque iudicium de immunditiæ peccatis ibi expressis. Similiter hoc capite dicitur: Ne forte sit inter vos radix germinans fel & amaritudinem. Cum-*

que audierit, benedicat sibi in corde suo dicent: Pax erit mihi, & ambulabo in pravitate cordis mei; id est, occulte obsequar cupiditatibus meis. Propter huiusmodi ergo cogitationes occultas Moyses adiecit: Abscondita Domino Deo nostro; quasi dicat, per apophoremam: Abscondita, scilicet illa, & illa occulta peccata (ne dubitate) ad iudicium Domini Dei nostri pertinent; sed ad nos nihilominus etiam pertinet, & ad filios nostros, punire semper quæ manifesta sunt, & notoria peccata, si velimus legem Dei implere, & maledictiones eius effugere.

MARIANAE.

Vers. 3. **T**ENTATIONES MAGNAS sic vocat plagas, quibus afflixit Aegyptum.

V. 9. UT INTELLIGATIS UNIVERSA QUAE FACITIS. Hebræus, *Ut prosperemini in omnibus quæ facietis*: sed quoniam prosperitas admonere debebat Dei promissa vera esse, prosperitatem vocat intelligentiam; quasi dicat: Ut intelligatis Deum esse veracem, cum cuncta operæ fluent ex sententia.

V. 10. ATQUE DOCTORES. Soterius hoc loco vertit *doctores*, ut & Septuaginta: melius *praefecti*, sed parum interest.

V. 11. EXCEPTIS LIGNORUM CAESORIBUS. Non intelligat eos non interfuisse foederi: nam Hebraica, & versiones aliae adfuisse ostendunt: sed *exceptis*; id est, ut prætermittantur lignatores & aquatores. Itaque omnes nobiles & ignobiles interfuerunt cum foedus fieret.

V. 12. UT TRANSEAS IN FOEDERE. Alludit ad ritum quo iungebantur foedera, hostiam in partes divisam transeuntibus qui foedus faciebant, addita execratione, ut discerperetur in partes qui prior foedus violaret. Ritum hunc tangit Gen. cap. xv.

V. 17. QUAE COLEBANT. Hebr. *argentum & aurum, quæ cum eis, vel apud eos: scilicet erant*, id est idola vidistis: sed Hieronymus exprexit sententiam.

V. 18. RADIX GERMINANS FEL ET AMARITUDINEM. Hebr. *venenum & absinthium*. Venenum seu toxicum *inter* nos vocabatur, id est caput (quod ex aspidis capite fieret) Hebræis.

V. 19. BENEDICAT SIBI IN CORDE SUC.

MALVENDAE.

suo. Benedictionem explicant proxima verba, PAX ERIT MIHI; pro sit mihi. Pax sit rebus, non eveniat mihi quod his execrationibus continetur. IN PRAVITATE CORDIS MEI. Alii, in cogitatione, ut Chald. alii, in oblatione: nam vox Hebraica *seriruth* obicura, & parum nota est: eodem tamen redeunt omnia; quasi dicat: Obsequar cupiditati cordis mei. ET ABSUMAT EBRIA SITIENTEM: sic lege, non assumat: *ספס* *saphab* significat addere: hoc secutus est Pagn. Hebraei, & Chald. sed interpretatio obicura est, Ut addat ebriam cum sitiente: quid hoc? significat etiam finire, consumere: & hoc Hieronymus est secutus. Per ebriam, intellige carnem; per sitientem, mentem, quae semper ad maiora contendit. Sententia loci erit: Obsequar meis cupiditatibus, mihi indulgebo, caro vincat, & primas partes teneat. Voces hominis desperantis salutem.

V. 21. ET CONSUMATEUM IN PERDITIONEM, &c. Hebr. Et dividat eum in malum ex omnibus tribus Israel.

V. 27. SULPHURE ET SALIS ARDORE. Hebr. Sulphure & sale incensa omnis terra eius (scilicet gentis) non seminabitur, & germinabit. IN EXEMPLUM SUBVERSIONIS SODOMAE. Ex hoc loco colligit, Deum pluisse super Sodomam non sulphure, sed etiam sale, argumento excidii perpetui. Sed & ex eo sale credam Mare mortuum, ex aqua, quamvis dulci, Iordanis effectum, salum re & nomine evasisse; ex sulphure bitumen factum, quod innat: unde lacus Asphaltites, id est bituminosus, est dictus.

V. 28. ET QUIBUS NON FUERANT ATTRIBUTI. Hebr. Et non divisi eis. Aliqui, ut Chald. divisi sumunt pro dividerunt; quasi dicat: Qui dii nihil dividerunt eis; nulla ii dii illis bona contulerunt. Hieronymus verbum *divisi* passive accipiens, *divisi* accepit, pro divisi sunt eis, scilicet homines illi diis illis attributi non sunt, non eos coluerant ante, sed postea degenerarunt, ideo puniti sunt.

V. 29. ABSCONDITA DOMINO DEO NOSTRO, QUAE MANIFESTA SUNT, NOBIS. Relativum quae non est in Hebraeo. Sensus: Dei arcana nobis revelata sunt. Nimirum legit praecepta, & voluntas, & mysteria.

Verf. 1. VERBA FOEDERIS, id est rationes, & conditiones foederis. Hispanice, *los capitulos, o capitulationes*. Sic verf. 9. PRAETER ILLUD FOEDUS QUOD CUM EIS PEPIGIT IN HOREB. Quidam exponunt: Id est, praeterquam quod id foedus iam ante pepigerat in Horeb. Traiectio verborum, ut Genes. v. verf. 29. nam idem tuit foedus substantia, sed ratione personarum & loci, ubi instauratum est, diversum erat.

V. 4. COR INTELLIGENS; quia nimirum tunc erat adhuc parvuli, Quidam intelligunt voluntatem sciendi quae Dei sunt. ET OCULOS VIDENTES, ET AURES, &c. Oculos, & aures mentis accipiant. Alii exponunt, videntes & audientes cum fructu, id est ad res vilas & auditas observandum.

V. 5. NON SUNT ATTRITA VESTIMENTA VESTRA. Hebr. Non veteraverunt vestimenta vestra desuper vos; quasi dicat: Non ita verustate sunt detrita, ut ea exuere aut abicere oportuerit, aut ut e corporibus vestris deciderint. Alii: Non inveteraverunt vestimenta vestra, quin tegumento essent vobis. Sic statim desuper pedem tuum; id est, quin tegumento esset pedi tuo; quasi dicat: Divinitus factum est, ut tamdiu vestimentis vestris, & calceamentis vestris commode uteremini. Vide supra cap. viii. verf. 4.

V. 6. UT SCIRETIS QUIA EGO SUM DOMINUS, &c. id est, ut experimento cognosceretis me esse ITHUM, qui veritatem foederis mei opere demonstraverim, cum caelesti man pascere vos tanto tempore, sine pane aut vino. Vide Exod. xvi.

V. 7. AD HUNC LOCUM; nempe Campestria Moab, ubi Moses Deuteronomium promulgavit, & ista omnia loquebatur. Vide cap. i. verf. 1. & cap. iii. verf. 29. EGRESSUSQUE EST SEHON REX. Hanc pugnam Schonis & Og fuisse descriptam habes Numer. xxi. & supra cap. iii. verf. 1.

V. 9. UT INTELLIGATIS. De verbo *לדע* *facal* cum *sein* sinistro in Hiphil, ut hic ponitur, disseruimus Genes. iii. verf. 6. Aiunt hic figurate accipi pro for-

runate, feliciter, prospere, secunde agere, facere, seu efficere, ducta significatione ab altera eiusdem verbi, quæ est *considerate facere*; eo quod qui gnauus ac strenuus est in rebus gerendis, diuinitus sibi demandatis, quique considerate facit, Dei benedictione prosperos successus habeat. Unde hic vertunt: *Ut feliciter faciatis quæegeritis*. Alii: *Ut secundatis, prosperetis*, id est ut prospera & felicia reddatis, omnia quæ faciuri estis. Nonnulli: *Ut prudenter, & considerate agatis*, quæcumque faciuri estis. Ego ista omnia eo verbo complecti arbitror: *Propterea industrie, accurate, considerate, prudenter, intelligenter, gnauiter, strenue agatis omne quod faciatis*.

V. 11. EXCEPTIS LIGNORUM CAESORIUS, &c. Non excipit huc a: fœdere, sed includit, ut ex Hebræo patet; sed illud exceptis, catechistice idem valet quod *preter, ultra*. Nisi forsitan Min Hebraicum neget, ut Iob xxxiii. 18. Hebr. a caesore lignorum tuorum, usque ad haustorem aquarum tuarum. Quidam, ab ea qui cedit ligna vestra, usque ad eum qui haurit aquam vestram, necessariam scilicet exercitui. Alii, a lignatore tuo, usque ad aquatores tuos, id est tam nobiles quam mediastini, tam serui quam domini. Nonnulli, cum is qui putat ligna tua, tum qui haurit aquam tuam; id est, etiam extraneus minimus quisque in ministerio vel fordidissimo occupatus.

V. 12. UT TRANSEAS IN FOEDERE DOMINI. Hebr. ad transire te in fœdere IHU. Quidam, ut transcas in fœdus Domini; alii, ad transeundum in fœdus, vel ad incundum fœdus Iehoue. Nonnulli notant singulare esse phrasim: *Ut transcas in pædo Iehoue*; id est, ut pergas tamquam intra metas; vel ut transigas. Sed recte Hebræorum nonnulli annotant, verbo *transcendi* alludi hic ad priscum morem faciendi fœdera, cum scinderentur animalia in fœdere incundo mactata, & fœderati inter dissectas & scissas animalium partes ritu solemniter transirent: quem ritum explicauimus Genes. xv. vers. 18. ET IN IUREIURANDO. אלה alah, aiunt esse iuramentum quo quis cum imprecatione mali adstringitur ad seruandum pactum, iuramentum cum alterius partis quæ iuramentum violat, deuotione, seu imprecatione. Alii hic sumunt pro *deieratio-*

ne, imprecatione, execratione, maledictione; ut alludat ad imprecationis capitis præcedentis. Sic infra vers. 19. 20. & 21.

V. 15. SED CUNCTIS PRÆSENTIBUS ET ABSENTIBUS. Hunc versum nos verbatim ex Hebræo reddidimus (*Quia ad cuius existentiam eius hic cum nobis, hanc, die faciebatur IHU IHU ELOHIM nostris: & ad quem non cum hic cum nobis, die.*) Dilucidius alii in hunc modum: *Sed cum eo, qui astat hic nobiscum hodie coram Iehoua Deo nostro: & cum eo, qui non est hic nobiscum hodie, id est vobiscum, & cum semine vestro: cum iam natis & nascituris*.

V. 16. VOS ENIM NOTIS QUO MODO HABITAVERIMUS IN TERRA AEGYPTI, &c. Notant esse ætiologiam, seu causæ redditionem, cur dicatur etiam ad posteros hoc lædus pertinere: quia vos novistis, ac non illi; ac proinde nisi disertis verbis caveretur hoc; aut putarent, aut forte etiam obtenderent nihil ad se pertinere hanc institutionem fœderis.

V. FEL. פל. rosch. Quidam aiunt esse hic amaritudinem præcipuum & capitalem, quæ est in capite aspidis, id est *fel. venenatum*, & bilis seu biliosum venenum, exitiale & capitale, ut infra cap. xxxii. vers. 33. Et rosch venenum aspidum: crudele. Alii volunt esse nomen herbe venenatissime, quæ caput & præcipua sit inter venenatas herbas, quæ in agris copiosissime provenit, istis nostris terris inognitæ. Nonnulli cicutam intelligi putant, vel aconitum, aut similem, venenosissimam, & lethalem herbam, qua hausta perit Socrates. Alii papaveris nigri silvestris caput, de quo Virgilium IV. AENEidos dixisse aiunt:

..... nigri cum lacte veneni.

nam mortiferum esse docet Plinius Lib. XX. cap. xviii. Plerique toxicum interpretantur. Nec deijnt qui *colocynthidam*, seu *cucurbitam silvestrem* esse existiment, quam Persæ, teste Melue, *fel terre* appellant, propter nimiam amaritudinem. Annotantur, Petrum Apollolum Astorum viii. vers. 23. ad hunc locum respexisse, cum Simoni Mago dixit: *In felle amaritudinis, & coligatione iniquitatis video te esse*: ubi duas in Hebræo voces, *fel*, & *absynthium*, una, ut solet, explicat, significat.

gnificans illum prorsus infectum contagiosa impietate. Similiter Paulum Hebræorum. XII. vers. 15. ita reddidisse: *Curam gerentes, ne quis sit qui deficiat a gratia Dei; ne qua radix amarulentia suppullulans obturbet, & per hanc inquinentur multi, &c.* Ergo hic plerique per fel, seu toxicum, & absinthium gravissima peccata intelligunt, cuiusmodi est defectio a Deo, & idololatria, quæ Deum amarissime iratum reddunt, & extremam amaritudinem, & exitiale venenum defectuibus important. Quidam hic reddunt: *Ne sit in vobis radix proferens cicutam, aut absinthium*; id est, ne animus vellet sit ullius idololatriæ, perditæ vitæ seminarium. Metaphora. Aliqui hic occultos opostas accipiunt, tamquam radices in terra demersas, qui alios ad defectionem incitent.

V. 19. BENEDICAT SIBI. Hebr. *Et benedicere se faciet*, vel *Et benedicet se*; id est, & blandietur, vel applaudet sibi. Quidam: *Et felicitatem sibi promittet*: aut se benedictum, fortunatum, felicem reputabit. IN PRAVITATE CORDIS MEI. Vocem שְׁכֵרִיתוֹ s̄cheritū, diversimode elucidant. I. in cogitatione cordis mei. II. in visione, aspectu, contemplatione, speculatione cordis mei; id est, iuxta libidinem cordis mei, ex sententia animi mei ambulabo; quasi dicat: Id exequar quod spectabit animus meus, quod mihi visum fuerit. III. in duriâ, fortitudine, tortione, obstinatione, perversitate cordis mei. IV. in intentione cordis mei. Aiunt esse insidiosam, ac pravam cordis intentionem, seu observationem, insidias, seu machinationem, insidiosum & prævum consilium. ET ASSUMAT EBRIA SITIENTEM. Hebr. *Ut addat ebriam sitientem*. Locis perdifficilis & permolesti varias interpretationes ex Hebræo, & explanationes exhibebo. I. Hebræorum nonnulli: *Ut addat ebriam supra sitientem*; id est, ut præferat, anteponat concupiscentiam, quæ terrenis desideriis inebriatur, rationi & parti superiori animæ, quæ sacra est, & abstinet a carnalibus voluptatibus. II. Alii Hebræorum, *Ebriam, pium & iustum intelligunt; sitientem, impium & improbum*; quasi dicat: Et impius apud se cogitet multos esse præ se iustos, quorum merito pœnam ipse evadat. III. *Ut addat satiatam cum sitiente*: aiunt esse probebialem locutionem; quasi dicat, ut

promiscue congerat quævis mala, & peccata, & extrema impietatum coniungat. IV. *Ut addat ebriam sitientem*; id est, ut lattrantem & aridam conscientiam mulceat, & sopiat quasi ebrietate quadam: quasi blanditiis & adulationibus nobis imponere velimus, ut malum putemus ludricum esse: & nobis persuadcamus nos pace potituros, quamvis nequiter & perditè vivamus: ut veluti ebrii, nullo tangamur sensu malorum nostrorum. V. *Ut addatur ebria sitienti, aut ebrietas siti*; quasi diceret: Ut avidissime pessimos quosque errores imbibat, ut eius malefaciendi stis fiat quadam ebrietas: inebrietur malefactis, quod tantopere prius cupiebat. VI. *Ut assumat, consumat, conjunct, ebria sitientem*; id est, faciat animum quod optat, & sitim suarum cupiditatum explens, inebrietur; quasi dicat, succedat siti ebrietas, id est cupiditati satietas: vel ut addat ebriam sitientem, id est satietatem cupiditati. Hispanicus interpres, *para aneñdir la embriaguez a la sed*; id est, para entregarle a todos los deseos de su corazon. VII. *Ex sententia animi mei ambulabo*: quo addat ebriam sitientem; puta animi sententiam; id est, ut numquam peccandi finem faciat, aut suum ad peccandum desiderium expleat: sed ut solent ebrii sitim provocare atque accendere; sic peccatorum fomites & irritamenta accersat, & in peccatis calefcat. Alias expositiones ut minus probabiles omitimus, quas tibi Explanatores assatim suppeditabunt. Verum varie alii hunc locum ex Hebræo convertunt. I. propter assumere ebriam, ipsam sitientem; id est, ut assumat ebria sitientem: vel sic ut abstrahat ebriam cum sitiente. II. ut auferatur madida cum sitiente. III. ad contrahendum rigum, ebriam, cum sitiente. IV. ut finiatur ebria cum sitiente. V. ut addat irriguam cum sitibunda. Auctores harum interpretationum sensum earum non non exponunt, ipsi videntur: & ego non divino. De significatione verbi שָׂפָה saphab egimus Genes. XVII. vers. 23.

V. 20. OMNIA MALEDICTA. Hebr. *omne iuramentum execratorum, imprecatorium, devotorum*. Quidam: *Incumbet ei omnis adiuratio*; id est, reuserit totius sacerdotis violati, quod adiuratione fuerat confirmatum: nam qui transgreditur præceptum unum, est totius legis reus, Iacobi

11. vers. 10. Sic accipitur idem adiurationis nomen infra cap. xxx. vers. 7. Alii hic: *Omnis execratio, imprecatio, maledictio, quæ scripta est in libro hoc*; nimirum omnes maledictiones descriptæ capite præcedenti.

V. 26. ET QUIBUS NON FUERANT ATTRIBUTI. Hebr. varie reddunt. I. *Et non impertitus fuit eis*: singulare pro plurali: & qui nihil impertiti fuerant illis, id est deos, quorum nullus eorum impertitus fuerat eis quidquam, deos a quibus nulla beneficia acceperant. Unde clarius reddunt: *Quorum nullus dispersit illis*; subaudi, aliquid, vel terram promissam. II. *Et non assignavit eis*; id est, deos quos verus Deus non attribuit, non assignavit, non præfecit illis Israelitis. III. *Neque impertitus fuerat eis Deus*, subaudi, solum, quasi dicat: Quos Deus non eis solum sortis & portionis loco attribuerat, ut essent eis in deos; sed potius cunctis sub cælo nationibus, non colendos, sed utendos dederat: nempe solem, lunam, stellas, aurum, argentum, lapides, ligna, &c. quæ gentilitas ut deos adorabat. Vide cap. IV. vers. 19.

V. 28. PROIECITQUE IN TERRAM ALIENAM. Hebr. *disiecit*, in futuro ויכח *iisch lachem*, deiecit eos, Lamed est magnum: & est duodecima magna littera in Hebraico Scripturæ. Fortasse ad indicandum horribile, & sempiternum exilium, quo nunc inde iam a Christo occiso premuntur. Vide supra cap. XVIII. vers. 13. SICUT HODIE COMPROBATUR. Hebr. *secundum diem hanc*, vel *sicut die ista*. Quidam, *sicut est hodie*, vel *sicut hodie res se habet*, aut *sicut dies hæc testatur*. Insigne vaticinium de extirpatione, & dissipatione Iudeorum per orbem extra patriam suam, usque ad finem sæculi.

V. 29. ABSCONDITA, DOMINO DEO NOSTRO. Optime vertit Hebræa. Alii sic: *Abscondita Iehovæ Dei nostri sunt*; & *revelata nostra sunt*, & *filiis nostrorum*, &c. vel *abscondita Domino Deo nostro*; *revelata vero ad nos* & *ad filios nostros attinent*, dum durat sæculum, &c. Quidam ita exponunt: Dei est punire idololatriam occultam; ad nos autem pertinere punire idololatriam apertam: neque solum ad nos, sed etiam ad posteros no-

stros usque in sempiternum: debemus autem hæc facere, si velimus implere legem hanc. Alii: *Quæ occulta sunt, penes Iehovam Deum nostrum sunt*: at quæ revelata, nobis & filiis nostris usque in sæculum, revelata sunt, ut faciamus omnia verba huius legis. Senlum esse volunt: Ne sapiamus altum, neque Dei consilia, vias, & iudicia ulterius pervestigemus; sed his contenti, & acquiescentes voluntati eius, in hoc incumbamus, ut præscripto huius legis, quæ nobis revelata, data, & exposita est, simplici animo pareamus. Nonnulli explicant: Secreta Iehovæ Dei nostri revelata sunt nobis, & filiis nostris in sempiternum, &c. iuxta illud Psal. cxlvii. vers. 9. *Non fecit taliter omni nationi, & iudicia sua non manifestavit eis*.

MENOC HII.

Vers. 1. VERBA FOEDERIS, innovati, instaurati, & iuramento firmati. Vide infra num. 12.

V. 2. VOCAVITQUE MOYSES OMNEM ISRAEL; hoc est, omnes rursus adesse iussit: neque enim verisimile, omnia quæ hoc Libro habentur a Mose uno spiritali, nulla interposita quiete esse dicta.

V. 3. TENTATIONES MAGNAS: punitiones: & flagella Aegyptiorum.

V. 4. NON DEDIT VOBIS DOMINUS COR INTELLIGENS, &c. quia vos cor, aures, oculosque mentis clausistis, unde vitio factum est, ut non intelligeretis magnitudinem divinarum beneficiorum, & quænam essent partes, officiumque vestrum erga Deum.

V. 5. NON SUNT ATTRITA VESTIMENTA. Vide dicta sup. cap. VIII. num. 4.

V. 6. PANEM NON COMEDISTIS, &c. quia manna fuit illis in cibum. Aliquando tamen edisse panem, & vinum bibisse credibile est, sed non frequenter, cum agent in deserto. UT SCIRETIS QUIA EGOSUMDOMINUSDEUS VESTER: qui norim servos meos alere mirabili modo, etiam cum frugum aut carniarum copia deest.

V. 9. UT INTELLIGATIS OMNIA QUAE FACITIS: prudenter agatis.

V. 20. VOS STATIS HODIE CUNCTI. Oportebat enim ut omnes ad suspensionem legis, & fœderis convenirent; quia

quia quod omnes attingit, ab omnibus probari debet. **PRINCIPIES VESTRI:** Principes tribuum. **DOCTORES,** quos supra cap. xvi. num. 18. appellavit magistros. Vide ibi dicta.

V. 11. ET ADVENA, &c. multi enim Aegyptii eos sequebantur. Alii etiam erant mancipia ipsorum Hebræorum. **EXCEPTIS LIGNORUM CAESORIBUS, ET HIS QUI COMPORTANT AQUAS.** Quos necessarium ministerium adesse non patitur. In Hebræo tamen, Chaldæo, & Septuaginta est: *A lignorum caesore usque ad comportantem aquam tuam:* quasi nullus planus abfuerit. **D.** Hieronymus videtur particulam *pro min*, pro preter accepisse.

V. 12. UT TRANSEAS IN FŒDERE: ut fœdus in eas. Vox illa *transfas*, videtur indicare renovationem fœderis per transitum inter partes divisas victimarum, ut factum in fœdere Dei cum Abraham, Genes. xv. 10. Vide ibi dicta. **ET IN IURRIURANDO.** Septuaginta, *in imprecationibus*. Vide dicta eodem cap. xv. Genes. num. 10.

V. 13. SUSCITE TE SIBI IN POPULUM. Vide dicta cap. xxviii. 9.

V. 16. PER MEDIUM NATIONUM: Idumæos, Madianitas, Ammonitas, Moabitæ.

V. 18. SIT INTER VOS RADIX GERMINANS FEL, ET AMARITUDINEM: sit quispiam qui sibi & aliis sit causa idololatriæ, quæ fel & amaritudo appellatur, vel quia Deo ingratiſſima, vel quia idololatriæ fructus amarus procreat, videlicet gravia supplicia.

V. 19. BENEDICAT SIBI IN CORDE SUO: falsa spe lactet se, & sibi cuncta prospera polliceatur, seque impunitum fore existimet. **ET AMBULABO:** licet ambulavero. **ET ASSUMAT EBRIA SITIENTEM.** Proverbium est. In Hebræo est: *Ut addatur ebria sitiens.* LXX. habent: *Ut non simul perdat peccator eum qui sine peccato est.* Cornelius particulam *Non*, a textu Septuaginta tolli posse putat, cum non sit in Hebræo; & sensus erit: Peccator sibi promittit impunitatem, & cum ipse sit ebrius iniquitate, integrum, & innocentem absumat; vel, ut alii legunt, assumat in communionem sui criminis, eum sollicitans, & trahendo ad idololatriam. Bonfrerius putat in hoc pro-

Bib. Sac. Tom. III.

verbio subintelligendam vocem substantivam, *Terra.* *Assumet terra ebria sitiens;* & sensum esse: Terra pluvii inebriata perdat seipsam, quæ prius sitiens erat. Habetque locum proverbium hoc quotiescumque quis quippiam desiderat, quod cum deinde illi conceditur, perniciem illi creat. Ad rem nostram applicando adagium, sensus erit: Qui sibi impunitatem promittit, sibi que indulgendo sceleribus quodammodo, & idololatria, quam sitiens, sese inebriat, grande malum sibi accerset, & se plane perdet.

V. 20. FUROR EIUS FUMET. Verti potest: *Nasus eius fumet:* vox enim *ἡμᾶς*, *iram*, & *nasum*, qui sedes est iræ, aut in quo eminet, significat. Loquitur de Deo, humano more.

V. 23. SULPHURE, ET SALIS ARDORE COMBURENS. Hæcenim sterilem terram faciunt. Sic Iudic. ix. 45. Abimelech Sichimam destructam sale seminat, ut sterilis efficiatur. **ADEXEMPLUM,** ad similitudinem.

V. 26. QUOS NESCIEBANT: quos antea non colebant, nec agnoscebant pro diis. **QUIBUS NON FUERANT ATTRIBUTI:** quibus non fuerant ipsi tamquam pars, possessio, hereditas, vel proprium peculium attributi.

V. 29. ABSCONDITA DOMINO DEO NOSTRO, QUAE MANIFESTA SUNT NOBIS, ET FILIIS NOSTRIS USQUE IN SEMPITERNUM; quasi dicat: Hæc flagella futura, prævisa & decreta a Deo, ut scilicet ea non norit ut insigat nobis; hæc, inquam, flagella, quæ minitans intentavit, & prænuntiavit nobis, & filiis vestris, ut eorum metu legem eius servemus in sempiternum.

T I R I N I.

Vers. 4. NON DEDIT VOBIS DOMINUS, propter vestra demerita & peccata, **COR INTELLIGENS,** divinatorum beneficiorum magnitudinem & præstantiam: neque animi vestri oculos, vel aures aperuit, quibus attenda consideratione penetraretis eadem beneficia, monitaque divina, & iisdem obediendo aures obsecundaretis: nempe luminibus
V u u inten-

interno & gratiæ vos excitanti semper rebelles obstitistis.

V. 19. **ET AMBULABO**; pro, licet ambulavero; quasi dicat: Licet transgredi mandata Dei, maledictiones hæc mihi non nocebunt. **ET ASSUMAT EBRIA SITIENTEM**. Proverbium est Hebræis familiare: quod Septuaginta vertunt, *Perdat peccator innocentem*, dum scilicet ebrius idololatria alios quoque seu suasionem, seu exemplo suo in idem scelus, & consequenter in eandem secum ruinam trahit. Vide Delrionem *a* in Adagiis sacris. Nisi forte malis *b* ad unam eandemque personam peccantem utrumque referre, quæ sit dicitur, cum aliquid vehementer appetit; ebria vero esse, cum quod appetivit, abunde consecuta est: tum vero absumit ebria sitientem, cum quod appetiit, & iam consecuta est, illi causa est ruinæ. Sic enim, inquit Moyses, contingeret idololatriæ, cum vehementer desideraret solvi legibus divinis, & idolis prostitui, compotes iam facti votorum & sceleribus ebrii, sentient se sibi extremam perniciem accessivisse.

V. 29. **ABSCONDITA**, supple, Outinam æternum sint DOMINO DEO NOSTRO, hæc quæ ante minatus est supplicia! ita nempe, ut numquam cogatur ea inferre; quasi dicat Moyses: Precor ut populus ita legibus Dei custodiendis insinuat, ut numquam cogatur Deus supplicia quæ transgressoribus minatus est, de facto infligere; sed ita se gerat ac si ea omnia malignoraret. Interim MANIFESTA sint hæc NOBIS ET FILIIS NOSTRIS: ut eorum metu a transgressione legum arcamur. Ita Caietanus.

(a) Delrio adagio CXXXVIIII.

(b) Cum P. Bonfr.

GORDONI.

Vers. 3. **TENTATIONES** sunt plagæ Aegypti: per has enim explorabatur animus Aaronis.

V. 4. **ET NON DEDIT VOBIS DOMINUS COR INTELLIGENS**, &c. Designat hic populum huc usque fuisse ingratum, & immemorem divinorum beneficiorum. Deus autem dicitur non dedisse gratiam uberem ut beneficentiam de Deo, quia obstabant eorum demerita.

V. 5. & 6. **NON SUNT ATTRITA VESTIMENTA**. Vide cap. VIII, vers. 4. Qui putant, crescentibus parvulis, excrevisse vestes, miraculum dant sine necessitate. Unde ergo puerorum vestes? Sane partim ex spoliis Aegypti, partim ex vestibus morientium, partim ex lanificio: nam linum & lanam tractabant, ne essent per quadraginta annos otiosi; nec pelles animalium inutiles erant ad vestimentum. Interdum etiam a vicinis emere aliquid poterant. De cibis, & carne, vide cap. 11. vers. 6. Ait vero vers. 6. panem comedisse victu ordinario: nam interdum præter mannâ poterant apud vicinas gentes panem invenisse.

V. 11. **EXCEPTIS**; quasi dicat: Etiam interfuerunt fœderi lignatores, seu tam nobiles quam hi ignobiles.

V. 15. **ABSENTIBUS**, id est futuris, & posteris.

V. 18. **FEL**, peccata, & dissensiones.

V. 19. **ET ASSUMAT EBRIA SITIENTEM**, &c. Non convenit inter tunc Interpretes, quæ sit huius proverbii vis. Magnam rerum perturbationem designat in familiis, & civitatibus, ubi magna sunt peccata, cum magna inopia; & præsertim quando peccatores velut ebrii grassantur in debitores, & aliquamiam saties miseros: sic sane ebrius devorat esurientem.

V. 23. **SALIS ARDORE**, &c. Sal & salsugo sterilitatem designant, Psalm. CVI, vers. 34. Et passim salsugo opponitur fertilitati. Hæc quatuor civitates Pentapoleos periere Genes. cap. XIX.

V. 26. **SERVIERUNT DIIS ALIENIS... QUIBUS NON PVERUNT ATTRIBUTI**: ad quos colendos non fuerunt designati a Deo suo, sed potius per leges Dei sui prohibiti ne id facerent.

V. 29. **ABSCONDITA DOMINO DEO NOSTRO: QUAE MANIFESTA SUNT NOBIS**, &c. Obscure dictum. Existimo optime intelligi ex Hebræo, ubi non est particula *quæ*: quavis enim relativum hoc variet sensum, & possit retineri; tamen reddit obscuriorem versum. Sensus ergo est: Quæ erant Deo abscondita, & arcana, scilicet præcepta hæc, & æterna eius voluntas, sunt nobis revelata, ut serventur, & faciamus eius voluntatem.

C A P U T XXX.

Vera penitentia Deum placat: præceptum nobis datum, non longe à nobis separatur: proponitur bonum & malum: ut ultro bonum eligentes, vivamus; & non pereamus, malo adherentes.

1.  Um ergo venerint super te omnes sermones isti, benedictio; sive maledictio, quam proposui in conspectu tuo: & ductus penitentie cordis tui in universis gentibus, in quas dispererit te Dominus Deus tuus, 2. & reversus fueris ad eum, & obedieris eius imperiis, sicut ego hodie præcipio tibi; cum filiis tuis, in toto corde tuo, & in tota anima tua: 3. * reducet Dominus Deus tuus captivitatem tuam, ac miseretur tui, & rursus congregabit te de cunctis populis, in quos te ante dispersit. 4. Si ad cardines cæli fueris dissipatus, inde te retrahet Dominus Deus tuus, 5. & (a) assumet, atque introducet in terram, quam possederunt patres tui; & obtinebis eam: & benedicens tibi, maioris numeri te esse faciet quam fuerunt patres tui. 6. Circumcidet Dominus Deus tuus cor tuum, & cor seminis tui: ut diligas Dominum Deum tuum in toto corde tuo, & in tota anima tua, ut possis vivere. 7. Omnes autem maledictiones has convertet super inimicos tuos, & eos qui oderunt te & persequuntur. 8. Tu autem reverteris, & audies vocem Domini Dei tui: faciesque universa mandata quæ ego præcipio tibi hodie: 9. & abundare te faciet Dominus Deus tuus in cunctis operibus manuum tuarum, in sobole uteri tui, & in fructu iumentorum tuorum, in ubertate terræ tuæ, & in rerum omnium largitate. Revertetur enim Dominus, ut gaudeat super te in omnibus bonis, sicut gavisus est in patribus tuis: 10. si tamen audieris vocem Domini Dei tui, & custodieris præcepta eius & cæremonias, quæ in hac lege conscripta sunt: & revertaris ad Dominum Deum tuum in toto corde tuo, & in tota anima tua. 11. Mandatum hoc, quod ego præcipio tibi hodie, non supra te est, neque procul positum, 12. nec in cælo situm, ut possis dicere: (b) Quis nostrum valet ad cælum ascendere, ut deferat illud ad nos, * & audiamus atque opere compleamus? 13. Neque trans mare positum, ut causeris, & dicas: Quis ex nobis poterit transfricare mare, & illud ad nos usque deferre: ut possimus audire & facere quod præceptum est? 14. Sed iuxta te est sermo valde, in ore tuo, & in corde tuo, ut facias illum. 15. Considera quod hodie proposuerim in conspectu tuo vitam & bonum, & e contrario mortem & malum: 16. ut diligas Dominum Deum tuum, & ambules in viis eius, & custodias mandata illius ac cæremonias atque iudicia: & vivas, atque multiplicet te, benedicatque tibi in terra ad quam ingredieris possidendam. 17. Si autem aversum fuerit cor tuum, & audire nolueris, atque errore deceptus adoraveris deos alienos, & servieris eis: 18. prædico tibi hodie quod pereas, & parvo tempore moreris in terra ad quam, Iordane transmissio, ingredieris possidendam. 19. Testes invoco hodie cælum & terram, * quod proposuerim vobis vitam & mortem, benedictio-

nem & maledictionem. Elige ergo vitam, ut & tu vivas, & semen tuum: 20. & diligas Dominum Deum tuum, atque obedias voci eius, & illi adhaereas (ipse est enim vita tua, & longitudo dierum tuorum) ut habites in terra pro qua iuravit Dominus patribus tuis, Abraham, Isaac, & Jacob, ut daret eam illis.

(*) 11. Mach. 12. 29. (b) Rom. x. 6.

BRUGENSIS

ROMANAE CORRECTIONES.

Verf. 3. *Reducet Dominus Deus tuus captivitatem tuam.* Alii scribunt: *Reducet te Dominus Deus tuus de captivitate tua;* qui sensus est prioris lectionis.

V. 12. *Et audiamus.* Non mutes & in ut. V. 19. *Quod proposuerim vobis vitam, & mortem.* Pro voce *mortem*, quidam substitue-
runt vocem *bonum*, male imitati locum su-
pra verf. 15.

COMMENTARIA

S A.

Verf. 4. **C**ARDINES CAELI, id est extrema orbis, scilicet ubi caelum videtur terrae coniungi.

V. 6. **CIRCUMCIDET**, id est purgabit. V. 8. **REVERTERIS**; pro, si rever-
teris; vel revertere ergo.

V. 9. **REVERTETUR**. Chald. *con-*
vertetur, scilicet ab ira.

V. 11. **MANDATUM**, id est prae-
cepta Decalogi. **TE**, id est captum tuum.
PROCUL POSITUM; quasi dicar, igno-
tum, aut difficile cognitu, ut te proinde
excuses.

V. 12. **QUIS NOSTRUM**. Hebr. &
Chald. *quis nobis*, seu *pro nobis*: sic &
infra.

V. 13. **EX NOBIS**, pro nobis.

V. 14. **IN ORE**: scilicet saepe a levitis
docebatur & inculcabatur. **CORDE**: sci-
licet saepe audiebant, adeoque cogitabant.

V. 15. **VITAM ET BONUM**, &c. **LXX.**
vitam & mortem, bonum & malum.

V. 16. **UT DILIGAS**. Hebr. Chald.
& **LXX.** *Præcipiens, ut diligas.*

EST I I.

Verf. 11. **M**ANDATUM HOC... NON
SUPRA TE EST, NE-
QUE PROCUL POSITUM, NEC IN
CAELO SITUM. Sensus est: iam tibi

mandatum hoc a Domino in monte da-
tum est, & rursum a me propositum, re-
citatum ac prolixè declaratum, nihil est
quod iam excuses. Restat, ut supra dixit,
Ut audiamus atque opere compleamus: &
iterum: Ut possimus audire & facere quod
præceptum est. Quomodo autem ad hoc,
auxilium a Deo esset petendum, declara-
vit capite superiori, cum exprobando di-
xit: *Et non dedit vobis Dominus cor in-*
telligens, &c. quod ostendimus ex eorum
culpa accidisse: non enim alioqui Domi-
nus eis hoc rectè exprobraret. Tum idem
etiam ostenditur cap. VIII. his verbis:
Ne diceret in corde tuo: Fortitudo mea, &
robur manus meae hæc mihi omnia præstite-
rant. Sed recorderis Domini Dei tui, quod
ipse vires tibi præbuerit. Nam si in cor-
poralibus nihil poterant, nisi Deo vires sup-
gerente, multo magis ergo in spirituali-
bus. Vide Commentar. nostrum ad Rom.
x. ubi hic locus ab Apostolo citatur.

V. 15. **CONSIDERA QUOD HODIE**
POSUERIM IN CONSPECTU TUO VI-
TAM ET BONUM, ET E CONTRA
MORTEM ET MALUM: & infra verf.
19. **ELIGE ERGO VITAM,** &c. Vita &
bonum vita beata intelligitur, bonumque
non morale, sed quod appetitur ut finis
& beatitudo: & similiter mors & malum,
nempe malum miseræ: quod ex eo li-
quet, quia exponit illa Moyses per bene-
dictionem & maledictionem. Item quia in
tex-

textu dicitur: *Et vivas, atque multiplicet te, benedicatque tibi; & rursum: Ipse est enim vita tua, & longitudo dierum.* Nec obstat quod subiungit: *Elige ergo vitam, &c.* quasi proponat circa hæc electionem, cum circa beatitudinem, quæ habet rationem ultimi finis, non veretur electio. Quod enim dicit, *Elige vitam*, sensus est: Fac ea per quæ vitam a me tibi propositam consequaris, & mortem propositam evadas. Proposuerat scilicet illa, & ante oculos posuerat, cum longo ordine recitavit benedictiones & maledictiones.

MARIANAE.

Vers. 4. **S**I AD CARDINES CAELI. Hebr. *in finibus caeli*; pro, si ad fines ultimos terræ fuerit electio tua, inde reducet te Deus.

V. 9. IN PATRIBUS TUIS. Hebr. *Ut super patres tuos gavisus est Deus*, sic in te gaudebit.

V. 11. MANDATUM.....NON SUPRA TE EST. Hebr. *Non est mirabile a te*; sed vox Hebraica significat etiam, non est separatum, ut Chald. posuit, nimirum quod mox repetit: *NEQUE PROCVL POSITUM.* Ego potius verterem: *Non est supra tuas vires*, quod posuit Hieronymus: id est enim, *Non est mirabile.*

V. 12. NEC IN CAELO SITUM; quasi dicat: Non est de rebus quæ sunt in cælo: non præcipitur, ut inde solem deducas.

V. 13. NEQUE TRANS MARE: ut inde elephantos, gemmas, aromata comportes. De rebus quæ in usu quotidiano sunt, tibi præcipitur.

V. 14. SED IUXTA TE EST SERMO VALDE. Hebr. *verbum*; quasi dicat: In ore & corde positum est, ut facias. Voluntate opus est, cetera sequuntur. Hunc locum citat Paulus ad Rom. x. vers. 8. ut probet legem Evangelicam facilem esse. Nam si lex Moysus, aliqui multiplex & gravis, facilis erat, multo magis lex fidei, & verbum quod nobis præcipitur.

V. 15. CONSIDERA. Hebr. *vide*; sed ea vox accipitur sæpe pro ecce, atque ita Septuag. *Ecce dedi (sive proposui) in conspectu tuo hodie vitam & mortem.*

V. 17. ATQUE ERROR DECEPTUS ADORAVERIS DEOS ALIENOS. Hebr.

Et expuleris te; id est, perverteris; & adoraveris deos alienos.

MALVENDAE.

Vers. 1. **V**ENERINT SUPER TE OMNES SERMONES ISTI.

Notant esse iam hic transitionem a minis legalibus ad promissiones Evangelicas, & instaurationem futuram per Christum. **BENEDICTIO, SIVE MALEDICTIO, QUAM PROPOSUI.** Quas duas partes ordine in præcedente capite eventuras populo prophetavit.

V. 3. ET RURSUM CONGREGABIT TE. Recte Hebraismus exposuit: *Et revertetur, & congregabit te.* Notum est, verbum *revertendi* cum construitur cum altero verbo sequente, adverbialiter, & idem esse quod *denuo, rursum, iterum.*

V. 4. SI AD CARDINES CAELI. Elegans hyperbole, quam habes quoque Nehem. i. vers. 9. Vide supra cap. iv. vers. 32. **FUERIS DISSIPATUS.** *ἡττιδὰχ* plerique pro participio Niphal capiunt: *Si fuerit expulsus tuus*, vel *depulsus tuus*; vel etiam *si quis ex tuis depulsus esset.* Alii nomen substantivum faciunt: *Si fuerit expulsio, depulsio, propulsio tua*, *exilium tuum*: quod rectius puto.

V. 6. CIRCUMCIDET DOMINUS, &c. Exponunt: Id est, repurgabit vos vi sui spiritus, & ad suum obsequium reformabit. Metaphora, de qua supra cap. x. vers. 16. S. Augustinus in hunc locum quæstione lxxx. *Evidens pollicitatio gratiæ: promittit enim Deus se esse facturum quod solet iubere ut fiat. UT POSSIS VIVERE.* Hebr. *propter vitam tuam*: ut vivas.

V. 7. OMNES AUTEM MALEDICTIONES HAS. Hebr. *omnes adiurationes istas*; id est, omnia mala in fœdere cum gravi adiuratione denunciata. Synecdoche, ut supra cap. xxix. vers. 20. Alii simpliciter execrationes, maledictiones intelligunt, cap. xxviii. denuntiatas.

V. 8. TU AUTEM REVERTERIS, &c. Notant, hanc deinceps summam esse doctrinæ Evangelicæ, & promissionum in Christo factarum, cum veræ penitentiae, tribus verbis; tum vero fidei Christianæ, vers. 11. & seqq.

V. 9. REVERTETUR ENIM DOMINUS

NUS UT GAUDEAT SUPER TE IN OMNIBUS BONIS. Hebr. *Revertetur IHU* ad letandum de te in bonum. Quidam: Nam rursus Iehova letabitur de te, benefaciendo tibi. Alii, bono tuo; id est, in utilitatem tuam, ita ut felix ab omnibus dicaris.

V. 10. QUAE IN HAC LEGE CONSCRIPTA SUNT. Hebr. singulariter, *scriptum in libro legis huius*; id est, unumquodque præceptum & statutum scriptum in libro legis istius: quæ sententia maiorem emphasim habet. Quidam: *Præcepta eius, & statuta eius, quidquid scriptum est in libro hoc legis.*

V. 11. MANDATUM HOC QUOD EGO PRAECEPIO TIBI HODIE. Hebr. *Quia præceptum hoc, quod &c.* Hunc verum annectunt immediate versui 8. ut 9. & 10. sint interiecti per parenthesim; quasi dicat: *Faciesque universa mandata quæ ego præcipio tibi hodie: nam mandatum hoc quod ego præcipio tibi, &c.* Locum hunc Hebræi proprie ad legem referunt, exponuntque: Lex non est tibi occulta, aut ardua, nec longinqua aut remota a te, seu in cælo procul, aut ultra mare in locis distissimis; sed tibi propinqua in ore tuo, & in corde, quæ tibi a levitis frequenter recitatur, & in os, & in cor ingeritur. infra cap. xxxiii. vers. 10. & a sacerdotibus tibi continenter explicatur, Malachiæ 11. vers. 7. Vide Actuum xv. vers. 21. Alii volunt Moſen per præceptum non solum hic Legem designasse, sed totam in genere, Dei, & fidei Christianæ doctrinam, quæ Evangelium præcipue in se comprehendit. Atqui doctissimi quique Hebræorum hoc caput ad regnum Christi pertinere tradiderunt, sub quo omnibus qui de fœdere sunt, promissio gratiæ obtingeret. Versat hunc locum mirifice Paulus Romanorum x. vers. 6. ac de verbo fidei seu Evangelio interpretatur. Quidam volunt, Paulum, quæ Moſes hic de lege dixit, allegorice de Evangelio exposuisse. Alii autem, Paulum hunc locum perite ad causam suam accommodasse: nam cum proprie pertineat ad decalogum, transfuisse eleganter & erudite ad fidem & Evangelium. Verum non dubito Moſen & Paulum de una & eadem re locutos, nempe de doctrina Dei, & verbo fidei, seu E-

vangelio, & neminem meliorem quam Paulum optari posse Moſis interpretem: sensumque utriusque esse, gratiam Spiritus, iustificationis, Evangelii per sanguinem Christi prope nos esse, & in promptu omnibus propositam, si fide viva & plena per caritatem operante credamus in Christum, & ore eum confiteamur. Aliqui *mandatum hoc*, seu *præceptum*, de quo hic loquitur Moſes, singulariter intelligunt mandatum pœnitentiæ, respicientiæ, seu internæ conversionis ad Deum, quo anima iustificatur apud Deum iustitia fidei, spei, & dilectionis divini: atque ad discrimen innumerorum præceptorum legis scriptæ, dixisse Moſen, *Quia præceptum hoc, &c.* NON SUPRA TE EST. Participio נִשְׁמַע niplet omnia ista comprehenduntur: *Non arduum, mirabile, excessum, excellens, separatum, occultatum, absconditum, velatum, difficile, impossibile ipsum de a te, vel præ te.* LXX. *Non est supra modum.* Quæ etiam ratione legit S. Augustinus quæst. LIV. id est, quod non apte possit tibi accommodari, & cui non tu possis recte accommodari.

V. 15. CONSIDERA QUOD HODIE PROPOSVERIM, &c. Notant esse denuntiationem eventus ex rebus antecedentibus secuturi: quia denuntiatione aperitur via ad illam contestationem quæ est in versu 19.

MENOCHII.

Vers. 1. **B**ENEDICTIO, SIVE Maledictio: benedictio, si legem servaveris; maledictio, si violaveris.

V. 4. **S**I AD CARDINES CÆLI FUERIS DISSIPATUS. Cæli cardines sunt poli arcticus, & antarcticus, vel quolibet mundi extrema plaga.

V. 6. **C**IRCUMCIDET DOMINUS... COR TUUM: cordis mala & desideria noxia auferet.

V. 8. **R**EVERTERIS, vel ad terram tuam, vel ad Deum.

V. 9. **R**EVERTETUR DOMINUS: qui antea per peccata averſus fuerat, eoſque deſeruerat. **U**T GAUDEAT SUPER TE IN OMNIBUS BONIS: ut deleatur tibi beneficia præſtando.

V. 11. MANDATUM HOC, tota hæc Deuteronomii lex. *NON SUPRA TE EST*, &c. ut possis te excusare, quasi nequeas & nosse quæ præcipiuntur, & effecta dare.

V. 14. SED IUXTA TE EST SERMO, &c. hoc est, habes legem Dei ad manum, ut in corde, ac memoria habere discendo, & ore pronuntiari possis.

V. 15. PROPOSVERIM IN CONPECTU TUI VITAM ET BONUM, ET CONTRARIO MALUM ET MORTEM. Huc alludit Ecclesiasticus xv. 17. *Apposui tibi aquam & ignem, ad quod volueris, porrige manum*.

V. 19. TESTES INVOCO, &c. Sic & Isaias suam prophetiam a simili invocatione exorditur, & paulo post Moses cap. xxxii. suum canticum.

V. 20. IPSE EST ENIM VITA TUA, ET LONGITUDO DIERUM TUORUM: ipse est qui hæc tibi largitur.

T I R I N I.

Verf. 11. MANDATUM HOC, toto Deuteronomio contentum, *NON SUPRA TE EST, SED IUXTA TE EST VALDE*; hoc est, ad manum tibi est, & admodum facile, ut, si velis vel tantillam adhibere diligentiam, possis illud & in corde, seu memoria discendo habere, & ore pronuntiare, & ut addunt Septuaginta, in manibus quoque tuis habere; hoc est, opere complere. Neque enim defutura erat illis divina gratia, qua etiam totam legem implere possent.

Dices. Actorum xv. Petrus ait: *Iugum legis neque patres nostri, neque nos portare potuimus*. Respondeo: Significat illis verbis non impossibilitatem (nam teste sancta Scriptura semper aliqui reperti qui totam legem impleverunt) sed solum magnam difficultatem; tum ob præceptorum multitudinem, & gravitatem; tum ob gratiæ parcitatem: neque enim ex opere operato annexa hæc erat sacramentis aut sacrificiis veteris legis, ut iam contigit in nova lege; sed internis fidei, spei, contritionis, caritatisque actibus emendanda erat a Deo. Quod quia pauci constanter præstabant, hinc factum,

quod reipsa pauci quoque legem totam impleverint: & verum esset quod scribit Apostolus ad Roman. iii. *Omnes sub peccato fuisse*, etiam Iudæos, & eguisse gloria Dei & gloria Christi. Et hæc erat ratio præcipua cur Deus illos tanto tempore in sua infirmitate egestateque hæerere permiserit: nempe ut imbecillitatem legis suæ qua plusculum superbiebant, & auxilii divini, gratiæque necessitatem agnoscentes, utpote experimento edocti, promptius ardentiusque ad Deum confugerent, & ad promissum Messiam suspirarent; cuius opera meritoque & legem perfectiorem, & auxilia ampliora certo sibi obventura præscirent.

Obicit secundo Brentius: ex hoc loco saltem constare, tam claram esse ubique Scripturam, ut nullo nobis sit opus Interprete; multo minus trans mare aut alpes Romam hoc nomine mittendum. Respondeo. Nego consequentiam, quia hic nulla fit mentio reliquarum Scripturarum, sed solius Deuteronomii, seu legum illarum divinarum quæ omnem populum concernebant. Sed quid hæc tantillas ad omnes reliquas Scripturas? quæ ut numero plurimæ sunt, ita plurimis locis admodum obscuras esse, ipsi quoque hæretici tot tamque variis suis commentariis aperte demonstrant.

G O R D O N I.

Verf. 4. SI AD CARDINES CAELI, aut sub polis mundi positus sis, aut in loca remotissima abductus, aderit Dominus. Inepte Iudæi dicunt hic designari captivitatem, ac dispersionem, in qua nunc sunt; & proinde in hac ultima captivitate expectandum Messiam. Sed non advertunt ex Nehem. i. verf. 6. & 9. hanc huius loci promissionem impleram esse per reditum a captivitate Babylonica.

V. 6. CIRCUMCIDET, PURGABIT.


V. 8. REVERTERIS. Hoc intelligi potest vel de reditu a peccato ad Deum per poenitentiam, vel de reditu a captivitate.

V. 11. MANDATUM HOC ... NON SUPRA TE EST. Certe affirmat mandatum hoc, & legem ita esse in potestate hominis, ut possit legem & scire, & facere quod iubet; & præsertim hoc secundum

dum de executione: nam ad hoc hortatur toto hoc Libro, & clare habetur vers. 14. Hoc autem poterant omnes, quamvis vires has non haberent ex ipsa lege, & sterilibus illorum temporum sacramentis, sed ex gratia per Christum venturum, & spiritu fidei. Difficilis quidem ex Act. xv. vers. 10. erat constans legis illius observatio, in tanta præceptorum multitudine; at non omne difficile est impossibile. Non est supra hominem hæc observatio, inquit Moses: ut tamen esset, si vel esset impossibilis, quod fingunt Novatores; vel (quod aliqui docent Theologi) si necessario requireret gratiam prædeterminantem,


& quam habere non sit in nostra potestate: sic enim executio esset supra vires hominis. Ceterum Paulus Rom. x. aliquo modo accommodat hæc verba Moysi ad suum institutum, ut declarat possibile homini esse assequi eam iustitiam quæ ex fide est.

V. 19. TESTES INVOCO... CAELUM ET TERRAM, &c. Omnia tacite obediunt Deo; consentiunt & attestantur quæ Deus iubet, ut præcones verbi Dei; ita ut si vocem haberent, damnarent impios. Ceterum בַּחַרְתָּ *bacharta*, *eliges*, insignis locus est pro libero arbitrio.



C A P U T XXXI.

Moses Iosue sibi sufficit in ducem, Deuteronomium scribi iubet, & in arca servari.

1.  Biit itaque Moyses, & locutus est omnia verba hæc ad universum Israel, 2. & dixit ad eos: Centum viginti annorum sum hodie, non possum ultra egredi, & ingredi, præsertim cum & Dominus dixerit mihi: (a) Non transibis Iordanem istum. 3. Dominus ergo Deus tuus transibit ante te: ipse delebit omnes gentes has in conspectu tuo, & possidebis eas: & Iosue iste transibit ante te, sicut locutus est Dominus. 4. Facietque Dominus eis (b) sicut fecit Sehon & Og regibus Amorrhæorum, & terræ eorum, * delebitque eos. 5. Cum ergo & hos tradiderit vobis, similiter facietis eis sicut præcepi vobis: 6. (c) Viriliter agite, & confortamini: nolite timere, nec paveatis ad conspectum eorum: quia Dominus Deus tuus ipse est ductor tuus, & non dimittet, nec derelinquet te. 7. Vocavitque Moyses Iosue, & dixit ei coram omni Israel: (d) Confortare, & esto robustus: tu enim introduces populum istum in terram quam daturum se patribus eorum iuravit Dominus, & tu eam sorte divides. 8. Et Dominus, qui ductor est vester, ipse erit tecum: non dimittet, nec derelinquet te: noli timere, nec paves. 9. Scripsit itaque Moyses legem hanc, & tradidit eam sacerdotibus filiis levi, qui portabant arcam fœderis Domini, & cunctis senioribus Israel. 10. Præcepitque eis, dicens: Post septem annos, anno remissionis, in solemnitate tabernaculorum, 11. convenientibus cunctis ex Israel, ut appareant in conspectu Domini Dei tui, in loco quem elegerit Dominus, leges verba legis huius coram omni Israel, audientibus eis, 12. & in unum omni populo congregato, tam viris quam mulieribus, parvulis, & advenis qui sunt intra portas tuas: ut audientes discant, & timeant Dominum Deum vestrum, & custodiant, impleantque omnes sermones legis huius: filii quoque eorum qui nunc ignorant; ut audire possint, & timeant Dominum Deum

Deum suum cunctis diebus quibus versantur in terra ad quam vos, Iordane transmissio, pergitis obtinendam. 14. It ait Dominus ad Moysen : Ecce prope sunt dies mortis tuæ : voca Iosue, & stete in tabernaculo testimonii, ut præcipiam ei. Abierunt ergo Moyses & Iosue, & steterunt in tabernaculo testimonii: 15. apparuitque Dominus ibi in columna nubis, quæ stetit in introitu tabernaculi. 16. Dixitque Dominus ad Moysen : Ecce tu dormies cum patribus tuis, & populus iste confurgens fornicabitur post deos alienos in terra ad quam ingreditur ut habitet in ea: ibi derelinquet me, & irritum faciet fœdus, quod pepigi cum eo. 17. Et irascetur furor meus contra eum in die illo : & derelinquam eum, & abscondam faciem meam ab eo, & erit in devorationem: invenient eum omnia mala & afflictiones, ita ut dicat in illo die: Vere quia non est Deus mecum, invenerunt me hæc mala. 18. Ego autem abscondam, & celabo faciem meam in die illo, propter omnia mala quæ fecit, quia secutus est deos alienos. 19. Nunc itaque scribite vobis canticum istud, & docete filios Israel: ut memoriter teneant, & ore decantent, & sit mihi carmen istud pro testimonio inter filios Israel. 20. Introducam enim eum in terram pro qua iuravi patribus eius, lacte & melle manentem. Cumque comederint, & saturati, crassique fuerint, avertentur ad deos alienos, & servient eis: detrahentque mihi, & irritum facient pactum meum. 21. Postquam invenerint eum mala multa & afflictiones, respondebit ei canticum istud pro testimonio, quod nulla delebit oblivio * ex ore seminis sui. Scio enim cogitationes eius, quæ facturus sit hodie, antequam introducam eum in terram, quam ei pollicitus sum. 22. Scripsit ergo Moyses canticum, & docuit filios Israel. 23. * Præcepitque Dominus Iosue filio Nun, & ait: Confortare, & esto robustus: tu enim introduces filios Israel in terram, quam pollicitus sum, & ego ero tecum. 24. Postquam ergo scripsit Moyses verba legis huius in volumine, atque complevit: 25. præcepit levitis qui portabant arcam fœderis Domini, dicens: 26. Tollite librum istum, & ponite eum in latere arcæ fœderis Domini Dei vestri: ut sit ibi contra te in testimonium. 27. Ego enim scio contentionem tuam, & cervicem tuam durissimam. Adhuc vivente me, & ingrediente vobiscum, semper contentiose egistis contra Dominum: quanto magis cum mortuus fuero? 28. Congregate ad me omnes maiores natu per tribus vestras, atque doctores, & loquar audientibus eis sermones istos, & invocabo contra eos cælum & terram. 29. Novi quod post mortem meam inique agitis, & declinabitis cito de via, quam præcepi vobis: & occurrent vobis mala in extremo tempore, quando feceritis malum in conspectu Domini, ut irriteris eum per opera manuum vestrarum. 30. Locutus est ergo Moyses, audientem universo cœtu Israel, verba carminis huius, & ad finem usque complevit.

(a) Sup. 117. 21. Num. XXVII. 13. (b) Num. XXI. 24. (c) Sup. VII. 2. (d) Ios. I. 6. III. Reg. 17. 2.

B R U G E N S I S

ROMANÆ CORRECTIONES.

V. 4. *Delebitque eos.* Alii scribunt præteritum *Delevitque*, quod Hebræo conforme est.

V. 21. *Ex ore seminis sui.* Non mutes Bib. Sac. Tom. III.

tertiæ personæ pronomen *sui* cum secundæ *tui*.

V. 23. *Præcepitque Dominus Iosue filio Nun.* Non iudicant Romani Patres omittendam vocem *Dominus*, tametsi a multis libris Hebræo consentaneis omittantur.

Xxx

COM-

Verf. 2. **E**GREDI, ET INGREDI; id est, fungi ducis munere.

V. 3. EAS, id est earum terram.

V. 7. ROBUSTUS, id est forti animo. **SORTE DIVIDES**: sic LXX. at Hebr. & Chald. *Facies illas hereditare*, seu possidere.

V. 9. SCRIPSIT ITAQUE; pro, iam vero scriperat. Hebr. Chald. & LXX. *Et scripsit*. **LEGEM HANC**, scilicet Deuteronomium. **PORTABANT**, scilicet humeris, cum castra movebantur.

V. 10. **POST SEPTEM ANNOS**, ANNO; pro, septimo anno, qui est.

V. 14. **TABERNACULO**, scilicet atrio tabernaculi. **PRAECIPIAM**; id est, dem precepta aliqua.

V. 19. **CANTICUM**, scilicet de quo inf. **INTER FILIOS**. Chald. *contra filios*.

V. 20. **DETRAHENTQUE**, id est spernent. Hebr. Chald. & LXX. *Irritabunt me*.

V. 21. **RESPONDEBIT....PROTESTIMONIO**; id est, testificabitur contra illos. **FACTURUS SIT**. Hebr. Chald. & LXX. *Faciat etiam*. **POLLICITUS SUM**. Hebr. Chald. & LXX. *iuravi*: sic etiam infra.

V. 26. **IN LATERE**; id est, prope latus, sed extra. **IN TESTIMONIUM**: scilicet legebatur omnibus septimo quoque anno in festo tabernaculorum a summo Sacerdote, secundum Iosephum. Vide Lib. IV. Antiq. cap. vi.

V. 27. **CONTENTIONEM**. Hebr. *rebellionem*. Chald. *contumaciam*. **DURISSTIMAM**, id est impatientem iugi, seu imperii. **CONTENTIOSE EGISTI**. Hebr. & Chald. *Rebellest fuistis*. LXX. *ad iram provocantes*, seu irritantes.

V. 28. **DOCTORES**. Hebr. & Chald. *profetias*.

V. 29. **CITO**: id additum ab Interprete.

V. 30. **CARMINIS**. Hebr. Chald. & LXX. *cantici*.

Verf. 2. **C**ENTUM VIGINTI AN-
NORUM SUM HODIE:
NON POSSUM ULTRA EGREDI,
ET INGREDI. Quæritur, quomo-
do hoc consistat cum eo quod dicitur
de eo cap. ult. huius Libri: *Non caligavit
oculus eius, nec dentes eius moti sunt*; qui-
bus verbis significari videtur eum in tanta
senectute adhuc fuisse bona & firma
valetudine: quidam, quod hic dicitur,
Non possum ultra egredi, & ingredi, tan-
tum referunt ad Dei prohibitionem, de
qua sequitur. **PRAESERTIM CUM ET
DOMINUS DIXERIT**, &c. Sed huic
sententiæ obstat illud *praesertim*; vel, ut
est in Hebræo, *pra*, per quod significan-
tur duæ rationes, cur alius sit sufficiens
in eius locum. Proinde etiam omnino una
causa ponenda, est in eius senili ætate.
Etsi enim non caligaret eius oculus, nec
dentes illius essent moti, ut dicitur capi-
te ultimo; hoc est, etsi bona adhuc esse
valetudine & vivacitate sensum, non ob-
stat tamen quia ei deesset robur corpo-
ris ad tantum onus ducatus diutius feren-
dum, nempe ad quamvis occasionem pa-
ratum esse, ut loquitur, *ingredi, & egredi*.

V. 28. **CONGREGATE AD ME MA-
IORES NATU, ET INVOCABO CON-
TRA EOS CAELUM ET TERRAM**. In-
vocare non ita hic accipitur, sicut ibi:
*Quomodo invocabunt in quem non credide-
runt?* aut rursus, *Quicumque invocaverit
nomen Domini*, &c. nempe quia talis in-
vocationis cælum & terra non sunt capa-
cia, cum sint res quædam inanimatæ. Sed
intelligitur invocatio in testimonium, ut
sensus sit: *Invocabo cælum & terram tes-
tes contra prævaricatores*. Quod ipsum
tamen etiam improprie dicitur, quia res
inanimatæ proprie testes esse non possunt;
sed testari scilicet dicuntur, tanquam signa
quædam perpetuo obvia, quæ rei memo-
riam innovent. Vocantur ergo cælum &
terra in testimonium, quia cum sint res
stabiles & perpetuæ, semper ex eis sumi
poterat testimonium contra transgressores.

M A R I A N A E.

Vers. 2. **N**ON POSSUM ULTRA EGREDI, ET INGREDI; pro, versari vobiscum, sustinere onus, quod hactenus feci, non possum amplius.

V. 4. DELEBITQUE EOS. Lege *delevit*, ut est in Gorth. & in Sept. Hebr. *Quoi delebit eos.* Chald. *Quia disperdidit eos.* Iam Schon & Og victi erant.

V. 6. ET NON DIMITTET. Hebr. *Non laxabit, non debilitabit te.* Vinces hostes.

V. 10. ANNO REMISSIONIS. Hebr. *in tempore anni remissionis*: sic Sept. & Chald. *IN SOLEMNITATE TABERNACULORUM.* Id festum celebrabatur quinquagesima die mensis. Titri: unde intelliges, remissionis annum tunc inchoari; quoniam is mensis initium anni erat quoad commercia: & contractus. Tunc legem populo legi vult.

V. 11. LEGES. Vox *תקרא thikra* significat potius *proclamabis*, contenta voce pronuntiabis, scilicet verba legis.

V. 12. INTRA PORTAS TUAS. Sept. & Chald. *in urbibus tuis.* Iam diximus portas sæpe pro urbibus sumi; quasi dicat: Congregatis omnibus qui tecum habitant, legem leges.

V. 16. FORNICABITUR POST DEOS ALIENOS IN TERRA. Hebr. *Post deos alienigenæ terræ, vel ignotæ terræ*: a *נכר nachar*, quod est *cognoscere*, venit *נכר nachar*, contrariæ significationis: significat enim *ignotum, alienum.*

V. 18. QUIA SECUTUS EST DEOS ALIENOS. Hebr. *respexit, vel conversus est ad deos alienos*: ob id. abscondam faciem, non favebo illi populo.

V. 20. DETRAHENTQUE MIHI. Hebr. *Irritabunt me*: sic Septuag.

V. 22. SCRIPSIT ERGO. Hebr. *Er scripsit*, scilicet: Moyses: canticum: quod ponitur cap. xxxii.

V. 26. IN LATERE ARCAE. Non intra arcam: ibi enim fuere tantum tabulae legis: II. Paral. v. vers. 10. Aut cum illis etiam urna, in qua erat manna & virga: Aaron: ad Hebr. ix. vers. 4. *UT SIT IBI CONTRA TE.* Hebr. *in te*; sed bene *in sumitur pro contra.*

V. 27. CERVICEM TUAM, scilicet:

novi. Qui vocanti respondent, cervicem vertunt; qui nolunt, non sestant, & dura vocatur: inde ducitur similitudo.

V. 28. ET INVOCABO CONTRA EOS. Hebr. *Testificabor, aut contestabor contra eos calum & terram.* Volo eas testes esse eorum quæ dicam.

M A L V E N D A E.

Vers. 1. **A**BIIT ITAQUE MOSES, ET LOCUTUS EST. Disquirunt quo abiit. Quidam, e domo sua in suggestum, unde alloqui solebat populum. Alii, *Abiit*, id est addidit loqui. Hebr. *Et ambulavit Moyses*; id est, perrexit in: cæpto sermone, tetendit in exoratioe ulterius, incescit in eloquio. Nonnulli aliud sermonis initium alio die factum, insinuari existimant. OMNIA VERBA HAEC; scilicet quæ sequuntur. Alii ad præcedentia referunt, redduntque: *Deinde veniens Moyses, cum elocutus esset verba ista*; nimirum quæ habentur supra cap. xxix. & xxx. cum de legis argumento, tum etiam de Evangelio & promissionibus eius.

V. 2. NON POSSUM ULTRA EGREDI, ET INGREDI; vel *non possum deinceps procedere & venire*; id est, consuetum munere fungi. Vide Numeror. xxvii. veri. 17.

V. 5. ET HOS TRADIDERIT VOBIS. Hebr. *Et dabit eas IHHU faciebz vestris.* Quidam: *Nam exponet eas lehorab vobis*; id est, tradet plenissime in potestatem vestram.

V. 6. VIRILITER AGITE. *יפן chizku*, *Obtinete, apprehendite vos, esset obfirmati, fortes, roboramini.*

V. 11. LEGES VERBA LEGIS HUJUS. Intelligunt, tu sacerdos, ut demonstrant adiuncta omnia. Iosephus Lib. IV. Antiq. cap. vi. *Septimo quoque anno, quando per scenopægiæ festa conveniunt, pontifex e sublimi suggesto, unde a tota multitudo exaudiri possit, legem pro concione legat.*

V. 14. ET STATE IN TABERNACULO TESTIMONII. Hebr. *Et sistite vos in tentorio conventus*: nempe ut Deus signo aspectabili vocationem lehoræ testam faceret. *UT PRAECIPIAM EI.* Quidam: *Ut mandata dem ei.* Alii: *Ut mandatis instruat cum.*

V. 17. ET ERIT IN DEVORATIONEM. Hebr. *Eterit ad comedendum*: quidam, *ad perdendum*; id est, devorabitur & absumetur, sinam eum absumi ab aliis. Alii: *Ut sit esui*; id est, ut ab hostibus suis comedatur veluti panis, quemadmodum propheta loquuntur passim.

V. 19. UT MEMORITER TENEANT, ET ORE DECANTENT. Hebr. *inde ilud ori ipsorum*; id est, sæpius inculca eis, ut ipsi quoque illud sæpius recantent.

V. 21. RESPONDEBIT EI CANTICUM ISTUD PRO TESTIMONIO. Hebr. *Et respondebit canticum istud in conspectu eius, in testem*. Exponunt: Id est, tunc hoc carmen testabitur illos deliquisse, & a me descivisse, cum viderit sibi ea mala accidisse, quæ in ipso prædicuntur desertoribus meis. Quidam reddunt: *Ut testatur canticum hoc in faciem eius loci vestri*. SCIO ENIM COGITATIONES VESTRAS. Hebr. *figmentum eius*; id est, ingenium, intentionem, propensionem, indolem, affectum, imaginem. Vide Genes. vi. vers. 5.

V. 25. PRÆCEPIT LEVITIS QUI PORTABANT ARCAM. Munus arcæ deferendæ non ad levitas, sed ad sacerdotes pertinebat, supra vers. 9. videntur tamen initio eam detulisse, cum pauci essent sacerdotes, donec ii numero aucti eam portare potuissent. Vide quæ notavimus Numeror. iv. vers. 15. Quidam hic Levitas non ordinis aut gradus nomen, sed tribus intelligunt, ac sacerdotes ipsos accipiunt, quibus incumbere ingredi tabernaculum: alioqui levitæ arcam tangere non portare nudam, nec prope altare, Numer. iv. vers. 15.

V. 26. ET PONITE EUM IN LATERE ARCÆ FOEDERIS. Notant, positum librum legis non intra arcam, sed extra arcam in sanctuario: atque hunc esse librum, quem sacerdos Helcias invenit Iosæ regis temporibus, IV. Regum xxi. vers. 8. nam aliqui tabulæ ipsæ foederis in arca fuerunt repositæ, Exod. xxv. vers. 21. Qui autem hoc libro solum Deuteronomion; id est, *ἡ δεύτερη νόμος* ὁ μὲν contineri putant, ii angustiore quam par est, ad hunc locum interpretationem asserunt, Nam iniquum foret si hanc Deuterofin, siue Canticum ipsius ite

commendari, ommissa lege ipsa, & toto libro Mosis: & certum est hoc demum a Mose sacerdotibus imperatum esse, cum exaravisset omnia, quæ fuerunt opus in illo ipso libro foederis authentico, cuius sæpe mentionem fecit, ut Exod. xvii. & xxiv. & alibi passim. Ita nonnulli. Nec dubito hic integrum volumen legis a Mose conscriptum intelligi, nempe autographum ipsum Pentateuchi. CONTRA TE IN TESTIMONIUM. Apostrophe ad populum.

V. 28. OMNES MAIORES NATU. Hebr. *omnes senes, vel seniores*. Intelligunt senatores, & patres conscriptos: ut alibi passim, *seniores Israel*.

V. 29. ET OCCURRENT VOBIS MALA. Hebr. *Et vocabit vos malum*. Quidam: *Et obveniet vobis hoc malum*. PER OPERA MANUUM VESTRARUM. Hebr. *in factura, opere, manuum vestrarum*; id est, pravis factis & operibus vestris. Quidam, *In idolis vestris, quæ sunt factura manuum vestrarum*: Psalm. cxlii. vers. 12.

MENOCHII.

Vers. 1. **A**BIIT ITAQUE MOYSES, ET LOCUTUS EST; id est, addidit ergo, vel cepit loqui Moses. verba quæ sequuntur. Hebræi enim per *egredi, abire, surgere*, sæpe intelligunt, *incipere*.

V. 2. EGREDI, ET INGREDI, ducem agere.

V. 3. DEUS TUUS TRANSIBIT ANTE TE; hoc est, arca Dei præcedet te, sicut & postea factum Iosue 11. immo. & Deus invisibiliter præbit, ut inimicos tuos prosternat. IOSUE TRANSIBIT ANTE TE, præcedet, ducis munus exercens.

V. 9. LEGEM HANC: Deuteronomium. ET TRADIDIT EAM SACERDOTIBUS. Horum enim erat legem scire, ac populum docere. & in anno remissionis populo prælegere. QUI PORTABANT ARCAM: qui portare poterant, si volebant: de facto aliquando studio pietatis, & religionis contestandæ, & exercendæ causa portabant; cum aliqui hoc munus levitarum esset. Additur hoc de arca, quia Liber hic, ut infra habetur nu-

mero 26. in latere arcae poni debebat.

V. 10. ANNO REMISSIONIS, septimo quoque anno. De anno remissionis [vide Exod. xxiii. 11.

V. 13. FILII QUOQUE EORUM, &c. Parvuli, qui nihil adhuc noverunt, ideoque pariter ignorant hanc Dei legem.

V. 14. STATE IN TABERNACULO TESTIMONII: in atrio ante ostium tabernaculi, quia tabernaculum ingredi soli poterant sacerdotes. UT PRAECIPIAM EI: ut rerum gerendarum praecepta illi tradam.

V. 17. ABSCONDAM FACIEM MEAM AB EO: vultum benevolam, protectionem, aliaque beneficia subtraham.

V. 19. CANTICUM ISTUD, quod sequenti capite describitur. SIT CARMEN ISTUD PRO TESTIMONIO: quod scilicet vel eorum improbitatem, & Ingratitudinem coarguat, vel punitionem infligendam contestetur, ne se vel non de flagitio admonitos, vel de suppliciis non praemonitos queri possint.

V. 20. DETRAHENT MIHI: spernent me, contumeliis afficient. In Hebr. Chald. & Septuaginta habetur, *Exasperabunt me.*

V. 21. RESPONDEBIT EI CANTICUM ISTUD PRO TESTIMONIO. Eos de improbitate redarguet, & merito puniri ostendet. SCIO ENIM COGITATIONES EIUS. LXX. *maliginitatem*; vox Hebraea animi nigmentum, & imaginationem significat; quasi dicat: Scio non deesse qui mala cogitent, non obstantibus tot maledictionibus, admonitionibus, contestationibus. HODIE, iunge cum *Scio. Scio hodie.*

V. 23. PRAECIPITQUE DOMINUS IOSE. Hoc loco primum incipit Dominus alloqui Iosue, ut ei auctoritatem apud populum adiungat, & ut iam Mose mortuo, ei populi praefecturam confirmet.

V. 26. IN LATERE ARCAE, non tamen intra arcam.

V. 27. CONTENTIONEM TUAM, rebellionem, contumaciam, cervicis duritiam.

V. 28. INVOCABO CONTRA EOS CAELUM ET TERRAM, testes futuros tantae impietatis.

V. 29. PER OPERA MANUUM VESTRARUM: actiones vestras.

V. 30. AUDIENTE UNIVERSO COEUV. Dominus senilem vocem adaugente, ut ad omnium aures deferri posset. VER-

BA CARMINIS HUIUS: sequentis cantici.

TIRINI.

Verf. 2. **N**ON POSSUM ULTRA EGREDI, ET INGREDI; hoc est, non possum deincepsfungi officio supremi ducis, partim praesentio, cum iam centum viginti sim annorum; partim voluntate & nutu Dei vetantis mihi diutius in vivis esse.

V. 14. STATE IN TABERNACULO, hoc est in atrio ante ostium tabernaculi, ubi Deus in columna nubes sese manifestabat: neque enim licebat Iosue intrare intus in Sanctuarium: UT PRAECIPIAM EI; hoc est, ut supremam populi praefecturam, & aliarum rerum gerendarum praecepta, quae per te haecenus tradidi Iosue, iam ipsemet per me eidem tradam. Ita enim fecisse narratur infra verf. 23. Et haec sunt primae voces quibus Deus locutus est Iosue, ut mortuo iam Moyse, auctoritatem illi apud populum conciliaret.

V. 25. PRAECIPIT LEVITIS, hoc est sacerdotibus filiis Levi, ut dicitur verf. 9. Horum enim erat ex officio deferre arcam, ut fecerunt in transitu Iordanis, Iosue xii. in eversione murorum Ierichuntinorum, Iosue vi. in dedicatione templi Salomonici III. Reg. viii. & in quavis alia actione celebriore. Licet possent in hoc munere etiam ab inferioribus levitis, puta Caathitis, tamquam ab ordinariis ministris suis adiuvari, ut frequentius factum in delatione arcae per desertum.

V. 26. TOLLITE LIBRUM ISTUM, scilicet Deuteronomium, ET PONITE IN LATERE ARCAE, scilicet extra arcam, ubi etiam reposita erat urna aurea plena manna, & virga Aaron, quae fronderat, ut habetur ad Hebraeos ix. Et constat ex III. Regum viii. 9. nihil aliud in ipsa interiore arca fuisse, nisi duas tabulas lapideas, quibus arcae impositis a Moyse, verosimilius est eam oculum fuisse, neque unquam deinceps reclusam. Quin & ex IV. Reg. xxi. & II. Paralip. xxxiv. colligitur, hunc librum Deuteronomii, non amplius in Sancto sanctorum, sed neque in Sanctuario adservatum, sed in gazophylacium relegatum fuisse, ubi thesauri aservabantur: nam expresse dicitur re-

per-

perius in gazophylacio, & inde ad regem delatus.

GORDONI.

Vers. 9. SCRIPSIT ITAQUE MOYSES LEGEM HANC, &c. Scriptum Deuteronomium Moses tradit sacerdotibus, filiis levi; utpote quorum erat legem & scire, & docere populum. Ceterum dubium esse non debet, quin potuerint sacerdotes portare, ut hic dicitur, arcam, & id interdum fecerint; tamen ex peculiari officio id incumbere inferioribus levitis, seu Caathitis. Vide III. Reg. VIII. & Iosue VI.

V. 10. POST SEPTEM ANNOS, computandos a die pacificæ possessionis terræ, & fine bellorum. Vide Exod. XXIII. vers. 11. ubi de anno sabbatico.

V. 11. CONVENIENTIBUS. Contingebat festum tabernaculorum 15. die Tisri: tunc erat initium mensis saccularis: & vult tunc legi populo legem.

V. 16. ALIENOS. Hic ignotæ terræ: נכרי cognoscere; unde נכרי נכר contra rium est. & ignotum significat.

V. 19. & 20. Canticum hoc proponitur hic cap. XXXII. ET SIT, inquit, PRO TESTIMONIO, ne unquam querantur, si non fuisse a me pronitus & bono & malo eventus. Et arguit populum impietatis, quoties recesserit a Deo, ut subdit vers. seq.

V. 21. QUAE FACTURUS SIT HOMINIBUS, &c. bene, rem, malum, est ad se.

V. 23. PRÆCEPITQUE DOMINUS IOSUE, &c. Deus hic incipit loqui duci Iosue, ut præsentem Moysen adderet auctoritatem illi coram populo. Vox, Dominus, non est in Hebræo, & Septuag. videntur hoc referre ad Moysen loquentem; tamen ex ipso Hebraico textu, ex Hieronymo, & vulgato palam est Deum hic loqui.

V. 26. IN LATERE ARCÆ, non quidem intra arcam. Nam magna quæstio est, an in ea fuerint virga & manna; seu an tantum tabulæ legis, ex III. Reg. cap. VIII. vers. 9. Ergo extra arcam ad latus in loco sinuoso arcæ, positus hic Liber est. Vide quæ dicam III. Reg. VIII. citato versu 9.

V. 27. CONTENTIONEM, rebellionem.

V. 30. AUDIENTE UNIVERSO CœTU; hoc est, vel cœtu universo in suis principibus assistantibus congregato; vel (quod aliqui magis probant) per miraculum, audita voce Moysis ab omnibus; ita ut duo vel tres hominum miliones (tot putantur fuisse) non tantum allarent, sed etiam audirent.

EX EIVSDEM AUCTARIO.

V. 14. STATE, scilicet: ante tabernaculum: nam soli sacerdotes ingrediebantur tabernaculum.


V. 17. FACIEM, vultum. benevolum, & beneficium.

V. 28. INVOCABO, ut testes.

V. 30. CARMINIS, capite: insequente.

C A P U T XXXII.

Canticum Moysi quo Dei refert beneficia, populiſque ingrati tudinem ſapius a Domino caſtigatam: iubetur Moſes montem Abarim aſcendere, ut promiſſam terram contempletur.

1.  Udite cæli quæ loquor, audiat terra verba oris mei.
 2. * Concreſcat ut pluvia doctrina mea, fluat ut ros elo-
 quium meum, quaſi imber ſuper herbam, & quaſi ſtilla ſu-
 per gramina.
 3. Quia nomen Domini invocabo: date magnificentiam Deo
 noſtro.
 4. Dei perfectæ ſunt opera, & omnes viæ eius iudicia :
 Deus fidelis, & abſque ulla iniquitate, iuſtus & rectus.
 5. Peccaverunt ei, & non filii eius in ſordibus: generatio prava atque perversa.
 6. Hæcine reddis Domino popule ſtulte & inſipiens? numquid non ipſe eſt
 pater tuus, qui poſſedit te, & fecit, & creavit te.
 7. (4) Memento dierum antiquorum, cogita generationes ſingulas: interroga
 patrem tuum, & annuntiabit tibi; maiores tuos, & dicent tibi.
 8. Quando dividebat Altiffimus gentes: quando ſeparabat filios Adam, conſti-
 tuit terminos populorum iuxta numerum filiorum Iſrael.
 9. Pars autem Domini, populus eius: Iacob ſuniculus hereditatis eius.
 10. Invenit eum in terra deſerta, in loco horroris, & vaſtæ ſolitudinis: circum-
 duxit eum, & docuit: & cuſtodivit quaſi pupillam oculi ſui.
 11. Sicut aquila provocans ad volandum pullos ſuos, & ſuper eos volitans;
 expandit alas ſuas, & aſſumpſit eum, atque portavit in humeris ſuis.
 12. Dominus ſolus dux eius fuit: & non erat cum eo Deus alienus.
 13. Conſtituit eum ſuper excelsam terram: ut comederet fructus agrorum, ut
 ſugeret mel de petra, oleumque de ſaxo duriffimo.
 14. Butyrum de armento, & lac de ovibus cum adipe agnorum, & arietum
 filiorum Baſan: & hircos cum medulla tritici, & ſanguinem uvæ biberet mera-
 ciſſimum.
 15. Incrasſatus eſt dilectus, & recalcitravit: incrasſatus, impinguatus, dilatatus,
 dereliquit Deum factorem ſuum, & receſſit a Deo ſalutari ſuo.
 16. Provocaverunt eum in diis alienis, & in abominationibus ad iracundiam
 concitaverunt.
 17. Immolaverunt dæmoniis & non Deo, diis quos ignorabant: novi recentef-
 que venerunt, quos non coluerunt patres eorum.
 18. Deum qui te genuit dereliquiſti, & oblitus es Domini creatoris tui.
 19. Vidit Dominus, & ad iracundiam concitatus eſt: quia provocaverunt eum
 filii ſui & filiæ.
 20. Et ait: Abſcondam faciem meam ab eis, & conſiderabo noviffima eorum:
 generatio enim perversa eſt, & infideles filii.

21. Ipsi me provocaverunt in eo qui non erat Deus, & irritaverunt in vanitatibus suis: & (b) ego provocabo eos in eo qui non est populus, & in gente stulta irritabo illos.

22. Ignis succensus est in furore meo, & ardebit usque ad inferni novissima: devorabitque terram cum germine suo, & montium fundamenta comburet.

23. Congregabo super eos mala, sagittas meas complebo in eis.

24. Consumuntur fame, & devorabunt eos aves morsu amarissimo: dentes bestiarum immittam in eos, cum furore trahentium super terram, atque serpentium:

25. Foris vastabit eos gladius, & intus pavor, juvenem simul ac virginem, lactentem cum homine sene.

26. * Dixi: Ubinam sunt? cessare faciam ex hominibus memoriam eorum.

27. Sed propter iram inimicorum distuli: ne forte superbirent hostes eorum, & dicerent: Manus nostra excelsa, & non Dominus, fecit hæc omnia.

28. Gens absque consilio est, & sine prudentia.

29. (c) Utinam scirent, & intelligerent, ac novissima providerent.

30. * Quo modo persequatur unus mille, & duo fugent decem millia? nonne ideo quia Deus suus vendidit eos, & Dominus conclusit illos?

31. Non enim est Deus noster ut dii eorum: & inimici nostri sunt iudices.

32. De vinea Sodomorum, vinea eorum, & de suburbanis Gomorrhæ: uva eorum uva fellis, & botri amarissimi.

33. Fel draconum vinum eorum, & venenum aspidum insanabile.

34. Nonne hæc condita sunt apud me, & signata in thesauris meis?

35. (d) Mea est ultio, & ego retribuam in tempore, ut labatur pes eorum: iuxta est dies perditionis, & adesse festinant tempora.

36. Iudicabit Dominus populum suum, & in servis suis miserebitur: videbit quod infirmata sit manus, & clausi quoque defecerunt, residuique consumpti sunt.

37. * Et dicet: (e) Ubi sunt dii eorum, in quibus habebant fiduciam?

38. De quorum victimis comedeabant adipēs, & bibebant vinum libaminum: surgant, & opulentur vobis, & in necessitate vos protegant.

39. (f) Videte quod ego sim solus, & non sit alius Deus præter me: ego occidam, & ego vivere faciam: percutiam, & ego sanabo, & non est qui de manu mea possit eruerē.

40. Levabo ad cælum manum meam, & dicam: Vivo ego in æternum.

41. Si acuero ut fulgur gladium meum, & arripuerit iudiciū manus mea: reddam ultionem hostibus meis, & his qui oderunt me retribuam.

42. Incubiabo sagittas meas sanguine, & gladius meus devorabit carnes, de cruore occisorum, & de captivitate, nudati inimicorum capitis.

43. (g) Laudate gentes populum eius, quia sanguinem servorum suorum ulciscetur: & vindictam retribuet in hostes eorum, & propitius erit terræ populi sui.

44. Venit ergo Moyſes, & locutus est omnia verba cantici huius in auribus populi, ipſe & Iosue filius Nun.

45. Complevitque omnes sermones istos, loquens ad universum Israel.

46. & dixit ad eos: Ponite corda vestra in omnia verba, quæ ego testificor vobis hodie: ut mandetis ea filiis vestris custodire & facere, * & implere universa quæ scripta sunt legis huius: 47. quia non incassum præcepta sunt vobis, sed ut

singu

singuli in eis viverent: quæ facientes longo perseveretis tempore in terra ad quam Iordane transmissio, ingrediemini possidendam. 48. Locutusque est Dominus ad Moysen in eadem die, dicens: 49. Ascende in montem istum Abarim, id est transitorium, in montem Nebo, qui est in terra Moab contra Iericho: & vide terram Chanaan, quam ego tradam filiis Israel obtinendam, & morere in monte. 50. Quem ascendens iungeris populis tuis, * [i] sicut mortuus est Aaron frater tuus in monte Hor, & appositus populis suis: 51. (k) quia prævaricati estis contra me, in medio filiorum Israel, ad Aquas contradictionis in Cades deserti Sin: & non sanctificastis me inter filios Israel. 52. E contra videbis terram, & non ingredieris in eam, quam ego dabo filiis Israel.

(a) Job. viii. 8. (b) Rom. x. 19. Jerem. xv. 14. (c) Jerem. ix. 1. (d) Eccli. xlviii. 1. Rom. xii. 19. Hebr. x. 30. (e) Jerem. ii. 28. (f) I. Reg. ii. 6. Tob. xiii. 2. Sap. xvi. 13. (g) Job x. 7. (h) II. Mac. vii. 6. (i) Num. xxvii. 13. & xx. 26. (k) Num. xx. 4. & xxvii. 14.

B R U G E N S I S

ROMANÆ CORRECTIONES.

V. 2. *Concresecat ut pluvia doctrina mea.* Inscribendum est, ut *pluvia*, non *in pluvia*, aut *pluviam*.

V. 6. *Dixi: Ubinam sunt?* Non præponas & coniunctionem: *Et dixi*.

V. 30. *Quomodo persequatur unus mille, & duo fugent decem millia?* Non sunt modi potentiales persequatur, & fugent, commutandum indicativi præterito imperfecto persequatur, & præteriti optativi fugerent.

V. 35. *Mea est ultio, & ego retribuam in tempore.* Non addas pronomen: *Retribuam eis in tempore*.

V. 37. *Et dices: ubi sunt?* Præferendum est singulare *dices* plurali *dicens*.

V. 46. *Et implere universa quæ scripta sunt legis huius.* Non addas in volumine, ante legem huius.

N O T A T I O.

V. 30. *Quomodo persequatur unus mille, &*

duo fugerent decem millia? Huic lectioni id incommodi est, quod partes non apte sibi respondeant. Antiqui codices Correctoris legunt: *Quomodo persequatur unus mille, & duo fugent decem millia?* His nostrorum codicum unus dumtaxat utraque parte conformis est: plures priorum parte conveniunt; posteriori, voce discrepant, sensu consonant; nam *fugerent* legunt. Hebraice, & Chaldaice futura leguntur, sed quæ variis modis reddi possint. Quidam transferunt: *Quomodo persequetur unus mille, & duo fugabunt decem millia?* Alii, inter quos LXX. *Quomodo persequetur unus mille, & duo fugabunt decem millia?* Nonnulli: *Quomodo persequatur* [id est persequi possit] *unus mille, & duo fugent* [id est fugere possint] *decem millia?* Intelligunt autem hunc locum quidam de Israelitis inimicos expugnantibus; alii de inimicis Israelitis superantibus. Prima autem interpretatio accidisse significat; secunda futurum prænuntiat; tertia anceps est, ut & factum intelligi possit, & futurum.

C O M M E N T A R I A

S A.

vers. 1. **A**UDITE: scilicet ut testes sitis. CAELI, id est cæli incolæ. TERRA, id est homines.

V. 2. **U**T PLUVIA, id est more pluviz; quasi dicat: Corda auditorum irriget, & secundet. Hebr. *Stillabis ut pluviam*. Bib. Sac. Tom. III.

via. LXX. *Expectetur ut pluvia*. Chald. *Suavis sit ut pluvia*. Ros, scilicet quiteram fecundare solet.

V. 3. **M**AGNIFICENTIAM, id est gloriam.

V. 4. **I**UDICIA, id est iustæ. **FIDE**LIS, id est verax in promissis.

V. 5. **N**ON FILII, scilicet non se gen-
Yyy ren-

rentes ut filios decebat. IN SORDIBUS, scilicet se contaminantes. LXX. *vituperabiles*. Chald. *Servierunt idolis*.

V. 6. POSSEDDIT, scilicet ut peculium. FECIT, scilicet corpus. CREAVIT, scilicet animam.

V. 7. DICENT, scilicet Dei opera, & beneficia.

V. 8. SEPARABAT, scilicet in varias regiones. ADAM, id est hominis. Chald. *homium*. POPULORUM, scilicet habitantium terram promissionis. IUXTA NUMERUM, &c. quasi dicat: Quantum sufficeret Hebræis, tantum illis dedit habitandum. FILIORUM ISRAEL. LXX. *Angelorum Dei*.

V. 9. FUNICULUS, id est portio: funibus enim dividebatur hereditas.

V. 11. EUM, pro eos, scilicet pullos: de aquila enim loquitur. IN HUMERIS. Hebr. *super alas*. Chald. *in fortitudine penarum*.

V. 12. SOLUS DUX EUS FUIT. Chald. *Collocabit eos seorsum in seculo illo, quod ipse renovaturus est*.

V. 13. EXCELSAM, id est montosam, seu excellentem frutillitate foli, & amœnitate. Chald. *fortem*. PETRA, id est saxosis locis; quasi dicat: Etiam rupes abundant melle & oleo.

V. 14. FILIORUM BASAN, id est pinguium, ut quos alit Basan regio fertilissima.

V. 15. DIRECTUS: sorte *directus*: nam Hebr. *rectus*. Chald. *Israel*. SALUTARI. LXX. *Salvatore*. Chald. *Redemptore*.

V. 16. PROVOCaverunt, scilicet ad indignationem. ABOMINATIONIBUS, id est idolis.

V. 17. DEO, scilicet vero; quasi dicat, iis qui non sunt veri Dii. VENERUNT; id est, exorti sunt, vel reperti ad colendum.

V. 18. DERELIQUISTI: sic etiam LXX. at Hebr. *oblitus es*.

V. 20. FACIEM. Chald. *Maiestatem*. NOVISSIMA; quasi dicat, quid eis tandem sim facturus. Chald. *Notum est coram me, quid erit in novissimis eorum*.

V. 21. PROVOCABO, &c. quasi dicat: Faciam, ut gentium felicitate conspecta, invidendant, vel indignentur.

V. 22. SUCCENSUS EST, pro succen-

detur. INFERNI. Hyperbole; quasi dicat, Omnia consumeret. NOVISSIMA, id est inferiora. Hebr. & Chald. *usque ad infernum inferiorem*: ut plane hic videatur significari inferni ignis, quo damnati cruciantur.

V. 23. SAGITTAS. Chald. *plagas*. COMPLEBO, id est consumam; quasi dicat: Omnes in eos mittam.

V. 24. MORSU AMARISSIMO. LXX. *morsu immedicabili*. Chald. *venatione spirituum malignorum*. CUM FURORE TRAHENTIUM. Hebr. *cum veneno serpentium terræ, seu in terrâ*.

V. 25. VASTABIT. Hebr. Chald. & LXX. *filii orbabit*. INTUS, id est intra domum.

V. 26. UBINAM SUNT? Hebr. *Exterminabo eos*. Chald. *Consummabo eos*, id est perdam. LXX. *Dispergam eos*.

V. 30. MILLE, id est multos. DECEM MILLIA, id est multo plures.

V. 31. IUDICES; quasi dicat: Satis advertunt Deum nostrum esse potentiorum suis diis.

V. 32. SUBURBANIS, scilicet agris. FELLIS. Hebr. *veneni*: sic infra proxime.

V. 34. CONDITA, id est reposita; quasi dicat, parata iis mala. THESAURIS, id est occultis dispositionibus. Aug. cont. Advers. leg.

V. 35. TEMPORA, scilicet perditionis eorum.

V. 36. IUDICABIT, id est puniet, scilicet impios. MISEREBITUR. LXX. *consolabitur*. Chald. *Servorum suorum ultionem uliscetur*; quasi dicat: Cum ad iudicandum steterit, tum uliscetur suorum hostes. MANUS, id est potentia, scilicet hostium, vel impiorum. CLAUSI, id est arcium, vel urbium custodes, aut qui se in tuta loca incluserant.

V. 37. EORUM, scilicet hostium, vel impiorum Iudæorum.

V. 39. SOLUS, scilicet verus Deus. Hebr. & Chald. *Quod ego, ego sum*, scilicet solus Deus.

V. 40. LEVABO: scilicet iurans.

V. 41. ARRIPUERIT, &c. quasi dicat, si cœptro facere iudicium.

V. 42. DE CRUORE, scilicet inebriabo. CAPTIVITATE, id est captivis; quasi dicat, sumens de captis hostibus pœnas, qui nudo capite abduci solent, &c.

etiam radi, Chald. *Auferam coronas de capite hostium.*

V. 43. LAUDATE, &c. LXX. *Latamini celi cum ipso, & adorent eum omnes Angeli Dei. Latamini gentes cum populo eius (quod citatur Rom. xv.) & roborantur in ipso omnes filii Dei. EIUS, scilicet Dei.*

V. 49. NEBO, pars est montis Abarim. CONTRA, id est e regione.

V. 52. E CONTRA, id est e regione.

EST II.

Verf. 8. QUANDO SEPARABAT FILIOS ADAM, CONSTITUIT TERMINOS POPULORUM IUXTA NUMERUM FILIORUM ISRAEL. A quibusdam sic exponitur: Tot constituit gentes seu populos per universum mundum, quorū numero erant capita hominū in populo Israel, vel saltem quorū ingressae sunt animae cum Iacob seu Israel in Aegyptum, nempe septuaginta. Et hinc videntur fundamentum suae opinionis accipere qui dicunt, in septuaginta gentes, & septuaginta linguas divisos fuisse eos qui aedificabant turrim Babel. Sed sciendum est, non esse dictum: *Constituit numerum populorum, sed terminos populorum.* Proinde hoc modo rectius & simplicius intelligitur: Quando Altissimus divisit regiones, & eas assignavit cunctis gentibus, ita tamen terminos assignavit, ut certam terrae portionem servaret, quae abunde sufficeret pro numero filiorum Israel. Quamvis enim terram promissam aliae gentes incoluerunt, illae tamen mox ad introitum filiorum Israel deletae sunt, velut alienam, populoque Dei assignatam terram incolentes. Significatur ergo summa cura & dilectio Dei erga populum Israel. Septuaginta hic legunt: *Statuit terminos populorum iuxta numerum Angelorum Dei.* Sed sensus litteralis idem est, quia per Angelos Dei filii Israel intelliguntur, quia a Deo in terram Chanaan destinati. Unde non omnino certum est, quod quidam inde colligere conantur, tot esse electos ad societatem Angelorum assumendos, quot in caelo remanserunt Angeli boni, ut Gregor. Hom. xxxiv. & alii nonnulli.

V. 29. UTINAM SAPERENT, ET

INTELLIGERENT, &c. Vide supra cap. v. vers. 29. & cap. x. vers. 12.

V. 31. NON ENIM EST DEUS NOSTER UT DII EORUM: ET INIMICI NOSTRI SUNT IUDICES. Quæritur cuius rei iudices? Quidam sic: *Inimici nostri sunt iudices; id est, principes filiorum Israel dominantur eis, & pro arbitrio saepe de eis iudicant.* Sed hic sensus cum iis quæ præcedunt, vel sequuntur, non satis cohæret. Unde rectius refertur ad id quod proxime antecessit: *Non enim est Deus noster ut dii eorum; ut sit hic sensus: Etiam ipsi hostes nostri, & cultores idolorum iudices sunt huius rei, quod Deus noster non sit ut dii eorum, quoad potentiam & vindictæ severitatem: nempe ipsa experientia edocti erant Deum propter peccata populum suum saepe gravissime punire, & rursus eundem poenitentem e manibus hostium mirabiliter eripere, maximeque id confessi erant Aegyptiorum Magi, dicens: *Dignus Dei est hic; ipseque Pharao cum suis dicens: Fugiamus Israelem: Deus enim eorum pugnat pro eo.**

V. 36. ET CLAUSI QUOQUE DEFECERUNT, RESIDUIQUE CONSUMPTI SUNT. Clausi intelliguntur arcibus, & munitionibus: nempe quod omnes arcus expugnatae sunt, nullusque relictus sit qui non in potestate venerit. Hic sensus est apud Vatablum, idemque mihi magis placet. Nam quod alii exponunt de clausis carcere, ex IV. Regum xiv. sciendum est ibi in Hebræo non addi illud *carcere.*

MARIANAE.

Verf. 1. AUDITE CAELI. Hebr. *Audite o celi:* propter articulum *in Havocativum.* QUAE LOQUOR. Et loquar. CAELI, qui in caelis estis Angeli. TERRA; id est, homines qui sunt in terra.

V. 2. CONCRESCAT UT PLUVIA. Hebr. *Stillet ut pluvia verbum meum.* QUASI IMBER SUPER HERBAM. Hebr. *quasi pluvia minuta (id est sebrim) super herbam tesseram (id est de se.)* ET QUASI STILLAE. Hebr. *& quasi imber fortior (id est rebicim.)* SUPER GRAMINA. Hebr. *super herbam altissimam (id est yyy 2. est*

est *heseb*) quod alii *fenum* vertunt. Ergo ut herba imbre crescit, sic vestrae mentes ex meis verbis proficiant.

V. 4. DEI PERFECTA SUNT OPERA. Hebr. *Petræ perfectum opus eius*: sed petram pro Deo sumit propter soliditatem.

V. 5. IN SORDIBUS. Hebr. *sordibus eorum*, pro in sordibus. Porro in sordibus iunge cum peccaverunt.

V. 6. CREAVIT TE. Hebr. *Stabilivit te, formavit te*.

V. 8. QUANDO DIVIDEBAT ALTISSIMUS. Hebr. *Quando hereditare fecit Altissimus gentes. Iuxta numerum filiorum Israel*. Hoc est, numerum populorum, quos Iudæi subiugare debebant, constituit, designavit iuxta numerum & multitudinem gentis quæ debebat succedere. Sept. *iuxta numerum Angelorum Dei*, sic Gotth. Unde colligunt cuilibet genti & provincie suum Angelum custodem destinatum, & iuxta illorum numerum, gentes & populos in varias provincias dissipatos. Sed verior nostra lectio & superior sententia.

V. 9. PARS AUTEM DOMINI. Causa est Hebr. *Quia pars Domini*; quasi dicat: Non est mirum si dividit gentes iuxta numerum filiorum Israel, quia pars Domini populus eius.

V. 10. INVENTI EUM IN TERRA DESERTA, post egressum de Aegypto: tunc eum in populum suum adoptavit. IN LOCO HORRORIS, ET VASTAE SOLITUDINIS. Hebr. *in vastitate ululatus deserti*: ubi ululant siue venti siue aves. CUSTODIVIT QUASI PUPILLAM OCULI. Quem? filios Israel. *Pupilla* & *נופא* Græce est *puella*; dicitur autem sic pupilla, ab imagine quæ in oculo apparet. Hebr. *אישן* ab *אישן* *ison* ab *is*, quod est *vir*, propter eandem viri imaginem, quæ in oculo cernitur.

V. 11. SICUT AQUILA PROVOCANS: Hebr. *sicut aquila excitans nidum suum*, id est pullos nidi sui: ET SUPER EOS VOLITANS. Bene exprimit vim vocis *יראה* *ieraheph*, quæ se movere significat; sicut & illis verbis, *Spiritus Domini ferebatur*, id est movebat se, *super aquas*.

V. 13. CONSTITUIT EUM SUPER EXCELSAM TERRAM. Hebr. *Egitare fecit eum super excelsa terræ*; id est, omnia illis filiis Israel pervia fecit. Aut su-

per cacumina montium: eo aquila defert pullos suos.

V. 14. BUTYRUM DE ARMENTO; ET LAC DE OVIBUS, scilicet dedit. Hebr. *butyrum bovis* (pro bovum) & *lac ovis* (pro ovium) CUM ADIPE AGNORUM. *Adeps* in carne est optimum; sic per adipem, agnos gregelque optimos intelligit. FILIORUM BASAN, ibi erant lætissima pascua, greges lætissimi. CUM MEDULLA TRITICI. Hebr. *cum adipe renum tritici*: granavocat *renes*. ET SANGUINEM UVÆ. Vinum rubrum sanguinem vocat ob colorem.

V. 15. INCRASSATUS EST DILECTUS. Suspicio Hieronymum posuisse *directus*: nam Hebr. est *ישורן* *iesurun*, id est *rectus*; quasi dicat: Qui erat rectus, copia rerum pinguis factus recalcitravit: sic solent iumenta pinguis, equi, muli. DILATATUS, coopertus es, nempe pinguedine.

V. 16. PROVOCaverunt. Hebr. *Zelare fecerunt eum*, scilicet Deum: ergo provocaverunt eum ad zelum. IN DIIS ALIENIS. *Diis* non est in Hebr. sed bene suppletur.

V. 17. NOVI RECENTESQUE VENERUNT. Hebr. *Novi de propinquo venerunt*, scilicet dii de propinquo loco, quia coluerunt deos terræ: aut de propinquo tempore, quos Hieronymus & Sept. *recentes dixerunt*. QUOS NON COLUERUNT. Hebr. *timuerunt*: sed cultus ex timore venit, & quidam timor est.

V. 20. ET CONSIDERABO NOVISSIMA EORUM, id est mala in quæ precipitabunt. ET INFIDELES FILII. Hebr. *Non est veritas in eis*: sententia non alia.

V. 21. IPSI ME PROVOCaverunt IN EO QUI NON ERAT DEUS. Hebr. *Zelare fecerunt in non deo*; quasi dicat: Adulterantes cum non deo, zeli mei causa fuerunt. ET EGO PROVOCABO EOS IN EO QUI NON EST POPULUS. Hebr. *Et ego zelare faciam eos in non populo*. Cum eiecero eos a me, & repudiaria quasi non sit populus meus, illis zeli causa existam; ut mulier a viro repudiata, zelum in illum concipit.

V. 22. IGNIS SUCCENSUS EST IN FURORE MEO. Hebr. *in naso meo*: sed ira in naso apparet. ET ARDEBIT US-

QUE AD INFERNI NOVISSIMA. Hebr. *infernum novissimum*: sic Sept. Quo loco *infernum* pro sepulcro accipitur; quasi dicat: Non quiescet ira, antequam illos sepultura tradam. Aut loquitur de veroinferno, quem *novissimum* vocat, quod sit ultimum supplicium.

V. 23. SAGITTAS MEAS CONSUMO. Hebr. *consumam*: ne una quidem sagitta in pharetra supererit.

V. 24. CONSUMENTUR FAME. Hebr. *combusti fame*. ET DEVORABUNT EOS AVES. Hebr. *Et comessi pruna*, & excidio amarissimo; quasi dicat: Morbis ardentibus consumetur. Avium non est mentio in Hebræo, sed *חור* *refeph* quibusdam Hebræis est *avis*, quod Hieronymus, & Sept. sunt secuti: sic & Chald.

V. 26. DIXI: UBI NAM SUNT? Hebr. non est interrogatio, sed: *Et dixi*, *In angulos dispergam eos*.

V. 27. SED PROPTER IRAM INIMICORUM DISTULI. Hebr. *Nisi iram inimici* (pro inimicorum) *timerem*. NE FORTE SUPERBIRENT. Hebr. *se alienarent hostes*. Chald. *Ne forte magnificaretur inimicus*.

V. 30. QUOMODO PERSEQUATUR UNUS MILLE. lunge hæc cum *utinam intelligerent*, vers. 29. quasi dicat: Qui factum est ut unus fugaret mille? nonne mea ope, qui conclusi illos hostes, nempe veltros.

V. 32. DE VINEA SODOMORUM. Hebr. *de vite Sodome vitis eorum*, & *de vitibus Gomorre*; quasi dicat, ex pravis maioribus pravi filii. UVA FELIX. Hebr. *Uva toxici*, & *botri amarissimi*.

V. 33. FEL DRACONUM. Sic Sept. & Chald. Alii, ut Pagn. *venenum draconum*. ET VENENUM ASPIDUM INSANABILE. Hebr. *crudele*. Hic Hieronymus pro *ros*, posuit *venenum*, qui pro eadem voce ante aliquoties *fel* reddiderat. Sed parum refert, nam per *fel* etiam *venenum* intelligit.

V. 36. VIDEBIT QUOD INFIRMATA SIT MANUS. Hebr. *Abiit manus*; quasi dicat: Prævaluit manus, & ultio. ET CLAUSI QUOQUE DEFECERUNT, RESIDUIQUE. Hebr. & *nihil clausum* & *derelictum*: nempe relictum ultioni. Nullo fonte relictum, quiescet ira Dei, & miserebitur suorum.

V. 38. ET IN NECESSITATE VOS PROTEGANT, scilicet dii quos coluistis. Hebr. *Sit super vos abscondito*: sententia eadem.

V. 41. SI ACUERO UT FULGUR. Hebr. *Si acuero fulgur gladii mei*, id est fulgur, quod gladii instar est.

V. 42. ET DE CAPTIVITATE, NUDATI INIMICORUM CAPITIS. Hebr. *de capite ultionum inimici*; quasi dicat: Inebriabo sagittas, gladius meus devorabit carnes, de capite ultionum inimici, id est de summa ultionum, de ultionibus quas sumam. *Nudati*, iunge *cum capitis*. Captivorum capita nudabantur.

V. 43. LAUDATE GENTES POPULUM EUS. Hebraica sic reddi possunt: *Laudate gentes populus eius*, appositive, scilicet Deum: sicque explicat Hebræus.

V. 46. UNIVERSA QUAE SCRIPTA SUNT LEGIS HUIUS, scilicet in volumine. Hebr. *omnia verba legis huius*: sic Sept. facite ut filii vestri custodiant.

V. 48. IN EADEM DIE. Hebr. *In corpore diei huius locutus est Moysi Dominus*. Quid dixit? *Ascende*.

V. 49. ET MORERE; pro, morieris: imperativum pro futuro.

V. 52. E CONTRA VIDERIS TERRAM. Sept. *Quoniam e regione*: quod vim vocum Hebr. melius exprimit: & iunge cum illo, *Ascende in montem*.

M A L V E N D A E.

Vers. 1. A UDITE CAELI, &c. *אזנין* *baazinu*, verbum effectum ab *אזן* *ozen*, aure; quasi dicas, *Auriculate*, aures accomodate, *præbete*, aures *arrigite*. Formula Hiphil significatum intendit, quam maxima attentione audite, *auscultate*. Mira de hoc Cantico Hebræi prædicant: aiunt esse summarium totius legis. Facit enim, inquit, mentionem de magnificentia Dei, de creatione mundi, de Domino Deo colendo, de generatione diluvii, de divisione linguarum & nationum, de electione populi Israelitici, de beneficio in deserto ei exhibito, de futura mortuorum resurrectione, &c. Quidam totum hoc Canticum in quatuor potissimum partes distribuunt, Exordium, verbis tribus: Narrationem, ad versum 19. ulque: Propositionem rerum deinceps eventurarum

ex iusto iudicio Dei, usque ad versum 43. & Conclusionem laudativam, vers. 43. & deinceps. Quod vero Moses initio statim cælos & terram auditores & testis invocet, hoc fieri obliant ex affectu exuberantissimo, idque duabus rationibus: altera, quod cælum & terra perpetuo durent, homines autem pereant, & moriantur: altera, ut innuit, quod si non essent servaturi præcepta Dei, fore ut cælum non daret pluviam suam, terra non daret fruges suos: secus vero si legem Dei servarent, cælum & terram effusuros in eos omnia bona. Notant etiam, gravissimam sane hanc esse contestationem: nam perinde est ac si hominibus nullæ essent aures, proinde ad elementa muta confugiendum fuit. Sic enim loquitur Moses ut de re prodigiosa & stupenda, quæ mutis etiam elementis horrorem incutere debeat, quod Israelitæ defecturi sint a Deo, a quo tot beneficiis ornati erant. Simili prælatione usus est & Isaias cap. 1. vers. 1. Alii metonymiam. esse putant, *Cæli*, id est Angeli qui in cælis elitis; *Terra*, id est homines in terra habitantes. Sed prior sensus est rectior, e cap. xxxi. vers. 28. QUAE LOQUOR. Hebr. *Et locutus fui*. Sic in præterito frequenter loquitur Scriptura ob certitudinem rei, & celeritatem; quasi dicas: Non vos diu detinebo, quam primum aures præbueritis, putate me iam totam meam orationem absolvisse: uno, celerique cursu sermonem meum complebo. Alii, ut loquar, vel *et loquar*.

V. 2. CONCRESCAT UT PLUVIA DOCTRINA MEA. Verbum *concrep*, a *ערה* *ghoreph*, *cervice*, consilium exponunt, *decervicare*, *cervicem incidere*, *decollare*, *cervicem secare*. Obliant vero, quod quando hoc verbum non legaliter de victimis dicitur, quarum incidebantur cervices, sed pluvia, seu rore, tum figurate & prophetice significet *inflare*, seu *diffillare*, metaphorâ sumpta a *cervice*, per quam medulla e cerebro diffuit in spinam dorsum, & exinde in cetera ossa, ut ea alat, & irriget: & sic congruit significatione cum verbo *ערה* *raghaph*, litteris transpositis. Alii, quod incila, vel amputata *cervice* animalis sanguis copiose ex omnibus venis fluat. Unde vertunt: *Decervicet sicut pluvia doctrina mea*. Ego metaphoricam hanc verbi significationem

haud absurde a *cervice* deduxerim, non in *decervicandi* ratione, sed *cervicandi*, ut indicet pluviam cervicosam, oblitam, densam, crassam, uberem, quod Nolter dixit: *Concrepascit ut pluvia*, &c. unde non aliene verterim: *Cervicet, sicut pluvia*, &c. id est, oblitet, denset, &c. Vide cap. xxxiii. vers. 28. DOCTRINA MEA. *לכבי* *likebi*, *acceptio mea*. *Doctrina accepta, perceptio, institutio, disciplina*, qua quis capitur, vel quæ accipitur a discipulo ex ore præceptoris; vel *assumptio mea*; id est, argumentum a me assumptum, assumpta a me oratio. FLUAT UT ROS ELOQUIUM MEUM. Sensum huius versus hunc esse volunt: Utinam doctrina mea efficiat in cordibus Israelitarum, quod in agris pluvia & ros, quæ terram irrigant, & fecundant. Utinam eum fructum efferat oratio mea in vobis, quem profertur pluvia & ros in terra. QUASI IMBER SUPER HERBAM. *שעים* *seghim*, aiunt esse *tenues imbres* instar pilorum, seu capillorum. Alii volunt esse *stillas pluvie densas* & instar pilorum *tenues*. Nonnulli, *pluviam subtili*; aliqui, *aspirationes*. Quidam notant, semel hic tantum accipi de pluviis, seu stillis, quæ continue decedentes super aliquem, afferunt horrorem, horripilationem propter humiditatem & frigus. Unde hic vertunt, *et sicut pluvie horride*. Vox dicta est a pilo, seu horripilatione. ET QUASI STILLAE. *רביב* *rebibim*, pluralis numeri, *distillationes*, *stille*, *depluisiones*, quæ neque ros sunt, neque pluvia densa, & præceps; sed quæ lente & assidue cadunt, & earum guttæ cerni possunt: a multitudine nomen aicitur. Quidam, *densum* & *minutum imbrem*, alii, *pluviam vehementem* exponunt, qualis mente Octobri cadere solet.

V. 3. QUIA NOMEN DOMINI INVOCABO. Invocatio numinum poetis familiaris: atque a Mose Græci & Latini poetæ morem invocandi numen initio carminis accepisse videntur. Aratus. initio *Phænomenon*, interprete Cicerone: *Ab Iove Musarum primordia*. Et. Germanicus: *Cælar*:

Ab Iove principium magno deduxit.

Aratus.

Carminis, &c.

Alii: *Nomen Domini vocabo*; id est, prædica-

dicabo, celebrabo, laudibus efferam, cantabo; id est, meum carmen erit de uno vero colendo, contra idololorum vanitatem. Alii exponunt: *Quoniam*, vel *quando nomen Domini decanto*, interim vos magnificate Deum nostrum.

V. 4. DEI PERFECTA SUNT OPERA. צֶדֶק *Tzur*, proprie *petra*, *rupes*, *saxum*. Interdum est proprium Dei epitheton; propter firmitatem, stabilitatem, immutabilitatem, perseverantiam, quia stat promissis suis: & quia Deo fidimus & nitimur, in quo contra omnes adversitates & iniurias hostium tuti consistimus, tamquam in firmo perfugio omnium ad ipsum recurrentium. Quidam hic vertunt: *Ipse est petra, integrum est opus eius*: vel *petrae integrum est opus eius*. Alii: *Rupis illius opus est perfectum*. Nonnulli: *Opus petrae illius solidum est*. Hispanica Translatio: *Del fuerit; subaudi e de hablar; cuya obra es perfecta*; quasi dicat: Hic erit mihi carminis auctor. In voce *Tzur*, Tzede est magnum, & est tertia decima magna littera Hebraica quæ in Scriptura occurrit. Hic perspicuum est mysterium, quod hic primum Deus vocetur *Petra*, *Rupes*, ad indicandam æternam eius & constantissimam firmitudinem & stabilitatem. Vide supra cap. xxix. vers. 28. Vocatur autem Deus *Petra* etiam infra vers. 15. 18. 30. 31. OMNES VIAE EIUS IUDICIA. Hebr. *iudicium*, *iud*; id est, omnes actiones eius, omnes rationes agendi sunt summum ius, summa æquitas & iustitia: quidquid agit, iustissimum & æquissimum est. DEUS FIDELIS. אֱמוּנָה *emunah*, *fides*, *fidelitas*, *constantia*, *certitudo*, *veritas*, *firmitas*, *stabilitas*. Abstracta hic magnam vim habent.

V. 5. PECCAVÉRUNT EI, &c. Verbum difficile in Hebræo nos verbatim reddimus (*Funditus perdidit ei non filii eius, macula eorum*: generatio hypocrita, & distortissima.) Alii diversimode expresserunt. I. *Corrupti sese illi, non filii eius, macula eorum*: generatio prava, & perversa. Notant ordinem dictionum inversum, atque ita construendum: *Generatio prava atque perversa, qui non sunt filii eius, in ignominiam suam corrupti sese illi*, id est Deo; quasi dicas, ignominiose & probrōse deficit a Deo. II. *Perversa hæc & detortageneratio corrupti sibi, non filii eius in macu-*

lis suis. III. *Corrupti sibi, non filii eius, macula eorum, generatio perversa* & contorta. IV. *Corrupti se, vitium ipsius non est filiorum eius: generatio perversa & contorta est*; id est, vitiositas illorum aliena est a filiis Dei, qui iustus & reclus est, vers.

4. PRAVA. פְּשָׁעִים *ghikhefch*; id est, *perversa*, *versuta*, *fallax*, *falsa*, *quæ simulat & dissimulat*, & *specie recti*, & *veritatis fallit*. Notant Matthæi Interpretem cap. xvii. vers. 17. reddidisse *ἄπιστος*, id est *infidelis*, *incredula*, quæ scilicet deflexit a fide, & specie sanctitatis fallit. Et Paulum Philippens. ii. vers. 15. *συναΐς* vertisse, quod non simpliciter malum significat, sed *pravum*, & *toruosum*; & contrarium fecisse nomini *ἀνταρῶν*, id est *sinceri*, & *sine suco*. ATQUE PERVERSA. פְּשָׁעִים *petalot*, non alibi hæc vox reperitur, reddunt *retortiam*, *distortiam*, *versutam*, *vastam*, *variā*, *subdolam*. Nomen est geminatum, notantque ea duplicatione significari versutæ duplicationem, seu multiplicationem, id est distortissima, versutissima. Putant, Matthæi xvii. vers. 17. & Philipp. ii. vers. 15. verti *disputatū*, ut etiam Actor. xx. vers. 30. id est *distorta*, *prava*, *obliqua*, *implicata*.

V. 6. HAECINE. In nota interrogationis Hebraica הֲ Ha, est He magnum, & est quartadecima littera magna quæ in Hebraicis Bibliis ponitur: mysterium facile augurari possumus, ad significandum scilicet immanem & plusquam fœrealem populi Iudaici ingratitude. Vide supra cap. hoc vers. 4. POPULE STULTE. Voci נָבָל *nabal*, hæc omnia subsunt, *popule defluens*, *marcide*, *languide*, *fatue*, *insipiens*, *inspide*, *flaccide*, *exhauste*, *desectæ*, *caste*, *stulte*, *nebulo*, *abiectione*, *perditæ*, *caduce*, *insulse*, *vilis*, *carens* & *defuitæ* ratione, *cerebro*, *vigore ingenii*, *acredine*, *sapore*, *virtute*, *intellectu*, *sapientia humana*, & *spirituali*, qui facis opera tua vitio aut morbo quodam animi depravatus; contra publicam honestatem, vel manifestum verbum Dei peccans: *popule nihil, amens*, *asynetos*, in quo *ne mica quidem sit bonæ mentis*, in quo *nihil succi est*, &c. Quidam, *popule ingrati*; alii, *flagitiose*, vel *nequam*. QUI POSSEDDIT TE. Hebr. *emens*, *comparans tuus*. Alii, *possessor*, vel *emptor tuus*: sed quia de singulari possessione Dei fit sermo, ad assertionem ex Aegypto ver-

bis accomodantes, vertunt, *redemptor tuus*, quod non pecunia, sed pretio miraculorum ex Aegyptiaca servitute te redemit, atque in libertatem asseruit. קָנִיךָ *kanecha*, quidam a קָן *kien* deducunt, exponuntque, *nidificator tuus*; qui nidum tibi posuit terram promissam, vel qui te in nido exclusit, fovit, aluit, servavit: metaphora, ut infra vers. 11. ET FECIT. Hebr. *ipse factor tuus*. Quidam reddunt: *Nonne fecit te?* id est, magnificavit te. Sic verbum facere pro magnificare, magnifare, ornare, accipi notant, infra vers. 15. & I. Samuel. xii. vers. 6. ET CREAVIT. וַיִּבְרָא *vaiereonecha*, reddunt confirmavit, constituit, stabilivit, ratificavit te: proprie, apparavit, preparavit, concinnavit, ordinavit, adaptavit, instruxit, disposuit te; recte & perfecte curavit te, arte scilicet indicibili.

V. 7. DIERUM ANTIQVORVM. Hebr. *dierum sæculi*. Alii, *dierum perpe- tuorum*: intelligunt antiqua tempora, prisca sæcula, tempora præterita & elapsa, quæ olim fuerunt.

V. 8. QUANDO DIVIDEAT ALTISSIMUS GENTES, QUANDO SEPARABAT FILIOS ADAM. Recte putant indicare primævam gentium distributionem, quando Deus orbem terræ divisit & partitus est in filios Adam, & variis gentibus varias terras & regiones possidendas & incolendas attribuit, Genes. x. & xi. Vide singulariter Genes. x. vers. 5. & Genes. xi. vers. 8. & Actor. xvii. vers. 26. CONSTITUIT TERMINOS POPULORUM IUXTA NUMERUM FILIORUM ISRAEL. Id est, iam tum decrevit dare filiis Israel terram illorum populorum, quos sub adventum ipsorum Israelitarum ciecit e terra Chanaan: vel tum dedit, Amorrhæis scilicet, & Hevæis, & aliis Chananæorum populis, tantam terræ portionem, quanta numerorum filiorum Israel, seu tribuum Israelitarum sufficeret. Et hoc est maximum beneficium, quod Israelitis nondum natis, aut existentibus, iam tum initio mundi possessiones designavit: deinde, quod cum Deus sit, & omnium gentium Dominus, illisque orbem terrarum inhabitandum, & possidendum distribuerit, unicuique gentium portionem & terminum assignans; tamen non omnes elegit sibi in populum,

quorum peculiariter esset Deus vero & legitimo cultu; sed posuit limites, ut solum ubi filii Israel essent, ibi esset populus Dei, ubi vero finiretur terminus filiorum Israel, ibi cessaret populus Dei, & inciperent termini gentium, ut versu sequenti apertius explicatur.

V. 9. IACOB FUNICULUS HEREDITATIS EIUS. חֵבֶל *chebel*, Hebræis proprie est funis; sed figurate interdum & metonymice ponitur pro sorte, portione, possessione terræ: nam possessiones funiculis metiebantur & distribuebantur, Psalm. lxxvii. vers. 54. & Psalm. xv. vers. 6. quos Romani *arvipendia* appellaverunt. Glossæ veteres, *Arvipendia*, *schæni*, seu funiculi Geometrici. Quin & ὄχινοι Græcis, id est funis, seu funiculus certum mensuræ genus. Herodotus Lib. II. num. 6. Constat autem *parasangæ tricenis*, *schænis* (qui mensura est Aegyptiaca) sexagenis stadiis. Plinius Lib. VI. cap. xxvi. *Inconstantiam mensuræ diversitas auctorum facit, cum Persæ quoque schænos & parasangas, alii alia mensura determinent*. Et Lib. V. cap. x. *Schænumque stadia triginta*. Et Lib. XII. cap. xiv. *Schænus patet Eratosthenis ratione stadia XL. hoc est, passuum quinque milia*. Alii, xxxi. *stadium singulis schænis dedere*. Vide Adagium: *Huicundo totos schænos anteibit*. Chilliade IV. Centuria 111. Adagio xxii. Ergo hic Iacobus dicitur *funiculus hereditatis Domini*, id est peculiaris possessio eius.

V. 10. INVENTEUM IN TERRA DESERTA. Quidam exponunt: *Deprehendit, apprehendit eum*, curam eius gessit, aciebat sibi in populum, vel apparuit ei in nube. Alii, quia verbum *inveniendi* minus huic loco convenire videtur, quia Deus non invenit Israel in deserto, sed potius eum ipse in desertum adduxit; exponunt: *Sufficit ei in terra deserti*; id est, sufficientissime providit populo de victu & vestitu & necessariis vitæ quadraginta annis in deserto. Verbum enim מַצָּא *marza*, in *sufficiendi* significatione interdum usurpatur, notavimus Numeros. xi. vers. 22. Est autem hic futurum *inveniet*, vel *sufficiet*, vel more poetico, vel respectu non temporis quo hoc scribebat Moyses, sed divini decreti. Sic in sequentibus futuris. VASTAE SOLITUDINIS. יִלְלֵי *lelel*, *iesebimon*. Existimant aliqui *lelel* nomen

men esse proprium alicuius loci, seu deserti, sic dicti ab ululatu ventorum, seu ferarum. Alii, voce colludente eiulatum, seu ululatum, exponunt eiulatu, vel ululatu solitudinis. hypallage, pro solitudine eiulatus; id est, ubi audiri solent eiulatus, seu ululatus ferarum. Quidam reddunt, *ululata solitudinis*; alii, *ululatus desolationis*; non nemo, *solitudine ululae*. Iesimon horribilem solitudinem, & afflatu abominabilem significat. Vide Numeror. xxi. vers. 20. Et docuit יבוננבו *iebonenebu*, futurum quadratum auget significatum; id est, intelligere faciet, intellegendis erudit, instruet, accurate & plene docebit eum. QUASI PUPILLAM OCULI SUI. ישון *ischon*, quidam ab ישן *isch*, vir, deducunt ceu denominativum, & on, esse terminationem diminutivorum: & sic appellari pupillam oculi, quod in ea virunculi imago resplendescat: vel forsan ab ישן *ischschab*, *virra*, quod pupilla sit quasi pupula, a pupa, virguncula, seu imaguncula puellari, quod in nigro oculi eiusmodi imagunculae conspiciantur. Sed refutant id etymon alii, quod *ischon* dicatur de nigredine noctis, Proverb. vii. vers. 9. & cap. xx. 20. in qua tamen nulla virunculi imago resplendeat, aut conspiciatur. Nonnulli notant, *nigroris*, & *obscuritatis* significationem esse genuinam & propriam huius vocis, e locis illis Proverbiorum; *pupille* vero metaphoricam: unde hic reddunt, *sicut nigredinem, nigrorem, nigrum oculi*. Arbitrantur autem nomen esse substantivum pupillae, sic dictae a nigrore, quia cum nigerrima sit, ex ea tamen elucet virtus visiva & scintilla illa luminis. Et ut Deus ex tenebris produxit lucem mundi, cum diceret, *Fiat lux*; ita ex illa oculi caligine produxit lucem corporis. Transfertur postea etiam hoc denominativum ad tenebras, quae nigredine pupillam oculi refulcant, Proverb. vii. vers. 9. In crepusculo diei vespertino, in pupilla noctis & caligine, id est in nigerrima nocte. Et Proverb. xx. vers. 20. legitur ישון *eschon*: Qui maledixerit patri suo, aut matri suae, extinguetur lucerna eius in pupilla tenebrarum, id est in nigerrimis & densissimis tenebris. Postrmo observant, quod ad illud mirandum Dei opus quod Deus fecit, quod ex tenebris lucem, & ex caligine pupillae visum pro-

Eib. Sac. Tom. III.

duxerit, alludant postea tam prophetarum, quam apostoli, atque ad res alias accommodent, sicut Iſaias cap. xxxix. 18. *Et audient in die illa surdi verba libri*, & de caligine & de tenebris oculi caecorum videbunt. Et Paulus II. Corinth. iv. vers. 6. *Deus est qui iussit de tenebris lucem illucescere, qui illuxit in cordibus nostris*, &c. Et Petrus II. Epistola cap. 1. vers. 19. *Et habemus firmiorem sermonem propheticum, cui dum attenditis, ceu lucernae apparenti in obscuro loco, recte facitis, donec dies elucescat, & lucifer exoriatur in cordibus vestris*. Quinimmo Christus ipse, cum Matthaei vi. vers. 22. *Lucerna corporis est oculus*. Si igitur oculus tuus simplex fuerit, totum corpus tuum lucidum erit: quod si oculus tuus malus fuerit, totum corpus tuum tenebrosum erit: & si lumen quod est in te, tenebrae sunt, ipsae tenebrae quante? Hae sunt a Fortitero, deinde a Mercerio, haud absurde & aliene observata.

V. 11. SICUT AQUILA PROVOCANS, &c. Hebr. *Sicut aquila excitabit nidum suum*. Notant esse futurum pro praesenti, excitat, provocat nidum suum: metonymia, id est pullos suos, qui in nido sunt. Vide Exod. xix. vers. 4. Sic Latini nidos. Nonius cap. vii. §. 63. *Nidos non solum domicilia avium, sed etiam fœtus earum Virgilio auctore dicere possumus Georgic. Lib. IV.*

..... Ipsaeque volantes

Ore ferunt dulcem nidis immitibus escam.

V. 13. CONSTITUIT EUM SUPER EXCELSAM TERRAM. Hebr. *Equitate faciet eum super excelsa terra*. Quidam: *Invenit eum in sublimitatibus terrae*; id est, in regione excelsa & alta, qualis erat terra Amorrhæorum, qui habitabant in montanæ; & alioqui terra sancta sublimior est Aegypto. Alii: *Vexit eum super excelsa terrae*; id est, fecit ut penetraret civitates munitissimas. UT SUGERET MEL DE PETRA. Poetice, & figurate dictum voluit de maxima abundantia mellis in ea terra; quasi dicat:

.... Et rupes sudabunt roscida mella.

OLEUMQUE DE SAXO DURISSIMO. Quidam reddunt, & pinguedinem de silece petrae; alii, & oleum de petra adamantina: hyperbole. Vel in locis saxosis & petricosis provenient ubertim oleæ.

V. 14. AGNORUM. כרים *carim*, singulare est כר *car*, aiunt, primo significare locum pascuum, qui vel falce secatur, vel animalibus pascendo absconditur. A verbo כר *cur*, excidere; ut *Isaia* xxx. vers. 23. *Psalm.* lxiiv. vers. 14. interdumque poni pro pabulis camelorum, & stramentis defectis, ut *Genes.* xxxi. vers. 34. Vide *Noras* nostras ibidem. Secundo significare arietem, qui vel exsecus est, & Latinis vervea dicitur: vel qui adultior iam est, & pascua abscondit & depascitur; quasi dicas, pascualis. Unde hic varie reddunt: 1. cum adipe arietum pascualium; 2. cum adipe vervecum; 3. cum adipe arietum saltantium, subsistentium in pascuis, e verbo כרכר *carcar*; 4. cum adipe pratorum, pascuorum, camporum. ET ARIETUM. אילים *elim*, arietes cicures & gregarios exponunt; alii, *verveces*. Quidam hic reddunt, & ducum inter oves; alii, sine syntaxi, & arietes filios *Basan*. FLIORUM *BASAN*; seu natorum *Basan*, id est natorum, enutritorum, educatorum in regione *Basanitide*, quæ famosissima, & pinguisima erat, ita ut eius fertilitas & ubertas proverbio in sacris literis celebretur. Vide *Numer.* xxi. vers. 33. & *Numeror.* xxxii. vers. 4. CUM MEDULLA TRITICI. Hebr. cum adipe, seu pinguedine renum tritici. De voce כליח *celioth*, *renes*, disseruimus *Exod.* xxix. vers. 13. Notant figurate poni pro tritico optimo & pinguisimo, eadem ratione, qua illi adeps tribuitur: nam in optimo tritico extuberant genicula, forma renibus persimili. Metaphora ab animantibus sumpta; cuiusmodi fuit illa priscorum metaphorarum, qui κρέας λέπρον, id est *borderi corticem*, vel *glumam*, auctore *Festo* vocabant *clunar*, a clunium similitudine. Sed *Festus* tantum habet, *clumæ folliculi borderi*. Et *Glossarium* vetus: *Clunar κρέας λέπρον*. At *Bonaventura Vulcanius*, non *clunar*, sed *clumarum*, aut *cluma*, quæ & *gluma* dicitur, legendum in *Glossis* existimat. Quidam exponunt, cum adipe granorum tritici. חבל *cheleb*, *adeps*, metaphorice in Scriptura generaliter plerumque dicitur de omnibus fructibus & frugibus, quæ sunt lactæ, medullatæ, pingues, & succulentæ. Sic *Numeror.* xviii. vers. 12. adipis nomen oleo & musto accommodatur, & *Palm.* lxxx. vers. 17. frumento. Aliqui sine syntaxi legunt, & *hircos cum*

adipe, & interposito commate, *renes tritici*; ut grana tritici illius magna tamquam *renes* laudentur. MERACISSIMUM. חמר *chemer*, aiunt esse turbidum, turbulentum, tumidum, fervens, appellativum nomen vini rubri, quod turbidum est, & non modo in fusione, sed & bibitum efferveat, & cerbrum perturbet; merum, vinum meracum, rubens: seditum, quasi lutulentum & turbidum. Hic vinum densum, compactum, rubrum intelligunt, quod Hispanice dicimus vino de cuerpo, de humos, id est generosum.

V. 15. DILECTUS. Non desunt qui in Nostro directus scribendum putent, quod cum Hebræo convenit. Sed probulubio secutus est LXX. qui habent ἡγαπῶντες, id est dilectus. ישרן *ieschurun*: quater tantum hæc vox in Scriptura occurrit, hic, & cap. xxxiii. vers. 5. & 26. & *Isaia* xlii. vers. 2 quibus tribus locis rectissime vertit *Noster*. Deduxit a ישרן *ieschur*, ut plerique etiam Hebræorum: cognomen esse *Israelis* omnes consentiunt, sic dictum quod recta iudicia Dei, rectam fidem & religionem haberet; licet ipse quam longissime a rectitudine abesset. *Noster* formam *ieschurun* vim superlativam habere existimavit: alii diminutivam, unde putant minutive & blanditiæ causa appellatum *Israel*em, quasi *rectulum*, allusione ad nomen ipsius: est enim unum per Scin dextrum, alterum per Scin sinistrum scribatur. Vide *Genes.* xxxii. vers. 28. Aliqui Hebræorum a שור *sehur*, *aspicere*, derivant, quod *Israel* viderit gloriam præsentiae divini in promulgatione legis. Quidam volunt esse denominativum a שור *sehur* derivatum: est autem *sehur* bos nunc crassior & habitior, quique ad perfectam ætatem & magnitudinem corporis excrevit, distenditque cutem & corpus, habens corpus distentum, compactum, plenum, qui Chaldaice dicitur תור *tor*, unde Græci & Latini vocem *taurus* mutuati sunt. Nam *sehur* quoque intendere, & extendere, seu distendere, interdum significat. Ergo *sehur*, *tauro*, factum exillimant nomen *ieschurun*: deinde multas alias allusiones ad ista duo nomina factas esse arbitrantur; quasi dicat, *populus* in unum corpus coactus, & compactus, tamquam *taurus*: ut hic etymon, & allusio fati innotuit: Inpinguatus autem *Ieschurun* recalcitravit, im-

pinguatus, incrassatus, adipe obductus dereliquit Deum factorem suum. Quo loco, ut etiam aliis, constat pro Israele, seu populo Israelitico esse positum, allusione sumpta a tauro, sive corpore, per commissuras & compages completo, augmento Dei. Hinc cap. xxxiii. vers. 17. Ioseph comparatur tauro pulcherrimo: & familiae & cognationes Israel dicuntur *אֶלְפִים* *alaphim*, a numero quasi taurino, seu bovino, id est pleno & compacto, nempe mille. Huc respexisse aiunt Isaïam cap. 1. vers. 3. *Cognovit taurus possessorem suum, & asinus praesepe domini sui: Israel autem non cognovit, populus meus non intellexit.* Sic Paulus I. Corinth. iv. vers. 8. *Iam saturati estis, iam ditati estis, absque nobis regnastis.* Similiter Ephesior. i. vers. 22. *Et dedit eum caput super omnia ipsi Ecclesiae, quae est corpus illius, complementum, omnia in omnibus adimplementis.* Et cap. iv. vers. 15. *Ut augetur in illum per omnia, qui est caput Christus, in quo totum corpus coagmentatur, & compingatur per omnem commissuram suppeditationis, secundum operationem in mensura uniuscuiusque membri, augmentum corporis facit, &c.* Et Coloss. ii. vers. 19. *Obtinens caput, ex quo totum corpus per commissuras & compages subministratum & compactum augetur augmento Dei, &c.* Non igitur, inquit, a verbo *Iaschar* est formatum *Iesurun*, ut quidam volunt, *rectissimum* vertentes; sed pro populo Israelitico capitur, qui fuit similis corpori per commissuras & compages, bene compacto & adimpleto, ut taurus, cuius caput est Christus. Alii a tauro quidem significatum *Ieschurun*, accersunt, sed alia ratione, ut aliquid dicere videantur: aiunt enim primæva significatione notare taurum ducem, qui in armento præcedit veluti dux; unde sumpta metaphora, significat primogenitum, qui maiorem partem hereditatis accipit, seu qui ceteros fratres velut dux præcedit: est enim pater in domo veluti pastor, primogenitus autem veluti dux gregis: cum igitur Deus Israelcm suum primogenitum appellet, hoc nomine Ieschurun merito appellatur, quod in hac magna Dei domo inter ceteros populos primum sibi locum vendicaret. A præuendo itaque hoc nomen dici putant: neque *Schor* bovem simpliciter significare, sed præcipuum bovem, seu taurum a præ-

eundo; similiter & Ieschurun eum qui præeminet, præcedit, & veluti dux armento præest, ceteris maior. Quoniam autem primogeniti solent esse magis dilecti, non mirum si animadvertentes Græci ex contextu esse nomen dignitatis ac favoris, *dilectum* verterint. Non desunt tamen qui hæc omnia etsi subtilia, aliena nihilominus putent: & satis esse *rectum* interpretari, quasi Deo directum, id est paratum, destinatum, delectum. Aliqui ironiam hic esse putant, *rectus*, id est nihil minus quam *rectus*. ET RECALCITRAVIT. Verbum *בָּגַב* *bagbat*, aiunt esse proprie in acceptis beneficiis cum iniuria lascivire, ferocire, recalcitrare: neque id alibi inveniri nisi I. Samuel. ii. vers. 29. Nec dubitant Paulum vim verbi huius expressisse I. Timoth. v. vers. 11. cum de viduis inquit: *Cum enim lascivierint in iniuriam Christi. DILATATUS.* *נִשְׁבַּח* *ca-sita* cum Scin sinistro, cooperuisti, scilicet adipe seu pinguedine renes tuos, aut carnes tuas. Quia intransitive, *sellus*, *opertus*, seu *obductus es*, nimirum adipe. Alii: *Adipem obduxisti.* Aliqui exponunt: *Operuisti pinguedine cor tuum, seu animum tuum*, qui pene suffocatus fuit, adeo ut nihil intelligas. Hispanica translatio recte Hebraismum Hispanismo convertit, *Turris cuberto el rincon*. Similis locutio est Iob xv. vers. 27. & Psalm. xvi. vers. 10. *דָּם וָחַם*. Hic primum occurrit Dei nomen *אֱלֹהִים* *Eloah*, quod aiunt esse singulare nominis *Elohim*, & utrumque derivari a nomine *אֵל* *El*. Notant idem omnino esse Hebræis quod Græcis *θεός*, & Latinis *Deus*, a maiestate, fortitudine, potentia quam exerit, & ostendit quaque locorum, & super omnes creaturas quæ sunt in cælo & in terra, & habent aliquam potentiam & potestatem, facultatem & virtutem: & propter hæc dona & beneficia quæ ab ipso acceperunt, & habent, ipsi tamquam iuramento alstricti sunt illi præstare cultum, obedientiam, timorem, fidem, invocationem & gratitudinem, & tribuere illi hunc honorem, quod invocantes iuvare, defendere, & adversa declinare possit: qualem etiam gentes notitiam de Deo, & commentitiis suis numinibus habuerunt: quare non tantum de vero & æterno Deo conditore cæli, & terræ dici, sed etiam de falsis gentium diis, quosim-

prii Dei nomine appellarunt. Deducunt ab *אלה* *ala*, iuramento obstringi, & ab *אל* *al*, fortiter & praevalidum esse, ut etiam nomen *אל* *El*, de quo diximus Genes. xiv. vers. 18. Et recessit a Deo. *לצדק* *vaenabbel*, varie reddunt. I. Et despectus, foscificatus, vilipendit, petram. II. Et contumelia, ignominia, turpitudine affectus petram. III. Et cadere fecit, deiecit, depressit, vel deprimere conatus est petram; subaudi, a magnitudine sua: aut depressit dignitatem Dei. IV. Et insauavit, pro satubabuit, petram. V. Et defluere fecit, flaccescere fecit, emarcescere fecit, petram; id est, nullam vim, robur, aut praesidium exillimavit esse in petra. VI. Et deturpavit, vituperavit petram. VII. Et ingratus fuit petrae.

V. 19. VIDIT DOMINUS. Observant iam hic esse propositionem rerum eventurarum populo Dei, cum ad impiorum castigationem severissimam usque, ad vers. 35. tum ad reliquiarum sanctarum consolationem, vers. 36. & seqq. propter Dei gloriam, ad quam conclusio pertinet. ET AD IRACUNDIAM CONCITATUS EST. De significatione verbi *נאצ* *naatz*, egimus Numer. xiv. vers. 11. Varie hic expriment. 1. Et sprevis, contempsit: 2. Et abominatus est: 3. Et exacerbatu est: 4. Et iratus est. 5. Et incessevit, laceessivit, insectatus est: quidam passive, Et laceessitus est: 6. Et reproboavit. QUIA PROVOCaverunt eos filii sui, ET FILIAE. Quidam Hebr. reddunt, pro ira in filios suos, & filias suas. Alii, pro indignatione a filiis suis, & filiabus suis commota. Nonnulli, propter provocationem filiorum suorum, & filiarum suarum. Filios vocat respectu vocationis, quos ratione vocat appellavit non filios supra vers. 5.

V. 20. ET CONSIDERABO NOVISSIMA EORUM. Hebr. *Videbo quid posterioritas eorum*. Quidam: *Videbo quid in novissimo eorum*; subaudi, futurum sit: vel, quid in fine suo, subaudi, patiantur. Alii: *Speciabo quid tandem facturi sint*. Nonnulli: *Videam quis erit finis illorum*. GENERATIO ENIM PERVERSA EST. Heb. quia generatio versuorum, subversuorum, perversuorum, perversitatum, ipsi; id est, perversissima natio, perversitatibus penitus dedita, animo versatilis, quae non persistat in vero Dei cultu, inconstans, desultoria. ET INFIDELES FILII.

Hebr. *filii, non fides in eis*: *אמונה* *emunah*, fides, fidelitas, constantia, certitudo, veritas, firmitas, stabilitas; ut *אמונה* *emunah* vers. 4. Notant Paulum hunc locum & phrasim imitatum Ephesior. ii. vers. 2. cap. v. vers. 6. Colossens. iii. vers. 6. cum vocat, & interpretatur filios diffidentiae, seu incredulitatis; id est, nulla urbanitas, civilitas, nihil frugi aut boni, nullius profectus in eis.

V. 21. IN EO QUI NON ERAT DEUS: Hebr. *in non Deo*; id est, in idolis quae coluerunt, quae non erant Deus: vel, ne essem eis in Deum. Quidam hunc versum ita reddunt: *Ipsi zelare fecerunt me in re quae non est Deus*, &c. & ego zelare faciam eos in eo qui non est populus, id est, quemadmodum novis diis inductis, me ad zelum provocaverunt; ita ego quoque novum mihi populum suscitabo, quo ipsi zelo accendantur. Alii: *Ipsi me invidere fecerunt ei qui non est Deus*; id est, non stetit per eos quin inviderem iis qui non erant Deus, cum eos ipsi in deos sibi afficerint, &c. & ego quoque invidere faciam eos in non populo; id est, faciam ut invident populo ei, qui non est populus Dei: nam faciam ut ii qui non sunt populus Dei, feliciter vivant; ipse autem populus Dei affligatur, & male habeat. Nonnulli: *Ipsi commoverunt me ad zelotipiam per ea quae non sunt Deus Fortis*, &c. ego quoque ad zelotipiam commovebo eos per eum qui non est populus, nimirum peculiaris Deo, ut hic fuit. Vide Quesq. 1. vers. 10. & Roman. ix. vers. 26.

V. 22. USQUE AD INFERNI NOVISSIMA. Hebr. *usque ad infernum subteriore*; quidam, *usque ad imum sepulcrum*; alii, *usque ad voraginem inferiorem*; nonnulli, *usque ad infimos inferos*; id est, usque ad ima terrae penetralia; ac si dicat, supra & infra conflabit, ut praesentibus futurisque fructibus priventur nihil reliquum super terram erit vel aedificii, vel germinis; sed & ipsum solum, & terrae viscera usque ad radices arborum, & ima quaeque telluris exurentur; quasi ignis deorum per terram velit ad infernum usque ardere; quasi dicat: Etiam profunda, & infima terrae loca veram in sterilitatem. Sequentibus se ipsum exponit.

V. 23. CONGREGABO SUPER EOS MALA. Verbo *ספד* *saphd* cum Samech omnia

omnia ista includuntur: *Contrabam, congregabo, colligam, consummam, consummabo, addam, impendam, accumulabo super eos mala.* COMPLEBO IN EIS. Hebr. *consummabo, consummam*; id est, omnes ad unam eiacularbor; exhauriam pharetram sagittis in eos; quasi dicat: Expendam in eos omnes calamitates & infortunia.

V. 24. CONSUMUNTUR FAME. מִן רָעָב *meze raghab*. Quidam ex significatione Chaldaica, quia vox *meze* nulpam alibi legitur, substantivè exponunt, *adustiones famis*. Alii adiectivè, *adusti, combusti, consumpti, exhausti famis* (nam est regimen) seu *fame*. Nonnulli, *attenuationes famis*. Alii inepte a מִן *zavab* deducunt, *angustati fame*; id est, præ fame in angulum, in angustias redacti. Quidam ex assonantia verbi Græci *μίσος*, *impleo*, & *μίσος*, *plenus*, & Germanici *messen*, reddunt *repleti, impleti, referti fame*. Quem sensum suppeditari aiunt ex verbo adiuncto & *comessi prestere*, seu *uredine*: quod etiam impletionem significat, seu cibo esse infertum, ita uredine & fame resarcitur. Chaldaus, & *inflati fame*. ET DEVORAVUNT EOS AVES MORSU AMARISSIMO. Hebr. & *comessi, exesi, vel comestiones*, מִן רֶשֶׁבֶת. Sexies hæc vox in sacris litteris ponitur. Noster hic, & Job v. vers. 9. *aves & avem* interpretatur; Psalm. lxxv. vers. 4. *potentias*; Psalm. lxxvii. vers. 48. *ignem*; Canticor. viii. vers. 6. *lampades*; Habacuc iii. vers. 5. *diabolum*. Hebræorum nonnulli monent, generaliter hac voce intelligi quidquid volitat, sive aves sint, sive sagittæ, sive scintillæ, sive fulgetra, sive ignes. Alii notant *rescibeph* congruere significatione cum transposito שָׂרָפָה *saraph, comburere*, & significare generaliter quidquid volando adurit, incendit, & inflammatur. Plerique aiunt proprie esse *prunam, carbonem ignitum*: & metaphorice *ferrum sagitta*, & *agritudinem calidam instar prunæ*, quæ cito interficit, ut pestis. Nonnulli notant, *rescibeph* per transpositionem litterarum esse *presterem* cælestis flammæ genus, quæ quidquid attingit, amburit, & atterit: de quo Plinius Lib. II. cap. xlviii. & xlix. & Seneca Lib. V. Quæstionum Naturalium, cap. xiii. quo dicitur igneus turbo. Iam mirum quam diversè hunc locum reddant: sed in eundem fere sensum. Aben-Eza:

& *comessi aere calido, ut pruna*. Rabbi Selemoh: *Et demones devorabant eos*; sive pugnabant cum eis. Steuchus: *Et devorationibus carbonis igniti, vel exustionis, vel demonis urentis, aut pestilentia ardentis*. Caietanus, & *debellati calore intenso*. Sanctes, & *comessi avidus*. Et in Thesaurο, & *comessi, consumpti, agritudine calida ut pruna*. Forsterus, & *devorationes ardoris*. Leo Iudas, *Et consumpti ardente lue*; Vatablus: & *devorabuntur carbunculis: vel caumate, sive morbo calido, febre ardentis, & pestifera absumentur*. Oleastrus, & *comessi ardore, seu pruna ardentis, aut fulgure*. Pomarius, & *devorati a morbo adurenti*. Marinus, & *comestiones prunæ: agritudinem quamdam adurentem innuit poetice*. Tremellius & Iunius & Buxtorfius: & *exesi, vel & exesis anthrace*. Est autem anthrax, carbunculus, malignum morbi genus, quale pestilenti in lue grassatur. Montanus, & *comessi pruna*. Avenarius, & *comessi*, id est consumpti, prestere. Schindlerus, & *devorati peste*. Hispanicus Interpres: *T comidos de fiebre ardente*. LXX. Chaldaus, Noster, & plerique Hebræorum, hic significatum *avis* amplexi sunt. MORSU AMARISSIMO מִן רֶשֶׁת *keteb keteb meriri*. Aiunt *keteb* proprie esse *avulsionem, convulsionem, evulsionem, excisionem, incisionem, succissionem, excidium, seu exitium*, hoc est luen subito evellentem, qualis est aut febris, aut pestis, aut apoplexia, & id genus morbi, qui subito mortem afferit, & avellit vitam, nempe mors subitanea. Aliqui *contagium, exterminium*, exponunt. Consentiant omnes, esse *excidium, seu exitium repentinum, luen subito excidentem, & perimentem, agritudinem potentissimam & repentinum*. Nonnulli, *constrictionem, confractionem, devastationem, afflictionem, concussionem* interpretantur. Hebræorum aliqui nomen proprium *excidium* demonis meridie grassantis esse existimant, vel *demonium devastans*, e Psalm. xc. vers. 6. Ter tantum hæc vox in Scriptura legitur. Noster hic *morsum*: Psalm. xc. 6. *demonium*, Isaïæ xxviii. 2. *confringens vertic*. Meriri vero quidam substantivè exponunt, *amarorem, amaritudinem*: alii adiectivè, *anarum, acerbum*. Nonnulli Hebræorum nomen proprium esse volunt *cutidam* demonis, ab amaritudine quam

intert, sic dicti. Nec defunt, qui velint esse *venenum mortiferum*. Iam varie locum convertunt. 1. *Incisionem amaram*, vel *sævitie brutalis*, vel *humane*, incidendo: 2. *Evulsione amaritudinis*; 3. *Aggritudine*, *luc*, *peste*, *amara*, id est morbo exitiali, *amaro* & *diro*, qui cito enecat: 4. *Exterminio amaro*: 5. *Exitio venenato* (Hispanicus Interpres, *9 de pestilencia emerge*; vel *9 de salamento*, *o contamiento amargo*; seu *9 de mortandad amarga*:) 6. *Æmonio meridiano amarissimo* & *virulentissimo*. Vide Paradisum Nostrium, cap. lxxvi. CUM FURORE TRAHENTIUM SUPER TERRAM, ATQUE SERPENTIUM. Hebr. cum calore זחלה זחלה pulveris. Verbum זחל זחל aiunt esse *parere*, *timere*, *abstergeri*, *vereri*, Iob xxxii. v. 6. item *repe- re*, *subrepere*, *reptare*, *serpere*: inde זחלה participium, seu nomen participle Itatus regiminis, quo veniunt serpentes, *vi- peræ*, *lacerte*, adcoque cuncta reptilia, quæ ad conspectum hominum absterrentur, & expavescent, seque in cavernas & loca abdi- ta propriunt. Seu potius eo nomine reptilia venenata intellexerim, ad quorum conspectum homines terrentur & expaves- cunt: unde hic *terrenitum*, seu *terribilium pulveris* expoluerim, nempe *serpentium*.

V. 26. DIXI. Ita ex Hebr. Alii per imperfectum, vel pluiquam perfectum, *Dicerem*, vel *dixissem*; coniunguntque cum futuro sequentis versus, quod etiam ver- tunt *timuisssem*, hoc sensu: *Sane dixissem, statuissem, decrevissem apud me disce- re eos, nisi timuisssem, &c.* Sed nostem- pora ut ponuntur, accipimus. UBINAM SUNT? אפהם *aphehem*, eisdem litteris, sed alius litterarum punctis legit אפהם *ephehem*, *ubiam ipsi*? vel *ubinam sunt*? Sed plerique capiunt pro futuro irregulari & defectivo primæ personæ singularis ver- bi פאה *paah*, in Hiphil, אפהם *aphehem*, quasi פאה אפהם *ephe otam*, reddunt- que: *Extremare faciam eos*, vel *angulare faciam eos*; *angulabo eos*; id est, *disser- gam*, *disiciam*, *profigabo* eos per angu- los terræ: vel in angulos, & extremita- tes terræ relegabo eos; aut ex omnibus angulis eiciam, extrudam eos: vel in an- gulos extrudam eos, ut non audeant, nec possint in publico comparere. Quidam: *Extremalo, exterminabo eos*. Irregularitas

verbi indicat magnam, longinquam; & calamitosam Iudæorum dispersionem, & disiectionem per angulos & extremitates orbis. Hebræorum nonnulli subtilius divi- dunt in tres dictiones. Dixi: אף אף, in ira; mea; מי ע, pro אף אף, *ubinam*; אף אף, *ipfi*, vel *sunt*? quasi dicat: Adeo puniam eos, ut non sint, ut omnes dicant: *Ubinam sunt*? Delebo eos, ut non sint. Sed id curiosius & coactius est.

V. 27. SED PROPTER IRAM INIMI- CORUM DISTULI. Sapientissime Hebræa reddidit, quæ habent: *Nisi provoca- tionem inimici metuerem*; id est, *lascasum* & *risum*, quo insultando irritabant. Ver- bum גור *gur*, quod proprie *trabere*, *con- trahere*, *migrare*, *peregrinari* significat, no- tant interdum e contrario esse *retrahi* ab aliquo, *migrare*, *peregrinari* ab aliquo, *aver- ti* ab eo, *cum timere* & *expavescere*, *illum averfari*. Vide Numer. xxi. vers. 3. unde hic reddunt: *Nisi indignationem inimici expavescerem*, vel *timeam*; alii, *Nisi se- rociam hostis veritus essem*: nonnulli, *Nisi indignationem ab inimico metuisssem*. Possit ver- tere: *Si non ob iram inimicorum traham, vel differam*; qui est sensus Nostri, Aut *si non ob in- dignationem*, vel *indignationem inimici re- trahar*; vel *nisi inaignationem inimici averfabor*. Plerique hunc versum cum præcedente ne- dunt. Sed possit per se stare, a posiopefi commoti animi, hoc sensu: *Nisi indigna- tionem inimici metuerem*; subaudi, *illud quod præcedenti versu dixi*, iam opere complevissem; vel grande aliquod malum in eos iam immississem. Sed abstini, ne forte superbirent hostes eorum, &c. ut illud Virgili I. Aeneidos:

Quos ego. (subaudi ulciscar.) Sed motos præstat componere fluviis.

NE FORTE SUPERBIRENT HOSTES EORUM. Verbum סכרו *ienacceru*, diver- se convertunt. I. *Ne forte extraneent sese*; id est, *extranee se gerant*, vel alienos se ostendant a cognitione & professione veri, tribuentes sibi quod proprium meum est in supplicio Israelitarum. II. *Ne forte occultarent*; id est, *ne abnegarent verita- tem*. III. *Ne forte alienos se faciant*; id est, *ne simulent se non agnoscere*. IV. *Ne forte non agnoscant*; id est, *ne cant infa- tias id factum esse a me*; sed sibi tribuant. V. *Ne forte sibi arrogarent*. VI. *Ne igno- rent hostes illorum*. VII. *Ne quando extra-*

riabunt, externabunt, id est extraneum facient: quod verbum est in Glossis Isidori; id est, ne opus divinæ iustitiæ ad extraneum trahant, & quod Dei est, sibi arrogant. VIII. *Ne forte cernerent, discernere, iudicarent*, &c. Proprie: *Ne quando notificabunt*; id est, notum & adulterium reddent, adulterabunt, depravabunt, nimirum opus divinæ vindictæ, ascribendo illud notho & ignoto, seu alieno, extraneo, & adulterino parenti vel auctori; & abstrahendo seu alienando a vero & genuino auctore Deo. Hispanicus Interpretis: *porque no engenen mi gloria sus adversarios*.

V. 28. **GENS ABSQUE CONSILIO EST**. Hebr. *Gens ablata*, id est privata consiliis. Alii, *periens consiliis*, seu *perdita consiliis*; id est, *perditi consilii*, sive inconsulta. Quidam, *perdens consilia*. Ex verbo, *periens consiliorum*. Nam עָבַד cum Patach, aiunt esse in regimine. Quidam hunc & sequentem versum de inimicis populi Israelitici intelligunt; alii melius de populo ipso Israelitico accipiunt. Aiunt enim duas causas exponere Deum, cur fuisset perditurus Israelitas, nisi rationem hostium suorum habuisset: unam, amentiam, hoc & seq. versu; alteram, perfidiam, vers. 32.

V. 29. **UTINAM SAPERENT**, &c. Aliqui versum hunc ita reddunt: *Utinam sapuissent, prudenter egissent in hoc, intellexissent novissimum suum*; id est, finem suum, nempe quis eos finis maneret. Alii: *Utinam saperent, intelligerent ista: animum adverterent ad finem suum*. Nonnulli: *O si saperent, intelligerentque hoc, expenderentque quid tandem futurum sit istis*. Quidam: *Utinam sapientes essent, & strenue facerent hoc*, &c.

V. 30. **QUOMODO PERSEQUATUR UNUS MILLE**, &c. Quidam sensum huius versus hunc esse aiunt: *Qui fieri potuisset ut hostis unicus persequeretur mille Israelitas*, &c. si non quia petra eorum vendidisset eos, &c. Aliqui per futura, ut est in Hebræo, exponunt, quod prophetiam contineant nondum impletam. *Quomodo persequetur olim unus gentilis mille Israelitas*, & duo vertent in fugam decem milia; nisi quod Deus eorum vendet eos, & Dominus tradet eos? Volunt hæc intelligi prophetice de supplicio, quod Deus

de Israelitis impiis sumet: Nonnulli ita interpretantur: *Quomodo persequeretur unus mille*, & duo fugarent myriadem? si non, fieri, quia rupes eorum dedit eos, & Ichova tradidit eos. Illud *Si non*, volunt esse elipsim: si unus Israelita non persequitur mille, &c. sed contra funduntur ab hostibus, fit quia rupes eorum, &c. NONNE IDEO. Hebr. *fi non quia*. Elegans Hebraismus, & Hispanismus, *sino porque su Dios los vendio*, &c. **VENDIDIT EOS**; id est, dedit, subiecit, aliis dominis tradidit. **CONCLUSIT ILLOS**. Hebr. est coniugatio Hiphil, quæ significatum intendit: *Valide conclusit eos*. Quidam reddunt: *Et Ichova resignavit eos*, vel *fecit resignare eos*; & singulariter hunc versum exponunt: *Quomodo persequetur unus Israelita mille hostes*, & duo Israelitæ fugabunt myriadem hostium, nisi quia Deus hostium resignaret suos, & in prædam restitueret Israelitis?

V. 31. **NON ENIM EST DEUS MONSTER UT DII EORUM**. Notant esse apostrophem Moïsi, qua causam deditionis in servitutem explicat, quod Deus opem ferat suis, adverteretur desertoribus: quorum neutrum ficitis deis adscribi debet. **ET INIMICI NOSTRI SUNT IUDICES**. Nimirum, qui hoc ipsum experientia comprobant, Aegyptii, Hamalekitæ, Seon & Og reges Amorrhæorum, qui vim nostri Dei vivi & veri, & suorum deorum imbecillitatem suo damno experti sunt, a nobis ope divina fusi, profligatique.

V. 32. **DE VINEA SODOMORUM VINEA EORUM**, &c. Illud eorum quidam referunt ad gentes & hostes populi Dei; quasi dicat: *Ut dii eorum non sunt confestim cum Deo nostro*, ita ipsi non sunt nobis comparandi, qui de semine Sanctorum fumus; illi vero natæ germinis pessimo, & parentibus impiis, quales erant Sodomitæ & Gomorrhæi. Nonnulli exponunt: *Ex eo quod tales deos habeant, provenit ut ipsi sint filii corruptionis*, & in se corruptissimi, & patres totius corruptionis, simillimi Gomorrhitis, & Sodomitæ. Alii rectius, *eorum ad Israelitas desertores referunt*: sunt corruptissimi moribus, pravitatem & improbitatem insitam se innatam habent, ut propemodum ex germine Sodomorum & Gomorrhæorum precreati videantur; a germine & radice ne-

qui-

quitiam ducunt, vitem Sodomorum infitam habent, ut nonnisi genimina uvarum fellis, amaritudinis, veneni producant. Aliqui reddunt: *Nam præ vite Sedomi est vitis eorum, & præ vitibus Hamoræ: vel nam superat vitem Sedomi vitis eorum, & superat vitis Hamoræ; id est, fructum deterius edit. Quam sint autem mali fructus in lacu Asphaltite nascentes, exponunt Iosephus, Tacitus, & alii. Vide quæ notavimus ea de re Genes. xix. vers. 25. Sic metaphoricè vitam male adam hic describi notant. ET DE SUBURBANIS GOMORRHÆ, שְׂדֵמוֹת sedemot cum Scin dextro, interpretantur *campesiria, campos, regiones, agros, arva, rura, planities, ariditates, vastitates*. Aiunt significare loca arida, ut sunt arva, quæ aratro sulcantur, ut frumenta, & alia legumina in illis crescant ac proveniant; ea autem quæ aratro sunt proficiis, non sunt humida, nec graminosa, ut horti & prata: ideo commode vertere licebit arva. Disseruimus de significatione huius vocis etiam in Antichristo Lib. XI. cap. viii. Quidam hic vites exponunt: *Et de vitibus Hamoræ.**

V. 33. FEL DRACONUM. Hebr. *calor, æstus, furor, ardor draconum*. De voce תנינים tanninim disputavimus Genes. i. vers. 1. Quidam hic reddunt, *venenum draconum*. Sed dracones veneno carere, auctor est Plinius Lib. XXVIII. cap. iv. quamvis is multa remedia indicet contra morsus draconum: & Scaliger Exercitatione 183. numero 9. dracones Atlanticos solo contactu interficere tradat. *Æstus, ardor draconum*, recte congruit: nam dracones, æstu torrente, appetere frigidissimum elephantorum sanguinem, Plinius Lib. VIII. cap. xxii. scribit. ASPIDUM. תנשׁ pesen, aiunt esse serpentis genus venenatissimum & rabiosissimum, quod LXX. & Noster, & plerique omnes *aspidem* vertunt. Dictum volunt a תנשׁ patab, *persuadere*, per antiphrasim, quod minime sit persuasibilis, nec possit ab incantatore persuaderi, aut incantari, ut Psal. LVII. vers. 5. dicitur. Sed Plinius Lib. XXI. cap. xx. & cap. xxxi. remedia indicat ad mitigandas, & sopiendas aspides. *Venenum aspidum*, Heb. *caput aspidum*: quod iis præcipuum virus sit in capite. Plinius Lib. VIII. cap. xxiii. *Colla aspidum intumescente, nullo illius remedio, præterquam*

si confestim partes contacte amputentur. Aelianus Lib. I. cap. ltv. *Solum aspidis morsum negant curari posse, esseque omni medicina superiorem*. Aristoteles VIII. Hist. Animalium, cap. xxix. *Aspis in Lybia nascitur, cuius morsui nullum est remedium*. INSANABILE. מִכֹּחַ aczar, exponunt, *audax, ferox, immitis, crudele, sævum, atrox, ἀσπύος, & ἀσπαρός*. Quidam substantivè, *crudelitas, sævitia*: unde reddunt, *venenum aspidum crudelitas ipsa*. Nicander in Theriacis:

Aspida crudelem, cuius super omnia morsus

Immedicabilis est.

Audacia quoque mire aspidi convenit, de qua Plinius ibidem: *Incredibilis ultionis cura: persequitur, perrumpit omnes difficultates, permeat spatia, nec nisi ambibus arcetur, aut præceleri fuga.*

Vers. 34. NONNE HÆC CONDITA SUNT APUD ME. Hebr. *Num non istud absconditum apud me?* Quidam explicant: *An non hæc impia omnia facinora novi, & secreta teneo penes me, licet foris cogar benefacere impiis illis desertoribus propter nomen meum, & hostium indignationem: ipsi autem non vident quid apud me super eos statuerim, ideo securi sunt. Af. firmant pœnas ac supplicia impiorum iusto Dei iudicio immitti, ac dispensari pro loco, tempore, &c. & quasi ex penu & arca in qua ea Deus recondita & reposita habet, depromi, cum opus fuerit. Alii: Nonne istud venenum, aut vinum, conditum est apud me? idest, hæc omnia novi, & eorum memor ero suo tempore; quasi dicat: iam iam compertum habeo qualis fueris hæcenus, atque futurus sis.*

V. 35. MEA EST ULTIO, ET EGO RETRIBUAM IN TEMPORE, UT LABATUR PES EORUM. Quidam vertunt: *Mea est ultio, & retributio, tempore quo nutabit pes eorum; idest, ego ulciscar, & retribuam, cum corruere debent.* Alii: *Ultio enim mihi est, & repensio ad tempus, labetur pes eorum*. Nonnulli: *Mea est ultio & retributio, tempore suo vacillabit pes eorum; idest, non evadent iudicium, etiam si differatur, sed suo tempore incipient labare ac ne ii quidem solum labescent, fed etiam adversarii longe gravius, vers. 40. & seqq. UT LABATUR PES EORUM. Verbo שָׁמַר mus* (quod d

(quod cum *movere* Latino congruit, & ex Hebræo factum Latinum plerique putant) omnia ista complectitur, *movebitur, amovebitur, declinabit, nutabit, vacillabit, labescet pes eorum*. Vide de verbi notione Levit. xxv. 35. **PERDITIONIS.** *תמאד*, interfectio, aiunt, proprie esse vaporem, fumum humidum, evaporationem, nebulam, nubem: inde transumi in malam partem, a compluione illa roseida, quæ floribus & terræ nascentibus nociva est, ad significandum quamlibet calamitatem, quæ de improvviso causatur. Ex vicinis nominibus *תמאד* ud, *torris, titio*, & ex *תמאד* odor, *causis, occasibus*, exponunt calamitatem, interitum, præditionem, exitium, perniciem, infortunium, adustionem, contritionem, confractionem, letalem evaporationem, quod quæ intereunt evaporant, & spiritum emittunt. **ET ADDESSE FESTINANT TEMPORA.** *תמאד ghatid*, quod Noster hic tempora dixit, Isaïæ x. vers. 13. *principes vertit*; varie alii interpretantur. I. *Et festinat dies eventorum, veleventurorum illis*; vel *Et festinant quæ futura sunt eis*. II. *Et festinat multitudo imminentiarum illis*; id est, eorum quæ illis imminet. III. *Et festinat reposita, parata eis*; id est, quæventura sunt ipsis. IV. *Et festinat promptuaria, repositoria eis*, sive thesauri eis; nimirum de quibus supra vers. 34. V. *Et festinabit, pro festinabunt, ordinata, decreta eis*, scilicet a divina iustitia & providentia. Constructio verbi singularis cum nomine plurali supposito: *Et festinabit imminetia, incumbetia eis*; id est, festinabit unumquodque incumbentium, & imminetium eis: pleniori sensu; quasi dicat: Propedieme interibunt, cito evenient eis imminetia mala. Nisi festinabit active accipimus, nempe Deus.

V. 36. IUDICABIT DOMINUS POPULUM SUUM. Futuro *תדין* iadin, hæc omnia subsunt, *iudicabit, gubernabit, sustentabit, suffulciet, stabiliet, vel puniet*. **ET IN SERVIS SUIS MISEREBITUR.** Hebr. *Et super servos suos consolabitur seipsum, vel pœnitere faciet se, aut pœnitentia, compœtentia afficietur, mutabit affectum animi sui*. Hunc versum varie elucidant. I. *Quoniam iudicabit Iehova populum suum*; id est, tuebitur causam populi sui, vel ulciscetur populum suum de inimicis suis: aut ius dicet, ius reddet populo suo, ex-

Lib. Sac. Tom. III.

ercendo vindictam in hostes eius: *Et super servis suis compœtentia afficietur, vel misericordia movebitur*. Hac sententia putant usum Christum Lucæ xvi. vers. 7. & Lucam vertisse verbum *תנחם* nacham, per *παροδῶναι* commutata tantum orationis forma, cum inquit: *Deus autem non faciet vindictam electorum suorum clamantium ad eum die ac nocte; Et patiens, seu longanimus erit super illos? Etiam dico vobis quod faciet vindictam illorum cito*; id est, compassione afficietur super illis. II. *Cum iudicaverit Iehova populum suum*; id est, cum iudicia sua in eum exercuerit, cum punierit & castigaverit populum suum propter peccata eius; tunc propter servos suos pœnitebit ipsum, ut Genes. vi. vers. 3. III. *Cum puniet Iehova populum suum, tunc in servis suis, professione, non merito, consolabitur seipsum*; id est, ex satietate vindictæ consolationem capiet, explebit cupidinem vindictæ. Similis locutio Isaïæ 24. & Ezech. v. 13. Hunc versum habes quoque Psal. cxxxiv. vers. 14. **QUOD INFIRMATA SIT MANUS.** Hebr. Verbum *תמאד* azal, diversimode reddunt: *Quia ambulavit, iit, abiit, recessit, celeravit, abrepta subito est, raptim ablata est, manus, id est robur, potentia, vires*. Nimirum cum viderit robur & vires populi sui abiisse atque evanuisse; & populum destitutum esse viribus. Hispanicus Interpres: *Que la mano se fue*; id est, *que al invio humano todo esta desesperado*. **ET CLAUSI QUOQUE DEFECERUNT, RESIDUIQUE CONSUMPTI SUNT.** Particula *תמאד* ephes, magnam vim habet, & varie exponitur, uti Numer. xii. vers. 29. & Deuter. xv. vers. 4. observavimus. **Hic I.** *Et defessus conclusus, Et directus*. II. *Et non retentus, Et derelictus*; hoc est, cum præterea videbit neminem item derelictum, aut superfuisset, qui non sit adductus in captivitatem. III. *Et in nihilum abiisse conclusum Et derelictum*. IV. *Et nihil conclusum Et derelictum*; id est, nihil pretiosum & vile, custoditum & neglectum, subaudi superfuisset. V. Quidam collective per *תמאד* gbatuz, intelligunt eos qui belli tempore domi relinquuntur, & concluduntur, ut mulieres, pueri, senes, quorum cura & ratio habetur, & id genus; vel eos qui se receperint & concluderint in arces, aut loca munitissima; per *תמאד* gbatuz

Aaaa

gbatuz

ghazub vero, negligens, qui non concluduntur, nec ratio eorum habetur; vel reliquias belli, eos qui ex bello evaserunt, & relictii fuerunt. Alii ghatzar retentum exponunt, id est eum qui in societate & cœtu aliorum retinetur; derelictum vero, infirmum & eum qui extra cœtum abiectus est. VI. Hebræorum plerique conclusum intelligunt divitias, aurum, argentum, &c. quæ domi clauduntur; derelictum autem, greges & armenta, quæ in agris aut montibus relinquuntur. VII. Aliqui clausum accipiunt claudum, aut mancum, seu membris debilitatum & inutile; derelictum vero vile & abiectum. VIII. & conclusum cum derelicto nihil esse; id est, & captivum, & eum qui evaserat hostium manus, nihil posse. IX. & finis conclusi, & derelicti. X. & non rex, & auxiliator. γxy ghatzar, pro regere poni notant, I. Samuel. ix. vers. 17. & γxy ghatzar, pro auxiliari, Exod. xxi. vers. 5. Hanc interpretationem quidam Hebræorum probant. XI. & solummodo, tantummodo conclusus & derelictus; id est, tantum supererunt inutiles & neglecti. Videtur Hebræis fuisse proverbialis formula, clausus & derelictus, pro imbecillibus, inutilibus, debilitatis, viliibus, abiectis, neglectis; pro inutilissimo quoque & abiectissimo: quam reperies I. Regum xiv. vers. 10. & cap. xxi. vers. 21. & II. Regum ix. vers. 8. cap. xiv. vers. 26. & I. Paralip. xii. vers. 1.

V. 38. SURGANT, ET OPITULENTUR VOBIS. Notant esse sarcasum gravissimum illudentem optioni idololatrarum credentium deos suos & sacrificiis pasci, & ipsis adiumento fore. Similem vide Iudicum x. vers. 14. ET IN NECESSITATE VOS PROTEGANT. Hebr. Sit super vos abscondito. Quidam: Sint vobis in latibulum. Alii: Sit vobis latebra rupes illa. Nonnulli: Sint super vos protectio.

V. 40. LEVABO AD CAELUM MANUM MEAM; id est, iurabo. Vide Genes. xiv. vers. 22. Humanitas dictum.

V. 41. SI ACUERO UT FULGUR GLADIUM MEUM. Hebr. Quia exacui fulgur gladii mei; id est, laminam gladii mei, ut aliqui exponunt, quæ speciem fulguris habet; vel aciem gladii mei. Quidam, corrosationem gladii mei; id est, corrosantem gladium meum. Alii, fulgorem

gladii mei; id est, gladium meum fulgentem. Possis reddere, fulgetrum, fulmen gladii mei: poetice, ut Virgilius IV. Aeneidos:

..... vagina eripit enses
Fulminem.

vel ut sit hypallage, & appositio, gladium fulminis mei, id est gladium meum, qui est ipsum fulmen.

V. 42. DE CRUORE OCCISORUM, ET DE CAPTIVITATE. Quidam reddunt, propter sanguinem interfectorum & captivitatem; seu propterque captivos; id est, propter sanguinem popularium meorum, quem effuderunt interficiendo eos, & propterea quod eos captivos abduxerunt. Alii subaudiunt ex priore membro: Inebriabo, inquam, sagittas meas sanguine confessorum, & captivorum. NUDATI INIMICORUM CAPITIS. Hebr. De capite nudationum inimici. Locus obscurus, quem varie reddunt & elucidant. I. de capite in ultiones inimici; ut illud de capite, nectatur præcedentibus: & captivitatibus, seu præda de capite. Captivitatem, seu prædam de capite appellat prædam hominum seu animalium, id est de capitibus, ut dicere solemus: erique sensus: Inebriabo sagittas meas de sanguine occisorum, scilicet in prælio, & etiam de sanguine hominum, & animalium captorum in præda: idque faciam in ultiones inimici, ut sumam ultiones de inimicis populi mei. II. de capitibus in ultionibus inimici; id est, gladius meus devorabit carnes de capitibus inimicorum; id est, ense rotabo capita hostium meorum in ultionibus, nimirum ut in eos ulciscar mala quæ intulerunt populo meo. III. de capitibus cum ultionibus inimici, id est deregibus, principibus, ducibus, ut solent esse ultiones inimicorum graves & crudeles; id est, hostiliter agam in principes & reges eorum, more hostili, sævo & truci eos tractabo. Hispanicus Interpres, de las cabeças, con venganças de enemigo, id est de los reyes, y principes, como suelen los enenigos vengarse. IV. ut hosti summam ultiones rependam. De capite, id est summam: nam caput pro summa, sæpius in Scriptura. V. de capite ultionum inimici: hypallage, do ultionibus capitis, id est capitalibus & lethaliibus, inimici. VI. in, vel a principio ultionum, seu vindictarum inimici; id est, cum

cum primum sumam poenas de inimicis meis. VII. *inde a principio ultiones inimici futuræ sunt*; id est, cum ultionem sumam de inimicis, nihil impunitum relinquam eorum quæ inde a principio contra me, & populum meum commiserunt. VIII. *a capite prætationum*, id est denudationum inimici; hoc est, gladius meus privabit, seu nudabit, & fauciat capita inimicorum. IX. Ceterum quia *ulciscendi* significatio verbi *פָּרַח* *paragh*, Chaldaica potius quam Hebraica est, quidam reddunt *propter capitis liberationes inimici*, id est ab inimico. Vocat autem *capitis liberationes* nudationem capitis, id est regni & sacerdotii ablationem; voluntque sensum esse: *Ulciscar me gravi me, propterea quod inimicus vacuaverit, otiosum taceat, nudaverit, liberaverit, fenuerit, privaverit populi mei caput, vel populum meum capite*; id est, abstulerit ei regnum, & sacerdotium. Præclarus sane & sublimis sensus, quem quia Mercerus non intellexerit, reiecit. De significatione verbi *paragh* egimus plenius Exodi v. vers. 4. & Exod. xxxi. vers. 25. Illud Nostri *nudati inimicorum capitis*, exponunt quod captivis & servis soleant capita nudari & abradi. Unde Romanis pileus erat insigne libertatis; & servi vocabantur ad pileum, cum manumittebantur.

V. 43. LAUDATE GENTES POPULUM EIUS. Varie Hebr. reddunt. I. *Laudate, o gentes, quæ estis populus eius*; subaudi, Iehovam. II. *Cantate, gentes, & populus eius, vel cum populo eius*, ut Romanor. xv. vers. 10. Notant esse conclusionem laudativam ad piorum reliquias ex Iudæis, & Gentibus in Ecclesia Christi adunatas. III. *Excitate, o gentes, ad iubilum populum eius*. IV. *Personate, exclamate, acclamate, gentes, populum eius*. Verbum *פָּרַח* *paran*, ovationis, & acclamationis gratulandi causa, vim habere aiunt, & conjugatio Hiphil hic magnam ovationem, acclamationem, gratulationem designat. Hucusque Canticum Moïsi, de quo Iosephus Lib. IV. Antiquitatum cap. viii. Deinde carmen hexametrum eis recitavit, quod scriptum reliquit in sacro volumine, continens prædictionem futurorum, iuxta quam omnia facta sunt, atque sunt, eventus nupquam non congruentibus.

P. 47. QUIA NON IN CASSUM PRÆ-

CEPTA SUNT VOBIS. Hebr. *Quia non verbum vacuum, inane, ipsum de vobis*. Quidam: *Non enim est verbum inane, ut contemni debeat a vobis*. Alii: *Non enim est res vilior, id est minoris momenti, vobis, quam ut eam audiat. Nonnulli: Nam non est res inanis præ vobis, vel quam ut suscipiat illam*. Alii: *Nec sit vobis hic sermo vanus*.

V. 49. ASCENDE IN MONTEM ISTUM ABARIM. Vide Numer. xxvii. vers. 12. & infra cap. xxxiv. vers. 1. Quinam autem esset is mons Abarim, explicavimus Numeror. xxi. vers. 11. ET MORERE IN MONTE. Hebr. etiam est imperativus, ut paulo inferius: *Et iungeris*, pro & iungere; utrobique autem volunt positum imperativum pro futuro, & morieris, & colligeris, aggregaberis, adiungeris ad populos tuos: de qua phrasi vide Numer. xx. vers. 24. & xxvii. vers. 13.

M E N O C H I I.

Vers. 2. C O N C R E S C A T, defluat, distillet: nam vox Hebræa proprie stillare significat. Porro D. Hieronymus vertit *concreseat*, quia ut e caelo stillent pluviae, necesse est ipsius vaporis concrefcere. U T P L U V I A. Quemadmodum enim pluvia plurimis minutis guttis defluens terram infundit; ita cantici huius plures sententiæ sæpius repetitæ, & cantatæ, corda Hebræorum molliant, penetrant, ac bene afficiant.

V. 3. DATE MAGNIFICENTIAM: magnificate, magnitudinem eius prædicate.

V. 4. OMNES VIÆ EIU S IUDICIA. Omnia quæ agit, iusta sunt.

V. 5. E T N O N F I L I I E I U S, id est facti sunt, I N S O R D I B U S, propter sordes, peccata scilicet, & idololatriam.

V. 6. Q U I P O S S E D I T T E, tamquam propriam hereditatem, & peculium.

V. 7. M E M E N T O D I E R U M A N T I Q U O R U M. Hebr. *dierum sæculi*. Revoca in memoriam dies, ex quo mundus esse cepit. C O G I T A G E N E R A T I O N E S S I N G U L A S: quæ sibi successerunt, illas percurrendo; & quid in illis accideri deputando. D I C E N T T I B I, beneficia scilicet, quæ insequentibus commemorantur.

V. 8. Q U A N D O D I V I D E B A T G E N T E S, in Babel, hominibus in varias ter-

iz plagas divisiss. QUANDO SEPARABAT FILIOS ADAM, aliis alio dimissis. CONSTITUIT TERMINOS POPULORUM. Iam tunc cogitavit de populo Israelitico, & decrevit illi attribuere terram populorum Chananzorum, IUXTA NUMERUM FILIORUM ISRAEL; quæ regio numero filiorum Israel parisset, illique alendis sufficeret.

V. 9. PARS... DOMINI POPULUS EUS; quasi dicat: Nec hoc contentus, voluit sibi populum hunc peculiariter eligere quem foveret, & ornaret. FUNICULUS HEREDITATIS: portio peculiaris Dei. Alluditur ad modum dividendæ, & mensurandæ terræ, ductis funiculis, ut olim fiebat.

V. 10. INVENIT EUM IN TERRA DESERTA, non fortuito, sed ex destinato, ut eum sibi adiungeret, & perpetuo fœdere devinceret. CIRCUMDUXIT EUM, per desertum. ET DOCVIT, dando legem, & vitæ præcepta, vel castigationibus erudiendo. QUASI PUPILLAM OCULI, diligentissima, & intentissima cura.

V. 11. SICUT AQUILA PROVOCANS AD VOLANDUM, docens, & instituens ad volatum. ET SUPER EOS VOLLTANT, ut exemplo proposito volare discant. Sic Hebræi in AEGYPTO quasi nidulo conclusi, non audebant egredi; Deus vero illos excitavit, ut inde quodammodo evolarent. PORTAVIT IN HUMERIS SUIS. Peculiariter hoc est aquilis: aliæ enim aves cum pullos suos transferunt, unguibus apprehendunt.

V. 12. DOMINUS SOLUS DUX EUS FUIT, per columnam nubis, & ignis.

V. 13. SUPER EXCELSAM TERRAM, non situs eminentia, sed soli fertilitate. Loquitur Moyses de re futura tamquam de præterita, respiciens tempus quo canticum hoc erat ab Israelitis decantandum. MEL DE PETRA: apertim in cavis petris, & cavernulis in topho excavatis (ponte mellificans, & in Palestina, & alibi). OLEUMQUE DE SAXO DURISSIMO: olei etiam in confragosis locis feliciter provenientibus, & magnam baccarum copiam fundentibus.

V. 14. CUM ADIPE AGNORUM, agnis optimis & pinguisimis. ET ARIETUM FILIORUM BASAN, arietum pinguium in regionis Basan pascuis inerran-

tium. CUM MEDULLA TRITICI, tritico electissimo, & præstantissimo. SANGUINEM UVÆ: vinum rubore sanguinem referens.

V. 15. INCRASSATUS EST DILECTUS, opibus, deliciis, luxu. SALUTARI SUO. Hebr. *salute sua*.

V. 16. IN DIIS ALIENIS, eos scilicet colendo.

V. 17. DAEMONIIS, ET NON DEO, id est dæmoniis, qui non sunt Deus. DIIS QUOS IGNORABANT: qui ante ignoti illiserant. NOVI RECENTESQUE VENERUNT. Dii novi humana adinventione introducti sunt.

V. 18. FILII SUI ET FILIAE: Israelitæ, & Israelitides.

V. 20. ABSCONDAM FACIEM MEAM AB EIS: miteri, & benelacere desinam. ET CONSIDERABO NOVISSIMA EORUM. Exitus calamitosissimos eis immittam, & eorum interitum me pascam.

V. 21. IN EO QUI NON ERAT DEUS, idolum colendo, quod divinitate carebat. IN VANITATIBUS SUI, idolis, quæ vanitates, & mendacia possim in Scriptura appellatur. IN EO QUI NON EST POPULUS. Provocabo eos ad invidiam, & zelotypiam, eligens mihi Ecclesiam ex Gentibus, quas Hebræi ne populi quidem nomine dignantur. Vel qui non est populus, scilicet Dæi.

V. 22. IGNIS SUCCENSUS EST IN FURORE MEO: ira mea supra modum exarsit. ET ARDEBIT USQUE AD INFERNI NOVISSIMA; quasi dicat: Nihil relinquet intactum, ad ipsas etiam extremas inferni regiones perveniet. Sunt locutiones metaphoricæ, & hyperbolicæ. MONTIUM FUNDAMENTA COMBURET, montium profundissimas radices comburet, easque in sterilitatem vertet.

V. 23. SAGITTAS MEAS, plagas, quibus eos quasi sagittis configam. COMPLEBO IN EIS. Hebr. *consumam*, vel *exhauriam*. Tam multas calamitatum sagittas immittam, ut pharetra mea quodammodo exhauriatur.

V. 24. DEVORABUNT EOS AVES. Sermo est de hominibus viventibus, qui ab avibus quantumvis rapacibus, devorari non solent; quamquam carnivoras aliquas, ut aquilas & vultures, aliquando in homines involasse incredibile non est, & si
Deus

Deus immittat, sane proclive. **CUM FURE.** Pagninus vertit, *cum veneno*. **TRAHENTIU** SUPER TERRAM, trahentium se: quod reptilia faciunt, serpentes scilicet.

V. 26. DIXI: UBINAM SUNT? Heb. *Exterminabo eos*. **LXX. Dispergam eos**, ut scilicet de eis quæri possit, Ubinam sunt? **CESARE FACIAM MEMORIAM:** delebo memoriam.

V. 27. SED PROPTER IRAM INIMICORUM DISTULI. Distuli propter inimicos iratos, & vindictæ cupidus, quibus si iustitiæ meæ ministris in hac ultione usus fuissim, eam non mihi, ut sequitur, sed sibi arrogarent, quasi suis viribus effecissent.

V. 28. GENS ABSQUE CONSILIO EST. Qui sibi victorias tribuunt, abique consilio, & prudentia sunt.

V. 29. UTINAM SAPERENT, &c. divinam in hoc manum agnoscentes. **AC NOVISSIMA PROVIDERENT:** quid scilicet ipsistandem propter superbiam hanc, aliaque scelera eventurum sit.

V. 30. QUOMODO PERSEQUATUR UNUS MILLE? &c. qui fieri hoc possit, nisi divina virtute, cui proinde victoria ascribenda est. **VENDIDIT EOS.** *Vendere* in Scriptura, non infrequenter significat tradere. **CONCLUSIT ILLOS,** in manibus scilicet inimicorum suorum.

V. 31. NON ENIM EST DEUS VESTER UT DII EORUM: qui scilicet peccata dissimulet, & non puniat. **ET INIMICI NOSTRI SUNT IUDICES;** quasi dicat: Cuius rei inimici nostri testes esse possunt, qui divinæ ultionis vim experti sunt ipsi, & quid peccantes Israelitæ passi sint, non ignorant.

V. 32. DE VINEA EORUM, ET DE SUBURBANIS GOMORRHÆ. Populus hic qui fuerat mihi vinea electa, tactus est vinea bodomorum, degenerans in vitia, & pessimus evadens. **UVA EORUM UVA FELLIS.** Fructus quos producunt, opera scilicet eorum fellea sunt, amara, pessima.

V. 33. FEL DRACONUM VINUM EORUM, ET VENENUM ASPIDUM INSANABILE. Non tantum sunt mala eorum opera, sed venenata, & præsentissimam affrenta perniciem, alios scilicet inficiendo, & ad impietates trahendo.

V. 34. NONNE HAEC CONDITA SUNT APUD ME, ET SIGNATA IN THESAURIS MEIS? Non propterea quod ultionem disfero, scelus populi oblitus sum: hæret memoria illorum, & tandem in vindictam erumpet.

V. 35. MEA EST ULTIO, ET EGO RETRIBUAM IN TEMPORE. Meum est, qui iustus sum, hæc ulcisci, quod faciam suo tempore. **UT LABATUR PES EORUM:** ut corruant, & pereant.

V. 36. IUDICABIT: ulciscetur, & punit. **ET IN SERVIS SUI MISEREBITUR.** Punit noxios; puros a scelere, & integros non eodem cum impiis excidio involvet. Vel quos punivit, prænitentia tandem ductos, iterum fovebit, quippe servos ac filios suos. **VIDEBIT QUOD INFIRMATA SIT MANUS:** videbit eos omnem plane potentiam defecisse ad resistendum, scilicet inimicis. **ET CLAUSI QUOQUE DEFECERUNT,** manibus, & arcibus inclusi. **RESIDUIQUE CONSUMPTI,** ad paucitatem redacti.

V. 37. ET DICET, per Prophetas suos: **UBI SUNT DII EORUM?** idola Gentilium, in quibus sperastis.

V. 38. DE QUORUM VICTIMIS COMEDEBANT ADIPES. Insultando hoc dicit: nam in vero, & ordinato Dei cultu omnis adeps victimarum a nemine comedi, sed soli Deo adoleri debebat; ut patet Levit. III. 17. **ET VINUM LIBAMINUM,** quod scilicet soli Deo libari, & effundi debebat.

Vers. 39. EGO OCCIDAM, ET EGO VIVERE FACIAM, quos scilicet voleo.

V. 40. LEVABO AD CAELUM MANUM MEAM; id est, iurabo. Hæc & sequentia usque ad vers. 43. videntur dirigi ad hostes populi Iudaici. **VIVO EGO IN AETERNUM;** id est, per vitam meam, quæ æterna est, iuro.

V. 41. SI ACUERO UT FULGUR GLADIUM MEUM. Cum paravero gladium ultionis meæ, ut sicut fulgur terreat, & citissime penetret. **ET ARRIPIUIT IUDICIUM MANUS MEÆ;** id est, cœpero exercere iudicium, & ultionem.

V. 42. INEBRIABO SAGITTAS MEAS SANGUINE: omnino sanguine imbuam.

DE CRUORE OCCISORUM, ET DE CAPTIVITATE, NUDATI INIMICORUM CAPITIS, puniam gentes propter fufum cruore occiforum Ifraelitarum, & propter eandem Ifraelitas in captivitatem abduftos, & propter nudata capita ratione in morem mancipiorum, eorundem Ifraelitarum gentibus inimicorum.

V. 43. LAUDE GENTES POPULUM EUS; quafi dicat: O gentes, dum hæc intelligitis, laudate populum Domini, eo quod tam propitium & iuftum habeat Dominum. SANGUINEM SERVORUM TUORUM, &c. Siquidem & boni cum malis in communi plaga affligebantur, & cædebantur. Vel per fervos, intelligit refpicientes, quos tamen inimici vexare pergebant.

V. 44. IPSE ET IOSEPH: ita ut in canendo adiutorem haberet Moïfes Iofuam, iam in imperio collegam, & fuccefforem; idque eo fine ut Iofue condiceret officii fui effe, populum ab omni idololatria avertere.

V. 46. PONITE CORDA VESTRA: animum advertite. QUAE EGO TESTIFICOR: ferio prædico, adhibitis teftibus cælo, & terra.

V. 47. UT SINGULI IN EIS VIVERENT: per eorum observationem felicitate viverent.

V. 49. ABARIM, IDEST TRANSITUM. Vox *transituum* a D. Hieronymo addita eft, ut explicaret quid significaret *abarim*. IN MONTENEBBO. Nebo erat iugum vel cacumen montis Abarim.

V. 50. IUNCERIS POPULIS TUIS: morieris, congregaberis ad populum tuum, ut alibi loquitur Scriptura.

V. 51. QUIA PRAEVARICATI ESTIS, &c. Vide Num. cap. xx.

V. 52. E CONTRA, e regione.

T I R I N I.

Verf. 8. QUANDO DIVIDEBAT ALTISSIMUS GENTES, in Babylonica linguarum confufione; QUANDO per varias orbis regiones, diverfas filiorum Adæ familias iuxta linguarum varietatem ab invicem, SEPARABAT, iam tum, etfi Ifraeliticus populus necdum exifteret, de eo Deus cogitabat, & commodam ei habitationem præparabat, cer-

tosque TERMINOS & terræ fines, qui a Chanaanis populis habitari cœperunt, CONSTITUIT destinavitque, IUXTA NUMERUM FILIORUM ISRAEL; hoc eft, tot & tantos, quot & quanti neceffarii eſſent ad omnes Ifraelitas excipiendoſ, cum eo habitatum veniſſent. Ita ſere Oleaſter. Et cauſam tam citæ, tam ſingularis providentiæ mox ſubneſcit, quia ex tunc erat Ifrael a Deo deſectus ac ſignatus in partem ſeu funiculum Dei, id eſt in portionem ejus hereditariam: quæ quia funibus dividi ſolebat, *funiculus* ſeu funis ſæpe vocatur in Scripturis a. Senſus ergo eſt, Ifrael e tot populis unicam a Deo elatum iam inde ab initio fuiſſe, qui eſſet quaſi proprium Dei peculium, regnum, & hereditas: ut ceteri populi præ Ifraelitico videri poſſint quaſi a Deo relictæ, & idololatriæ ac talis diis tamquam domini permiſſi.

V. 13. MEL DE PETRA, OLEUMQUE DE SAXO. Indicat, montes Palæſtinæ tam fertiles eſſe, ut apes etiam in petris ipſonte mellificent, & olivæ inter taxa mire fructificent; adeoque nulla terræ pars fertilitate careat, quandoquidem quæ loca alibi ſere ſunt infecunda, ibi extrema fecunditate præſent.

V. 14. CUM ADIPE AGNORUM. Adipem ſeparatim comedere numquam poterant Iudæi, lege b id vetante. Sed hic nomine adipis, ut & alibi paſſim, intelligitur quidquid in quaque re eſt pinguiſſimum, & optimum. Ergo adeps agnorum, idem eſt atque agni pinguiſſimi, optimi. ET ARIETUM FILIORUM BASAN, hoc eſt arietum electiſſimorum, præſtantiſſimorum. Nam in Baſan regione tranſlorjanem, quæ olim Og regis Baſan fuerat, & poſtmodum ceſſit dimidiæ tribui Manſſæ, erant uberrima & pinguiſſima paſcuæ; ut proinde qui ibi paſcebantur greges & armenta, ceteris pinguioreſ eſſent. Hinc *taurus-c*, *vacca d*, *aries Baſan*, uti paſſim eſt in Hebræo, Latini & LXX. vertunt ſere ſemper, *Pinguet* tauros, vaccas, arietes.

V. 20. ARSCONDAM FACIEM MEAM AB EIS, ſcilicet in bonum; hoc eſt; deſinam miſereri & benefacere illis, ſed non abicondam in malum eorum: quia CONSIDERABO NOVISSIMA EORUM, non pure ſpeculativa conſideratione, ſed

etiam.

etiam practica, disquirendo mecum, quoniam supplicii & calamitatis genere eos perdam; quasi dicat: Calamitosissimos exitus eis immittam, & eorum interitu contemplan- do me pascam.

V. 21. PROVOCABO EOS AD IRAM & indignationem IN EO QUI NON EST POPULUS MEUS. Id est, Iudæos indignari & invidia tabescere faciam super Gentilium populo, qui nunc non est meus populus, immo est populus stultus & fatuus ob cultum idolorum; sed quem ego, reiectis Iudæis, in populum meum assumam, & faciam longe doctiorem ac sapientiores quam unquam Iudæi fuerint. Ita exponit hunc locum S. Paulus ad Rom. x. ver. 19.

Verf. 24. TRAHENTIUM SE SUPER TERRAM. Periphrasis est serpentium, ut sequitur.

Verf. 28. GENS ABSQUE CONSILIO EST, ET SINE PRUDENTIA. Spectant hæc ad hostes Israelis, quibus Deus usurus esset ad puniendum Israel; quasi dicat: Stulte sibi arrogat eiusmodi ultionem de Israelitis sumptam, quasi suis viribus, & non meo iussu ac permisso. Quam vero stulte id sibi arroget, vel ex ipso successu ac fine colligant licet; quoniam naturaliter fieri posset, ut unus ex hostibus mille Iudæos persequeretur ac superaret, & duodecim millia fugarent? Quod si suis id viribus factum arbitrentur, verbi gratia Assyrii, & Chaldæi, cur sese iidem adversus suos quoque hostes tutati non sunt? Nam & Assyrii mox a Chaldæis, & Chaldæi a Persis pari facilitate devicti, fugati & absorpti sunt.

V. 32. DE VINEA SODOMORUM, &c. Hic redit ad Israelitas, causamque reddit cur iussu Dei sint tam graviter puniendi: quia nempe vinea, *vva*, & vinum omne, hoc est omnis illorum vita, omnia studia, & actiones, quibus Deum oblectare debent, & homines, iam execrationi sunt omnibus & horri, quia sunt similes Sodomitarum, ac Gomorrhæorum vitæ, studiis & actionibus, hoc est turpissimæ & sœdissimæ.

V. 34. NONNE HÆC CONDITA SUNT APUD ME? quasi dicat: Ne idcirco, quia ultionem differo, existimate me scelus vestrorum oblitum esse. Sunt enim omnia in mente mea recondita, & quasi sigillo signata IN THESAURIS

MEIS, seu in gazophylaciis divinæ providentiæ & iustitiæ meæ: unde cum prænitum vindictæ tempus adfuerit, oportune depromam.

V. 36. & 37. ET IN SERVIS SUIB MISEREBITUR. Hoc est, ita puniet noxios, ut tamen innoxiorum rationem sit habiturus, & aliorum quoque, si respicere & poenitere voluerint; alioqui, si pergant esse noxii, perget & ipse punire, nec commiseratione vel tantilla movebitur, quin potius, quando VIDEBIT QUOD INFIRMATA SIT MANUS, seu quod penitus afflicti sint & prostrati, & viribus ad resistendum destituti: ET CLAVIS QUOQUE DEFECERUNT; hoc est, quod etiam milites & nobiles, qui se urbium & arcium muris turabantur, perierint: & his percuntibus, RESIDUI quoque de imbelli populo (quos hi ante protexerant) CONSUMPTI sint; insultabit tum rebellibus & idololatriis Deus; ET DICET: UBI IAM SUNT DII vestri? adfint nunc vobis si possint. Pro miserabitur LXX. verterunt *consolabitur*: & ita citatur hic versiculus II. Mach. vii. verf. 6. id est, subsidio, & solatio ipsis erit. Vel si malis passive accipi, *consolabitur*, idem erit quod *recreabitur*, nempe beneficentia servis suis exhibenda, ex hostibus vero vindicta fumenda. Sequitur.

V. 42. ET GLADIUS MEUS, seu vindicta mea, DEVORABIT CARNES, hoc est evertet, absorbet omnes: neque tamen uno omnes modo, sed partim DE CRUORE OCCISORUM, hoc est cruenta occisione, confossione, iugulatione: partim DE CAPTIVITATE, id est abductione in captivitatem, exilium, carcerem; partim NUDATI INIMICORUM CAPITIS, hoc est denudatione & decalvatione capitis hostilis. Solebant enim olim victores victis domini mancipiis, capita in ludibrium decalvare; unde illud de Scipionibus dictum: *Sub quorum titulis Africa tonsa iacet*. Et Prophetæ & toties minantur Israelitis calvitium, tamquam extremum ludibrium.

V. 50. IUNGERIS POPULIS TUIS; hoc est, morieris: quia morientes aggregantur aliis qui prioribus temporibus epopulo vixerunt. De montibus Abarim & Nebo, ubi mortuus est Moyses, vide Numer. xxvii. 12. De prævaricatione ve-

ro & peccato, ob quod exclusus est a terra sancta, vide Numer. xx. 12.

- (4) Phil. xv. 77. &c.
 (5) Levit. xii. 27. & vii. vers. 23.
 (6) Phil. xxi. vers. 13.
 (7) Amos iv. vers. 1.
 (8) Michæe i. vers. ult. Isaias, Ierem. &c.

GORDONI.

Vers. 2. **C**ONCRESCAT UT PLUVIA DOCTRINA MEA, &c. Exordium hunc habet sensum: Quando hic de Dei magnitudine, perfectione, & operibus sermo futurus est, opus ut loquium hoc concrefcens gravitate sententiarum, suat suaviter ut pluvia, & cum fructu audientium. Sumit autem initium Cantici a vers. 3. & 4. DATE MAGNIFICENTIAM DEO, qui perfectus in omnibus est.

V. 5. & 6. Populi peccata & ingratitudinem componit cum Dei beneficiis, qui populum velut hereditatem, voluit amanter possidere: & hinc initio revocat in mentem vers. 7. & subinde, antiquiora Dei magnalia. DICENT, inquit, TIBI: nar- rabunt Dei opera.

V. 8. QUANDO DIVIDEBAT ALTISSIMUS GENTES in regiones: QUANDO SEPARABAT FILIOS ADAM: Chald. *hominum*: & consuebat, quantum sufficeret filiis Israel.

V. 9. FUNICULUS: pars vel portio. Fune dividebatur hereditas.

V. 10. CUSTODIVIT QUASI PUPILLAM: post exitum de Aegypto. *Tupilla*, *nope*, *puella*, sic dicta ab imagine quæ apparet in oculo. Hebr. *יָוֶן יָוֶן*.

V. 13. UT SUGERET MEL DE PETRA. Ponitur sæpe deinceps præteritum pro futuro, prophetice. Terra vero promissa tam fertilis erat, ut apes in petris mellificarent, & inter saxa fructificarent oleæ.

V. 14. Pergit narrando Dei beneficia: & hic quidem de terræ fertilitate, ut Exodus. 111. vers. 8. *Excelsa petra*, fortitudinem, & fertilitatem designat. Per *filios Bafan*, arietes pingues notat in pascuis Bafan, trans Iordanem, antea Og Regis, & cessit dimidiæ tribui Manasse; sicut *medulla tritici*, pro optimo tritico, ut me-

dulla rei præstat ceteris partibus. *Sanguis uræ*, est periphrasis vini.

V. 15. Iam de ingratitudine; proinde ob- tenditur illis ira Dei, & poenarum acerbitas sub varia metaphora sermonis. RECALCITRAVIT, ut pingue iumentum.

V. 17. NOVI, scilicet dii de propinquo loco, nuper inventi, falsi.

V. 22. INFERNI NOVISSIMA. Chald. *infernum infernorum*. Hebr. *infernum novissimum*: sic & Sept. Locus est damnatorum.

V. 24. AVES MORSU AMARISSIMO, &c. Aliqui hic intelligunt, quidquid volando nocet acerbè, ut basiliscus, fulgetra, & aves rapaces. Nec deerit venenum serpentium.

V. 26. UBINAM SUNT? Chald. *Consummabo*, Sept. *Dispergam*.

V. 28. GENS ABSQUE CONSILIO EST, &c. Epiphonema est in Iudæos, post mentionem beneficiorum, & poenarum. Nec recte illi, ut puto, qui hoc referunt ad Gentes, quasi abrupto sermone, & sine nexu ullo. Huc spectat interrogatio illa exaggerans, vers. 30. quasi diceret, tam absque consilio, ut ne quidem recordarentur rerum insolitarum, quando unus fugavit mille, hoc est multos.

V. 32. Causam dat cur puniantur; nempe ob scelera. Et hæc ipsa allegorice recenset sub metaphoris vineæ, & vini impiissimorum hominum, quorum mores ludæi imitantur, & actiones habent similes. Et hæc, inquit, omnia (vers. 34.) condita sunt in thesauro apud me, ut memor sim in die ultionis.

V. 36. IUDICABIT DOMINUS POPULUM SUUM, &c. Fiet ergo ut exigente iustitia, insignatur poena; tamen etiam ex parte aliqua miserebitur tandem Deus servorum suorum, seu eorum qui inter malos convertentur ad penitentiam. Hos vocat servos.

V. 40. LEVABO AD CAELUM MANUM MEAM, &c. Hactenus de Iudæis: nunc de hostibus Iudæorum poenitentium quid sit acturus, docet: quod magis explicat, & concludit vers. 43. *Levare manum ad celum*, est iurandi formula.

V. 42. DE CAPTIVITATE, id est de captivis: dum sumuntur de hostibus capitis poenæ, qui solent nudo capite duci.

V. 49. ABARIM (ID EST TRANSITIVUM.) In Hebræo non est hæc parenthe-

sis: explicatio est vocis *Abarim*, addita ab interprete. עברין *bbabarim*, radix עבר, *transiit*. Hac transibant homines ex Moab in Chanaan. Et Moses ex hac vita in Lymbum. De verbo *Morere*, vide III. Reg. xxi. De montibus Nebo, & Abarim, vide Num. xxvii. vers. 12.

BOSSUET.

Vers. 1. AUDITE CAELI AUDIAT TERRA: sic enim prædixerat: *Invocabo contra eos celum, & terram*, Deut. xxxi. 28. quod & Moyses, & alii Prophetæ sæpe faciunt; ut populi rebellantis pectus, rebus quoque inanibus durius emolliant; tum ut universa rerum natura in impios & contumaces insurrectura esse videatur.

V. 2. CONCRESCAT UT PLUVIA... FLUAT UT ROS, &c. tanto impetu, tanta suavitate, & copia.

V. 5. ET NON FILII EIUS, &c. peccavit ei, non filii eius, macula eorum. Hebr. *Moumam*: paternæ bonitatis obliiti; a patre deserti; nec iam filii, sed inimici: quo eis dedecoris sempiterni nota inuritur.

V. 6. NUMQUID NON IPSE EST PATER TUUS, QUI POSSEDIT TE? genuit: quo sensu Heva dixit, edito partu: *Possedi hominem per Deum*, Gen. iv. 1. ET FECIT ET CREAVIT TE. Commemorare incipit, quot nominibus parens: ac primum creatione, hic; tum electione & adoptione singulari præ ceteris gentibus; amore, bonitate, cura, assignata hereditate: quod exequitur vers. 7. 8. 9. & seqq.

V. 8. QUANDO DIVIDEBAT QUANDO SEPARABAT FILIOS ADAM. Iam inde ab initio, cum filiis Adam, & Noe, eorumque nepotibus terram distribueret, in animo habebat filios Israel electi sui: itaque CONSTITUIT TERMINOS POPULORUM, Chananæorum, IUXTA NUMERUM FILIORUM ISRAEL: septem illos populos Chananæos donavit regione idonea ad capiendum alendumque populum suum, in eam regionem divina pollicitatione transferendum.

V. 10. CIRCUMDUXIT EUM: non statim, ac directâ via in terram promissam duxit. ET DOCUIT: in deserto circumactum per viarum ambages, quo eum ut

Bib. Sac. Tom. III.

puerum indisciplinatum, per quadraginta annos & monitis, & castigationibus erudiret. ET CUSTODIVIT QUASI PUPILLAM, &c. matris instar sedulæ, quæ cum nec virgis parcat, tamen puerum & sinu fovet, & oculis cariorem habet, nec unquam a pectore, visusque dimittit.

V. 12. DOMINUS SOLUS, &c. recte inculcatum, ne ad alios deos mens cæca defluat.

V. 14. ET ARIETUM FILIORUM BASAN: quorum erant uberes campi & pinguis pascua: mons Basan, mons pinguis. Psal. lxxvii. 16. 17.

V. 15. INCRASSATUS EST DILECTUS: alii, *rectus*. Populus Israel summa cura ad veri rectæque studium institutus, commemoratis hæcenus beneficiis, iam ad flagitia transit.

V. 19. ET AD IRACUNDIAM CONSTITUTUS EST. Et reprobat præ indignatione filios suos & filias: Hebr. Post beneficia & flagitia immemor populi, ad Dei minas ultionemque transgreditur.

V. 20. ABSCONDAM FACIEM MEAM, &c. Iterat Domini dicta ita comminantis: *Abscondam & celabo faciem meam ab eo...* in die illo: Deut. xxxi. 17. 18.

V. 21. IPSI IRRITAVERUNT IN VANITATIBUS SUIS, in idolis, in falsis diis: ET EGO PROVOCABO EOS IN EO QUI NON EST POPULUS: erigam enim super eos gentes, quæ non sunt populus meus: ET IN GENTE STULTA, quæ Deum ignorat; sensusque est: Quemadmodum illi, mihi Deo vero, falsos deos; ita ego illis in verum populum electis, populos alienos, neque a me adoptatos anteponom: quod recte traducit Paulus ad vocationem gentium, Rom. x. 19. PROVOCABO... IRRITABO... ad emulationem vos adducam: ut recte LXX. vertunt, ac Paulus. En Dei bonitas: gentes enim inimicas suorum humeris victricibus imponit; ut si non voluntate, certe emulatione ac pudore victi, ad Deum redeant: quod imitatus Apostolus ostentat Iudeis effusus in Gentes divinæ misericordiæ divitias: Si quo modo, inquit, ad amulandum provocem carnem meam (Iudeos cognatos meos) & salvos faciam aliquos ex ipsis: Rom. xi. 14.

V. 24. CUM FURORE TRAHENTUM SUPER TERRAM, ATQUE SERPENTIVM: cum veneno serpentium terræ: Heb.

Bbbb

V. 25

V. 25. FORIS. GLADIUS, ET INTUS PAVOR: nullum ab armis; nullum ab animi virtute præsidium. *Intus pavor*, etiam abstante gladio: *fugietis enim nemine persequente*, Levit. xxvi. 17. Terrebit eos sonitus folii volantis, & ita fugient quasi gladium: cadent nullo persequente: *Et corruent singuli super fratres suos, quasi bella fugientes*: ibid. 37. IUVENEM SIMUL AC VIRGINEM, &c. sortes æque acimbelles: omnes exanimati metu, iamque in corde visiti, antequam manus consenserant: quo nihil est miserabilius aut abiecius.

V. 26. DIXI: UBINAM SUNT? quasi non videret, & adhuc quæreret, ad supplicium: ut dato, dum minatur, poenitendi spatio, resipiscant: unde sequitur:

V. 27. SED PROPTER IRAM INIMICORUM DISTULI: ne ferociant hostes facili victoria. Vide autem ut ultro quærat ignoscendi causas. *Distuli* autem; non omnino sustuli gladium ab Israelitis, ne veluti certa iam venia insolescant.

V. 30. ET DOMINUS CONCLUSIT ILLOS, in angustias, in insidias, in carceres.

V. 31. ET INIMICI NOSTRI SUNT IUDICES, Dei vindictam, ac deorum suorum vanitatem experti toties.

V. 32. DE VINEA SODOMORUM, &c. magna spe, nullo fructu: igne consumente omnem circumquaque regionem, & cuncta terre virentia: Gen. xix. 25. spemque omnem vindemiæ. DE SUBURBANIS, de vicinia, GOMORRHÆ, solo arido & exusto exsuccas inanesque fruges proferente. VINEA EORUM, Israelitarum rebellium.

V. 34. NONNE HÆC, flagella supra memorata, CONDITA SUNT APUD ME? penes me sunt: tamquam in penu mea sunt, unde promam.

V. 35. EGO RETRIBUAM IN TEMPORE. Non statim, ut dem locum poenitentiae; sed velut victa, & exhausta patientia: UT LABATUR PES EORUM: ita retribuam ut labatur pes eorum, neque ullo loco possint consistere. *Ego retribuam.... labetur*

pes eorum: Hebr. statim atque aggrediat, nulla mora in exitum ruent.

V. 36. IUDICABIT DOMINUS POPULUM SUUM, summa beniginitate, ut insectat ad poenitentiam: unde subdit: ET IN SERVIS SUIS MISEREBITUR: quæ ultima pars erat Cantici: ut scilicet, commemoratis beneficiis, flagitiis, suppliciis, in consolationem ac misericordiam, uti solet, prophetica oratio desineret: quanta autem misericordia! VIDERIT enim: nihil opus admoneri aut excitari eum: ipse ultro respiciet miseros. VIDERIT QUOD INFIRMATA SIT MANUS. Cum videbit quod aberit manus: Hebr. seu vires ceciderint. ET CLAUSI QUOQUE DEFECERUNT: capti bello, & ex bello relictis deficient in carcere; neque ulla spes gentis.


V. 41. REDDAM ULTIONEM: castigato misericorditer populo, hostes eorum ad internecionem insectatur: quod est divinæ beneficentiæ in suos miraculum vel maximum: HOSTIBUS MEIS: non populi, sed *meis* inquit, ad benevolentiae testificationem.

V. 42. DE CRUORE OCCISORUM; supple, inebriabo sagittas. ET DE CAPTIVITATE: siquidem nec captivis parceret. NUDATI.... CAPITIS, in captivitate, ad ignominiam.

V. 43. SANGUINEM SERVORUM SUORUM ULCISCETUR. Vide autem unde incipiat, quo assurgat, ut denique desinat divini Vatis oratio. Nempe, ut prædiximus, a beneficiis ad flagitia, atque inde ad supplicia conversus: postquam eodevenit, ut ira velut in immensum exaggerata nullam spem veniæ reliquisset videretur; ex improvviso offendit, misericordiæ ac veniæ non posse oblivisci Deum: quin potius inter ipsa supplicia miserescentem inducit ac veluti poenitentem, idque ultro & sola visa miserrimæ plebis calamitate incitatum: quo statim non modo repressa ira, verum etiam in hostes versa sit: qua beneficentia cum nihil maius cogitari possit, in ea quoque desini oportebat.

C A P U T XXXIII.

Benedicit Moyses moriturus duodecim tribubus Israel.

1.  AEC est benedictio, qua benedixit Moyses, homo Dei, filiis Israel ante mortem suam.

2. Et ait: Dominus de Sinai venit, & de Seir ortus est nobis: apparuit de monte Pharan, & cum eo sanctorum millia. In dextera eius ignea lex.

3. Dilexit populos, (a) omnes sancti in manu illius sunt: & qui appropinquant pedibus eius, accipient de doctrina

illius.

4. Legem praecepit nobis Moyses, hereditatem multitudinis Iacob.

5. Erit apud rectissimum rex, congregatis principibus populi cum tribubus Israel.

6. Vivat Ruben, & non moriatur, & sit parvus in numero.

7. Haec est Iudae benedictio: Audi Domine vocem Iudae, & ad populum suum introduc eum: manus eius pugnabunt pro eo, & adiutor illius contra adversarios eius erit.

8. Levi quoque ait: Perfectio tua, & doctrina tua viro sancto tuo, quem probasti in tentatione, & iudicasti ad Aquas contradictionis. 9. Qui dixit patri suo, & matri suae: Nescio vos; & fratribus suis, Ignoro vos: & nescierunt filios suos. Hic custodierunt eloquium tuum, & pactum tuum servaverunt. 10. Iudicia tua o Iacob, & legem tuam o Israel: ponent thymiana in furore tuo, & holocaustum super altare tuum.

11. Benedic Domine fortitudini eius, & opera manuum illius suscipe. Percute dorsa inimicorum eius: & qui oderunt eum, non confurgent.

12. Et Benjamin ait: Amantissimus Domini habitabit confidenter in eo: quasi in thalamo tota die morabitur, & inter humeros illius requiescet.

13. Ioseph quoque ait: De benedictione Domini terra eius, de pomis caeli, & rore, atque abyssi subiacente. 14. De pomis fructuum solis ac lunae: 15. de vertice antiquorum montium, de pomis collium aeternorum: 16. & de frugibus terrae, & de plenitudine eius. Benedictio illius (b) qui apparuit in rubo, veniat super caput Ioseph, & super verticem nazaraei inter fratres suos. 17. Quasi primogeniti tauri pulchritudo eius, cornua rhinocerotis cornua illius: in ipsis ventilabit Gentes usque ad terminos terrae. Haec sunt multitudines Ephraim: & haec millia Manasse.

18. Et Zabulon ait: Laetare Zabulon in exitu tuo, & Issachar in tabernaculis tuis. 19. Populos vocabunt ad montem: ibi immolabunt victimas iustitiae. Qui inundationem maris quasi lac sugent, & thesauros absconditos arenarum.

20. Et Gad ait: Benedictus in latitudine Gad: quasi leo requievit, cepitque brachium & verticem. 21. Et vidit principatum suum, quod in parte sua doctor esset repositus: qui fuit cum principibus populi, & fecit iustitias Domini, & iudicium suum cum Israel.

22. Dan quoque ait: Dan catulus leonis, fuet largiter de Bafan.

23. Et Nephthali dixit: Nephthali abundantia perfuerur, & plenus erit benedictionibus Domini: mare & meridiem poffidebit.

24. Afer quoque ait: Benedictus in filiis Afer, fit placens fratribus fuis, & tingat in oleo pedem fuum. 24. Ferrum & æs calceamentum eius. Sicut dies iuventutis tuæ, ita & fenectus tua. 26. * Non eft Deus alius ut Deus reftiffimi: afcenfor cæli auxiliator tuus. Magnificencia eius difcurrent nubes, 27. habitaculum eius furfum, & fubter brachia fempiterna: eiiciet a facie tua inimicum, & dicetque: Conterere.

28. Habitabit Ifrael confidenter, & folus, Oculus Iacob in terra frumenti & vini, cælique caligabunt rore.

29. Beatus es tu Ifrael: quis fimilis tui popule, qui falvaris in Domino? fecutum auxilii tui, & gladius gloriæ tuæ: negabunt te inimici tui, & tu eorum colla calcabis.

(*) Sap. xii. 1. (b) Exod. xii. 2.

B R U G E N S I S

ROMANÆ CORRECTIONES.

V. 9. *Et fratribus fuis: Ignoro vos. Non mutet fecundæ perfonæ pronomen vos cum tertiz illos.*

V. 26. *Non eft Deus alius ut Deus reftiffi-*

fimi. Quidam tollunt prius Deus, alii vertunt fecundum cafum reftiffimi in primū reftiffimus: utrumque primæ lectioni non abfque caufa pofitulerunt Correftores Romani.

V. 27. *Dicetque: Conterere. Nec hic fine caufa prætulere paffivum activo Contere.*

C O M M E N T A R I A

S A.

Perf. 1. **H**OMO DEI, id eft fervus Dei, vel Propheta.

V. 2. **DE**, pro in. **VENIT**, fcilicet cum legem dedit. **DE**, pro in. **SBI** est in finibus Idumæorum. Vide Num. xxi. **NOBIS**. Hebr. *eis*. **PHARAN**. Vide Num. xi. **SANCTORUM**, fcilicet Angelorum, ut explicant LXX. **MILLIA**. Hebr. *decem millia*, id eft plurimi. **IGNEA**, id eft cum igne data, vel quia præcipue caritatem docet.

V. 3. **PEDIBUS**, fcilicet fupplices.

V. 4. **HEREDITATEM**; pro, velut hereditatem ad pofteros tranfituram.

V. 5. **APUD RECTISSIMUM**, fcilicet Deum; quafi dicat: Fuit Moyses loco Dei, populi princeps. Chald. *in Ifrael*; quafi dicat, Ifraelis Rex, id eft princeps, & dux.

V. 6. **VIVAT RUBEN**, &c. Chald. *Vivat Ruben in vita æterna, & non moria-*

tur morte fecunda, & accipiant filii eius hereditatem fuam iuxta numerum eorum. ET SIT; pro, & non fit: repetitur enim negatio præcedens more Scripturæ; quafi dicat: Sit eius pofteritas innumerabilis. LXX. *Et Simeon fit multus in numero.*

V. 7. **VOCES**, id eft deprecationem. **AD POPULUM**, id eft fimul cum populo, fcilicet ad terram promiffionis; vel ad populum reduc ipfum ex bello redeuntem, ut interpretatur Chald. *Eo*, fcilicet Iuda, vel populo. **ERIT**. Hebr. Chald. & LXX. *eris*, fcilicet o Deus.

V. 8. **PERFECTIO**, &c. quafi dicat: Tu Domine dedifti Aaroni veftem in qua Urim & Thummim, fcilicet facerdotalem dignitatem: eft enim hic Hebr. pro *perfectio & doctrina*, *Thummim & Urim*. **VIRRO**, fcilicet Aaroni. **IUDICASTI**. Chald. *probaffi*.

V. 9. **QUI DIXIT PATRI**, &c. quafi dicat: Propter te reliquit omnes cognatos, vel pro nullo cognato pervertit iudicium.

V. 10.

V. 10. IUDICIA TUA, &c. Hebr. Chald. & LXX. *Docerunt iudicia tua Iacob, & legem tuam Israel.* Quamquam potest eodem sensu accipi, quasi dicat: Te, o Iacob, docerunt iudicia, &c. IN FURORE TUO, id est ad te placandum. Loquitur de Moyse, & Aaron, & præterita pro futuris. Hebr. *in viribus tuis.* Chald. & LXX. *coram te.* Nota, quod omittitur Simeon, forte quia cum Levi intelligitur, nam cum eo simul a Iacob benedictus; quamquam LXX. Simeonis etiam meminerunt. Vide sup.

V. 12. CONFIDENTER, id est secure, seu in pace. IN EO, id est apud Dominum, vel in Benjamin Dominus, id est in templo quod in forte Benjamin: QUASI IN THALAMO. Heb. Chald. & LXX. *protegente se:* scilicet Deo. INTER HUMEROS, id est in medio, scilicet in medio tribus Benjamin templum ædificatum.

V. 13. TERRA: scilicet secundata. POMIS CÆLI, id est fructibus cæli virtute provenientibus. ABYSSO, id est aquis.

V. 14. SOLIS, AC LUNÆ. Luna frigus humectat, sol coquit.

V. 15. AÆTERNORUM, id est a mundi, adeoque temporis universi principio.

V. 16. NAZARÆI, id est separati: fuit enim solus in Aegypto diu. Chald. *dedicati,* scilicet Deo: LXX. *glorificati.*

V. 17. CORNUA ILLIUS. Cornu pro robore; quasi dicat, fortis ut rhinoceros.

V. 18. EXITU, scilicet in bellum; quasi dicat: Victor eris.

V. 19. POPULOS, id est alias tribus. VOCABUNT, scilicet aliarum tribus; quasi dicat: Invitabunt, ut se comitentur. MONTEM: scilicet ubi templum. IUSTITIÆ, id est debitas secundum legem. INUNDATIONEM MARIS, id est opes per mare advectas. Hebr. *affluentiam maris.* LXX. *divitias maris.* ARENARUM, id est fodinarum. LXX. *habitantium prope mare.*

V. 20. IN LATITUDINE, id est amplitudine; quasi dicat, maxime. BRACHIUM ET VERTICEM, scilicet hostium; quasi dicat, fortes & principes.

V. 21. PARTE SUA, scilicet terra sibi data. DOCTOR, scilicet levita, qui legem doceret. Levitæ enim distributi per omnes tribus. Chald. *Quod in hereditate*

sua Moyses scriba magnus & princeps sepultus esset. IUSTITIAS, id est præcepta, scilicet de comitando reliquis tribus in terram promissam. Quod si de Moyse intelligatur, iustitias quidem, id est mandata Dei fecit. IUDICIUM, id est quod æquum erat.

V. 22. CATULUS; pro, ut catulus: FLUIT LARGITER, id est, fortiter progreditur. Hebr. & LXX. *salabit.* Chald. *Terra eius irrigatur torrentibus fluentibus ex Basan.* DE BASAN; id est, ut solent leones ex Basan.

V. 23. MARE, id est occidentem.

V. 24. SIT PLACENS; pro, erit placens, id est gratus. TINGAT pro tinget; quasi dicat: Tanto abundabit oleo, ut possit eo pedes lavare.

V. 25. CALCEAMENTUM; quasi dicat: Calcabit terram, ubi metalla ferri & æris. SENECTUS: scilicet felix; quasi dicat: Dum vives, felix eris, seu fortis.

V. 26. RECTISSIMI, id est Israelis, scilicet populi Israelitici. Chald. *Israel.* LXX. *discessi.* ASCENSOR, id est habitator, seu sedens.

V. 27. BRACHIA, id est vires. SEM-
PITERNA, id est insatiabilis.

V. 28. SOLUS, id est non admixtus aliis gentibus. OCVLUS, id est fons; quasi dicat: Qui a Iacob ut fonte originem ducunt. LXX. *fons.* Chald. *iuxta benedictionem, qua benedixit eis Iacob.* CALIGABUNT; quasi dicat, copia roris, velut caligine obducentur.

V. 29. IN DOMINO, id est Domini virtute. SCUTUM, scilicet est Dominus. NEGABUNT TE, scilicet detrectantes tuum imperium. Hebr. & Chald. *mentientur tibi.*

E S T I I.

Verf. 1. HÆC EST BENEDICTIO: QUAE BENEDIXIT MOYSES... FILIIS ISRAEL ANTE MORTEM SUAM. Mirum videri potest quare Moyses solam tribum Simeon miserit, nullam ei attribuens benedictionem. Respondent quidam, Simeonem comprehendi simul cum benedictione Levi, sicut & Iacob in suis benedictionibus eos coniunxit. Sed frivolum id est: nam quæ hic dicuntur, manifestum est ad solam tribum Levi pertinere. Alii volunt Simeonem omis-

sam.

sum, quod ille auctor fuerit Iosephi vendendi. Verum & Levi in eodem crimine fuit. Proinde alia ratio quaerenda est. Et sunt hae duae. Nempe una, quia princeps tribus Simeon nomine Zambri fornicatus est manifeste cum Madianitide, quando in totum populum ira defœvit, quem una cum sorto Phinees ex tribu Levi interfecit. Altera, eaque præcipua, quia per idololatriam, & murmurationem nulla tribus gravius deliquisse videtur. Cuius rei hoc est argumentum, quia in prima numeratione erant quinquaginta novem millia trecenti; in postrema vero, post annos quadraginta, tantum viginti duo millia.

V. 2. DOMINUS DE SINAI VENIT... ET CUM EO SANCTORUM MILLIA. Hebr. est: *Et venit cum decem millibus sanctitatis*, id est sanctorum. Hos Septuag. Angelos interpretati sunt. Nec male. Alii enim quoque lex data dicitur per Angelos, ut Act. vii. ad Galat. iii. Hebr. ii. nempe quia unus primarius Angelus (quem fuisse puto Michaëlem principem populi Dei, ut vocatur Dan. ix.) representabat in legislatione. Dei personam; ceteri autem Angeli illi adfitebant. Vide Nostra Hebr. ii.

V. 6. Septuaginta legunt: *Vivat Ruben, & non moriatur, & Simeon sit multus in numero*. Sed nomen Simeonis hic ab aliquo scipio. insertum est, ut patet ex Hebr. Chald. & Latinis.

MARIANAE.

Perf. 2. **D**OMINUS DE SINAI; pro gloria Domini de Sina revelata est, & venit ad Israel: sic Hebræus. ET CUM EO SANCTORUM MILLIA; supple. sunt. Hebr. *Et venit a decem millibus sanctitatis*, pro sanctorum: certe a cælo, ubi Angelis stipatur. IGNEA LEX. Legem igneam vocat, quod splenderent tabulae, ut & Moysis facies; aut quod igne micante lata esset: sic Chald. & R. Selomo.

V. 3. OMNES SANCTI IN MANU ILLIUS SUNT: scilicet ut eos protegat. ET QUI APPROPINQUAT PEDIBUS EIUS; id est, qui sunt coniuncti: instar discipulorum qui ad pedes magistri sunt.

V. 5. ERIT APUD RECTISSIMUM REX. Hebr. *Et erit in rectitudine* (pro,

recto) Rex. Per *rectum* intelligit Israel, ut Chald. *Itaque & erit in Israel Rex*: hoc contrigit in Saule.

V. 6. ET SIT PARVUS IN NUMERO. scilicet Ruben. Alludit ad Iacob maledictionem, qua dixit filio Ruben, *Non crescas*. Hebræus, tamen Aven Ezra negatione repetita, quod sæpe alias fit, intelligit; *Et non sis parvus in numero*. Et sane Numer. i. Rubenitæ ad quadraginta millia numerantur. Hebr. *Et sunt homines eius numerus*.

V. 7. ET AD POPULUM SUUM INTRODUCE SUM. Ad partem terræ illi, scilicet Iudæ, destinatam. MANUS EIUS, nimirum Dei.

V. 8. PERFECTIO TUA ET DOCTRINA TUA. *Tumminim & Urim*. Hebraice, quæ erant in Rationali, ait datas viro vere sancto & miti, nempe Aaroni, cum reliquo scilicet ornatu sacerdotali. ET IUDICASTI. Hebr. *Ligare fecisti eum ad aquas contradictionis*. Ea fuit eius noxa.

V. 9. QUI DIXIT PATRI SUO. Hoc accidit quando propter vitulum iussu Moysis sævierunt Levitæ in impios.

V. 10. IUDICIA TUA O IACOB. Hebr. *Docerunt iudicia tua Iacobum, & legem tuam Israellem*; supple. o Deus.

V. 11. FORTITUDINE EIUS. *Chail* multa significat, fortitudinem, substantiam, exercitum: & forte id significat hoc loco *benedic*. Multiplica eorum turmas venientes ad ministeria tua. PERCUTE DORSUM INIMICORUM EIUS, ET.... NON CONSURGANT. Hebr. *qui consurgunt*, scilicet qui oderunt. & consurgunt: nam *per min* sumit pro *per min aser*. Hactenus benedictio Levi; mox Benjamin.

V. 12. QUASI IN THALAMO. Hebr. *Teget super eo omnibus diebus*, scilicet Deus; sic Sept. ET INTER HUMEROS ILLIUS REQUIESCET. Hoc refertur ad templum, quod erat in parte Benjamin. Ergo vel Deus requiesceret inter humeros Benjamin: & vocat humeros, montes. Vel Benjamin requiesceret inter humeros Dei: & sic templum vocavit humeros, propter firmitatem, & sublimitatem.

V. 13. DE POMIS CAELI. Multis verbis significat fertilitatem terræ Ioseph, quæ fertilitas provenit a cælo, a rore, id est

est pluvis; ab abyſſo, id eſt aquis inferioribus, a ſole & luna. Provenitque in montibus, in collibus, in terra, id eſt planis. Hæc omnia Dei benediſtione indicat contineri; ſed pro pomis, Hebraice eſt *גבול Megbed*, quod *delicias* ſignificat. Ergo in his omnibus cæli deliciis erit Iſoſephi benediſtione. Quod dixit Iſaac Eſau in *pinguedine terre*, &c.

V. 16. ET SUPER VERTICEM NAZARÆI INTER FRATRES SUOS. *Nazaræi* alibi laudantur a pulchritudine: ſic Iſoſeph vocat *Nazaræum*, ſive propter has dotes vocat illi datæ; ſive quia dum viveret, erat pulcherrimus inter fratres. Sic ait benediſtione habitantis in rubo venturam *super verticem Nazaræi*, quod ante dixerat *super caput Iſoſeph*.

V. 17. HÆC SUNT MULTITUDINES EPHRAÏM. Hebr. *Et iſti decem milia Ephraim*, & *iſti milia Maſſe*. Alludit ad magnum numerum tribus Iſoſeph, qui Num. 1. ad ſeptuaginta milia aſcendit, quantum virorum nulla alia tribus numeravit: ſed numerus certus pro incerto ponitur hic.

V. 8. LÆTARE ZABULON IN EXITU TUO. Zabulon habitavit ad mare, ſic ad commercia egrediebatur. Id in *exitu* ſignificat. IſſACHAR IN TABERNACULIS TUIS, ſcilicet habitabit: non egredietur ad commercia. Quod Iacob dixit: *vidit requiem quod eſſet bona*.

V. 9. POPULOS VOCABUNT AD MONTES: ſcilicet ad templum, quod in monte erat, deducunt gentes, quæ ad eos confluent. INUNDATIONEM MARIS QUASI LAC SUGENT. Hebr. *Aſſuetiam marium ſugent*, propter commercia. ET THESAURUS AËSCONDITOS ARENARUM; nempe propter ſecturas metallorum, vel in eorum regione, vel in iis ad quas navibus ibant. Salomonis tempore navigationes Ophir, & Tharſis celeberrimæ fuerunt.

V. 20. CEPITQUE BRACHIUM. Hebr. *Rapuit brachium* & *caput*. Indicat fore in tribu Gad prædones, qui non contenti parte, totum rapiunt.

V. 21. ET VIDIT PRINCIPATUM SUUM. Hebr. *Et vidit principium ſibi*: ſed bene poteſt *principium ſumi* pro *principatu*, ut & Sept. fecerunt. QUOD IN PARTE SUA DOCTOR ESSET, Hebr.

quod ibi pars ſcribæ; ſed vox *Mebeke* ſumi poteſt pro *Principe*, & hoc putant impletum in Ieroboam altero, qui fuit ex tribu Gad: ſed quomodo fecit iuſtitias Domini?

V. 22. FLUIT LARGITER DE BASAN. Sep. *Saltabit ex Baſan*: ſilvæ, & feræ erant in Baſan. Ergo Dan fore venatorem indicat, atque ex eo aſtutum. Conſentit vaticinium Iacob, Gen. XLIX. *Fiat Dan ut ceræſſe in via*, quod reſertur ad inſidias.

V. 23. NEPTHALI ABUNDANTIA PERFRUETUR. Hebr. *Nephtalim ſatiatus voluntate* (id eſt pro voluntate) & *plenus benediſtione Domini*. MARE ET MERIDIEM. Mare ponitur pro Occaſu, quoniam Palæſtina ab Occaſu mari noſtro finitur; quaſi dicat: *Occaſum* & *Meridiem poſſide*: ſic eſt in Hebr. pro poſſidebis.

V. 24. ET TINGAT IN OLEO. Indicat abundantiam olei. Quod Iacob dixit: *Aſer pinguis eſt panis eius*. Ut quod ſequitur, *FERRUM ET AËS CALCEAMENTUM EUS*, ſignificat in ea parte ferri multum & æris fodi, atque adeo ut ex eo calceamenta poſſint facere; vel calceabit ut calceos, quia ubique occurrent.

V. 25. SICUT DIES IUVENTUTIS TUÆ, ITA ET SENECTUS TUA. Hebr. & *sicut dies tui*; id eſt, pro ætate quacumque robor manebit.

V. 26. NON EST DEUS ALIUS UT DEUS RECTISSIMI. Hebr. *reſtitudo*, pro reſtus; quo nomine putant vocari Iſrael. Ergo non eſt alius ut Deus, o Iſrael. Vel ſi Hieronymum ſequimur, o *reſtiſſimi*, ſcilicet Iſraelitæ. ASCENSOR CAELI AUXILIATOR TUUS. Hebr. *Equitans cælos in auxilium tuum*, & in *magnificencia ſua cælos*. Hieronymus dixit *nubes: Magnificencia eius diſcurrunt nubes*.

V. 27. HABITACULUM EUS SURSUM. Hebr. *קדמ קדמ kedem, oriens*. ET SUBTER BRACHIA SEMPERITÆNA; hoc eſt, ſub cælo habitat in brachiis ſempiternis: ſic videtur elementa vocare. Ergo in cælo, ad orientem; ſub cælo, in elementis. Vel *brachia*, montes quibus cætanantur provinciæ, in quibus Deus videtur habitare. Vel iuxta Hieronymum, *habitalium eius in cælo*, ut ibi tegat te: & inferius habet *brachia ſempiterna*, id eſt virtutem & opera quibus pugnet pro te.

V. 28. CALIGABUNT RORE. Id propter nubes dicit, quibus cælum obducitur. Hebr. *Stillabunt rore*; hoc est, terra, ad quam aspirat Israel, fert frumentum, & vinum, tum e cælis suppetunt pluviz.

V. 29. NEGABUNT TE INIMICI TUI. Sic Sept. & Pagn. *Mentientur inimici tui tibi*. Hoc est timoris indicium, ut servi solent mentiri. Id etiam est negare. Sed & *נכח* *challas*, negare, & attenuare significat: *Attenuabuntur inimici tui*. **EORUM COLLA CALCABIS.** Hebr. *Super excelsa eorum calcabis*, sed bene per excelsa, colla intelligunt cum Hieronymo Sept. & Chald.

MALVENDAE.

Vers. 1. MOYSES, HOMO DEI. Hebr. *vir Dei*, id est Propheta Dei, ut plerique intelligunt: nam prophético spiritu, ac non simpliciter, vel civili atque humano studio benedicit, & res eventuras precatur: vel *vir Dei*, id est homo divinisimus & clarissimus, Deo carus & gratus.

V. 2. DOMINUS DE SINAI VENIT, &c. Annotant esse hic perpetuam metaphoram a sole sumptam, qui initio lucem præmittit, postea oritur ipse, tandem terras illustrat; sic gradatim Deus præsentiam suam in populo declaravit, quacumque iter fecerunt; quasi dicat: Inde a termino proximo Aegypti, usque dum perventum est ad Idumæos finitimos terræ promissæ. Ergo volunt hoc versu significari adventum Dei gloriosum & splendendum in terram promissam, quo Israelitas deduxit. *Dominus de Sinai venit*, id est prodiit incipiens a monte Sinai: ibi enim cepit exercere vires suas, & ostendere virtutem suam, cum in Sinai dedit legem suam, Exod. xix. & seqq. & xxiv. Alii: *Dominus in Sinai venit*. Sic capiunt de insequentibus. **ET DE SEIR ORTUS EST NOBIS.** Hebr. *Et de Seir exortus est eis*, scilicet Israelitis. Seir mons in finibus Idumæorum, de quo vide Notas Genes. xiv. vers. 6. Exponunt: In monte Sehir, qui est in regione Idumææ, ortus est Dominus tamquam sol, ubi ostendit claritatem suam, tamquam novo regno illustraturus terram illam: in quo monte putant ere-

ctum serpentem æneum, & patrum illud clarissimum miraculum, Numeror. xxi. **APPARUIT DE MONTE PHARAN.** *בְּהִיגְבֵי* *bophiagh*, aiunt proprie esse inclaui, splenduit, exercuit claritatem, splendorem, fulgorem, magnificentiam, gloriam, maiestatem, potentiam; fultit, effulsit, affulsit, refulsit. Coniugatio Hippil significatum intendit, & ingentem vim luminis & claritatis demonstrat; quasi dicat, fulgentissime inclaui. Quidam ex more huius coniugationis vertunt, *inclarescere fecit*, vel *illucescere fecit*. Explicant, quod in deserto Pharan mirabilia multa operatus est Dominus in gratiam Israelitarum, & illis favere perrexit, etiam post defectionem a reditu exploratorum, ut late narratur Numeror. xiii. & xiv. Plerique putant ad hunc locum respexisse Habacuc iii. 3. *Deus ab Austro venit, & Sanctus de monte Pharan*: ubi Theman austrum, regionem Idumææ accipiunt, ut est hic Seir. **CUM EO SANCTORUM MILLIA.** Hebr. *Et venit, seu venit, ex, vel cum multis myriadibus sanctitatis*; id est, & venit stipatus multis myriadibus sanctorum Angelorum. Vide Psalm. lxxvii. vers. 18. *Ad eorum vii. vers. 53.* & ad Galat. iii. vers. 19. Quidam Hebraice ellipsum esse putant: *Et venit turba e myriadibus sanctorum*. **IN DEXTERA EIVS IGNEA LEX.** Exponunt: Lex dextera eius scripta, in medio ignis, uti diserte scribitur Exod. xix. vers. 18. & cap. xxiv. vers. 17. Hebr. *de a dextera eius ignis, lex eis*; subaudi, processit, emanavit. *עֲשָׂה* *eschdat*, varie reddunt: 1. ignis, mandatum ad eos; 2. ignis edicti, vel edictalis, fuit eis; id est, ignis ex quo singula ipsi facienda, omittenda edicebat. Quidam elucidant: *A dextera eius ignis, lex eis*. Non quod ipse ferret in dextera legem, & ignem; sed quod in morem magni principis, a dextris eius gestaretur ignis, & lex a ministris, tradenda Israelitis. *Dat aiunt esse legem, mandatum, edictum, statutum, decretum, ordinationem*, ius: ac vocem esse potius Babylonicam seu Chaldaicam, quam Hebræam, cuius usus frequentior in libris captivitatis. Hebræorum nonnulli, *עֲשָׂה* *eschdat* unam dictionem faciunt, redduntque, *a dextera eius effuso*, subaudi bonorum omnium. Sed id futile est.

V. 3. DILEXITQUE POPULUS. *עָבְדוּ* *cho.*

chobeb, participium, nec ullibi alibi id verbum reperitur. Plerique deducunt a nomine *חֹבֵב* *choba*, id est *sinus*, *gremium*, Iob xxxi. vers. 33. aiuntque esse in *sinum abdere*, *infruare*, *complexi amore*. Quidam hic vertunt: *Etiā valde, vehementer diligit populos*; vel *complexitur amore populos*, id est tribus Israelis: sic enim tribus Israeliticæ appellantur Iudic. v. vers. 14. Alii a *חָבַב* *chaba*, vel *חָבַב* *chabab*, mutuantur significationem, *etiam abdens*, *obregens*, *protegens populos*. OMNES SANCTI IN MANU ILLIUS SUNT. Hebr. *omnes sancti eius in manu tua*. Illud *eius*, exponunt, id est populi Israelis. Possit esse mysterium sacræ Trinitatis: *Eius*, Patris; *in manu tua*, Filii, qui dedisti legem, & fuisti Mediator & Angelus fœderis: *in manu tua*; id est, sub cura & protectione tua, qui illos protegis ac tutaris, ut supra cap. xxxii. vers. 11. ET QUI APPROPINQUANT PEDIBUS EIUS. *חֲבִיטָא*, est coniugationis Puhel, verbi *חָבַב* *tacca*, quod varie convertunt. I. Et ipsi adiuncti fuerunt, coniuncti fuerunt, adiunxerunt sese, associati fuerunt pedibus tuis; id est, insculpi sunt gressus tuos, sectati sunt vestigia tua. Quidam volunt hic indicari illud quod Exod. xix. vers. 17. scriptum est, quando in datione legis populus stetit ad rades, seu in subiecto montis, quasi adiunctus pedibus Dei. II. deducunt a *חָךְ* *toch*, *medium*, & volunt verbum significare, *in medio esse*, *mediare*, *medium interferi*, *medium introduci*; unde reddunt: *Et ipsi medii facti sunt*, vel *medii inserti sunt*, *pedibus tuis*; id est, sederunt inter pedes tuos, factique sunt tui discipuli, & redditi sunt tibi morigeri, subiecti, obediētes, sicut discipuli solent ad pedes præceptorum suorum sedere: quemadmodum eadem quoque phrasis legitur Genes. xlix. vers. 10. *Et legislator ab intra pedibus tuis non auferetur*; & Paulus simili phrasi dicit se educatum in Tharso Ciliciæ ad pedes Gamalielis, Actorum xxii. vers. 3. III. Et ipsi mediatores effecti fuerunt pedibus tuis. Insignis locus pro intercessione Sanctorum, qui Dei pedibus substrati pro nobis exorant, & sunt nostri mediatores. Alias Hebræorum interpretationes ut minus aptas prætermittimus. ACCIPIENT DE DOCTRINA ILLIUS. Hebr. *Levabit*,

Bib. Sac. Tom. III.

feret, auferet, portabit de verbis, *eloquiis tuis*. Quidam exponunt: Id est, feret ante se, præferet, & ante oculos habebit quod præcepisti illis. Verbum singulare *levabit*, seu *accipiet*, emphasim habet; id est, unusquisque eorum per se accipiet. Volunt hoc amoris Dei pignus fuisse, quod ministerium verbi in hoc populo instituisse, ubi licebat ad pedes eius auditores sedere, & audire verbum eius, in tabernaculo, in templo, in synagoga. Quidam reddunt: *Suscipiet quisque e verbis tuis*, dicens, ex sequenti versu. Nonnulli exponunt: *Levabit de sermonibus tuis*; id est, loquetur de sermonibus, quos ex te audit & didicit. Notant enim, ut Hebræi peculiari phrasi dicunt, *ascendere super cor*, pro eo quod nos dicimus cogitare; ita similiter dicere *Levare super labia*, seu *os*, pro eloqui, proloqui, edicere: & interdum sine adiuncto absolute legi *levare*, pro loqui, ut Isaia xii. vers. 7. *Levabit in die illa dicens: Non ero medicus*, Iob xxi. vers. 12. *Et levabit ad tympanum, & citharam*; id est, loquentur, cantabunt.

V. 4. LEGEM PRÆCEPIT NORIS MOYSES, nimirum, Exod. xix. Notant hæc verba esse piorum Israelitarum ad legis eloquium se comparantium. HEREDITATEM MULTITUDINIS IACOB; id est, quæ quasi iure hereditario transiret ad posterōs Iacob: quam servaret sibi synagoga tamquam ad se pertinentem iure hereditario: nempe observandam præsentibus & futuris Iahakobi posteris, supra cap. xxix. vers. 29.

V. 5. ERIT APUD RECTISSIMUM REX. Hebr. *Et fuit in Iesurun rex*. De Iesurun diximus supra cap. xxxii. vers. 15. est epitheton Israelis; unde hic reddunt: *Et fuit in Israel rex*. Aliqui exponunt: Lex ipsa, seu Deus ipse fuit rex, regravit in Israel, absque rege homine, quamdiu Israel rectus fuit & probus, nec est abreptus pravo studio habendi regem hominem sub Saule. Nonnulli: Et Deus ipse se regem declaravit in Israel, cum legem promulgavit eis. Sed melius alii ad Moſen referunt; id est, *Et fuit Moſes in Israel rex*; id est, regis munus obiens populum gubernabat, ideoque legem illis tulit. Vide Genes. xxxvi. vers. 31. Nec desunt, qui per futurum legentes, *Et erit*

Cccc

iii

in Israel rex, putent vaticinium esse de Saule; quasi dicat: Habebit hic populum tandem regem, quod impletum primum est in Saule.

V. 6. ET NON MORIATUR: ET SIT PARVUS IN NUMERO. Hebr. *Et non morietur: & erit virorum eius numerus: vel & erit viri eius numeri*. Plerique negationem ex precedenti membro subaudiunt: *Et non erit virorum eius numerus*, more Scripturæ usitato, ut Psalm. 1. vers. 5. Psalm. 1x. vers. 19. uti fusc notamus in Antichristo Lib. VII. cap. xxvi. id est, nec sit parvus in numero. Viri, seu homines numeri, Hebraica phrasi, sunt pauci, quod facile numerari possunt. Vide Genes. xxxiv. vers. 30. Quidam præter morem Hebraicæ phrasis, exponunt: *Et non sit hominum eius numerus*; id est, sint innumerabiles. Vel affirmative: *Et sit hominum eius numerus*, id est multus & grandis: quod secuti sunt LXX. Noster recte, & Hebraismo congruenter: *Et sit virorum eius numerus*; id est, sit parvus, seu paucus in numero: in quo etiam more Hebraico possit subaudiri præcedens negatio, *Et non sit parvus in numero*. Sed in Hebræo, & in Nostro sensus affirmans simplicior & verior apparet: *Et sit paucus numero*. Aliqui: *Sintque homines illius pauci numero*; ut congruat cum vaticinio Iahakob Genes. xlv. vers. 4. Effusus es sicut aqua, non crescas. Quia in his Patriarcharum benedictionibus nulla sit diserta mentio Simeonis, in aliquibus LXX. Interpretum exemplaribus, ut in Complutensibus, Roberti Stephani, & aliis hic inseritur: *Et Simeon sit multus in numero*. At plerique LXX. codices Simeonis nomine carent; & adscititum plerique putant. Cur autem Simeon in his benedictionibus prætermisus fuerit, Explanatores rationes aliquot afferunt, quas nunc non expendimus; nonnulli tamen suspicantur, factum id ob facinus Zambri, ob quod etiam maxime ea tribus imminuta fuit. Vide Numer. xxv. vers. 14. vel quod benedictio Levi fratris eius ad eum quoque pertinuerit: nam etiam Iacob simul cum Levi ei benedixit Genes. xlix. vers. 5. Alii tamen non omisam volunt, sed cum Iuda coniunctam, ut versu sequenti.

V. 7. HÆC EST IUDÆ BENEDICTIO. Hebr. *Et ista, vel istud ipsi Iudæ.*

Quidam: *Hæc autem ipsi Lebudab*; subaudi, fuit benedictio; id est, sic autem benedixit Iehudæ. Alii: *Idem quoque Iehudæ precatus, amplius dixit*. Addunt: *Idem quoque Iehudæ precatus, & Schimboni*: synecdochice: nam Schimhon accensus est Iehudæ, & possessio eius per tribum Iehudæ diffusa, Iosue xix. 1. & I. Paralip. iv. vers. 24. unde factum est, ut expeditiones inter has tribus communes essent, Iudicum 1. vers. 3. ET AD POPULUM SUUM INTRODUCERE. Quidam exponunt: Id est, ad portionem quam iure hereditario sortitus est te iubente. Alii: *Et ad populum suum reducere eum*; id est, quia eius est præire ceteris tribubus ad expeditiones, precor ut victor domum reducat. Hebr. ex verbo: *Et ad populum eius venire facies eum*: vaticinium & votum volunt esse de Messia venturo; quasi dicat: Audi IHSJ desiderium & votum Iudæ, & fac venire ipsum Iudam, nempe Messiam filium Iudæ, ad populum Iudæorum. MANUS EUS PUGNAVIT PRO EO. יָדָיו רַבָּהוּ יִאֲדָאוּ rablo. Rab potest esse præteriti tertia persona, vel participium verbi רָבָה rub: *Manus eius litigavit, contendit, discepavit ei*, vel sibi; id est, suis viribus pugnavit cum hostibus suis. Vel potest esse nomen a verbo רָבָה rabab: *Manus eius multa ei*, vel sufficiens ei, satis ei; id est, satis per seerit fortis, & prævalida: vel multæ ei erunt manus & copię militares, quod verissimum fuit; aut: *multa erit ei manus*, id est ingens potentia, auctoritas, dignitas. Aliqui reddunt: *Manibus eius satis sit ei*. Posteriorem hunc sensum nonnulli præferunt, quod verbum רָבָה rub non nisi fere de verbali litigio & contentione dicatur. De Christo exponunt, quod manus eius, id est opera eius, & miracula fuerunt ei causa mortis; & quod eius miracula multa fuerunt.

V. 8. PERFECTIO TUA, ET DOCTRINA TUA. Hebr. *Thummim tui, & Urin tui*; de his diximus copiose Exod. xxviii. vers. 30. Notant esse apostrophen Mosis ad Deum; & sub his duobus præcipuis nominibus intelligi synecdochice totum ministerium & apparatus sacerdotalem, quem Deus instituit, & quo colitur. VIRO SANCTO TUO. Nomini חַסִּיד chasid hæc omnia insunt, Benigno pio, *

pio, misericordi, gratioſo, benefico, probato. Eſt enim proprie iſ qui pius eſt cum erga Deum patrem miſericordiarum, tum etiam erga homines affectu præditus, qui fidit in miſericordia Dei & eius bonitate. Quidam reddunt: *Penes virum tuum, quem beneficio proſequeris*; id eſt, Aaronem, penes quem depositum eſt ſacerdotale munus continuandum in poſteris. QUEM PROBASTI IN TENTATIONE. Hebr. quem probaſti מִסָּבָב במַסָּבָב במַסָּבָב in maſſab. Sic ſere omnes reddunt, ut alludatur ad hiſtoriam Exod. xvii. verſ. 7. Sed quia nihil ibi de ſingulari aliqua Aaronis probatione ſcribitur, ſimplicius quibuſdam viſum eſt appellative accipere, quem probaſti: probatione; id eſt, quem exactiſſime probaſti, ut dignus eſſet ſacerdotio. Nonnulli hic non Aaronem, ſed Moſen ipſum intelligunt, cui viro ſancto ac benigno Deus tribuerit totum miniſterium ſacerdotale conſciendum, & apparandum, & in cuius gratiam, eius tribui, & Aaroni, ac poſteris eius conceſſerit ſacerdotium, qui gravem tentationem expertus fuerit in Maſſah. ET IUDICASTI. Quidam ex Hebr. vertunt: *Contentendere*, vel *purgari ſeciſti eum*; id eſt, permiſiſti ut contentederet cum filiis Iſrael. Alii: *Contentebas eum eo*, vel *provocabas eum*. Nonnulli: *Ad contentionem provocaviſti eum*. Melius: *Obiurgabis eum*; eſt enim futurum pro præterito, & vim magnæ & continuæ obiurgationis, ſeu iurgii & litigii continet. AD AQUAS CONTRADICTIONIS. Hebr. ſuper aquis מֵרִיבָה; id eſt, litis, iurgii, rixæ, contentionis. Vide Numer. xx. & ſupra cap. xxxii. verſ. 51.

V. 9. NESCIO VOS. Hebr. Non vidi eam, pro eos. Quidam reſpectum putant ad legem Levitici xxi. verſ. 10. & 11. qua prohibetur ſacerdos ſummus intereſſe funeri patris aut matris, aut propinquorum, aut cuiuſvis alterius: qua in re taliter ſe exhibet, ac ſi non noviſſet eos, aut ad eum non pertinerent. Alii potius volunt ſignificari Aaronis, ſeu ſummi ſacerdotis integritatem & conſtantiam animi in iudicando, qui æquiſſimus & incorruptiſſimus eſſe debet iudex, qui nullo humano affectu iudicium inflectat, qui nullam rationem habeat perſonæ litigantis, ſed cauſæ tantum; ut in iudicio nec patris, nec matris, nec fratrum, nec ſi-

liorum reſpectu ducatur. Nonnulli reddunt: *Non reſpicio eum*; exponuntque quaſi dicat: Neque perſonis, neque rebus humanis ſtudioſius inhæret; ſed in hoc unum incumbit, ut Deum colat, & alios retineat in cultu eius: quod offenderunt Levitæ gladium ſtringentes in idolatras ad mandatum Moſis, non habita propinquitatis ratione, ut Deo manus ſuas conſecrarent, Exod. xxxii. verſ. 26. & ſeqq. abſtinendo a propinquorum luſu, Levitici xxi. verſ. 10. & 11. hereditatiq; terrenæ renuntiando, Numer. xviii. verſ. 20. CUSTODIERUNT ELOQUIUM TUUM, ET PACTUM TUUM SERVAVERUNT. Aliqui reddunt: *Quia ſervaverunt diſta tua, ideo pactum tuum conſervabunt*; id eſt, miniſterium tuum ſeu ſacerdotium obtinebunt impoſterum.

V. 10. IUDICIA TUA, O IACOB.

Hebr. Docebunt iudicia tua ipſum Iſrahel. Exponunt, nimirum omnes & genere Levitico docebunt, &c. ideo diſperſi habitabant in Iſrahel, ut omnes docerent. PONENT THYMIAMA; ſcilicet ſacerdotes ſoli. IN FURORE TUO. Hebr. in naſo tuo: ut fuſſitis ſcilicet ſit gratiſſimus odor naribus tuis, ut Scriptura loqui ſolet. Naſum hic pro ira & fure Noller accepit, ut alibi ſæpe ſumi conſuevit, quia ſacris iſtis fuſſitibus furor Domini placabatur. Quidam reddunt: *Apponunt fuſſum ad faciem tuam*. ET HOLOCAUSTUM. De voce מִזְבֵּחַ מִזְבֵּחַ diſſerimus Levitici vi. verſ. 23. & ſupra cap. xiii. verſ. 16. Hic varie interpretantur. 1. *ſacrificium totum conſumendum igne*; 2. *proſuſ conſumptum*; 3. *in cenſum totaliter concremandum*. Diſcrimen aſſignant inter מִזְבֵּחַ גִּבְלוֹל, holocauſtum, & מִזְבֵּחַ מִזְבֵּחַ, conſummatum: quod holocauſtum tantum eſſet de ſacrificiis animalium, conſummatum vero etiam de mincib; id eſt farina, pane, oleo, ſale, & ſpoliis; ut Deuter. xiii. verſ. 16. & Iudicum xx. verſ. 40. Utrumque tamen totum cremabatur, ut nihil ſacerdoti, aut alteri cederet.

V. 11. FORTITUDINI EIUS. Hebr.

virtuti eius. Quidam, exercitui, militiæ, copiis eius; id eſt, militiæ ſacræ, qua in templo militabant Domino, nimirum diſverſis miniſteriis eorum in ſervitio Domini, Numer. iv. verſ. 3. ET OPERA MANUUM ILLIUS SUSCIPE. Eſt hic

verbum רצח *ratzah* amplissimæ significationis, cui hæc omnia subiungunt: *Et opus manuum eius vobis, acceptabis, beneplacitum, gratum, & acceptum habebis*. Quidam: *Et in opere manuum eius complacabis tibi*. Alii: *Et opus manuum illius grato animo suscipies*: vel *Et opus manuum illius approbabis, amore, benevolentia, & prona voluntate prosequeris opus manuum eius*, id est ministerium.

V. 12. AMANTISSIMUS DOMINI; ut patri singulariter fuit, Genes. xlv. vers. 20. HABITABIT CONFIDENTER IN EO; puta cum Iehovah, ut olim cum patre. QUASI IN THALAMO TOTAE MORABITUR, ET INTER HUMEROS ILLIUS REQUIESCET. Hebr. *protegens, inumbrans, obtegens, cooperiens super eum*; & inter scapulas eius *scenitavit*. Suppositum verbi *protegens, & scenitavit*, proprie intelligitur Deus, non ipse Benjamin: unde quidam vertunt: *Habitabit secure cum eo, protegente eum quotidie, & inter humeros eius habitante*. Intelligunt, id est habitante, seu tabernaculante Ierololymis in metropoli possessionis eius. Metaphora, qua tota possessio Benjaminis cum corpore confertur, & metropolis cum capite humeris imposita. Sic Isaïæ viii. vers. 8. Templum enim si- rum fuisse volunt in sorte Benjamin. Quidam reddunt; *possidens eum, vel possidens eum tota die*, id est mundans, illustrans, ornans.

V. 13. DE POMIS CAELI. נָדָב *meged* aiunt significare omne pretiosum & optimum, tam in fructibus, quam in auro, argento, lapidibus pretiosis, sive gemmis, ac vestibus: & unumquodque horum pro loci circumstantia intelligendum, & exponendum. Alii generaliter ea voce comprehendendi volunt quicquid in re quam eximium & optimum est, & velut in deliciis habetur, *delicium, delicatum, dulce, suave, nobile, excellens, exquisitum in opibus esse*, quod Græci *κρυπιδιον* appellant. Nonnulli putant esse *aroma, aromaticum odorem*, cuius fragrantia in longum & latum, seu transversum, id est circumquaque diffunditur. Et ut נָדָב *meged*, vestis dicitur quæ texta est, & constat flamine & subgeminæ; ita *meghed* dicitur de aromatate, cuius odor passim spirat, ac penetrat. Sunt enim Beth, & Mem litteræ

eiudem instrumenti, & symbolice; ideo voces modo tantum differentes significandi, non ipsa significatione. Sed remotæ nimis sunt hæc collationes, seu allusiones. Quidam, colludente voce, *meghed* hario- lantur esse *meditum*, vel *citreum pomum præstantissimum*. Hic varie convertunt, 1. de optima pluvia cæli, quæ scilicet non ledit, sed prodest; 2. de præstantia cæli, id est præstantissima ubertate, quam præstant cæli; 3. de dulcedine, *delicia cæli*; 4. de eximio celorum; 5. a *delicatissimis & dulcissimis fructibus cæli*; 6. a rebus pretiosis cæli; 7. ab *aromate, seu odore cæli*. A *meghed* volunt quidam esse plurale כְּנָדָב *knadav* migdanot in seito Nun, de quo diximus Genes. xxiv. vers. 53. quamvis alii nomen diversum existiment, nec derivari a *meghed*, neque cum eo significatum communicare. Vide ibi. ATQUE ABYSSO SUBIACENTE, id est aquis inferne fermentantibus, vel fontibus, rivis, venis, pinguedine folii. Vide Genes. xlix. vers. 25.

V. 14. AC LUNAR. Hebr. & de eximio electivi lunarum. נָדָב *gerefeh* cum Scin dextro, quod *electionem* vertimus, non alibi in Scripturis reperitur. Aiunt esse *electionem, extrusionem, protrusionem*, scilicet florum ac fructuum: fructum protrusum, & expulsum a lunationibus, seu lunis. Sunt enim quædam terræ nascentia, quæ ad lunæ dominium in nocte felicius proveniunt. Fructus, qui extruduntur, & florent, ac maturescunt virtute lunæ, quod luna foras illos protrudat, & operatione sua & influxu producat, & ad maturitatem perducatur. Quanta sit vis lunæ in ratione seminum, & in insitione arborum, qui res naturæ executi sunt, seorsum Plinius, abunde docent, qui Lib. XVIII. cap. xxx. inquit: *Crescente enim luna frumenta grandescunt*. Ergo hic exponunt, a præstantissimis fructibus protrusionis lunarum, seu lunationum; id est, quos quæque luna aut lunatio protrudit. Non placet quod quidam נָדָב *gerefeh* cum Scin dextro, de quo hic, & *Geres* cum Scin sinistro, vel Samech, de quo Levit. ii. vers. 14. confundant, & unum & idem nomen faciant, forte ab scribentibus imperite punctatum cum Scin sinistro: cum illud Levitici *excursionem granorum & folliculis, & confusorem* significet; istud vero

erectiorem, seu protrusionem fructuum, cum primum protruduntur, erumpunt, ac maturescunt, designet. Aliqui vertunt, & ob *delicias insipientie lune*. Alii, & a *delicatissimis & dulcissimis fructibus mensium*: quod suis quibusque mensibus sui quoque peculiare fructus fere proveniant.

V. 15. DE VERTICE, seu *cacumine*. Hebr. *de capite*. Quidam subadiunt, & *de eximio, vel delicia capitis montium*, id est delicatis & opimis fructibus, qui proveniunt in cacuminibus montium. Alii, *de capite montium*, id est de præstantissimis rebus montium. Sic *caput* prore præstantissima accipitur Exod. xxx. vers. 23. ANTIQUORUM MONTIUM. קדם *kedem*, hic varie vertunt. I. *Montium antiquioritatis, antiquitatis, originis, principii, seculi*; id est, montium antiquissimorum, qui ab origine mundi creati sunt. II. *Montium orientis, sive orientalium*; id est, tam felices ac beati sunt montes tribus Ioseph, ut sunt montes Orientis, qui ob fertilitatem & abundantiam frugum, & rerum omnium pretiosissimarum sunt celeberrimi, fere proverbio iactati.

V. 16. BENEDICTIONE ILLIUS QUI APPARUIT IN RUBO. Hebr. & *de beneplacito, gratia, favore, bona voluntate, acceptance, benevolentia, propenso animo* (Hæc enim omnia complectitur vox רצון *ratzon*, quam Noster hic benedictio vertit:) *scenitantis, tabernaculantis, cohabitantis rubi, seu rubum, vel in rubo*. In שכני *schoceni*, quidam Iod volunt esse paragogicum, pro שכנן *schocnen*, ob mysterium admirandæ illius apparitionis Dei in rubo, Exodi. iii. vers. 2. Alii putant adiectum Iod, ut esset id attributum Dei proprium. Nonnulli affixum esse existimant, *habitantes mei*. Unde quidam convertunt: *Ea beneplacito Dei mei inhabitantis rubum*; quasi dicat: Nam superiora omnia effecta sunt manifeste procedentia ex beneplacito Dei, qui mihi primum apparuit in rubo. VENIAT SUPER CAPUT IOSEPH. Futurum תבואה *taboudah*, præter morem duplicem habet paragogem, Thau, & He; cum dicendum esset *Thabo*. Hebræi, & Nostri notant utramque paragogem ad auxilium valere: nam perinde est ac si dixisset: *Benedictio veniet, veniet*: certissime, proculdubio quævis benedictio veniet copiose, abundanter, ubertim.

V. 17. QUASI PRIMOGENITI TAURI PULCHRITUDO EIUS. Hebraica diversimode reddi possunt. I. *Primogenitus bovis eius, decor ei*. Quidam exponunt: *Primogenitus bovis eius*, id est tribus eius (bovem pro tribu accipiunt) princeps ac præcipuus Iehosuah, decorus atque inclytus fuit, atque tribui Ioseph magno decori & ornamento fuit. Aliqui reddunt: *Primogenitus bovis sui*, id est armenti sui, seu tribus. II. *Primogenitus bos eius, decor ei*. Ut sit vaticinium de Ephraim, qui oraculo divino in primogenitura prælatum fuit fratri suo maiori Menaseh, & illustrissimus fuit: ut videatur facta allusio ad nomen Ephraim, quod verbum affine פדע *peer*, *decorem, ornatum, gloriam* designet. III. *Primogeniti bovis illius decor est ei*; id est, duabus dignitatibus excellit, quod est primogenitus, & bos Dei: nam translatum est, quod ad possessionem attinet, primogenitorum ius a Reuben in Iosephum, I. Paralip. v. vers. 1. deinde bovis officio (de quo Prover. xiv. vers. 4.) functus est, cum familiam paternam in Aegypto sustentavit: quamobrem dicuntur Aegyptii simulacrum Ioseph statuisse, eo quod bos agricultura cooperatur viro, ut scribitur Lib. 1. de Mirabilibus sacræ Scripturæ, cap. xv. qui Liber S. Augustino vulgo inscribitur. Ioseph bovem, vel taurum appellatum, & Aegyptiis Apim, vel Serapim creditum, annotavimus in Genes. xlix. vers. 6. HÆC SUNT MULTITUDINES EPHRAIM: ET HÆC MILLIA MANASSE. Hebr. *Ea sunt multa decem millia Menaseh*: vel *ex meriades Ephraim*, & *ex chiliades Menaseh*. Myriades Ephraim assignat, & millia Menaseh: quia Ephraim in iure primogenituræ prælatum ipsi Menaseh natura maiori, maiorem divina benedictione adeptus est sibi copiam. Vide Genes. xlviii. vers. 19.

V. 18. IN EXITU TUO. Hebr. *in exire te*, vel *in egredi tuo*; id est, cum exiis ad bellum: significat enim futurum eum bellicosum; quasi dicat: Promitte tibi victoriam cum ad bellum egredieris. Alii, *in exitu tuo*, id est in negotiatione tua: maritimam enim regionem habuit navigationibus aptam, Genes. xlix. vers. 13. IN TABERNACULIS TUIS; id est, amabis vitam rusticanam tranquille & quæte in tentoriis habitans, & agriculturam exer-

exercens. Aiii: *Terræ tuæ contentus esto*. Vide Genes. xlii. vers. 14. & 15.

V. 19. **POPULOS.** Cum Israelitas, tum exteros, quod ii facilius facere poterant, quod remotiores a Ierusalem viciniore essent gentibus, & quod litus mediterraneum incolentes, commercia cum aliis gentibus exercerent. **VOCABUNT;** id est, invitabunt exemplo suo, qui licet remotissimi ab eo loco essent, studiose tamen ex lege, ac minime vaui ad templum confluebant; & ad conflendum eo alios hortabantur. **AD MONTEM.** Sionem intelligunt, vel Moriam, ubi extruendum erat Templum, & Deus colendus. **VICTIMAS IUSTITIÆ;** id est, sacrificia eucharistica, seu pacifica, quæ secundum legem, seu ut ius requirit, fieri debent, nimirum rita & legitima. Quidam existimant, quod quia Zabulonitæ mercatores erant, ac divites, admoneri eos ut sacrificent sacrificia iustitiæ; id est, non ex rapinis, aut male partis. **ET THESAUROS ABSCONDITOS ARENARUM.** חֲסִידֵי אֲשֶׁר בְּתוֹכָם *asphne temune chol.* Duo sunt Pahulum, seu portuaria passiva synagoga, id est duplex regimen, nempe regimen regimini additum. Diversimode reddunt. 1. *Et recta, operta absconditorum arenæ;* 2. *Et tegumenta thesaurorum arenæ;* id est tectos thesauros in arena; 3. *Et cuneata thesaurorum arenæ;* id est thesauros arenæ quasi in cuneos compactos (Hispanice dicimus *thesoros encunados*). 4. *Et operta, occulta,* thesauros arenæ, hoc est maris: metonymia. Ego ad verbum reddiderim, *Et recti, operti,* id est Zabulonitæ operti, referti, pleni *absconditorum,* seu *occultorum:* nempe thesaurorum, sic appellatorum quod abscondantur & occultentur, *arenæ,* hoc est maris: nam opes multas ex navigatione, & commercii comparabunt. Nonnulli exponunt, *Et thesauros absconditos arenæ;* id est, terræ arenosæ, subaudi, fugent, seu effodient; id est, habebunt multas auri & argenti fodinas, unde ditissimi evadant.

V. 20. **BENEDICTUS IN LATITUDINE GAD.** Hebr. *Benedictus dilatans,* aut *dilatare faciens Gad.* Exponunt: Id est qui cesserit illi locum, & non restiterit ei dilatanti fines suos: seu qui Gad ab angustia liberat, efficitque ut commodè habitet (Vide Genes. xlii. vers. 19.) Nam

fors Gad fuit confinis alienigenis, cum quibus bella gessit, & se dilatare potuit. **QUASI LEO REQUIRUIT;** id est, fortis & prævalidus in sorte sua habitabit, vicinis & circumiectis gentibus formidabilis, non aliter ac leo, quem cetera animalia timent. **CAPITQUE BRACHIUM ET VERTICEM.** Metaphoram esse volunt; id est, interficiet principes, & reges: hi enim per brachia, & vertices, sive capita designantur. Quidam exponunt quasi dicat: Iam possessio ei attributa est, ex qua tamquam leo commodè potest in hostium prædam irrumpere. Vide I. Paralip. vi. vers. 18. & seqq.

V. 21. **ET VIDIT PRINCIPATUM SUUM.** Hebr. *Et vidit principium sibi.* Quidam reddunt. I. *Et vidit primitias sibi;* hoc est, iam petivit a me primitias terræ promissæ, & prima, seu principia terræ, quæ armis subiugavimus, nempe dari sibi in portionem & hereditatem terræ quam inhabitaret, regnum Schon regis Amorrhæorum, & regnum Og regis Basan, Numer. xxxii. vers. 4. & 5. & 33. & seqq. II. *Et vidit principium sibi;* id est, præcipuum & meliorem seu præstantiorem partem terræ prospexit sibi. III. *Qui prospexit de principis ei;* id est, qui Deus tribuens ei possessionem ante reliquos fratres, iussit eum in prima acie contra Chanaanos procedere, Numer. xxxii. vers. 16. & res suas interea, dum domo aberit, Deo committere. Vide Exodi xxxiv. vers. 24. & Iosue 1. vers. 13. 14. IV. *Primum sibi prospexit;* id est, primus petivit sibi possessionem, & a me accepit. Chaldaeus: *Et accepit in principium partem suam.* V. *Et vidit principium sibi;* id est, proposuit sibi Deum, vel Filium Dei, cuius nomen est *Principium:* curavit religionem & cultum Dei, rationem Dei habuit præcipuum: nam possessionem optavit eo in loco ubi Moyses vir Dei sanctissimi sepultus fuit, qui legem Dei proposuit & promulgavit. Interim recte Nolter vertit *principium,* quod *ראשית reschit* id quoque significet Numer. xxiv. vers. 20. ut etiam *principium,* Eccl. xi. vers. 3. **QUOD IN PARTE SUA DOCTOR ESSET REPOSITUS.** Hebr. *quia ibi portio Legislatoris absconditi.* Hebræi, & plerique Nostrorum intelligunt, quod in sorte Gaditica absconditus, seu reconditus, scilicet sepultus fuerit Moyses legisla-
tor

tor; quasi dicat: Gad optavit portionem illam terræ amore religionis, quod illic sepiellendus esset Moses divinus legislator. Vel *Et vidit possessionem suam primatumque principatum obtinere inter alias, quod ibi conditus sit Moser*. Chaldæus: *Et accepit in principio partem suam, quoniam ibi in hereditate sua Moses scriba magnus et princeps Israel sepultus est*. Nonnulli Hebræorum, & aliqui Nostrorum vertunt: *Quod illic esset portio legislatoris testis*. Ceterum מן חלק, portio, est femineum; & מן שפחה, testis, masculinum, unde non bene coherent portio, & testis: aiunt tamen potius hic habitam rationem synonymi חבל chebel, vel מן חבלים eiusdem radicis, quæ sunt masculina, in eodem significato portionis, aut partis; exponuntque, portionem esse principalem, & legislatoris, seu dominatoris terræ similem, ubi omnia sunt laqueata, & magnifice contacta. Notant יסד שפחה proprie esse superne obtegere, laqueare, contingere, cuneare, contabulare, concamerare, connellere signa cuneolis intermediis: unde Græcis σπιν, cuneus; & legislatorum, pluraliter capiunt pro legislatoribus, seu principibus, redduntque: *Quod ibi esset portio principum, & magnatum testis laqueata, contignata, &c.* id est, quod illic essent arces, & palatia principum & magnatum testis, & laqueata materia nobili & pretiosa. Innuat civitates munitas & opulentas Amorrhæorum, quas ceperunt, ultra Iordanem. Alii convertunt: *Quia ibi in portione legislatoris protectus est*; atque explicant: quia in possessione, quæ ei per Moysen divino iussu attributa est, loco firmo ac munito situs & protectus est. Aliqui vertunt: *Quia ibi esset portio legislatoris laqueati, vel concamerati*, id est reconditi, & sepulti. QUI FUIT CUM PRINCIPIBUS POPULI. Hebr. *Et venit ad capita populi*. Quidam: *Ideo venit cum primoribus populi*. Alii: *Et ibi, pro ibunt, capita populi*, nempe principes tribus Gad. Sensum esse aiunt: Non habitabit autem Gad illic in possessione sua antequam veniat ipse cum principibus aliis Israelitarum, ad subiugandam terram promissam. Vide Numer. xxxii. vers. 32. ET FECIT IUSTITIAS DOMINI, ET IUDICIUM SUUM CUM ISRAEL. Aliqui exponunt: *Fecit quod ex iure & iustitia tenebatur facere, quod ei Dominus*

præcepit, & ipse promisit, nempe comitari filios Israel, & pergere cum eis in expeditionem ultra Iordanem ad occupandam terram Chanaan. Vide Num. xxxiii. & Iosue 1. vers. 12. & cap. iv. vers. 12. Alii explicant: *Fecit iustitiam & iudicia lehouæ*: nimirum executus est iudicia Domini in excindendis & exterminandis Chananæis.

V. 23. DAN CATULUS LEONIS: robore, & felicitate successus. FLUET LARGITER DE BASAN. Notant, in Basan fuisse leones fortissimos, & Basan fuisse fortem tribus Dan: salso addunt, id dictum propter Iordanem fluvium, qui fluere ex urbe Dan in terra Basan. Sed constat urbem Dan, unde fluebat Iordanis, non pertinuisse ad regionem Basan, quæ erat in regno Amorrhæorum ultra Iordanem. Plurique exponunt, futurum Dan fortissimum, ut leones Basanitidis, ubi optima erant pascua, & pecora saginabantur, in quæ leones insilirent. Verbum מן זנאק, quod Nolter dixit *fluere largiter*, nupiam alibi in Scriptura reperitur. Recentiores summo consensu vertunt, *salabit, subsistet, profuset, exiliet*: quo significato passim utuntur Hebræi. Quidam vel de tribu, vel singulariter de Sansone hanc benedictionem accipiunt, eo modo quo alteram illam Iacobi de Dane explicavimus, Gen. xlix. vers. 16.

V. 23. MARE ET MERIDIEM POSIDEBIT. Mare seu lacum Genezereth, vel Tiberiadis intelligunt, cui adiacens terra fertilissima & amenissima fuit, ut hic a Mose prædicatur: quamque Iosephus a præstantia & bonitate minifice commendat Lib. III. Belli, cap. xviii. Vide Numer. xxxiv. vers. 10. alii Mediterraneum supra Sidonem: nonnulli Occidentem reddunt.

V. 24. BENEDICTUS IN FILIIS ASER. Hebr. *Benedictus de filiis*. Quidam, *Præ filiis*; id est, præ copia filiorum, ac nepotum, præ abundantia sobolis, id est habebit amplissimam posteritatem. Nonnulli intelligunt Aser beatum in filiis, & filiabus, quod eos præ aliis tribus pulcherrimos & optimos haberet. Alii, *A filii*; id est, a reliquis filiis Israel, fratribus suis, ut statim eos appellat, quibus e terra sua res optimas suppeditaturus est. ET TINGAT IN OLEO PEDEM SUUM; id est, tanta erit abundantia olei in terra eius, aut rerum pinguium, ut iis pedem suum lavare possit. Vide Gen. xlix. vers. 19. Simi-

Similis hyperbole est Gen. XLIX. vers. II.

V. 25. FERRUM ET AES CALCEAMENTUM EUS. מִיִּנְהַלְעָבָה *minghalecha*, & potest esse plurale, nam in plerisque exenplaribus habet Iod notam pluralis, *calceamenta tua*; vel singulare, *calceamentum tuum*. מִיִּנְהַלְ *minghal*, quæ vox alibi non legitur, quidam *compedem*; alii *seram*, *peffulum*; nonnulli *calcationem* interpretantur. Unde hic vertunt: *Ferrum & æs compedes tui*, seu *seræ*, aut *calcationes tue*. Quidam *Mem* faciunt præpositionem; de *calceo tuo*, aut *sub calceo tuo*; quasi dicat: Quidquid calcaveris calceamentis tuis, erit ferrum & æs; id est, in regione tua erunt multæ fodinæ ferri & æris terra, quam calcabis abundat fodinis ferri & æris. Vide supra cap. VIII. vers. 9. In sorte Aser fuit Tzarepta Sidoniorum, quæ a consilando metallorum officinis diſta videtur. Aliqui reddunt: *Ferrum & æs clausura tua*; id est, hæc fors erit manitissima, ac si clauſtris ferreis & æreis eſſet obſerata: portæ ferreæ & æræ muniunt eam. Nonnulli indicari putant ferreas ac pertinaces barbarorum vires, quas Aſeritæ frangere non potuerunt. Quis enim nescit Tyrum ac Sidonem, & Galilæam gentium, multis infidelibus abundasse, quos Aſeritæ expugnare non potuerunt, cum tamen in eorum fortis eſſent? SICUT DIES IUVENTUTIS TUÆ, ITA ET SENECTUS TUÆ. Hebr. *וְכַדְמָן כַּדְמָן* *da-beecha*, vocem *דָּבָה* *dobe*, litterarum transpositione deducunt a דָּבַב *daab*, *debilitari*, & interpretantur *senectam*, seu *senectutem*, sic appellatam a debilitate; redduntque: *Et sicut dies tui*, ita *senectus tua*; id est, *senectus tua erit tam firma & læta*, ut fuerunt dies, ſcilicet boni iuventutis tuæ. Alii: *Et sicut dies tui, robur, fortitudo tua*; nimirum per antiphrasim a דָּבַב *dabab* *dabab* *dabab*; id est, iuxta annos vitæ tuæ, semper idem erit robur tuum: ut iuventutis, ita senectutis robur firmum erit: quamdiu vixeris, eris fortis: vires tuæ tamdiu durabunt, quamdiu vives: ita eris fortis in senectute, atque in adolescentia. Aliqui: *Es longævus eris in senectute tua*. Nonnulli a דָּבַב *dabab* derivant: *Et sicut dies tui, sermo, rumor tuus*, vel *sermões tui*; id est, quamdiu durabunt dies tui, sermões habeantur de te: vel quamdiu vives, tamdiu sermo de te erit, & sermone hominum

celebraberis; hoc est, laus soli tui commendet nomen tuum in perpetuum. Frigide quidam: *Et sicut dies tui, tepor*, vel *sepiditas tua*, id est *senectas*: quia illis visum דָּבָה *dobe*, & *tepor*, sono convenire. Prædicit, hominum huius tribus futurum longum vigorem, & vividum, vegetumque senectæ robur. Quidam: *Et quot dies tui, tot ærumnæ tue*; quasi dicat: Tibi certamen perpetuum est futurum cum veteribus tuarum possessionum colonis, a quibus tamquam ferreis & æneis clauſtris submoveberis.

V. 26. MAGNIFICENTIA EUS DISCURRUNT NUBES. גִּדְּוָה *gaadab*, *superbia*, *elatio*, *excellencia*, *magnificencia*, *gloria*. Nec Latinis *superbie* nomen Deo indignum, quibus id nomen interdum *altum*, *elatum*. Virgilius VII. Aeneidos:

.... Tyburque superbum;

aliquando ornatum: Aeneidos II.

Barbarico postes auro, spoliisque superbi

quandoque opulentum: Aeneidos III.

.... ceciditque superbum

Ilion

id est, nobile, inclytum, opulentum, magnificum. Vide Nonium cap. IV. §. 420. NUBES. מִנְחָה *shechaim*, a levitate & tenuitate dicuntur. Cælos plerique expouunt: alii *nubes levissimas*; nonnulli *æthere*: aliqui *superiores nubes*. Quidam vertunt: *Et magnificencia eius æther est*.

V. 27. HABITACULUM EUS SURSUM. Hebr. *חֲבֻצַּתוֹ* *habitaculum*, *cavea*, *receptaculum*, vel *mansio*. מִגְּהוֹנָה *meghonah* enim id significat, ut notavimus supra cap. XXV. vers. 15.) *Deus ante*, seu *anterioritatis*, *seculi*; id est, *Deus habet suum habitaculum seu mansionem æternam*. Quidam: *Qui (æther) iam olim habitatio Dei est*. Alii: *Ut habitaculum est Deus æternus*; id est, *Deus æternus erit populo suo Israelii protectio*, vel *proiectio Deus sempiternus*. Melius: *Habitaculum Deus ante*; id est, ante ipsum Israel, seu supra, sursum ipsum Israel; id est, *superne Deus protegit Israel*; est quasi habitaculum Deus supra caput Israelis, quo ipsum protegit ac defendit ab iniuriis cæli. Aliqui vertunt: *Habitaculum Deus orientis*: nam id קֶדֶם *bedem* quoque significat; quasi dicat, *Deus orientis*, seu *Deus cælorum est Israeli veluti habitaculum*, in quo tuto degat. ET SUBTER BRACHIA SEMPITERNÆ. Hebr. *וּבְרַחְבֵּי* *de subus brachia æternitatis*, nemi-

pe brachia æterna Dei, quæ fulciunt ipsum Israël; scilicet omnipotentia sempiterna eius; quasi dicat, a vertice ad calcem diligenter custodit totum Israël Deus: vel supra & infra eum habet protectorem. Nonnulli reddunt: *Et inferne brachia in mundo extendit*; quasi dicat: Deus superne in cælis seu æthere habitat, & inferne brachia in mundo extendit: adeo immensus est, & omnia pertingit. Aliqui hæc brachia, elementa intelligunt, vel montes, vel orientem, & occidentem. **DICITQUE: CONTRERE.** Facile crediderim Nostrium scripsisse, *Contere*: nam est imperativus Hiphil: nisi intransitive quoque vertissent LXX. sed est activum: *Disperde, dissipa, abole*; id est, instruet te mandato, & viribus ad perendum eum. Faciet, iubebit ut deleas eum. Quidam reddunt: *Vastato*.

V. 28. **OCULUS IACOB.** Quidam putant esse blandientis, ut Latini dicunt *meus ocellus*, seu *ocelle mi*: Iacob, qui est Dei ocellus, illi carissimus. Alii *oculus Iacob*; subaudi, spectat, respicit, spirat ad terram frumenti, &c. Nonnulli reddunt: *fontes Iacob*: appositive, Israel, qui est *fontes Iacob*; id est, populus Israeliticus, qui est velut rivus deductus a Iahakobo quasi a fonte; Aliqui, *fonte Iahakobi*; id est, perenni ortu, & flumine exundante benedictionem Dei in terra eorum qui manarunt ex Iahakobo.

V. 29. **BEATUS EST TU ISRAEL.** *אשרי* *aschre*, forma pluralis syntactica, quæ tamen numquam variatur: *Beatitudines, beatitates, felicitates* exponunt, forma emphatica, quasi multifariæ beatitates, vel multifariam beatus. Alii putant ubique adverbialiter poni, & esse particulam invariabilem instar *אחale* *achale*, *utinam*, & *אחרי* *post*; & commodissime verti: *beate, bene, feliciter, prospere, præclare*: vel exclamative: *O quam beate, quam bene, quam feliciter, quam prospere, quam præclare est, vel agitur tecum o Israel! vel beate, feliciter tibi coninget Israel.* ET GLADIUS GLORIÆ TUÆ; id est, quo tibi paratur gloria, maiestas & splendor: vel quo gloriaris & triumphas. Quidam: *Cuius gladius est excellentia tua.* **NECABUNT TE INIMICI TUI.** De significatione verbi *כחש* *chachash*, quod hic in futuro Niphal ponitur, diximus Levit. vi.

Bib. Sac. Tom. III.

vers. 2. Hic diversimode convertunt & exponunt. I. *Et abnegati sunt inimici tui tibi.* II. *Et studio maximo negabunt hostes tui tibi*; hoc est, contentend verbis ut convincant se non fuisse hostes. III. *Et mentientur inimici tui tibi*; id est, affingent se, fiste se tibi submittent: vel cum se tibi submiserint, multa mentientur, ut se tibi excusent, & approbent. IV. *Et mendaces fiant inimici tui tibi*; id est, priventur facultate exequendi quod magnifice sibi pollicebantur. V. *Et humiliabuntur, subicientur inimici tui tibi.* VI. *Et frustrabuntur inimici tui tibi*; id est, negabiti illis Deus votum suum, in casum evadent eorum in te conatus & prava studia. VII. *Et attenuabuntur, emaciabuntur*, e Psalm. cxlii. vers. 24. *inimici tui tibi*; id est, robore privabuntur & viribus. VIII. *Et debilitati sunt inimici tui ergate.* IX. *Et redendent abiecti inimici tibi.* X. *melius: Et denegati fuerunt, mentiti fuerunt, defecerunt inimici tui tibi*; id est, præ robore & felicitate victoriarum tuarum hostes tui desicient, mentientur, id est extinguentur, consummabuntur, perdentur, frustrabuntur omnibus suis viribus & conatibus. *Mentiri, denegari*, pro *desicere*, phrasi Hebræa & Hispanica, ut Osee ix. vers. 2. *Et mustum mentietur.* Habacuc iii. vers. 17. *Mentitum fuit opus olivæ*; id est, defecit, sefellit agricolam, nullum fructum tulit. Sic Horatius:

Spam mensita seges:

Virgilius:

Et vicium seges ægra negabant.

Item Horatius:

..... fundusque mendax;

id est, qui votis aut spei non respondet agricolæ. Hispanice dicimus, *Mentio la anada*. Similem locutionem habes II. Samuelis xxi. vers. 45. Psalm. cxvii. vers. 45. Psalm. lxxv. vers. 16. *Inimici Domini mentiti sunt ei*; id est, defecerunt, evanuerunt, consumpti sunt. Quidam istud ad Gabonitas æstant, qui mentiti sunt Israeli, se non esse de terra hostium illius, Iosue ix. **EORUM COLLA CALCABIS.** Hebr. *super excelsa eorum calcabis*; vel super capita & colla eorum, ut Iosue x. vers. 24. vel urbes eorum munitissimas & altissimas penetrabis, & obrinebis, supra cap. xxxii. vers. 13. aut aras, & delubra divum pessundabis & demolieris.

D d d d

ME-

vers. 1. **H**OMO DEI, homo divinus, homo totus ad Dei voluntatem factus.

V. 2. **DOMINUS DE SINAI VENIT**, cum inde nobis legem dedit, & promulgavit. **DE SEIR ORTUS EST NOBIS: APPARUIT DE MONTE PHARAN.** Dicitur de Seir ortus, & de Pharan apparuisse, quod ab ea parte in qua ad montem Sinai existentibus Hebræis cernebantur iuga montis Seir, & Pharan, quæ in eadem eremo conspicua erant, visus sit primo divinus splendor apparere, & paulatim ad montem Sinai accedere, ubitandem resederit, totumque montem nebula, fumo, igne compleverit. **SANCTORUM MILLIA,** Angelorum scilicet. **IGNEA LEX,** quia Deus eam ex igne seu monte igneo, & ardente dedit Israël. Dicitur lex ista in dextera eius esse, ad modum scilicet dantis, vel eam dare volentis.

V. 3. **DILEXIT POPULOS.** Vel positus est numerus pluralis pro singulari, vel per *populos* intelligit Israeliticas tribus, quarum unaquæque integri populi instar habebat. Hæc tribus vocatur populi, & gentes, Genes. xlviii. 19. **OMNES SANCTI IN MANU ILLIUS SUNT:** totus populus Dei cultui dedicatus, illique sepositus, & sanctificatus. *Sunt in manu*, id est potestate, & gubernatione Dei. **ET QUI APPROPINQUANT,** verti potest, *Qui appropinnaverunt.* **PEDIBUS EIUS,** ad radices montis, ex quo a Deo lex dabatur. **ACCIPIENT DE DOCTRINA ILLIUS:** verti potest, *Acceperunt de doctrina illius,* sanctam scilicet legem; qua ad omnem honestatem, vitam componebant.

V. 4. **HEREDITATEM MULTITUDINIS IACOB;** hoc est, quæ quasi hereditario iure sit ad Iacobi posteros transitura, & in eo populo permanitura.

V. 5. **ERIT APUD RECTISSIMUM REX:** verti potest, *Fuit apud dilectum Rex,* & sensus erit: Habuit dilectus populus Regem, hoc est ducem, gubernatorem, ac legislatorem Moysen, qui ut Rex monarchico modo Israël gubernavit. Vel sensus est: Habebit Reges populus dilectus, quod factum est in Saule, & aliis deinceps.

V. 6. **VIVAT RUBEN, ET NON MORIATUR.** Allusum est ad prædictionem Iacob, qui de Ruben dixerat: *Effusus es sicut aqua, non crescas:* Gen. xlix. 4. Confirmat hoc Moyses decens non fore quidem delendam tribum illam de populo Israël, sed numero capitum non admodum augendam.

V. 7. **AUDI DOMINE VOCEM IUDAE,** tribu Iudæ precantis, ut promissa terra potiri liceat. **ET AD POPULUM SUUM INTRODUCERE:** & ad terram quam occupatura est, introduc eam. **MANUS EIUS PUGNABUNT PRO EO,** populo scilicet expellendo, & incedunda possessione terræ. **ET AUDITOR ILLIUS,** Deus scilicet.

V. 8. **PERFECTIO TUA, ET DOCTRINA TUA VIRO SANCTO TUO;** supple, data est. Virum sanctum appellat Aaronem, quia sanctificatus per consecrationem in Pontificem. Huic data *perfectio, & doctrina,* quæ gestabat in Rationali, ut habemus Exodi xxviii. 30. Laudat ergo Moyses tribum Levi a Pontificatu illi concessio. **QUEM PROBATI IN TENTATIONE.** Deus Aaron, & Moysen, eorumque fiduciam tentavit, & exploravit, cum populus in Cades propter aquæ defectum murmuravit: de quo vide Num. xx. 12. & ibi dicta. **ET IUDICASTI AD AQUAS CONTRADICTIONIS.** Iudicatus est Aaron, quia terra promissionis propter illud peccatum exclusus est, ut etiam Moses. *Ad aquas contradictionis:* ubi contradixit, & murmuravit populus.

V. 9. **QUI DIXIT PATRI SUO, ET MATRI SUAE: NESCIO VOS,** &c. quasi dicat: Levitæ in punitione idololatriarum, qui vitulum adoraverant Exod. xxxii. 28. non sunt miseri amici, cognatorum, fratrum, ac filiorum, matrum, aut patrum, sed eos æque ac alios idololatrias occiderunt. **HI CUSTODIERUNT ELOQUIUM TUUM, ET PACTUM TUUM SERVAVERUNT:** pactum cum Deo initum Exod. xxiv. 8.

V. 10. **IUDICIA TUA O IACOB, ET LEGEM TUAM O ISRAEL.** Nestenda hæc cum superioribus per appositionem; quasi dicat: Hi custodierunt pactum, & eloquia tua, quæ nihil aliud sunt, quam iudicia, & lex tua. **PONENT THYMIAMA IN FURORE TUO,** ad te scilicet pla-

placandum: quod & fecisse Aaronem legimus Num. xvi. 47.

V. 11. **BENEDIC DOMINE FORTITUDINI EIUS.** Laudatur bellica fortitudo Levitarum, quæ maxime enituit in Machabæis.

V. 12. **AMANTISSIMUS DOMINI.** Quemadmodum Iacob Beniamin eximie dilexit, ita & Dominus; quare ex hac tribu primus Rex Israël datus est Saul, & in finibus Beniamin ædificatum est templum. **HABITABIT CONFIDENTER IN EO.** Hebr. *super eum*, Dominum scilicet, cum ut dixi, intra fines suos templum haberent Beniamitæ, & Dominum in eo habitantem. **QUASI IN THALAMO TOTA DIE MORABITUR,** Dominus scilicet in templo. **ET INTER HUMEROS ILLIUS REQUIESCET.** Chaldaus vertit: *Et in terra eius habitabit maffes Domini.* Dicitur Deus super humeros Beniamin requiescere, quia futurum erat ut templum Dei super edito monte Moria extructum, ad eum modum emineret, quo caput eminet super humeros.

V. 13. **DE BENEDICTIONE DOMINI TERRA EIUS;** hoc est, terra eius a Deo erit benedicta, mire fertilis & amœna. Convenit tota hæc benedictio utrique tribui, Manassis scilicet & Ephraim, sed præcipue Ephraim. **DE POMIS CAELI,** optimis fructibus, & plae deliciousis ob clementiam cæli, & benignos in terram illam influxus. **ET RORE, ATQUE AÏSSO SUBIACENTE.** Facit enim ad fertilitatem ros decedens in sata, & fructus, & aquarum profunda fluente iuxta arbores decurrentia, iuxta illud Psalm. 1. *Et erit tamquam lignum quod plantatum est secus decursus aquarum, quod fructum suum dabit in tempore suo.*

V. 14. **DE POMIS FRUCTUUM SOLIS, AC LUNAE:** hæc enim duo astra ad bonitatem, & maturitatem fructuum maxime concurrunt; luna de nocte humorem subministrando, sol diurno calore humorem excoquendo.

V. 15. **DE VERTICE ANTIQVORVM MONTIVM, ET POMIS COLLIVM AETERNORVM.** Laudat fructus a soli bonitate: meliores enim sunt ii qui in supinis collibus, quam qui proveniunt in planitie. Colles dicuntur æterni, & montes antiqui, quia cum ipsa terra a Deo creati sunt.

V. 16. **ET DE FRUGIBVS TERRAE,** campestris scilicet & planæ, **ET DE PLENTIVDINE EIUS,** abundantia scilicet & copia. **ET SUPER VERTICEM NAZARAEI.** Ioseph, qui cur dictus sit Nazareus, vide supra cap. xlix. Genes. ad num. 26.

V. 17. **QUASI PRIMOGENITI TAURIPVLCRITUDO EIUS.** His verbis regni Israelitici, quod in tribu Ephraim præcipuam sedem habuit, gloria, & fortitudo describitur. Taurus qui in armentio dominatur, Regis symbolum est: dicitur primogenitus, ut alludatur ad primogenitorum ius, quod ablatum a Ruben, consecutus est Ioseph. **CORNVA RHINOCEROTIS CORNVA ILLIUS.** Cornua in Scriptura sæpe sunt fortitudinis symbolum: hinc Psalm. lxxv. extollere, & confringere cornua, est potentiam extollere, & deprimere. Nominatim vero rhinocerotis cornua celebrantur, ut cum dicitur Num. xxiii. 22. *Cuius fortitudo similis est rhinocerotis.* Hæc sunt multitudine Ephraim, et hæc milia Manasse: quibus scilicet hæc benedictiones conveniunt.

V. 18. **LAETARE ZABVLON IN EXITU TVO,** occasione exportationis mercium: nam Zabulon proximus mari, mercaturæ addictus fuit. **ET ISSACHAR IN TABERNACULIS TUIS:** tentoriis, casis, diapalibus agrorum, ac pastorum, vitam securam, & quietam ducentium.

V. 19. **POPULOS VOCABUNT AD MONTEM.** Latæ, & alacres hæc duæ tribus, quippe divitiis, & terræ fructibus abundantes, ascendent statim temporibus ad templum, & sua alacritate alias tribus ad idem officium religionis provocabunt. **VICTIMAS IUSTITIÆ,** quæ immolantur ut legis præcripto satisfiat. **INUNDATIONEM MARIS QUASI LAC SUGENT:** opibus, & deliciis externis, quæ navibus invehuntur, affluent. Convenit hoc etiam Issachar, quæ tribus, dato Zabuloni frumento, &c. opes illas marinas vicissim accipiebat. **THESAUROS ASCONDITOS ARENARUM.** Vel aurifodinas intelligit, vel thesauros, ac gemmas ab exteris allatas, quæ e terra, vel arenis extrahi, & colligi solent.

V. 20. **BENEDICTUS IN LATITUDINE GAD:** vel latitudine terræ spatio-

ſæ, quam trans Iordanem accepit; vel per latitudinem, proſperitatem intelligit. **QUASI LEO REQUIEVIT**, hoſtes ſuos non timens, **CEPITQUE BRACHIUM ET VERTICEM**, fortes ſcilicet adverſarios ſuos, & reges eorum.

Verſ. 21. **VIDIT PRINCIPATUM SUUM**. Excellentiam quamdam ſuam præ aliis tribubus agnovit, & ea gavifus eſt. **QUOD IN PARTE SUA**, in finibus ſuis. **DOCTORESSE REPOSITUS**, Moſes ſepultus eſſet, licet locus neſciretur. **QUI FUIT CUM PRINCIPIBUS POPULI**: qui Moſes in egreſſu ex Aegypto, & vaga per deſertum peregrinatione dux, & comes ceterorum populi principum fuit. **ET FECIT IUSTITIAS DOMINI**, et **IUDICIUM SUUM CUM ISRAEL**: iuſte rexit populum, iuxta divinam legem.

V. 22. **DAN CAPTULUS LEONIS**. Vel ad totam tribum, vel ad Samion peculiariter reſertur. **FLUIT LARGITER DE BASAN**. Tribus Dan terram ſuam ſortita eſt ad meridiem Iudæ; aliqua tamen pars huius tribus, reſecta poſſeſſione ſibi attributa, aliam ſibi ſedem quaſſivit, & extrema terræ promiſſæ ad aquilonem, & Libanum incoluit, ubi & urbs nomine Dan exſtitit. Non procul ab hac urbe duo fontes Ior, & Dan oriuntur, qui Iordanem efficiunt: quia ergo fluvius hic terræ ſanctæ præcipuus eſt, dicitur *Dan fluere*; hoc eſt, aquas ſuppeditare ad faciendum flumen, & terram rigandam. **DE BASAN**. In regione Baſan, quæ & Bathanæa dicitur, lacus exiguus eſt, qui Phiala dicitur, ex quo aquæ per ſubterraneos meatus inſiunt in fontem Dan, ex quo poſtea Iordanis.

V. 23. **NEPHTHALI ABUNDANTIA PERFERTUR**. Fuit enim regio eius amœniffima & uberrima. **MARE, ET MERIDIEM POSSIDEBIT**. delicias ſcilicet & opes, quæ per mare advehuntur; quaſi dicat: Nihil deerit huic tribui: ſolum habebit uberrimum, & inſuper aliunde delicie abundabit, a Sidoniis, Tyriis, ac Phœnicibus conterminis ſuis, importatis.

V. 24. **BENEDICTUS IN FILIIS ASER**, propter copioſam, & decoram prolem. **SIT PLACENS FRATRIBUS SUIS**. Eius virgines ad connubia expentur ab aliis tribubus. **TINGAT IN OLEO PE-**

DEM SUUM. Tanta olei copia abundabit, ut eo etiam pedes lavare poſſit, ut lob **xxix. 6.** dicebat: *Quando lavabam pedes meos buſyro.*

V. 25. **FERRUM ET AES CALCEAMENTUM EIVS**, claviculis ferreis, & æreis in calceis ad ornamentum inſixis. **SICUT DIES IUVENTUTIS TUAE**, ita et **SENECTUS TUA**: ſenectus viridis, & vegeta, iuventuti non abſimilis.

V. 26. **RECTISSIMI**, dilecti populi Iſraelis. **ASCENSOR CAELI AUXILIATOR TUUS**: qui cælum inhabitat, & illi quodammodo inequitat. **MAGNIFICENTIA EIVS**, magna eius ſapientia & potentia.

V. 27. **SURSUM**, ſcilicet in cælo. **ET SUBTER BRACHIA SEMPITERNA**: brachia ſua æterna extenſa ad opem ferendam nobis, qui inferiores ſumus. **CONTERERE**: eſt imperativus paſſivus: non dicit tantum, ſed faciet, conteretque: nam dicere Dei, eſt efficax.

V. 28. **CONFIDENTER ET SOLUS** etiam ſolus abſque alio præſidio ſecurus erit. **OCULUS IACOB IN TERRA FRUMENTI, ET VINI**. Oculi Iſraelitarum contemplabuntur terram ſeracem vini, & trumentis, quam poſſidebunt. **CÆLIQUE CALIGABUNT RORE**. Ros per ſtilillas deſcendit, & ſi quando copioſus ſit caligine, & nebula ſolem obtegat, donec rore ſubſidente, ſol nobis reddatur. Promittit ergo copiam roſis.

V. 29. **SALVARIS IN DOMINO**, per Dominum. **SCUTUM AUXILII TUI**, ſcutum ad auxilium tibi ferendum. **ET GLADIUS GLORIAE TUAE**: neque enim ſolum ſcuto protegeris ab hoſtibus, ſed gladio etiam illos impetes. **NEGABUNT TE**: reſiſtent, contradicent tibi, ſubcilioſent. **EORUM COLLA CALCABIS**: eoſque coges tibi ignominioſa ſubiectione parere.

T I R I N I.

Verſ. 2. **D**OMINUS DE monte SINAI VENIT, quia in illo monte requievit gloria Dei, ipſeque Deus ex vertice eiufdem montis legem ſuam promulgavit. **ET DE SEIR** monte Idumææ **ORTUS EST NOBIS**, quaſi novus ſol nos vivificans, cum ab ignitis ſerpenti-

tribus laesos serpente æneo nos curavit, Numer. xx. & xxi. Denique novo rursus beneficio APPARUIT nobis DE MONTE PHARAN, submittere coturnices, & Septuaginta iudices populo constituens, Num. xi. ET CUM EO SANCTORUM, Angelorum, MILLIA, Hebraea, LXX. & Aquila habent, *myriades Angelorum*, lateracius stipantium. IN DEXTERA EIUS, insigne nobis paratum donum, IGNEA LEX Decalogi. *igneæ*, inquam, quia ex igneo seu ardente monte promulgata; ex igne divini amoris & favoris profecta; & quasi igne excocta, pura, omnique foris & interioris carens: denique instar ignis intellectum nostrum illuminans, & cor accendens atque inflammas.

V. 3. 4. & 5. DILEXIT POPULOS, nempe duodecim tribus Israel. Hæc vero dilectio causa est omnium beneficiorum partim jam commemoratorum, partim commemorandorum. Ex hac enim dilectione factum, quod OMNES SANCTI, scilicet Israelitæ, in sanctum a Deo populum ex toto orbe selecti, IN MANU ILLIUS SINT; hoc est, in Dei fida certaque protectione. ET QUI APPROPINQUANT PEDIBUS EIUS, hoc est qui se præbent obsequentes discipulos, ACCIPIENT DE DOCTRINA ILLIUS, qua plene instruentur ad omnem vitæ honestatem ac sanctitatem; quasi dicat: Non auscultabunt doctrinæ vanæ aut profanæ, sed soli *legi* divinæ, quam iubente Deo PRÆCEPIT, explicuitque populo MOYSES, HEREDITATEM MULTITUDINIS IACOB; hoc est, quæ tam cara, tam pretiosa debet esse omnibus filiis Iacob, quam solet esse hereditas filijs a parente relicta: & sicut REX solet esse APUD populum FERISSIMUM, seu recta politia institutum. Qualis rectitudo apud Israelitas semper erit, quamdiu unanimiter in divinæ legis observationem conspirant PRINCIPES POPULI CUM TRIBUBUS ISRAEL. Hæc præfatus Moyses de singularibus Dei beneficiis in universum populum, mox singulis seorsim tribus benedixit, & prophetice olim obventura singulis prænnuntiat. De primogenito Ruben vide dicta Gen. xlix.

V. 7. AUDI DOMINE VOCEM IUDÆ, hoc est preceem & supplicationem tribus Iudæ, qua promissum a te in omnes Israelitas principatum postulat sibi con-

cedi, ET AD POPULUM SUUM sibi subiectum tamquam Princeps, & Rex introduci solemniter inauguratione. Nam sic a te decretum est, ut *manus Iudæ pugnent* pro populo universo, tamquam vindices communis omnium salutis. Et de facto tribus Iudæ fere semper, etiam ante designatos reges, principatum in bellis obtinuit, ut Iudic. i. vers. 2. & cap. xx. vers. 18. & alibi dicitur.

V. 8. TRIBUI LEVI....AIT: PERFECTIO TUA, ET DOCTRINA TUA: Hebraice, *Tummin & Urim*: VIRO SANCTO TUO, Aaroni data sunt a te. Erant hæc gemmæ pretiosæ in pectorali summi Pontificis collocatæ, de quibus vide Exod. xxviii. vers. 30. Per quæ sacra Pontificatus insignia metonymice intelligit ipsummet Pontificatum Aaroni collatum, QUEM PROBASTI IN TENTATIONE AD A QUAS CONTRADICTIONIS, Num. xx. ET IUDICASTI; ac punivisti exclusione a terra promissa, adeoque & morte; quasi dicat: Non obstant tamen hæc Aaronis offensa, voluisti summi Pontificatus honorem penes illum familiam, atque omnia sacerdotalia munia, & sacra templi ministeria penes hanc unam tribum perpetuo remanere, scilicet propter alia eiusdem tribus merita: ac præsertim propter insignem zelum Phinees, & egregium omnium Levitarum facinus, cum Exodi xiii. cultores vituli aurei, nullo facto delectu seu fratrum, seu filiorum, seu parentum, cæco divinæ iustitiæ zelo contrucidarent.

V. 11. PERCUTE DORSA INIMICORUM EIUS; quasi dicat: Tu Deus vicissim sterne inimicos illorum, qui tanto zelo persecuti sunt inimicos tuos. Præsignat his Moyses præclara facinora & victorias sacerdotum Machabæorum, quorum robur bellicum plane fuit admirabile, & triumphi supra modum illustres.

V. 12. BENIAMIN ut Iacobo patri suo AMANTISSIMUS fuit, ita & Deo opt. max. tribus illa erit carissima. Patet ex singularibus in eum collatis beneficiis: nam & pinguis simam totius terræ promissæ regionem accepit, in qua erant Iericho, & Ierosolyma: & primum Israelitarum regem, Saul, ex sua tribu habuit, & in eadem tribu templum Dei Ierosolymis constructum fuit; in quo Deus con-

FIDENTER, tamquam IN THALAMO SUO, INTER HUMEROS dilecti sui morabatur *et requiescebat*. Licet enim pars Ierolymæ superior australis, ubi erat mons Sion, pertineret ad tribum Iuda; pars tamen inferior & septentrionalis cum intermedio monte Moria, in quo templum exstructum fuit, spectabat ad tribum Benjamin a. Neque aliter in Scripturis dicitur *Deus habitasse in monte Sion*, vel *templum fuisse in monte Sion*, quam quod synecdochice *mons Sion* sumatur pro tota urbe Ierolymitana: & quia cœquata a Salomone voragine Mello, quæ inter montem Sion & montem Moria interiacebat, uterque mons videri unus potuit, maiore communicante minori nomen suum.

N. 13. & seq. De benedictione Ioseph dixi Gen. XLIX. Hic per *poma cæli*, & *poma fructuum solis ac lunæ*, intelliguntur optimi fructus, planeque delictiosi, ob clementem cæli & aliorum influxum in eam regionem quæ obgit tribubus Ephraim & Manasse; designaturque maxima terræ fecunditas non solum in planitie & vallibus, sed etiam in *VERTICE COLLUM ET MONTIUM*, & quidem *AETERNORUM*; hoc est, ab ipso mundi exordio sic factorum; quasi dicat: Hæc amœnitas & fertilitas non arte aut industria hominum inducta fuit, sed ab ipso Deo data opera a primo mundi exordio concreata. Sic *pulchritudine primogeniti tauri*, ET *CORNIBUS rhinocerotis*, regni Ephraimitici sub Iero-boam eiusque successoribus, gloria, decus, & robur designatur, ut in simili dixi Numer. XXIII.

N. 18. & 19. *LÆTARE ZABULON IN EXITU TUO*, id est exportatione, & importatione mercium omnis generis, ET *ISACHAR IN TABERNACULIS TUIS*, in quibus quiete degendo, & agriculturæ vacando, feliciter quoque augebis restuas. *POPULOS reliquarum tribuum VOCABUNT AD MONTEM DEI*, seu ad templum, idque plici via. Prima, studio suo Astrologiæ, quod cum agricultura maxime quadrat: unde I. Paral. XII. vers. 32. dicuntur fuisse *de filiis Issachar viri cruditi, qui noverant singula tempora, at præcipue quid facere deberet Israel*. Videtur enim Issacharæ cura demandata fuisse ephemerides, & statâ per annum festa describendi, or-

dinandi neomenias, & cum opus esset embolismalem mensem intercalandi: atque ita passim indicandi quibus temporibus ter per annum ad montem sanctum & templum omnibus conveniendum esset, quod ipsum erat tacite invitare & vocare ad montem. Altera via quoque vocabunt, exemplo aliis præeundo: nempe copiosis victimas iustitiæ, seu lege debitas, ex fructuum suorum ubere proventu, quotannis immolando, quoties ad templum ascenderent; quasi dicat: In eo reliquis præcellent, & præbunt. Sed vicissim Deus illis quoque copiosius benedict: nam *INUNDATIONEM MARIS QUASI LAC SUGENT*; hoc est, opibus ac deliciis externis, quas mare navibus affundet illis, affluent, *et thesauris absconditis arenarum*, id est auro, argento, gemmis aliunde invehitis, quæ et terra vel arenis effodi solent, mire abundabunt.

N. 20. & 21. *BENEDICTUS GAD*; primo *IN LATITUDINE*; hoc est, propter latam & spatiosam regionem, quam trans Iordanem obtinuit. Secundo ob fortitudinem bellicam, & devictis hostibus securitatem, quia *QUASI LEO* victor & dominator omnium securus & neminem timens *quiescet*, & leonis in morem, qui prædæ quam cepit, *BRACHIUM* seu armum, simul ET *VERTICEM* seu caput, uno impetu & unguium impressione a reliquo corpore divellit, Gaditæ adversarios suos eorumque duces ac reges discerpent. Tertio ob *PRINCIPATUM SUUM*, hoc est singularem excellentiam quæ præ reliquis tribubus gaudet: *QUOD IN PARTE SUA DOCTOR totius populi*, puta Moyses, *ESSET REPOSITUS*: quia mons Nebo, ubi sepultus est Moyses, intra terminos Gaditarum continetur.

N. 22. *DAN fortiterit & audax ut capulus leonis*. Patuit exemplo Samsonis. *FLUET LARGITER*; hoc est, largissimum maximumque fluvium subministrabit reliquæ terræ sanctæ. Nam ex hac tribu ad radices Libani duo fontes ac rivoriuntur, Ior, & Dan dicti, qui prope urbem Dan coeunt, Iordanem efficiunt. Qui tamen *DE BASAN* quoque profuere hic dicitur, quia primam suam originem per subterraneos meatus accipit ex Basan, putâ ex Phiala fonte, seu lacu, ut experimento,prehendit etiam Philippus Tetrarcha, sarcinulis in eum lacum conie-

dis, & postea in fonte Dan repertis, teste Iosepho, Hegesippo, Adrichom, & aliis b.

V. 24. **ASER BENEDICTUS** erit, primo **IN FILIIS**, nempe prolibus quæ ob extremam formam fratribus, seu ceteris reliquarum tribuum futuræ sint in amore, & deliciis: erique hæc forma non fluxa, nec imbellis, sed constans & robusta. **SICUT DIES IUVENTUTIS TUAE**, ITA **ET SENECTUS TUA**; hoc est, perduratura in longam senectutem. Secundo copia olei, ut præ abundantia possit etiam **IN OLEO** quasi aqua pedes quotidie lavare. Huc etiam alludit Iacob Genesis quadragesimo nono eidem tribui benedicens, *Pinguis*, inquit, *panis eius*, & præbebit *delicias regibus*. Tertio fodinis ferri & æris, tam copiosis, ut etiam calceos inde conficere possent si vellent. Forte etiam moris apud eos fuit, calceorum fulcimentis ac soleis tum subtus, tum ad latus clavos impingere, ferreos pro rusticis ac plebeiis, æneos pro honestioribus. Nam id olim etiam apud Romanos, & Syros, & alios populos usitatissimum fuisse testes sunt Iuvenalis, Iosephus, Plinius, Valerius Maximus c.

V. 28. **OCULUS IACOB IN TERRA FRUMENTI ET VINI**; hoc est, oculi posterorum Iacob contemplabuntur terram sibi datam frumenti & vini supra modum feracem: **CAELIQUE CALIGABUNT RORE**: nempe tam copiosus ros decider, ut caligine densaque nebula solem, cælumque nobis obtegat. Quæ res ad frugum & fructuum abundantiam mire confert.

f (a) Lyranus in Genes. xxviii.

(b) Ioseph. Lib. III. Belli cap. xviii. Adrich. in Jordane & Phiala.

(c) Iuvenalis Satyra xiii. Ioseph. Lib. VII. Belli cap. lxi. Plin. Lib. XXXIII. 3. Valer. Maxim. Lib. IX. cap. 1.

GORDONI.

Verf. 2. **D**OMINUS DE SINAI VENIT: quia inde legem dedit Exod. xx. **DE SEIR ORTUS EST**, quando iussit erigi serpentem æneum, Num. xxi. **APPARUIT DE MONTE PHARAN**, dando conturnices, & septuaginta Iudices, Num. xi. **ET CUM EO SAN-**

CTORUM MILLIA. Dan. vii. verf. 10.

V. 3. & 4. **DILEXIT POPULOS**, seu populum hunc, & tribus Israel: & ideo sanctos vocat, nempe peculiariter electos a Deo. Hi etiam appropinquant ad pedes Dei, & radicem montis, acceperunt doctrinam & legem: & hæc erit pro hereditate domus Iacob, tradita per Moysen.

V. 5. **ERIT APUD RECTISSIMUM REX**; hoc est, quamdiu Israel erit rectus, Rex eius erit Deus legislifer.

V. 6. **VIVAT RUBEN**, &c. Moyses moriturus prophetizat de futuro statu tribuum. Intermitte tamen Simeonem (qui tamen vitiose irrepit apud Septuaginta) ut certe non est in aliis editionibus. Omissionis causam dant aliqui, quia tribus hæc fornicatione, & idololatria vehementer contaminata fuit. Ceterum Ruben (inquit Moyses) quamvis ob incestum deleri potuerit, tamen non deficit, sed parvo erit numero. Gen. xlix. verf. 3.

V. 7. **HAEC EST BENEDICTIO IUDAE**. Iudas pugnabit pro populo Israel, & princeps tribuum constituetur. Vide Iud. i. verf. 2. & Gen. xlix. verf. 10.

V. 8. usque ad 12. **LEVI QUOQUE**; &c. Data scilicet est viro sancto Aaroni, perfectio & veritas, seu *Urim*, & *Thummim*, ut dictum est Exod. xxviii. verf. 30. Doctrina, inquam, & veritas. Hic pontificatum commendat, datum Aaroni, & posteritati eius. Probatus vero fuit in fide erga Deum, ad aquas contradictionis, Num. xx. ubi hæsitavit. Dixit vero ille, immo & tota hæc tribus, patri & matri, Nescio vos; hoc est, æstuentes zelo divini honoris, ultionem, & cædem in fratres exercuerunt, ut narratur Exod. xxxii. verf. 25. nullo parentum habito discrimine. Cetera hinc clara sunt.

V. 12. **ET BENIAMIN**, &c. tribus dilecta; ut olim Patriarchæ natorum minimus, ita accepit hæc tribus fertilissimam terræ partem, in qua Ierichoerant & Ierusalem, Saulis patria primi Regis. At quis requiesceret inter humeros Beniamin? Certe Deus. Erat enim templum, & mons Moria in illa tribu. Hinc Chaldaus: *Et in terra eius Maieffas Domini*. Erat Moria mons medius, inter montem Sion & interioriorem Civitatem: quamvis aliqui velint partem montis Moriz pertinuisse ad Iudam.

dam, idque ab eo præsertim tempore quo Salomon replevit voragine inter Moriam & montem Sion, ut excinderetur tantum unus mons.

V. 13. usque ad 18. IOSEPH QUOQUE, &c. Terra eius benedicta a Deo erit: terra, inquam, Ephraim, & Manasse. *Poma celi fructus optimos norant. Septuag. muros fructus, ἀπατα.* Late ergo hic *voxponum*. In idem recidit, quod sequitur de pomis fructuum solis & lunæ. Accedet etiam fertilitas ex irrigatione terrestri a collibus antiquissimis, iam inde ab origine mundi conditis. Deus est qui apparuit in rubo, Exod. cap. 111. de quo hic Moses. Quod vero est hic vers. 16. *SUPER VERTICEM NAZARABI*, habetur, & explicatur Genes. xlix. in benedictione eiusdem Ioseph. Porro *PULCHRITUDO Ioseph QUASI PRIMOGENITI TAURI*. Israelitici regni gloriam designat hoc symbolum primogeniti, ex potentia decem Tribuum in regno Israel, quod ad Ephraim pervenit. Eandem fortitudinem, & potentiam notat, quod sequitur, *CORNUA RHINOCEROTIS, CORNUA EIUS.*

V. 18. & 19. ZABULON... ET ISSACHAR... *POPULOS VOCABUNT AD MONTEM.* Duas hic Tribus dat, quibus opulentiam designat. Zabulonitis quidem inter duo maria, qui mercimoniis vacabant, ut vides Gen. xlix. de eadem Tribu. Issachar vero commendatur ut Tribus quieta, & agriculturae dedita, ex eodem cap. xlix. Hi ergo populos vocabunt ad montem, & haurient ex maris arenis divitias: hoc quidem secundum ex navigatione, ut non aberant multum a littore maris. Primum vero illud aliqui interpretantur, solitos fuisse illos ex Tribu Issachar, præter neomenias, & festos dies, designare etiam quibus temporibus eundum esset ad victimas in templo offerendas; vel etiam, quod ipsi cum essent divites, multas & lætas victimas iustitiae essent oblaturi.

V. 20. ET GAD AIT. Benedictio Gad est in amplitudine regionis, quæ illi trans Iordanem obvenit. Addit etiam laudem a fortitudine bellica, qua ibi devicit hostes: *QUASI LEO*, inquit, *REQUIEVIT, CEPITQUE BRACHIUM ET VERTICEM*, hostium scilicet, quos de-

bellavit. In brachio est fortitudo. Sed quis iste *principatus*, & quis *doctor*? uno verbo dici potest esse Moysen, qui doctor & promulgator legis est, sepultum in possessione Gad; & in hoc tribum hanc accepisse principatum supra alias. Ille, inquam, qui fecit iustitias & iudicia in Israel.

V. 22. DAN CATULUS LEONIS; &c. Audax, & ira nobilis, ut leo, & præsertim propter Samsonem ex ea tribu oriundum. *Dan* vero *FLUIT LARGITER*, quia ex ea tribu fuit Iordanis, sed ex *BASAN* (quæ est in Basanitide regione trans Iordanem) ubi est fons, e quo multi putant oriri Iordanem; licet alii putaverint originem esse prope Libanum, ut alibi dixi. Num. cap. xxxiv.

V. 23. NEPHTHALI ABUNDANTIAPERFRUITUR. Septuag. habent, *Satietatem acceptabilem*, id est *πληρονομία δίκαιον*, alii *iudiciar*; in Hebr. est, *Saturitas voluntatis*. Regio quidem quæ huic tribui obvenit, simul fertilis fuit & valde amœna. Atque hinc iam quod additur, *MARE, ET MERIDIEM POSSIDEBIT*, est allegoricum, designans opes quas affert mare, & delicias australium regionum. Vel etiam de vicinarum tribuum commercio hoc explicari potest: nam Nephthali ex una parte habebat tribum Aser, quæ Tyrum, & Sidonem tangebatur; & ex altera habebat tribum Zabulon meridionalem. Vide Adrichomium de situ Nephthali, a fontibus Iordanis usque ad mare Genesareth: sic enim obtinebat longum satis Iordanis tractum.

V. 24. & 25. BENEDICTUS IN FILIIS ASER; hoc est, prole pulchra, & passim expetenda ad connubium: ac proinde dicitur *PLACENS FRATRIBUS*. Ibi porro magna erit olei copia, & ubertas, ut *TINGAT*, inquit, *IN OLEO PEDUS SUUM*. Sic etiam Genes. xlix. *Pinguis panis eius*. At quomodo vers. 25. *FERRUM ET AES CALCAMENTUM EIUS*? Notat ex fodinis porro opulentiam, atque æris & ferri copiam. Et *SICUT DIES SENECTUTIS*, &c. hoc est, perdurabit diu satis tota hæc gloria, & benedictio tua.

V. 26. NON EST DEUS ALIUS UT DEUS RECTISSIMI, &c. Digressio est cum

cum epiphonemate, de laudando Deo tot benedictionum auctore, erga omnes tribus Israel. Nomine *vestigium* Israellem intelligit. Non est Deus alius ut Deus Israelis, & similia usque ad finem capituli.

V. 27. 28. & 29. NUBES MAGNIFICENTIAM DEI PRÆDICANT. Habitat sursum in cælo, ac nubibus; & tamen subitus, versus terram, extendit bra-

chium, potentiam, & providentiam. Oculi, & posteri Iacob bonis abundabunt & cæli caligabunt rore: nempe quando ros densus est, sol caligare videtur. In Hebr. *Stillabunt cæli*, scilicet defluente per stillas rore. Tandem extremo versu concludit: NEGABUNT TE INIMICI TUI, hoc est contradicent; sed TU eos vineas, obrues, CALCABIS.

C A P U T XXXIV.

Contemplata Terra moritur Moyses, & occulte a Deo sepultus sicut a populo, illique Iosue substituitur: commendatur propheta Moyses a Dei familiaritate, & factis per ipsum signis.



Scendit (a) ergo Moyses de campestribus Moab super Montem Nebo, in vericem Phasga contra Iericho: ostenditque ei Dominus omnem terram Galaad usque Dan, 2. & universum Nephthali, terramque Ephraim & Manasse, * & omnem terram Iuda usque ad mare novissimum, 3. & australem partem, & latitudinem campi Iericho civitatis palmarum usque Segor. 4. Dixitque Dominus ad eum: (b) Hæc est terra, pro qua iuravi Abraham, Isaac, & Iacob, dicens: Semini tuo dabo eam. Vidisti eam oculis tuis, & non transibis ad illam. 5. Mortuusque est ibi Moyses servus Domini, in terra Moab, iubente Domino: 6. & sepelivit eum in valle terræ Moab contra Phogor: & non cognovit homo sepulcrum eius usque in præsentem diem. 7. Moyses centum & viginti annorum erat quando mortuus est: non caligavit oculus eius, nec dentes illius moti sunt. 8. Fleveruntque eum filii Israel in campestribus Moab triginta diebus: & completi sunt dies planctus lugentium Moysen. 9. Iosue vero filius Nun repletus est Spiritu sapientiæ, quia Moyses posuit super eum manus suas. Et obedierunt ei filii Israel, feceruntque sicut præcepit Dominus Moysi. 10. Et non surrexit ultra propheta in Israël sicut Moyses, quem nosset Dominus facie ad faciem, 11. in omnibus signis atque portentis, quæ misit per eum, ut faceret in terra Aegypti Pharaoni, & omnibus servis eius, universæque terræ illius, 12. & cunctam manum robustam, magnæque mirabilia, quæ fecit Moyses coram universo Israël.

(a) II. Mach. 22. 4. Sup. 113. 27. (b) Gen. XII. 7. & XV. 18.

B R U G E N S I S

ROMANA CORRECTIO.

V. 2. Et omnem terram Iuda. Nequaquam

omittenda est vox *Iuda*, quæ quidam faciunt.

COMMENTARIA

S A.

Verf. 1. **P**HASGA; id est, qui dicitur Phasga. CONTRA, id est e regione.

V. 5. MORTUUSQUE, &c. Hæc usque ad finem cap. addita secundum quodam a Iosue, vel Esdra. IUBENTE DOMINO. Hebr. *iuxta verbum Domini*,

V. 6. SEPELIVIT: scilicet Deus, vel Angelus. CONTRA PHOGOR: id est ea parte, qua respicit fanum idoli Moabitarum.

V. 7. DENTES ILLIUS MOTI SUNT. Hebr. *Fugit vigor*. LXX. *Corrupta sunt labia*. Chald. *Mutatus est splendor vultus*.

V. 8. FLEVERUNTQUE, non lacrymis, sed pompa funeris: Hieronym. epistol. xxv.

V. 10. SURREXIT; id est, natus est, seu inter homines exiit. FACIE AD FACIEM, id est familiarissime.

V. 11. QUAE MISIT PER EUM. Heb. & LXX. *ad quæ misit eum*.

E S T I I.

Verf. 5. **M**ORTUUSQUE EST IBI MOYSES. Non ergo Moyse huius narrationis ultimæ auctor est. Plerique Iosue auctorem faciunt. Alii Eleazarum, quod est verisimilius tam de hoc capite, quam de Iosue Libro; in quo etiam ipsius Iosue mors describitur. Quod vero quidam ab Esdra dicant hæc esse adiecta, quando libros sacros restituit (ut vult quoque Glossa ordinaria) puto minus verum.

V. 6. ET NON COGNOVIT HOMO SEPULCRUM EIUS USQUE IN PRÆSENTEM DIEM. Hoc propterea factum putatur; ne populus Israel Moysen cole-ret ut Deum, & corpori eius divinos honores exhiberet propter excellentiam eius, & miraculorum magnitudinem. Atque hinc orta illa altercatio inter diabolum & Michaellem Archangelum, de qua in epistola Iudæ dicitur, quod contenderunt de corpore Moyfi. Nam diabolus voluit mani-

feste sepeliri, velut sollicitus pro honore tanti Prophetæ; revera autem hoc agens, ut ea occasione populum adduceret ad idolatriam; Michael autem occulte sepeliri voluit, iubente Domino, ob causam supra dictam.

V. 7. NEC CALIGAVIT OCVLVS EIVS, NEC DENTES ILLIUS MOTI SUNT. Vide supra cap. xxxi. vers. 3.

V. 10. NON SURREXIT ULTRA PROPHETA IN ISRAEL SICUT MOYSES. Queritur quomodo ergo Christus dicat Lucæ cap. vii. *Major inter natos mulierum Propheta Ioanne Baptista nemo est*? Respondeo: Mon:urrexit ultra sicut Moyses: nempe, ut subiungitur, qui ita familiariter cum Deo ageret, &c. Vice etiam supra Annot. cap. xviii.

M A R I A N A E.

Verf. 1. **A**SCENDIT ERGO MOYSES. Num hoc caput est additum a Iosue? de quo Genesis initio. USQUE DAN. Dan est, qua ad Septemtrionem finitur terra promissionis, iuxta illud, *A Dan usque Bersabee*. Iudic. xx. vers. 1.

V. 3. CIVITATIS PALMARUM. Sic Iericho vocabatur a copia eius arboris, quæ Hebr. dicitur *Thamar*, unde nostris *tamaras*, pro fructu eius.

V. 5. IUBENTE DOMINO. Hebr. *super* (pro, iuxta) *os Domini*; id est, iuxta verbum aut sermonem Domini, ut ipse iussit, aut prædixit, obiit Moyses. Rabbi Selomo explicat *הנשיח בנפשו* *beneficentia in seculo*; id est, cum Dominus oculatus esset, mortuus est. Nugæ. Sic Septuag. & Chald.

V. 6. ET SEPELIVIT EUM; supple, Dominus: sic fere Latini. Sept. *Sepelivimus eum*, fumentes singulare pro plurali, scilicet populus. Hebræi, quoniam non ait quis sepelivit eum, dicunt seipsum sepelisse ingressum in arctam speluncam. *Sepelivimus eum*, id est se. IN VALLE TERRÆ MOAB: sic est Hebr. Sept. *in terra Moab*, credo quod ascendisse dixerit in verticem montis Phasga, qui mons erat in terra Moab.

CON-

CONTRA PHOGOR. Hebr. *contra Beth-phegor*.

V. 7. NEC DENTES ILLIUS MOTI SUNT. Hebr. *Et non fugit vigor eius*.

V. 8. TRIGINTA DIEDUS. In funere Principum tot dies lacrymas continuare moris erat: Num. xx. vers. 29.

V. 9. QUIA MOYSES POSUIT SUPER EUM MANUS SUAS. Vides initium impositionis manuum, quæ fit inter nos in consecratione sacerdotum. Vides ea cæremonia dari cælestia dona.

V. 10. ET NON SURREXIT ULTRA PROPHETA. An Moyses fuerit Propheta-
tarum maximus, Genesis initio didum est.

V. 12. MAGNAQUE MIRABILIA, QUÆ FECIT MOYSES. Hebr. *terrorem magnum*: sed ex miraculis procedit terror, itaque Sept. & Chald. *mirabilia* dixerunt.

M A L V E N D A E.

Perf. 1. **S**UPER MONTEM NEBO. Vide supra cap. xxxii. vers. 49. & Numer. xxxii. vers. 3. IN VERTICEM PHAÏGA. Alii pro appellativo capiunt, in caput, cacumen, verticem collis. Vide Numer. xxi. vers. 20. & supra cap. 111. vers. 27. Quidam notant Nebo, esse partem montium Habarimorum: cuiusque verticem dici Phaïga, qua parte respicit Iericho; qui autem parte respicit Moabitidem regionem, dicit Gai, id est vallem, supra cap. 111. vers. 29. OMNEM TERRAM GALAAD USQUE DAN. Quidam exponunt omnem terram, nempe ipsum Galaad usque Dan. Alii, a Galaad usque Dan.

V. 3. CIVITATIS PALMARUM. Ita quoque appellatur Iericho Iudicum 1. vers. 16. & II. Paralip. xxviii. vers. 15. Strabo Lib. XVI. pag. 763. de Iericho: *Ibi est palmetum, locus ferax, palmis abundans*. Palmetum quod palmam caryotam fert, alibi nullum est, excepto Babylonio, &c. maximus quidem ex eis proventus est. Diodorus Siculus Lib. II. num. 93. *Palmetis tamen hæc regio ferax est*. Iosephus Lib. V. Belli cap. iv. *Palmarumque irriguarum genera tam sapore quam nominibus varia: quarum pinguisime calcibus pressæ plurimum mellis emittunt, non multum alio melle deterius*. Plinius Lib. V. cap. xiv. *Iherichuntum palmetis constat*. Nec dubi-

to Virgilium initio III. Georgicor. huc respexisse:

Primus Idumæas referam tibi Mantua palmas.

Et Lucanum Lib. XIII.

.... *Arbusto palmarum dives Idumæ.*
Idumæam catechrisice pro Iudæa vicina ponentes. Possis quoque reddere Hebræa, *vallem Iericho, urbem palmarum, usque ad Tzegbar*; ut sit asyntheton, & urbem palmarum, nempe Engaddi, palmetis nobilem: de qua vide Genes. xiv. vers. 7. & Iudicum 1. vers. 16. USQUE SEGOR. De hac urbe vide plura Genes. xix. vers. 22.

V. 5. MORTUUSQUE EST IBI MOYSES. De morte Moysi differuimus pluribus Lib. X. de Antichristo, cap. xii. IUBENTE DOMINO. Hebr. *super os Iehovæ*: quidam, iuxta sermonem Domini: alii, ex præstato Iehovæ; vel sicut ei Dominus sæpius prædixerat.

V. 6. ET SEPELIVIT EUM. Subaudi, Deus, vel Angelus, ut volunt Philo Lib. III. extremo de vita Moysi, S. Epiphanius hæresi 1x. colum. 23. OECUMENIUS in Epistolam Iudæ. Alii volunt tertiam personam præteriti activam sumi passivæ, seu impersonaliter, ut alibi sæpe, more Hebræico, *Et sepelivit eum*; id est, *in sepulchro fuit is*. IN VALLE. Hebr. *in Gai*. Quidam nomen proprium esse putant montis Nebo, ea parte qua respicit Moabitidem regionem. Vide supra vers. 1. CONTRA PHOGOR. Hebr. *e regione Beth Phegor*. De hoc loco vide supra cap. 111. vers. 29. & Numer. xxiii. vers. 28. ET NON COGNOVIT HOMO SEPULCRUM EIUS. Consentiunt fere omnes, & res ipsa loquitur, causam quare incognitam esse voluerit Deus sepulturam Moysi, esse ut Iudæis adimeretur occasio idololatriæ, nam tantum virum facile ut Deum adoravissent. Vide Epistolam Iudæ vers. 9. Prava imitatione Moysi videntur Ethnici finxisse suorum legislatorum raptus a conspectu hominum, ut Romuli apud Livium, Plutarchum, Auctorem de Viris Illustribus; item Apollonii Thyanzi apud Philostratum Lib. VIII. de Eius Vita, cap. xii.

V. 7. MOYSES CENTUM ET VICINTI ANNORUM ERAT QUANDO MORTUUS EST. Tremellius Pollio in Claudio
Ecce 2
dio

dio XI. Doctissimi mathematicorum centum & viginti annos homini ad vivendum datos iudicant, neque amplius cuiquam iussitant esse concessum: etiam illud addentes, Moysen solum Dei, ut Iudeorum libri loquuntur, familiarem, centum viginti quinque annos vixisse: qui cum quereretur quod iuvenis iniret, responsum ei ab incerto ferunt numine, Neminem plus esse videndum. Errat Pollio: nam Moses non vixit nisi 120. annos. Illud quod ait ab incerto ferunt numine, imprudenter gentilis scriptor indicavit locum Genes. vi. vers. 3. Eruntque dies illius centum viginti anni. Vide Com. nostros ibi. Moysen obisse prima diemesis Adar, Iosephus affirmat: Hebræi constanter tradunt esse septima, qua etiam natus fuerit, quod est probabilius. Vide Explanatores. **NEC DENTES ILLIUS MOTI SUNT.** Hebr. *Et non fugit viriditas eius, seu succus eius.* Quidam intelligunt splendorem illum radiorum, qui e facie eius vibrabatur, numquam evanuisse, aut recessisse. Alii succum nativum accipiunt; quasi dicat: Semper ei fuit facies & totum corpus succulentum & plenum, non exhaustum, siccum, aridum, in rugas contractum, ut aliis senibus. Nonnulli reddunt: *Et non defecit gena, maxilla eius;* id est, vel decidentibus dentibus, quod Nostrer intellexit: vel quod ei genæ vel malæ labascerent, ut senibus. De Augusto morti proximo Svetonius cap. xcix. *Capillum sibi comi, ac malas labentes corrigi præcepit.* Seneca in Hypollito:

..... lapsæ genæ,
Lucem recuunt

V. 9. QUIA MOYSES POSUIT SUPER EUM MANUS SUAS. Quidam Hebr. vertunt: *Cum imposuisset Moyses manus suas ei, scilicet ex mandato Dei.* Vide historiam totam Numer. xxvii. vers. 18. & seqq. & supra cap. xxxi. vers. 7. & 23.

V. 10. QUEM NOSSET DOMINUS FACIE AD FACIEM. Vide Exod. xxxiii. vers. 11. & Numeror. xii. vers. 6. & seqq.

V. 11. IN OMNIBUS SIGNIS, ATQUE PORTENTIS. Tres sunt dativi Hebr. qui per ablativos recte redduntur. Alii, *per omnia signa, & prodigia;* vel *propter omnia signa, &c.* aut *secundum omnia signa, &c.*

V. 12. ET CUNCTAM MANUM ROBUSTAM, &c. Totum verbum verbatim ex Hebræo convertimus (*Et omni manus obtenta, & omni timori grandi; quæ fecit Moyses oculis omnis Israël.*) Quidam ita: *Et secundum cunctam manum robustam, & omnem terrorem magnum, quem fecit Moyses in oculis totius Israël.* Alii: *Tum omnibus operibus manus fortis, & omnibus operibus terroris maximi, id est terribilibus maximis, quæ fecit Moyses ante oculos totius Israël.*

Hebræi fere omnes, & plerique Nostrorum persuasum habent, hoc totum ultimum caput non scriptum a Moysen: nec enim est verisimile eum suam mortem & laudes descripsisse: sed a Ioseph, vel ab Esdra adiectum. Sed cum divino & prophetico scriberet Moyses spiritu, non dubitamus & hoc quoque integrum caput conscripsisse.

Valentini 26. Septembris 1622. ætatis mæx LVIII. cum tamen opus 20. ferme dierum spatio intermisum fuerit.

MENOCHII.

Vers. 1. DE CAMPESTRIBUS MOAB: in quibus hactenus Israelitarum castra trans Iordanem stativum habuerunt. **SUPER MONTEM NEBO, IN VERTICEM PHASGA.** Nebo mons altissimus montium Abarim. Phasga vertex subtilissimus montium Nebo. Eo ascendit, quia inde late patebat prospectus promissæ terræ. **TERRAM GALAAD.** Late capitur terra Galaad protota ea terra quam Rubenitæ, Gaditæ, Manassitæ possederunt trans Iordanem. **USQUE AD DAN,** usque ad eam urbem quæ postmodum a Danitis possessa, dicta fuit Dan, cum antea *Lesem*, vel *Lais* diceretur. Vide superiori cap. num. 22.

V. 2. ET UNIVERSUM NEPHTHALI: quæ scilicet Nephthalitis attribueda erat. Idem intellige de aliis tribubus Ephraim, Manasse, Iuda, &c. **MARE NOVISSIMUM:** mare mediterraneum ad occidentem.

V. 3. ET AUSTRALEM PARTEM: quam tribus Iuda, & Simeon terminabant. **LATITUDINEM CAMPI IERICO.** Hæc cum sua longissimi campi planitie in tribu Benjamin extitit. **CIVITATIS**
PAL-

PALMARUM: Iericho, quæ sic alibi appellatur Iud. x. 16. & 111. 13. & II. Paral. xxviii. 15. Ita dicta a multitudine palmarum. **USQUE SEGOR:** iuxta Alphathiten lacum, in quam se recepit Lot Genf. xix.

V. 5. MORTUUSQUE EST IBI MOYSES. Ultimam hoc caput Deuteronomii, aut saltem mortem Moysi, alii ab Eldra, alii, quod verisimilius, a Iosue scriptam existimant.

V. 6. ET SEPELIVIT EUM, Dominus Angelorum ministerio. CONTRA PHOGOR, e regione eius loci in quo Phogor idolum colebatur. **ET NON COGNOVIT HOMO SEPULCRUM EIVS USQUE IN PRÆSENTEM DIEM.** Id propterea factum a Deo, ne Israelitæ ad idololatriam propensi, eum pro Deo colerent.

V. 8. FLEVERUNTQUE EUM, &c. iusta funebria illi perolverunt.

V. 9. REPLETUS EST; id est, repletus fuerat: factum enim hoc est aliquanto ante mortem Moysi. **POSUIT SUPER EUM MANUS,** id est poluerat.

V. 10. SICUT MOYSES, hoc est, similis Moysi, scilicet quo ad ea quæ sequuntur. **QUEM NOSSET DOMINUS FACIE AD FACIEM;** hoc est, cum quo Deus ita familiariter ageret, & colloqueretur.

V. 11. QUAE MISIT PER EUM UT FACERET IN TERRA AEGYPTI; hoc est, cui Deus concessit tot signa, & prodigia facere, propter quæ faciendam, miserat eum.

T I R I N I.

Vers. 3. CIVITATIS PALMARUM. Sic passim in Scripturis a Iericho vocatur, quod palmis abundaret, teste Ioseph b.

Vers. 5. MORTUUSQUE EST IBI MOYSES. Prima die mensis duodecimi, inquit Ioseph c, vel septima die, ut in Seder-Olam d notatur. Atque ex his verbis constat, Moysem non servari etiamnum in vivis, ut cum Enoch, & Elia prodest contra Antichristum, uti sensit Ambrosius, Catarinus, Arboreus, & alii citati a Suarez III. p. qu. xiv. art. 5.

Petes: Cur ergo sepulcrum eius hucusque incognitum? cur neminem morti illius adeste voluit Deus? Respondeo, ne

Israelitæ ad idololatriam procliviores, virum tam admirabilem ac prope divinum pro Deo haberent, illiusque cadaver pro numine colerent. Et hæc erat etiam altercatio Michaelis Archangeli cum diabolo de Moysi corpore, cuius meminit S. Iudas vers. 9. suæ Epistolæ: nempe volebat diabolus ut Moysi sepulcrum innotesceret Israelitis, atque ita in idololatriam pellicerentur; Michael vero, ne quid tale contingeret, voluit occultum servari.

IN TERRA MOAB. Quomodo mortuus, & sepultus est Moyses in terra Moab, cum Moabitarum regionem non occuparint Israelitæ; Deo id vetante Deuter. 11. vers. 9. Respondeo: Vetuit Israelitas Deus eam Moabitarum regionem occupare quam tum temporis illi pacifice incolebant. Sed non vetuit, immo iussit, occupari eam ex qua fuerant iam pridem ab Amorrhæis eieci; quæ tamen passim antiquo adhuc nomine etiam in Scriptura *Terra Moab* vocatur: & in hac erat mons Nebo, altissimus montium Abarim, in cuius vertice omnium subtilissimo Phaga mortuus & sepultus est Moyses, Num. xxi. & xxvii.

V. 6. ET SEPELIVIT EUM. Quis? cum nullus hominum præfens adestet. Respondeo, Deusope Angelorum, ut habent Septuaginta secundum explanationem Philonis, & Epiphaniæ e. Idque ob causam iustas, quia alias innotuisset locus sepulcri; cum tamen hic dicatur: **NON COGNOVIT HOMO SEPULCRUM EIVS USQUE IN PRÆSENTEM DIEM.** Ex quibus etiam verbis patet, hæc non a Moyse, sed ab alio quopiam huic Libro inserta fuisse, & verisimilius a Iosue successore illius, & rerum post mortem eius gestarum accurato scriptore, ut patebit ex libro sequenti. Quin immo totum hoc caput, & plura quoque alia loca ab eodem Iosue hinc inde in Pentateucho, maxime ubi Moyses effuse laudatur, inserta fuisse, plurimorum est opinio, quod censent, virum tam modestum in laudes proprias nunquam tam ample excursum.

(a) Indic. 1. vers. 16. & cap. 111. vers. 13. & II. Paralip. xxviii. vers. 15.

(b) Ioseph Lib. IV. Antiq. cap. v. & Lib. V. Bel. II. cap. xv.

(c) Ioseph Lib. IV. Antiq. cap. ult.

(d) Chron. cap. 12. in fine.

(e) Philo Lib. III. de Vita Moysi. Epiph. hæresi 12 GOR.

GORDONI.

Verf. 1. **H**unc montem descripsi Num. cap. xxvii. De Phasga vide Num. cap. xxi. *verf. 20. Mare novissimum* est occidentale, seu mediterraneum.

V. 2. ET UNIVERSAM, &c. Anope aliqua supernaturali adfuerit Deus Mosis, ut has terras distincte intueretur, textus non explicat. Coniecturas omitto.

V. 3. PALMIS ABUNDABAT IERICO: & hinc dicta est *palmarum urbs*, Iudic. cap. 1. *verf. 16.* Vide Iosephum Lib. IV. Antiq. cap. v.

V. 5. MORTUUSQUE EST MOYSES. Vide mortem hanc descriptam apud Iosephum Lib. IV. Antiq. cap. ult. Colligunt recte Interpretes obitum Mosis incidisse in diem tertium, vel quartum mensis Adar, qui est nobis Februarius, & Hebræis duodecimus. Constat ratio numeri. Nam luxit populus Moſen diebus triginta, ut hic dicitur *verf. 8.* postea triduum consumptum est in reditu exploratorum, & aliud triduum in mora ad Iordanem. Ergo ab hac morte ad transitum sunt dies triginta sex: hic enim transitus incidit in diem decimum mensis primi, insequentis post mortem, ex Iosue iv. *verf. 19.* Ergo regrediendo obiit Moſes die quarto mensis ultimi, quem vocavi Adar: inde vero su-

perſunt dies viginti ſex ad primum menſem. Adde dies decem primi menſis, erunt a morte ad tranſitum dies triginta ſex. Tamen Martyrologium conſignat mortem Moſis ad menſem Septembrem. Sed neque hoc cohæret cum dicta ratione temporis, quamvis recurat aliquis ad duplicem annum ſacrum, & popularem, de quo dixi alibi. De exactis eam annis quadraginta ab Exodo, vide Num. xiv. *verf. 33.*

V. 6. ET SEPELIVITURUM, ſcilicet Dominus miniſterio Angelorum. Septuag. *ſepelierunt*, ſcilicet Angeli. Mons Phasga eſt in terra Moabitaram contra Phegor, in parte verſus ſanum idoli Moabitaram. Ceterum non ſe ſcriptis mortuum Moſes, ut aliqui putarunt; ſed certius eſt, totum hoc caput ſcriptum eſſe a Iosue, ut ait Abulenſis, qui tamen excipit quatuor primos verſus. Nec eſt recipienda opinio quæ aſſerit, Moſen non eſſe mortuum, ſed tranſlatum: reſurrexiſſe tamen cum Chriſto, non eſt improbabile. Sepultus recte putatur miniſterio Angelorum: fruſtra renitente diabolo, ex Epist. Iudæ. Vide Iosue i. *verf. 1.*

V. 8. FLEVERUNT, id eſt obſequio funebri, non lacrymis, ex Hieronymo Epist. xxv.

V. 10. Moſes ceteros prophetas portentis ſuperavit, & ſingulari familiaritate cum Deo.



FINIS TOMI TERTII.

